






Digitized by the Internet Archive
in 2011 with funding from
University of Toronto



This Missal is
the property of the
Catholic Church
of Monaca Mills
July 16th
1848

M. J. Mills
Miss.
Sajalca

Transferred to the Church
of Orangeville. Feb. 1886
M. Jeffcott
P.P.

These are the
originals of the
Catharine Church.

of the
Museum
July 1848

Mr. H. M.
W. M.
J. M.

...

gift

MISSALE ROMANUM,

EX DECRETO

SACROSANCTI CONCILII TRIDENTINI

RESTITUTUM,


SANCTI PII V. PONTIFICIS MAXIMI

JUSSU EDITUM,

CLEMENTIS VIII. ET URBANI VIII.

AUCTORITATE RECOGNITUM.

EDITIO NOVISSIMA, IN QUA OMNIA ACCURATE SUIS LOCIS DISPOSITA SUNT, ET
MISSÆ NOVISSIMÆ SANCTORUM ADJECTÆ.



BALTIMORI:

APUD F. LUCAS, JUNIOREM, BIBLIOPOLAM,

VIA VULGO DICTA MARKET, No. 138.

MDCCCXXXV.

APPROBATIO ORDINARIJ.

Omnibus has visuris, salutem in Domino.—Hanc alteram Missalis Romani Editionem, Typis à Fielding Lucas, Jun. mandatam, cum exemplari jam antea ritè recepto diligenter collatam, eidemque conformem inventam, per præsentem approbamus.

Datum Baltimori, die 28 Octobris 1834.

✠ SAMUEL, Archiepiscopus Baltimorensis.



TYPIS

JACOBI KAY, JUN. ET SOC.
PHILADELPHIÆ.

URBANUS PAPA VIII.

AD PERPETUAM REI MEMORIAM.

SI quid est in rebus humanis plane divinum, quod nobis superni Cives (si in eos invidia caderet) invidere possent, id certe est Sacrosanctum Missæ Sacrificium, cujus beneficio fit, ut homines quadam anticipatione possideant in terris cælum, dum ante oculos habent, et manibus contrectant ipsum cæli terræque Conditorem. Quo magis est mortalibus laborandum, ut hoc tantum privilegium cultu atque honore debito tueantur, caveantque Angelos negligentiae osiores, qui sunt æmuli venerationis. Hinc factum est, ut hujus sacri Mysterii celebrandi rationem ac preces, quas Summi Pontifices prædecessores Nostri Pius V. et Clemens VIII. diligentissime recognosci atque instaurari curaverunt; Nos quoque eorum vestigiis inhærentes, iterum examinari, et si quid forte in iis assiduus (quod plerumque contingit) temporis cursus corruerit, restitui jusserimus. Quamobrem, sicuti nuper ad divini Officii nitorem reformari Breviarium, ita demum hujus exemplo ad divini Sacrificii ornamentum corrigi Missale mandavimus. Et quoniam hasce quasi alas, quas Sacerdos instar Cherubim prisca mystici Tabernaculi quotidie pandit ad verum mundi Propitiatorium, decet esse plane genuinas atque uniformes, hujus rei curam commissimus viris eruditis ac piis, quorum diligentia ita opus perfectum est, ut nihil desiderari amplius possit. Nam rubricæ, quæ sensim ab usu ritumque vetere degeneraverant, in pristinum restitutæ; quæ vero non ita captui legentium accommodatæ videbantur, clarius explicatæ: præterea collata omnia cum codice Sacræ

Scripturæ Vulgatæ editionis, quæque diversa irrepserant, ad ejus unius exemplum normamque correctæ sunt. Verumtamen parum prodesse consuevit solertia correctorum, nisi ad eam par Typographorum accedat industria: propterea dilecto filio Andreae Brogiotto Typographiæ nostræ Apostolicæ Præfecto mandavimus, ut Missale ita expurgatum in lucem emittat; sed quæ in posterum extra Urbem imprimi contigerit, ea non aliter, quam ad exemplar in dicta Typographia nunc editum imprimi posse permittimus, requisita tamen prius, et in scriptis obtenta dilectorum filiorum Inquisitorum hæreticæ pravitatis in iis locis in quibus fuerint; ubi vero non fuerint, Ordinariorum locorum facultate: alioquin si absque ea dictum Missale ipsi posthac imprimere, aut Bibliopolæ vendere præsumpserint, Typographi et Bibliopolæ extra Statum Nostrum Ecclesiasticum existentes, excommunicationis latæ sententiæ, a qua nisi a Romano Pontifice, præterquam in mortis articulo constituti, absolvi nequeant; in alma vero Urbe et reliquo Statu Ecclesiastico commorantes, quingentorum ducatorum auri de Camera ac amissionis librorum et typorum omnium Cameræ prædictæ applicandorum pœnas absque alia declaratione irremissibiliter incurrant eo ipso: et nihilominus eorundem Missalium per eos de cetero absque hujusmodi licentia imprimendorum aut vendendorum usum ubique locorum et gentium sub eisdem pœnis interdiciamus et prohibemus. Ipsi autem Inquisitores, seu Ordinarii locorum, antequam hujusmodi licentiam et facultatem


concedant, Missalia ab ipsis Typographis imprimenda, et postquam impressa fuerint, cum hoc Missali auctoritate Nostra recognito diligentissime conferant, nec in illis aliquid addi vel minui permittant. In ipsa vero licentia originali obtinenda, de collatione facta, et quod omnino concordent, manu propria attestentur: cujus licentiæ copia initio, vel in fine cujusque Missalis semper imprimatur. Quod si secus fecerint, Inquisitores privationis suorum officiorum, ac inhabilitatis ad illa et alia in posterum obtinenda, Ordinarii autem locorum suspensionis a divinis, ac interdicti ab ingressu Ecclesiæ, eorum Vicarii privationis similiter Officiorum et beneficiorum suorum, et inhabilitatis ad illa et alia in posterum obtinenda, ac insuper excommunicationis absque alia declaratione pœnas incurrant eo ipso. Ceterum pauperum Ecclesiarum, Clericorum, et personarum Ecclesiasticarum, ac Typographorum, et Bibliopolarum quorumcumque indemnitate ex benignitate Apostolica rationem habentes, eisdem Missalia hactenus impressa penes se habentibus, ut ea retinere, et illis uti, eaque vendere respective possint, similiter permittimus et indulgemus. Non obstantibus licentiis, indultis, et privilegiis quibus-

cumque Typographis, per Nos, seu Romanos Pontifices prædecessores nostros Missale imprimendi concessis, quæ per præsentis expresse revocamus, et revocata esse volumus, necnon constitutionibus, et ordinationibus Apostolicis generalibus vel specialibus, in contrarium præmissorum quomodocumque concessis, approbatis, et confirmatis. Quibus omnibus, etiamsi de illis eorumque totis tenoribus specialis, specifica et expressa mentio habenda esset; tenores hujusmodi præsentibus pro expressis habentes, hac vice dumtaxat specialiter et expresse derogamus. Volumus autem ut præsentium transumptis etiam impressis, manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, eadem prorsus fides adhibeatur quæ ipsis præsentibus adhiberetur, si essent exhibitæ vel ostensæ.

Datum Romæ apud S. Mariam Majorem sub Annulo Piscatoris, die secundo Septembris MDCXXXIV, Pontificatus Nostri Anno duodecimo.

M. A. Maraldus.

J. Savenier.



DE CALENDARIO ECCLESIASTICO.

I. *De Anno et ejus Partibus.*

ANNUS menses habet duodecim, hebdomadas duas et quinquaginta et diem unum; dies vero trecentos sexaginta quinque, et fere sex horas: tanto enim temporis intervallo Sol Zodiacum perlustrat. Quater autem sex horæ singulis quaternis annis diem constituunt: hinc annus ille intercalaris, Bissexthus vel Bissextilis dicitur.

II. *De Annorum Computatione a Gregorio XIII. correctæ.*

QUOD dictum est, Annum continere trecentos et sexaginta quinque dies, et fere sex horas, intelligendum est sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365, contineret integras sex horas; et factum est ut minuta quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem; qui causam dederunt, ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582, præcedendo recesserat, quod a Concilio ad xii. Kalendas Aprilis fuerat constitutum, et xiv. Lunam Paschalem suo in loco reposuit; sed viam quoque tradidit, et rationem qua cavetur ut in posterum et Æquinoctium vernum et xiv. Luna Paschalis a propriis sedibus nunquam removerentur.

Ut enim Æquinoctium vernum ad xii. Kalendas Aprilis restitueretur, statuit, ut dicti decem dies in mense Octobris ipsius

anni 1582 eximerentur, ut post quartam diem Octobris S. Francisco sacram, sequens dies non esset quinta, sed decima quinta, Octobris. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xii. Kalendas Aprilis Æquinoctium vernum recederet, statuit idem Gregorius, Bissexthum quarto quoque anno (uti mos est) continuari debere, præterquam in centesimis annis; qui quamvis Bissextilis antea semper fuerint, qualem etiam esse voluit annum 1600, anno correctionis proximum, post eum tamen qui deinceps consequentur, centesimi non omnes Bissextilis essent, sed in quadringentis quibusque annis primi quique trecentesimi sine Bissexto transigerentur; quartus vero quisque centesimus esset Bissextilis, ita ut annus 1700, 1800, 1900, Bissextilis non sint, anno vero 2000, more consueto dies Bissexthum intercaletur, Februario dies 29 continente, idemque ordo intermittendi intercalandique Bissexthum diem in quadringentis quibusque annis perpetuo conservaretur.

III. *De Quatuor Temporibus.*

QUATUOR Tempora celebrantur quarta et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

IV. *De Nuptiis; quando, juxta Decretum Concilii Tridentini, celebrari non possunt.*

ADOMINICA prima Adventus usque in diem Epiphaniæ, et a FERIA quarta

Cinerum usque in Octavam Paschatis inclusive, sancta Synodus solemnitates nuptiarum prohibet. In aliis vero temporibus nuptias solemniter celebrari permittit.

V. De Æquinotiis et Solstitiis.

POST Calendarii correctionem cadunt hoc tempore Æquinotia, in 21 Martii, et 23 Septembris; Solstitia vero, in 22 Junii et Decembris.

VI. De Cyclo Decennovennali Aurei Numeri.

CYCLUS decennovennalis Aurei Numeri est revolutio numeri 19 annorum, ab 1 usque ad 19, qua revolutione peracta, iterum ad unitatem reditur. Verbi gratia: Anno 1577, numerus Cycli decennovennalis, qui dicitur Aureus, est 1, anno sequenti 1578, est 2, et ita deinceps in sequentibus annis, uno semper amplius usque ad 19, qui Aureus numerus cadet in annum 1595, post quem iterum ad unitatem redeundum est; ita ut anno 1596, Aureus numerus sit rursus 1, et anno 1597, sit 2, etc.

Igitur ut Aureus numerus quolibet anno proposito inveniatur, composita est sequens tabella Aureorum Numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus Numerus cujuslibet anni post annum 1582, reperietur hoc modo.

6.	7.	8.	9.	10.	11.	12.	13.	14.	
15.	16.	17.	18.	19.	1.	2.	3.	4.	5.

Anno 1582 tribuatur primus numerus tabellæ qui est 6, secundus autem qui est 7, sequenti anno 1583, et ita deinceps in infinitum, donec ad annum, cujus Aureum Numerum quæris, perveniatur, redeundo ad principium tabellæ, quotiescumque eam percurreris. Nam numerus, in quem annus propositus cadit, dabit Aureum Numerum quesitum.

Modus brevis cognoscendi Aureum Numerum cujusque Anni.

Número anni de quo quæris adde unicam unitatem 1. Exempli gratia, 1816, adde 1, summam inde conflata divide per 19; quod superest, erit Aureus Nu-

merus ipsius anni, si nihil superest, erit Aureus Numerus 19.

VII. De Epactis et Noviluniis.

EPACTA nihil aliud est, quam numerus dierum quibus annus solaris communis dierum 365, annum communem Lunarem dierum 354 superat; ita ut Epacta primi anni sit 11, cum hoc numero annus solaris communis lunarem annum communem excedat: atque adeo sequenti anno Novilunia contingant 11 diebus prius quam anno primo. Ex quo fit Epactam secundi anni esse 22 cum eo anno rursum annus solaris lunarem annum superet 11 diebus, qui addit ad 11 dies primi anni, efficiunt 22, ac proinde finito hoc anno, Novilunia contingere 22 diebus prius quam primo anno: Epactam autem tertii anni esse 3, quia si rursus 11 dies ad 22 adjiciantur, efficietur numerus 33, a quo si rejiciantur 30 dies qui unam Lunationem Embolismalem constituunt, relinquentur 3, atque ita deinceps. Progrediuntur enim Epactæ omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aureo Numero 19 respondentem, quæ est 29, adduntur 12, ut abjectis 30 ex composito numero 41, habeatur rursus Epacta 11 ut in principio. Quod ideo fit, ut ultima Lunatio Embolismica, currente Aureo Numero 19, sit tantum 29 dierum. Si enim 30 dies contineret, ut aliæ sex Lunationes Embolismicæ, non redirent Novilunia post 19 annos solares ad eosdem dies, sed versus calcem mensium prolaberentur, contingerentque uno die tardius quam ante 19 annos. De qua re plura invenies in libro novæ rationis restituendi Calendarii Romani. Sunt autem novemdecim Epactæ, quot et Aurei Numeri; respondebantque ipsis Aureis Numeris ante Calendarii correctionem, eo modo quo in hac tabella dispositæ sunt.

Tabella Epactarum respondentium Aureis Numeris ante Calendarii Correctionem.

Aur. Num.	1.	2.	3.	4.	5.	6.	7.
Epactæ.	xi.	xxii.	iii.	xiv.	xxv.	vi.	xvii.
	8.	9.	10.	11.	12.	13.	
	xxviii.	ix.	xx.	i.	xii.	xxiii.	
	14.	15.	16.	17.	18.	19.	
	iv.	xv.	xxvi.	vii.	xviii.	xxix.	

Quia vero Cyclus decennovennalis Aurei Numeri imperfectus est, cum Novilunia post 19 annos solares non præcise ad eadem loca redeant, ut dictum est, imperfectus etiam erit hic Cyclus 19 Epactarum. Quamobrem ita emendatus est, ut in posterum loco Aurei Numeri, et dictarum 19 Epactarum, utamur 30 Numeris Epactalibus, ab 1 usque ad 30, ordine progredientibus, quamvis ultima Epacta, sive quæ ordine est trigesima, notata numero non sit, sed signo *, propterea quod nulla Epacta esse possit 30. Variis autem temporibus, ex his 30 Epactis respondent decem et novem Aureis Numeris variæ decem et novem Epactæ, prout solaris anni, ac lunaris æquatio exposcit: quæ quidem decem et novem Epactæ progrediuntur, ut olim, per eundem numerum 11, addunturque semper 12 illi Epactæ, quæ respondet Aureo Numero 19, ut habeatur sequens Epacta respondens Aureo Numero 1, ob rationem paulo ante dictam. Id quod sequens tabella perspicuum faciet, quæ continet Aureos Numeros, et Epactas inter se respondententes ab anno correctionis 1582, post detractiorem x. dierum, usque ad annum 1700 exclusive. Quamvis autem vulgares Epactæ mutantur in Martio, re ipsa tamen in principio anni mutandæ sunt una cum Aureo Numero, in cuius locum hæ nostræ Epactæ succedunt.

Tabella Epactarum respondentium Aureis Numeris ab Idibus Octobris anni correctionis 1582 (detractis prius decem diebus) usque ad annum 1700 exclusive.

<i>Au. Nu.</i>	6.	7.	8.	9.	10.	11.	12.
<i>Epac.</i>	xxvi.	vii.	xviii.	xxix.	x.	xxi.	ii.
	13.	14.	15.	16.	17.	18.	19.
	xiii.	xxiv.	v.	xvi.	xxvii.	viii.	xix.
	1.	2.	3.	4.	5.		
	i.	xii.	xxiii.	iv.	xv.		

Tabella Epactarum respondentium Aureis Numeris ab anno 1700 inclusive usque ad annum 1900 exclusive.

<i>Au. Nu.</i>	10.	11.	12.	13.	14.	15.
<i>Epac.</i>	ix.	xx.	i.	xii.	xxiii.	iv.
	16.	17.	18.	19.	1.	2.
	xv.	xxvi.	vii.	xviii.	xi.	xxii.
	4.	5.	6.	7.	8.	9.
	iii.	xiv.	xxv.	vi.	xvii.	xxviii.

Tabella Epactarum respondentium Aureis Numeris ab anno 1900 inclusive usque ad annum 2200 exclusive.

<i>Au. Nu.</i>	1.	2.	3.	4.	5.	6.
<i>Epac.</i>	xxix.	x.	xxi.	ii.	xiii.	xxiv.
	7.	8.	9.	10.	11.	12.
	v.	xvi.	xxvii.	viii.	xix.	*
	14.	15.	16.	17.	18.	19.
	xxii.	iii.	xiv.	25.	vi.	xvii.

Quælibet autem Tabella ab eo Aureo Numero initium sumit, qui illo anno currit, a quo usus Tabellæ incipit. Et licet in his Tabellis diversæ semper Epactæ Aureis Numeris respondeant, aliquando tamen continget, ut eisdem Aureis Numeris eadem Epactæ respondeant, quæ olim ante correctionem Calendarii.

Itaque si Epacta quocumque anno proposito invenienda sit, quærendus est Aureus Numerus illius anni in superiori ordine illius tabellæ, quæ illi tempori in quo propositus annus continetur, congruit. Mox enim sub Aureo Numero in inferiori ordine Tabellæ reperietur Epacta anni propositi, vel certe hoc signum *. Ubi ergo illa Epacta vel signum * in Calend. inventum fuerit, eo die Novilunium fiet. Invenietur autem Aureus Numerus, vel ex antecedente canone, vel ex tabella Epactarum proposito tempori congruente,tribuendo primum Aureum Numerum illius tabellæ illi anno a quo usus tabellæ incipit, et secundum Aureum Numerum sequenti anno, etc. Eodem modo reperietur Epacta sine Aureo Numero, si prima Epacta tabellæ tribuatur illi anno a quo ejus usus incipit, et secunda Epacta sequenti anno, etc.

Exemplum. Anno correctionis 1582 Aureus numerus est 6, nempe primus primæ tabellæ, cujus usus incipit ab Idibus Octobris dicti anni 1582, detractis prius x. diebus. Erit ergo tunc Epacta xxvi. quæ sub Aureo Num. 6 collocatur, fietque Novilunium die 27 Octob. et 26 Nov. et 25 Dec. Item anno 1583 jam correcto Aureus Numerus est 7 cui in eadem tabella supposita est Epacta vii, quæ toto eo anno in Calendario Novilunia indicabit, ut in Januario die 24, in Feb. die 22, in Martio die 24, etc.

Rursus anno 1710 Aureus Numerus est 1 sub quo in ordine Epactarum secundæ tabellæ, quæ anno proposito congruit, collocatur hoc signum *. quod in Calendario, toto eo anno Novilunia de-

monstrabit; nimirum in Januario die 1 et 31, in Martio (nam in Febuario nullum tunc erit Novilunium, cum in eo signum* non reperiatur), die 1 et 31, in Aprili die 29, etc.

Postremo, anno 1916 Aureus Numerus est 17 sub quo in ordine Epactarum tertiæ tabellæ, quæ proposito anno congruit, reperitur Epacta 25 non antiquo numero, ut aliæ Epactæ, sed vulgari numero scripta. Ubicumque ergo anno 1916 in Calendario Epacta 25 vulgari numero scripta reperitur, ibi Novilunium fit; ut in Januario die 6, in Febuario die 4, in Martio die 8, in Aprili die 4, etc.

Quotiescumque enim Epacta 25 respondet Aureis Numeris majoribus quam 11, quales sunt posteriores octo a 12 usque ad 19, sumenda est in Calendario Epacta 25, vulgari numero scripta; quando vero eadem Epacta 25 respondet minoribus Aureis Numeris quam 12, quales sunt priores undecim ab 1 usque ad 11 inclusive, accipienda est in Calendario Epacta xxv. antiquo numero scripta; atque hoc solum contingit in Epacta 25, et in aliis nunquam. Quod ideo fit ut anni lunares perfectius solaribus annis respondeant; ob quam etiam causam in sex locis Calendarii duæ Epactæ, scilicet xxv. et xxiv. ad eundem diem sunt scripta, ut nimirum lunationes ita sibi mutuo succedant, ut alternatim sex contineant dies 30, et sex aliæ dies tantum 29 complectantur. Id quod abunde in libro novæ rationis restituendi Calendarii Romani explicatum est.

Quod si quando Epactæ per dies Calendarii distributæ indicent Novilunia paulo serius quam res postulet, mirandum non est, cum maturo consilio ita sunt dispositæ. Cum enim nullus Cyclus Lunarum ad unguem calculo Astronomico respondere possit, sed modo citius, modo tardius Novilunia indicet, data est diligenter opera in distribuendo Cyclo hoc 30 Epactarum in Calendario, ut potius Novilunia serius aliquando per Epactas demonstrarentur, quam ut aliquando sedes suas antevertant, ne cum Quarto-decimanis hæreticis sacrosanctum Pascha, vel in xiv. Luna, vel ante celebretur: adeo ut propter celebrationem Paschæ major sit habita ratio xiv. Lunæ vel Plenilunii, quam Novilunii; neque magni refert si aliquando, quod raro tamen accidit, propter hanc Novilunii postpositionem, contingat Pascha celebrari post diem xxi. Lunæ. Minus enim hoc peccatum est,

quam si ante diem xiv. Lunæ celebretur, vel in ultimo mense, quod esset absurdissimum. Sed de his plura in libro novæ rationis restituendi Calendarii Romani ubi hæc omnia copiosissime explicantur.

VIII. De Littera Dominicali.

QUONIAM tum propter decem dies ablatos ex mense Octobri anni 1582, tum etiam propter tres bissextos quibusque quadringentis annis omittendos, ut in libro novæ rationis restituendi Calendarii Romani, et in Bulla correctionis anni a Gregorio XIII. Pontifice Maximo sancitum est, Cyclus Litterarum Dominicalium quibusque 28 annis in seipsum rediens, et ad hanc usque diem ab Ecclesia Romana usitatus interrumpatur necesse est; proponimus sequentem tabellam Litterarum Dominicalium omnibus annis post Idus Octobris anni correctionis 1582, (detractis prius x. diebus) usui futuram usque ad annum 1700 exclusive.

Tabella Litterarum Dominicalium ab Idibus Octobris anni correctionis 1582 (detractis prius x. diebus) usque ad annum 1700 exclusive.

c	b	A	f	e	d	c	A	g	f	e	c	b	A
		g				b				d			
g	e	d	c	b		g	f	e	d	b	A	g	f
f				A				c				e	d

Usus hujus tabellæ hic est. Anno correctionis 1582, post Idus Octobris (detractis prius x. diebus), tribuatur littera c, primæ cellulæ, et sequenti anno 1583 littera b, et anno 1584, dentur litteræ A g, secundæ cellulæ, et sic deinceps aliis annis ordine aliæ litteræ tribuantur, donec ad annum propositum perventum sit, redeundo ad principium tabellæ, quotiescumque eam percurreris. Nam littera sive cellula, in quam annus propositus cadit, dummodo minor sit quam annus 1700, dabit litteram Dominicalem propositi anni. Quæ si unica occurrerit, annus erit communis; si vero duplex, Bissextilis: et tunc superior littera Dominicam diem ostendet in Calendario a principio anni usque ad Festum S. Matthiæ Apostoli, inferior autem ab hoc Festo usque ad finem anni. Exempli gratia, Sit invenienda littera Dominicalis anni 1587, numera ab anno 1582 quem tribue primæ litteræ c, usque ad annum 1587 tribuendo

singulis cellulis singulos annos, computando geminas litteras quascumque, superiorem et inferiorem, pro una cellula, cadetque annus 1587 in litteram *d*, quæ sextum locum in tabella occupat. Est ergo toto eo anno littera Dominicalis *d*, annusque communis est, cum littera simplex occurrat. Rursus sit investiganda littera Dominicalis anni 1616, numera ab anno 1582, ut dictum est, usque ad annum 1616 redeundo ad principium tabellæ, postquam eam percurreris, perveniesque ad duas hasce litteras *c b*, septimo loco positas. Est ergo annus ille Bissextilis, cum duplex littera occurrat, superiorque littera *c* Dominicam diem indicabit a principio anni illius usque ad Festum sancti Matthiæ, inferior autem *b*, in reliqua parte anni.

Finito autem anno 1699, in cuius fine usus superioris Tabellæ Litterarum Dominicalium terminatur, assumenda est primo sequens Tabella Litterarum Dominicalium, cuius usus incipit ab anno 1700 inclusive, duratque usque ad finem anni 1799. Deinde secunda Tabella ab anno 1800 inclusive, usque ad annum 1900 exclusive. Quarum usus idem est qui superioris Tabellæ, ita tamen ut ex primis duabus litteris anno illi centesimo, a quo usus cuiusque Tabellæ incipit, respondentibus, inferior assumatur, relicta superiori, quia hæc in anno præcedenti usum habuit.

Tabella Litterarum Dominicalium ab anno 1700 inclusive usque ad annum 1800 exclusive.

d	b	A	g	f	d	c	e	A	f	e	d	c	b	A	g	f
c				e				g					b			
	e	c	b	A	g	f	e	d	c	b	A	g	f	e	d	c
	d				f					A						

Tabella Litterarum Dominicalium ab anno 1800 inclusive usque ad annum 1900 exclusive.

f	d	c	b	A	f	e	d	c	b	A	g	f	e	d	c	b	A
e				g				b					d				
	g	f	e	d	c	b	A	g	f	e	d	c	b	A	g	f	e
	f					A					c						

IX. De Indictione.

INDICTIO est revolutio 15 annorum ab 1 usque ad 15, qua revolutione per-

**

acta, iterum reditur ad unitatem, initiumque sumit quilibet annus hujus cycli a Januario in Bullis Pontificiis. Et quoniam Indictionum frequens usus est in Diplommatibus, et scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est: initium tamen sumit ab anno correctionis 1582.

Tabella Indictionis ab anno correctionis 1582.

10.	11.	12.	13.	14.	15.	1.	
2.	3.	4.	5.	6.	7.	8.	9.

Nam si anno 1582 tribuas primum numerum, qui est 10, et sequenti anno 1583 secundum numerum qui est 11, et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem quæ quæritur.

X. De Festis Mobilibus.

QUONIAM ex Decreto sacri Concilii Nicæni Pascha, ex quo reliqua Festa mobilia pendent, celebrari debet die Dominico, qui proxime succedit xiv. Lunæ primi mensis: (is verò apud Hebræos vocatur primus mensis, cujus xiv. Luna vel cadit in diem verni Æquinoctii, quod die 21 mensis Martii contingit, vel propius ipsum sequitur;) efficitur, ut si Epacta cujusvis anni inveniatur, et ab ea in Calendario notata inter diem octavum Martii inclusive, et quintum Aprilis inclusive, (hujus enim Epactæ xiv. Luna cadit vel in diem Æquinoctii verni, id est, in diem 21 Martii, vel eum propius sequitur;) numerentur inclusive deorsum versus dies quatuordecim, proximus dies Dominicus diem hunc xiv. sequens, (ne cum Judæis conveniamus, si forte dies xiv. Lunæ caderet in diem Dominicum,) sit dies Paschæ.

Exemplum. Anno 1605 Epacta est x. et littera Dominicalis *b*. Et quoniam invenimus Epactam x. inter diem 8 Martii et 5 Aprilis inclusive positam esse e regione diei 21 Martii, a quo inclusive si deorsum versus numerentur 14 dies, inveniemus xiv. Lunam die 3 Aprilis quæ est Dom. cum e regione illius sit littera Dominicalis *b*: ne igitur cum Judæis conveniamus qui Pascha celebrant die xiv. Lunæ, sumenda est littera Dominicalis *b*,

quæ sequitur xiv. Lunam, nempe ea quæ e regione diei 10 Aprilis collocatur: atque eo anno Pascha celebrandum erit die 10 Aprilis. Item anno 1604, Epacta est xxix, et duplex littera Dominicalis *d c*, cum annus ille sit Bissextilis. Si igitur ab Epacta xxix. quæ e regione diei 1 Aprilis ponitur inter diem 8 Martii, et 5 Aprilis inclusive, numerentur dies 14, cadet xiv. Luna in diem 14 Aprilis. Et quia tunc currit posterior littera Dominicalis, nempe *c*, quæ post diem 14 Aprilis, id est, post xiv. Lunam collocata est e regione diei 18 Aprilis, celebrabitur eo anno Pascha die 18 Aprilis.

Cæterum ut facilius omnia Festa mobilia inveniantur, compositæ sunt duæ sequentes Tabulæ Paschales, una antiqua, et nova altera. Ex antiqua ita Festa mobilia reperientur. In latere sinistro tabulæ accipiatur Epacta currens, et in linea litterarum Dominicalium sumatur littera Dominicalis currens, infra tamen Epactam currentem: ita ut si littera Dominicalis currens reperiatur e regione Epactæ currentis, assumenda sit eadem littera Dominicalis proxime inferior. Nam e regione hujus litteræ Dominicalis omnia Festa mobilia continentur.

Exemplum. Anno 1606, Epacta est xxi. et littera Dominicalis *A*. Si igitur in tabula antiqua sumatur littera Dominicalis *A*, quæ primo infra Epactam xxi. occurrit, reperietur e regione hujus litteræ Dominica Septuag. die 22 Januarii, dies Cinerum 8 Februarii, Pascha 26 Martii, Ascensio Domini 4 Maii, Pentecostes 14 Maii, et Festum Corporis Christi 25 Maii. Dominicæ autem inter Pentecosten et adventum eo anno erunt 28, et adventus celebrabitur die 3 Dec. et sic de cæteris. Item anno 1605 Epacta est *x*, et littera Dominicalis *b*, quæ in tabula reperietur e regione Epactæ *x*. Quare sumenda est alia littera *b*, quæ proxime infra Epactam invenitur, e regione cujus invenies Septuag. die 6 Februarii, diem Cinerum 23 Februarii, Pascha 10 Aprilis, etc.

Notandum autem est, quod quemadmodum in anno communi, cadente littera Dominicali e regione Epactæ in tabula antiqua, sumitur eadem littera proxima infra Epactam ut diximus: ita quoque in anno Bissextili, si alterutra duarum litterarum Dominicalium tunc currentium e regione Epactæ reperiatur, assumendæ sunt aliæ duæ similes litteræ proximæ inferiores, ut Festa mobilia inveniantur.

Ex Tabula vero Paschali nova, ita ea-

dem Festa mobilia reperientur. In cellula litteræ Dominicalis currentis quæatur Epacta currens. Nam e directo omnia Festa mobilia deprehenduntur. Ut anno 1609, in cellula litteræ Dominicalis *d*, tunc currentis, e regione Epactæ xxiv. quæ eodem anno currit, habetur Septuagesima die 15 Februarii, dies Cinerum 4 Martii, Pascha 19 Aprilis, etc.

Sed sive antiqua, sive nova Tabula Paschali utamur, inveniendæ sunt omnia Festa mobilia in annis Bissextilibus per litteram Dominicalem posteriorem, quæ nimirum currit post Festum S. Matthiæ Apostoli; ne scilicet ambigamus, utra duarum litterarum pro hoc aut illo Festo indagando accipiendæ sit: ita tamen, ut Septuag. et diei Cinerum inventæ in Januario aut Febuario addatur unus dies. Quod ideo fit, quia ante diem S. Matthiæ currit prior littera Dominicalis, quæ in Calendario posteriorem semper sequitur: post Festum autem S. Matthiæ in Febuario licet posterior littera currat, additur tamen tunc dies intercalaris, ita ut dies 24 Feb. dicatur 25, et dies 25 dicatur 26, etc. Quod si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris Febuario sit additus: immo nisi per posteriorem litteram investigarentur, non inveniretur recte Septuages. in anno Bissextili currente Epac. xxiv. vel xxv. et littera Dominicali *d c*, ut in secundo ac tertio exemplo perspicuum fiet pro annis 4088 et 3784. Exempli gratia Anno 2096 Bissextili Epacta erit *v*. et litteræ Dominicales *A g*. Si igitur per posteriorem litteram, quæ est *g*, Festa mobilia investigentur, reperietur Sept. die 11 Feb., et dies Cinerum 28 Feb. Si autem addatur unus dies, cadet Sept. in diem 12 Feb. quæ est Dominica, et dies Cinerum in diem 29 Feb. quæ est FERIA quarta. Pascha autem, et reliqua Festa in eos dies cadent, qui in tabula expressi sunt. Item anno 4088 Bissextili Epacta erit xxiv. et litteræ Dominicales *d c*. Si igitur per litteram *c*, quæ posterior est, inquirantur Festa mobilia, invenietur Septuagesima die 21 Februarii, et si addatur unus dies, cadet in diem 22 Februarii quæ est Dominica. Dies autem Cinerum cadet in diem 10 Martii: quare nihil additur, etc. Rursus anno 3784 Bissextili Epacta erit xxv. et litteræ Dominicales *d c*. Ergo iterum per posteriorem *c*, reperietur Septuagesima die 21

Februarii, hoc est, addita 1 die 22. Quod si per priorem litteram *d* in utroque horum duorum annorum agendum esset, nihil efficeretur, cum infra Epactas xxiv. et xxv. littera *d* indicet Septuag. die 15 Feb. quod falsum esset, cum eo anno posterior littera *c* Pascha offerat die 25 Apr. ac proinde Septuag. die 22 Feb. celebranda sit, ut liquido constat, si a die Paschæ, Dominicæ retro numerentur usque ad Septuagesimam.

In priori porro Tabula Paschali antiqua reformata, Epactis ad sinistram præposuimus Aureos Numeros eodem ordine, quo ante emendationem Calendarii collocari solebant, ut ex iis Festa mobilia inveniuntur. Hoc autem idcirco a nobis factum est, ut Pascha, cæteraque Festa mobilia, a Concilio Nicæno usque ad annum 1582 quilibet indagare possit. Eodem autem prorsus artificio ex Aureis Numeris ita distributis Festa mobilia eruuntur, quo ex Epactis. Sit enim explorandum, exempli causa, quando Festa hæc celebrata fuerint anno 1450. Quoniam eo anno Aureus Numerus fuit 7 et littera Dominicalis *d*, si Aureus Numerus 7 in sinistro latere accipiatur, et prima littera *d*, infra eum occurrens, reperietur


e regione hujus litteræ *d*, Septuagesima die 1 Februarii, dies Cinerum 18 Februarii, Pascha die 5 Aprilis, etc.

XI. *De Adventu Domini.*

ADVENTUS Domini celebratur semper die Dominico, qui propinquior est Festo S. Andreæ Apostoli, nempe a die 27 Novembris inclusive usque ad diem 3 Decembris inclusive: ita ut littera Dominicalis currens quæ reperitur in Calendario a die 27 Novembris usque ad diem 3 Decembris indicet Dominicam Adventus. Ut verbi gratia si littera Dominicalis est *g*, Dominica Adv. cadet in diem 2 Decembris, quia ibi est littera *g* in Calendario, etc.

XII. *Conclusio.*

AD finem tandem Tabularum Paschaliæ apposita est Tabula temporaria multorum annorum, e regione quorum omnia Festa mobilia inveniuntur, quæ quidem Tabula ex Tabulis Pasch. excerpta est, ex quibus infinitæ aliæ erui possunt pro quibuscumque annis.



TABULA PASCHALIS ANTIQUA REFORMATA.

Au- reus Nu- me- rus.		Cyclus Epac- tarum.	Litt. Dom.	Septua- gesima.	Dies Cine- rum.	Pascha.	Ascen- sio.	Pente- costes.	Corpus Christi.	Dom post Pente- cost.	I. Domi- nica Ad- ventus.
16 5		xxiii xxii	c d	Janu. 18	Febr. 4	Martii. 22	Aprilis 30	Maii. 10	Maii. 21	28	29 Nov.
13		xxi	e	19	5	23	1 Maii.	11	22	28	30
2		xx xix	f g	20 21	6 7	24 25	2 3	12 13	23 24	28 28	1 Dec. 2
10		xviii xvii	A b	22 23	8 9	26 27	4 5	14 15	25 26	28 27	3 27 Nov.
18		xvi	c	24	10	28	6	16	27	27	28
7		xv xiv	d e	25 26	11 12	29 30	7 8	17 18	28 29	27 27	29 30
15		xiii	f	27	13	31	9	19	30	27	1 Dec.
4		xii	g	28	14	1 April.	10	20	31	27	2
12		xi	A	29	15	2	11	21	1 Junii.	27	3
		x	b	30	16	3	12	22	2	26	27 Nov.
		ix	c	31	17	4	13	23	3	26	28
1		viii	d	1 Febr.	18	5	14	24	4	26	29
9		vii	e	2	19	6	15	25	5	26	30
17		vi	f	3	20	7	16	26	6	26	1 Dec.
		v	g	4	21	8	17	27	7	26	2
		iv	A	5	22	9	18	28	8	26	3
6		iii	b	6	23	10	19	29	9	25	27 Nov.
14		ii	c	7	24	11	20	30	10	25	28
3		i	d	8	25	12	21	31	11	25	29
		*	e	9	26	13	22	1 Junii.	12	25	30
		xxix	f	10	27	14	23	2	13	25	1 Dec.
11		xxviii	g	11	28	15	24	3	14	25	2
19	25	xxvii	A	12	1 Mart.	16	25	4	15	25	3
8	xxv	xxvi	b	13	2	17	26	5	16	24	27 Nov.
		xxiv	c	14	3	18	27	6	17	24	28
			d	15	4	19	28	7	18	24	29
			e	16	5	20	29	8	19	24	30
			f	17	6	21	30	9	20	24	1 Dec.
			g	18	7	22	31	10	21	24	2
			A	19	8	23	1 Junii.	11	22	24	3
			b	20	9	24	2	12	23	23	27 Nov.
			c	21	10	25	3	13	24	23	28

TABULA PASCHALIS NOVA REFORMATA.

Lit- teræ Do- mi- nic.	Cyclus Epactarum.	Septua- gesima	Dies Cine- rum.	Pascha	Ascen- sio.	Pente- costes.	Corpus Christi	Dom. inter Pent. et Adv.	Prima Dom. Adv.
D	23.	18 Jan.	4 Feb.	22 Mar.	30 Apr.	10 Maii	21 Maii	28	29 Nov.
	22. 21. 20. 19. 18. 17. 16.	25 Jan.	11 Feb.	29 Mar.	7 Maii	17 Maii	28 Maii	27	29 Nov.
	15. 14. 13. 12. 11. 10. 9.	1 Feb.	18 Feb.	5 Apr.	14 Maii	24 Maii	4 Junii	26	29 Nov.
	8. 7. 6. 5. 4. 3. 2.	8 Feb.	25 Feb.	12 Apr.	21 Maii	31 Maii	11 Junii	25	29 Nov.
	1.*29.23.27.26.xxv.25.24.	15 Feb.	4 Mar.	19 Apr.	28 Maii	7 Junii	18 Junii	24	29 Nov.
E	23. 22.	19 Jan.	5 Feb.	23 Mar.	1 Maii	11 Maii	22 Maii	28	30 Nov.
	21. 20. 19. 18. 17. 16. 15.	26 Jan.	12 Feb.	30 Mar.	8 Maii	18 Maii	29 Maii	27	30 Nov.
	14. 13. 12. 11. 10. 9. 8.	2 Feb.	19 Feb.	6 Apr.	15 Maii	25 Maii	5 Junii	26	30 Nov.
	7. 6. 5. 4. 3. 2. 1.	9 Feb.	26 Feb.	13 Apr.	22 Maii	1 Junii	12 Junii	25	30 Nov.
	*29. 23. 27. 26. xxv. 25. 24.	16 Feb.	5 Mar.	20 Apr.	29 Maii	8 Junii	19 Junii	24	30 Nov.
F	23. 22. 21.	20 Jan.	6 Feb.	24 Mar.	2 Maii	12 Maii	23 Maii	28	1 Dec.
	20. 19. 18. 17. 16. 15. 14.	27 Jan.	13 Feb.	31 Mar.	9 Maii	19 Maii	30 Maii	27	1 Dec.
	13. 12. 11. 10. 9. 8. 7.	3 Feb.	20 Feb.	7 Apr.	16 Maii	26 Maii	6 Junii	26	1 Dec.
	6. 5. 4. 3. 2. 1. *	10 Feb.	27 Feb.	14 Apr.	23 Maii	2 Junii	13 Junii	25	1 Dec.
	29. 28. 27. 26. xxv. 25. 24.	17 Feb.	6 Mar.	21 Apr.	30 Maii	9 Junii	20 Junii	24	1 Dec.
G	23. 22. 21. 20.	21 Jan.	7 Feb.	25 Mar.	3 Maii	13 Maii	24 Maii	28	2 Dec.
	19. 18. 17. 16. 15. 14. 13.	28 Jan.	14 Feb.	1 Apr.	10 Maii	20 Maii	31 Maii	27	2 Dec.
	12. 11. 10. 9. 8. 7. 6.	4 Feb.	21 Feb.	8 Apr.	17 Maii	27 Maii	7 Junii	26	2 Dec.
	5. 4. 3. 2. 1. * 29.	11 Feb.	28 Feb.	15 Apr.	24 Maii	3 Junii	14 Junii	25	2 Dec.
	28. 27. 26. xxv. 25. 24.	18 Feb.	7 Mar.	22 Apr.	31 Maii	10 Junii	21 Junii	24	2 Dec.
A	23. 22. 21. 20. 19.	22 Jan.	8 Feb.	26 Mar.	4 Maii	14 Maii	25 Maii	28	3 Dec.
	18. 17. 16. 15. 14. 13. 12.	29 Jan.	15 Feb.	2 Apr.	11 Maii	21 Maii	1 Junii	27	3 Dec.
	11. 10. 9. 8. 7. 6. 5.	5 Feb.	22 Feb.	9 Apr.	18 Maii	28 Maii	8 Junii	26	3 Dec.
	4. 3. 2. 1. * 29. 28.	12 Feb.	1 Mar.	16 Apr.	25 Maii	4 Junii	15 Junii	25	3 Dec.
	27. 26. xxv. 25. 24.	19 Feb.	8 Mar.	23 Apr.	1 Junii	11 Junii	22 Junii	24	3 Dec.
B	23. 22. 21. 20. 19. 18.	23 Jan.	9 Feb.	27 Mar.	5 Maii	15 Maii	26 Maii	27	27 Nov.
	17. 16. 15. 14. 13. 12. 11.	30 Jan.	16 Feb.	3 Apr.	12 Maii	22 Maii	2 Junii	26	27 Nov.
	10. 9. 8. 7. 6. 5. 4.	6 Feb.	23 Feb.	10 Apr.	19 Maii	29 Maii	9 Junii	25	27 Nov.
	3. 2. 1. * 29. 28. 27.	13 Feb.	2 Mar.	17 Apr.	26 Maii	5 Junii	16 Junii	24	27 Nov.
	26. xxv. 25. 24.	20 Feb.	9 Mar.	24 Apr.	2 Junii	12 Junii	23 Junii	23	27 Nov.
C	23. 22. 21. 20. 19. 18. 17.	24 Jan.	10 Feb.	28 Mar.	6 Maii	16 Maii	27 Maii	27	28 Nov.
	16. 15. 14. 13. 12. 11. 10.	31 Jan.	17 Feb.	4 Apr.	13 Maii	23 Maii	3 Junii	26	28 Nov.
	9. 8. 7. 6. 5. 4. 3.	7 Feb.	24 Feb.	11 Apr.	20 Maii	30 Maii	10 Junii	25	28 Nov.
	2. 1. * 29. 23. 27. 26. xxv.	14 Feb.	3 Mar.	18 Apr.	27 Maii	6 Junii	17 Junii	24	28 Nov.
	25. 24.	21 Feb.	10 Mar.	25 Apr.	3 Junii	13 Junii	14 Junii	23	28 Nov.

TABULA TEMPORARIA FESTORUM MOBILIIUM.

Anni Domini.	Littera Dominic.	Aureus Numer.	Epact.	Septua- gesima.	Dies Cine- rum.	Pascha.	Ascen- sio.	Pente- costes.	Corpus Christi.	Indictio. Dom. post Pent.	I. Dom. Advent.
1835	d	12	i	15 Febr.	4 Mart.	19 April.	28 Maii	7 Junii	18 Junii	8 24	29 Nov.
1836	c b	13	xii	31 Janu.	17 Febr.	3 April.	12 Maii	22 Maii	2 Junii	9 26	27 Nov.
1837	A	14	xxiii	22 Janu.	8 Febr.	26 Mart.	4 Maii	14 Maii	25 Maii	10 28	3 Dec.
1838	g	15	iv	11 Febr.	28 Febr.	15 April.	24 Maii	3 Junii	14 Junii	11 25	2 Dec.
1839	f	16	xv	27 Janu.	13 Febr.	31 Mart.	9 Maii	19 Maii	30 Maii	12 27	1 Dec.
1840	e d	17	xxvi	16 Febr.	4 Mart.	19 April.	28 Maii	7 Junii	18 Junii	13 24	29 Nov.
1841	c	18	vii	7 Febr.	24 Febr.	11 April.	20 Maii	30 Maii	10 Junii	14 25	28 Nov.
1842	b	19	xviii	23 Janu.	9 Febr.	27 Mart.	5 Maii	15 Maii	26 Maii	15 27	27 Nov.
1843	A	1	*	12 Febr.	1 Mart.	16 April.	25 Maii	4 Junii	15 Junii	1 25	3 Dec.
1844	g f	2	xi	4 Febr.	21 Febr.	7 April.	16 Maii	26 Maii	6 Junii	2 26	1 Dec.
1845	e	3	xxii	19 Janu.	5 Febr.	23 Mart.	1 Maii	11 Maii	22 Maii	3 28	30 Nov.
1846	d	4	iii	8 Febr.	25 Febr.	12 April.	21 Maii	31 Maii	11 Junii	4 25	29 Nov.
1847	c	5	xiv	31 Janu.	17 Febr.	4 April.	13 Maii	23 Maii	3 Junii	5 26	28 Nov.
1848	b A	6	xxv	20 Febr.	8 Mart.	23 April.	1 Junii	11 Junii	22 Junii	6 24	3 Dec.
1849	g	7	vi	4 Febr.	21 Febr.	8 April.	17 Maii	27 Maii	7 Junii	7 26	2 Dec.
1850	f	8	xvii	27 Janu.	13 Febr.	31 Mart.	9 Maii	19 Maii	30 Maii	8 27	1 Dec.
1851	e	9	xxviii	16 Febr.	5 Mart.	20 April.	29 Maii	8 Junii	19 Junii	9 24	30 Nov.
1852	d c	10	ix	8 Febr.	25 Febr.	11 April.	20 Maii	30 Maii	10 Junii	10 25	28 Nov.
1853	b	11	xx	23 Janu.	9 Febr.	27 Mart.	5 Maii	15 Maii	26 Maii	11 27	27 Nov.
1854	A	12	i	12 Febr.	1 Mart.	16 April.	25 Maii	4 Junii	15 Junii	12 25	3 Dec.
1855	g	13	xii	4 Febr.	21 Febr.	8 April.	17 Maii	27 Maii	7 Junii	13 26	2 Dec.
1856	f e	14	xxiii	20 Janu.	6 Febr.	23 Mart.	1 Maii	11 Maii	22 Maii	14 28	30 Nov.
1857	d	15	iv	8 Febr.	25 Febr.	12 April.	21 Maii	31 Maii	11 Junii	15 25	29 Nov.
1858	c	16	xv	31 Janu.	17 Febr.	4 April.	13 Maii	23 Maii	3 Junii	1 26	28 Nov.
1859	b	17	xxvi	20 Febr.	9 Mart.	24 April.	2 Junii	12 Junii	23 Junii	2 23	27 Nov.
1860	A g	18	vi	5 Febr.	22 Febr.	8 April.	17 Maii	27 Maii	7 Junii	3 26	2 Dec.
1861	f	19	xviii	27 Janu.	13 Febr.	31 Mart.	9 Maii	19 Maii	30 Maii	4 27	1 Dec.
1862	e	1	*	16 Febr.	5 Mart.	20 April.	29 Maii	8 Junii	19 Junii	5 24	30 Nov.
1863	d	2	xi	1 Febr.	18 Febr.	5 April.	14 Maii	24 Maii	4 Junii	6 26	29 Nov.
1864	c b	3	xxii	24 Janu.	10 Febr.	27 Mart.	5 Maii	15 Maii	26 Maii	7 27	27 Nov.
1865	A	4	iii	12 Febr.	1 Mart.	16 April.	25 Maii	4 Junii	15 Junii	8 25	3 Dec.
1866	g	5	xiv	28 Janu.	14 Febr.	1 April.	10 Maii	20 Maii	31 Maii	9 27	2 Dec.
1867	f	6	xxv	17 Febr.	6 Mart.	21 April.	30 Maii	9 Junii	20 Junii	10 24	1 Dec.
1868	e d	7	vi	9 Febr.	26 Febr.	12 April.	31 Maii	31 Maii	11 Junii	11 25	29 Nov.
1869	c	8	xvii	24 Janu.	10 Febr.	28 Mart.	6 Maii	16 Maii	27 Maii	12 27	28 Nov.
1870	b	9	xxviii	13 Febr.	2 Mart.	17 April.	26 Maii	5 Junii	16 Maii	13 25	27 Nov.

CALENDARIUM,

IN quo Festa Duplicia I. Classis notantur caractere majusculo italico cum his notulis, *dupl. i. cl.* Duplicia II. Classis, caractere majusculo romano cum his notulis, *dupl. ii. cl.* Duplicia-majora, caractere italico currenti cum his notulis, *dupl. maj.*; cætera, caractere romano, cum his notulis, *dupl.*, id est, Duplex-minus; *semid.*, id est, Semiduplex: ubi nulla notula, Simplex est, aliàs *comm.*, id est, Commemoratio.

Cyclus Epact.	Litt. Dom.	Dies Mensis.	JANUARIUS.
*	A	Cal.	1 CIRCUMCISIO DOMINI, et Octava Nativitatis ejus, <i>duplex ii. cl.</i>
xxix	b	iv	2 Octava S. Stephani, <i>dupl., et comm.</i> cæterarum Octav.
xxviii	c	iii	3 Octava S. Joannis, Ap. <i>dupl. et comm.</i> Oct. SS. Innoc.
xxvii	d	<i>Prid.</i>	4 Octava SS. Innocentium, <i>duplex.</i>
xxvi	e	<i>Non.</i>	5 Vig. Epiph. <i>semid. et comm.</i> S. Telesphori, Papæ et mart.
25, xxv	f	viii	6 EPIPHANIA DOMINI, <i>dupl. i. cl.</i>
xxiv	g	vii	7
xxiii	A	vi	8
xxii	b	v	9 } De Octava Epiphaniæ, <i>semiduplex.</i>
xxi	c	iv	10
xx	d	iii	11 De Octav. <i>semid. et comm.</i> S. Hygini, P. et mart.
xix	e	<i>Prid.</i>	12 De Octava Epiphaniæ, <i>semiduplex.</i>
xviii	f	<i>Idib.</i>	13 Octava Epiphaniæ, <i>dupl.-majus.</i> Domin. II. post Epiph. fit de Festo SS. NOMINIS JESU, <i>dupl. ii. cl. et comm.</i> Dom.
xvii	g	xix	14 Hilarii, Episc. et Conf. <i>semid. cum comm.</i> S. Felicis Nolani, Pr. et mart.
xvi	A	xviii	15 Pauli, primi Eremitæ, Conf. <i>dupl. cum comm.</i> S. Mauri Ab- batis.
xv	b	xvii	16 Marcelli, Papæ et mart. <i>semidupl.</i>
xiv	c	xvi	17 Antonii, Abb. <i>dupl.</i>
xiii	d	xv	18 Cathedra S. Petri Romæ, <i>dupl.-maj. et comm.</i> S. Pauli, Apost. ac S. Priscæ, Virg. et mart. <i>Ante non erit Septuagesima.</i>
xii	e	xiv	19 Canuti, mart. <i>semid. ad libitum, cum comm.</i> SS. Marii, Mar- thæ, Audifacis et Abachum mart.
xi	f	xiii	20 Fabiani et Sebastiani mart. <i>dupl.</i>
x	g	xii	21 Agnetis, Virg. et mart. <i>dupl.</i>
ix	A	xi	22 Vincentii et Anastasii, mart. <i>semid.</i>

CALENDARIUM.

Cyclus Epact.	Litt. Dom.	Dies Mensis.	JANUARIUS.	
viii	b	x	23	Raymundi de Pennafort, Conf. <i>semid. et comm.</i> S. Eme- rentianæ Virg. et mart.
vii	c	ix	24	Timothei, Episc. et mart. <i>semid.</i>
vi	d	viii	25	<i>Conversio S. Pauli, Apostoli, dupl.-maj.</i>
v	e	vii	26	Polycarpi, Ep. et mart. <i>semid.</i>
iv	f	vi	27	Joannis Chrysostomi, Episc., Conf. et Doct. <i>dupl.</i>
iii	g	v	28	Agnētis, <i>secundo.</i>
ii	A	iv	29	Francisci Salesii, Episc. et Conf. <i>dupl.</i>
i	b	iii	30	Martinæ, Virg. et mart. <i>semid.</i>
*	c	<i>Prid.</i>	31	Petri Nolasci, Conf., <i>dupl.</i>
FEBRUARIUS.*				
xxix	d	<i>Cal.</i>	1	Ignatii, Ep. et mart. <i>semid.</i>
xxviii	e	iv	2	PURIFICATIO B. MARIE VIRGINIS, <i>dupl. ii. clas- sis.</i>
xxvii	f	iii	3	Blasii, Ep. et mart.
xxvi, 25	g	<i>Prid.</i>	4	Andræ Corsini, Ep. et Conf. <i>dupl.</i> <i>Ante non erit dies Cinerum.</i>
25, xxiv	A	<i>Non.</i>	5	Agathæ, Virg. et mart. <i>dupl.</i>
xxiii	b	viii	6	Dorotheæ, Virg. et mart.
xxii	c	vii	7	Romualdi, Abbatis, <i>dupl.</i>
xxi	d	vi	8	Joannis de Matha, Conf. <i>dupl.</i>
xx	e	v	9	Apolloniæ, Virginis et Mart.
xix	f	iv	10	Scholasticæ, Virg. <i>dupl.</i>
xviii	g	iii	11	
xvii	A	<i>Prid.</i>	12	
xvi	b	<i>Idib.</i>	13	
xv	c	xvi	14	Valentini, Presb. et mart.
xiv	d	xv	15	Faustini et Jovitæ, mart.
xiii	e	xiv	16	
xii	f	xiii	17	
xi	g	xii	18	Simeonis, Episc. et mart.
x	A	xi	19	
ix	b	x	20	
viii	c	ix	21	
vii	d	viii	22	<i>Cathedra S. Petri Antiochiæ, dupl.-majus.</i>
vi	e	vii	23	Petri Damiani, Episc., Conf. et Doct. <i>dupl. cum comm.</i> <i>Vigiliæ nisi sit transferenda.</i>
v	f	vi	24	MATTHIÆ, APOSTOLI, <i>dupl. ii. cl.</i>
iv	g	v	25	
iii	A	iv	26	
ii	b	iii	27	
i	c	<i>Prid.</i>	28	<i>Septuagesima post non erit.</i>

* In anno Bissextili, Februarius est dierum 29. et tunc Festum S. Matthiæ celebratur die 25. diciturque die 24. Bis sexto Calendas, die autem 25. Sexto; et littera Dominicalis quæ assumpta fuerat in mense Januario, mutatur in præcedentem: ut, si in Januario littera Dominicalis fuit A, mutatur in præcedentem, quæ est G, et sic de cæteris: littera F, bis servit, scilicet diebus 24 et 25.

CALENDARIUM.

Cyclus Epact.	Litt. Dom.	Dies Mensis.	
MARTIUS.			
*	d	Cal.	1
xxix	e	vi	2
xxviii	f	v	3
xxvii	g	iv	4 Casimiri, Conf. <i>semid. et comm.</i> S. Lucii, P. et mart.
xxvi	A	iii	5
25, xxv	b	Prid.	6
xxiv	c	Non.	7 Thomæ de Aquino, Conf. et Doctoris, <i>dubl. cum comm.</i> SS. Perpetuæ et Felicitatis, mart.
xxiii	d	viii	8 Joannis de Deo, Conf. <i>dubl.</i>
xxii	e	vii	9 Franciscæ, nobilis Romanæ, Viduæ, <i>dubl.</i>
xxi	f	vi	10 Quadraginta Martyrum, <i>semid.</i> <i>Post non erit dies Cinerum.</i>
xx	g	v	11
xix	A	iv	12 Gregorii Magni, Papæ, Conf. et Doct. <i>dubl.</i>
xviii	b	iii	13
xvii	c	Prid.	14
xvi	d	Idib.	15
xv	e	xvii	16
xiv	f	xvi	17 Patritii, Episc. et Conf. <i>semid.</i>
xiii	g	xv	18
xii	A	xiv	19 JOSEPHI, SPONSI B. VIRGINIS Mariæ, Conf. <i>dubl. ii. cl.</i>
xi	b	xiii	20
x	c	xii	21 Benedicti, Abbatis, <i>dubl.</i>
ix	d	xi	22 <i>Ante non erit Pascha.</i>
viii	e	x	23
vii	f	ix	24
vi	g	viii	25 ANNUNTIATIO INCARNATIONIS DOMINI AD B. Mariam Virginem, <i>dubl. ii. cl.</i>
v	A	vii	26
iv	b	vi	27
iii	c	v	28
ii	d	iv	29
i	e	iii	30
*	f	Prid.	31
APRILIS.			
xxix	g	Cal.	1
xxviii	A	iv	2 Francisci de Paula, Conf. <i>duplex.</i>
xxvii	b	iii	3
xxvi, 25	c	Prid.	4 Isidori, Episc., Conf. et Doct. <i>duplex.</i>
25, xxiv	d	Non.	5 Vincentii Ferrerii, Conf. <i>duplex.</i>
xxiii	e	viii	6
xxii	f	vii	7
xxi	g	vi	8
xx	A	v	9
xix	b	iv	10

Feria sexta intra Hebdomadam Passionis Domini, quæ incidit a die 13 Martii ad 16 Aprilis, fit *Festum Compassionis B. Mariæ, Virginis, dubl. maj.* quod habetur in Proprio SS. inter hos menses.

CALENDARIUM.

Cyclus Epact.	Litt. Dom.	Dies Mensis.	
APRILIS.			
xviii	c	iii	11 Leonis Magni, Papæ, Conf. et Doct. <i>duplex</i> .
xvii	d	<i>Prid.</i>	12
xvi	e	<i>Idib.</i>	13 Hermenegildi, martyris, <i>semid.</i>
xv	f	xviii	14 Tiburtii, Valeriani et Maximi, mart.
xiv	g	xvii	15
xiii	A	xvi	16
xii	b	xv	17 Aniceti, Papæ et martyris.
xi	c	xiv	18
x	d	xiii	19
ix	e	xii	20
viii	f	xi	21 Anselmi, Ep., Conf. et Doct. <i>duplex</i> .
vii	g	x	22 Soteris, Papæ, et Caii, Papæ, mart. <i>semid.</i>
vi	A	ix	23 Georgii, martyris, <i>semid.</i>
v	b	viii	24 Fidelis a Sigmaringa, mart. <i>duplex</i> .
iv	c	vii	25 MARCI, EVANGELISTÆ, <i>dupl. ii. cl.</i> <i>Pascha post non erit.</i>
iii	d	vi	26 Cleti, Papæ, et Marcellini, Papæ, mart. <i>semid.</i>
ii	e	v	27
i	f	iv	28 Vitalis, martyris.
*	g	iii	29 Petri, mart. <i>duplex</i> .
xxix	A	<i>Prid.</i>	30 Catharinæ Senensis, Virg. <i>duplex</i> . <i>Ascensio ante non erit.</i>
MAIUS.			
xxviii	b	<i>Cal.</i>	1 PHILIPPI et JACOBI MINORIS, APOSTOLORUM, <i>dupl. ii. cl.</i>
xxvii	c	vi	2 Athanasii, Episc., Conf. et Doct. <i>duplex</i> .
xxvi	d	v	3 INVENTIO SANCTÆ CRUCIS, <i>duplex ii. cl. cum</i> <i>comm. SS. Alexandri, Eventii et Theoduli, mart. ac</i> <i>Juvenalis, Episc., in Missis privatis tantum.</i>
25, xxv	e	iv	4 Monicæ, Viduæ, <i>duplex</i> .
xxiv	f	iii	5 Pii Quinti, Papæ, et Conf. <i>duplex</i> .
xxiii	g	<i>Prid.</i>	6 Joannis ante Portam Latinam Martyrium, <i>duplex-maj.</i>
xxii	A	<i>Non.</i>	7 Stanislai, Episc. et mart. <i>duplex</i> .
xxi	b	viii	8 Apparitio S. Michaelis Archangeli, <i>dupl.-maj.</i>
xx	c	vii	9 Gregorii Nazianzeni, Episc., Conf. et Doct. <i>duplex</i> .
xix	d	vi	10 Antonini, Episc. et Conf. <i>semid. et comm. SS. Gordiani</i> <i>et Epimachi, mart.</i> <i>Ante non erit Pentecostes.</i>
xviii	e	v	11
xvii	f	iv	12 Nerei, Achillei, ac Domitillæ, Virg. atque Pancratii, mart. <i>semid.</i>
xvi	g	iii	13
xv	A	<i>Prid.</i>	14 Bonifacii, mart.
xiv	b	<i>Idib.</i>	15
xiii	c	xvii	16 Ubaldi, Episc. et Conf. <i>semid.</i>
xii	d	xvi	17 Pascalis Baylon, Conf. <i>duplex</i> .
xi	e	xv	18 Venantii, mart. <i>duplex</i> .
x	f	xiv	19 Petri Cœlestini, Papæ, <i>dupl. et comm. S. Pudentianæ,</i> <i>Virg.</i>
ix	g	xiii	20 Bernardini Senensis, Conf. <i>semid.</i>
viii	A	xii	21 <i>Ante non erit Corpus Christi.</i>

CALENDARIUM.

Cyclus Epact.	Litt. Dom.	Dies Mensis.	MAIUS.
vii	b	xi	22
vi	c	x	23
v	d	ix	24
iv	e	viii	25 Gregorii VII, Papæ et Conf. <i>dupl. cum comm.</i> S. Urbani, Papæ et mart.
iii	f	vii	26 Philippi Nerei, Conf. <i>dupl. et comm.</i> S. Eleutherii, Papæ et mart.
ii	g	vi	27 Mariæ Magdalenæ de Pazzis, Virg. <i>semid. cum comm.</i> S. Joannis, Papæ et martyris.
i	A	v	28
*	b	iv	29
xxix	c	iii	30 Felicis, Papæ et mart.
xxviii	d	<i>Prid.</i>	31 Petronillæ, Virg.
JUNIUS.			
<i>Feria vi. post Oct. SS. Corp. Christi, fest. SS. Cordis Jesu.</i>			
xxvii	e	<i>Cal.</i>	1
xxvi, 25	f	iv	2 Marcellini, Petri atque Erasmi, mart.
25, xxiv	g	iii	3 <i>Ascensio post non erit.</i>
xxiii	A	<i>Prid.</i>	4 Francisci Caracciolo, Conf. <i>duplex.</i>
xxii	b	<i>Non.</i>	5
xxi	c	viii	6 Norberti, Episc. et Conf. <i>duplex.</i>
xx	d	vii	7
xix	e	vi	8
xviii	f	v	9 Primi et Feliciani, mart.
xvii	g	iv	10 Margaritæ, Scotorum Regiæ, Viduæ, <i>semid.</i>
xvi	A	iii	11 <i>Barnabæ, Apostoli, duplex-majus.</i>
xv	b	<i>Prid.</i>	12 Joannis a sancto Facundo, Conf. <i>dupl. et comm.</i> SS. Basilidis, Cyrini, Naboris et Nazarii, mart.
xiv	c	<i>Idib.</i>	13 Antonii de Padua, Conf. <i>duplex.</i>
			<i>Pentecostes post non erit.</i>
xiii	d	xviii	14 Basilii Magni, Episc. Conf. et Doct. <i>duplex.</i>
xii	e	xvii	15 Viti, Modesti atque Crescentiæ, mart.
xi	f	xvi	16
x	g	xv	17
ix	A	xiv	18 Marci et Marcelliani, mart.
viii	b	xiii	19 Julianæ de Falconeriis, Virg. <i>duplex, cum comm.</i> SS. Gervasii et Protasii, mart.
vii	c	xii	20 Silverii, Papæ et mart.
vi	d	xi	21
v	e	x	22 Paulini, Episc. et Conf.
iv	f	ix	23 Vigilia.
iii	g	viii	24 <i>NATIVITAS S. JOANNIS BAPT., dupl. i. cl.</i>
			<i>Corpus Christi post non erit.</i>
ii	A	vii	25 Gulielmi, Abbatis, <i>dupl. et comm.</i> Oct.
i	b	vi	26 Joannis et Pauli, mart. <i>dupl. cum comm.</i> Oct.
*	c	v	27 De Octava S. Joannis Baptistæ, <i>semid.</i>
xxix	d	iv	28 Leonis P. et Conf. <i>semid. et comm.</i> Oct. et Vigil.
xxviii	e	iii	29 <i>PETRI et PAULI, APOSTOLORUM, duplex i. cl.</i>
xxvii	f	<i>Prid.</i>	30 Commemoratio S. Pauli, Apostoli, <i>duplex, cum comm.</i> Octavarum S. Petri et S. Joannis.

CALENDARIUM.

Cyclus Epact.	Litt. Dom.	Dies Mensis.	JULIUS.
xxvi 25, xxv	g A	<i>Cal.</i> vi	1 Octava S. Joan. Bapt. <i>duplex, et comm.</i> Octav. Apost. 2 <i>Visitatio B. Mariæ Virginis, dupl.-majus, cum comm.</i> Octav. Apost. deinde SS. Processi et Martiniani, mart.
xxiv	b	v	3
xxiii	c	iv	4 } De Octava Apostolorum, <i>semiduplex.</i>
xxii	d	iii	5 }
xxi	e	<i>Prid.</i>	6 Octava Apostolorum Petri et Pauli, <i>duplex.</i>
xx	f	<i>Non.</i>	7
xix	g	viii	8 Elisabeth, Lusitaniæ Reginæ, Viduæ, <i>semid.</i>
xviii	A	vii	9
xvii	b	vi	10 Septem Fratrum, mart. atque Rufinæ et Secundæ, Virg. et mart. <i>semid.</i>
xvi	c	v	11 Pii, Papæ et martyris.
xv	d	iv	12 Joannis Gualberti, Abb. <i>dupl. et comm.</i> SS. Naboris et Felicis, mart.
xiv	e	iii	13 Anacleti, Papæ et mart. <i>semid.</i>
xiii	f	<i>Prid.</i>	14 Bonaventuræ, Episc. Conf. et Doct. <i>dupl.</i>
xii	g	<i>Idib.</i>	15 Henrici, Imp. Conf. <i>semid.</i>
xi	A	xvii	16 <i>B. Mariæ Virginis de Monte Carmelo, dupl.-maj.</i>
x	b	xvi	17 Alexii, Confessoris, <i>semid.</i>
ix	c	xv	18 Camilli de Lellis, Conf. <i>dupl. et comm.</i> S. Symphorosæ et septem filiorum ejus, mart.
viii	d	xiv	19 Vincentii a Paulo, Conf. <i>duplex.</i>
vii	e	xiii	20 Hieronymi Æmiliani, Conf. <i>dupl. cum comm.</i> S. Marga- ritæ, Virg. et mart.
vi	f	xii	21 Praxedis, Virg.
v	g	xi	22 Mariæ Magdalenæ, <i>duplex.</i>
iv	A	x	23 Apollinaris, Episc. et mart. <i>dupl. et comm.</i> S. Liborii, Episc. et Confes.
iii	b	ix	24 Vigilia ; et <i>comm.</i> S. Christinæ, Virg. et mart.
ii	c	viii	25 JACOBI MAJORIS, APOSTOLI, <i>dupl. ii. cl. cum</i> <i>comm.</i> S. Christophori, mart. <i>in Missis priv.</i>
i	d	vii	26 <i>Annæ, Matris B. Mariæ, dupl.-maj.</i>
*	e	vi	27 Pantaleonis, mart.
xxix	f	v	28 Nazarii et Celsi, mart. Victoris, Papæ et mart. Innocen- tii, Papæ et Conf. <i>semid.</i>
xxviii	g	iv	29 Marthæ, Virg. <i>semid. et comm.</i> SS. Felicis, Simplicii, Faustini et Beatricis, mart.
xxvii	A	iii	30 Abdon et Sennen, mart.
xxvi, 25	b	<i>Prid.</i>	31 Ignatii, Conf. <i>duplex.</i>
AUGUSTUS.			
25, xxiv	c	<i>Cal.</i>	1 <i>Petri ad Vincula, dupl.-maj. cum comm.</i> SS. Macha- bæorum, mart.
xxiii	d	iv	2 Stephani, Papæ et mart.
xxii	e	iii	3 Inventio S. Stephani, Protomart. <i>semid.</i>
xxi	f	<i>Prid.</i>	4 Dominici, Conf. <i>duplex.</i>
xx	g	<i>Non.</i>	5 <i>Dedic. Basil. S. M. ad Nives, duplex-majus.</i>
xix	A	viii	6 <i>Transfiguratio Domini, dupl.-maj. et comm.</i> SS. Xysti, Papæ, Felicissimi et Agapiti, mart.
xviii	b	vii	7 Cajetani, Conf. <i>dupl. cum comm.</i> S. Donati, Ep. et mart.

CALENDARIUM.

Cyclus Epact.	Litt. Dom.	Dies Mensis.	AUGUSTUS.
xvii	c	vi	8 Cyriaci, Largi et Samaragdi, mart. <i>semid.</i>
xvi	d	v	9 Vigilia; <i>et comm.</i> S. Romani, mart.
xv	e	iv	10 LAURENTII, Diac. et mart. <i>dupl. ii. cl.</i>
xiv	f	iii	11 De Octav. S. Laurentii, <i>semidupl. cum comm.</i> SS. Tiburtii, et Suzannæ, mart.
xiii	g	<i>Prid.</i>	12 Claræ, Virg. <i>duplex, et comm.</i> Oct.
xii	A	<i>Idib.</i>	13 De Oct. <i>semid. cum comm.</i> SS. Hippolyti et Cassiani, mart.
xi	b	xix	14 Vigilia, <i>cum comm.</i> Oct. et S. Eusebii, Conf.
x	c	xviii	15 ASSUMPTIO B. MARIE VIRGINIS, <i>dupl. i. cl.</i> Dom. infra Oct. fit de S. Joachim, Patre B. M. V. <i>dupl.-maj. cum comm.</i> Dom. et Oct. Assumpt.
ix	d	xvii	16 Hyacinthi, Conf. <i>dupl. cum comm.</i> Octav. Assumpt. et S. Laurent.
viii	e	xvi	17 Octava S. Laurentii, <i>dupl. et comm.</i> Oct. Assumpt.
vii	f	xv	18 De Octav. Assumpt. <i>semid. et comm.</i> S. Agapiti, mart.
vi	g	xiv	19 De Octava Assumpt. <i>semiduplex.</i>
v	A	xiii	20 Bernardi, Abbatis, et Doct. <i>duplex, et commem.</i> Oct. Assumpt.
iv	b	xii	21 Joannæ-Franciscæ Fremiot de Chantal, Vid. <i>dupl. cum comm.</i> Octav. Assumpt.
iii	c	xi	22 Octava Assumptionis B. M. <i>dupl. cum comm.</i> SS. Timothei, Hippolyti et Symphoriani, mart.
ii	d	x	23 Philippi Benitii, Confes. <i>dupl. et comm.</i> Vig.
i	e	ix	24 BARTHOLOMÆI, APOSTOLI, <i>dupl. ii. cl. Romæ celebratur die sequenti.</i>
*	f	viii	25 LUDOVICI, Regis Franciæ, Conf. <i>semid. Romæ, die sequenti.</i>
xxix	g	vii	26 Zephyrini, Papæ et mart.
xxviii	A	vi	27 Josephi Calasactii, Conf. <i>duplex.</i>
xxvii	b	v	28 Augustini, Episc., Conf. et Doct. <i>dupl. cum comm.</i> S. Hermetis, mart.
xxvi	c	iv	29 Decollatio S. Joannis Baptistæ, <i>duplex-majus; et comm.</i> S. Sabinæ, mart.
25, xxv	d	iii	30 Rosæ, Limanæ Virg. <i>dupl. cum comm.</i> SS. Felicis et Adaucti, mart.
xxiv	e	<i>Prid.</i>	31 Raymundi Nonnati, Conf. <i>duplex.</i>
SEPTEMBER.			
xxiii	f	<i>Cal.</i>	1 Ægidii, Abb. <i>simpl. et comm.</i> SS. Duodecim Fratrum, mart.
xxii	g	iv	2 Stephani, Hungarorum Regis, Conf. <i>semid.</i>
xxi	A	iii	3
xx	b	<i>Prid.</i>	4
xix	c	<i>Non.</i>	5 Laurentii Justiniani, Conf. <i>semid.</i>
xviii	d	viii	6
xvii	e	vii	7
xvi	f	vi	8 NATIVITAS B. MARIE VIRGINIS, <i>dupl. ii. cl. cum comm.</i> S. Adriani, mart. <i>in Missis priv. tantum.</i> Dominica infra Oct. Festum SS. Nominis B. M. <i>dupl.-maj. et comm.</i> Dom.
xv	g	v	9 De Octava Nativitatis B. M. <i>semid. et comm.</i> S. Gorgonii, mart.

CALENDARIUM.

Cyclus Epact.	Litt. Dom.	Dies Mensis.	SEPTEMBER.	
xiv	A	iv	10	Nicolai de Tolentino, Conf. <i>dupl. cum comm.</i> Oct.
xiii	b	iii	11	De Octava, <i>semid. et comm.</i> SS. Proti et Hyacinthi, mart.
xii	c	<i>Prid.</i>	12	De Octava, <i>semid.</i>
xi	d	<i>Idib.</i>	13	De Octava, <i>semid.</i>
x	e	xviii	14	<i>Exaltatio sanctæ Crucis, dupl.-maj. et comm.</i> Oct.
ix	f	xvii	15	Octava Nativitatis B. M. <i>dupl. cum comm.</i> S. Nicomedis, mart.
viii	g	xvi	16	Cornelii, Papæ, et Cypriani, Episc., mart. <i>semid. et comm.</i> SS. Euphemie, Lucie et Geminiani, mart.
vii	A	xv	17	Sacrorum Stigmatum S. Francisci, <i>dupl.</i>
vi	b	xiv	18	Josephi a Cupertino, Conf. <i>duplex.</i>
v	c	xiii	19	Januarii, Episcopi, et Soc. ejus, mart. <i>dupl.</i>
iv	d	xii	20	Eustachii et Soc. ejus, mart. <i>dupl. cum comm.</i> Vigiliæ.
iii	e	xi	21	MATTHÆI, APOST. et EVANG. <i>dupl. ii. cl.</i>
ii	f	x	22	Thomæ de Villanova, Episc. et Conf. <i>dupl. cum comm.</i> SS. Mauricii et Sociorum, mart.
i	g	ix	23	Lini, Papæ et mart. <i>semid. et comm.</i> S. Theclæ, Virg. et mart.
*	A	viii	24	<i>B. Mariæ de Mercede, dupl.-maj.</i>
xxix	b	vii	25	
xxviii	c	vi	26	Cypriani et Justinæ, mart.
xxvii	d	v	27	Cosmæ et Damiani, martyr. <i>semid.</i>
xxvi, 25	e	iv	28	Wenceslai, mart. <i>semid.</i>
25, xxiv	f	iii	29	DEDICATIO S. MICHAELIS ARCHANGELI, <i>duplex ii. classis.</i>
xxiii	g	<i>Prid.</i>	30	Hieronymi, Presb. Conf. et Doct. <i>duplex.</i> <i>Dominica III celebratur Festum Septem Dolorum Beatæ Mariæ Virginis. dupl.-maj.</i>
OCTOBER.				
<i>Dominica I. hujus mensis, id est primo die vel post hunc diem, Festum SS. Rosarii B. M. V. dupl.-maj. et comm. Dom.</i>				
xxii	A	<i>Cal.</i>	1	Remigii, Episc., Conf. <i>semidupl.</i> ad libit. <i>vel simpl.</i> de <i>præcepto.</i>
xxi	b	vi	2	Festum Angelorum Custodum, <i>dupl.</i>
xx	c	v	3	
xix	d	iv	4	Francisci Assisin. Conf. <i>dupl.</i>
xviii	e	iii	5	Placidi et Sociorum, mart.
xvii	f	<i>Prid.</i>	6	Brunonis, Conf. <i>duplex.</i>
xvi	g	<i>Non.</i>	7	Marci, Papæ et Conf. <i>simpl. et comm.</i> SS. Sergii, Bacchi, Marcelli et Apuleii, mart.
xv	A	viii	8	Birgittæ, Viduæ, <i>duplex.</i>
xiv	b	vii	9	Dionysii, Rustici et Eleutherii, martyr. <i>semid.</i>
xiii	c	vi	10	Francisci Borgiæ, Conf. <i>semid.</i>
xii	d	v	11	
xi	e	iv	12	
x	f	iii	13	Eduardi, Conf. <i>semid.</i>
ix	g	<i>Prid.</i>	14	Callisti, Papæ et mart. <i>duplex.</i>
viii	A	<i>Idib.</i>	15	Theresiæ, Virginis, <i>duplex.</i>
vii	b	xvii	16	

CALENDARIUM.

Cyclus Epact.	Litt. Dom.	Dies Mensis.	OCTOBER.	
vi	c	xvi	17	Hedwigis, Viduæ, <i>semid.</i>
v	d	xv	18	LUCÆ, EVANGELISTÆ, <i>dupl. ii. cl.</i>
iv	e	xiv	19	Petri de Alcantara, Conf. <i>duplex.</i>
iii	f	xiii	20	Joannis Cantii, Conf. <i>duplex.</i>
ii	g	xii	21	Hilarionis, Abbatis, <i>simpl. et comm.</i> SS. Ursulæ et So- ciarum, Virg. et mart.
i	A	xi	22	
*	b	x	23	
xxix	c	ix	24	
xxviii	d	viii	25	Chrysanthi et Dariæ, mart.
xxvii	e	vii	26	Evaristi, Papæ et mart.
xxvi	f	vi	27	Vigilia.
25, xxv	g	v	28	SIMONIS et JUDÆ, APOST. <i>dupl. ii. cl.</i>
xxiv	A	iv	29	
xxiii	b	iii	30	
xxii	c	<i>Prid.</i>	31	Vigilia.
NOVEMBER.				
xxi	d	<i>Cal.</i>	1	<i>FESTUM OMNIUM SANCTORUM, dupl. i. cl.</i>
xx	e	iv	2	Commemoratio Omnium Fidelium Defunctorum, <i>du- plex.</i>
xix	f	iii	3	De Octava, <i>semiduplex.</i>
xviii	g	<i>Prid.</i>	4	Caroli Borromæi, Episc. et Conf. <i>dupl. cum comm.</i> Oct. et SS. Vitalis et Agricolæ, mart.
xvii	A	<i>Non.</i>	5	} De Octava, <i>semiduplex.</i>
xvi	b	viii	6	
xv	c	vii	7	
xiv	d	vi	8	Octava Omnium Sanctorum, <i>dupl. et comm.</i> SS. Quatuor Coronatorum, mart.
xiii	e	v	9	Dedicatio Basilicæ Salvatoris, <i>dupl. cum comm.</i> S. Theo- dori, mart.
xii	f	iv	10	Andræ Avellini, Conf. <i>dupl. et comm.</i> SS. Tryphonis, Respicii et Nymphæ, mart.
xi	g	iii	11	Martini, Episc. et Conf. <i>dupl. cum comm.</i> S. Mennæ, mart.
x	A	<i>Prid.</i>	12	Martini, P. et mart. <i>semid.</i>
ix	b	<i>Idib.</i>	13	Didaci, Conf. <i>semid.</i>
viii	c	xviii	14	
vii	d	xvii	15	Gertrudis, Virg. <i>duplex.</i>
vi	e	xvi	16	
v	f	xv	17	Gregorii Thaumaturgi, Episc. et Conf. <i>semid.</i>
iv	g	xiv	18	Dedicatio Basilicarum Petri et Pauli, <i>duplex.</i>
iii	A	xiii	19	Elisabeth, Vid., <i>dupl. et comm.</i> S. Pontiani, Papæ et mart.
ii	b	xii	20	Felcis Valesii, Conf. <i>dupl.</i>
i	c	xi	21	<i>Præsentatio B. Mariæ Virginis, dupl.-maj.</i>
*	d	x	22	Cecilæ, Virg. et mart. <i>duplex.</i>
xxix	e	ix	23	Clementis, Papæ et mart. <i>dupl. et comm.</i> S. Felicitatis, mart.
xxviii	f	viii	24	Joannis a Cruce, Conf. <i>dupl. cum comm.</i> S. Chrysogoni, mart.
xxvii	g	vii	25	Catharinæ, Virg. et mart. <i>duplex.</i>
xxvi, 25	A	vi	26	Petri, Alexandrini, Episc. et mart.
25, xxiv	b	v	27	
xxiii	c	iv	28	

CALENDARIUM.

Cyclus Epact.	Litt. Dom.	Dies Mensis.	
NOVEMBER.			
xxii	d	iii	29 Vigilia, et comm. S. Saturnini, mart.
xxi	e	Prid.	30 ANDREÆ APOSTOLI, <i>dupl. ii. cl.</i> <i>Dominica prima Adventus non erit ante diem 27 No-</i> <i>vembris, neque post 3. Decembris.</i>
DECEMBER.			
xx	f	Cal.	1
xix	g	iv	2 Bibianæ, Virg. et mart. <i>semid.</i>
xviii	A	iii	3 Francisci Xaverii, Conf. <i>duplex.</i>
xvii	b	Prid.	4 Petri Chrysologi, Conf. et Doct. <i>dupl. et comm. S. Bar-</i> <i>baræ, Virg. et mart.</i>
xvi	c	Non.	5 Sabbæ, Abbatis, <i>commem.</i>
xv	d	viii	6 Nicolai, Episc. et Conf. <i>duplex.</i>
xiv	e	vii	7 Ambrosii, Episc., Conf. et Doct. <i>duplex.</i>
xiii	f	vi	8 CONCEPTIO B. Mariæ Virginis, <i>dupl. ii. cl.</i>
xii	g	v	9 De Octava Conceptionis, <i>semid.</i>
xi	A	iv	10 De Octava, <i>semid. cum comm. S. Melchiadis, Papæ et</i> <i>mart.</i>
x	b	iii	11 Damasi, Papæ et Conf. <i>semid. et comm. Oct.</i>
ix	c	Prid.	12 De Octava, <i>semid.</i>
viii	d	Idib.	13 Lucie, Virg. et mart. <i>dupl. cum comm. Oct.</i>
vii	e	xix	14 De Octava, <i>semid.</i>
vi	f	xviii	15 Octava Conceptionis Beatæ Mariæ, <i>dupl.</i>
v	g	xvii	16 Eusebii, Vercellensis Episc. et mart. <i>semid.</i>
iv	A	xvi	17
iii	b	xv	18
ii	c	xiv	19
i	d	xiii	20 Vigilia, <i>de qua nihil nisi in Missa.</i>
*	e	xii	21 THOMÆ, APOSTOLI, <i>dupl. ii. cl.</i>
xxix	f	xi	22
xxviii	g	x	23
xxvii	A	ix	24 Vigilia.
xxvi	b	viii	25 NATIVITAS DOMINI NOSTRI JESU CHRIS-
			<i>TI, dupl. i. cl. et comm. S. Anastasiæ, mart. in 2. Missa.</i>
25, xxv	c	vii	26 STEPHANI, PROTOMARTYRIS, <i>dupl. ii. cl. et</i> <i>comm. Octavæ Nativitatis.</i>
xxiv	d	vi	27 JOANNIS, APOSTOLI et EVANGELISTÆ, <i>dupl.</i> <i>ii. cl. cum comm. Octavarum Nativ. et S. Stephani.</i>
xxiii	e	v	28 INNOCENTII, MARTYRUM, <i>dupl. ii. cl. et comm.</i> <i>Octavarum Nativ. et S. Stephani. et S. Joan.</i>
xxii	f	iv	29 Thomæ Cantuariensis, Episc. et mart. <i>semidupl. cum</i> <i>comm. Octavarum Nativ. et S. Steph. et S. Joann. et</i> <i>SS. Innoc.</i>
xxi	g	iii	30 De Octava Nativ., <i>semid. et comm. Octavarum cætera-</i> <i>rum (vel Officium Dominicæ infra Octav. Nativitatis,</i> <i>cum comm. quatuor Octavarum).</i>
xx	A	Prid.	31 Sylvestri, Papæ et Conf. <i>dupl. et comm. Quatuor Octa-</i> <i>varum.</i>

Hæc Epacta 19 nunquam est in usu, nisi quando eodem anno concurrat cum Aureo Nu-
mero XIX.



RUBRICÆ GENERALES MISSALIS.

MISSA quotidie dicitur secundum Ordinem Officii de Festo Duplici, vel Semiduplici, vel Simplici: de Dominica, vel Feria, vel Vigilia, vel Octava: et extra ordinem Officii, Votiva, vel pro Defunctis.

I. De Duplici.

MISSA dicitur de Duplici illis diebus, quibus in Calendario ponitur hæc nota, *duplex*; et in Festis Mobilibus, quandocumque Officium est Duplex. In Duplicibus dicitur una tantum Oratio, nisi aliqua commemoratio fieri debeat. Alia omnia dicuntur ut in propriis Missis assignatum est. Quando dici debeat, *Gloria in excelsis*, et *Credo*, inferius ponitur in propriis Rubricis.

II. De Semiduplici, et Simplici.

MISSA de Semiduplici dicitur, quando in Calendario ponitur hæc vox, *Semiduplex*. Præterea in Dominicis, et diebus infra Octavas. In Semiduplicibus tam Festis, quam Dominicis, et infra Octavas, dicuntur plures Orationes, ut infra dicetur in Rubrica de Orationibus. Infra Octavam dicitur Missa sicut in die Festi, nisi propriam Missam habuerit: in Dominicis vero, sicut in propriis locis assignatur. De Simplici dicitur Missa sicut de Semiduplici, ut suis locis ponitur.

III. De Feria, et Vigilia.

MISSA de Feria dicitur, quando non occurrit Festum, vel Octava, vel Sabbatum, in quo fiat Officium B. Mariæ. In Feriis tamen Quadragesimæ, Quatuor

Temporum, Rogationum, et Vigiliarum, etiamsi Duplex, vel Semiduplex Festum, vel Octava occurrat, in Ecclesiis Cathedralibus et Collegiatis cantantur duæ Missæ; una de Festo post Tertiam, alia de Feria post Nonam.

2. In Vigiliis autem et Feriis Quatuor Temporum, vel Feria secunda Rogationum, quæ veniunt infra Octavam, Missa dicitur de Vigilia, vel Feriis supradictis, cum commemoratione Octavæ: præterquam infra Octavam Corporis Christi, in qua in Ecclesiis Cathedralibus et Collegiatis cantantur duæ Missæ, una de Octava post Tertiam, alia de Vigilia post Nonam: in Missis autem privatis dicitur Missa de Octava, cum commemoratione Vigiliæ. Si autem in die Vigiliæ, vel prædictis Feriis fiat Officium de aliquo Festo, tunc dicitur Missa de Festo cum commemoratione Octavæ, et Vigiliæ vel Feriarum prædictarum. Quod si Vigilia occurrat in die alicujus Festi ex majoribus primæ classis, in Missa non fit commemoratio de ea, sicut nec in Officio.

3. Si Festum habens Vigiliam celebretur Feria secunda, Missa Vigiliæ dicitur in Sabbato, sicut etiam de ea fit Officium: excepta Vigilia Nativitatis Domini, et Epiphaniæ.

4. Missa Vigiliæ in Adventu occurrentis, dicitur cum commemoratione Feriæ Adventus, licet de ea non sit factum Officium, Vigilia Nativitatis excepta.

5. Si in Quadragesima, et Quatuor Temporibus occurrat Vigilia, dicatur Missa de Feria cum commemoratione Vigiliæ.

6. Tempore Paschali non dicitur Missa de Vigilia, nisi in Vigilia Ascensionis; quæ tamen non jejunatur, sicut nec Vigilia Epiphaniæ.

IV. *De Missis Votivis S. Mariæ, et aliis.*

IN Sabbatis non impeditis Festo Duplici, vel Semiduplici, Octava, Vigilia, Feriis Quadragesimæ, vel Quatuor Temporum, vel Officio alicujus Dominicæ, quæ supersit, in præcedens Sabbatum translato, dicitur Missa de S. Maria secundum varietatem temporum, ut in fine Missalis ponitur.

2. In Adventu autem, licet Officium non fiat de S. Maria in Sabbato, dicitur tamen Missa principalis de ea, cum commemoratione de Adventu, nisi fuerint Quatuor Tempora vel Vigilia, ut supra.

3. Aliis diebus infra Hebdomadam, quando Officium fit de Feria, et non est resumenda Missa Dominicæ præcedentis, quæ fuerit impedita (exceptis Feriis Adventus, Quadragesimæ, Quatuor Temporum, Rogationum, et Vigiliarum) dici potest aliqua ex Missis Votivis, etiam in principali Missa, quæ vocatur Conventualis, secundum ordinem dierum in fine Missalis assignatum, cum commemoratione Feriæ, de qua factum est Officium. Quæ tamen Missæ, et omnes aliæ Votivæ, in Missis privatis dici possunt pro arbitrio Sacerdotum, quocumque die Officium non est Duplex, aut Dominica, cum commemoratione ejus de quo factum est Officium, et commemoratione item Festi Simplicis, si de aliquo occurrat eo die fieri commemorationem in Officio. Id vero passim non fiat, nisi rationabili de causa. Et quoad fieri potest, Missa cum Officio conveniat.

V. *De Missa Defunctorum.*

PRIMA die cujusque Mensis (extra Adventum, Quadragesimam, et tempus Paschale) non impedita Officio Duplici, vel Semiduplici, dicitur Missa principalis generaliter pro defunctis Sacerdotibus, benefactoribus, et aliis. Si vero in ea fuerit festum Simplex, vel Feria, quæ propriam habeat Missam, aut resumenda sit Missa Dominicæ præcedentis, quæ fuit impedita, et infra Hebdomadam non occurrat alius dies, in quo resumí possit, in Ecclesiis Cathedralibus et Collegiatis dicantur duæ Missæ, una pro Defunctis, alia de Festo Simplici, vel Feria prædicta. Sed in Ecclesiis non Cathedralibus nec Collegiatis dicatur Missa de die cum commemoratione generaliter pro Defunctis.

2. Præterea Feria secunda cujusque Hebdomadæ, in qua Officium fit de Feria, Missa principalis dici potest pro Defunctis. Si autem fuerit propria Missa de Feria, vel de Festo Simplici, vel resumenda sit Missa Dominicæ præcedentis, ut supra, in Missa de die fiat commemoratio (ut dictum est) pro Defunctis. Excipitur tamen Quadragesima, et totum tempus Paschale, et quando per annum Officium est Duplex, vel Semiduplex : quibus temporibus non dicitur Missa Conventualis pro Defunctis (nisi in die Depositionis Defuncti, et in Anniversario pro Defunctis), neque pro eis fit commemoratio. Missæ autem privatæ pro Defunctis quocumque die dici possunt, præterquam in Festis Duplicibus, et Dominicis diebus.

3. In die Commemorationis omnium Defunctorum, et in die Depositionis, et in Anniversario Defuncti, dicitur una tantum Oratio : et similiter in die Tertia, Septima, Trigesima, et quandocumque pro Defunctis solemniter celebratur : in aliis Missis, plures, ut de Feriis et Simplicibus dicetur infra in Rubrica de Orationibus.

4. Sequentia pro Defunctis dicitur in die Commemorationis omnium Fidelium Defunctorum, et Depositionis Defuncti, et quandocumque in Missa dicitur una tantum Oratio : in aliis autem Missis pro Defunctis dicatur ad arbitrium Sacerdotis.

VI. *De Translatione Festorum.*

IN dicendis Missis servetur ordo Brevariarii de Translatione Festorum Duplicium et Semiduplicium, quando majori aliquo Festo, seu Dominica impediuntur. In Ecclesiis autem ubi Titulus est Ecclesiæ, vel concursus populi ad celebrandum Festum quod transferri debet, possunt cantari duæ Missæ, una de die, alia de Festo : excepta Dominica I. Adventus, Feria IV. Cinerum, Dominica I. Quadragesimæ, Dominica Palmarum cum tota Hebdomada majori, Dominica Resurrectionis, et Dominica Pentecostes cum duobus diebus sequentibus, die Nativitatis Domini, Epiphaniæ, Ascensionis, et Festo Corporis Christi.

VII. *De Commemorationibus.*

COMMEMORATIONES in Missis fiunt sicut in Officio. De Festo

Simplici fit commemoratio in Missa, quando de eo in Officio facta est commemoratio in primis Vesperis. Quando autem de eo fit commemoratio tantum ad Laudes, in Missa solemnī non fit commemoratio de eo, sed in Missis tantum privatis. Excipitur Dominica Palmarum, et Vigilia Pentecostes in quibus nulla fit commemoratio etiam in Missis privatis de Festo Simplici occurrente, licet facta sit in Officio. De Dominica fit commemoratio, quando in ea agitur de Festo Duplici. De Octava fit commemoratio, quando infra Octavam celebratur aliquod Festum, nisi illud Festum fuerit de exceptuatis in Rubrica Breviarii de Commemorationibus. Item quando infra Octavam fit de Dominica.

2. De Feria fit commemoratio in Adventu, Quadragesima, Quatuor Temporibus, Rogationibus, et Vigiliis, quando Missa dicenda est de Festo illis temporibus occurrente. Sed in Ecclesiis Cathedralibus et Collegiatis, ubi plures Sacerdotes quotidie celebrant, in Feriis, Rogationibus, et Vigiliis prædictis, quæ habent Missas proprias, dicuntur duæ Missæ, una de Festo, alia de Feria, Rogationibus, et Vigilia, absque ulla utrorumque commemoratione: in Festis tamen majoribus primæ Classis nihil fit de Vigilia occurrente, ut dictum est supra.

3. Quando infra Hebdomadam dicuntur Missæ votivæ, post primam Orationem semper dicatur Oratio ejus, de quo fit Officium, ut supra explicatum est in propria Rubrica.

4. Quando fit commemoratio de Feria Quatuor Temporum, pro Feriæ commemorat. dicitur prima Oratio, quæ concordat cum officio.

5. In faciendis commemor. servetur ordo ut in Breviario. De Dominica ante diem infra Octavam; de die infra Octavam ante Ferias prædictas: de Feriis prædictis, ante Festum Simplex: de Festo Simplici, ante Orationes, quæ secundo, vel tertio loco dicendæ assignantur, et hæ dicantur ante Orationes Votivas, in quibus Votivis servetur deinde dignitas Orationum, ut de SS. Trinitate, de Spiritu Sancto, de SS. Sacramento, de S. Cruce, ante Votivam de B. Maria; et de Angelis, et S. Joanne Baptista ante Apostolos, et similiter in aliis.

6. Si facienda sit commemoratio pro Defunctis, semper ponitur penultimo loco. In Missis autem Defunctorum nulla fit commemoratio pro vivis, etiam si Oratio esset communis pro vivis et Defunctis.

7. Quando dicuntur plures Orationes, prima tantum et ultima cum sua conclusione terminantur; et ante primam et secundam Orationem tantum dicitur, *Oremus*; ante primam dicitur etiam, *Dominus vobiscum*.

8. Cum vero dicuntur plures Orationes, et una Oratio eadem sit cum alia ibidem dicenda, Oratio hujusmodi, illa scilicet quæ eadem est, non aliæ, commutetur cum alia de Communi vel Proprio, quæ sit diversa. Idem servetur in Secretis, et Orationibus post Communionem.

VIII. De Introitu, Kyrie, eleison, et Gloria in excelsis.

INTROITUS semper eodem modo dicitur cum *Gloria Patri*, ut in Ordinario, præterquam tempore Passionis, et in Missis Defunctorum, ut etiam ibi annotatum est.

2. *Kyrie, eleison*, dicitur novies post *Introitum*, alternatim cum ministro, id est, ter *Kyrie, eleison*, ter *Christe, eleison*, ter *Kyrie, eleison*.

3. *Gloria in excelsis*, dicitur quando-cumque in Matutino dictus est Hymnus, *Te Deum*, præterquam in Missa Feriæ V. in Cœna Domini, et Sabbati sancti, in quibus *Gloria in excelsis* dicitur, quamvis in Officio non sit dictum, *Te Deum*.

4. In Missis Votivis non dicitur, etiam tempore Paschali, vel infra Octavas, nisi in Missa B. Mariæ in Sabbato, et Angelorum: et nisi Missa Votiva solemniter dicenda sit pro re gravi, vel pro publica Ecclesiæ causa, dummodo non dicatur Missa cum paramentis violaceis. Neque dicitur in Missis Defunctorum.

IX. De Orationibus.

IN Festis Duplicibus dicitur una tantum Oratio, nisi facienda sit aliqua commemoratio, ut dictum est supra.

2. In Festis Semiduplicibus occurrentibus ab Octava Pentecostes usque ad Adventum; et a Purificatione usque ad Quadragesimam, dicitur secunda Oratio, *A cunctis*, tertia ad libitum.

3. In Festis Semiduplicibus occurrentibus ab Octava Epiphaniæ usque ad Purificationem, dicitur secunda Oratio, *Deus, qui salutis*, tertia *Ecclesiæ*, vel pro Papa, *Deus, omnium fidelium*.

4. In Festis Semiduplicibus, a Feria IV. Cinerum usque ad Dominicam Pas-

sionis, secunda Oratio de Feria, tertia *A cunctis*.

5. In Semiduplicibus a Dominica Passionis usque ad Dominicam Palmarum, secunda Oratio de Feria, tertia *Ecclesiæ*, vel pro Papa.

6. In Festis Semiduplicibus ab Octava Paschæ usque ad Ascensionem, secunda Oratio de Sancta Maria, *Concede nos*, tertia *Ecclesiæ*, vel pro Papa.

7. In Festis Semiduplicibus infra Octavas occurrentibus, secunda Oratio dicitur de Octava, tertia quæ secundo loco infra Octavam ponitur.

8. Infra Octavas Paschæ et Pentecostes, in Missa de Octava dicuntur duæ tantum Orationes, una de die, alia *Ecclesiæ*, vel pro Papa.

9. Infra alias Octavas, et in Vigiliis, quæ jejunantur (excepta Vigilia Nativitatis Domini et Pentecostes) dicuntur tres Orationes, una de die, secunda de Sancta Maria, tertia *Ecclesiæ*, vel pro Papa. Sed infra Octavas Sanctæ Mariæ, et in Vigilia, et infra Octavam Omnium Sanctorum, secunda Oratio dicitur de Spiritu sancto, *Deus, qui corda fidelium*, tertia *Ecclesiæ*, vel pro Papa.

10. In Dominicis infra Octavas occurrentibus, dicuntur duæ Orationes, una de Dominica, secunda de Octava: et in die Octava dicitur una tantum Oratio, nisi facienda sit aliqua commemoratio.

11. In Dominicis Orationes dicuntur tres, ut in Ordinario assignantur, quibusdam exceptis, ut suis etiam locis notatur.

12. In Festis Simplicibus, et Feriis per annum, nisi aliter in propriis locis notetur, dicuntur tres, ut in Semiduplicibus, aut quinque, possunt etiam dici septem ad libitum.

13. In Feriis Quatuor Temporum, et ubi plures leguntur Lectiones, hujusmodi plures Orationes dicuntur post ultimam Orationem ante Epistolam, ut suis locis in Proprio Missarum de Tempore.

14. In Missis Votivis, quando solemniter dicuntur pro re gravi, vel pro publica Ecclesiæ causa, dicitur una tantum Oratio: sed in Missa pro gratiarum actione additur alia Oratio, ut in proprio loco notatur. In aliis autem dicuntur plures, ut in Festis Simplicibus.

15. In Votivis Beatæ Mariæ, secunda Oratio dicitur de Officio illius diei, et tertia de Spiritu sancto: sed in Sabbato, quando de ea factum est Officium, secunda Oratio erit de Spiritu sancto, tertia *Ecclesiæ*, vel pro Papa. In Votivis de

Apostolis, quando ponitur Oratio, *A cunctis*, ejus loco dicitur Oratio de S. Maria, *Concede*.

16. Si cum plures dicuntur Orationes, occurrat fieri commemoratio alicujus Sancti, ea ponitur secundo loco, et tertia Oratio dicitur, quæ alias secundo loco dicenda erat.

17. In conclusione Orationum hic modus servatur. Si Oratio dirigatur ad Patrem, concluditur, *Per Dominum nostrum, etc.* Si ad Filium, *Qui vivis et regnas cum Deo Patre, etc.* Si in principio Orationis fiat mentio Filii, concluditur, *Per eundem Dominum, etc.* Si in fine Orationis, ejus fiat mentio, *Qui tecum, etc.* Si facta sit mentio Spiritus sancti, in conclusione dicitur, *In unitate ejusdem Spiritus sancti, etc.* Alia quoque in dicendis Orationibus servantur, quæ superius in Rubrica de Commemorationibus dicta sunt.

X. De Epistola, Graduali, Alleluia et Tractu, ac de Evangelio.

POST ultimam Orationem dicitur *Epistola*, qua finita, a Ministris respondetur, *Deo gratias*. Et similiter quando leguntur plures Lectiones, post singulas dicitur, *Deo gratias*, præterquam in fine quintæ Lectionis Danielis in Sabbatis Quatuor Temporum, et in fine Lectionum Feriæ VI. in Parasceve, et Sabbati sancti.

2. Post *Epistolam* dicitur *Graduale*, quod semper dicitur præterquam Tempore Paschali, cujus loco tunc dicuntur duo Versus, ut habetur in Rubrica in Sabbato in Albis.

3. Post *Graduale* dicuntur duo *Alleluia*, deinde Versus, et post Versum, unum *Alleluia*. Tempore Paschali, quando non dicitur *Graduale*, dicitur aliud *Alleluia*, post secundum Versum; et quando dicitur *Sequentia*, non dicitur post ultimum Versum, sed post *Sequentiam*.

4. A Septuagesima usque ad Sabbatum sanctum, non dicitur *Alleluia*, neque dicitur in Missis de Feria in Adventu, Quatuor Temporibus, et Vigiliis, quæ jejunantur, exceptis Vigilia Nativitatis Domini, si venerit in Dominica, et Vigilia Paschæ, et Pentecostes, ac Quatuor Temporibus Pentecostes. Nec dicitur in Festo SS. Innocentium, nisi venerit in Dominica.

5. A Septuagesima usque ad Pascha,

eius loco dicitur *Tractus*, qui *Tractus* prædicto tempore in aliquibus Feriis non dicitur, ut suis locis ponitur; nec dicitur in Feriis a Septuagesima usque ad Quadragesimam, quando repetitur Missa Dominicæ.

6. Dicto *Graduali*, seu *Alleluia*, seu *Tractu*, dicitur *Evangelium*. Et in principio *Evangelii* dicitur, *Dominus vobiscum*. R. *Et cum Spiritu tuo*, deinde, *Sequentia sancti Evangelii secundum N.* R. *Gloria tibi, Domine*. In fine *Evangelii* a Ministro respondetur, *Laus tibi, Christe*, quod etiam dicitur in fine illius partis *Passionis*, quæ legitur in tono *Evangelii*, præterquam in *Parasceve*. Postea, si dicendum est, dicitur *Credo*.

XI. De Symbolo.

SYMBOLUM dicitur post *Evangelium* in omnibus Dominicis per annum, etiam si in illis fiat de Festo, in quo alias non diceretur, vel Dominica vacet. In tribus Missis de Nativitate Domini, et deinceps usque ad Octavam S. Joannis Apostoli inclusive. In Epiphania, et per Octavam. In Feria V. in Cæna Domini. In Paschate Resurrectionis, et per Octavam. In Ascensione Domini, et per Octavam. In Festo Corporis Christi, et per Octavam. In omnibus Festis B. Mariæ, et per Octavam. In Festis duodecim Apostolorum, et Evangelistarum, et per Octavam. In utraque Cathedra S. Petri, et in Festo S. Petri ad Vincula, et in Festis Conversionis et Commemorationis S. Pauli Apostoli. In Festo S. Joannis ante Portam Latinam. In Festo S. Barnabæ Apostoli. In Festis Inventionis et Exaltationis S. Crucis. In Transfiguratione Domini. In Festis Angelorum. In Festo S. Mariæ Magdalænæ. In Festis quatuor Doctorum, videlicet, SS. Gregorii, Ambrosii, Augustini et Hieronymi, additis Festis S. Thomæ de Aquino, S. Bonaventuræ, S. Isidori, S. Leonis Papæ, S. Petri Chrysologi, S. Anselmi, S. Petri Damiani et S. Bernardi. Item in Festis Sanctorum Doctorum Athanasii, Basilii, Gregorii Nazianzeni et Joannis Chrysostomi. In die Octavarum S. Joannis Baptistæ et S. Laurentii. In Festo Omnium Sanctorum, et per Octavam. In Dedicatione Sanctissimi Salvatoris, et SS. Apostolorum Petri et Pauli. In Anniversario Dedicationis propriæ Ecclesiæ, et per Octavam. In die Consecrationis Ecclesiæ, vel Altaris. In Festis Sanc-

torum quibus dedicata est Ecclesia, et ubi habetur Corpus, vel insignis Reliquia Sancti de quo agitur. In die Creationis et Coronationis Summi Pontificis, et in Anniversario ejusdem diei. In die et in Anniversario electionis et consecrationis Episcopi. Item in omnibus Festis, quæ in Dominicis, et infra Octavas celebrantur, in quibus ratione Dominicæ et Octavæ dici debet. Item in Festo Patroni alicujus loci, vel Tituli Ecclesiæ (non autem alicujus Capellæ, vel Altaris); et in Festis principalibus Ordinum, et per eorum Octavas, in Ecclesiis tantum illius Ordinis. Item dicitur, *Credo*, in Missis Votivis quæ solemniter pro re gravi, vel pro publicâ Ecclesiæ causa celebrantur, etiam si dicantur in Paramentis violaceis in Dominica.

XII. De Offertorio, Secretis, Præfationibus, et Canone.

POST Symbolum, vel si non sit dicendum, post *Evangelium* dicitur, *Dominus vobiscum*, *Oremus*, deinde *Offertorium*, postea fit oblatio cum Orationibus, ut in ordine Missæ. Qua oblatione facta, dicuntur *Orationes secretæ*, secundum numerum Orationum, quæ clara voce in principio dictæ sunt; sed ante primam Orationem non dicitur *Dominus vobiscum*, nec aliquid aliud; sed dicto, *Suscipiat Dominus sacrificium*, absolute dicuntur: neque etiam ante secundam Orationem dicitur, *Oremus*. Terminatur autem prima, et ultima Oratio, ut dictum est supra in Rubrica de Orationibus; et secreto dicuntur usque ad illa verba in conclusione, *Per omnia sæcula sæculorum*, quæ clara voce proferuntur, et incipitur *Præfatio*.

2. Præfationes autem dicuntur, ut in ordine Missæ annotatum est: et quæ in Quadragesima, tempore Passionis, et Paschali, et infra Octavas propriæ assignantur, dicuntur etiam in Dominicis et Festis, quæ illis temporibus celebrantur, nisi illa Festa propriam Præfationem habeant.

3. Si infra Octavam alicujus Festi, quod habet Præfationem propriam, occurrat Festum ex majoribus, non habens propriam Præfationem, dicitur Præfatio de Octava, quamvis de ea nulla fiat commemoratio in Missa.

4. In Missis Votivis dicitur etiam Præfatio propria, si propriam habeant: si vero non habuerint, dicitur Præfatio de

Tempore, vel Octavæ infra quam contigerit hujusmodi Missas celebrari; alioquin Præfatio communis. Et quando aliqua Missa votiva pro causa publica solemniter celebratur, dicitur in cantu solenni, ut in Duplicibus. In Missis Defunctorum quocumque tempore semper dicitur Præfatio communis.

5. Post Præfationem incipitur *Canon Missæ* secreto: in quo servantur omnia ut in ordine Missæ. Ubi vero infra actionem, *Communicantes*, et *Hanc igitur* vel alia variari contingit, suo loco in propriis Missis adnotatur.

XIII. *De Communione, Orationibus post Communionem, Ite, Missa est, vel Benedicamus Domino, de Benedictione et Evangelio Sancti Joannis.*

EXPLETO Canone, et aliis omnibus usque ad Communionem, ea peracta, dicitur *Communio* et *Orationes post Communionem*, eodem modo et ordine, ut in principio Missæ; et repetito *Dominus vobiscum*, dicitur, *Ite, Missa est*, vel *Benedicamus Domino*, pro temporis ratione. *Ite, Missa est*, dicitur quodcumque dictum est *Gloria in excelsis*. Cum non dicitur, ejus loco dicitur, *Benedicamus Domino*. *R. Deo gratias*. In Missis Defunctorum dicitur, *Requiescant in pace*. *R. Amen*.

2. Dicto *Placeat*, datur *Benedictio*, quæ a Celebrante semper datur in Missa, præterquam in Missis Defunctorum. Deinde legitur Evangelium S. Joannis, *In principio*, præmisso, *Dominus vobiscum*, et *Initium*, ut moris est: quod Evangelium numquam prætermittitur in Missa, nisi quando fit de Festo in aliqua Dominica, vel FERIA quæ habet Evangelium proprium, quod legitur ejus loco. Excipitur Dominica IV. Adventus, cujus Evangelium non legitur in fine Missæ, quando in ea occurrit Vigilia Nativitatis Domini, quia nec in Officio lectum est. In tertia Missa de die Nativitatis Domini legitur in fine Evangelium de Epiphania, *Cum natus esset Jesus*. Et in Dominica Palmarum in Missis privatis legitur Evangelium quod ponitur in benedictione Palmarum, quod etiam lectum est in Officio. In Vigiliis quæ occurrunt in Quadragesima, vel Quatuor Temporibus, non legitur Evangelium Vigiliæ in fine Missæ. Et similiter in Missis Votivis numquam legitur in fine aliud Evangelium, nisi S. Joannis.

XIV. *De ordinanda Missa ex supradictis Rubricis.*

SUPRADICTIS Rubricis cognitiss, si quis velit ordinare Missam diei, recurat ad Ordinarium Missarum de Tempore, vel de Sanctis, secundum qualitatem Officii. Si proprium non habeat, recurat ad Commune Sanctorum. Si de FERIA agendum sit, et propria Missa non fuerit de FERIA, dicatur Missa præcedentis Dominicæ, omissis *Gloria in excelsis*, et *Symbolo*, præterquam Tempore Paschali, in quo semper dicitur, *Gloria in excelsis*, ut supra, excepta Missa Rogationum: et in Adventu prætermittitur *Alleluia* post *Graduale*, cum suo Versu. Si dicenda sit Missa Votiva, requiratur post Commune Sanctorum suo loco. Si plures Orationes dicendæ sint, requirantur post Missas Votivas suo loco de singulis rebus singulæ. Si pro Defunctis dicenda sit Missa, habetur post Missas Votivas, cum Collectis diversis circa finem Missalis. Ordo totius Missæ, cum Præfationibus, Canone, et aliis dicendis, habetur suo loco cum Proprio Missarum in Tempore.

XV. *De Hora celebrandi Missam.*

MISSA privata saltem post Matutinum et Laudes quacumque hora ab Aurora usque ad Meridiem dici potest.

2. Missa autem conventualis et solennis sequenti ordine dici debet. In Festis Duplicibus et Semiduplicibus, in Dominicis et infra Octavam, dicta in Choro Hora Tertia. In Festis Simplicibus, et in FERIIS per annum, dicta Sexta. In Adventu, Quadragesima, Quatuor Temporibus, etiam infra Octavam Pentecostes, et Vigiliis quæ jejuntur, quamvis sint dies solemnes, Missa de Tempore debet cantari post Nonam.

3. Missa autem Defunctorum dici debet post Primam diei; ubi vero dicuntur eorum Vigiliæ mane post Matutinum diei, dictis hujusmodi Vigiliis cum Laudibus, immediate dici potest Missa pro Defunctis. Sed in die Commemorationis Omnium Fidelium Defunctorum, Missa Conventualis dicitur post Nonam, quia eo die est principalis. In die autem Depositionis Defuncti, vel Tertio, Septimo, Trigesimo, aut Anniversario solenni, in quo fit concursus populi, poterit similiter dici ultimo loco post Nonam.

4. Excipiuntur ab hoc ordine dicendi

Missam Conventualem, Missæ in Nativitate Domini, quarum prima dicitur post mediam noctem, finito *Te Deum laudamus*, in Matutino; secunda in Aurora, dictis Laudibus et Prima; tertia vero in die post tertiam, vel ubi aliter ex dispensatione Apostolica disponatur.

5. Missæ Votivæ, quia non correspondent Officio, si solemniter celebrentur pro re gravi vel publica Ecclesiæ causa, cum populi frequentia, dicantur post Nonam.

XVI. *De iis quæ clara voce aut secreto dicenda sunt in Missa.*

IN Missa privata clara voce dicitur, *Antiphona* et *Psalmus* ad *Introitum*, *Confessio*, et quæ sequuntur, excepta *Oratione Aufer a nobis*, et *Oramus te, Domine, per merita Sanctorum tuorum*, etc. Item, *Introitus*, *Kyrie, eleison*, *Gloria in excelsis*, *Dominus vobiscum*, *Oremus*, *Flectamus genua*, *Levate, Oratio*, vel *Orationes*, *Prophetiæ*, *Epistola*, *Graduale*, *Versus*, *Tractus*, *Sequentia*, *Evangelium*, *Credo*, *Offertorium*, *Orate, fratres*, solum hæc duo verba; *Præfatio*, *Nobis quoque peccatoribus*, solum hæc tria verba. Item, *Per omnia sæcula sæculorum*, etc., cum *Pater noster*, *Per omnia sæcula sæculorum*, cum *Pax Domini*, *Agnus Dei*, *Domine non sum dignus*, hæc quatuor verba tantum, *Communio*, *Oratio*, vel *Orationes post Communionem*, *Humiliate capita vestra Deo*, *Ite, Missa est*, vel *Benedicamus Domino*, vel *Requiescant in pace*, *Benedictio*, et *Evangelium*, *In principio*; vel aliud *Evangelium*. Alia omnia dicuntur secreto.

2. Sacerdos autem maxime curare debet, ut ea quæ clara voce dicenda sunt, distincte et apposite proferat, non admodum festinanter, ut advertere possit quæ legit; nec nimis morose, ne audientes tædio afficiat: neque etiam voce nimis elata, ne perturbet alios, qui fortasse in eadem Ecclesia tunc temporis celebrant; neque tam submissa, ut a circumstantibus audiri non possit; sed mediocri et gravi, quæ et devotionem moveat, et audientibus ita sit accommodata, ut quæ leguntur, intelligant. Quæ vero secreto dicenda sunt, ita pronuntiet, ut et ipse se audiat, et a circumstantibus non audiat.

3. In Missa solemnique quando dici debent a Celebrante *Gloria in excelsis* et *Credo*, intonantur et cantantur *Dominus vobis-*

cum, et *Orationes ante Epistolam*, *Dominus vobiscum*, *Oremus*, ante *Orationes* et ante *Offertorium*; *Præfatio*, *Per omnia sæcula sæculorum*, cum *Pater noster*, *Per omnia sæcula sæculorum*, cum *Pax Domini* et *Orationes post Communionem*. Alia, quæ in Missa privata dicuntur clara voce, in Missa solemnique a Celebrante dicuntur submissa voce.

XVII. *De ordine genuflectendi, sedendi et standi, in Missa privata et solemnique.*

IN Missa privata Sacerdos genuflectit, quando legit *Evangelium S. Joannis*, *In principio*, ad illa verba, *Et Verbum caro factum est*; et in *Evangelio Epiphaniæ*, *Cum natus esset Jesu*, ad illa verba, *Et procidentes adoraverunt eum*. Item in *Evangelio Feriæ IV.* post *Dominicam IV.* *Quadragesimæ*, ad illa verba in fine, *Et procidens adoravit eum*. Item genuflectit *Dominica Palmarum*, et in *Missis de S. Cruce* ad illa verba in *Epistola*, *In nomine Jesu omne genu flectatur*; et quando legitur *Passio*, ad illa verba, *Expiravit*, vel *Emisit Spiritum*, ut suis locis notatur. Item genuflectit, cum dicit, *Flectamus genua*. Item quando in *Quadragesima* dicit in *Tractu*, *V. Adjuva nos, Deus*, etc., et in omnibus *Missis de Spiritu sancto*, cum dicit, *V. Veni sancte Spiritus, reple*, etc. Item quando *Sacramentum* in *Altari* discooperitum apparet, genuflectit quoties ante illud transit in medio *Altaris*; et quandocumque in ordine *Missæ*, et in ritu servando in celebratione *Missæ* notatur quod debeat genuflectere.

2. Circumstantes autem in *Missis* privatis semper *genua* flectent, etiam tempore *Paschali*, præterquam dum legitur *Evangelium*.

3. In *Missa* solemnique Celebrans genuflectit ad omnia supradicta, præterquam ad *Flectamus genua*, et tunc ipse solus stat. Diaconus vero et Subdiaconus, et omnes alii genuflectunt. Ad *Versum* vero, *Adjuva nos, Deus*, etc., et ad *Versum*, *Veni, sancte Spiritus*, etc., genuflectit usque ad finem. Item genuflectit in die *Annuntiationis Beatæ Mariæ*, et in tribus *Missis Nativitatis Domini*, quando in *Choro* cantatur, *Et Incarnatus est*, etc. Aliis diebus si sedeat cum cantantur ea verba, non genuflectit, sed caput tantum profunde inclinat apertum: si non sedet, genuflectit.

4. Ministri semper genuflectunt cum Celebrante, præterquam Subdiaconus tenens librum ad Evangelium, et Acolythi tenentes candelabra, qui tunc non genuflectunt. Et cum Diaconus cantat illa verba ad quæ est genuflectendum, ipse versus librum, Celebrans et omnes alii versus Altare genuflectunt.

5. In Choro genuflectitur ab iis qui non sunt Prælati, ad Confessionem cum suo Psalmo. In Missis autem Feriarum Adventus, Quadragesimæ, Quatuor Temporum, et Vigiliarum quæ jejunantur, ac in Missis Defunctorum, genuflectunt omnes etiam ad Orationes, et dicto per Celebrantem *Sanctus*, usque ad *Pax Domini*, et ad *Orationes post Communionem*, et *super populum*, excepta Vigilia Paschæ, et Pentecostes, ac Nativitatis Domini, et Quatuor Temporibus Pentecostes. Et similiter ab omnibus genuflectitur quando elevatur Sacramentum.

6. In Missa item solempni Celebrans medius inter Diaconum et Subdiaconum sedere potest a cornu Epistolæ juxta Altare, cum cantatur *Kyrie, eleison, Gloria in excelsis*, et *Credo*: alio tempore stat ad Altare, vel genuflectit, ut supra.

7. In choro non sedent qui actu cantant; reliqui autem possunt sedere quando Celebrans sedet, et præterea dum cantatur *Epistola, Prophetiæ, Graduale, Tractus* vel *Alleluia*, cum *Versu*, et *Sequentia*, et ab *Offertorio*, usque ad incensationem Chori; et si non incensatur, usque ad *Præfationem*, et ad *Antiphonam*, quæ dicitur *Communio*. Ad alia stant, vel genuflectunt, ut supra.

XVIII. De coloribus Paramentorum.

PARAMENTA Altaris, Celebrantis, et Ministrorum debent esse coloris convenientis Officio et Missæ diei, secundum usum Romanæ Ecclesiæ: quæ quinque coloribus uti consuevit, Albo, Rubeo, Viridi, Violaceo et Nigro.

2. Albo colore utitur a Vesperis Vigiliæ Nativitatis Domini usque ad Octavam Epiphaniæ inclusive, exceptis Festis Martyrum, quæ infra eam veniunt. In Festo SS. Nominis Jesu, Feria V. in Cœna Domini, et Sabbato sancto in Officio Missæ, et ab illo die usque ad Sabbatum in Vigilia Pentecost. ad Nonam, in Officio de Tempore, præterquam in Missa Litaniarum, et Rogationum. In Festis

SS. Trinitatis, Corporis Christi, et Transfigurationis Domini. In Festis B. Mariæ Virginis, præterquam in benedictione Candelarum et Processione quæ fit in Festo Purificationis ejusdem. In Festis Angelorum. In Nativitate S. Joannis Baptistæ. In principali Festo S. Joannis Evangelistæ, quod celebratur infra Oct. Nativitatis Domini. In utraque Cathedra S. Petri. In Festo S. Petri ad Vincula. In Conversione S. Pauli. In Festo Omnium Sanctorum. In Festis Confessorum Pontificum, et non Pontificum, et Doctorum. In Festis SS. Virginum non Martyrum, et nec Virginum nec Martyrum. In Dedicatione et Consecratione Ecclesiæ, vel Altaris, ac in Consecratione Summi Pontificis, et in Anniversario Creationis et Coronationis ejusdem, et Electionis et Consecrationis Episcopi. Item per Octavas prædictorum Festorum quæ Octavas habent, quando dicitur Missa de Octava, et in Dominicis infra eas currentibus, quando in eis fit Offic. de Dominica, præterquam in illis Dominicis quibus tributus est color Violaceus. In Missis Votivis supradictorum Festorum, quocumque tempore dicantur; et in Missa pro Sponso et Sponsa.

3. Rubeo colore utitur a Vigilia Pentecost. in Missa usque ad Sabbatum sequens finita Nona in Missa. In Festis S. Crucis. In Decollatione S. Joannis Baptistæ. In Festo SS. Apostolorum Petri et Pauli, et in Festis aliorum Apostolorum (exceptis Festo principali S. Joannis Evangelistæ post Nativitatem Domini, et Festis Conversionis S. Pauli, et Cathedræ S. Petri, et ejus Vinculorum). In Festo S. Joannis ante Portam Latinam. In Commemoratione S. Pauli Apostoli. In Festis Martyrum, excepto Festo Sanctorum Innocentium, quando non venerit in Dominica: si autem in Dominica venerit, utitur Rubeo: in ejus vero die Octava semper utitur Rubeo, quocumque die occurrat. In Festis Sanctarum Virginum Martyrum, et Martyrum non Virginum. Item per Octavas prædictorum Festorum quæ Octavas habent, quando fit de Octava, et in Dominicis infra eas Octavas currentibus, eodem modo, ut dictum est supra de colore Albo. Item in Missis Votivis supradictorum Festorum, et in Missa pro eligendo Summo Pontifice.

4. Viridi colore utitur ab Octava Epiphaniæ usque ad Septuagesimam, et ab Octava Pentecostes usque ad Adventum exclusive, in Officio de Tempore; excepta

Dominica SS. Trinitatis, ut supra, ac exceptis Dominicis infra Octavas occurrentibus, in quibus color Octavarum servatur: exceptis etiam Vigiliis, et Quatuor Temporibus, ut infra.

5. Violaceo colore utitur a prima Dominica Adventus in primis Vesperis usque ad Missam Vigilæ Nativitatis Domini inclusive; et a Septuagesima usque ad Sabbatum sanctum ante Missam inclusive; in Officio de Tempore, excepta Feria V. in Cæna Domini, in qua utitur Albo; et Feria VI. in Parasceve, in qua utitur Nigro, ut infra; et benedictione Cerei in Sabbato sancto, in qua Diaconus illius Præfationem dicens, solus utitur Albo: ea autem finita, Violaceo ut prius. Item in Vigilia Pentecostes ante Missam a prima Prophetia usque ad benedictionem Fontis inclusive. In Quatuor Temporibus, et Vigiliis quæ jejuntur, exceptis Vigilia et Quatuor Temporibus Pentecostes. In Missa Litaniarum in die S. Marci Evangelistæ, et Rogationum, et in Processionibus quæ his diebus fiunt. In Festo SS. Innocentium, quando non venerit in Dominica. In benedictione Candelarum in die Purificationis B. Mariæ, et in benedictione Cinerum, ac Palmarum, et in ipsa Dominica in Palmis, et in eorumdem, ac generaliter in omnibus Processionibus: exceptis Processionibus Sanctissimi Sacramenti, et quæ fiunt in diebus solemnibus, vel pro gratiarum actione. In Missis de Passione Domini, Pro quacumque necessitate, Pro peccatis, Ad postulandam gratiam bene moriendi, Ad tollendum schisma, Contra Paganos, Tempore belli, Pro pace, Pro vitanda mortalitate, Pro iter agentibus et Pro infirmis.

6. Nigro colore utitur Feria VI. in Parasceve, et in omnibus Officiis et Missis Defunctorum.

XIX. De qualitate Paramentorum.

IN Officio Missæ Celebrans semper utitur Planeta super Albam.

2. Si autem sit Episcopus, et solemniter celebret, super Dalmaticam et Tunicellam.

3. Pluviali utitur in Processionibus, et Benedictionibus quæ fiunt in Altari. Item in Officio Laudum, et Vesperarum, quando solemniter dicuntur. Eodem utitur Assistens Celebranti in Missa Pontificali. Item quando Celebrans post Mis-

sam Defunctorum in fine facit Absolutionem.

4. Cum Celebrans utitur Pluviali, semper deponit Manipulum, et ubi Pluviale haberi non potest, in benedictionibus quæ fiunt in Altari, Celebrans stat sine Planeta cum Alba et Stola.

5. Dalmatica et Tunicella utuntur Diaconus et Subdiaconus in Missa solemni, et Processionibus, et Benedictionibus, quando Sacerdoti ministrant.

6. In diebus vero jejuniorum (præterquam in Vigiliis Sanctorum) et in Dominicis et Feriis Adventus, et Quadragesimæ, ac in Vigilia Pentecostes ante Missam (exceptis Dominica *Gaudete*, etiamsi ejus Missa infra Hebdomada repetatur, et Dominica *Lætare*, et Vigilia Nativitatis Domini, Sabbato sancto in benedictione Cerei, et in Missa, ac in Quatuor Temporibus Pentecost.); item in benedictione Candelarum, et Processione in die Purificationis B. M., et in benedictione Cinerum, ac benedictione Palmarum et Processione: in Cathedralibus et præcipuis Ecclesiis utuntur Planetis plicatis ante pectus, quam Planetam Diaconus dimittit cum lecturus est Evangelium, eaque tunc per sinistrum humerum super Stolum complicatur, aut ponitur aliud genus Stollæ latioris in modum Planetæ plicatæ; et facta Communione, resumat Planetam, ut prius. Similiter Subdiaconus dimittit eam cum lecturus est Epistolam, quam legit in Alba; et ea finita, osculataque Celebrantis manu, Planetam resumat, ut prius.

7. In minoribus autem Ecclesiis, prædictis diebus jejuniorum Alba tantum amicti ministrant: Subdiaconus cum Manipulo, Diaconus etiam cum Stola ab humero sinistro pendente sub dextero.

XX. De præparatione Altaris, et ornamentorum ejus.

ALTARE, in quo sacrosanctum Missæ sacrificium celebrandum est, debet esse lapideum, et ab Episcopo, sive ab Abbate facultatem a Sede Apostolica habente, consecratum; vel saltem ara lapidea, similiter ab Episcopo, vel Abbate, ut supra, consecrata, in eo inserta, quæ tam ampla sit, ut Hostiam et majorem partem Calicis capiat. Hoc Altare operiatur tribus mappis, seu tobaleis mundis, ab Episcopo, vel alio habente potes-

tatem, benedictis, superiori saltem oblonga, quæ usque ad terram pertingat, duabus aliis brevioribus, vel una duplicata. Pallio quoque ornetur coloris, quoad fieri potest, diei Festo vel Officio convenientis. Super Altare collocetur Crux in medio, et Candelabra saltem duo cum candelis accensis hinc et inde in utroque ejus latere. Ad Crucis pedem ponatur Tabella Secretarum appellata. In cornu

Epistolæ cussinus supponendus Missali, et ab eadem parte Epistolæ paretur cereus, ad elevationem Sacramenti accendendus, parva campanula, ampullæ vitreæ vini et aquæ cum pelvicula et manutergio mundo in fenestella, seu in parva mensa ad hæc præparata. Super Altare nihil omnino ponatur, quod ad Missæ sacrificium, vel ipsius Altaris ornatum, non pertineat.





RITUS SERVANDUS

IN CELEBRATIONE MISSÆ.

I. *De præparatione Sacerdotis celebraturi.*

SACERDOS celebraturus Missam, prævia Confessione Sacramentali, quando opus est, et saltem Matutino cum Laudibus absoluto, Orationi aliquantulum vacet, et Orationes inferius positas pro temporis opportunitate dicat. Deinde accedit ad locum in Sacristia vel alibi præparatum, ubi Paramenta, aliaque ad celebrationem necessaria habentur: accipit Missale, perquirat Missam, perlegit, et signacula ordinat ad ea quæ dicturus est. Postea lavat manus, dicens Orationem inferius positam. Deinde præparat Calicem (qui debet esse vel aureus, vel argenteus, aut saltem habere cuppam argenteam intus inauratam, et simul cum Patena itidem inaurata, ab Episcopo consecratus): super ejus os ponit purificatorium mundum, et super illud Patenam cum Hostia integra, quam leviter extergit, si opus est, a fragmentis, et eam tegit parva palla linea, tum velo serico: super velo ponit bursam coloris paramentorum, intus habentem Corporale plicatum, quod ex lino tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum palla benedictum.

2. Quibus ita dispositis, accedit ad Paramenta, quæ non debent esse lacera, aut scissa, sed integra, et decenter munda, ac pulchra, et ab Episcopo itidem, vel alio facultatem habente, benedicta: ubi calceatus pedibus, et indutus vestibus sibi

convenientibus, quarum exterior saltem talum pedis attingat, induit se, si sit Prælati sæcularis, super rochetum; si sit Prælati regularis, vel alius Sacerdos sæcularis, supra superpelliceum, si commode haberi possit, alioquin sine eo, supra vestes communes, dicens ad singula singulas Orationes inferius positas.

3. Ac primum accipiens Amictum circa extremitates et chordulas, osculatur illud in medio, ubi est Crux, et ponit super caput, et mox declinat ad collum, et eo vestium collaria circumtegens, ducit chordulas sub brachiis, et circumducens per dorsum ante pectus reducit, et ligat. Tum Alba induitur, caput submittens, deinde manicam dexteram brachio dextero, et sinistram sinistro imponens, Albam ipsam corpori adaptat, elevat ante, et a lateribus hinc inde; et cingulo per ministrum a tergo sibi porrecto se cingit. Minister elevat Albam super cingulum circumcirca, ut honeste dependeat, et tegat vestes, ac ejus fimbrias diligenter aptat, ut ad latitudinem digiti vel circiter super terram æqualiter fluat. Sacerdos accipit Manipulum, osculatur Crucem in medio, et imponit brachio sinistro. Deinde ambabus manibus accipiens Stolum simili modo deosculatur, et imponit medium ejus collo, ac transversando eam ante pectus in modum crucis, ducit partem a sinistro humero pendentem ad dexteram, et partem a dextro humero pendentem ad sinistram. Sicque utramque partem Stollæ extremitatibus cinguli hinc inde ipsi cingulo conjungit.

4. Si Celebrans sit Episcopus, vel

Abbas, ut supra, non ducit Stolum ante pectus in modum crucis, sed sinit hinc inde utrasque extremitates pendere: et antequam accipiat Stolum, accipit parvam Crucem pectoralem, quam osculatur, et collo impositam sinit ante pectus chordulis pendere. Manipulum quoque non accipit ante Stolum, nisi in Missis Defunctorum, sed accipit ad Altare, cum in confessione dicit, *Indulgentiam*, illumque prius osculatur.

Postremo Sacerdos accipit Planetam.

5. Si sit Episcopus, vel Abbas, ut supra, habens usum Pontificalium, et solemniter celebret, accipit Paramenta, et alia ut in Pontificali et Cæremoniali.

II. De ingressu Sacerdotis ad Altare.

SACERDOS omnibus Paramentis indutus, accipit manu sinistra Calicem, ut supra, præparatum, quem portat elevatum ante pectus, bursam manu dextra super Calicem tenens, et facta reverentia Cruci, vel imagini illi quæ in Sacristia erit, capite cooperto accedit ad Altare, ministro cum Missali, et aliis ad celebrandum necessariis (nisi ante fuerint præparata) præcedente superpelliceum induto. Præcedit autem oculis demissis, incessu gravi, erecto corpore. Si vero contigerit eum transire ante Altare majus, capite cooperto faciat ad illud reverentiam. Si ante locum Sacramenti, genuflectat. Si ante Altare ubi celebretur Missa, in qua elevatur, vel tunc ministratur Sacramentum, similiter genuflectat, et detecto capite illud adorat, nec ante surgat, quam Celebrans deposuerit Calicem super Corporale.

2. Cum pervenerit ad Altare, stans ante illius infimum gradum, caput detegit, biretum ministro porrigit, et Altari, seu imagini Crucifixi desuper positæ profunde inclinatur. Si autem in eo sit tabernaculum SS. Sacramenti, genuflectens debitam facit reverentiam. Tunc accedit ad medium Altaris, ubi ad cornu Evangelii sistit Calicem, extrahit Corporale de bursa, quod extendit in medio Altaris, et super illud Calicem velo coopertum collocat, bursam autem ad cornu Evangelii. Si in Altari Paramenta accipit, hoc idem facit antequam descendat ab Altari, ut Missam inchoet.

3. Si est consecraturus plures Hostias pro Communionem faciendam, quæ ob quantitatem super Patenam manere non pos-

sint, locat eas super Corporale ante Calicem; aut in aliquo Calice consecrato, vel vase mundo benedicto, ponit eas retro post Calicem, et alia Patena, seu palla cooperit.

4. Collocato Calice in Altari, accedit ad cornu Epistolæ, Missale super cussino aperit, reperit Missam, et signacula suis locis accommodat. Deinde rediens ad medium Altaris, facta primum Cruci reverentia, vertens se ad cornu Epistolæ, descendit post infimum gradum Altaris, ut ibi faciat Confessionem.

5. In Missa solemnè Missale apertum super Altare, Calix vero et alia necessaria præparentur in Credentia cooperta linteo, antequam Sacerdos veniat ad Altare. Ipse autem procedit cum Diacono et Subdiacono, qui capite cooperto, simul cum eo tenent manus junctas ante pectus: Acolythi vero ante eos deferunt candelabra cum candelis accensis, quæ deinde collocantur super Credentia: et cum pervenerit ante infimum gradum Altaris, ibi medius inter Diaconum a dextris, et Subdiaconum a sinistris, antequam ascendat ad Altare, facit cum ipsis, ut infra, Confessionem.

6. In Missa Pontificali omnia servantur, ut in Pontificali et Cæremoniali Romano ordinatur: cujus Pontificalis ordinem Episcopus, sive Abbas, ut supra, numquam prætermittat, quandocumque cum Diacono et Subdiacono paratis celebrat.

III. De principio Missæ, et Confessione faciendam.

SACERDOS, cum primum descenderit sub infimum gradum Altaris, convertit se ad ipsum Altare, ubi stans in medio, junctis manibus ante pectus, extensis et junctis pariter digitis, et pollice dextro super sinistram positum in modum crucis (quod semper servatur quando junguntur manus, præterquam post consecrationem), detecto capite, facta prius Cruci vel Altari profunda reverentia, vel si in eo sit Tabernaculum Sanctissimi Sacramenti, facta genuflexione, erectus incipit Missam.

2. Si celebraturus sit coram Summo Pontifice, sistit se ante infimum gradum Altaris a cornu Evangelii ante ipsum Pontificem, ubi genuflexus expectat: accepta benedictione erigit se, et stans aliquantulum versus ad Altare, incipit

Missam. Si autem sit coram Cardinali, Legato Sedis Apostolicæ, aut Patriarcha, Archiepiscopo, et Episcopo in eorum residentiis, vel loco jurisdictionis, stans ante infimum gradum a cornu Evangelii, ut supra, expectat : dato signo facit profundam reverentiam Prælato, et versus ad Altare incipit Missam.

3. Si autem solemniter celebrat coram Summo Pontifice, aut alio ex Prælati prædictis, in Ecclesiis eorum jurisdictionis, stans a sinistris Prælati, facit cum eo confessionem, et alia servat, ut in Pontificali et Cæremoniali Romano ordinatur.

4. Stans igitur Celebrans ante infimum gradum Altaris, ut supra, producens manu dextra a fronte ad pectus signum Crucis, dicit intelligibili voce, *In nomine Patris, et Filii, et Spiritus Sancti, Amen.* Et postquam id dixerit, non debet advertere quemcumque in alio Altari celebrantem, etiamsi Sacramentum elevet, sed continue proseguire Missam suam usque ad finem. Quod item observatur in Missa solemnem, et simul etiam a Ministris.

5. Cum seipsum signat, semper sinistram ponit infra pectus : in aliis benedictionibus cum est ad Altare, et benedicit oblata, vel aliquid aliud, ponit eam super Altare, nisi aliter notetur. Seipsum benedicens, vertit ad se palmam manus dextræ, et omnibus illius digitis junctis et extensis, a fronte ad pectus, et ab humero sinistro ad dextrum, signum Crucis format. Si vero alios, vel rem aliquam benedicit, parvum digitum vertit ei cui benedicit, ac benedicendo, totam manum dextram extendit, omnibus illius digitis pariter junctis et extensis : quod in omni benedictione observatur.

6. Postquam dixerit, *In nomine Patris, etc.*, ut supra, jungens iterum manus ante pectus, pronuntiat clara voce Antiphonam, *Introibo ad Altare Dei.* Minister retro post eum ad sinistram genuflexus, et in Missa solemnem Ministri hinc inde stantes proseguuntur : *Ad Deum, qui lætificat juventutem meam.* Deinde Sacerdos eodem modo stans incipit, et proseguitur cum ministro, vel ministris alternatim Psalmum, *Judica me Deus,* usque ad finem, cum *Gloria Patri.* Quo finito repetit Antiphonam, *Introibo,* cum ministris, ut supra. Qui Psalmus nunquam prætermittitur, nisi in Missis Defunctorum, et in Missis de Tempore a Dominica Passionis inclusive usque ad Sabbatum sanctum exclusive, in quibus semel tantum dicta Antiphona, *Introibo,*

cum ministris, ut supra, Sacerdos statim subjungit *Ÿ. Adjutorium nostrum, etc.* Cum in fine Psalmi dicit, *Gloria Patri, et Filio, etc.*, caput Crucis inclinat.

7. Repetita Antiphona *Introibo*, dextra manu producens signum Crucis a fronte ad pectus, dicit *Ÿ. Adjutorium nostrum in nomine Domini.* *R. Qui fecit cælum et terram.* Deinde Altari se profunde inclinans, junctis manibus dicit, *Confiteor Deo*, ut in ordine Missæ : et proseguitur eodem modo stans inclinatus, donec a Ministro, vel Ministris dictum sit, *Miserereatur.* Cum incipitur a Ministris, *Confiteor*, se erigit. Cum dicit, *mea culpa*, ter pectus dextra manu percutit, sinistra infra pectus posita.

8. Si est coram Pontifice, Cardinale, Legato Sedis Apostolicæ, vel Patriarcha, Archiepiscopo, et Episcopo in eorum Provincia, Civitate, vel Diœcesi constitutis, ubi dicit, *vobis fratres*, dicat, *tibi pater* ; similiter in fine, ubi dicit, *vos fratres*, dicat, *te pater*, quod dicens summo Pontifici genuflectit, aliis Prælati profunde se inclinat.

9. Cum minister, et qui intersunt (etiamsi ibi fuerit Summus Pontifex) respondent, *Confiteor*, dicunt, *tibi pater*, et *te pater*, aliquantulum conversi ad Celebrantem.

10. Facta a circumstantibus Confessione, Celebrans stans respondet, *Miserereatur vestri, etc.* Deinde producens manu dextra a fronte ad pectus signum Crucis dicit : *Indulgentiam, etc.* ; et si est Episcopus, vel Abbas, ut supra, accipit manipulum, osculando illum in medio. Et stans inclinatus junctis manibus proseguitur, *Deus tu conversus*, et quæ sequuntur in Ordine Missæ, clara voce usque ad Orationem, *Aufer a nobis, etc.* ; et cum dicit, *Oremus*, extendit et jungit manus.

11. Et tunc si coram summo Pontifice, aut aliis Prælati, ut supra, celebret, facta summo Pontifici genuflexione, aliis prælati profunda reverentia, accedit ad medium Altaris ante infimum gradum, et ibi incipit secreto, *Aufer a nobis*, ut in ordine Missæ.

IV. De Introitu, Kyrie, eleison, et Gloria in excelsis.

DUM dicit, *Aufer a nobis*, Celebrans junctis manibus ascendit ad medium Altaris, et ibi inclinatus, manibusque

item junctis super eo positis, ita ut digiti parvi duntaxat frontem seu medium anterioris partis tabulæ seu mensæ Altaris tangant, residuo manuum inter Altare et se retento, pollice dextro super sinistrum in modum Crucis posito (quæ omnia semper observantur cum manus junctæ super Altare ponuntur) secreto dicit, *Oramus te, Domine, etc.*; et cum dicit, *Quorum reliquæ hic sunt*, osculatur Altare in medio, manibus extensis æqualiter hinc inde super eo positis: quod semper servatur, quando osculatur Altare: sed post consecrationem pollices ab indicibus non disjunguntur. In omni etiam deoscultatione sive Altaris, sive libri, sive alterius rei, non producit signum Crucis pollice vel manu super id quod osculandum est.

2. Osculato Altari, accedit ad cornu ejus sinistrum, id est Epistolæ, ubi stans versus Altare, et producens a fronte ad pectus signum Crucis, incipit intelligibili voce *Introitum* Missæ, et prosequitur junctis manibus. Cum dicit, *Gloria Patri*, tenens junctas manus, caput inclinat versus Crucem. Cum repetit *Introitum*, non signat se ut prius; et eo repetito, junctis manibus ante pectus accedit ad medium Altaris: ubi stans versus illud similiter manibus junctis, dicit eadem voce ter *Kyrie eleison*, ter *Christe eleison*, et iterum ter *Kyrie eleison*, alternatim cum ministro. Si minister, vel qui intersunt Celebranti, non respondeant, ipse solus novies dicit.

3. Dicto ultimo *Kyrie, eleison*, Sacerdos stans in medio Altaris, et manus extendens, elevansque usque ad humeros, (quod in omni manuum elevatione observatur) voce prædicta incipit, si dicendum sit, *Gloria in excelsis*. Cum dicit, *Deo*, jungens manus, caput Cruci inclinat: quo erecto, stans junctis manibus ante pectus, prosequitur usque ad finem. Cum dicit, *Adoramus te, Gratias agimus tibi*, et *Jesu Christe, Suscipe deprecationem nostram*, et iterum, *Jesu Christe*, caput Cruci inclinat. Cum dicit in fine, *Cum sancto Spiritu*, seipsum a fronte ad pectus signat, interim absolvens, *In gloria Dei Patris, Amen*.

4. In Missa solemni Sacerdos facta Confessione ascendit cum ministris ad medium Altaris: ubi dicto, *Oramus te Domine*, et osculato Altari, ponit incensum in Thuribulum, ministrante Diacono naviculam, et Thuriferario Thuribulum, Diaconus parum inclinatus versus Cele-

brantem dicit: *Benedicite, Pater reverende*, et osculatur cochlear et manum Celebrantis ante et post. Celebrans ter incensum ponit in Thuribulum, dicens interim: *ab illo benedicaris*. Et deposito cochleari, producens manu dextra signum Crucis super thus in Thuribulo, illud benedicit. Postea Diaconus dimissa navicula accipit Thuribulum, et dat Celebranti, osculata prius catenularum summitate, et manu illius dextra, qui facta Cruci profunda reverentia, eam ter incensat, nihil dicens: et facta iterum Cruci reverentia, incensat Altare, ter ducens Thuribulum æquali distantia, prout distribuntur candelabra, a medio ejus usque ad cornu Epistolæ, ubi demissa manu, thurificat illius postremam partem inferiorem, mox superiorem, bis ducto Thuribulo: et conversus ad Altare, elevans manum incensat ejus planitiem seu mensam in parte anteriori, ter ducens Thuribulum usque ad medium: ubi facta Cruci reverentia, procedendo thurificat aliud latus Altaris triplici ductu usque ad cornu Evangelii: et pariter incensata inferiori et superiori parte ipsius cornu Evangelii duplici ductu, adhuc stans ibidem, elevat Thuribulum, et ter incensat superiorem tabulæ partem versus medium Altaris, ut fecit in cornu Epistolæ: deinde, manu aliquantulum demissa, incensat anteriorem ejus partem seu frontem, ter ducens Thuribulum dum procedit a cornu Evangelii usque ad medium Altaris: et facta Cruci reverentia incensat similiter triplici ductu reliquam partem anteriorem usque ad cornu Epistolæ: ubi reddito Thuribulo ipsi Diacono, ab eo ipse solus incensatur.

5. Si vero in Altari fuerint Reliquiæ seu Imagines Sanctorum, incensata Cruce, et facta ei reverentia, antequam discedat a medio Altaris, primum incensat eas quæ a dextris sunt, id est a parte Evangelii prope Crucem, bis ducens Thuribulum; et iterum facta Cruci reverentia similiter incensat bis alias quæ sunt a sinistris, hoc est a parte Epistolæ: deinde prosequitur incensationem Altaris, ut supra, ter ducens Thuribulum in unoquoque latere, etiamsi in eo essent plures Reliquiæ vel Imagines, seu etiam plura vel pauciora candelabra.

6. Si in Altari fuerit tabernaculum Sanctissimi Sacramenti, accepto Thuribulo antequam incipiat incensationem, genuflectit; quod item facit quotiescumque transit ante medium Altaris.

7. Diaconus et Subdiaconus hinc inde

assistunt Celebranti cum incensat, et cum transeunt ante Crucem, semper genuflectunt. Deinde Celebrans, Diacono a dextris ejus, et Subdiacono a dextris Diaconi stantibus in cornu Epistolæ, legit *Introitum*, et *Kyrie, eleison*. Cum vero intonat Hymnum, *Gloria in excelsis Deo*, Diaconus et Subdiaconus unus post alium stant a tergo Celebrantis; postea ascendant ad Altare, et hinc inde, Diaconus a dextris, Subdiaconus a sinistris, cum Celebrante Hymnum submissa voce prosequuntur usque ad finem: quod etiam servatur, cum dicitur, *Credo*; et cum dicitur, *Dominus vobiscum*, *Oratio*, *Præfatio*, et *Pater noster*, Diaconus et Subdiaconus similiter stant unus post alterum a tergo Celebrantis.

V. De Oratione.

DICTO Hymno, *Gloria in excelsis*, vel, si non sit dicendus, eo omisso, Celebrans osculatur Altare in medio, manibus hinc inde super eo, ut supra, extensis, tum illis ante pectus junctis, et demissis ad terram oculis, vertit se a sinistro latere ad dextrum versus populum, hoc est, per eam partem quæ respicit cornu Epistolæ, et extendens ac jungens manus ante pectus, ut prius, dicit voce prædicta, *Dominus vobiscum*, vel si sit Episcopus, *Pax vobis*, (quod dicitur tantum hoc loco, quando dictus est Hymnus, *Gloria in excelsis*). *R. Et cum spiritu tuo*; et junctis ut prius manibus revertitur per eandem viam ad librum, ubi eas extendens et jungens ante pectus, caputque Cruci inclinans, dicit, *Oremus*: tum extendit manus ante pectus, ita ut palma unius manus respiciat alteram, et digitis simul junctis, quorum summitas humerorum altitudinem distantiamque non excedat; quod in omni extensione manuum ante pectus servatur. Stans autem, ut supra, extensis manibus, dicit *Orationem*. Cum dicit, *Per Dominum nostrum*, jungit manus, easque junctas tenet usque ad finem. Si aliter concluditur Oratio, *Qui tecum*, vel *qui vivis*, cum dicit, *in unitate*, jungit manus.

2. Cum nominatur nomen *Jesus*, caput versus Crucem inclinatur: quod etiam facit cum nominatur in Epistola. Et similiter ubicumque nominatur nomen beatæ Mariæ vel Sanctorum de quibus dicitur Missa, vel fit commemoratio; item in Oratione pro Papa, quando nominatur, semper

caput inclinatur, non tamen versus Crucem. Si plures Orationes sint dicendæ, idem in eis, in voce, extensione manuum, et capitis inclinatione, quod supra dictum est, observatur.

3. Si Altare sit ad Orientem versus populum, Celebrans versa facie ad populum, non vertit humeros ad Altare, cum dicturus est, *Dominus vobiscum*, *Orate fratres*, *Ite Missa est*, vel daturus benedictionem: sed osculato Altari in medio, ibi expansis et junctis manibus, ut supra, salutatur populum, et dat benedictionem.

4. In Quatuor Temporibus, vel alias quando dicendæ sunt plures Orationes cum Prophetiis, dicto *Kyrie eleison*, in medio Altaris, revertitur ad cornu Epistolæ, ubi stans ante librum, extensis et junctis ante pectus manibus, caput Cruci inclinans, dicit, *Oremus, flectamus genua*; et illico manibus super Altare extensis, ut seipsum ad Altare sustineat, genuflectit, et sine mora surgens, eadem voce ministro respondente, *Levate*, manibus extensis dicit *Orationem*, ut supra, et in conclusionem eas jungit. Dum autem legit Prophetias, tenet manus super librum vel Altare positas, ut mox dicetur de Epistola.

5. In Missa solemni cum dicitur, *Dominus vobiscum*, et *Oratio*, Diaconus et Subdiaconus stant retro post Celebrantem. *Flectamus genua*, dicitur a Diacono, a Subdiacono vero *Levate*, illo primum genuflectente, hoc primum surgente; Celebrans vero non genuflectit.

IV. De Epistola, Graduali, et aliis usque ad Offertorium.

DICTIS Orationibus, Celebrans positus super librum vel super Altare manibus, ita ut palmæ librum tangerent; vel (ut placuerit) librum tenens, legit *Epistolam*, intelligibili voce, et respondetur a ministro, *Deo gratias*; et similiter stans eodem modo, prosequitur *Graduale*, *Alleluia*, et *Tractum*, ac *Sequentiam*, si dicenda sint. Quibus dictis, Sacerdos si privatim celebret, ipsemet, seu minister portat librum Missalis ad alteram partem Altaris in cornu Evangelii, et dum transit ante medium Altaris, caput Cruci inclinatur, et Missale sic locat ut posterior pars libri respiciat ipsum cornu Altaris, et non ad parietem, sive ad partem ejus contra se directam.

2. Locato Missali in Altari, Celebrans

redit ad medium Altaris, ibique stans junctis manibus ante pectus, levatisque ad Deum oculis, et statim demissis, tum profunde inclinatus, dicit secreto, *Munda cor meum*, et *Jube Domine benedicere, Dominus sit in corde meo*, ut in Ordinario. Quibus dictis vadit ad librum Missalis, ubi stans versus illum junctis manibus ante pectus, dicit intelligibili voce, *Dominus vobiscum*. R. *Et cum spiritu tuo*. Deinde pollice dextræ manus signo Crucis signans primo librum super principio Evangelii, quod est lecturus, postea seipsum in fronte, ore, et pectore, dicens, *Sequentia*, vel *Initium sancti Evangelii, etc.* R. *Gloria tibi Domine*. Tum junctis iterum manibus ante pectus, stans ut supra, prosequitur *Evangelium* usque ad finem. Quo finito, minister stans in cornu Epistolæ post infimum gradum Altaris, respondet, *Laus tibi Christe*; et Sacerdos elevans parumper librum, osculatur principium Evangelii, dicens: *Per Evangelica dicta, etc.*, præterquam in Missis Defunctorum, et nisi celebret coram summo Pontifice, Cardinali, et Legato Sedis Apostolicæ, vel Patriarcha, Archiepiscopo, et Episcopo, in eorum residentiis; quo casu deferitur cuilibet Prædictorum osculandus liber, et Celebrans tunc non osculatur illum, nec dicit, *Per Evangelica dicta*. Cum autem nominatur *Jesus*, caput versus librum inclinat: et eodem modo versus librum genuflectat, cum in Evangelio est genuflectendum.

3. Dicto Evangelio stans in medio Altaris versus Crucem, elevans et extendens manus, incipit (si dicendum sit) *Credo*; cum dicit, *in unum Deum*, jungit manus, et caput Cruci inclinat: quo erecto, stans ibidem junctis ante pectus manibus, ut prius, prosequitur usque ad finem. Cum dicit, *Jesum Christum*, caput Cruci inclinat. Cum dicit, *Et incarnatus est*, usque ad, *Et homo factus est*, inclusive, genuflectit. Cum dicit, *simul adoratur*, caput Cruci inclinat. Cum dicit, *Et vitam venturi sæculi, Amen*, producit sibi manu dextra signum Crucis a fronte ad pectus.

4. In Missa solemni Subdiaconus circa finem ultimæ Orationis accipit ambabus manibus librum Epistolarum, deferens illum supra pectus, et facta Altari genuflexione in medio, vadit ad partem Epistolæ contra Altare, et cantat Epistolam, quam etiam Celebrans interim submissa voce legit, assistente sibi Diacono a dex-

tris, et item Graduale, Tractum, etc., usque ad *Munda cor meum*. Epistola cantata, Subdiaconus facit iterum genuflexionem Altari in medio, ac redit ad Celebrantem, et genuflectens osculatur ejus manum, et ab eo benedicitur, præterquam in Missis Defunctorum.

5. Postea idem Subdiaconus accipit Missale Celebrantis, deferit ad cornu Evangelii in Altari, et ibi ministrat Celebranti: qui in medio Altaris submissa voce dicto, *Munda cor meum, etc.*, et deinde lecto Evangelio, quod in fine non osculatur, delato etiam per Diaconum libro Evangeliorum ad Altare, imponit incensum in Thuribulum. Postea Diaconus genuflexus ante Altare dicit, *Munda cor meum*, et accipiens librum Evangeliorum de Altari, petit benedictionem a Celebrante similiter genuflexus in superiori gradu Altaris; et osculata illius manu, præcedentibus Thuriferario et duobus Acolythis cum candelabris accensis de Credentia sumptis, vadit cum Subdiacono a sinistris ad locum Evangelii contra Altare versus populum, ubi Subdiacono librum tenente, medio inter duos Acolythis tenentes candelabra accensa, dicit, *Dominus vobiscum*, junctis manibus. Cum dicit, *Sequentia, etc.*, signat librum in principio Evangelii, frontem, os, et pectus: postea ter librum incensat, hoc est, in medio, a dextris, et a sinistris, et prosequitur Evangelium junctis manibus. Interim Celebrans post datam Diacono benedictionem retrahens se ad cornu Epistolæ, ibi stat junctis manibus. Et cum Diaconus dicit, *Sequentia sancti Evangelii*, Sacerdos etiam signat se: et cum nominatur *Jesus*, caput inclinat versus Altare. Finito Evangelio Sacerdos osculatur librum a Subdiacono sibi delatum, dicens, *Per Evangelica dicta, etc.*, et a Diacono ter incensatur. Si sit coram Prælato in sua residentia, liber deferitur ad Prælatum, ut supra, et ille incensatur, ut in Cæremoniali. Postea stans in medio Altaris versus ad Crucem, incipit, si dicendum sit, *Credo*, stantibus post eum Diacono et Subdiacono, deinde ad Altare accedentibus, et cum eo prosequentibus, ut dictum est ad *Gloria in excelsis*.

6. Si autem sit prædicandum, Concionator finito Evangelio prædicet, et sermone sive concione expleta, dicatur *Credo*, vel, si non sit dicendum, cantetur *Offertorium*.

7. Cum vero in Symbolo cantatum

fuerit, *Et incarnatus est*, Diaconus accepta bursa de Credentia, ambabus manibus eam defert elevatam cum solitis reverentiis ad medium Altaris, in quo explicat Corporale, et revertitur ad Celebrantem. Cum non dicitur, *Credo*, Subdiaconus defert bursam simul cum Calice, ut infra dicitur.

8. Si quandoque Celebrans cantat Missam sine Diacono et Subdiacono, *Epistolam* cantat in loco consueto aliquis Lector superpelliceo indutus, qui in fine non osculatur manum Celebrantis: *Evangelium* autem cantat ipse Celebrans ad cornu Evangelii, qui et in fine Missæ cantat, *Ite missa est*, vel *Benedicamus Domino*, aut *Requiescant in pace*, pro temporis diversitate.

VII. De Offertorio et aliis usque ad Canonem.

DICTO *Symbolo*, vel, si non sit dicendum, post *Evangelium*, Celebrans osculatur Altare in medio, et junctis manibus ante pectus, ibidem a manu sinistra ad dextram (ut dictum est supra) vertit se ad populum, et extendens ac jungens manus, dicit *Dominus vobiscum*, et junctis manibus revertitur per eandem viam ad medium Altaris, ubi extendens et jungens manus, caputque Cruci inclinans dicit, *Oremus*; tum junctis ut prius manibus dicit *Offertorium*: et omnia quæ usque ad finem Missæ in medio Altaris dicenda sunt, dicit ibidem stans versus ad Altare, nisi ubi aliter ordinatur.

2. Dicto *Offertorio* discooperit Calicem, et ad cornu Epistolæ sistit; et manu dextra amovet parvam pallam desuper Hostiam, accipit patenam cum Hostia, et ambabus manibus usque ad pectus eam elevatam tenens, oculis ad Deum elevatis, et statim demissis, dicit, *Suscipe Sancte Pater, etc.*

3. Si fuerint aliæ Hostiæ non super Patenam, sed super Corporale, vel in alio Calice seu vase pro Communionem populi consecrandæ, Calicem illum seu vas dextra discooperit, et intentionem suam etiam ad illas offerendas et consecrandas dirigens, dicit ut supra, *Suscipe, etc.*, ut in ordine Missæ. Quo dicto, Patenam utraque manu tenens, cum ea facit signum Crucis super Corporale; et deponit Hostiam circa medium anterioris partis Corporalis ante se, et Patenam ad manum dextram aliquantulum subtus Corporale;

quam, exterso Calice, ut dicitur, cooperit purificatorio. Si autem adsit vas seu Calix cum aliis Hostiis, ipsum cooperit alia Patena, vel Palla.

4. Deinde in cornu Epistolæ accipit Calicem, purificatorio extergit, et sinistra tenens illius nodum, accipit ampullam vini de manu ministri (qui osculatur ipsam ampullam, non autem manum Celebrantis), et ponit vinum in Calicem. Deinde eodem modo tenens Calicem, producit signum Crucis super ampullam aquæ, et dicit, *Deus, qui humanæ substantiæ*, et infundens parum aquæ in Calice prosequitur: *Da nobis per hujus aquæ et vini mysterium, etc.* Si vero celebrat pro Defunctis, non facit signum Crucis super aquam, sed imponit absque benedictione, dicens Orationem, ut supra.

5. Imposita aqua in Calicem, et finita Oratione prædicta, accipit manu dextra Calicem discoopertum, et stans ante medium Altaris, ipsum ambabus manibus elevatum tenens, videlicet cum sinistra pedem, cum dextra autem nodum infra cuppam, intentis ad Deum oculis offert, dicens, *Offerimus tibi Domine, etc.*, qua Oratione dicta, facit signum Crucis cum Calice super Corporale, et ipsum in medio post Hostiam collocat, et palla cooperit. Deinde junctis manibus super Altare positis, aliquantulum inclinatus dicit secreto, *In spiritu humilitatis, etc.* Postea erectus, elevans oculos, manusque expandens, et statim jungens ante pectus (quod semper facit quando aliquid est benedicturus), dicit, *Veni sanctificator, etc.* Cum dicit, *et benedic*, signat manu dextra communiter super Hostiam et Calicem, sinistra posita super Altare.

6. Tum junctis ante pectus manibus, accedit ad cornu Epistolæ, ubi stans, ministro aquam fundente, lavat manus, id est extremitates digitorum pollicis et indicis, dicens Psalmum, *Lavabo inter innocentes, cum Gloria Patri, etc.*, qui versus *Gloria Patri*, prætermittitur in Missis Defunctorum, et in Missis de Tempore a Dominica de Passione usque ad Sabbatum sanctum exclusive.

7. Celebrans lotis manibus eas tergit, et illis ante pectus junctis revertitur ad medium Altaris, ubi stans, oculosque ad Deum elevans, et statim demittens, manibus junctis super Altare, aliquantulum inclinatus dicit secreto Orationem, *Suscipe sancta Trinitas, etc.* Qua dicta, manibus hinc inde extensis, et super Altare positis, osculatur illud in medio:

tum junctis manibus ante pectus, demissisque oculis ad terram, a sinistra manu ad dextram vertit se ad populum, et versus eum extendens et jungens manus, dicit voce aliquantulum elata, *Orate, fratres*, et secreto prosequens, *Ut meum ac vestrum sacrificium*, perficit circulum, revertens junctis manibus ante pectus a manu dextra ad medium Altaris. Et responso a ministro, vel a circumstantibus, *Suscipiat Dominus sacrificium de manibus tuis, etc.*, (alioquin per seipsum, dicens: *Sacrificium de manibus meis*;) ipse Celebrans submissa voce dicit, *Amen*; et manibus ante pectus extensis, ut fit ad Orationem, stans in medio Altaris versus librum, dicit absolute sine *Oremus*, et sine alia interpositione, *Orationem*, vel *Orationes secretas*. Cum dicit, *Per Dominum*, jungit manus; cum dicit, *Jesus Christum*, caput inclinatur, quod facit in prima Oratione, et in ultima, si plures sint dicendæ.

8. Pervento autem in conclusione ultimæ Secretæ ad verba illa, *Per omnia sæcula sæculorum*, exclusive, Sacerdos stans in medio Altaris, depositis super eo manibus hinc inde extensis, dicit convenienti et intelligibili voce *Præfationem*. Cum dicit, *Sursum corda*, elevat manus hinc inde extensas usque ad pectus, ita ut palma unius manus respiciat alteram. Cum dicit, *Gratias agamus Domino*, jungit manus. Cum dicit, *Deo nostro*, oculos elevat, et statim Cruci caput inclinatur. Responso, *Dignum et justum est*, elevatis et extensis ut prius manibus, prosequitur *Præfationem*, propriam, vel communem, ut tempus requirit. Cum dicit, *Sanctus*, junctis ante pectus manibus, et inclinatus, voce mediocri prosequitur, ministro interim parvam campanulam pulsante. Cum dicit, *Benedictus qui venit in nomine Domini, etc.*, erigit se, et signum Crucis sibi producit a fronte ad pectus.

9. In Missa solemni, dicto *Oremus*, Diaconus et Subdiaconus accedunt ad Altare in cornu Epistolæ: Diaconus amovet Calicem, si est in Altari; vel si est in Credentia, ut magis decet, accipit eum de manu Subdiaconi, qui illum cum Patena et Hostia, coopertum palla et velo a collo sibi pendente, manu sinistra tenens, et alteram manum superponens velo, ne aliquid decadat, de Credentia detulit, comitatus ab Acolytho ampullas vini et aquæ portante: ipse Diaconus Calicem detegit, et dat Patenam cum

Hostia Celebranti, osculando ejus manum: Subdiaconus extergit Calicem purificatorio: Diaconus, accepta ampulla vini de manu Subdiaconi, imponit vinum in Calicem: Subdiaconus interim ampullam aquæ ostendens Celebranti, dicit: *Benedicite Pater reverende*, qui facto versus eam signo Crucis, dicit Orationem, *Deus qui humanæ, etc.*; interim Subdiaconus infundit paululum aquæ in Calicem, Diaconus illum Celebranti dat, et pedem Calicis tangens, seu brachium dextrum Celebrantis sustentans, cum eo dicit, *Offerimus tibi Domine, etc.*; quem postea positum in Altari ut supra, palla cooperit. Subdiacono deinde stanti in cornu Epistolæ, ponit in dextra manu Patenam, quam cooperit extremitate velli ab ejus humero pendentis: qui vadit post Celebrantem ante medium Altaris, et facta genuflexione ibi stat, sustinens eam elevatam usque ad finem Orationis Dominicæ, ut dicetur. In Missis autem Defunctorum, et in Feria sexta Parasceves, Patena non tenetur a Subdiacono.

10. Dicto, *Veni sanctificator*, ut supra, Celebrans, ministrante Diacono naviculam, et dicente, *Benedicite Pater reverende*, ponit incensum in Thuribulum, dicens, *Per intercessionem, etc.*, ut in Ordine Missæ. Deinde accepto Thuribulo per manum Diaconi, nullam tunc faciens Cruci reverentiam, incensat oblata, ter ducens Thuribulum super Calicem et Hostiam simul in modum Crucis, et ter circum Calicem et Hostiam, scilicet bis a dextra ad sinistram, et semel a sinistra ad dextram (Diacono interim pedem Calicis tenente manu dextra) dispensans verba in qualibet incensatione, hoc modo. In prima incensatione, *incensum istud*, in secunda, *a te benedictum*, in tertia, *ascendat ad te Domine*, in quarta, *et descendat super nos*, in quinta et sexta, *misericordia tua*. Deinde facta reverentia, incensat Crucem et Altare, ut dictum est supra, assistente eodem Diacono, interim dicens, *Dirigatur Domine oratio mea, etc.*; et cum incensatur Crux, Diaconus amovet Calicem ad partem Epistolæ, et incensata Cruce reponit in loco suo. Cum reddit Thuribulum Diacono, dicit, *Accendat in nobis, etc.*, et incensatur ab eo. Deinde Diaconus incensat Chorum, et postremo Subdiaconum tenentem Patenam, et ipse Diaconus incensatur a Thuriferario, et Thuriferarius postea incensat Acolythos et populum. Celebrans postquam incen-

satus fuerit, lavat manus, ministrantibus Acolythis ampullam aquæ cum pellicula et manutergio.

11. Cum dicitur *Præfatio*, Diaconus et Subdiaconus stant retro post Celebrantem, et paulo antequam dicatur *Sanctus*, accedunt ad Altare, ubi cum Celebrante hinc inde dicunt, *Sanctus*, et quæ sequuntur usque ad *Canonem*. Deinde Diaconus accedit ad sinistram Celebrantis, ei assistens dum dicitur *Canon*, nisi alius Sacerdos assistat, quia tunc ipse staret ad dexteram aliquantulum post Celebrantem, Subdiaconus vero tunc stat post Celebrantem.

VIII. De Canone Missæ usque ad Consecrationem.

FINITA Præfatione, ut supra, Sacerdos stans ante medium Altaris, versus ad illud, aliquantulum elevat manus, oculisque elevatis ad Deum, et sine mora devote demissis, ac manibus junctis, et super Altare positis, profunde inclinatus incipit Canonem, secreto dicens: *Te igitur, etc.*, ut in Ordine Missæ. Cum dicit, *Uti accepta habeas, et benedicas*, prius osculatur Altare in medio, deinde erigit se, et stat junctis manibus ante pectus. Cum dicit, *Hæc ✠ dona, hæc ✠ munera, hæc sancta ✠ sacrificia*, dextra manu signat ter communiter super Hostiam et Calicem. Deinde, extensis manibus ante pectus, prosequitur, *In primis, quæ tibi offerimus, etc.*

2. Ubi dicit: *Una cum famulo tuo Papa nostro N.*, exprimit nomen Papæ: Sede autem vacante verba prædicta omittuntur. Ubi dicitur, *Et Antistite nostro N.*, specificatur nomen Patriarchæ, Archiepiscopi, vel Episcopi ordinarii in propria diœcesi, et non alterius Superioris, etiam si Celebrans sit omnino exemptus, vel sub alterius Episcopi jurisdictione. Si vero Episcopus ordinarius illius loci in quo Missa celebratur, sit vita functus, prædicta verba omittuntur: quæ etiam omittuntur ab iis qui Romæ celebrant. Si Celebrans est Episcopus, Archiepiscopus, vel Patriarcha, omissis prædictis verbis, eorum loco dicit, *Et me indigno servo tuo*. Summus autem Pontifex cum celebrat, omissis verbis, *Una cum famulo tuo Papa nostro N., et Antistite nostro N.*, dicit: *Una cum me indigno famulo tuo, quem gregi tuo præesse voluisti*. Et continuant omnes ut sequitur, *Et omnibus orthodoxis, etc.*

3. Cum dicit, *Memento, Domine, elevans et jungens manus usque ad faciem, vel pectus, sic junctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina, si vult, secreto commemoret: non tamen necesse est ea exprimere, sed mente tantum eorum memoriam habeat*. Potest etiam Celebrans, si pro pluribus orare intendit, ne circumstantibus sit morosus, ante Missam in animo proponere sibi omnes illos tam vivos quam defunctos, pro quibus in ipsa Missa orare intendit, et hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4. Commemoratione vivorum facta, demissis et extensis ut prius manibus, continuat, *Et omnium circumstantium, etc.* Similiter stans, prosequitur, *Communicantes*. Cum dicit, *Jesu Christi*, caput Cruci inclinatur: in conclusione, quando dicit, *Per eundem*, jungit manus. Cum dicit, *Hanc igitur oblationem*, expandit manus simul super oblata, ita ut palmæ sint apertæ versus ac super Calicem et Hostiam, quas sic tenet usque ad illa verba, *Per Christum Dominum nostrum*: tunc enim jungit manus, et sic prosequitur, *quam oblationem tu Deus in omnibus, quæsumus*, et cum dicit, *benedixit, adscripsit, et communit*, communiter signat ter super Hostiam et Calicem simul; deinde cum dicit, *Ut nobis Corpus*, separatim signat semel super Hostiam tantum; et cum dicit, *et Sanguis*, semel super Calicem tantum: deinde elevans et jungens manus ante pectus, prosequitur, *Fiat dilectissimi Filii tui Domini nostri Jesu Christi*; et inclinans caput Cruci, extergit, si opus fuerit, pollices et indices super Corporale, et dicit secreto ut prius, *Qui pridie quam pateretur*, et accipiens pollice et indice dextræ manus Hostiam, et eam cum illis ac indice et pollice sinistræ manus tenens, stans erectus ante medium Altaris dicit: *Acceptit panem in sanctas ac venerabiles manus suas*; elevansque ad cælum oculos, et statim demittens dicit: *Et elevatis oculis in cælum ad te Deum Patrem suum omnipotentem*; caputque aliquantulum inclinans, dicit, *Tibi gratias agens*, et tenens Hostiam inter pollicem et indicem sinistræ manus, dextra producit signum Crucis super eam, dicens, *Benedixit, fregit, deditque discipulis suis,*

dicens: Accipite et manducate ex hoc omnes.

5. Si adsit vas cum aliis Hostiis consecrandis, antequam accipiat Hostiam, discooperit manu dextera Calicem, seu vas aliarum Hostiarum. Cum autem finierit supradicta verba, cubitis super Altare positus, stans capite inclinato, distincte, reverenter, et secreto profert verba consecrationis super Hostiam, et simul super omnes, si plures sint consecrandæ, et Hostiam suis pollicibus et indicibus tantum tenens, dicit: *Hoc est enim Corpus meum.* Quibus prolatis, Celebrans tenens Hostiam inter pollices et indices prædictos super Altare, reliquis manuum digitis extensis, et simul junctis (et Hostiis, si plures sint consecratæ, in loco in quo a principio Missæ positæ sunt, super Corporali, vel in alio vase, aut Calice demissis) genuflexus eam adorat. Tunc se erigens, quantum commode potest, elevat in altum Hostiam, et intentis in eam oculis (quod et in elevatione Calicis facit) populo reverenter ostendit adorandam, et mox sola manu dextra ipsam reverenter reponit super Corporale in eodem loco, unde eam levavit, et deinceps pollices et indices non disjungit, nisi quando Hostiam consecratam tangere vel tractare debet, usque ad ablationem digitorum post Communionem.

6. Reposita Hostia consecrata super Corporale, genuflexus ipsam veneratur; si adsit vas aliarum Hostiarum, patena vel palla cooperit, ut supra. Interim dum Celebrans elevat Hostiam, accenso prius intorticio, (quod non extinguuntur, nisi postquam Sacerdos Sanguinem sumpserit, vel alios communicaverit, si qui erunt communicandi in Missa) minister manu sinistra elevat fimbrias posteriores Planetæ, ne ipsum Celebrantem impediatur in elevatione brachiorum, quod et facit in elevatione Calicis: et manu dextra pulsat campanulam ter ad unamquamque elevationem, vel continue quousque Sacerdos deponat Hostiam super Corporale, et similiter postmodum ad elevationem Calicis.

7. Celebrans adorato Sacramento surgit, et discooperit Calicem, in quem, si opus sit, extergit digitos: quod semper faciat, si aliquod fragmentum digitis adhæreat, et stans erectus, dicit: *Simili modo postquam cœnatum est*, et ambabus accipiens Calicem juxta nodum infra cuppam, et aliquantum illum elevans, ac statim deponens dicit, *Accipiens et hunc*

præclarum Calicem, etc. Cum dicit, *Item tibi gratias agens*, caput inclinat; cum dicit, *Benedixit*, sinistra Calicem infra cuppam tenens, dextera signat super eum, et prosequens, *deditque discipulis suis, etc.*, et ambabus manibus tenens Calicem, videlicet sinistra pedem, dextera nodum infra cuppam, cubitis super Altare positus, et capite inclinato, profert attente, continue, et secreto, ut supra, verba consecrationis Sanguinis: *Hic est enim Calix, etc.* Quibus dictis, reponit Calicem super Corporale, dicens secreto: *Hæc quotiescumque feceritis, etc.*; genuflexus Sanguinem reverenter adorat. Tum se erigit, et accipiens Calicem discooperit cum Sanguine ambabus manibus, ut prius, elevat eum, et erectum, quantum commode potest, ostendit populo adorandum, mox ipsum reverenter reponit super Corporale in locum pristinum, et manu dextra palla cooperit, ac genuflexus Sacramentum veneratur.

8. In Missa solemnī ad finem Præfationis accenduntur duo saltem intorticia ab Acolythis, quæ extinguuntur post elevationem Calicis, nisi aliqui sint communicandi, et tunc extinguuntur post Communionem. In diebus etiam jejuniorum, et in Missis pro Defunctis, tenentur accensa usque ad Communionem. Cum autem Celebrans dicit, *Quam oblationem, etc.*, Diaconus accedit ad ejus dexteram, et ibi in superiori gradu Altaris genuflexus, cum Sacramentum elevatur, fimbrias Planetæ elevat, et quando opus est, se erigens, Calicem discooperit, et cooperit, et cum Celebrante genuflectit: Subdiaconus genuflectit in suo loco. Thuriferarius genuflexus in cornu Epistolæ ter incensat Hostiam cum elevatur, et similiter Calicem, posito incenso in Thuribulum absque benedictione. Reposito Calice, Diaconus redit ad librum, nisi alius assistat. Cæteri surgunt, et stant in locis suis.

IX. De Canone post Consecrationem usque ad Orationem Dominicam.

REPOSITO Calice, et adorato, Sacerdos stans ante Altare extensis manibus ante pectus, dicit secreto, *Unde et memores, etc.* Cum dicit, *de tuis donis, ac datis*, jungit manus ante pectus: et cum dicit, *Hostiam* ✠ *puram, Hostiam* ✠ *sanctam, Hostiam* ✠ *immaculatam*, manu sinistra posita super Altare intra Corporale, dextera signat ter com-

munitur super Hostiam et Calicem, et semel super Hostiam tantum, et semel super Calicem tantum, dicens, *Panem ✠ sanctum vitæ æternæ, et Calicem ✠ salutis perpetuæ*; deinde stans ut prius extensis manibus prosequitur, *Supra quæ propitio, etc.* Cum dicit, *Supplices te rogamus, etc.*, inclinat se ante medium Altaris, manibus junctis super illo positis. Cum dicit, *ex hac Altaris participatione*, osculatur Altare, manibus hinc inde super Corporale positis. Cum dicit, *sacrosanctum Filii tui*, jungit manus, et dextra signans semel super Hostiam tantum, et semel super Calicem, sinistra super Corporale posita, dicit, *Corpus, et Sangui- nem sumpserimus*; et cum dicit, *omni benedictione ✠ cælesti*, seipsum signat a fronte ad pectus signo Crucis, sinistra posita infra pectus, et prosequitur, *et gratia repleamur*. Cum dicit, *Per eundem*, jungit manus.

2. Cum dicit, *Memento etiam, Domine, famulorum famularumque tuarum, etc.*, extensis et junctis manibus ante pectus, et usque ad faciem elevatis, et intentis oculis ad Sacramentum super Altare, facit commemorationem fidelium Defunctorum, de quibus sibi videtur, eodem modo ut dictum est de commemoratione vivorum. Qua commemoratione facta, stans ut prius extensis manibus prosequitur, *Ipsis, Domine, et omnibus in Christo, etc.*, et in fine ad *Per eundem*, jungit manus, et caput inclinat.

3. Cum dicit, *Nobis quoque peccatoribus*, vocem aliquantulum elevat, et dextra manu pectus sibi percutit, sinistra posita super Corporali, et prosequitur secreto, *Famulis tuis, etc.*, stans manibus extensis ut prius. Cum dicit, *Per Christum Dominum nostrum. Per quem hæc omnia Domine semper bona creas*, jungit manus ante pectus: deinde manu dextra ter signans communiter super Hostiam et Calicem, dicit, *sanc- tificas, vivi- ficas, bene- dicis, et præstas nobis*. Postea discooperit manu dextra Calicem, et genuflexus Sacramentum adorat: tum se erigit, et reverenter accipit Hostiam inter pollicem et indicem dextræ manus, et cum ea super Calicem, quem manu sinistra tenet circa nodum infra cuppam, signat a labio ad labium dicens, *Per ipsum, et cum ✠ ipso, et in ✠ ipso*. Et similiter cum Hostia signat bis inter Calicem et pectus, incipiens a labio Calicis, et dicit: *Est tibi Deo Pa- tri omnipotenti in unitate Spiritus ✠ sancti*. Deinde

tenens manu dextra Hostiam super Calicem, sinistra Calicem, elevat eum aliquantulum simul cum Hostia, dicens: *Omnis honor et gloria*, et statim utrumque deponens, Hostiam collocat super Corporale; et si opus sit, digitos extergit, ut supra; ac pollices et indices ut prius jungens, Calicem palla cooperit, et genuflexus Sacramentum adorat.

4. In Missa solemnī cum Celebrans dicit, *Per quem hæc omnia*, Diaconus facta Sacramento genuflexione, accedit ad dextram Celebrantis, et quando opus est, discooperit Calicem, et cum Celebrante adorat: similiter cooperit, et iterum genuflectit. Cum incipit, *Pater noster*, idem vadit retro post Celebrantem, facta prius Sacramento genuflexione, ubi stat, dum dicitur Oratio Dominica.

X. De Oratione Dominica et aliis usque ad factam Communionem.

CELEBRANS, cooperto Calice, ad- ratoque Sacramento, erigit se, et manibus extensis hinc inde super Altare infra Corporale positis, dicit intelligibili voce, *Per omnia sæcula sæculorum*; et cum dicit, *Oremus*, jungit manus, caput Sacramento inclinans. Cum incipit, *Pater noster*, extendit manus, et stans, oculis ad Sacramentum intentis, prosequitur usque ad finem. Responso a ministro, *Sed libera nos a malo*, et a Celebrante, submissa voce, *Amen*, manu dextra, pollice et indice non disjunctis, Patenam aliquantulum purificatorio extergens, eam accipit inter indicem et medium digitos; quam tenens super Altare erectam, sinistra super Corporale posita, dicit secreto, *Libera nos, quæsumus, etc.*

2. Antequam Celebrans dicat, *Da propitius pacem*, elevat manu dextra Patenam de Altari, et seipsum cum ea signat signo Crucis, dicens, *Da propitius pacem in diebus nostris*. Cum signat se, manum sinistram ponit infra pectus: deinde Patenam ipsam osculatur, et prosequens, *ut ope misericordiæ tuæ, etc.*, submittit Patenam Hostiæ, quam indice sinistro accommodat super Patenam, discooperit Calicem, et genuflexus Sacramentum adorat: tum se erigens, accipit Hostiam inter pollicem et indicem dextræ manus, et cum illis, ac pollice et indice sinistræ manus eam super Calicem tenens, reverenter frangit per medium, dicens, *Per*

eundem Dominum nostrum Jesum Christum Filium tuum, et mediam partem, quam inter pollicem et indicem dextræ manus tenet, ponit super Patenam: de alia media, quam sinistra manu tenet, frangit cum pollice et indice dextræ manus particulam, prosequens, *Qui tecum vivit et regnat, etc.*, et eam inter ipsos dextræ manus pollicem et indicem retinens, partem majorem, quam sinistra tenet, adjungit mediæ super Patenam positæ, interim dicens, *in unitate Spiritus sancti Deus*; et particulam Hostiæ, quam in dextra manu retinuit, tenens super Calicem, quem sinistra per nodum infra cuppam retinet, intelligibili voce dicit: *Per omnia sæcula sæculorum, R. Amen*; et cum ipsa particula signans ter a labio ad labium Calicis, dicit: *Pax Domini sit semper vobiscum*. Responso per ministrum, *Et cum spiritu tuo*, Particulam, quam dextra manu tenet, immittit in Calicem, dicens secreto, *Hæc commixtio et consecratio Corporis, etc.* Deinde pollices et indices super Calicem aliquantulum tergit et jungit. Calicem palla cooperit, et genuflexus Sacramentum adorat, surgit, et stans junctis manibus ante pectus, capite inclinato versus Sacramentum, dicit intelligibili voce, *Agnus Dei, qui tollis peccata mundi*, et dextra percutiens sibi pectus, sinistra super Corporale posita, dicit, *miserere nobis*, et deinde non jungit manus, sed iterum percutit sibi pectus, cum dicit secundo, *miserere nobis*, quod et tertio facit, cum dicit, *dona nobis pacem*.

3. Tunc manibus junctis supra Altare positis, oculisque ad Sacramentum intentis, inclinatus dicit secreto, *Domine Jesu Christe, etc.* Qua oratione finita, si est daturus pacem, osculatur Altare in medio, et instrumentum pacis ei porrectum a ministro juxta ipsum ad dextram, hoc est, in cornu Epistolæ genuflexo, et dicit: *Pax tecum*. Minister respondet, *Et cum spiritu tuo*. Si non adsit qui hujusmodi instrumento pacem recipiat a Celebrante, pax non datur, etiamsi illius datio Missæ conveniat; nec osculatur Altare, sed dicta præmissa Oratione, statim subjungit alias Orationes, ut in Ordine Missæ.

4. Si vero celebret pro Defunctis, non percutit pectus ad Agnus Dei, quia dicit, *dona eis requiem*, nec dicit primam Orationem, *Domine Jesu Christe, qui dixisti Apostolis tuis, etc.*, non dat pacem, sed dicit alias duas sequentes Orationes, *Domine Jesu Christe Fili Dei vivi, etc.*,

Perceptio Corporis tui. Quibus Orationibus dictis, genuflectens Sacramentum adorat, et se erigens dicit secreto, *Panem caelestem accipiam, etc.*, quo dicto, dextra manu accipit de Patena reverenter ambas partes Hostiæ, et collocat inter pollicem et indicem sinistræ manus, quibus Patenam inter eundem indicem et medium digitos supponit, et eadem manu sinistra tenens partes hujusmodi super Patenam inter pectus et Calicem, parum inclinatus, dextra tribus vicibus percutit pectus suum, interim etiam tribus vicibus dicens voce aliquantulum elevata, *Domine non sum dignus*, et secreto prosequitur, *ut intres, etc.* Quibus tertio dictis, ex sinistra accipit ambas partes prædictas Hostiæ inter pollicem et indicem dextræ manus, et cum illa supra Patenam signat seipsum signo Crucis, ita tamen, ut Hostia non egrediatur limites Patenæ, dicens, *Corpus Domini nostri Jesu Christi custodiat animam meam in vitam æternam, Amen*: et se inclinans, cubitis super Altare positis, reverenter easdem ambas partes sumit: quibus sumptis, deponit Patenam super Corporale, et erigens se, junctis indicibus et pollicibus, ambas quoque manus ante faciem jungit, et aliquantulum quiescit in meditatione Sanctissimi Sacramenti. Deinde depositis manibus dicit secreto, *Quid retribuam Domino pro omnibus quæ retribuit mihi*; et interim discooperit Calicem, genuflectit, surgit, accipit Patenam, inspicit Corporale, colligit fragmenta cum Patena, si quæ sint in eo, Patenam quoque diligenter cum pollice et indice dextræ manus super Calicem extergit, et ipsos digitos, ne quid fragmentorum in eis remaneat.

5. Si vero adsint Hostiæ consecratæ super Corporale positæ pro alio tempore conservandæ, facta prius genuflexione reponit eas in vas ad hoc ordinatum, et diligenter advertit ne aliquod fragmentum, quantumcumque minimum, remaneat super Corporale: quod si fuerit, accurate reponit in Calicem. Post extensionem Patenæ, junctis pollicibus et indicibus, Calicem dextra manu infra nodum cuppæ accipit, sinistra Patenam, dicens, *Calicem salutaris, etc.*, et signans se signo Crucis cum Calice, dicit, *Sanguis Domini nostri, etc.*, et manu sinistra supponens Patenam Calici, stans reverenter sumit totum Sanguinem cum particula in Calice posita. Quibus sumptis, dicit secreto, *Quod ore sumpsimus, et super*

Altare porrigit Calicem ministro in cornu Epistolæ, quo vinum fundente, se purificat: deinde vino et aqua abluit pollices et indices super Calicem, quos abstergit purificatorio, interim dicens, *Corpus tuum Domine, quod sumpsi, etc.* Ablutionem sumit, et extergit os et Calicem purificatorio: quo facto, purificatorium extendit super Calicem, et desuper Patenam, ac super patenam parvam pallam; et plicato Corporali, quod reponit in bursam, cooperit Calicem velo, et bursam desuper ponit, et collocat in medio Altaris, ut in principio Missæ.

6. Si qui sunt communicandi in Missa, Sacerdos post sumptionem Sanguinis, antequam se purificet, facta genuflexione ponat particulas consecratas in pyxide, vel, si pauci sint communicandi, super Patenam, nisi a principio positæ fuerint in pyxide, seu alio Calice. Interim minister ante eos extendit linteam, seu velum album, et pro eis facit Confessionem, dicens, *Confiteor Deo, etc.* Tum Sacerdos iterum genuflectit, et manibus junctis vertens se ad populum in cornu Evangelii, dicit, *Misereatur vestri, et Indulgentiam, absolutionem et remissionem peccatorum vestrorum, etc.*, et manu dextra facit signum Crucis super eos. Postea genuflectens, accipit manu sinistra pyxidem seu Patenam cum Sacramento, dextra vero sumit unam particulam, quam inter pollicem et indicem tenet aliquantulum elevatam super pyxidem seu Patenam, et conversus ad communicandos in medio Altaris dicit: *Ecce Agnus Dei, ecce qui tollit peccata mundi.* Deinde dicit: *Domine, non sum dignus ut intres sub tectum meum, sed tantum dic verbo, et sanabitur anima mea.* Quibus verbis tertio repetitis, accedit ad eorum dextram, hoc est, ad latus Epistolæ, et unicuique porrigit Sacramentum, faciens cum eo signum Crucis super pyxidem vel Patenam, et simul dicens: *Corpus Domini nostri Jesu Christi custodiat animam tuam in vitam æternam, Amen.* Omnibus communicatis revertitur ad Altare, nihil dicens: et non dat eis benedictionem, quia illam daturus est in fine Missæ. Si particulæ positæ erant super Corporale, extergit illud cum Patena, et si qua in eo fuerint fragmenta, in Calicem immittit. Deinde dicit secreto: *Quod ore sumpsimus, Domine, etc.*, et se purificat, dicens: *Corpus tuum, Domine, quod sumpsi*, et alia facit ut supra. Minister autem dextra manu

tenens vas cum vino et aqua, sinistra vero mappulam, aliquanto post Sacerdotem eis porrigit purificationem, et mappulam ad os abstergendum.

7. Si in Altari remaneant particulæ in Calice, seu in alio vase usque ad finem Missæ, servantur ea quæ in Feria quinta Cænæ Domini præscribuntur circa finem Missæ.

8. In Missa solemni Diaconus stans retro post Celebrantem, cum in Oratione Dominica dicitur, *Et dimitte nobis debita nostra*, facta ibidem genuflexione vadit ad dextram Celebrantis, et Subdiaconus circa finem Orationis Dominicæ, facta ibidem genuflexione revertitur ad Altare, et stans in cornu Epistolæ porrigit Patenam Diacono, qui eam discooperit, et purificatorio abstergens dat Celebranti, illius manum osculando; et quando opus est, discooperit, et cooperit Calicem, et cum Celebrante adorat. Subdiaconus reddita Patena, et deposito velo, quod ab humeris ejus pendeat, genuflectit, et descendit retro post Celebrantem, et cum dicitur *Pax Domini*, iterum genuflectens accedit ad sinistram Celebrantis, et simul dicunt, *Agnus Dei.* Deinde facta ibidem Sacramento genuflexione, redit post Celebrantem. Diaconus vero a dextris genuflexus expectat pacem: et cum Celebrans osculatur Altare, ipse se erigens simul osculatur illud extra Corporale, et a Celebrante dicente, *Pax tecum*, complexus accipit pacem, sinistris genis sibi invicem appropinquantibus, et ei respondet, *Et cum spiritu tuo.* Postea iterum Sacramento in Altari adorato, vertit se ad Subdiaconum retro post Celebrantem, et similiter dat ei pacem. Subdiaconus, accepta pace a Diacono, et facta Altari genuflexione, comitatus ab Acolyto vadit ad Chorum, et dat pacem primo cujusque ordinis, dignioribus prius, deinde minus dignis, et reversus ad Altare, facta genuflexione dat pacem Acolyto qui ipsum comitaverat, qui et aliis Acolythis circa Altare dat pacem: deinde Subdiaconus vadit ad dexteram Celebrantis, et quando opus est, discooperit Calicem, accipit ampullam vini, et infundit quando Celebrans vult purificare. Diaconus post datam pacem Subdiacono vadit ad librum; et dum Celebrans se communicat, stant ipse et Subdiaconus profunde inclinati versus Altare.

9. In Missa Pontificali, Assistens accipit et defert pacem, ut in Cæremoniali habetur. Si in Missa solemni fiat Com-

munio, omnia servantur ut supra, sed prius communicet Diaconum et Subdiaconum, deinde alios per ordinem, et Diaconus purificationem eis ministret: interim a Choro cantatur Antiphona, quæ dicitur *Communio*.

XI. *De Communionem et Orationibus post Communionem dicendis.*

CELEBRANTE purificato, dum Calicem collocat in Altari, liber Missalis deferretur per ministrum ad cornu Epistolæ, et collocatur ut in Introitu. Ipse autem minister genuflectit juxta cornu Evangelii, ut in principio Missæ. Deinde Celebrans stans junctis manibus legit *Antiphonam*, quæ dicitur *Communio*, qua lecta, junctis item manibus ante pectus vadit ad medium Altaris, et eo osculato vertit se ad populum a manu sinistra ad dextram, et dicit *Dominus vobiscum*, per eandem viam redit ad librum, et dicit *Orationes post Communionem*, eisdem modo, numero, et ordine, ut supra dictæ sunt Collectæ. Quibus finitis, claudit librum, et jungens manus ante pectus, revertitur ad medium Altaris, ubi eo osculato vertit se ad populum, et dicit ut supra, *Dominus vobiscum*, quo dicto, stans junctis manibus ante pectus versus populum, dicit, si dicendum est, *Ite Missa est*, et per eandem viam revertitur ad Altare. Si vero non sit dicendum, dicto *Dominus vobiscum*, revertitur eodem modo per eandem viam ad medium Altaris, et stans versus ad illud, junctis ante pectus manibus dicit, *Benedicamus Domino*. In Missis autem Defunctorum eodem modo stans versus Altare, dicit *Requiescant in pace*.

2. In Quadragesima autem a Feria quarta Cinerum usque ad Feriam quartam majoris Hebdomadæ, in feriali Officio postquam Celebrans dixit Orationes post Communionem cum suis solitis conclusionibus, antequam dicat, *Dominus vobiscum*, stans eodem loco ante librum dicit, *Oremus, Humiliate capita vestra Deo*, caput inclinans et extensis manibus subjungit eadem voce *Orationem super populum*, ibidem positam: qua finita, osculato Altare, et vertens se ad populum dicit, *Dominus vobiscum*, et alia ut supra.

3. In Missa solemni Diaconus deferret librum Missalis ad cornu Epistolæ, deinde vadit retro post Celebrantem: Subdia-

nus vero vadit ad cornu Evangelii, ubi Calicem mundat, aptat cum purificatorio, Patena et palla cooperit, plicat Corporale, reponit in bursam, et illam ponit super Calicem coopertum velo, quem collocat in Altari, vel super Credentia, ut prius: postea redit ad locum suum retro post Diaconum, qui cum dicit, *Ite Missa est*, cum Celebrante vertit se ad populum, et in Quadragesima dicto per Celebrantem *Oremus*, Diaconus in cornu Epistolæ vertens se ad populum, junctis manibus dicit ut supra, *Humiliate, etc.*, quo dicto vertit se versus Altare a tergo Celebrantis, et Celebrans dicit Orationem super populum.

XII. *De Benedictione in fine Missæ, et Evangelio sancti Joannis.*

DICTO, *Ite Missa est*, vel *Benedicamus Domino*, ut supra, Celebrans ante medium Altaris, stans junctis manibus super eo, et capite inclinato, dicit secreto, *Placeat tibi, sancta Trinitas, etc.*, quo dicto extensis manibus hinc inde super Altare positus, ipsum in medio osculatur: tum erigens se, adhuc stans versus illud, elevat ad cælum oculos et manus, quas extendit et jungit, caputque Cruci inclinans, dicit voce intelligibili, *Benedicat vos omnipotens Deus*, et junctis manibus, ac demissis ad terram oculis, vertens se ad populum a sinistro latere ad dextrum, extensa manu dextra, junctisque digitis, et manu sinistra infra pectus posita, semel benedicit populo, dicens, *Pater et Filius et Spiritus sanctus, R. Amen*, et circulum perficiens accedit ad cornu Evangelii; ubi dicto *Dominus vobiscum. R. Et cum spiritu tuo*, pollice dextro signans primum signo Crucis Altare, seu librum in principio Evangelii, deinde frontem, os, et pectus, dicit: *Initium sancti Evangelii secundum Joannem*: vel *Sequentia sancti Evangelii*, ut dictum est in Rubricis generalibus, et *R. Gloria tibi, Domine*, junctis manibus legit Evangelium, *In principio*, vel aliud ut convenit. Cum dicit, *Et Verbum caro factum est*, genuflectit versus cornu Evangelii, et surgens prosequitur ut prius: quo finito, minister stans a parte Epistolæ respondet, *Deo gratias*.

2. Si Celebrans in Altari vertit faciem ad populum, non vertit se, sed stans ut erat, benedicit populo, ut supra, in medio

Altaris: deinde accedit ad cornu Evangelii, et dicit Evangelium sancti Joannis.

3. Si celebravit coram summo Pontifice, Cardinali, et Legato Sedis Apostolicæ, vel Patriarcha, Archiepiscopo, et Episcopo, in Provincia, Civitate, vel Diœcesi sua existente, Celebrans, dicto *Placeat tibi sancta Trinitas, etc.*, dicit *Benedicat vos omnipotens Deus*, et convertens se ad summum Pontificem genuflexus, ad Cardinalem vero et Legatum, vel alium ex supradictis Prælati, capite inclinato, quasi licentiam benedicendi petens, prosequitur, *Pater, et Filius, et Spiritus sanctus*, benedicens astantes a parte ubi non adest Pontifex, Cardinalis, Legatus, aut Prælatus prædicti. Si autem celebravit coram Patriarcha, Archiepiscopo, et Episcopo, extra eorum Provinciam, Civitatem, vel Diœcesim constitutis, eis absque alio respectu, ut cæteris qui intersunt, more consueto benedicit.

4. Si autem celebravit pro Defunctis, dicto *Placeat tibi sancta Trinitas*, ut supra, et osculato Altari, accedit ad cornu Evangelii, et dicit Evangelium sancti Joannis, prætermittit benedictionem, quæ in Missis Defunctorum non datur.

5. Finito Evangelio in fine Missæ, si celebravit coram summo Pontifice, Cardinali, et Legato Sedis Apostolicæ, vel Patriarcha, Archiepiscopo, et Episcopo, convertit se ad illum coram quo ex prædictis celebravit, et facit reverentiam convenientem. Si non celebravit coram aliquo prædictorum, hujusmodi reverentiam prætermittit.

6. Quibus omnibus absolutis, extinguuntur per ministrum candelæ: interim Sacerdos accipit sinistra Calicem, dexteram ponens super bursam, ne aliquid cadat, descendit ante infimum gradum Altaris: et ibi in medio vertens se ad illud, caput inclinat, (vel, si in eo est tabernaculum Sanctissimi Sacramenti, genuflectit) et facta reverentia, accipit biretum a ministro, caput cooperit, ac præcedente eodem ministro, eo modo quo venerat, redit ad Sacristiam, interim dicens Antiphonam, *Trium puerorum*, et Canticum, *Benedicite*. Si vero sit dimissurus paramenta apud Altare ubi celebravit, finito Evangelio prædicto, ibidem illis se exuit, et dicit Antiphonam, *Trium puerorum*, cum Cantico et aliis Orationibus, ut suo loco ponuntur.

7. In Missa solemni Celebrans eadem voce et modo quo in Missis privatis,

semel tantum benedicit populo, nisi sit Episcopus, vel Abbas ut infra: et dicto Evangelio secundum Joannem, vel alio ut supra, ministrante Subdiacono librum, si opus est, discedit cum ministris ordine et modo quo venerat.

8. Episcopus autem ter benedicit populo, etiam in Missis privatis, ut in Cæremoniali habetur.

XIII. De iis quæ omittuntur in Missa pro Defunctis.

IN Missa pro Defunctis ante Confessionem non dicitur Psalmus, *Judica me, Deus*: sed pronuntiata Antiphona, *Introibo ad Altare Dei*, et responso a ministro, *Ad Deum qui lætificat, etc.*, dicitur *V. Adjutorium nostrum*, et *Confessio*, cum reliquis ut supra. Cum Celebrans ad Altare incipit *Introitum*, non signat se, sed manu dextra extensa, facit signum Crucis super librum, quasi aliquem benedicens. Non dicitur *Gloria Patri*, sed post Psalmum repetitur *Requiem æternam*; nec dicitur, *Gloria in excelsis*, nec *Alleluia*, nec *Jube, domne, benedicere*, nec *Dominus sit in corde meo*: nec osculatur librum in fine. Non dicitur *Credo*, non benedicitur aqua in Calicem fundenda; dicitur tamen Oratio, *Deus, qui humanæ substantiæ, etc.* Cum lavat manus, in fine Psalmi, *Lavabo inter innocentes*, non dicitur *Gloria Patri*. Ad *Agnus Dei*, non dicitur, *misereere nobis*, cujus loco dicitur, *dona eis requiem*, nec tertio, *dona nobis pacem*, cujus loco dicitur, *dona eis requiem sempiternam*, nec percutitur pectus. Non dicitur prima Oratio ante Communionem, scilicet, *Domine Jesu Christe, qui dixisti Apostolis tuis, etc.*, nec datur pax. In fine non dicitur, *Ite, Missa est*, nec *Benedicamus Domino*, sed *Requiescant in pace*. Et non datur benedictio; sed dicto *Placeat*, et osculato Altari, dicitur, ut supra, *In principio erat Verbum*.

2. In Missa solemni non incensatur Altare ad *Introitum*, et Subdiaconus finita Epistola non osculatur manum Celebrantis, nec benedicitur: Diaconus non petit benedictionem, nec osculatur Celebrantis manum: non tenentur luminaria ad Evangelium, nec portatur incensum, sed duo tantum Acolythi sine candelabris stant unus a dextris et alter a sinistris Subdiaconi tenentis librum Evangeliorum. Non incensatur liber, nec in fine Celebrans;

nec defertur liber Evangeliorum osculandus. Oblata et Altare incensantur ut supra: incensatur solus Celebrans, et non incensantur alii. Subdiaconus non tenet Patenam post Celebrantem: sed tempore elevationis Sacramenti genuflexus in cornu Epistolæ illud incensat. Ministri cum aliquid porrigunt Celebranti, in hac Missa non osculantur ejus manum, neque rem quæ porrigitur.

3. Si distribuendæ sunt candelæ, distribuuntur post Epistolam, et accendantur ad Evangelium, ad elevationem Sacramenti, et post Missam, dum fit Absolutio. Si habendus est sermo, habeatur finita Missa ante Absolutionem.

4. Finita Missa, si facienda est Absolutio, Celebrans retrahit se ad cornu Epistolæ, ubi exiit Casula, et deposito Manipulo, accipit Pluviale nigrum. Subdiaconus, medius inter duos Acolythos cum candelabris accensis, defert Crucem sicut in Processionibus, præcedentibus duobus aliis Acolythis, uno cum Thuribulo et navicula incensi, alio cum vase aquæ benedictæ et aspersorio: sequitur Celebrans, facta prius Altari reverentia, et Diaconus a sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolythos tenentes luminaria; Celebrans vero ex alia parte in capite loci inter Altare et tumulum, aliquantulum versus cornu Epistolæ, ita ut Crucem Subdiaconi respiciat: a sinistris ejus Diaconus, et prope eum alii duo Acolythy deferentes Thuribulum, et vas aquæ benedictæ. Interim cantatur *R. Libera me, Domine*, et circa illius finem Celebrans ponit incensum in Thuribulum, benedicens illud more solito, ministrante Diacono naviculam: et finito *Kyrie, eleison*, incipit intelligibili voce, *Pater noster*, et secreto proseguendo reliqua, accipit aspersorium de manu Diaconi, et facta

Altari reverentia, comitante eodem Diacono a dextris, et tenente finibrium anteriorem Pluvialis, circuiens tumulum, aspergit illum aqua benedicta, ter a parte dextra, et ter a sinistra. Cum transit ante Crucem, profunde inclinat, Diaconus vero genuflectit; postea de manu ejusdem Diaconi accipit Thuribulum, et eodem modo quo asperserat, incensat. Et rediens ad pristinum locum, Diacono tenente librum, junctis manibus dicit:

V. Et ne nos inducas in tentationem.

R. Sed libera nos a malo.

V. A porta inferi.

R. Erue, Domine, animam ejus.

V. Requiescat in pace.

R. Amen.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

ABSOLVE, quæsumus, Domine, animam famuli tui N. ab omni vinculo delictorum: ut in resurrectionis gloria inter Sanctos et Electos tuos resuscitatus respiret. Per Christum Dominum nostrum.

R. Amen.

Deinde Celebrans faciens Crucem manu dextera super tumulum, dicat:

V. Requiem æternam dona ei, Domine.

R. Et lux perpetua luceat ei.

Et dicto per cantores, Requiescat in pace. *R. Amen, præcedente Cruce redit cum aliis ad Sacristiam.*

Si Officium fit pro pluribus Defunctis, omnia dicantur in numero plurali.

DE DEFECTIBUS

IN CELEBRATIONE MISSARUM OCCURRENTIBUS.

I.

SACERDOS celebraturus omnem adhibeat diligentiam, ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, et ex parte formæ adhibendæ, et ex parte ministri conficientis. Quidquid enim horum deficit, scilicet materia debita, forma cum intentione, et Ordo sacerdotalis in conficiente, non conficitur Sacramentum. Ex his existentibus, quibuscumque aliis deficientibus, veritas adest Sacramenti. Alii vero sunt defectus, qui in Missæ celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

II. De defectibus materiæ.

DEFECTUS ex parte materiæ possunt contingere, si aliquid desit ex iis quæ ad ipsam requiruntur. Requiritur enim ut sit panis triticeus, et vinum de vite: et ut hujusmodi materia consecranda, in actu consecrationis sit coram Sacerdote.

III. De defectu panis.

SI panis non sit triticeus, vel si triticeus admixtus sit granis alterius generis in tanta quantitate ut non maneat panis triticeus, vel sit alioqui corruptus, non conficitur Sacramentum.

2. Si sit confectus de aqua rosacea, vel alterius distillationis, dubium est an conficiatur.

3. Si cœperit corrumpi, sed non sit corruptus: similiter si non sit azymus, secundum morem Ecclesiæ Latinæ; conficitur, sed conficiens graviter peccat.

4. Si Celebrans ante consecrationem advertit Hostiam esse corruptam, aut non esse triticeam; remota illa Hostia, aliam ponat, et facta oblatione, saltem mente concepta, prosequatur ab eo loco ubi desivit.

5. Si id adverterit post consecrationem, etiam post illius Hostiæ sumptionem, posita alia, faciat oblationem, ut supra, et a consecratione incipiat, scilicet ab illis verbis, *Qui pridie quam pateretur*, et illam priorem si non sumpsit,umat post sumptionem Corporis et Sanguinis, vel aliis sumendam tradat, vel alicubi reverenter conservet. Si autem sumpserit, nihilominusumat eam, quam consecravit; quia præceptum de perfectione Sacramenti majoris est ponderis quam quod a jejunis sumatur.

6. Quod si hoc contingat post sumptionem Sanguinis, apponi debet rursus novus panis, et vinum cum aqua; et facta prius oblatione, ut supra, Sacerdos consecret, incipiendo ab illis verbis, *Qui pridie*, ac statimumat utrumque, et prosequatur Missam, ne Sacramentum remaneat imperfectum, et ut debitus servetur ordo.

7. Si Hostia consecrata dispareat, vel casu aliquo, aut vento, aut miraculo, vel ab aliquo animali accepta, nequeat reperiri; tunc altera consecretur, ab eo loco

incipiendo, *Qui pridie quam pateretur*, facta ejus prius oblatione, ut supra.

IV. De defectu vini.

SI vinum sit factum penitus acetum, vel penitus putridum, vel de uvis acerbis, seu non maturis expressum, vel ei admixtum tantum aquæ ut vinum sit corruptum, non conficitur Sacramentum.

2. Si vinum cœperit acescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis; conficitur Sacramentum, sed conficiens graviter peccat.

3. Si Celebrans ante consecrationem Sanguinis, quamvis post consecrationem Corporis, advertat aut vinum, aut aquam, aut utrumque non esse in Calice; debet statim apponere vinum cum aqua, et facta oblatione, ut supra, consecrare, incipiendo ab illis verbis, *Simili modo, etc.*

4. Si post verba consecrationis advertat vinum non fuisse positum, sed aquam; deposita aqua in aliquod vas, iterum vinum cum aqua ponat in Calice, et consecret, resumendo a verbis prædictis, *Simili modo, etc.*

5. Si hoc advertat post sumptionem Corporis, vel hujusmodi aquæ; apponat aliam Hostiam iterum consecrandam, et vinum cum aqua in Calice, offerat utrumque, et consecret, et sumat, quamvis non sit jejunus. Vel, si Missa celebretur in loco publico, ubi plures adsint; ad evitandum scandalum, poterit apponere vinum cum aqua, et facta oblatione, ut supra, consecrare, ac statim sumere, et prosequi cetera.

6. Si quis percipiat ante consecrationem, vel post consecrationem, totum vinum esse acetum, vel alias corruptum; idem servetur quod supra, ac si deprehenderet non esse positum vinum, vel solam aquam fuisse appositam in Calice.

7. Si autem Celebrans ante consecrationem Calicis advertat non fuisse appositam aquam, statim ponat eam, et proferat verba consecrationis. Si id advertat post consecrationem Calicis, nullo modo apponat, quia non est de necessitate Sacramenti.

8. Si materia quæ esset apponenda ratione defectus, vel panis, vel vini, non

posset ullo modo haberi; si id sit ante consecrationem Corporis, ulterius procedi non debet; si post consecrationem Corporis, aut etiam vini, deprehenditur defectus alterius speciei, altera jam consecrata; tunc si nullo modo haberi possit, procedendum erit, et Missa absolvenda, ita tamen ut prætermittantur verba et signa quæ pertinent ad speciem deficientem. Quod si expectando aliquandiu haberi possit, expectandum erit, ne sacrificium remaneat imperfectum.

V. De defectibus formæ.

DEFECTUS ex parte formæ possunt contingere, si aliquid desit ex iis quæ ad integritatem verborum in ipsa consecratione requiruntur. Verba autem consecrationis, quæ sunt forma hujus Sacramenti, sunt hæc, *Hoc est enim Corpus meum. Et, Hic est enim calix Sanguinis mei, novi et æterni testamenti: mysterium fidei, qui pro vobis et pro multis effundetur in remissionem peccatorum.* Si quis autem aliquid diminueret, vel immutaret de forma Consecrationis Corporis et Sanguinis, et in ipsa verborum immutatione verba idem non significarent, non conficeret Sacramentum. Si vero aliquid adderet, quod significationem non mutaret, conficeret quidem, sed gravissime peccaret.

2. Si Celebrans non recordetur se dixisse ea quæ in consecratione communiter dicuntur, non debet propterea turbari. Si tamen certo ei constet, se omisisse aliquid eorum quæ sunt de necessitate Sacramenti, id est, formam consecrationis, seu partem, resumat ipsam formam, et cetera prosequatur per ordinem. Si vero valde probabiliter dubitet se aliquid essenziale omisisse, iteret formam saltem sub tacita conditione. Si autem non sunt de necessitate Sacramenti, non resumat, sed procedat ulterius.

VI. De defectibus Ministri.

DEFECTUS ex parte Ministri possunt contingere quoad ea quæ in ipso requiruntur. Hæc autem sunt: In primis intentio, deinde dispositio animæ, dispositio corporis, dispositio vestimentorum, dispositio in ministerio ipso quoad ea quæ in ipso possunt occurrere.

VII. *De defectu intentionis.*

SI quis non intendit conficere, sed delusorie aliquid agere. Item si aliquæ Hostiæ ex oblivione remaneant in Altari, vel aliqua pars vini, vel aliqua Hostia lateat, cum non intendat consecrare nisi quas videt. Item si quis habeat coram se undecim Hostias, et intendat consecrare solum decem, non determinans quas decem intendit, in his casibus non consecrat, quia requiritur intentio. Secus si putans quidem esse decem, tamen omnes voluit consecrare quas coram se habebat; nam tunc omnes erunt consecratæ: atque ideo quilibet Sacerdos talem semper intentionem habere deberet, scilicet consecrandi eas omnes quas ante se ad consecrandum positas habet.

2. Si Sacerdos putans se tenere unam Hostiam, post consecrationem invenerit fuisse duas simul junctas, in sumptione sumat simul utramque. Quod siprehendat post sumptionem Corporis et Sanguinis, aut etiam post ablutionem, reliquias aliquas relictas consecratas, eas sumat, sive parvæ sint, sive magnæ, quia ad idem sacrificium spectant.

3. Si vero relictæ sit Hostia integra consecrata, eam in Tabernaculo cum aliis reponat: si hoc fieri nequit, sequenti Sacerdoti ibi celebraturo, in Altari supra Corporale decenter opertam, sumendam una cum altera, quam est consecraturus, relinquat; vel si neutrum horum fieri possit, in ipso Calice, seu Patena decenter conservet, quousque vel in Tabernaculo reponatur, vel ab altero sumatur: quod si non habeat quomodo honeste conservetur, potest eam ipsemet sumere.

4. Si intentio non sit actualis in ipsa consecratione propter evagationem mentis, sed virtualis, cum accedens ad Altare intendat facere quod facit Ecclesia, conficitur Sacramentum, etsi curare debeat Sacerdos, ut etiam actualem intentionem adhibeat.

VIII. *De defectibus dispositionis animæ.*

SI quis suspensus, excommunicatus, degradatus, irregularis, vel alias canonice impeditus, celebret; conficit quidem Sacramentum, sed gravissime peccat, tam propter Communionem, quam indigne sumit, quam propter executionem Ordinum, quæ sibi erat interdicta.

2. Si quis habens copiam Confessoris, celebret in peccato mortali, graviter peccat.

3. Si quis autem in casu necessitatis non habens copiam Confessoris, in peccato mortali absque contritione celebret, graviter peccat. Secus si conteratur: debet tamen cum primum poterit, confiteri.

4. Si in ipsa celebratione Missæ Sacerdos recordetur se esse in peccato mortali, conteratur cum proposito confitendi, et satisfaciendi.

5. Si recordetur se esse excommunicatum, vel suspensum, aut locum esse interdictum, similiter conteratur cum proposito petendi absolutionem. Ante consecrationem autem in supradictis casibus, si non timetur scandalum, debet Missam inceptam deserere.

IX. *De defectibus dispositionis corporis.*

SI quis non est jejunos post mediam noctem, etiam post sumptionem solius aquæ, vel alterius potus, aut cibi, per modum etiam medicinæ, et in quantacumque parva quantitate; non potest communicare, nec celebrare.

2. Si autem ante mediam noctem cibum aut potum sumpserit, etiamsi postmodum non dormierit, nec sit digestus, non peccat: sed ob perturbationem mentis, ex qua devotio tollitur, consulitur aliquando abstinendum.

3. Si reliquiæ cibi remanentes in ore transglutiantur, non impediunt Communionem, cum non transglutiantur per modum cibi, sed per modum salivæ. Idem dicendum, si lavando os, deglutiat stilla aquæ præter intentionem.

4. Si plures Missas in una die celebret, ut in Nativitate Domini, in unaquaque Missa abluat digitos in aliquo vase mundo, et in ultima tantum percipiat purificationem.

5. Si præcesserit pollutio nocturna, quæ causata fuerit ex præcedenti cogitatione, quæ sit peccatum mortale, vel evenerit propter nimiam crapulam, abstinendum est a Communionem et Celebrationem, nisi aliud Confessario videatur. Si dubium est an in præcedenti cogitatione fuerit peccatum mortale, consulitur abstinendum, extra tamen casum necessitatis. Si autem certum est non fuisse in illa cogitatione peccatum mortale, vel

nullam fuisse cogitationem, sed evenisse ex naturali causa, aut ex diabolica illusionem, potest Communicare et Celebrare, nisi ex illa corporis commotione tanta evenierit perturbatio mentis, ut abstinendum videatur.

X. *De defectibus in ministerio ipso occurrentibus.*

POSSUNT etiam defectus occurrere in ministerio ipso, si aliquid ex requisitis ad illud desit: ut si celebretur in loco non sacro, vel non deputato ab Episcopo: vel in Altari non consecrato, vel tribus mappis non cooperto: si non adsint luminaria cerea: si non sit tempus debitum celebrandi, quod est ab aurora usque ad meridiem, communiter: si Celebrans saltem Matutinum cum Laudibus non dixerit: si omittat aliquid ex vestibus sacerdotalibus: si vestes sacerdotales et mappæ non sint ab Episcopo, vel ab alio hanc habente potestatem, benedictæ: si non adsit clericus, vel alius deserviens in Missa, vel adsit qui deservire non debet, ut mulier: si non adsit Calix cum Patena conveniens, cujus cuppa debet esse aurea, vel argentea, vel stannea, non ærea, vel vitrea: si Corporalia non sit munda, quæ debent esse ex lino, nec serico in medio ornata, et ab Episcopo, vel ab alio habente potestatem, benedicta, ut etiam superius dictum est: si celebret capite cooperto sine dispensatione: si non adsit Missale, licet memoriter sciret Missam quam intendit dicere.

2. Si Sacerdote celebrante violetur Ecclesia ante Canonem, dimittatur Missa: si post Canonem, non dimittatur. Si timeatur incursus hostium, vel alluvionis, vel ruina loci ubi celebratur, ante Consecrationem dimittatur Missa, post Consecrationem vero Sacerdos accelerare poterit sumptionem Sacramenti, omisiss omnibus aliis.

3. Si Sacerdos ante Consecrationem graviter infirmetur, vel in synopem inciderit, aut moriatur, prætermittitur Missa: si post consecrationem Corporis tantum, ante consecrationem Sanguinis, vel utroque consecrato id accidit; Missa per alium Sacerdotem expleatur ab eo loco ubi ille desiit, et in casu necessitatis per non jejunum. Si autem non obierit, sed fuerit infirmus, adeo tamen ut possit communicare, et non adsit alia Hostia consecrata; Sacerdos qui Missam supplet,

dividat Hostiam, et unam partem præbeat infirmo, aliam ipse sumat. Si autem semiprolata forma Corporis obiit Sacerdos, quia non est facta consecratio, non est necesse ut Missam per alium suppleatur. Si vero obierit semiprolata forma Sanguinis, tunc alter prosequatur Missam, et super eundem Calicem repetat integram formam, ab eo loco, *Simili modo postquam cœnatum est, etc.*, vel posset super alium Calicem præparatum integram formam proferre, et Hostiam primi Sacerdotis, et Sanguinem a se consecratum sumere, ac deinde Calicem relictum semiconsecratum.

4. Si quis extra hujusmodi casus necessitatis integra Sacramenta non sumpserit, gravissime peccat.

5. Si musca, vel aranea, vel aliquid aliud ceciderit in Calicem ante Consecrationem, projiciat vinum in locum decentem, et aliud ponat in Calice, misceat parum aquæ, offerat ut supra, et prosequatur Missam: si post Consecrationem ceciderit musca, aut aliquid ejusmodi, et fiat nausea Sacerdoti, extrahat eam, et lavet cum vino, finita Missa comburat, et combustio ac lotio hujusmodi in Sacrarium projiciatur. Si autem non fuerit ei nausea, nec ullum periculum timeat, sumat cum Sanguine.

6. Si aliquid venenosum ceciderit in Calicem, vel quod provocaret vomitum, vinum consecratum reponendum est in alio Calice, et aliud vinum cum aqua apponendum denuo consecrandum: et finita Missa, Sanguis repositus in panno lineo, vel stuppa, tamdiu servetur, donec species vini fuerint desiccatae, et tunc stuppa comburatur, et combustio in Sacrarium projiciatur.

7. Si aliquod venenatum contigerit Hostiam consecratam, tunc alteram consecret, et sumat eo modo quo dictum est, et illa servetur in Tabernaculo in loco separato, donec species corrumpantur, et corruptæ deinde mittantur in Sacrarium.

8. Si sumendo Sanguinem particula remanserit in Calice, digito ad labium Calicis eam adducat, et sumat ante purificationem, vel infundat vinum, et sumat.

9. Si Hostia ante Consecrationem inveniat fracta, nisi populo evidenter appareat, talis Hostia consecretur: si autem scandalum populo esse possit, alia accipiat, et offeratur; quod si illius Hostiæ jam erat facta oblatio, eam post ablutionem sumat. Quod si ante oblati-

onem Hostia appareat confracta, accipiat altera, si citra scandalum aut longam moram fieri poterit.

10. Si propter frigus, vel negligentiam, Hostia consecrata dilabatur in Calicem, propterea nihil est reiterandum; sed Sacerdos Missam prosequatur, faciendo cæremonias et signa consueta cum residua parte Hostiæ, quæ non est madefacta Sanguine, si commode potest. Si vero tota fuerit madefacta, non extrahat eam, sed omnia dicat omittendo signa, et sumat pariter Corpus et Sanguinem, signans se cum Calice, dicens: *Corpus et Sanguis Domini nostri, etc.*

11. Si in hieme Sanguis congeletur in Calice, involvatur Calix pannis calefactis: si id non proficeret, ponatur in ferventi aqua prope Altare, dummodo in Calicem non intret, donec liquefiat.

12. Si per negligentiam aliquid de Sanguine Christi ceciderit, si quidem super terram, seu super tabulam, lingua lambatur, et locus ipse radatur quantum satis est, et abrasio comburatur; cinis vero in Sacrarium recondatur. Si vero super lapidem Altaris ceciderit, sorbeat Sacerdos stillam, et locus bene abluatur, et ablutio in Sacrarium projiciatur. Si super linteum Altaris, et ad aliud linteum stilla pervenerit; si usque ad tertium, linteamina ter abluantur ubi stilla ceciderit, Calice supposito, et aqua ablutionis in Sacrarium projiciatur. Quod si in ipso solum Corporali, aut si in vestibus ipsis Sacerdotalibus ceciderit, debet si-

militer abluï, et ablutio in Sacrarium projici. Si in substrato pedibus panno, vel tapete, bene abluatur, ut supra.

13. At si contingat totum Sanguinem post Consecrationem effundi, si quidem aliquid, vel parum remansit, illud sumatur, et de effuso reliquo Sanguine fiat ut dictum est. Si vero nihil omnino remansit, ponat iterum vinum et aquam, et consecret ab eo loco, *Simili modo postquam cœnatum est, etc.*, facta prius tamen Calicis oblatione, ut supra.

14. Si Sacerdos evomat Eucharistiam, si species integræ appareant, reverenter sumantur, nisi nausea fiat: tunc enim species consecratæ caute separentur, et in aliquo loco sacro reponantur donec corrumpantur, et postea in Sacrarium projiciantur. Quod si species non appareant, comburatur vomitus, et cineres in Sacrarium mittantur.

15. Si Hostia consecrata, vel aliqua ejus particula dilabatur in terram, reverenter accipiat, et locus ubi cecidit, mundetur, et aliquantulum abradatur, et pulvis seu abrasio hujusmodi in Sacrarium immittatur. Si ceciderit extra Corporale in mappam, seu alio quovis modo in aliquod linteum; mappa vel linteum hujusmodi diligenter lavetur, et lotio ipsa in Sacrarium effundatur.

16. Possunt etiam defectus in ministerio ipso occurrere, si Sacerdos ignoret ritus et cæremonias ipsas in eo servandas: de quibus omnibus in superioribus Rubricis copiose dictum est.



EX REGISTRO DECRETORUM

SACRÆ RITUUM CONGREGATIONIS.

SACRA Rituum Congregatio inhærendo Decretis alias factis, prohibet omnino Missas a Sacra Rituum Congregatione non approbatas, et signanter Missas nuncupatas S. Gregorii pro vivis et defunctis, Missas quindecim Auxiliatorum, Missam de Patre Æterno, et quascumque alias, ut supra, non approbatas : exceptis tamen Missis Rosarii, et de Monte Carmelo, quæ sunt permissæ Regularibus quibusdam, et iisdem dumtaxat, nec possunt ab aliis celebrari, etiam in ipsorum Regularium Ecclesiis.

Nemo audeat uti Pileolo in celebratione Missarum sine expressa licentia Sedis Apostolicæ, non obstante quacumque contraria consuetudine.

Item prohibetur usus Rochetti, exceptis tamen quibus de jure competit, et præter hoc statuitur et declaratur, nemini licere inservire, aut assistere in celebratione Missarum, aut divinorum Officiorum cum Rochetto, neque cum Cotta

habente manicas angustas ad instar Rochetti : et idem servandum est in Concionibus.

Paramenta non debent sumi de Altari pro celebratione Missarum, cum id competat tantum Episcopis, sive solemniter, sive privatim celebrent. Inferioribus vero habentibus usum Pontificalium, nonnisi quando in Pontificalibus celebrent.

Demum renovando Decreta alias facta, mandat Sac. Congreg. in omnibus, et per omnia servari Rubricas Missalis Romani, non obstante quocumque prætextu, et contraria consuetudine, quam abusum esse declarat.

Et facta relatione horum Decretorum SS. D. N. Urbano VIII., Sanctitas sua annuit, et ab omnibus ubique servari, et in Missali Romano noviter imprimendo apponi mandavit.

JULIUS ROSPILIOSUS,

Secr.

URBIS ET ORBIS.

CUM occasione Missalis typis Sacræ Congregationis de Propaganda Fide summa cura ac diligentia novissime impressi, et propediem publico usui exponendi, Sac. Rit. Congr. enixe fuerit supplicatum, ut nonnulla ejusdem Sac. Congr. decreta jam alias edita et approbata, et prædicto novo Missali summatim apponi et imprimi posse, benigne concedere dignaretur, videlicet.

Missæ pro Defunctis, sive de Requiem, in Festis duplicibus contra præscriptum Rubricarum Missalis Romani nullatenus celebrari debent. Quod si ex Benefactorum institutione Missæ hujusmodi celebrandæ incidunt in Festum Duplex, tunc, ne dilatio Animabus suffragia expectantibus detrimento sit, in aliam diem non impeditam minime transferantur, sed dicantur de Festo currenti cum applica-

tione Sacrificii juxta mentem eorumdem Benefactorum. Die 5 Augusti 1662; approbatum a fel. rec. Alexandro VII. eadem die.

Prædictum Decretum ab ejusdem fel. rec. Alexandro VII. speciali Brevi, quod incipit, *Credite nobis*, denuo fuit confirmatum, ac insuper statutum id servandum esse, quoad Missas in Altaribus Privilegiatis ex obligatione celebrandas, et Indulgentias per hujusmodi Privilegia concessas Animabus in Purgatorio existentibus suffragari, perinde ac si celebratæ fuissent Missæ Defunctorum. Ac denique declaratum, Anniversaria et Missas cantatas de Requiem relictas ex dispositione Testatorum quotannis in die ipsorum obitus, etiam in duplici majori contingentes in prædicto Decreto, die 5 Augusti edito, minime comprehendendi, prout antea in una Novariensi 22 Nov. 1664, eadem Sac. Congr. declaraverat. Die 22 Januarii 1667, Pontificatus XII.

Deinde fel. rec. Clemens IX. eadem Sac. Congr. Decreta, alio Brevi, cujus initium, *Cum fel. record.* iterum confirmavit, prædictamque Alexandri VII. dispositionem ad Altaria non in perpetuum, sed ad septennium, seu aliud brevius, vel longius tempus, ac non in omnibus, sed aliquo, vel aliquibus tantum Hebdomadæ diebus nunc, et in futurum quandocumque Privilegiata extendit. Die 23 Septembris 1669, Pontificatus III.

Tandem proposito dubio, an supradictæ Alexandri VII. et Clementis IX. Declarationes sibi locum vindicarent etiam in diebus Dominicis, et infra Octavas Paschatis Resurrectionis, Pentecostes, et Corporis Christi, aliisque anni diebus, quibus, licet a Festo Duplici non impediuntur, adhuc tamen Missæ Defunctorum, juxta ritum Ecclesiæ celebrari nequeunt, quatenus nimirum Missæ, quas iisdem diebus celebrare licet servata ceteroquin Privilegiatorum forma, ad Altaria privilegiata celebrarentur: eadem Sac. Rit. Congr., die 3 Aprilis 1688, prædictorum Pontificum declarationes pro omnibus diebus, quibus juxta Rubricas Missæ Defunctorum celebrari non possunt, intelligendas esse respondit, ejusque Decretum subinde confirmatum fuit a fel. rec. Innocentio Papa XI. speciali Brevi, quod incipit, *Alias postquam*, dato die 4 Maii 1688.

Decretum a Sac. Rit. Congr. anno 1630 editum, quo permittitur posse in

Ecclesiis recitari Officia, et Missas celebrari de illis Sanctis quorum Corpora, vel Reliquiæ insignes in eisdem asservantur, intelligendum est de Sanctis dumtaxat in Martyrologio Romano descriptis, et dummodo constet de identitate Corporis eorumdem, vel insignis Reliquiæ; secus vero de Sanctis in eodem Martyrologio non descriptis. Quorum tamen Corporibus, et Reliquiis ab Ordinariis locorum approbatis debita a Fidelibus veneratio exhibenda est; sed absque Officio et Missa, sub pœnis de non satisfaciendo præcepto recitandi Officium, aliisque in Constitutione S. Pii V. contentis. Die 11 Aug. 1691; approbatum a fel. rec. Innocentio XII. die 19 Octobris.

Ad augendam fidelium venerationem erga augustissimum Sacramentum, ejusque cultum in toto terrarum orbe promovendum, prohibitum est celebrari Missas votivas, vel pro Defunctis, infra Octavam Corporis Christi. Die 21 Junii 1670, eademque die a fel. rec. Clemente X. approbatum.

Item prohibitum est easdem Missas celebrari infra Octavam Nativitatis Domini. In Missis vero Solemnibus pro re gravi infra eandem Octavam celebrandis, dicenda est Præfatio juxta Rubricam generalem. Tit. 12, num. 4. Die 25 Septembris 1706, jam a Sanctissimo approbatum.

Re vero in Sac. Rit. Congr. ad relationem Eminentiss. et Reverendiss. D. Card. Barberini pluries discussa, et mature perpensa, Sac. eadem Rit. Congr. supradicta Decreta, tum ut Celebrantium instructioni et usui sint, tum ut nonnulli abusus, qui in aliquibus locis irrepserunt, penitus evellantur, in Missali post Rubricas generales apponi et imprimi posse censuit, si Sanctiss. D. N. visum fuerit. Die 15 Septembris 1714.

Factaque deinde per me Pro-Secretarium de prædictis Sanctiss. D. N. relatione, Sanctitas sua sensum Sac. Congr. approbavit, eademque Decreta in Missali apponi et imprimi mandavit. Die 29 Septembris ejusdem anni 1714.

F. Card. de Abdua, Præfectus.

Loco † Sigilli.

N. M. Tedeschi Episc. Liparitanus,
Sac. Rit. Congr. Pro-Secr.

PRÆPARATIO AD MISSAM

PRO OPPORTUNITATE SACERDOTIS FACIENDA.

Antiphona. Ne reminiscaris, Domine, delicta nostra, vel parentum nostrorum : neque vindictam sumas de peccatis nostris.

Quæ Antiphona in Festis Duplicibus tantum duplicatur, et Tempore Paschali additur in fine, Alleluia.

Deinde dicuntur sequentes Psalmi.

Psalmus 83.

QUAM dilecta tabernacula tua, Domine virtutum : concupiscit, et deficit anima mea in atria Domini.

Cor meum et caro mea exultaverunt in Deum vivum.

Etenim passer invenit sibi domum ; et turtur nidum sibi, ubi ponat pullos suos.

Altaria tua Domine virtutum : Rex meus, et Deus meus.

Beati qui habitant in domo tua, Domine : in sæcula sæculorum laudabunt te.

Beatus vir cujus est auxilium abs te : ascensiones in corde suo disposuit, in valle lacrymarum, in loco quem posuit.

Etenim benedictionem dabit legislator ; ibunt de virtute in virtutem : videbitur Deus deorum in Sion.

Domine Deus virtutum, exaudi orationem meam : auribus percipe Deus Jacob.

Protector noster aspice Deus, et respice in faciem Christi tui.

Quia melior est dies una in atriis tuis super millia.

Elegi abjectus esse in domo Dei mei ; magis quam habitare in tabernaculis peccatorum.

Quia misericordiam et veritatem diligit Deus : gratiam et gloriam dabit Dominus.

Non privabit bonis eos qui ambulant in innocentia : Domine virtutum, beatus homo qui sperat in te.

Gloria Patri, etc.

Psalmus 84.

BENEDIXISTI, Domine, terram tuam : avertisti captivitatem Jacob.

Remisisti iniquitatem plebis tuæ : operuisti omnia peccata eorum.

Mitigasti omnem iram tuam : avertisti ab ira indignationis tuæ.

Converte nos, Deus, salutaris noster ; et averte iram tuam a nobis.

Numquid in æternum irasceris nobis ? aut extends iram tuam a generatione in generationem ?

Deus tu conversus vivificabis nos : et plebs tua lætabitur in te.

Ostende nobis, Domine, misericordiam tuam ; et salutare tuum da nobis.

Audiam quid loquatur in me Dominus Deus ; quoniam loquetur pacem in plebem suam ;

Et super Sanctos suos ; et in eos qui convertuntur ad cor.

Verumtamen prope timentes eum salutare ipsius : ut inhabitet gloria in terra nostra.

Misericordia et veritas obviaverunt sibi : justitia et pax osculatæ sunt.

Veritas de terra orta est : et justitia de cælo prospexit.

Etenim Dominus dabit benignitatem : et terra nostra dabit fructum suum.

Justitia ante eum ambulabit : et ponet
in via gressus suos.
Gloria Patri, etc.

Psalmus 85.

INCLINA, Domine, aurem tuam, et ex-
audi me : quoniam inops et pauper sum
ego.

Custodi animam meam, quoniam sanc-
tus sum : salvum fac servum tuum Deus
meus sperantem in te.

Miserere mei, Domine, quoniam ad te
clamavi tota die : lætifica animam servi
tui, quoniam ad te, Domine, animam me-
am levavi.

Quoniam tu, Domine, suavis et mitis :
et multæ misericordiæ omnibus invocan-
tibus te.

Auribus percipe, Domine, orationem
meam ; et intende voci deprecationis
meæ.

In die tribulationis meæ clamavi ad te :
quia exaudisti me.

Non est similis tui in diis, Domine : et
non est secundum opera tua.

Omnes gentes quascumque fecisti, ve-
nient, et adorabunt coram te Domine ;
et glorificabunt nomen tuum.

Quoniam magnus es tu, et faciens mi-
rabilia ; tu es Deus solus.

Deduc me, Domine, in via tua, et ingre-
diar in veritate tua : lætetur cor meum
ut timeat nomen tuum.

Confitebor tibi, Domine Deus meus, in
toto corde meo, et glorificabo nomen
tuum in æternum.

Quia misericordia tua magna est super
me : et eruisti animam meam ex inferno
inferiori.

Deus, iniqui insurrexerunt super me :
et synagoga potentium quæsierunt ani-
mam meam ; et non proposuerunt te in
conspectu suo.

Et tu, Domine Deus miserator et mise-
ricors ; patiens, et multæ misericordiæ,
et verax.

Respice in me, et miserere mei ; da
imperium tuum puero tuo, et salvum fac
filium ancillæ tuæ.

Fac mecum signum in bonum, ut vide-
ant qui oderunt me, et confundantur :
quoniam tu, Domine, adjuvisti me, et
consolatus es me.

Gloria Patri, etc.

Psalmus 115.

CREDIDI propter quod locutus sum :
ego autem humiliatus sum nimis.

Ego dixi in excessu meo : Omnis homo
mendax.

Quid retribuam Domino, pro omnibus
quæ retribuit mihi ?

Calicem salutaris accipiam, et nomen
Domini invocabo.

Vota mea Domino reddam coram omni
populo ejus : pretiosa in conspectu Do-
mini mors Sanctorum ejus.

O Domine, quia ego servus tuus : ego
servus tuus, et filius ancillæ tuæ.

Dirupisti vincula mea : tibi sacrificabo
hostiam laudis, et nomen Domini invo-
cabo.

Vota mea Domino reddam in conspectu
omnis populi ejus : in atriis domus Do-
mini, in medio tui, Jerusalem.

Gloria Patri, etc.

Psalmus 129.

DE profundis clamavi ad te, Domine :
Domine, exaudi vocem meam.

Fiant aures tuæ intendentes in vocem
deprecationis meæ.

Si iniquitates observaveris, Domine :
Domine, quis sustinebit ?

Quia apud te propitiatio est : et prop-
ter legem tuam sustinui te, Domine.

Sustinuit anima mea in verbo ejus :
speravit anima mea in Domino.

A custodia matutina usque ad noctem,
speret Israel in Domino.

Quia apud Dominum misericordia, et
copiosa apud eum redemptio.

Et ipse redimet Israel ex omnibus ini-
quitatibus ejus.

Gloria Patri, etc.

Deinde repetitur Antiphona. Ne re-
miniscaris, Domine, delicta nostra, vel
parentum nostrorum : neque vindictam
sumas de peccatis nostris.

Postea Sacerdos dicit, Kyrie, eleison.

Christe, eleison.

Kyrie, eleison.

Pater noster.

℣. Et ne nos inducas in tentationem.

℞. Sed libera nos a malo.

℣. Ego dixi, Domine, miserere mei.

℞. Sana animam meam, quia peccavi
tibi.

℣. Convertere, Domine, aliquantulum.

℞. Et deprecare super servos tuos.

℣. Fiat misericordia tua, Domine,
super nos.

℞. Quemadmodum speravimus in te.

℣. Sacerdotes tui induantur justitiam.

R. Et sancti tui exultent.

V. Ab occultis meis munda me, Domine.

R. Et ab alienis parce servo tuo.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

AURES tuæ pietatis, mitissime Deus, inclina precibus nostris, et gratia sancti Spiritus illumina cor nostrum : ut tuis mysteriis digne ministrare, teque æterna charitate diligere mereamur.

DEUS, cui omne cor patet, et omnis voluntas loquitur, et quem nullum latet secretum : purifica per infusionem sancti Spiritus cogitationes cordis nostri ; ut te perfecte diligere, et digne laudare mereamur.

URE igne Sancti Spiritus renes nostros et cor nostrum, Domine : ut tibi casto corpore serviamus, et mundo corde placeamus.

MENTES nostras, quæsumus, Domine, Paracletus qui a te procedit, illuminet ; et inducat in omnem, sicut tuus promisit Filius, veritatem.

ADSIT nobis, quæsumus, Domine, virtus Spiritus sancti : quæ et corda nostra clementer expurget, et ab omnibus tueatur adversis.

DEUS, qui corda fidelium sancti Spiritus illustratione docuisti : da nobis in eodem Spiritu recta sapere, et de ejus semper consolatione gaudere.

CONSCIENCIAS nostras, quæsumus, Domine, visitando purifica : ut veniens Dominus noster Jesus Christus Filius tuus, paratam sibi in nobis inveniat mansionem. Qui tecum vivit et regnat in unitate Spiritus sancti Deus, per omnia sæcula sæculorum. Amen.

ORATIONES DICENDÆ CUM SACERDOS INDUITUR SACERDOTALIBUS PARAMENTIS.

Cum lavat manus, dicat,

DA, Domine, virtutem manibus meis ad abstergendam omnem maculam : ut sine pollutione mentis et corporis valeam tibi servire.

Ad Amictum, dum ponitur super caput, dicat,

IMPONE, Domine, capiti meo galeam salutis, ad expugnandos diabolicos incursus.

Ad Albam, cum ea induitur.

DEALBA me, Domine, et munda cor meum : ut in Sanguine Agni dealbatus, gaudiis perfruar sempiternis.

Ad Cingulum, dum se cingit.

PRÆCINGE me, Domine, cingulo puritatis, et extingue in lumbis meis humorem libidinis : ut maneat in me virtus continentiae et castitatis.

Ad Manipulum, dum imponitur brachio sinistro.

MEREAR, Domine, portare manipulum fletus et doloris : ut cum exultatione recipiam mercedem laboris.

Ad Stolam, dum imponitur collo.

REDDE mihi, Domine, stolam immortalitatis, quam perdi in prævaricatione primi parentis : et quamvis indignus accedo ad tuum sacrum mysterium, merear tamen gaudium sempiternum.

Ad Casulam, cum assumitur.

DOMINE, qui dixisti : Jugum meum suave est, et onus meum leve : fac ut istud portare sic valeam, quod consequar tuam gratiam. Amen.

ORATIONES DICENDÆ AB EPISCOPO, QUANDO IN PONTIFICATIBUS CELEBRAT.

Ad Caligas.

CALCEA, Domine, pedes meos in præparationem Evangelii pacis, et protege me in velamento alarum tuarum.

Cum exuitur Cappa.

EXUE me, Domine, veterem hominem cum moribus et actibus suis: et indue me novum hominem, qui secundum Deum creatus est in justitia et sanctitate veritatis.

Cum lavat manus.

DA, Domine, virtutem in manibus meis ad abstergendam omnem maculam immundam: ut sine pollutione mentis et corporis valeam tibi servire.

Ad Amictum.

PONE, Domine, galeam salutis in capite meo, ad expugnandas omnes diabolicas fraudes, inimicorum omnium versutias superando.

Ad Albam.

DEALBA me, Domine, et a delicto meo munda me: ut cum his qui stolas suas dealbaverunt in Sanguine Agni, gaudiis perfruar sempiternis.

Ad Cingulum.

PRÆCINGE me, Domine, cingulo fidei, et virtute castitatis lumbos meos, et extingue in eis humorem libidinis: ut jugiter maneat in me vigor totius castitatis.

Cum accipit Crucem pectoralem.

MUNIRE digneris me, Domine Jesu Christe, ab omnibus insidiis inimicorum omnium signo sanctissimæ Crucis

tus: ac concedere digneris mihi indigno servo tuo, ut sicut hanc Crucem Sanctorum tuorum reliquiis refertam ante pectus meum teneo, sic semper mente retineam et memoriam passionis, et Sanctorum victorias Martyrum.

Ad Stolam.

REDDE mihi, Domine, obsecro, stolam immortalitatis, quam perdi in prævaricatione primi parentis: et quamvis indignus accedere præsumo ad tuum sacrum mysterium cum hoc ornamento, præsta ut in eodem in perpetuum merear lætari.

Ad Tunicellam.

TUNICA jucunditatis et indumento lætitiæ induat me Dominus.

Ad Dalmaticam.

INDUE me, Domine, indumento salutis et vestimento lætitiæ, et Dalmatica justitiæ circumda me semper.

Ad Chirothecas.

CIRCUMDA, Domine, manus meas munditiis novi hominis, qui de cælo descendit: ut quemadmodum Jacob dilectus tuus pelliculis hædorum opertis manibus paternam benedictionem, oblato patri cibo potuque gratissimo, impetravit; sic et oblata per manus nostras salutaris hostia, gratiæ tuæ benedictionem merear. Per Dominum nostrum Jesum Christum Filium tuum, qui in similitudinem carnis peccati pro nobis obtulit semetipsum.

Ad Planetam.

DOMINE, qui dixisti: Jugum meum suave est, et onus meum leve: præsta ut illud portare sic valeam, quod possim consequi tuam gratiam.

Ad Mitram.

MITRAM, Domine, et salutis galeam impone capiti meo: ut contra anti-

qui hostis, omniumque inimicorum meorum insidias inoffensus evadam.

Ad Annulum cordis.

CORDIS et corporis mei, Domine, digitos virtute decora : et septiformis Spiritus sanctificatione circumda.

Ad Manipulum.

MEREARE, precor, Domine, manipulum portare mente flebili : ut cum exultatione portionem accipiam cum justis.

GRATIARUM ACTIO POST MISSAM.

Antiphona. Trium puerorum cantemus hymnum, quem cantabant Sancti in camino ignis, benedicentes Dominum.

Quæ Antiphona in Festis Duplicibus tantum duplicatur, et tempore Paschali additur in fine, Alleluia.

Canticum Trium Puerorum. Dan. 3.

BENEDICITE omnia opera Domini Domino : laudate et superexaltate eum in sæcula.

Benedicite Angeli Domini Domino : benedicite celi Domino.

Benedicite aquæ omnes, quæ super cælos sunt, Domino : benedicite omnes Virtutes Domini Domino.

Benedicite sol et luna Domino : benedicite stellæ cæli Domino.

Benedicite omnis imber et ros Domino : benedicite omnes spiritus Dei Domino.

Benedicite ignis et æstus Domino : benedicite frigus et æstus Domino.

Benedicite rores et pruina Domino : benedicite gelu et frigus Domino.

Benedicite glacies et nives Domino : benedicite noctes et dies Domino.

Benedicite lux et tenebræ Domino : benedicite fulgura et nubes Domino.

Benedicat terra Dominum : laudet et superexaltet eum in sæcula.

Benedicite montes et colles Domino : benedicite universa germinantia in terra Domino.

Benedicite fontes Domino : benedicite maria et flumina Domino.

Benedicite cete, et omnia quæ moventur in aquis, Domino : benedicite omnes volucres cæli Domino.

Benedicite omnes bestię et pecora Domino : benedicite filii hominum Domino.

Benedicat Israel Dominum : laudet et superexaltet eum in sæcula.

Benedicite sacerdotes Domini Domino : benedicite servi Domini Domino.

Benedicite spiritus et animæ Justorum Domino : benedicite Sancti et humiles corde Domino.

Benedicite Anania, Azaria, Misael Domino : laudate et superexaltate eum in sæcula.

Benedicamus Patrem et Filium cum Sancto Spiritu : laudemus et superexaltamus eum in sæcula.

Benedictus es, Domine, in firmamento cæli : et laudabilis, et gloriosus, et superexaltatus in sæcula.

Psalmus 150.

LAUDATE Dominum in Sanctis ejus : laudate eum in firmamento virtutis ejus.

Laudate eum in virtutibus ejus : laudate eum secundum multitudinem magnitudinis ejus.

Laudate eum in sono tubæ : laudate eum in psalterio et cithara.

Laudate eum in tympano et choro : laudate eum in chordis et organo.

Laudate eum in cymbalis bene sonantibus : laudate eum in cymbalis jubilationis : omnis spiritus laudet Dominum.

Gloria Patri, etc.

Deinde repetitur Antiphona. Trium puerorum cantemus hymnum : quem cantabant Sancti in camino ignis, benedicentes Dominum.

Postea Sacerdos dicit, Kyrie, eleison.

Christe, eleison.

Kyrie, eleison.

Pater noster.

℟. Et ne nos inducas in tentationem.

℞. Sed libera nos a malo.

℟. Confiteantur tibi, Domine, omnia opera tua.

℞. Et sancti tui benedicant tibi.

℟. Exultabunt Sancti in gloria.

℞. Lætabuntur in cubilibus suis.

V. Non nobis Domine, non nobis.
R. Sed nomini tuo da gloriam.
V. Domine, exaudi orationem meam.
R. Et clamor meus ad te veniat.
V. Dominus vobiscum.
R. Et cum spiritu tuo.

Oremus.

DEUS, qui tribus pueris mitigasti
 flammam ignium : concede propitius,
 ut nos famulos tuos non exurat flamma
 vitiorum.

ACTIONES nostras, quæsumus Do-
 mine, aspirando præveni, et adjuvan-
 do proseguere : ut cuncta nostra oratio et
 operatio a te semper incipiat, et per te
 cæpta finiatur.

DA nobis, quæsumus, Domine, vitio-
 rum nostrorum flammam extinguere :
 qui beato Laurentio tribuisti tormento-
 rum suorum incendia superare. Per
 Christum Dominum nostrum.

R. Amen.

ORATIONES PRO OPPORTUNI- TATE SACERDOTIS, ANTE CE- LEBRATIONEM ET COMMUNIO- NEM DICENDÆ.

Oratio Sancti Ambrosii Episcopi.

DIE DOMINICA.

SUMME Sacerdos et vere Pontifex
 Jesu Christe, qui te obtulisti Deo
 Patri hostiam puram et immaculatam in
 ara Crucis pro nobis miseris et peccatori-
 bus, et qui dedisti nobis carnem tuam ad
 manducandum, et sanguinem tuum ad
 bibendum, et posuisti mysterium istud in
 virtute Spiritus sancti tui, dicens : Hæc
 quotiescumque feceritis, in mei memori-
 am facietis : Rogo per eundem sangui-
 nem tuum, magnum salutis nostræ pre-
 tium : rogo per hanc miram et ineffabilem
 charitatem, qua nos miseros et indignos
 sic amare dignatus es, ut lavares nos a
 peccatis nostris in Sanguine tuo. Doce
 me servum tuum indignum, quem inter
 cetera dona tua etiam ad officium sacer-
 dotale vocare dignatus es, nullis meis

meritis, sed sola dignatione misericordiæ
 tuæ : doce me, quæso, per Spiritum
 Sanctum tuum tantum tractare mysteri-
 um ea reverentia et honore, ea devotione
 et timore, quibus oportet et decet. Fac
 me per gratiam tuam semper illud de
 tanto mysterio credere et intelligere,
 sentire et firmiter tenere, dicere et cogi-
 tare, quod tibi placet, et expedit animæ
 meæ. Intret spiritus tuus bonus in cor
 meum, qui sonet ibi sine sono, et sine
 strepitu verborum loquatur omnem veri-
 tatem. Profunda quippe sunt nimis, et
 sacro tecta velamine. Propter magnam
 clementiam tuam concede mihi Missa-
 rum solemniam mundo corde et pura mente
 celebrare. Libera cor meum ab immun-
 dis et nefandis, vanis et noxiis cogitatio-
 nibus. Muni me beatorum Angelorum
 pia et fida custodia, ac tutela fortissima,
 ut hostes omnium bonorum confusi disce-
 dant. Per virtutem tanti mysterii, et per
 manum sancti Angeli tui repelle a me, et
 a cunctis servis tuis durissimum spiritum
 superbiæ et cenodoxiæ, invidiæ et blas-
 phemiæ, fornicationis et immunditiæ,
 dubietatis et diffidentiae. Confundantur
 qui nos persequuntur, pereant illi qui nos
 perdere festinant.

Feria II.

Rex virginum, et amator castitatis et
 integritatis, cœlesti rore benedictionis
 tuæ extingue in corpore meo fomitem
 ardentis libidinis ; ut maneat in me tenor
 castitatis corporis et animæ. Mortifica
 in membris meis carnis stimulos, omnes-
 que libidinosas commotiones, et da mihi
 veram et perpetuam castitatem cum cete-
 ris donis tuis, quæ tibi placent in veritate,
 ut sacrificium laudis casto corpore et
 mundo corde valeam tibi offerre. Quanta
 enim cordis contritione et lacrymarum
 fonte, quanta reverentia et tremore,
 quanta corporis castitate et animæ puri-
 tate istud divinum et cœleste sacrificium
 est celebrandum, ubi Caro tua in veritate
 sumitur, ubi Sanguis tuus in veritate
 bibitur, ubi ima summis, terrena divinis
 junguntur, ubi adest sanctorum Angelo-
 rum præsentia, ubi tu es Sacrificium et
 Sacerdos mirabiliter et ineffabiliter con-
 stitutus !

Feria III.

Quis digne hoc celebrare poterit, nisi
 tu Deus omnipotens offerentem feceris

dignum? Scio, Domine, et vere scio, et idipsum pietati tuæ confiteor, quia non sum dignus accedere ad tantum mysterium, propter nimiam peccata mea et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo, Deus meus, ut concedas mihi peccatori hoc Sacrificium celebrare cum timore et tremore, cum cordis puritate et lacrymarum fonte, cum lætitia spiritali et cœlesti gaudio. Sentiat mens mea dulcedinem beatissimæ præsentiae tuæ, et excubias Sanctorum Angelorum tuorum in circuitu meo.

Feria IV.

Ego enim, Domine, memor venerandæ Passionis tuæ, accedo ad altare tuum, licet peccator, ut offeram tibi Sacrificium, quod tu instituisti, et offerri præcepisti in commemorationem tui, pro salute nostra. Suscipe illud, quæso, summe Deus, pro Ecclesia sancta tua, et pro populo, quem acquisisti Sanguine tuo. Et quoniam me peccatorem inter te et eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditæ non recuses, nec per me indignum eorum salutis pereat pretium, pro quibus victima salutaris dignatus es esse et redemptio. Profero etiam, Domine (si digneris propitius intueri) tribulationes plebium, pericula populorum, captivorum gemitus, miseras orphanorum, necessitates peregrinorum, inopiam debilium, desperationes languentium, defectus senum, suspiria juvenum, vota virginum, lamenta viduarum.

Feria V.

Tu enim misereris omnium, Domine: et nihil odisti eorum quæ fecisti. Memorare quæ sit nostra substantia, quia tu Pater noster es, quia tu Deus noster es: ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras: et ignem Sancti Spiritus in nobis clementer accende. Aufer cor lapideum de carne nostra,

et da nobis cor carneum, quod te amet, te diligat, te delectetur, te sequatur, te perfruatur. Oramus, Domine, clementiam tuam, ut sereno vultu familiam tuam, sacri tui nominis officia præstolantem, aspicere digneris: et ut nullius sit irritum votum, nullius vacua postulatio, tu nobis preces suggere, quas ipse propitius audire et exaudire delecteris.

Feria VI.

Rogamus etiam te, Domine sancte Pater, et pro spiritibus fidelium defunctorum, ut sit illis salus, sanitas, gaudium, et refrigerium, hoc magnum pietatis sacramentum. Domine Deus meus, sit illis hodie magnum et plenum convivium de te pane vivo, qui de cœlo descendisti, et das vitam mundo, de tua carne sancta et benedicta, Agni videlicet immaculati, qui tollis peccata mundi, quæ de sancto et glorioso B. Virginis Mariæ utero est assumpta, et de Spiritu Sancto concepta: ac de illo pietatis fonte, qui per lanceam militis ex tuo sacratissimo latere emanavit: ut exinde refecti et satiati, refrigerati et consolati, exultent in laude et gloria tua. Peto clementiam tuam, Domine, ut descendat super panem tibi sacrificandum plenitudo tuæ benedictionis, et sanctificatio tuæ divinitatis. Descendat etiam, Domine, illa sancti Spiritus tui invisibilis, incomprehensibilisque majestas, sicut quondam in patrum hostias descendebat: qui et oblationes nostras Corpus et Sanguinem tuum efficiat, et me indignum sacerdotem doceat tantum tractare mysterium cum cordis puritate, et lacrymarum devotione, cum reverentia et tremore; ita ut placide ac benigne suscipias sacrificium de manibus meis ad salutem omnium, tam vivorum quam defunctorum.

Sabbato.

Rogo etiam te, Domine, per ipsum sacrosanctum mysterium Corporis et Sanguinis tui, quo quotidie in Ecclesia tua pascimur et potamur, abluimur et sanctificamur, atque unius summæ divinitatis participes efficimur, da mihi virtutes tuas sanctas, quibus repletus, bona conscientia ad Altare tuum accedam, ita ut hæc cœlestia Sacramenta efficiantur mihi salus et vita. Tu enim dixisti ore tuo sancto et benedicto: Panis, quem ego dabo, caro mea est pro mundi vita: Ego sum panis

vivus, qui de cœlo descendi: Si quis manducaverit ex hoc pane, vivet in æternum. Panis dulcissime, sana palatum cordis mei, ut sentiam suavitatem amoris tui. Sana illud ab omni languore, ut nullam præter te sentiam dulcedinem. Panis candidissime, habens omne delectamentum et omnem saporem, qui nos semper reficis, et numquam in te deficis, comedat te cor meum, et dulcedine saporis tui repleantur viscera animæ meæ. Manducat te Angelus ore pleno, manducet te peregrinus homo pro modulo suo, ne deficere possit in via, tali recreatus viatico. Panis sancte, panis vive, panis munde, qui descendisti de cœlo, et das vitam mundo, veni in cor meum, et munda me ab omni inquinamento carnis et spiritus. Intra in animam meam, sana et munda me interius et exterius. Esto tutamen et continua salus animæ et corporis mei. Repelle a me insidiantes mihi hostes: recedant procul a præsentia potentiæ tuæ, ut foris et intus per te munitus, recto tramite ad tuum regnum perveniam, ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo et Patri, et eris Deus omnia in omnibus. Tunc enim me de te satiabis satietate mirifica, ita ut nec esuriam, nec sitiam in æternum: Qui cum eodem Deo Patre, et Spiritu Sancto vivis, et regnas per omnia sæcula sæculorum. Amen.

Alia Oratio ante Missam.

AD mensam dulcissimi convivii tui, pie Domine JESU Christe, ego peccator de propriis meritis nihil præsumens, sed de tua confidens misericordia et bonitate, accedere vereor, et contremisco. Nam cor et corpus habeo multis criminibus maculatum, mentem et linguam non caute custoditam. Ergo, o pia Deitas, o tremenda Majestas, ego miser, inter angustias deprehensus, ad te fontem misericordiæ recurro, ad te festino sanandus, sub tuam protectionem fugio; et quem judicem sustinere nequeo, Salvatorem habere suspiro. Tibi, Domine, plagas meas ostendo: tibi verecundiam meam detego. Scio peccata mea multa et magna, pro quibus timeo. Spero in misericordias tuas, quarum non est numerus. Respice ergo in me oculis misericordiæ tuæ, Domine JESU Christe, Rex æternæ, Deus et homo, crucifixus

propter hominem. Exaudi me sperantem in te: miserere mei pleni miseriis et peccatis, tu, qui fontem miserationis numquam manare cessabis. Salve salutaris victima, pro me, et omni humano genere in patibulo Crucis oblata. Salve nobilis et pretiose Sanguis, de vulneribus crucifixi Domini mei Jesu Christi profluens, et peccata totius mundi abluens. Recordare, Domine, creaturæ tuæ, quam tuo Sanguine redemisti. Pœnitet me peccasse, cupio emendare quod feci. Aufer ergo a me, clementissime Pater, omnes iniquitates et peccata mea: ut, purificatus mente et corpore, digne degustare merear Sancta Sanctorum: et concede, ut hæc sancta prælibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficacia, animæ quoque et corporis, contra inimicorum meorum insidias, firmissima tuitio. Amen.

Oratio S. Thomæ Aquinatis.

OMNIPOTENS sempiternæ Deus, ecce accedo ad Sacramentum unigeniti Filii tui Domini nostri Jesu Christi: accedo tanquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper et egenus ad Dominum cœli et terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare fœditatem, illuminare cæcitatem, ditare paupertatem, vestire nuditatem, ut panem Angelorum, Regem regum, et Dominum dominantium, tanta suscipiam reverentia et humilitate, tanta contritione et devotione, tanta puritate et fide, tali proposito et intentione, sicut expedit salutis animæ meæ. Da mihi, quæso, Dominici corporis et sanguinis non solum suscipere Sacramentum, sed etiam rem et virtutem Sacramenti. O mitissime Deus, da mihi corpus unigeniti Filii tui Domini nostri Jesu Christi, quod traxit de virgine Maria, sic suscipere, ut corpori suo mystico merear incorporari, et inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari: Qui tecum vivit et regnat in unitate Spiritus

Sancti Deus, per omnia sæcula sæculorum. Amen.

ORATIONES POST CELEBRATIONEM ET COMMUNIONEM DICENDÆ.

Oratio S. Thomæ Aquinatis.

GRATIAS tibi ago, Domine sancte, Pater omnipotens, æterne Deus, qui me peccatorem, indignum famulum tuum, nullis meis meritis, sed sola dignatione misericordiæ tuæ, satiare dignatus es pretioso Corpore et Sanguine Filii tui Domini nostri JESU Christi. Et precor, ut hæc sancta Communio non sit mihi reatus ad pœnam, sed intercessio salutaris ad veniam: sit mihi armatura fidei, et scutum bonæ voluntatis. Sit vitiorum meorum evacuatio, concupiscentiæ et libidinis exterminatio, charitatis et patientiæ, humilitatis et obedientiæ, omniumque virtutum augmentatio: contra insidias inimicorum omnium tam visibilium quam invisibilium firma defensio: motuum meorum tam carnalium quam spiritualium perfecta quietatio: in te, uno ac vero Deo, firma adhæsiō, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi Tu cum Filio tuo et Spiritu sancto, Sanctis tuis es lux vera, satietas plena, gaudium sempiternum, jucunditas consummata, et felicitas perfecta. Per eundem Christum Dominum nostrum. Amen.

Alia Oratio S. Bonaventuræ.

TRANSFIGE, dulcissime Domine JESU, medullas et viscera animæ meæ suavissimo ac saluberrimo amoris tui vulnere, vera, serenaque et Apostolica sanctissima charitate, ut langueat et liquefiat anima mea, solo semper amore et desiderio tui, te concupiscat, et deficiat in atria tua, cupiat dissolvi, et esse tecum. Da, ut anima mea te esuriat, panem Angelorum, refectionem animarum sanctarum, panem nostrum quotidianum, supersubstantialem, habentem omnem dulcedinem et saporem, et omne delectamentum suavitatis: Te, in quem desiderant Angeli prospicere, semper

esuriat et comedat cor meum, et dulcedine saporis tui repleantur viscera animæ meæ: Te semper sitiāt fontem vitæ, fontem sapientiæ et scientiæ, fontem æterni luminis, torrentem voluptatis, ubertatem domus Dei: Te semper ambiat, te quærat, te inveniāt, ad te tendat, ad te perveniat, te meditetur, te loquatur, omnia operetur in laudem et gloriam Nominis tui, cum humilitate et discretione, cum dilectione et delectatione, cum facilitate et affectu, cum perseverantia usque in finem: et tu sis solus semper spes mea, tota fiducia mea, divitiæ meæ, delectatio mea, jucunditas mea, gaudium meum, quies et tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, thesaurus meus, in quo fixa, et firma, et immobiliter semper sit radicata mens mea, et cor meum. Amen.

Rythmus S. Thomæ Aquinatis ad Sacram Eucharistiam.

ADORO te devote, latens Deitas, Quæ sub his figuris vere latitas, Tibi se cor meum totum subjicit, Quia te contemplans, totum deficit. Visus, tactus, gustus in te fallitur, Sed auditu solo tuto creditur. Credo quidquid dixit Dei Filius, Nil hoc verbo veritatis verius. In cruce latebat sola Deitas, At hic latet simul et humanitas: Ambo tamen credens, atque confitens, Peto quod petivit latro pœnitens. Plagas, sicut Thomas, non intueor, Deum tamen meum te confiteor. Fac me tibi semper magis credere, In te spem habere, te diligere. O memoriale mortis Domini, Panis vivus, vitam præstans homini: Præsta meæ menti de te vivere, Et te illi semper dulce sapere. Pie pellicane JESU Domine, Me immundum munda tuo Sanguine, Cujus una stilla saluum facere Totum mundum quit ab omni scelere. JESU, quem velatum nunc aspicio, Oro fiat illud, quod tam sitio, Ut te revelata cernens facie, Visu sim beatus tuæ gloriæ. Amen.

CANTUS VARI

PERTINENTES AD MISSAM MAJOREM.

FORMULA ORATIONUM.

Duplex est cantus Orationum, unus Solemnis, alter Ferialis. Cantus solemnis adhibetur in Festis duplicibus et semiduplicibus: cantus ferialis in omnibus aliis occasionibus.

CANTUS SOLEMNIS.

DEUS, qui ... devicta morte
reserásti: vota nostra, quæ
præveniêdo aspí-ras, é-tiam
adjuvan-do prosequere; Per
e-úmdem Dó-minum nostrum...
Fíli-um tu-um... Spíritus

sanc-ti Deus. Per óm-
ni-a sæ-cu-la sæculórum.
R. Amen.

In cantu feriali, integra Oratio recto tono recitatur, sine ulla vocis inflexione: sed loco inflexionum, quæ fiunt in cantu solemni, fit parvula pausa, et vox aliquantulum protrahitur super accen-tum ultimæ vocis. In fine terminatur sine ulla, vel cum sequenti inflexione:

Per ómni-a sæcula sæcu-
lórum. R. Amen.

CANTUS EPISTOLARUM.

Lécti-o Epístolæ be-á-ti Pau-

li Apóstoli ad Corínthios.

Abji-ci-á-mus ergo ópera tene-

brárum et indu-ámur arma

lu-cis.

In fine sic terminatur :

Et háuriet sa-lú-tem à

Dómino.

Eodem modo terminantur Evangelia.

Ubi est punctum interrogationis, vel admirationis, sic modulantur tres ultimæ syllabæ ; vel quatuor, si penultima sit brevis. Et idem observatur in Evangelíis.

Quid vis, fi-li ? Quis edúx-

it eam de nú-bibus ?

Quam ingens locus pos-sessi-ó-

nis e-jus !

FORMULA EVANGELIORUM.

Dóminus vo-bis-cum. Se-

quénti-a sanc-ti Evangé-li-i

secúndum Mar-cum.

In il-lo témpo-re : Dixit

Jesus discipulis su-is : E-

úntes in mundum uni-vér-

sum, prædicáte Evangé-lium


om-ni cre-a-tú-ræ.

In monosyllabis, et in dictionibus Hebræicis et Græcis, aliisque indeclinabilibus, et in sanctissimo nomine Jesu per omnes casus, fit vocis inflexio super ultimam syllabam.

Et cre-débant in Jesum.

Nunc ánima mea turbáta est.

Benedíctus Rex Isra-el.



PROPRIMUM

MISSARUM

DE TEMPORE.

DOMINICA PRIMA AD- VENTUS.

Statio ad S. Mariam Majorem.

Ad Missam. Introitus. Ps. 24.

AD te levávi ánimam meam; Deus meus, in te confído, non erubéscam: neque irrídeant me inimíci mei: étenim univérsti qui te expéctant, non confundéntur.

Ps. ibid. Vias tuas, Dómine, demónstra mihi, et sémitas tuas édoce me.

V. Glória Patri, et Fílio, et Spirítui sancto: Sicut erat in princípío, et nunc, et semper, et in sécula seculórum, Amen.

Quo finito, repetitur Ad te levávi, etc., usque ad Psalmum.

¶ *Hic modus repetendi Introitum servatur per totum annum.*

Non dicitur Glória in excélsis ab hac Dominica usque ad Nativitatem Domini, nisi in Festis.

Orémus.

Oratio.

EXCITA, quæsumus, Dómine, poténtiam tuam, et veni; ut ab

imminéntibus peccatórum nostrórum perículis, te mereámur protegénte éripi, te liberánte salvári: Qui vivis, et regnas cum Deo Patre in unitáte Spíritus sancti Deus, per ómnia sécula seculórum.

R. Amen.

¶ *Ab hac die usque ad Vigiliam Nativitatis Domini, post Orationem diei, dicitur Oratio Deus, qui de beátæ Mariæ, et Ecclesiæ tuæ, vel Deus, ómnium fidélium, ut infra.*

¶ *Si facienda sit Commemoratio alicujus Festi simplicis occurrentis, post Orationem diei, dicitur Oratio de Sancto, et tertia de sancta Maria.*

De sancta Maria. Oratio.

DEUS, qui de beátæ Mariæ Vírginis útero Verbum tuum, Angelo nuntiánte, carnem suscipere voluísti: præsta supplicibus tuis, ut qui vere eam Genitricem Dei crédimus, ejus apud te intercessiónibus adjuvémur.

Contra persecutores Ecclesiæ.

Oratio.

ECCLESIAE tuæ, quæsumus, Dómine, preces placátus ad-

mitte ; ut, destrúctis adversitatibus et erróribus univérsis, secúra tibi sérviat libertáte. Per Dóminum nostrum Jesum Christum Filium tuum, qui tecum vivit, et regnat in unitáte Spiritus sancti Deus, per ómnia secula seculórum.

R. Amen.

Vel pro Papa.

Oratio.

DEUS, ómnium fidélium Pastor et Rector, fámulum tuum *N.*, quem Pastórem Ecclésiæ tuæ præesse voluisti, propítius respice : da ei, quæsumus, verbo et exémplo, quibus præest, proficere ; ut ad vitam, una cum grege sibi crédito, perveniat sempitérnam. Per Dóminum.

¶ *Intra Hebdomadas Adventus, quando dicitur Missa de Festo Simplicis, secunda Oratio erit de Adventu, tertia de sancta Maria, quæ terminatur sic : Per eúndem Dóminum nostrum, etc.*

¶ *Si autem dicatur Missa de Festo duplici, post Orationem Festi dicitur Oratio tantum de Adventu.*

¶ *De Festis simplicibus in Adventu occurrentibus fit tantum Commemoratio.*

Lectio Epístolæ beáti Pauli Apóstoli ad Romános. *Rom. 13.*

FRATRES ; Sciéntes, quia hora est jam nos de somno súrgere. Nunc enim própior est nostra salus, quam cum credidimus. Nox præcessit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus : non in comessationibus et ebrietatibus, non in cubilibus et impudiciis, non in contentióné et æmulationé : sed induímini Dóminum Jesum Christum.

Graduale. Ps. 24. Univérsi qui te expéctant, non confundéntur, Dómine.

V. Vias tuas, Dómine, notas fac

mihi, et sémitas tuas édoce me. Allelúia, allelúia.

V. Ps. 84. Osténde nobis, Dómine, misericórdiam tuam : et salutare tuum da nobis, allelúia.

¶ *In Feriis Adventus, quando per hebdomadam resumitur Missa de Dominica, non dicitur Allelúia, nec Versus sequens, sed tantum Graduale.*

Sequéntia sancti Evangélii secundum Lucam. *Luc. 21.*

IN illo témpore : Dixit Jesus discipulis suis : Erunt signa in sole, et luna, et stellis, et in terris pressúra géntium præ confusióné sónitus maris, et flúctuum ; arescéntibus homínibus præ timóre, et expectatióné, quæ supervénient univérso orbi ; nam virtútes cœlórum movebúntur : et tunc vidébunt Filium hóminis veniéntem in nube cum potestáte magna, et majestate. His autem fieri incipiéntibus, respícite, et leváte cápita vestra : quóniam appropínquat redemptio vestra. Et dixit illis similitúdinem : Vidéte ficúlneam, et omnes árbores ; cum producunt jam ex se fructum, scitis quóniam prope est æstas. Ita et vos cum vidéritis hæc fieri, scitóté quóniam prope est regnum Dei. Amen dico vobis quia non præteribit generátio hæc, donec ómnia fiant. Cœlum et terra transibunt ; verba autem mea non transibunt.

Dicitur Credo.

Offertorium. Ps. 24. Ad te levávi ánimam meam : Deus meus, in te confído, non erubescam : neque irrideant me inimíci mei : étenim univérsi qui te expéctant, non confundéntur.

Secreta.

HÆC sacra nos, Dómine, poténti virtúte mundátos, ad suum fácient purióres veníre princípium. Per Dóminum.

De sancta Maria. Secreta.

IN méntibus nostris, quæsumus, Dómine, veræ fidei sacraménta confirma: ut qui concéptum de Virgine Deum verum et hóminem confitémur, per ejus salutíferæ resurrectionis poténtiam, ad ætérnam mereámur pervenire lætítiam.

Si dicitur ultimo loco, terminatur sic: Per eúmdem Dóminum nostrum, etc.

Contra persecutores Ecclesiæ.

Secreta.

PROTEGE nos, Dómine, tuis mystériis serviéntes: ut divínis rebus inhæréntes, et corpore tibi famulémur, et mente. Per Dóminum.

Vel pro Papa.

Secreta.

OBLATIS, quæsumus, Dómine, placáre munéribus; et famulum tuum *N.*, quem Pastórem Ecclesiæ tuæ præesse voluísti, assídua protectióne gubérna. Per Dóminum.

Communio. Ps. 84. Dóminus dabit benignitátem: et terra nostra dabit fructum suum.

Postcommunio.

SUSCIPIAMUS, Dómine, misericórdiam tuam in médio templi tui; ut reparatiónis nostræ ventúra solémnia cóngruis honóribus præcedámus. Per Dóminum.

De S. Maria. Postcommunio.

GRATIAM tuam, quæsumus, Dómine, méntibus nostris infúnde: ut qui, Angelo nuntiánte, Christi Filii tui incarnatióem cognóvimus, per passióem ejus et crucem, ad resurrectionis glóriam perducámur. Per eúmdem Dóminum nostrum, *si dicatur ultimo loco.*

Contra persecutores Ecclesiæ.

Postcommunio.

QUÆSUMUS, Dómine Deus noster; ut quos divína tríbuís participatióne gaudére, humanis

non sinas subjacére periculis. Per Dóminum.

Vel pro Papa. Postcommunio.

HÆC nos, quæsumus, Dómine, divini sacraménti percéptio próteget; et famulum tuum *N.*, quem Pastórem Ecclesiæ tuæ præesse voluísti, una cum commisso sibi grege salvet semper, et múniat. Per Dóminum.

Dicitur Benedicámus Dómino.

Et sic servatur quoties non dicitur Glória in excélsis.

¶ *Infra Hebdomadam, si dicenda sit Missa de Feria, resumitur Missa de Dominica præcedenti, nisi propria Missa assignetur.*

¶ *Cum vero in Adventu, Quadragésima, Quatuor Temporibus, Vigiliis, et Rogationibus dicitur Missa de Festo duplici, vel semiduplici occurrente, semper fit Commemoratio de Feria. Et pro Commemoratione Feriarum Adventus, dicitur Oratio Dominicæ præcedentis, nisi sint Quatuor Tempora, in quibus habetur Oratio propria.*

DOMINICA SECUNDA ADVENTUS.

Statio ad S. Crucem in Jerusalem.

Introitus. Isa. 30.

POPULUS Sion, ecce Dóminus véniet ad salvándas Gentes, et audítam faciet Dóminus glóriam vocis suæ in lætítia cordis vestri.

Ps. 79. Qui regis Israel, inténde; qui dedúcis velut ovem Joseph.

V. Glória Patri, et Filio.

Non dicitur Glória in excélsis.

Oratio.

EXCITA, Dómine, corda nostra ad præparándas Unigéniti tui vias: ut, per ejus advéntum purificáti tibi méntibus servíre mereámur: qui tecum vivit et regnat in unitáte Spiritus sancti Deus, etc.

Aliæ Orationes ut in Dominica prima Adventus, fol. 1.

Lectio Epistolæ beati Pauli Apostoli ad Romanos. *Rom. 15.*

FRATRES, Quæcúmque scripta sunt, ad nostram doctrinam scripta sunt; ut per patientiam, et consolationem Scripturarum, spem habeamus. Deus autem patientiæ et solatii det vobis idípsum sápere in altérutrum secúndum Jesum Christum: ut unánimes, uno ore honorificétis Deum, et Patrem Dómini nostri Jesu Christi. Propter quod suscipite invicem, sicut et Christus suscepit vos in honórem Dei. Dico enim Christum Jesum minístrum fuisse circumcisiónis propter veritátem Dei, ad confirmandas promissiónes patrum: Gentes autem super misericórdia honoráre Deum, sicut scriptum est: Propterea confitébor tibi in Géntibus, Dómine, et nómini tuo cantábo. Et iterum dicit: Lætámini, Gentes, cum plebe ejus. Et iterum: Laudate, omnes Gentes, Dóminum: et magnificáte eum, omnes pópuli. Et rursus Isaías ait: Erit radix Jesse, et qui exúrget régere Gentes, in eum Gentes sperábunt. Deus autem spei répleat vos omni gáudio et pace in credéndo: ut abundétis in spe, et virtúte Spiritus sancti.

Graduale. Ps. 49. Ex Sion species decóris ejus: Deus manifeste véniet.

V. Congregáte illi sanctos ejus, qui ordinavérunt testaméntum ejus super sacrificia. Allelúia, allelúia.

V. *Ps. 121.* Lætátus sum in his quæ dicta sunt mihi: in domum Dómini ibimus, allelúia.

Sequéntia sancti Evangélíi secúndum Matthæum. *Matth. 11.*

IN illo témpore: Cum audisset Joánnes in vinculis ópera Christi, mittens duos de discipulis suis, ait illi: Tu es, qui ventúrus es, an

álium expectámus? Et respóndens Jesus, ait illis: Eúntes renuntiáte Joánni, quæ audístis et vidístis. Cæci vident, claudi ámbulant, leprosi mundántur, surdi áudiunt, mórtui resurgunt, páuperes evangelizántur: et beátus est, qui non fúerit scandalizátus in me. Illis autem abeúntibus, cœpit Jesus dicere ad turbas de Joanne: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce qui móllibus vestiúntur, in dómibus Regum sunt. Sed quid exístis vidére? Prophétam? étiam dico vobis, et plus quam Prophétam; hic est enim, de quo scriptum est: Ecce ego mitto Angelum meum ante faciém tuam, qui præparábit viam tuam ante te.

Credo.

Offertorium. Ps. 84. Deus, tu convértens vivificábis nos, et plebs tua lætábitur in te. Osténde nobis, Dómine, misericórdiam tuam, et salutáre tuum da nobis.

Secreta.

PLACARE, quæsumus, Dómine, humilitátis nostræ précibus et hóstiis; et ubi nulla suppetunt suffrágia meritórum, tuis nobis succúrre præsiidiis. Per Dóminum nostrum.

Aliæ Secretæ ut in Dominica I. Adventus, fol. 3.

Communio. Bar. 4. V. 5. Jerúsalem, surge, et sta in excélso: et vide jucunditátem, quæ véniet tibi a Deo tuo.

Postcommunio.

REPLETI cibo spirituális alimóniæ, supplices te, Dómine, deprecámur; ut hujus participatióne mystérii, dóceas nos terréna despicere, et amáre cœlestia. Per Dóminum nostrum.

Aliæ Postcommuniones ut in Dominica I. Adventus, fol. 3.

DOMINICA TERTIA ADVENTUS.

*Statio ad Sanctum Petrum.**Introitus. Philip. 4.*

GAUDETE in Dómino semper : Íterum dico, gaudéte. Modéstia vestra nota sit ómnibus hominibus ; Dóminus enim prope est. Nihil solliciti sitis ; sed in omni oratione petitiones vestræ innotéscant apud Deum.

Ps. 84. Benedixisti, Dómine, terram tuam : avertisti captivitatem Jacob.

V. Glória Patri, et Filio, et Spiritui sancto.

Non dicitur Glória in excelsis.

Oratio.

AUREM tuam, quæsumus, Dómine, precibus nostris accómmoda : et mentis nostræ ténebras grátia tuæ visitationis illústra : Qui vivis et regnas.

Aliæ Orationes ut in Dominica I. Adventus, fol. 1.

Lectio Epistolæ beáti Pauli Apóstoli ad Philippéenses. Phil. 4.

FRATRES, Gaudéte in Dómino semper ; íterum dico, gaudéte. Modéstia vestra nota sit ómnibus hominibus : Dóminus enim propè est. Nihil solliciti sitis ; sed in omni oratione et obsecratione, cum gratiarum actione, petitiones vestræ innotéscant apud Deum. Et pax Dei, quæ exsúperat omnem sensum, custódiat corda vestra et intelligéntias vestras in Christo Jesu Dómino nostro.

Graduale. Ps. 79. Qui sedes, Dómine, super Chérubim, éxcita poténtiam tuam, et veni.

V. Qui regis Ísrael, inténde, qui dedúcis, velut ovem, Joseph. Allelúia, allelúia.

V. Excita, Dómine, poténtiam

tuam, et veni, ut salvos fácias nos. Allelúia.

Sequéntia sancti Evangélii secundum Joannem. Joan. 1.

IN illo témpore : Misérunt Judæi ab Jerosólymis Sacerdotes et Levítas ad Joánnem, ut interrogarent eum : Tu quis es ? Et confessus est, et non negávit, et confessus est : Quia non sum ego Christus. Et interrogavérunt eum : Quid ergo ? Elías es tu ? Et dixit : Non sum. Prophéta es tu ? Et respondit : Non. Dixérunt ergo ei : Quis es, ut respónsum demus his qui misérunt nos ? Quid dicis de te ipso ? Ait : Ego vox clamántis in deserto : Dirigite viam Dómini, sicut dixit Isaías Prophéta. Et qui missi fúerant, erant ex Pharisæis. Et interrogavérunt eum, et dixérunt ei : Quid ergo baptizas, si tu non es Christus, neque Elías, neque Prophéta ? Respóndit eis Joánnes, dicens : Ego baptízo in aqua ; médius autem vestrum stetit, quem vos nescitis. Ipse est, qui post me ventúrus est, qui ante me factus est, cujus ego non sum dignus ut solvam ejus corrigiam calceaménti. Hæc in Bethánia facta sunt trans Jordánem, ubi erat Joánnes baptizans.

Credo.

Offertorium. Ps. 84. Benedixisti, Dómine, terram tuam : avertisti captivitatem Jacob : remisisti iniquitatem plebis tuæ.

Secreta.

DEVOTIONIS nostræ tibi, quæsumus, Dómine, hóstia júgiter immolétur : quæ et sacri péragat institúta mystérii, et salutáre tuum in nobis mirábiliter operétur. Per Dóminum.

Aliæ Secretæ ut in Dominica I. Adventus, fol. 3.

Communio. Isa. 35. Dícite pusillánimis : Confortámini et nolite

timere: ecce Deus noster veniet et salvabit nos.

Postcommunio.

IMPLORAMUS, Dómine, cleméntiam tuam: ut hæc divína subsidia a vitiis expiátos ad festa ventúra nos præparent. Per Dóminum nostrum.

Aliæ Postcommuniones ut in Dominica I. Adventus, fol. 3.

FERIA QUARTA QUATUOR TEMPORUM ADVENTUS.

Statio ad S. Mariam Majorem.

Introitus. Isa. 45.

RORATE, cœli, désuper, et nubes pluant justum: aperiátur terra et gérmínet Salvatórem.

Ps. 18. Cœli enarrant glóriam Dei: et ópera mánuum ejus annúntiat firmaméntum.

V. Glória Patri, et Filio, etc.

Post Kyrie, eléison, immediate dicitur Orémus. Flectámus génuâ.

R. Leváte.

Oratio.

PRÆSTA, quæsumus, omnipotens Deus, ut redemptionis nostræ ventúra solémnitas, et præsentis nobis vitæ subsidia conferat, et æternæ beatitúdinis præmia largiátur. Per Dóminum.

Lectio Isaíæ Prophætæ. Isa. 2.

IN diébus illis: Dixit Isaías Prophéta: Erit in novíssimis diébus præparátus mons domus Dómini in vértice móntium, et elevábitur super colles, et fluent ad eum omnes Gentes. Et ibunt pópuli multi, et dicent: Veníte, et ascendámus ad montem Dómini, et ad domum Dei Jacob, et docébit nos vias suas, et ambulábimus in sémitis ejus: quia de Sion exíbit lex, et verbum Dómini de Jerúsalem. Et judicábit Gentes, et árguet pópulos multos: et conflábunt gládios suos in vómeres, et lanceas suas in falces: non

levábit gens contra gentem gládium, nec exercebúntur ultra ad prælium. Domus Jacob, veníte, et ambulémus in lúmine Dómini Dei nostri.

Graduale. Ps. 23. Tóllite portas, principes, vestras, et elevámini, portæ æternáles: et introíbit Rex glóriæ.

V. Quis ascéndet in montem Dómini, aut quis stabit in loco sancto ejus? Innocens mánibus, et mundo corde.

Hic dicitur V. Dóminus vobiscum, sine Flectámus génuâ.

Oratio.

FESTINA, quæsumus, Dómine, ne tardáveris: et auxílium nobis supérnæ virtútis impénde; ut advéntus tui consolatióibus sublevéntur qui in tua pietáte confidunt: Qui vivis, et regnas cum Deo Patre.

Aliæ Orationes ut in Dominica I. Adventus, fol. 1.

Lectio Isaíæ Prophætæ. Isa. 7.

IN diébus illis: Locútus est Dóminus ad Achaz, dicens: Pete tibi signum a Dómino Deo tuo in profúndum inférni, sive in excélsus supra. Et dixit Achaz: Non petam, et non tentábo Dóminum. Et dixit: Audíte ergo, domus David: Numquid parum vobis est moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concípiet, et páriet fílium, et vocábitur nomen ejus Emmánuel. Bútyrum et mel cómedet, ut sciat reprobare malum, et eligere bonum.

Graduale. Ps. 144. Prope est Dóminus ómnibus invocántibus eum, ómnibus qui invocant eum in veritate.

V. Laudem Dómini loquétur os meum, et benedícat omnis caro nomen sanctum ejus.

Sequéntia sancti Evangélíi secúndum Lucam. *Luc. 1.*

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virginem desponsátam viro, cui nomen erat Joseph, de domo David, et nomen Virgínis, María. Et ingressus Angelus ad eam, dixit : Ave, grátia plena ; Dóminus tecum : benedícta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne timeas, María, invenísti enim grátiam apud Deum : ecce concípies in útero, et páries filium, et vocábis nomen ejus Jesum. Hic erit magnus, et Filius Altíssimi vocábitur, et dabit illi Dóminus Deus sedem David patris ejus : et regnábit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognósko ? Et respóndens Angelus dixit ei : Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Filius Dei. Et ecce Elisabeth cognáta tua, et ipsa concépit filium in senectúte sua ; et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secúndum verbum tuum.

Offertorium. Isa. 35. Confortámini, et jam nolite timére : ecce enim Deus noster retribuet judicium : ipse véniet, et salvos nos faciet.

Secreta.

ACCEPTA tibi sint, quæsumus, Dómine, nostra jejúnia : quæ et expiando nos tua grátia dignos efficiant, et ad sempiterna promissa perducant. Per Dominum nostrum.

Aliæ Secretæ ut in Dominica I. Adventus, fol. 3.

Communio. Isa. 7. Ecce Virgo concipiet, et páriet filium, et vocábitur nomen ejus Emmanuel.

Postcommunio.

SALUTARIS tui, Dómine, múnere satiáti, súpplíces deprecámur ; ut cujus lætámur gustu, renovémur effectú. Per Dóminum.

Aliæ Postcommuniones ut in Dominica I. Adventus, fol. 3.

FERIA SEXTA QUATUOR TEMPORUM ADVENTUS.

Statio ad Sanctos duodecim Apostolos.

Introitus. Ps. 118.

PROPE es tu, Dómine, et omnes viæ tuæ vèritas. Initio cognóvi de testimoniis tuis, quia in ætérnum tu es.

Ps. ibid. Beáti immaculáti in via, qui ámbulant in lege Dómini.

V. Glória Patri.

Oratio.

EXCITA, quæsumus, Dómine, poténtiam tuam, et veni ; ut hi, qui in tua pietáte confidunt, ab omni citius adversitáte liberéntur. Qui vivis.

Aliæ Orationes ut in Dominica I. Adventus, fol. 1.

Lectio Isaiæ Prophætæ. Isa. 11.

HÆC dicit Dóminus Deus : Egrediétur virga de radice Jesse, et flos de radice ejus ascendet. Et requiescet super eum spíritus Dómini, spíritus sapiéntiæ et intelléctus, spíritus consilii et fortitúdinis, spíritus sciéntiæ et pietátis : et replebit eum spíritus timóris Dómini. Non secúndum visiónem oculórum judicábit, neque secúndum auditum áurium arguet ; sed judicábit in justitia páuperes, et arguet in aquitate pro mansuetis

terræ : et percútiet terram virgâ oris sui, et spírítu labiórú suórum interficiet ímpium. Et erit justítia cingulum lumbórum ejus, et fides cinctórium renú ejus.

Graduale. Ps. 84. Osténde nobis, Dómine, misericórdiam tuam, et salutáre tuum da nobis.

Ÿ. Benedixisti, Dómine, terram tuam, avertisti captivitátem Jacob. Sequéntia sancti Evangélíi secúndum Lucam. *Luc. 1.*

IN illo témpore : Exúrgens María ábiit in montána cum festinátíone, in civitátem Juda : et intrávit in domum Zachariæ et salutávit Elisabeth. Et factum est, ut audívit salutatióem Mariæ Elisabeth, exultávit infans in útero ejus : et repléta est Spírítu sancto Elisabeth : et exclamávit voce magna, et dixit : Benedícta tu inter mulieres, et benedíctus fructus ventris tui. Et unde hoc mihi, ut véniat Mater Dómini mei ad me ? Ecce enim, ut facta est vox salutatióis tuæ in áuribus meis, exultávit in gáudio infans in útero meo. Et beáta, quæ credidísti, quóniam perficiéntur ea, quæ dicta sunt tibi a Dómino. Et ait María : Magnificat ánima mea Dóminum : et exultávit spírítus meus in Deo salutári meo.

Offertorium. Ps. 84. Deus, tu convértens vivificábis nos, et plebs tua lætábitur in te. Osténde nobis, Dómine, misericórdiam tuam, et salutáre tuum da nobis.

Secreta.

MUNERIBUS nostris, quæsumus, Dómine, precibúsq; suscep-tis ; et cœlestibus nos munda mystériis, et cleménter exáudi. Per Dóminum.

Alíæ Secretæ ut in Dominica I. Adventus, fol. 3.

Communio. Zach. 14. Ecce Dóminus véniet, et omnes Sancti ejus

cum eo : et erit in die illa lux magna.

Postcommunio.

TUI nos, Dómine, sacraménti libátio sancta restáuret : et a vetustáte purgátos, in mystérii salutáris fáciat transíre consórtium. Per Dóminum.

Alíæ Postcommuniones ut in Dominica I. Adventus, fol. 3.

SABBATO QUATUOR TEMPORUM ADVENTUS.

Statio ad Sanctum Petrum.

Introitus. Ps. 79.

VENI, et osténde nobis fáciem tuam, Dómine, qui sedes super Chérubim : et salvi érimus.

Ps. ibid. Qui regis Israël, inténde ; qui dedúcis velut ovem Joseph.

Ÿ. Glória Patri, etc.

Post Kyrie, eléison, dicitur Orémus. Flectámus génua.

R. Leváte.

Oratio.

DEUS, qui cónspicis, quia ex nostra pravitate affligimur : concéde propítius, ut ex tua visitatióne consolémur. Qui vivis et regnas cum Deo Patre, etc.

Léctio Isaíæ Prophétæ. Is. 19.

IN diébus illis : Clamábunt ad Dóminum a fácie tribulántis, et mittet eis Salvátorem, et propugnatórem, qui liberet eos. Et cognoscétur Dóminus ab Ægypto, et cognóscent Ægyptíi Dóminum in die illa, et colent eum in hóstiis, et in munéribus : et vota vovébunt Dómino, et solvent. Et percútiet Dóminus Ægyptum plaga, et sanábit eam : et reverténtur ad Dóminum, et placábitur eis, et sanábit eos Dóminus Deus noster.

Graduale. Ps. 18. A summo cœlo egréssio ejus, et occúrsus ejus usque ad summum ejus.

Ÿ. Cœli enarrant glóriam Dei, et ópera mánuum ejus annúntiat firmaméntum.

Orémus. Flectámus gēnua.

R. Leváte.

Oratio.

CONCEDE, quæsumus, omnipotens Deus, ut qui sub peccati jugo ex vetústa servitúte deprímimur, expectáta Unigéniti Filii tui nova nativité liberémur. Qui tecum vivit et regnat, etc.

Léctio Isaíæ Prophétæ. *Isa. 35.*

HÆC dicit Dóminus: Lætábitur desérta et ínvia, et exultábit solitúdo, et florébit quasi lílium. Gérminans germinábit, et exultábit lætabúnda et láudans. Glória Líbani data est ei: decor Carméli, et Saron, ipsi vidébunt glóriam Dómini, et decórem Dei nostri. Confortáte manus dissolutas, et gēnua debília roboráte. Dícite pusillánimis: Confortámini, et nolite timére: ecce Deus vester ultiónem addúcet retributiónis: Deus ipse véniet, et salvábit vos. Tunc aperiéntur óculi cæcórú, et aures surdórú patébunt. Tunc sáliet sicut cervus claudus, et apérta erit lingua mutórú: quia scissæ sunt in desérto aquæ, et torréntes in solitúdine. Et quæ erat árida, erit in stagnum, et sítiens in fontes aquárú; ait Dóminus omnipotens.

Graduale. Ps. 18. Insole pósuit tabernáculum suum, et ipse tanquam sponsus procédens de thálamo suo.

Ÿ. A summo cœlo egréssio ejus, et occursus ejus usque ad summum ejus.

Orémus. Flectámus gēnua.

R. Leváte.

Oratio.

INDIGNOS nos, quæsumus, Dómine, fámulos tuos, quos actiōnis própriæ culpa contrístat, Unigé-

niti Filii tui advéntu lætífica. Qui tecum vivit, etc.

Léctio Isaíæ Prophétæ. *Isa. 40.*

HÆC dicit Dóminus: Super montem excélsū ascénde tu, qui evangelízas Sion: exálta in fortitúdine vocem tuam, qui evangelízas Jerúsalem: exálta, noli timére. Dic civitatibus Juda: Ecce Deus vester: ecce Dóminus Deus in fortitúdine véniet, et bráchium ejus dominábitur: ecce merces ejus cum eo, et opus illius coram illo. Sicut pastor gregem suum pascet: in bráchio suo congregábit agnos, et in sinu suo levábit eos Dóminus Deus noster.

Graduale. Ps. 79. Dómine Deus virtútum, convérte nos: et osténde faciē tuam, et salvi érimus.

Ÿ. Excita, Dómine, poténtiam tuam, et veni, ut salvos fácias nos.

Orémus. Flectámus gēnua.

R. Leváte.

Oratio.

PRÆSTA, quæsumus, omnipotens Deus; ut Filii tui ventúra solémnitas, et præséntis nobis vitæ remédia cónferat, et præmia ætérna concédant. Per, etc.

Léctio Isaíæ Prophétæ. *Isa. 45.*

HÆC dicit Dóminus christo meo Cyro, cujus apprehénderi dexteram, ut subjíciam ante faciē ejus Gentes, et dorsa regum vertam, et apériam coram eo jánuas, et portæ non claudéntur. Ego ante te ibo, et gloriósa terræ humiliábo: portas æreas cónteram, et vectes férreos confríngam. Et dabo tibi thesauros absconditos, et arcána secretórú: ut scias quia ego Dóminus, qui voco nomen tuum, Deus Israél. Propter servum meum Jacob, et Israél electum meum, et vocávi te nómine tuo, assimilávi te, et non cognovísti me. Ego Dóminus, et non est ámplius: extra me

non est Deus : accínxi te, et non cognovisti me : ut sciant hi, qui ab ortu solis, et qui ab occidente, quóniam absque me non est. Ego Dóminus, et non est alter, formans lucem, et creans ténebras : fáciens pacem, et creans malum : ego Dóminus fáciens ómnia hæc. Rorate, cœli, désuper, et nubes pluant Justum : aperiátur terra, et gérminet Salvatórem : et justitia oriátur simul : ego Dóminus creávi eum.

Graduale. Ps. 79. Excita, Dómine, poténtiam tuam, et veni, ut salvos fácias nos.

Ÿ. Qui regis Israël, inténde ; qui dedúcis velut ovem Joseph : qui sedes super Chérubim, appáre coram Ephraim, Bénjamin, et Manásse.

Orémus. Flectámus génua.

R. Leváte.

Oratio.

PRECES pópuli tui, quæsumus, Dómine, cleménter exáudi : ut qui juste pro peccátis nostris affligimur, pietátis tuæ visitatióne consolémur. Qui vivis, etc.

Lectio Daniélis Prophétæ. *Dan. 3.*

IN diébus illis : Angelus Dómini descendit cum Azaría et sóciis ejus in fornácem : et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem : et erúpit, et incéndit quos réperit juxta fornácem de Chaldæis ministros regis, qui eam incendébant. Et non tétigit eos omníno ignis, neque contristávit, nec quidquam moléstię intulit. Tunc hi tres quasi ex uno ore laudábant et glorificábant, et benedicébant Deum in fornáce, dicentes :

(*Hic non respondetur Deo grátias.*)

Hymnus. Dan. ibid.

BENEDICTUS es, Dómine Deus patrum nostrórum. Et laudábilis, et gloriósus in sécula.

Et benedictum nomen glóriæ tuæ, quod est sanctum. Et laudábile, et gloriósum in sécula.

Benedictus es in templo sancto glóriæ tuæ. Et laudábilis, et gloriósus in sécula.

Benedictus es super thronum sanctum regni tui. Et laudábilis, et gloriósus in sécula.

Benedictus es super sceptrum divinitátis tuæ. Et laudábilis, et gloriósus in sécula.

Benedictus es qui sedes super Chérubim, íntuens abyssos. Et laudábilis, et gloriósus in sécula.

Benedictus es qui ámbulas super pennas ventórum, et super undas maris. Et laudábilis, et gloriósus in sécula.

Benedícant te omnes Angeli et Sancti tui. Et laudent te, et glorificent te in sécula.

Benedícant te cœli, terra, mare, et ómnia quæ in eis sunt. Et laudent te, et glorificent in sécula.

Glória Patri, et Filio, et Spiritui sancto. Et laudábili, et glorióso in sécula.

Sicut erat in princípio, et nunc, et semper, et in sécula seculórum, Amen. Et laudábili, et glorióso in sécula.

Benedictus es, Dómine Deus patrum nostrórum. Et laudábilis, et gloriósus in sécula.

Hic dicitur Dóminus vobíscum, sine Flectámus génua.

Oratio.

DEUS, qui tribus púeris mitigásti flammam ignium : concéde propítius, ut nos fámulos tuos non exúrat flamma vitiórum. Per Dóminum.

Aliæ Orationes ut in Dominica I. Adventus, fol. 1.

Lectio Epistolæ beati Pauli Apostoli
ad Thessalonicenses.

2 Thess. 2.

FRATRES, Rogamus vos per adventum Domini nostri Jesu Christi, et nostræ congregationis in ipsum, ut non cito moveamini a vestro sensu, neque terreamini neque per spiritum, neque per sermonem, neque per epistolam, tanquam per nos missam, quasi instet dies Domini. Ne quis vos seducat ullo modo: quoniam nisi venerit discéssio primum, et revelátus fuerit homo peccati, filius perditionis, qui adversatur, et extóllitur supra omne quod dicitur Deus, aut quod cólitur, ita ut in templo Dei sédeat, osténdens se tanquam sit Deus. Non retinétis, quod cum adhuc essem apud vos, hæc dicébam vobis? Et nunc quid detíneat scitis, ut revelétur in suo témpore. Nam mystérium jam operátur iniquitátis: tantum ut qui tenet nunc, téneat, donec de médio fiat. Et tunc revelábitur ille iniquus, quem Dóminus Jesus interficiet spiritu oris sui, et destruet illustratióne advéntus sui.

Tractus. Ps. 79. Qui regis Israël, inténde; qui dedúcis, velut ovem, Joseph.

Ÿ. Qui sedes super Chérubim, appáre coram Ephraim, Bénjamin, et Manásse.

Ÿ. Excita, Dómine, poténtiam tuam, et veni, ut salvos fácias nos.

Evangelium Anno quintodécimo, ut in Missa sequentis Dominicæ.

Offertorium. Zach. 9. Exúlta satis, filia Sion, prædica, filia Jérusalem. Ecce Rex tuus venit tibi sanctus, et salvátor.

Secreta.

SACRIFICIIS præsentibus, quæsumus, Dómine, placatus in-

ténde: ut et devotióni nostræ proficiant, et salúti. Per Dóminum.

Aliæ Secretæ ut in Dominica I. Adventus, fol. 3.

Communio. Ps. 18. Exultávit ut gigas ad curréndam viam. A summo cælo egréssio ejus, et occúr-
sus ejus usque ad summum ejus.

Postcommunio.

QUÆSUMUS, Dómine Deus noster: ut sacrosáncta mystéria, quæ pro reparatiónis nostræ munimine contulisti, et præsens nobis remédium esse fácias, et futurum. Per Dóminum.

Aliæ Postcommuniones ut in Dominica I. Adventus, fol. 3.

DOMINICA QUARTA ADVENTUS.

Statio ad Sanctos duodecim Apostolos.

Introitus. Isa. 45.

RORATE, cæli, désuper, et
nubes pluant Justum: aperi-
átur terra, et gérmínet Salvátorem.

Ps. 18. Cæli enarrant glóriam Dei, et ópera mánuum ejus annúnciat firmaméntum,

Ÿ. Glória Patri, et Filio, etc.

Oratio.

EXCITA, quæsumus, Dómine, poténtiam tuam, et veni; et magna nobis virtúte succúrre: ut per auxílium grátiae tuæ, quod nostra peccáta præpédiunt, indulgéntia tuæ propitiatiónis accéleret. Qui vivis, et regnas.

Aliæ Orationes ut in Dominica I. Adventus, fol. 1.

Lectio Epistolæ beati Pauli Apostoli ad Corínthios. 1 Cor. 4.

FRATRES, Sic nos existimet homo, ut ministros Christi, et dispensátóres mysteriórum Dei. Hic jam quæritur inter dispensatío-

res, ut fidélis quis inveniátur. Mihi autem pro mínimo est, ut a vobis júdicer, aut ab humano die: sed neque meípsum júdico. Nihil enim mihi cóncius sum, sed non in hoc justificátus sum: qui autem júdicat me, Dóminus est. Itaque nolíte ante tempus judicáre quoadúsque véniat Dóminus: qui et illuminábit abscóndita tenebrárum, et manifestábit consília córdium: et tunc laus erit unicuíque a Deo.

Graduale. Ps. 144. Prope est Dóminus ómnibus invocántibus eum, ómnibus, qui invocant eum in veritáte.

Y. Laudem Dómini loquétur os meum, et benedícat omnis caro nomen sanctum ejus. Allelúia, allelúia.

Y. Veni, Dómine, et noli tardáre: reláxa facinora plebis tuæ Israél. Allelúia.

Sequéntia sancti Evangélíi secúndum Lucam. *Luc. 3.*

ANNO quintodécimo Impérii Tibérii Cæsaris, procuránte Póntio Piláto Judæam, tetrárcha autem Galilææ Heróde, Philíppo autem fratre ejus tetrárcha Iturææ, et Trachonítidis regiónis, et Lysánia Abilinæ tetrárcha, sub princípibus Sacerdótum Anna et Cáípha, factum est verbum Dómini super Joánnem, Zachariæ filium, in desérto. Et venit in omnem regiónem Jordánis, prædicans baptísmum pœniténtiæ in remissionem peccatórum, sicut scriptum est in libro sermónum Isaíæ Prophétæ: Vox clamántis in desérto: Paráte viam Dómini, rectas fácite sémitas ejus: omnis vallis implébitur, et omnis mons et collis humiliábitur: et erunt prava in dirécta, et áspera in vias planas: et vidébit omnis caro salutáre Dei.

Credo.

Offertorium. Luc. 1. Ave, Ma-

ría, grátia plena: Dóminus tecum: Benedicta tu in muliéribus, et benedictus fructus ventris tui.

Secreta.

SACRIFICIIS præsentibus, quæsumus, Dómine, placátus inténde: ut et devotióni nostræ proficiant, et salúti. Per Dóminum nostrum, etc.

Aliæ Secretæ ut in Dominica I. Adventus, fol. 3.

Communio. Isa. 7. Ecce Virgo concipiet, et páriet filium: et vocábitur nomen ejus Emmánuel.

Postcommunio.

SUMPTIS munéribus, quæsumus, Dómine, ut cum frequentatione mystérii crescat nostræ salútis efféctus. Per Dóminum nostrum, etc.

Aliæ Postcommuniones ut in Dominica I. Adventus, fol. 3.

¶ *Si Vigilia Nativitatis Domini venerit in Dominica, totum Officium Missæ fit de Vigilia, cum commemoratione Dominicæ, sed non legitur ejus Evangelium in fine.*

IN VIGILIA NATIVITATIS DOMINI.

Statio ad Sanctam Mariam Majorem.

Introitus. Exodi 16.

HODIE sciétis, quia véniet Dóminus, et salvábit nos, et mane vidébitis glóriam ejus.

Ps. 23. Dómini est terra, et plenitúdo ejus, orbis terrárum, et uniyérsi, qui hábitant in eo.

Y. Glória Patri, et Filio, etc.

Oratio.

DEUS, qui nos redemptionis nostræ ánnua expectatióne lætíficas: præsta, ut Unigénitum tuum, quem redemptórem læti suscipimus, veniéntem quoque júdicem secúri videámus, Dóminum nos-

trum Jesum Christum Filium tuum. Qui tecum vivit, et regnat, etc.

Et dicitur hæc Oratio tantum, nisi Vigilia venerit in Dominica.

Lectio Epistolæ beati Pauli Apostoli ad Romanos. *Rom. 1.*

PAULUS, servus Jesu Christi, vocatus Apostolus, segregatus in Evangelium Dei, quod ante promiserat per Prophetas suos in Scripturis sanctis de filio suo, qui factus est ei ex semine David secundum carnem, qui prædestinatus est Filius Dei in virtute secundum spiritum sanctificationis ex resurrectione mortuorum Jesu Christi Domini nostri: per quem accepimus gratiam, et Apostolatium ad obediendum fidei in omnibus Gentibus pro nomine ejus, in quibus estis et vos vocati Jesu Christi Domini nostri.

Graduale. Exod. 16. Hodie sciétis, quia véniet Dominus et salvabit nos: et mane vidébitis glóriam ejus.

Ÿ. Ps. 79. Qui regis Israël, inténde; qui dedúcis, velut ovem, Joseph: qui sedes super Chérubim, appáre coram Ephraim, Bénjamin, et Manásse.

Non dicitur Allelúia cum sequenti versu, nisi hæc Vigilia venerit in Dominica.

Allelúia, allelúia. *Ÿ.* Crástina die delébitur iniquitas terræ, et regnabit super nos Salvátor mundi. Allelúia.

Sequéntia sancti Evangélíi secundum Matthæum. *Matth. 1.*

CUM esset desponsata Mater Jesu Maria Joseph, antequam

convenirent, inventa est in útero habens de Spíritu sancto. Joseph autem vir ejus cum esset justus, et nollet eam tradúcere, voluit occulte dimittere eam. Hæc autem eo cogitante, ecce Angelus Domini apparuit in somnis ei, dicens: Joseph, fili David, noli timere accipere Mariam conjugem tuam: quod enim in ea natum est, de Spíritu sancto est. Pariet autem filium, et vocabis nomen ejus Jesum: ipse enim salvum faciet populum suum a peccatis eorum.

Offertorium. Ps. 23. Tóllite portas, principes, vestras, et elevámini, portæ æternáles, et introíbit Rex glóriæ.

Secreta.

DA nobis, quæsumus, omnipotens Deus; ut, sicut adoranda Filii tui natalítia prævenimus, sic ejus múnera capiamus sempiterna gaudentes. Qui tecum vivit, et regnat, etc.

Communio. Isa. 40. Revelábitur glória Domini: et vidébit omnis caro salutáre Dei nostri.

Postcommunio.

DA nobis, quæsumus, Dómine, Unigéniti Filii tui recensita nativitate respiráre: cujus cælesti mystério páscimur et potámur. Per eúndem Dóminum nostrum Jesum Christum Filium tuum. Qui tecum vivit.

¶ *Sacerdos, quoniam in Die Natalis Domini celebrat tres Missas, in prima et secunda Missa non sumat purificationem, sed in tertia Missa tantum: et in prima et secunda abluat digitos in aliquo vase mundo.*

IN NATIVITATE DOMINI.

AD PRIMAM MISSAM, IN
NOCTE.

*Statio ad S. Mariam Majorem ad
Præsepe.*

Introitus. - Ps. 2.

DOMINUS dixit ad me : Filius
meus es tu, ego hódie génui
te.

Ps. ibid. Quare fremuérunt
Gentes, et pópuli meditáti sunt iná-
nia !

V. Glória Patri, etc.

Oratio.

DEUS, qui hanc sacratíssimam
noctem veri lúminis fecísti
illustratióne claréscere : da, quæsu-
mus, ut cujus lucis mystéria in
terra cognóvimus, ejus quoque gáu-
diis in cælo perfruámur. Qui tecum
vivit, et regnat, etc.

Léctio Epistolæ beáti Pauli Apóstoli
ad Titum. *Tit. 2.*

CARISSIME, Appáruit grátia
Dei Salvatóris nostri ómnibus
homínibus, erúdiens nos, ut abne-
gántes impietátem et secularia de-
sidéria, sóbrie, et juste, et pie vivá-
mus in hoc século ; expectántes
beátam spem, et advéntum glóriæ
magni Dei, et Salvatóris nostri Jesu
Christi : qui dedit semetípsum pro
nobis, ut nos redimeret ab omni
iniquitaté, et mundáret sibi popu-

lum acceptábilem, sectatórem bo-
norum óperum. Hæc lóquere, et
exhortáre in Christo Jesu Dómino
nostro.

Graduale. Ps. 109. Tecum
princípium in die virtútis tuæ, in
splendóribus Sanctórum ; ex útero
ante lucíferum génui te.

V. Dixit Dóminus Dómino meo :
Sede a dextris meis, donec ponam
inimícos tuos scabéllum pedum tuó-
rum. Allelúia, allelúia.

V. Ps. 2. Dóminus dixit ad me :
Filius meus es tu, ego hódie génui
te. Allelúia.

Sequéntia sancti Evangélíi secún-
dum Lucam. *Luc. 2.*

IN illo témpore : Exiit edictum
a Cæsare Augústo, ut describe-
rétur univérsus orbis. Hæc descrip-
tio prima facta est a præside Syriæ
Cyrino. Et ibant omnes, ut profi-
teréntur singuli, in suam civitátem.
Ascéndit autem et Joseph a Gali-
læa de civitaté Názareth in Judæam
in civitátem David, quæ vocatur
Béthlehem : eo quod esset de domo,
et familia David : ut profiterétur
cum María desponsáta sibi uxóre
prægnánte. Factum est autem,
cum essent ibi, impléti sunt dies, ut
páreret. Et péperit filium suum
primogénitum, et pannis eum in-
vólvit, et reclinávit eum in præsé-

pio; quia non erat eis locus in diversório. Et pastores erant in regione eadem vigilantes, et custodiētes vigiliis noctis super gregem suum. Et ecce Angelus Domini stetit juxta illos, et claritas Dei circumfulsit illos, et timuerunt timore magno. Et dixit illis Angelus: Nolite timere: ecce enim evangelizo vobis gaudium magnum, quod erit omni populo: quia natus est vobis hodie Salvator, qui est Christus Dominus, in civitate David. Et hoc vobis signum: Invenietis infantem pannis involutum, et positum in praesepio. Et subito facta est cum Angelo multitudo militiae coelestis, laudantium Deum, et dicentium: Gloria in altissimis Deo, et in terra pax hominibus bonae voluntatis.

Credo.

Offertorium. Ps. 95. Lætentur caeli, et exultet terra ante faciem Domini: quoniam venit.

Secreta.

ACCEPTA tibi sit, Domine, quaesumus, hodiernae festivitatis oblatio: ut tua gratia largiente, per haec sacrosancta commercia in illius inveniamur forma, in quo tecum est nostra substantia. Qui tecum vivit, et regnat, etc.

Præfatio de Nativitate, Quia per incarnati. *Et dicitur quotidie usque ad Epiphaniam, præterquam in die Octava Sancti Joannis.*

Infra actionem, Communicantes, et noctem sacratissimam celebrantes. *Et dicitur quotidie usque ad Octavam Nativitatis inclusive: sed in hac Missa tantum dicitur noctem, deinceps vero diem.*

Communio. Ps. 109. In splendoribus Sanctorum, ex utero ante luciferum genui te.

Postcommunio.

DA nobis, quaesumus, Domine Deus noster, ut qui nativita-

tem Domini nostri Jesu Christi mysteriis nos frequentare gaudemus; dignis conversationibus ad ejus mereamur pervenire consortium. Qui tecum vivit.

¶ *Debet Sacerdos etiam ante sequentes Missas confessionem dicere, et in fine cujuslibet populo benedicere, et Evangelium S. Joannis, In principio erat, legere, ut in tertia Missa.*

Post tertiam vero Missam, loco praedicti Evangelii, dicitur Evangelium, Cum natus esset Jesus in Bethlehem, quod habetur in die Epiphaniae.

AD SECUNDAM MISSAM IN AURORA.

Statio ad Sanctam Anastasiam.

Introitus. Isa. 9.

LUX fulgebit hodie super nos: quia natus est nobis Dominus: et vocabitur Admirabilis, Deus, Princeps pacis, Pater futuri saeculi: cujus regni non erit finis.

Ps. 92. Dominus regnavit, decorem indutus est: indutus est Dominus fortitudinem, et praecinxit se. Gloria Patri, etc.

Oratio.

DA nobis, quaesumus, omnipotens Deus, ut qui nova incarnati Verbi tui luce perfundimur; hoc in nostro resplendeat opere, quod per fidem fulget in mente. Per eundem Dominum.

Pro commemoratione S. Anastasiae, Martyris.

Oratio.

DA, quaesumus, omnipotens Deus, ut qui beatae Anastasiae Martyris tuae solennia colimus; ejus apud te patrocinia sentiamus. Per Dominum.

Lectio Epistolæ beati Pauli Apostoli ad Titum. *Tit. 3.*

CARISSIME, Apparuit benignitas et humanitas Salvatoris nostri Dei. Non ex operibus iustitiæ, quæ fecimus nos, sed secundum suam misericordiam salvos nos fecit per lavacrum regenerationis, et renovationis Spiritus sancti, quem effudit in nos abunde per Jesum Christum Salvatorem nostrum : ut justificati gratia ipsius, hæredes simus secundum spem vitæ æternæ, in Christo Jesu Domino nostro.

Graduale. Ps. 117. Benedictus, qui venit in nomine Domini : Deus Dominus, et illuxit nobis.

V. A Domino factum est istud : et est mirabile in oculis nostris.

Allelúia, allelúia.

V. *Ps. 92.* Dominus regnavit, decorem induit : induit Dominus fortitudinem, et præcinxit se virtute. Allelúia.

Sequéntia sancti Evangelii secundum Lucam. *Luc. 2.*

IN illo tempore : Pastores loquebantur ad invicem : Transeamus usque Bethlehem, et videamus hoc verbum, quod factum est, quod Dominus ostendit nobis. Et venerunt festinantes : et invenérunt Mariam, et Joseph, et infan-tem positum in præsepio. Videntes autem cognoverunt de verbo, quod dictum erat illis de púero hoc. Et omnes, qui audierunt, mirati sunt, et de his, quæ dicta erant a pastoribus ad ipsos. Maria autem conservabat omnia verba hæc, conferens in corde suo. Et reversi sunt pastores glorificantes, et laudantes Deum in omnibus, quæ audierant, et viderant, sicut dictum est ad illos.

Credo.

Offertorium. Ps. 92. Deus firmavit orbem terræ, qui non com-

movébitur. Parata sedes tua, Deus, ex tunc, a sæculo tu es.

Secreta.

MUNERA nostra, quæsumus, Domine, Nativitatis hodiernæ mysteriis apta provéniant, et pacem nobis semper infundant : ut sicut homo genitus idem refúlsit et Deus, sic nobis hæc terræna substantia conferat quod divinum est. Per eundem.

Pro Sancta Anastasia. Secreta.

ACCIPE, quæsumus, Domine, munera dignanter oblata : et beatæ Anastasiæ Martyris tuæ suffragantibus méritis, ad nostræ salutis auxilium provenire concede. Per Dominum.

Præfatio, et Communicantes, ut supra in prima Missa.

Communio. Zach. 9. Exulta, filia Sion, lauda, filia Jerúsalem ; ecce Rex tuus venit sanctus, et salvator mundi.

Postcommunio.

HUJUS nos, Domine, sacramenti semper novitas natalis instáuret : cujus Nativitas singularis humanam repulit vetustatem. Per eundem.

Pro S. Anastasia. Postcommunio.

SATIASTI, Domine, familiam tuam munéribus sacris : ejus, quæsumus, interventióne nos réfove, cujus solémnia celebrámus. Per Dominum.

AD TERTIAM MISSAM IN DIE NATIVITATIS DOMINI.

Statio ad S. Mariam Majorem.

Introitus. Isa. 9.

PUER natus est nobis, et filius datus est nobis, cujus impérium super húmerum ejus, et vocabitur nomen ejus magni consilii Angelus.

Ps. 97. Cantate Dómino cánticum novum : quia mirabilia fecit.

V. Glória Patri, et Filio.

Oratio.

CONCEDE, quæsumus, omnipotens Deus, ut nos Unigéniti tui nova per carnem nativitas liberet, quos sub peccáti iugo vetústa sérvitus tenet. Per eúmdem Dóminum nostrum.

Léctio Epistolæ beáti Pauli Apóstoli ad Hebræos. *Hebr. 1.*

MULTIFARIAM, multisque modis olim Deus loquens pátribus in prophétis, novissime diébus istis locútus est nobis in Filio, quem constituit hærédem universórum, per quem fecit et sécula ; qui cum sit splendor glóriæ, et figúra substantiæ ejus, portánsque ómnia verbo virtútis suæ, purgatió-nem peccatórum fáciens, sedet ad dexteram majestátis in excélsis : tanto mélior Angelis efféctus, quanto différentius præ illis nomen hæreditávit. Cui enim dixit aliquándo Angelórum : Filius meus es tu, ego hódie génui te ? Et rursum : Ego ero illi in patrem, et ipse erit mihi in filium ? Et cum iterum introducit primogénitum in orbem terræ, dicit : Et adórent eum omnes Angeli Dei. Et ad Angelos quidem dicit : Qui facit Angelos suos spíritus, et ministros suos flammam ignis. Ad Filium autem : Thronus tuus Deus, in séculum séculi : virga æquitátis, virga regni tui. Dilexisti justítiam, et odisti iniquitatem : propterea unxit te Deus, Deus tuus, óleo exultatiónis præ participibus tuis. Et : Tu in princípio, Dómine, terram fundásti : et ópera mánuum tuárum sunt cœli. Ipsi peribunt, tu autem permanébis, et omnes ut vestiméntum veteráscent : et velut amictum mutábis eos, et mutabún-

c

tur : tu autem idem ipse es, et annitui non deficiet.

Graduale. Ps. 97. Vidérunt omnes fines terræ salutáre Dei nostri : jubiláte Deo, omnis terra.

V. Notum fecit Dóminus salutáre suum, ante conspéctum Géntium revelávit justítiam suam. Allelúia, allelúia.

V. Dies sanctificátus illúxit nobis. Veníte, Gentes, et adoráte Dóminum : quia hódie descéndit lux magna super terram. Allelúia.

Inítium sancti Evangélii secúndum Joannem. *Joan. 1.*

IN princípio erat Verbum, et Verbum erat apud Deum, et Deus erat Verbum. Hoc erat in princípio apud Deum. Omnia per ipsum facta sunt : et sine ipso factum est nihil, quod factum est. In ipso vita erat, et vita erat lux hóminum : et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Joannes. Hic venit in testimónium, ut testimónium perhiberet de lúmine, ut omnes créderent per illum. Non erat ille lux, sed ut testimónium perhiberet de lúmine. Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his qui credunt in nómine ejus : qui non ex sanguinibus, neque ex voluntáte carnis, neque ex voluntáte viri, sed ex Deo nati sunt. (*Hic genu flectitur*). Et Verbum caro factum est, et habitávit in nobis, et vídimus glóriam ejus, glóriam quasi Unigéniti a Patre plenum grátiae et veritátis.

Credo.

Offertorium. Ps. 88. Tui sunt cœli, et tua est terra : orbem terrarum, et plenitudinem ejus tu fundasti : justitia, et judicium præparatio sedis tuæ.

Secreta.

OBLATA, Dómine, múnera, nova Unigéniti tui nativitate sanctifica, nosque a peccatorum nostrorum máculis emúnda. Per, etc.

Præfatio, et Communicantes, ut supra in prima Missa.

Communio. Ps. 97. Vidérunt omnes fines terræ salutáre Dei nostri.

Postcommunio.

PRÆSTA, quæsumus, omnipotens Deus : ut natus hódie Salvátor mundi, sicut divínæ nobis generatiónis est auctor ; ita et immortalitátis sit ipse largitor. Qui tecum.

IN FESTO SANCTI STEPHANI, PROTOMARTYRIS.

Statio ad S. Stephanum in Caelio monte.

Introitus. Ps. 118.

SEDERUNT principes, et adversum me loquebantur, et iniqui persecúti sunt me : adjuva me, Dómine Deus meus : quia servus tuus exercebátur in tuis justificatióibus.

Ps. ibid. Beáti immaculáti in via, qui ámbulant in lege Dómini.

Ÿ. Glória Patri.

Oratio.

DA nobis, quæsumus, Dómine, imitári quod cólimus : ut discámus et inimicos diligere : quia ejus natalitia celebrámus, qui novit étiam pro persecutóribus exoráre Dóminum nostrum Jesum Christum Filium tuum. Qui tecum vivit, et regnat, etc.

Et fit Commemoratio de Nativitate. Concède, quæsumus, etc. fol.17.

Lectio Actuum Apostolorum.

Act. 6.

IN diébus illis : Stéphanus plenus grátia et fortitúdine, faciēbat prodigia, et signa magna in pópulo. Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stéphanó : et non póterant resistere sapiéntiæ, et spirítui qui loquebátur. Audiéntes autem hæc, dissecabántur córdibus suis, et stridébant déntibus in eum. Cum autem esset Stéphanus plenus Spírítu sancto, inténdens in cœlum, vidit glóriam Dei, et Jesum stantem a dextris Dei. Et ait : Ecce vídeo cœlos apértos, et Filium hóminis stantem a dextris Dei. Exclamántes autem voce magna continuérunt aures suas, et ímpetum fecérunt unánimiter in eum. Et ejiciéntes eum extra civitátem, lapidábant. Et testes deposuérunt vestiménta sua secus pedes adolescentis, qui vocabátur Saulus. Et lapidábant Stéphanum invocántem, et dicéntem : Dómine Jesu, súscipe spírítum meum. Pósitis autem gé nibus, clamávit voce magna, dicens : Dómine, ne státuas illis hoc peccátum. Et cum hoc dixisset, obdormívit in Dómino.

Graduale. Ps. 118. Sedérunt principes, et adversum me loquebantur : et iniqui persecúti sunt me.

Ÿ. Adjuva me, Dómine Deus meus : salvum me fac propter misericórdiam tuam. Allelúia, allelúia.

Ÿ. *Act. 7.* Vídeo cœlos apértos, et Jesum stantem a dextris virtútis Dei. Allelúia.

Sequētia sancti Evangēlii secūndum Matthæum. *Matth. 23.*

IN illo tēpore: Dicēbat Jesus Scribis, et Pharisæis: Ecce ego mitto ad vos Prophētas, et Sapiētes, et Scribas: et ex illis occidētis, et crucifigētis, et ex eis flagellābitis in synagōgis vestris, et persequēmini de civitatē in civitatē: ut veniat super vos omnis sanguis justus, qui effusus est super terram, a sāguine Abel justī, usque ad sāguinem Zachariæ, filii Barachīæ, quem occidistis inter templum et altāre. Amen dico vobis, venient hęc ōmnia super generatiōnem istam. Jerúsalem, Jerúsalem, quæ occidis Prophētas, et lapidas eos qui ad te missi sunt, quōties vólui congregāre filios tuos, quemādmōdum gallīna cōgregat pullos suos sub alas, et nolūisti? Ecce relinquētur vobis domus vestra desērtā. Dico enim vobis, non me vidēbitis āmōdo, donec dicātis: Benedictus, qui venit in nōmine Dōmini.

Credo.

Offertorium. Act. 6 et 7. Elegerunt Apóstoli Stēphanum Levítam, plenum fide, et Spírītu sancto. Quem lapidaverunt Judæi orāntem, et dicētem: Dōmine Jesu, accipe spírītum meum. Allelúia.

Secreta.

SUSCIPE, Dōmine, múnera pro tuórum commemoratiōne Sanctórum: ut sicut illos pássio gloriósos effēcit, ita nos devótio reddat inócuos. Per Dóminum nostrum, etc.

De Nativitate. Secreta. Oblāta, Dōmine, fol. 18.

Communio. Act. 7. Vídeo cēlos apértos, et Jesum stantem a dextris virtútis Dei. Dōmine Jesu, accipe spírītum meum, et ne státuas illis hoc peccátum.

Postcommunio.

AUXILIENTUR nobis, Dōmine, sumpta mystéria: et inter-

cedēte beáto Stēphano Mártyre tuo, sempitérna protectiōne confirmēt. Per Dóminum, etc.

De Nativitate. Postcommunio. Præsta, quæsumus, fol. 18.

IN FESTO S. JOANNIS, APOSTOLI ET EVANGELISTÆ.

Statio ad S. Mariam Majorem.

Introitus. Eccli. 15.

IN médio Ecclésiæ apérui os ejus, et implēvit eum Dóminus spírītu sapiētiæ, et intellēctus: stolam glóriæ induit eum.

Ps. 91. Bonum est confitēri Dómino, et psállere nōmini tuo, Altíssime.

Ÿ. Glória Patri, et Filio, etc.

Oratio.

ECCLESIAM tuam, Dōmine, benignus illústra: ut beáti Joánnis Apóstoli tui, et Evangelistæ illumināta doctrinis, ad dona pervēniat sempitérna. Per Dóminum.

De Nativitate.

Oratio.

CONCEDE, quæsumus, omnípotens Deus, ut nos Unigéniti tui nova per carnem natívitās liberet, quos sub peccāti iugo vetústa sērvitus tenet.

De S. Stephano.

Oratio.

DA nobis, quæsumus, Dōmine, imitári quod cōlimus: ut discāmus et inimicos diligere: quia ejus natalítia celebrāmus, qui novit étiam pro persecutóribus exorāre Dóminum nostrum Jesum Christum Fílium tuum. Qui tecum vivit, etc.

Léctio libri Sapiētiæ.

Eccli. 15.

QUI timet Deum, faciet bona, et qui cōtinens est justitiæ, apprehēdet illam, et obviābit illi quasi mater honorificāta. Cibābit illum pane vitæ, et intellēctus, et aqua sapiētiæ salutáris potābit

illum : et firmabitur in illo, et non flectetur : et continébit illum, et non confundetur : et exaltabit illum apud próximos suos, et in médio Ecclésiæ aperiet os ejus, et adimplébit illum spiritu sapiéntiæ, et intelléctus, et stola glóriæ véstiet illum. Jucunditatem et exultationem thesaurizabit super illum, et nómine ætérno hæreditabit illum, Dóminus Deus noster.

Graduale. Joan. 21. Exiit sermo inter fratres, quod discipulus ille non móritur : et non dixit Jesus, Non móritur.

Ÿ. Sed : Sic eum volo manére, donec véniam : tu me séquere. Allelúia, allelúia.

Ÿ. Hic est discipulus ille, qui testimónium pérhibet de his : et scimus, quia verum est testimónium ejus. Allelúia.

Sequéntia sancti Evangélii secúndum Joannem. *Joan. 21.*

IN illo témpore : Dixit Jesus Petro : Séquere me. Convérsus Petrus vidit illum discipulum, quem diligébat Jesus, sequéntem, qui et recúbuit in cœna super pectus ejus, et dixit : Dómine, quis est, qui tradet te ? Hunc ergo cum vidisset Petrus, dixit Jesu : Dómine, hic autem quid ? Dicit ei Jesus : Sic eum volo manére, donec véniam ; quid ad te ? tu me séquere. Exiit ergo sermo iste inter fratres, quia discipulus ille non móritur. Et non dixit ei Jesus : Non móritur ; sed : Sic eum volo manére, donec véniam, quid ad te ? Hic est discipulus ille, qui testimónium pérhibet de his, et scripsit hæc : et scimus, quia verum est testimónium ejus.

Credo.

Offertorium. Ps. 91. Justus, ut palma, florébit : sicut cedrus, quæ in Líbano est, multiplicábitur.

Secreta.

SUSCIPE, Dómine, múnera, quæ in ejus tibi solemnitate deférimus, cujus nos confidimus patrocínio liberári. Per Dóminum nostrum Jesum Christum Fílium tuum, etc.

De nativitate.

Secreta.

OBLATA, Dómine, múnera, nova Unigéniti tui nativitate sanctifica, nosque a peccatórum nostrórum máculis emúnda.

De S. Stephano.

Secreta.

SUSCIPE, Dómine, múnera pro tuórum commemoratióne Sanctórum : ut sicut illos pássio gloriósis effécit, ita nos devótio reddat innócuos. Per Dóminum.

Præfatio, et Communicantes, de Nativitate.

Communio. Joan. 21. Exiit sermo inter fratres, quod discipulus ille non móritur : et non dixit Jesus, Non móritur ; sed : Sic eum volo manére, donec véniam.

Postcommunio.

REFECTI cibo, potúque cœlésti, Deus noster, te súpplices deprecámur ; ut in cujus hæc commemoratióne percépimus, ejus muniámur et précibus. Per Dóminum nostrum.

De Nativitate. Postcommunio.

PRÆSTA, quæsumus, omnipotens Deus : ut natus hódie Salvator mundi, sicut divínæ nobis generatiónis est auctor ; ita et immortalitátis sit ipse largitor.

De S. Stephano.

Postcommunio.

AUXILIENTUR nobis, Dómine, sumpta mystéria : et intercedente beáto Stéphano Mártire tuo, sempitérna protectiόne confirmet. Per Dóminum, etc.

IN FESTO SS. INNOCENTIIUM.

*Statio ad Sanctum Paulum.**Introitus. Ps. 8.*

EX ore infántium, Deus, et lacténtium, perfecisti laudem propter inimícos tuos.

Ps. ibid. Dómine, Dóminus noster, quam admirabile est nomen tuum in univérſa terra!

Ÿ. Glória Patri, et Filio, etc.

Non dicitur Glória in excélsis, nec Allelúia, nec Ite, Missa est, nisi hoc Festum venerit in Dominica: sed in Octava semper dicuntur.

Oratio.

DEUS, cujus hodiérna die præcónium Innocéntes Mártýres non loquendo, sed moriendo confessi sunt: ómnia in nobis vitiórum mala mortifica; ut fidem tuam, quam lingua nostra lóquitur, etiam móribus vita fateátur. Per Dóminum nostrum, etc.

*De Nativitate.**Oratio.*

CONCEDE, quæsumus, omnipotens Deus, ut nos Unigéniti tui nova per carnem natívitás liberet, quos sub peccáti jugo vetústa sérvitus tenet.

*De S. Stephano.**Oratio.*

DA nobis, quæsumus, Dómine, imitári quod cólimus: ut discámus et inimícos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Filium tuum.

*De S. Joanne.**Oratio.*

ECCLESIAM tuam, Dómine, benígnus illústra: ut beáti Joánnis Apóstoli tui et Evangelistæ illumináta doctrínis, ad dona pervéniat sempitérna. Per Dóminum, etc.

Léctio libri Apocalypsis beáti Joánnis Apóstoli. *Apoc. 14.*

IN diébus illis: Vidi supra montem Sion Agnum stantem, et

cum eo centum quadragínta quattuor millia habéntes nomen ejus, et nomen Patris ejus scriptum in frontibus suis. Et audiui vocem de cælo, tamquam vocem aquárum multárum, et tamquam vocem tonitruí magni: et vocem, quam audiui, sicut citharædórum citharizántium in citharis suis. Et cantábant quasi cánticum novum ante sedem, et ante quattuor animália, et senióres: et nemo póterat dicere cánticum, nisi illa centum quadragínta quattuor millia qui empti sunt de terra. Hi sunt, qui cum mulieribus non sunt coinquináti: vírgines enim suht. Hi sequúntur Agnum quocúmque íerit. Hi empti sunt ex homínibus primitiæ Deo et Agno, et in ore eórum non est invéntum mendácium: sine mácula enim sunt ante thronum Dei.

Graduale. Ps. 123. Anima nostra, sicut passer, erépta est de láqueo venántium.

Ÿ. Láqueus contrítus est, et nos liberáti sumus. Adjutórium nostrum in nómine Dómini, qui fecit cælum et terram.

Quacumque die hebdomadæ veniat hoc Festum, dicitur sequens.

Tractus. Ps. 78. Effuderunt sanguinem Sanctórum, velut aquam, in circúitu Jerúsalem.

Ÿ. Et non erat, qui sepelíret.

Ÿ. Vindica, Dómine, sanguinem Sanctórum tuórum, qui effúsus est super terram.

Si vero hoc Festum venerit in Dominica, tunc omisso Tractu, ejus loco dicitur: Allelúia, allelúia.

Ps. 112. Laudáte púeri Dóminum, laudáte nomen Dómini. Allelúia.

Sequéntia sancti Evangélíi secundum Matthæum. *Matt. 2.*

IN illo témpore: Angelus Dómini apparuit in somnis Joseph, dicens: Surge, et áccipe púerum, et

matrem ejus, et fuge in Ægyptum, et esto ibi, usque dum dicam tibi. Futurum est enim ut Heródes quærat púerum ad perdéndum eum. Qui consúrgens accépit púerum, et matrem ejus nocte, et secéssit in Ægyptum. Et erat ibi usque ad óbítum Heródis : ut adimplerétur quod dictum est a Dómino per Prophétam dicéntem : Ex Ægypto vocávi Filium meum. Tunc Heródes videns quóniam illúsus esset a Magis, irátus est valde ; et mittens occidit omnes púeros, qui erant in Béthlehem, et in ómnibus finibus ejus, a bimátu et infra, secúndum tempus quod exquisierat a Magis. Tunc adimplétum est quod dictum est per Jeremíam Prophétam dicéntem : Vox in Rama audita est, plorátus et ululátus multus : Rachel plorans filios suos, et nóluit consolári, quia non sunt.

Credo.

Offertorium. Ps. 123. Anima nostra, sicut passer, erépta est de láqueo venántium : láqueus contrítus est, et nos liberátí sumus.

Secreta.

SANCTORUM tuórum, Dómine, nobis pia non desit orátio : quæ et múnera nostra conciliet, et tuam nobis indulgéntiam semper obtíneat. Per Dóminum, etc.

De Nativitate. *Secreta.*

OBLATA, Dómine, múnera, nova Unigéniti tui nativité sanctifica, nosque a peccatórum nostrórum máculis emúnda.

De S. Stephano. *Secreta.*

SUSCIPE, Dómine, múnera pro tuórum commemoratióne Sanctórum : ut sicut illos pássio gloriósa effécit, ita nos devótió reddat innócuos.

De S. Joanne. *Secreta.*

SUSCIPE, Dómine, múnera, quæ in ejus tibi solemnitáte deférimus, cujus nos confidimus patrocí-

nio liberári. Per Dóminum nostrum, etc.

Communio. Matth. 2. Vox in Rama audita est, plorátus et ululátus : Rachel plorans filios suos, et nóluit consolári, quia non sunt.

Postcommunio.

VOTIVA, Dómine, dona percépimus : quæ Sanctórum nobis précibus, et præséntis, quæsumus, vitæ, páriter et æternæ tribue conférre subsidium. Per Dóminum nostrum, etc.

De Nativitate. *Postcommunio.*

PRÆSTA, quæsumus, omnípotens Deus : ut natus hódie Salvátor mundi, sicut divínæ nobis generatiónis est áuctor ; ita et immortalitátis sit ipse largítor.

De S. Stephano.

Postcommunio.

AUXILIENTUR nobis, Dómine, sumpta mystéria : et, intercedénte beáto Siéphano Mártire tuo, sempitérna protectióne confirmet.

De S. Joanne. *Postcommunio.*

REFFECTI cibo, potúque cœlesti, Deus noster, te súplices deprecámur ; ut in cujus hæc commemoratióne percépimus, ejus muniamur et précibus. Per Dóminum.

¶ *Si festum S. Thomæ venerit in Dominica, transfertur in sequentem diem.*

IN FESTO SANCTI THOMÆ, EPISCOPI ET MARTYRIS.

Introitus.

GAUDEAMUS omnes in Dómino, diem festum celebrántes sub honóre beáti Thomæ Mártiris, de cujus passióne gáudent Angeli, et colláudant Filium Dei.

Ps. 32. Exultáte justi in Dómino, rectos decet collaudátio.

Ÿ. Glória Patri.

Oratio.

DEUS, pro cuius Ecclesia gloriosus Póntifex Thomas gládiis impiórum occúbuit : præsta, quæsumus ; ut omnes, qui ejus implórant auxílium, petitiónis suæ salutárem consequántur effectum. Per Dóminum nostrum Jesum Christum Fílium tuum, etc.

*De Nativitate.**Oratio.*

CONCEDE, quæsumus, omnipotens Deus : ut nos Unigéniti tui nova per carnem nativitas liberet, quos sub peccáti jugo vetústata sêrvitus tenet.

*De S. Stephano.**Oratio.*

DA nobis, quæsumus, Dómine, imitári quod cólimus : ut discámus et inimicos diligere : quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

*De S. Joanne.**Oratio.*

ECCLESIAM tuam, Dómine, benígnus illústra : ut beáti Joánnis Apóstoli tui, et Evangelistæ illumináta doctrínis, ad dona pervéniant sempitérna.

*De SS. Innocentibus.**Oratio.*

DEUS, cujus hodiérna die præcónium Innocéntes Mártýres non loquéndò, sed moriéndò conféssi sunt : ómnia in nobis vitiórum mala mortifica ; ut fidem tuam, quam lingua nostra loquitur, étiam móribus vita fateátur. Per Dóminum nostrum, etc.

Léctio Epístolæ beáti Pauli Apóstoli ad Hebræos. *Hebr. 5.*

FRATRES, Omnis Póntifex ex homínibus assúptus pro homínibus constitúitur in iis quæ sunt ad Deum, ut ófferat dona et sacrificia pro peccátis : qui condolére possit iis, qui ignórant, et errant : quóniam et ipse circúmdatus est infirmitáte : et proptérea debet,

quemádmódum pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur a Deo tamquam Aaron. Sic et Christus non semetípsum clarificávit, ut Póntifex fieret : sed qui locútus est ad eum : Filius meus es tu, ego hódie genui te. Quemádmódum et in álío loco dicit : Tu es sacérdos in ætérnum, secúndum órđinem Melchisedech.

Graduale. Eccli. 44. Ecce sacérdos magnus, qui in diébus suis plácuít Deo.

V. Non est invéntus símilis illi, qui conserváret legem Excélsi. *Allelúia, allelúia.*

V. Joann. 10. Ego sum Pastor bonus, et cognósco oves meas, et cognóscunt me meæ. *Allelúia.*

Sequéntia sancti Evangélli secúndum Joannem. *Joann. 10.*

IN illo témpore : Dixit Jesus Pharisæis : Ego sum Pastor bonus. Bonus Pastor ánimam suam dat pro óvibus suis. Mercenárius autem, et qui non est Pastor, cujus non sunt oves propriæ, videt lupum veniéntem, et dimittit oves, et fugit : et lupus rapit, et dispérgit oves. Mercenárius autem fugit, quia mercenárius est, et non pértinet ad eum de ovibus. Ego sum Pastor bonus, et cognósco oves meas, et cognóscunt me meæ. Sicut novit me Pater, et ego agnósco Patrem : et ánimam meam pono pro óvibus meis. Et álias oves habeo, quæ non sunt ex hoc ovili ; et illas opórtet me addúcere, et vocem meam áudient, et fiet unum ovile, et unus Pastor.

Credo.

Offertorium. Ps. 20. Posuísti, Dómine, in cápite ejus corónam de lapide pretiósò : vitam pétiit a te, et tribuísti ei. *Allelúia.*

Secreta.

MUNERA tibi, Dómine, dicáta sanctífica : et intercedénte beáto Thoma Mártire tuo atque Pontífice, per eádem nos placátus inténde. Per Dóminum nostrum Jesum Christum, etc.

*De Nativitate.**Secreta.*

OBLATA, Dómine, múnera, nova Unigéniti tui nativité sanctífica, nosque a peccatórum nostrórum máculis emúnda.

*De S. Stephano.**Secreta.*

SUSCIPE, Dómine, múnera pro tuórum commemoratióne Sanctórum : ut sicut illos pássio gloriósa effécit, ita nos devótio reddat innócuos.

*De S. Joanne.**Secreta.*

SUSCIPE, Dómine, múnera, quæ in ejus tibi solemnitate deférimus, cujus nos confidimus patrocínio liberári.

De SS. Innocentibus. Secreta.

SANCTORUM tuórum, Dómine, nobis pia non desit orátio : quæ et múnera nostra concíliet, et tuam nobis indulgéntiam semper obtíneat. Per Dóminum nostrum Jesum Christum, etc.

Communio. Joann. 10. Ego sum Pastor bonus, et cognóscō oves meas, et cognóscunt me meæ.

Postcommunio.

HÆC nos commúnio, Dómine, purget a crimine : et intercedénte beáto Thoma Mártire tuo atque Pontífice, cœléstis remédii fáciat esse consórtes. Per Dóminum, etc.

De Nativitate. Postcommunio.

PRÆSTA, quæsumus, omnípotens Deus : ut natus hódie Salvátor mundi, sicut divínæ nobis generatiónis est auctor ; ita et immortalitátis sit ipse largítor.

*De S. Stephano.**Postcommunio.*

AUXILIENTUR nobis, Dómine, sumpta mystéria : et intercedénte beáto Stéphanó Mártire tuo, sempitérna protectióne confirmet.

De S. Joanne. Postcommunio.

REFFECTI cibo, potúque cœlesti, Deus noster, te súpplīces deprecámur ; ut in cujus hæc commemoratióne percépimus, ejus muniámur et précibus.

*De SS. Innocentibus.**Postcommunio.*

VOTIVA, Dómine, dona percépimus : quæ Sanctórum nobis précibus, et præsentis, quæsumus, vitæ, páriter et æternæ tribue conférre subsidium. Per Dóminum nostrum Jesum Christum Filium tuum, etc.

¶ *Si festum Nativitatis Domini, S. Stephani, S. Joannis Evangelistæ, et SS. Innocentium venerit in Dominica, ipsa die nihil fit de Dominica : sed die proxima post festum S. Thomæ Episcopi et Mart. dicitur Missa de Dominica. Si autem festum S. Thomæ venerit in Dominica, dicitur Missa de Dominica, cum Commemoratione aliarum Octavarum : et festum Sancti Thomæ transfertur in secundam Feriam.*

¶ *Si vero post festum S. Thomæ fuerit Sabbatum, ipsa die Sabbati dicitur Missa de Octava Nativitatis, cum Commemoratione aliarum Octavarum : et in die S. Silvestri fit Officium de eo, cum Commemoratione Dominicæ, et Octavarum.*

DOMINICA INFRA OCTAVAM NATIVITATIS DOMINI.

Introitus. Sap. 18.

DUM médium siléntium tenérent ómnia, et nox in suo

cursum médium iter habéret, omnipotens sermo tuus, Dómine, de cœlis a regálibus sédibus venit.

Ps. 92. Dóminus regnávít, decórem indútus est : indútus est Dóminus fortitúdinem, et præcínxit se.

Ÿ. Glória Patri, et Filio, etc.

Oratio.

OMNIPOTENS sempitérne Deus, dirige actus nostros in beneplácito tuo : ut in nómine dilecti Filii tui, mereámur bonis opéribus abundáre. Qui tecum, etc.

Commemorationes quatuor Octavarum, ut in Missa S. Thomæ, fol. 23.

Léctio Epístolæ beáti Pauli Apóstoli ad Gálatas. *Gal. 4.*

FRATRES, Quanto témpore hæres párvulus est, nihil differt a servo, cum sit dóminus ómnium ; sed sub tutóribus, et actóribus est usque ad præfínitum tempus a patre : ita et nos cum essémus párvuli, sub eleméntis mundi erámus serviéntes. At ubi venit plenitúdo témporis, misit Deus Fílium suum, factum ex muliere, factum sub lege ; ut eos, qui sub lege erant, redímeret ; ut adoptiónem filiórum reciperémus. Quóniam autem estis filii, misit Deus spíritum Filii sui in corda vestra, clamántem : Abba, Pater. Itaque jam non est servus, sed filius. Quod si filius, et hæres per Deum.

Graduale. Ps. 44. Speciósus forma præ filiis hóminum : diffúsa est grátia in lábiis tuis.

Ÿ. Eructávit cor meum verbum bonum, dico ego ópera mea regi. Lingua mea cálamus scribæ velociter scribéntis. Allelúia, allelúia.

Ÿ. *Ps. 91.* Dóminus regnávít, decórem induit : induit Dóminus

fortitúdinem, et præcínxit se virtúte. Allelúia.

Sequéntia sancti Evangélíi secúndum Lucam. *Luc. 2.*

IN illo témpore : Erat Joseph, et María Mater Jesu, mirántes super his quæ dicebántur de illo. Et benedixit illis Símeon, et dixit ad Mariam matrem ejus : Ecce pósitus est hic in ruínam, et in resurrectionem multórum in Israél : et in signum, cui contradicétur : et tuam ipsius ánimam pertransíbit gládus, ut reveléntur ex multis córdibus cogitationes. Et erat Anna Prophetissa, fília Phánuel, de tribu Aser. Hæc procésserat in diébus multis, et vixerat cum viro suo annis septem a virginitate sua. Et hæc vídua usque ad annos octogínta quátuor : quæ non discedébat de templo, jejúniis, et obsecrationibus sérvíens nocte ac die. Et hæc, ipsa hora supervéniens, confitebátur Dómino, et loquebátur de illo ómnibus qui expectábant redemptionem Israél. Et ut perfecérunt ómnia secúndum legem Dómini, revérsi sunt in Galilæam in civitátem suam Náza-reth. Puer autem crescébat, et confortabátur, plenus sapiéntia : et grátia Dei erat in illo.

Credo.

Offertorium. Ps. 92. Deus firmávit orbem terræ, qui non commovébitur : paráta sedes tua, Deus, ex tunc, a século tu es.

Secreta.

CONCEDE, quæsumus, omnipotens Deus ; ut óculis tuæ majestátis munus oblátum, et grátiam nobis piæ devotiónis obtíneat, et effectum beátæ perennitátis acquirat. Per Dóminum, etc.

Secretæ quatuor Octavarum, ut

ordinantur in *Missa S. Thomæ, fol. 24.*

Communio. Matth. 2. Tolle puerum, et matrem ejus, et vade in terram Israël : defuncti sunt enim, qui quærebant animam pueri.

Postcommunio.

PER hujus, Dómine, operatió-
nem mystérii, et vítia nostra
purgéntur, et justa desidéria com-
pleántur. Per Dóminum nostrum,
etc.

*Postcommuniones quatuor Octava-
rum, ut in Missa S. Thomæ, fol. 24.*

MISSA DE OCTAVA NATI- TATIS DOMINI.

Introitus. Isa. 9.

PUER natus est nobis, et filius
datus est nobis, cujus impéri-
um super húmerum ejus, et vocábi-
tur nomen ejus magni consilii An-
gelus.

Ps. 97. Cantáte Dómino cánti-
cum novum : quia mirabilia fecit.

Ÿ. Glória Patri, et Filio.

Oratio.

CONCEDE, quæsumus, omni-
potens Deus ; ut nos Unigé-
niti tui nova per carnem natívitatis
liberet, quos sub peccáti iugo vetús-
ta sérvitus tenet. Per eundem, etc.

*Commemorationes SS. Stephani,
Joannis et Innocentium, ut supra in
Missa S. Thomæ, fol. 23.*

Léctio Epístolæ beáti Pauli Apóstoli
ad Titum. *Tít. 3.*

CARISSIME, Appáruit benigni-
tas, et humanitas Salvatóris
nostri Dei. Non ex opéribus justí-
tiæ, quæ fécimus nos, sed secúndum
suam misericórdiam salvos nos fecit
per lavácrum regeneratiónis, et re-
novatiónis Spíritus sancti, quem

effúdit in nos abúnde per Jesum
Christum Salvatórem nostrum : ut
justificáti grátia ipsíus, hærédes si-
mus secúndum spem vitæ æternæ,
in Christo Jesu Dómino nostro.

Graduale. Ps. 97. Vidérunt
omnes fines terræ salutáre Dei nos-
tri ; jubiláte Deo, omnis terra.

Ÿ. Notum fecit Dominus salutáre
suum : ante conspéctum Géntium
revelávit justítiam suam. Allelúia,
allelúia.

Ÿ. Dies sanctificátus illúxit no-
bis : veníte, Gentes, et adoráte Dó-
minum : quia hódie descéndit lux
magna super terram. Allelúia.

Sequéntia sancti Evangélii secún-
dum Lucam. *Luc. 2.*

IN illo témpore : Pastóres loque-
bántur ad invicem : Transeá-
mus usque Bétlehem, et videámus
hoc verbum, quod factum est, quod
Dóminus osténdit nobis. Et vené-
runt festinántes : et invenérunt
Mariam, et Joseph, et infántem
pósitum in præsépio. Vidéntes au-
tem cognovérunt de verbo, quod dic-
tum erat illis de púero hoc. Et
omnes qui audiérunt, miráti sunt,
et de his, quæ dicta erant a pastó-
ribus ad ipsos. Maria autem con-
servábat ómnia verba hæc, cónfe-
rens in corde suo. Et revérsi sunt
pastóres glorificántes, et laudántes
Deum in ómnibus quæ audierant et
viderant, sicut dictum est ad illos.

Credo.

Offertorium. Ps. 88. Tui sunt
cœli et tua est terra : orbem terrá-
rum, et plenitúdinem ejus tu fun-
dásti : justítia, et judícium præpa-
rátio sedis tuæ.

Secreta.

OBLATA, Dómine, múnera,
nova Unigéniti tui nativité
sanctifica, nosque a peccatórum

nostrorum máculis emúnda. Per eúndem Dóminum.

Secretæ SS. Stephani, Joannis et Innocentium, ut supra in Missa S. Thomæ, fol. 24.

Communio. Ps. 97. Vidérunt omnes fines terræ salutare Dei nostri.

Postcommunio.

PRÆSTA, quæsumus, omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largitor. Qui tecum vivit, etc.

Postcommuniones SS. Stephani, Joannis et Innocentium, ut supra in Missa S. Thomæ, fol. 24.

¶ *Si festum S. Silvestri venerit in Dominica, dicitur Missa de eo, cum Commemoratione Dominicæ et Octavarum.*

IN FESTO S. SILVESTRI, PAPÆ ET CONFESSORIS.

Introitus. Ps. 131.

SACERDOTES tui, Dómine, induant justítiam, et Sancti tui exúltent: propter David servum tuum non avértas faciém Christi tui.

Ps. ibid. Meménto, Dómine, David, et omnis mansuetúdinis ejus.

Ÿ. Glória Patri, et Filio, etc.

Oratio.

DA, quæsumus, omnipotens Deus: ut beáti Silvéstri Confessoris tui atque Pontíficis veneranda solémnitas, et devotióne nobis áugeat, et salútem. Per Dóminum, etc.

Commemorationes quatuor Octavarum, ut supra, fol. 23.

Léctio Epístolæ beáti Pauli Apóstoli ad Timótheum. 2 Tim. 4.

CARISSIME; Testificor coram Deo, et Jesu Christo, qui judicatúrus est vivos, et mórtuos, per advéntum ipsíus, et regnum ejus: prædica verbum, insta opportúne, importúne. árgue, óbseca, increpa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magistros, pruriéntes áuribus, et a veritate quidem auditum avértent, ad fábulas autem converténtur. Tu vero vigila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiósni meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solum autém mihi, sed et iis, qui diligunt advéntum ejus.

Graduale. Eccli. 44. Ecce sacerdos magnus, qui in diébus suis plácuit Deo.

Ÿ. Non est invéntus similis illi, qui conserváret legem Excélsi. Allelúia, allelúia.

Ÿ. *Ps. 88. Inveni David servum meum, óleo sancto meo unxi eum. Allelúia.*

Sequéntia sancti Evangélii secundum Lucam. Luc. 12.

IN illo témpore: Dixit Jesus discipulis suis: Sint lumbi vestri præcincti, et lucernæ ardéntes in manibus vestris, et vos símiles homínibus expectántibus dóminum suum, quando revertátur a núptiis: ut, cum vénerit, et pulsáverit, conféstim apérian eí. Beáti servi illi, quos cum vénerit dóminus, invénit vigilántes: Amen dico vobis,

quod præcinget se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, et non sineret perfodi domum suam. Et vos estote parati: quia qua hora non putatis, Filius hominis veniet.

Dicitur Credo.

Offertorium. Ps. 88. Inveni David servum meum, oleo sancto meo unxi eum, manus enim mea auxiliabitur ei, et brachium meum confortabit eum.

Secreta.

SANCTI tui nos, Domine, quaesumus, ubique lætificent: ut dum eorum merita recolimus, pa-

trocinia sentiamus. Per Dominum, etc.

Secretæ quatuor Octavarum, ut supra, fol. 24.

Communio. Matth. 24. Beatus servus, quem, cum venerit Dominus, invenerit vigilantem: Amen dico vobis, super omnia bona sua constituet eum.

Postcommunio.

PRÆSTA, quaesumus, omnipotens Deus; ut de percéptis munéribus grátias exhibéntes, intercedénte beato Silvéstro Confessore tuo atque Pontífice, beneficia potióra sumámus. Per Dominum, etc.

Postcommuniones quatuor Octavarum, ut supra, fol. 24.

IN CIRCUMCISIONE DOMINI, ET OCTAVA NATIVITATIS.

*Statio ad Sanctam Mariam trans
Tiberim.*

Introitus. Isa. 9.

PUER natus est nobis, et filius
datus est nobis: cujus impé-
rium super húmerum ejus: et vo-
cábitur nomen ejus, magni consilii
Angelus.

Ps. 97. Cantáte Dómino cánti-
cum novum, quia mirabília fecit.

V. Glória Patri, et Filio, etc.

Oratio.

DEUS, qui salutis æternæ, beá-
tæ Mariæ virginitate fœcún-
da, humano géneri præmia præsti-
tisti: tribue, quaesumus, ut ipsam
pro nobis intercédere sentiámus, per
quam merúimus auctórem vitæ sus-
cípere Dóminum nostrum Jesum
Christum Filium tuum. Qui tecum
vivit, etc.

Lectio Epistolæ beáti Pauli Apóstoli
ad Titum. *Tit. 2.*

CARISSIME, Appáruit grátia
Dei Salvatóris nostri ómnibus
homínibus, erúdiens nos, ut abne-
gántes impietátem et secularia de-
sidéria, sóbrie, et juste, et pie vivá-
mus in hoc século, expectántes
beátam spem, et advéntum glóriæ

magni Dei, et Salvatóris nostri Jesu
Christi, qui dedit semetípsum pro
nobis, ut nos redímeret ab omni
iniquitáte, et mundáret sibi pópu-
lum acceptábilem, sectatórem bo-
norum óperum. Hæc lóquere, et
exhortáre in Christo Jesu Dómino
nostro.

Graduale. Ps. 97. Vidérunt
omnes fines terræ salutáre Dei nos-
tri: jubiláte Deo, omnis terra.

V. Notum fecit Dóminus salu-
táre suum: ante conspéctum Gén-
tium revelávit justítiam suam. Al-
lelúia, allelúia.

V. Hebr. 1. Multifárie olim
Deus loquens pátribus in Prophétis,
novíssime diébus istis locútus est
nobis in Filio. Allelúia.

Sequéntia sancti Evangélíi secún-
dum Lucam. *Luc. 2.*

IN illo témpore: Postquam con-
summáti sunt dies octo, ut cir-
cumciderétur puer, vocátum est
nomen ejus Jesus, quod vocátum
est ab Angelo, priúsqvam in útero
conciperétur.

Credo.

Offertorium. Ps. 88. Tui sunt
cœli, et tua est terra: orbem
terrarum, et plenitúdinem ejus tu

fundásti : justítia, et judícium præparátio sedis tuæ.

Secreta.

MUNERIBUS nostris, quæsumus, Dómine, precibúsque susceptis ; et cœléstibus nos munda mystériis, et cleménter exáudi. Per Dóminum, etc.

Communio. Ps. 97. Vidérunt omnes fines terræ salutáre Dei nostri.

Postcommunio.

HÆC nos commúnio, Dómine, purget a crimine : et intercedénte beáta Vírgine Dei Genitríce María, cœléstis remédii fáciat esse consórtes. Per eúndem Dóminum nostrum, etc.

¶ *Si aliqua ex sequentibus Octavis in Dominica venerit, dicitur Missa de Octava : de Dominica vero nihil fit.*

IN OCTAVA SANCTI STEPHANI, PROTOMARTYRIS.

Totum Officium Missæ dicitur sicut in die, præter Orationem, quæ sequitur.

Oratio.

OMNIPOTENS sempitérne Deus, qui primítias Mártyrum in beáti Levítæ Stéphani ságuine dedicásti : tribue, quæsumus, ut pro nobis intercëssor exístat, qui pro suis étiam persecutóribus exorávit Dóminum nostrum Jesum Christum Fílium tuum. Qui tecum vivit, etc.

Et fit Commemoratio de Octava Sancti Joannis, et SS. Innocentium. Dicitur Credo, et Præfatio de Nativitate.

IN OCTAVA S. JOANNIS APOSTOLI ET EVANGELISTÆ.

Missa dicitur sicut in ejus Festo, cum Commemoratione de Sanctis Innocentibus tantum. Et dicitur Credo, et Præfatio de Apostolis.

IN OCTAVA SS. INNOCENTII.

Officium Missæ fit sicut in die, excepto quod Glória in excélsis, Allelúia, et Ite Missa est, dicuntur, et non dicitur Credo, nisi venerit in Dominica.

IN VIGILIA EPIPHANIÆ.

Statio ad Sanctum Petrum.

Introitus. Sap. 18.

DUM médium siléntium tenérent ómnia, et nox in suo cursu médium iter habéret, omnipotens sermo tuus, Dómine, de cœlis a regalibus sédibus venit.

Ps. 92. Dóminus regnávít, decórem indútus est : indútus est Dóminus fortitúdinem, et præcínxit se.

Ÿ. Glória Patri, et Fílio, etc.

Oratio.

OMNIPOTENS sempitérne Deus, dirige actus nostros in beneplácito tuo : ut in nómine dilécti Fílii tui, mereámur bonis opéribus abundáre. Qui tecum vivit, et regnat, etc.

Pro Commemoratione Sancti Telesphori Papæ et Martyris.

Oratio.

DEUS, qui nos beáti Telésphori Mártyris tui, atque Pontíficis ánnua solemnité lætíficas : con-

cède propitius, ut cujus natalitia cõlimus, de ejusdem etiã protec-
tione gaudeamus.

De Sancta Maria. Oratio.

DEUS, qui salutis æternæ, be-
tæ Mariæ virginitate fœcunda,
humano generi præmia præstitisti:
tribue, quæsumus, ut ipsam pro
nobis intercédere sentiãmus, per
quam meruimus auctorem vitæ sus-
cipere, Dõminum nostrum Jesum
Christum Filium tuum. Qui te-
cum vivit, et regnat in unitate,
etc.

Lectio Epistolæ beati Pauli Apóstoli
ad Gálatas. *Galat. 4.*

FRATRES, Quanto tẽpore
hæres pãrvulus est, nihil dif-
fert a servo, cum sit dõminus om-
nium: sed sub tutoribus, et actõ-
ribus est usque ad præfinitum
tempus a patre: ita et nos cum
essẽmus pãrvuli, sub elementis
mundi erãmus serviẽtes. At ubi
venit plenitudo tẽporis, misit Deus
Filiũ suum, factum ex muliere,
factum sub lege; ut eos, qui sub
lege erant, redimeret; ut adoptiõ-
nem filiõrum reciperẽmus. Quõ-
niam autem estis filii, misit Deus
spiritum Filii sui in corda vestra,
clamãntem: Abba, Pater. Itaque
jam non est sãrvus, sed filius.
Quod si filius, et hæres per De-
um.

Graduale. Ps. 44. Speciõsus
forma prae filiis hominum, diffusa
est grãtia in labiis tuis.

Ÿ. Eructãvit cor meum verbum
bonum, dico ego ópera mea regi.
Lingua mea calamus scribæ velõci-
ter scribẽtis. Allelúia, allelúia.

Ÿ. *Ps. 92.* Dõminus regnãvit,
decõrem induit: induit Dõminus
fortitudinem, et præcinxit se virtute.
Allelúia.

Sequẽtia sancti Evangelii secun-
dum Matthæum. *Matth. 2.*

IN illo tẽpore, Defuncto Heró-
de, ecce Angelus Dõmini ap-
pãruit in somnis Joseph in Ægypto,
dicens: Surge, et accipe puerum,
et matrem ejus, et vade in terram
Israël: defuncti sunt enim, qui
quærebant animam pueri. Qui
consurgens, accepit puerum, et ma-
trem ejus, et venit in terram Israël.
Audiens autem quod Archelãus
regnaret in Judæa pro Heróde
patre suo, tímuit illo ire: et admõ-
nitus in somnis, secæssit in partes
Gálilææ. Et veniens habitãvit in
civitãte, quæ vocãtur Nãzareth: ut
adimpleretur quod dictum est per
Prophetas: Quõniam Nazaræus
vocãbitur.

Offertorium. Ps. 92. Deus fir-
mãvit orbem terræ, qui non commo-
vẽbitur: parãta sedes tua, Deus, ex
tunc, a siculo tu es.

Secreta.

CONCEDE, quæsumus, omni-
potens Deus, ut óculis tuæ
majestãtis munus oblãtum, et grã-
tiam nobis piæ devotiõnis obtineat,
et effectum beatæ perennitãtis ac-
quirat. Per Dõminum.

De Sancto Telesphoro.

Secreta.

MUNERA tibi, Dõmine, dicãta
sanctifica: et intercedente
beato Telẽsphoro Mãytre tuo atque
Pontífice, per eãdem nos placãtus
intẽnde.

De Sancta Maria. Secreta.

MUNERIBUS nostris, quæsu-
mus, Dõmine, precibûsque
susceptis; et cõlestibus nos munda
mystériis, et clemẽter exãudi.
Per Dõminum, etc.

Communio. Matth. 2. Tolle
puerum, et matrem ejus, et vade in

terram Israël : defuncti sunt enim, qui quærebant animam pueri.

Postcommunio.

PER hujus, Dómine, operationem mystérii, et vicia nostra purgéntur, et justa desidéria compleántur. Per Dóminum nostrum, etc.

De Sancto Telesphoro.

Postcommunio.

REFFECTI participatióne muneris sacri, quæsumus, Dó-

mine Deus noster : ut cujus exequimur cultum, intercedente beáto Telésphoro Mártire tuo atque Pontífice, sentiámus effectum.

De Sancta Maria.

Postcommunio.

HÆC nos commúnio, Dómine, purget a crimine : et intercedente beáta Virgine Dei Genitrice María, cœlestis remédii fáciat esse consórtes. Per eúmdem Dóminum nostrum, etc.

IN EPIPHANIA DOMINI.

Statio ad Sanctum Petrum.

Introitus. Malach. 3.

ECCE advénit dominátor Dóminus, et regnum in manu ejus, et potéstas, et impérium.

Ps. 71. Deus, judícium tuum Regi da, et justítiam tuam Filio Regis.

Ÿ. Glória Patri, et Filio, etc.

Oratio.

DEUS, qui hodiérna die Unigénitum tuum Géntibus stella duce revelásti: concéde propítius, ut, qui jam te ex fide cognóvimus, usque ad contemplándam spéciem tuæ celsitúdinis perducamur. Per eúmdem Dóminum, etc.

Léctio Isaíæ Prophétæ. Isa. 60.

SURGE, illumináre Jerúsalem: quia venit lumen tuum, et glória Dómini super te orta est. Quia ecce ténebræ opérient terram, et caligo pópulos: super te autem oriétur Dóminus, et glória ejus in te vidébitur. Et ambulábunt Gentes in lúmine tuo, et reges in splendóre ortus tui. Leva in circúitu oculos tuos, et vide. Omnes isti congregáti sunt, venérunt tibi: filii tui de longe vénient, et filiæ tuæ de látere surgent. Tunc vidébis, et áfflues, et mirábitur, et dilatábitur cor tuum, quando convérsta fúerit

ad te multitúdo maris, fortitúdo géntium vénerit tibi. Inundátio camelórum opériet te, dromedárii Mádian, et Ephá. Omnes de Saba vénient, áurum et thus deferéntes, et láudem Dómino annuntiántes.

Graduale. Ibid. Omnes de Saba vénient, áurum et thus deferéntes, et láudem Dómino annuntiántes.

Ÿ. Surge, et illumináre, Jerúsalem: quia glória Dómini super te orta est. Allelúia, allelúia.

Ÿ. Matth. 2. Vidimus stellam ejus in Oriénte; et vénimus cum munéribus adoráre Dóminum. Allelúia.

Sequéntia sancti Evangélíi secúndum Matthæum. Matth. 2.

CUM natus esset Jesus in Bétlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est Rex Judæórum? Vidimus enim stellam ejus in Oriénte, et vénimus adoráre eum. Audiens autem Heródes rex, turbátus est, et omnis Jerosólyma cum illo. Et cóngregans omnes príncipes sacerdótum, et Scribas pópuli, sciscitabátur ab eis, ubi Christus nascerétur. At illi dixerunt ei: In Bétlehem Judæ: sic enim scriptum est per Prophétam: Et tu, Bétlehem terra Juda, nequáquam

mínima es in princípibus Juda : ex te enim éxiet dux, qui regat pópulum meum Israël. Tunc Heródes, clam vocátis Magis, diligénter didicit ab eis tempus stellæ, quæ apparuit eis, et mittens illos in Béthlehem, dixit : Ite, et interrogáte diligénter de púero : et cum invénieritis, renuntiáte mihi, ut et ego véniens adórem eum. Qui, cum audissent regem, abiérunt. Et ecce stella, quam viderant in Oriente, antecédébat eos, usque dum véniens staret supra, ubi erat puer. Vidéntes autem stellam, gavísi sunt gáudio magno valdè. Et intrántes domum, invénérunt púerum cum María matre ejus, (*Hic genu flectitur*), et procidéntes adoravérunt eum. Et apértis thesáuris suis, obtulérunt ei múnera, áurum, thus, et myrrham. Et respónso accépto in somnis, ne redírent ad Heródem, per áliam viam revérsi sunt in regiónem suam.

Credo.

Offertorium. Ps. 71. Reges Tharsis, et insulæ múnera ófferent. Reges Arabum, et Saba dona addúcent. Et adorábunt eum omnes reges terræ, omnes Gentes sérvient ei.

Secreta.

ECCELESIE tuæ, quæsumus, Dómine, dona propítius intuére : quibus non jam aurum, thus, et myrrha profértur ; sed quod eisdem munéribus declarátur, immolátur, et súmitur, Jesus Christus Filius tuus Dóminus noster. Qui tecum vivit.

Præfatio. Quia cum Unigénitus tuus.

Et infra actionem. Communicántes, et diem sacratíssimum, ut in *Præfationibus* ; et dicuntur per totam *Octavam*.

Communio. Matth. 2. Vidimus stellam ejus in Oriente, et vénimus cum munéribus adoráre Dóminum.

Postcommunio.

PRÆSTA, quæsumus, omnipotens Deus ; ut quæ solénni celebrámus officio, purificatæ mentis intelligéntia consequámur. Per Dóminum nostrum, etc.

¶ *Infra Octavam Epiphaniæ fit idem Officium, quod in die ; et post Orationem diei dicuntur Orationes, Deus, qui salútis, et Ecclesiæ tuæ, vel pro Papa, Deus, ómnium fidélium, ut infra in Dominica secunda post Epiphaniam, fol. 37.*

¶ *De Festis Duplicibus, et Semiduplicibus, quæ infra Octavam veniunt, nihil tunc agitur (nisi tantum de Patrono, vel Titulari Ecclesiæ, et de Dedicatione ejusdem, in propria Ecclesia, non tamen in die Octava) ; sed peracta Octava celebrantur : de Simplicibus vero fit tantum Commemoratio.*

¶ *In Dominica infra Octavam Epiphaniæ, Missa dicitur ut infra. Quod si Epiphania venerit in Dominica, ipsa Missa Dominicæ dicitur in Sabbato infra Octavam ; et in die Octava nihil fit de Dominica.*

DOMINICA INFRA OCTAVAM EPIPHANIE.

Introitus.

IN excélso throno vidi sedére virum, quem adórat multitúdo Angelórum psalléntes in unum. Ecce cujus impérii nomen est in ætérnum.

Ps. 99. Jubiláte Deo omnis terra ; servíte Dómino in lætítia.

℟. Glória Patri, etc.

Oratio.

VOTA, quæsumus, Dómine, supplicántis pópuli cælesti pietáte proséquere : ut et quæ agén-

da sunt, videant, et ad implenda quæ viderint convalescant. Per Dóminum nostrum.

Commemoratio Octavæ Epiphaniæ, ut supra, fol. 33.

Lectio Epistolæ beati Pauli Apóstoli ad Romános. *Rom. 12.*

FRATRES, Obsecro vos per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic século, sed reformámini in novitate sensus vestri: ut probétiis, quæ sit volúntas Dei bona, benéplacens, et perfécta. Dico enim per grátiam, quæ data est mihi, ómnibus qui sunt inter vos: Non plus sápere, quam opórtet sápere, sed sápere ad sobrietátem, et unicuique sicut Deus divisit mensúram fidei. Sicut enim in uno corpore multa membra habémus, ómnia autem membra non eúndem actum habent: ita multi unum corpus sumus in Christo, singuli autem alter altérius membra, in Christo Jesu Dómino nostro.

Graduale. Ps. 71. Benedictus Dóminus Deus Israël, qui facit mirabilia magna solus a século.

Ÿ. Suscipiant montes pacem pópulo tuo, et colles justítiam. Allelúia, allelúia.

Ÿ. Ps. 99. Jubiláte Deo omnis terra, servíte Dómino in lætítia. Allelúia.

Sequéntia sancti Evangélíi secúndum Lucam. *Luc. 2.*

CUM factus esset Jesus annórum duódecim, ascendéntibus illis Jerosólymam secúndum consuetúdinem diéi festi, consummatisque diébus, cum redirent, remánsit puer Jesus in Jerúsalem, et non

cognovérunt paréntes ejus. Existimántes autem illum esse in comitatu, venérunt iter diéi, et requirébant eum inter cognátos, et notos. Et non inveniéntes, regressi sunt in Jerúsalem, requiréntes eum. Et factum est, post trídium invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant, super prudéntia, et respónsis ejus. Et vidéntes admiráti sunt. Et dixit mater ejus ad illum: Fili, quid fecisti nobis sic? ecce pater tuus, et ego doléntes quærebámus te. Et ait ad illos: Quid est, quod me quærebátis? nesciebátis, quia in his, quæ Patris mei sunt, opórtet me esse? Et ipsi non intellexérunt verbum quod locútus est ad eos. Et descendit cum eis, et venit Náza-reth. Et erat súbditus illis. Et mater ejus conservábat ómnia verba hæc in corde suo. Et Jesus proficiébat sapiéntia, et ætáte, et grátia apud Deum, et hómines.

Credo.

Offertorium. Ps. 99. Jubiláte Deo omnis terra, servíte Dómino in lætítia: intráte in conspéctu ejus in exultatióne: quia Dóminus ipse est Deus.

Secreta.

OBLATUM tibi, Dómine, sacrificium vivíficet nos semper et múniat. Per Dóminum nostrum, etc.

De Epiphania. Secreta, ut supra, fol. 34.

Communio. Luc. 2. Fili, quid fecisti nobis sic? ego, et pater tuus doléntes quærebámus te. Et quid est, quod me quærebátis? nesciebátis, quia in his, quæ Patris mei sunt, opórtet me esse.

Postcommunio.

SUPPLICES te rogâmus, omnipotens Deus, ut quos tuis réficis sacraméntis, tibi étiam plácitis móribus dignâter deservíre concédas. Per Dóminum.

De Epiphania. Postcommunio, ut supra, fol. 34.

IN OCTAVA EPIPHANIÆ.

Introitus. Malach. 3.

ECCE advénit dominátor Dóminus: et regnum in manu ejus, et potéstas, et impérium.

Ps. 71. Deus, judícium tuum Regi da, et justitiam tuam filio Regis.

V. Glória Patri, etc.

Oratio.

DEUS, cujus Unigénitus in substantia nostræ carnis apparuit: præsta, quæsumus, ut per eum, quem similem nobis foris agnóvimus, intus reformári mereámur. Qui tecum vivit, etc.

Lectio Isaïæ Prophætæ. Isa. 60.

SURGE, illumináre, Jerúsalem: quia venit lumen tuum, et glória Dómini super te orta est. Quia ecce ténebræ opérient terram, et caligo pópulos; super te autem oriétur Dóminus, et glória ejus in te vidébitur. Et ambulábunt Gentes in lúmine tuo, et reges in splendóre ortus tui. Leva in circúitu óculos tuos, et vide: Omnes isti congregáti sunt, venérunt tibi: filii tui de longè vénient, et filiæ tuæ de látere surgent. Tunc vidébis, et áfflues, et mirábitur, et dilatábitur cor tuum, quando convérta fúerit ad te multitúdo maris, fortitúdo gentium vénerit tibi. Inundátio camelórum opériet te, dromedárii Máidian, et Ephā. Omnes de Saba

vénient, aurum et thus deferéntes, et laudem Dómino annuntiántes.

Graduale. Ibid. Omnes de Saba vénient, aurum et thus deferéntes, et laudem Dómino annuntiántes.

V. Surge, et illumináre, Jerúsalem: quia glória Dómini super te orta est. Allelúia, allelúia.

V. Matth. 2. Vidimus stellam ejus in Oriénte, et vénimus cum munéribus adoráre Dóminum. Allelúia.

Sequéntia sancti Evangélíi secúndum Joánnem. *Joann. 1.*

IN illo témpore: Vidit Joánnes Jesum veniéntem ad se, et ait: Ecce Agnus Dei, ecce qui tollit peccátum mundi. Hic est, de quo dixi: Post me venit vir, qui ante me factus est: quia prior me erat. Et ego nesciébam eum, sed ut manifestétur in Israël, proptérea veni ego in aqua baptizans. Et testimónium perhibuit Joánnes, dicens: Quia vidi Spíritum descendéntem, quasi colúmbam, de cœlo, et mansit super eum. Et ego nesciébam eum: sed qui misit me baptizáre in aqua, ille mihi dixit: Super quem videris Spíritum descendéntem, et manéntem super eum, hic est, qui baptizat in Spíritu sancto. Et ego vidi, et testimónium perhibui, quia hic est Fílius Dei.

Credo.

Offertorium. Ps. 71. Reges Tharsis, et insulæ múnera offerent. Reges Arabum et Saba dona addúcent. Et adorábunt eum omnes reges terræ, omnes Gentes sérvient ei.

Secreta.

HOSTIAS tibi, Dómine, pro nati Fílii tui apparitióne deferimus, suppliciter exorántes: ut

sicut ipse nostrorum áuctor est munerum, ita sit ipse miséricors et susceptor, Jesus Christus Dóminus noster. Qui tecum vivit, etc.

Communio. Matth. 2. Vidimus stellam ejus in Oriënte, et vénimus cum munéribus adoráre Dóminum.

Postcommunio.

CÆLESTI lúmine, quæsumus, Dómine, semper, et ubique nos præveni : ut mystérium, cujus nos partícipes esse voluisti, et puro cernámus intúitu, et digno percipiámus afféctu. Per Dóminum, etc.

¶ *Ab Octava Epiphaniæ usque ad Purificationem, nisi fuerit Duplex, post Orationem diei, dicuntur istæ Orationes : Deus, qui salutis, et Ecclesiæ tuæ, vel Deus, ómnium fidélium, ut infra in Dominica secunda post Epiphaniam.*

¶ *Si tempus breve fuerit ab Octava Epiphaniæ usque ad Septuagesimam, ita ut Officia sequentium Dominicarum non possint expleri suis diebus, Officia illarum quæ supersunt post Dominicam secundam post Epiphaniam, eo anno omittuntur, et resumuntur (quoad Orationem, Epistolam et Evangelium dumtaxat) post Dominicam XXIII post Pentecosten ; ut ibi dicitur in Rubrica.*

¶ *Si Dominica Septuagesimæ venerit sequenti Dominica post Octavam Epiphaniæ, in præcedenti Sabbato, si non est impeditum Festo Semiduplici, dicitur Missa de Dominica secunda post Epiphaniam cum commemoratione Festi Simplicis, si in eo occurrat. Si vero Sabbatum fuerit impeditum Festo Semiduplici, tunc prima die post Octavam Epiphaniæ, in qua non sit Festum Duplex, dicitur Missa de secunda Dominica, et Festum Semiduplex in ea occurrens, transfertur in primam diem similiter non impeditam.*

DOMINICA SECUNDA POST EPIPHANIAM.

Introitus. Ps. 65.

OMNIS terra adóret te, Deus, et psallat tibi : psalmum dicat nómini tuo, Altíssime.

Ps. ibid. Jubilate Deo omnis terra, psalmum dicite Nómini ejus : date glóriam láudi ejus.

Ÿ. Glória Patri, et Filio, etc.

Dicitur Glória in excélsis, in Dominicis usque ad Septuagesimam exclusive : in Ferialibus vero diebus, quando resumitur Missa de Dominica præcedenti, non dicitur. Quod servatur etiam post Pentecosten.

Oratio.

OMNIPOTENS sempitérne Deus, qui cœlestia simul et terrena moderáris : supplicatiónes populi tui cleménter exáudi, et pacem tuam nostris concéde temporibus. Per Dóminum, etc.

De Sancta Maria. Oratio.

DEUS, qui salutis æternæ, beatæ Mariæ virginitate fœcunda, humano géneri præmia præstitisti : tribue, quæsumus, ut ipsam pro nobis intercédere sentiámus, per quam meruimus auctórem vitæ suscipere Dominum nostrum Jesum Christum Fílium tuum.

Contra persecutores Ecclesiæ.

Oratio.

ECCLESIAE tuæ, quæsumus, Dómine, preces placátus admítte : ut, destrúctis adversitatibus et erróribus univérsis, secúra tibi sérviat libertáte. Per, etc.

Vel pro Papa. Oratio.

DEUS, ómnium fidélium Pastor et Rector, fámulum tuum N., quem Pastórem Ecclesiæ tuæ præesse voluisti, propítius respice : da ei, quæsumus, verbo et exémplo, quibus præest, proficere ; ut ad vi-

tam, una cum grege sibi crédito, perveniat sempiternam. Per, etc.

Lectio Epistolæ beati Pauli Apostoli ad Romanos. Rom. 12.

FRATRES, Habentes donationes secundum gratiam, quæ data est nobis, differentes; sive prophetiam, secundum rationem fidei; sive ministerium, in ministrando; sive qui docet, in doctrina; qui exhortatur, in exhortando; qui tribuit, in simplicitate; qui præest, in sollicitudine; qui miseretur, in hilaritate. Dilectio, sine simulatione. Odientes malum, adherentes bono: caritate fraternitatis invicem diligentes: honore invicem prævenientes: sollicitudine non pigri: spiritu ferventes: Domino serviens: spe gaudentes: in tribulatione patientes: orationi instantes: necessitatibus sanctorum communicantes: hospitalitatem sectantes. Benedicite persequentibus vos: benedicite, et nolite maledicere. Gaudere cum gaudentibus, flere cum flentibus, idipsum invicem sentientes. Non alta sapientes, sed humilibus consentientes.

Graduale. Ps. 106. Misit Dominus verbum suum, et sanavit eos, et eripuit eos de interitu eorum.

V. Confiteantur Domino misericordiae ejus, et mirabilia ejus filiis hominum. Allelúia, allelúia.

V. Ps. 148. Laudate Dominum, omnes Angeli ejus. Laudate eum, omnes virtutes ejus. Allelúia.

Sic dicitur Allelúia, cum versu post Graduale, ab Octava Epiphaniæ usque ad Septuagesimam, et ab Octava Pentecostes usque ad Adventum, etiam intra Hebdomadam, quando resumitur Missa de Dominica.

Sequentia sancti Evangelii secundum Joannem. Joann. 2.

IN illo tempore, Nuptiæ factæ sunt in Cana Galilææ, et erat

Mater Jesu ibi. Vocatus est autem et Jesus, et discipuli ejus ad nuptias. Et deficiente vino, dicit Mater Jesu ad eum: Vinum non habent. Et dicit ei Jesus: Quid mihi et tibi est, mulier? nondum venit hora mea. Dicit Mater ejus ministris: Quodcunque dixerit vobis, facite. Erant autem ibi lapideæ hydræ sex, positiæ secundum purificationem Judæorum, capientes singulæ metretas binas vel ternas. Dicit eis Jesus: Implète hydras aqua. Et impleverunt eas usque ad summum. Et dicit eis Jesus: Haurite nunc, et ferte architriclino. Et tulerunt. Ut autem gustavit architriclinus aquam vinum factam, et non sciebat unde esset, ministri autem sciebant qui hauserant aquam, vocat sponsum architriclinus, et dicit ei: Omnis homo primum bonum vinum ponit, et cum inebriati fuerint, tunc id quod deterius est; tu autem servasti bonum vinum usque adhuc. Hoc fecit initium signorum Jesus in Cana Galilææ: et manifestavit gloriam suam, et crediderunt in eum discipuli ejus.

Dicitur Credo.

Offertorium. Ps. 65. Jubiláte Deo, universa terra, psalmum dicite nomini ejus. Veníte, et audite, et narrabo vobis, omnes qui timetis Deum, quanta fecit Dominus animæ meæ. Allelúia.

Secreta.

OBLATA, Domine, múnera sanctifica, nosque a peccatorum nostrorum maculis emúnda. Per Dominum, etc.

De S. Maria.

Secreta.

MUNERIBUS nostris, quæsumus, Domine, precibusque susceptis; et cælestibus nos munda mysteriis, et clementer exaudi.

Contra persecutores Ecclesiæ.

Secreta.

PROTEGE nos, Dómine, tuis mystériis serviéntes : ut divínis rebus inhæréntes, et córpore tibi famulémur, et mente. Per, etc.

Vel pro Papa.

Secreta.

OBLATIS, quæsumus, Dómine, placáre munéribus : et fámulum tuum *N.*, quem Pastórem Ecclesiæ tuæ præesse voluísti, assídua protectióne gubérna. Per, etc.

Communio. Joann. 2. Dicit Dóminus : Impléte hydrias aqua, et ferte architriclino. Cum gustásset architriclínus aquam vinum factam, dicit sponso : Servásti bonum vinum usque adhuc. Hoc signum fecit Jesus primum coram discípulis suis.

Postcommunio.

AUGEATUR in nobis, quæsumus, Dómine, tuæ virtútis operatio : ut divínis vegetáti sacraméntis, ad eórum promissa capiéndam, tuo múnere, præparémur. Per Dóminum.

De S. Maria. Postcommunio.

HÆC nos commúnio, Dómine, purget a crimine : et, intercedente beáta Virgine Dei genitrice María, cœléstis remédii fáciat esse consórtes.

Contra persecutores Ecclesiæ.

Postcommunio.

QUÆSUMUS, Dómine, Deus noster, ut quos divína tribuís participatióne gaudere, humánis non sinas subjacere periculis. Per Dóminum, etc.

Vel pro Papa. Postcommunio.

HÆC nos, quæsumus, Dómine, divíni sacraménti percéptio protégat : et fámulum tuum *N.*,

quem Pastórem Ecclesiæ tuæ præesse voluísti, una cum commisso sibi grege, salvet semper et múniat. Per Dóminum, etc.

DOMINICA TERTIA POST EPIPHANIAM.

Introitus. Ps. 96.

ADORATE Deum, omnes Angeli ejus : audívit, et lætáta est Sion : et exultavérunt filiae Judæ.

Ps. ibid. Dóminus regnávít, exúltet terra : læténtur ínsulæ multæ.
Ÿ. Glória Patri, et Filio.

Oratio.

OMNIPOTENS sempitérne Deus, infirmitátem nostram propítius réspice : atque ad protegéndum nos, dexteram tuæ majestátis exténde. Per Dóminum, etc.

Aliæ Orationes ut in Dominica præcedenti, fol. 37.

Léctio Epístolæ beáti Pauli Apóstoli ad Romanos. *Rom. 12.*

FRATRES, Nolite esse prudentes apud vosmetipsos : nulli malum pro malo reddéntes : providéntes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes : non vosmetipsos defendéntes, caríssimi, sed date locum iræ. Scriptum est enim : Mihi vindicta ; ego retribuam, dicit Dóminus. Sed si esurierit inimicus tuus, ciba illum ; si sitit, potum da illi : hoc enim fáciens, carbónes ignis cóngeres super caput ejus. Noli vinci a malo, sed vince in bono malum.

Graduale. Ps. 101. Timébunt gentes nomen tuum, Dómine, et omnes reges terræ glóriam tuam.

Ÿ. Quóniam ædificávit Dómi-

nus Sion, et vidébitur in majestáte sua. Allelúia, allelúia.

Ÿ. Ps. 96. Dóminus regnávít, exúltet terra, læténtur ínsulæ multæ. Allelúia.

Sequéntia sancti Evangélli secúndum Matthæum. *Matth. 8.*

IN illo témpore, Cum descendisset Jesus de monte, secútæ sunt eum turbæ multæ. Et ecce leprósus véniens adorábat eum, dicens: Dómine, si vis, potes me mundáre. Et exténdens Jesus manum, tétigit eum, dicens: Volo, Mundáre. Et conféstim mundáta est lepra ejus. Et ait illi Jesus: Vide, némini díxeris; sed vade, osténde te sacerdoti, et offer munus, quod præcépít Móyses in testimónium illis. Cum autem introísset Caphárnaum, accéssit ad eum Centúrio, rogans eum, et dicens: Dómine, puer meus jacet in domo paralyticus, et male torquétur. Et ait illi Jesus: Ego véniam, et curábo eum. Et respóndens Centúrio, ait: Dómine, non sum dignus, ut intres sub tectum meum; sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites; et dico huic: Vade, et vadit; et álíi: Veni, et venit; et servo meo: Fac hoc, et facit. Audiens autem Jesus, mirátus est, et sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriénte et Occidénte vénient, et recúmbent cum Abraham, et Isaac, et Jacob in regno cœlórum; filii autem regni ejiciéntur in ténebras exterióres: ibi erit fletus et stridor déntium. Et dixit Jesus Centurióni: Vade, et sicut credidísti, fiat tibi. Et sanátus est puer in illa hora.

Credo.

Offertorium. Ps. 117. Dêxtera Dómini fecit virtútem, dêxtera Dómini exaltávit me: non móriar, sed vivam, et narrábo ópera Dómini.

Secreta.

HÆC hóstia, Dómine, quæsumus, emúndet nostra delícta, et ad sacrificium celebrándum, subditórum tibi córpora, mentésque sanctíficet. Per Dóminum, etc.

Aliæ Secretæ ut in Dominica præced., fol. 38.

Communio. Luc. 4. Mirabántur omnes de his, quæ procedébant de ore Dei.

Postcommunio.

QUOS tantis, Dómine, largíris uti mystériis, quæsumus, ut effectibus nos eórum veráriter aptáre dignéris. Per Dóminum, etc.

Aliæ Postcommuniones ut in Dominica præced., fol. 39.

DOMINICA QUARTA POST EPIPHANIAM.

Introitus. Ps. 96.

ADORATE Deum omnes Angeli ejus: audivit, et lætáta est Sion: et exultavérunt filiæ Judæ.

Ps. ibid. Dóminus regnávít, exúltet terra, læténtur ínsulæ multæ.

Ÿ. Glória Patri, etc.

Oratio.

DEUS, qui nos in tantis perículis constitútos, pro humána scis fragilitáte non posse subsistere: da nobis salútem mentis et córporis; ut ea quæ pro peccátis nostris pátimur, te adjuvánte, vincámus. Per Dóminum, etc.

Aliæ Orationes ut in Dominica II. post Epiphaniam, fol. 37.

¶ *Si autem hæc Dominica venerit post festum Purificationis, dicitur secunda Oratio, A cunctis nos, ut infra in Dominica sequenti, et tertia ad libitum Sacerdotis.*

Lectio Epistolæ beati Pauli Apostoli ad Romanos. *Rom. 13.*

FRATRES, Nēmini quidquam debeātis, nisi ut invicem diligātis : qui enim diligit prōximum, legem implēvit. Nam : Non adulterābis : non occīdes : non furāberis : non falsum testimōnium dices : non concupīscēs ; et si quod est aliud mandātum, in hoc verbo instaurātur, Diliges prōximum tuum sicut teipsum. Dilēctio prōximi malum non operātur. Plenitūdo ergo legis est dilēctio.

Graduale. Ps. 101. Timēbunt Gentes nomen tuum, Dōmine, et omnes reges terræ glōriam tuam.

Ÿ. Quōniam ædificāvit Dōminus Sion, et vidēbitur in majestāte sua. Allelūia, allelūia.

Ÿ. *Ps. 96.* Dōminus regnāvit, exūltet terra : lætēntur insulæ multæ. Allelūia.

Sequēntia sancti Evangēlii secūndum Matthæum. *Matt. 8.*

IN illo tēmpore, Ascendēte Jesu in navīculam, secūti sunt eum discipuli ejus. Et ecce motus magnus factus est in mari, ita ut navicula operirētur fluctibus ; ipse vero dormiēbat. Et accessērunt ad eum discipuli ejus, et suscitavērunt eum, dicētes : Dōmine, salva nos, perimus. Et dicit eis Jesus : Quid tīmidi estis, mōdicæ fidei ? Tunc surgens, imperāvit ventis et mari, et facta est tranquillitas magna. Porro hōmines mirāti sunt, dicētes : Qualis est hic, quia venti et mare obēdiunt ei ?

Dicitur Credo.

F

Offertorium. Ps. 117. Dēxtera Dōmini fecit virtutem, dēxtera Dōmini exaltāvit me : non mōriar, sed vivam, et narrābo ōpera Dōmini.

Secreta.

CONCEDE, quæsumus, omnipotens Deus, ut hujus sacrificii munus oblātum, fragilitatem nostram ab omni malo purget semper, et mūniat. Per Dōminum, etc.

Aliæ Secretæ ut in Dominica II. post Epiphaniam, fol. 38.

Communio. Luc. 4. Mirabāntur omnes de his quæ procedēbant de ore Dei.

Postcommunio.

MUNERA tua nos, Deus, a delectatiōnibus terrēnis expēdiant, et cōlestibus semper instāurent alimētis. Per, etc.

Aliæ Postcommuniones ut in Dominica II. post Epiphaniam, fol. 39.

DOMINICA QUINTA POST EPIPHANIAM.

Introitus. Ps. 96.

ADORATE Deum, omnes Angeli ejus : audīvit, et lætāta est Sion : et exultavērunt filiæ Judæ.

Ps. ibid. Dōminus regnāvit, exūltet terra, lætēntur insulæ multæ.

Ÿ. Glōria Patri, etc.

Oratio.

FAMILIAM tuam, quæsumus, Dōmine, continua pietāte custōdi : ut, quæ in sola spe grātiae cōlestis innītitur, tua semper protectiōne muniātur. Per, etc.

Ad poscenda suffragia Sanctorum.

Oratio.

ACUNCTIS nos, quæsumus, Dōmine, mentis et cōporis

defende periculis : et intercedente beata et gloriosa semper Virgine Dei genitrice Maria, cum beatis Apóstolis tuis Petro et Paulo, atque beato *N.*, et ómnibus Sanctis, salutem nobis tribue benignus et pacem ; ut, destrúctis adversitatibus, et erroribus univérsis, Ecclésia tua secúra tibi sérviat libertáte. Per eúmdem Dóminum, etc.

In hac Oratione nomina Sanctorum Michaelis, Joannis Baptistæ, et Joseph præponuntur Apostolis.

Tertia Oratio dicitur ad libitum Sacerdotis.

Lectio Epístolæ beati Pauli Apóstoli ad Colossenses. *Coloss. 3.*

FRATRES, Indúite vos, sicut elécti Dei, sancti, et dilécti, viscera misericórdiæ, benignitatem, humilitatem, modéstiam, patientiam : supportantes invicem, et donantes vobismetipsis, si quis adversus aliquem habet querelam : sicut et Dóminus donávit vobis, ita et vos. Super ómnia autem hæc, caritatem habéte, quod est vinculum perfectiónis : et pax Christi exúltet in córdibus vestris, in qua et vocáti estis in uno corpore ; et grati estóte. Verbum Christi hábitet in vobis abundanter, in omni sapientia docéntes, et commonéntes vosmetipsos, psalmis, hymnis, et cánticis spirituálibus, in grátia cantantes in córdibus vestris Deo. Omne quodcúmque fácitis in verbo, aut in ópere, ómnia in nómine Dómini Jesu Christi, grátias ágéntes Deo et Patri, per Jesum Christum Dóminum nostrum.

Graduale. Ps. 101. Timébunt Gentes nomen tuum, Dómine, et omnes reges terræ glóriam tuam.

V. Quóniam ædificávit Dóminus Sion, et vidébitur in majestáte sua. Allelúia, allelúia.

V. Ps. 96. Dóminus regnávit, exúltet terra, læténtur insulæ mullæ. Allelúia.

Sequéntia sancti Evangélíi secúndum Matthæum. *Matth. 13.*

IN illo témpore, Dixit Jesus turbis parabolam hanc : Símile factum est regnum cœlórum hómini qui seminávit bonum semen in agro suo. Cum autem dormirent hómines, venit inimicus ejus, et superseminávit zizánia in médio trítici, et abiit. Cum autem crevisset herba, et fructum fecisset, tunc apparuérunt et zizánia. Accedéntes autem servi patrisfámiliæ, dixerunt ei : Dómine, nonne bonum semen seminásti in agro tuo ? Unde ergo habet zizánia ? Et ait illis : Inimicus homo hoc fecit. Servi autem dixerunt ei : Vis, imus et collígimus ea ? Et ait : Non, ne forte colligéntes zizánia, eradicétis simul cum eis et tríticum. Sinite útraque créscere usque ad messem, et in témpore messis dicam messóribus : Collígite primum zizánia, et alligáte ea in fascículos ad comburendum, tríticum autem congregáte in hórreum meum.

Dicitur Credo.

Offertorium. Ps. 117. Dextera Dómini fecit virtútem, dextera Dómini exaltávit me : non móriar, sed vivam, et narrábo ópera Dómini.

Secreta.

HOSTIAS tibi, Dómine, placationis offérimus : ut et delicta nostra miserátus absólvas, et nutántia corda tu dirigas. Per, etc.

Ad poscenda suffragia Sanctorum.

Secreta.

EXAUDI nos, Deus, salutáris noster : ut per hujus sacraménti virtútem, a cunctis nos mentis et corpóris hóstibus tueáris, grá-

tiam tribuens in præsenti, et glóriam in futuro. Per Dóminum, etc.

Tertia ad libitum.

Communio. Luc. 4. Mirabántur omnes de his, quæ procedébant de ore Dei.

Postcommunio.

QUÆSUMUS, omnípotens Deus, ut illius salutáris capíamus effectum, cujus per hæc mysteria pignus accépimus. Per, etc.

Ad poscenda suffragia Sanctorum.

Postcommunio.

MUNDET et múniat nos, quæsumus, Dómine, divini sacramenti munus oblátum : et intercedente beáta Vírgine Dei genitríce María, cum beátis Apóstolis tuis Petro et Paulo, atque beáto *N.*, et ómnibus Sanctis, a cunctis nos reddat et perversitatibus expiátos, et adversitatibus expeditos. Per, eundem, etc.

Tertia ad libitum.

DOMINICA SEXTA POST EPIPHANIAM.

Introitus. Ps. 96.

ADORATE Deum, omnes Angeli ejus : audívit et lætáta est Sion : et exultavérunt filiæ Judæ.

Ps. ibid. Dóminus regnávít, exúltet terra, læténtur ínsulæ multæ.

V. Glória Patri, etc.

Oratio.

PRÆSTA, quæsumus, omnípotens Deus : ut semper rationabília meditántes, quæ tibi sunt plácita, et dictis exequámur, et factis. Per Dóminum, etc.

Aliæ Orationes ut in Dominica præced., fol. 41.

Léctio Epístolæ beáti Pauli Apóstoli ad Thessalonicenses. 1 *Thess. 1.*

FRATRES, Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissióne, mémores óperis fidei vestræ, et labóris, et caritatís, et sustinéntiæ spei Dómini nostri Jesu Christi, ante Deum et Patrem nostrum : sciéntes, fratres, dilécti a Deo, electiÓNem vestram : quia Evangélium nostrum non fuit ad vos in sermóne tantum, sed et in virtúte, et in Spíritu sancto, et in plenitúdine multa, sicut scitis quales fuérimus in vobis propter vos. Et vos imitátoreis nostri facti estis, et Dómini, excipiéntes verbum in tribulatiÓne multa, cum gáudio Spíritus sancti ; ita ut facti sitis forma ómnibus credéntibus in Macedónia, et in Acháia. A vobis enim diffamátus est sermo Dómini, non solum in Macedónia, et in Acháia ; sed et in omni loco fides vestra, quæ est ad Deum, profécta est ; ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos, et quómodo convérsi estis ad Deum a simulácris, servíre Deo vivo, et vero, et expectáre Fílium ejus de cœlis (quem suscilávit ex mórtuis) Jesum, qui eripuit nos ab ira ventúra.

Graduale. Ps. 101. Timébunt Gentes nomen tuum, Dómine, et omnes reges terræ glóriam tuam.

V. Quóniam ædificávit Dóminus Sion, et vidébitur in majestáte sua. Allelúia, allelúia.

V. *Ps. 96.* Dóminus regnávít, exúltet terra, læténtur ínsulæ multæ. Allelúia.

Sequéntia sancti Evangélii secúndum Matthæum. *Matth. 13.*

IN illo témpore Dixit Jesus turbis parábolam hanc : Símile est

regnum cœlorum grano sinapis, quod accipiens homo, seminavit in agro suo : quod minimum quidem est omnibus seminibus ; cum autem creverit, majus est omnibus olivibus, et fit arbor, ita ut volucres cœli veniant, et habitent in ramis ejus. Aliam parabolam locutus est eis : Simile est regnum cœlorum fermento, quod acceptum mulier abscondit in farinæ satis tribus, donec fermentatum est totum. Hæc omnia locutus est Jesus in parabolis ad turbas, et sine parabolis non loquebatur eis ; ut impleretur, quod dictum erat per Prophetam dicentem : Aperiam in parabolis os meum, eructabo abscondita a constitutione mundi.

Credo.

Offertorium. Ps. 117. Dextera Domini fecit virtutem, dextera Domini exaltavit me : non moriar, sed vivam, et narrabo opera Domini.

Secreta.

HÆC nos oblatio, Deus, mundet, quæsumus, et renovet, gubernet, et protegat. Per, etc.

Aliæ Secretæ ut in Dominica præced., fol. 42.

Communio. Luc. 4. Mirabantur omnes de his, quæ procedebant de ore Dei.

Postcommunio.

CÆLESTIBUS, Domine, pasti deliciis, quæsumus, ut semper eadem, per quæ veraciter vivimus, appetamus. Per Dominum, etc.

Aliæ Postcommuniones ut in Dominica præced., fol. 43.

DOMINICA IN SEPTUAGESIMA.

Statio ad Sanctum Laurentium extra muros.

Introitus. Ps. 17.

CIRCUMDEDERUNT me gemitus mortis, dolores infæni circumdederunt me : et in tribulatione mea invocavi Dominum, et exaudivit de templo sancto suo vocem meam.

Ps. ibid. Diligam te, Domine, fortitudo mea. Dominus firmamentum meum, et refugium meum, et liberator meus.

V. Glória Patri, et Filio, etc.

Non dicitur Glória in excelsis, ab hac Dominica usque ad Pascha, exceptis Feria quinta in Cæna Domini, et Sabbato sancto, et quando dicitur Missa de Festo.

Oratio.

PRECES populi tui, quæsumus, Domine, clementer exaudi : ut qui juste pro peccatis nostris affligimur, pro tui nominis glória misericorditer liberemur. Per, etc.

Ad poscenda suffragia Sanctorum.

Oratio.

A cunctis nos, ut in Dominica V. post Epiphaniam, fol. 41.

Tertia ad libitum.

¶ *Sic dicitur secunda et tertia Oratio a festo Purificationis, etiamsi transferatur, vel habeat Octavam, usque ad Feriam IV. Cinerum exclusive, quando non est Duplex, nisi Dominica Septuagesimæ venerit ante Festum Purificationis, vel in ipsa die Purificationis : quia tunc dicuntur Orationes sicut in Dominica secunda post Epiphaniam, de S. Maria, et contra persecutores Ecclesiæ, vel pro Papa. Simili modo fiat in Sexagesima, et Quinquagesima.*

Lectio Epistolæ beati Pauli Apostoli ad Corinthios.

1 Cor. 9 et 10.

FRATRES, Nescitis, quod ii, qui in stádio currunt, omnes quidem currunt, sed unus accipit bravium? Sic currite, ut comprehendatis. Omnis autem, qui in agone contendit, ab omnibus se abstinet: et illi quidem, ut corruptibilem coronam accipiant, nos autem incorruptam. Ego igitur sic curro, non quasi in incertum: sic pugno, non quasi aerem verberans; sed castigo corpus meum, et in servitutem redigo; ne forte, cum aliis prædicaverim, ipse reprobus efficiar. Nolo enim vos ignorare, fratres, quoniam patres nostri omnes sub nube fuerunt, et omnes mare transierunt, et omnes in Mōyse baptizati sunt in nube, et in mari: Et omnes eandem escam spiritalem manducaverunt, et omnes eundem potum spiritalem biberunt: (bibebant autem de spiritali, consequente eos petra, petra autem erat Christus;) sed non in pluribus eorum beneplacitum est Deo.

Graduale. Ps. 9. Adjutor in opportunitatibus, in tribulatione. Sperent in te, qui novērunt te, quoniam non derelinquis quærentes te, Dōmine.

V. Quoniam non in finem obli-vio erit pauperis: patientia pauperum non peribit in ætēnum. Ex-urge, Dōmine, non prævaleat homo.

Tractus. Ps. 129. De profundis clamavi ad te, Dōmine; Dōmine, exaudi vocem meam.

V. Fiant aures tuæ intendentes in orationem servi tui.

V. Si iniquitates observāveris, Dōmine, Dōmine, quis sustinēbit?

V. Quia apud te propitiatio est, et propter legem tuam sustinui te, Dōmine.

¶ *A Septuagesima usque ad Feriam IV. Cinerum, Tractus dicitur tantum in Dominicis et Festis: in Feriis autem, quando repetitur Missa de Dominica, non dicitur, sed tantum Graduale.*

Sequētia sancti Evangēlii secundum Matthæum. *Matth. 20.*

IN illo tempore Dixit Jesus discipulis suis parabolam hanc: Simile est regnum cælorum homini patrifamilias, qui exiit primo mane conducere operarios in vineam suam. Conventionē autem facta cum operariis ex denario diurno, misit eos in vineam suam. Et egressus circa horam tertiam, vidit alios stantes in foro otiosos, et dixit illis: Ite et vos in vineam meam, et quod justum fuerit, dabo vobis. Illi autem abiērunt. Iterum autem exiit circa sextam et nonam horam; et fecit similiter. Circa undecimam vero exiit, et invenit alios stantes, et dicit illis: Quid hic statis tota die otiosi? Dicunt ei: Quia nemo nos conduxit. Dicit illis: Ite et vos in vineam meam. Cum sero autem factum esset, dicit dominus vineæ procuratori suo: Voca operarios, et redde illis mercedem, incipiens a novissimis usque ad primos. Cum venissent ergo, qui circa undecimam horam venerant, acceperunt singulos denarios. Venientes autem et primi, arbitrati sunt quod plus essent accepturi: acceperunt autem et ipsi singulos denarios. Et accipientes murmurabant adversus patremfamilias, dicentes: Hi novissimi una hora fecerunt, et pares illos nobis fecisti, qui portavimus pondus diei, et æstus. At ille respondens uni eorum, dixit: Amice, non facio tibi injuriam: nonne ex denario convenisti mecum? Tolle quod tuum est, et vade; volo autem et huic novissimo dare sicut

et tibi. Aut non licet mihi, quod volo, facere? An óculus tuus nequam est, quia ego bonus sum? Sic erunt novíssimi primi, et primi novíssimi. Multi enim sunt vocáti, pauci vero elécti.

Credo.

Offertorium. Ps. 91. Bonum est confitéri Dómino, et psállere nómini tuo, Altíssime.

Secreta.

MUNERIBUS nostris, quæsumus, Dómine, precibúque susceptis; et cælestibus nos munda mystériis, et cleménter exáudi. Per Dóminum.

¶ *Si Dominica Septuagesimæ venerit ante Festum Purificationis, vel ipsa die Purificationis, Secreta de S. Maria, erit Tua, Dómine, ut in ejusdem Missa votiva.*

Alia Secreta.

Exáudi nos, Deus, *ut in Dominica V. post Epiph., fol. 42.*

Tertia ad libitum.

Communio. Ps. 30. Illúmina faciém tuam super servum tuum, et salvum me fac in tua misericórdia: Dómine, non confúndar, quóniam invocávi te.

Postcommunio.

FIDELES tui, Deus, per tua dona firméntur; ut éadem et percipiéndò requirant, et quæréndò sine fine percípiant. Per, etc.

Alia Postcommunio.

Mundet et múniat nos, *ut in Dominica V. post Epiph., fol. 43.*

Tertia ad libitum.

Benedicámus Dómino.

R. Deo grátias.

DOMINICA IN SEXAGESIMA.

Statio ad Sanctum Paulum.

Introitus. Ps. 43.

EXURGE, quare obdórmis, Dómine? Exúrge, et ne repéllas in finem. Quare faciém tuam avértis? obliviscéris tribulatióem nostram? Adhæsit in terra venter noster. Exúrge, Dómine, ádjuva nos, et libera nos.

Ps. ibid. Deus, áuribus nostris audívimus, patres nostri annuntiavérunt nobis.

Ÿ. Glória Patri, et Fílio, etc.

Oratio.

DEUS, qui cónspicis, quia ex nulla nostra actióne confidimus: concéde propítius, ut contra advérsa ómnia, Doctóris Géntium protectióne muniámur. Per, etc.

Aliæ Orationes ut in Dominica V. post Epiph., fol. 41.

Léctio Epístolæ beáti Pauli Apóstoli ad Corínthios. 2 Cor. 11.

FRATRES, Libénter suffértis insipiéntes, cum sitis ipsi sapiéntes. Sustinétis enim, si quis vos in servitútem rédigat, si quis dévorat, si quis áccipit, si quis extóllitur, si quis in faciém vos cædit. Secúndum ignobilitátem dico, quasi nos infirmi fuérimus in hac parte. In quo quis audet (in insipiéntia dico), áudeo et ego. Hebræi sunt, et ego. Israelítæ sunt, et ego. Semen Abrahæ sunt, et ego. Mínistri Christi sunt (ut minus sapiens dico), plus ego. In labóribus plúrimis, in carcéribus abundántius, in plagis supra modum, in mórtibus frequénter. A Judæis quínquies quadragénas, una minus, accépi. Ter virgis cæsus sum, semel lapidátus sum, ter naufrágium feci, nocte et die in profúndo maris fui, in itinéribus sæpe, periculis flúmi-

num, periculis latronum, periculis ex genere, periculis ex Géntibus, periculis in civitate, periculis in solitudine, periculis in mari, periculis in falsis fratribus; in labore et ærumna, in vigiliis multis, in fame et siti, in jejuniis multis, in frigore et nuditate. Præter illa, quæ extrinsecus sunt, instantia mea quotidiana, sollicitudo omnium Ecclesiarum. Quis infirmatur, et ego non infirmor? quis scandalizatur, et ego non uror? Si gloriari oportet, quæ infirmitatis meæ sunt, gloriabor. Deus et Pater Domini nostri Jesu Christi, qui est benedictus in sæcula, scit quod non mentior. Damasci præpositus gentis Arétæ regis, custodiébat civitatem Damascenorum, ut me comprehenderet: et per fenestram in sporta dimissus sum per murum, et sic effûgi manus ejus. Si gloriari oportet (non expedit quidem), véniam autem ad visiones et revelationes Domini. Scio hominem in Christo ante annos quatuordecim (sive in corpore nescio, sive extra corpus nescio, Deus scit), raptum hujusmodi usque ad tertium cælum. Et scio hujusmodi hominem (sive in corpore, sive extra corpus nescio, Deus scit), quoniam raptus est in paradysum: et audivit arcana verba, quæ non licet homini loqui. Pro hujusmodi gloriabor: pro me autem nihil gloriabor, nisi in infirmitatibus meis. Nam, et si volúero gloriari, non ero insipiens; veritatem enim dicam; parco autem, ne quis me existimet supra id quod videt in me, aut aliquod audit ex me. Et ne magnitudo revelationum extollat me, datus est mihi stimulus carnis meæ, angelus Sathanæ, qui me colaphizet. Propter quod ter Dominum rogavi, ut discederet a me: et dixit mihi: Sufficient tibi grátia mea; nam virtus in infirmitate perficitur. Libenter igitur

tur gloriabor in infirmitatibus meis, ut inhabitet in me virtus Christi.

Graduale. Ps. 82. Sciant Gentes, quoniam nomen tibi, Deus. Tu solus Altissimus super omnem terram.

V. Deus meus, pone illos ut rotam, et sicut stipulam ante faciem venti.

Tractus. Ps. 59. Commovisti, Domine, terram, et conturbasti eam.

V. Sana contritiones ejus, quia mota est.

V. Ut fugiant a facie arcus, ut liberentur electi tui.

Sequéntia sancti Evangélii secundum Lucam. *Luc. 8.*

IN illo tempore, Cum turba plurima convenirent, et de civitatibus properarent ad Jesum, dixit per similitudinem: Exiit, qui seminat, seminare semen suum. Et dum seminat, aliud cecidit secus viam, et conculcatum est, et volucres cœli comederunt illud. Et aliud cecidit supra petram, et natum aruit, quia non habebat humorem. Et aliud cecidit inter spinas, et simul exortæ spinæ suffocaverunt illud. Et aliud cecidit in terram bonam, et ortum fecit fructum centuplum. Hæc dicens, clamabat: Qui habet aures audiendi, audiat. Interrogabant autem eum discipuli ejus, quæ esset hæc parabola? Quibus ipse dixit: Vobis datum est nosse mysterium regni Dei, cæteris autem in parabolis, ut videntes non videant, et audientes non intelligant. Est autem hæc parabola: Semen est verbum Dei. Qui autem secus viam, hi sunt qui audiunt; deinde venit diabolus, et tollit verbum de corde eorum, ne credentes salvi fiant. Nam qui supra petram, qui cum audierint, cum gaudio suscipiunt verbum; et hi radices non habent:

qui ad tempus credunt, et in tēpore tentatiónis recédunt. Quod autem in spinas cécidit, hi sunt qui audiérunt, et a sollicitudinibus, et divítiis, et voluptátibus vitæ eúntes, suffocántur, et non réferunt fructum. Quod autem in bonam terram, hi sunt qui in corde bono et óptimo audiéntes verbum rétinent, et fructum áfferunt in patiéntia.

Credo.

Offertorium. Ps. 16. Pérfice gressus meos in sémitis tuis, ut non moveántur vestigia mea : inclina áurem tuam, et exáudi verba mea : mirífica misericórdias tuas, qui salvos facis sperántes in te, Dómine.

Secreta.

OBLATUM tibi, Dómine, sacrificium vivíficet nos semper, et múníat. Per Dóminum, etc.

Aliæ Secretæ ut in Dominica V. post Epiph., fol. 42.

Communio. Ps. 42. Introibo ad altáre Dei, ad Deum qui lætíficat juventútem meam.

Postcommunio.

SUPPLICES te rogámus, omnípotens Deus : ut quos tuis réficis sacraméntis, tibi étiam plácitis móribus dignánter deservíre concédas. Per, etc.

Aliæ Postcommuniones ut in Dominica V. post Epiph., fol. 43.

Benedicámus Dómino.

R̃. Deo grátias.

DOMINICA IN QUINQUAGESIMA.

Statio ad Sanctum Petrum.

Introitus. Ps. 30.

ESTO mihi in Deum protectórem, et in locum refúgii, ut

salvum me fácias : quóniam firmaméntum meum, et refúgium meum es tu : et propter nomen tuum dux mihi eris, et enútries me.

Ps. ibid. In te, Dómine, sperávi, non confúndar in ætérnum : in justítia tua libera me, et éripe me.

Ÿ. Glória Patri, etc.

Oratio.

PRECES nostras, quæsumus, Dómine, cleménter exáudi : atque a peccatórum vínculis absólutos, ab omni nos adversitáte custódi. Per Dóminum, etc.

Aliæ Orationes ut in Dominica V. post Epiph., fol. 41.

Léctio Epístolæ beáti Pauli Apóstoli ad Corinthios. 1 Cor. 13.

FRATRES, Si linguis hóminum loquar, et Angelórum, caritátem autem non hábeam, factus sum velut æs sonans, aut cymbalum tinniens. Et si habúero prophetíam, et nóverim mystéria ómnia, et omnem sciéntiam ; et si habúero omnem fidem, ita ut montes tránsferam, caritátem autem non habúero, nihil sum. Et si distribúero in cibos páuperum omnes facultátes meas, et si tradídero corpus meum ita ut árdeam, caritátem autem non habúero, nihil mihi prodest. Cáritas pátiens est, benígna est : cáritas non æmuláitur, non agit pérperam, non inflátur, non est ambitiósá, non quærit quæ sua sunt, non irritátur, non cógitat malum, non gáudet super iniquitáte, congáudet autem veritáti : ómnia suffert, ómnia credit, ómnia sperat, ómnia sústinet. Cáritas nunquam éxcidit ; sive prophetiæ evacuabúntur, sive linguæ cessábunt, sive sciéntia destruétur. Ex parte enim cognóscimus, et ex parte prophetámus. Cum autem vénerit quod perfectum est, evacuábitur quod ex

parte est. Cum essem párvulus, loquébar ut párvulus, sapiébam ut párvulus, cogitábam ut párvulus. Quando autem factus sum vir, evacuávi quæ erant párvuli. Vidémus nunc per spéculum in ænigmate: tunc autem fácie ad fáciem. Nunc cognóscō ex parte: tunc autem cognóscam sicut et cógnitus sum. Nunc autem manent fides, spes, caritas; tria hæc, major autem horum est caritas.

Graduale. Ps. 76. Tu es Deus, qui facis mirabilia solus. Notam fecisti in Géntibus virtútem tuam.

V. Liberásti in bráchio tuo pópulum tuum, filios Israel et Joseph.

Tractus. Ps. 99. Jubilate Deo omnis terra: servite Dómino in lætítia.

V. Intráte in conspéctu ejus in exultatióne: scitóte quod Dóminus ipse est Deus.

V. Ipse fecit nos, et non ipsi nos; nos autem pópulus ejus, et oves páscae ejus.

Sequéntia sancti Evangélíi secúndum Lucam. *Luc. 18.*

IN illo témpore, Assúmpsit Jesus duódecim, et ait illis: Ecce ascéndimus Jerosólymam, et consummabúntur ómnia, quæ scripta sunt per Prophétas de Filio hóminis. Tradétur enim Géntibus, et illudétur, et flagellábitur, et conspuétur: et postquam flagelláverint, occídent eum, et tértia die resúrget. Et ipsi nihil horum intellexérunt, et erat verbum istud absconditum ab eis, et non intelligébant quæ dicebántur. Factum est autem, cum appropinquáret Jéricho, cæcus quidam sedébat secus viam, mendicans. Et cum audíret turbam prætereúntem, interrogábat quid hoc esset. Dixérunt autem ei, quod Jesus Nazaréus transiret. Et cla-

mávit, dicens: Jesu fili David, miserére mei. Et qui præibant, increpábant eum ut tacéret. Ipse vero multo magis clamábat: Fili David, miserére mei. Stans autem Jesus, jussit illum addúci ad se. Et cum appropinquáset, interrogávit illum, dicens: Quid tibi vis fáciem? At ille dixit: Dómine, ut vídeam. Et Jesus dixit illi: Réspice; fides tua te salvum fecit. Et conféstim vidit, et sequebátur illum magnificans Deum. Et omnis plebs ut vidit, dedit láudem Deo.

Credo.

Offertorium. Ps. 118. Benedictus es, Dómine, doce me justificatiónes tuas. In lábiis meis pronuntiávi ómnia judicia oris tui.

Secreta.

HÆC hóstia, Dómine, quæsumus, emúndet nostra delicta: et ad sacrificium celebrándum, subditórum tibi córpora mentésque sanctíficet. Per Dóminum, etc.

Alicæ Secretæ ut in Dominica V. post Epiphaniam, fol. 41.

Communio. Ps. 77. Manducáverunt, et saturáti sunt nimis, et desidérium eórum áttulit eis Dóminus: non sunt fraudáti a desidério suo.

Postcommunio.

QUÆSUMUS, ómnipotens Deus, ut qui cœléstia aliménta percépimus, per hæc contra ómnia advérsa muniámur. Per, etc.

Alicæ Postcommuniones ut in Dominica V. post Epiphaniam, fol. 42.

Benedicámus Dómino.

R. Deo grátias.

FERIA QUARTA CINERUM.

Ante Missam benedicuntur Cineres facti de ramis olivarum, sive aliarum arborum, præcedenti anno benedictis, hoc modo.

Finita Nona, Sacerdos indutus pluviali violaceo, vel sine casula, cum Ministris similiter indutis, procedit ad benedicendum Cineres in vase aliquo super altari positos. Et primo cantatur a Choro sequens Antiphona.

Psalmus 68.

EXAUDI nos, Dómine, quóniam benigna est misericórdia tua. Secundum multitudinem miserationum tuarum respice nos, Dómine.

Ps. ibid. Salvum me fac, Deus, quóniam intravérunt aquæ usque ad animam meam.

V. Glória Patri, et Filio, etc.

Repetitur : Exáudi nos, Dómine, etc.

Deinde Sacerdos in cornu Epistolæ, non vertens se ad populum, manibus junctis (quod servatur etiam in Orationibus omnium benedictionum quoad manus junctas) dicit :

Dóminus vobiscum.

R. Et cum spíritu tuo.

Orémus.

Oratio.

OMNIPOTENS, sempitérne Deus, parce pœniténtibus, propitiare supplicántibus, et mittere digneris sanctum Angelum tuum de cœlis, qui bene \times dicat, et sancti \times ficet hos cineres, ut sint remédium salubre ómnibus nomen sanctum tuum humíliter implorántibus, ac semetipsos pro consciéntia delictórum suórum accusántibus, ante conspéctum divínæ cleméntiæ tuæ facinora sua deplorántibus, vel serenissimam pietátem tuam suppliciter, obnixéque flagitántibus : et præsta per invocationem sanctissi-

mi nóminis tui, ut quicúmque per eos aspérsi fúerint, pro redemptione peccatórum suórum, córporis sanitátem, et ánimæ tutelam percípiant. Per Christum Dóminum nostrum.

R. Amen.

Orémus.

DEUS, qui non mortem, sed pœniténtiam desíderas peccatórum : fragilitátem conditiónis humanæ benigníssime respice ; et hos cineres, quos causa proferendæ humilitátis, atque promerendæ véniæ, capítibus nostris impóni decérnimus, bene \times dicere pro tua pietáte dignáre : ut, qui nos cinerem esse, et ob pravitátis nostræ deméritum in púlverem reversúros cognóscimus ; peccatórum ómnium véniam, et præmia pœniténtibus repromissa, misericórditer cónsequi mereámur. Per Christum Dóminum nostrum.

R. Amen.

Orémus.

DEUS, qui humiliatióne fléctes, et satisfactiόne placáris : áurem tuæ pietátis inclína précibus nostris ; et capítibus servórum tuórum, horum cinerum aspersione contáctis, effúnde propítius grátiam tuæ benedictiόnis : ut eos et spíritu compunctiόnis répleas ; et quæ juste postuláverint, effícaciter tríbuas ; et concéssa, perpétuo stabilita et intacta manére decérnas. Per Christum Dóminum.

R. Amen.

Orémus.

OMNIPOTENS sempitérne Deus, qui Ninivítis in cinere et cilicio pœniténtibus, indulgéntiæ tuæ remédia præstitisti : concéde propítius, ut sic eos imitémur hábitu, quátenus véniæ prosequámur obténtu. Per, etc.

¶ Postea Celebrans, imposito incenso in thuribulo, ter aspergit Cine-

res aqua benedicta, dicendo *Antiphonam* Aspérgetes, sine cantu, et sine *Psalmo*, et ter adolet incenso. Deinde dignior Sacerdos ex Clero accedens ad Altare, imponit Cinerem Celebranti non genuflexo. Si vero non adsit alius Sacerdos, ipsemet Celebrans, genibus flexis coram altari, sibi ipsi Cineres imponit in capite, nihil dicens : et cantatur statim a Choro *Antiphona*.

Joelis 2.

IMMUTEMUR hábitu, in cinere et cilicio : jejunémus, et plorémus ante Dóminum ; quia multum miséricors est dimittere peccáta nostra Deus noster.

Alia Antiphona. Ibid. Inter vestibulum et altáre plorábunt Sacerdótes ministri Dómini, et dicent : Parce, Dómine, parce pópulo tuo : et ne cláudas ora canéntium te, Dómine.

Sequitur R. *Esth. 13, Joel 2.* Emendémus in mélius, quæ ignoránter peccávimus, ne súbito præoccupáti die mortis, quæramus spátium pœniténtiæ, et inveníre non possímus. Atténde, Dómine, et miserére ; quia peccávimus tibi.

V. Ps. 78. Adjuva nos, Deus salutaris noster, et propter honórem nóminis tui, Dómine, libera nos. Atténde.

V. Glória Patri, et Fílio, et Spirítui sancto. Atténde.

¶ Sacerdos vero, dum cantantur *Antiphonæ et Responsorium*, detecto capite, prîmo imponit cineres digniori Sacerdoti, a quo ipse accepit, deinde Ministris paratis, genibus flexis coram altari, dicens : Meménto, homo, quia pulvis es, et in púlverem revertéris.

Postea veniunt alii, primo Clerus per ordinem, deinde populus, et genibus flexis ante altare, singulatim re-

cipiunt Cineres a Sacerdote, ut dictum est de Ministris.

Completa Cinerum impositione, Sacerdos dicit : Dóminus vobiscum.

Orémus.

CONCEDE nobis, Dómine, præsidia militiæ Christiánæ sanctis inchoáre jejúniis : ut contra spiritáles nequítias pugnatúri, conti-néntiæ muniámur auxiliis. Per Christum Dóminum nostrum.

R. Amen.

Deinde dicitur *Missa*.

Statio ad S. Sabinam.

Introitus. Sap. 11.

MISERERIS ómnium, Dómine, et nihil odísti eórum quæ fecísti, dissimulans peccáta hóminum propter pœniténtiam, et parcens illis ; quia tu es Dóminus Deus noster.

Ps. 56. Miserére mei, Deus, miserére mei ; quóniam in te confidit ánima mea.

V. Glória Patri, et Fílio, etc.

Oratio.

PRÆSTA, Dómine, fidélibus tuis, ut jejuniórum veneránda solémnia, et cóngrua pietáte suscipiant, et secúra devotióne percúrrant. Per, etc.

Aliæ Orationes, ut infra, fol. 53.

Léctio Joélis Prophétæ. *Joel. 2.*

HÆC dicit Dóminus : Convertimini ad me in toto corde vestro, in jejúnió, et in fletu, et in planctu. Et scíndite corda vestra, et non vestiménta vestra, et convertimini ad Dóminum Deum vestrum ; quia benígnus et miséricors est, pátiens, et multæ misericórdiæ, et præstábilis super malitia. Quis scit, si convertátur, et ignóscat, et relinquat post se benedictiónem, sacrificium, et libámen Dómino

Deo vestro? Cánite tuba in Sion, sanctificáte jejúnium, vocáte cœtum, congregáte pópulum, sanctificáte Ecclésiám, coadunáte senes, congregáte párvulos, et sugéntes úbera: egrediátur sponsus de cubíli suo, et sponsa de thálamo suo. Inter vestíbulum et altáre plorábunt sacerdótes minístri Dómini, et dicent: Parce, Dómine, parce pópulo tuo: et ne des hæreditátem tuam in oppróbrium, ut dominéntur eis natiónes. Quare dicunt in pópulis: Ubi est Deus eórum? Zelátus est Dóminus terram suam, et pepércit pópulo suo. Et respóndit Dóminus, et dixit pópulo suo: Ecce ego mittam vobis fruméntum, et vinum, et óleum: et replebímmini eis: et non dabo vos ultra oppróbrium in Géntibus, dicit Dóminus omnipotens.

Graduale. Ps. 56. Miserére mei, Deus, miserére mei; quóniam in te confidit ánima mea.

V. Ps. 102. Misit de cœlo, et liberávit me: dedit in oppróbrium conculcántes me.

Tractus. Ps. 102. Dómine, non secúndum peccáta nostra, quæ fécimus nos; neque secúndum iniquitátes nostras retribuas nobis.

V. Ps. 78. Dómine, ne memneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

Hic genu flectitur usque ad finem versus, quod semper servari debet.

V. Adjuva nos, Deus salutáris noster, et propter glóriam nóminis tui, Dómine, libera nos, et propítius esto peccátis nostris, propter nomen tuum.

¶ Supradictus Tractus ab hac die dicitur Feria secunda, quarta, et sexta, usque ad Feriam quartam majoris Hebdomadæ, nisi proprius assignetur.

✠ Sequéntia sancti Evangélii secúndum Matthæum. *Matth. 6.*

IN illo témpore dixit Jesus discipulis suis: Cum jejunátis, nólite fieri, sicut hypócritæ, trístes. Extérminant enim fácies suas, ut appareant homínibus jejunántes. Amen dico vobis, quia recepérunt mercédem suam. Tu autem, cum jejúnas, unge caput tuum, et faciém tuam lava, ne videáris homínibus jejúnans, sed Patri tuo, qui est in abscondito: et Pater tuus, qui videt in abscondito, reddet tibi. Nolite thesaurizáre vobis thesauros in terra, ubi ærúgo, et tinea demolítur, et ubi fures effódiunt et furántur. Thesaurizáte autem vobis thesauros in cœlo, ubi neque ærúgo, neque tinea demolítur, et ubi fures non effódiunt, nec furántur. Ubi enim est thesáurus tuus, ibi est et cor tuum.

Offertorium. Ps. 29. Exaltábo te, Dómine, quóniam suscepísti me, nec delectásti inimícos meos super me. Dómine, clamávi ad te, et sanásti me.

Secreta.

FAC nos, quæsumus, Dómine, his munéribus offeréndis conveniénter aptári, quibus ipsíus venerábilis sacraménti celebrámus exórdium. Per Dóminum nostrum Jesum Christum Fílium tuum. Qui tecum vivit.

Aliæ Secretæ ut infra, fol. 53.

Præfatio. Qui corporáli jejúnio, etc. Et dicitur quotidie usque ad Dominicam Passionis, etiam in Festis, si in eis propria non habeatur.

Communio. Ps. 1. Qui meditábitur in lege Dómini die ac nocte, dabit fructum suum in témpore suo.

Postcommunio.

PERCEPTA nobis, Dómine, præbeant sacraménta subsidi-

um : ut tibi grata sint nostra jejú-
nia, et nobis proficiant ad medélam.
Per Dóminum, etc.

Alie Postcommuniones, ut infra.

*Deinde Sacerdos absolute dicit :
Orémus. Et Diaconus (si in officio
Diaconatus serviat) versus ad popu-
lum junctis manibus dicit : Humiliáte
cápita vestra Deo. Alioquin ipse
Sacerdos, stans in eodem loco ante
librum, et non vertens se ad populum.*

Oratio.

INCLINANTES se, Dómine,
majestáti tuæ, propitiátus in-
ténde : ut qui divíno múnere sunt
refécti, cœlestibus semper nutrián-
tur auxiliis. Per Dóminum nos-
trum Jesum Christum Fílium tu-
um. Qui tecum vivit et regnat, etc.

¶ *Et hic modus dicendi Oratio-
nem super populum servatur tantum-
modo in Missis de Feria usque ad
quartam Feriam majoris Hebdoma-
dæ.*

*Deinde. V. Benedicámus Dó-
mino.*

R. Deo grátias.

¶ *A Feria quarta Cinerum, us-
que ad Dominicam de Passione, post
Orationem diei dicuntur duæ sequen-
tes Orationes.*

Ad poscenda suffragia Sanctorum.

Oratio.

ACUNCTIS nos, quæsumus
Dómine, mentis et córporis
defénde periculis : et intercedén-
te beáta et gloriósa semper Vírgine
Dei genitrice María, cum beátis
Apóstolis tuis Petro et Paulo, atque
beáto N., et ómnibus Sanctis, salú-
tem nobis tribue benígnus et pacem ;
ut, destrúctis adversitatibus, et er-
róribus univérsis, Ecclésia tua secú-
ra tibi sérviat libertáte.

Pro vivis, et defunctis. Oratio.

OMNIPOTENS sempitérne De-
us, qui vivórum domináris
simul et mortuórum, omniúmque
miseréris, quos tuos fide et ópere
futúros esse prænóscis : te súpplices
exorámus ; ut pro quibus effúndere
preces decrevimus, quósque vel
præsens sæculum adhuc in carne
rétinet, vel futúrum jam exútos
córporis suscepit ; intercedéntibus
ómnibus Sanctis tuis, pietátis tuæ
cleméntia, ómnium delictórum suó-
rum véniam consequántur. Per, etc.

Alie Secretæ.

EXAUDI nos, Deus salutáris
noster : ut per hujus sacra-
ménti virtútem, a cunctis nos men-
tis et córporis hóstibus tueáris,
grátiam tribuens in præsentí, et
glóriam in futúro.

DEUS, cui soli cógnitus est nú-
merus electórum in supérna
felicitáte locándus : tribue, quæsu-
mus, ut, intercedéntibus ómnibus
Sanctis tuis, universórum, quos in
oratióne commendátos suscepimus,
et ómnium fidélium nómina, beátæ
prædestinatiónis liber adscrípta re-
tíneat. Per Dóminum, etc.

Alie Postcommuniones.

MUNDET, et múniat nos, quæ-
sumus, Dómine, divíni sa-
craménti munus oblátum : et inter-
cedén- te beáta Vírgine Dei genitrice
María, cum beátis Apóstolis tuis
Petro et Paulo, atque beáto N., et
ómnibus Sanctis, a cunctis nos red-
dat et perversitatibus expiátos, et
adversitatibus expeditos.

PURIFICENT nos, quæsumus,
omnípotens et miséricors Deus,
sacraménta quæ sumpsimus : et
intercedéntibus ómnibus Sanctis
tuis, præsta, ut hoc tuum sacra-

méntum non sit nobis reátus ad pœnam, sed intercæssio salutáris ad véniam; sit ablútio scélerum, sit fortitúdo fragílium, sit contra ómnia mundi perícula firmaméntum; sit vivórum, atque mortuórum fidélium remíssio ómnium delictórum. Per Dóminum, etc.

FERIA QUINTA.

Statio ad Sanctum Georgium.

Introitus. Ps. 54.

DUM clamárem ad Dóminum, exaudivit vocem meam ab his, qui appropínquant mihi: et humiliávit eos, qui est ante sæcula, et manet in ætérnum: jacta cogitatum tuum in Dómino, et ipse te enútriet.

Ps. ibid. Exáudi, Deus, orationem meam, et ne despéxeris deprecationem meam: inténde mihi, et exáudi me.

V. Glória Patri, et Fílio, etc.

Oratio.

DEUS, qui culpa offénderis, pœniténtia placáris: preces pópuli tui supplicántis propítius respice; et flagélla tuæ iracúndiæ, quæ pro peccátis nostris merémur, avérte. Per Dóminum.

Aliæ Orationes ut supra, fol. 53.

Lectio Isaíæ Prophétæ. Isa. 38.

IN diébus illis, Ægrotávit Ezechías usque ad mortem, et introívit ad eum Isaías fílius Amos Prophéta, et dixit ei: Hæc dicit Dóminus; Dispóne dómui tuæ, quia moriéris tu, et non vives. Et convertit Ezechías faciém suam ad parietem, et orávit ad Dóminum, et dixit: Obsecro, Dómine, meménto, quæso, quómodo ambuláverim coram te in veritáte, et corde perfécto, et quod bonum est in óculis tuis, fécerim. Et flevit Ezechías fletu

magno. Et factum est verbum Dómini ad Isaíam, dicens: Vade, et dic Ezechíæ: Hæc dicit Dóminus Deus David patris tui: Audívi orationem tuam, et vidi lácrymas tuas: ecce ego adjíciam super dies tuos quíndecim annos: et de manu regis Assyriórum éruam te, et civitátem istam, et prótegám eam; ait Dóminus, omnipotens.

Graduale. Ps. 54. Jacta cogitatum tuum in Dómino, et ipse te enútriet.

V. Dum clamárem ad Dóminum, exaudivit vocem meam ab his, qui appropínquant mihi.

Sequéntia sancti Evangélíi secundum Matthæum. *Matth. 8.*

IN illo témpore, Cum introísset Jesus Caphárnaum, accéssit ad eum Centúrio, rogans eum, et dicens: Dómine, puer meus jacet in domo paralyticus, et male torquétur. Et ait illi Jesus: Ego véniam, et curábo eum. Et respóndens Centúrio, ait: Dómine, non sum dignus, ut intres sub tectum meum; sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites; et dico huic: Vade, et vadit; et álíi: Veni, et venit; et servo meo: Fac hoc, et facit. Audiens autem Jesus, mirátus est, et sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriénte et Occidénte vénient, et recumbent cum Abraham, et Isaac, et Jacob in regno cælórum; fílii autem regni ejiciéntur in ténebras exterióres: ibi erit fletus, et stridor déntium. Et dixit Jesus Centurióni: Vade, et sicut credidísti, fiat tibi. Et sanátus est puer in illa hora.

Offertorium. Ps. 24. Ad te, Dómine, levávi ánimam meam:

Deus meus, in te confido, non erubescam : neque irrideant me inimici mei, etenim universi, qui te expectant, non confundentur.

Secreta.

SACRIFICIIS præséntibus, Dómine, quæsumus, inténde placatus : ut et devotióni nostræ proficiant, et salúti. Per, etc.

Aliæ Secretæ ut supra, fol. 53.

Communio. Ps. 50. Acceptábis sacrificium justítiæ, oblatiões, et holocáusta super altáre tuum, Dómine.

Postcommunio.

CELESTIS doni benedictiõe percépta, súppliques te, Deus omnipotens, deprecámur ; ut hoc idem nobis et sacraménti cáusa sit, et salútis. Per Dóminum.

Aliæ Postcommuniones ut supra, fol. 53.

Super populum. Orémus. Humilitáte cápita vestra Deo.

Oratio.

PARCE, Dómine, parce pópulo tuo : ut dignis flagellatiõibus castigátus, in tua miseratiõe respiret. Per Dóminum.

FERIA SEXTA.

Statio ad SS. Joannem et Paulum.

Introitus. Ps. 29.

AUDIVIT Dóminus, et misértus est mihi : Dóminus factus est adjutor meus.

Ps. ibid. Exaltábo te, Dómine, quóniam suscepisti me, nec delectásti inimicos meos super me.

V. Glória Patri, et Filio, etc.

Oratio.

INCHOATA jejúnia, quæsumus, Dómine, benigno favóre

proséquere : ut observántiam, quam corporáliter exhibémus, méntibus étiam sincéris exercére valeámus. Per Dóminum nostrum.

Aliæ Orationes, ut supra, fol. 53.

Léctio Isaíæ Prophétæ. *Isa. 58.*

HÆC dicit Dóminus Deus : Clama, ne cesses : quasi tuba exálta vocem tuam, et annúntia pópulo meo scélera eórum, et dómui Jacob peccáta eórum. Me etenim de die in diem quærunt, et scire vias meas volunt : quasi gens, quæ justítiam fécerit, et iudicium Dei sui non dereliquerit, rogant me iudicia justítiæ : appropinquáre Deo volunt. Quare jejunávimus, et non aspexisti? Humiliávimus ánimas nostras, et nescisti? Ecce in die jejúnii vestri invenitur volúntas vestra, et omnes debitóres vestros repétitis. Ecce ad lites et contentiões jejunátis, et percútitis pugno impiè. Nolite jejunáre, sicut usque ad hanc diem, ut audiatur in excélso clamor vester. Númquid tale est jejúnium, quod elégi, per diem affligere hóminem ánimam suam? Númquid contorquere quasi círculum caput suum, et saccum, et cinerem stérnere? Númquid istud vocábis jejúnium, et diem acceptábilem Dómino? Nonne hoc est magis jejúnium quod elégi? Dissólve colligatiões impietátis, solve fascículos depriméntes, dimítte eos, qui confrácti sunt, líberos, et omne onus disrúmpe. Frange esuriénti panem tuum, et egénos vagósque induc in domum tuam : cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua citius oriétur, et anteíbit faciẽm tuam justítia tua, et glória Dómini colliget te. Tunc invocábis, et Dóminus exáudiet : clamábis, et

dicet : Ecce adsum. Quia miséricors sum, Dóminus Deus tuus.

Graduale. Ps. 26. Unam pétii à Dómino, hanc requíram, ut inhábitem in domo Dómini.

Ÿ. Ut videam voluptátem Dómini, et prótegar à templo sancto ejus.

Tractus. Ps. 102. Dómine, non secúndum peccáta nostra, quæ féci-mus nos ; neque secúndum iniquitátes nostras retribuas nobis.

Ÿ. Ps. 78. Dómine, ne memíneris iniquitátum nostrárum anti-quárum : cito anticipent nos miseri-córdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster : et prop-ter glóriam nóminis tui, Dómine, libera nos : et propítius esto peccátis nostris propter nomen tuum.

Sequéntia sancti Evangélíi secún-dum Matthæum. *Matth. 5.*

IN illo témpore, Dixit Jesus dis-cípulis suis : Audístis, quia dic-tum est : Diliges próximum tuum, et ódio habébis inimicum tuum. Ego autem dico vobis : Diligite ini-mícos vestros ; benefácite his qui odérunt vos ; et oráte pro persecú-entibus et calumniántibus vos : ut sitis filii Patris vestri, qui in cœlis est ; qui solem suum oríri facit super bonos et malos, et pluit super justos et injústos. Si enim dilígitis eos qui vos diligunt, quam mercédem habébitis ? nonne et publicáni hoc faciunt ? Et si salutavéritis fratres vestros tantum, quid ámplius fácitis ? nonne et éthnici hoc faciunt ? Es-tóte ergo vos perfécti, sicut et Pater vester cœlestis perféctus est. At-téndite, ne justítiam vestram faciátis coram homínibus, ut videámini ab eis : alióquin mercédem non habé-

bitis apud Patrem vestrum, qui in cœlis est. Cum ergo facis eleemósy-nam, noli tuba cánere ante te, sicut hypócritæ faciunt in synagógis, et in vicis, ut honorificéntur ab homínibus. Amen dico vobis, recepé-runt mercédem suam. Te autem faciénte eleemósynam, nesciat sinís-tra tua quid faciat dextera tua ; ut sit eleemósyna tua in abscondito : et Pater tuus, qui videt in abscon-dito, reddet tibi.

Offertorium. Ps. 118. Dómine, vivífica me secúndum elóquium tuum : ut sciam testimónia tua.

Secreta.

SACRIFICIUM, Dómine, ob-servántiæ quadragesimális, quod offerimus, præsta, quæsumus, ut tibi et mentes nostras reddat accéptas, et continéntiæ promptióris nobis trí-buat facultátem. Per, etc.

Aliæ Secretæ ut supra, fol. 53.

Communio. Ps. 2. Servíte Dó-mino in timóre, et exultáte ei cum tremóre : apprehéndite disciplinam, ne pereátis de via justa.

Postcommunio.

SPIRITUM nobis, Dómine, tuæ caritátis infúnde : ut, quos uno pane cœlesti satiásti, tua facias pietáte concórdes. Per Dóminum, etc., in unitáte ejúsdem, etc.

Aliæ Postcommuniones ut supra, fol. 53.

Super populum. Orémus. Hu-miliáte cápita vestra Deo.

Oratio.

TUERE, Dómine, pópulum tuum, et ab ómnibus peccá-tis cleménter emúnda : quia nulla ei nocébit advérsitas, si nulla ei dominétur iniquitas. Per, etc.

SABBATO.

*Statio ad Sanctum Tryphonem.**Introitus. Ps. 29.*

AUDIVIT Dominus, et misertus est mihi : Dominus factus est adiutor meus.

Ps. ibid. Exaltábo te, Dómine, quóniam suscepisti me, nec delectásti inimicos meos super me.

V. Glória Patri, etc.

Oratio.

ADESTO, Dómine, supplicatiónibus nostris, et concède ; ut hoc solémne jejúnium, quod animábus, corporibúsq; curándis salúbriter institútum est, devóto servítio celebrémus. Per, etc.

Aliæ Orationes ut supra, fol. 53.

Léctio Isaíæ Prophétæ. *Isa. 58.*

HÆC dicit Dóminus Deus : Si abstúleris de medio tui caténam, et desieris exténdere digitum, et loqui quod non prodest : cum effúderis esuriénti ánimam tuam, et ánimam afflictam repléveris ; oriétur in ténebris lux tua, et ténebræ tuæ erunt sicut merídes. Et réquiem tibi dabit Dóminus semper, et implébit splendóribus ánimam tuam, et ossa tua liberábit ; et eris quasi hortus irriguus, et sicut fons aquarum, cujus non deficient aquæ. Et ædificábuntur in te déserta sæculórum : fundaménta generatiónis et generatiónis suscitatís : et vocáberis ædificátor sépium, avértens sémitas in quiétem. Si avérteris a Sábbato pedem tuum, fácere voluntátem tuam in dié sancto meo, et vocáberis Sábbatum delicátum, et sanctum Dómini gloriósum, et glorificáveris eum, dum non facis vias tuas, et non invenítur volúntas tua, ut loquáris sermónem : tunc delectáberis super Dómino ; et sustóllam te super altitúdines terræ, et cibábo

te hæreditáte Jacob patris tui. Os enim Dómini locútum est.

Graduale. Ps. 26. Unam pétii a Dómino, hanc requíram, ut inhábitem in domo Dómini.

V. Ut vídeam voluptátem Dómini, et protégar a templo sancto ejus.

Sequéntia sancti Evangélíi secúndum Marcum. *Marc. 6.*

IN illo témpore : Cum sero esset, erat navis in médio mari, et Jesus solus in terra. Et videns discipulos suos laborántes in remigándo, (erat enim ventus contrárius eis) et circa quartam vigíliam noctis venit ad eos ámbulans supra mare, et volébat præterire eos. At illi, ut vidérunt eum ambulántem supra mare, putavérunt phantásma esse, et exclamavérunt. Omnes enim vidérunt eum, et conturbáti sunt. Et statim locútus est cum eis, et dixit eis : Confidite, ego sum, nolite timére. Et ascéndit ad illos in navim, et cessávit ventus. Et plus magis intra se stupébant. Non enim intellexérunt de pánibus ; erat enim cor eórum obcæcátum. Et cum transfretássent, venérunt in terram Genésareth, et applicuérunt. Cumque egréssi essent de navi, continuo cognovérunt eum : et percurréntes univérsam regiónem illam, cœpérunt in grabátis eos qui se male habébant circumférre ubi audiébant eum esse. Et quocúmque introibat, in vicos, vel in villas, aut civitátes, in platéis ponébant infirmos, et deprecabántur eum, ut vel fimbriam vestiménti ejus tangerent : et quotquot tangébant eum, salvi fiébant.

Offertorium. Ps. 118. Dómine, vivífica me secúndum elóquium tuum, ut sciam testimónia tua.

Secreta.

SUSCIPE, Dómine, sacrificium, cujus te voluisti dignánter im-

molatióne placári : præsta, quæsumus, ut hujus operatióne mundati, beneplácitum tibi nostræ mentis offerámus afféctum. Per, etc.

Aliæ Secretæ, ut supra, fol. 53.

Communio. Ps. 2. Servite Dómino in timóre, et exultáte ei cum tremóre. Apprehéndite disciplinam, ne pereátis de via justa.

Postcommunio.

CELESTIS vitæ múnere vegetáti, quæsumus, Dómine ; ut quod est nobis in præsénti vita mystérium, fiat æternitátis auxili-um. Per, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

FIDELES tui, Deus, per tua dona firméntur : ut eadem et percipiéndò requirant, et quæréndò sine fine percipiant. Per, etc.

DOMINICA PRIMA IN QUADRAGESIMA.

Statio ad Sanctum Joannem in Laterano.

Introitus. Ps. 90.

INVOCABIT me, et ego exaudiam eum : erípiam eum, et glorificábo eum : longitúdine diérum adimplébo eum.

Ps. ibid. Qui hábitat in adjutório Altissimi, in protectiόne Dei cœli commorábitur.

Ÿ. Glória Patri, etc.

Oratio.

DEUS, qui Ecclésiám tuam ánnua quadragesimáli observatióne purificas : præsta familiæ tuæ, ut, quod a te obtinére abstinéndo

nítitur, hoc bonis opéribus exequátur. Per, etc.

Aliæ Orationes, ut supra, fol. 53.

Léctio Epístolæ beáti Pauli Apóstoli ad Corínthios. 2 Cor. 6.

FRATRES, Exhortámur vos, ne in vácuum grátiam Dei recipiátis. Ait enim : Tém-pore ac-cépto exáudi vi te, et in die salútis adjúvi te. Ecce nunc tempus acceptá-bile, ecce nunc dies salútis. Némini dantes ullam offensi-ónem, ut non vituperétur ministéri-um nos-trum ; sed in ómnibus exhibeámus nosmetípsos, sicut Dei minístros, in multa patiéntia, in tribulati-ónibus, in necessitatibus, in angúst-iis, in plagis, in carcéribus, in sediti-ónibus, in labóribus, in vigiliis, in jejúniis, in castitate, in sciéntia, in longani-mitate, in suavitate, in Spíritu sanc-to, in caritate non ficta, in verbo veritátis, in virtúte Dei ; per arma justitiæ a dextris et a sinístris ; per glóriam, et ignobilitátem ; per infá-miam, et bonam famam ; ut seduc-tóres, et veráces ; sicut qui ignóti, et cóg-niti ; quasi moriéntes, et ecce vívimus ; ut castigáti, et non morti-ficáti ; quasi tristes, semper autem gaudéntes ; sicut egéntes, multos autem locupletántes ; tanquam nihil habéntes, et ómnia possidéntes.

Graduale. Ps. 90. Angelis suis Deus mandávit de te, ut custó-diant te in ómnibus viis tuis.

Ÿ. In mánibus portábunt te, ne unquam offéndas ad lápidem pedem tuum.

Tractus. Ps. 90. Qui hábitat in adjutório Altissimi, in protecti-ón-e Dei cœli commorábitur.

Ÿ. Dicet Dómino : Suscéptor meus es tu, et refúgium meum, Deus meus, sperábo in eum.

Ÿ. Quóniam ipse liberávit me

de láqueo venántium, et a verbo áspero.

V. Scápolis suis obumbrábit tibi, et sub pennis ejus sperábis.

V. Scuto circúmdabit te véritas ejus : non timébis a timóre noctúrno.

V. A sagitta volánte per diem, a negótio perambulánte in ténebris, a ruína et dæmónio meridiáno.

V. Cadent a látere tuo mille, et decem míllia a dextris tuis : tibi autem non appropinquábit.

V. Quóniam Angelis suis mandávit de te, ut custódiant te in ómnibus viis tuis.

V. In mánibus portábunt te, ne unquam offéndas ad lápidem pedem tuum.

V. Super áspidem et basiliscum ambulábis, et conculcábis leónem et draconem.

V. Quóniam in me sperávit, liberábo eum : prótegá eum, quóniam cognóvit nomen meum.

V. Invocábit me, et ego exáudiam eum : cum ipso sum in tribulatióne.

V. Erípiam eum, et glorificábo eum : longitudine diérum adimplébo eum : et osténdam illi salutáre meum.

Sequéntia sancti Evangélíi secúndum Matthæum. *Matth.* 4.

IN illo témpore, Ductus est Jesus in desértum a Spíritu, ut tentarétur a diábolo. Et cum jejunáset quadraginta diébus et quadraginta nóctibus, póstea esúriit. Et accédens tentátor, dixit ei : Si Filius Dei es, dic ut lápidés isti panes fiant. Qui respóndens, dixit : Scriptum est : Non in solo pane vivit homo, sed in omni verbo quod procedit de ore Dei. Tunc assúmpsit eum diábolus in sanctam civitátem, et státuit eum super pinnáculum templi, et dixit ei ; Si Filius

Dei es, mitte te deórsum ; scriptum est enim : Quia Angelis suis Deus mandávit de te, et in mánibus tollent te, ne forte offéndas ad lápidem pedem tuum. Ait illi Jesus : Rursum scriptum est : Non tentábis Dóminum Deum tuum. Iterum assúmpsit eum diábolus in montem excélsum valde ; et osténdit ei ómnia regna mundi, et glóriam eórum, et dixit ei : Hæc ómnia tibi dabo, si cadens adoráveris me. Tunc dicit ei Jesus : Vade, Sátana : scriptum est enim : Dóminum Deum tuum adorábis, et illi soli sérvies. Tunc relíquit eum diábolus : et ecce Angeli accessérunt, et ministrábant ei.

Dicitur Credo.

Offertorium. Ps. 90. Scápolis suis obumbrábit tibi Dóminus, et sub pennis ejus sperábis. Scuto circúmdabit te véritas ejus.

Secreta.

SACRIFICIUM quadragesimális inítií solémniter immolámus, te, Dómine, deprecántes ; ut cum epulárum restrictióne carnálium, a nóxiis quoque voluptátibus temperémus. Per, etc.

Aliæ Secretæ, ut supra, fol. 53.

Communio. Ps. 90. Scápolis suis obumbrábit tibi Dóminus, et sub pennis ejus sperábis. Scuto circúmdabit te véritas ejus.

Postcommunio.

TUI nos, Dómine, sacraménti libatio sancta restáuret, et a vetustáte purgátos, in mystérii salutáris fáciat transíre consórtium. Per, etc.

Aliæ Postcommuniones, ut supra, fol. 53.

FERIA SECUNDA.

*Statio ad S. Petrum ad Vincula.**Introitus. Ps. 122.*

SICUT óculi servórum in máni-
bus dominórum suórum : ita
óculi nostri ad Dóminum Deum
nostrum, donec misereátur nobis :
miserére nobis, Dómine, miserére
nobis.

Ps. ibid. Ad te levávi óculos
meos, qui hábitas in cœlis.

Ÿ. Glória Patri, et Filio, etc.

Oratio.

CONVERTE nos, Deus salutá-
ris noster : et ut nobis jejúni-
um quadragesimále proficiat, men-
tes nostras cœléstibus ínstrue disci-
plínis. Per, etc.

Aliæ Orationes, ut supra, fol. 53.

Léctio Ezechiélis Prophétæ.

Ezech. 34.

HÆC dicit Dóminus Deus :
Ecce ego ipse requíram oves
meas, et visitábo eas. Sicut vísitat
pastor gregem suum in die, quando
fúerit in médio óvium suárum dis-
sipatárum : sic visitábo oves meas,
et liberábo eas de ómnibus locis, in
quibus dispérsæ fúerant in die nubis
et caliginis. Et edúcam eas de
pópulis, et congregábo eas de terris,
et indúcam eas in terram suam : et
pascam eas in móntibus Israël, in
rivis, et in cunctis sédibus terræ.
In páscuis ubérrimis pascam eas, et
in móntibus excélsis Israël erunt
páscua eárum. Ibi requiéscent in
herbis viréntibus, et in páscuis pín-
guibus pascéntur super montes Isa-
raël. Ego pascam oves meas, et
ego eas accubáre fáciam, dicit Dó-
minus Deus. Quod perierat, requí-
ram ; et quod abjéctum erat, redú-
cam ; et quod confráctum fúerat,
alligábo ; et quod infirmum fúerat,
consolidábo ; et quod píngue et forte,

custódiam : et pascam illas in ju-
dício, dicit Dóminus omnipotens.

Graduale. Ps. 83. Protéctor
noster, áspice, Deus, et réspice su-
per servos tuos.

Ÿ. Dómine Deus virtútum, ex-
áudi preces servórum tuórum.

Tractus. Ps. 102. Dómine, non
secúndum peccáta nostra, quæ féci-
mus nos ; neque secúndum iniqui-
tátes nostras retribuas nobis.

Ÿ. *Ps. 78.* Dómine, ne memí-
neris iniquitátum nostrárum anti-
quárum : cito anticipent nos mise-
ricórdiæ tuæ, quia páuperes facti
sumus nimis.

Hic genu flectitur. Ÿ. Adjuva
nos, Deus salutáris noster, et prop-
ter glóriam nóminis tui, Dómine,
libera nos, et propítius esto peccátis
nostris propter nomen tuum.

Sequéntia sancti Evangélíi secún-
dum Matthæum. *Matth. 25.*

IN illo témpore, Dixit Jesus dis-
cípulis suis : Cum vénerit Filius
hóminis in majestáte sua, et omnes
Angeli ejus cum eo, tunc sedébit
super sedem majestátis suæ : ét
congregabúntur ante eum omnes
gentes, et separábit eos ab ínvicem,
sicut pastor ségregat oves ab hædis :
et státuet oves quidem a dextris
suis, hædos autem a sinístris. Tunc
dicet Rex his, qui a dextris ejus
erunt : Veníte, benedícti Patris mei,
possidéte parátum vobis regnum
a constitutióne mundi. Esurívi
enim, et dedístis mihi manducáre :
sitívi, et dedístis mihi bíbere ; hos-
pes eram, et collegístis me ; nudus,
et cooperuístis me ; infirmus, et
visitástis me ; in cárcere eram, et
venístis ad me. Tunc respondé-
bunt ei justí, dicéntes : Dómine,
quando te vídimus esuriéntem, et
pávimus te ? sitiéntem, et dédimus

tibi potum ? quando autem te vidimus hóspitem, et collégimus te ? aut nudum, et cooperúimus te ? aut quando te vidimus infirmum, aut in cárcere, et vénimus ad te ? Et respóndens Rex, dicet illis : Amen dico vobis, quámdiu fecístis uni ex his frátribus meis mínimis, mihi fecístis. Tunc dicet et his, qui a sinístris erunt ; Discédite a me, maledícti, in ignem ætérnum, qui parátus est diábolo, et ángelis ejus. Esurívi enim, et non dedístis mihi manducáre ; sitívi, et non dedístis mihi potum : hospes eram, et non collegístis me ; nudus, et non cooperuístis me ; infirmus, et in cárcere, et non visitástis me. Tunc respondébunt ei et ipsi, dicéntes : Dómine, quando te vidimus esuriéntem, aut sitiéntem, aut hóspitem, aut nudum, aut infirmum, aut in cárcere, et non ministrávimus tibi ? Tunc respondébit illis, dicens : Amen dico vobis : Quámdiu non fecístis uni de minóribus his, nec mihi fecístis. Et ibunt hi in supplicium ætérnum ; justí autem in vitam ætérnam.

Offertorium. Ps. 118. Levábo óculos meos, et considerábo mirábilia tua, Dómine, ut dóceas me justítias tuas. Da mihi intelléctum, et discam mandáta tua.

Secreta.

MUNERA tibi, Dómine, obláta sanctífica : nosque a peccatórum nostrórum máculis emúnda. Per Dóminum, etc.

Aliæ Secretæ, ut supra, fol. 53.

Communio. Matth. 25. Amen dico vobis : quod uni ex mínimis meis fecístis, mihi fecístis. Veníte, benedícti Patris mei, possidéte parátum vobis regnum ab initio sæculi.

Postcommunio.

SALUTARIS tui, Dómine, múnere satiáti, súpplíces exorámus ; ut cujus lætámur gustu, renovémur effectú. Per, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

ABSOLVE, quæsumus, Dómine, nostrórum vincula peccatórum : et quidquid pro eis merémur, propitiátus avérte. Per, etc.

FERIA TERTIA.

Statio ad Sanctam Anastasiam.

Introitus. Ps. 89.

DOMINE, refúgium factus es nobis a generatióne et progénie. A sæculo et in sæculum tu es. *Ps. ibid.* Priúsqvam montes fierent, aut formarétur terra et orbis, a sæculo et usque in sæculum tu es, Deus.

Y. Glória Patri, etc.

Oratio.

RESPICE, Dómine, famíliam tuam, et præsta, ut apud te mens nostra tuo desidério fúlgeat, quæ se carnis maceratióne castígat. Per Dóminum, etc.

Aliæ Orationes, ut supra, fol. 53.

Léctio Isaíæ Prophétæ. Isa. 55.

IN diébus illis, Locútus est Isaías Prophéta, dicens : Quærite Dóminum, dum inveníri potest : invocáte eum, dum prope est. Derelinquat ímpius viam suam, et vir iníquus cogitatiónes suas : et revertátur ad Dóminum, et miserébitur ejus ; et ad Deum nostrum, quóniam multus est ad ignoscéndum.

Non enim cogitationes meæ, cogitationes vestræ; neque viæ vestræ, viæ meæ, dicit Dóminus. Quia sicut exaltántur cœli a terra, sic exaltátæ sunt viæ meæ a viis vestris, et cogitationes meæ a cogitationibus vestris. Et quómodo descendit imber et nix de cœlo, et illuc ultra non revértitur, sed inébriat terram, et infúndit eam, et germinare eam facit, et dat semen serénti, et panem comedénti: sic erit verbum meum, quod egrediétur de ore meo: non revertétur ad me vacuum; sed fáciat quæcúmque vólui, et prosperábitur in his, ad quæ misi illud, ait Dóminus omnípotens.

Graduale. Ps. 140. Dirigátur orátio mea sicut incénsus in conspéctu tuo, Dómine.

V. Elevátio mánuum meárum sacrificium vespertinum.

Sequéntia sancti Evangélíi secúndum Matthæum. *Matth. 21.*

IN illo témpore: Cum intrásset Jesus Jerosólymam, commóta est univérsa civitas, dicens: Quis est hic? Pópuli autem dicébant: Hic est Jesus Prophéta a Názareth Galilææ. Et intrávit Jesus in templum Dei, et ejiciébat omnes vendéntes, et eméntes in templo; et mensas nummulariórum, et cathedras vendéntium colúmbas evértit: et dicit eis: Scriptum est: Domus mea domus oratiónis vocábitur: vos autem fecístis illam spelúncam latrónum. Et accessérunt ad eum cæci, et cláudi in templo, et sanávit eos. Vidéntes autem Príncipes sacerdótum, et Scribæ mirabília, quæ fecit, et púeros clamántes in templo, et dicéntes: Hosánna filio David; indignáti sunt, et dixerunt ei: Audis quid isti dicunt? Jesus autem dixit eis: Utique. Numquam legístis: Quia ex ore infántium et lacténtium perfecísti

láudem? Et relictis illis, ábiit foras extra civitátem in Bethániam, ibique mansit.

Offertorium. Ps. 30. In te sperávi, Dómine, dixi: Tu es Deus meus, in manibus tuis témpora mea.

Secreta.

OBLATIS, quæsumus, Dómine, placáre munéribus: et a cunctis nos defénde periculis. Per, etc.

Aliæ Secretæ, ut supra, fol. 53.

Communio. Ps. 4. Cum invocárem te, exaudísti me, Deus justitiæ meæ: in tribulatióne dilatásti me. Miserére mihi, Dómine, et exáudi oratióne meam.

Postcommunio.

QUÆSUMUS, omnípotens Deus, ut illíus salutáris capiámus effectum, cujus per hæc mystéria pignus accépimus. Per, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

ASCENDANT ad te, Dómine, preces nostræ: et ab Ecclesiá tua cunctam repélle nequítiam. Per Dóminum, etc.

FERIA QUARTA QUATUOR TEMPORUM QUADRAGESIMÆ.

Statio ad S. Mariam Majorem.

Introitus. Ps. 24.

REMINISCERE miseratiónum tuárum, Dómine, et misericórdiæ tuæ, quæ a sæculo sunt: ne unquam dominéntur nobis inimici nostri: libera nos, Deus Israël, ex ómnibus angústíis nostris.

Ps. 24. Ad te, Dómine, levávi ánimam meam : Deus meus, in te confido, non erubescam.

Ÿ. Glória Patri, etc.

Post Kyrie eléison, dicitur : Orémus. Flectámus gēnua.

R. Leváte.

Oratio.

PRECES nostras, quæsumus, Dómine, cleménter exáudi : et contra cuncta nobis adversántia, dēxteram tuæ majestátis extēde. Per Dóminum, etc.

Lectio libri Exodi. Exod. 24.

IN diēbus illis : Dixit Dóminus ad Móysen : Ascēde ad me in montem, et esto ibi : dabóque tibi tábulas lapídeas, et legem, ac mandáta quæ scripsi ; ut dóceas filios Israēl. Surrexérunt Móyses, et Jósue mínister ejus : ascendénsque Móyses in montem Dei, senióribus ait : Expectáte hic, donec revertámur ad vos. Habétis Aaron, et Hur vobíscum : si quid natum fúerit quæstiónis, referétis ad eos. Cumque ascendísset Móyses, opéruit nubes montem, et habitávit glória Dómini super Sínai, tegens illum nube sex diēbus : séptimo autem die vocávit eum de médio caliginis. Erat autem spēcies glóriæ Dómini, quasi ignis ardens super vérticem montis, in conspéctu filiórum Israēl. Ingressúsque Móyses médium nébulæ, ascēdit in montem : et fuit ibi quadraginta diēbus, et quadraginta nóctibus.

Graduale. Ps. 24. Tribulatiónes cordis mei dilatátæ sunt. De necessitatibus meis éripe me, Dómine.

Ÿ. Vide humilitátem meam, et labórem meum : et dimítte ómnia peccáta mea.

Hic non dicitur : Flectámus gēnua. *Sed Ÿ.* Dóminus vobíscum.

Orémus.

Oratio.

DEVOTIONEM pópuli tui, quæsumus, Dómine, benígnus intēde : ut qui per abstinéntiam macerántur in córpore, per fructum boni óperis reficiántur in mente. Per Dóminum, etc.

Aliæ Orationes, ut supra, fol. 53.

Lectio libri Regum. 3 Reg. 19.

IN diēbus illis : Venit Elías in Bersabée Juda, et dimísit ibi púerum suum, et perréxit in désertum, viam unius diēi. Cúmque venísset, et sedéret subter unam juníperum, petívit ánimæ suæ, ut morerétur, et ait : Súfficit mihi, Dómine, tolle ánimam meam ; neque enim mélior sum, quam patres mei. Projecitque se, et obdormívit in umbra juníperi. Et ecce Angelus Dómini tétigit eum, et dixit illi : Surge, et cómede. Respéxit, et ecce ad caput suum subcinerícus panis, et vas aquæ. Comédit ergo, et bibit, et rursum obdormívit. Reversúsque est Angelus Dómini secúndo, et tétigit eum, dixítque illi : Surge, cómede ; grandis enim tibi restat via. Qui cum surrexísset, comédit et bibit, et ambulávit in fortitúdine cibi illius quadraginta diēbus et quadraginta nóctibus, usque ad montem Dei Horeb.

Tractus. Ps. 24. De necessitatibus meis éripe me, Dómine. Vide humilitátem meam, et labórem meum, et dimítte ómnia peccáta mea.

Ÿ. Ad te, Dómine, levávi ánimam meam, Deus meus, in te confido, non erubescam : neque irrídeant me inimíci mei.

Ÿ. Etenim univérsti, qui te expéctant, non confundéntur. Confundántur omnes faciéntes vana.

Sequētia sancti Evangēlii secūndum Matthæum. *Matth.* 12.

IN illo tēpore : Respondērunt Jesu quidam de Scribis et Pharisæis, dicētes : Magīster, vólumus a te signum vidēre. Qui respōdens, ait illis : Generatío mala et adúltera signum quærit, et signum non dābitur ei, nisi signum Jonæ Prophætæ. Sicut enim fuit Jonas in ventre ceti tribus diēbus, et tribus nóctibus ; sic erit filius hóminis in corde terræ tribus diēbus, et tribus nóctibus. Viri Ninivítæ surgent in iudicio cum generatióne ista, et condemnábunt eam : quia pœniténtiam egērunt in prædicatióne Jonæ : et ecce plus quam Jonas hic. Regina Austri surget in iudicio cum generatióne ista, et condemnábit eam : quia venit a finibus terræ audire sapiéntiam Salomónis : et ecce plus quam Sálomon hic. Cum autem immúndus spíritus exierit ab hómine, ámbulat per loca árida, quærens réquiem, et non invenit. Tunc dicit : Revértar in domum meam, unde exívi. Et véniens invenit eam vacántem, scopis mundátam, et ornátam. Tunc vadit, et assúmit septem álios spíritus secum nequiores se, et intrántes habitant ibi : et fiunt novíssima hóminis illius pejóra prióribus. Sic erit et generatióni huic pëssimæ. Adhuc eo loquēte ad turbas, ecce Mater ejus, et fratres stabant foris, quæréntes loqui ei. Dixit autem ei quidam : Ecce Mater tua, et fratres tui foris stant, quæréntes te. At ipse respōdens dicēti sibi, ait : Quæ est mater mea, et qui sunt fratres mei ? Et extēdens manum in discipulos suos, dixit : Ecce mater mea, et fratres mei. Quicúmque enim fécerit voluntátem Patris mei, qui in cœlis est, ipse meus frater, et soror, et mater est.

Offertorium. Ps. 118. Meditabor in mandátis tuis, quæ diléxi valde ; et levábo manus meas ad mandáta tua, quæ diléxi.

Secreta.

HOSTIAS tibi, Dómine, placatiónis offērimus : ut et delicta nostra miserátus absólyas, et nutántia corda tu dirigas. Per, etc.

Aliæ Secretæ, ut supra, fol. 53.

Communio. Ps. 5. Intéllige clamórem meum : inténde voci oratiónis meæ, Rex meus, et Deus meus : quóniam ad te órabo, Dómine.

Postcommunio.

TUI, Dómine, perceptiόne sacraménti, et a nostris mundémur occúltis, et ab hóstium liberémur insídiis. Per Dominum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

MENTES nostras, quæsumus, Dómine, lúmine tuæ claritátis illústra : ut vidēre possimus quæ agēda sunt, et quæ recta sunt, ágere valeámus. Per, etc.

FERIA QUINTA.

Statio ad Sanctum Laurentium in Paneperna.

Introitus. Ps. 95.

CONFESSIO et pulchritúdo in conspéctu ejus : sánctitas et magnificéntia in sanctificatióne ejus.

Ps. ibid. Cantáte Dómino canticum novum : cantáte Dómino, omnis terra.

Ÿ. Glória Patri, etc.

Oratio.

DEVOTIONEM pópuli tui, quæsumus, Dómine, benígnus inténde : ut qui per abstinentiam macerántur in corpore, per fructum boni óperis reficiántur in mente. Per Dóminum, etc.

Aliæ Orationes, ut supra, fol. 53.

Lectio Ezechiélis Prophétæ.
Ezech. 18.

IN diébus illis : Factus est sermo Dómini ad me, dicens : Quid est quod inter vos parábolam vértitis in provérbum istud in terra Israël, dicéntes : Patres comedérunt uvam acérbam, et dentes filiórum obstupescunt ? Vivo ego, dicit Dóminus Deus, si erit ultra vobis parábola hæc in provérbum in Israël. Ecce omnes ánimæ meæ sunt : ut ánima patris, ita et ánima filii mea est. Anima, quæ peccáverit, ipsa moriétur. Et vir si fúerit justus, et fécerit iudícium et justítiam ; in móntibus non coméderit, et óculos suos non leváverit ad idóla domus Israël ; et uxórem próximi sui non violáverit, et ad mulierem menstruátam non accésse-rit ; et hóminem non contristáverit ; pignus debitóri reddiderit ; per vim nihil rapúerit, panem suum esuriénti déderit, et nudum operúerit vestiménto ; ad usúram non commodáverit, et ámplius non accéperit ; ab iniquitáte avérterit manum suam, et iudícium verum fécerit inter virum, et virum ; in præcéptis meis ambuláverit, et iudícia mea custodierit, ut fáciat veritátem : hic justus est, vita vivet, ait Dóminus omnipotens.

Graduale. Ps. 16. Custódi me, Dómine, ut pupíllam óculi : sub umbra-alárum tuárum prótege me.

Y. De vultu tuo iudícium meum

I

pródeat. Oculi tui videant æquitátem.

Sequéntia sancti Evangélíi secúndum Matthæum. *Matth. 15.*

IN illo témpore : Egressus Jesus secéssit in partes Tyri, et Sidónis. Et ecce múlter Chananæa a finibus illis egréssa clamávit, dicens ei : Misérére mei, Dómine, fili David : filia mea male a dæmónio vexáta. Qui non respóndit ei verbum. Et accedéntes discípuli ejus, rogábant eum, dicéntes : Dímittle eam, quia clamat post nos. Ipse autem respóndens ait : Non sum missus nisi ad oves, quæ periérunt domus Israël. At illa venit, et adorávit eum, dicens : Dómine, adjuva me. Qui respóndens, ait : Non est bonum súmeré panem filiórum, et mittere cánibus. At illa dixit : Etiam, Dómine ; nam et catélli edunt de micis, quæ cadunt de mensa dominórum suórum. Tunc respóndens Jesus, ait illi : O múlter, magna est fides tua : fiat tibi, sicut vis. Et sanáta est filia ejus ex illa hora.

Offertorium. Ps. 33. Immíttet Angelus Dómini in circúitu tíméntium eum, et erípiet eos. Gustáte, et vidéte, quóniam suávis est Dóminus.

Secreta.

SACRIFICIA, Dómine, quæsumus, propítius ista nos salvent, quæ medicínalibus sunt institúta jejúniis. Per Dóminum.

Aliæ Secretæ, ut supra, fol. 53.

Communio. Joann. 6. Panis, quem ego dédero, caro mea est pro sæculi vita.

Postcommunio.

TUORUM nos, Dómine, largitate donórum, et temporálibus

attólle præsiðiis, et rénova sempiternis. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

DA, quæsumus, Dómine, pópulis Christiánis, et quæ profiténtur, agnóscere; et cœléste munus diligere, quod frequéntant. Per Dóminum, etc.

FERIA SEXTA QUATUOR TEMPORUM QUADRAGESIMÆ.

Statio ad SS. Duodecim Apostolos.

Introitus. Ps. 24.

DE necessitatibus meis éripe me, Dómine: vide humilitátem meam, et labórem meum, et dimitte ómnia peccáta mea.

Ps. ibid. Ad te, Dómine, levávi ánimam meam. Deus meus, in te confído, non erubéscam.

Ÿ. Glória Patri, etc.

Oratio.

ESTO, Dómine, propítius plebi tuæ: et quam tibi facis esse devótam, bénigno réfove miserátus auxilio. Per Dóminum.

Aliæ Orationes, ut supra, fol. 53.

Léctio Ezechiélis Prophétæ.

Ezech. 18.

HÆC dicit Dóminus Deus: Anima quæ peccáverit, ipsa moriétur. Filius non portábit iniquitátem patris, et pater non portábit iniquitátem filii. Justítia justí super eum erit, et impietas ímpii erit super eum. Si autem ímpius égerit pœniténtiam ab ómnibus peccátis suis, quæ operátus est, et

custodierit ómnia præcépta mea, et fécerit judícium et justítiam; vita vivet, et non moriétur. Omnium iniquitátum ejus, quas operátus est, non recordábor: in justítia sua, quam operátus est, vivet. Númquid voluntátis meæ est mors ímpii, dicit Dóminus Deus, et non ut convertátur à viis suis, et vivat? Si autem avérterit se justus à justítia sua, et fécerit iniquitátem secúndum omnes abominatiónes, quas operári solet ímpius; númquid vivet? Omnes justítiæ ejus, quas fécerat, non recordabúntur: in prævaricatióne, qua prævaricátus est, et in peccáto suo, quod peccávit, in ipsis moriétur. Et dixístis: Non est æqua via Dómini. Audíte ergo, domus Israël: Númquid via mea non est æqua, et non magis viæ vestræ pravæ sunt? Cum enim avérterit se justus à justítia sua, et fécerit iniquitátem, moriétur in eis: in injustítia, quam operátus est, moriétur. Et cum avérterit se ímpius ab impietáte sua, quam operátus est, et fécerit judícium et justítiam; ipse ánimam suam vivificábit. Considerans enim, et avértens se ab ómnibus iniquitátibus suis, quas operátus est, vita vivet, et non moriétur, ait Dóminus omnípotens.

Graduale. Ps. 85. Salvum fac servum tuum, Deus meus, sperántem in te.

Ÿ. Auribus pécipe, Dómine, oratiónem meam.

Tractus. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis.

Ÿ. Ps. 78. Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva

nos, Deus salutáris noster : et propter glóriam Nóminis tui, Dómine, libera nos : et propítius esto peccátis nostris propter Nomen tuum.

Sequéntia sancti Evangélíi secúndum Joánnem. *Joann. 5.*

IN illo témpore : Erat dies festus Judæórum, et ascéndit Jesus Jerosólymam. Est autem Jerosólymis Probática piscína, quæ cognominátur Hebráice Bethsáida, quinque pórticus habens. In his jacébat multitúdo magna languéntium, cæcórum, claudórum, aridórum, expectántium aquæ motum. Angelus autem Dómini descendébat secúndum tempus in piscinam, et movebátur aqua. Et qui prior descendisset in piscinam post motiónem aquæ, sanus fiébat à quacúmque detinebátur infirmitáte. Erat autem quidam homo ibi, trigínta et octo annos habens in infirmitáte sua. Hunc cum vidisset Jesus jacéntem, et cognovisset quia jam multum tempus habéret, dicit ei : Vis sanus fieri? Respóndit ei lánguidus : Dómine, hóminem non hábeo ut cum turbáta fúerit aqua, mittat me in piscinam : dum vénio enim ego, álius ante me descendit. Dicit ei Jesus : Surge, tolle grabátum tuum, et ámbula. Et statim sanus factus est homo ille : et sústulit grabátum suum, et ambulábat. Erat autem Sábbatum in die illo. Dicébant ergo Judæi illi qui sanátus fúerat : Sábbatum est ; non licet tibi tóllere grabátum tuum. Respóndit eis : Qui me sanum fecit, ille mihi dixit : Tolle grabátum tuum, et ámbula. Interrogavérunt ergo eum : Quis est ille homo, qui dixit tibi : Tolle grabátum tuum, et ámbula? Is autem, qui sanus fúerat effectus, nesciébat quis esset. Jesus enim declinávit à turba constitúta in loco. Póstea invénit eum Jesus

in templo, et dixit illi : Ecce sanus factus es : jam noli peccáre, ne detérius tibi áliquid contingat. Abiit ille homo, et nuntiávit Judæis, quia Jesus esset, qui fecit eum sanum.

Offertorium. Ps. 102. Bénedic, ánima mea, Dómino, et noli oblivisci omnes retributiónes ejus : et renovábitur sicut áquilæ, juvéntus tua.

Secreta.

SUSCIPE, quæsumus, Dómine, múnera nostris oblata servítiis : et tua propítius dona sanctifica. Per Dóminum, etc.

Aliæ Secretæ, ut supra, fol. 53.

Communio. Ps. 6. Erubéscant et conturbéntur omnes inimíci mei : avertántur retrórsum, et erubéscant valdè velociter.

Postcommunio.

PER hujus, Dómine, operatió-nem mystérii et vítia nostra purgéntur, et justa desidéria compleántur. Per Dóminum.

Aliæ Postcommuniones, ut supra, fol. 53.

Super populum. Orémus. Humiliate cápita vestra Deo.

Oratio.

EXAUDI nos, miséricors Deus : et méntibus nostris grátiae tuæ lumen osténde. Per, etc.

SABBATO QUATUOR TEMPORUM QUADRAGESIMÆ.

Statio ad Sanctum Petrum.

Introitus. Ps. 87.

INTRET orátio mea in conspéctu tuo : inclina aurem tuam ad precem meam, Dómine.

Ps. ibid. Dómine Deus salútis meæ, in die clamávi, et nocte coram te.

Ÿ. Glória Patri, et Filio, etc.

Post Kyrie, eléison, dicitur Orémus. Flectámus génua.

R̃. Leváte.

Oratio.

POPULUM tuum, quæsumus, Dómine, propítius réspice : atque ab eo flagélla tuæ iracúndiæ cleménter avérte. Per, etc.

Léctio libri Deuteronomíi.

Deut. 26.

IN diébus illis : Locútus est Móyses ad pópulum, dicens : Quando compléveris decimam cunctárum frugum tuárum, loquéris in conspéctu Dómini Dei tui : Abstuli quod sanctificátum est de domo mea, et dedi illud Levítæ, et ádvenæ, et pupíllo, ac víduæ, sicut iussísti mihi : non præterívi mandáta tua, nec sum oblítus impérii tui. Obedívi voci Dómini Dei mei, et feci ómnia sicut præcepísti mihi. Réspice de sanctuário tuo, et de excélsio cœlórum habitáculo : et benedic pópulo tuo Israél, et terræ, quam dedísti nobis, sicut jurásti pátribus nostris, terræ lacte et melle manánti. Hódie Dóminus Deus tuus præcepit tibi, ut fácias mandáta hæc atque judícia, et custódias, et ímpleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis ejus, et custódias ceremónias illíus, et mandáta atque judícia, et obédias ejus império. Et Dóminus elégit te hódie, ut sis ei pópulus peculiáris, sicut locútus est tibi, et custódias ómnia præcépta illíus ; et fáciat te excelsiorem cunctis géntibus, quas creávit, in laudem, et nomen, et glóriam suam : ut sis

pópulus sanctus Dómini Dei tui, sicut locútus est.

Graduale. Ps. 78. Propítius esto, Dómine, peccátis nostris : nequándo dicant gentes : Ubi est Deus eórum ?

Ÿ. Adjuva nos, Deus salutáris noster, et propter honórem nóminis tui, Dómine, libera nos.

Orémus. Flectámus génua.

R̃. Leváte.

Oratio.

PROTECTOR noster, áspice, Deus : ut, qui malórum nostrórum póndere prémimur, percépta misericórdia, libera tibi mente famulémur. Per Dóminum.

Léctio libri Deuteronomíi.

Deut. 11.

IN diébus illis : Dixit Móyses fíliis Israél : Si custodiéritis mandáta, quæ ego præcípíio vobis, et fecéritis ea, ut diligátis Dóminum Deum vestrum, et ambulétis in ómnibus viis ejus, adhæréntes ei ; dispérdet Dóminus omnes gentes istas ante faciém vestram, et possidébitis eas, quæ majóres et fortióres vobis sunt. Omnis locus, quem calcáverit pes vester, vester erit. A desérto, et a Libano, et a flúmine magno Euphráte usque ad mare Occidentále erunt términi vestri. Nullus stabit contra vos : terrórem vestrum et formídinem dabit Dóminus Deus vester super omnem terram, quam calcatúri estis, sicut locútus est vobis Dóminus Deus vester.

Graduale. Ps. 83. Protéctor noster, áspice, Deus, et réspice super servos tuos.

Ÿ. Dómine Deus virtútum, exáudi preces servórum tuórum.

Orémus. Flectámus génua.

R̃. Leváte.

Oratio.

ADESTO, quæsumus, Dómine, supplicatióibus nostris : ut esse, te largiēte, mereámur et inter próspera húmiles, et inter advérsa secúri. Per Dóminum.

Léctio libri Machabæórum.

2 Mach. 1.

IN diébus illis : Oratióem faciébant omnes sacerdótes, dum consummarétur sacrificium, Jónatha inchoánte, cæteris autem respondéntibus. Et Nehemiæ erat oratio hunc habens modum : Dómine Deus, ómnium créator, terribilis, et fortis, justus, et miséricors, qui solus es bonus Rex, solus præstans, solus justus, et omnipotens, et ætérnus, qui liberas Israël de omni malo, qui fecisti patres eléctos, et sanctificásti eos : áccipe sacrificium pro univérso pópulo tuo Israël, et custódi partem tuam, et sanctifica : ut sciant gentes, quia tu es Deus noster.

Graduale. Ps. 89. Convértere, Dómine, aliquántulum, et deprecáre super servos tuos.

V. Dómine, refúgium factus es nobis à generatióne et progénie.

Orémus. Flectámus génua.

R. Leváte.

Oratio.

PRECES pópuli tui, quæsumus, Dómine, cleménter exáudi : ut qui justè pro peccátis nostris affligimur, pro tui nóminis glória misericórditer liberémur. Per Dóminum.

Léctio libri Sapiéntiæ. *Ecc. 36.*

MISERERE nostri, Deus ómnium, et respice nos, et osténde nobis lucem miseratiónum tuárum : et immítte timórem tuum super gentes, quæ non exquisiérunt te ; ut cognóscant quia non est

Deus nisi tu, et enárrent magnália tua. Alleva manum tuam super gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus, quóniam non est Deus præter te, Dómine. Innova signa, et immúta mirabilia. Glorifica manum, et bráchium dextrum. Excita furórem, et effúnde iram. Tolle adversárium, et afflige inimicum. Festina tempus, et meménto finis, ut enárrent mirabilia tua, Dómine Deus noster.

Graduale. Ps. 140. Dirigátur oratio mea, sicut incénsus in conspéctu tuo, Dómine.

V. Elevatio mánuum meárum, sacrificium vespertinum.

Orémus. Flectámus génua.

R. Leváte.

Oratio.

ACTIONES nostras, quæsumus, Dómine, aspirándo præveni, et adjuvándo proséquere : ut cuncta nostra oratio et operatio à te semper incípiat, et per te cæpta finiátur. Per Dóminum.

Léctio Daniélis Prophétæ.

Dan. 3.

IN diébus illis : Angelus Dómini descendit cum Azaría et sóciis ejus in fornácem, et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem : et erúpit, et incéndit quos réperit juxta fornácem de Chaldæis ministros regis, qui eam incendébant. Et non téngit eos omníno ignis, neque contristávit, nec quidquam moléstia intulit. Tunc hi tres, quasi ex uno ore,

laudábant, et glorificábant, et benedicébant Deum in fornáce, dicétes:

Hic non respondetur : Deo grátias.

Hymnus.

BENEDICTUS es, Dómine, Deus patrum nostrórum. Et laudábilis et gloriósus in sæcula.

Et benedictum nomen glóriæ tuæ, quod est sanctum. Et laudábile et gloriósum in sæcula.

Benedíctus es in templo sancto glóriæ tuæ. Et laudábilis et gloriósus in sæcula.

Benedíctus es super thronum sanctum regni tui. Et laudábilis et gloriósus in sæcula.

Benedíctus es super sceptrum divinitátis tuæ. Et laudábilis et gloriósus in sæcula.

Benedíctus es, qui sedes super Chérubim íntuens abyssos. Et laudábilis et gloriósus in sæcula.

Benedíctus es, qui ámbulas super pennas ventórum, et super undas maris. Et laudábilis et gloriósus in sæcula.

Benedícant te omnes Angeli, et Sancti tui. Et láudent te et glorificent in sæcula.

Benedícant te cœli, terra, mare, et ómnia quæ in eis sunt. Et láudent te et glorificent in sæcula.

Glória Patri, et Fílio, et Spirítui sancto. Et laudábili et glorióso in sæcula.

Sicut erat in princípio, et nunc, et semper, et in sæcula sæculórum. Amen. Et laudábili et glorióso in sæcula.

Benedíctus es, Dómine, Deus patrum nostrórum. Et laudábilis et gloriósus in sæcula.

Hic dicitur : Dóminus vobíscum.

Orémus.

Oratio.

DEUS, qui tribus púeris mitigásti flammam ignium : con-

cède propítius, ut nos fámulos tuos non exúrat flamma vitiórum. Per Dóminum.

Aliæ Orationes, ut supra, fol. 53.

Léctio Epístolæ beáti Pauli Apóstoli ad Thessalónicenses.

1 Thess. 5.

FRATRES, Rogámus vos : corripite inquietos, consolámini pusillánimes, suscípите infirmos, patiéntes estóte ad omnes. Vidéte, ne quis malum pro malo alicuĩ reddat : sed semper quod bonum est sectámini in ínvicem, et in omnes. Semper gaudéte. Sine intermissione oráte. In ómnibus grátias ágite : hæc est enim volúntas Dei in Christo Jesu in ómnibus vobis. Spíritum nolíte extínguere. Prophetías nolíte spérnere. Omnia autem probáte. Quod bonum est, tenéte. Ab omni spécie mala abstinéte vos. Ipse autem Deus pacis sanctíficet vos per ómnia : ut ínteger spíritus vester, et ánima, et corpus sine queréla in advéntu Dómini nostri Jesu Christi servétur.

Tractus. Ps. 116. Laudáte Dóminum, omnes Gentes : et colaudáte eum, omnes pópuli.

Ÿ. Quóniam confirmáta est super nos misericórdia ejus, et véritas Dómini manet in æternum.

Sequéntia sancti Evangélíi secúndum Matthæum. *Matth. 17.*

IN illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum, et transfigurátus est ante eos. Et resplénduit fácies ejus sicut sol, vestiménta autem ejus facta sunt alba sicut nix. Et ecce apparuérunt illis Móyses et Elías cum eo loquéntes. Respóndens autem Petrus, dixit ad Jesum : Dómine, bo-

num est nos hîc esse. Si vis, faciâmus hîc tria tabernâcula; tibi unum, Môysi unum, et Eliæ unum. Adhuc eo loquente, ecce nubes lûcida obumbrâvit eos. Et ecce vox de nube, dicens: Hic est Filius meus dilêctus, in quo mihi bene complâcui, ipsum audîte. Et audiêntes discipuli, cecidêrunt in faciêm suam, et timuêrunt valdè. Et accêssit Jesus, et têtigit eos, dixitque eis: Sûrgite, et nolite timère. Levântes autem ôculos suos, nêminem vidêrunt, nisi solum Jesum. Et descendêntibus illis de monte, præcêpit eis Jesus, dicens: Nêmini dixêritis visiônem, donec Filius hómînis à mórtais resûrgat.

Offertorium. Ps. 87. Dómine, Deus salútis meæ, in die clamâvi, et nocte coram te. Intret orátio mea in conspêctu tuo, Dómine.

Secreta.

PRÆSENTIBUS sacrificiis, quæsumus, Dómine, jejûnia nostra sanctifica: ut quod observántia nostra profitêtur extrinsecus, intérius operêtur. Per, etc.

Aliæ Secreta, ut supra, fol. 53.

Communio. Ps. 7. Dómine, Deus meus, in te sperâvi: libera me ab ômnibus persequêntibus me, et éripe me.

Postcommunio.

SANCTIFICATIONIBUS tuis, Sômnipotens Deus, et vítia nostra curêntur, et remédia nobis ætérna provéniant. Per Dóminum.

Aliæ Postcommuniones, ut supra, fol. 53.

Super populum. Orémus. Humiliâte cápita vestra Deo.

Oratio.

FIDELES tuos, Deus, benedictio desideráta confirmet: quæ

eos et à tua voluntáte numquam faciât discrepâre, et tuis semper indûlgeat beneficiis gratulâri. Per Dóminum, etc.

DOMINICA II. IN QUADRAGESIMA.

Statio ad S. Mariam in Dominica.

Introitus. Ps. 24.

REMINISCERE miseratiônum tuârum, Dómine, et misericórdiæ tuæ, quæ à sæculo sunt; ne umquam dominêntur nobis inimici nostri. Libera nos, Deus Israël, ex ômnibus angûstiiis nostris.

Ps. 24. Ad te, Dómine, levâvi ánimam meam. Deus meus, in te confido, non erubêscam.

Ÿ. Glória Patri, etc.

Oratio.

DEUS, qui cónspicis omni nos virtúte destítui, intérius, exteriúsque custódi: ut ab ômnibus adversitatibus muniámur in corpore, et à pravis cogitatiônibus mundêmur in mente. Per, etc.

Aliæ Orationes, ut supra, fol. 53.

Léctio Epístolæ beáti Pauli Apóstoli ad Thessalonicênses.

1 Thess. 4.

FRATRES, Rogâmus vos, et obsecrámus in Dómino Jesu; ut quemádmódum accepístis à nobis quómodo opórteat vos ambulâre, et placére Deo, sic et ambulétis, ut abundétis magis. Scitis enim quæ præcépta déderim vobis per Dóminum Jesum. Hæc est enim volúntas Dei, sanctificátio vestra: ut abstineátis vos à fornicatiône, ut sciat unusquisque vestrâm vas suum possidére in sanctificatiône, et honóre; non in passióne desidérii, sicut et gentes, quæ ignórant Deum: et ne quis supergrediâtur,

neque circumvéniat in negotio fratrem suum : quóniam vindex est Dóminus de his ómnibus, sicut prædiximus vobis, et testificáti sumus. Non enim vocávit nos Deus in immundítiam, sed in sanctificatióne, in Christo Jesu Dómino nostro.

Graduale. Ps. 24. Tribulationes cordis mei dilatátæ sunt : de necessitatibus meis éripe me, Dómine.

V. Vide humilitátem meam, et labórem meum : et dimitte ómnia peccáta mea.

Tractus. Ps. 105. Confitémini Dómino quóniam bonus : quóniam in sæculum misericórdia ejus.

V. Quis loquétur poténtias Dómini, audítas faciét omnes laudes ejus ?

V. Beáti qui custódiunt judícium, et faciunt justítiam in omni tẽpore.

V. Meménto nostrĩ, Dómine, in beneplácito pópuli tui. Visita nos in salutári tuo.

Sequéntia sancti EvangélII secúndum Matthæum. *Matth. 17.*

IN illo tẽpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum, et transfigurátus est ante eos. Et resplénduit fácies ejus sicut sol : vestiménta autem ejus facta sunt alba sicut nix. Et ecce apparuerunt illis Móyses et Elías cum eo loquéntes. Respóndens autem Petrus, dixit ad Jesum : Dómine, bonum est nos hĩc esse. Si vis, faciámus hĩc tria tabernácula ; tibi unum, Móysi unum, et Elíæ unum. Adhuc eo loquente, ecce nubes lícida obumbrávit eos. Et ecce vox de nube, dicens : Hic est Fílius meus diléctus, in quo mihi bene

complácu : ipsum audíte. Et audiéntes discípuli, cecidérunt in fáciem suam, et timuérunt valdè. Et accéssit Jesus, et tétigit eos, dixitque eis : Súrgite, et nolite timère. Levántes autem óculos suos, nẽminem vidérunt, nisi solum Jesum. Et descendéntibus illis de monte, præcépit eis Jesus, dicens : Nẽmini dixeritis visióne, donec Fílius hóminis à mórtuis resúrgat.

Dicitur Credo.

Offertorium. Ps. 118. Meditabor in mandátis tuis, quæ diléxi valdè ; et levábo manus meas ad mandáta tua, quæ diléxi.

Secreta.

SACRIFICIIS præsentibus, Dómine, quæsumus, intẽde placátus : ut et devotióne nostræ proficiant, et salúti. Per, etc.

Aliæ Secretæ, ut supra, fol. 53.

Communio. Ps. 5. Intéllige clamórem meum : intẽde voci oratióne meæ, Rex meus, et Deus meus : quóniam ad te orábo, Dómine.

Postcommunio.

SUPPLICES te rogámus, ómnipotens Deus : ut quos tuis réficis sacraméntis, tibi étiam plácitis móribus dignánter deservíre concédas. Per Dominum.

Aliæ Postcommuniones, ut supra fol. 53.

FERIA SECUNDA.

Statio ad Sanctum Clementem.

Introitus. Ps. 25.

REDIME me, Dómine, et misere rére mei : pes enim meus stetit in via recta. In ecclésiis benedicam Dóminum.

Ps. ibid. Júdica me, Dómine, quóniam ego in innocéntia mea ingressus sum : et in Dómino sperans, non infirmábor.

Ÿ. Glória Patri, et Filio, etc.

Oratio.

PRÆSTA, quæsumtis, omnípotens Deus, ut familia tua, quæ se affligéndo carnem ab alimentis ábstinet, sectándo justítiam à culpa jejúnet. Per, etc.

Aliæ Orationes, ut supra, fol. 53.

Léctio Daniélis Prophétæ.

Dan. 9.

IN diébus illis : Orávit Dániel Dóminum, dicens : Dómine Deus noster, qui eduxisti pópulum tuum de terra Ægypti in manu forti, et fecisti tibi nomen secúndum diem hanc : peccávimus, iniquitatem fecimus, Dómine, in omnem justítiam tuam. Avertátur, óbsecro, ira tua, et furor tuus à civitáte tua Jerúsalem, et à monte sancto tuo. Propter peccáta enim nostra, et iniquitátes patrum nostrórum, Jerúsalem, et pópulus tuus in oppróbrium sunt ómnibus per circúitum nostrum. Nunc ergo exáudi, Deus noster, oratióem servi tui, et preces ejus : et osténde fáciem tuam super sanctuárium tuum, quod désertum est, propter temetípsum. Inclína, Deus meus, áurem tuam, et áudi : áperi óculos tuos, et vide desolatióem nostram, et civitatem, super quam invocátum est nomen tuum. Neque enim in justificatióibus nostris prostérnimus preces ante fáciem tuam, sed in miseratióibus tuis multis. Exáudi, Dómine, placáre, Dómine : atténde, et fac. Ne moréris propter temetípsum, Deus meus : quia nomen tuum invocátum est super civitatem, et super pópulum tuum, Dómine Deus noster.

Graduale. Ps. 69. Adjutor me-

K

us, et liberátor meus esto. Dómine, ne tardáveris. Confundántur et revearéantur inimíci mei, qui quærunt ánimam meam.

Tractus. Ps. 102. Dómine, non secúndum peccáta nostra, quæ fecimus nos ; neque secúndum iniquitátes nostras retribuas nobis.

Ÿ. *Ps. 78.* Dómine, ne memínis iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster : et propter glóriam nóminis tui, Dómine, libera nos ; et propítius esto peccátis nostris, propter nomen tuum.

Sequéntia sancti EvangélII secúndum Joánnem. *Joann. 8.*

IN illo témpore : Dixit Jesus turbis Judæórum : Ego vado, et quærétis me, et in peccáto vestro moriémini. Quò ego vado, vos non potéstis veníre. Dicébant ergo Judæi : Númquid interficiet semetípsum, quia dixit : Quò ego vado, vos non potéstis venire ? Et dicébat eis : Vos de deórsum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis, quia moriémini in peccátis vestris : si enim non credidéritis quia ego sum, moriémini in peccáto vestro. Dicébant ergo ei : Tu quis es ? Dixit eis Jesus : Príncípium, qui et loquor vobis. Multa hábeo de vobis loqui, et júdicare. Sed qui me misit, verax est : et ego quæ audivi ab eo, hæc loquor in mundo. Et non cognovérunt quia Patrem ejus dicébat Deum. Dixit ergo eis Jesus : Cum exaltavéritis Fílium hóminis, tunc cognoscétis, quia ego sum, et à meípso fácio nihil, sed sicut dócuit me Pater, hæc loquor. Et qui me

misit, mecum est, et non reliquit me solum, quia ego quæ plácita sunt ei, fácio semper.

Offertorium. Ps. 15. Benedicam Dóminum, qui tribuit mihi intelléctum. Providébam Dóminum in conspéctu meo semper : quóniam à dextris est mihi, ne commóvear.

Secreta.

HÆC hóstia, Dómine, placatiónis et láudis, tua nos protectióne dignos efficiat. Per, etc.

Aliæ Secretæ, ut supra, fol. 53.

Communio. Ps. 8. Dómine, Dóminus noster, quam admirábile est nomen tuum in univérsa terra !

Postcommunio.

HÆC nos commúnio, Dómine, purget à crimine, et cœléstis remédii fáciat esse consórtes. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

ADESTO supplicatióibus nostris, omnipotens Deus : et quibus fidúciā sperándæ pietátis indúlges, consuétæ misericórdiæ tribue benígnus efféctum. Per, etc.

FERIA TERTIA.

Statio ad Sanctam Balbinam.

Introitus. Ps. 26.

TIBI dixit cor meum : quæsívi vultum tuum ; vultum tuum, Dómine, requíram : ne avértas fáciem tuam à me.

Ps. ibid. Dóminus illuminátio mea, et salus mea : quem timébo ?

Ÿ. Glória Patri, etc.

Oratio.

PERFICE, quæsumus, Dómine, benígnus in nobis observántiæ sanctæ subsidium : ut, quæ te auctóre faciéndā cognóvimus, te operánte impleámus. Per, etc.

Aliæ Orationes, ut supra, fol. 53.

Léctio libri Regum. 3 Reg. 17.

IN diébus illis : Factus est sermo Dómini ad Eliám Thesbíten, dicens : Surge, et vade in Saréphta Sidoniórum, et mánebis ibi : præcépi enim ibi mulieri víduæ, ut pascat te. Surréxit, et ábiit in Saréphta. Cumque venisset ad portam civitátis, appáruit ei múlter vídua colligens ligna ; et vocávit eam, dixítque ei : Da mihi páululum aquæ in vase, ut bibam. Cumque illa pérgeret, ut afférret, clamávit post tergum ejus, dicens : Affer mihi, óbsecro, et buccéllam panis in manu tua. Quæ respóndit : Vivit Dóminus Deus tuus, quia non hábeo panem, nisi quantum pugíllus cápere potest farináe in hydria, et páululum ólei in lécytho : en colligo duo ligna, ut ingrédiam, et fáciam illum mihi, et filio meo, ut comedámus, et moriámur. Ad quam Eliás ait : Noli timére, sed vade, et fac, sicut dixísti : verúmtamen mihi primum fac de ipsa farinula subcinerícium panem párvulum, et affer ad me : tibi autem et filio tuo fácies póstea. Hæc autem dicit Dóminus Deus Israél : Hydria farináe non deficiet, nec lécythus ólei minuétur usque ad diem, in qua Dóminus datúrus est plúviam super fáciem terræ. Quæ ábiit, et fecit juxta verbum Eliæ. Et comédit ipse, et illa, et domus ejus. Et ex illa die hydria farináe non defécit, et lécythus ólei non est imminútus, juxta verbum Dómini, quod locútus fúerat in manu Eliæ.

Graduale. Ps. 54. Jacta cogitatum tuum in Dómino, et ipse te enútriet.

Ÿ. Dum clamárem ad Dóminum, exaudivit vocem meam ab his, qui appropinquant mihi.

Sequéntia sancti Evangélíi secúndum Matthæum. *Matth. 23.*

IN illo témpore : Locútus est Jesus ad turbas, et ad discipulos suos, dicens : Super cáthedram Móysi sedérunt Scribæ et Pharisæi. Omnia ergo quæcúmque dixerint vobis serváte, et fácite : secúndum ópera vero eórum nolíte fácere : dicunt enim, et non faciunt. Alligant enim ónera grávia, et importabilia, et impónunt in húmeros hóminum ; dígitó autem suo nolunt ea movére. Omnia vero ópera sua faciunt, ut videántur ab homínibus : dilátant enim phylactéria sua, et magnificant fimbrias. Amant autem primos recúbítus in cœnis, et primas cáthedras in synagógis, et salutatiónes in foro, et vocári ab homínibus Rabbi. Vos autem nolíte vocári Rabbi : unus est enim magíster vester ; omnes autem vos fratres estis. Et patrem nolíte vocáre vobis super terram : unus est enim Pater vester, qui in cœlis est. Nec vocémini magístri : quia magíster vester unus est, Christus. Qui major est vestrúm, erit mínister vester. Qui autem se exaltáverit, humiliábitur ; et qui se humiliáverit, exaltábitur.

Offertorium. Ps. 50. Miserére mei, Dómine, secúndum magnam misericórdiam tuam ; dele, Dómine, iniquitátem meam.

Secreta.

SANCTIFICATIONEM tuam nobis, Dómine, his mystériis operáre placátus : quæ nos et à ter-

rénis purget vítiis, et ad cœléstia dona perdúcat. Per Dóminum, etc.

Aliæ Secretæ, ut supra, fol. 53.

Communio. Ps. 9. Narrábo ómnia mirabília tua : lætábor, et exultábo in te : psallam nómini tuo, Altíssime.

Postcommunio.

UT sacris, Dómine, reddámur digni munéribus, fac nos tuis, quæsumus, semper obedire mandátis. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

PROPITIARE, Dómine, supplicatió nibus nostris, et animárum nostrárum medére languóribus : ut remissióne percépta, in tua semper benedictióne lætémur. Per Dóminum.

FERIA QUARTA.

Statio ad Sanctam Cæciliam.

Introitus. Ps. 37.

NE derelínquas me, Dómine Deus meus, ne discédas à me : inténde in adjutórium meum, Dómine virtus salútis meæ.

Ps. ibid. Dómine, ne in furóre tuo árguas me : neque in ira tua corrípias me.

Ÿ. Glória Patri, etc.

Oratio.

POPULUM tuum, quæsumus, Dómine, propítius réspice : et quos ab escis carnálibus præcipis abstinére, à nóxiis quoque vítiis cessáre concéde. Per, etc.

Alite Orationes, ut supra, fol. 53.

Lectio libri Esther. *Est.* 13.

IN diēbus illis: Orāvit Mardo-chæus ad Dóminum, dicens: Dómine, Dómine Rex omnípotens, in ditióne enim tua cuncta sunt pósita: et non est qui possit tuæ resistere voluntāti, si decreveris salvāre Israël. Tu fecisti cælum et terram, et quidquid cæli ámbitu continétur. Dóminus ómnium es, nec est qui resistat majestāti tuæ. Et nunc, Dómine Rex Deus Abraham, miserére pópuli tui, quia volunt nos inimíci nostri pèrdere, et hæreditatem tuam delére. Ne despicias partem tuam, quam redemisti tibi de Ægypto. Exáudi deprecationem meam; et propítius esto sorti et funiculo tuo; et convérte luctum nostrum in gáudium, ut vivéntes laudémus nomen tuum, Dómine, et ne cláudas ora te canéntium, Dómine Deus noster.

Graduale. Ps. 27. Salvum fac pópulum tuum, Dómine, et bénedic hæreditāti tuæ.

V. Ad te, Dómine, clamávi, Deus meus, ne sileas à me, et ero similis descendéntibus in lacum.

Tractus. Ps. 102. Dómine, non secúndum peccáta nostra, quæ fecimus nos; neque secúndum iniquitátes nostras retribuas nobis.

V. Ps. 78. Dómine, ne memineris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

Hic genu flectitur. V. Adjuva nos, Deus salutáris noster, et propter glóriam nóminis tui, Dómine, libera nos, et propítius esto peccátis nostris, propter nomen tuum.

Sequéntia sancti Evangélíi secúndum Matthæum. *Matth.* 20.

IN illo témpore: Ascéndens Jesus Jerosólymam, assúmpsit

duódecim discípulos secréto, et ait illis: Ecce ascéndimus Jerosólymam, et Fílius hóminis tradétur Principibus sacerdótum, et Scribis: et condemnábunt eum morte, et tradent eum Géntibus ad illudéndum, et flagellándum, et crucifigéndum: et tértia die resúrget. Tunc accéssit ad eum mater filiórum Zebedæi cum filiis suis, adórans et petens áliquid ab eo. Qui dixit ei: Quid vis? Ait illi: Dic, ut sédeant hi duo filii mei, unus ad dexteram tuam, et unus ad sinístram in regno tuo. Respóndens autem Jesus, dixit: Nescitis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam vel sinístram, non est meum dare vobis, sed quibus parátum est à Patre meo. Et audiéntes decem, indignáti sunt de duóbus frátribus. Jesus autem vocávit eos ad se, et ait: Scitis quia príncipes Géntium dominántur eórum: et qui majóres sunt, potestatem exércent in eos. Non ita erit inter vos: sed quicúmque volúerit inter vos major fieri, sit vester mínister: et qui volúerit inter vos primus esse, erit vester servus. Sicut Fílius hóminis non venit ministrári, sed ministráre, et dare ánimam suam, redemptionem pro multis.

Offertorium. Ps. 24. Ad te, Dómine, levávi ánimam meam, Deus meus, in te confido, non erubescam: neque irídeant me inimíci mei, étenim univérsi, qui te expéctant, non confundéntur.

Secreta.

HOSTIAS, Dómine, quas tibi offerimus, propítius respice: et per hæc sancta commércia, vín-

cula peccatorum nostrorum absolve.
Per Dóminum, etc.

Alie Secretæ, ut supra, fol. 53.

Communio. Ps. 10. Justus Dóminus, et justitiam diléxit : æquitatem vidit vultus ejus.

Postcommunio.

SUMPTIS, Dómine, sacramentis, ad redemptionis æternæ, quæsumus, proficiamus augmentum. Per Dóminum, etc.

Alie Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

DEUS, innocentiae restitutor et amátor, dirige ad te tuorum corda servorum : ut spíritus tui fervóre concépto, et in fide inveniántur stábiles, et in ópere effícaces. Per Dóminum.

FERIA QUINTA.

Statio ad Sanctam Mariam trans Tiberim.

Introitus. Ps. 69.

DEUS, in adiutorium meum inténde : Dómine, ad adjuvandum me festína. Confundántur, et reveréántur inimíci mei, qui quærunt ánimam meam.

Ps. ibid. Avertántur retrórsus, et erubéscant, qui cógitant mihi mala.

V. Glória Patri, et Filio, et Spíritui Sancto, etc.

Oratio.

PRÆSTA nobis, quæsumus, Dómine, auxiliúm grátiae tuæ : ut jejúniis, et oratióibus conveniénter inténti, liberémur ab hóstibus mentis, et córporis. Per, etc.

Alie Orationes, ut supra, fol. 53.

Léctio Jeremiæ Prophætæ. Jer. 17.

HÆC dicit Dóminus Deus : Maledictus homo, qui confidit in hómine, et ponit carnem bráchium suum, et à Dómino recédit cor ejus. Erit enim quasi myricæ in desérto, et non vidébit cum vénerit bonum ; sed habitábit in siccitáte in desérto, in terra salsúginis, et inhabitábili. Benedíctus vir qui confidit in Dómino, et erit Dóminus fidúcia ejus. Et erit quasi lignum, quod transplantátur super aquas, quod ad humórem mittit radíces suas : et non timébit cum vénerit æstus. Et erit fólium ejus víride, et in témpore siccitátis non erit sollicitum, nec aliquándo désinet fácere fructum. Pravum est cor ómnium, et inscrutábile : quis cognóscet illud ? Ego Dóminus scrutans cor, et probans renes : qui do unicuique juxta viam suam, et juxta fructum adinventiόνum suárum : dicit Dóminus omnipotens.

Graduale. Ps. 78. Propítius esto, Dómine, peccátis nostris, nequándo dicant gentes : Ubi est Deus eórum ?

V. Adjuva nos, Deus salutáris noster, et propter honórem nóminis tui, Dómine, libera nos.

Sequéntia sancti Evangélíi secundum Lucam. Luc. 16.

IN illo témpore : Dixit Jesus Pharisæis : Homo quidam erat dives, qui induebátur púrpura et bysso, et epulabátur quotidie splendide. Et erat quidam mendícus, nómine Lázarus, qui jacébat ad jánuam ejus, ulcéribus plenus, cúpiens saturári de micis, quæ cadébant de mensa divitis, et nemo illi dabat ; sed et canes veniébant, et lingébant úlcerá ejus. Factum est autem, ut morerétur mendícus, et portarétur ab Angelis in sinum Abra-

hæ. Mòrtuus est autem et dives, et sepúltus est in inférno. Elevans autem óculos suos, cum esset in torméntis, vidit Abraham à longè, et Lázarus in sinu ejus : et ipse clamans, dixit : Pater Abraham, miserére mei, et mitte Lázarus, ut intíngat extrémum dígiti sui in aquam, ut refrígeret linguam meam, quia crúciór in hac flamma. Et dixit illi Abraham : Fili, recordáre, quia recepísti bona in vita tua, et Lázarus simíliter mala : nunc autem hic consolátur, tu vero cruciáris. Et in his ómnibus, inter nos et vos chaos magnum firmátum est : ut hi qui volunt hinc transíre ad vos, non possint, neque inde huc transmeáre. Et ait : Rogo ergo te, pater, ut mittas eum in domum patris mei : hábeo enim quinque fratres, ut testétur illis, ne et ipsi véniant in hunc locum tormentórum. Et ait illi Abraham : Habent Móysen, et Prophétas : áudiant illos. At ille dixit : Non, pater Abraham ; sed si quis ex mórtuis íerit ad eos, pœniténtiam agent. Ait autem illi : Si Móysen et Prophétas non áudiunt ; neque si quis ex mórtuis resurréxerit, credent.

Offertorium. Exod. 32. Precátus est Móyses in conspéctu Dómini Dei sui, et dixit : Quare, Dómine, irásceris in pópulo tuo ? Parce iræ ánimæ tuæ : meménto Abraham, Isaac, et Jacob, quibus jurásti dare terram fluéntem lac, et mel. Et placátus est Dóminus de malignitáte, quam dixit fácere pópulo suo.

Secreta.

PRÆSENTI sacrificio nómini tuo nos, Dómine, jejúnia dicáta sanctíficent : ut quod observántia nostra profitétur extérius, intérius operétur efféctu. Per, etc.

Aliæ Secretæ, ut supra, fol. 53.

Communio. Joann. 6. Qui manducat meam carnem, et bibit meum sánginem, in me manet, et ego in eo, dicit Dóminus.

Postcommunio.

GRATIA tua nos, quæsumus, Dómine, non derelínquat : quæ et sacræ nos déditos fáciat servitúti, et tuam nobis opem semper acquirat. Per Dóminum.

Aliæ Postcommuniones, ut supra, fol. 53.

Super populum. Orémus. Humiliate cápita vestra Deo.

Oratio.

ADESTO, Dómine, fámulistuis, et perpétuam benignitátem largíre poscéntibus : ut iis, qui te auctóre et gubernatóre gloriántur, et congregáta restáures, et restauráta conserves. Per, etc.

FERIA SEXTA.

Statio ad Sanctum Vitalem.

Introitus. Ps. 16.

EGO autem cum justítia apparebo in conspéctu tuo : satiabor, dum manifestábitur glória tua.

Ps. ibid. Exáudi, Dómine, justítiam meam : inténde deprecationi meæ.

Ÿ. Glória Patri, et Filio, etc.

Oratio.

DA, quæsumus, omnípotens Deus ; ut sacro nos purificánte jejúnio, sincéris méntibus ad sancta ventúra fácias perveníre. Per, etc.

Aliæ Orationes, ut supra, fol. 53.

Lectio libri Génesis. Genes. 37.

IN diébus illis : Dixit Joseph fratribus suis : Audíte sómnum meum, quod vidi : Putábam nos

ligare manipulos in agro, et quasi consurgere manipulum meum, et stare; vestrosque manipulos circumstantes adorare manipulum meum. Respondérunt fratres ejus: Numquid rex noster eris? aut subjiémur ditióni tuæ? Hæc ergo causa somniórum atque sermónum, invidiæ et ódii fómitem ministrávit. Aliud quoque vidit sómnum, quod narrans fratribus, ait: Vidi per sómnum quasi solem, et lunam, et stellæ undecim adorare me. Quod cum patri suo, et fratribus retulisset, increpavit eum pater suus, et dixit: Quid sibi vult hoc sómnum, quod vidisti? Num ego, et mater tua, et fratres tui adorábitus te super terram? Invidébant ei igitur fratres sui: pater vero rem tácitus considerábat. Cumque fratres illius in pascendis grégibus patris moraréntur in Sichem, dixit ad eum Israël: Fratres tui pascunt oves in Sichimis: veni, mittam te ad eos. Quo respondente: Præsto sum; ait ei: Vade, et víde, si cuncta próspera sint erga fratres tuos, et pécora: et renúncia mihi quid agátur. Missus de valle Hebron, venit in Sichem: invenítque eum vir errántem in agro, et interrogávit quid quæreret. At ille respóndit: Fratres meos quæro; indica mihi ubi pascant greges. Dixítque ei vir: Recessérunt de loco isto: audívi autem eos dicéntes: Eámus in Dóthain. Perréxit ergo Joseph post fratres suos, et invénit eos in Dóthain. Qui cum vidissent eum procul, antequam accéderet ad eos, cogitavérunt illum occídere; et mútuo loquebántur: Ecce somniátor venit: veníte, occidámus eum, et mittámus in cisternam vétorem; dicémusque: fera péssima devorávit eum; et tunc apparébit quid illi prosint somnia sua. Audiens autem hoc Ruben, nitebátur liberare

eum de mánibus eórum, et dicébat: Non interficiátis ánimam ejus, nec effundátis sánguinem: sed projícite eum in cisternam hanc, quæ est in solitúdine; manúsque vestras serváte innóxias. Hoc autem dicébat, volens erípere eum de mánibus eórum, et reddere patri suo.

Graduale. Ps. 119. Ad Dóminum, cum tribulárer, clamávi et exaudivit me.

Ÿ. Dómine, libera ánimam meam à labiis iniquis, et à lingua dolósa.

Tractus. Ps. 102. Dómine, non secúndum peccáta nostra, quæ féci-mus nos: neque secúndum iniquitátes nostras retribuas nobis.

Ÿ. Ps. 78. Dómine, ne memínis iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter Nomen tuum.

Sequéntia sancti Evangélíi secúndum Matthæum. *Matth. 21.*

IN illo témpore: Dixit Jesus turbis Judæórum, et princípibus sacerdotum parábolam hanc: Homo erat paterfamilias, qui plantávit vineam, et sepem circúmdedit ei, et fodit in ea tórcular, et ædificávit turrim, et locávit eam agricolis, et péregrè profectus est. Cum autem tempus frúctuum appropinquáset, misit servos suos ad agricólas, ut accíperent fructus ejus. Et agricolæ, apprehénsis servis ejus, álium ceciderunt, álium occiderunt, álium vero lapidavérunt. Iterum misit álios servos plures prióribus; et fecérunt illis similiter. Novíssime

autem misit ad eos filium suum, dicens: Verebuntur filium meum. Agricolaë autem videntes filium, dixerunt intra se: Hic est hæres; venite, occidamus eum, et habebimus hæreditatem ejus. Et apprehensum eum, ejecerunt extra vineam, et occiderunt. Cum ergo venerit dominus vineæ, quid faciet agricolis illis? Aiunt illi: Malos male perdet, et vineam suam locabit aliis agricolis, qui reddant ei fructum temporibus suis. Dicit illis Jesus: Numquam legistis in Scripturis: Lapidem, quem reprobaverunt edificantes, hic factus est in caput anguli: à Domino factum est istud, et est mirabile in oculis nostris? Ideo dico vobis, quia auferetur à vobis regnum Dei, et dabitur genti facienti fructus ejus. Et qui ceciderit super lapidem istum, confringetur: super quem vero ceciderit, conteret eum. Et cum audissent Principes sacerdotum, et Pharisei parabolas ejus, cognoverunt quod de ipsis diceret. Et querentes eum tenere, timuerunt turbas: quoniam sicut Prophetam eum habebant.

Offertorium. Ps. 39. Domine, in auxilium meum respice: confundantur, et reveantur, qui querunt animam meam, ut auferant eam: Domine, in auxilium meum respice.

Secreta.

HÆC in nobis sacrificia, Deus, et actione permaneant, et operatione firmentur. Per, etc.

Aliæ Secretæ, ut supra, fol. 53.

Communio. Ps. 11. Tu, Domine, servabis nos, et custodies nos à generatione hac in æternum.

Postcommunio.

FAC nos, quæsumus, Domine, accepto pignore salutis æter-

næ, sic tendere congruenter, ut ad eam pervenire possimus. Per, etc.

Aliæ Postcommuniones, ut supra, fol. 53.

Super populum. Orémus. Humiliate capita vestra Deo.

Oratio.

DA, quæsumus, Domine, populo tuo salutem mentis et corporis: ut bonis operibus inhærendo, tuæ semper virtutis mereatur protectione defendi. Per, etc.

SABBATO.

Statio ad SS. Marcellinum et Petrum.

Introitus. Ps. 18.

LEX Domini irreprehensibilis, convertens animas: testimonium Domini fidele, sapientiam præstans parvulis.

Ps. ibid. Cæli enarrant gloriam Dei: et opera manuum ejus annuntiat firmamentum.

V. Glória Patri, et Filio, et Spiritui sancto, etc.

Oratio.

DA, quæsumus, Domine, nostris effectum jejuniis salutarem: ut castigatio carnis assumpta, ad nostrarum vegetationem transeat animarum. Per Dominum, etc.

Aliæ Orationes, ut supra, fol. 53.

Lectio libri Génesis. Genes. 27.

IN diebus illis: Dixit Rebecca filio suo Jacob: Audivi patrem tuum loquentem cum Esau fratre tuo, et dicentem ei: Affer mihi de venatione tua, et fac cibos, ut comedam, et benedicam tibi coram Domino, antequam moriar. Nunc ergo, fili mi, acquiesce consiliis meis: et pergens ad gregem, affer mihi

duos hædos óptimos, ut fáciam ex eis escas patri tuo, quibus libénter véscitur : quas cum intúleris, et coméderit, benedícat tibi priúsqvam moriátur. Cui ille respóndit : Nosti quod Esau frater meus homo pilósus sit, et ego lenis : si attrectáverit me pater meus, et sénserit, tímeo, ne putet me sibi voluisse illúdere, et indúcam super me maledictiónem pro benedictióne. Ad quem mater : In me sit, ait, ista maledictio, fili mi : tantum audi vocem meam, et pergens, affer quæ dixi. Abiit, et áttulit, déditque matri. Parávit illa cibos, sicut velle nóverat patrem illíus. Et véstibus Esau valdè bonis, quas apud se habébat domi induit eum : pelliculáque hædórum circúmdedit manibus, et colli nuda protéxit. Deditque pulméntum, et panes, quos coxerat, trádedit. Quibus illátis, dixit : Pater mi. At ille respóndit : Audio. Quis es tu, fili mi ? Dixitque Jacob : Ego sum primogénitus tuus Esau : feci sicut præcepísti mihi : surge, sede, et cómede de venatióne mea, ut benedícat mihi ánima tua. Rursúmque Isaac ad filium suum : Quómodo, inquit, tam cito inveníre potuísti, fili mi ? Qui respóndit : Volúntas Dei fuit, ut cito occurreret mihi quod volébam. Dixitque Isaac : Accéde huc, ut tangam te, fili mi, et probem utrum tu sis filius meus Esau, an non. Accéssit ille ad patrem, et palpáto eo, dixit Isaac : Vox quidem, vox Jacob est ; sed manus, manus sunt Esau. Et non cognóvit eum, quia pilósæ manus similitúdinem majóris exprésserant. Benedicens ergo illi, ait : Tu es filius meus Esau ? Respóndit : Ego sum. At ille : Affer mihi, inquit, cibos de venatióne tua, fili mi, ut benedícat tibi ánima mea. Quos cum oblátos comedisset, óbtulit ei étiam vinum. Quo hausto, dixit

ad eum : Accéde ad me, et da mihi ósculum, fili mi. Accéssit, et osculátus est eum. Statímque ut sensit vestimentórum illíus fragrántiam, benedicens illi, ait : Ecce odor filii mei, sicut odor agri pleni, cui benedíxit Dóminus. Det tibi Deus de rore cœli, et de pinguédine terræ, abundántiam fruménti et vini. Et sérviant tibi pópuli, et adórent te tribus : esto dóminus fratrum tuórum, et incurvéntur ante te filii matris tuæ. Qui maledíxerit tibi, sit ille maledíctus ; et qui benedíxerit tibi, benedictiónibus repleáture. Vix Isaac sermónem impléverat, et egréssó Jacob foras, venit Esau, coctósque de venatióne cibos intulit patri, dicens : Surge, pater mi, et cómede de venatióne filii tui, ut benedícat mihi ánima tua. Dixitque illi Isaac : Quis enim es tu ? Qui respóndit : Ego sum filius tuus primogénitus Esau. Expávit Isaac stupóre veheménti, et ultra quam credi potest admirans, ait : Quis igitur ille est, qui dudum captam venatiónem áttulit mihi, et comédi ex ómnibus priúsqvam tu veníres ? benedixíque ei, et erit benedíctus. Audítis Esau sermónibus patris, irrúgiit clamóre magno ; et consternátus, ait : Bénedic étiam et mihi, pater mi. Qui ait : Venit germánus tuus fraudulénter, et accépit benedictiónem tuam. At ille subjúnxit : Justè vocátum est nomen ejus Jacob ; supplantávit enim me en áltera vice : primogénita mea ante tulit, et nunc secúndo surrípuit benedictiónem meam. Rursúmque ad patrem : Númquid non reservásti, ait, et mihi benedictiónem ? Respóndit Isaac : Dóminum tuum illum constitui, et omnes fratres ejus servitúti illíus subjugávi : fruménto et vino stabilivi eum ; et tibi post hæc, fili mi, ultra quid fáciam ? Cui Esau : Num unam, inquit, tan-

tum benedictionem habes, pater ? mihi quoque, obsecro, ut benedicas. Cumque ejulatu magno fleret, motus Isaac, dixit ad eum : In pinguedine terræ, et in rore cœli desuper erit benedictio tua.

Graduale. Ps. 91. Bonum est confiteri Dómino, et psállere nómini tuo, Altíssime.

Ÿ. Ad annuntiandum mane misericórdiam tuam, et veritatem tuam per noctem.

Sequéntia sancti Evangélíi secundum Lucam. *Luc. 15.*

IN illo témpore : Dixit Jesus Pharisæis et Scribis parabolam istam : Homo quidam hábuit duos filios : et dixit adolescéntior ex illis patri : Pater, da mihi portionem substántiæ, quæ me contíngit. Et divisit illis substántiam. Et non post multos dies, congregátis ómnibus, adolescéntior filius péregre profectus est in regiónem longinquam ; et ibi dissipávit substántiam suam vivéndo luxuriósè. Et postquam ómnia consummáset, facta est fames válda in regione illa, et ipse cœpit egére. Et abiit, et adhæsit uni civium regiónis illius. Et misit illum in villam suam, ut pásceret pórcos. Et cupiébat implére ventrem suum de síliquis, quas porci manducábant : et nemo illi dabat. In se autem revérsus, dixit : Quanti mercenárii in domo patris mei abúndant pánibus, ego autem hic fame péreo ! Surgam, et ibo ad patrem meum, et dicam ei : Pater, peccávi in cœlum, et coram te : jam non sum dignus vocári filius tuus : fac me, sicut unum de mercenáriis tuis. Et surgens venit ad patrem suum. Cum autem adhuc longè esset, vidit illum pater ipsius, et misericórdia motus est : et accúrrens, cecidit super collum ejus, et osculátus est eum. Dixítque ei

filius : Pater, peccávi in cœlum, et coram te : jam non sum dignus vocári filius tuus. Dixit autem pater ad servos suos : Cito proférte stolam primam, et indúite illum, et date ánnulum in manu ejus, et calceaménta in pedes ejus ; et addúcite vítulum saginátum, et occidite, et manducémus, et epulémur : quia hic filius meus mórtuus erat, et revíxit ; perierat, et invéntus est. Et cœpérunt epulári. Erat autem filius ejus sénior in agro : et cum veniret, et appropinquáret dómui, audívit symphóniam, et chorum : et vocávit unum de servis, et interrogávit, quid hæc essent. Isque dixit illi : Frater tuus venit ; et occidit pater tuus vítulum saginátum, quia salvum illum recépít. Indignátus est autem, et nolébat introíre. Pater ergo illius egréssus, cœpit rogáre illum. At ille respóndens, dixit patri suo : Ecce tot annis sêrvio tibi, et núnquam mandátum tuum præterívi, et núnquam dedísti mihi hædum, ut cum amícis meis epulárer ; sed postquam filius tuus hic, qui devorávit substántiam suam cum meretrícibus, venit, occidísti illi vítulum saginátum. At ipse dixit illi : Fili, tu semper mecum es, et ómnia mea tua sunt : epulári autem et gaudére oportébat, quia frater tuus hic mórtuus erat, et revíxit ; perierat, et invéntus est.

Offertorium. Ps. 12. Illúmina óculos meos, ne umquam obdórmiam in morte : nequándo dicat inimícus meus, præválui advérsus eum.

Secreta.

HIS sacrificiis, Dómine, concéde placátus, ut qui propriis orámus absólvi delictis, non gravémur extérnis. Per, etc.

Aliæ Secretæ, ut supra, fol. 53.

Communio. Luc. 15. Opórtet te, fili, gaudére, quia frater tuus mórtuus fúerat, et revixit; perierat, et invéntus est.

Postcommunio.

SACRAMENTI tui, Dómine, divína libátio penetrália nostri cordis infúndat, et sui nos participes poténter efficiat. Per, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

FAMILIAM tuam, quæsumus, Dómine, continua pietáte custódi: ut quæ in sola spe grátiae cœlestis innítitur; cœlesti étiam protectióne muniátur. Per, etc.

DOMINICA III. IN QUADRAGESIMA.

Statio ad Sanctum Laurentium extra muros.

Introitus. Ps. 24.

OCULI mei semper ad Dóminum, quia ipse évéllet de láqueo pedes meos: réspice in me, et miserére mei, quóniam únicus et páuper sum ego.

Ps. ibid. Ad te, Dómine, levávi ánimam meam: Deus meus, in te confido, non erubescam.

Ÿ. Glória Patri, etc.

Oratio.

QUÆSUMUS, omnípotens Deus, vota humílium réspice: atque ad defensiónem nostram, dexteram tuæ majestátis exténde. Per Dóminum, etc.

Aliæ Orationes ut supra, fol. 53.

Léctio Epístolæ beati Pauli Apóstoli ad Ephésios. *Ephes. 5.*

FRATRES, Estóte imitatóres Dei, sicut filii caríssimi: et

ambuláte in dilectióne, sicut et Christus diléxit nos, et trádedit semetipsum pro nobis oblatiónem, et hóstiam Deo in odórem suavitátis. Fornicatio autem, et omnis immundítia, aut avaritia nec nominétur in vobis, sicut decet sanctos; aut turpitúdo, aut stultilóquium, aut scurrilitas, quæ ad rem non pértinet; sed magis gratiárum áctio. Hoc enim scitóte intelligéntes, quod omnis fornicátor, aut immúndus, aut avárus, quod est idolórum sérvitus, non habet hæreditátem in regno Christi, et Dei. Nemo vos sedúcat inánibus verbis: propter hæc enim venit ira Dei in filios diffidéntiæ. Nolíte ergo éffici participes eórum. Erátis enim aliquándo ténebræ; nunc autem lux in Dómino. Ut filii lucis ambuláte: fructus enim lucis est in omni bonitáte, et justitia, et veritáte.

Graduale. Ps. 9. Exúrge, Dómine, non præváleat homo: judicéntur gentes in conspéctu tuo.

Ÿ. In converténdo inimicum meum retrórsum, infirmabúntur, et peribunt à fácie tua.

Tractus. Ps. 122. Ad te levávi óculos meos, qui hábitas in cœlis.

Ÿ. Ecce sicut óculi servórum in mánibus dominórum suórum.

Ÿ. Et sicut óculi ancillæ in mánibus dómínæ suæ: ita óculi nostri ad Dóminum Deum nostrum, donec misereátur nostri.

Ÿ. Miserére nobis, Dómine, miserére nobis.

Sequéntia sancti Evangélíi secúndum Lucam. *Luc. 11.*

IN illo témpore: Erat Jesus ejiciens dæmónium, et illud erat mutum. Et cum eiecisset dæmónium, locútus est mutus, et admirátæ sunt turbæ. Quidam autem ex eis dixerunt: In Beélzebub príncipe dæmoniórum éjcit dæmónia. Et

alii tentantes, signum de cœlo quærebant ab eo. Ipse autem, ut vidit cogitationes eorum, dixit eis: Omne regnum in seipsum divisum desolabitur, et domus supra domum cadet. Si autem et Sâtanâs in seipsum divisus est, quomodo stabit regnum ejus? quia dicitis in Beëlzebub me ejicere dæmonia. Si autem ego in Beëlzebub ejicio dæmonia, filii vestri in quo ejiciunt? Ideo ipsi iudices vestri erunt. Porro si in digito Dei ejicio dæmonia, profecto pervenit in vos regnum Dei. Cum fortis armatus custodit atrium suum, in pace sunt ea quæ possidet. Si autem fortior eo superveniens vicerit eum, universa arma ejus auferet, in quibus confidebat, et spolia ejus distribuet. Qui non est mecum, contra me est: et qui non colligit mecum, dispêrgit. Cum immundus spiritus exierit de homine, ambulat per loca inaquosa, quærens requiem: et non inveniens, dicit: Revêrtar in domum meam, unde exivi. Et cum venerit, invenit eam scopis mundatam, et ornâtam. Tunc vadit, et assumit septem alios spiritus secum nequiores se, et ingressi habitant ibi. Et fiunt novissima hominis illius pejora prioribus. Factum est autem, cum hæc diceret; extollens vocem quædam mulier de turba, dixit illi: Beatus venter qui te portavit, et ubera quæ suxisti. At ille dixit: Quinimo beati qui audiunt verbum Dei, et custodiunt illud.

Credo.

Offertorium. Ps. 18. Justitiæ Dômini rectæ, lætificantes corda: et judicia ejus dulciôra super mel et favum: nam et servus tuus custodit ea.

Secreta.

HÆC hóstia, Dómine, quæsumus, emúndet nostra delicta:

et ad sacrificium celebrandum, subditorum tibi corpora, mentesque sanctificet. Per, etc.

Aliæ Secretæ, ut supra, fol. 53.

Communio. Ps. 83. Passer invenit sibi domum, et turtur nidum, ubi reponat pullos suos: altaria tua, Dómine virtutum, Rex meus, et Deus meus. Beati qui habitant in domo tua: in sæculum sæculi laudabunt te.

Postcommunio.

ACUNCTIS nos, quæsumus, Dómine, reatibus et periculis propitiatus absolve, quos tanti mysterii tribuis esse participes. Per Dóminum, etc.

Aliæ Postcommuniones, ut supra, fol. 53.

FERIA SECUNDA.

Statio ad Sanctum Marcum.

Introitus. Ps. 55.

IN Deo laudabo verbum, in Dómino laudabo sermonem: in Deo sperabo: non timébo quid faciat mihi homo.

Ps. ibid. Miserere mei, Deus, quoniam conculcavit me homo: tota die bellans tribulavit me.

Y. Glória Patri, et Fílio, etc.

Oratio.

CORDIBUS nostris, quæsumus, Dómine, grátiam tuam benígnus infunde: ut, sicut ab escis carnalibus abstinemus; ita sensus quoque nostros à nóxiis retrahamus excéssibus. Per, etc.

Aliæ Orationes, ut supra, fol. 53.

Lectio libri Regum. 4 Reg. 5.

IN diébus illis: Náaman, princeps militiæ regis Syriæ, erat vir magnus apud dóminum suum,

et honorátus : per illum enim dedit Dóminus salutem Syriæ ; erat autem vir fortis et dives, sed leprósus. Porro de Syria egressi fúerant latrúnculi, et captívam dúxerant de terra Israël puéllam párvulam, quæ erat in obséquo uxóris Náaman, quæ ait ad dóminam suam : Utinam fuisset dóminus meus ad Prophétam, qui est in Samária : profecto curasset eum à lepra quam habet. Ingressus est itaque Náaman ad dóminum suum, et nuntiávit ei, dicens : Sic et sic locúta est puélla de terra Israël. Dixitque ei rex Syriæ : Vade, et mittam litteras ad regem Israël. Qui cum profectus esset, et tulisset secum decem talénta argénti, et sex míllia áureos, et decem mutatória vestimentórum ; détulit litteras ad regem Israël, in hæc verba : Cum accéperis epístolam hanc, scito quod míserim ad te Náaman servum meum, ut cures eum à lepra sua. Cumque legisset rex Israël litteras, scidit vestiménta sua, et ait : Numquid Deus ego sum, ut occidere possim, et vivificáre ; quia iste misit ad me, ut cures hóminem à lepra sua ? Animadvértite, et vidéte quod occasiónes quærat advérsus me. Quod cum audisset Eliséus vir Dei, scidisse videlicet regem Israël vestiménta sua ; misit ad eum, dicens : Quare scidisti vestiménta tua ? Véniat ad me, et sciat esse Prophétam in Israël. Venit ergo Náaman cum equis et curríbus, et stetit ad óstium domus Eliséi ; misitque ad eum Eliséus núntium, dicens : Vade, et laváre sépties in Jordáne, et recípiet sanitátem caro tua, atque mundáberis. Irátus Náaman recedébat, dicens : Putábam quod egrederétur ad me, et stans invocáret nomen Dómini Dei sui, et tangeret manu sua locum lepræ, et curáret me. Numquid non meliôres sunt Abana

et Pharphar flúvii Damásci ómnibus aquis Israël, ut laver in eis, et munder ? Cum ergo vertisset se, et abíret indignans, accessérunt ad eum servi sui, et locúti sunt ei : Pater, et si rem grandem dixisset tibi Prophéta, certè fácere debúeras : quanto magis quia nunc dixit tibi : Laváre, et mundáberis ? Descéndit, et lavit in Jordáne sépties juxta sermónem viri Dei ; et restitúta est caro ejus, sicut caro púeri párvuli, et mundátus est. Reversúsque ad virum Dei cum univérso comitátu suo, venit, et stetit coram eo, et ait : Verè scio quod non sit álius Deus in univérsa terra, nisi tantum in Israël.

Graduale. Ps. 55. Deus, vitam meam annuntiávi tibi, posuisti lácrymas meas in conspéctu tuo.

Ÿ. Miserére mei, Dómine, quóniam conculcávit me homo : tota die bellans tribulávit me.

Tractus. Ps. 102. Dómine, non secúndum peccáta nostra, quæ fecimus nos : neque secúndum iniquitátes nostras retribuas nobis.

Ÿ. *Ps. 78.* Dómine, ne memíneris iniquitátum nostrárum antiqúarum : cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster, et propter glóriam nóminis tui, Dómine, libera nos : et propítius esto peccátis nostris, propter nomen tuum.

Sequéntia sancti Evangélii secúndum Lucam. *Luc. 4.*

IN illo témpore : Dixit Jesus Pharisæis : Utique dicétis mihi hanc similitúdinem : Médice, cura teípsum : quanta audívimus facta in Caphárnaum, fac et hic in pátria tua. Ait autem : Amen dico vobis,

quia nemo Prophéta accéptus est in pátria sua. In veritáte dico vobis, multæ víduæ erant in diébus Eliæ in Israël, quando cláusum est cælum annis tribus, et ménsibus sex, cum facta esset fames magna in omni terra : et ad nullam illárum missus est Elias, nisi in Saréphta Sidóniæ, ad mulierem víduam. Et multi leprósi erant in Israël sub Eliséo Prophéta : et nemo eórum mundátus est, nisi Náaman Syrus. Et repléti sunt omnes in Synagóga ira, hæc audientes. Et surrexérunt, et ejecérunt illum extra civitátem, et duxérunt illum usque ad supercílium montis, super quem civitas illórum erat ædificáta, ut præcipitarent eum. Ipse autem tránsiens per médium illórum, ibat.

Offertorium. Ps. 54. Exáudi, Deus, oratióem meam, et ne despéxeris deprecatióem meam : inténde in me, et exáudi me.

Secreta.

MUNUS, quod tibi, Dómine, nostræ servitútis offérimus, tu salutáre nobis pérfice sacraméntum. Per Dóminum, etc.

Aliæ Secretæ, ut supra, fol. 53.

Communio. Ps. 13. Quis dabit ex Sion salutáre Israël ? Cum avérterit Dóminus captivitátem plebis suæ, exultábit Jacob, et lætábitur Israël.

Postcommunio.

PRÆSTA, quæsumus, omnípotens et miséricors Deus, ut quod ore contíngimus, pura mente capíamus. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

SUBVENIAT nobis, Dómine, misericórdia tua : ut ab innéntibus peccatórum nostrórum pérículis, te mereámur protegénte éripi, te liberánte salvári. Per Dóminum nostrum Jesum Christum Fílium tuum.

FERIA TERTIA.

Statio ad S. Pudéntianam.

Introitus. Ps. 16.

EGO clamávi, quóniam exaudísti me, Deus : inclína áurem tuam, et exáudi verba mea : custódi me, Dómine, ut pupíllam óculi : sub umbra alárum tuárum protége me.

Ps. ibid. Exáudi, Dómine, justítiam meam : inténde deprecatióem meam.

Ÿ. Glória Patri, et Fílio, etc.

Oratio.

EXAUDI nos, omnípotens et miséricors Deus : et continéntiæ salutáris propítius nobis dona concéde. Per Dóminum, etc.

Aliæ Orationes, ut supra, fol. 53.

Léctio libri Regum. 4 Reg. 4.

IN diébus illis : Múlier quædam clamábat ad Eliséum Prophétam, dicens : Servus tuus vir meus mórtuus est ; et tu nosti quia servus tuus fuit timens Dóminum : et ecce créditor venit, ut tollat duos filios meos ad serviéndum sibi. Cui dixit Eliséus : Quid vis ut fáciam tibi ? Dic mihi, quid habes in domo tua ? At illa respóndit : Non hábeo ancílla tua quidquam in domo mea, nisi parum ólei quo ungar. Cui ait : Vade, pete mútuo ab ómnibus vicínis tuis vasa vácuá non páuca. Et ingrédere, et cláude

óstium tuum, cum intrínsecus fúeris tu, et filii tui : et mitte inde in ómnia vasa hæc : et cum plena fúerint, tolles. Ivit itaque múlter, et cláusit óstium super se, et super filios suos : illi offerébant vasa, et illa infundébat. Cúmque plena fuissent vasa, dixit ad filium suum : Affer mihi adhuc vas. Et ille respóndit : Non hábeo. Stetitque óleum. Venit autem illa, et indicávit hómini Dei. Et ille : Vade, ínquit, vende óleum, et redde creditóri tuo : tu autem, et filii tui, vívite de réliquo.

Graduale. Ps. 18. Ab occúltis meis munda me, Dómine : et ab aliénis parce servo tuo.

Ÿ. Si mei non fúerint domináti, tunc immaculátus ero : et emundábor à delicto máximo.

Sequéntia sancti Evangélíi secúndum Matthæum. *Matth. 18.*

IN illo témpore : Dixit Jesus discipulis suis : Si peccáverit in te frater tuus, vade et córripe eum inter te et ipsum solum. Si te audierit, lucrátus eris fratrem tuum. Si autem te non audierit, ádhibe tecum adhuc unum vel duos ; ut in ore duórum vel trium téstium stet omne verbum. Quod si non audierit eos, dic Ecclésiæ. Si autem Ecclésiám non audierit, sit tibi sicut éthnicus et publicánus. Amen dico vobis : quæcúmque alligavéritis super terram, erunt ligáta et in cælo ; et quæcúmque solvéritis super terram, erunt solúta et in cælo. Iterum dico vobis, quia si duo ex vobis consénserint super terram ; de omni re quamcúmque petierint, fiet illis à Patre meo, qui in cœlis est. Ubi enim sunt duo vel tres congregáti in nómine meo, ibi sum in médio eórum. Tunc accédens Petrus ad eum, dixit : Dómine, quóties peccábit in me frater meus, et

dimíttam ei ? usque sépties ? Dicit illi Jesus : Non dico tibi usque sépties, sed usque septuágies sépties.

Offertorium. Ps. 117. Dextera Dómini fecit virtútem, dextera Dómini exaltávit me : non móriar, sed vivam, et narrábo ópera Dómini.

Secreta.

PER hæc véniat, quæsumus, Dómine, sacraménta nostræ redemptionis effectus : qui nos et ab humánis rétrahat semper excéssibus, et ad salutária dona perdúcat. Per Dóminum, etc.

Aliæ Secretæ, ut supra, fol. 53.

Communio. Ps. 14. Dómine, quis habitábit in tabernáculo tuo ? aut quis requiescet in monte sancto tuo ? Qui ingréditur sine mácula, et operátur justítiam.

Postcommunio.

SACRIS, Dómine, mystériis expiáti, et véniam, quæsumus, consequámur, et grátiam. Per, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

TUA nos, Dómine, protectióne defénde : et ab omni semper iniquitáte custódi. Per, etc.

FERIA QUARTA.

Statio ad Sanctum Xystum.

Introitus. Ps. 30.

EGO autem in Dómino sperábo : exultábo, et lætabor in tua misericórdia : quia respexisti humilitátem meam.

Ps. ibid. In te, Dómine, sperávi,

non confundar in ætérnum : in iustitia tua libera me, et éripe me.

Ÿ. Glória Patri, et Filio, etc.

Oratio.

PRÆSTA nobis, quæsumus, Dómine, ut salutáribus jejúniis eruditi, à nóxiis quoque vítiis abstinéntes, propitiatióem tuam facílius impetrémus. Per, etc.

Aliæ Orationes, ut supra, fol. 53.

Léctio libri Exodi. *Exod. 20.*

HÆC dicit Dóminus Deus : Honóra patrem tuum, et matrem tuam ; ut sis longævus super terram, quam Dóminus Deus tuus dabit tibi. Non occídes. Non mœcháberis. Non furtum fácies. Non loquérís contra próximum tuum falsum testimónium. Non concupísces domum próximi tui ; nec desiderábis uxórem ejus, non servum, non ancíllam, non bovem, non ásinum, nec ómnia quæ illíus sunt. Cunctus autem pópulus videbat voces, et lámpades, et sónitum búccinæ, montémque fumántem : et pertéríti, ac pavóre concússi, steterunt procul, dicéntes Móysi : Lóquere tu nobis, et audiémus : non loquátur nobis Dóminus, ne fortè moriámur. Et ait Móyses ad pópulum : Nolíte timére : ut enim probáret vos venit Deus, et ut terror illíus esset in vobis, et non peccaréitis. Stetitque pópulus de longè. Móyses autem accéssit ad caliginem, in qua erat Deus. Dixit prætereá Dóminus ad Móysen : Hæc dices filiis Israél : Vos vidístis quod de cælo locútus sim vobis. Non faciétis deos argénteos, nec deos áureos faciétis vobis. Altáre de terra faciétis mihi, et offerétis super eo holocáusta, et pacífica vestra, oves vestras et boves in omni loco, in quo memória fúerit nóminis mei.

Graduale. Ps. 6. Miserére mei,

Dómine, quóniam infirmus sum : sana me, Dómine.

Ÿ. Conturbáta sunt ómnia ossa mea : et ánima mea turbáta est valdè.

Tractus. Ps. 102. Dómine, non secúndum peccáta nostra, quæ fécimus nos : neque secúndum iniquitátes nostras retribuas nobis.

Ÿ. *Ps. 78.* Dómine, ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster, et propter glóriam nóminis tui, Dómine, libera nos : et propítius esto peccátis nostris propter nomen tuum.

Sequéntia sancti Evangélii secúndum Matthæum. *Matth. 15.*

IN illo témpore : Accessérunt ad Jesum ab Jerosólymis Scribæ et Pharisei, dicéntes : **Quare** discipuli tui transgrediúntur tradiónem seniórum ? non enim lavant manus suas, cum panem mandúcant. Ipse autem respóndens, ait illis : **Quare** et vos transgredimini mandátum Dei propter tradiónem vestram ? Nam Deus dixit : Honóra patrem et matrem. Et : Qui maledíxerit patri vel matri, morte moriátur. Vos autem dicitis : Quicúmque dixerit patri vel matri : Munus quodcúmque est ex me, tibi próderit : et non honorificábit patrem suum aut matrem suam : et irritum fecístis mandátum Dei propter tradiónem vestram. Hypócritæ, bene prophétávit de vobis Isaías, dicens : Pópulus hic lábiis me honórat ; cor autem eórum longè est à me : sine causa autem colunt me, docéntes doctrínas et mandáta hóminum. Et convocátis ad se turbis, dixit eis : Audite, et intelligite : Non quod

intrat in os coínquinat hóminem ; sed quod procédit ex ore, hoc coínquinat hóminem. Tunc accedéntes discípuli ejus, dixerunt ei : Scis quia Pharisei, audito verbo hoc, scandalizáti sunt ? At ille respóndens, ait : Omnis plantátio quam non plantávit Pater meus cœléstis, eradicábitur. Sinite illos : cæci sunt, et duces cæcorum : cæcus autem si cæco ducátum præstet, ambo in fóveam cadunt. Respóndens autem Petrus, dixit ei : Edíssere nobis parábolam istam. At ille dixit : Adhuc et vos sine intellectu estis ? Non intelligitis, quia omne quod in os intrat, in ventrem vadit, et in secéssum emittitur ? Quæ autem procedunt de ore, de corde éxeunt, et ea coínquant hóminem : de corde enim éxeunt cogitationes malæ, homicidia, adultéria, fornicationes, furta, falsa testimónia, blasphemíæ. Hæc sunt quæ coínquant hóminem. Non lotis autem manibus manducáre, non coínquinat hóminem.

Offertorium. Ps. 108. Dómine, fac mecum misericórdiam tuam propter nomen tuum, quia suávis est misericórdia tua.

Secreta.

SUSCIPE, quæsumus, Dómine, preces pópuli tui cum oblationibus hostiarum : et tua mystéria celebrántes, ab ómnibus nos defénde periculis. Per, etc.

Aliæ Secretæ, ut supra, fol. 53.

Communio. Ps. 15. Notas mihi fecisti vias vitæ : adimplébis me lætitia cum vultu tuo, Dómine.

Postcommunio.

SANCTIFICET nos, Dómine, qua pasti sumus, mensa cœléstis : et à cunctis erróribus expiátos,

M

supérnis promissionibus reddat accéptos. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliate cápita vestra Deo.

Oratio.

CONCEDE, quæsumus, omnipotens Deus, ut qui protectionis tuæ grátiam quærimus, liberáti à malis ómnibus, secúra tibi mente serviámus. Per, etc.

FERIA QUINTA.

Statio ad SS. Cosmam et Damianum.

Introitus.

SALUS pópuli ego sum, dicit Dóminus : de quacúmque tribulatione clamáverint ad me, exáudiam eos : et ero illórum Dóminus in perpétuum.

Ps. 77. Atténdite, pópule meus, legem meam ; inclináte aurem vestram in verba oris mei.

Y. Glória Patri, et Filio, etc.

Oratio.

MAGNIFICET te, Dómine, Sanctorum tuorum Cosmæ et Damiáni beáta solémnitas : qua et illis glóriam sempitérnam, et opem nobis ineffábili providéntia contulísti. Per, etc.

Aliæ Orationes, ut supra, fol. 53.

Léctio Jeremiæ Prophætæ. Jer. 7.

IN diébus illis : Factum est verbum Dómini ad me, dicens : Sta in porta domus Dómini, et prædica ibi verbum istud, et dic : Audite verbum Dómini, omnis Juda, qui ingredimini per portas has, ut adorétis Dóminum. Hæc dicit Dóminus exercítuum Deus Israël :

Bonas fácite vias vestras, et stúdia vestra : et habitábo vobiscum in loco isto. Nolíte confidere in verbis mendácii, dicétes : Templum Dómini, templum Dómini, templum Dómini est. Quóniam si bene direxéritis vias vestras, et stúdia vestra ; si fecéritis iudícium inter virum et próximum ejus ; ádvenæ, et pupillo, et víduæ non fecéritis calúnniam ; nec sánguinem innocéntem effudéritis in loco hoc ; et post deos aliénos non ambulavéritis in malum vobismetípsis : habitábo vobiscum in loco isto, in terra, quam dedi pátribus vestris à século et usque in séculum : ait Dóminus omnipotens.

Graduale. Ps. 144. Oculi ómnium in te sperant, Dómine : et tu das illis escam in témpore opportúno.

Ÿ. Aperis tu manum tuam, et imples omne ánimál benedictióne.

Sequéntia sancti Evangélíi secúndum Lucam. *Luc. 4.*

IN illo témpore : Surgens Jesus de Synagóga, introívit in domum Simónis. Socrus autem Simónis tenebátur magnis fébribus, et rogavérunt illum pro ea. Et stans super illam, imperávit febrí : et dimísit illam. Et continuò surgens, ministrábat illis. Cum autem sol occidisset, omnes qui habébant infirmos váriis languóribus, ducébant illos ad eum. At ille singulis manus impónens curábat eos. Exhibant autem dæmónia à multis, clamántia et dicéntia : Quia tu es Fílius Dei. Et increpans, non sinébat ea loqui, quia sciébant ipsum esse Christum. Facta autem die, egréssus ibat in désertum locum ; et turbæ requirébant eum, et venérunt usque ad ipsum ; et detinébant illum, ne discéderet ab eis. Quibus ille ait : Quia et áliis civitatibus opórtet me evangelizáre regnum

Dei : quia ideo missus sum. Et erat prædicans in Synagógis Galilææ.

Offertorium. Ps. 137. Si ambulávero in médio tribulatiónis, vivificábis me, Dómine : et super iram inimicórum meórum exténdes manum tuam, et salvum me faciet dextera tua.

Secreta.

IN tuórum, Dómine, pretiósá morte justórum sacrificium illud offérimus, de quo martyrium sumpsit omne princípium. Per, etc.

Aliæ Secretæ, ut supra, fol. 53.

Communio. Ps. 118. Tu mandásti mandáta tua custodiri nimis : útinam dirigántur viæ meæ ad custodiéndas justificatiónes tuas.

Postcommunio.

SIT nobis Dómine, sacraménti tui certa salvátio, quæ cum beatórum Mártyrum tuórum Cosmæ et Damiáni méritis implorátur. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

SUBJECTUM tibi pópulum, quæsumus, Dómine, propitiátio cœléstis amplíficet, et tuis semper fáciat servíre mandátis. Per Dóminum, etc.

FERIA SEXTA.

Statio ad S. Laurentium in Lucina.

Introitus. Ps. 85.

FAC mecum, Dómine, signum in bonum, ut vídeant qui me odérunt et confundántur : quóniam

tu, Dómine, adjuvisti me, et consolatus es me.

Ps. ibid. Inclina, Dómine, aurem tuam, et exáudi me : quóniam inops et pauper sum ego.

Ÿ. Glória Patri, et Filio, etc.

Oratio.

JEJUNIA nostra, quæsumus, Dómine, benigno favóre proséquere : ut sicut ab aliméntis abstinémus in corpore ; ita à vítiis jejunémus in mente. Per, etc.

Aliæ Orationes, ut supra, fol. 53.

Léctio libri Númeri. *Num.* 20.

IN diébus illis: Convenérunt filii Israël advérsus Móysen et Aaron ; et versi in seditiónem, dixerunt : Date nobis aquam, ut bibámus. Ingressúsque Móyses et Aaron, dimíssa multitúdine, tabernáculum fæderis, corruérunt proni in terram, clamaverúntque ad Dóminum, atque dixerunt: Dómine Deus, audi clamórem hujus pópuli, et áperi eis thesáurum tuum fontem aquæ vivæ ; ut satiáti, cesset murmurátio eórum. Et apparuit glória Dómini super eos. Locutúsque est Dóminus ad Móysen, dicens: Tolle virgam, et cógrega pópulum, tu et Aaron frater tuus, et loquimini ad petram coram eis, et illa dabit aquas. Cúmque edúxeris aquam de petra, bibet omnis multitúdo, et juménta ejus. Tulit igitur Móyses virgam quæ erat in conspéctu Dómini, sicut præcéperat ei, congregáta multitúdine ante petram, dixítque eis: Audíte, rebélles et incréduli: Num de petra hac vobis aquam potérimus ejícere? Cumque eleváset Móyses manum, percútiens virga bis silicem, egréssæ sunt aquæ largíssimæ, ita ut pópulus biberet, et juménta. Dixítque Dóminus ad Móysen, et Aaron: Quia non credidistis mihi, ut sanc-

tificarétis me coram filiis Israël ; non introducétis hos pópulos in terram quam dabo eis. Hæc est aqua contradictiónis, ubi jurgáti sunt filii Israël contra Dóminum, et sanctificátus est in eis.

Graduale. Ps. 27. In Deo sperávit cor meum, et adjútus sum, et reflóruit caro mea, et ex voluntáte meá confitébor illi.

Ÿ. Ad te, Dómine, clamávi: Deus meus, ne síleas, nec discédas à me.

Tractus. Ps. 102. Dómine, non secúndum peccáta nostra, quæ fécimus nos ; neque secúndum iniquitátes nostras retribuas nobis.

Ÿ. *Ps. 78.* Dómine, ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster : et propter glóriam nóminis tui, Dómine, libera nos : et propítius esto peccátis nostris, propter nomen tuum.

Sequéntia sancti Evangélli secúndum Joánnem. *Joann.* 4.

IN illo témpore: Venit Jesus in civitátem Samáriæ, quæ dicitur Sichar, juxta prædium quod dedit Jacob Joseph filio suo. Erat autem ibi fons Jacob. Jesus ergo fatigátus ex itínere, sedébat sic supra fontem. Hora erat quasi sexta. Venit múluer de Samária haurire aquam. Dicit ei Jesus: Da mihi bibere. (Discípuli enim ejus abierant in civitátem, ut cibos émerent.) Dicit ergo ei múluer illa Samaritána: Quómodo tu, Judæus cum sis, bibere à me poscis, quæ sum múluer Samaritána? Non enim coutúntur Judæi Samaritánis. Respóndit Jesus, et dixit ei: Si scires donum

Dei, et quis est, qui dicit tibi : Da mihi bibere : tu fòrsitan petisses ab eo, et dedisset tibi aquam vivam. Dicit ei mulier : Dómine, neque in quo háurias habes, et púteus altus est : unde ergo habes aquam vivam? Númquid tu major es patre nostro Jacob, qui dedit nobis púteum, et ipse ex eo bibit, et filii ejus, et pécora ejus? Respóndit Jesus, et dixit ei : Omnis qui bibit ex aqua hac, sítiet íterum ; qui autem biberit ex aqua quam ego dabo ei, non sítiet in ætérnum : sed aqua quam ego dabo ei, fiet in eo fons aquæ salientis in vitam ætérnam. Dicit ad eum múlter : Dómine, da mihi hanc aquam, ut non sítiam, neque véniam huc hauríre. Dicit ei Jesus : Vade, voca virum tuum, et veni huc. Respóndit múlter, et dixit : Non hábeo virum. Dicit ei Jesus : Bene dixísti, quia non hábeo virum ; quinque enim viros habuísti ; et nunc quem habes, non est tuus vir : hoc verè dixísti. Dicit ei múlter : Dómine, vídeo quia Prophéta es tu. Patres nostri in monte hoc adoravérunt : et vos dicitis, quia Jerosólymis est locus ubi adoráre opórtet. Dicit ei Jesus : Múlter, crede mihi, quia venit hora, quando neque in monte hoc, neque in Jerosólymis adorábitis Patrem. Vós adorátis quod nescítis : nos adorámus quod scimus, quia salus ex Judæis est. Sed venit hora, et nunc est, quando veri adoratóres adorábunt Patrem in spíritu et veritate. Nam et Pater tales quærit, qui adórent eum. Spíritus est Deus ; et eos qui adórant eum, in spíritu et veritate opórtet adoráre. Dicit ei múlter : Scio quia Messías venit (qui dicitur Christus) : Cum ergo vénerit ille, nobis annuntiábit ómnia. Dicit ei Jesus : Ego sum, qui loquor tecum. Et continuò venérunt discipuli ejus ; et mirabán-

tur, quia cum muliere loquebátur. Nemo tamen dixit : Quid quæris, aut quid lóqueris cum ea? Relíquit ergo hydriam suam múlter, et ábiit in civitátem, et dicit illis homínibus : Veníte, et vidéte hóminem, qui dixit mihi ómnia quæcúmque feci : númquid ipse est Christus? Exiérunt ergo de civitáte, et veniébant ad eum. Intérea rogábant eum discipuli, dicéntes : Rabbi, mandúca. Ille autem dicit eis : Ego cibum hábeo manducáre, quem vos nescítis. Dicébant ergo discipuli ad ínvicem : Númquid áliquis áttulit ei manducáre? Dicit eis Jesus : Meus cibum est, ut fáciam voluntátem ejus qui misit me, ut perficiam opus ejus. Nonne vos dicitis, quod adhuc quátuor menses sunt, et messis venit? Ecce dico vobis : Leváte óculos vestros, et vidéte regiónés, quia albæ sunt jam ad messem. Et qui metit, mercédem áccipit, et cóngregat fructum in vitam ætérnam : ut, et qui séminat, simul gáudeat, et qui metit. In hoc enim est verbum verum : quia álius est qui séminat, et álius est qui metit. Ego misi vos métere quod vos non laborástis : álii laboravérunt, et vos in labóres eórum introístis. Ex civitáte autem illa multi credidérunt in eum Samaritanórum, propter verbum mulieris testimónium perhibéntis : Quia dixit mihi ómnia quæcúmque feci. Cum venissent ergo ad illum Samaritáni, rogavérunt eum ut ibi manéret. Et mansit ibi duos dies. Et multo plures credidérunt in eum propter sermónem ejus. Et mulieri dicébant : Quia jam non propter tuam loquélam crédimus : ipsi enim audivimus et scimus quia hic est verè Salvátor mundi.

Offertorium. Ps. 5. Inténde vocí oratiónis meæ, Rex meus et Deus

meus : quóniam ad te orábo, Dómine.

Secreta.

RESPICE, quæsumus, Dómine, propítius ad múnera quæ sacramus : ut tibi grata sint, et nobis salutária semper existant. Per, etc.

Aliæ Secreta, ut supra, fol. 53.

Communio. Joann. 4. Qui biberit aquam quam ego dabo ei, dicit Dóminus, fiet in eo fons aquæ salientis in vitam ætérnam.

Postcommunio.

HUJUS nos, Dómine, percéptio sacraménti mundet à crimine, et ad cœléstia regna perducát. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

PRÆSTA, quæsumus, omnipotens Deus, ut qui in tua protectione confidimus, cuncta nobis adversántia, te adjuvánte, vincámus. Per Dóminum, etc.

SABBATO.

Statio ad Sanctam Susannam.

Introitus. Ps. 5.

VERBA mea áuribus percípe, Dómine, intéllege clamórem meum : inténde voci oratiónis meæ, rex meus, et Deus meus.

Ps. ibid. Quóniam ad te orábo, Dómine, mane exáudies vocem meam.

Ÿ. Glória Patri, et Filio, etc.

Oratio.

PRÆSTA, quæsumus, omnipotens Deus : ut qui se, affligén-

do carnem, ab aliméntis ábstinent, sectándo justítiam à culpa jejúnent. Per Dóminum, etc.

Aliæ Orationes, ut supra, fol. 53.

Léctio Daniélis Prophétæ.

Dan. 13.

IN diébus illis : Erat vir hábítans in Babylóne, et nomen ejus Jóakim : et accépit uxórem nómine Susánnam, filiam Helcíæ, pulchram nimis, et tíméntem Deum : paréntes enim illius, cum essent justí, erudiérunt filiam suam secúndum legem Móysi. Erat autem Jóakim dives valdè, et erat ei pomárium vicínium dómui suæ ; et ad ipsum confluébant Judæi, eo quod esset honorabilior ómnium. Et constitúti sunt de pópulo duo senes júdices in illo anno : de quibus locútus est Dóminus : Quia egréssa est iníquitas de Babylóne, à senióribus júdicibus qui videbántur régere pópulum. Isti frequentábant domum Jóakim, et veniébant ad eos, omnes qui habébant júdicia. Cum autem pópulus revertísset per merídiem, ingrediebátur Susánna, et deambulábat in pomário viri sui. Et vidébant eam senes quotidie ingrediéntem et deambulántem : et exarsérunt in concupiscéntiam ejus ; et evertérunt sensum suum, et declinavérunt óculos suos, ut non víderent cælum, neque recordaréntur júdiciórum justórum. Factum est autem, cum observárent diem aptum, ingrèssa est aliquándo sicut heri, et nudiustértius, cum duábus solis puéllis, volúitque lavári in pomário ; æstus quippe erat ; et non erat ibi quisquam, præter duos senes absconditos, et contemplántes eam. Dixit ergo puéllis : Afférte mihi óleum et smígmata, et óstia pomárii cláudite, ut laver. Cum autem egréssæ essent puéllæ, surrexérunt duo senes, et accurrérunt ad eam,

et dixerunt : Ecce óstia pomárii clausa sunt, et nemo nos videt, et nos in concupiscéntia tuí sumus : quamóbrem assentíre nobis, et commiscére nobíscum. Quod si nolúeris, dicémus contra te testimónium, quod fúerit tecum júvenis, et ob hanc causam emíseris puellas à te. Ingémuit Susánna, et ait : Angústiae sunt mihi úndique : Si enim hoc égero, mors mihi est : si autem non égero, non effúgiam manus vestras. Sed mélius est mihi absque ópere incidere in manus vestras, quam peccáre in conspéctu Dómini. Et exclamávit voce magna Susánna : exclamavérunt autem et senes advérsus eam. Et cucúrrit unus ad óstia pomárii, et apérui. Cum ergo audissent clamórem fámuli domus in pomáio, irruérunt per postícum, ut vidérent quidnam esset. Postquam autem senes locúti sunt, erubuérunt servi veheménter, quia nunquam dictus fúerat sermo hujuscémodi de Susánna. Et facta est dies crástina. Cumque venisset pópulus ad Jóakim virum ejus, venérunt et duo senióres, pleni iniqua cogitatíone advérsus Susánnam, ut interficerent eam. Et dixerunt coram pópulo : Míttite ad Susánnam fíliam Helcíæ, uxórem Jóakim. Et statim misérunt. Et venit cum paréntibus et filiis, et univérsis cognátis suis. Flebant ígitur sui et omnes qui nóverant eam. Consurgéntes autem duo senióres in médio pópuli, posuérunt manus suas super caput ejus. Quæ flens suspéxit ad cælum : erat enim cor ejus fidúciam habens in Dómino. Et dixerunt senióres : Cum deambularémus in pomáio soli, ingrèssa est hæc cum duábus puéllis ; et clausit óstia pomárii, et dimísit à se puéllas. Venítque ad eam adoléscent, qui erat absconditus, et concúbuit cumea. Porro nos,

cum essémus in ángulo pomárii, vidéntes iniquitátem, cucúrrimus ad eos, et vídimus eos páriter commiscéri. Et illum quidem non quívimus comprehéndere, quia fórtior nobis erat ; et, apértis óstiis, exilívit : hanc autem cum apprehendissémus, interrogávimus quisnam esset adoléscent, et nóluit indicáre nobis : hujus rei testes sumus. Crédidit eis multitúdo quasi sénibus et judícibus pópuli, et condemnavérunt eam ad mortem. Exclamávit autem voce magna Susánna, et dixit : Deus ætérne, qui absconditórum es cógnitor, qui nosti ómnia ántequam fiant, tu scis quóniam falsum testimónium tulérunt contra me ; et ecce mórior, cum nihil horum fécerim quæ isti malitíose composuérunt advérsus me. Exaudivit autem Dóminus vocem ejus. Cumque ducerétur ad mortem, suscitávit Dóminus spíritum sanctum púeri junióris cujus nomen Daniel. Et exclamávit voce magna : Mundus ego sum à ságuine hujus. Et convérsus omnis pópulus ad eum, dixit : Quis est iste sermo quem tu locútus es ? Qui cum staret in médio eórum, ait : Sic, fátui filii Israél, non judicántes neque quod verum est cognoscéntes, condemnástis fíliam Israél ? Revertímini ad judícium, quia falsum testimónium locúti sunt advérsus eam. Revérsus est ergo pópulus cum festinatíone. Et dixit ad eos Daniel : Separáte illos ab ínvicem procul, et dijudicábo eos. Cum ergo divisi essent alter ab áltero, vocávit unum de eis, et dixit ad eum : Inveteráte díerum malórum, nunc venérunt peccáta tua quæ operabáris prius, júdicans judícia injústa, innocéntes ópprimens, et dimíttens nóxios, dicénte Dómino : Innocéntem et justum non interficies. Nunc ergo si vidísti eam, dic sub qua árbore ví-

deris eos colloquētes sibi. Qui ait : Sub schino. Dixit autem Daniel : Rectè mentitus es in caput tuum : ecce enim Angelus Dei, accēpta sentētia ab eo, scindet te mēdium. Et, amōto eo, jussit venire aliū, et dixit ei : Semen Chanaan et non Juda, spēcies decēpit te, et concupiscētia subvērtit cor tuum : sic faciebātis filiābus Israël, et illæ timētes loquebāntur vobis ; sed filia Juda non sustinuit iniquitatem vestram. Nunc ergo dic mihi sub qua ārbore comprehēderis eos loquētes sibi. Qui ait : Sub prino. Dixit autem ei Daniel : Rectè mentitus es et tu in caput tuum : manet enim Angelus Dōmini, glādiū habens, ut secet te mēdium et interficiat vos. Exclamāvit itaque omnis cōetus voce magna, et benedixerunt Deum, qui salvat sperāntes in se. Et consurrexerunt advērsus duos seniōres (convicerat enim eos Dāniel ex ore suo falsum dixisse testimōnium), fecerūntque eis sicut male ēgerant advērsus prōximum, et interfecerunt eos ; et salvātus est sanguis innōxiū in die illa.

Graduale. Ps. 22. Si āmbulem in mēdio umbræ mortis, non timēbo mala, quōniam tu mecum es, Dōmine.

Y. Virga tua et bāculus tuus ipsa me consolāta sunt.

Sequētia sancti Evangēlii secūndum Joānnem. Joann. 8.

IN illo tēpore, Perrēxit Jesus in montem Olivēti ; et dilūculo iterum venit in templum, et omnis pōpulus venit ad eum, et sedens docēbat eos. Addūcunt autem Scribæ et Pharisæi mulierem in adultērio deprehēnsam ; et statuērunt eam in mēdio, et dixerunt ei : Magister, hæc mulier modo deprehēsa

est in adultērio. In lege autem Mōyses mandāvit nobis hujūsmodi lapidāre. Tu ergo quid dicis ? Hoc autem dicēbant tentāntes eum ut possent accusāre eum. Jesus autem, inclinans se deōrsū, dīgito scribēbat in terra. Cum ergo perseverārent interrogāntes eum, erēxit se, et dixit eis : Qui sine peccāto est vestrū, primus in illam lāpidem mittat. Et iterum se inclinans scribēbat in terra. Audiētes autem unus post unum exhibant, incipiētes à seniōribus ; et remānsit solus Jesus et mulier in mēdio stans. Erigens autem se Jesus dixit ei : Mulier, ubi sunt qui te accusābant ? Nemo te condemnāvit ? Quæ dixit : Nemo, Dōmine. Dixit autem Jesus : Nec ego te condemnābo : vade et jam āmplius noli peccāre.

Offertorium. Ps. 118. Gressus meos dirige secūndum elōquiū tuū, ut non dominētur mei omnis injustitia, Dōmine.

Secreta.

CONCEDE, quæsumus, omnipotens Deus, ut hujus sacrificii munus oblātum fragilitatem nostram ab omni malo purget semper et mūniat. Per, etc.

Aliæ Secretæ, ut supra, fol. 53.

Communio. Joann. 8. Nemo te condemnāvit, mulier ? Nemo, Dōmine. Nec ego te condemnābo : jam āmplius noli peccāre.

Postcommunio.

QUÆSUMUS, omnipotens Deus, ut inter ejus membra numerēmur cujus cōpori communicāmus et sāguini. Qui, etc.

Aliæ Postcommuniones, ut supra, fol. 53.

Super populum. Orēmus. Humiliāte cāpita vestra Deo.

Oratio.

PRÆTENDE, Dómine, fídelibus tuis dexteram cœlestis auxilii, ut te toto corde perquirant, et quæ digne póstulant, cónsequi mereántur. Per Dóminum, etc.

DOMINICA IV. IN QUADRAGESIMA.

Statio ad Sanctam Crucem in Jerusalem.

Introitus. Is. 66.

LÆTARE, Jerusalem, et convéntum fácite, omnes qui diligitis eam; gaudéte cum lætítia, qui in tristítia fuístis, ut exultétis, et satiémini ab ubéribus consolatiónis vestræ.

Ps. 121. Lætátus sum in his quæ dicta sunt mihi: in domum Dómini íbimus.

V. Glória Patri, et Fílio, etc.

Oratio.

CONCEDE, quæsumus, omnipotens Deus, ut, qui ex mérito nostræ actiόνis affligimur, tuæ grátiae consolatióne respirémus. Per Dóminum, etc.

Aliæ Orationes, ut supra, fol. 53.

Léctio Epístolæ beáti Pauli Apóstoli ad Gálatas. *Gal. 4.*

FRATRES, Scriptum est quóniam Abraham duos filios hábuit, unum de ancilla, et unum de libera. Sed qui de ancilla, secúndum carnem natus est; qui autem de libera, per repromissióem: quæ sunt per allegóriam dicta. Hæc enim sunt duo testaménta. Unum quidem in monte Sina in servitútem génerans, quæ est Ágar: Sina enim mons est in Arábia, qui conjúctus est ei quæ nunc est Jerúsalem, et servit cum filiis suis. Illa autem

quæ sursum est Jerúsalem libera est, quæ est mater nostra. Scriptum est enim: Lætáre stérilis, quæ non paris; erúmpe et clama, quæ non párturis; quia multi filii desértæ, magis quam ejus quæ habet virum. Nos autem, fratres, secúndum Isaac promissiόνis filii sumus. Sed quómodo tunc is qui secúndum carnem natus fúerat, persequébatur eum qui secúndum spíritum, ita et nunc. Sed quid dicit Scriptúra? Ejice ancillam, et filium ejus; non enim hæres erit filius ancillæ cum filio liberæ. Itaque, fratres, non sumus ancillæ filii, sed liberæ: qua libertáte Christus nos liberávit.

Graduale. Ps. 121. Lætátus sum in his quæ dicta sunt mihi: in domum Dómini íbimus.

V. Fiat pax in virtúte tua, et abundántia in túrribus tuis.

Tractus. Ps. 124. Qui confidunt in Dómino, sicut mons Sion: non commovébitor in ætérnum qui hábitat in Jerúsalem.

V. Montes in circúitu ejus, et Dóminus in circúitu pópuli sui, ex hoc nunc et usque in sæculum.

Sequéntia sancti Evangélíi secúndum Joánnem. *Joann. 6.*

IN illo témpore: Abiit Jesus trans mare Galilææ, quod est Tiberíadis; et sequebátur eum multitúdo magna, quia vidébant signa quæ faciébat super his qui infirmábantur. Súbiit ergo in montem Jesus; et ibi sedébat cum discipulis suis. Erat autem próximam Pascha, dies festus Judæórum. Cum sublevásset ergo óculos Jesus, et vidísset quia multitúdo máxima venit ad eum, dixit ad Philippum: Unde emémus panes, ut mandúcent hi? Hoc autem dicébat tentans eum: ipse enim sciébat quid esset factúrus. Respóndit ei Philippus: Ducentórum denariórum

panes non sufficiunt eis, ut unusquisque módicum quid accípiat. Dicit ei unus ex discíplis ejus, Andréas frater Simónis Petri: Est puer unus hic qui habet quinque panes hordeáceos, et duos pisces: sed hæc quid sunt inter tantos? Dixit ergo Jesus: Fácite hómines discumbere. Erat autem fœnum multum in loco. Discubuérunt ergo viri, número quasi quinque millia. Accépit ergo Jesus panes: et, cum grátias egisset, distribuit discumbéntibus; similiter et ex piscibus, quantum volébant. Ut autem impléti sunt, dixit discíplis suis: Collígite quæ superavérunt fragménta, ne pérent. Collegérunt ergo, et implevérunt duódecim cóphinos fragmentórum ex quinque pánibus hordeáceis, quæ superfuérunt his qui manducavérunt. Illi ergo hómines, cum vidissent quod Jesus fécerat signum, dicébant: Quia hic est verè Prophéta, qui ventúrus est in múnđum. Jesus ergo, cum cognovísset quia ventúri essent ut ráperent eum et fácerent eum regem, fugit iterum in montem ipse solus.

Credo.

Offertorium. Ps. 134. Laudáte Dóminum, quia benígnus est; psállite nómini ejus, quóniam suávis est: ómnia quæcúmque voluit, fecit in cœlo et in terra.

Secreta.

SACRIFICIIS præsentibus, Dómine, quæsumus, inténde placátus: ut et devotióni nostræ proficiant, et salúti. Per, etc.

Aliæ Secretæ, ut supra, fol. 53.

Communio. Ps. 121. Jerúsalem, quæ ædificátur ut civitas, cujus participátio ejus in idípsum: illuc enim ascendérunt tribus, tribus Dómini, ad confiténdum nómini tuo, Dómine.

N

Postcommunio.

DA nobis, quæsumus, miséricors Deus: ut sancta tua, quibus incessánte explémur, sincéris tractémus obséquijs, et fidéli semper mente sumámus. Per, etc.

Aliæ Postcommuniones, ut supra, fol. 53.

FERIA SECUNDA.

Statio ad SS. Quatuor Coronatos.

Introitus. Ps. 53.

DEUS, in nomine tuo salvum me fac, et in virtúte tua libera me: Deus, exáudi oratióem meam, áuribus pércipe verba oris mei.

Ps. ibid. Quóniam aliéni insurrexérunt in me: et fortes quæsiérunt ánimam meam.

Y. Glória Patri, et Filio, etc.

Oratio.

PRÆSTA, quæsumus, omnípotens Deus, ut observatiónes sacras ánnua devotióne recoléntes, et córpore tibi placeámus, et mente. Per Dóminum, etc.

Aliæ Orationes, ut supra, fol. 53.

Lectio libri Regum. 3 Reg. 3.

IN diébus illis: Venérunt duæ mulieres meretrices ad regem Salomónem, steterúntque coram eo. Quarum una ait: Obsecro, mi dómine: ego et múlter hæc habitabámus in domo una, et péperi apud eam in cubículo. Tértia autem die postquam ego péperi, péperit et hæc: et erámus simul, nullúsque álius nobiscum in domo, excéptis nobis duábus. Mórtuus est autem filius mulieris hujus nocte: dórmienti quippe oppréssit eum. Et consurgens intempéstæ noctis siléntio, tulit filium meum de látere meo

ancillæ tuæ dormiētis, et collocāvit in sinu suo : suum autem filium qui erat mórtnus, pósuit in sinu meo. Cúmque surrexísem mane, ut darem lac filio meo, apparuit mórtnus : quem diligéntius íntuens clara luce, deprehēdi non esse meum, quem genúeram. Responditque áltera múlter : Non est ita, ut dicis : sed filius tuus mórtnus est, meus autem vivit. E contrario illa dicébat : Mentíris ; filius quippe meus vivit, et filius tuus mórtnus est. Atque in hunc modum contendébant coram rege. Tunc rex ait : Hæc dicit, Filius meus vivit, et filius tuus mórtnus est : et ista respondit : Non, sed filius tuus mórtnus est, meus autem vivit. Dixit ergo rex : Afferte mihi gládium. Cúmque attulissent gládium coram rege : Divídite, inquit, infántem vivum in duas partes, et date dimídiam partem uni, et dimídiam partem álteri. Dixit autem múlter, cujus filius erat vivus, ad regem (commóta sunt quippe víscera ejus super filio suo) : Obsecro, dómíne, date illi infántem vivum, et nolíte interficere eum. E contrário illa dicébat : Nec mihi, nec tibi sit, sed dividátur. Respóndit rex, et ait : Date huic infántem vivum, et non occidátur : hæc est enim mater ejus. Audívit itaque omnis Israēl júdicium quod judicásset rex, et timué-runt regem, vidéntes sapiéntiam Dei esse in eo ad faciéndum júdícium.

Graduale. Ps. 30. Esto mihi in Deum protectórem, et in locum refúgii, ut salvum me fácias.

V. Ps. 70. Deus, in te speravi : Dómíne, non confúndar in ætérnum.

Tractus. Ps. 102. Dómíne, non secúndum peccáta nostra, quæ féci-mus nos ; neque secúndum iniqui-tates nostras retribuas nobis.

V. Ps. 78. Dómíne, ne memí-neris iniquitátum nostrárum anti-quárum : cito anticipent nos mise-ricórdiæ tuæ, quia páuperes facti sumus nimis.

Hic genu flectitur. V. Adjuva nos, Deus salutáris noster, et prop-ter glóriam nóminis tui, Dómíne, libera nos, et propítius esto peccátis nostris, propter nomen tuum.

Sequéntia sancti Evangélii secún-dum Joánnem. *Joann. 2.*

IN illo témpore : Propè erat Pas-cha Judæórum, et ascéndit Je-sus Jerosólymam : et invénit in templo vendéntes boves, et oves, et colúmbas, et nummulários sedéntes. Et cum fecísset quasi flagéllum de funículis, omnes ejécit de templo, oves quoque, et boves ; et nummula-riórum effúdit æs, et mensas sub-vértit. Et his, qui colúmbas ven-débant, dixit : Auférte ista hinc, et nolíte fácere domum Patris mei domum negotiatiónis. Recordáti sunt vero discípuli ejus, quia scrip-tum est : Zelus domus tuæ comédit me. Respondérunt ergo Judæi, et dixerunt ei : Quod signum osténdis nobis, quia hæc facis ? Respóndit Jesus, et dixit eis : Sóluite templum hoc, et in tribus diébus excitábo illud. Dixerunt ergo Judæi : Qua-dragínta et sex annis ædificátum est templum hoc ; et tu in tribus diébus excitábis illud ? Ille autem dicébat de templo córporis sui. Cum ergo resurrexísset à mórtnis, recordáti sunt discípuli ejus, quia hoc dicébat ; et credidérunt Scriptúre, et sermóni quem dixit Jesus. Cum autem esset Jerosólymis in Pascha in die festo, multi credidérunt in nómine ejus, vidéntes signa ejus, quæ faciébat. Ipse autem Jesus non credébat semctípsimum eis, eo quod ipse nosset omnes ; et quia opus ei non erat, ut quis testimoni-

um perhiberet de homine: ipse enim sciēbat quid esset in homine.

Offertorium. Ps. 99. Jubilāte Deo omnis terra, servite Dōmino in lætitia: intrāte in conspectu ejus in exultatione: quia Dōminus ipse est Deus.

Secreta.

OBLATUM tibi, Dōmine, sacrificium vivificet nos semper, et mūniat. Per Dōminum, etc.

Aliæ Secretæ, ut supra, fol. 53.

Communio. Ps. 18. Ab occultis meis munda me, Dōmine: et ab aliēnis parce servo tuo.

Postcommunio.

SUMPTIS, Dōmine, salutāribus sacramētis, ad redemptionis æternæ, quæsumus, proficiāmus augmentum. Per, etc.

Aliæ Postcommuniones, ut supra, fol. 53.

Super populum. Orémus. Humiliate capita vestra Deo.

Oratio.

DEPRECATIONEM nostram, quæsumus, Dōmine, benīgus exāudi: et quibus supplicādi præstas affectum, tribue defensionis auxilium. Per Dōminum, etc.

FERIA TERTIA.

Statio ad Sanctum Laurentium in Damaso.

Introitus. Ps. 54.

EXAUDI, Deus, orationem meam, et ne despēxeris deprecationem meam: intēde in me, et exāudi me.

Ps. ibid. Contristātus sum in exercitatione mea, et conturbātus

sum à voce inimici, et à tribulatione peccatoris.

V. Glória Patri, et Filio, etc.

Oratio.

SACRA nobis, quæsumus, Dōmine, observationis jejūnia, et piæ conversationis augmentum, et tuæ propitiationis cōtinuum præstent auxilium. Per, etc.

Aliæ Orationes, ut supra, fol. 53.

Lectio libri Exodi. Exod. 32.

IN diēbus illis: Locūtus est Dōminus ad Mōysen, dicens: Descēde de monte: peccāvit pópulus tuus, quem eduxisti de terra Ægypti. Recesserunt cito de via, quam ostendisti eis: feceruntque sibi vitulum conflātilem, et adoraverunt; atque immolantes ei hóstias, dixerunt: Isti sunt dii tui, Israël, qui te eduxerunt de terra Ægypti. Rursumque ait Dōminus ad Mōysen: Cerno quod pópulus iste duræ cervicis sit: dimitte me, ut irascatur furor meus contra eos, et deleam eos, faciamque te in gentem magnam. Mōyses autem orābat Dōminum Deus suum, dicens: Cur, Dōmine, irascitur furor tuus contra pópulum tuum, quem eduxisti de terra Ægypti in fortitudine magna, et in manu robūsta? Ne, quæso, dicant Egyptii: Cállide edúxit eos, ut interficeret in mōtibus, et deleret è terra: quiēscat ira tua, et esto placābilis super nequítia pópuli tui. Recordāre Abraham, Isaac, et Israël servórum tuórum, quibus jurasti per temetípsum, dicens: Multiplicābo semen vestrum sicut stellas cœli: et univērsam terram hanc, de qua locūtus sum, dabo sēmini vestro, et possidēbitis eam semper. Placātusque est Dōminus, ne faceret malum quod locūtus fúerat adversus pópulum suum.

Graduale. Ps. 43. Exúrge, Dómine, fer opem nobis : et libera nos propter nomen tuum.

V. Deus, áuribus nostris audivimus, et patres nostri annuntiavérunt nobis opus, quod operátus es in diébus eórum, et in diébus antiqvis.

Sequéntia sancti Evangélíi secúndum Joánnem. Joann. 7.

IN illo témpore : Jam die festo mediánte, ascéndit Jesus in templum, et docébat. Et mirabántur Judæi, dicéntes : Quómodo hic litteras scit, cum non didicerit ? Respóndit eis Jesus, et dixit : Mea doctrína non est mea, sed ejus qui misit me. Si quis volúerit voluntátem ejus fácere, cognóscet de doctrína, utrum ex Deo sit, an ego à meípso loquar. Qui à semetípso lóquitur, glóriam própíam quærit. Qui autem quærit glóriam ejus qui misit me, hic verax est, et injustítia in illo non est. Nonne Móyses dedit vobis legem : et nemo ex vobis facit legem ? Quid me quæritis interficere ? Respóndit turba, et dixit : Dæmónium habes : quis te quærit interficere ? Respóndit Jesus, et dixit eis : Unum opus feci, et omnes mirámini. Proptérea Móyses dedit vobis circumcisiónem (non quia ex Móyse est, sed ex pátribus) : et in Sábbato circumcíditis hóminem. Si circumcisiónem áccipit homo in Sábbato, ut non solvátur lex Móysi : mihi indignámini, quia totum hóminem sanum feci in Sábbato ? Nolite judicáre secúndum faciém, sed justum judícium judicáte. Dicébant ergo quidam ex Jerosólymis : Nonne hic est quem quærunť interficere ? Et ecce palam lóquitur, et nihil ei dicunt. Núnquid vere cognovérunt príncipes quia hic est Christus ? Sed hunc scimus unde sit : Christus autem,

cum vénerit, nemo scit unde sit. Clamábat ergo Jesus in templo docens et dicens : Et me scitis, et unde sim scitis : et à meípso non veni, sed est verus qui misit me, quem vos nescítis. Ego scio eum, quia ab ipso sum, et ipse me misit. Quærébant ergo eum apprehéndere : et nemo misit in illum manum, quia nondum vénerat hora ejus. De turba autem multi credidérunt in eum.

Offertorium. Ps. 39. Expéctans expectávi Dóminum, et respéxit me : et exaudivit deprecatió-nem meam : et immísit in os meum cánticum novum, hymnum Deo nostro.

Secreta.

HÆC hóstia, Dómine, quæsumus, emúndet nostra delícta : et ad sacrificium celebrándum, subditórum tibi córpora mentésque sanctíficet. Per Dóminum, etc.

Aliæ Secretæ, ut supra, fol. 53.

Communio. Ps. 19. Lætábimur in salutári tuo, et in nómine Dómini Dei nostri magnificábimur.

Postcommunio.

HUJUS nos, Dómine, percéptio sacraménti mundet à crimine, et ad cœléstia regna perdúcat. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

MISERERE, Dómine, pópulo tuo : et contínuis tribulatió-nibus laborántem, propítius respiráre concéde. Per Dóminum, etc.

FERIA QUARTA.

*Statio ad Sanctum Paulum.**Introitus. Ezech. 36.*

CUM sanctificátus fúero in vobis, congregábo vos de univérſis terris: et effúndam super vos aquam mundam, et mundabímini ab ómnibus inquinaméntis vestris: et dabo vobis spíritum novum.

Ps. 33. Benedícam Dóminum in omni témpore: semper laus ejus in ore meo.

V. Glória Patri, et Filio, etc.

Post Kyrie eléison, dicitur: Orémus. Flectámus génua.

R. Leváte.

Oratio.

DEUS, qui et justis præmia meritórum, et peccatóribus per jejúnium véniam præbes: miserére supplicibus tuis, ut reátus nostri conféssio, indulgéntiam váleat percipere delictórum. Per, etc.

Léctio Ezechiélis Prophétæ.

Ezech. 36.

HÆC dicit Dóminus Deus: Sanctificábo nomen meum magnum, quod pollútum est inter Gentes, quod polluístis in médio eárum: ut sciant Gentes quia ego Dóminus, cum sanctificátus fúero in vobis coram eis. Tollam quippe vos de Géntibus, et congregábo vos de univérſis terris, et addúcam vos in terram vestram. Et effúndam super vos aquam mundam, et mundabímini ab ómnibus inquinaméntis vestris, et ab univérſis idólis vestris mundábo vos. Et dabo vobis cor novum, et spíritum novum ponam in médio vestri: et áuferam cor lapídeum de carne vestra, et dabo vobis cor cárneum. Et spíritum meum ponam in médio vestri: et fáciam ut in præcéptis meis ambulétis, et júdicia mea custodiátis, et

operémini. Et habitábitis in terra quam dedi pátribus vestris: et éritis mihi in pópulum, et ego ero vobis in Deum: dicit Dóminus omnípotens.

Graduale. Ps. 33. Venite, filii, audite me: timórem Dómini docébo vos.

V. Accédite ad eum, et illuminámini: et fácies vestræ non confundéntur.

Hic dicitur Dóminus vobiscum, sine Flectámus génua.

*Orémus.**Oratio.*

PRÆSTA, quæsumus, omnípotens Deus: ut quos jejúnia votíva castígant, ipsa quoque devótio sancta lætíficet: ut terrénis afféctibus mitigátis, facílius cœlestia capiámus. Per, etc.

Aliæ Orationes, ut supra, fol. 53.

Léctio Isaíæ Prophétæ. *Isa. 1.*

HÆC dicit Dóminus Deus: Lavámini, mundi estóte, auferíte malum cogitátionum vestrarum ab óculis meis: quiéscite ágere perversé, discite benefácere: quærite júdiciam, subveníte opprésso, judicáte pupíllo, deféndite víduam. Et veníte, et argúite me, dicit Dóminus: si fúerint peccáta vestra ut cóccinum, quasi nix dealbabúntur: et si fúerint rubra quasi vermículus, velut lana alba erunt. Si voluérítis, et audiérítis me, bona terræ comedétis: dicit Dóminus omnípotens.

Graduale. Ps. 32. Beáta gens, cujus est Dóminus Deus eórum: pópulus, quem elégit Dóminus in hæreditátem sibi.

V. Verbo Dómini cœli firmátí sunt: et spíritu oris ejus omnis virtus eórum.

Tractus. Ps. 102. Dómine, non

secundum peccata nostra, quæ fecimus nos ; neque secundum iniquitates nostras retribuas nobis.

Ÿ. Ps. 78. Dómine, ne memineris iniquitatum nostrarum antiquarum : cito anticipent nos misericordiæ tuæ, quia pauperes facti sumus nimis.

Hic genu flectitur. Ÿ. Adjuva nos, Deus salutaris noster : et propter glóriam nóminis tui, Dómine, libera nos ; et propítius esto peccatis nostris, propter nomen tuum.

Sequéntia sancti Evangélíi secundum Joánnem. *Joann. 9.*

IN illo témpore : Præteriens Jesus, vidit hóminem cæcum à nativitate : et interrogavérunt eum discipuli ejus : Rabbi, quis peccávit, hic, aut paréntes ejus, ut cæcus nascerétur ? Respóndit Jesus : Neque hic peccávit, neque paréntes ejus : sed ut manifesténtur ópera Dei in illo. Me opórtet operári ópera ejus qui misit me, donec dies est : venit nox, quando nemo potest operári. Quámdui sum in mundo, lux sum mundi. Hæc cum dixisset, éxpuit in terram, et fecit lutum ex sputo, et linívit lutum super óculos ejus, et dixit ei : Vade, lava in natatória Síloe (quod interpretátur Missus.) Abiit ergo, et lavit, et venit videns. Itaque vicini, et qui viderant eum prius, quia mendícus erat, dicébant : Nonne hic est, qui sedébat, et mendicábat ? Alii dicébant : Quia hic est. Alii autem : Nequáquam, sed símilis est ei. Ille vero dicébat : Quia ego sum. Dicébant ergo ei : Quómodo apérti sunt tibi óculi ? Respóndit : Ille homo qui dicitur Jesus, lutum fecit, et unxit óculos meos, et dixit mihi : Vade ad natatória Síloe, et lava. Et ábii, lavi, et video. Et dixerunt ei : Ubi est ille ? Ait : Nescio.

Addúcunt eum ad Pharisæos, qui cæcus fúerat. Erat autem Sábbatum, quando lutum fecit Jesus, et apéruiť óculos ejus. Iterum ergo interrogábant eum Pharisæi, quómodo vidisset. Ille autem dixit eis : Lutum mihi pósuit super óculos, et lavi, et video. Dicébant ergo ex Pharisæis quidam : Non est hic homo à Deo, qui Sábbatum non custódit. Alii autem dicébant : Quómodo potest homo peccátor hæc signa fácere ? Et schisma erat inter eos. Dicunt ergo cæco iterum : Tu quid dicis de illo qui apéruiť óculos tuos ? Ille autem dixit : Quia Prophéta est. Non crediderunt ergo Judæi de illo, quia cæcus fuisset, et vidisset, donec vocavérunt paréntes ejus qui viderat, et interrogavérunt eos, dicéntes : Hic est filius vester, quem vos dicitis quia cæcus natus est ? Quómodo ergo nunc videt ? Responderunt eis paréntes ejus, et dixerunt : Scimus, quia hic est filius noster, et quia cæcus natus est : quómodo autem nunc vídeat, nescimus ; aut quis ejus apéruiť óculos, nos nescimus : ipsum interrogáte ; ætátem habet : ipse de se loquátur. Hæc dixerunt paréntes ejus, quóniam timébant Judæos : jam enim conspiráverant Judæi, ut si quis eum confiterétur esse Christum, extra synagógam fieret. Propterea paréntes ejus dixerunt : Quia ætátem habet, ipsum interrogáte. Vocavérunt ergo rursus hóminem qui fúerat cæcus, et dixerunt ei : Da glóriam Deo. Nos scimus quia hic homo peccátor est. Dixit ergo eis ille : Si peccátor est, nescio : únus scio, quia cæcus cum essem, modo video. Dixerunt ergo illi : Quid fecit tibi ? quómodo apéruiť tibi óculos ? Respóndit eis : Dixi vobis jam, et audístis : quid iterum vultis audire ? Númquid et vos vultis discipuli ejus fieri ? Male-

dixerunt ergo ei, et dixerunt : Tu discipulus illius sis : nos autem Móysi discipuli sumus. Nos scimus quia Móysi locútus est Deus : hunc autem nescimus unde sit. Respondit ille homo, et dixit eis : In hoc enim mirábile est, quia vos nescitis unde sit, et aperuit meos oculos : scimus autem quia peccatores Deus non áudit ; sed si quis Dei cultor est, et voluntátem ejus facit, hunc exáudit. A sæculo non est auditum, quia quis aperuit oculos cæci nati. Nisi esset hic à Deo, non póterat fácere quidquam. Respondérunt, et dixerunt ei : In peccátis natus es totus ; et tu doces nos ? Et ejecérunt eum foras. Audívit Jesus quia ejecérunt eum foras, et cum invenísset eum, dixit ei : Tu credis in filium Dei ? Respondit ille, et dixit : Quis est, Dómine, ut credam in eum ? Et dixit ei Jesus : Et vidísti eum, et qui loquitur tecum, ipse est. At ille ait : Credo, Dómine.

(*Hic genu flectitur.*) Et próci-dens, adorávit eum.

Offertorium. Ps. 65. Benedícite, Gentes, Dóminum Deum nostrum, et obaudíte vocem láudis ejus, qui pósuit ánimam meam ad vitam, et non dedit commovéri pedes meos. Benedictus Dóminus, qui non amóvit deprecationem meam, et misericórdiam suam à me.

Secrela.

SUPPLICES te rogámus, omnipotens Deus, ut his sacrificiis peccáta nostra mundéntur : quia tunc veram nobis tribuis et mentis et córporis sanitátem. Per, etc.

Aliæ Secretæ, ut supra, fol. 53.

Communio. Joann. 9. Lutum fecit ex sputo Dóminus, et linívit oculos meos ; et ábii, et lavi, et vidi, et crédidi Deo.

Postcommunio.

SACRAMENTA, quæ sumpsi-mus, Dómine Deus noster, et spirituálibus nos répleant aliméntis, et corporálibus tueántur auxiliis. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

PATEANT aures misericórdiæ tuæ, Dómine, précibus supplicántium : et, ut peténtibus desideráta concédas, fac eos quæ tibi sunt plácita postuláre. Per, etc.

FERIA QUINTA.

Statio ad SS. Silvestrum et Martinum.

Introitus. Ps. 104.

LÆTETUR cor quæréntium Dóminum : quærite Dóminum, et confirmámini ; quærite faciém ejus semper.

Ps. ibid. Confitémini Dómino, et invocáte nomen ejus ; annuntiáte inter gentes ópera ejus.

Ÿ. Glória Patri, et Fílio, etc.

Oratio.

PRÆSTA, quæsumus omnipotens Deus : ut quos jejúnia votíva castigant, ipsa quoque devótio sancta lætíficet ; ut, terrénis affectibus mitigátis, facilius cœlestia capiámus. Per, etc.

Aliæ Orationes, ut supra, fol. 53.

Lectio libri Regum. 4 Reg. 4.

IN diébus illis : Venit múlter Snamítis ad Eliséum in montem Carméli ; cumque vidísset eam vir Dei è contra, ait ad Giési púerum

suum : Ecce Sunamítis illa. Vade ergo in occúrsum ejus, et dic ei : Recténe ágitur circa te, et circa virum tuum, et circa filium ? Quæ respóndit : Recte. Cúmque venisset ad virum Dei in montem, apprehéndit pedes ejus ; et accéssit Giézi ut amovéret eam. Et ait homo Dei : Dimítte illam ; ánima enim ejus in amaritúdine est, et Dóminus celávit à me, et non indicávit mihi. Quæ dixit illi : Numquid petívi filium à Dómino meo ? Numquid non dixi tibi : Ne illúdas me ? Et ille ait ad Giézi : Accínge lumbos tuos, et tolle báculum meum in manu tua, et vade. Si occurrerit tibi homo, non salútes eum ; et si salutáverit te quispiam, non respóndas illi : et pones báculum meum super fáciem púeri. Porro mater púeri ait : Vivit Dóminus, et vivit ánima tua, non dimíttam te. Surrexít ergo, et secútus est eam. Giézi autem præcésserat ante eos, et posúerat báculum super fáciem púeri, et non erat vox neque sensus. Reversúsque est in occúrsum ejus, et nuntiávit ei, dicens : Non surrexít puer. Ingressus est ergo Eliséus domum, et ecce puer mórtuus jacébat in léctulo ejus : ingressúsque clausit óstium super se et super púerum, et orávit ad Dóminum. Et ascéndit et incúbuit super púerum ; posúitque os suum super os ejus, et óculos suos super óculos ejus, et manus suas super manus ejus, et incurvávit se super eum : et calefácta est caro púeri. At ille revérsus deambulávit in domo semel huc atque illuc ; et ascéndit, et incúbuit super eum : et oscitávit puer sépties, aperuítque óculos. At ille vocávit Giézi, et dixit ei : Voca Sunamítidem hanc. Quæ vocáta, ingrèssa est ad eum. Qui ait : Tolle filium tuum. Venit illa, et corruit ad pedes ejus, et adorávit

super terram : tulítque filium suum, et egrèssa est. Et Eliséus revérsus est in Gálgala.

Graduale. Ps. 73. Réspice, Dómine, in testaméntum tuum, et ánimas páuperum tuórum ne obliviscáris in finem.

V. Exúrge, Dómine, júdica causam tuam : memor esto oppróbrii servórum tuórum.

Sequéntia sancti Evangélii secundum Lucam. Luc. 7.

IN illo témpore : Ibat Jesus in civitátem quæ vocátur Naim, et ibant cum eo discípuli ejus, et turba copiósa. Cum autem appropinquáret portæ civitátis, ecce defúctus efferebátur filius únicus matris suæ ; et hæc vídua erat ; et turba civitátis multa cum illa. Quam cum vidisset Dóminus, misericórdia motus super eam, dixit illi : Noli flere. Et accéssit, et tétigit lóculum. (Hi autem qui portábant, stetérunt.) Et ait : Adoléscens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes timor ; et magnificábant Deum, dicéntes : Quia Prophéta magnus surrexit in nobis, et quia Deus visitávit plebem suam.

Offertorium. Ps. 69. Dómine, ad adjuvándum me festína : confundántur omnes qui cógitant servis tuis mala.

Secreta.

PURIFICA nos, miséricors Deus : ut Ecclesiæ tuæ preces, quæ tibi gratæ sunt, pia múnera deferéntes, fiant expiátis méntibus gratióres. Per Dóminum, etc.

Aliæ Secretæ, ut supra, fol. 53.

Communio. Ps. 70. Dómine, memorábor justítiæ tuæ solius : Deus,

docuisti me à juventúte mea; et usque in senéctam et sénium, Deus, ne derelinquas me.

Postcommunio.

CÆLESTIA dona capiéntibus, quæsumus, Dómine, non ad iudícium provenire patiáris, quæ fídelibus tuis ad remédium providisti. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

POPULI tui, Deus, institútor et rector, peccáta quibus impugnátor expélle; ut semper tibi plácitus, et tuo munímine sit secúrus. Per Dóminum, etc.

FERIA SEXTA.

Statio ad Sanctum Eusebium.

Introitus. Ps. 18.

MEDITATIO cordis mei in conspéctu tuo semper, Dómine, adjútor meus et redemptor meus.

Ps. ibid. Cæli enarrant glóriam Dei, et ópera mánuum ejus annúntiat firmaméntum.

Ÿ. Glória Patri, et Filio, etc.

Oratio.

DEUS, qui ineffábilibus mundum rénovas sacraméntis: præsta, quæsumus, ut Ecclésia tua et ætérnis proficiat institútis, et temporálibus non destituátur auxiliis. Per Dóminum, etc.

Aliæ Orationes, ut supra, fol. 53.

Léctio libri Regum. 3 Reg. 17.

IN diébus illis, Ægrotávit filius mulieris matrisfámilias; et erat

languor fortíssimus, ita ut non remanéret in eo hálitus. Dixit ergo ad Eliám: Quid mihi et tibi, vir Dei? Ingréssus es ad me, ut rememoraréntur iniquitátes meæ, et interfíceres filium meum? Et ait ad eam Eliás: Da mihi filium tuum. Tulítque eum de sinu ejus, et portávit in cænáculum ubi ipse manébat, et pósuit super léctulum suum, et clamávit ad Dóminum, et dixit: Dómine Deus meus, etiámne viduam, apud quam ego utcúmque sustentor, afflixísti, ut interfíceres filium ejus? Et expándit se, atque mensus est super púerum tribus vícibus, et clamávit ad Dóminum, et ait: Dómine Deus meus, revertátur, óbsecro, ánima púeri hujus in viscera ejus. Et exaudivit Dóminus vocem Eliæ; et revérta est ánima púeri intra eum, et revíxit. Tulítque Eliás púerum, et depósuit eum de cænáculo in inferiorem domum, et trádidit matri suæ, et ait illi: En vivit filius tuus. Dixítque mulier ad Eliám: Nunc in isto cognóvi quóniam vir Dei es tu, et verbum Dómini in ore tuo verum est.

Graduale. Ps. 117. Bonum est confidere in Dómino, quam confidere in hómine.

Ÿ. Bonum est speráre in Dómino, quam speráre in princípibus.

Tractus. Ps. 102. Dómine, non secúndum peccáta nostra, quæ féci-mus nos: neque secúndum iniquitátes nostras, retribuas nobis.

Ÿ. *Ps. 78.* Dómine, ne memíneris iniquitátum nostrárum anti-quárum: cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster, et propter glóriam nóminis tui, Dómine, libera nos: et propítius esto peccátis nostris propter nomen tuum.

Sequëntia sancti Evangélii secúndum Joánnem. *Joann.* 11.

IN illo témpore : Erat quidam lánguens Lázarus à Bethánia, de castélllo Mariæ et Marthæ soróris ejus. (María autem erat, quæ unxit Dóminum unguénto, et extérsit pedes ejus capillis suis : cujus frater Lázarus infirmabátur.) Misérunt ergo soróres ejus ad eum, dicéntes : Dómine, ecce quem amas, infirmáatur. Audiens autem Jesus, dixit eis : Infirmitas hæc non est ad mortem, sed pro glória Dei, ut glori ficétur Fílius Dei per eam. Dili gébat autem Jesus Martham, et sorórem ejus Mariam, et Lázarum. Ut ergo audivit quia infirmabátur, tunc quidem mansit in eódem loco duóbus diébus. Deinde post hæc dixit discipulis suis : Eámus in Judæam íterum. Dicunt ei discipuli : Rabbi, nunc quærébant te Judæi lapidáre, et íterum vadis il luc ? Respóndit Jesus : Nonne du ódecim sunt horæ diéi ? Si quis ambuláverit in die, non offéndit, quia lucem hujus mundi videt : si autem ambuláverit in nocte, offén dit, quia lux non est in eo. Hæc ait, et post hæc dixit eis : Lázarus amícus noster dormit ; sed vado, ut à somno éxcitem eum. Dixérunt ergo discipuli ejus : Dómine, si dor mit, salvus erit. Díxerat autem Jesus de morte ejus : illi autem pu tavérunt quia de dormitióne somni diceret. Tunc ergo Jesus dixit eis manifestè : Lázarus mórtuus est : et gaudeo propter vos, ut credátis, quóniam non eram ibi. Sed eámus ad eum. Dixit ergo Thomas, qui dicitur Didymus, ad condiscipulos : Eámus et nos, ut moriámur cum eo. Venit itaque Jesus, et invénit eum quátuor dies jam in monu ménto habéntem. (Erat autem Bethánia juxta Jerosólymam quasi

stádiis quíndecim.) Multi autem ex Judæis vénerant ad Martham et Mariam, ut consolaréntur eas de fratre suo. Martha ergo, ut audi vit quia Jesus venit, occúrrit illi : María autem domi sedébat. Dixit ergo Martha ad Jesum : Dómine, si fuísses hic, frater meus non fuisset mórtuus ; sed et nunc scio, quia quæcúmque popósceris à Deo, dabit tibi Deus. Dicit illi Jesus : Resúr get frater tuus. Dicit ei Martha : Scio quia resúrget in resurrectione in novíssimo die. Dixit ei Jesus : Ego sum resurréctio et vita : qui credit in me, étiam si mórtuus fúerit, vivet ; et omnis, qui vivit et credit in me, non moriétur in ætér num. Credis hoc ? Ait illi : Uti que, Dómine, ego crédidi, quia tu es Christus Fílius Dei vivi, qui in hunc mundum venísti. Et cum hæc dixisset, ábiit, et vocávit Mari am sorórem suam siléntio, dicens : Magíster adest, et vocat te. Illa, ut audivit, surgit cito, et venit ad eum : nondum enim vénerat Jesus in castéllum, sed erat adhuc in illo loco, ubi occurrerat ei Martha. Judæi ergo, qui erant cum ea in domo, et consolabántur eam, cum vidissent Mariam, quia cito surréxit, et éxiit, secúti sunt eam, dicéntes : Quia vadit ad monuméntum, ut ploret ibi. María ergo cum venís set ubi erat Jesus, videns eum, cé cidit ad pedes ejus, et dicit ei : Dó mine, si fuísses hic, non esset mórtuus frater meus. Jesus ergo, ut vidit eam plorántem, et Judæos, qui vénerant cum ea, plorántes, infré mui spíritu, et turbávit seípsum, et dixit : Ubi posuístis eum ? Dicunt ei : Dómine, veni, et vide. Et lacrymátus est Jesus. Dixérunt ergo Judæi : Ecce quómodo amá bat eum. Quidam autem ex ipsis dixérunt : Non póterat hic, qui apéruiit óculos cæci nati, fácere ut

hic non moreretur? Jesus ergo rursum fremens in semetipso, venit ad monumentum. Erat autem spelunca; et lapis superpositus erat ei. Ait Jesus: Tóllite lapidem. Dicit ei Martha, soror ejus qui mortuus fuerat; Dómine, jam fœtet, quatríduanus est enim. Dicit ei Jesus: Nonne dixi tibi, quóniam si credideris, vidébis glóriam Dei? Tulérunt ergo lapidem. Jesus autem elevátis sursum óculis, dixit: Pater, grátias ago tibi, quóniam audisti me. Ego autem sciébam quia semper me audis; sed propter pópulum, qui circúmpstat, dixi: ut credant, quia tu me misisti. Hæc cum dixisset, voce magna clamávit: Lázare, veni foras. Et statim pródiit qui fuerat mortuus, ligátus pedes et manus ínstitis; et fácies illius sudário erat ligáta. Dixit eis Jesus: Sóluite eum, et sínite abire. Multi ergo ex Judæis, qui vénerant ad Mariam et Martham, et vídebant quæ fecit Jesus, credidérunt in eum.

Offertorium. Ps. 17. Pópulum húmílem salvum fácies, Dómine, et óculos superbórum humiliábis: quóniam quis Deus præter te, Dómine?

Secreta.

MUNERA nos, Dómine, quæsumus, oblata puríficent: et te nobis júgiter fáciant esse placátum. Per Dóminum, etc.

Aliæ Secretæ, ut supra, fol. 53.

Communio. Joann. 11. Videns Dóminus flentes soróres Lázari ad monumentum, lacrymátus est coram Judæis, et exclamávit: Lázare, veni foras: et pródiit, ligátis máribus et pédibus, qui fuerat quatríduanus mortuus.

Postcommunio.

HÆC nos, quæsumus, Dómine, participatio sacraménti, et à

própriis reátibus indesinenter expédiat, et ab ómnibus tueátur adversis. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

DA nobis, quæsumus, omnipotens Deus, ut qui infirmitátis nostræ cónscrii, de tua virtúte confidimus, sub tua semper pietáte gaudeámus. Per Dóminum, etc.

SABBATO.

Statio ad S. Nicolaum in Carcere.

Introitus. Isa. 55.

SITIENTES venite ad aquas, dicit Dóminus: et qui non habétis prætium, veníte, et bibite cum lætítia.

Ps. 77. Atténdite, pópule meus, legem meam: inclináte aurem vestram in verba oris mei.

V. Glória Patri, et Fílio, etc.

Oratio.

FIAT, Dómine, quæsumus, per grátiam tuam fructuósus nostræ devotiónis afféctus: quia tunc nobis próderunt suscépta jejúnia, si tuæ sint plácita pietáti. Per, etc.

Aliæ Orationes, ut supra, fol. 53.

Lectio Isaíæ Prophétæ. Isa. 49.

HÆC dicit Dóminus: In tēpore plácito exaudivi te, et in die salútis auxiliátus sum tui: et servávi te, et dedi te in fœdus pópuli, ut suscitáres terram, et possidères hæreditátes dissipátas: ut dices his, qui vincti sunt: Exíte; et his, qui in ténebris: Revelámini. Super vias pascēter, et in ómnibus planis pásqua eórum. Non esúri-

ent, neque sítient, et non percútiet eos æstus et sol : quia miserátor eórum reget eos, et ad fontes aquárum potábit eos. Et ponam omnes montes meos in viam, et sémitæ meæ exaltabúntur. Ecce isti de longè vénient, et ecce illi ab Aquilóne et mari, et isti de terra Austráli. Laudáte cœli, et exúlta terra, jubilate montes laudem : quia consolátus est Dóminus pópulum suum, et páuperum suórum miserébitur. Et dixit Sion : Dereliquit me Dóminus, et Dóminus oblítus est meí. Númquid oblivísci potest múlter infántem suum, ut non misereátur filio úteri sui ? Et si illa oblíta fúerit, ego tamen non oblivíscar tui : dicit Dóminus omnípotens.

Graduale. Ps. 9. Tibi, Dómine, derelictus est páuper, pupillo tu eris adjútor.

Ÿ. Ut quid, Dómine, recessisti longè ? déspicis in opportunitátibus, in tribulatióne ? Dum superbit ímpius, incénditur páuper.

Sequéntia sancti Evangélíi secundum Joánnem. *Joann. 8.*

IN illo témpore: Locútus est Jesus turbis Judæórum, dicens : Ego sum lux mundi : qui séquitur me, non ámbulat in ténebris, sed habébit lumen vitæ. Dixérunt ergo ei Pharisei : Tu de teípso testimónium pérhibes : testimónium tuum non est verum. Respóndit Jesus, et dixit eis : Et si ego testimónium perhíbeo de meípso, verum est testimónium meum : quia scio unde veni, et quo vado : vos autem nescitis unde vénio, aut quo vado. Vos secundum carnem judicátis : ego non judico quemquam : et si júdico ego, júdicium meum verum est ; quia solus non sum, sed ego, et qui misit me, Pater. Et in lege vestra scriptum est, quia duórum

hóminum testimónium verum est. Ego sum qui testimónium perhíbeo de meípso : et testimónium pérhibet de me, qui misit me, Pater. Dicébant ergo ei : Ubi est Pater tuus ? Respóndit Jesus : Neque me scitis, neque Patrem meum : si mescirétis, fórsitan et Patrem meum scirétis. Hæc verba locútus est Jesus in gazophylácio, docens in templo. Et nemo apprehéndit eum, quia necdum vénerat hora ejus.

Offertorium. Ps. 17. Factus est Dóminus firmaméntum meum, et refúgium meum, et liberátor meus : et sperábo in eum.

Secreta.

OBLATIONIBUS nostris, quæsumus, Dómine, placáre susceptis : et ad te nostras étiam rebelles compélle propítius voluntátes. Per Dóminum, etc.

Aliæ Secretæ, ut supra, fol. 53.

Communio. Ps. 22. Dóminus regit me, et nihil mihi déerit : in loco páscuæ ibi me collocávit : super aquam refectiόνis educávit me.

Postcommunio.

TUA nos, quæsumus, Dómine, sancta puríficent, et operatióne sua tibi plácitos esse perficiant. Per Dóminum, etc.

Aliæ Postcommuniones, ut supra, fol. 53.

Super populum. Orémus. Humiliáte cápita vestra Deo.

Oratio.

DEUS, qui sperántibus in te miseréri pótius éligis, quam irásci : da nobis dignè flere mala, quæ fécimus : ut tuæ consolatiónis grátiam inveníre mereámur. Per, etc.

¶ *Ante Vesperas cooperiuntur Cruces et Imagines.*

¶ *Ab hac die usque ad Sabbatum Sanctum exclusive non dicitur Psalmus Júdica me ante Confessionem, neque Glória Patri ad Lavábo.*

DOMINICA DE PASSIONE.

Statio ad Sanctum Petrum.

Introitus. Ps. 42.

JUDICA me, Deus, et discérne causam meam de gente non sancta : ab hómine iniquo et dolóso éripe me : quia tu es Deus meus, et fortitúdo mea.

Ps. ibid. Emítte lucem tuam, et veritátem tuam : ipsa me deduxérunt, et adduxérunt in montem sanctum tuum, et in tabernácula tua. Júdica me, Deus, etc.

¶ *Non dicitur Glória Patri ad Introitum usque ad Pascha, nisi in Missa de Festo si occurrerit : sed finito Psalmo, absolute repetitur Introitus usque ad Psalmum.*

Oratio.

QUÆSUMUS, omnípotens Deus, familiam tuam propítius réspice : ut te largiénte regátur in corpore, et te servánte custodiátur in mente. Per Dóminum, etc.

¶ *Ab hac die usque ad Feriam V. in Cæna Domini, in Missis ferialibus post Orationem diei dicitur (nisi occurrat Festum simplex) vel contra persecutores Ecclesiæ,*

Oratio.

ECCLESIAE tuæ, quæsumus, Dómine, preces placátus admítte : ut, destrúctis adversitatibus et erróribus univérsis, secúra tibi sérviat libertáte. Per, etc.

Vel pro Papa.

Oratio.

DEUS, ómnium fidélium Pastor et Rector, fámulum tuum N.,

quem Pastórem Ecclesiæ tuæ præesse voluisti, propítius réspice : da ei, quæsumus, verbo et exémplo, quibus præest, proficere : ut ad vitam, una cum grege sibi crédito, pervéniat sempitérnam. Per, etc.

Non dicitur tertia Oratio.

Léctio Epístolæ beati Pauli Apóstoli ad Hebræos. *Hebr. 9.*

FRATRES, Christus assistens Póntifex futurórum bonórum, per ámplius et perfectíus tabernáculum non manufáctum, id est, non hujus creatiónis ; neque per sánguinem hircórum, aut vitulórum, sed per próprium sánguinem introivit semel in Sancta, ætéRNA redemptione invénta. Si enim sanguis hircórum, et taurórum, et cinis vitulæ aspérsus, inquinátos sanctificat ad emundatiónem carnis ; quanto magis sanguis Christi, qui per Spíritum Sanctum semetípsum óbtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti ? Et ideo novi testaménti mediátor est : ut morte intercedénte, in redemptionem eárum prævaricatiónum, quæ erant sub prióri testaménto, repromissiónem accípiant qui vocáti sunt ætéRNæ hæreditátis : in Christo Jesu Dómino nostro.

Graduale. Ps. 142. Eripe me, Dómine, de inimícis meis : doce me fácere voluntátem tuam.

Ÿ. *Ps. 17.* Liberátor meus, Dómine, de géntibus iracúndis : ab insurgéntibus in me exaltábis me : à viro iniquo erípies me.

Tractus. Ps. 128. Sæpe expugnavérunt me à juventúte mea.

Ÿ. Dicat nunc Israél : Sæpe expugnavérunt me à juventúte mea.

Ÿ. Etenim non potuérunt mihi :

supra dorsum meum fabricaverunt peccatores.

V. Prolongaverunt iniquitates suas : Dominus justus concidet cervices peccatorum.

Sequentia sancti Evangelii secundum Joannem. *Joann.* 8.

IN illo tempore : Dicebat Jesus turbis Judæorum : Quis ex vobis arguet me de peccato ? Si veritatem dico vobis, quare non creditis mihi ? Qui ex Deo est, verba Dei audit. Propterea vos non auditis, quia ex Deo non estis. Responderunt ergo Judæi, et dixerunt ei : Nonne bene dicimus nos quia Samaritanus es tu, et dæmonium habes ? Respondit Jesus : Ego dæmonium non habeo ; sed honorifico Patrem meum, et vos inhonorastis me. Ego autem non quero gloriam meam : est qui quaerat, et judicet. Amen, amen dico vobis : si quis sermonem meum servaverit, mortem non videbit in æternum. Dixerunt ergo Judæi : Nunc cognovimus quia dæmonium habes. Abraham mortuus est, et Prophetae ; et tu dicis : Si quis sermonem meum servaverit, non gustabit mortem in æternum. Numquid tu major es patre nostro Abraham, qui mortuus est ? et Prophetae mortui sunt. Quem teipsum facis ? Respondit Jesus : Si ego glorifico meipsum, gloria mea nihil est : est Pater meus, qui glorificat me, quem vos dicitis, quia Deus vester est, et non cognovistis eum ; ego autem novi eum : et si dixerero quia non scio eum, ero similis vobis mendax. Sed scio eum, et sermonem ejus servo. Abraham pater vester exultavit, ut videret diem meum : vidit, et gavisus est. Dixerunt ergo Judæi ad eum : Quinquaginta annos nondum habes, et Abraham vidisti ? Dixit eis Jesus : Amen, amen dico vobis,

antequam Abraham fieret, ego sum. Tulerunt ergo lapides ut jacerent in eum : Jesus autem abscondit se, et exivit de templo.

Credo.

Offertorium. Ps. 118. Confitebor tibi, Domine, in toto corde meo : retribue servo tuo : vivam, et custodiam sermones tuos : vivifica me secundum verbum tuum, Domine.

Secreta.

HÆC mûnera, quaesumus, Domine, et vincula nostræ pravitatis absolvant, et tuæ nobis misericordiæ dona concilient. Per Dominum, etc.

Altera Secreta vel contra persecutores Ecclesiæ.

PROTEGE nos, Domine, tuis mysteriis serviêntes : ut divinis rebus inhærentes, et corpore tibi famulémur, et mente. Per, etc.

Vel pro Papa.

OBLATIS, quaesumus, Domine, placare munèribus : et famulum tuum *N.*, quem Pastorem Ecclesiæ tuæ præesse voluisti, assidua protectione gubernâ. Per, etc.

Præfatio de Cruce, quæ dicitur quotidie usque ad Feriam V. in Cæna Domini, etiam in Missa de Festo, nisi propriam habuerit.

Communio. 1 Corinth. 11. Hoc corpus, quod pro vobis tradetur : hic calix novi Testamènti est in meo sanguine, dicit Dominus : hoc facite, quotiescûmque sùmitis, in meam commemoratiònem.

Postcommunio.

ADESTO nobis, Domine Deus noster : et quos tuis mysteriis recreasti, perpétuis defènde subsidiis. Per Dominum, etc.

Altera Postcommunio vel contra persecutores Ecclesiæ.

QUÆSUMUS, Dómine Deus noster, ut quos divína tribuis participatióne gaudere, humanis non sinas subiacere periculis. Per, etc.

Vel pro Papa.

HÆC nos, quæsumus, Dómine, divíni sacraménti percéptio próteget : et fámulum tuum *N.*, quem Pastórem Ecclesiæ tuæ præesse voluisti, una cum commisso sibi grege salvet semper et múniat. Per Dóminum, etc.

FERIA SECUNDA.

Statio ad S. Chrysogonum.

Introitus. Ps. 55.

MISERERE mei, Dómine, quóniam conculcávit me homo : tota die bellans tribulávit me.

Ps. ibid. Conculcavérunt me inimíci mei tota die, quóniam multi bellántes advérsus me. Miserére mei, Dómine, etc.

Oratio.

SANCTIFICA, quæsumus, Dómine, nostra jejúnia : et cunctárum nobis indulgéntiam propítius largíre culpárum. Per, etc.

Altera Oratio Ecclesiæ tuæ, vel Deus, ómnium fidélium, ut supra in Dominica Passionis, fol. 109.

Lectio Jonæ Prophætæ. Jon. 3.

IN diébus illis : Factum est verbum Dómini ad Jonam Prophétam secúndo, dicens : Surge, et vade in Niniven civitátem magnam ; et prædica in ea prædicatiónem, quam ego loquor ad te. Et surréxit Jonas, et ábiit in Niniven juxta verbum Dómini. Et Ninive erat civitas magna itinere trium diérum.

Et cæpit Jonas introire in civitátem itinere diéi unius : et clamávit, et dixit : Adhuc quadraginta dies, et Ninive subvertétur. Et crediderunt viri Ninivítæ in Deum ; et prædicavérunt jejúnium ; et vestiti sunt saccis à majóre usque ad minórem. Et pervénit verbum ad regem Ninive : et surréxit de sólio suo, et abjécit vestiméntum suum à se, et indútus est sacco, et sedit in cinere. Et clamávit, et dixit in Ninive ex ore regis, et princípum ejus, dicens : Hómines, et juménta, et boves, et pécora non gustent quidquam ; nec pascántur, et aquam non bibant. Et operiántur saccis hómines, et juménta, et clament ad Dóminum in fortitúdine : et convertátur vir à via sua mala, et ab iniquitáte, quæ est in mánibus eórum. Quis scit si convertátur, et ignóscat Deus, et revertátur à furore iræ suæ, et non peribimus ? Et vidit Deus ópera eórum, quia convérsi sunt de via sua mala, et misértus est pópulo suo Dóminus Deus noster.

Graduale. Ps. 53. Deus, exaudi oratiónem meam : áuribus pèrcipe verba oris mei.

Ÿ. Deus, in nómine tuo salvum me fac, et in virtúte tua libera me.

Tractus. Ps. 102. Dómine, non secúndum peccáta nostra, quæ fécimus nos ; neque secúndum iniquitátes nostras retribuas nobis.

Ÿ. Ps. 78. Dómine, ne memíneris iniquitátum nostrárum antiqúarum : cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster, et propter glóriam nóminis tui, Dómine, libera nos : et propítius esto peccátis nostris, propter nomen tuum.

Sequéntia sancti Evangélíi secúndum Joánnem. *Joann.* 7.

IN illo témpore : Misérunt Príncipes et Pharisæi ministros, ut apprehénderent Jesum. Dixit ergo eis Jesus : Adhuc módicum tempus vobiscum sum, et vado ad eum qui me misit. Quærétis me, et non inveniétis : et ubi ego sum, vos non potéstis veníre. Dixérunt ergo Judæi ad semetipsos : Quò hic itúrus est, quia non inveniémus eum ? Numquid in dispersiónem Géntium itúrus est, et doctúrus Gentes ? Quis est hic sermo quem dixit : Quærétis me, et non inveniétis, et ubi sum ego, vos non potéstis veníre ? In novíssimo autem die magno festivitátis stabat Jesus, et clamábat, dicens : Si quis sitit, véniat ad me, et bibat. Qui credit in me, sicut dicit Scriptúra, flúmina de ventre ejus fluent aquæ vivæ. Hoc autem dixit de Spíritu, quem acceptúri erant credéntes in eum.

Offertorium. *Ps.* 6. Dómine, convertere, et éripe ánimam meam : saluum me fac propter misericórdiam tuam.

Secreta.

CONCEDE nobis, Dómine Deus noster, ut hæc hóstia salutáris et nostrórum fiat purgátio delictórum, et tuæ propitiátio majestátis. Per Dóminum, etc.

Altera Secreta vel Prótege nos, *vel* Oblátis, quæsumus, *fol.* 110.

Communio. *Ps.* 23. Dóminus virtútum ipse est Rex glóriæ.

Postcommunio.

SACRAMENTI tui, quæsumus, Dómine, participátio salutáris et purificatióne nobis tribuat, et medélam. Per Dóminum, etc.

Altera Postcommunio vel Quæsu-

mus, Dómine, *vel* Hæc nos, quæsumus, *fol.* 111.

Super populum. Orémus. Humiliáte cápita vestra Deo.

Oratio.

DA, quæsumus, Dómine, populo tuo salutem mentis et corpóris, ut bonis opéribus inhæréndo, tua semper mereátur protectióne defendi. Per Dóminum, etc.

FERIA TERTIA.

Statio ad Sanctum Cyriacum.

Introitus. *Ps.* 26.

EXPECTA Dóminum, viríliter age : et confortétur cor tuum, et sústine Dóminum.

Ps. ibid. Dóminus illuminátio mea, et salus mea : quem timébo ? Expécta Dóminum, etc.

Oratio.

NOSTRA tibi, Dómine, quæsumus, sint accépta jejúnia : quæ nos et expiándo, grátia tua dignos efficiant ; et ad remédia perducant æténa. Per, etc.

Deinde vel Ecclésiæ tuæ, *vel* Deus ómnium fidélium, *fol.* 109.

Léctio Daniélis Prophétæ.

Dan. 14.

IN diébus illis : Congregáti sunt Babylónii ad regem, et dixerunt ei : Trade nobis Daniélem, qui Bel destrúxit, et dracónem interfécit : alióquin interficiémus te, et domum tuam. Vidit ergo rex quod irrúerent in eum veheménter : et necessitáte compúlsus, trádidit eis Daniélem. Qui misérunt eum in lacum leónum, et erat ibi diébus sex. Porro in lacu erant leónes septem, et dabántur eis duo corpóra quotidie, et duæ oves : et tunc non data sunt eis, ut devorárent Danié-

lem. Erat autem Hábacuc Prophéta in Judæa, et ipse cóxerat pulméntum, et intríverat panes in alvéolo; et ibat in campum, ut ferret messóribus. Dixítque Angelus Dómini ad Hábacuc: Fer prándium quod habes, in Babylónem Daniéli, qui est in lacu leónum. Et dixit Hábacuc: Dómine, Babylónem non vidi, et lacum nescio. Et apprehéndit eum Angelus Dómini in vértice ejus, et portávit eum capíllo cápitis sui, posuítque eum in Babylóne supra lacum in ímpetu spíritus sui. Et clamávit Hábacuc, dicens: Dániel, serve Dei, tolle prándium, quod misit tibi Deus. Et ait Dániel: Recordátus es meí, Deus, et non dereliquísti diligéntes te. Surgénsque Dániel comédit. Porro Angelus Dómini restituit Hábacuc conféstim in loco suo. Venit ergo rex die séptimo, ut lugéret Daniélem; et venit ad lacum, et introspéxit, et ecce Dániel sedens in médio leónum. Et exclamávit voce magna rex, dicens: Magnus es, Dómine Deus Daniélis. Et extráxit eum de lacu leónum. Porro illos qui perditionis ejus causa fúerant, intromísit in lacum, et devorátis sunt in moménto coram eo. Tunc rex ait: Páveant omnes habitántes in univérsa terra Deum Daniélis: quia ipse est salvátor, fáciens signa et mirábilia in terra: qui liberávit Daniélem de lacu leónum.

Graduale. P. 42. Discérne causam meam, Dómine: ab hómine iníquo et dolóso éripe me.

V. Emítte lucem tuam, et veritatem tuam: ipsa me deduxérunt, et adduxérunt in montem sanctum tuum.

Sequéntia sancti Evangélíi secundum Joánnem. *Joann. 7.*

IN illo témpore: Ambulábat Jesus in Galilæam: non enim

volébat in Judæam ambuláre, quia quærébant eum Judæi interficere. Erat autem in próxímo die festus Judæórum, Scenopégia. Dixérunt autem ad eum fratres ejus: Transi hinc, et vade in Judæam, ut et discípuli tui vídeant ópera tua, quæ facis. Nemo quippe in occúlto quid facit, et quærit ipse in palam esse: si hæc facis, manifestá teípsum mundo. Neque enim fratres ejus credébant in eum. Dicit ergo eis Jesus: Tempus meum nondum advénit: tempus autem vestrum semper est parátum. Non potest mundus odísse vos: me autem odit, quia ego testimónium perhibeo de illo, quod ópera ejus mala sunt. Vos ascéndite ad diem festum hunc: ego autem non ascéndo ad diem festum istum, quia meum tempus nondum implétum est. Hæc cum dixisset, ipse mansit in Galilæa. Ut autem ascenderunt fratres ejus, tunc et ipse ascéndit ad diem festum, non manifeste, sed quasi in occúlto. Judæi ergo quærébant eum in die festo, et dicébant: Ubi est ille? Et murmur multum erat in turba de eo. Quidam enim dicébant: Quia bonus est. Alii autem dicébant: Non, sed sedúcit turbas. Nemo tamen palam loquebátur de illo, propter metum Judæórum.

Offertorium. Ps. 9. Sperent in te omnes qui novérunt nomen tuum, Dómine: quóniam non derelínquis quæréntes te: psállite Dómino, qui hábitat in Sion; quóniam non est oblítus orationem páuperum.

Secreta.

HOSTIAS tibi, Dómine, deférimus immolándas, quæ temporálem consolationem significent, ut promíssa non desperémus æterna. Per Dóminum, etc.

Deinde vel Prótege nos, *vel* Oblá-
tis, *fol.* 110.

Communio. Ps. 24. Rédime
me, Deus Israël, ex ómnibus an-
gústiiis meis.

Postcommunio.

DA, quæsumus, omnípotens De-
us, ut quæ divína sunt, júgi-
ter exequéntes, donis mereámur
cœlestibus propinquáre. Per, etc.

Deinde vel Quæsumus, Dómine,
vel Hæc nos, quæsumus, *fol.* 111.

Super populum. Orémus. Hu-
miliáte cápita vestra Deo.

Oratio.

DA nobis, quæsumus, Dómine,
perseverántem in tua volun-
táte famulátum : ut in diébus nos-
tris et mérito, et número pópulus
tibi sérvians augeátur. Per, etc.

FERIA QUARTA.

Statio ad S. Marcellum.

Introitus. Ps. 17.

LIBERATOR meus de géntibus
iracúndis : et ab insurgénti-
bus in me exaltábis me : à viro
iníquo erípies me, Dómine.

Ps. ibid. Diligam te, Dómine,
virtus mea : Dóminus firmaméntum
meum, et refúgium meum, et libe-
rátor meus. Liberátor meus, etc.

Oratio.

SANCTIFICATO hoc jejúnio,
Deus, tuórum corda fidélium
miserátor illústra : et quibus devo-
tiónis præstas afféctum, præbe sup-
plicántibus pium benígnus audítum.
Per Dóminum, etc.

Postea vel Ecclesiæ tuæ, *vel* Deus,
ómnium fidélium, *fol.* 109.

Léctio libri Levítici. *Levit.* 19.

IN diébus illis : Locútus est Dó-
minus ad Móysen, dicens : Ló-
quere ad omnem cœtum filiórum
Israël, et dices ad eos : Ego Dómi-
nus Deus vester. Non faciétis fur-
tum. Non mentiémini, nec decípiet
unusquisque próximum suum. Non
perjurábis in nómine meo, nec pól-
lues nomen Dei tui. Ego Dómi-
nus. Non fácies calúmniam próxi-
mo tuo, nec vi ópprimes eum. Non
morábitur opus mercenárii tui apud
te usque mane. Non maledíces
surdo, nec coram cæco pones offen-
dículum : sed timébis Dóminum
tuum, quia ego sum Dóminus.
Non fácies quod íniquum est, nec
injúste judicábis. Non consideres
persónam páuperis, nec honóres
vultum poténtis. Juste júdica próxi-
mo tuo. Non eris criminátor, nec
susúrro in pópulo. Non stabis con-
tra sánguinem próximi tui. Ego
Dóminus. Non óderis fratrem tuum
in corde tuo ; sed públice árgue eum,
ne hábeas super illo peccátum.
Non quæras ultiónem : nec memor
eris injúriæ civium tuórum. Díli-
ges amicum tuum sicut teípsum.
Ego Dóminus. Leges meas cus-
todíte. Ego enim sum Dóminus
Deus vester.

Graduale. Ps. 29. Exaltábo
te, Dómine, quóniam suscepísti me :
nec delectásti inimicos meos super
me.

Ÿ. Dómine, Deus meus, clamávi
ad te, et sanásti me : Dómine, ab-
straxísti ab ínferis ánimam meam,
salvásti me à descendéntibus in
lacum.

Tractus. Ps. 102. Dómine, non
secúndum peccáta nostra, quæ fécí-
mus nos : neque secúndum iniqui-
tates nostras retribuas nobis.

Ÿ. Ps. 78. Dómine, ne memí-
neris iniquitátum nostrárum anti-

quarum : cito anticipent nos misericordiae tuae, quia pauperes facti sumus nimis.

Hic genu flectitur. V. Adjuva nos, Deus salutaris noster : et propter gloriam nominis tui, Domine, libera nos : et propitius esto peccatis nostris, propter nomen tuum.

Sequentia sancti Evangelii secundum Joannem. *Joann.* 10.

IN illo tempore : Facta sunt Encænæ in Jerosolymis ; et hiems erat. Et ambulabat Jesus in templo, in porticu Salomonis. Circumdederunt ergo eum Judæi, et dicebant ei : Quousque animam nostram tollis ? Si tu es Christus, dic nobis palam. Respondit eis Jesus : Loquor vobis, et non creditis. Opera, quæ ego facio in nomine Patris mei, hæc testimonium perhibent de me. Sed vos non creditis, quia non estis ex ovibus meis. Oves meæ vocem meam audiunt : et ego cognosco eas, et sequuntur me : et ego vitam æternam do eis : et non peribunt in æternum, et non rapiet eas quisquam de manu mea. Pater meus, quod dedit mihi, majus omnibus est : et nemo potest rapere de manu Patris mei. Ego et Pater unum sumus. Sustulerunt ergo lapides Judæi, ut lapidarent eum. Respondit eis Jesus : Multa bona opera ostendi vobis ex Patre meo ; propter quod eorum opus me lapidatis ? Respondērunt ei Judæi : De bono opere non lapidamus te, sed de blasphemia : et quia tu homo cum sis, facis teipsum Deum. Respondit eis Jesus : Nonne scriptum est in lege vestra, quia ego dixi, dii estis ? Si illos dixit deos, ad quos sermo Dei factus est, et non potest solvi Scriptura : quem Pater sanctificavit, et

misit in mundum, vos dicitis : Quia blasphemias : quia dixi, Filius Dei sum ? Si non facio opera Patris mei, nolite credere mihi. Si autem facio, et si mihi non vultis credere, operibus credite ; ut cognoscatis, et credatis quia Pater in me est, et ego in Patre.

Offertorium. Ps. 58. Eripe me de inimicis meis, Deus meus : et ab insurgentibus in me libera me, Domine.

Secreta.

ANNUE, misericors Deus : ut hostias placationis et laudis, sincero tibi deferamus obsequio. Per Dominum, etc.

Deinde vel Prôtege nos, *vel* Oblatis, quæsumus, fol. 110.

Communio. Ps. 25. Lavabo inter innocentes manus meas, et circuibo altare tuum, Domine : ut audiam vocem laudis tuæ, et enarrem universa mirabilia tua.

Postcommunio.

CELESTIS doni benedictione percépta, supplices te, Deus omnipotens, deprecamur ; ut hoc idem nobis et sacramenti causa sit, et salutis. Per, etc.

Postea vel Quæsumus, Domine, *vel* Hæc nos, quæsumus, fol. 111.

Super populum. Orémus. Humiliâte capita vestra Deo.

Oratio.

ADESTO supplicationibus nostris, omnipotens Deus : et quibus fiduciam sperandæ pietatis indulges, consuetæ misericordiæ tribue benignus effectum. Per, etc.

FERIA QUINTA.

*Statio ad S. Apollinarem.**Introitus. Dan. 3.*

OMNIA quæ fecisti nobis, Dómine, in vero iudicio fecisti : quia peccávimus tibi, et mandátis tuis non obedivimus : sed da glóriam nómini tuo, et fac nobiscum secúndum multitudínem misericórdiæ tuæ.

Ps. 118. Beáti immaculáti in via : qui ámbulant in lege Dómini. Omnia quæ fecisti nobis, etc.

Oratio.

PRÆSTA, quæsumus, omnipotens Deus, ut dignitas conditionis humanæ per immoderántiam sauciáta, medicínalis parcimóniæ stúdio reformétur. Per, etc.

Postea vel Ecclesiæ tuæ, vel Deus, omnium fidélium, fol. 109.

Lectio Daniélis Prophætæ. Dan. 3.

IN diébus illis : Orávit Azarías Dóminum, dicens : Dómine, Deus noster, ne, quæsumus, tradas nos in perpétuum propter nomen tuum, et ne dissipes testaméntum tuum ; neque áuferas misericórdiam tuam à nobis, propter Abraham diléctum tuum, et Isaac servum tuum, et Israël sanctum tuum : quibus locútus es, póllicens quod multiplicáres semen eórum sicut stellas cœli, et sicut arénam quæ est in littore maris : quia, Dómine, imminúti sumus plus quam omnes gentes, sumúsque húmiles in universa terra hódie propter peccáta nostra. Et non est in témpore hoc princeps, et dux, et prophéta, neque holocáustum, neque sacrificium, neque oblátio, neque incénsus, neque locus primitiárum coram te, ut possimus inveníre misericórdiam tuam ; sed in ánimo contríto, et

spíritu humilitátis suscipiámur. Sicut in holocáusto ariétum et taurórum, et sicut in millibus agnórum pínguium : sic fiat sacrificium nostrum in conspéctu tuo hódie, ut pláceat tibi : quóniam non est confusio confidéntibus in te. Et nunc séquimur te in toto corde, et timémus te, et quærimus fáciem tuam. Ne confundas nos ; sed fac nobiscum juxta mansuetúdinem tuam, et secúndum multitudínem misericórdiæ tuæ. Et érue nos in mirabilibus tuis, et da glóriam nómini tuo, Dómine : et confundántur omnes qui osténdunt servis tuis mala, confundántur in omnipoténtia tua, et robur eórum conterátur : et sciant, quia tu es Dóminus Deus solus, et gloriósus super orbem terrárum, Dómine Deus noster.

Graduale. Ps. 95. Tóllite hóstias, et introíte in átria ejus : adoráte Dóminum in aula sancta ejus.

V. Ps. 28. Revelábit Dominus condénsa, et in templo ejus omnes dicent glóriam.

Sequéntia sancti Evangélíi secúndum Lucam. Luc. 7.

IN illo témpore : Rogábat Jesum quidam de Pharisæis, ut manducáret cum illo. Et ingressus domum Pharisæi, discúbuit. Et ecce múlter, quæ erat in civitáte peccátrix, ut cognóvit quod accubisset in domo Pharisæi, áttulit alabástrum unguénti ; et stans retro secus pedes ejus, lácrymis cœpit rigáre pedes ejus, et capíllis capítis sui tergébat, et osculabátur pedes ejus, et unguénto unguébat. Videns autem Pharisæus, qui vocáverat eum, ait intra se, dicens : Hic si esset prophéta, sciret útique quæ, et qualis est mulier, quæ tangit eum : quia peccátrix est. Et respóndens Jesus, dixit ad illum : Símon, há-

beo tibi áliquid dicere. At ille ait : Magíster, dic. Duo debítores erant cuidam fœneratóri : unus debébat denários quingéntos, et álius quinquaginta. Non habéntibus illis unde rédderent, donávit utrisque. Quis ergo eum plus diligit ? Respóndens Simon, dixit : Æstimo quia is, cui plus donávit. At ille dixit ei : Rectè judicásti. Et convérsus ad mulierem, dixit Simóni : Vides hanc mulierem ? Intrávi in domum tuam, aquam pédibus meis non dedísti : hæc autem lácrymis rigávit pedes meos, et capillis suis tersit. Osculum mihi non dedísti : hæc autem ex quo intrávit, non cessávit osculári pedes meos. Oleo caput meum non unxísti : hæc autem unguénto unxit pedes meos. Propter quod dico tibi : Remittúntur ei peccáta multa, quóniam diléxit multum. Cui autem minus dimíttitur, minus diligit. Dixit autem ad illam : Remittúntur tibi peccáta. Et cœpérunt qui simul accumbébant, dicere intra se : Quis est hic, qui étiam peccáta dimíttit ? Dixit autem ad mulierem : Fides tua te salvam fecit : vade in pace.

Offertorium. Ps. 136. Super flúmina Babylónis illic sédimus, et flévimus, dum recordarémur tui Sion.

Secreta.

DOMINE, Deus noster, qui in his pótius creatúris, quas ad fragilitátis nostræ subsídium condidisti, tuo quoque nómini múnera jussísti dicánda constitui : tribue, quæsumus, ut et vitæ nobis præsentis auxiliúm, et æternitátis efficiant sacraméntum. Per, etc.

Deinde vel Prótege nos, *vel* Oblátis, quæsumus, *fol. 110.*

Communio. Ps. 118. Meménto verbi tui servo tuo, Dómine, in

quo mihi spem dedísti : hæc me consoláta est in humilitáte mea.

Postcommunio.

QUOD ore sumpsimus, Dómine, pura mente capiámus : et de múnere temporáli fiat nobis remédium sempitérnum. Per, etc.

Postea vel Quæsumus, Dómine, *vel* Hæc nos, quæsumus, *fol. 111.*

Super populum. Orémus. Humiliáte cápita vestra Deo.

Oratio.

ESTO, quæsumus, Dómine, propítius plebi tuæ, ut quæ tibi non placent respuéntes, tuórum pótius repléántur delectatióibus mandatórum. Per, etc.

FERIA SEXTA.

Statio ad Sanctum Stephanum in Cælio monte.

Introitus. Ps. 30.

MISERERE mihi, Dómine, quóniam tribulor : libera me, et éripe me de mánibus inimicórum meórum, et à persecuéntibus me : Dómine, non confúndar, quóniam invocávi te.

Ps. ibid. In te, Dómine, sperávi, non confúndar in ætérnum : in iustítia tua libera me. Miserére mihi, Dómine, etc.

Oratio.

CORDIBUS nostris, quæsumus, Dómine, grátiam tuam benígnus infúnde : ut peccáta nostra castigatióne voluntária cohibéntes, temporaliter pótius macerémur, quam supplíciis deputémur ætérnis. Per Dóminum, etc.

Deinde vel Ecclésiæ tuæ, *vel* Deus, ómnium fidélium, *fol. 109.*

Lectio Jeremiæ Prophætæ.

Jer. 17.

IN diébus illis : Dixit Jeremías : Dómine, omnes, qui te derelinquunt, confundéntur : recedéntes à te, in terra scribéntur : quóniam dereliquerunt venam aquárum vivéntium Dóminum. Sana me, Dómine, et sanabor : salvum me fac, et salvus ero ; quóniam laus mea tu es. Ecce ipsi dicunt ad me : Ubi est verbum Dómini ? Véniat. Et ego non sum turbátus, te pastórem sequens ; et diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formidini : spes mea tu in die afflictiónis. Confundántur qui me persequúntur, et non confundar ego : páveant illi, et non páveam ego : induc super eos diem afflictiónis, et dúplici contritióne cóntere eos, Dómine Deus noster.

Graduale. Ps. 34. Pacífice loquebántur mihi inimíci mei : et in ira molésti erant mihi.

Ÿ. Vidísti, Dómine, ne síleas : ne discédas à me.

Tractus. Ps. 102. Dómine, non secúndum peccáta nostra, quæ fécimus nos ; neque secúndum iniquitátes nostras retribuás nobis.

Ÿ. *Ps. 78.* Dómine, ne memíneris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis.

Hic genu flectitur. Ÿ. Adjuva nos, Deus salutáris noster : et propter glóriam nóminis tui, Dómine, libera nos : et propítius esto peccátis nostris, propter nomen tuum.

Sequéntia sancti Evangélíi secúndum Joánnem. *Joann. 11.*

IN illo témpore : Collegérunt Pontífices et Pharisæi concílium

advérsus Jesum, et dicébant : Quid fácimus, quia hic homo multa signa facit ? Si dimíttimus eum sic, omnes credent in eum : et vénient Románi, et tollent nostrum locum, et gentem. Unus autem ex ipsis Cáiphas nómine, cum esset Póntifex anni illíus, dixit eis : Vos nescítis quidquam, nec cogitátis quia expedit vobis, ut unus moriátur homo pro pópulo, et non tota gens péreat. Hoc autem à semetípso non dixit ; sed cum esset Póntifex anni illíus, prophetávit, quod Jesus moritúrus erat pro gente ; et non tantum pro gente, sed ut filios Dei, qui erant dispérsi, congregáret in unum. Ab illo ergo die cogitavérunt ut interficerent eum. Jesus ergo jam non in palam ambulábat apud Judæos ; sed ábiit in regiónem juxta desértum, in civitátem, quæ dicitur Ephrem ; et ibi morabátur cum discipulis suis.

Offertorium. Ps. 118. Benedíctus es, Dómine, doce me justificatiónes tuas : et non tradas calumniántibus me supérbis : et respondebo exprobrántibus mihi verbum.

Secreta.

PRÆSTA nobis, miséricors Deus, ut digne tuis servíre semper altáribus mereámur, et eórum perpétua participatióne salvári. Per Dóminum, etc.

Deinde vel Prótege nos, *vel* Obláti, quæsumus, *fol. 110.*

Communio. Ps. 26. Ne traderis me, Dómine, in ánimas persequéntium me : quóniam insurrexérunt in me testes iniqui, et mentíta est iníquitas sibi.

Postcommunio.

SUMPTI sacrificii, Dómine, perpétua nos tuítio non derelin-

quat, et nóxia semper à nobis cuncta depéllat. Per, etc.

Postea vel Quæsumus, Dómine, *vel* Hæc nos, quæsumus, fol. 111.

Super populum. Orémus. Humiliáte cápita vestra Deo.

Oratio.

CONCEDE, quæsumus, omnipotens Deus, ut qui protectionis tuæ grátiam quærimus, liberáti à malis ómnibus, secúra tibi mente serviámus. Per Dóminum, etc.

SABBATO.

Statio ad Sanctum Joannem ante Portam Latinam.

Introitus. Ps. 30.

MISERERE mihi, Dómine, quóniam tribulor : libera me et éripe me de mánibus inimicórum meórum, et à persecuéntibus me : Dómine, non confúndar, quóniam invocávi te.

Ps. 30. In te, Dómine, sperávi, non confúndar in ætérnum : in justítia tua libera me. Miserére, etc.

Oratio.

PROFICIAT, quæsumus, Dómine, plebs tibi dicáta piæ devotiónis afféctu : ut sacris actiόνibus erudíta, quanto majestáti tuæ fit grátior, tanto donis potióribus augeátur. Per Dóminum, etc.

Postea vel Ecclésiæ tuæ, *vel* Deus, ómnium fidélium, fol. 109.

Léctio Jeremíæ Prophétæ.

Jer. 18.

IN diébus illis : Dixérunt ímpii Judæi ad ínvicem : Veníte, et cogitémus contra justum cogitatiónes : non enim peribit lex à sacerdote, neque consilium à sapiénte, nec sermo à prophéta : veníte, et percutiámus eum lingua, et non

attendámus ad univérsos sermónes ejus. Atténde, Dómine, ad me, et audi vocem adversariórum meórum. Numquid rédditur pro bono malum, quia fodérunt sóveam ánimæ meæ? Recordáre quod stéterim in conspéctu tuo, ut lóquerer pro eis bonum, et avérterem indignatiónem tuam ab eis. Proptérea da filios eórum in famem, et deduc eos in manus gládii : fiant uxóres eórum absque liberis, et víduæ ; et viri eárum interficiántur morte : júvenes eórum confodiántur gládio in prælio. Audiátur clamor de dómibus eórum : addúces enim super eos latrónem repénite ; quia fodérunt sóveam, ut cáperent me, et láqueos abscondérunt pédibus meis. Tu autem, Dómine, scis omne consilium eórum advérsus me in mortem : ne propitiéris iniquitáti eórum, et peccátum eórum à fácie tua non deleátur : fiant corruéntes in conspéctu tuo ; in témpore furóris tui abútere eis, Dómine Deus noster.

Graduale. Ps. 34. Pacífice loquebántur mihi inimíci mei : et in ira molésti erant mihi.

Ÿ. Vidísti, Dómine, ne síleas, ne discédas à me.

Sequéntia sancti Evangélíi secúndum Joánnem. *Joann. 12.*

IN illo témpore : Cogitavérunt príncipes sacerdotum, ut et Lázarus interficerent : quia multi propter illum abíbant ex Judæis, et credébant in Jesum. In crástinum autem turba multa, quæ vénerat ad diem festum, cum audíssent quia venit Jesus Jerosólymam, accepérunt ramos palmárum, et processérunt óbviám ei, et clamábant : Hosánna, benedíctus qui venit in nómine Dómini, Rex Israël. Et invénit Jesus aséllum, et sedit super eum, sicut scriptum est : Noli

timere, filia Sion: ecce Rex tuus venit sedens super pullum asinae. Hæc non cognoverunt discipuli ejus primum; sed quando glorificatus est Jesus, tunc recordati sunt, quia hæc erant scripta de eo: et hæc fecerunt ei. Testimonium ergo perhibebat turba, quæ erat cum eo quando Lázarus vocavit de monumento, et suscitavit eum à mortuis. Propterea et obviam venit ei turba: quia audierunt eum fecisse hoc signum. Pharisei ergo dixerunt ad semetipsos: Videtis quia nihil proficimus? Ecce mundus totus post eum abiit. Erant autem quidam Gentiles ex his qui ascenderant ut adorarent in die festo. Hi ergo accesserunt ad Philippum, qui erat à Bethsáida Gálilææ, et rogabant eum, dicentes: Dómine, volumus Jesum videre. Venit Philippus, et dicit Andréæ: Andréas rursum et Philippus dixerunt Jesu. Jesus autem respondit eis, dicens: Venit hora, ut clarificetur Filius hominis. Amen, amen dico vobis, nisi granum frumenti cadens in terram mortuum fuerit, ipsum solum manet: si autem mortuum fuerit, multum fructum affert. Qui amat animam suam, perdet eam; et qui odit animam suam in hoc mundo, in vitam æternam custodit eam. Si quis mihi ministrat, me sequatur: et ubi sum ego, illic et minister meus erit. Si quis mihi ministraverit, honorificabit eum Pater meus. Nunc anima mea turbata est. Et quid dicam? Pater, salvifica me ex hac hora. Sed propterea veni in horam hanc. Pater, clarifica nomen tuum. Venit ergo vox de cælo: Et clarificavi, et iterum clarificabo. Turba ergo, quæ stabat, et audierat, dicebat tonitruum esse factum. Alii dicebant: Angelus ei locutus est. Respondit Jesus, et dixit: Non propter me hæc vox

venit, sed propter vos. Nunc iudicium est mundi: nunc princeps hujus mundi ejicietur foras. Et ego si exaltatus fuero à terra, omnia traham ad meipsum. (Hoc autem dicebat, significans quia morte esset moriturus. Respondit ei turba: Nos audivimus ex lege, quia Christus manet in æternum; et quomodo tu dicis: Opórtet exaltari Filium hominis? Quis est iste Filius hominis? Dixit ergo eis Jesus: Adhuc modicum lumen in vobis est. Ambulate dum lucem habetis, ut non vos tenebræ comprehendant: et qui ambulat in tenebris, nescit quò vadat. Dum lucem habetis, credite in lucem, ut filii lucis sitis. Hæc locutus est Jesus: et abiit, et abscondit se ab eis.

Offertorium. Ps. 118. Benedictus es, Dómine, doce me justificationes tuas: et non tradas calumniántibus me superbis: et respondebo exprobrántibus mihi verbum.

Secreta.

A CUNCTIS nos, quæsumus, Dómine, reátibus et periculis propitiatus absolve, quos tanti mysterii tribuis esse consórtes. Per Dóminum, etc.

Deinde vel Prótege nos, *vel* Oblátis, quæsumus, *fol. 110.*

Communio. Ps. 26. Ne traderis me, Dómine, in ánimas persequentium me: quóniam insurrexerunt in me testes iníqui, et mentita est iníquitas sibi.

Postcommunio.

D IVINI múnieris largitáte satiáti, quæsumus, Dómine Deus noster, ut hujus semper participatióne vivámus. Per, etc.

Postea vel Quæsumus Dómine, *vel* Hæc nos, quæsumus, *fol. 111.*

Super populum. Orémus. Humiliáte cápita vestra Deo.

Oratio.

TUEATUR, quæsumus, Dómine, dextera tua pópulum deprecántem, et purificátum dignánter erúdiat : ut consolatióne præsentí, ad futúra bona proficiat. Per, etc.

DOMINICA IN PALMIS.

¶ *Completa Tertia, et facta aspersione aquæ more solito, Sacerdos indutus pluviali violaceo, vel sine casula, cum ministris similiter indutis, procedit ad benedicendum ramos palmarum, et olivarum, sive aliarum arborum, in medio ante Altare, vel ad cornu Epistolæ positos. Et primo cantatur a Choro Antiphona.*

Matth. 21.

HOSANNA Filio David : benedictus qui venit in nómine Dómini. O rex Israël : Hosánna in excélsis.

Deinde Sacerdos stans in cornu Epistolæ, non vertens se ad populum, dicit in tono Orationis Missæ Ferialis :

Ÿ. Dóminus vobíscum.

R. Et cum spíritu tuo.

Orémus.

Oratio.

DEUS, quem diligere et amare justitia est, ineffábilis grátiae tuæ in nobis dona multiplica : et qui fecisti nos in morte Filii tui sperare quæ crédimus, fac nos eódem resurgente pervenire quò téndimus. Qui tecum vivit, etc.

Postea Subdiaconus in loco solito cantat sequentem Lectionem in tono Epistolæ, et in fine osculatur manum Sacerdotis.

Q

Léctio libri Exodi. *Exod. 15.*

IN diébus illis : Venérunt filii Israël in Elim, ubi erant duodecim fontes aquarum, et septuaginta palmæ : et castrametáti sunt juxta aquas. Profectique sunt de Elim, et venit omnis multitúdo filiórum Israël in desértum Sin, quod est inter Elim et Sinaí, quintodécimo die mensis secúndi postquam egressi sunt de terra Ægypti. Et murmurávit omnis congregatio filiórum Israël contra Móysen et Aaron in solitúdine. Dixerúntque filii Israël ad eos : Utinam mórtui essémus per manum Dómini in terra Ægypti, quando sedebámus super ollas cárniúm, et comedebámus panem in saturitáte ! Cur eduxisti nos in desértum istud, ut occiderétis omnem multitudínem fame ? Dixit autem Dóminus ad Móysen : Ecce ego pluam vobis panes de cœlo : egrediátur pópulus, et cólligat quæ sufficiunt per singulos dies, ut tentem eum utrum ámbulet in lege mea, an non. Die autem sexto parent quod inferant : et sit duplum quam colligere solébant per singulos dies. Dixerúntque Móyses et Aaron ad omnes filios Israël : Véspere sciétis quod Dóminus edúxerit vos de terra Ægypti : et mane vidébitis glóriam Dómini.

Deinde cantatur pro Graduali :

R. *Joann. 11.* Collegérunt Pontífices et Pharisæi concílium, et dixerunt : Quid fácimus, quia hic homo multa signa facit ? Si dimittimus eum sic, omnes credent in eum : * Et vénient Románi, et tollent nostrum locum, et gentem.

Ÿ. Unus autem ex illis, Cáiphas nómine, cum esset Póntifex anni illíus, prophetávit, dicens : Expedit vobis ut unus moriátur homo pro pópulo, et non tota gens péreat. Ab illo ergo die cogitavérunt inter-

ficere eum, dicentes : * Et vénient, etc.

¶ *Vel aliud Responsorium.*

R. *Matth. 26.* In monte Olivéti orávit ad Patrem : Pater, si fieri potest, tránseat à me calix iste. * Spíritus quidem promptus est, caro autem infirma : fiat volúntas tua.

V. Vigiláte, et oráte, ut non intrétis in tentatiónem, * Spíritus quidem, etc.

Interim dum cantatur Responsorium, Diaconus ponit librum Evangeliorum super Altare ; et Sacerdos, ministrante Diacono naviculam, ponit incensum in thuribulo.

Deinde Diaconus dicit : Munda cor meum ; accipit librum de Altari, petit benedictionem a Sacerdote ; postea Subdiacono librum tenente, medius inter duos Acolythos tenentes candelabra accensa, signat librum, incensat, et cantat Evangelium, ut infra, more consueto : quo finito, Subdiaconus defert librum osculandum Sacerdoti, qui et incensatur a Diacono.

Sequéntia sancti Evangélíi secúndum Matthæum. *Matth. 21.*

IN illo témpore : Cum appropinquasset Jesus Jerosólymis, et venisset Béthphage ad montem Olivéti ; tunc misit duos discipulos suos, dicens eis : *Ite in castéllum, quod contra vos est, et statim inveniétis ásinam alligátam, et pullum cum ea : sólvite, et addúcite mihi : et si quis vobis áliquíd dixerit, dicite quia Dóminus his opus habet : et conféstim dimíttet eos.* Hoc autem totum factum est, ut adimplerétur quod dictum est per Prophétam dicéntem : *Dicite filiæ Sion : Ecce rex tuus venit tibi mansuétus, sedens super ásinam, et pullum filium*

subjugális. Eúntes autem discipuli, fecérunt sicut præcépit illis Jesus. Et adduxérunt ásinam et pullum : et imposuérunt super eos vestiménta sua, et eum désuper sedére fecérunt. Plúrima autem turba stravérunt vestiménta sua in via : álii autem cædebant ramos de arbóribus, et sternébant in via. Turbæ autem quæ præcedébant, et et quæ sequebantur, clamábant, dicéntes : Hosánna filio David : benedíctus qui venit in nómine Dómini.

Post hæc benedicuntur rami. Sacerdos stans in eodem cornu Epistolæ, dicit in tono Orationis Ferialis :

V. Dóminus vobíscum.

R. Et cum spíritu tuo.

Orémus.

Oratio.

AUGE fidem in te sperántium, Deus, et súpplícum preces cleménter exáudi : véniat super nos múltiplex misericórdia tua : benedicántur et hi pálmities palmárum, seu olivárum : et sicut in figúra Ecclésiæ multiplicásti Noe egrediéntem de arca, et Móysen exeúntem de Ægypto cum filiis Israél : ita nos portántes palmas et ramos olivárum, bonis áctibus occurrámus óbviám Christo, et per ipsum in gáudium introeámus ætérnum. Qui tecum vivit, et regnat in unitáte Spíritus sancti Deus.

PER ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est,

æquum et salutäre, nos tibi semper et ubique grätias ägere, Dömine sancte, Pater omnípotens, ætérne Deus. Qui gloriáris in consilio sanctórum tuórum. Tibi enim sérviant creatúræ tuæ: quia te solum auctórem et Deum cognóscunt: et omnis factúra tua te colláudat, et benedícunt te sancti tui. Quia illud magnum Unigéniti tui nomen coram régibus et potestátibus hujus sæculi libera voce confiténtur. Cui assistunt Angeli et Archángeli, Throni et Dominationes; cumque omni militiä cœléstis exercitus, hymnum glóriæ tuæ cóncinunt, sine fine dicétes:

Et cantatur Sanctus a Choro.

Sanctus, Sanctus, Sanctus, Dóminus Deus Sábaoth. Pleni sunt cœli et terra glória tua: Hosánna in excélsis. Benedíctus qui venit in nómine Dómini: Hosánna in excélsis.

Sequitur V. Dóminus vobíscum.
R. Et cum spíritu tuo.

Orémus.

PETIMUS, Dómine sancte, Pater omnípotens, ætérne Deus; ut hanc creatúrám olivæ, quam ex ligni matéria prodire jussisti, quamque columba rédiens ad arcam próprio pértulit ore, bene~~X~~dicere, et sanctifi~~X~~cáre dignéris: ut quicumque ex ea recéperint, accípiant sibi protectionem ánimæ et corpóris; fiatque, Dómine, nostræ salutis remédium, tuæ grátiae sacraméntum. Per Dóminum, etc.

R. Amen.

Orémus.

DEUS, qui dispérsa cóngregas, et congregáta consérvas: qui pópulis óbviám Jesu ramos portán-

tibus benedixísti: bene~~X~~dic étiam hos ramos palmæ et olivæ, quos tui fámuli ad honórem nóminis tui fidéliter suscépiunt: ut inquemcúmque locum introdúcti fúerint, tuam benedictionem habitatóres loci illius consequántur; et omni adversitáte effugáta, dextera tua prótegat, quos redémit Jesus Christus Filius tuus Dóminus noster. Qui tecum, etc.

Orémus.

DEUS, qui miro dispositiönis órdine, ex rebus étiam insensibílibus dispensatiönem nostræ salutis osténdere voluísti, da, quæsumus; ut devóta tuórum corda fidélium salúbriter intélligant quid mystice désignet in facto, quod hódie cœlésti lúmine affláta, Redemptóri óbviám procédens, palmárum atque olivárum ramos vestígiis ejus turba substrávit. Palmárum ígitur rami de mortis príncipe triúmphos expéctant: súrculi vero olivárum, spirituálem unctionem advenísse quodámmodo clamant. Intelléxit enim jam tunc illa hóminum beáta multitúdo præfigurári, quia Redemptor noster humánis cóndolens misériis, pro totíus mundi vita cum mortis príncipe esset pugnatúrus, ac moriéndó triumphatúrus; et ídeo tália óbsequens ministrávit, quæ in illo et triúmphos victóriæ, et misericórdiæ pinguédinem declarárent. Quod nos quoque plena fide et factum, et significátum retinéntes, te, Dómine sancte, Pater omnípotens, ætérne Deus, per eúndem Dóminum nostrum Jesum Christum suppliciter exorámus; ut in ipso, atque per ipsum, cujus nos membra fieri voluísti, de mortis império victóriam reportántes, ipsíus gloriósæ resurrectiönis partícipes esse mereámur. Qui tecum vivit, etc.

Orémus.

DEUS, qui per olivæ ramum, pacem terris columbam nuntiâre jussisti : præsta, quæsumus, ut hos olivæ, cæterarumque arborum ramos, cælesti benedictione sanctifices : ut cuncto populo tuo proficiant ad salutem. Per Christum Dominum nostrum.

Orémus.

BENEDIC, quæsumus, Domine, hos palmârum, seu olivârum ramos : et præsta, ut quod populus tuus in tuâ venerationem hodierna die corporaliter agit, hoc spiritaliter summa devotione perficiat, de hoste victoriam reportando, et opus misericordiæ summopere diligendo. Per Dominum, etc.

¶ *Hic Celebrans ponit incensum in thuribulum : deinde ter aspergit ramos aqua benedicta, dicendo Antiphonam : Aspèrges me, sinu cantu, et sine Psalmo : et ter adolet incenso.*

Postea dicit V. Dominus vobiscum.

R. Et cum spiritu tuo.

Orémus.

DEUS, qui Filium tuum Jesum Christum Dominum nostrum, pro salute nostra in hunc mundum misisti, ut se humiliaret ad nos, et nos revocaret ad te : cui etiam, dum Jerúsalem veniret, ut adimpleret Scripturas, credentium populorum turba, fidelissima devotione, vestimenta sua cum ramis palmârum in via sternebant : præsta, quæsumus, ut illi fidei viam præparémus, de qua remoto lapide offensionis, et petra scándali, frondeant apud te ópera nostra justitiæ ramis : ut ejus vestigia sequi mereámur. Qui tecum, etc.

¶ *Completa benedictione, dignior*

ex Clero accedit ad Altare, et dat ramum benedictum Celebranti, qui non genu flectit, nec osculatur manum dantis. Postea Celebrans stans ante Altare, versus ad populum, distribuit ramos, primum digniori, a quo ipse accepit, deinde Diacono et Subdiacono paratis, et aliis Clericis singulatim per ordinem, ultimo laicis : omnibus genu flectentibus, et ramum, ac manum Celebrantis osculantibus, exceptis Prælatis, si adsint. Et cum inceperit distribuere, a Choro cantantur sequentes Antiphonæ : Púeri Hebræorum portantes ramos olivârum obviaverunt Domino, clamantes, et dicentes : Hosanna in excelsis.

Alia Antiphona. Púeri Hebræorum vestimenta prosternebant in via, et clamabant, dicentes : Hosanna filio David, benedictus qui venit in nomine Domini.

Quæ si non sufficiant, repetantur, quousque ramorum distributio finiatur.

Deinde Sacerdos dicit :

V. Dominus vobiscum.

R. Et cum spiritu tuo.

Orémus.

OMNIPOTENS sempitérne Deus, qui Dominum nostrum Jesum Christum super pullum asinæ sedere fecisti, et turbas populorum vestimenta, vel ramos arborum in via sternere, et Hosanna decantare in laudem ipsius docuisti : da, quæsumus, ut illorum innocentiam imitari possimus, et eorum meritum consequi mereámur. Per eundem Christum, etc.

¶ *Postea fit Processio. Et primo Celebrans imponit incensum in thuribulum : et Diaconus vertens se ad populum, dicit : Procedamus in pace. Et Chorus respondet : In nomine Christi. Amen.*

Præcedit thuriferarius cum thuribulo fumigante : deinde Subdiaconus paratus, deferens Crucem, medius inter duos Acolythos cum candelabris accensis : sequitur Clerus per ordinem, ultimo Celebrans cum Diacono a sinistris, omnes cum ramis in manibus : et cantantur sequentes Antiphonæ, vel omnes vel aliquæ, quousque durat Processio.

Antiphona. Matth. 21. Cum appropinquâret Dóminus Jerosólymam, misit duos ex discipulis suis, dicens : Ite in castellum, quod contra vos est ; et inveniétis pullum ásinæ alligátum, super quem nullus hóminum sedit : sólvite, et addúcite mihi. Si quis vos interrogáverit, dicite : Opus Dómino est. Solvén-tes adduxérunt ad Jesum ; et imposuérunt illi vestiménta sua, et sedit super eum : álii expandébant vestiménta sua in via ; álii ramos de arbóribus sternébant : et qui sequebántur, clamábant : Hosánna, benedíctus qui venit in nómine Dómini : benedíctum regnum patris nostri David : Hosánna in excélsis : miserére nobis, fili David.

Alia Antiphona. Joann. 12. Cum audisset pópulus quia Jesus venit Jerosólymam, accepérunt ramos palmárum, et exiérunt ei óbviám, et clamábant púeri, dicéntes : Hic est qui ventúrus est in salútem pópuli. Hic est salus nostra, et redemptio Israël. Quantus est iste, cui Throni et Dominationes occurrunt ! Noli timére, filia Sion : ecce Rex tuus venit tibi, sedens super pullum ásinæ, sicut scriptum est. Salve, Rex fabricátor mundi, qui venísti redimere nos.

Alia Antiphona. Ibid. Ante sex dies solémnis Paschæ, quando venit Dóminus in civitátem Jerúsalem, occurrérunt ei púeri, et in mánibus portábant ramos palmárum, et cla-

mábant voce magna, dicéntes : Hosánna in excélsis : Benedíctus, qui venísti in multitúdine misericórdiæ tuæ : Hosánna in excélsis.

Alia Antiphona. Occurrunt turbæ cum flóribus et palmis Redemptóri óbviám : et victóri triumphánti digna dant obséquia : Filium Dei ore gentes prædicant : et in láudem Christi voces tonant per núbila : Hosánna in excélsis.

Alia Antiphona. Cum ángelis et púeris fidéles inveniámur, triumphatóri mortis clamántes : Hosánna in excélsis.

Alia Antiphona. Turba multa, quæ convénérat ad diem festum, clamábat Dómino : Benedíctus, qui venit in nómine Dómini : Hosánna in excélsis.

¶ *In reversione Processionis, duo vel quatuor Cantores intrant in Ecclesiam, et clauso ostio, stantes versa facie ad Processionem, incipiunt :*

¶ *Glória, laus, etc., et decantant duos primos versus. Sacerdos vero cum aliis extra Ecclesiam repetit eosdem. Deinde qui sunt intus, cantant alios versus sequentes, vel omnes, vel partem, prout videbitur : et qui sunt extra, ad quoslibet duos versus respondent : Glória, laus, etc., sicut a principio. ¶.*

GLORIA, laus, et honor tibi sit, Rex Christe Redemptor :

Cui puerile decus prompsit Hosánna pium.

R. Glória, laus, etc.

Israël es tu Rex, Davidis et inclyta proles :

Nómine qui in Dómini Rex benedícte venis.

R. Glória, laus, etc.

Cœtus in excélsis te laudat cœlicus omnis,

Et mortális homo, et cuncta creáta simul.

R. Glória, laus, etc.

Plebs Hebræa tibi cum palmis óbvia venit :

Cum prece, voto, hymnis, ádsumus ecce tibi.

R. Glória, laus, etc.

Hi tibi passúro solvébant múnia laudis :

Nos tibi regnánti pángimus ecce melos.

R. Glória, laus, etc.

Hi placuere tibi : pláceat devótio nostra :

Rex bone, Rex clemens, cui bona cuncta placent.

R. Glória, laus, etc.

¶ *Postea Subdiaconus hastili Crucis percutit portam : qua statim aperta, Processio intrat in Ecclesiam, cantando*

R. Ingrediénte Dómino in sanctam civitátem, Hebræórum púeri resurrectionem vitæ pronuntiántes, * Cum ramis palmárum Hosánna clamábant in excélsis.

V. Cum audisset pópulus, quod Jesus veníret Jerosólymam, exiérunt óbviám ei : * Cum ramis palmárum Hosánna clamábant in excélsis.

Et non dicitur Glória Patri.

¶ *Deinde celebratur Missa, et rami tenentur in manibus dum cantatur Passio, et Evangelium tantum.*

Statio ad Sanctum Joannem in Laterano.

Introitus. Ps. 21.

DOMINE, ne longè fácias auxiliúm tuum à me, ad defensió-nem meam áspice : libera me de ore leónis, et à cornibus unicórnium humilitátem meam.

Ps. ibid. Deus, Deus meus, respice in me : quare me dereliquisti ?

Longè à salúte mea verba delictórum meórum. Dómine, ne longe, etc.

Oratio.

OMNIPOTENS sempitérne Deus, qui humáno géneri ad imitándum humilitátis exémpulum, Salvatórem nostrum carnem súmere, et cruce[m] subíre fecisti : concéde propítius, ut et patientiæ ipsíus habére documénta, et resurrectionis consórtia mereámur. Per eúmdem Dóminum.

Et hæc Oratio tantum dicitur.

Lectio Epístolæ beáti Pauli Apóstoli ad Philippenses. *Phil. 2.*

FRATRES, Hoc enim sentíte in vobis, quod et in Christo Jesu : qui cum in forma Dei esset, non rapínam arbitrátus est esse se æquálem Deo ; sed semetípsum exinanívit formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quòd est super omne nomen : (*Hic genu flectitur*) ut in nómine Jesu omne genu flectátur cæléstium, ter-réstrium, et infernórum ; et omnis língua confiteátur, quia Dóminus Jesus Christus in glória est Dei Patris.

Graduale. Ps. 72. Tenuísti manum dexteram meam : et in voluntáte tua deduxísti me, et cum glória assumpsísti me.

V. Quam bonus Israël Deus rectis corde ! Mei autem pene moti sunt pedes, pene effúsi sunt gressus mei ; quia zelávi in peccatóribus, pacem peccatórum videns.

Tractus. Ps. 21. Deus, Deus

meus, respice in me : quare me dereliquisti ?

V. Longè à salutē mea verba delictōrum meōrum.

V. Deus meus, clamābo per diem, nec exāudies : in nocte, et non ad insipiētiā mihi.

V. Tu autem in sancto hābitas, laus Israēl.

V. In te speravērunt patres nostri : speravērunt, et liberāsti eos.

V. Ad te clamavērunt, et salvi facti sunt : in te speravērunt, et non sunt confūsi.

V. Ego autem sum vermis, et non homo : opprōbrium hōminum, et abjēctio plebis.

V. Omnes, qui vidēbant me, aspernabāntur me, locūti sunt lābiis, et movērunt caput.

V. Sperāvit in Dōmino, erīpiat eum : salvum faciāt eum, quōniam vult eum.

V. Ipsi vero consideravērunt, et conspexērunt me : divisērunt sibi vestimēta mea, et super vestem meam misērunt sortem.

V. Libera me de ore leōnis : et à cōrnibus unicōrnium humilitātem meam.

V. Qui timētis Dōminum, laudāte eum : univēsum semen Jacob, magnificāte eum.

V. Annuntiābitur Dōmino generātio ventūra : et annuntiābunt cōeli justitiam ejus.

V. Pópulo qui nascētur, quem fecit Dōminus.

¶ *Passio Domini incipitur absolute : non dicitur Munda cor meum ; non petitur benedictio ; non deferuntur luminaria, nec incensum ; non dicitur Dōminus vobiscum, nec respondetur Glória tibi, Dōmine : et Celebrans, seu Diaconus, dum pronuntiat Pássio Dōmini nostri, non signat librum, neque seipsum. Quod et in aliis diebus servatur, quando legitur Passio.*

Pássio Dōmini nostri Jesu Christi secūndum Matthæum.

Matth. 26.

IN illo témpore : Dixit Jesus discipulis suis : ✠ Scitis quia post bídium Pascha fiet, et Fílius hómīnis tradētur ut crucifigātur. *C.* Tunc congregāti sunt principes sacerdotum, et seniōres pópuli, in átrium principis sacerdotum, qui dicebātur Cáiphas ; et consílium fecērunt ut Jesum dolo tenērent, et occiderent. Dicēbant autem : *S.* Nōh in die festo, ne forte tumultus fieret in pópulo. *C.* Cum autem Jesus esset in Bethánia in domo Simónis leprósi, accēssit ad eum mūlier habens alabāstrum unguēti pretiōsi, et effūdīt super caput ipsius recumbētis. Vidētes autem discipuli, indignāti sunt, dicētes : *S.* Ut quid perditio hēc ? pótuit enim istud venūdari multo, et dari paupéribus. *C.* Sciens autem Jesus, ait illis : ✠ Quid molēsti estis huic mulieri ? opus enim bonum operāta est in me. Nam semper páuperes habētis vobiscum : me autem non semper habētis. Mittens enim hēc unguētum hoc in corpus meum, ad sepeliēndum me fecit. Amen dico vobis, ubicúmque prædicātum fúerit hoc Evangélīum in toto mundo, dicētur et quod hēc fecit in memóriam ejus. *C.* Tunc ábiit unus de duódecim, qui dicebātur Judas Iscariótes, ad principes sacerdotum, et ait illis : *S.* Quid vultis mihi dare, et ego vobis eum tradam ? *C.* At illi constituērunt ei trigínta argénteos. Et exínde quærébat opportunitātem ut eum tráderet. Prima autem die Azymórum, accessērunt discipuli ad Jesum, dicētes : *S.* Ubi vis parémus tibi comédere Pascha ? *C.* At Jesus dixit : ✠ Ite in civitātem ad quemdam, et dicite ei : Magíster dicit,

Tempus meum propè est, apud te facio Pascha cum discipulis meis. *C.* Et fecerunt discipuli sicut constituit illis Jesus, et paraverunt Pascha. Vesperè autem facto, discumbébat cum duódecim discipulis suis. Et edéntibus illis dixit : ✠ Amen dico vobis, quia unus vestrúm me traditúrus est. *C.* Et contristáti valdè, cœperunt singuli dicere : *S.* Numquid ego sum, Dómine ? *C.* At ille respóndens, ait : ✠ Qui intíngit mecum manum in parópside, hic me tradet. Fílius quidem hóminis vadit, sicut scriptum est de illo : væ autem hómini illi per quem Fílius hóminis tradétur : bonum erat ei, si natus non fuisset homo ille. *C.* Respóndens autem Judas, qui trádidit eum, dixit : *S.* Numquid ego sum, Rabbi ? *C.* Ait illi : ✠ Tu dixisti. *C.* Cœnantibus autemeis, accépit Jesus panem, et benedixit, ac fregit, deditque discipulis suis, et ait : ✠ Accípite et comédite : Hoc est corpus meum. *C.* Et accípiens cálicem, grátias egit, et dedit illis, dicens : ✠ Bíbite ex hoc omnes : Hic est enim sanguis meus novi testaménti, qui pro multis effundétur in remissionem peccatórum. Dico autem vobis, non bibam ámodo de hoc genímine vitis, usque in diem illum cum illud bibam vobíscum novum in regno Patris mei. *C.* Et, hymno dicto, exiérunt in montem Olivéti. Tunc dicit illis Jesus : ✠ Omnes vos scándalum patiémmini in me, in ista nocte. Scriptum est enim, Percútiam pastórem, et dispergéntur oves gregis. Postquam autem resurrexero, præcedam vos in Galilæam. *C.* Respóndens autem Petrus, ait illi : *S.* Etsi omnes scandalizáti fúerint in te, ego nunquam scandalizábor. *C.* Ait illi Jesus : ✠ Amen dico tibi, quia in hac nocte, ántequam gallus cantet, ter me

negábis. *C.* Ait illi Petrus : *S.* Etiam si oportúerit me mori tecum, non te negábo. *C.* Simíliter et omnes discipuli dixerunt. Tunc venit Jesus cum illis in villam, quæ dicitur Gethsémani, et dixit discipulis suis : ✠ Sedéte hic, donec vadam illuc et orem. *C.* Et, assumpto Petro et duóbus filiis Zebedæi, cœpit contristári et mœstus esse. Tunc ait illis : ✠ Tristis est ánima mea usque ad mortem : sustinéte hic et vigiláte mecum. *C.* Et, progréssus pusillum, prócidit in fáciem suam, orans et dicens : ✠ Pater mi, si possibile est, tránseat à me calix iste. Verúmtamen non sicut ego volo, sed sicut tu. *C.* Et venit ad discipulos suos, et invénit eos dormiéntes, et dicit Petro : ✠ Sic non potuístis una hora vigiláre mecum ? Vigiláte et oráte, ut non intrétis in tentationem. Spíritus quidem promptus est, caro autem infirma. *C.* Iterum secúndo ábiit, et orávit dicens : ✠ Pater mi, si non potest hic calix transire nisi bibam illum, fiat volúntas tua. *C.* Et venit íterum, et invénit eos dormiéntes : erant enim óculi eórum graváti. Et, relictis illis, íterum ábiit, et orávit tertio, eúmdem sermónem dicens. Tunc venit ad discipulos suos, et dicit illis : ✠ Dormíte jam et requiésците : ecce appropinquávit hora, et Fílius hóminis tradétur in manus peccatórum. Súrgite, eámus : ecce appropinquávit qui me tradet. *C.* Adhuc eo loquente, ecce Judas, unus de duódecim, venit, et cum eo turba multa cum gládiis et fústibus, missi à princípibus sacerdotum et senióribus pópuli. Qui autem trádidit eum, dedit illis signum, dicens : *S.* Quemcúmque osculátus fúero, ipse est : tenéte eum. *C.* Et conféstim accédens ad Jesum, dixit : *S.* Ave, Rabbi. *C.* Et osculátus est eum.

Dixitque illi Jesus : ✠ Amice, ad quid venisti ? C. Tunc accesserunt, et manus injecerunt in Jesum, et tenuerunt eum. Et ecce unus ex his qui erant cum Jesu, extendens manum, exemit gladium suum, et, percutiens servum principis sacerdotum, amputavit auriculam ejus. Tunc ait illi Jesus : ✠ Converté gladium tuum in locum suum. Omnes enim qui acceperint gladium, gladio peribunt. An putas quia non possum rogare Patrem meum, et exhibebit mihi modo plusquam duodecim legiones Angelorum ? Quomodo ergo implebuntur Scripturæ, quia sic oportet fieri ? C. In illa hora dixit Jesus turbis : ✠ Tanquam ad latronem existis cum gladiis et fustibus comprehendere me : quotidie apud vos sedebam docens in templo, et non me tenuistis. C. Hoc autem totum factum est ut adimplerentur Scripturæ Prophetarum. Tunc discipuli omnes, relicto eo, fugerunt. At illi, tenentes Jesum, duxerunt ad Caïpham, principem sacerdotum, ubi Scribæ et seniores convenerant. Petrus autem sequebatur eum à longè, usque in atrium principis sacerdotum. Et, ingressus intro, sedebat cum ministris, ut videret finem. Principes autem sacerdotum, et omne concilium, quærebant falsum testimonium contra Jesum, ut eum morti traderent ; et non invenierunt, cum multi falsi testes accessissent. Novissime autem venerunt duo falsi testes, et dixerunt : S. Hic dixit, Possum destruire templum Dei, et post triduum reaedificare illud. C. Et surgens princeps sacerdotum, ait illi : S. Nihil respondes ad ea quæ isti adversum te testificantur ? C. Jesus autem tacebat. Et princeps sacerdotum ait illi : S. Adjuro te, per Deum vivum, ut dicas nobis

si tu es Christus Filius Dei. C. Dicit illi Jesus : ✠ Tu dixisti. Verumtamen dico vobis, amodo videbitis Filium hominis sedentem à dextris virtutis Dei, et venientem in núbibus cæli. C. Tunc princeps sacerdotum scidit vestimenta sua, dicens : S. Blasphemavit : quid adhuc egemus testibus ? Ecce nunc audistis blasphemiam : quid vobis videtur ? C. At illi respondentes dixerunt : S. Reus est mortis. C. Tunc expuerunt in faciem ejus, et colaphis eum ceciderunt ; alii autem palmas in faciem ejus dederunt, dicentes : S. Prophetiza nobis, Christe, quis est qui te percussit ? C. Petrus vero sedebat foris in atrio : et accessit ad eum una ancilla, dicens : S. Et tu cum Jesu Galilæo eras. C. At ille negavit coram omnibus, dicens : S. Nescio quid dicis. C. Exeunte autem illo januam, vidit eum alia ancilla, et ait his qui erant ibi : S. Et hic erat cum Jesu Nazaréno. C. Et iterum negavit cum juramento, Quia non novi hominem. Et post pusillum accesserunt qui stabant, et dixerunt Petro : S. Verè et tu ex illis es : nam et loquela tua manifestum te facit. C. Tunc cepit detestari, et jurare quia non novisset hominem. Et continuo gallus cantavit. Et recordatus est Petrus verbi Jesu, quod dixerat : Priusquam gallus cantet, ter me negabis. Et, egressus foras, flevit amare. Mane autem facto, consilium iniérunt omnes principes sacerdotum, et seniores populi adversus Jesum, ut eum morti traderent. Et vinctum adduxerunt eum, et tradiderunt Póntio Piláto, Præsidi. Tunc videns Judas, qui eum tradidit, quod damnatus esset, pœnitentia ductus, rétulit triginta argenteos principibus sacerdotum et senioribus, dicens : S. Peccavi tradens

sanguinem justum. *C.* At illi dixerunt : *S.* Quid ad nos ? Tu videris. *C.* Et, projectis argenteis in templo, recessit : et abiens, laqueo se suspendit. Principes autem sacerdotum, acceptis argenteis dixerunt : *S.* Non licet eos mittere in carbonem, quia pretium sanguinis est. *C.* Consilio autem inito, emerunt ex illis agrum figuli, in sepulturam peregrinorum. Propter hoc vocatus est ager ille Haceldama, hoc est, ager sanguinis, usque in hodiernum diem. Tunc implendum est quod dictum est per Jeremiam Prophetam, dicentem : Et acceperunt triginta argenteos pretium appretiati, quem appretiaverunt a filiis Israel : et dederunt eos in agrum figuli, sicut constituit mihi Dominus. Jesus autem stetit ante Praesidem, et interrogavit eum Praeses, dicens : *S.* Tu es Rex Judaeorum ? *C.* Dicit illi Jesus : ✠ Tu dicis. *C.* Et cum accusaretur a principibus sacerdotum et senioribus, nihil respondit. Tunc dicit illi Pilatus : *S.* Non audis quanta adversum te dicunt testimonia ? *C.* Et non respondit ei ad ullum verbum, ita ut miraretur Praeses vehementer. Per diem autem solennem consueverat Praeses populo dimittere unum vinctum, quem voluissent. Habebat autem tunc vinctum insignem, qui dicebatur Barabbas. Congregatis ergo illis, dixit Pilatus : *S.* Quem vultis dimittam vobis, Barabbam, an Jesum qui dicitur Christus ? *C.* Sciebat enim quod per invidiam tradidissent eum. Sedente autem illo pro tribunali, misit ad eum uxor ejus, dicens : *S.* Nihil tibi, et justo illi : multa enim passus sum hodie per visum propter eum. *C.* Principes autem sacerdotum et seniores persuaserunt populis, ut peterent Barabbam, Jesum vero perderent. Respondens autem

Praeses, ait illis : *S.* Quem vultis de duobus dimitti ? *C.* At illi dixerunt : *S.* Barabbam. *C.* Dicit illis Pilatus : *S.* Quid igitur faciam de Jesu, qui dicitur Christus ? *C.* Dicunt omnes : *S.* Crucifigatur. *C.* Ait illis Praeses : *S.* Quid enim mali fecit ? *C.* At illi magis clamabant, dicentes : *S.* Crucifigatur. *C.* Videns autem Pilatus quia nihil proficeret, sed magistum ultus fieret, accepta aqua, lavit manus coram populo, dicens : *S.* Innocens ego sum a sanguine justis hujus : vos videtis. *C.* Et respondens universus populus, dixit : *S.* Sanguis ejus super nos, et super filios nostros. *C.* Tunc dimisit illis Barabbam : Jesum autem flagellatum tradidit Judaeis ut crucifigeretur. Tunc milites Praesidis, suscipientes Jesum in praetorium, congregaverunt ad eum universam cohortem : et, exuentes eum, chlamydem coccineam circumdederunt ei ; et placentes coronam de spinis, posuerunt super caput ejus, et arundinem in dextera ejus. Et, genu flexo ante eum, illudabant ei, dicentes : *S.* Ave, Rex Judaeorum. *C.* Et, expuentes in eum, acceperunt arundinem, et percutiebant caput ejus. Et, postquam illusérunt ei, exuerunt eum chlamyde, et induerunt eum vestimentis ejus, et duxerunt eum ut crucifigerent. Exeuntes autem, invenérunt hominem Cyrenaeum, nomine Simónem : hunc angariaverunt ut tolleretur crucem ejus. Et venerunt in locum qui dicitur Gólgatha, quod est Calvariae locus. Et dederunt ei vinum bibere cum felle mistum. Et, cum gustasset, noluit bibere. Postquam autem crucifixerunt eum, divisérunt vestimenta ejus, sortem mittentes ; ut impleretur quod dictum est per Prophetam dicentem : Diviserunt sibi vestimenta mea, et super vestem

meam miserunt sortem. Et sedentes servabant eum. Et imposuerunt super caput ejus causam ipsius scriptam : Hic est Jesus Rex Judæorum. Tunc crucifixi sunt cum eo duo latrones ; unus à dextris, et unus à sinistris. Prætereuntes autem blasphemabant eum, moventes capita sua, et dicentes : S. Vah qui destruis templum Dei, et in triduo illud reedificas : salva temetipsum : si Filius Dei es, descende de cruce.

C. Similiter et principes sacerdotum illudentes cum Scribis et senioribus, dicebant : S. Alios salvos fecit, seipsum non potest salvum facere : si Rex Israël est, descendat nunc de cruce, et credimus ei : confidit in Deo : liberet nunc, si vult, eum : dixit enim ; Quia Filius Dei sum.

C. Idipsum autem et latrones, qui crucifixi erant cum eo, improperebant ei. A sexta autem hora tenebræ factæ sunt super universam terram usque ad horam nonam. Et circa horam nonam clamavit Jesus voce magna, dicens : ✠ Eli, Eli, lamma sabachthani ? C. Hoc est : ✠ Deus meus, Deus meus, ut quid dereliquisti me ? C. Quidam autem illic stantes, et audientes, dicebant : S. Eliam vocat iste. C. Et continuo currens unus ex eis, acceptam spongiam implévit aceto, et imposuit arundini, et dabat ei bibere. Cæteri vero dicebant : S. Sine, videamus, an veniat Elias liberans eum. C. Jesus autem iterum clamans voce magna, emisit spiritum. (Hic genu flectitur, et pausatur aliquantulum.) Et ecce velum templi scissum est in duas partes à summo usque deorsum : et terra mota est, et petraë scissæ sunt, et monumenta aperta sunt ; et multa corpora Sanctorum qui dormierant, surrexerunt. Et exeuntes de monumentis post resurrectionem ejus, venerunt in sanctam

civitatem, et apparuerunt multis. Centurio autem, et qui cum eo erant, custodiētes Jesum, viso terramotu, et his quæ fiebant, timuerunt valdè, dicentes : S. Verè Filius Dei erat iste. C. Erant autem ibi mulieres multæ à longè, quæ secutæ erant Jesum à Galilæa, ministrantes ei : inter quas erat Maria Magdalène, et Maria Jacobi, et Joseph mater, et mater filiorum Zebedæi. Cum autem sero factum esset, venit quidam homo dives ab Arimathæa, nomine Joseph, qui et ipse discipulus erat Jesu. Hic accessit ad Pilatum, et petiit corpus Jesu. Tunc Pilatus jussit reddi corpus. Et accepto corpore, Joseph involvit illud in sindone munda. Et posuit illud in monumento suo novo, quod exciderat in petra. Et advolvit saxum magnum ad ostium monumenti, et abiit. Erat autem ibi Maria Magdalène, et altera Maria, sedentes contra sepulchrum.

¶ *Hic dicitur Munda cor meum, petitur benedictio, defertur incensum sine luminaribus, et incensatur liber : non dicitur Dominus vobiscum ; et Celebrans, aut Diaconus non signat librum, neque seipsum : et quod sequitur, cantatur in tono Evangelii ; in cujus fine Celebrans osculatur librum, et incensatur. Quæ omnia et in aliis Passionibus servantur, præterquam FERIA sexta in Parasceve.*

ALTERA autem die, quæ est post Parascēven, convenērunt principes sacerdotum, et Pharisei ad Pilatum, dicentes : Domine, recordati sumus, quia seductor ille dixit adhuc vivens : Post tres dies resurgam. Jube ergo custodiri sepulchrum usque ad diem tertium, ne fortè veniant discipuli ejus, et furentur eum, et dicant plebi : Surrexit à mortuis : et erit novissimus

ALTERA autem die, quæ est post Parascēven, convenērunt principes sacerdotum, et Pharisei ad Pilatum, dicentes : Domine, recordati sumus, quia seductor ille dixit adhuc vivens : Post tres dies resurgam. Jube ergo custodiri sepulchrum usque ad diem tertium, ne fortè veniant discipuli ejus, et furentur eum, et dicant plebi : Surrexit à mortuis : et erit novissimus

error peior priore. Ait illis Pilátus : Habétis custódiám : ite, custodíte sicut scitis. Illi autem abeúntes, muniérunt sepúlchrum, signántes lápidem, cum custódibus.

Credo.

Offertorium. Ps. 68. Improperium expectávit cor meum, et miseriam : et sustinui qui simul mecum contristarétur, et non fuit : consolántem me quæsívi, et non invéni : et dederunt in escam meam fel, et in siti mea potavérunt me acéto.

Secreta.

CONCEDE, quæsumus, Dómine, ut óculis tuæ majestátis munus oblátum, et grátiam nobis devotiónis obtíneat, et effectum beátæ perennitátis acquirat. Per Dóminum, etc.

Communio. Matth. 26. Pater, si non potest hic calix transíre, nisi bibam illum : fiat volúntas tua.

Postcommunio.

PER hujus, Dómine, operatió-nem mystérii, et vítia nostra purgéntur, et justa desidéria compleántur. Per Dóminum, etc.

¶ *In Missis privatis legitur in fine Evangelium Cum appropinquásset Jesus Jerosólymis, ut supra, in benedictione Palmarum, fol. 122.*

FERIA SECUNDA MAJORIS HEBDOMADÆ.

Statio ad Sanctam Praxedem.

Introitus. Ps. 34.

JUDICA, Dómine, nocéntes me ; expúgna impugnántes me : apprehénde arma, et scutum, et exúrge in adjutórium meum, Dómine, virtus salútis meæ.

Ps. *ibid.* Effúnde frámeam, et

conclúde advérsus eos, qui perse-quúntur me : dic ánimæ meæ : Salus tua ego sum. Júdica, Dómine, nocéntes, etc.

Oratio.

DA, quæsumus, omnipotens Deus : ut qui in tot advérsis ex nostra infirmitáte defícimus ; intercedénte Unigéniti Filii tui passióne, respirémus. Qui tecum vivit et regnat, etc.

Postea vel Ecclesiæ tuæ, vel Deus ómnium fidélium, fol. 109.

Léctio Isaíæ Prophétæ. Isa. 50.

IN diébus illis : Dixit Isaías : Dóminus Deus apérui mihi áur-em : ego autem non contradíco : retrórsum non ábii. Corpus meum dedi percutiéntibus, et genas meas velléntibus : fáciem meam non avérti ab increpántibus, et conspu-éntibus in me. Dóminus Deus auxiliátor meus : ideo non sum confúsus : ideo pósui fáciem meam ut petram duríssimam, et scio quóniam non confúndar. Juxta est qui justíficat me : quis contradícet mihi ? stemus simul. Quis est adversárius meus ? accédatur ad me. Ecce Dóminus Deus auxiliátor meus : quis est qui condémnet me ? Ecce omnes quasi vestiméntum conteréntur : tinea cómedet eos. Quis ex vobis timens Dóminum áudiens vocem servi sui ? Qui ambulávit in ténebris, et non est lumen ei ; speret in nómine Dómini, et innitá-tur super Deum suum.

Graduale. Ps. 35. Exúrge, Dómine, et inténde júdicio meo : Deus meus, et Dóminus meus in causam meam.

¶ Effúnde frámeam, et conclúde advérsus eos qui me persecuúntur.

Tractus. Ps. 102. Dómine, non

secundum peccata nostra, quæ fecimus nos; neque secundum iniquitates nostras retribuas nobis.

V. Ps. 78. Dómine, ne memineris iniquitatum nostrarum antiquarum: cito anticipent nos misericordiæ tuæ, quia pauperes facti sumus nimis.

Hic genu flectitur. V. Adjuva nos, Deus salutaris noster, et propter glóriam nóminis tui, Dómine, libera nos: et propitius esto peccatis nostris, propter nomen tuum.

Sequéntia sancti Evangélíi secundum Joánnem. *Joann. 12.*

ANTE sex dies Paschæ, venit Jesus Bethániam, ubi Lázarus fúerat mórtuus, quem suscitávit Jesus. Fecérunt autem ei cœnam ibi: et Martha ministrábat; Lázarus vero unus erat ex discumbéntibus cum eo. María ergo accépit libram unguénti nardi pístici pretiósí, et unxit pedes Jesu, et extérsit pedes ejus capillis suis: et domus impléta est ex odóre unguénti. Dixit ergo unus ex discipulis ejus, Judas Iscariótes, qui erat eum traditúrus: Quare hoc unguéntum non véniit trecéntis denáriis, et datum est egénis? Dixit autem hoc, non quia de egénis pertinébat ad eum: sed quia fur erat, et lóculos habens, ea quæ mittebantur, portábat. Dixit ergo Jesus: Sínite illam, ut in diem sepultúræ meæ servet illud. Páuperes enim semper habétis vobiscum: me autem non semper habétis. Cognóvit ergo turba multa ex Judæis quia illic est: et venérunt, non propter Jesum tantum, sed ut Lázarus vidérent, quem suscitávit à mórtuis.

Offertorium. Ps. 142. Eripe me de inimicis meis, Dómine: ad te confúgi: doce me fácere voluntátem tuam, quia Deus meus es tu.

Secreta.

HÆC sacrificia nos, omnípotens Deus, poténti virtúte mundátos, ad suum fáciant puriôres veníre princípium. Per Dóminum nostrum Jesum Christum Filium tuum, etc.

Deinde vel Prótege nos, *vel* Oblátiis, quæsumus, *fol. 110.*

Communio. Ps. 34. Erubéscant, et revereántur simul, qui gratulántur malis meis: induántur pudóre et reveréntia, qui maligna loquúntur advérsus me.

Postcommunio.

PRÆBEANT nobis, Dómine, divínium tua sancta fervórem: quo eórum páriter et actu delectémur, et fructu. Per Dóminum nostrum Jesum Christum Filium tuum, etc.

Postea, vel Quæsumus, Dómine, *vel* Hæc nos, quæsumus, *fol. 111.*

Super populum. Orémus. Humiliáte cápita vestra Deo.

Oratio.

ADJUVA nos, Deus salutaris noster: et ad beneficia recolénda, quibus nos instauráre dignátus es, tribue veníre gaudéntes. Per Dóminum nostrum Jesum Christum Filium, etc.

FERIA TERTIA MAJORIS HEBDOMADÆ.

Statio ad Sanctam Priscam.

Introitus. Galat. 6.

NOS autem gloriári opórtet in cruce Dómini nostri Jesu Christi: in quo est salus, vita, et resurrectio nostra: per quem salváti, et liberáti sumus.

Ps. 66. Deus misereatur nostrū, et benedicat nobis : illūminet vultum suum super nos, et misereatur nostrū. Nos autem, etc.

Oratio.

OMNIPOTENS sempiternē Deus, da nobis ita Dominicāe passionis sacramēta perāgere, ut indulgētiā percipere mereāmur. Per eūdem Dōminum.

Postea, vel Ecclesiā tuā, vel Deus, omnium fideliū, fol. 109.

Lectio Jeremiāe Prophētæ. *Jer. 11.*

IN diēbus illis : Dixit Jeremiās : Dōmine, demonstrāsti mihi, et cognōvi : tunc ostendisti mihi stūdia eōrum. Et ego quasi agnus mansuētus, qui portātur ad vīctimam : et non cognōvi quia cogitāverunt super me consilia, dicētes : Mittāmus lignum in panem ejus, et eradāmus eum de terra vivētiū, et nomen ejus non memorētur ampliū. Tu autem, Dōmine Sābath, qui jūdicas juste, et probas renes et corda, videam ulitiōnem tuam ex eis : tibi enim revelāvi causam meam, Dōmine, Deus meus.

Graduale. Ps. 34. Ego autem, dum mihi molēsti essent, induēbam me cilicio, et humiliābam in jejūniō animam meam, et oratio mea in sinu meo convertētur.

V. Jūdica, Dōmine, nocētes me : expūgna impugnāntes me : apprehēde arma et scutum, et exurge in adiutoriū mihi.

Pāssio Dōmini nostri Jesu Christi secūndum Marcum. *Marc. 14.*

IN illo tēpore : Erat Pascha et Azyma post bīdium ; et quærēbant summi sacerdōtes et Scribæ, quōmodo Jesum dolo tenērent, et

occiderent. Dicēbant autem : *S.* Non in die festo, ne forte tumultus fieret in pōpulo. *C.* Et cum esset Jesus Bethāniæ in domo Simōnis leprōsi, et recumberet ; venit mulier habens alabāstrum unguēti nardi spicati pretiōsi, et fracto alabāstro, effūdīt super caput ejus. Erant autem quidam indigne ferētes intra semetipsos, et dicētes : *S.* Ut quid perditio ista unguēti facta est ? Pōterat enim unguētum istud venūdari plusquam trecēntis denāriis, et dari paupēribus. *C.* Et fremēbant in eam. Jesus autem dixit : ✠ Sinite eam : quid illi molēsti estis ? Bonum opus operāta est in me. Semper enim pauperes habētis vobiscum ; et cum volueritis, potēstis illis benefācere : me autem non semper habētis. Quod habuit hęc, fecit : prævēnit ūngere corpus meum in sepulturam. Amen dico vobis : Ubi cūmque prædicātum fuerit Evangēlium istud in univēso mundo, et quod fecit hęc, narrābitur in memoriā ejus. *C.* Et Judas Iscariōtes, unus de duōdecim, abiit ad summos sacerdōtes, ut prōderet eum illis. Qui audiētes, gavisi sunt : et promisērunt ei pecūniā se datūros. Et quærēbat quōmodo illum opportūne trāderet. Et primo die Azymorum, quando Pascha immolābant, dicunt ei discipuli : *S.* Quōd vis eāmus, et parēmus tibi, ut mandūces Pascha ? *C.* Et mittit duos ex discipulis suis, et dicit eis : ✠ Ite in civitatem : et occurret vobis homo lagēnam aquæ bājulans ; sequimini eum ; et quocūmque introierit, dicite dōmino domus, quia Magister dicit : Ubi est refectio mea, ubi Pascha cum discipulis meis mandūcem ? Et ipse vobis demonstrābit cōnāculum grande stratum : et illic parāte nobis. *C.* Et abiērunt discipuli ejus, et venērunt in civitatem ; et invenē-

runt sicut dixerat illis, et paravérunt Pascha. Véspere autem facto, venit cum duódecim. Et discumbéntibus eis, et manducántibus, ait Jesus : ✠ Amen dico vobis, quia unus ex vobis tradet me, qui manducat mecum. C. At illi cœpérunt contristári, et dicere ei singulátim : S. Númquid ego ? C. Qui ait illis : ✠ Unus ex duódecim, qui intíngit mecum manum in catíno. Et Fílius quidem hóminis vadit, sicut scriptum est de eo : vae autem hómini illi, per quem Fílius hóminis tradétur. Bonum erat ei, si non esset natus homo ille. C. Et manducántibus illis, accépit Jesus panem, et benedicens fregit, et dedit eis, et ait : ✠ Súmite, hoc est corpus meum. C. Et accépto cálice, grátias agens, dedit eis : et bibérunt ex illo omnes. Et ait illis : ✠ Hic est sánguis meus novi testamenti, qui pro multis effundétur. Amen dico vobis, quia jam non bibam de hoc genímine vitis, usque in diem illum, cum illud bibam novum in regno Dei. C. Et hymno dicto, exiérunt in montem Olivárum. Et ait eis Jesus : ✠ Omnes scandalizabímmini in me in nocte ista, quia scriptum est : Percútiam pastórem, et dispergéntur oves. Sed postquam resurréxero, præcédam vos in Galilæam. C. Petrus autem ait illi : S. Et si omnes scandalizáti fúerint in te : sed non ego. C. Et ait illi Jesus : ✠ Amen dico tibi, quia tu hódie in nocte hac, priúsqum gallus vocem bis déderit, ter me es negáturus. C. At ille ámplius loquebátur : S. Et si oportúerit me simul cómmori tibi, non te negábo. C. Simíliter autem et omnes dicébant. Et véniunt in prædium, cui nomen Gethsémani. Et ait discipulis suis : ✠ Sedéte hic donec orem. C. Et assúmit Petrum, et Jacobum, et Joánnem

secum ; et cœpit pavére, et tædere. Et ait illis : ✠ Tristis est ánima mea usque ad mortem : sustinéte hic et vigiláte. C. Et cum processísset páululum, prócidit super terram : et orábat ut, si fieri posset, transíret ab eo hora, et dixit : ✠ Abba Pater, ómnia tibi possibília sunt : transfer cálicem hunc à me ; sed non quod ego volo, sed quod tu. C. Et venit, et invénit eos dormiéntes. Et ait Petro : ✠ Simon, dormis ? non potuísti una hora vigiláre ? Vigiláte, et oráte, ut non intrétis in tentatiónem. Spíritus quidem promptus est, caro vero infirma. C. Et iterum ábiens orávit, eúmdem sermónem dicens. Et revérsus, denuo invénit eos dormiéntes (erant enim óculi eórum graváti), et ignorábant quid respondérent ei. Et venit tértio, et ait illis : ✠ Dormíte jam, et requiescite. Súfficit : venit hora : ecce Fílius hóminis tradétur in manus peccatórum. Súrgite, eámus : ecce qui me tradet, propè est. C. Et adhuc eo loquente, venit Judas Iscariótes, unus de duódecim, et cum eo turba multa cum gládiis et lignis, à summis sacerdotibus, et Scribis, et senióribus. Déderat autem tráditor ejus signum eis, dicens : S. Quemcúmque osculátus fúero, ipse est, tenéte eum, et dúcite cáute. C. Et cum venisset, statim accédens ad eum, ait : S. Ave Rabbi. C. Et osculátus est eum. At illi manus iniecérunt in eum, et tenuérunt eum. Unus autem quidam de circumstántibus edúcens gládium, percússit servum summi sacerdotís, et amputávit illi aurículam. Et respondens Jesus, ait illis : ✠ Tanquam ad latrónem existis cum gládiis et lignis comprehendere me ? Quotídie eram apud vos in templo docens, et non me tenuístis ? Sed ut impleántur Scriptúre. C. Tunc

discípuli ejus relinquentes eum, omnes fugerunt. Adolēscens autem quidam sequebātur eum amictus sindone super nudo : et tenuerunt eum. At ille, rejecta sindone, nudus profūgit ab eis. Et adduxerunt Jesum ad summum sacerdotem : et convenērunt omnes sacerdotes, et Scribæ, et seniōres. Petrus autem à longè secūtus est eum usque intro in atrium summi sacerdotis : et sedēbat cum ministris ad ignem, et calefaciēbat se. Summi vero sacerdotes, et omne concilium quærebant advērsus Jesum testimōnium, ut eum morti trāderent ; nec inveniēbant. Multi enim testimōnium falsum dicēbant advērsus eum : et conveniētia testimōnia non erant. Et quidam surgētes, falsum testimōnium ferēbant advērsus eum, dicētes : *S.* Quoniam nos audivimus eum dicentem : Ego dissolvam templum hoc manufactum, et per triduum aliud non manufactum ædificābo. *C.* Et non erat convēniens testimōnium illorum. Et exurgens summus sacerdos in médium, interrogāvit Jesum, dicens : *S.* Non respōdes quidquam ad ea, quæ tibi obijciūntur ab his ? *C.* Ille autem tacēbat, et nihil respōdit. Rursum summus sacerdos interrogābat eum, et dixit ei : *S.* Tu es Christus Filius Dei benedicti ? *C.* Jesus autem dixit illi : ✠ Ego sum : et vidēbitis Fīlium hōminis sedentem à dextris virtutis Dei, et venientem cum nūbibus cœli. *C.* Summus autem sacerdos scindens vestimēta sua, ait : *S.* Quid adhuc desiderāmus testes ? Audistis blasphemiam : quid vobis vidētur ? *C.* Qui omnes condemnāverunt eum esse reum mortis. Et cœperunt quidam conspuere eum, et velāre faciē ejus, et cōlaphis eum cædere, et dicere ei : *S.* Prophetiza. *C.* Et ministri

alapis eum cædebant. Et cum esset Petrus in atrio deorsum, venit una ex ancillis summi sacerdotis : et cum vidisset Petrum calefacientem se, aspiciens illum, ait : *S.* Et tu cum Jesu Nazaréno eras. *C.* At ille negāvit, dicens : *S.* Neque scio, neque novi quid dicas. *C.* Et exiit foras ante atrium, et gallus cantāvit. Rursus autem cum vidisset illum ancilla, cœpit dicere circumstantibus : *S.* Quia hic ex illis est. *C.* At ille iterum negāvit. Et post pusillum rursus qui astabant, dicēbant Petro : *S.* Verē ex illis es ; nam et Galilæus es. *C.* Ille autem cœpit anathematizāre et jurāre : Quia nescio hōminem istum, quem dicitis. Et statim gallus iterum cantāvit. Et recordātus est Petrus verbi quod dixerat ei Jesus : Priusquam gallus cantet bis, ter me negābis. Et cœpit flere. Et confestim mane consilium faciētes summi sacerdotes, cum seniōribus, et Scribis, et univēso concilio, vincientes Jesum, duxerunt, et tradiderunt Pilāto. Et interrogāvit eum Pilātus : *S.* Tu es rex Judæorum ? *C.* At ille respōdens, ait illi : ✠ Tu dicis. *C.* Et accusābant eum summi sacerdotes in multis. Pilātus autem rursus interrogāvit eum, dicens : *S.* Non respōdes quidquam ? vides in quantis te accūsant. *C.* Jesus autem amplius nihil respōdit, ita ut miraretur Pilātus. Per diem autem festum solēbat dimittere illis unum ex vinctis, quemcūque petissent. Erat autem qui dicebātur Barābbas, qui cum seditiōsis erat vinctus, qui in seditiōne fēcerat homicidium. Et cum ascendisset turba, cœpit rogāre, sicut semper faciēbat illis. Pilātus autem respōdit eis, et dixit : *S.* Vultis dimittam vobis Regem Judæorum ? *C.* Sciēbat enim quod per invidiam tradidissent eum summi

sacerdotes. Pontífices autem concitaverunt turbam, ut magis Barabbam dimitteret eis. Pilátus autem iterum respondens, ait illis: *S.* Quid ergo vultis faciam Regi Judæorum? *C.* At illi iterum clamaverunt: *S.* Crucifige eum. *C.* Pilátus vero dicebat illis: *S.* Quid enim mali fecit? *C.* At illi magis clamabant: *S.* Crucifige eum. *C.* Pilátus autem volens populo satisfacere, dimisit illis Barabbam, et tradidit Jesum flagellis cæsum, ut crucifigeretur. Milites autem duxerunt eum in atrium prætorii, et convocant totam cohortem, et induunt eum purpura, et imponunt ei plectentes spineam coronam. Et cæperunt salutare eum: Ave Rex Judæorum. Et percutiebant caput ejus arundine, et conspuiebant eum, et ponentes genua, adorabant eum. Et postquam illusérunt ei, exuerunt illum purpura, et induerunt eum vestimentis suis: et educunt illum, ut crucifigerent eum. Et angariaverunt prætereuntem quempiam, Simónem Cyrenæum, venientem de villa, patrem Alexandri et Rufi, ut tolleret crucem ejus. Et perducunt illum in Gólgotha locum: quod est interpretatum Calvariæ locus. Et dabant ei bibere myrrhatum vinum: et non accépit. Et crucifigentes eum, divisérunt vestimenta ejus, mittentes sortem super eis, quis quid tolleret. Erat autem hora tertia: et crucifixerunt eum. Et erat titulus causæ ejus inscriptus: Rex Judæorum. Et cum eo crucifigunt duos latrones; unum à dextris, et alium à sinistris ejus: et impléta est Scriptúra, quæ dicit: Et cum iniquis reputatus est. Et prætereuntes blasphemabant eum, moventes capita sua, et dicentes: *S.* Vah qui destruis templum Dei, et in tribus diebus reedificas: salvum fac temetipsum descendens de

cruce. *C.* Similiter et summi sacerdotes illudentes, ad alterutrum cum Scribis dicebant: *S.* Alios salvos fecit: seipsum non potest salvum facere. Christus Rex Israël descendat nunc de cruce, ut videamus, et credamus. *C.* Et qui cum ego crucifixi erant, conviciabantur ei. Et facta hora sexta, tenebræ factæ sunt per totam terram, usque in horam nonam. Et hora nona exclamavit Jesus voce magna, dicens: ✠ Eloi, Eloi, lama sabachtháni? *C.* Quod est interpretatum: ✠ Deus meus, Deus meus, ut quid dereliquisti me? *C.* Et quidam de circumstantibus audientes, dicebant: *S.* Ecce Eliam vocat. *C.* Currens autem unus, et implens spongiam aceto, circumponensque calamo, potum dabat ei, dicens: *S.* Sinite, videamus, si veniat Elías ad deponendum eum. *C.* Jesus autem, emissa voce magna, expiravit. (*Hic genu flectitur, et pausatur aliquantulum.*) Et velum templi scissum est in duo, à summo usque deorsum. Videns autem Centurio, qui ex adverso stabat, quia sic clamans expirasset, ait: *S.* Verè hic homo Filius Dei erat. *C.* Erant autem et mulieres de longè aspicientes: inter quas erat María Magdalène, et María Jacóbi minoris, et Joseph mater, et Salóme: et cum esset in Galilæa, sequebantur eum, et ministrabant ei: et aliæ multæ, quæ simul cum eo ascenderant Jerosólymam.

Quod sequitur, cantatur in tono Evangelii: et alia fiunt, ut supra.

ET cum jam sero esset factum (quia erat Parascève, quod est ante Sábbatum), venit Joseph ab Arimathæa nóbilis decurio, qui et ipse erat expéctans regnum Dei, et audacter introivit ad Pilátum, et

pétiit corpus Jesu. Pilátus autem mirabátur si jam obiisset. Et accersito Centurióne, interrogávit eum, si jam mórtuus esset. Et cum cognovisset à Centurióne, donávit corpus Joseph. Joseph autem mercátus sindonem, et depónens eum, invólvit síndone, et pósuit eum in monuménto, quod erat excísus de petra, et advólvit lápidem ad óstium monuménti.

Offertorium. Ps. 139. Custódi me, Dómine, de manu peccatóris : et ab homínibus iniquis éripe me.

Secreta.

SACRIFICIA nos, quæsumus, Dómine, propénsius ista restáurent, quæ medicínalibus sunt institúta jejúniis. Per, etc.

Deinde, vel Prótege nos, *vel* Oblátis, quæsumus, fol. 110.

Communio. Ps. 68. Advérsus me exercebántur qui sedébant in porta ; et in me psallébant qui bibébant vinum : ego vero oratióem meam ad te, Dómine : tempus benepláciti, Deus, in multitúdine misericórdiæ tuæ.

Postcommunio.

SANCTIFICATIONIBUS tuis, omnipotens Deus, et vítia nostra curéntur ; et remédia nobis sempitérna provéniant. Per, etc.

Postea vel Quæsumus, Dómine, *vel* Hæc nos, quæsumus, fol. 111.

Super populum. Orémus. Humiliáte cápita vestra Deo.

Oratio.

TUA nos misericórdia, Deus, et ab omni subreptióne vetustátis expúrget, et capáces sanctæ novitátis efficiat. Per, etc.

FERIA QUARTA MAJORIS HEBDOMADÆ.

Statio ad S. Mariam Majorem.

Introitus. Phil. 2.

IN nómine Jesu omne genu flectátur cœléstium, terréstrium, et infernórum : quia Dóminus factus est obédiens usque ad mortem, mortem autem crucis : ideo Dóminus Jesus Christus in glória est Dei Patris.

Ps. 101. Dómine, exáudi oratióem meam : et clamor meus ad te véniat. In nómine Jesu, etc.

Post Kyrie eléison, dicitur : Orémus. Flectámus gēnua.

R. Leváte.

Oratio.

PRÆSTA, quæsumus, omnipotens Deus : ut qui nostris excessibus incessanter affligimur, per Unigéniti Filii tui passióem liberémur. Qui tecum, etc.

Lectio Isaíæ Prophétæ. Isa. 62.

HÆC dicit Dóminus Deus : Dícite filiæ Sion : Ecce Salvátor tuus venit : ecce merces ejus cum eo. Quis est iste, qui venit de Edom, tinctis véstibus de Bosra ? Iste formósus in stola sua, grádiens in multitúdine fortitúdinis suæ. Ego, qui loquor justítiam, et propugnátor sum adsalvándum. Quare ergo rubrum est indumentum tuum, et vestiménta tua sicut calcántium in torculári ? Tórcular calcávi solus : et de gētibus non est vir mecum : calcávi eos in furóre meo, et conculcávi eos in ira mea : et aspérsus est sánguis eórum super vestiménta mea, et ómnia indumentá mea inquinávi. Dies enim ultiónis in corde meo, annus redemptionis meæ venit. Circumspéxi, et non erat auxiliátor : quæ-

sivi, et non fuit qui adjuvaret : et salvavit mihi brachium meum, et indignatio mea ipsa auxiliata est mihi. Et conculcavi populos in furóre meo : et inebriavi eos in indignatione mea, et detraxi in terram virtutem eorum. Miserationum Domini recordabor, laudem Domini super omnibus quæ reddidit nobis Dominus Deus noster.

Graduale. Ps. 68. Ne avertas faciem tuam à púero tuo, quóniam tribulor : velociter exáudi me.

Ÿ. Salvum me fac, Deus, quóniam intravérunt aquæ usque ad animam meam : infixus sum in limo profúndi, et non est substantia.

Hic dicitur Dominus vobiscum, sine Flectámus gēnua.

Oratio.

DEUS, qui pro nobis Fílium tuum crucis patíbulum subíre voluísti, ut inimíci à nobis expelleres potestatem : concéde nobis famulis tuis, ut resurrectionis grátiam consequámur. Per, etc.

Postea vel Ecclesiæ tuæ, vel Deus, omnium fidélium, fol. 109.

Lectio Isaíæ Prophétæ. Isa. 53.

IN diébus illis : Dixit Isaías : Domine, quis crédidit auditui nostro ? et brachium Domini cui revelatum est ? Et ascéndet sicut virgúltum coram eo, et sicut radix de terra sitiénti. Non est spécies ei, neque decor : et vídimus eum, et non erat aspéctus, et desiderávimus eum. Despéctum, et novíssimum virórum, virum dolórum, et sciéntem infirmitatem : et quasi absconditus vultus ejus, et despéctus : unde nec reputávimus eum. Verè languóres nostros ipse tulit, et dolóres nostros ipse portávit : et nos putávimus eum quasi leprósum, et

percússum à Deo, et humilitátum. Ipse autem vulnerátus est propter iniquitates nostras, attrítus est propter scélera nostra : disciplina pacis nostræ super eum, et livóre ejus sanáti sumus. Omnes nos quasi oves errávimus, unusquisque in viam suam declinávit : et pósuit Dóminus in eo iniquitatem ómnium nostrúm. Oblátus est, quia ipse voluit, et non apéruit os suum : sicut ovis ad occisiónem ducétur ; et quasi agnus coram tondénte se obmutéscet, et non apériet os suum. De angústia, et de judicio sublátus est : generatióem ejus quis enarrábit ? quia abscíssus est de terra vivéntium : propter scelus pópuli mei percússi eum. Et dabit ímpios pro sepultúra, et divitem pro morte sua : eo quod iniquitatem non fécerit, neque dolus fúerit in ore ejus. Et Dóminus voluit contérere eum in infirmitate : si posúerit pro peccáto animam suam, vidébit semen longævum, et volúntas Domini in manu ejus dirigétur. Pro eo quod laborávit anima ejus, vidébit, et saturábitur : in sciéntia sua justificábit ipse justus servus meus multos, et iniquitates eórum ipse portábit. Ideo dispértiam ei plúrimos, et fórtium dívidet spólia, pro eo quod trádidit in mortem animam suam, et cum scelerátis reputátus est : et ipse peccáta multórum tulit, et pro transgressóribus rogávit.

Tractus. Ps. 101. Domine, exáudi orationem meam : et clamor meus ad te véniat.

Ÿ: Ne avertas faciem tuam à me : in quacúmque die tribulor, inclína ad me áurem tuam.

Ÿ. In quacúmque die invocávero te, velociter exáudi me.

Ÿ. Quia defecérunt sicut fumus dies mei : et ossa mea sicut in frixiório confríxa sunt.

Ÿ. Percussus sum sicut fœnum, et aruit cor meum: quia oblitus sum manducare panem meum.

Ÿ. Tu exurgens, Dómine, miseréberis Sion: quia venit tempus miserendi ejus.

Pássio Dómini nostri Jesu Christi
secúndum Lucam. *Luc. 22.*

IN illo témpore: Appropinquábat dies festus Azymórum, qui dicitur Pascha: et quærébant príncipes sacerdótum, et Scribæ, quómodo Jesum interficerent: timébant vero plebem. Intrávit autem Sátanas in Judam, qui cognominabátur Iscariótes, unum de duódecim. Et ábiit, et locútus est cum princípibus sacerdótum, et magistrátibus, quemádmódum illum tráderet eis. Et gavísi sunt, et pacti sunt pecúniam illi dare. Et spopóndit. Et quærébat opportunitátem ut tráderet illum sine turbis. Venit autem dies Azymórum, in qua necesse erat occídi Pascha. Et misit Petrum, et Joánnem, dicens: **✠** Eúntes paráte nobis Pascha, ut manducémus. *C.* At illi dixerunt: *S.* Ubi vis parémus? *C.* Et dixit ad eos: **✠** Ecce introeúntibus vobis in civitátem: occúrret vobis homo quidam ámphoram aquæ portans: sequimini eum in domum, in quam intrat, et dicétis patrifamílias domus: Dicit tibi Magíster: Ubi est diversórium, ubi Pascha cum discipulis meis mandúcem? Et ipse osténdet vobis cœnáculum magnum stratum, et ibi paráte. *C.* Eúntes autem invenérunt sicut dixit illis, et paravérunt Pascha. Et cum facta esset hora, discúbuit, et duódecim Apóstoli cum eo. Et ait illis: **✠** Desidério desiderávi hoc Pascha manducare vobíscum, ántequam pátiar. Dico enim vobis quia ex hoc non manducábo illud donec

impleátur in regno Dei. *C.* Et accépto cálice, grátias egit, et dixit: **✠** Accípite, et dividite inter vos. Dico enim vobis quod non bibam de generatióne vitis, donec regnum Dei véniat. *C.* Et accépto pane, grátias egit, et fregit, et dedit eis, dicens: **✠** Hoc est corpus meum, quod pro vobis datur: hoc fácite in meam cõmmemoriatiónem. *C.* Similiter et cálicem, postquam cœnávít, dicens: **✠** Hic est calix novum testaméntum in ságuine meo, qui pro vobis fundétur. Verúmtamen ecce manus tradéntis me mecum est in mensa. Et quidem Fílius hóminis, secúndum quod definitum est, vadit: verúmtamen væ hómini illi, per quem tradétur. *C.* Et ipsi cœpérunt quærere inter se, quis esset ex eis, qui hoc factúrus esset. Facta est autem et conténtio inter eos, quis eórum viderétur esse major. Dixit autem eis: **✠** Reges Géntium dominántur eórum: et qui potestátem habent super eos, benéfici vocántur. Vos autem non sic: sed qui major est in vobis, fiat sicut minor; et qui præcëssor est, sicut ministrátor. Nam quis major est, qui recúmbit, an qui ministrat? Nonne qui recúmbit? Ego autem in médio vestrúm sum, sicut qui ministrat: vos autem estis qui permansístis mecum in tentatióibus meis. Et ego dispóno vobis, sicut dispósuit mihi Pater meus regnum, ut edátis et bibátis super mensam meam in regno meo, et sedeátis super thronos judicántes duódecim tribus Israél. *C.* Ait autem Dóminus: **✠** Simon, Simon, ecce Sátanas expetívit vos, ut cribráret sicut tríticum: ego autem rogávi pro te, ut non deficiat fides tua: et tu aliquándo convérsus confirma fratres tuos. *C.* Qui dixit ei: *S.* Dómine, tecum parátus sum et in cárcerem, et in mortem ire. *C.* At

ille dixit : ✠ Dico tibi, Petre, non cantabit hodie gallus donec ter abneges nosse me. *C.* Et dixit eis : ✠ Quando misi vos sine sacco, et pera, et calceamentis, numquid aliquid defuit vobis ? *C.* At illi dixerunt : *S.* Nihil. *C.* Dixit ergo eis : ✠ Sed nunc qui habet saccum, tollat ; similiter et peram : et qui non habet, vendat tunicam suam, et emat gladium. Dico enim vobis, quoniam adhuc hoc quod scriptum est, oportet impleri in me : Et cum iniquis deputatus est. Etenim ea quæ sunt de me, finem habent. *C.* At illi dixerunt : *S.* Domine, ecce duo gladii hic. *C.* At ille dixit eis : ✠ Satis est. *C.* Et egressus, ibat secundum consuetudinem in montem Olivarum. Secuti sunt autem illum et discipuli. Et cum pervenisset ad locum, dixit illis : ✠ Orate, ne intratis in tentationem. *C.* Et ipse avulsus est ab eis quantum jactus est lapidis ; et positis genibus orabat, dicens : ✠ Pater, si vis, transfer calicem istum à me : verumtamen non mea voluntas, sed tua fiat. *C.* Apparuit autem illi Angelus de cælo confortans eum. Et factus in agonia, prolixius orabat. Et factus est sudor ejus, sicut guttæ sanguinis decurrentis in terram. Et cum surrexisset ab oratione, et venisset ad discipulos suos, invenit eos dormientes præ tristitia. Et ait illis : ✠ Quid dormitis ? Surge, orate, ne intratis in tentationem. *C.* Adhuc eo loquente, ecce turba ; et qui vocabatur Judas, unus de duodecim, antecedebat eos : et appropinquavit Jesu, ut oscularetur eum. Jesus autem dixit illi : ✠ Juda, osculo Filium hominis tradis ? *C.* Videntes autem hi qui circa ipsum erant, quod futurum erat, dixerunt ei : *S.* Domine, si percútimus in gladio ? *C.*

Et percussit unum ex illis servum principis sacerdotum, et amputavit auriculam ejus dexteram. Respondens autem Jesus, ait : ✠ Sinite usque huc. *C.* Et cum tetigisset auriculam ejus, sanavit eum. Dixit autem Jesus ad eos qui venerant ad se, principes sacerdotum, et magistratus templi, et seniores : ✠ Quasi ad latronem existis cum gladiis et fustibus ? Cum quotidie vobiscum fuerim in templo, non extendistis manus in me : sed hæc est hora vestra, et potestas tenebrarum. *C.* Comprehendentes autem eum, duxerunt ad domum principis sacerdotum : Petrus vero sequebatur à longè. Accenso autem igne in medio atrii, et circumsedentibus illis, erat Petrus in medio eorum. Quem cum vidisset ancilla quædam sedentem ad lumen, et eum fuisset intuita, dixit : *S.* Et hic cum illo erat. *C.* At ille negavit eum, dicens : *S.* Mulier, non novi illum. *C.* Et post pusillum alius videns eum, dixit : *S.* Et tu de illis es. *C.* Petrus vero ait : *S.* O homo, non sum. *C.* Et intervállo facto quasi horæ unius, alius quidam affirmabat, dicens : *S.* Verè et hic cum illo erat : nam et Galilæus est. *C.* Et ait Petrus : *S.* Homo, nescio quid dicis. *C.* Et continuò adhuc illo loquente cantavit gallus. Et conversus Dominus respexit Petrum. Et recordatus est Petrus verbi Domini, sicut dixerat : Quia priusquam gallus cantet, ter me negabis. Et egressus foras Petrus flevit amare. Et viri qui tenebant illum, illudabant ei, cadentes. Et velaverunt eum, et percutiebant faciem ejus : et interrogabant eum, dicentes : *S.* Prophetiza, quis est qui te percussit ? *C.* Et alia multa blasphemantes dicebant in eum. Et ut factus est dies, convenérunt seniores plebis, et principes sacer-

dórum, et Scribæ, et duxerunt illum in concilium suum, dicentes: *S.* Si tu es Christus, dic nobis. *C.* Et ait illis: ✠ Si vobis dixerò, non credetis mihi: si autem et interrogávero, non respondébitis mihi, neque dimittétis. Ex hoc autem erit Filius hóminis sedens à dextris virtútis Dei. *C.* Dixérunt autem omnes: *S.* Tu ergo es Filius Dei? *C.* Qui ait: ✠ Vos dicitis, quia ego sum. *C.* At illi dixérunt: *S.* Quid adhuc desiderámus testimónium? ipsi enim audívimus de ore ejus. *C.* Et surgens omnis multitúdo eórum, duxérunt illum ad Pilátum. Cœperunt autem illum accusáre, dicentes: *S.* Hunc invénimus subverténtem gentem nostram, et prohibéntem tribúta dare Cæsari, et dicéntem se Christum Regem esse. *C.* Pilátus autem interrogávit eum, dicens: *S.* Tu es Rex Judæórum? *C.* At ille respóndens, ait: ✠ Tu dicis. *C.* Ait autem Pilátus ad príncipes sacerdotum, et turbas: *S.* Nihil invénio causæ in hoc hómine. *C.* At illi invalescébant, dicentes: *S.* Cómmoveat pópulum docens per univérsam Judæam, incípiens à Galilæa usque huc. *C.* Pilátus autem áudiens Galilæam, interrogávit si homo Galilæus esset. Et ut cognóvit quod de Heródis potestáte esset, remisit eum ad Heródem, qui et ipse Jerosólymis erat illis diébus. Heródes autem, viso Jesu, gavísus est valdè. Erat enim cúpiens ex multo témpore vidére eum, eo quod audíerat multa de eo, et sperábat signum áliquod vidére ab eo fieri. Interrogábat autem eum multis sermónibus. At ipse nihil illi respondébat. Stabant autem príncipes sacerdotum, et Scribæ constánter accusántes eum. Sprevit autem illum Heródes cum exercitu suo; et illúsit indútum veste alba, et remisit ad Pilátum. Et

facti sunt amici Heródes et Pilátus in ipsa die: nam ántea inimici erant ad invicem. Pilátus autem, convocáti príncipibus sacerdotum, et magistrátibus, et plebe, dixit ad illos: *S.* Obtulistis mihi hunc hóminem quasi averténtem pópulum: et ecce ego coram vobis intérogans, nullam causam invénio in hómine isto ex his in quibus eum accusátis. Sed neque Heródes. Nam remisit vos ad illum, et ecce nihil dignum morte actum est ei. Emendátum ergo illum dimittam. *C.* Necesse autem habébat dimittere eis per diem festum, unum. Exclamávit autem simul univérsa turba, dicens: *S.* Tolle hunc, et dimitte nobis Barábbam. *C.* Qui erat propter seditiõnem quamdam factam in civitáte, et homicídium, missus in cárcerem. Iterum autem Pilátus locútus est ad eos, volens dimittere Jesum. At illi succlamábant, dicentes: *S.* Crucifige, crucifige eum. *C.* Ille autem tértio dixit ad illos: *S.* Quid enim mali fecit iste? Nulam causam mortis invénio in eo: corripiam ergo illum, et dimittam. *C.* At illi instábant vóciibus magnis postulántes ut crucifigerétur. Et invalescébant voces eórum. Et Pilátus adjudicávit fieri petitiõnem eórum. Dimisit autem illis eum qui propter homicídium et seditiõnem missus fúerat in cárcerem, quem petébant: Jesum vero trádidit voluntáti eórum. Et cum dúcerent eum, apprehendérunt Simónem quemdam Cyrenénsem, veniéntem de villa: et imposuérunt illi crucem portáre post Jesum. Sequebátur autem illum multa turba pópuli, et mulierum; quæ plangebant, et lamentabántur eum. Convérsus autem ad illas Jesus, dixit: ✠ Filiæ Jerúsalem, nolite flere super me, sed super vos ipsas flete, et super filios vestros. Quóniam

ecce venient dies, in quibus dicent : Beatæ stériles, et ventres qui non genuerunt, et úbera quæ non lactaverunt. Tunc incipient dicere montibus : Cádite super nos ; et collibus : Operíte nos. Quia si in víridi ligno hæc faciunt, in árido quid fiet ? C. Ducebántur autem et álíi duo nequam cum eo, ut interficeréntur. Et postquam venérunt in locum, qui vocátur Calváriæ, ibi crucifixerunt eum : et latrónes, unum à dextris, et álterum à sinistris. Jesus autem dicébat : ✠ Pater, dímítte illis : non enim sciunt quid faciunt. C. Dividentes vero vestiménta ejus, miserunt sortes. Et stabat pópulus spectans, et deridebant eum príncipes cum eis, dicentes : S. Alios salvos fecit : se salvum faciat, si hic est Christus Dei eléctus. C. Illudébant autem ei milites accedéntes, et acétum offeréntes ei, et dicentes : S. Si tu es Rex Judæórum, salvum te fac. C. Erat autem et superscriptio scripta super eum litteris Græcis, et Latínis, et Hebráicis : Hic est rex Judæórum. Unus autem de his, qui pendébant, latrónibus, blasphemábat eum, dicens : Si tu es Christus, salvum fac temetípsum, et nos. C. Respóndens autem alter increpábat eum, dicens : S. Neque tu times Deum, quod in eádem damnatione es ? Et nos quidem juste, nam digna factis recipimus : hic vero nihil mali gessit. C. Et dicébat ad Jesum : S. Dómine, memento meí, cum véneris in regnum tuum. C. Et dixit illi Jesus : ✠ Amen dico tibi : Hódie mecum eris in Paradiso. C. Erat autem ferè hora sexta, et ténebræ factæ sunt in univérsam terram usque in horam nonam, et obscurátus est sol : et velum templi scissum est médium. Et clamans voce magna Jesus, ait : ✠ Pater, in manus tuas

comméndo spíritum meum. C. Et hæc dicens, expirávit. (*Hic genu flectitur, et pausatur aliquantulum.*) Videns autem Centúrio quod factum fúerat, glorificávit Deum, dicens : S. Verè hic homo justus erat. C. Et omnis turba eórum, qui simul áderant ad spectáculum istud, et vidébant quæ fiébant, percutiéntes pectora sua revertebántur. Stabant autem omnes noti ejus à longè, et mulieres quæ secútæ eum erant à Galilæa, hæc vidéntes.

Quod sequitur, legitur in tono Evangelii ; et alia fiunt, ut supra, in Dominica.

ET ecce vir, nómine Joseph, qui erat decúrio, vir bonus et justus : hic non consenserat consílio et áctibus eórum, ab Arimathæa civitaté Judææ : qui expectábat et ipse regnum Dei. Hic accéssit ad Pilátum, et pétiit corpus Jesu : et depósitum invólvit síndone, et pósuit eum in monuménto exciso, in quo nondum quisquam pósitus fúerat.

Offertorium. Ps. 101. Dómine, exáudi orationem meam, et clamor meus ad te perveniat : ne avértas faciem tuam à me.

Secreta.

SUSCIPE, quæsumus, Dómine, munus oblátum, et dignánte operáre : ut quod passionis Filii tui Dómini nostri mystério gérimus, piis affectibus consequámur. Per eúmdem Dóminum, etc.

Deinde vel Prótege nos, vel Oblátis, quæsumus, fol. 110.

Communio. Ibid. Potum meum cum fletu temperábam, quia elevans allisisti me : et ego sicut fœnum árui : tu autem, Dómine, in

æternum p rmanes : tu ex rgens miser beris Sion, quia venit t mpus miser ndi ejus.

Postcommunio.

LARGIRE s nsibus nostris, omn potens Deus, ut per temporalem Filii tui mortem, quam mysteria veneranda testantur, vitam te nobis ded sse perpetuam confidamus. Per e mdem, etc.

Postea vel Qu sumus, D mine, vel H c nos, qu sumus, fol. 111.

Super populum. Or mus. Humili te c pita vestra Deo.

Oratio.

RESPICE, qu sumus, D mine, super hanc familiam tuam, pro qua D minus noster Jesus Christus non dubit vit m nibus tradi noc ntium, et crucis subire tormentum. Qui tecum, etc.

FERIA QUINTA IN C ENA DOMINI.

Statio ad Sanctum Joannem in Laterano.

Introitus. Galat. 6.

NOS autem glori ri op rtet in cruce D mini nostri Jesu Christi, in quo est salus, vita, et resurrectio nostra ; per quem salv ti, et liber ti sumus.

Ps. 66. Deus misere tur nostr , et benedicat nobis : ill minet vultum suum super nos, et misere tur nostr . Nos autem glori ri op rtet, etc.

Dicitur Gl ria in exc lsis, et tunc pulsantur campan , et deinceps non amplius, usque ad Sabbatum sanctum.

Oratio.

DEUS,   quo et Judas re tus sui p nam, et confessionis su  latro pr mium sumpsit : concede nobis tu  propiti tionis effectum, ut sicut in pass one sua Jesus Christus D minus noster diversa utr sque intulit stip ndia merit rum, ita nobis, abl to vetust tis errore, resurrectionis su  gr tiam largi tur. Qui tecum, etc.

Et h c Oratio tantum dicitur.

L ctio Ep istol  be ti Pauli Ap toli ad Corinthios. 1 Cor. 11.

FRATRES, Conveni ntibus vobis in unum, jam non est Dominicam c enam manduc re. Unusquisque enim suam c enam pr sumit ad manduc ndum. Et  lius quidem  surit,  lius autem  brius est. Numquid domos non hab tis ad manduc ndum et bib ndum ? aut Ecclesiam Dei cont mnitis, et conf nditis eos qui non habent ? Quid dicam vobis ? Laudo vos ? in hoc non laudo. Ego enim acc pi   D mino, quod et tradidi vobis, qu niam D minus Jesus in qua nocte tradeb tur, acc pit panem, et gr tias agens fregit, et dixit : Acc pite, et manduc te : Hoc est corpus meum, quod pro vobis trad tur : hoc facite in meam commemorationem. Similiter et c licem, postquam c navit, dicens : Hic calix novum testam ntum est in meo s ngvine : hoc facite quotiesc mque bib tis, in meam commemorationem. Quotiesc mque enim manduc bitis panem hunc, et c licem bib tis, mortem D mini annunti bitis, donec v niat. Itaque quic mque manduc verit panem hunc, vel biberit c licem D mini indigne : reus erit c poris et s guinis D mini. Probet autem se psum homo : et sic de pane illo

edat, et de cálice bibat. Qui enim mandúcat et bibit indigne, iudícium sibi mandúcat et bibit, non dijudicans corpus Dómini. Ideo inter vos multi infirmi et imbecílles, et dórmunt multi. Quod si nosmet-ípsos dijudicáremus, non útique iudicáremur. Dum iudicámur autem, à Dómino corrípimur, ut non cum hoc mundo damnémur.

Graduale. Philip. 2. Christus factus est pro nobis obédiens usque ad mortem, mortem autem crucis.

Ÿ. Propter quod et Deus exaltávit illum, et dedit illi nomen, quod est super omne nomen.

Sequéntia sancti Evangélíi secúndum Joánnem. *Joann. 13.*

ANTE diem festum Paschæ, sciens Jesus quia venit hora ejus, ut tránseat ex hoc mundo ad Patrem: cum dilexísset suos, qui erant in mundo, in finem diléxit eos. Et cœna facta, cum diabolus jam misísset in cor, ut tráderet eum Judas Simónis Iscariótæ: sciens quia ómnia dedit ei Pater in manus, et quia à Deo exívit, et ad Deum vadit: surgit à cœna, et ponit vestiménta sua: et cum accepísset línteum, præcínxit se. Deinde mittit aquam in pelvim, et cœpit laváre pedes discipulórum, et extérgere línteo quo erat præcínctus. Venit ergo ad Simónem Petrum. Et dicit ei Petrus: Dómine, tu mihi lavas pedes? Respóndit Jesus, et dixit ei: Quod ego fácio, tu nescis modo: scies autem póstea. Dicit ei Petrus: Non lavábis mihi pedes in ætérnum. Respóndit ei Jesus: Si non lávero te, non habébis partem mecum. Dicit ei Simon Petrus: Dómine, non tantum pedes meos, sed et manus, et caput. Dicit ei Jesus: Qui lotus est, non indiget nisi ut pedes lavet, sed est

mundus totus. Et vos mundi estis, sed non omnes. Sciébat enim quisnam esset qui tráderet eum: proptérea dixit: Non estis mundi omnes. Postquam ergo lavit pedes eórum, et accépit vestiménta sua; cum recubísset íterum, dixit eis: Scitis, quid fécerim vobis? Vos vocátis me Magister, et Dómine: et bene dicitis; sum étenim. Si ergo ego lavi pedes vestros, Dóminus, et Magister; et vos debétis alter altérius laváre pedes. Exémplum enim dedi vobis, ut quemádmódum ego feci vobis, ita et vos faciátis.

Credo.

Offertorium. Ps. 117. Dêxtera Dómini fecit virtútem, dêxtera Dómini exaltávit me: non móriar, sed vivam, et narrábo ópera Dómini.

Secreta.

IPSE tibi, quæsumus, Dómine sancte, Pater omnípotens, ætérne Deus, sacrificium nostrum reddat accéptum, qui discíplulis suis in sui commemoratióne hoc fieri hodiérna traditióne monstrávit, Jesus Christus Fílius tuus Dóminus noster. Qui tecum vivit et regnat, etc.

Præfatio de Cruce.

Infra actionem.

COMMUNICANTES, et diem sacratíssimum celebrántes, quo Dóminus noster Jesus Christus pro nobis est tráditus: sed et memóriam venerántes in primis gloriósæ semper vírginis Mariæ, genitrícis ejúsdem Dei et Dómini nostri Jesu Christi; sed et beatórum Apostolórum, ac Mátyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thad-

dæi, Lini, Cleti, Cleméntis, Xysti, Cornélii, Cypriani, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis precibúsque concédas, ut in ómnibus protectionis tuæ muniámur auxílio. Per eúmdem Christum Dóminum nostrum. Amen.

Sequitur.

HANC igitur oblationem servitútis nostræ, sed et cunctæ familiæ tuæ, quam tibi offerimus ob diem in qua Dóminus noster Jesus Christus trádidit discipulis suis corpore et ságuinis sui mystéria celebránda ; quæsumus, Dómine, ut placátus accípias, diésque nostros in tua pace dispónas ; atque ab ætérna damnatione nos éripi, et in electórum tuórum júbeas grege numerári. Per eúmdem Christum Dóminum, etc. Amen.

QUAM oblationem tu, Deus, in ómnibus, quæsumus, benedictam, adscriptam, ratam, rationábilem, acceptabilémque fácere dignéris : ut nobis Corþus, et Sanctus fiat dilectíssimi Filii tui Dómini nostri Jesu Christi.

QUI pridie, quam pro nostra omniúmque salute paterétur, hoc est, hódie, accépit panem. *Et reliqua ut in Canone.*

Agnus Dei dicitur de more, sed pax non datur. Dicuntur tamen tres consuetæ Orationes ante Communio-

¶ Hodie Sacerdos consecrat duas Hostias, quarum unam sumit, alteram reservat pro die sequenti, in quo non conficitur Sacramentum. Reservat etiam aliquas particulas consecratas, si opus fuerit pro infirmis : Sanguinem vero totum sumit, et ante ablutio-

nem digitorum ponit Hostiam reservatam in alio Calice, quem Diaconus palla et patena cooperit, et desuper velum expandit, et in medio Altaris collocat. Deinde fit Communio, et completur Missa. Sacerdos autem genu flectit, quandocumque accedit, vel recedit à medio Altaris, vel transit ante Sacramentum in Calice reservatum : et cum dicere debet Dóminus vobíscum, non vertit se ad populum in medio Altaris, ne terga vertat Sacramento, sed à latere Evangelii : et in fine ibidem dat benedictionem, et non perficit circulum.

Communio. Joann. 13. Dóminus Jesus, postquam cœnavit cum discipulis suis, lavit pedes eórum, et ait illis : Scitis quid fécerim vobis ego Dóminus et Magíster ? Exemplum dedi vobis, ut et vos ita faciátis.

Postcommunio.

REFFECTI vitálibus aliméntis, quæsumus, Dómine Deus noster : ut quod témpore nostræ mortalitátis exéquimur, immortalitátis tuæ múnere consequámur. Per Dóminum, etc.

¶ Dicitur Ite, Missa est, et datur benedictio, et legitur Evangelium S. Joannis, in cujus initio Sacerdos non signat Altare, sed seipsum tantum.

¶ Hodie paretur locus aptus in aliqua Capella Ecclesiæ, vel Altari, et decenter, quoad fieri potest, ornetur cum velis, et luminibus, ubi Calix cum Hostia ut supra reservata repenatur. Finita autem Missa, accenduntur intortitia, et fit Processio more solito, alio tamen Subdiacono parato Crucem ferente. Celebrans indutus pluviali albo, stans ante Altare, imponit incensum in duobus thuribulis absque benedictione : deinde in medio genu flexus, cum altero incensat ter Sacramentum :

et accepto Calice cum Sacramento de manu Diaconi stantis, et cooperto extremitatibus veli, quo ejus humeri teguntur, procedit medius inter eundem Diaconum à dextris, et Subdiaconum à sinistris sub Baldachino, duobus Acolythis Sacramentum continuè incensantibus, usque ad locum præparatum, ubi pro crastino servandum est. Interea dum fit processio, cantatur Hymnus Pange, lingua, gloriósi Córporis mystérium. Cum autem ventum fuerit ad locum paratum, Diaconus genu flexus à Sacerdote stante accipit Calicem cum Sacramento, ponit illum primo super Altare, ubi à Sacerdote genu flexo incensatur, ut supra : deinde reponit in capsula.

Postea in Choro dicuntur Vesperæ sinu cantu. Et Sacerdos cum Ministris denudet Altaria, legendo Antiphonam :

Ps. 21. Divisérunt sibi vestiménta mea, et super vestem meam misérunt sortem.

Cum toto Psalmo, Deus, Deus meus, réspice in me.

¶ Post denudationem Altarium, hora competenti facto signo cum tabula, conveniunt Clerici ad faciendum Mandatum. Prælati, seu Superior, super amictu et alba induitur stola et pluviali violaceis, et in loco ad id deputato, ministrante Diacono (qui paratus cum Subdiacono, ut in Missa, paramentis albis, ei assistit), imponit incensum in thuribulo : deinde Diaconus librum Evangeliorum ante pectus tenens, genuflexus ante Superiorem, petit benedictionem : qua accepta, astantibus duobus Acolythis cum candelabris accensis, et Subdiacono librum tenente, signat librum, et incensat, et cantat, ut moris est, Evangelium Ante diem festum Paschæ, ut in Missa. Quo finito, Subdiaconus portat librum apertum osculandum

Superiori, et Diaconus eum de more incensat. Postea Superior exiit pluviali, et per Diaconum et Subdiaconum præcingitur linteo ; et sic præcinctus, assistantibus sibi eisdem Diacono et Subdiacono, accedit ad lotionem pedum, et per ordinem dispositis iis qui lavandi sunt, Clericis pelvim et aquam ministrantibus, Subdiacono singulorum pedem dextrum tenente, genu flectens singulis, illorum pedem lavat, extergit, et osculatur, Diacono præbente linteum ad abstergendum. Et interim hæc subscripta cantantur.

Antiphona. Joann. 13. Mandatum novum do vobis : ut diligátis invicem, sicut diléxi vos, dicit Dóminus.

Ps. 118. Beáti immaculáti in via, qui ámbulant in lege Dómini.

¶ Et repetitur immediate Antiphona : Mandatum novum. Et sic aliæ Antiphonæ, quæ habent Psalmos vel Versus, repetuntur. Et de quolibet Psalmo dicitur tantum primus Versus.

Antiphona. Joann. 13. Postquam surréxit Dóminus à cæna, misit aquam in pelvim, et cœpit lavare pedes discipulórum suórum : hoc exéplum reliquit eis.

Ps. 47. Magnus Dóminus, et laudábilis nimis : in civitáte Dei nostri, in monte sancto ejus. * Postquam surréxit, etc.

Antiphona. Joann. 13. Dóminus Jesus, postquam cænávit cum discipulis suis, lavit pedes eórum, et ait illis : Scitis quid fécerim vobis ego Dóminus et Magister ? Exéplum dedi vobis : ut et vos ita faciátis.

Ps. 84. Benedixísti, Dómine, terram tuam : avertisti captivitátem Jacob. * Dóminus Jesus, etc.

Antiphona. Joann. 13. Dómine, tu mihi lavas pedes ? Respóndit

Jesus, et dixit ei : Si non lávero tibi pedes, non habébis partem mecum.

Ÿ. Venit ergo ad Simónem Petrum, et dixit ei Petrus.

Antiphona. Dómine, tu mihi, etc.

Ÿ. Quod ego fácio, tu nescis modo : scies autem póstea.

Tertio repetitur Antiphona.

Dómine, tu mihi, etc.

Ÿ. Si ego Dóminus et Magíster vester lavi vobis pedes : quanto magis debétis alter altérius laváre pedes ?

Ps. 48. Audíte hæc, omnes Gentes : áuribus percípите, qui habitátis orbem. * Si ego Dóminus, etc.

Antiphona. Joann. 13. In hoc cognóscant omnes, quia discípuli mei estis, si dilectiónem habuéritis ad invicem.

Ÿ. Dixit Jesus discíplis suis : In hoc cognóscant, etc.

Antiphona. 1 Cor. 13. Máneant in vobis fides, spes, caritas, tria hæc : major autem horum est caritas.

Ÿ. Nunc autem manent fides, spes, caritas, tria hæc : major autem horum est caritas. * Máneant, etc.

Antiphona. Benedicta sit sancta Trínitas, atque indivisa Unitas : confitébimur ei, quia fecit nobíscum misericórdiam suam.

Ÿ. Benedicámus Patrem, et Fílium, cum sancto Spíritu.

Ps. 88. Quam dilécta tabernácula tua, Dómine virtútum ! concupíscit, et déficit ánima mea in átria Dómini. * Benedicta sit, etc.

Antiphona. 1 Joann. 2, 3, 4. Ubi caritas et amor, Deus ibi est.

Ÿ. Congregávit nos in unum Christi amor.

Ÿ. Exultémus, et in ipso jucundémur.

Ÿ. Timeámus, et amémus Deum vivum.

Ÿ. Et ex corde diligámus nos sincéro.

Et repetitur Antiphona. Ubi caritas, etc.

Ÿ. Simul ergo cum in unum congregámur.

Ÿ. Ne nos mente dividámur, caveámus.

Ÿ. Cessent júrgia maligna, cessent lites.

Ÿ. Et in médio nostri sit Christus Deus.

Et repetitur Antiphona. Ubi caritas, etc.

Ÿ. Simul quoque cum beátis videámus

Ÿ. Gloriánte vultum tuum, Christe Deus.

Ÿ. Gáudium quod est imménsus, atque probum.

Ÿ. Sæcula per infinita sæculórum. Amen.

¶ *Post lotionem, Superior, vel qui aliis abluit pedes, lavat manus, et abstergit alio linteo : deinde rediens ad locum, ubi prius fuerat, accipit pluviale, et stans capite detecto, dicit Pater noster, secreto.*

Ÿ. Et ne nos indúcas in tentatió-nem.

R. Sed libera nos à malo.

Ÿ. Tu mandásti mandáta tua Dómine.

R. Custodiri nimis.

Ÿ. Tu lavásti pedes discipulórum tuórum.

R. Opera mánuum tuárum ne despicias.

Ÿ. Dómine, exáudi oratió-nem meam.

R. Et clamor meus ad te véniat.

Ÿ. Dóminus vobíscum.

R. Et cum spíritu tuo.

Orémus.

Oratio.

ADESTO, Dómine, quæsumus, officio servitútis nostræ : et quia tu discipulis tuis pedes lavâre dignátus es, ne despicias ópera mánuum tuárum, quæ nobis retinenda mandásti : ut sicut hic nobis, et à nobis exterióra abluúntur inquina-ménta, sic à te ómnium nostrúm interióra lavéntur peccáta. Quod ipse præstâre dignéris, qui vivis et regnas Deus per ómnia sæcula sæculórum.

R. Amen.

FERIA SEXTA IN PARASCEVE.

Statio ad Sanctam Crucem in Jerusalem.

Finita Nona, Sacerdos et Ministri induti paramentis nigri coloris, sine luminaribus et incenso, procedunt ad Altare : et ante illud prostrati aliquandiu orant. Interim Acolythi unam tantum tobaleam extendunt super Altare. Sacerdos cum Ministris, facta oratione, ascendit ad Altare, et osculatur illud in medio : deinde Lector accedit ad legendum Prophetiam in loco ubi legitur Epistola, et incipit eam sine titulo : quam etiam Sacerdos legit submissa voce apud Altare in cornu Epistolæ.

Oseæ 6.

HÆC dicit Dóminus : In tribulatione sua mane consúrgent ad me. Veníte, et revertámur ad Dóminum ; quia ipse cepit, et sanábit nos : percútiet, et curábit nos. Vivificábit nos post duos dies ; in die tértia suscitábit nos, et vivémus in conspéctu ejus. Sciémus, sequemúrque, ut cognoscámus Dóminum : quasi dilúculum præparátus

est egréssus ejus, et véniet quasi imber nobis temporáneus et serotinus terræ. Quid fáciam tibi, Ephraim ? Quid fáciam tibi, Juda ? Misericórdia vestra quasi nubes matutina, et quasi ros mane pertránsiens. Propter hoc dolávi in Prophétis, et occidi eos in verbis oris mei : et iudicia tua quasi lux egrediéntur. Quia misericórdiam vólui, et non sacrificium : et sciéntiam Dei plus quam holocáusta.

Tractus. Habac. 3. Dómine, audívi auditum tuum, et tímui : considerávi ópera tua, et expávi.

Ÿ. In médio duórum animálium innotescéris : dum appropinquáverint anni, cognoscéris : dum advénerit tempus, ostendéris.

Ÿ. In eo dum conturbáta fúerit ánima mea : in ira misericórdiæ memór eris.

Ÿ. Deus à Líbano véniet, et Sanctus de monte umbróso, et condénso.

Ÿ. Opérui cœlos majéstas ejus : et laudis ejus plena est terra.

Finito Tractu, Sacerdos in cornu Epistolæ dicit Orémus. Diaconus, Flectámus gēna. Et Subdiaconus, Leváte.

Oratio.

DEUS, à quo et Judas reátus sui pœnam, et confessiónis suæ latro præmium sumpsit : concède nobis tuæ propitiatiónis effectum ; ut sicut in passióne sua Jesus Christus Dóminus noster diversa utrisque intulit stipéndia meritórum : ita nobis, abláto vetustátis erróre, resurrectionis suæ grátiam largiátur. Qui tecum, etc.

Subdiaconus in tono Epistolæ similiter sine titulo cantat sequentem Lectionem.

Exod. 12.

IN diébus illis : Dixit Dóminus ad Móysen et Aaron in terra Ægypti : Mensis iste, vobis principium ménsium : primus erit in ménsibus anni. Loquimini ad univérsam cœtum filiórum Israël, et dicite eis : Décima die mensis hujus tollat unusquisque agnum per familias et domos suas. Sin autem minor est númerus ut sufficere possit ad vescéndum agnum ; assúmet vicinum suum, qui junctus est dómui suæ, juxta númerum animárum, quæ sufficere possunt ad esum agni. Erit autem agnus absque mácula, másculus, annículus : juxta quem ritum tollétis et hædum. Et servábitis eum usque ad quartam décimam diem mensis hujus : immolabitque eum univérsa multitúdo filiórum Israël ad vésperam. Et sument de sáanguine ejus, ac ponent super utrúmque postem, et in superlimináribus domórum, in quibus cómedent illum. Et edent carnes nocte illa assas igni, et ázimos panes cum lactúcis agréstibus. Non comedétis ex eo crudum quid, nec coctum aqua, sed tantum assum igni : caput cum pèdibus ejus et intestínis vorábitis. Nec remanébit quidquam ex eo usque mane : si quid residuum fúerit, igne comburétis. Sic autem comedétis illum. Renes vestros accingétis, et calceaménta habébitis in pèdibus, tenentes báculos in mánibus, et comedétis festinánter : est enim Phase (id est tránsitus) Dómini.

Tractus. Ps. 139. Eripe me, Dómine, ab hómine malo : à viro iníquo libera me.

Ÿ. Qui cogitavérunt malítias in corde : tota die constituébant prælia.

Ÿ. Acuérunt linguas suas sicut

serpéntis : venénium áspidum sub lábijs eórum.

Ÿ. Custódi me, Dómine, de manu peccatóris ; et ab homínibus iníquis libera me.

Ÿ. Qui cogitavérunt supplantáre gressus meos : abscondérunt supérbi láqueum mihi.

Ÿ. Et funes extendérunt in láqueum pèdibus meis : juxta iter scándalum posuérunt mihi.

Ÿ. Dixi Dómino : Deus meus es tu : exáudi, Dómine, vocem oratiónis meæ.

Ÿ. Dómine, Dómine, virtus salútis meæ, obúmbra caput meum in die belli.

Ÿ. Ne tradas me à desidério meo peccatóri : cogitavérunt advérsus me : ne derelínquas me, ne unquam exalténtur.

Ÿ. Caput circúitus eórum : labor labiórum ipsórum opériet eos.

Ÿ. Verúmtamen justí confitebúntur nómini tuo : et habitábunt recti cum vultu tuo.

Finito Tractu, dicitur Passio super nudum pulpítum : quam Celebrans submissa voce legit in cornu Epístolæ.

Pássio Dómini nostri Jesu Christi secúndum Joánnem. *Joann. 18.*

IN illo témpore : Egréssus est Jesus cum discipulis suis trans torréntem Cedron, ubi erat hortus, in quem introívit ipse et discipuli ejus. Sciébat autem et Judas, qui tradébat eum, locum ; quia fréquenter Jesus convénérat illuc cum discipulis suis. Judas ergo, cum accepisset cohórtem, et à Pontíficibus, et à Pharisæis minístros, venit illuc cum latérnis, et fácibus, et armis. Jesus itaque, sciens ómnia quæ ventúra erant super eum, processit, et dixit eis : ✠ Quem quæritis ? C. Respondérunt ei : S.

Jesum Nazarénum. *C.* Dicit eis Jesus : ✠ Ego sum. *C.* Stabat autem et Judas, qui tradébat eum, cum ipsis. Ut ergo dixit eis, Ego sum; abiérunt retrórsus, et cecidérunt in terram. Iterum ergo interrogávit eos : ✠ Quem quæritis? *C.* Illi autem dixerunt : *S.* Jesum Nazarénum. *C.* Respondit Jesus : ✠ Dixi vobis quia ego sum. Si ergo me quæritis, sínite hos abíre. *C.* Ut implerétur sermo quem dixit, Quia quos dedísti mihi, non pérdidi ex eis quemquam. Simon ergo Petrus habens gládium, edúxit eum, et percússit Pontíficis servum, et abscídit aurículam ejus dexteram. Erat autem nomen servo Malchus. Dixit ergo Jesus Petro : ✠ Mitte gládium tuum in vaginam. Cálicem quem dedit mihi Pater, non bibam illum? *C.* Cohors ergo, et tribúnus, et ministri Judæórum comprehendérunt Jesum, et ligavérunt eum; et adduxérunt eum ad Annam primum : erat enim socer Cáiphæ, qui erat Póntifex anni illius. Erat autem Cáiphas qui consílium déderat Judæis, Quia expedit unum hóminem mori pro pópulo. Sequebátur autem Jesum Simon Petrus, et álius discípulus. Discípulus autem ille erat notus Pontífici, et introívit cum Jesu in átrium Pontíficis. Petrus autem stabat ad óstium foris. Exívit ergo discípulus álius, qui erat notus Pontífici, et dixit ostiáriæ, et introdúxit Petrum. Dicit ergo Petro ancílla ostiária : *S.* Numquid et tu ex discípulis es hóminis istíus? *C.* Dicit ille : *S.* Non sum. *C.* Stabant autem servi et ministri ad prunas, quia frigus erat, et calefaciébant se; erat autem cum eis et Petrus stans, et calefaciens se. Póntifex ergo interrogávit Jesum de discípulis suis et de doctrína ejus. Respondit ei Jesus : ✠ Ego palam

locútus sum mundo; ego semper dócui in synagóga et in templo, quò omnes Judæi convéniunt : et in occúlto locútus sum nihil. Quid me intérogas? Intéroga eos qui audiérunt quid locútus sim ipsis : ecce hi sciunt quæ dixerim ego. *C.* Hæc autem cum dixisset, unus assistens ministrórum, dedit álapam Jesu, dicens : *S.* Sic respóndes Pontífici? *C.* Respondit ei Jesus : ✠ Si male locútus sum, testimoni-um pérhibe de malo; si autem bene, quid me cædis? *C.* Et misit eum Annas ligátum ad Cáipham Pontíficem. Erat autem Simon Petrus stans et calefaciens se. Dixerunt ergo ei : *S.* Numquid et tu ex discí-
pulis ejus es? *C.* Negávit ille, et dixit : *S.* Non sum. *C.* Dicit ei unus ex servis Pontíficis, cognátus ejus cujus abscídit Petrus aurícu-
lam : *S.* Nonne ego te vidi in horto cum illo? *C.* Iterum ergo negávit Petrus, et statim gallus cantávit. Addúcunt ergo Jesum à Cáipha in prætórium. Erat autem mane : et ipsi non introiérunt in prætórium, ut non contaminaréntur, sed ut manducárent Pascha. Exívit ergo Pilátus ad eos foras, et dixit : *S.* Quam accusatiónem affértis advér-
sus hóminem hunc? *C.* Respon-
dérunt, et dixerunt ei : *S.* Si non esset hic malefáctor, non tibi tradi-
dissemus eum. *C.* Dixit ergo eis Pilátus : *S.* Accípite eum vos, et secúndum legem vestram judicáte eum. *C.* Dixerunt ergo ei Judæi : *S.* Nobis non licet interficere quem-
quam. *C.* Ut sermo Jesu impleré-
tur, quem dixit, significans qua
morte esset moritúrus. Introívit
ergo íterum in prætórium Pilátus, et
vocávit Jesum, et dixit ei : *S.* Tu
es Rex Judæórum? *C.* Respondit
Jesus : ✠ A temetípso hoc dicis, an
álii dixerunt tibi de me? *C.* Res-
póndit Pilátus : *S.* Numquid ego

Judæus sum? Gens tua et Pontifices tradiderunt te mihi: quid fecisti? *C.* Respondit Jesus: ✠ Regnum meum non est de hoc mundo. Si ex hoc mundo esset regnum meum, ministri mei utique decertarent ut non traderer Judæis: nunc autem regnum meum non est hinc. *C.* Dixit itaque ei Pilatus: *S.* Ergo Rex es tu? *C.* Respondit Jesus: ✠ Tu dicis, quia Rex sum ego. Ego in hoc natus sum, et ad hoc veni in mundum, ut testimonium perhibeam veritati: omnis qui est ex veritate, audit vocem meam. *C.* Dicit ei Pilatus: *S.* Quid est veritas? *C.* Et, cum hoc dixisset, iterum exiit ad Judæos, et dixit eis: *S.* Ego nullam invenio in eo causam. Est autem consuetudo vobis ut unum dimittam vobis in Pascha: vultis ergo dimittam vobis Regem Judæorum? *C.* Clamaverunt ergo rursum omnes, dicentes: *S.* Non hunc, sed Barabbam. *C.* Erat autem Barabbas latro. Tunc ergo apprehendit Pilatus Jesum, et flagellavit. Et milites plectentes coronam de spinis, imposuerunt capiti ejus, et veste purpurea circumdederunt eum. Et veniebant ad eum, et dicebant: *S.* Ave, Rex Judæorum. *C.* Et dabant ei alapas. Exiit ergo iterum Pilatus foras, et dicit eis: *S.* Ecce adduco vobis eum foras, ut cognoscatis quia nullam invenio in eo causam. *C.* (Exiit ergo Jesus portans coronam spineam et purpureum vestimentum.) Et dicit eis: *S.* Ecce homo. *C.* Cum ergo vidissent eum Pontifices et ministri, clamabant, dicentes: *S.* Crucifige, crucifige eum. *C.* Dicit eis Pilatus: *S.* Accipite eum vos, et crucifigite: ego enim non invenio in eo causam. *C.* Respondérunt ei Judæi: *S.* Nos legem habemus, et secundum legem debet mori, quia Filium Dei se fecit.

C. Cum ergo audisset Pilatus hunc sermonem, magis timuit. Et ingressus est prætorium iterum, et dixit ad Jesum: *S.* Unde es tu? *C.* Jesus autem responsum non dedit ei. Dicit ergo ei Pilatus: *S.* Mihi non loqueris? Nescis quia potestatem habeo crucifigere te, et potestatem habeo dimittere te? *C.* Respondit Jesus: ✠ Non haberes potestatem adversum me ullam, nisi tibi datum esset desuper. Propterea qui me tradidit tibi, majus peccatum habet. *C.* Et exinde querebat Pilatus dimittere eum. Judæi autem clamabant, dicentes: *S.* Si hunc dimittis, non es amicus Cæsaris: omnis enim qui se regem facit, contradicit Cæsari. *C.* Pilatus autem, cum audisset hos sermones, adduxit foras Jesum, et sedit pro tribunali in loco qui dicitur Lithóstrotos, Hebræice autem Gábbatha. Erat autem Parasceve Paschæ, hora quasi sexta, et dicit Judæis: *S.* Ecce Rex vester. *C.* Illi autem clamabant: *S.* Tolle, tolle, crucifige eum. *C.* Dixit eis Pilatus: *S.* Regem vestrum crucifigam? *C.* Respondérunt Pontifices: *S.* Non habemus regem, nisi Cæsarem. *C.* Tunc ergo tradidit eis illum ut crucifigeretur. Susceperunt autem Jesum, et eduxerunt. Et, bajulans sibi crucem, exiit in eum, qui dicitur Calvariæ, locum, Hebræice autem Gólgotha: ubi crucifixerunt eum, et cum eo alios duos, hinc et hinc, medium autem Jesum. Scripsit autem et titulum Pilatus, et posuit super crucem. Erat autem scriptum: Jesus Nazarenus Rex Judæorum. Hunc ergo titulum multi Judæorum legérunt, quia propè civitatem erat locus ubi crucifixus est Jesus. Et erat scriptum Hebræice, Græce et Latine. Dicebant ergo Pilato Pontifices Judæorum: *S.* Noli scribere, Rex Judæo-

rum; sed, Quia ipse dixit, Rex sum Judæorum. *C.* Respondit Pilátus: *S.* Quod scripsi, scripsi. *C.* Milites ergo, cum crucifixissent eum, acceperunt vestimenta ejus (et fecerunt quatuor partes, unicuique militi partem) et tunicam. Erat autem tunica inconsutilis, desuper contexta per totum. Dixerunt ergo ad invicem: *S.* Non scindamus eam, sed sortiámur de illa cujus sit. *C.* Ut Scriptúra implerétur, dicens: Partiti sunt vestimenta mea sibi, et in vestem meam miserunt sortem. Et milites quidem hæc fecerunt. Stabant autem juxta crucem Jesu Mater ejus, et soror Matris ejus María Cléophæ, et María Magdalène. Cum vidisset ergo Jesus Matrem, et discipulum stantem quem diligébat, dicit Matri suæ: ✠ Múlier, ecce filius tuus. *C.* Deinde dicit discipulo: ✠ Ecce mater tua. *C.* Et ex illa hora accépit eam discipulus in sua. Póstea sciens Jesus quia ómnia consummata sunt, ut consummarétur Scriptúra, dixit: ✠ Sitio. *C.* Vas ergo erat pósitum acéto plenum. Illi autem spóngiam plenam acéto, hyssópo circumponéntes, obtulerunt ori ejus. Cum ergo accepisset Jesus acétum, dixit: ✠ Consummátum est. *C.* Et inclináto cápite trádidit spiritum. (*Hic genu flectitur, et pausatur aliquantulum.*) Judæi ergo (quoniam Parascève erat) ut non remanérunt in cruce córpora Sábbato (erat enim magnus dies ille Sábbati), rogavérunt Pilátum ut frangeréntur eórum crura, et tolleréntur. Venérunt ergo milites, et primi quidem fregérunt crura, et altérius qui crucifixus est cum eo. Ad Jesum autem cum venissent, ut vidérunt eum jam mórtuum, non fregérunt ejus crura: sed unus militum lancea latus ejus aperuit, et continuò exivit sanguis et aqua.

U

Et qui vidit, testimónium perhibuit, et verum est testimónium ejus. Et ille scit quia vera dicit, ut et vos credátis. Facta sunt enim hæc, ut Scriptúra implerétur: Os non minuétis ex eo. Et iterum ália Scriptúra dicit: Vidébunt in quem transfixérunt.

Quod sequitur, legitur in tono Evangelii; et dicitur Munda cor meum, sed non petitur benedictio, et non deferuntur luminaria, neque incensum, et Celebrans in fine non osculatur librum.

POST hæc autem rogávit Pilátum Joseph ab Arimathæa (eo quod esset discipulus Jesu, occúltus autem propter metum Judæorum) ut tólleret corpus Jesu: et permisit Pilátus. Venit ergo, et tulit corpus Jesu. Venit autem et Nicodémus, qui vénerat ad Jesum nocte primum, ferens mixtúram myrrhæ et áloes, quasi libras centum. Acceperunt ergo corpus Jesu, et ligavérunt illud línteis cum aromátibus, sicut mos est Judæis sepelíre. Erat autem in loco ubi crucifixus est, hortus, et in horto monuméntum novum, in quo nondum quisquam pósitus erat. Ibi ergo, propter Parascéven Judæorum, quia juxta erat monuméntum, posuérunt Jesum.

Deinde Sacerdos stans in cornu Epistolæ, incipit absolutè junctis manibus:

Orémus, dilectíssimi nobis, pro Ecclésia sancta Dei; ut eam Deus et Dóminus noster, pacificáre, adunáre, et custodíre dignétur toto orbe terrárum: subjiciens ei principátus, et potestátes: detque nobis quiétam et tranquillam vitam degéntibus,

glorificáre Deum Patrem omnipoténtem.

Orémus.

Diaconus. *℣.* Flectámus génua.

Subdiaconus. *℞.* Leváte.

Oratio cantatur in tono feriali Orationis Missæ, extensis manibus. Et hic modus servatur in subsequentibus.

OMNIPOTENS sempitérne Deus, qui glóriam tuam ómnibus in Christo géntibus revelásti : custódi ópera misericórdiæ tuæ ; ut Ecclesiá tua toto orbe diffúsa, stábili fide in confessióne tui Nóminis perseveret. Per eúndem, etc.

℞. Amen.

OREMUS et pro beatíssimo Papa nostro *N.*, ut Deus et Dóminus noster, qui elégit eum in órdine Episcopátus, salvum, atque incólumem custódiat Ecclesiæ suæ sanctæ, ad regéndum pópulum sanctum Dei.

Orémus. Flectámus génua.

℞. Leváte.

OMNIPOTENS sempitérne Deus, cujus iudicio univérsa fundántur : réspice propítius ad preces nostras, et eléctum nobis Antístitem tua pietáte consérva ; ut Christiána plebs, quæ te gubernátur auctóre, sub tanto Pontífice, credulitátis suæ méritis augeátur. Per Dóminum, etc.

℞. Amen.

OREMUS et pro ómnibus Episcopis, Presbyteris, Diacónibus, Subdiacónibus, Acólythis, Exorcístis, Lectoribus, Ostiáriis, Confessoribus, Virgínibus, Víduis, et pro omni pópulo sancto Dei.

Orémus. Flectámus génua.

℞. Leváte.

OMNIPOTENS sempitérne Deus, cujus Spíritu totum cor-

pus Ecclesiæ sanctificátur et régitur : exáudi nos pro univérsis ordinibus supplicántes ; ut grátia tuæ múnere, ab ómnibus tibi grádibus fidéliter serviátur. Per, etc.

℞. Amen.

¶ Si non est coronatus, dicatur, Elécto Imperatóre (Rege).

OREMUS et pro Christianíssimo Imperatóre (Rege) nostro *N.*, ut Deus et Dóminus noster súbditas illi fáciat omnes bárbaras natiónes, ad nostram perpétuam pacem.

Orémus. Flectámus génua.

℞. Leváte.

OMNIPOTENS sempitérne Deus, in cujus manu sunt ómnium potestátes, et ómnium jura regnórum : réspice ad Románum benígnus Impérium, ut gentes, quæ in sua feritáte confidunt, poténtiæ tuæ dextera comprimántur. Per Dóminum nostrum, etc.

℞. Amen.

OREMUS et pro catechúmenis nostris : ut Deus et Dóminus noster adapériat aures præcordiórum ipsórum, januámque misericórdiæ : ut per lavácrum regeneratiónis accépta remissióne ómnium peccatórum, et ipsi inveniántur in Christo Jesu Dómino nostro.

Orémus. Flectámus génua.

℞. Leváte.

OMNIPOTENS sempitérne Deus, qui Ecclesiám tuam nova semper prole fœcúndas : auge fidem et intelléctum catechúmenis nostris : ut renáti fonte baptísmatis, adoptiÓnis tuæ filiis aggregéntur. Per Dóminum nostrum, etc.

℞. Amen.

OREMUS, dilectíssimi nobis, Deum Patrem omnipoténtem,

ut cunctis mundum purget erróribus; morbos áuferat; famem depéllat; apériat cárceres; víncula dissólvat; peregrinántibus réditum, infirmántibus sanitátem, navigántibus portum salútis indúlgeat.

Orémus. Flectámus génua.

R. Leváte.

OMNIPOTENS sempitérne Deus, mœstórum consolátio et laborántium fortitúdo: pervéniant ad te preces de quacúmque tribulatióne clamántium: ut omnes sibi in necessitatibus suis misericórdiam tuam gaudeant adfuisse. Per Dóminum, etc.

R. Amen.

OREMUS et pro hæréticis, et schismáticis: ut Deus et Dóminus noster éruat eos ab erróribus univérsis, et ad sanctam matrem Ecclésiám Cathólicam atque Apostólicam revocáre dignétur.

Orémus. Flectámus génua.

R. Leváte.

OMNIPOTENS sempitérne Deus, qui salvos omnes, et néminem vis perire: respice ad ánimas diabólica fraude decéptas: ut omni hærética pravitáte depósita, errántium corda resipiscant, et ad veritátis tuæ rédeant unitátem. Per Dóminum, etc.

R. Amen.

OREMUS et pro pérfidis Judæis: ut Deus et Dóminus noster áuferat velámen de córdibus eórum: ut et ipsi agnóscant Jesum Christum Dóminum nostrum.

Non respondetur Amen, sed statim dicitur:

OMNIPOTENS sempitérne Deus; qui étiam Judáicam per-

fídiam à tua misericórdia non repéllis: exáudi preces nostras, quas pro illius pópuli obcæcacióné deférimus: ut ágnita veritátis tuæ luce, quæ Christus est, à suis ténebris eruántur. Per eúmdem Dóminum, etc.

R. Amen.

OREMUS et pro Pagánis: ut Deus omnípotens áuferat iniquitátem à córdibus eórum: ut relictis idólis suis, convertántur ad Deum vivum et verum, et únicum Filium ejus Jesum Christum Deum et Dóminum nostrum.

Orémus. Flectámus génua.

R. Leváte.

OMNIPOTENS sempitérne Deus, qui non mortem peccatórum, sed vitam semper inquís: súscipe propítius oratióem nostram; et libera eos ab idolórum cultúra, et ágrega Ecclésiæ tuæ sanctæ, ad láudem et glóriam nóminis tui. Per Dóminum, etc.

R. Amen.

¶ *Completis Orationibus, Sacerdos, deposita casula, accedit ad cornu Epistolæ, et ibi in posteriori parte anguli Altaris accipit à Diacono Crucem jam in Altari præparatam: quam versa facie ad populum, à summitate parum discooperit, incipiens solus Antiphonam Ecce lignum Crucis, ac deinceps in reliquis juvatur in cantu à Ministris usque ad Veníte, adorémus. Choro autem cantante Veníte, adorémus, omnes se prosternunt, excepto Celebrante. Deinde procedit ad anteriorem partem anguli ejusdem cornu Epistolæ; et discooperiens brachium dextrum Crucis, et caput figuræ Crucifixi, elevans eam paulisper, altius quam primo incipit, Ecce lignum Crucis, aliis cantantibus, et adorantibus, ut supra. Deinde Sacerdos*

*procedit ad medium Altaris, et disco-
operiens Crucem totaliter, ac elevans
eam, tertio altius incipit: Ecce lig-
num Crucis, aliis cantantibus, et ado-
rantibus, ut supra.*

*Ecce lignum Crucis, in quo salus
mundi pepéndit.*

Chorus R. Veníte, adorémus.

*Postea Sacerdos solus portat Cru-
cem ad locum ante Altare præparatum,
et genu flexus ibidem eam locat: mox
depositis calceamentis, accedit ad ado-
randam Crucem, ter genua flectens,
antequam eam deosculetur. Hoc
facto revertitur, et accipit calceamenta
et casulam. Postmodum Ministri
Altaris, deinde alii Clerici, et Laici,
bini et bini, ter genibus flexis, ut dic-
tum est, Crucem adorant. Interim
dum fit adoratio Crucis, cantantur
improperia, et alia quæ sequuntur, vel
omnia, vel pars eorum, prout multitu-
do adorantium, vel paucitas requirit,
hoc modo.*

*Duo cantores in medio Chori can-
tant: V. Pópule meus, usque ad
Agios o Theos.*

*V. Pópule meus, quid feci tibi?
aut in quo contristávi te? respónde
mihi.*

*V. Quia edúxi te de terra Ægyp-
ti: parásti crucem Salvatóri tuo.*

*Unus Chorus cantat: Agios o
Theos.*

*Alius Chorus respondet: Sanctus
Deus.*

Primus Chorus: Agios ischyros.

Secundus Chorus: Sanctus fortis.

*Primus Chorus: Agios athánatos
eléison imas.*

*Secundus Chorus: Sanctus im-
mortális, miserére nobis.*

*Postea duo de secundo Choro can-
tant:*

*V. Quia edúxi te per desértum
quadragínta annis, et manna cibávi
te, et introdúxi te in terram satis
bonam; parásti crucem Salvatóri
tuo.*

*Chori respondent alternatim: Agios
o Theos, etc. Sanctus Deus, etc.,
ita tamen ut primus Chorus semper
repetat Agios.*

*Deinde duo de primo Choro can-
tant:*

*V. Quid ultra débui fácere tibi,
et non feci? Ego quidem plantávi
te vineam meam speciosíssimam: et
tu facta es mihi nimis amára: acéto
namque sitim meam potásti; et
lancea perforásti latus Salvatóri tuo.*

*Item Chori alternatim respondent:
Agios o Theos, etc.: Sanctus Deus,
etc.*

*¶ Versus sequentis Improperii à
duobus cantoribus alternatim cantan-
tur, utroque Choro simul repetente post
quemlibet versum, Pópule meus, us-
que ad Quia edúxi te de terra
Ægypti.*

Duo de secundo Choro:

*V. Ego propter te flagellávi
Ægyptum cum primogénitis suis:
et tu me flagellátum tradidisti.*

Chorus repetit: Pópule meus, etc.

Duo de primo Choro:

*V. Ego edúxi te de Ægypto,
demérso Pharaóne in mare rubrum:
et tu me tradidisti princípibus sacer-
dótum.*

Chorus. Pópule meus, etc.

Duo de secundo Choro:

*V. Ego ante te apérui mare: et
tu aperuísti lancea latus meum.*

Chorus. Pópule meus, etc.

Duo de primo Choro:

V. Ego ante te præivi in colúm-

na nubis : et tu me duxisti ad prætorium Pilati.

Chorus. Pópule meus, etc.

Duo de secundo Choro :

Ÿ. Ego te pavi manna per désertum : et tu me cæcidisti álapis et flagéllis.

Chorus. Pópule meus, etc.

Duo de primo Choro :

Ÿ. Ego te potávi aqua salútis de petra : et tu me potásti felle et acéto.

Chorus. Pópule meus, etc.

Duo de secundo Choro :

Ÿ. Ego propter te Chananæorum reges percússi : et tu percussisti arúndine caput meum.

Chorus. Pópule meus, etc.

Duo de primo Choro :

Ÿ. Ego dedi tibi sceptrum regále : et tu dedisti cápiti meo spineam coronam.

Chorus. Pópule meus, etc.

Duo de secundo Choro :

Ÿ. Ego te exaltávi magna virtúte : et tu me suspendisti in patibulo crucis.

Chorus. Pópule meus, etc.

Deinde cantatur communiter Antiphona :

Crucem tuam adorámus, Dómine : et sanctam resurrectionem tuam laudámus, et glorificámus : ecce enim propter lignum venit gáudium in univérso mundo.

Ps. 66. Deus misereátur nostri, et benedicat nobis : illúminet vul-tum suum super nos, et misereátur nostri.

Et repetitur immediatè Antiphona Crucem tuam.

Postea cantatur :

Ÿ. Crux fidélis, etc., *cum Hymno* Pange, lingua, gloriósi, etc., *et post*

quemlibet ejus versum, repetitur : Crux fidélis, *vel* Dulce lignum, *eo modo quo inferius notatur :*

Crux fidélis, inter omnes arbor una nóbilis : nulla silva talem profert, fronde, flore, gérmine. Dulce lignum, dulces clavos, dulce pondus sústinet.

Hymnus. Pange, lingua, gloriósi láuream certáminis, et super Crucis trophæo dic triúmphum nóbilem : quáliter Redemptor orbis immolátus vicerit.

Repetitur Crux fidélis, usque ad Dulce lignum. Et sic fit quoties repetitur Crux fidélis.

Ÿ. De paréntis protoplásti fraude Factor cóndolens, quando pomi noxiális in necem morsu ruit : ipse lignum tunc notávit, damna ligni ut sólveret.

Repetitur Dulce lignum, etc.

Ÿ. Hoc opus nostræ salútis ordo depopóscerat : multifórmis proditóris ars ut artem fálleret ; et medé-lam ferret inde, hostis unde læserat.

Repetitur Crux fidélis, etc.

Ÿ. Quando venit ergo sacri plenitúdo témporis, missus est ab arce Patris Natus, orbis cónditor : atque ventre virgináli carne amíctus pródiit.

Repetitur Dulce lignum, etc.

Ÿ. Vagit infans inter arcta cónditus præsépia : membra pannis involúta Virgo Mater álligat : et Dei manus pedésque stricta cingit fáscia.

Repetitur Crux fidélis, etc.

Ÿ. Lustra sex qui jam perégit, tempus implens córporis, sponte libera Redemptor passióni déditus, Agnus in Crucis levátur immolándus stípите.

Repetitur Dulce lignum, etc.

Ÿ. Felle potus ecce languet :

spina, clavi, lancea mite corpus perforarunt : unda manat, et cruor : terra, pontus, astra, mundus, quo lavantur flumine.

Repetitur Crux fidelis, etc.

Ÿ. Flecte ramos, arbor alta, tensa laxa viscera, et rigor lentescat ille, quem dedit nativitas : et superni membra Regis tende miti stipite.

Repetitur Dulce lignum, etc.

Ÿ. Sola digna tu fuisti ferre mundi victimam, atque portum præparare arca mundo naufrago, quam sacer cruor perunxit fusus Agni corpore.

Repetitur Crux fidelis, etc.

Ÿ. Sempiterna sit beatæ Trinitati gloria, æqua Patri, Filioque, par decus Paráclito : Unius, Trinique nomen laudet universitas. Amen.

Repetitur Dulce lignum, etc.

¶ Circa finem adorationis Crucis accenduntur candelæ super Altare : et Diaconus accipiens bursam corporali-um, extendit corporale more solito, et iuxta illud ponit purificatorium : et finita adoratione, Crucem reverenter accipit, et reportat ad Altare. Postea ordinatur Processio ad locum ubi pridie Sacramentum repositum fuerat. Præcedit Subdiaconus cum Cruce inter duos Acolythos deferentes candelabra cum cereis accensis, et Clerus per ordinem, ultimus Sacerdos cum Ministris. Cum perventum fuerit ad locum Sacramenti, accenduntur intortitia, quæ non extinguuntur, nisi post assumptionem Sacramenti : et Sacerdos genu flectit ante Sacramentum, et orat aliquantulum. Diaconus interim aperit capsulam, in qua reconditum est Corpus Domini. Postea Sacerdos surgens, absque benedictione imponit incensum in duobus thuribulis, Diacono naviculam ministrante, et genu-

flexus incensat Sacramentum : tum Diaconus extrahens Calicem cum Sacramento de capsula, dat ad manus Sacerdotis, et tegit extremitatibus veli, quod humeros illius circumdat : et procedunt ordine quo venerunt : defertur baldachinum super Sacramentum, et duo Acolythi cum thuribulis continuè Sacramentum incensant : interim cantatur Hymnus, Vexilla Regis prædeunt.

Cum venerit Sacerdos ad Altare, posito super illud Calice, genuflexus rursus incensat ; et accedens deponit Hostiam ex Calice super Patenam quam Diaconus tenet : et, accipiens Patenam de manu Diaconi, Hostiam sacram ponit super Corporale, nihil dicens. Si tetigerit Sacramentum, digitos abluat in aliquo vase. Interim Diaconus imponit vinum in Calicem, et Subdiaconus aquam, quam Sacerdos non benedicit ; nec dicit super eam Orationem consuetam : sed accipiens Calicem à Diacono, ponit super Altare, nihil dicens ; et Diaconus illum cooperit palla. Deinde imponit incensum in thuribulo absque benedictione, et incensat oblata et Altare, more solito, genu flectens ante et post, et quandocumque transit ante Sacramentum.

Cum incensat oblata, dicit :

INCENSUM istud, à te benedictum, ascéndat ad te, Dómine : et descéndat super nos misericórdia tua.

Cum incensat Altare, dicit :

DIRIGATUR, Dómine, oratio mea sicut incensum in conspectu tuo ; elevatio manuum mearum sacrificium vespertinum. Pone, Dómine, custodiam ori meo, et ostium circumstantiæ labiis meis ; ut non declinet cor meum in verba malitiæ ad excusandas excusationes in peccatis.

Quando reddit thuribulum Diacono, dicit :

ACCENDAT in nobis Dóminus ignem sui amóris, et flammam ætérnæ caritátis. Amen.

Et ipse non incensatur.

Postea aliquantulum extra Altare, in cornu Epistolæ, lavat manus, nihil dicens ; deinde, in medio Altaris inclinatus, junctis manibus, dicit submissa sed intelligibili voce :

IN spíritu humilitátis, et in ánimo contríto suscipiámur à te, Dómine : et sic fiat sacrificium nostrum in conspéctu tuo hódie, ut pláceat tibi, Dómine Deus.

Deinde, versus ad populum in cornu Evangelii, dicit more solito :

ORATE, fratres, ut meum ac vestrum sacrificium acceptábile fiat apud Deum Patrem omnipoténtem.

Et per eamdem viam revertitur, non perficiens circulum ; et consequenter, omissis alijs, dicit :

Orémus. Præcéptis salutáribus móniti, et divína institutióne formáti, audémus dicere. Pater noster qui es in cœlis : sanctificétur nomen tuum : advénia regnum tuum : fiat volúntas tua, sicut in cœlo et in terra. Panem nostrum quotidianum da nobis hódie : et dimítte nobis débita nostra, sicut et nos dimítimus debitóribus nostris. Et ne nos indúcas in tentatiónem.

R. Sed libera nos à malo.

Sacerdos, sub silentio dicto Amen, eadem voce qua dixit Pater noster, absolutè sine Orémus, in tono Orationis Missæ ferialis, dicit :

LIBERA nos, quæsumus, Dómine, ab ómnibus malis præteritis, præsentibus et futúris : et,

intercedénte beáta et gloriósa semper Vírgine Dei genitrice María, cum beáteis Apóstolis tuis Petro et Paulo atque Andréa, et ómnibus Sanctis (*Non signat se Patena*), da propítius pacem in diébus nostris : ut, ope misericórdiæ tuæ adjúti, et à peccáto simus semper liberi, et ab omni perturbatióne secúri. Per eúmdem, etc. *Chorus altè respondet : Amen.*

¶ *Tunc Celebrans, facta reverentia usque ad terram, supponit Patenam Sacramento ; quod in dextra accipiens, elevat ut videri possit à populo, et statim supra Calicem dividit in tres partes, quarum ultimam mittit in Calicem more solito, nihil dicens. Pax Dómini non dicitur, nec Agnus Dei, neque pacis osculum datur. Postmodum, prætermisiss duabus primis Oratíonibus, dicit secretè tantum sequentem :*

PERCEPTIO Córporis tui, Dómine Jesu Christe, quod ego indignus súmerè præsumo, non mihi provénia in judícium et condemnatiónem : sed pro tua pietáte prosit mihi ad tutaméntum mentis et córporis, et ad medélam percipiéndam. Qui vivis et regnas, etc.

Tum genu flectit, et accipit Patenam cum Corpore Christi, et maxima humilitate ac reverentia dicit : Panem cœléstem accípíam, et nomen Dómini invocábo. Percutit pectus suum ter, dicens : Dómine, non sum dignus, ut intres sub tectum meum : sed tantum dic verbo, et sanábitur ánima mea.

Postea signat se Sacramento, dicens :

Corpus Dómini nostri Jesu Christi custódiat animam meam in vitam ætérnam. Amen. *Et sumit Corpus reverenter.*

Deinde, omissis omnibus, quæ dici solent ante sumptionem Sanguinis, immediatè particulam Hostiæ cum vino reverenter sumit de Calice. Et more solito facta ablutione digitorum, et sumpta purificatione, in medio Altaris inclinatus, manibus junctis dicit: Quod ore sumpsimus, Dómine, pura mente capiamus: et de múnere temporáli fiat nobis remédium sempitérnum.

Non dicitur Corpus tuum, Dómine, nec Postcommunio, nec Pláceat tibi, nec datur benedictio: sed facta reverentia Altari, Sacerdos cum Ministris discedit: et dicuntur Vesperæ sine cantu, et denudatur Altare.

SABBATO SANCTO.

Statio ad Sanctum Joannem in Laterano.

Hora competenti cooperiuntur Altaria, et dicuntur Horæ, candelis Altaris extinctis usque ad principium Missæ. Interim excutitur ignis de lapide foris Ecclesiam, et ex eo accenduntur carbones. Dicta Nona, Sacerdos indutus amictu, alba, cingulo, stola, pluviali violaceo, vel sine casula, adstantibus sibi Ministris cum Cruce, aqua benedicta, et incenso, ante portam Ecclesiæ, si commode potest, vel in ipso aditu Ecclesiæ, benedicit novum ignem, dicens:

Ÿ. Dóminus vobiscum.

R. Et cum spíritu tuo.

Orémus.

Oratio.

DEUS, qui per Fílium tuum, angulárem scilicet lápidem, claritátis tuæ ignem fídelibus contulisti: productum è sílice, nostris profutúrum úsibus, novum hunc ignem sanctiꝫfica: et concéde nobis, ita per hæc festa Paschália cœ-

lestibus desidériis inflammári, ut ad perpétuæ claritátis, puris méntibus, valeámus festa pertingere. Per eúndem Christum, etc.

Orémus.

DOMINE Deus, Pater omnipotens, lumen indeficiens, qui es cónditor ómnium lúminum: béneꝫdic hoc lumen, quod à te sanctificátum, atque benedíctum est, qui illuminásti omnem mundum: ut ab eo lúmine accendámur, atque illuminémur igne claritátis tuæ: et sicut illuminásti Móysen exeúntem de Ægypto, ita illúmines corda et sensus nostros: ut ad vitam et lucem ætérrnam pervenire mereámur. Per Christum Dóminum nostrum.

R. Amen.

Orémus.

DOMINE sancte, Pater omnipotens, ætérrne Deus, benedícentibus nobis hunc ignem in nómine tuo, et Unigéniti Fílii tui Dei ac Dómini nostri Jesu Christi, et Spíritus sancti, cooperári dignéris: et ádjuva nos contra igníta tela inimíci, et illústra grátia cœlesti. Qui vivis et regnas cum eódem Unigénito tuo, et Spíritu sancto, Deus, per ómnia sæcula sæculórum.

R. Amen.

Deinde benedicit quinque grana incensi ponenda in Cereo, dicens absolutè hanc Orationem.

VENIAT, quæsumus, omnipotens Deus, super hoc incensum larga tuæ benedíctiónis infúsió: et hunc noctúrnum splendórem invisibilis regenerátor accende: ut non solum sacrificium, quod hac nocte litátum est, arcána lúminis tui admixtióne refúlgeat: sed in quocúmque loco ex hujus

sanctificatiónis mystério áliquod fú-
erit deportátum, expúlso diabólicæ
fráudis nequítia, virtus tuæ majes-
tátis assistat. Per Christum Dó-
minum nostrum, etc.

R. Amen.

¶ *Dum benedicit grana incensi, Acolythus assumens de carbonibus benedictis, ponit in thuribulo : et finita Oratione supradicta, Sacerdos de navicula ponit incensum in thuribulo, benedicens illud more solito : deinde prædicta grana incensi, et ignem ter aspergit aqua benedicta, dicens, Asperges me, Dómine, etc., sine cantu, et sine Psalmo, et ter adolet incenso. Interim omnia luminaria Ecclesiæ extinguuntur, ut de igne benedicto postmodum accendantur. Tum Diaconus indutus dalmatica albi coloris, accipit arundinem cum tribus candelis in summitate illius triangulo distinctis. Præcedit Thuriferarius cum Acolytho deferente in vase quinque grana incensi : sequitur Subdiaconus cum Cruce, et Clerus per ordinem : deinde Diaconus cum arundine, post eum Celebrans. Cum Diaconus ingressus est Ecclesiam, inclinat arundinem, et Acolythus deferens candelam accensam de novo igne, accendit unam ex illis tribus candelis desuper positis : et Diaconus elevans arundinem, genuflectit, similiter et omnes alii cum eo, præter Subdiaconum Crucem ferentem, et cantat solus :*

Lumen Christi.

R. Deo grátias.

Et procedens ad medium Ecclesiæ, ibi accenditur alia candela : et iterum genuflectus, ut supra, altius cantat :

Lumen Christi.

R. Deo grátias.

Tertio procedit ante Altare, ubi accenditur tertia candela : et rursus

genuflectus, ut prius, adhuc altius dicit :

Lumen Christi.

R. Deo grátias.

Deinde Celebrans ascendit ad Altare in cornu Epistolæ : et Diaconus dat arundinem uni Acolytho ; et accipiens librum, petit à Celebrante benedictionem, ut fit ad Evangelium, Sacerdote dicente :

Dóminus sit in corde tuo, et in lábiis tuis : ut digne et competenter annúnties suum Paschále præcónium : in nómine Patris, et Filii, ✠ et Spíritus sancti. Amen.

Postea vadit ad pulpitem, et ponit super eo librum, et incensat. A dextris Diaconi stent Subdiaconus cum Cruce, et Thuriferarius : à sinistris, duo Acolythi, ille qui tenet arundinem, et alius tenens in vase quinque grana incensi benedicti figenda in Cereo. Tunc, surgentibus omnibus, et stantibus, ut fit ad Evangelium, Diaconus cantat :

EXULTET jam Angélica turba
cælórum : exúltent divina
mystéria : et pro tanti Regis victó-
ria tuba ínsonet salutáris. Gáudeat
et tellus tantis irradiáta fulgóribus :
et ætérni Regis splendóre illustráta,
totíus orbis se séntiat amisísse cali-
ginem. Lætétur et mater Ecclésia
tanti lúminis adornáta fulgóribus :
et magnis populórum vóciis hæc
aula resúltet. Quaprópter adstán-
tes vos, fratres charíssimi, ad tam
miram hujus sancti lúminis claritá-
tem, una mecum, quæso, Dei om-
nipoténtis misericórdiam invocáte.
Ut qui me non meis méritis intra
Levitárum númerum dignátus est
aggregáre, lúminis sui claritátem
infúndens, Cérei hujus laudem im-
plére perficiat. Per Dóminum nos-
trum Jesum Christum Filium suum:

qui cum eo vivit et regnat in unitate Spiritus sancti Deus.

PER omnia sæcula sæculorum.

R. Amen.

V. Dóminus vobiscum.

R. Et cum spiritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, invisibilem Deum Patrem omnipotentem, Filiúmque ejus Unigénitum, Dóminum nostrum Jesum Christum, toto cordis ac mentis affectu, et vocis ministerio personáre : Qui pro nobis ætérno Patri Adæ débitum solvit ; et véteris piáculi cautionem pio cruóre detérsit. Hæc sunt enim festa Paschália, in quibus verus ille Agnus occíditur, cujus sânguine postes fidélium consecrántur. Hæc nox est, in qua primum patres nostros, filios Israél edúctos de Ægypto, mare rubrum sicco vestígio transíre fecísti. Hæc igitur nox est, quæ peccatórum ténebras columbnæ illuminatione purgávit. Hæc nox est, quæ hódie per univérsum mundum, in Christo credéntes, à vítiis sæculi, et caligine peccatórum segregátos, reddit grátiae, sóciat sanctitáti. Hæc nox est, in qua, destrúctis vínculis mortis, Christus ab ínferis victor ascéndit. Nihil enim nobis nasci prófuit, nisi rédimi profuisset. O mira circa nos tuæ pietátis dignátio : O inæstimábilis diléctio charitátis ! ut servum redimeres, Filium tradidísti. O certè necessárium Adæ peccátum, quod Christi morte delétum est. O felix culpa, quæ talem ac tantum méruit habére redemptórem. O verè beáta nox, quæ sola méruit scire tempus

et horam, in qua Christus ab ínferis resurréxit. Hæc nox est, de qua scriptum est : Et nox sicut dies illuminábitur ; Et nox illuminátio mea in deliciis meis. Hujus igitur sanctificátio noctis fugat scélera, culpas lavat ; et reddit innocentiam lapsis, et mæstis lætítiam. Fugat ódia, concórdiam parat, et curvat impéria.

Hic Diaconus infigit quinque grana incensi benedicti in Cereo in modum Crucis.

In hujus igitur noctis grátia, súscipe, sancte Pater, incénsi hujus sacrificium vespertinum ; quod tibi in hac Cérei oblatióne solémni, per ministrórum manus, de opéribus apum, sacrosáncta reddit Ecclésia. Sed jam columbnæ hujus præcónia nóvimus, quam in honórem Dei rútilans ignis accéndit.

Hic Diaconus accendit Cereum cum una ex tribus Candelis in arundine positis.

Qui licet sit divísus in partes, mutuáti tamen lúminis detriménta non novit. Alitur enim liquántibus ceris, quas in substántiam pretiósæ hujus lámpadis, apis mater edúxit.

Hic accenduntur lampades.

O verè beáta nox, quæ expoliávit Ægyptios, ditávit Hebræos. Nox, in qua terrénis cœlestia, humánis divína jungúntur. Orámus ergo te, Dómine, ut Céreus iste in honórem tui nóminis consecrátus, ad noctis hujus caliginem destruéndam, indeficiens perseveret ; et in odórem suavitátis accéptus, supérnis lumináribus misceátur. Flammas ejus lúcipher matutínus invéniat : ille, inquam, lúcipher qui nescit occásus : ille qui regréssus ab ínferis, humano géneri sérénus illúxit. Precámur ergo te, Dómine, ut nos fámulos

tuos, omnémque clerum, et devotissimum pópulum, unà cum beatissimo Papa nostro *N.* et Antístite nostro *N.* quiète téporum concéssa, in his Paschálibus gáudiis, assídua protectióne régere, gubernáre, et conserváre dignéris. (Réspice étiam ad devotissimum *Imperátorem *vel* Regem nostrum *N.* cujus tu Deus desidérii vota prænóscens, ineffábilis pietátis et misericórdiæ tuæ múnere, tranquillum perpétuæ pacis accómmoda : et cœlestem victóriam cum omni pópulo suo.) Per eúndem Dóminum nostrum Jesum Christum Fílium tuum : Qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

Completa benedictione Cerei, Diaconus, depositis albis, sumit violacea paramenta, et vadit ad Celebrantem, qui exiit pluviali, et sumit manipulum et casulam violacei coloris. Postea leguntur Prophetiæ sine titulo : et Celebrans legit eas submissa voce ad Altare in cornu Epistolæ. In fine Prophetiarum dicuntur Orationes modo subscripto. Ante, vel interim dum Prophetiæ leguntur, Presbyteri catechizent catechumenos baptizandos, et præparent ad baptismum.

Prophetia Prima. Gen. 1 et 2.

IN principio creávit Deus cœlum et terram. Terra autem erat inánis et vácuæ ; et ténébræ erant super faciém abyssi : et Spíritus Dei ferebátur super aquas. Dixitque Deus : Fiat lux. Et facta est lux. Et vidit Deus lucem quod esset bona : et divisit lucem à ténébris. Appellávitque lucem, diem ;

et ténébras noctem : factúmque est vésperè et mane dies unus. Dixit quoque Deus : Fiat firmaméntum in médio aquárum ; et dívidat aquas ab aquis. Et fecit Deus firmaméntum, divisítque aquas quæ erant sub firmaménto, ab his quæ erant super firmaméntum. Et factum est ita. Vocávitque Deus firmaméntum, Cœlum : et factum est vésperè et mane, dies secúndus. Dixit vero Deus : Congrégéntur aquæ, quæ sub cœlo sunt, in locum unum, et appáreat árida : et factum est ita. Et vocávit Deus áridam, Terram : congregationésque aquárum appellávit Mária. Et vidit Deus quod esset bonum. Et ait : Gérminet terra herbam viréntem, et faciéntem semen, et lignum pomíferum fáciens fructum juxta genus suum, cujus semen in semetípso sit super terram. Et factum est ita. Et prótulit terra herbam viréntem, et faciéntem semen juxta genus suum, lignúmque fáciens fructum, et habens unumquódque seméntem, secúndum spéciem suam. Et vidit Deus quod esset bonum. Et factum est vésperè et mane, dies tértius. Dixit autem Deus : Fiant luminária in firmaménto cœli, et dívidant diem ac noctem, et sint in signa, et témpora, et dies, et annos : ut lúceant in firmaménto cœli, et illúminent terram. Et factum est ita. Fecítque Deus duo luminária magna : lumináre majus, ut præéssset diéi ; et lumináre minus, ut præéssset nocti ; et stellas. Et pósuit eas in firmaménto cœli, ut lucérent super terram, et præéssent diéi ac nocti, et dividerent lucem ac ténébras. Et vidit Deus quod esset bonum. Et factum est vésperè et mane, dies quartus. Dixit étiam Deus : Pro dúcant aquæ réptile ánimæ vivéntis, et volátile super terram sub firma-

* Si non est coronatus, dicatur, Electum Imperatorem.

ménto cœli : creavítque Deus cete grándia, et omnem ánimam vivéntem atque motábilem, quam prodúxerant aquæ in spécies suas, et omne volátile secúndum genus suum. Et vidit Deus quod esset bonum. Benedixítque eis, dicens : Créscite, et multiplicámini, et repléte aquas maris : avésque multiplicéntur super terram. Et factum est vespere et mane, dies quintus. Dixit quoque Deus : Prodúcat terra ánimam vivéntem in génere suo ; juménta, et reptília, et béstias terræ secúndum spécies suas. Factúmque est ita. Et fecit Deus béstias terræ juxta spécies suas, et juménta, et omne réptile terræ in génere suo. Et vidit Deus quod esset bonum, et ait : Faciámus hóminem ad imáginem et similitúdinem nostram : et præsit piscibus maris, et volatílibus cœli, et béstiiis, universæque terræ, omníque réptili quod movétur in terra. Et creávit Deus hóminem ad imáginem suam : ad imáginem Dei creávit illum ; másculum et féminam creávit eos. Benedixítque illis Deus, et ait : Créscite, et multiplicámini, et repléte terram, et subjícite eam, et dominámini piscibus maris, et volatílibus cœli, et univérssis animántibus quæ movéntur super terram. Dixítque Deus : Ecce dedi vobis omnem herbam afferéntem semen super terram, et univérssa ligna quæ habent in semetípsis seméntem géneris sui, ut sint vobis in escam, et cunctis animántibus terræ, omníque vólucris cœli, et univérssis quæ movéntur in terra, et in quibus est animá vivens, ut habeant ad vescéndum : et factum est ita. Viditque Deus cuncta quæ fécerat : et erant valdè bona. Et factum est vespere et mane, dies sextus. Igitur perfécti sunt cœli, et terra, et omnis ornátus eórum. Complevitque Deus die

séptimo opus suum quod fécerat : et requiévít die séptimo ab univérso ópere quod patrátat.

Qua completa Sacerdos dicit Orémus ; Diaconus Flectámus génua ; et Subdiaconus Leváte.

Oratio.

DEUS, qui mirabíliter creásti hóminem, et mirabílius redemísti : da nobis, quæsumus, contra oblectaménta peccáti, mentis ratióne persístere, ut mereámur ad ætérna gáudia perveníre. Per, etc.

Prophetia Secunda. Gen. 5, 6, 7, 8.

NOË vero, cum quingentórum esset annórum, genuit Sem, Cham, et Japhet. Cumque cœpissent hómines multiplicári super terram, et filias procreássent, vidéntes filii Dei filias hóminum quod essent pulchræ, accepérunt sibi uxóres ex ómnibus, quas elégerant. Dixítque Deus : Non permanébit spíritus meus in hómine in ætérnum, quia caro est : erúntque dies illius centum vigínti annórum. Gigántes autem erant super terram in diébus illis. Postquam enim ingressi sunt filii Dei ad filias hóminum, illæque genuérunt, isti sunt poténtes à sæculo viri famósi. Videns autem Deus quod multa malítia hóminum esset in terra, et cuncta cogitátio cordis inténta esset ad malum omni témpore, pœnituit eum quod hóminem fecisset in terra. Et tactus dolore cordis intrínsecus : Delébo, inquit, hóminem, quem creávi, à fácie terræ, ab hómine usque ad animántia, à réptili usque ad vólucres cœli. Pœnitet enim me fecisse eos. Noe vero invénit grátiam coram Dómino. Hæ sunt generatiónes Noe : Noe vir justus atque perféctus fuit in generatióni-

bus suis. Cum Deo ambulávit ; et genuit tres filios, Sem, Cham, et Japhet. Corrupta est autem terra coram Deo, et repléta est iniquitáte. Cumque vidisset Deus terram esse corruptam, (omnis quippe caro corrúperat viam suam super terram) dixit ad Noe : Finis univér-sæ carnis venit coram me : repléta est terra iniquitáte à fácie eórum, et ego dispérdam eos cum terra. Fac tibi arcam de lignis levigátis : mansiúnculas in arca fácies, et bitúmíne línies intrínsecus et extrínsecus. Et sic fácies eam : Trecentórum cubitórum erit longitúdo arcæ, quinquaginta cubitórum latitúdo, et triginta cubitórum altitúdo illius. Fenéstram in arca fácies, et in cúbito consummábis summitátem ejus : óstium autem arcæ pones ex látere : deórsum cœnácula, et trístega fácies in ea. Ecce ego addúcam aquas dilúvii super terram, ut interficiam omnem carnem, in qua spíritus vitæ est subter cœlum. Unívér-sa quæ in terra sunt, consuméntur. Ponámque fœdus meum tecum : et ingrediéris arcam tu, filii tui, uxor tua, et uxóres filiórum tuórum tecum. Et ex cunctis animántibus univér-sæ carnis bina indúces in arcam, ut vivant tecum, masculíni sexus et feminíni. De volúcribus juxta genus suum, et de juméntis in génere suo, et ex omni réptili terræ secúndum genus suum : bina de ómnibus ingrediéntur tecum, ut possint vívere. Tolles igitur tecum ex ómnibus escis quæ mandi possunt, et comportábis apud te : et erunt tam tibi, quam illis in cibum. Fecit igitur Noe ómnia quæ præcéperat illi Deus. Erátque sexcentórum annórum, quando dilúvii aquæ inundavérunt super terram. Rupti sunt omnes fontes abyssi magnæ, et cataráctæ cœli apértæ sunt : et facta est plúvia super terram qua-

draginta diébus, et quadraginta nóctibus. In artículo diéi illius ingressus est Noe, et Sem, et Cham, et Japhet, filii ejus, uxor illius, et tres uxóres filiórum ejus cum eis in arcam : ipsi et omne ánimál secúndum genus suum, univér-saque juménta in génere suo, et omne quod movétur super terram in génere suo, cunctúmque volátile secúndum genus suum. Porro arca ferebátur super aquas. Et aquæ prævaluérunt nimis super terram : opertíque sunt omnes montes excélsi sub unívérso cœlo. Quíndecim cúbitis áltior fuit aqua super montes, quos operúerat. Consúmptaque est omnis caro quæ movebátur super terram, volúcrum, animántium, bestiárum, omniúmque reptílium quæ reptant super terram. Remánsit autem solus Noe, et qui cum eo erant in arca. Obtinuerúntque aquæ terram centum quinquaginta diébus. Recordátus autem Deus Noe, cunctorúmque animántium, et ómnium jumentórum, quæ erant cum eo in arca, addúxit spíritum super terram, et imminútæ sunt aquæ. Et cláusi sunt fontes abyssi, et cataráctæ cœli : et prohibité sunt plúviæ de cœlo. Reversæque sunt aquæ de terra eúntes et redeúntes : et cœpérunt minui post centum quinquaginta dies. Cumque transissent quadraginta dies, apériens Noe fenéstram arcæ, quam fécerat, dimísit corvum : qui egrediebátur, et non revertebátur, donec siccaréntur aquæ super terram. Emísit quoque colúmbam post eum, ut vidéret si jam cessássent aquæ super fáciem terræ. Quæ cum non invenísset ubi requiésцерet pes ejus, revér-sa est ad eum in arcam : aquæ enim erant super univér-sam terram : extendítque manum, et apprehénsam intulit in arcam. Expectátis autem ultra septem dié-

bus aliis, rursum dimisit columbam ex arca. At illa venit ad eum ad vesp̄eram, portans ramum olivæ virētib⁹ foliis in ore suo. Intellexit ergo Noe, quod cessassent aquæ super terram. Expectavitque nihilominus septem alios dies : et emisit columbam, quæ non est reversa ultra ad eum. Locutus est autem Deus ad Noe, dicens : Egrēdere de arca tu, et uxor tua, filii tui, et uxōres filiōrum tuōrum tecum. Cuncta animāntia, quæ sunt apud te, ex omni carne, tam in volatilib⁹, quam in bēstiis, et universis reptilib⁹, quæ reptant super terram, educ tecum, et ingredimini super terram : crescite, et multiplicamini super eam. Egressus est ergo Noe, et filii ejus, uxor illius, et uxōres filiōrum ejus cum eo. Sed et omnia animāntia, jamēnta, et reptilia quæ reptant super terram, secūndum genus suum, egressa sunt de arca. Ædificavit autem Noe altāre Dōmino : et tollens de cunctis pecōrib⁹ et volūcribus mundis, obtulit holocāusta super altāre. Odorat⁹que est Dōminus odōrem suavitātis.

Orémus. Flectāmus gēnua.

R. Levāte.

Oratio.

DEUS, incommutabilis virtus, et lumen aeternum : respice propitius ad totius Ecclēsiæ tuæ mirabile sacramētum, et opus salutis humanæ, perpētuae dispositiōnis effectū tranquillius operāre : tot⁹que mundus experiātur, et videat, dejecta ērigi, inveterāta renovāri, et per ipsum redire omnia in integrum, à quo sumpsere principium. Per Dōminum nostrum, etc.

Prophetia Tertia. Gen. 22.

IN diēbus illis : Tentavit Deus Abraham, et dixit ad eum :

Abraham, Abraham. At ille respondit : Adsum. Ait illi : Tolle filium tuum unigēnitum, quem diligis, Isaac, et vade in terram visionis : atque ibi offeres eum in holocāustum super unum mōntium quem monstrāvero tibi. Igitur Abraham de nocte consurgens stravit āsinum suum, ducens secum duos jūvenes, et Isaac filium suum. Cumque concidisset ligna in holocāustum, abiit ad locum quem præceperat ei Deus. Die autem tertio elevātis oculis, vidit locum procul ; dixitque ad pūeros suos : Expectate hic cum āsino : ego et puer illuc usque properāntes, postquam adoraverimus, revertēmur ad vos. Tulit quoque ligna holocāusti, et imposuit super Isaac filium suum : ipse vero portabat in mānibus ignem et glādium. Cumque duo pēgerent simul, dixit Isaac patri suo : Pater mi. At ille respondit : Quid vis, fili ? Ecce, inquit, ignis, et ligna : ubi est victima holocāusti ? Dixit autem Abraham : Deus providēbit sibi victimam holocāusti, fili mi. Pergēbant ergo pariter, et venērunt ad locum quem ostēderat ei Deus, in quo ædificavit altāre, et desuper ligna composuit : cumque alligasset Isaac filium suum, posuit eum in altāre super struem lignōrum. Extenditque manum, et arripuit glādium, ut immolāret filium suum. Et ecce Angelus Dōmini de cœlo clamavit, dicens : Abraham, Abraham. Qui respondit : Adsum. Dixitque ei : Non extēdas manum tuam super puerum, neque faciās illi quidquam : nunc cognōvi quod timeas Deum, et non pepercisti unigēnito filio tuo propter me. Levavit Abraham oculos suos, viditque post tergum arietem inter vepres hærēntem cornibus, quem assūmens obtulit holocāustum pro filio. Appellavitque

nomen loci illius, Dóminus videt. Unde usque hódie dicitur : In monte Dóminus vidébit. Vocávit autem Angelus Dómini Abraham secúndo de cœlo, dicens : Per memetípsum jurávi, dicit Dóminus : quia fecísti hanc rem, et non pepercísti filio tuo unigénito propter me ; benedicam tibi, et multiplicábo semen tuum sicut stellas cœli, et velut arénam quæ est in líttore maris : possidébit semen tuum portas inimicórum suórum, et benedicéntur in sémine tuo omnes gentes terræ, quia obedísti voci meæ. Revérsum est Abraham ad púeros suos, abierúntque Bersabée simul, et habitávit ibi.

Orémus. Flectámus génua.

R. Leváte.

Oratio.

DEUS, fidélium Pater summe, qui in toto orbe terrárum, promissionis tuæ filios diffúsa adoptionis grátia multiplicas ; et per Paschále sacraméntum, Abraham púerum tuum universárum, sicut jurásti, Géntium éfficis patrem : da pópulis tuis digne ad grátiam tuæ vocationis introíre. Per, etc.

Prophetia Quarta.

Exod. 14 et 15.

IN diébus illis : Factum est in vigília matutína, et ecce respiciens Dóminus super castra Ægyptiórum per colúmnam ignis et nubis, interfecit exércitum eórum : et subvértit rotas curruum, ferebanturque in profúndum. Dixérunt ergo Ægyptii : Fugiámus Israélem : Dóminus enim pugnat pro eis contra nos. Et ait Dóminus ad Móysen : Exténde manum tuam super mare, ut revertántur aquæ ad Ægyptios super currus et équites eórum. Cumque extendisset Móy-

ses manum contra mare, revérsum est primo dilúculo ad priórem locum : fugientibúque Ægyptiis occurrérunt aquæ, et invólvit eos Dóminus in médiis flúctibus, reversæque sunt aquæ, et operuérunt currus et équites cuncti exércitus Pharaónis, qui sequéntes ingrési fúerant mare : nec unus quidem superfuit ex eis. Filii autem Israél perrexérunt per médium sicci maris, et aquæ eis erant quasi pro muro à dextris et à sinístris : liberávitque Dóminus in die illa Israél de manu Ægyptiórum. Et vidérunt Ægyptios mórtuos super littus maris, et manum magnam quam exercúerat Dóminus contra eos : timuitque pópulus Dóminum, et credidérunt Dómino, et Móysi servo ejus. Tunc cécinit Móyses, et filii Israél carmen hoc Dómino, et dixérunt.

Tractus. Ibid. Cantémus Dómino : glorióse enim honorificátus est : equum et ascensórem projéctit in mare : adjútor et protéctor factus est mihi in salútem.

℣. Hic Deus meus, et honorificábo eum : Deus patris mei, et exaltábo eum.

℣. Dóminus cónterens bella : Dóminus nomen est illi.

Orémus. Flectámus génua.

R. Leváte.

Oratio.

DEUS, cujus antíqua mirácula étiam nostris sæculis coruscáre sentímus, dum quod uni pópulo à persecutióne Ægyptiáca liberándo, dexteræ tuæ poténtia contulísti, id in salútem Géntium per aquam regeneratiónis operáris : præsta, ut in Abrahæ filios, et in Israelíticam dignitátem, totíus mundi tránseat plenitúdo. Per, etc.

*Prophetia Quinta.**Isa. 54 et 55.*

HÆC est hæreditas servórum Dómini, et justítia eórum apud me, dicit Dóminus. Omnes sitiéntes veníte ad aquas; et qui non habétis argéntum, properáte, émite, et comédite: venite, émite absque argénto, et absque ulla commutatóne vinum et lac. Quare appénditis argéntum non in páribus, et labórem vestrum non in saturitáte? Audíte audiéntes me, et comédite bonum, et delectábitur in crassitúdine ánima vestra. Inclínate aurem vestram, et veníte ad me: audíte, et vivet ánima vestra: et fériam vobiscum pactum sempitérnum, misericórdias David fideles. Ecce testem pópulis dedi eum, ducem ac præceptórem Géntibus. Ecce Gentem, quam nesciébas, vocábis: et Gentes, quæ te non cognóverunt, ad te current, propter Dóminum Deum tuum, et sanctum Israël, quia glorificávit te. Quærite Dóminum, dum inveniri potest: invocáte eum, dum propè est. Derelinquat impius viam suam, et vir iníquus cogitatiónes suas, et revertátur ad Dóminum, et miserébitur ejus; et ad Deum nostrum, quóniam multus est ad ignoscéndum. Non enim cogitatiónes meæ, cogitatiónes vestræ; neque viæ vestræ, viæ meæ, dicit Dóminus. Quia sicut exaltántur cœli à terra, sic exaltatæ sunt viæ meæ à viis vestris, et cogitatiónes meæ à cogitatiónibus vestris. Et quómodo descendit imber et nix de cœlo, et illuc ultra non revértitur, sed inébriat terram, et infúndit eam, et germínare eam facit, et dat semen serénti, et panem comedénti: sic erit verbum meum quod egrediétur de ore meo; non revertétur ad me vácuum, sed faciet quæcúmque volui,

et prosperábitur in his ad quæ misi illud: dicit Dóminus omnipotens.

Orémus. Flectámus génua.

R. Leváte.

Oratio.

OMNIPOTENS sempitérne Deus, multiplica in honórem nóminis tui quod patrum fidei spondesti, et promissiónis filios sacra adoptióne dilata: ut quod prióres Sancti non dubitavérunt futúrum, Ecclesia tua magna jam ex parte cognóscat implétum. Per, etc.

Prophetia Sexta. Baruch. 3.

AUDI, Israël, mandata vitæ; áuribus pèrcipe, ut scias prudentiam. Quid est, Israël, quod in terra inimicórum es? Inveterásti in terra aliéna, coinquinátus es cum mórtuis: deputátus es cum descendéntibus in inférnum. Dereliquísti fontem sapiéntiæ. Nam si in via Dei ambulásses, habitásses útique in pace sempitérna. Disce ubi sit prudentia, ubi sit virtus, ubi sit intelléctus: ut scias simul ubi sit longitúrnitas vitæ et victus, ubi sit lumen oculórum et pax. Quis invenit locum ejus? et quis intrávit in thesauros ejus? Ubi sunt príncipes Géntium, et qui dominántur super béstias quæ sunt super terram? qui in ávibus cœli ludunt, qui argéntum thesaurizant et aurum in quo confidunt hómines, et non est finis acquisitionis eórum? qui argéntum fábricant, et solliciti sunt, nec est invéntio óperum illórum? Extermináti sunt, et ad íferos descendérunt, et álíi loco eórum surrexérunt. Júvenes vidérunt lumen, et habitavérunt super terram: viam autem disciplínæ ignoravérunt, neque intellexérunt sémitas ejus, neque filii eórum suscepérunt eam. A fácie ipsórum longè facta

est : non est audita in terra Chanaan, neque visa est in Theman. Filii quoque Agar, qui exquirunt prudentiam quæ de terra est, et negotiatores Merhæ et Theman, et fabulatores, et exquisitores prudentiæ et intelligentiæ : viam autem sapientiæ nescierunt, neque commemorati sunt semitas ejus. O Israël, quam magna est domus Dei, et ingens locus possessionis ejus ! Magnus est, et non habet finem : excelsus et immensus. Ibi fuerunt gigantes nominati illi, qui ab initio fuerunt, statūra magna, scientes bellum. Non hos elegit Dominus, neque viam disciplinæ invenerunt ; propterea perierunt. Et, quoniam non habuerunt sapientiam, interierunt propter suam insipientiam. Quis ascendit in cælum, et accepit eam, et eduxit eam de nubibus ? Quis transfretavit mare, et invenit illam ; et attulit illam super aurum electum ? Non est qui possit scire vias ejus, neque qui exquirat semitas ejus : sed qui scit universa, novit eam, et adinvenit eam prudentia sua ; qui præparavit terram in æterno tempore, et replavit eam pecudibus et quadrupedibus ; qui emittit lumen, et vadit, et vocavit illud, et obedit illi in tremore. Stellæ autem dederunt lumen in custodiis suis, et lætatae sunt ; vocatae sunt, et dixerunt : Adsumus ; et luxerunt ei cum jucunditate, qui fecit illas. Hic est Deus noster, et non aestimabitur aliud adversus eum. Hic adinvenit omnem viam disciplinæ, et tradidit illam Jacob puero suo, et Israël dilecto suo. Post hæc in terris visus est, et cum hominibus conversatus est.

Orémus. Flectamus genua.

R. Levate.

Oratio.

DEUS, qui Ecclesiam tuam semper Géntium vocatione

w

multiplicas : concede propitius, ut quos aqua baptismatis abluis, continua protectione tuearis. Per, etc.

Prophetia Septima. Ezech. 37.

IN diébus illis : Facta est super me manus Domini, et eduxit me in spiritu Domini ; et dimisit me in medio campi qui erat plenus ossibus ; et circumduxit me per ea in gyro. Erant autem multa valde super faciem campi, sicque vehementer. Et dixit ad me : Fili hominis, putasne vivent ossa ista ? Et dixi : Domine Deus, tu nosti. Et dixit ad me : Vaticinare de ossibus istis, et dices : Ossa arida, audite verbum Domini. Hæc dicit Dominus Deus ossibus his : Ecce ego intromittam in vos spiritum, et vivetis. Et dabo super vos nervos, et succrescere faciam super vos carnes, et superextendam in vobis cutem ; et dabo vobis spiritum, et vivetis, et sciétis quia ego Dominus. Et prophetavi sicut præceperat mihi : factus est autem sonitus prophetante me, et ecce commotio : et accesserunt ossa ad ossa, unumquodque ad juncturam suam. Et vidi, et ecce super ea nervi et carnes ascenderunt ; et extenta est in eis cutis desuper, et spiritum non habebant. Et dixit ad me : Vaticinare ad spiritum, vaticinare, fili hominis, et dices ad spiritum : Hæc dicit Dominus Deus : A quatuor ventis veni, spiritus, et insuffla super interfectos istos, et reviviscant. Et prophetavi sicut præceperat mihi : et ingressus est in ea spiritus, et vixerunt ; steteruntque super pedes suos exercitus grandis nimis valde. Et dixit ad me : Fili hominis, ossa hæc universa, domus Israël est. Ipsi dicunt : Aruerunt ossa nostra, et periit spes nostra, et abscissi sumus. Propterea vaticinare, et dices ad eos : Hæc dicit Dominus Deus :

Ecce ego apériam túmulos vestros, et edúcam vos de sepúlcris vestris, pópule meus; et indúcam vos in terram Israël. Et sciétis quia ego Dóminus, cum aperúero sepúlcras vestra, et edúxero vos de túmulis vestris, pópule meus; et dédéro spíritum meum in vobis, et vixéritis, et requiescere vos fáciam super humum vestram: dicit Dóminus omnipotens.

Orémus. Flectámus génua.

R. Leváte.

Oratio.

DEUS, qui nos ad celebrándum Paschále Sacraméntum, utriúsque Testaménti páginis instruis: da nobis intelligere miséricórdiam tuam; ut ex perceptióne præséntium múnere, firma sit expectatio futurórum. Per, etc.

Prophetia Octava. Isa. 4.

APPREHENDENT septem mulieres virum unum in die illa, dicéntes: Panem nostrum comedémus, et vestiméntis nostris operiémur: tantúmmodo invocétur nomen tuum super nos, aufer opprobrium nostrum. In die illa erit germen Dómini in magnificéntia et glória, et fructus terræ sublímis, et exultatio his qui salváti fúerint de Israël. Et erit: Omnis qui relictus fúerit in Sion, et resíduus in Jerúsalem, sanctus vocábitur, omnis qui scriptus est in vita in Jerúsalem. Si ablúerit Dóminus sordes filiárum Sion, et ságuinem Jerúsalem láverit de médio ejus, in spíritu judicii et spíritu ardóris. Et creábit Dóminus super omnem locum montis Sion, et ubi invocátus est, nubem per diem, et fumum et splendórem ignis flammántis in nocte: super omnem enim glóriam protéctio. Et tabernáculum erit in umbráculum

diéi ab æstu, et in securitátem et absconsiónem à túrbine et à plúvia.

Tractus. Isa. 5. Vinea facta est dilécto in cornu, in loco úberi.

V. Et macériam circúmdedit, et circumfódit: et plantávit véneam Sorec, et ædificávit turrim in médio ejus.

V. Et tórcular fodit in ea: vénea enim Dómini Sábaoth, domus Israël est.

Orémus. Flectámus génua.

R. Leváte.

Oratio.

DEUS, qui in ómnibus Ecclésiæ tuæ filiis, sanctórum Propheetárum voce, manifestásti, in omni loco dominationis tuæ, satórem te bonórum séminum, et electórum pálmitem esse cultórem: tribue pópulis tuis, qui et vineárum apud te nómine censéntur et ségetum; ut, spinárum et tribulórum squalóre resecáto, digna efficiántur fruge fœcúndi. Per Dóminum, etc.

Prophetia Nona. Exod. 12.

IN diébus illis: Dixit Dóminus ad Móysen et Aaron in terra Ægypti: Mensis iste vobis principium ménsium, primus erit in ménsibus anni. Loquimini ad univérsum cœtum filiórum Israël, et dicite eis: Décima die mensis hujus tollat unusquisque agnum per familias et domos suas. Sin autem minor est numerus ut sufficere possit ad vescéndum agnum, assúmet vicinum suum, qui junctus est dómui suæ, juxta númerum animárum quæ sufficere possunt ad esum agni. Erit autem agnus absque mácula, másculus, annículus, juxta quem ritum tollétis et hœdum. Et servábitis eum usque ad quartamdécimam diem mensis hujus: immolábitque eum univérsa multitúdo

filiórum Israël ad vésperam. Et sument de ságuine ejus, ac ponent super utrúnque postem, et in superlimináriis domórum in quibus cómedent illum. Et edent carnes nocte illa assas igni, et ázynos panes cum lactúcis agréstibus. Non comedétis ex eo crudum quid, nec coctum aqua, sed tantum assum igni: caput cum pédibus ejus et intestinis vorábitis. Nec remanébit quidquam ex eo usque mane. Si quid resíduum fúerit, igne comburétis. Sic autem comedétis illum: Renes vestros accingétis, et calceaménta habébitis in pédibus, tenentes báculos in mánibus, et comedétis festinánter: est enim Phase (id est tránsitus) Dómini.

Orémus. Flectámus génua.

R. Leváte.

Oratio.

OMNIPOTENS sempitérne Deus, qui in ómnium óperum tuórum dispensatióne mirábilis es: intélligant redépti tui, non fuisse excellentius, quod initio factus est mundus, quam quod in fine sæculórum Pascha nostrum immolátus est Christus. Qui tecum vivit, etc.

Prophetia Decima. Jonæ 3.

IN diébus illis: Factum est verbum Dómini ad Jonam Prophétam secúndo, dicens: Surge, et vade in Niniven civitátem magnam, et prædica in ea prædicatióem, quam ego loquor ad te. Et surrêxit Jonas, et ábiit in Niniven juxta verbum Dómini. Et Ninive erat civitas magna itinere diérum trium. Et cœpit Jonas introire in civitátem itinere diéi unius, et clamávit, et dixit: Adhuc quadraginta dies, et Ninive subvertétur. Et credidérunt viri Ninivítæ in Deum: et prædicavérunt jejúnium, et vestiti sunt sac-

cis à majóre usque ad minórem. Et pervénit verbum ad regem Ninive: et surrêxit de solio suo, et abjécit vestiméntum suum à se, et indútus est sacco, et sedit in cinere. Et clamávit, et dixit in Ninive ex ore regis, et principum ejus, dicens: Hómines, et juménta, et boves, et pécora non gustent quidquam, nec pascántur, et aquam non bibant, et operiántur saccis hómines, et juménta, et clament ad Dóminum in fortitúdine, et convertátur vir à via sua mala, et ab iniquitáte, quæ est in mánibus eórum. Quis scit si convertátur, et ignóscat Deus, et revertátur à furóre iræ suæ, et non peribimus? Et vidit Deus ópera eórum, quia convérsi sunt de via sua mala: et misértus est pópulo suo Dóminus Deus noster.

Orémus. Flectámus génua.

R. Leváte.

Oratio.

DEUS, qui diversitátem Géntium in confessiόne tui nóm̃inis adunásti: da nobis et velle, et posse quæ præcipis; ut pópulo ad æternitátem vocáto, una sit fides méntium, et pietas actiόnum. Per Dóminum, etc.

Prophetia Undecima. Deut. 31.

IN diébus illis: Scripsit Móyses cánticum, et dócuit filios Israël. Præcepitque Dóminus Jósue filio Nun, et ait: Confortáre, et esto robústus: tu enim introdúces filios Israël in terram, quam pollicitus sum, et ego ero tecum. Postquam ergo scripsit Móyses verba legis hujus in volúmine, atque complévit, præcepit Levítis, qui portábant arcam fœderis Dómini, dicens: Tollite librum istum, et pónite eum in latere arcæ fœderis Dómini Dei vestri: ut sit ibi contra te in

testimónium. Ego enim scio contentiónem tuam, et cervicem tuam duríssimam. Adhuc vivénte me, et ingrediénte vobíscum, semper contentióse egístis contra Dómiuum : quanto magis cum mórtuus fúero ? Congregáte ad me omnes majóres natu per tribus vestras, atque doctóres, et loquar audiéntibus eis sermónes istos, et invocábo contra eos cœlum et terram. Novi enim quod post mortem meam inique agétis, et declinábitis cito de via quam præcépi vobis : et occurrerent vobis mala in extrémó témpore, quando fecérítis malum in conspéctu Dómini, ut irritétis eum per ópera mánuum vestrárum. Locútus est ergo Móyses, audiénte univérso cœtu Israël, verba cárminis hujus, et ad finem usque complévit.

Tractus. Deut. 32. Atténde cœlum, et loquar : et áudiat terra verba ex ore meo.

Ÿ. Expectétur sicut plúvia elóquium meum : et descéndant sicut ros verba mea.

Ÿ. Sicut imber super gramen, et sicut nix super fœnum : quia nomen Dómini invocábo.

Ÿ. Date magnítudinem Deo nostro : Deus, vera ópera ejus, et omnes viæ ejus judicia.

Ÿ. Deus fidélis, in quo non est iníquitas : justus et sanctus Dóminus.

Orémus. Flectámus génua.

R. Leváte.

Oratio.

DEUS, celsitúdo humílium, et fortitúdo rectórum : qui per sanctum Móysen púerum tuum, ita erudire pópulum tuum sacri cárminis tui decantatióne voluísti, ut illa legis iterátio fieret étiam nostra diréctio : éxcita in omnem justificárum Géntium plenitúdinem po-

téntiam tuam, et da lætítiam, mitigándo terrórem ; ut ómnium peccátis tua remissióne delétis, quod denuntiátum est in ultiónem, tráns-eat in salútem. Per, etc.

Prophetia Duodecima. Dan. 3.

IN diébus illis : Nabuchodónosor rex fecit státuam áuream, altitú-dine cubitórum sexaginta, latitú-dine cubitórum sex, et státuit eam in campo Dura provinciæ Babylónis. Itaque Nabuchodónosor rex misit ad congregándos sátrapas, magistrátus, et júdices, duces, et tyránnos, et præfectos, omnesque príncipes regiónum, ut convenírent ad dedicatiónem státuæ, quam eréxerat Nabuchodónosor rex. Tunc congregáti sunt sátrapæ, magistrátus, et júdices, duces, et tyránni, et optimátes, qui erant in potestátibus constitúti, et univérsi príncipes regiónum, ut convenírent ad dedicatiónem státuæ, quam eréxerat Nabuchodónosor rex. Stabant autem in conspéctu státuæ, quam posúerat Nabuchodónosor rex ; et præco clamábat valénte : Vobis dicitur pópulis, tribubus, et linguis : In hora qua audiéritis sónitum tubæ, et fistulæ, et cítharæ, sambú-cæ, et psaltérii, et symphóniæ, et univérsi géneris musicórum, cadéntes adoráte státuam áuream, quam constituit Nabuchodónosor rex. Si quis autem non prostrátus adoráverit, eádem hora mittétur in fornácem ignis ardéntis. Post hæc ígitur statim ut audiérunt omnes pópuli sónitum tubæ, fistulæ, et cítharæ, sambú-cæ, et psaltérii, et symphóniæ, et omnis géneris musicórum : cadéntes omnes pópuli, tribus, et linguae, adoravérunt státuam áuream, quam constitúerat Nabuchodónosor rex. Statímque in ipso témpore accedéntes viri

Chaldæi, accusavérunt Judæos, dixerúntque Nabuchodónosor regi : Rex, in ætérnum vive : tu rex posuisti decrétum, ut omnis homo, qui audierit sónitum tubæ, fistulæ, et citharæ, sambúcæ, et psaltérii, et symphóniæ, et univérsi géneris musicórum, prostérnat se, et adóret státuam áuream : si quis autem non prócidens adoráverit, mittátur in fornácem ignis ardéntis. Sunt ergo viri Judæi quos constituísti super ópera regiónis Babylónis, Sidrach, Misach, et Abdénago : viri isti contempsérunt, rex, decrétum tuum : deos tuos non colunt, et státuam áuream quam erexísti, non adorant. Tunc Nabuchodónosor in furóre et in ira præcépit ut adduceréntur Sidrach, Misach, et Abdénago : qui conféstim addúcti sunt in conspéctu regis. Pronuntiánsque Nabuchodónosor rex, ait eis : Verè ne, Sidrach, Misach, et Abdénago, deos meos non cólitis, et státuam áuream, quam constitui, non adorátis ? Nunc ergo, si estis paráti, quacúmque hora audiéritis sónitum tubæ, fistulæ, citharæ, sambúcæ, et psaltérii, et symphóniæ, omnisque géneris musicórum, prostérnite vos, et adoráte státuam quam feci : quod si non adoravéritis, eádem hora mittémini in fornácem ignis ardéntis : et quis est Deus, qui erípiet vos de manu mea ? Respondéntes Sidrach, Misach, et Abdénago, dixerunt regi Nabuchodónosor : Non opórtet nos de hac re respondére tibi. Ecce enim Deus noster, quem cólimus, potest erípere nos de camíno ignis ardéntis, et de mánibus tuis, o rex, liberáre. Quod si nolúerit, notum sit tibi, rex, quia deos tuos non cólimus, et státuam áuream, quam erexísti, non adorámus. Tunc Nabuchodónosor replétus est furóre : et aspéctus facièi illius immutátus est super Sidrach, Misach, et Abdé-

nago : et præcépit ut succenderétur fornax séptuplum quam succéndi consuéverat. Et viris fortíssimis de exércitu suo jussit, ut ligátis pédibus Sidrach, Misach, et Abdénago, mitterent eos in fornácem ignis ardéntis. Et conféstim viri illi vincti cum braccis suis, et tiáris, et calceaméntis, et véstibus, missi sunt in médium fornácis ignis ardéntis : nam jússio regis urgebat ; fornax autem succénsa erat nimis. Porro viros illos, qui miserant Sidrach, Misach, et Abdénago, interfécit flamma ignis. Viri autem hi tres, id est, Sidrach, Misach, et Abdénago, ceciderunt in médio camíno ignis ardéntis colligáti, et ambulábant in médio flammæ, laudántes Deum, et benedicéntes Dómino.

Hic non dicitur Flectámus génua, sed tantum :

Orémus.

Oratio.

OMNIPOTENS sempitérne Deus, spes única mundi, qui Prophetárum tuórum præcónio, præséntium téporum declarásti mystéria : auge pópuli tui vota placátus ; quia in nullo fidélium, nisi ex tua inspiratióne, provéniant quarúmlibet increménta virtútum. Per Dóminum, etc.

¶ *His expletis, si Ecclesia habuerit Fontem Baptismalem, Sacerdos benedicturus Fontem, accipit pluviale violaceum : et præcedente Cruce cum Candelabris, et Cereo benedicto accenso, descendit cum Clero et ministris paratis ad Fontem, et interim cantatur sequens :*

Tractus. Ps. 41. Sicut cervus desiderat ad fontes aquárum, ita desiderat ánima mea ad te, Deus.

Ÿ. Sitívit ánima mea ad Deum

vivum : quando véniam, et apparebo ante fáciem Dei ?

Ÿ. Fuérunt mihi lácrymæ meæ panes die ac nocte, dum dicitur mihi per singulos dies : Ubi est Deus tuus ?

Deinde Sacerdos, antequam intret ad benedictionem Fontis, dicit hanc Orationem juxta Fontem :

Ÿ. Dóminus vobíscum.

R. Et cum spírítu tuo.

Orémus.

Oratio.

OMNIPOTENS sempitérne Deus, réspice propítius ad devotiónem pópuli renascéntis, qui, sicut cervus, aquárum tuárum éxpetit fontem : et concéde propítius, ut fidei ipsíus sitis baptísmatis mystério, ánimam, corpúsque sanctíficet. Per Dóminum nostrum, etc.

R. Amen.

Postea procedit ad benedictionem Fontis, dicens :

Ÿ. Dóminus vobíscum.

R. Et cum spírítu tuo.

Orémus.

Oratio.

OMNIPOTENS sempitérne Deus, adésto magnæ pietátis tuæ mystériis, adésto sacraméntis, et ad recreándos novos pópulos, quos tibi fons baptísmatis párturit, spírítum adoptiónis emítte : ut, quod nostræ humilitátis geréndum est ministério, virtútis tuæ impleátur effectú. Per Dóminum . . . in unitáte ejúdem, etc.

Elevans vocem in modum Præfationis, proseguitur junctis manibus.

PER ómnia sæcula sæculórum.

R. Amen.

Ÿ. Dóminus vobíscum.

R. Et cum spírítu tuo.

Ÿ. Sursum corda.

R. Habémus ad Dóminum.

Ÿ. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, nos tibi semper et ubique grátias ágere : Dómine sancte, Pater omnípotens, ætérne Deus. Qui invisibili poténtia, sacramentórum tuórum mirábiliter operáris effectum : et licet nos tantis mystériis exequéndis simus indigni ; tu tamen grátia tuæ dona non désere, etiam ad nostras preces aures tuæ pietátis inclinas. Deus, cujus Spírítus super aquas, inter ipsa mundi primórdia ferebátur : ut jam tunc virtútem sanctificatiónis aquárum natúra concíperet. Deus, qui nocéntis mundi crimina per aquas ábluens, regeneratiónis spéciem in ipsa dilúvii effusióne signásti : ut unius ejusdémque eleménti mystério, et finis esset vítiis, et orígo virtútibus. Réspice, Dómine, in fáciem Ecclésiæ tuæ, et multiplíca in ea regeneratiónes tuas ; qui grátia tuæ affluéntis ímpetu lætíficas civitátem tuam, fontémque baptísmatis áperis toto orbe terrárum Géntibus innovándis : ut tuæ majestátis império, sumat Unigéniti tui grátiam de Spírítu sancto.

Hic Sacerdos manu extensa dividit aquam in modum Crucis ; et eam statim linteo extergit, dicens :

Qui hanc aquam regenerándis homínibus præparátam, arcána sui núminis admixtióne fecúndet : ut sanctificatióne concépta, ab immaculáto divíni fontis útero, in novam renáta creatúram, progénies coeléstis emérgat : et quos aut sexus in corpore, aut ætas discérnit in témpore, omnes in unam páriat grátia

mater infántiam. Procul ergo hinc, jubénte te, Dómine, omnis spíritus immúndus abscédât : procul tota nequítia diabólicæ fraudis absístat. Nihil hic loci hábeat contráriæ virtútis admíxtio ; non insidiádo circúmvolet ; non laténdo subrépat ; non inficiéndo corrúmpat.

Aquam manu tangit.

Sit hæc sancta et innocens creatúra, libera ab omni impugnatóris incúrsu, et totíus nequítiae purgáta discéssu. Sit fons vivus, aqua regénerans, unda purificans : ut omnes hoc lavácro salutífero diluéndi, operánte in eis Spíritu sancto, perfectæ purgatiónis indulgéntiam consequántur.

Facit tres Cruces super Fontem, dicens :

Unde benedíco te, creatúra aquæ, per Deum ✠ vivum, per Deum ✠ verum, per Deum ✠ sanctum ; per Deum, qui te in princípio, verbo separávit ab árida ; cujus spíritus super te ferebátur.

Hic manu aquam dividit, et effundit eam versus quatuor mundi partes, dicens :

Qui te de paradisi fonte manáre fecit, et in quátuor flumínibus totam terram rigáre præcépit. Qui te in desérto amáram, suavitate índita, fecit esse potábilem, et sitiénti pópulo de petra produxit. Be✠nedíco te, et per Jesum Christum Fílium ejus únicum, Dóminum nostrum, qui te in Cana Galilææ, signo admirábili, sua poténtia convértit in vinum : qui pédibus super te ambulávit ; et à Joánnē in Jordáne in te baptizátus est : qui te unà cum ságuine de látere suo produxit ; et discíplulis suis jussit ut credéntes baptizaréntur in te, dicens : Ite, docéte omnes gentes, baptizántes

eos in nómine Patris, et Fílii, et spíritus sancti.

Mutat vocem, et prosequitur in tono Lectionis.

HÆC nobis præcépta servántibus, tu, Deus omnípotens, clemens adesto : tu benígnus adspíra. (*Halat ter in aquam in modum Crucis, dicens :*) Tu has simplices aquas tuo ore benedícto : ut præter naturálem emundatióem, quam lavándis possunt adhibére corpóribus, sint étiam purificándis méntibus effícaces.

Hic Sacerdos paululum dimittit Cereum in aquam : et resumens tonum Præfationis, dicit :

Descéndat in hanc plenitúdinem fontis virtus Spíritus sancti.

Deinde extractum Cereum de aqua, iterum profundius mergit, aliquanto altius repetens : Descéndat, etc.

Postea Cereum rursus de aqua extractum, tertio immergens usque ad fundum, altiori adhuc voce repetit : Descéndat, etc., ut supra.

Et deinde sufflans ter in aquam, secundum hanc figuram (✠), prosequitur :

Totámque hujus aquæ substántiam regenerándi fecúndet effectú.

Hic tollit Cereum de aqua, et prosequitur :

Hic ómnium peccatórum máculæ deleántur : hic nátura ad imáginem tuam cóndita, et ad honórem sui reformáta princípíi, cunctis vetustátis squalóribus emundétur : ut omnis homo sacraméntum hoc regeneratiónis ingrèssus, in veræ innocentiae novam infántiam renascatur.

Sequentia dicit legendo.

Per Dóminum nostrum Jesum

Christum Filium tuum, qui venturus est iudicare vivos et mortuos, et sæculum per ignem.

R. Amen.

Deinde per assistentes Sacerdotes spargitur de ipsa aqua benedicta super populum. Et interim unus ex Ministris Ecclesiæ accipit in vase aliquo de eadem aqua, ad aspergendum in domibus, et aliis locis. His peractis, Sacerdos, qui benedicit Fontem, infundit de oleo Catechumenorum in aquam in modum crucis, intelligibili voce dicens :

Sanctificetur, et fecundetur fons iste oleo salutis, renascentibus ex eo, in vitam æternam.

R. Amen.

Deinde infundit de Chrismate modo quo supra, dicens :

Infusio Chrismatis Domini nostri Jesu Christi, et Spiritus sancti Paracleti, fiat in nomine sanctæ Trinitatis.

R. Amen.

Postea accipit ambas ampullas dicti olei sancti, et Chrismatis, et de utroque simul in modum Crucis infundendo, dicit :

Commixtio Chrismatis sanctificationis, et olei unctionis, et aquæ baptismatis, pariter fiat in nomine Patris, et Filii, et Spiritus sancti.

R. Amen.

Tunc miscet ipsum oleum cum aqua, et spargit manu sua per omnem Fontem. Si aderunt baptizandi, eos baptizat more consueto. Deinde revertentibus Sacerdote et Ministris ad Altare, cantantur Litanie à duobus Clericis, et Chorus idem simul repetit, ut dicitur infra.

¶ Ubi vero non est Fons Baptismalis, finita ultima Prophetia cum sua Oratione, Celebrans casulam deponit, et cum Ministris ante Altare procumbit : et aliis omnibus genuflexis, cantantur Litanie in medio Chori à duobus Cantoribus, utroque Choro idem simul respondente. Cum autem perventum fuerit ad V. Peccatores, te rogamus, etc., Sacerdos et Ministri surgunt, et accedentes ad Sacristiam, induuntur paramentis albi coloris, pro Missa solemniter celebranda : et interim accenduntur luminaria in Altari. In fine Litaniarum cantantur solemniter Kyrie, eléison, et repetuntur ut in Missa moris est.

KYRIE, eléison.
Christe, eléison.

Kyrie, eléison.

Christe, audi nos.

Christe, exaudi nos.

Pater de cælis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

Sancta Trinitas unus Deus, miserere nobis.

Sancta Maria, ora pro nobis.

Sancta Dei Genitrix, ora.

Sancta Virgo Virginum, ora.

Sancte Michaël, ora.

Sancte Gábriël, ora.

Sancte Ráphaël, ora.

Omnes sancti Angeli et Archangeli, oráte pro nobis.

Omnes sancti beatórum spirituum ordines, oráte.

Sancte Joánnes Baptista, ora.

Sancte Joseph, ora.

Omnes sancti Patriarchæ et Prophætæ, oráte pro nobis.

Sancte Petre, ora.

Sancte Paule, ora.

Sancte Andréa, ora.

Sancte Joánnes, ora.

Omnes sancti Apóstoli et Evangelistæ, oráte pro nobis.

Omnes sancti Discípuli Dómini, oráte pro nobis.

Sancte Stéphane, ora.

Sancte Lauréti, ora.

Sancte Vincéti, ora.

Omnes sancti Mártýres, oráte pro nobis.

Sancte Silvéster, ora.

Sancte Gregóri, ora.

Sancte Augustíne, ora.

Omnes sancti Pontífices et Confessóres, oráte pro nobis.

Omnes sancti Doctóres, oráte pro nobis.

Sancte Antóni, ora.

Sancte Benedicte, ora.

Sancte Domínice, ora.

Sancte Francíscæ, ora.

Omnes sancti Sacerdótes et Levítæ, oráte pro nobis.

Omnes sancti Mónachi et Eremítæ, oráte pro nobis.

Sancta María Magdaléna, ora.

Sancta Agnes, ora.

Sancta Cæcília, ora.

Sancta Agatha, ora.

Sancta Anastásia, ora.

Omnes sanctæ Virgines et Víduæ, oráte pro nobis.

Omnes Sancti et Sanctæ Dei, intercédite pro nobis.

Propítius esto, parce nobis, Dómine.

Propítius esto, exáudi nos, Dómine.

Ab omni malo, libera nos, Dómine.

Ab omni peccáto, libera.

A morte perpétua, libera.

Per mystérium sanctæ Incarnatiónis tuæ, libera nos, Dómine.

Per Advéntum tuum, libera.

Per Nativitátem tuam, libera.

Per Baptísmum et sanctum Jejunium tuum, libera.

Per Crucem et Passiónem tuam, libera nos, Dómine.

Per Mortem et Sepultúram tuam, libera nos, Dómine.

Per sanctam Resurrectiónem tuam, libera nos, Dómine.

Per admirábilem Ascensiónem tuam, libera nos, Dómine.

Per advéntum Spíritus sancti Parácliti, libera nos, Dómine.

In die Judícii, libera nos, Dómine.

Peccatóres, Te rogámus, audi nos.

Ut nobis parcas, Te rogámus, audi nos.

Ut Ecclesiám tuam sanctam régere et conserváre dignéris, te rogámus, audi nos.

Ut domnum Apostólicum, et omnes Ecclesiásticos órdenes in sancta religiône conserváre dignéris, te rogámus.

Ut inimícos sanctæ Ecclesiæ humiliáre dignéris, te rogámus.

Ut Régibus et Principibus Christianis pacem et veram concórdiam donáre dignéris, te rogámus.

Ut nosmetípsos in tuo sancto servítio confortáre et conserváre dignéris, te rogámus.

Ut ómnibus benefactoribus nostris sempitérna bona retríbas, te rogámus.

Ut fructus terræ dare et conserváre dignéris, te rogámus.

Ut ómnibus fídelibus defunctis réquiem ætérnam donáre dignéris, te rogámus.

Ut nos exaudire dignéris, te rogámus, audi nos.

Agnus Dei, qui tollis peccáta mundi, Parce nobis, Dómine.

Agnus Dei, qui tollis peccáta mundi, Exáudi nos, Dómine.

Agnus Dei, qui tollis peccáta mundi, Miserére nobis.

Christe, audi nos.

Christe, exáudi nos.

Hic Cantores solemniter incipiunt,

Kyrie, eléison, Christe, eléison, Kyrie, eléison, *et ter singula repetuntur.* Interim Sacerdos cum Ministris in paramentis albis, accedit ad Altare; et dicto Psalmo Júdica me, Deus, cum Glória Patri, facit confessionem, ut moris est, in loco consueto: deinde ascendens, osculatur Altare, incensat more solito; et finitis à Choro Kyrie, eléison, incipit solemniter Glória in excelsis: et pulsantur Campanæ.

Postea Sacerdos dicit:

Ÿ. Dóminus vobiscum.

R. Et cum spíritu tuo.

Orémus.

Oratio.

DEUS, qui hanc sacratissimam noctem glória Domínicæ resurrectionis illústras: consérva in nova familiæ tuæ progénie adoptiōnis spíritum, quem dedisti: ut corpore et mente renováti, puram tibi exhibeant servitútem. Per eúdem Dóminum, etc., ... in unitáte ejusdem, etc.

Lectio Epistolæ beáti Pauli Apóstoli ad Colossenses. *Coloss. 3.*

FRATRES, Si consurrexistis cum Christo, quæ sursum sunt quærite, ubi Christus est in dextera Dei sedens: quæ sursum sunt sápite, non quæ super terram. Mórtui enim estis, et vita vestra est abscondita cum Christo in Deo. Cum Christus apparúerit, vita vestra; tunc et vos apparébitis cum ipso in glória.

Finita Epistola, Celebrans incipit: Allelúia.

Et totum decantat ter, elevando vocem gradatim: et Chorus post quamlibet vicem, in eodem tono repetit illud idem.

Postea Chorus prosequitur.

Ps. 117. Ÿ. Confitémini Dómino, quóniam bonus: quóniam in sæculum misericórdia ejus.

Deinde dicitur Tractus.

Ps. 116. Laudáte Dóminum omnes gentes, et collaudáte eum omnes pópuli.

Ÿ. Quóniam confirmáta est super nos misericórdia ejus, et véritas Dómini manet in ætérnum.

Ad Evangelium non portantur luminaria, sed tantum incensum: petitur benedictio, et alia fiunt de more.

Sequéntia sancti Evangélíi secúndum Matthæum. *Matth. 28.*

VESPERE autem Sábbati, quæ lucéscit in prima Sábbati, venit María Magdaléne, et áltera María vidére sepúlchrum. Et ecce terrémótus factus est magnus. Angelus enim Dómini descendit de cælo; et accédens revólvit lápidem, et sedébat super eum. Erat autem aspéctus ejus sicut fulgur, et vestiméntum ejus sicut nix. Præ timóre autem ejus extérriti sunt custódes, et facti sunt velut mórtui. Respondens autem Angelus, dixit muliéribus: Nolite timére vos: scio enim quod Jesum, qui crucifixus est, quæritis: non est hic: surréxit enim, sicut dixit. Veníte, et vidéte locum ubi pósitus erat Dóminus. Et cito eúntes, dícite discípulis ejus quia surréxit: et ecce præcédet vos in Galilæam; ibi eum vidébitis. Ecce prædixi vobis.

Non dicitur Credo, sed finito Evangelio, Sacerdos dicit: Dóminus vobiscum.

Postea Orémus. Non dicitur Offertorium. Ad Lavábo, dicitur Glória Patri.

Secreta.

SUSCIPE, quæsumus, Dómine, preces pópuli tui, cum oblationibus hostiárum: ut Paschálibus initiáta mystériis, ad æternitátis nobis medélam, te operánte, proficiant. Per Dóminum, etc.

Præfatio. Te quidem, Dómine, omni témpore, sed in hac potíssimum nocte.

Infra actionem.

COMMUNICANTES, et noctem sacratíssimam celebrántes Resurrectiónis Dómini nostri Jesu Christi secúndum carnem: sed et memóriam venerántes, in primis gloriósæ semper Vírginis Mariæ, genitrícis ejúsdem Dei et Dómini nostri Jesu Christi: sed et beatórum Apostolórum, ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum; quorum méritis precibúsq; concédas, ut in ómnibus protectiónis tuæ muniámur auxilio. Per eúndem Christum Dóminum nostrum. Amen.

HANC igitur oblationem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua et Spíritu sancto, tríbuens eis remissionem ómnium peccatórum, quæsumus, Dómine, ut placátus accípias, diésque nostros in tua pace dispónas, atque ab æténa damnatióne nos éripi, et in electórum tuórum júbeas grege numerári. (*Jungit manus.*) Per Christum Dóminum nostrum. Amen.

Dicitur Pax Dómini sit semper vobiscum: sed pacis osculum non datur. Agnus Dei non dicitur, nec Postcommunio: dicuntur tamen tres consuetæ Orationes ante Communionem.

Post sumptionem Sacramenti pro Vesperis in Choro cantatur Antiphona: Allelúia, allelúia, allelúia, et Psalmus 116.

LAUDATE Dóminum omnes Gentes: * laudáte eum omnes pópuli.

Quóniam confirmáta est super nos misericórdia ejus: * et véritas Dómini manet in ætérnum.

Glória Patri, et Fílio, et Spirítui sancto.

Sicut erat in princípio, et nunc et semper, et in sæcula sæculórum. Amen.

Antiphona. Allelúia, allelúia, allelúia.

Capitulum, Hymnus, et Versus non dicuntur; sed statim Celebrans in cantu incipit Antiphonam ad Magnificat.

Véspere autem Sábbati.

Et prosequitur Chorus:

Quæ lucéscit in prima Sábbati, venit María Magdaléne, et áltera María vidére sepúlcrum. Allelúia.

Deinde cantatur Magnificat, cum Glória Patri in fine: et fit incensatio, ut alias in Vesperis.

Repetita Antiphona, Celebrans dicit:

V. Dóminus vobiscum.

R. Et cum spíritu tuo.

Orémus.

SPIRITUM nobis, Dómine, tuæ caritátis infúnde: ut quos sacraméntis Paschálibus satiásti,

tua fácias pietáte concórdes. Per Dóminum nostrum Jesum Christum Fílium tuum. Qui tecum vivit et regnat in unitáte ejúsdem Spíritus sancti Deus, per ómnia sæcula sæculórum.

R. Amen.

Deinde dicit : Dóminus vobiscum.


Et Diaconus vertens se ad populum, cantat :

Ite, Missa est. Allelúia, allelúia.

R. Deo grátias. Allelúia, allelúia.

Et dicitur usque ad Sabbatum in Albis inclusivè.

Et Sacerdos, dicto Pláceat tibi, sancta Trínitas, dat benedictionem more solito.



ORDO MISSÆ.

Sacerdos paratus, cum ingreditur ad Altare, facta illi debita reverentia, signat se signo Crucis à fronte ad pectus, et clara voce dicit :

IN nómine Patris, et Filii, et Spíritus sancti. Amen.

Deinde junctis manibus ante pectus, incipit Antiphonam: Introibo ad altáre Dei.

Ministri R. Ad Deum, qui lætíficat juventútem meam.

Postea alternatim cum Ministris dicit sequentem Psalmum.

Psalmus 42.

JUDICA me, Deus, et discérne causam meam de gente non sancta : ab hómine iníquo et dolóso érue me.

M. Quia tu es, Deus, fortitúdo mea : quare me repulísti ? et quare tristis incédo, dum affligit me inimicus ?

S. Emítte lucem tuam et veritátem tuam : ipsa me deduxérunt, et adduxérunt in montem sanctum tuum, et in tabernácula tua.

M. Et introibo ad altáre Dei : ad Deum, qui lætíficat juventútem meam.

S. Confitébor tibi in cíthara,

Deus, Deus meus : quare tristis es, ánima mea ? et quare contúrbas me ?

M. Spera in Deo, quóniam adhuc confitébor illi : salutáre vultus mei, et Deus meus.

S. Glória Patri, et Filio, et Spíritui sancto.

M. Sicut erat in princípio, et nunc, et semper, et in sæcula sæculórum. Amen.

S. Repetit Antiphonam. Introibo ad altáre Dei.

M. R. Ad Deum, qui lætíficat juventútem meam.

Signat se dicens : V. Adjutórium nostrum in nómine Dómini.

R. Qui fecit cœlum et terram.

Deinde, junctis manibus, profundè inclinatus facit Confessionem.

In Missis Defunctorum, et in Missis de Tempore, à Dominica Passionis usque ad Sabbatum sanctum exclusivè, omittitur Psalmus Júdice me, Deus, etc., cum Glória Patri, et repetitio Antiphonæ : sed dicto In nómine Patris, Introibo, et Adjutórium, fit Confessio, ut sequitur.

CONFITEOR Deo omnipoténti, beátæ Mariæ semper vírgini,

beáto Michaéli Archángelo, beáto Joánni Baptístæ, Sanctis Apóstolis Petro et Paulo, ómnibus Sanctis, et vobis, fratres : quia peccávi nimis cogitatione, verbo, et ópere : (*Per-culit sibi pectus ter, dicens*) mea culpa, mea culpa, mea máxima culpa. Ideo precor beátam Mariam semper vírginem, beátum Michaélem Archángelum, beátum Joánnem Baptístam, Sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum Deum nostrum.

Ministri R.

MISEREATUR tui omnipotens Deus, et dimíssis peccá-tis tuis, perdúcat te ad vitam ætérnam.

Sacerdos dicit Amen. Et erigit se.

Deinde Ministri repetunt Confessionem : et ubi à Sacerdote dicebatur vobis, fratres, et vos, fratres, à Ministris dicitur tibi, pater, et te, pater.

Postea Sacerdos, junctis manibus, facit absolutionem, dicens :

MISEREATUR vestri omnipotens Deus, et dimíssis peccá-tis vestris, perdúcat vos ad vitam ætérnam.

R. Amen.

Signat se signo Crucis, dicens :

INDULGENTIAM, absoluti-
onem, et remissionem peccató-
rum nostrórum tríbuat nobis omni-
potens et miséricors Dóminus.

R. Amen.

Et inclinatus prosequitur :

V. Deus, tu convérsus vivificábis nos.

R. Et plebs tua lætábitur in te.

*V. Osténde nobis, Dómine, mi-
sericórdiam tuam.*

R. Et salutáre tuum da nobis.

*V. Dómine, exáudi orationem
meam.*

*R. Et clamor meus ad te vé-
niat.*

V. Dóminus vobíscum.

R. Et cum spíritu tuo.

*Et extendens ac jungens manus,
clara voce dicit Orémus : et ascendens
ad altare, dicit secreto :*

AUFER à nobis, quæsumus,
Dómine, iniquitátes nostras,
ut ad sancta sanctórum puris mere-
ámur méntibus introíre. Per Chris-
tum Dóminum nostrum. Amen.

*Deinde, manibus junctis super Al-
tare, inclinatus, dicit :*

ORAMUS te, Dómine, per mé-
rita Sanctórum tuórum (*Os-
culatur Altare in medio,*) quorum
reliquiæ hic sunt, et ómnium Sanc-
tórum, ut indulgére dignéris ómnia
peccáta mea. Amen.

*In Missa solemni, Celebrans, ante-
quam legat Introitum, benedicit in-
censum, dicens :*

Ab illo bene~~dic~~dicáris, in cujus
honóre cremáberis. Amen.

*Et, accepto thuribulo à Diacono,
incensat Altare, nihil dicens.*

*Postea Diaconus, recepto thuribulo
à Celebrante, incensat illum tantum.*

*Deinde Celebrans, signans se signo
Crucis, incipit Introitum : quo finito,
junctis manibus, alternatim cum Mi-
nistris dicit :*

KYRIE, eléison. Kyrie, eléi-
son. Kyrie, eléison. Christe,
eléison. Christe, eléison. Christe
eléison. Kyrie, eléison. Kyrie
eléison. Kyrie, eléison.

Postea in medio Altaris, extendens et jungens manus, caputque aliquantulum inclinans, dicit, si dicendum est, Glória in excelsis Deo, et prosequitur junctis manibus. Cum dicit: Adoramus te, Grátias ágimus tibi, Jesu Christe, et Súscipe deprecationem, inclinatur caput: et in fine dicens, Cum sancto Spíritu, signat se à fronte ad pectus.

GLORIA in excelsis Deo. Et in terra pax homínibus bonæ voluntátis. Laudamus te. Benedícimus te. Adoramus te. Glorificamus te. Grátias ágimus tibi propter magnam glóriam tuam. Dómine Deus Rex cœlestis, Deus pater omnipotens. Dómine Fili unigénite Jesu Christe. Dómine Deus, Agnus Dei, Filius Patris. Qui tollis peccáta mundi, miserere nobis. Qui tollis peccáta mundi, súscipe deprecationem nostram. Qui sedes ad dexteram Patris, miserere nobis. Quóniam tu solus sanctus, Tu solus Dóminus, Tu solus altissimus, Jesu Christe, Cum sancto Spíritu in glória Dei Patris. Amen.

Sic dicitur Glória in excelsis, etiam in Missis S. Mariæ, quando dicenda est.

Deinde osculatur Altare in medio, et versus ad populum, dicit: V. Dóminus vobiscum. R. Et cum spíritu tuo. Postea dicit Orémus, et Orationes, unam aut plures, ut ordo Officii postulat: sequitur Epístola, Graduále, Tractus, vel Allelúia, cum Versu, aut Sequéntia, ut tempus postulat. His finitis, si est Missa solemnis, Diaconus deponit librum Evangeliorum super medium Altaris, et Celebrans benedicit incensum, ut supra. Deinde Diaconus, genuflexus ante Altare, manibus junctis, dicit:

MUNDA cor meum, ac lábia mea, omnipotens Deus, qui lábia Isaíæ Prophétæ cálculo mundásti igníto: ita me tua grata miseratione dignare mundare, ut sanctum Evangélium tuum digne váleam nuntiare. Per Christum Dóminum nostrum. Amen.

Postea accipit librum de Altari, et rursus genuflexus, petit benedictionem à Sacerdote, dicens:

Jube, domne, benedícere.

Sacerdos respondet:

DOMINUS sit in corde tuo, et in lábiis tuis; ut digne et competenter annúnties Evangélium suum: In nómine Patris, et Filii, ✠ et Spíritus sancti. Amen.

Et, accepta benedictione, osculatur manum Celebrantis: et cum aliis Ministris, incenso et luminaribus, accedens ad locum Evangelii, stans junctis manibus, dicit: V. Dóminus vobiscum. R. Et cum spíritu tuo. Et pronuntians Sequéntia sancti Evangelii secundum N., sive Inítium, pollice dextræ manus signat librum in principio Evangelii quod est lecturus, deinde seipsum in fronte, ore et pectore: et dum Ministri respondent Glória tibi, Dómine, incensat ter librum: postea prosequitur Evangelium junctis manibus. Quo finito, Subdiaconus defert librum Sacerdoti, qui osculatur Evangelium, dicens: Per Evangélica dicta deleántur nostra delicta.

Deinde Sacerdos incensatur à Diacono. Si vero Sacerdos sine Diacono et Subdiacono celebrat, delato libro ad aliud cornu Altaris, inclinatus in medio, junctis manibus, dicit: Munda cor meum, ut supra, et Jube, domne, benedícere. Dóminus sit in corde meo, et in lábiis meis: ut digne et competenter annúntiem Evangélium suum. Amen.

Deinde conversus ad librum, junctis manibus, dicit : V. Dóminus vobiscum. R. Et cum spíritu tuo : et pronuntians Inítium, sive Sequéntia sancti Evangélii, etc., signat librum et se in fronte, ore et pectore, et legit Evangelium, ut dictum est. Quo finito, respondet Minister, Laus tibi, Christe; et Sacerdos osculatur Evangelium, dicens : Per Evangelica dicta, ut supra.

In Missis Defunctorum dicitur Munda cor meum; sed non petitur benedictio, non deferuntur luminaria, nec Celebrans osculatur librum.

Deinde ad medium Altaris extendens, elevans, et jungens manus, dicit, si dicendum est, Credo in unum Deum, et prosequitur junctis manibus. Cum dicit, Deum, caput Cruci inclinat : quod similiter facit cum dicit, Jesum Christum, et simul adoratur. Ad illa autem verba, Et incarnátus est, genuflectit usque dum dicatur, Et homo factus est.

In fine ad Et vitam ventúri sæculi, signat se signo Crucis à fronte ad pectus.

Credo in unum Deum, Patrem omnipoténtem, factórem cœli et terræ, visibílium ómnium et invisibílium. Et in unum Dóminum Jesum Christum, Filium Dei unigénitum. Et ex Patre natum ante ómnia sæcula. Deum de Deo, lumen de lúmine, Deum verum de Deo vero. Génitum, non factum, consubstantiálem Patri : per quem ómnia facta sunt. Qui propter nos hómines, et propter nostram salutem, descendit de cœlis. (*Hic genuflectitur.*) Et incarnátus est de Spíritu sancto ex María Virgine : Et homo factus est. Crucifixus étiam pro nobis, sub Póntio Piláto passus, et sepúltus est. Et resurrexit tértia die, secúndum Scriptúras. Et ascendit in cœlum : sedet

ad dexteram Patris. Et iterum ventúrus est cum glória judicáre vivos et mórtuos : cujus regni non erit finis. Et in Spíritum sanctum, Dóminum, et vivificántem : qui ex Patre Filióque procédit. Qui cum Patre et Filio simul adorátur, et conglorificátur : qui locútus est per Prophétas. Et unam, sanctam, Cathólicam, et Apostólicam Ecclésiám. Confiteor unum baptisma in remissionem peccatórum. Et expécto resurrectionem mortuórum. Et vitam ventúri sæculi. Amen.

Deinde osculatur Altare, et versus ad populum dicit : V. Dóminus vobiscum. R. Et cum spíritu tuo. Postea dicit Orémus, et Offertorium. Quo dicto, si est Missa solemnis, Diaconus porrigit Celebranti patenam cum Hostia : si privata, Sacerdos ipse accipit patenam cum Hostia, quam offerens dicit :

SUSCIPE, sancte Pater, omnipotens ætérne Deus, hanc immaculátam Hóstiam, quam ego indignus fámulus tuus óffero tibi Deo meo vivo et vero, pro innumerábilibus peccátis, et offénsionibus, et negligéntiis meis, et pro ómnibus circumstántibus, sed et pro ómnibus fídelibus Christiánis vivis atque defúntis : ut mihi et illis proficiat ad salutem in vitam ætérnam. Amen.

Deinde, faciens Crucem cum eadem patena, deponit Hostiam super corporale. Diaconus ministrat vinum, Subdiaconus aquam in Calice : vel, si privata est Missa, utrumque infundit Sacerdos, et aquam miscendam in Calice benedicit ✠ dicens :

DEUS, qui humanæ substantiæ dignitatem mirabiliter condidisti et mirabilius reformásti : da nobis, per hujus aquæ et vini mysté-

rium, ejus divinitatis esse consórtes, qui humanitatis nostræ fieri dignátus est párticeps, Jesus Christus Filius tuus Dóminus noster. Qui tecum vivit, etc.

In Missis pro Defunctis dicitur prædicta Oratio, sed aqua non benedicitur.

Postea accipit Calicem, et offert, dicens :

OFFERIMUS tibi, Dómine, cálicem salutáris, tuam deprecántes cleméntiam, ut in conspéctu divínæ Majestátis tuæ, pro nostra et totíus mundi salute, cum odóre suavitátis ascéndat. Amen.

Deinde facit signum Crucis cum Calice, et illum ponit super Corporale, et Palla cooperit : tum, junctis manibus super Altare, aliquantulum inclinatus, dicit :

IN spíritu humilitátis, et in ánimo contríto, suscipíamur à te, Dómine : et sic fiat sacrificium nostrum in conspéctu tuo hódie, ut pláceat tibi, Dómine Deus.

Erectus expandit manus, easque in altum porrectas jungens, elevatis ad cælum oculis, et statim demissis, dicit :

VENI, sanctificátor omnípotens, ætérne Deus : *Benedicit oblata, proseguendo, et bene*✠*dic hoc sacrificium tuo sancto Nómini præparátum.*

Postea, si solemniter celebrat, benedicit incensum, dicens :

PER intercessiónem beáti Michaélis Archángeli stantis à dextris altáris incénsi, et ómnium electórum suórum, incensum istud dignétur Dóminus bene✠dicere, et in odórem suavitátis accipere.

Per Christum Dóminum nostrum. Amen.

Et accepto thuribulo à Diacono, incensat oblata, modo in Rubricis generalibus præscripto, dicens :

INCENSUM istud à te benedictum ascéndat ad te, Dómine, et descéndat super nos misericórdia tua.

Deinde incensat Altare, dicens :

DIRIGATUR, Dómine, oratio mea, sicut incensum in conspéctu tuo : elevátio mánuum meárum sacrificium vespertinum. Pone, Dómine, custódiam ori meo, et óstium circumstántiæ lábiis meis : ut non declínet cor meum in verba malítiæ, ad excusándas excusatiónes in peccátis.

Dum reddit thuribulum diacono, dicit :

ACCENDAT in nobis Dóminus ignem sui amóris, et flammam ætérnæ caritátis. Amen.

Postea incensatur Sacerdos à Diacono, deinde alii per ordinem. Interim Sacerdos lavat manus, dicens :

Psalmus 25.

LAVABO inter innocéntes manus meas, et circúmdabo altáre tuum, Dómine :

Ut áudiam vocem láudis, et enárrem univérsa mirabilia tua.

Dómine, diléxi decórem domus tuæ, et locum habitatiónis glóriæ tuæ.

Ne perdas cum impiis, Deus, ánimam meam, et cum viris sanguinum vitam meam.

In quórum mánibus iniquitátes sunt : dextera eórum repléta est munéribus.

Ego autem in innocéntia mea

ingressus sum : redime me, et miserere mei.

Pes meus stetit in directo : in Ecclesiis benedicam te, Domine.

Glória Patri, et Filio, et Spiritui Sancto.

Sicut erat in principio, et nunc, et semper, et in sæcula sæculorum. Amen.

In Missis pro Defunctis, et tempore Passionis in Missis de tempore, omittitur Glória Patri, et Filio, etc.

Deinde aliquantulum inclinatus in medio Altaris, junctis manibus super eo, dicit :

SUSCIPE, sancta Trinitas, hanc oblationem, quam tibi offerimus ob memoriam Passionis, Resurrectionis, et Ascensionis Jesu Christi Domini nostri ; et in honorem beatae Mariæ semper Virginis, et beati Joannis Baptistæ, et Sanctorum Apostolorum Petri et Pauli, et istorum, et omnium Sanctorum : ut illis proficiat ad honorem, nobis autem ad salutem ; et illi pro nobis intercedere dignentur in cælis, quorum memoriam agimus in terris. Per eundem Christum Dominum nostrum. Amen.

Postea osculatur Altare, et, versus ad populum, extendens et jungens manus, voce paululum elevata, dicit :

ORATE, fratres, ut meum ac vestrum sacrificium acceptabile fiat apud Deum Patrem omnipotentem.

Minister seu circumstantes respondent : alioquin ipsemet Sacerdos :

SUSCIPIAT Dominus sacrificium de manibus tuis (*vel meis*), ad laudem et gloriam Nominis sui, ad utilitatem quoque nostram, totiusque Ecclesiæ suæ sanctæ.

Sacerdos submissa voce dicit, Amen.

Deinde, manibus extensis, absolute sine Orémus, subjungit Orationes secretas. Quibus finitis, cum pervenerit ad conclusionem, clara voce dicit : Per omnia sæcula sæculorum, cum Præfatione, ut in sequentibus. Præfatio incipitur ambabus manibus positis hinc inde super Altare : quas aliquantulum elevat cum dicit, Sursum corda. Jungit eas ante pectus, et caput inclinat, cum dicit, Grátias agamus Domino Deo nostro.

Deinde disjungit manus, et disjunctas tenet usque ad finem Præfationis : qua finita iterum jungit eas, et inclinatus dicit : Sanctus. Et cum dicit, Benedictus qui venit, signum Crucis sibi producit à fronte ad pectus.

¶ *Sequens Præfatio cum suo cantu dicitur à Nativitate Domini usque ad Epiphaniam (præterquam in die Octavæ S. Joannis Apostoli), et in Purificatione B. Mariæ : et in Festo Corporis Christi, et per Octavam, nisi in ea occurrat Festum quod propriam Præfationem habeat : et in Transfiguratione Domini, ac in Festo Sanctissimi Nominis Jesu.*

PER omni-a sæcu-la sæcu-
lorum. R. Amen. V. Dominus
vobiscum. R. Et cum spi-ri-tu
tu-o. V. Sursum cor-da. R. Ha-

bemus ad Dominum. V. Gra-
 tias aga-mus Domino Deo
 nostro. R. Dig-num et jus-
 tum est. Vere dignum et
 justum est, æquum et sa-lu-
 ta-re, nos tibi semper et
 ubique gra-ti-as a-ge-re,
 Domine sancte, Pater om-
 ni-po-tens, æterne De-us.
 Quia per incarnati Verbi
 myste-ri-um, nova mentis
 nostræ o-cu-lis lux tuæ cla-
 ri-ta-tis inful-sit : ut dum
 visi-bi-li-ter Deum cog-nos-ci-

mus, per hunc in in-visi-bi-li-
 um amorem ra-pi-amur. Et
 i-de-o cum Ange-lis et Ar-
 change-lis, cum Thronis et
 Domina-ti-o-nibus, cumque
 omni mili-ti-a cœlestis e-xer-
 ci-tus, hymnum glo-ri-æ tu-
 æ canimus, si-ne fi-ne
 dicen-tes.

Infra actionem.

COMMUNICANTES, et diem
 sacratissimum celebrâtes, quo
 beâtæ Mariæ intemerâta virginitas
 huic mundo édedit Salvatorem : sed
 et memóriam venerâtes, in primis
 ejúsdem gloriósæ semper Virginis
 Mariæ, Genitricis ejúsdem Dei et
 Dómini nostri Jesu Christi: sed et be-
 atórum Apostolorum, ac Mártyrum
 tuórum, Petri et Pauli, Andréæ,
 Jacóbi, Joánnis, Thomæ, Jacóbi,
 Philíppi, Bartholomæi, Matthæi,
 Simónis et Thaddæi ; Lini, Cleti,
 Cleméntis, Xysti, Cornélii, Cypri-
 áni, Lauréntii, Chrysógoni, Joánnis
 et Pauli, Cosmæ et Damiáni, et
 ómnium Sanctórum tuórum : quo-

rum méritis precibúsque concédas,
ut in ómnibus protectionis tuæ mu-
niámur auxílio.

Jungit manus. Per eúmdem Chris-
tum Dóminum nostrum. Amen.

Hanc igitur oblatiónem, etc.

*In prima vero Missa dicitur, noc-
tem sacratíssimam celebrántes, qua,
etc. ; deinde semper dicitur, diem sa-
cratíssimum, quo, usque ad Octavam
Nativitatis Domini inclusive, et non
ultra.*

¶ *Sequens Præfatio, cum suo can-
tu dicitur in Epiphania Domini, et per
Octavam.*

PER omni-a sæcula sæcu-

lorum. *R.* Amen. *Y.* Dominus

vobiscum. *R.* Et cum spi-ri-

tu tu-o. *Y.* Sur-sum corda.

R. Habemus ad Do-mi-num.

Y. Grati-as a-ga-mus Do-mi-

no De-o nostro. *R.* Dignum

et justum est. Vere dignum

et jus-tum est, æquum et

sa-luta-re, nos tibi sem-per

et ubique gra-ti-as a-ge-re,

Domine sanc-te, Pater om-ni-

potens, æterne De-us : Qui-

a cum Unigenitus tuus in

substanti-a nos-træ morta-li-

tatis ap-pa-ru-it, no-va nos

immorta-li-tatis suæ lu-ce

re-pa-ra-vit. Et i-de-o cum


Ange-lis et Archan-ge-lis,

cum Thronis et Do-mi-na-ti-

o-ni-bus, cumque omni mi-

li-ti-a cœlestis ex-er-ci-tus,

hymnum glo-ri-æ tu-æ ca-

*Infra actionem.*



COMMUNICANTES, et diem sacratissimum celebrantes, quo Unigénitus tuus in tua tecum glória coæternus, in veritate carnis nostræ visibiliter corporalis apparuit : sed et memoriam venerantes, in primis gloriosæ semper Virginis Mariæ, Genitricis ejusdem Dei, et Dómini nostri Jesu Christi : sed et beatórum Apostolorum, ac Mátyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi ; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis precibúsque concédas, ut in ómnibus protectionis tuæ muniamur auxilio.


Jungit manus. Per eúmdem Christum Dóminum nostrum. Amen.

Hanc igitur oblationem, etc.

Et dicitur per totam Octavam.

¶ *Sequens Præfatio cum suo cantu dicitur in Dominicis Quadragesimæ, et in Festis Duplicibus et Semiduplicibus in ea occurrentibus usque ad Dominicam Passionis, nisi in Festis propria assignetur.*






tem lar-giris et præ-mi-a:
per Chris-tum Dominum
nostrum. Per quem majesta-
tem tu-am laudant An-geli,
ado-rant Domi-na-ti-o-nes,
tremunt Potes-tates: cœli
cœlorumque virtutes, ac be-
a-ta Seraphim, so-ci-a ex-
ulta-ti-o--ne con-ce-lebrant.
Cum quibus et nos-tras vo-
ces, ut admitti jubeas de-
pre-camur, sup-plici confessi-
o-ne di-cen-tes.

¶ *Sequens Præfatio cum suo can-*


tu dicitur in Dominica Passionis, in Dominica Palmarum, in Feria V. in Cæna Domini, et in Festis Duplicibus et Semiduplicibus eo tempore occurrentibus, nisi in Festis propria assignetur, et in solemnitatibus S. Crucis.



PER omni-a sæcu-la sæcu-
lorum. R̃. Amen. Ṽ. Dominus
vobiscum. R̃. Et cum spi-ri-tu
tu-o. Ṽ. Sursum cor-da. R̃. Ha-
bemus ad Dominum. Ṽ. Gra-
tias aga-mus Domino Deo
nostro. R̃. Dig-num et jus-
tum est. Vere dignum et
justum est, æquum et sa-lu-
ta-re, nos tibi semper et
ubique gra-ti-as a-ge-re,
Domine sancte, Pater om-




ni-po-tens, æterne De-us :
 qui sa-lu-tem hu-mani
 ge-neris in lig-no cru-
 cis con-stitu-is-ti : ut un-de
 mors o-ri-e-ba-tur, inde vi-
 ta re-sur-geret ; et qui in
 ligno vince-bat, in ligno quo-
 que vince-retur : per Chris-
 tum Dominum nostrum. Per
 quem majestatem tuam laudant
 Angeli, ado-rant Domi-na-
 ti-ones, tremunt Potestates :
 Cœli, cœlorumque virtutes, ac
 be-a-ta Seraphim, so-ci-a ex-



ulta-ti-o-ne con-ce-lebrant.
 Cum quibus et nostras vo-
 ces, ut admitti jube-as de-
 precamur, supplici confes-si-
 o-ne dicentes.

¶ *Sequens Præfatio cum suo cantu dicitur à Vigilia Paschæ usque ad Octavam, et in Dominicis usque ad Ascensionem : et in Festis Duplicibus et Semiduplicibus eo tempore occurrentibus, nisi in eis propria assignetur. In Missa Sabbati sancti dicitur, in hac potissimum nocte : in die Paschæ usque ad Sabbatum in Albis inclusivè, in hac potissimum die : et deinceps, in hoc potissimum gloriósius prædicare.*



PER omni-a sæcula sæcu-
 lorum. R. Amen. V. Dominus
 vobiscum. R. Et cum spi-ri-
 tu tu-o. V. Sur-sum corda.
 R. Habemus ad Do-mi-num.

V. Grati-as a-ga-mus Do-mi-
 no De-o nostro. R. Dignum
 et iustum est. Vere dignum
 et ius-tum est, æquum et
 sa-luta-re, Te quidem, Domi-
 ne, omni tempore, sed in
 hac potissimum di-e glo-ri-
 o-sius præ-di-ca-re, cum
 Pascha nostrum immo-latus
 est Christus. Ipse enim
 ve-rus est Agnus, qui ab-
 stulit pec-ca-ta mundi; qui
 mortem nostram moriendo
 de-struxit, et vi-tam resur-

gendo re-pa-ravit. Et i-
 de-o cum Angelis et Ar-
 change-lis, cum Thronis et
 Domina-ti-o-nibus, cumque
 omni mili-ti-a cœlestis e-xer-
 ci-tus, hymnum glo-ri-æ tu-
 æ canimus, si-ne fi-ne
 dicen-tes.

Infra actionem.

COMMUNICANTES, et diem
 sacratissimum celebrantes
 Resurrectionis Dómini nostri Jesu
 Christi secúndum carnem: sed et
 memóriam venerantes, in primis
 gloriósæ semper Vírginis Mariæ, Ge-
 nitricis ejúsdem Dei et Dómini nos-
 tri Jesu Christi: sed et beatórum
 Apostolórum, ac Mártýrum tuórum,
 Petri et Pauli, Andréæ, Jacóbi, Jo-
 ánnis, Thomæ, Jacóbi, Philíppi, Bar-
 tholomæi, Matthæi, Simónis et
 Thaddæi; Lini, Cleti, Cleméntis,
 Xysti, Cornélii, Cypriáni, Laurén-
 tii, Chrysógoni, Joánnis et Pauli,
 Cosmæ et Damiáni, et ómnium
 Sanctórum tuórum; quorum méritis
 precibúque concédas, ut in ómni-

bus protectionis tuæ muniámur auxilio.

Jungit manus. Per eúndem Christum Dóminum nostrum. Amen.

Tenens manus expansas super oblata, dicit :

Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignátus es ex aqua et Spíritu sancto, tribuens eis remissionem ómnium peccatórum, quæsumus, Dómine, ut placátus accípias, diésque nostros in tua pace dispónas, atque ab ætérna damnatione nos éripi, et in electórum tuórum júbeas grege numerári.

Jungit manus. Per Christum Dóminum nostrum. Amen.

Quam oblationem tu, Deus, etc.


Sic dicitur à Vigilia Paschæ usque ad Sabbatum in Albis inclusivè. Sed in Missa Sabbati sancti dicitur, et noctem sacratissimam celebrántes.

¶ *Sequens Præfatio cum suo cantu dicitur in die Ascensionis usque ad Vigiliam Pentecostes exclusivè, et in Festis tunc occurrentibus, nisi propriam habuerint.*

PER omni-a sæcula sæculorum. R. Amen. V. Dominus vo-biscum. R. Et cum spiritu tu-o. V. Sur-sum cor-

z

da. R. Habemus ad Dóminum. V. Gra-ti-as a-ga-mus Do-mi-no De-o nos-tro. R. Dignum et justum est. Verè dignum et justum est, æquum et sa-lu-ta-re, nos tibi semper et ubi-que gra-ti-as a-ge-re, Domine sancte, Pater om-nipotens, æ-ter-ne De-us: per Christum Do-minum nostrum: Qui post re-surrecti-o-nem su-am om-ni-bus dis-ci-pu-lis su-is mani-festus ap-



pa-ruit, et ip-sis cernenti-
 bus est elevatus in cœ-
 lum, ut nos divi-ni-tatis
 su-æ tribu-e-ret es-se par-
 ti-cipes. Et i-de-o cum
 Angelis et Ar-changelis,
 cum Thronis et Do-mi-nati-
 o-nibus, cumque omni mi-
 li-ti-a cœlestis e-xer-citus,
 hymnum glo-ri-æ tu-æ ca-
 nimus, si-ne fi-ne di-
 centes.

Infra actionem.

COMMUNICANTES, et diem
 sacratissimum celebrâtes, quo
 Dóminus noster, Unigénitus Filius
 tuus, unítam sibi fragilitátis nostræ


substántiam in glóriæ tuæ dextera
 collocávit : sed et memóriam vene-
 rántes, in primis gloriósæ semper
 Virgini Mariæ, Genitricis ejúsdem
 Dei et Dómini nostri Jesu Christi :
 sed et beatórum Apostolórum, ac
 Mártýrum tuórum, Petri et Pauli,
 Andréæ, Jacóbi, Joánnis, Tho-
 mæ, Jacóbi, Philíppi, Bartholomæi,
 Matthæi, Simónis et Thaddæi ;
 Lini, Cleti, Cleméntis, Xysti, Cor-
 nélíi, Cypriáni, Lauréntii, Chry-
 sógoni, Joánnis et Pauli, Cosmæ
 et Damiáni, et ómnium Sanctó-
 rum tuórum : quorum méritis, preci-
 búsque concédas, ut in ómnibus
 protectiónis tuæ muniámur auxilio.

Jungit manus. Per eúmdem Chris-
 tum Dóminum nostrum. Amen.


Hanc igitur oblatiónem, etc.

Et dicitur per totam Octavam.


¶ *Sequens Præfatio cum suo cantu
 dicitur a Vigilia Pentecostes usque ad
 sequens Sabbatum inclusive.*



PER omni-a sæcu-la sæcu-
 lorum. R. Amen. V. Dominus
 vobiscum. R. Et cum spi-ri-tu
 tu-o. V. Sursum cor-da. R. Ha-
 bemus ad Dominum. V. Gra-
 tias aga-mus Domino Deo



nostro. R). Dig-num et jus-
 tum est. Vere dignum et
 justum est, æquum et sa-lu-
 ta-re, nos tibi semper et
 ubi-que grati-as a-ge-re,
 Domine sancte, Pater om-
 ni-po-tens, æterne De-us,
 per Christum Do-minum nos-
 trum. Qui ascendens super om-
 nes cœlos, sedensque ad dexte-
 ram tuam, pro-missum Spi-
 ri-tum sanctum ho-dierna
 di-e in fi-li-os adopti-o-nis
 ef-fu-dit. Quaprop-ter pro-



fu-sis gaudi-is, totus in
 orbe ter-rarum mundus e-
 xultat. Sed et supernæ vir-
 tutes, atque Ange-licæ po-
 tes-tates, hymnum glori-æ
 tu-æ concinunt, si-ne fi-
 ne di-cen-tes.

Infra actionem.

COMMUNICANTES, et diem
 sacratissimum Pentecostes ce-
 lebrantes, quo Spiritus sanctus Após-
 tolis innúmeris linguis apparuit:
 sed et memóriam venerantes, in
 primis gloriósæ semper Virginiſ Ma-
 riæ, Genitricis Dei et Dómini nos-
 tri Jesu Christi: sed et beatórum
 Apostolórum, ac Mártyrum tuórum,
 Petri et Pauli, Andréæ, Jacóbi, Jo-
 ánnis, Thomæ, Jacóbi, Philíppi,
 Bartholomæi, Matthæi, Simónis et
 Thaddæi; Lini, Cleti, Cleméntis,
 Xysti, Cornélii, Cypriáni, Lauréntii,
 Chrysógoni, Joánnis et Pauli, Cos-
 mæ et Damiáni, et ómnium Sanc-
 tórum tuórum, quorum méritis pre-
 cibúsque concédas, ut in ómnibus
 protectionis tuæ muniámur auxílio.

Jungit manus. Per eúndem Chris-
 tum Dóminum nostrum. Amen.

Tenens manus expansas super oblata, dicit :

Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignatus es ex aqua et Spiritu sancto, tribuens eis remissionem omnium peccatorum, quaesumus, Dómine, ut placatus accipias, diésque nostros in tua pace disponas, atque ab ætérna damnatione nos éripi, et in electórum tuórum júbeas grege numerári.

Jungit manus. Per Christum, etc.

Quam oblationem tu, Deus, etc.

Et dicitur usque ad sequens Sabbatum inclusivè.

¶ *Sequens Præfatio cum suo cantu dicitur in festo SS. Trinitatis, et in omnibus Dominicis per Annum, quando Præfatio propria non sit assignata, juxta Decretum Clementis XIII.*


PER omni-a sæcula sæculorum. R. Amen. V. Dominus vobiscum. R. Et cum spiritu tu-o. V. Sur-sum corda. R. Habemus ad Do-mi-num. V. Grati-as a-ga-mus Do-mi-

no De-o nostro. R. Dignum et justum est. Vere dignum et jus-tum est, æquum et sa-lu-ta-re nos tibi semper et u-bi-que gra-ti-as a-gere, Domine sancte, Pater om-nipotens, æterne De-us. Qui cum u-nigenito Fi-li-o tu-o, et Spi-ri-tu sanc-to, unus es Deus, u-nus es Do-mi-nus: non in u-nius sin-gulari-tate per-so-næ, sed in u-nius Trini-ta-te substanti-æ. Quod enim de




tua glori-a, revelante te,
credimus, hoc de Fi-li-o
tu-o, hoc de Spiri-tu sanc-
to, si-ne differ-enti-a discre-
ti-o-nis sentimus: ut in con-
fes-si-one veræ sempiter-næ-
que De-i-ta-tis, et in perso-
nis pro-pri-etas, et in es-
senti-a u-nitas, et in ma-
jestate a-do-re-tur æ-quali-
tas. Quam laudant Ange-li,
atque Ar-changeli, Cheru-
bim quoque ac Se-raphim,
qui non cessant clamare

$z\frac{1}{2}$




quoti-di-e, u-na vo-ce dicen-
tes.


¶ *Sequens Præfatio cum suo cantu dicitur in Festis Beatæ Mariæ, (excepto Festo Purificationis, in quo dicitur de Nativitate Domini) et per eorum Octavas, etiam in Festis infra eas occurrentibus, si propriam non habuerint. Dicitur autem vel Et te in Annuntiatiōe, vel Visitatiōe, vel Assumptiōe, vel Nativitate, vel Præsentatiōe, vel Conceptione, vel Desponsatiōe, secundum denominationem Festi: et in Dedicatione S. Mariæ ad Nives, et in Festo SS. ejusdem Nominis, et de Mercede, dicitur, Et te in Festivitate. In Festo Septem Dolorum dicitur, Et te in Transfixiōe. In Festo de Monte Carmelo dicitur, Et te in Commemoratione. In Festo SS. Rosarii dicitur, Et te in Solemnitate.*




PER omni-a sæcu-la sæcu-
lorum. R. Amen. V. Dominus
vobiscum. R. Et cum spi-ri-tu
tu-o. V. Sursum cor-da. R. Ha-
bemus ad Dominum. V. Gra-



 tias a-gamus Domino Deo
 nostro. R). Dignum et jus-
 tum est. Vere dignum et
 justum est, æquum et sa-lu-
 ta-re, nos tibi semper et
 ubi-que grati-as a-ge-re,
 Domine sancte, Pater om-
 ni-po-tens, æterne De-us,
 Et te in * * * * * be-a-
 tæ Mariæ semper Virgi-
 nis collauda-re, bene-dicere,
 et præ-di-ca-re. Quæ et
 Unigeni-tum tuum sanc-ti
 Spiritus obuinbrati-one con-


 cepit; et, vir-gini-tatis glo-
 ri-a permanen-te, lumen
 æternum mundo ef-fu-dit,
 Jesum Christum Dominum
 nostrum. Per quem ma-
 jestatem tuam laudant An-
 geli, a-dorant Domina-ti-o-
 nes, tremunt Potes-tates; cœ-
 li, cœlo-rumque virtu-tes,
 ac be-a-ta Se-raphim, so-
 ci-a exulta-ti-o-ne con-ce-
 lebrant. Cum quibus et
 nostras voces, ut ad-mitti
 jubeas depre-ca-mur, sup-






¶ *Sequens Præfatio cum suo cantu dicitur in Festis Apostolorum et Evangelistarum (præterquam in die S. Joannis Apostoli), et per Octavas eorum, et in Festis infra eas occurrentibus, nisi in eis propria assignentur.*







¶ *Sequens Præfatio cum suo cantu dicitur in omnibus Festis Duplicibus, et per Octavas eorum, et in omnibus Semiduplicibus, ubi propria non habetur.*





¶ *Sequens Præfatio cum suo cantu dicitur in Festis Simplicibus, et in diebus Ferialibus, ubi propria non habetur, et in omnibus Missis Defunctorum.*





quibus et nostras vo-ces,
 ut ad-mit-ti jubeas de-
 precamur, supplici con-fes-
 si-o-ne di-centes.


SANCTUS, Sanctus, Sanctus,
 Dóminus Deus Sábaoth.

Pleni sunt cœli et terra glória
 tua.

Hosánna in excélsis.

Benedictus qui venit in nómine
 Dómini.

Hosánna in excélsis.



PRÆFATIONES

SINE CANTU

PER TOTUM ANNUM.

IN NATIVITATE DOMINI.

¶ *Sequens Præfatio dicitur à Nativitate Domini, usque ad Epiphaniam (præterquam in Die Octava S. Joannis Apostoli), et in Purificatione beatæ Mariæ : et in festo Corporis Christi, et per Octavam, nisi in ea occurrat Festum quod propriam Præfationem habeat : et in Transfiguratione Domini, ac in festo SS. Nominis Jesu, necnon in Missis votivis de Sanctissimo Sacramento.*

PER ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, nos tibi semper, et ubique grátias ágere, Dómine sancte, Pater omnípotens, ætérne Deus. Quia per incarnáti Verbi

mystérium, nova mentis nostræ óculis lux tuæ claritátis infúlsit : ut dum visibíliter Deum cognóscimus, per hunc in invisibílium amórem rapiámur. Et ídeo cum Angelis et Archángelis, cum Thronis et Dominationíbus, cumque omni militia cœléstis exércitus, hymnum glóriæ tuæ cānimus sine fine dicétes :

Sanctus, Sanctus, Sanctus, Dóminus Deus Sábaoth. Pleni sunt cœli et terra glória tua. Hosánna in excélsis. Benedictus qui venit in nómine Dómini. Hosánna in excélsis.

Infra actionem.

COMMUNICANTES, et diem sacratíssimum celebrátes, quo beatæ Mariæ intemeráta virgíntas huic mundo édídít Salvatórem : sed et memóriam venerátes, in primis ejúsdem gloriósæ semper Virgínis Mariæ, Genetrícis ejúsdem Dei et Dómini nostri Jesu Christi : sed et beatórum Apostolórum, ac Mártyrum tuórum, Petri et Pauli, Andreæ, Jacóbi, Joánnis, Thomæ, Jacóbi, Philíppi, Bartholomæi, Matthæi,

Simónis et Thaddæi ; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis precibúsque concédas, ut in ómnibus protectiόνis tuæ muniámur auxílio.

Jungit manus. Per eúmdem Christum Dóminum nostrum. Amen.

Tenens manus expansas super oblata, dicit : Hanc igitur oblatiόνem, etc., ut in *Canone*.

In prima vero Missa Nativitatis dicitur, et noctem sacratíssimam celebrántes, qua ; deinde semper dicitur, diem sacratíssimum, quo, usque ad Octavam Nativitatis Domini inclusive, et non ultra.

IN EPIPHANIA DOMINI.

Sequens Præfatio dicitur in Epiphania Domini, et per Octavam.

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus : quia cum Unigénitus tuus in substántia nostræ mortalitátis appáruit, nova nos immortalitátis suæ luce reparávit. Et ídeo cum Angelis et Archángelis, cum Thronis et Dominationibus, cumque omni militia cœléstis exércitus, hymnum

glóriæ tuæ cánimus sine fine dicétes :

Sanctus, Sanctus, &c.

Infra actionem.

COMMUNICANTES, et diem sacratíssimum celebrántes, quo Unigénitus tuus in tua tecum glória coetérnus, in veritáte carnis nostræ visibíliter corporális appáruit : sed et memóriam venerántes in primis gloriósæ semper Vírginis Mariæ, Genitrícis ejúsdem Dei, et Dómini nostri Jesu Christi : sed et beatórum Apostolórum, ac Mártyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi ; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis precibúsque concédas, ut in ómnibus protectiόνis tuæ muniámur auxílio.

Jungit manus. Per eúmdem Christum Dóminum nostrum. Amen.

Et dicitur per totam Octavam.

IN QUADRAGESIMA.

Sequens Præfatio dicitur à Feria quarta Cinerum usque ad Sabbatum ante Dominicam Passionis inclusive, nisi in Festis propria assignetur.

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutäre, nos tibi semper et ubique grätias ägere, Dómine sancte, Pater omnípotens, ætérne Deus. Qui corporáli jejúnio vítia cómpimis, mentem élevas, virtútem largiris et præmia: per Christum Dóminum nostrum. Per quem Majestátem tuam láudant Angeli, adórant Dominationés, tremunt Potestátes: Cæli, cælorúmque virtútes, ac beáta Séraphim, sócia exultatióne concélebrant. Cum quibus et nostras voces, ut admitti júbeas, deprecámur, súpplíci confessióne dicéntes:

Sanctus, Sanctus, &c.

IN MISSIS DE PASSIONE, ET DE S. CRUCE.

Sequens Præfatio dicitur in Dominica Passionis, in Dominica Palmarum, in Feria V. in Cæna Domini, et in Festis eo tempore occurrentibus (nisi in Festis propria assignetur), et in Missis de S. Cruce, et de Passione.

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grätias agámus Dómino Deo nostro.

R. Dignum et justum est.

Verè dignum et justum est, æquum et salutäre, nos tibi semper et ubique grätias ägere, Dómine sancte, Pater omnípotens, ætérne Deus. Qui salutem humáni géneris in ligno Crucis constituisti: ut unde mors oriebátur, inde vita resúrgeret; et qui in ligno vincébat,

in ligno quoque vincerétur: per Christum Dóminum nostrum. Per quem Majestátem tuam láudant Angeli, adórant Dominationés, tremunt Potestátes: Cæli, cælorúmque Virtútes, ac beáta Séraphim, sócia exultatióne concélebrant. Cum quibus et nostras voces, ut admitti júbeas, deprecámur, súpplíci confessióne dicéntes:

Sanctus, Sanctus, &c.

IN PASCHATE.

¶ *Sequens Præfatio dicitur à Vigilia Paschæ usque ad Ascensionem, et in Festis eo tempore occurrentibus, nisi in eis propria assignetur. In Missa Sabbati Sancti dicitur, in hac potíssimum nocte; in die Paschæ usque ad Sabbatum in Albis inclusivè, in hac potíssimum die; et deinceps, in hoc potíssimum gloriósius prædicáre.*

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grätias agámus Dómino Deo nostro.

R. Dignum et justum est.

Verè dignum et justum est, æquum et salutäre, te quidem, Dómine, omni témpore, sed (in hac potíssimum die) *vel* (in hoc potíssimum) gloriósius prædicáre, cum Pascha nostrum immolátus est Christus. Ipse enim verus est Agnus, qui ábstulit peccáta mundi: qui mortem nostram moriéndó destrúxit, et vitam resurgéndo reparávit. Et ídeo cum Angelis et Archángelis, cum Thronis et Domina-

tiónibus, cumque omni militiæ cœlestis exercitus hymnum gloriæ tuæ cānimus sine fine dicētes :

Sanctus, Sanctus, &c.

Infra actionem.

COMMUNICANTES, et diem sacratissimum celebrātes Resurrectiōnis Dōmini nostri Jesu Christi secūndum carnem : sed et memoriā venerātes, in primis gloriōsæ semper Virginis Mariæ, Genitricis ejūsdem Dei et Dōmini nostri Jesu Christi : sed et beatōrum Apostolorum ac Mārtirum tuōrum, Petri et Pauli, Andrææ, Jacobi, Joānnis, Thomæ, Jacobi, Philippi, Bartholomæi, Matthæi, Simōnis et Thaddæi ; Lini, Cleti, Clemētis, Xysti, Cornélii, Cypriāni, Lauréntii, Chrysōgoni, Joānnis et Pauli, Cosmæ et Damiāni, et omnium Sanctōrum tuōrum : quorum mēritis precibūsq; concēdas, ut in omnibus protectionis tuæ muniāmur auxilio.

Jungit manus. Per eūndem Christum Dōminum nostrum. Amen.

Tenens manus expansas super oblata, dicit :

Hanc igitur oblatiōnem servitūtis nostræ, sed et cunctæ familiæ tuæ, quam tibi offerimus, pro his quoque, quos regenerāre dignātus es ex aqua et Spīritu sancto, tribuens eis remissionem omnium peccatorum, quæsumus, Dōmine, ut placātus accipias, diēsque nostros in tua pace dispōnas, atque ab ætērna damnatione nos eripi, et in electōrum tuōrum jubeas grege numerāri.

Jungit manus. Per Christum Dōminum nostrum. Amen.

Quam oblatiōnem tu, Deus, etc.

Sic dicitur à Vigilia Paschæ usque ad Sabbatum in Albis inclusivè. Sed

in Missa Sabbati sancti, dicitur, et noctem sacratissimam celebrātes.

IN ASCENSIONE DOMINI.

¶ *Sequens Præfatio dicitur in die Ascensionis usque ad Vigiliam Pentecostes exclusivè, et in Festis tunc occurrentibus nisi propriam habuerint.*

PER omnia sæcula sæculorum.

R. Amen.

V. Dōminus vobiscum.

R. Et cum spīritu tuo.

V. Sursum corda.

R. Habemus ad Dōminum.

V. Grātias agāmus Dōmino Deo nostro.

R. Dignum et justum est.

Verè dignum et justum est, æquum et salutāre, nos tibi semper et ubique grātias āgere, Dōmine sancte, Pater omnīpotens, ætérne Deus, per Christum Dōminum nostrum : qui post resurrectiōnem suam omnibus discipulis suis manifestus apparuit, et ipsis cernētib; est elevātus in cœlum, ut nos divinitātis suæ tribueret esse partīcipes. Et ideo cum Angelis et Archāngelis, cum Thronis et Dominationibus, cumque omni militiæ cœlestis exercitus, hymnum gloriæ tuæ cānimus sine fine dicētes :

Sanctus, Sanctus, &c.

Infra actionem.

COMMUNICANTES, et diem sacratissimum celebrātes, quo Dōminus noster, Unigénitus Fīlius tuus, unītam sibi fragilitātis nostræ substāntiam, in gloriæ tuæ dextera collocāvit : sed et memoriā venerātes, in primis gloriōsæ semper Virginis Mariæ, genitricis ejūsdem Dei et Dōmini nostri Jesu Christi :

sed et beatórum Apostolórum, ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum: quorum méritis precibúsque concédas, ut in ómnibus protecti-
onis tuæ muniámur auxilio.

Jungit manus. Per eúmdem Christum Dóminum nostrum. Amen.

Et dicitur per totam Octavam.

IN PENTECOSTE.

¶ *Sequens Præfatio dicitur à Vigilia Pentecostes usque ad sequens Sabbatum inclusivè: et in Missis votivis de Spiritu sancto, sed omisso, hodiérna die.*

PER ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus, per Christum Dóminum nostrum. Qui ascéndens super omnes cælos, sedénsque ad dexteram tuam, promíssum Spíritum sanctum (hodiérna die) in filios adopti-
onis effúdit. Quaprópter profúsis gáudiis, totus in orbe terrárum mundus exúltat. Sed et supérnæ Virtútes, atque Angélicæ potestátes, hym-

num glóriæ tuæ cóncinunt, sine fine dicétes:

Sanctus, Sanctus, &c.

Infra actionem.

COMMUNICANTES, et diem sacratíssimum Pentecóstes celebrátes, quo Spíritus sanctus Apóstolis innúmeris linguis apparuit: sed et memóriam venerátes, in primis gloriósæ semper Virgínis Mariæ, Genitrícis Dei, et Dómini nostri Jesu Christi: sed et beatórum Apostolórum, ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi; Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum: quorum méritis precibúsque concédas, ut in ómnibus protecti-
onis tuæ muniámur auxilio.

Jungit manus. Per eúmdem Christum Dóminum nostrum. Amen.

Tenens manus expansas super oblata, dicit:

HANC igitur oblati-
onem servitútis nostræ, sed et cunctæ famíliæ tuæ, quam tibi offerimus pro his quoque, quos regeneráre dignátus es ex aqua et Spíritu sancto, tribuens eis remissionem ómnium peccatórum, quæsumus, Dómine, ut placátus accípias, diésque nostros in tua pace dispónas, atque ab ætérna damnatióne nos éripi, et in electórum tuórum júbeas grege numerári.

Jungit manus. Per Christum, etc.

Quam oblati-
onem tu, Deus, etc.

Et dicitur usque ad sequens Sabbatum inclusivè.

IN FESTO SS. TRINITATIS, ET IN DOMINICIS PER ANNUM.

¶ *Sequens Præfatio dicitur in festo Sanctissimæ Trinitatis, et in Missis votivis de Sanctissima Trinitate: nec non et in omnibus Dominicis per annum, nisi propriam Præfationem habuerint: ex Decreto Sac. Rit. Congr. die 3 Jan. 1759.*

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, nos tibi semper et ubique grátias ágere, Dómine sancte, Pater omnipotens, ætérne Deus. Qui cum Unigénito Filio tuo, et Spíritu sancto, unus es Deus, unus es Dóminus: non in unius singularitáte persónæ, sed in unius Trinitáte substántiæ. Quod enim de tua glória, revelánte te, crédimus, hoc de Filio tuo, hoc de Spíritu sancto, sine différentia discretiónis sentímus. Ut in confessióne veræ, sempiternæque Deitátis, et in persónis proprietas, et in esséntia únitas, et in majestáte adorétur æqualitas. Quam laudant Angeli atque Archángeli, Chérubim quoque ac Séraphim, qui non cessant clamáre quotidie una voce dicéntes:

Sanctus, Sanctus, &c.

IN FESTIS, ET MISSIS VOTIVIS B. MARIE VIRGINIS.

¶ *Sequens Præfatio dicitur in Festis beatæ Mariæ (excepto Festo*

Purificationis, in quo dicitur de Nativitate Domini), et per eorum Octavas, etiam in festis infra eas occurrentibus, si propriam non habuerint, et in Missis votivis de beata Maria. Dicitur autem vel Et te in Annuntiatióne, vel Visitatióne, vel Assumptióne, vel Nativitáte, vel Præsentatióne, vel Conceptione, secundum denominationem Festi: et in Dedicatione sanctæ Mariæ ad Nives, et in Festo SS. ejusdem Nominis, et de Mercede, dicitur, Et te in Festivitate. In festo septem Dolorum dicitur, Et te in Transfixiόne. In festo de Monte Carmelo, Et te in Commemoratione. In Festo SS. Rosarii, Et te in Solemnitate.

In Missis votivis, et in Sabbato dicitur, Et te in Veneratione.

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, nos tibi semper et ubique grátias ágere, Dómine sancte, Pater omnipotens, ætérne Deus: et te in *** beatæ Mariæ semper Virginitatis collaudáre, benedicere, et prædicáre. Quæ et Unigénitum tuum sancti Spíritus obumbratióne concépit; et, virginitátis glória permanén-te, lumen ætérnum mundo effúdit, Jesum Christum Dóminum nostrum. Per quem Majestátem tuam laudant Angeli, adorant Dominatiónes, tremunt Potestátes. Cœli, cœlorúmque Virtútes, ac beáta Séraphim, sócia exultatióne concélebrant. Cum quibus et nostras voces, ut admitti

jubeas, deprecámur, súplici confessione dicentes :

Sanctus, Sanctus, &c.

IN FESTIS APOSTOLORUM.

¶ *Sequens Præfatio dicitur in Festis Apostolorum et Evangelistarum (præterquam in die sancti Joannis Apostoli) et per Octavas eorum, et in Festis infra eas occurrentibus, nisi in eis propria assignetur, et in Missis votivis de Apostolis.*

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, Te, Dómine, suppliciter exoráre, ut gregem tuum, Pastor ætérne, non déseras, sed per beátos Apóstolos tuos continúa protectione custódias : ut iisdem rectóribus gubernétur, quos óperis tui Vicários eidem contulísti præesse Pastóres. Et ideo cum Angelis et Archángelis, cum Thronis et Dominationibus, cumque omni militiæ cœlestis exercitus, hymnum glóriæ tuæ cānimus, sine fine dicentes :

Sanctus, Sanctus, etc.

IN FESTIS, ET FERIIS PER ANNUM.

¶ *Sequens Præfatio dicitur per Annum in omnibus Festis, et Feriis, quæ propriam non habent Præfationem : et in omnibus Missis Defunctorum.*

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, nos tibi semper et ubique grátias ágere. Dómine sancte, Pater omnipotens, ætérne Deus, per Christum Dóminum nostrum. Per quem Majestátem tuam laudant Angeli, adórant Dominatiónes, tremunt Potestátes : Cœli, cœlorúmque Virtútes, ac beáta Séraphim, sócia exultatióne concélebrant. Cum quibus et nostras voces, ut admitti jubeas, deprecámur, súplici confessione dicentes :

Sanctus, Sanctus, Sanctus, Dóminus Deus Sábaoth. Pleni sunt cœli et terra glória tua. Hosánna in excélsis. Benedictus qui venit in nómine Dómini. Hosánna in excélsis.

CANON MISSÆ.

Sacerdos, extendens et jungens manus, elevans ad cælum oculos et statim demittens, profunde inclinatus ante Altare, manibus super eo positis, dicit :

TE igitur, clementissime Pater, per **Jesum Christum Filium** tuum **Domini** nostrum, supplices rogamus ac petimus, *osculatur Altare,* uti accepta habeas et benedicas; *Jungat manus, deinde signet ter super oblata,* hæc ✠ dona, hæc ✠ munera, hæc ✠ sancta sacrificia illibata, *Extensis manibus prosequitur :* in primis quæ tibi offerimus

pro **Ecclesia** tua sancta **Catholica** ; quam pacificare, custodire, adunare, et regere digneris toto orbe terrarum, una cum famulo tuo **Papa** nostro **N.**, et **Antistite** nostro **N.**, et omnibus orthodoxis, atque **Catholicæ** et **Apostolicæ** fidei cultoribus.

Commemoratio pro Vivis.

MEMENTO, Domine, famulorum famularumque tuarum, **N.** et **N.** *Jungit manus, orat aliquantulum pro quibus*

orare intendit : deinde manibus extensis prosequitur :
Et omnium circumstantium, quorum tibi fides cognita est, et nota devotio : pro quibus tibi offerimus, vel qui tibi offerunt hoc sacrificium laudis, pro se suisque omnibus, pro redemptione animarum suarum, pro spe salutis et incolumitatis suæ ; tibi que reddunt vota sua æterno Deo, vivo et vero.

Infra actionem.

COMMUNICANTES, et memoriam venerantes, in primis gloriosæ semper virginis Mariæ, genitricis Dei et Domini nostri Jesu Christi : sed et beatorum Apostolorum ac

Martyrum tuorum, **Petri** et **Pauli**, **Andræ**, **Jacobi**, **Joannis**, **Thomæ**, **Jacobi**, **Philippi**, **Bartholomæi**, **Matthæi**, **Simonis** et **Thaddæi** ; **Lini**, **Cleti**, **Clementis**, **Xysti**, **Cornelii**, **Cypriani**, **Laurentii**, **Chrysogoni**, **Joannis** et **Pauli**, **Cosmæ** et **Damiani**, et omnium Sanctorum tuorum : quorum meritis precibusque concedas, ut in omnibus protectionis tuæ muniamur auxilio. *Jungit manus.* Per eundem Christum Dominum nostrum. Amen.

Tenens manus expansas super oblata, dicit :

HANC igitur oblationem servitutis nostræ, sed et cunctæ familiæ tuæ, quæsumus, Domine, ut pla-

catus accipias, dies-
que nostros in tua
pace disponas, atque
ab æterna damnatio-
ne nos eripi, et in
electorum tuorum ju-
beas grege numera-
ri. *Jungit manus.* Per
Christum Dominum
nostrum. Amen.

QUAM oblatio-
nem, tu, Deus, in
omnibus, quæsumus,
Signat ter super oblata,
bene ✕ dictam, ad-
scrip✕tam, ra✕tam,
rationabilem, accep-
tabilemque facere
digneris: *Signat semel
super Hostiam, et semel super
Calicem:* ut nobis Cor-
✕pus et San✕guis
fiat dilectissimi Filii
tui Domini nostri Je-
su Christi.

QUI pridie quam
pateretur, accipit Hos-
tiam, accepit panem

in sanctas ac vene-
rabiles manus suas:
Elevat oculos ad cælum:
et elevatis oculis in
cælum, ad te Deum
Patrem suum omni-
potentem, tibi grati-
as agens, *Signat super
Hostiam,* bene ✕ dixit,
fregit, deditque dis-
cipulis suis, dicens:
Accipite, et mandu-
cate ex hoc omnes.

*Tenens ambabus manibus
Hostiam inter indices et pol-
lices, profert verba consecra-
tionis secrete, distincte, et
attente:*

**Hoc est e-
nim corpus
meum.**

*Prolatis verbis consecrati-
onis, statim Hostiam conse-
cratam genuflexus adorat:
surgit, ostendit populo, repo-
nit super Corporale, iterum
adorat: et non disjungit pol-
lices et indices, nisi quando
Hostia tractanda est, usque
ad ablutionem digitorum.*

Tunc detecto Calice, dicit :

SIMILI modo postquam cœnatum est, *Ambabus manibus accipit Calicem*, accipiens et hunc præclarum Calicem in sanctas ac venerabiles manus suas: item tibi gratias agens, *Sinistra tenens Calicem, dextera signat super eum*, bene✠dixit, deditque discipulis suis, dicens: Accipite, et bibite ex eo omnes.

Profert verba consecrationis secreto super Calicem, tenens illum parum elevatum.

Hic est enim Calix Sanguinis mei, novi et æterni Testa-

menti : mysterium fidei: qui pro vobis et pro multis effundetur in remissionem peccatorum.

Prolatis verbis consecrationis, deponit Calicem super Corporale, et dicens secreto :

Hæc quotiescumque feceritis, in mei memoriam facietis.

Genuflexus adoratur, surgit, ostendit populo, deponit, cooperit, et iterum adoratur. Deinde, disjunctis manibus, dicit :

UNDE et memores, Domine, nos servi tui, sed et plebs tua sancta, ejusdem

Christi Filii tui Domini nostri tam beatæ Passionis, necnon et ab inferis Resurrectionis, sed et in cœlos gloriosæ Ascensionis, offerimus præclaræ majestati tuæ de tuis donis ac datis, *Jungit manus, et signat ter super Hostiam et Calicem simul: Hostiam* ✕ puram, Hostiam ✕ sanctam, Hostiam ✕ immaculatam, *Signat semel super Hostiam, et semel super Calicem: Panem* ✕ sanctum vitæ æternæ, et Calicem ✕ salutis perpetuæ.

Extensis manibus proseguitur:

SUPRA quæ propitio ac sereno vultu respicere digneris, et accepta habere, sicuti accepta habere

dignatus es munera pueri tui justi Abel, et sacrificium Patriarchæ nostri Abrahæ, et quod tibi obtulit summus sacerdos tuus Melchisedech, sanctum sacrificium, immaculatam Hostiam.

Profundè inclinatus, junctis manibus et super Altare positus, dicit:

SUPPLICES te rogamus, omnipotens Deus: jube hæc perferri per manus sancti Angeli tui in sublime Altare tuum, in conspectu divinæ majestatis tuæ: ut quotquot, *Osculatur Altare,* ex hac altaris participatione, sacrosanctum Filii tui, *Jungit manus, et signat semel super Hostiam, et semel super Calicem, Cor-* ✕

pus et Sanꝰguinem
sumpserimus, *Seipsum
signat*, omni benedic-
tione cælesti et gra-
tia repleamur. Per
eumdem Christum
Dominum nostrum.
Amen.

*Commemoratio pro
Defunctis.*

MEMENTO eti-
am, Domine, famulo-
rum famularumque
tuarum *N.* et *N.*
qui nos præcesserunt
cum signo fidei, et
dormiunt in somno
pacis. *Jungit manus, orat
aliquantulum pro iis De-
functis, pro quibus orare
intendit: deinde extensis ma-
nibus, prosequitur: Ipsis,
Domine, et omnibus
in Christo quiescen-
tibus, locum refrige-
rii, lucis et pacis, ut
indulgeas, depreca-
mur. Jungit manus et*

caput inclinat. Per
eumdem Christum
Dominum nostrum.
Amen.

*Manu dextra percutit sibi
pectus, elata parum voce
dicens:*

NOBIS quoque
peccatoribus famulis
tuis, de multitu-
dine miserationum
tuarum sperantibus,
partem aliquam et
societatem donare
digneris cum tuis
sanctis Apostolis et
Martyribus: cum
Joanne, Stephano,
Matthia, Barnaba,
Ignatio, Alexandro,
Marcellino, Petro,
Felicitate, Perpetua,
Agatha, Lucia, Ag-
nete, Cæcilia, Anas-
tasia, et omnibus
Sanctis tuis: intra
quorum nos consor-
tium, non æstimator

meriti, sed veniæ,
quæsumus, largitor
admitte: *Jungit manus.*
Per Christum Do-
minum nostrum.

PER quem hæc
omnia, Domine, sem-
per bona creas, *Signat*
ter super Hostiam et Calicem
simul, dicens: Sanc✕*tifi-*
cas, vivi✕*ficas, be-*
ne✕*dicis, et præstas*
nobis. Discooperit Cali-
cem, genuflectit, accipit Sa-
cramentum dextera, tenens
sinistra Calicem: signat cum
Hostia ter a labio ad labium
Calicis, dicens: Per ip✕*so,*
et cum ip✕*so,*
et in ip✕*so, bis signat*
inter Calicem et pectus, est
tibi Deo Patri✕*om-*
nipotenti, in unitate
Spiritus✕*sancti, Ele-*
vans parum Calicem cum
Hostia, dicit: omnis ho-
nor et gloria, Reponit
Hostiam, cooperit Calicem,
genuflectit, surgit, et dicit:

PER om-ni-a sæ-cula sæ-
cu-lo-rum. *R.* Amen.

Jungit manus.

O-re-mus. Præceptis saluta-
ri-bus moniti, et divi-na
in-stitu-ti-one forma-ti, au-
demus dicere.

Extendit manus.

PATER nos-ter, qui es
in coelis: Sanc-ti-fi-ce-tur
nomen tuum: Adve-ni-at
regnum tuum: Fi-at voluntas
tu-a, sicut in cœ-lo, et
in ter-ra. Panem nostrum



quotidi-a-num da nobis ho-
 di-e: Et di-mit-te no-bis
 de-bi-ta nostra, si-cut et
 nos dimitti-mus debi-tori-bus
 nos-tris. Et ne nos in-du-
 cas in tenta-ti-onem. R. Sed
 libe-ra nos à malo.

Sacerdos secretè dicit,
Amen.

*Sequens cantus dicitur in
 Festis Simplicibus et diebus
 Ferialibus, et in Missis De-
 functorum.*

PER om-ni-a sæ-cula sæ-
 cu-lo-rum. R. Amen.
 O-re-mus. Præceptis saluta-
 2 c

ri-bus moniti, et divi-na
 in-stitu-ti-one forma-ti, au-
 demus dicere.
PATER nos-ter, qui es
 in cœlis: sanc-ti-fi-ce-tur
 nomen tuum: Adve-ni-at
 regnum tuum: Fi-at voluntas
 tu-a, sicut in cœ-lo, et
 in ter-ra. Panem nostrum
 quotidi-anum da no-bis ho-
 di-e: Et dimitte no-bis
 debi-ta nos-tra, sic-ut et
 nos dimitti-mus debi-to-ribus
 nostris. Et ne nos inducas





Sacerdos submissa voce dicit, Amen.

Deinde accipit Patenam inter indicem et medium digitos, et dicit :

LIBERA nos, quæsumus, Domine, ab omnibus malis, præteritis, præsentibus, et futuris ; et intercedente beata et gloriosa semper Virgine Dei genitrice Maria, cum beatis Apostolis tuis, Petro et Paulo, atque Andrea, et omnibus Sanctis, *Signat se cum Patena a fronte ad pectus, et eam osculatur :* da propitius pacem in diebus nostris ; ut ope misericordiæ tuæ adjuti, et a peccato simus


semper liberi, et ab omni perturbatione securi. *Submittit Patenam Hostiæ, discooperit Calicem, genuflectit, surgit, accipit Hostiam, frangit eam super Calicem per medium, dicens : Per eundem Dominum nostrum Jesum Christum Filium tuum ; Partem quæ in dextera est ponit super Patenam. Deinde ex parte quæ in sinistra remansit, frangit particulam, dicens : Qui tecum vivit et regnat in unitate Spiritus sancti Deus.*

Aliam mediam partem cum ipsa sinistra ponit super Patenam, et dextera tenens Particulam super Calice, sinistra Calicem, dicit :



Cum ipsa Particula sig-


nat ter super Calicem, dicens :



Pax ✠ Do-mini sit ✠ sem-



per vobis- ✠ cum. R. Et



cum spiri-tu tu-o.

*Particulam ipsam immit-
tit in Calicem, dicens secretè :*

HÆC commixtio
et consecratio cor-
poris et sanguinis
Domini nostri Jesu
Christi, fiat accipien-
tibus nobis in vitam
æternam. Amen.

*Cooperit Calicem, genuflec-
tit, surgit, et inclinatus Sa-
cramento, junctis manibus, et
ter pectus percutiens, dicit :*

AGNUS Dei, qui
tollis peccata mundi,
miserere nobis.

Agnus Dei, qui tol-
lis peccata mundi,
miserere nobis.

Agnus Dei, qui tol-
lis peccata mundi,
dona nobis pacem.

*In Missis pro Defunctis
non dicitur, miserere no-
bis, sed ejus loco, dona
eis requiem, et in tertio
additur, sempiternam.*

*Deinde junctis manibus
super Altare, inclinatus dicit
sequentes Orationes :*

DOMINE Jesu
Christe, qui dixisti
Apostolis tuis: Pa-
cem relinquo vobis,
pacem meam do vo-
bis: ne respicias pec-
cata mea, sed fidem
Ecclesiæ tuæ; eam-
que secundum volun-
tatem tuam pacifi-
care et coadunare
digneris; **Qui** vivis
et regnas **Deus**, per
omnia sæcula sæcu-
lorum. Amen.

*Si danda est pax, osculatur
Altare, et dans pacem, dicit:*
Pax tecum.

R. Et cum spiritu tuo.

In Missis Defunctorum non datur pax, neque dicitur præcedens Oratio.

DOMINE Jesu Christe, Fili Dei vivi: qui ex voluntate Patris, cooperante Spiritu sancto, per mortem tuam mundum vivificasti; libera me per hoc sacrosantum corpus et sanguinem tuum, ab omnibus iniquitatibus meis, et universis malis; et fac me tuis semper inhærere mandatis, et a te nunquam separari permittas: Qui cum eodem Deo Patre et Spiritu sancto vivis et regnas Deus in sæcula sæculorum. Amen.

PERCEPTIO
Corporis tui, Domine

Jesu Christe, quod ego indignus sumere præsumo, non mihi proveniat in judicium et condemnationem; sed pro tua pietate prosit mihi ad tutamentum mentis et corporis, et ad medelam percipiendam; Qui vivis et regnas cum Deo Patre, in unitate Spiritus sancti Deus, per omnia sæcula sæculorum. Amen.

Genuflectit, surgit, et dicit:

PANEM cœlestem accipiam, et nomen Domini invocabo.

Deinde parum inclinatus, accipit ambas partes Hostiæ inter pollicem et indicem sinistræ manus, et Patenam inter eundem indicem et medium, et dextera percutiens pectus, elevata aliquantulum

voce, dicit ter devotè et humiliter :

DOMINE, non sum dignus, ut intres sub tectum meum ; sed tantum dic verbo, et sanabitur anima mea.

Postea dextera se signans cum Hostia super Patena, dicit :

CORPUS Domini nostri Jesu Christi custodiat animam meam in vitam æternam. Amen.

Sumit reverenter ambas partes Hostiæ, jungit manus, et quiescit aliquantulum in meditatione Sanctissimi Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens :

QUID retribuam Domino, pro omnibus quæ retribuit mihi ? Calicem sa-

lutaris accipiam, et nomen Domini invocabo. Laudans invocabo Dominum, et ab inimicis meis salvus ero.

Accipit Calicem manu dextera, et eo se signans, dicit :

SANGUIS Domini nostri Jesu Christi custodiat animam meam in vitam æternam. Amen.

Sumit totum Sanguinem cum particula. Quo sumpto, si qui sunt communicandi, eos communicet, antequam se purificet. Postea dicit :

QUOD ore sumpsimus, Domine, pure mente capiamus : et de munere temporali fiat nobis remedium sempiternum.

Interim porrigit Calicem ministro, qui infundit in eo parum vini, quo se purificat, deinde prosequitur :

CORPUS tuum,
Domine, quod sump-
 si, et Sanguis quem
 potavi, adhæreat vis-
 ceribus meis; et præ-
 sta, ut in me non
 remaneat scelerum
 macula, quem pura
 et sancta refecerunt
 sacramenta; **Qui vi-**
 vis et regnas in
 sæcula sæculorum.
Amen.

*Abluit digitos, extergit, et
 sumit ablutionem : extergit
 os et Calicem, quem operit, et
 plicato Corporali, collocat in
 Altari ut prius : deinde pro-*
sequitur Missam.

Dicto post ultimam Ora-
tionem, Dominus vobis-
cum R. Et cum spiri-
tu tuo, dicit, pro Missæ
qualitate, vel **Ite, Missa**
est, vel **Benedicamus**
Domino.

R. Deo gratias.

In Missis Defunctorum
dicit :


Requiescant in pa-
ce.

R. Amen.

*Tempore Paschali, hoc est
 à Missa Sabbati Sancti us-*
que ad Sabbatum in Albis
inclusivè.



Ite, Mis-sa est, alle-luia,



alle- lu-ia.

In Festis Solemnibus.



I- te, e e



e e Missa est.

In Festis Duplicibus.



Ite, e e e




Missa est.

In Missis S. Mariæ.





I- te, e Missa est.


In Dominicis infra An-
num.



In Dominicis Adventus, et
Quadragesimæ.



In Missis Defunctorum.



Dicto Ite, Missa est,
vel Benedicamus Do-
mino, Sacerdos inclinat se
ante medium Altaris, et ma-
nibus junctis super illud, di-
cit :

PLACEAT tibi,
sancta Trinitas, ob-
sequium servitutis
meæ ; et præsta,
ut sacrificium, quod
oculis tuæ majestatis

indignus obtuli, tibi
sit acceptabile, mihi-
que et omnibus pro
quibus illud obtuli,
sit, te miserante, pro-
pitiabile ; Per Chris-
tum Dominum nos-
trum. Amen.

Deinde osculatur Altare, et
elevatis oculis, extendens, ele-
vans, et jungens manus, ca-
putque Cruci inclinans, dicit :
Benedicat vos omni-
potens Deus, *et versus*
ad populum, semel tantum
benedicens, etiam in Missis
solemnibus, prosequitur :

Pater, et Filius, ☩
et Spiritus sanctus.
R. Amen.

In Missa Pontificali ter
benedicitur, ut in Pontificali
habetur. Deinde in cornu
Evangelii, dicto, Dominus
vobiscum, et Initium,
vel Sequentia sancti
Evangelii, signans Alta-
re, vel librum, et se, ut supra

in Evangelio Missæ, legit non datur Benedictio, sed Evangelium secundum Joannem, In principio erat Verbum, etc., fol. 17, dicto, Requiescant in pace, dicit Placeat tibi, sancta Trinitas, etc.; deinde osculato Altari, legit Evangelium S. Joannis, quo finito, discedens ab Altari, pro gratiarum Actione dicit Antiphonam, Tri-

um puerorum, cum genuflectit. In fine, reliquis, ut habetur in principio Missalis, fol. lxii.

R. Deo gratias.

In Missis Defunctorum

DOMINICA RESURRECTIONIS.

Statio ad Sanctam Mariam Majorem.

Introitus. Ps. 138.

RESURREXI, et adhuc tecum sum, allelúia : posuisti super me manum tuam, allelúia : mirabilis facta est sciéntia tua, allelúia, allelúia.

Ps. ibid. Dómine, probásti me, et cognovísti me : tu cognovísti sessionem meam, et resurrectionem meam.

Ÿ. Glória Patri, etc.

Oratio.

DEUS, qui hodiérna die per Unigénitum tuum æternitátis nobis áditum, devicta morte, reserásti : vota nostra, quæ præveniéndó aspiras, etiam adjuvándó prosequere. Per eúndem, etc.

Lectio Epistolæ beáti Pauli Apostoli ad Corínthios. 1 Cor. 5.

FRATRES, Expurgáte vetus fermentum, ut sitis nova conspersio, sicut estis ázymi. Etenim Pascha nostrum immolátus est Christus. Itaque epulémur, non in fermento vétéri, neque in fermento malitiæ et nequitiæ, sed in ázymis sinceritátis et veritátis.

Graduale. Ps. 117. Hæc dies quam fecit Dóminus : exultémus et lætémur in ea.

Ÿ. Confitémini Dómino, quóniam bonus : quóniam in sæculum misericórdia ejus.

Allelúia, allelúia. Ÿ. 1 Cor. 5. Pascha nostrum immolátus est Christus.

Sequentia.

VICTIMÆ Pascháli laudes immolent Christiáni.

Agnus redémit oves : Christus innocens Patri reconciliávit peccatóres.

Mors et vita duéllo confluxére mirándó : dux vitæ mórtuus regnat vivus.

Dic nobis, María, quid vidísti in via ?

Sepúlcrum Christi vivéntis, et glóriam vidi resurgéntis ;

Angélicos testes, sudárium, et vestes.

Surréxit Christus spes mea : præcedet vos in Galilæam.

Scimus Christum surrexisse à mórtuis verè : tu nobis, victor Rex, miserére. Amen. Allelúia.

Sequentia dicitur usque ad Sabbatum in Albis inclusivè.

Sequentia sancti Evangélii secundum Marcum. Marc. 16.

IN illo témpore : María Magdaléne, et María Jacóbi, et

Salóme emérunt arómata, ut veniéntes úngerent Jesum. Et valdè mane una Sabbatórum véniunt ad monuméntum, orto jam sole. Et dicébant ad invicem : Quis revólvet nobis lápidem ab óstio monuménti ? Et respiciéntes, vidérunt revolútum lápidem. Erat quippe magnus valdè. Et introeúntes in monuméntum, vidérunt júvenem sedéntem in dextris, coopértum stola cándida, et obstupuérent. Qui dicit illis : Nolíte expavéscere : Jesum quæritis Nazarénium, crucifíxum : surréxit, non est hic : ecce locus ubi posuérent eum. Sed ite, dicite discipulis ejus, et Petro, quia præcédit vos in Galilæam : ibi eum vidébitis sicut dixit vobis.

Credo.

Offertorium. Ps. 75. Terra trémuit, et quiévit, dum resúrgeret in judicio Deus. Allelúia.

Secreta.

SUSCIPE, quæsumus, Dómine, preces pópuli tui cum oblatiónibus hostiárum : ut Paschálibus initiáta mystériis, ad æternitátis nobis medélam, te operánte, proficiant. Per Dóminum, etc.

Præfatio. Te quidem, Dómine, omni témpore, sed in hac potíssimum die gloriósius prædicáre, fol. 205.

Infra actionem. Communicántes, et Hanc igitur oblatiónem, fol. 206. *Et sic dicitur usque ad Sabbatum in Albis inclusivè.*

Communio. 1 Cor. 5. Pascha nostrum immolátus est Christus, allelúia : itaque epulémur in ázymis sinceritátis et veritátis. Allelúia, allelúia, allelúia.

Postcommunio.

SPIRITUM nobis, Dómine, tuæ charitátis infúnde : ut quos

sacraméntis Paschálibus satiásti, tua fácias pietáte concórdes. Per Dóminum . . . in unitáte ejúsdem.

Post Dóminus vobiscum, dicitur Ite, Missa est. Allelúia, allelúia.

R. Deo grátias. Allelúia, allelúia.

Et sic dicitur usque ad Sabbatum in Albis inclusivè.

¶ *Infra Octavam Paschæ non fit de aliquo Festo Duplici, vel Semiduplici : sed post Octavam celebrantur. De Simplicibus autem occurrentibus post hoc triduum fit tantum commemoratio.*

FERIA SECUNDA.

Statio ad Sanctum Petrum.

Introitus. Exod. 13.

INTRODUXIT vos Dóminus in terram fluéntem lac et mel, allelúia : et ut lex Dómini semper sit in ore vestro. Allelúia, allelúia.

Ps. 104. Confitémini Dómino, et invocáte nomen ejus : annuntiáte inter Gentes ópera ejus.

V. Glória Patri, et Fílio, etc.

Oratio.

DEUS, qui solemnitáte Pascháli mundo remédia contulísti : pópulum tuum, quæsumus, cælésti dono proséquere ; ut et perfectam libertátem cónsequi mereáture, et ad vitam proficiat sempitérnam. Per Dóminum.

Lectio Actuum Apostolorum.

Act. 10.

IN diébus illis : Stans Petrus in médio plebis, dixit : Viri fratres, vos scitis quod factum est verbum per univérsam Judæam ; incípiens enim à Galilæa, post baptísmum,

quod prædicávit Joánnes, Jesum à Názareth : quómodo unxit eum Deus Spíritu sancto, et virtúte, qui pertránsiit benefaciéndo, et sanádo omnes opprèssos à diábolo, quóniam Deus erat cum illo. Et nos testes sumus ómnium quæ fecit in regiône Judæórum, et Jerúsalem, quem occidérunt suspendéntes in ligno. Hunc Deus suscitávit tértia die, et dedit eum manifestum fieri, non omni pópulo, sed téstibus præordinátis à Deo : nobis, qui manducávimus et bíbimus cum illo postquam resurrexit à mórtuis. Et præcépit nobis prædicáre pópulo, et testificári, quia ipse est qui constitútus est à Deo judex vivórum et mortuórum. Huic omnes Prophætæ testimónium pérhibent, remissionem peccatórum accíperere per nomen ejus omnes qui credunt in eum.

Graduale. Ps. 117. Hæc dies quam fecit Dóminus : Exultémus et lætémur in ea.

Ÿ. Dicat nunc Israël quóniam bonus : quóniam in sæculum misericórdia ejus.

Allelúia, allelúia. Ÿ. *Matth. 28.* Angelus Dómini descendit de cælo : et accédens revólvit lápidem, et sedébat super eum.

Sequentia Victimæ Pascháli, cum Allelúia in fine, ut supra in Domini-ca Paschæ.

Sequentia sancti Evangélíi secundum Lucam. *Luc. 24.*

IN illo témpore : Duo ex discipulis Jesu ibant ipsa die in castélum, quod erat in spátio stadiórum sexaginta ab Jerúsalem, nómine Emmaüs. Et ipsi loquebántur ad invicem de his ómnibus quæ acciderant. Et factum est dum fabularéntur et secum quærerent, et ipse

Jesus appropínquans, ibat cum illis : óculi autem illórum tenebántur, ne eum agnóscerent. Et ait ad illos : Qui sunt hi sermónes, quos confértis ad invicem ambulátes, et estis tristes ? Et respóndens unus, cui nomen Cléophas, dixit ei : Tu solus peregrínus es in Jerúsalem, et non cognovísti quæ facta sunt in illa his diébus ? Quibus ille dixit : Quæ ? Et dixerunt : De Jesu Nazaréno, qui fuit vir Prophéta, potens in ópere et sermóne coram Deo et omni pópulo. Et quómodo eum tradidérunt summi sacerdótes et príncipes nostri in damnatióne mortis, et crucifixerunt eum. Nos autem sperabámus quia ipse esset redemptúrus Israël : et nunc super hæc ómnia, tértia dies est hódie quod hæc facta sunt. Sed et mulieres quædam ex nostris terruérunt nos, quæ ante lucem fuérunt ad monuméntum, et non invénto corpore ejus, venérunt dicéntes se étiam visióne Angelórum vidisse, qui dicunt eum vívere. Et abiérunt quidam ex nostris ad monuméntum ; et ita invenérunt sicut mulieres dixerunt, ipsum vero non invenérunt. Et ipse dixit ad eos : O stulti, et tardi corde ad credéndum in ómnibus quæ locúti sunt Prophætæ ! Nonne hæc opórtuit pati Christum, et ita intráre in glóriam suam ? Et incípiens à Móyse et ómnibus Prophétis interpretabátur illis in ómnibus Scriptúris, quæ de ipso erant. Et appropinquavérunt castéllo quò ibant : et ipse se finxit lóngius ire. Et coegerunt illum, dicéntes : Mane nobiscum, quóniam advesperáscit, et inclináta est jam dies. Et intrávit cum illis. Et factum est dum recúberet cum eis, accépit panem, et benedixit, ac fregit, et porrigébat illis. Et apérti sunt óculi eórum, et cognovérunt eum : et ipse evánuít ex óculis

eórum. Et dixerunt ad invicem : Nonne cor nostrum ardens erat in nobis, dum loqueretur in via, et aperiret nobis Scriptúras ? Et surgentes eádem hora regressi sunt in Jerúsalem : et invenérunt congregátos undecim, et eos qui cum illis erant, dicentes : Quod surrexit Dóminus verè, et apparuit Simóni. Et ipsi narrábant quæ gesta erant in via : et quómodo cognovérunt eum in fractiône panis.

Credo.

Offertorium. Matth. 28. Angelus Dómini descendit de cælo, et dixit muliéribus : Quem quæritis ? Surrexit sicut dixit. Allelúia.

Secreta.

SUSCIPE, quæsumus, Dómine, preces pópuli tui, cum oblationibus hostiarum : ut Paschálibus initiáta mystériis, ad æternitátis nobis medélam, te operánte, proficiant. Per Dóminum.

Communio. Luc. 24. Surrexit Dóminus, et apparuit Petro. Allelúia.

Postcommunio.

SPIRITUM nobis, Dómine, tuæ charitátis infúnde : ut quos sacraméntis Paschálibus satiásti, tuafácias pietáte concórdes. Per Dóminum . . . in unitáte ejúsdem.

FERIA TERTIA.

Statio ad Sanctum Paulum.

Introitus. Eccl. 15.

AQUA sapiéntiæ potávit eos, allelúia : firmábitur in illis, et non flectétur, allelúia : et exaltábit eos in ætérnum. Allelúia, allelúia.

Ps. 104. Confitémini Dómino,

et invocáte nomen ejus : annuntiáte inter gentes ópera ejus.

V. Glória Patri, et Filio, etc.

Oratio.

DEUS, qui Ecclesiám tuam novo semper fœtu multiplicas : concéde sámulis tuis, ut sacraméntum vivéndo téneant, quod fide percepérunt. Per Dóminum, etc.

Lectio Actuum Apostolorum.

Act. 13.

IN diébus illis : Surgens Paulus, et manu siléntium indicens, ait : Viri fratres, filii géneris Abraham, et qui in vobis timent Deum, vobis verbum salútis hujus missum est. Qui enim habitábant Jerúsalem, et príncipes ejus, ignorántes Jesum, et voces Prophetárum, quæ per omne Sábbatum legúntur, judicántes, implevérunt : et nullam causam mortis inveniéntes in eo, petiérunt à Piláto ut interficerent eum. Cumque consummássent ómnia quæ de eo scripta erant ; deponéntes eum de ligno, posuérunt eum in monumento. Deus vero suscitávit eum à mórtuis tértia die : qui visus est per dies multos his qui simul ascénderant cum eo de Galilæa in Jerúsalem : qui usque nunc sunt testes ejus ad plebem. Et nos vobis annuntiámus eam quæ ad patres nostros repromissio facta est, quóniam hanc Deus adimplévit filiis nostris, resúscitans Jesum Christum Dóminum nostrum.

Graduale. Ps. 117. Hæc dies quam fecit Dóminus : exultémus, et lætémur in ea.

V. Ps. 106. Dicant nunc qui redépti sunt à Dómino, quos redémit de manu inimici et de regiónibus congregávit eos.

Allelúia, allelúia. *V.* Surrexit

Dóminus de sepúlcro, qui pro nobis pepéndit in ligno.

Sequentia Victimæ Pascháli, fol. 225.

Sequéntia sancti Evangélíi secúndum Lucam. *Luc. 24.*

IN illo témpore : Stetit Jesus in médio discipulórum suórum, et dixit eis : Pax vobis : ego sum, nolite timére. Conturbáti verò et contérriti, existimábant se spíritum vidére. Et dixit eis : Quid turbáti estis, et cogitatiónes ascéndunt in corda vestra ? Vidéte manus meas et pedes, quia ego ipse sum : palpáte, et vidéte, quia spíritus carnem et ossa non habet, sicut me vidétis habére. Et cum hoc dixisset, osténdit eis manus et pedes. Adhuc autem illis non credéntibus, et mirántibus præ gáudio, dixit : Habétis hic áliquid quod mandúcetur ? At illi obtulérunt ei partem piscis assi et favum mellis. Et cum manducásset coram eis, sumens reliquias dedit eis. Et dixit ad eos : Hæc sunt verba quæ locútus sum ad vos, cum adhuc essem vobíscum, quóniam necesse est impléri ómnia quæ scripta sunt in lege Móysi, et Prophétis, et Psalmis de me. Tunc apérui illis sensum, ut intelligerent Scriptúras. Et dixit eis : Quóniam sic scriptum est, et sic oportébat Christum pati, et resúrgere à mórtuis tértia die ; et prædicári in nómine ejus pœniténtiam et remissionem peccatórum in omnes gentes.

Credo.

Offertorium. Ps. 17. Intónuit de cœlo Dóminus, et Altíssimus dedit vocem suam : et apparuérunť fontes aquárum. Allelúia.

Secreta.

SUSCIPE, Dómine, fidélium preces cum oblatiónibus hos-

tiárum : ut per hæc piæ devotiónis officia, ad cœléstem glóriam trans-eámus. Per Dóminum, etc.

Communio. Coloss. 3. Si consurrexistis cum Christo, quæ sursum sunt quærite, ubi Christus est in dextera Dei sedens, allelúia : quæ sursum sunt sápite. Allelúia.

Postcommunio.

CONCEDE, quæsumus, omnipotens Deus ; ut Paschális percéptio sacraménti, continua in nostris méntibus perseveret. Per Dóminum, etc.

FERIA QUARTA.

Statio ad Sanctum Laurentium extra muros.

Introitus. Matth. 25.

VENITE, benedícti Patris mei, percípíte regnum, allelúia, quod vobis parátum est ab origine mundi. Allelúia, allelúia, allelúia.

Ps. 95. Cantáte Dómino cánticum novum : cantáte Dómino, omnis terra.

V. Glória Patri, etc.

Oratio.

DEUS, qui nos Resurrectiόνis Domínicæ ánnua solemnitate lætíficas : concéde propítius, ut per temporália festa quæ ágimus, perveníre ad gaudia ætérna mereámur. Per eúmdem Dóminum, etc.

¶ Ab hac die usque ad Sabbatum in Albis inclusivè, post Orationem diei dicitur una ex sequentibus Orationibus tantum, nisi facienda sit commemoratio alicujus Festi Simplicis occurrentis, quia tunc erit omittenda illa Ecclesiæ, vel pro Papa.

Contra persecutores Ecclesiæ.

Oratio.

ECCLESIAE tuæ, quæsumus, Dómine, preces placátus admítte : ut destrúctis adversitatibus, et erróribus univérsis, secúra tibi sérviat libertáte. Per Dóminum.

Vel pro Papa.

Oratio.

DEUS, ómnium fidélium pastor et rector, fámulum tuum *N.*, quem pastórem Ecclesiæ tuæ præesse voluisti, propítius respice : da ei, quæsumus, verbo et exémplo, quibus præest, proficere : ut ad vitam, una cum grege sibi crédito, pervéniat sempitérnam. Per Dóminum, etc.

Léctio Actuum Apostolorum.

Act. 3.

IN diébus illis : Apériens Petrus os suum, dixit : Viri Israelitæ, et qui timétis Deum, audíte. Deus Abraham, et Deus Isaac, et Deus Jacob, Deus patrum nostrórum glori ficávit Filium suum Jesum, quem vos quidem tradidístis, et negástis ante fáciem Piláti, judicánte illo dimítteri. Vos autem sanctum et justum negástis, et petístis virum homicídæ donári vobis : auctórem verò vitæ interfecístis, quem Deus suscitávit à mortuis, cujus nos testes sumus. Et nunc, fratres, scio quia per ignorántiam fecístis, sicut et príncipes vestri. Deus autem, quæ prænuntiávit per os ómnium Prophetárum, pati Christum suum, sic implévit. Pœnitémini igitur, et convertímini, ut deleántur peccáta vestra.

Graduale. Ps. 117. Hæc dies quam fecit Dóminus : exultémus, et lætémur in ea.

V. Dextera Dómini fecit virtú-

tem ; dextera Dómini exaltávit me. Allelúia, allelúia. V. Luc. 24. Surréxit Dóminus verè, et appáruit Petro.

Sequentia Víctimæ Pascháli, fol. 225.

Sequéntia sancti Evangélii secúndum Joánnem. Joann. 21.

IN illo témpore : Manifestávit se iterum Jesus discíplis ad mare Tiberiádis. Manifestávit autem sic. Erant simul Simon Petrus, et Thomas, qui dicitur Didymus, et Nathánael, qui erat à Cana Galilææ, et filii Zebedæi, et álíi ex discíplis ejus duo. Dicit eis Simon Petrus : Vado piscári. Dicunt ei : Venímus et nos tecum. Et exiérunt, et ascendérunt in navim : et illa nocte nihil prenidérunt. Mane autem facto, stetit Jesus in littore : non tamen cognovérunt discípli quia Jesus est. Dixit ergo eis Jesus : Púeri, númquid pulmentárium habétis ? Respondérunt ei : Non. Dicit eis : Míttite in dexteram navígií rete, et inveniétis. Misérunt ergo : et jam non valébant illud tráhere præ multitudíne píscium. Dixit ergo discípulus ille quem diligébat Jesus, Petro : Dóminus est. Simon Petrus, cum audísset quia Dóminus est, túnica succínxit se (erat enim nudus), et misit se in mare. Alíi autem discípli navígio venérunt (non enim longè erant à terra, sed quasi cúbitis ducéntis), trahéntes rete píscium. Ut ergo descendérunt in terram, vidérunt prunas pósitas, et piscem superpósitum, et panem. Dicit eis Jesus : Afférte de píscibus quos prenidístis nunc. Ascéndit Simon Petrus, et traxit rete in terram, plenum magnis píscibus centum quinquagínta tribus. Et cum tanti essent, non est scissum rete. Dicit eis Jesus :

Venite, prandete. Et nemo audébat discumbéntium interrogáre eum: Tu quis es? sciéntes quia Dóminus est. Et venit Jesus, et áccipit panem, et dat eis; et piscem similiter. Hoc jam tértio manifestátus est Jesus discipulis suis, cum resurrexisset à mórtuis.

Credo.

Offertorium. Ps. 77. Portas cæli apérui Dóminus: et pluit illis manna, ut éderent: panem cæli dedit eis: panem Angelórum manducávit homo.

Secreta.

SACRIFICIA, Dómine, Paschálibus gáudiis immolámus, quibus Ecclesiá tua mirabiliter et páscitur et nutritur. Per, etc.

Contra Persecutores Ecclesiæ.

Secreta.

PROTEGE nos, Dómine, tuis mystériis serviéntes: ut divinis rebus inhæréntes, et corpore tibi famulémur, et mente. Per, etc.

Vel pro Papa.

Secreta.

OBLATIS, quæsumus, Dómine, placáre munéribus: et famulum tuum *N.*, quem pastórem Ecclesiæ tuæ præesse voluisti, assídua protectióne gubérna. Per, etc.

Communio. Rom. 6. Christus resúrgens ex mórtuis, jam non móritur, allelúia: mors illi ultra non dominábitur. Allelúia, allelúia.

Postcommunio.

AB omni nos, quæsumus, Dómine, vetustáte purgátos, sacraménti tui veneránda percéptio in novam tránsferat creatúram. Qui vivis, etc.

Contra persecutores Ecclesiæ.

Postcommunio.

QUÆSUMUS, Dómine, Deus noster; ut quos divína tribuis participatióne gaudére, humánis non sinas subjacére periculis. Per Dóminum.

Vel pro Papa. Postcommunio.

HÆC nos, quæsumus, Dómine, divíni sacraménti percéptio próteget: et famulum tuum *N.*, quem pastórem Ecclesiæ tuæ præesse voluisti, una cum commisso sibi grege, salvet semper et múniat. Per Dóminum, etc.

FERIA QUINTA.

Statio ad SS. duodecim Apostolos.

Introitus. Sap. 10.

VICTRICEM manum tuam, Dómine, laudavérunt páriter, allelúia: quia sapiéntia apérui os mutum, et línguas infántium fecit disertas. Allelúia, allelúia.

Ps. 97. Cantáte Dómino cánticum novum: quia mirabilia fecit.

V. Glória Patri, etc.

Oratio.

DEUS, qui diversitátem géntium in confessióne tui nóminis adunásti: da, ut renátis fonte baptismatis, una sit fides méntium, et pietas actiónum. Per, etc.

Secunda Oratio, Ecclesiæ tuæ, vel Deus ómnium fidélium, fol. 230.

Léctio Actuum Apostolórum.

Act. 8.

IN diébus illis: Angelus Dómini locútus est ad Philippum, dicens:

Surge, et vade contra meridiánum ad viam, quæ descendit ab Jerúsalem in Gazam : hæc est desérta. Et surgens ábiit. Et ecce vir Æthiops, Eunúchus, potens Candácis reginæ Æthiopum, qui erat super omnes gazas ejus, vénerat adoráre in Jerúsalem : et revertebátur sedens super currum suum, legénsque Isaíam Prophétam. Dixit autem Spíritus Philippo : Accéde, et adjúnge te ad currum istum. Accúrrens autem Philippus, audivit eum legéntem Isaíam Prophétam, et dixit : Pútasne intélligis quæ legis ? Qui ait : Et quómodo possum, si non áliquis osténderit mihi ? Rogávitque Philippum, ut ascénderet, et sedéret secum. Locus autem Scriptúræ quam legébat, erat hic : Tamquam ovis ad occisiónem ductus est : et sicut agnus coram tondénte se, sine voce, sic non apérui os suum. In humilitáte iudicium ejus sublátum est. Generatióem ejus quis enarrábit ? quóniam tollétur de terra vita ejus. Respóndens autem Eunúchus Philippo, dixit : Obsecro te, de quo Prophéta dicit hoc : de se, an de álio áliquo ? Apériens autem Philippus os suum, et incípiens à Scriptúra ista, evangelizávit illi Jesum. Et dum irent per viam, venérunt ad quamdam aquam, et ait Eunúchus : Ecce aqua : quid próhibet me baptizári ? Dixit autem Philippus : Si credis ex toto corde, licet. Et respóndens, ait : Credo Fílium Dei ecce Jesum Christum. Et jussit stare currum : et descendérunt utérque in aquam, Philippus et Eunúchus, et baptizávit eum. Cum autem ascendissent de aqua, Spíritus Dómini rápuit Philippum, et ámplius non vidit eum Eunúchus. Ibat autem per viam suam gaudens. Philippus autem invéntus est in Azóto, et pertránsiens evangelizábat civitatibus

cunctis (donec veníret Cæsaréam) nomen Dómini Jesu Christi.

Graduale. Ps. 117. Hæc dies quam fecit Dóminus : exultémus, et lætémur in ea.

Ÿ. Lápídem quem reprobavérunt ædificántes, hic factus est in caput ánguli : à Dómino factum est istud, et est mirábile in óculis nostris. Allelúia, allelúia.

Ÿ. Surréxit Christus, qui creávit ómnia : et misértus est humano géneri.

Sequentia. Victimæ Pascháli, fol. 225.

Sequéntia sancti Evangélíi secundum Joánnem. Joann. 20.

IN illo témpore : María stabat ad monuméntum foris, plorans. Dum ergo fleret, inclinávit se, et prospéxit in monuméntum : et vidit duos Angelos in albis, sedéntes, unum ad caput, et unum ad pedes, ubi pósito fúerat corpus Jesu. Dicunt ei illi : Múlier quid ploras ? Dicit eis : Quia tulérunt Dóminum meum ; et nésco ubi posuérunt eum. Hæc cum dixisset, convérsa est retrórsum, et vidit Jesum stantem, et non sciébat quia Jesus est. Dicit ei Jesus : Múlier, quid ploras ? quem quæris ? Illa existimans quia hortulánus esset, dicit ei : Dómine, si tu sustulísti eum, dícito mihi ubi posuísti eum ; et ego eum tollam. Dicit ei Jesus : María. Convérsa illa, dicit ei : Rabbóni (quod dicitur Magíster). Dicit ei Jesus : Noli me tângere ; nondum enim ascénderé ad Patrem meum : vade autem ad fratres meos, et dic eis : Ascénderé ad Patrem meum, et Patrem vestrum ; Deum meum, et Deum vestrum. Venit María Magdaléne annúntians discíplis : Quia vidi Dóminum, et hæc dixit mihi.

Credo.

Offertorium. Exod. 13. In die solemnitatís vestræ, dicit Dóminus, indúcam vos in terram fluéntem lac et mel. Allelúia.

Secreta.

SUSCIPE, quæsumus, Dómine, múnera populórum tuórum propítius : ut confessióne tui nóminis, et baptísmate renováti, sempitérnam beatitúdinem consequántur. Per Dóminum, etc.

Altera Secreta, vel Prótege nos, *vel* Oblátis, *ut in Feria IV. præcedenti, fol. 231.*

Communio. 1 Petr. 2. Pópulus acquisitionís, annuntiáte virtútes ejus, allelúia : qui vos de ténebris vocávit in admirábile lumen suum. Allelúia.

Postcommunio.

EXAUDI, Dómine, preces nostras : ut redemptionís nostræ sacrosáncta commércia, et vitæ nobis cónferant præséntis auxílium, et gaudia sempitérna concílient. Per Dóminum, etc.

Altera Postcommunio, vel Quæsumus, Dómine, *vel* Hæc nos, quæsumus, *ut in Feria IV. præcedenti, fol. 231.*

FERIA SEXTA.

Statio ad Sanctam Mariam ad Martyres.

Introitus. Ps. 77.

EDUXIT eos Dóminus in spe, allelúia : et inimicos eórum opérui mare. Allelúia, allelúia, allelúia.

Ps. ibid. Atténdite, pópule me-

2 E

us, legem meam : inclináte aurem vestram in verba oris mei.

Ÿ. Glória Patri, etc.

Oratio.

OMNIPOTENS sempitérne Deus, qui Paschále Sacraméntum in reconciliatiónis humanæ fœdere contulisti : da méntibus nostris, ut quod professióne celebrámus, imitémur efféctu. Per, etc.

Secunda Oratio, vel Ecclésiæ tuæ, *vel* Deus, ómnium fidélium, *ut in Feria IV. præcedenti, fol. 230.*

Léctio Epístolæ beáti Petri Apóstoli. 1 Petr. 3.

CHARISSIMI : Christus semel pro peccátis nostris mórtuus est, iustus pro injústis, ut nos offerret Deo, mortificátus quidem carne, vivificátus autem spíritu. In quo et his, qui in cárcere erant, spíritibus véniens prædicávit : qui incréduli fúerant aliquándo, quando expectábant Dei patiéntiam in diébus Noë, cum fabricarétur arca, in qua pauci, id est octo ánimæ salvæ factæ sunt per aquam. Quod et vos nunc símilis formæ salvos facit baptísma : non carnis depositio sórdium, sed consciéntiæ bonæ interrogátio in Deum per resurrectionem Jesu Christi Dómini nostri, qui est in dextera Dei.

Graduale. Ps. 117. Hæc dies quam fecit Dóminus : exultémus, et lætémur in ea.

Ÿ. Benedictus qui venit in nómine Dómini : Deus Dóminus, et illúxit nobis. Allelúia, allelúia.

Ÿ. *Ps. 95.* Dicite in géntibus, quia Dóminus regnávit à ligno.

Sequentia. Víctimæ Pascháli, fol. 225.

Sequéntia sancti Evangélíi secúndum Matthæum. *Matth. 28.*

IN illo témpore : Undecim discípuli abiérunt in Galilæam, in montem, ubi constitúerat illis Jesus. Et vidéntes eum, adoravérunt : quidam autem dubitavérunt. Et accédens Jesus locútus est eis, dicens : Data est mihi omnis potéstas in cœlo et in terra. Eúntes ergo, docéte omnes gentes, baptizántes eos in nómine Patris, et Fílii, et Spíritus sancti : docéntes eos serváre ómnia quæcúmque mandávi vobis : et ecce ego vobiscum sum ómnibus diébus usque ad consummationem sæculi.

Credo.

Offertorium. Exod. 12. Erit vobis hæc dies memoriális, allelúia : et diem festum celebrábitis solémnem Dómino in progénies vestras, legítimum sempitérnum diem. Allelúia, allelúia, allelúia.

Secreta.

HOSTIAS, quæsumus, Dómine, placátus assúme : quas et pro renatórum expiatióne peccáti deférimus, et pro acceleratióne cœléstis auxilií. Per Dóminum, etc.

Altera Secreta, vel Prótege nos, vel Oblátis, quæsumus, *ut in Feria IV. præcedenti, fol. 231.*

Communio. Matth. 28. Data est mihi omnis potéstas in cœlo, et in terra, allelúia : eúntes, docéte omnes gentes, baptizántes eos in nómine Patris, et Fílii, et Spíritus sancti. Allelúia, allelúia.

Postcommunio.

RESPICE, quæsumus, Dómine, pópulum tuum : et quem ætérnis dignátus es renováre mys-

tériis, à temporálibus culpis dignánter absólve. Per Dóminum, etc.

Altera Postcommunio, vel Quæsumus, Dómine, *vel* Hæc nos, quæsumus, *ut in Feria IV. præcedenti, fol. 231.*

SABBATO IN ALBIS.

Statio ad Sanctum Joannem in Laterano.

Introitus. Ps. 104.

EDUXIT Dóminus pópulum suum in exultatióne, allelúia ; et eléctos suos in lætítia. Allelúia, allelúia.

Ps. ibid. Confitémini Dómino, et invocáte nomen ejus : annuntiáte inter gentes ópera ejus.

V. Glória Patri, etc.

Oratio.

CONCEDE, quæsumus, omnipotens Deus, ut qui festa Paschália venerádo égimus, per hæc contíngere ad gaudia ætérna mereámur. Per Dóminum, etc.

Secunda Oratio, vel Ecclésiæ tuæ, *vel* Deus, ómnium fidélium, *ut in Feria IV. præcedenti, fol. 230.*

Léctio Epístolæ beáti Petri Apóstoli. 1 *Petr. 2.*

CHARISSIMI : Deponéntes igitur omnem malítiam, et omnem dolum, et simulatiónes, et invidias, et omnes detractiões, sicut modò géniti infántes, rationábiles, sine dolo lac concupiscite : ut in eo crescátis in salutem : si tamen gustástis, quóniam dulcis est Dóminus. Ad quem accedéntes lápidem vivum, ab homínibus quidem reprobátum, à Deo autem eléctum, et honorificátum : et ipsi tamquam lápidés vivi superædificámini, domus

spirituális, sacerdotium sanctum, offerre spirituáles hóstias, acceptábiles Deo per Jesum Christum. Propter quod contémnet Scriptúra : Ecce pono in Sion lápidem summum, angulárem, eléctum, pretiósum : et qui crediderit in eum, non confundétur. Vobis igitur honor credéntibus : non credéntibus autem, lapis quem reprobavérunt ædificántes, hic factus est in caput ánguli, et lapis offensiónis, et petra scándali, his qui offéndunt verbo, nec credunt in quo et pósito sunt. Vos autem genus eléctum, regále sacerdotium, gens sancta, pópulus acquisitionis : ut virtútes annuntiétis ejus, qui de ténebris vos vocávit in admirábile lumen suum. Qui aliquándo non pópulus, nunc autem pópulus Dei : qui non consecúti misericórdiam, nunc autem misericórdiam consecúti.

¶ *Ab hac die usque ad Octavam Pentecostes, tam in Officio de Tempore, quam de Sanctis, non dicitur Graduale ; sed ejus loco dicuntur duo Versus, cum quatuor Allelúia, ordine infra scripto : præterquam in Missis Rogationum, et Vigiliæ Pentecostes : in quibus dicitur unum Allelúia, cum uno Versu : similiter post quamlibet Lectionem in Sabbato IV. Temporum post Pentecosten. Alio tempore, usque ad Septuagesimam, quando dicitur Graduale, dicuntur tria Allelúia post Graduale, bis ante Versum, et semel post Versum. Cum autem dicitur Sequentia, Allelúia, quod dicendum esset post Versum, dicitur post Sequentiam.*

Allelúia, allelúia. *Ÿ. Ps. 117.* Hæc dies quam fecit Dóminus : exultémus et lætémur in ea. Allelúia.

Ÿ. Ps. 112. Laudáte puéri Dóminum, laudáte nomen Dómini.

Sequentia. Victimæ Pascháli, fol. 225.

Sequentia sancti Evangélii secundum Joánnem. *Joann. 20.*

IN illo témpore : Una Sábbati María Magdaléne venit manè, cum adhuc ténebræ essent, ad monuméntum : et vidit lápidem sublátum à monuménto. Cucúrrit ergo, et venit ad Simónem Petrum, et ad álium discipulum quem amábat Jesus, et dicit illis : Tulérunt Dóminum de monuménto, et nescimus ubi posuérunt eum. Exiit ergo Petrus, et ille álius discipulus, et venérunt ad monuméntum. Currebant autem duo simul, et ille álius discipulus præcucúrrit citiùs Petro, et venit primus ad monuméntum. Et cum se inclinásset, vidit pósito linteámina, non tamen introívit. Venit ergo Simon Petrus sequens eum, et introívit in monuméntum : et vidit linteámina pósito, et sudárium quod fúerat super caput ejus, non cum linteaminibus positum, sed separátim involútum in unum locum. Tunc ergo introívit et ille discipulus qui vénerat primus ad monuméntum ; et vidit, et crédidit : nondum enim sciébant Scriptúram, quia oportébat eum à mórtuis resurgere.

Credo.

Offertorium. Ps. 117. Benedictus qui venit in nómine Dómini : benediximus vobis de domo Dómini : Deus Dóminus, et illúxit nobis. Allelúia, allelúia.

Secreta.

CONCEDE, quæsumus, Dómine, semper nos per hæc mystéria Paschália gratulári : ut continua nostræ reparatiónis operatio, perpétuæ nobis fiat causa lætitiæ. Per Dóminum, etc.

Alia Secreta, vel Prótege nos, *vel* Oblátis, *ut in Feria IV. præcedenti, fol. 231.*

Communio. Galat. 3. Omnes qui in Christo baptizáti estis, Christum induístis. Allelúia.

Postcommunio.

REDEMPTIONIS nostræ múnere vegetáti, quæsumus, Dómine, ut hoc perpétuæ salútis auxilio, fides semper vera proficiat. Per Dóminum, etc.

Altera Postcommunio, vel Quæsumus, Dómine, *vel* Hæc nos, quæsumus, *ut in Feria IV. præcedenti, fol. 231.*

DOMINICA IN ALBIS IN OCTAVA PASCHÆ.

Statio ad Sanctum Pancratium.

Introitus. 1 Petr. 2.

QUASI modò géniti infántes, allelúia: rationábiles, sine dolo lac concupíscite. Allelúia, allelúia, allelúia.

Ps. 80. Exultáte Deo adiutori nostro: jubiláte Deo Jacob.

Ÿ. Glória Patri, etc.

Oratio.

PRÆSTA, quæsumus, omnipotens Deus: ut qui Paschália festa perégimus, hæc, te largiēte, móribus et vita teneámus. Per Dóminum, etc.

Léctio Epístolæ beáti Joánnis Apóstoli. *1 Joann. 5.*

CHARISSIMI: Omne quod natum est ex Deo, vincit mundum: et hæc est victória quæ vincit mundum, fides nostra. Quis est

qui vincit mundum, nisi qui credit quóniam Jesus est Fílius Dei? Hic est qui venit per aquam et sánguinem, Jesus Christus: non in aqua solum, sed in aqua et ságuine. Et Spíritus est qui testificátur quóniam Christus est véritas. Quóniam tres sunt qui testimónium dant in cœlo: Pater, Verbum, et Spíritus sanctus: et hi tres unum sunt. Et tres sunt qui testimónium dant in terra: Spíritus, et aqua, et sanguis: et hi tres unum sunt. Si testimónium hóminum accípiamus, testimónium Dei majus est: quóniam hoc est testimónium Dei quod majus est, quóniam testificátus est de Fílio suo. Qui credit in Fílium Dei, habet testimónium Dei in se.

Allelúia, allelúia. *Ÿ. Matth. 28.* In die resurrectionis meæ, dicit Dóminus, præcédam vos in Galilæam. Allelúia.

Ÿ. Joann. 20. Post dies octo, jánuis clausis, stetit Jesus in médio discipulórum suórum, et dixit: Pax vobis. Allelúia.

Sequéntia sancti Evangélíi secúndum Joánnem. *Joann. 20.*

IN illo témpore: Cum serò esset die illo, una Sabbatorum, et fores essent clausæ, ubi erant discipuli congregáti propter metum Judæórum, venit Jesus, et stetit in médio, et dixit eis: Pax vobis. Et cum hoc dixisset, osténdit eis manus et latus. Gavísi sunt ergo discipuli, viso Dómino. Dixit ergo eis iterum: Pax vobis. Sicut misit me Pater, et ego mitto vos. Hæc cum dixisset, insufflávit, et dixit eis: Accípite Spíritum sanctum: quorum remiséritis peccáta, remittúntur eis, et quorum retinuéritis, reténta sunt. Thomas autem, unus ex duódecim, qui dicitur Dídymus, non erat cum eis, quando venit

Jesus. Dixérunt ergo ei álíi discí-
puli : Vidimus Dóminum. Ille au-
tem dixit eis : Nisi videro in mánibus
ejus fixúram clavórum, et mittam
dígitum meum in locum clavórum,
et mittam manum meam in latus
ejus, non credam. Et post dies
octo, íterum erant discípu-
li ejus intùs, et Thomas cum eis. Venit
Jesus, jánuis clausis, et stetit in
médio, et dixit : Pax vobis. Deínde
dicit Thomæ : Infer dígitum tuum
huc, et vide manus meas, et affer
manum tuam, et mitte in latus
meum : et noli esse incrédulus, sed
fidélis. Respóndit Thomas, et dixit
ei : Dóminus meus, et Deus meus.
Dixit ei Jesus : Quia vidísti me,
Thoma, credidísti : beáti qui non
vidérunt et credidérunt. Multa
quidem et ália signa fecit Jesus
in conspéctu discipulórum suórum
quæ non sunt scripta in libro hoc.
Hæc autem scripta sunt, ut credátis,
quia Jesus est Christus Fílius Dei :
et ut credéntes, vitam habeátis in
nómine ejus.

Credo.

Offertorium. Matt. 28. Ange-
lus Dómini descéndit de cælo, et
dixit muliéribus : Quem quæritis,
surréxit sicut dixit. Allelúia.

Secreta.

SUSCIPE múnera, Dómine, quæ-
sumus, exultántis Ecclésiæ :
et cui causam tanti gaudii præsti-
tisti, perpétuæ fructum concéde
lætitiæ. Per Dóminum, etc.

Communio. Joann. 20. Mitte
manum tuam, et cognósce loca cla-
vórum, allelúia : et noli esse incréd-
ulus, sed fidélis. Allelúia, allelúia.

Postcommunio.

QUÆSUMUS, Dómine Deus
noster, ut sacrosáncta mysté-

ria, quæ pro reparatiónis nostræ
munímine contulisti, et præsens
nobis remédium esse fácias, et fu-
túrum. Per Dóminum, etc.

¶ *A Feria secunda post Octavam
Paschæ, usque ad Ascensionem, post
Orationem diei dicuntur Orationes se-
quentes, nisi sit Festum Duplex.*

De S. Maria.

Oratio.

CONCEDE nos fámulos tuos,
quæsumus, Dómine Deus,
perpétua mentis et córporis sanitáte
gaudére : et gloriósa beátæ Mariæ
semper virginis intercessióne, à
præsénti liberári tristítia, et æterna
pérfrui lætítia.

Contra Persecutores Ecclesiæ.

Oratio.

ECCLESIAE tuæ, quæsumus,
Dómine, preces placátus ad-
mitte : ut, destrúctis adversitatibus
et erróribus univérsis, secúra tibi
sérviat libertáte. Per, etc.

Vel pro Papa.

Oratio.

DEUS, ómnium fidélium Pastor
et rector, fámulum tuum *N.*,
quem Pastórem Ecclésiæ tuæ præ-
esse voluisti, propítius réspice : da
ei, quæsumus, verbo et exémplo,
quibus præest, proficere ; ut ad vi-
tam, una cum grege sibi crédito,
pervéniat sempitérnam. Per, etc.

De S. Maria.

Secreta.

TUA, Dómine, propitiatióne, et
beátæ Mariæ semper virgi-
nis intercessióne, ad perpétuam at-
que præséntem hæc oblátio nobis
proficiat prosperitátem et pacem.

Contra Persecutores Ecclesiæ.

Secreta.

PROTEGE nos, Dómine, tuis
mystériis serviéntes : ut divínis

rebus inhærentes, et corpore tibi famulémur, et mente. Per, etc.

Vel pro Papa.

Secreta.

OBLATIS, quæsumus, Dómine, placáre munéribus : et famulum tuum *N.*, quem Pastórem Ecclesiæ tuæ præesse voluisti, assídua protectióne gubérna. Per, etc.

De S. Maria. Postcommunio.

SUMPTIS, Dómine, salutis nostræ subsidiis : da, quæsumus, beatæ Mariæ semper virginis patrocinis nos ubique protégi, in cujus veneratióne hæc tuæ obtúlimus majestáti.

Contra persecutores Ecclesiæ.

Postcommunio.

QUÆSUMUS, Dómine Deus noster ; ut quos divína tribuis participatióne gaudere, humanis non sinas subiacere periculis. Per Dóminum, etc.

Vel pro Papa. Postcommunio.

HÆC nos, quæsumus, Dómine, divíni sacraménti percéptio protégat, et famulum tuum *N.*, quem Pastórem Ecclesiæ tuæ præesse voluisti, una cum commisso sibi grege, salvet semper et múniat. Per Dóminum, etc.

DOMINICA II. POST PASCHA.

Introitus. Ps. 32.

MISERICORDIA Dómini plena est terra, allelúia : verbo Dómini cæli firmáti sunt. Allelúia, allelúia.

Ps. ibid. Exultáte justi in Dómino : rectos decet collaudatio.

V. Glória Patri, etc.

Oratio.

DEUS, qui in Filii tui humilitate jacéntem mundum erexisti : fidélibus tuis perpétuam concede lætítiam ; ut, quos perpétuæ mortis eripuisti casibus, gaudiis facias pérfrui sempitérnis. Per eúmdem Dóminum, etc.

Aliæ Orationes. Concede, et Ecclesiæ tuæ, *vel* Deus, ómnium, fol. 237.

Lectio Epístolæ beáti Petri Apóstoli. 1 Petr. 2.

CHARISSIMI : Christus passus est pro nobis, vobis relínquens exéplum, ut sequámini vestigia ejus. Qui peccátum non fecit, nec invéntus est dolus in ore ejus : qui cum maledicerétur, non maledicébat : cum paterétur, non comminabátur : tradébat autem judicánti se injúste ; qui peccáta nostra ipse pertulit in corpore suo super lignum : ut peccátis mórtui, justitiæ vivámus : cujus livóre sanáti estis. Erátis enim sicut oves errántes : sed convérsi estis nunc ad Pastórem et Episcopum animárum vestrárum.

Allelúia, allelúia. *V. Luc. 24.* Cognovérunt discípuli Dóminum Jesum in fractiône panis. Allelúia.

V. Joann. 10. Ego sum pastor bonus, et cognósco oves meas, et cognóscunt me meæ. Allelúia.

Sequéntia sancti Evangélíi secúndum Joánnem.

Joann. 10.

IN illo témpore : Dixit Jesus Pharisæis : Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriæ, videt lupum veniéntem, et dimittit oves, et fugit ; et lupus rapit, et dispérgit oves :

mercenarius autem fugit, quia mercenarius est, et non pertinet ad eum de ovibus. Ego sum pastor bonus: et cognosco meas, et cognoscunt me meae. Sicut novit me Pater, et ego agnosco Patrem: et animam meam pono pro ovibus meis. Et alias oves habeo, quae non sunt ex hoc ovili: et illas oportet me adducere: et vocem meam audient, et fiet unum ovile, et unus pastor.

Credo.

Offertorium. Ps. 62. Deus, Deus meus, ad te de luce vigilo: et in nomine tuo levabo manus meas. Alleluia.

Secreta.

BENEDICTIONEM nobis, Domine, conferat salutarem sacra semper oblatio: ut quod agit mysterio, virtute perficiat. Per, etc.

Aliae Secretae. Tua, Domine, et Protege nos, vel Oblatis, fol. 237.

Communio. Joann. 10. Ego sum pastor bonus, alleluia: et cognosco oves meas, et cognoscunt me meae. Alleluia, alleluia.

Postcommunio.

PRAESTA nobis, quaesumus, omnipotens Deus, ut vivificationis tuae gratiam consequentes, in tuo semper munere gloriemur. Per Dominum, etc.

Aliae Postcommuniones. Sumptis, et Quaesumus, vel Haec nos, fol. 238.

DOMINICA III. POST PASCHA.

Introitus. Ps. 65.

JUBILATE Deo omnis terra, alleluia: psalmum dicite no-

mini ejus, alleluia: date gloriam laudi ejus. Alleluia, alleluia, alleluia.

Ps. ibid. Dicite Deo, quam terribilia sunt opera tua, Domine! In multitudinem virtutis tuae mentientur tibi inimici tui.

V. Gloria Patri, et Filio, etc.

Oratio.

DEUS, qui errantibus, ut in viam possint redire justitiae, veritatis tuae lumen ostendis: da cunctis qui Christiana professione censentur, et illa respirare quae huic inimica sunt nomini, et ea quae sunt apta, sectari. Per Dominum, etc.

Aliae Orationes. Concede, et Ecclesiae, vel Deus, omnium, fol. 237.

Lectio Epistolae beati Petri Apostoli. 1 Petr. 2.

CHARISSIMI: Obsecro vos tamquam advenas et peregrinos, abstinere vos a carnalibus desideriis, quae militant adversus animam, conversationem vestram inter gentes habentes bonam; ut in eo quod detractant de vobis tamquam de malefactoribus, ex bonis operibus vos considerantes, glorificent Deum in die visitationis. Subiecti igitur estote omni humanae creaturae propter Deum: sive regi, quasi praeclarenti; sive ducibus, tamquam ab eo missis ad vindictam malefactorum, laudem vero bonorum: quia sic est voluntas Dei, ut beneficientes obmutescere faciatis imprudentium hominum ignorantiam: quasi liberi, et non quasi velamen habentes malitiae, libertatem: sed sicut servi Dei. Omnes honorate: fraternitatem diligite: Deum timeate: Regem honorificate. Servi, subditi estote in omni timore dominis, non tantum

bonis et modéstitis, sed étiam dyscolis. Hæc est enim grátia, in Christo Jesu Dómino nostro.

Allelúia, allelúia. *Ÿ. Ps. 110.* Redemptionem misit Dóminus populo suo. Allelúia.

Ÿ. Luc. 24. Oportébat pati Christum, et resúrgere à mórtuis, et ita intráre in glóriam suam. Allelúia.

Sequéntia sancti Evangélii secúndum Joánnem. *Joann. 16.*

IN illo témpore : Dixit Jesus discipulis suis : Módicum, et jam non vidébitis me : et iterum módicum, et vidébitis me : quia vado ad Patrem. Dixérunt ergo ex discipulis ejus ad invicem : Quid est hoc, quod dicit nobis : Módicum, et non vidébitis me ; et iterum módicum, et vidébitis me, et quia vado ad Patrem ? Dicébant ergo : Quid est hoc, quod dicit : Módicum ? nescimus quid lóquitur. Cognóvit autem Jesus quia volébant eum interrogáre, et dixit eis : De hoc quæritis inter vos, quia dixi : Módicum, et non vidébitis me : et iterum módicum, et vidébitis me. Amen, amen dico vobis, quia plorábitis et flébitis vos ; mundus autem gaudébit : vos verò contristabimini : sed tristítia vestra vertétur in gáudium. Múlier, cum parit, tristítiam habet, quia venit hora ejus : cum autem pepérerit púerum, jam non méminit pressúræ propter gáudium, quia natus est homo in mundum. Et vos igitur nunc quidem tristítiam habétis : iterum autem vidébo vos, et gaudébit cor vestrum : et gáudium vestrum nemo tollet à vobis.

Credo.

Offertorium. Ps. 145. Lauda, ánima mea, Dóminum : laudábo Dóminum in vita mea, psallam Deo meo, quámdiu ero. Allelúia.

Secreta.

HIS nobis, Dómine, mystériis conferátur, quo terréna desideria mitigántes, discámus amáre cœléstia. Per Dóminum, etc.

Aliæ Secretæ. Tua, Dómine, et Prótege nos, *vel* Oblátis, *fol. 237.*

Communio. Joann. 16. Módicum, et non vidébitis me, allelúia : iterum módicum, et vidébitis me, quia vado ad Patrem. Allelúia, allelúia.

Postcommunio.

SACRAMENTA, quæ sumpsimus, quæsumus, Dómine, et spirituálibus nos instáurent aliméntis, et corporálibus tueántur auxiliis. Per Dóminum, etc.

Aliæ Postcommuniones. Sumptis, Dómine, et Quæsumus, *vel* Hæc nos, *fol. 238.*

DOMINICA IV. POST PASCHA.

Introitus. Ps. 97.

CANTATE Dómino cánticum novum, allelúia : quia mirabilia fecit Dóminus, allelúia : ante conspéctum géntium revelávit justítiam suam. Allelúia, allelúia, allelúia.

Ps. ibid. Salvávit sibi dextera ejus : et bráchium sanctum ejus.

Ÿ. Glória Patri, et Filio, etc.

Oratio.

DEUS, qui fidélium mentes unus éfficis voluntátis : da populis tuis id amáre quod præcipis, id desideráre quod promíttis : ut inter mundánas varietátes ibi nostra fixa sint corda, ubi vera sunt gáudia. Per Dóminum, etc.

Aliæ Orationes. Concède nos, et Ecclesiæ tuæ, vel Deus, omnium, fol. 237.

Lectio Epistolæ beāti Jacóbi Apóstoli. *Jacob. 1.*

CHARISSIMI: Omne datum optimum, et omne donum perfectum desúrsum est, descéndens à Patre lúminum, apud quem non est transmutátio, nec vicissitúdinis obumbrátio. Voluntárie enim genuit nos verbo veritátis: ut simus inítium áliquod creatúræ ejus. Scitis, fratres mei dilectíssimi. Sit autem omnis homo velox ad audiéndum; tardus autem ad loquéndum, et tardus ad iram. Ira enim viri justítiam Dei non operátur. Propter quod abjiciéntes omnem immundítiam et abundántiam malítiæ, in mansuetúidine suscipite in-situm verbum, quod potest salváre ánimas vestras.

Allelúia, allelúia. *Ÿ. Ps. 117.* Dextera Dómini fecit virtútem: dextera Dómini exaltávit me. Allelúia.

Ÿ. Rom. 6. Christus resúrgens ex mórtuis jam non móritur: mors illi ultra non dominábitur. Allelúia.

Sequéntia sancti Evangélíi secúndum Joánnem. *Joann. 16.*

IN illo témpore: Dixit Jesus discípulis suis: Vado ad eum qui misit me, et nemo ex vobis intérogat me: Quò vadis? Sed quia hæc locútus sum vobis, tristítia implévit cor vestrum. Sed ego veritátem dico vobis: expedit vobis ut ego vadam: si enim non abiero, Paráclitus non véniet ad vos: si autem abiero, mittam eum ad vos. Et cum vénierit ille, árguet mundum de peccáto, et de justítia, et de judicio. De peccáto quidem, quia

non credidérunt in me: de justítia vero, quia ad Patrem vado, et jam non vidébitis me: de judicio autem, quia princeps hujus mundi jam judicátus est. Adhuc multa hábeo vobis dicere; sed non potéstis portáre modò. Cum autem vénierit ille Spíritus veritátis, docébit vos omnem veritátem. Non enim loquétur à semetípso: sed quæcúmque áudiet loquétur, et quæ ventúra sunt annuntiábit vobis. Ille me clarificábit: quia de meo accípiet, et annuntiábit vobis.

Credo.

Offertorium. Ps. 65. Jubiláte Deo univérsa terra, psalmum dicite nómini ejus: veníte, et audíte, et narrábo vobis, omnes qui timétis Deum, quanta fecit Dóminus ánimæ meæ. Allelúia.

Secreta.

DEUS, qui nos per hujus sacrificii veneránda commércia, unius summæ divinitátis partícipes effecisti: præsta, quæsumus, ut sicut tuam cognóscimus veritátem, sic eam dignis móribus assequámur. Per Dóminum, etc.

Aliæ Secretæ. Tua, Dómine, et Prótege nos, vel Oblátis, fol. 237.

Communio. Joann. 16. Cum vénierit Paráclitus Spíritus veritátis, ille árguet mundum de peccáto, et de justítia, et de judicio. Allelúia, allelúia.

Postcommunio.

ADESTO nobis, Dómine Deus noster: ut per hæc, quæ fídeliter sumpsimus, et purgémur à víitiis, et à periculis ómnibus eruámur. Per Dóminum, etc.

Aliæ Postcommuniones. Sumptis,

Dómine, et Quæsumus, Dómine, *vel*
Hæc nos, *fol.* 238.

DOMINICA V. POST PAS- CHA.

Introitus. Isa. 48.

VOCEM jucunditátis annunti-
áte, et audiátur, allelúia :
annuntiáte usque ad extrémum
terræ : liberávit Dóminus pópulum
suum. Allelúia, allelúia.

Ps. 65. Jubiláte Deo omnis ter-
ra : psalmum dícite nómini ejus,
date glóriam laudi ejus.

V. Glória Patri, etc.

Oratio.

DEUS, à quo bona cuncta pro-
cédunt, largíre supplicibus
tuis ; ut cogitémus, te inspiránte,
quæ recta sunt ; et te gubernánte,
eádém faciámus. Per, etc.

Alia Orationes. Concéde nos, et
Ecclésiæ tuæ, *vel* Deus, ómnium,
fol. 237.

Léctio Epístolæ beáti Jacóbi Após-
toli. *Jacob. 1.*

CHARISSIMI : Estóte factóres
verbi, et non auditóres tan-
tum, falléntes vosmetípsos. Quia
si quis audítor est verbi, et non fac-
tor, hic comparábitur viro conside-
ránti vultum nativitátis suæ in
spéculo : considerávit enim se, et
ábiit, et statim oblitus est qualis
fúerit. Qui autem perspéxerit in
legem perféctam libertátis, et per-
mánserit in ea, non audítor obli-
vius factus, sed factor óperis ; hic
beátus in facto suo erit. Si quis
autem putat se religiósus esse, non
refrænans linguam suam, sed sedú-
cens cor suum ; hujus vana est re-
ligio. Religio munda et immacu-

lata apud Deum et Patrem, hæc
est : Visitáre pupillos, et víduas in
tribulatióne eórum ; et immaculá-
tum se custodire ab hoc sæculo.

Allelúia, allelúia. *V.* Surréxit
Christus, et illúxit nobis, quos re-
démít ságuine suo. Allelúia.

V. *Joann. 16.* Exívi à Patre, et
veni in mundum : íterum relinquo
mundum, et vado ad Patrem. Al-
lelúia.

Sequéntia sancti Evangélli secún-
dum Joánnem. *Joann. 16.*

IN illo témpore : Dixit Jesus dis-
cípulis suis : Amen, amen dico
vobis : si quid petiéritis Patrem in
nómine meo, dabit vobis. Usque
modò non petístis quidquam in nó-
mine meo. Pétite, et accipiétis, ut
gáudium vestrum sit plenum. Hæc
in provérbiis locútus sum vobis.
Venit hora, cum jam non in provér-
biis lóquar vobis, sed palam de Pa-
tre annuntiábo vobis. In illo die
in nómine meo petétis : et non dico
vobis quia ego rogábo Patrem de
vobis : ipse enim Pater amat vos,
quia vos me amástis, et credidístis
quia ego à Deo exívi. Exívi à
Patre, et veni in mundum : íterum
relinquo mundum, et vado ad Pa-
trem. Dicunt ei discípuli ejus :
Ecce nunc palam lóqueris, et pro-
vérium nullum dicis. Nunc sci-
mus quia scis ómnia, et non opus
est tibi ut quis te intéroget : in hoc
crédimus quia à Deo exísti.

Credo.

Offertorium. Ps. 65. Benedícite
gentes Dóminum Deum nostrum,
et obaudíte vocem laudis ejus : qui
pósuit ánimam meam ad vitam, et
non dedit commovéri pedes meos.
Benedíctus Dóminus, qui non amó-
vit deprecatióne meam, et mise-
ricórdiam suam à me. Allelúia.

Secreta.

SUSCIPE, Dómine, fidélium preces cum oblationibus hostiarum : ut per hæc piæ devotiõnis officia, ad cœlestem glóriam trans-eámus. Per Dóminum, etc.

Aliæ Secretæ. Tua, Dómine, et Prótege nos, *vel* Oblátis, *fol.* 237.

Communio. *Ps.* 95. Cantáte Dómino, allelúia : cantáte Dómino, et benedicite nomen ejus : bene nuntiáte de die in diem salutáre ejus. Allelúia, allelúia.

Postcommunio.

TRIBUE nobis, Dómine, cœlestis mensæ virtúte satiátis, et desideráre quæ recta sunt, et desideráta percípere. Per, etc.

Aliæ Postcommuniones. Sumptis, Dómine, et Quæsumus, *vel* hæc nos, *fol.* 238.

IN LITANIIS MAJORIBUS.

In festo S. Marci Evangelistæ, Statio ad S. Petrum. Et in minoribus ante Ascensionem, Feria secunda Rogationum, statio ad S. Mariam Majorem. Feria tertia, statio ad S. Joannem in Laterano. Feria quarta, statio ad S. Petrum.

¶ *Sequens Missa dicitur in Litanis majoribus et minoribus ad Processionem, sine commemoratione Festi occurrentis. In Feriis autem Rogationum, in Missis privatis, si dicitur de Sancto, fit commemoratio Rogationum : si dicitur de Rogationibus, fit commemoratio Festi occurrentis. Feria vero tertia, si Festum non occurrit, dicatur Missa de Rogationibus, sine Glória in excelsis, licet in Officio dictum sit Te Deum, et Oratio Dominicæ.*

Introitus. Ps. 17.

EXAUDIVIT de templo sancto suo vocem meam, allelúia : et clamor meus in conspéctu ejus, introivit in aures ejus. Allelúia, allelúia.

Ps. ibid. Diligam te, Dómine, virtus mea : Dóminus firmaméntum meum, et refúgium meum, et liberátor meus.

Ÿ. Glória Patri, etc.

In hac Missa non dicitur Glória in excelsis, neque Credo.

Oratio.

PRÆSTA, quæsumus, omnipotens Deus, ut qui in afflictiónē nostra de tua pietáte confidimus ; contra advērsa ómnia, tua semper protectionē muniámur. Per, etc.

Aliæ Orationes. Concède nos, et Ecclésiæ tuæ, *vel* Deus, ómnium, *fol.* 237.

Lectio Epístolæ beáti Jacóbi Apóstoli. *Jacob. 5.*

CHARISSIMI : Confitémini alterutrum peccáta vestra, et oráte pro ínvicem, ut salvémini : multum enim valet deprecátio justī assídua. Elías homo erat similis nobis passibilis : et oratióne orávit, ut non plúeret super terram ; et non pluit annos tres, et menses sex. Et rursum orávit ; et cœlum dedit plúviam, et terra dedit fructum suum. Fratres mei, si quis ex vobis erráverit à veritáte, et convérterit quis eum : scire debet, quóniam qui convérte fécit peccatórem ab erróre viæ suæ, salvábit ánimam ejus à morte, et opériet multitudinem peccatórum.

Allelúia. Ÿ. *Ps.* 117. Confitémini Dómino, quóniam bonus : quóniam in sæculum misericórdia ejus.

Sequéntia sancti Evangélii secúndum Lucam. *Luc. 11.*

IN illo témpore : Dixit Jesus discípulis suis : Quis vestrúm habébit amicum, et ibit ad illum média nocte, et dicet illi : Amíce, cómmo-da mihi tres panes, quóniam amicus meus venit de via ad me, et non hábeo quod ponam ante illum : et ille deíntus respóndens, dicat : Noli mihi moléstus esse : jam óstium clausum est, et púeri mei mecum sunt in cubili : non possunt súrgere, et dare tibi. Et si ille perseveráverit pulsans : dico vobis, etsi non dabit illi surgens, eò quòd amicus ejus sit, propter improbitátem tamen ejus surget, et dabit illi quotquot habet necessariós. Et ego dico vobis : Pétite, et dábitur vobis : quærite, et inveniétis : pulsáte, et aperiétur vobis. Omnis enim qui petit, áccipit : et qui quærit, invenit : et pulsánti aperiétur. Quis autem ex vobis patrem petit panem : numquid lápidem dabit illi ? Aut piscem : numquid pro pisce serpéntem dabit illi ? Aut si petierit ovum, numquid pórriget illi scorpíonem ? Si ergo vos, cum sitis mali, nostis bona data dare filiis vestris : quantò magis Pater vester de cælo dabit spíritum bonum peténtibus se ?

Offertorium. Ps. 108. Confitébor Dómino nimis in ore meo, et in médio multórum laudábo eum ; quia ástitit à dextris páuperis, ut salvam fáceret à persecuéntibus ánimam meam. Allelúia.

Secreta.

HÆC múnera, quæsumus, Dómine, et víncula nostræ pravitátis absólvant, et tuæ nobis misericórdiæ dona concílient. Per Dóminum, etc.

Aliæ Secretæ. Tua, Dómine, et Prótege nos, vel Oblátis, fol. 237.

Et dicitur Præfatio Paschalis, fol. 205.

Communio. Luc. 11. Pétite, et accipiétis : quærite, et inveniétis : pulsáte, et aperiétur vobis : omnis enim qui petit, áccipit : et qui quærit, invenit : et pulsánti aperiétur. Allelúia.

Postcommunio.

VOTA nostra, quæsumus, Dómine, pio favóre proséquere : ut, dum dona tua in tribulatióne percípimus, de consolatióne nostra in tuo amóre crescámus. Per, etc.

Aliæ Postcommuniones. Sumptis, et Quæsumus, vel Hæc nos, fol. 238.

IN VIGILIA ASCENSIONIS.

Si hodie occurrat Festum Simplex, fit de ipso tantum commemoratio. Si occurrat Festum Duplex, vel Semiduplex, Missa dicitur de Festo, cum commemoratione Vigilæ, et Rogationum.

Introitus. Isa. 48.

VOCEM jucunditátis annuntiáte, et audiátur, allelúia : annuntiáte usque ad extrémum terræ : liberávit Dóminus pópulum suum. Allelúia, allelúia.

Ps. 65. Jubiláte Deo omnis terra, psalmum dicite nómini ejus, date glóriam laudi ejus.

V. Glória Patri, etc.

Et dicitur Glória in excélsis.

Oratio.

DEUS, à quo bona cuncta procédunt, largíre supplicibus tuis ; ut cogitémus, te inspiránte, quæ recta sunt ; et te gubernánte, éadem faciámus. Per, etc.

*Secunda de Rogationibus.**Oratio.*

PRÆSTA, quæsumus, omnipotens Deus; ut qui in afflictione nostra de tua pietate confidimus; contra adversa omnia, tua semper protectione muniamur.

Tertia de S. Maria, Concède nos, fol. 237.

Lectio Epistolæ beati Pauli Apostoli ad Ephésios. *Eph. 4.*

FRATRES, Unicuique nostrum data est gratia secundum mensuram donationis Christi. Propter quod dicit: Ascendens in altum captivam duxit captivitatem: dedit dona hominibus. Quod autem ascendit, quid est, nisi quia et descendit primum in inferiores partes terræ? Qui descendit, ipse est, et qui ascendit super omnes cælos, ut impleret omnia. Et ipse dedit quosdam quidem Apostolos, quosdam autem Prophetas, alios verò Evangelistas, alios autem Pastores, et Doctores, ad consummationem sanctorum in opus ministerii, in ædificationem corporis Christi: donec occurramus omnes in unitatem fidei, et agnitionis filii Dei, in virum perfectum, in mensuram ætatis plenitudinis Christi.

Allelúia, allelúia. *Ÿ.* Surréxit Christus, et illúxit nobis, quos redemit sanguine suo. Allelúia.

Ÿ. Joann. 16. Exívi à Patre, et veni in mundum: iterum relinquo mundum, et vado ad Patrem. Allelúia.

Sequéntia sancti Evangelii secundum Joánnem. *Joann. 17.*

IN illo tempore: Sublevátis Jesus oculis in cælum, dixit: Pater, venit hora, clarifica Filium tuum, ut Filius tuus clarificet te.

Sicut dedisti ei potestatem omnis carnis, ut omne quod dedisti ei, det eis vitam æternam. Hæc est autem vita æterna, ut cognoscant te solum Deum verum, et quem misisti Jesum Christum. Ego te clarificavi super terram: opus consummavi, quod dedisti mihi ut faciam: et nunc clarifica me tu, Pater, apud te ipsum, claritate quam habui, priusquam mundus esset, apud te. Manifestavi nomen tuum hominibus, quos dedisti mihi de mundo. Tui erant, et mihi eos dedisti: et sermonem tuum servaverunt. Nunc cognoverunt quia omnia quæ dedisti mihi, abs te sunt: quia verba quæ dedisti mihi, dedi eis: et ipsi acceperunt, et cognoverunt verè quia à te exivi, et crediderunt quia tu me misisti. Ego pro eis rogo. Non pro mundo rogo, sed pro his, quos dedisti mihi, quia tui sunt: et mea omnia tua sunt, et tua mea sunt: et clarificatus sum in eis. Et jam non sum in mundo, et hi in mundo sunt, et ego ad te venio.

Offertorium. Ps. 65. Benedicite Gentes Dóminum Deum nostrum, et obaudite vocem laudis ejus: qui posuit animam meam ad vitam, et non dedit commoveri pedes meos. Benedictus Dóminus, qui non amovit deprecationem meam, et misericórdiam suam à me. Allelúia.

Secreta.

SUSCIPE, Dómine, fidélium preces cum oblationibus hostiarum: ut per hæc piæ devotionis officia, ad cælestem glóriam trans-eamus. Per Dóminum, etc.

*Secunda de Rogationibus.**Secreta.*

HÆC múnera, quæsumus, Dómine, et víncula nostræ pra-

vitátis absólvant, et tuæ nobis misericórdiæ dona concílient.

Tertia de S. Maria, Tua, Dómine, fol. 237.

Communio. Ps. 95. Cantáte Dómino, allelúia : cantáte Dómino, et benedicite nomen ejus : benenuntiáte de die in diem salutáre ejus. Allelúia, allelúia.

Postcommunio.

TRIBUE nobis, Dómine, cæléstis mensæ virtúte satiátis,


et desideráre quæ recta sunt, et desideráta percípere. Per, etc.

Secunda de Rogationibus.

Postcommunio.

VOTA nostra, quæsumus, Dómine, pio favóre proséquere : ut, dum dona tua in tribulatióne percípimus, de consolatióne nostra in tuo amóre crescámus.

Tertia de S. Maria, Sumptis, Dómine, fol. 238.



IN DIE ASCENSIONIS DOMINI.

Statio ad Sanctum Petrum.

Introitus. Act. 1.

VIRI Galilæi, quid admirâmini aspicientes in cœlum? allelúia: quemâmodum vidistis eum ascendentem in cœlum, ita véniet. Allelúia, allelúia, allelúia.

Ps. 46. Omnes gentes, pláudite mânibus: jubiláte Deo in voce exultatiónis.

Ÿ. Glória Patri, et Fílio, etc.

Oratio.

CONCEDE, quæsumus, omnipotens Deus; ut qui hodiérna die Unigénitum tuum Redemptórem nostrum ad cœlos ascendisse crédimus, ipsi quoque mente in cœlestibus habitémus. Per eúndem Dóminum nostrum Jesum Christum, etc.

Lectio Actuum Apostolorum.

Act. 1.

PRIMUM quidem sermónem feci de ómnibus, ô Theóphile, quæ cœpit Jesus fácere, et docére, usque in diem, qua præciens Apóstolis per Spíritum sanctum, quos elégit, assúptus est: quibus et præbuit seípsum vivum post passionem suam in multis arguméntis, per diés quadragínta appárens eis, et loquens de regno Dei. Et con-

vécens, præcépit eis ab Jerosólymis ne discéderent, sed expectárent promissionem Patris, quam audistis (inquit) per os meum: quia Joánes quidem baptizávit aqua; vos autem baptizabimini Spíritu sancto non post multos hos diés. Igitur qui convénérant, interrogábant eum, dicéntes: Dómine, si in témpore hoc restitues regnum Israël? Dixit autem eis: Non est vestrum nosse témpora, vel moménta, quæ Pater pósuit in sua potestate: sed accipiétis virtútem superveniéntis Spíritus sancti in vos, et éritis mihi testes in Jerúsalem, et in omni Judæa, et Samária, et usque ad últimum terræ. Et cum hæc dixisset, vidéntibus illis, elevátus est: et nubes suscepit eum ab óculis eórum. Cumque intueréntur in cœlum eúntem illum, ecce duo viri astitérunt juxta illos in véstibus albis, qui et dixerunt: Viri Galilæi, quid statis aspicientes in cœlum? Hic Jesus, qui assúptus est à vobis in cœlum, sic véniet, quemâmodum vidistis eum eúntem in cœlum.

Allelúia, allelúia. *Ÿ. Ps. 46.* Ascéndit Deus in jubilatíone, et Dóminus in voce tubæ. Allelúia.

Ÿ. Ps. 67. Dóminus in Sina in sancto, ascéndens in altum, captivam duxit captivitátem. Allelúia.

Sequéntia sancti Evangélíi secúndum Marcum. *Marc. 16.*

IN illo témpore : Recumbéntibus úndecim discíplis, appáruit illis Jesus, et exprobrávit incredulitátem eórum, et durítiam cordis : quia iis, qui viderant eum resurrexisse, non crediderunt. Et dixit eis : Eúntes in mundum univérsum, prædicáte Evangélium omni creatúræ. Qui crediderit, et baptizátus fúerit, salvus erit : qui verò non crediderit, condemnábitur. Signa autem eos, qui crediderint, hæc sequéntur : In nómine meo dæmónia ejicient : linguis loquéntur novis : serpéntes tollent : et si mortíferum quid bíberint, non eis nocébit : super ægros manus impónent, et bene habébunt. Et Dóminus quidem Jesus postquam locútus est eis, assúptus est in cælum, et sedet à dextris Dei. Illi autem profecti, prædicavérunt ubique, Dómino cooperánte, et sermónem confirmánte, sequéntibus signis.

¶ *Dicto Evangelio, extinguitur Cereus Paschalis, nec ulterius accenditur, nisi in Sabbato Pentecostes ad Benedictionem Fontis.*

Credo.

Offertorium. Ps. 46. Ascéndit Deus in jubilatíone, et Dóminus in voce tubæ. Allelúia.

Secreta.

SUSCIPE, Dómine, múnera quæ pro Filii tui gloriósa Ascensióne deférimus : et concéde propítius, ut à præsentibus periculis liberémur, et ad vitam perveniámus ætérnam. Per eúmdem Dóminum nostrum, etc.

Præfatio. Qui post resurrectiόνem suam ómnibus discíplis suis, etc. fol. 206.

Et dicitur usque ad Vigiliam Pentecostes exclusivè.

Infra actionem. Communicántes, et diem sacratíssimum, etc., fol. 206.

Et dicitur per Octavam tantum.

Communio. Ps. 67. Psállite Dómino, qui ascéndit super cælos cælórum ad Oriéntem. Allelúia.

Postcommunio.

PRÆSTA nobis, quæsumus, omnipotens et miséricors Deus ; ut, quæ visibilibus mystériis suménda percépimus, invisibili consequámur effectú. Per, etc.

¶ *Infra Octavam Ascensionis dicitur Missa de Ascensione, nisi occurrat Festum Duplex, vel Semiduplex, de quo tunc fit cum commemoratione Octavæ : de Simplici autem fit tantum commemoratio.*

Post Orationem diei dicitur secunda Oratio de S. Maria, Concéde, et tertia, Ecclesiæ tuæ, vel Deus, ómnium, ut in Dominica in Albis, fol. 237.

DOMINICA INFRA OCTAVAM ASCENSIONIS.

Introitus. Ps. 26.

EXAUDI, Dómine, vocem meam, qua clamávi ad te, allelúia : tibi dixit cor meum, quæsívi vultum tuum ; vultum tuum, Dómine, requíram : ne avértas faciém tuam à me. Allelúia, allelúia.

Ps. ibid. Dóminus illuminatio mea, et salus mea : quem timébo ?

Ÿ. Glória Patri, et Filio, etc.

Oratio.

OMNIPOTENS sempitérne Deus, fac nos tibi semper et

devótam gérere voluntátem, et majestáti tuæ sincéro corde servíre. Per Dóminum, &c.

Et fit commemoratio de Ascensione tantum, Concède, quæsumus, fol. 247.

Lectio Epístolæ beáti Petri Apóstoli. 1 Petr. 4.

CHARISSIMI: Estóte prudentes, et vigiláte in oratió nibus. Ante ómnia autem mútuam in vobismetipsis caritátem contínuam habéntes: quia caritas óperit multitudinem peccatórum. Hospitáles invicem sine murmuratióne. Unusquisque, sicut accépit grátiam, in altérutrum illam administrátes, sicut boni dispensatóres multifórmis grátiae Dei. Si quis loquitur, quasi sermónes Dei: si quis ministrat, tamquam ex virtúte, quam administrat Deus: ut in ómnibus honorificétur Deus per Jesum Christum Dóminum nostrum.

Allelúia, allelúia. *V. Ps. 46.* Regnávit Dóminus super omnes gentes: Deus sedet super sedem sanctam suam. Allelúia.

V. Joann. 14. Non vos relinquam órphanos: vado, et vénio ad vos, et gaudébit cor vestrum. Allelúia.

Sequéntia sancti Evangélíi secúndum Joánnem. *Joann. 15.*

IN illo témpore: Dixit Jesus discipulis suis: Cum vénierit Paráclitus, quem ego mittam vobis à Patre, Spíritum veritátis, qui à Patre procédit; ille testimoníum perhibébit de me: et vos testimoníum perhibébitis, quia abinítio mecum estis. Hæc locútus sum vobis, ut non scandalizémini. Absque synagógis fácient vos: sed venit hora, ut omnis qui interficit vos, arbitrétur obsé-

quium se præstáre Deo. Et hæc fácient vobis, quia non novérunt Patrem, neque me. Sed hæc locútus sum vobis; ut, cum vénierit hora eórum, reminiscámini, quia ego dixi vobis.

Credo.

Offertorium. Ps. 46. Ascéndit Deus in jubilatióne, et Dóminus in voce tubæ. Allelúia.

Secreta.

SACRIFICIA nos, Dómine, immaculáta purificent, et méntibus nostris supérnæ grátiae dent vigórem. Per Dóminum, etc.

Pro Ascensione. Súscipe, Dómine, etc., fol. 248.

Communio. Joann. 17. Pater, cùm essem cum eis, ego servábam eos, quos dedisti mihi, allelúia: nunc autem ad te vénio: non rogo ut tollas eos de mundo, sed ut serves eos à malo. Allelúia, allelúia.

Postcommunio.

REPLETI, Dómine, munéribus sacris, da, quæsumus, ut in gratiárum semper actióne maneámus. Per Dóminum, etc.

Pro Ascensione. Præsta nobis, fol. 248.

In Octava Ascensionis dicitur Missa sicut in die, cum una tantum Oratióne, nisi occurrat Festum Simplex.

¶ Feria VI. post Octavam Ascensionis, si non fuerit Festum Duplex, vel Semiduplex, etiam translatum, Missa dicitur de Dominica præterita, cum commemoratione de S. Maria, Concède, et Ecclesiæ tuæ, vel Deus, ómnium, fol. 237.

De Simplici fit tantum commemoratio.

Et non dicitur Credo.

SABBATO IN VIGILIA PENTECOSTES.

Statio ad Sanctum Joannem in Laterano.

Dicta Nona, Sacerdos et Ministri, induti paramentis violacei coloris, accedunt ad Altare : et facta reverentia, Sacerdos illud osculatur in medio. Deinde leguntur Prophetiæ sine titulo, candelis Altaris extinctis usque ad principium Missæ, sicut in Sabbato sancto. Sacerdos legit eas submissa voce ad Altare in cornu Epistolæ. In fine Prophetiarum dicuntur Orationes, sine Flectamus gēnua.

Prophetia Prima.

IN diēbus illis : Tentāvit Deus Abraham, etc., *quæ est tertia inter Prophetias Sabbati Sancti fol. 166.*

Quā finitâ, Sacerdos dicit :

Orémus.

Oratio.

DEUS, qui in Abrahæ fāmuli tui ópere, humáno gēneri obediētiæ exēpla præbuisti : concēde nobis, et nostræ voluntātis pravitatem frāngere, et tuórum præceptorum rectitudinem in ómnibus adimplére. Per Dóminum, etc.

Prophetia Secunda.

IN diēbus illis : Factum est in vigília matutina, etc., *quæ est quarta inter Prophetias Sabbati Sancti, cum Tractu sequenti Cantemus Dómino, fol. 167.*

Orémus.

Oratio.

DEUS, qui primis tempóribus impléta mirácula novi testamenti luce reserásti, ut et mare rubrum forma sacri fontis existeret, et liberáta plebs ab Ægyptiaca ser-

vitúte, Christiáni pópuli sacramēta præferret : da, ut omnes gentes Israëlís privilégium mérito fidei consecútæ, Spíritus tui participatióne regeneréntur. Per Dóminum . . . in unitáte ejúsdem, etc.

Prophetia Tertia.

IN diēbus illis : Scripsit Móyses cánticum, etc., *quæ est undecima inter Prophetias Sabbati Sancti, cum Tractu sequenti Attēde cælum, fol. 171.*

Orémus.

Oratio.

DEUS, glorificatio fidélium, et vita justórum, qui per Móysen fámulum tuum, nos quoque modulatióne sacri cárminis erudísti : univérſis gētibus misericórdiæ tuæ munus operáre, tribuēdo beatitudinem, auferēdo terrórem : ut quod pronuntiátum est ad supplicium, in remédium transferátur ætérnum. Per Dóminum nostrum, etc.

Prophetia Quarta.

APPREHENDENT septem mulieres, etc., *quæ est octava inter Prophetias Sabbati Sancti, cum Tractu sequenti Vinea facta est, fol. 170.*

Orémus.

Oratio.

OMNIPOTENS sempitérne Deus, qui per únicum Fílium tuum, Ecclésiæ tuæ demonstrásti te esse cultórem : omnem pálmitem fructum in eódem Christo tuo, qui vera vitis est, afferéntem, cleménter éxcolens, ut fructus áfferat amplióres : fidélibus tuis, quos velut vineam ex Ægypto per fontem baptismi transtulisti, nullæ peccatórum spinæ præváleant ; ut Spíritus tui sanctificatióne muníti, perpétua fruge diténtur. Per eúmdem Dóminum . . . in unitáte ejúsdem, etc.

Prophetia Quinta.

AUDI, Israël, mandata vitæ, etc., quæ est sexta inter Prophetias Sabbati Sancti, fol. 168.

Orémus.

Oratio.

DEUS, qui nobis per Prophetarum ora præcepisti temporalia relinquere, atque ad æterna festinare: da famulis tuis, ut quæ à te iussa cognovimus, implere cælesti inspiratione valeamus. Per, etc.

Prophetia Sexta.

IN dièbus illis: Facta est super me manus Dómini, etc., quæ est septima inter Prophetias Sabbati sancti, fol. 169.

Orémus.

Oratio.

DOMINE Deus virtutum, qui collapsa réparas, et reparata conservas: auge pópulos in tui nóminis sanctificatione renovandos, ut omnes qui sacro baptismo diluuntur, tua semper inspiratione dirigantur. Per Dóminum, etc.

His expletis, Celebrans accipit phyliale violaceum, et descendendo ad Fontem, cantatur

Tractus. Ps. 41. Sicut cervus desiderat ad fontes aquarum; ita desiderat ánima mea ad te Deus.

Ÿ. Sitivit ánima mea ad Deum vivum: quando véniam, et apparebo ante faciẽm Dei?

Ÿ. Fuérunt mihi lácrymæ meæ panes die ac nocte, dum dicitur mihi per singulos dies: Ubi est Deus tuus?

Deinde Sacerdos, antequam intret ad benedictionem Fontis, dicit

Ÿ. Dóminus vobiscum.

R. Et cum spíritu tuo.

Orémus.

Oratio.

CONCEDE, quæsumus, omnipotens Deus; ut qui solemnitatem doni sancti Spíritus colimus, cælestibus desidériis accénsi, fontem vitæ sitiámus. Per Dóminum . . . in unitate ejúsdem, etc.

Deinde proceditur ad benedictionem Fontis, ut supra, in Sabbato sancto, fol. 174.

¶ Ubi vero non fuerint Fontes, finita Sexta Prophetia, cum sua Oratione, Celebrans deponit casulam, et cum Ministris ante Altare procumbit: et aliis omnibus genuflexis, cantantur Litanie à duobus Cantoribus in medio Chori, utroque Choro idem simul respondente. Cum autem perventum fuerit ad Ÿ. Peccatores, te rogámus, etc., Sacerdos et Ministri surgunt, et accedentes ad Sacristiam, induuntur paramentis rubeis, et accenduntur luminaria circa Altare. In fine Litaniarum cantantur solemniter Kyrie, eléison, pro Missa, et repetuntur, ut moris est. Quo incepto, Sacerdos cum Ministris procedit ad Altare, et facit confessionem: deinde ascendens, illud osculatur, et incensat more solito. Finitis Kyrie, eléison, incipit solemniter Glória in excelsis.

Et campanæ pulsantur.

Oratio.

PRÆSTA, quæsumus, omnipotens Deus, ut claritatis tuæ super nos splendor effúlgeat: et lux tuæ lucis corda eórum, qui per grátiam tuam renáti sunt, sancti Spíritus illustratione confirmet. Per Dóminum . . . in unitate ejúsdem, etc.

Léctio Actuum Apostolorum.

Act. 19.

IN dièbus illis: Factum est, cum Apóllo esset Corínthi, ut Paulus peragrátis superióribus pártibus,

veniret Ephesum, et inveniret quosdam discipulos: dixitque ad eos: Si Spiritum sanctum accepistis credentes? At illi dixerunt ad eum: Sed neque si Spiritus sanctus est, audivimus. Ille vero ait: In quo ergo baptizati estis? Qui dixerunt: In Joannis baptismate. Dixit autem Paulus: Joannes baptizavit baptismo poenitentiae populum, dicens: In eum, qui venturus esset post ipsum, ut crederent: hoc est, in Jesum. His auditis, baptizati sunt in nomine Domini Jesu. Et cum imposuisset illis manus Paulus, venit Spiritus sanctus super eos: et loquebantur linguis, et prophetabant. Erant autem omnes viri fere duodecim. Introgressus autem synagogam, cum fiducia loquebatur per tres menses, disputans, et suadens de regno Dei.

Allelúia. *V. Ps. 106.* Confitemini Dómino, quóniam bonus: quóniam in sæculum misericórdia ejus.

Non repetitur Allelúia, sed immediate sequitur Tractus.

Ps. 116. Laudáte Dóminum omnes gentes, et collaudáte eum omnes populi.

V. Quóniam confirmata est super nos misericórdia ejus, et veritas Domini manet in ætérnum.

Ad Evangelium non portantur luminaria, sed incensum tantum.

Sequéntia sancti Evangélíi secundum Joánnem. *Joann. 14.*

IN illo témpore: Dixit Jesus discipulis suis: Si diligitis me, mandata mea servate. Et ego rogábo Patrem, et álium Paráclitum dabit vobis, ut máneat vobiscum in ætérnum: Spiritum veritátis, quem mundus non potest accipere; quia non videt eum, nec scit eum. Vos autem cognoscétis eum; quia

apud vos manébit, et in vobis erit. Non relinquam vos órphanos: véniam ad vos. Adhuc módicum: et mundus me jam non videt. Vos autem vidétis me; quia ego vivo, et vos vivétis. In illo die vos cognoscétis quia ego sum in Patre meo; et vos in me, et ego in vobis. Qui habet mandata mea, et servat ea, ille est qui diligit me. Qui autem diligit me, diligétur à Patre meo: et ego diligam eum, et manifestábo ei meípsum.

Non dicitur Credo.

Offertorium. Ps. 103. Emítte Spiritum tuum, et creabúntur: et renovábis faciém terræ. Sit glória Domini in sæcula. Allelúia.

Secreta.

MUNERA, quæsumus, Dómine, oblata sanctifica: et corda nostra sancti Spiritus illustratióne emúnda. Per Dóminum nostrum Jesum Christum Filium tuum, qui tecum vivit, et regnat in unitáte, etc.

Præfatio. Qui ascéndens super omnes cælos, *fol. 207.*

Infra actionem. Communicantes, et diem sacratíssimum Pentecóstes celebrántes, etc., et Hanc igitur oblatiónem, *fol. 207.*

Et dicuntur usque ad sequens Sabatum inclusivè.

Communio. Joann. 7. Ultimo festivitátis die dicébat Jesus: Qui in me credit, flúmina de ventre ejus fluent aquæ vivæ. Hoc autem dixit de Spíritu, quem acceptúri erant credentes in eum. Allelúia, allelúia.

Postcommunio.

SANCTI Spíritus, Dómine, corda nostra mundet infúσιο, et

sui roris íntima aspersione fœcúndet. Per Dóminum nostrum . . . in unitate ejúsdem, etc.

¶ *In Missis privatis hujus Vigiliæ, omissis Prophetiis, Orationibus, et Litaníis, Missa absolutè incipitur ab Introitu, ut infra.*

Introitus. Ezech. 36.

CUM sanctificátus fúero in vobis, congregábo vos de univérsis

terris : et effúndam super vos aquam mundam, et mundabímini ab ómnibus inquinaméntis vestris : et dabo vobis Spíritum novum. Allelúia, allelúia.

Ps. 33. Benedícam Dóminum in omni témpore : semper laus ejus in ore meo.

Ÿ. Glória Patri, etc.

Deinde dicitur, Kyrie, eléison, Glória in excélsis. Oratio, Præsta, quæsumus, et alia, ut supra, fol. 251.

J. M. J.

IN DOMINICA PENTECOSTES.

Statio ad Sanctum Petrum.

Introitus. Sap. 1.

SPIRITUS Dómini replévit orbem terrarum, allelúia : et hoc quod contémnet ómnia, sciéntiam habet vocis. Allelúia, allelúia, allelúia.

Ps. 67. Exúrgat Deus, et dissipéntur inimíci ejus : et fúgiant qui odérunt eum, à fácie ejus.

Ÿ. Glória Patri, etc.

Oratio.

DEUS, qui hodiérna die corda fidélium sancti Spíritus illustratióne docuísti : da nobis in eódem Spíritu recta sápere, et de ejus semper consolatióne gaudére. Per Dóminum nostrum . . . in unitáte ejúsdem, etc.

Léctio Actuum Apostolorum.

Act. 2.

CUM compleréntur dies Pentecóstes, erant omnes discípuli páriter in eódem loco : et factus est repénite de cælo sonus, tamquam adveniéntis spíritus veheméntis, et replévit totam domum ubi erant sedéntes. Et apparuérunt illis dispersitæ linguæ tanquam ignis, seditque supra singulos eórum : et repléti sunt omnes Spíritu sancto, et cœpérunt loqui váriis linguis, prout

Spíritus sanctus dabat éloqui illis. Erant autem in Jerúsalem habitántes Judæi, viri religiósi ex omninatióne quæ sub cælo est. Facta autem hac voce, convénit multitúdo, et mente confúsa est ; quóniam audiébat unusquisque lingua sua illos loquéntes. Stupébant autem omnes, et mirabántur, dicéntes : Nonne ecce omnes isti qui loquúntur, Galilæi sunt ? Et quómodo nos audivimus unusquisque linguam nostram, in qua nati sumus ? Parthi, et Medi, et Ælamítæ, et qui hábitant Mesopotámiam, Judæam, et Cappadóciám, Pontum, et Asiam, Phrygiam, et Pamphylíam, Ægyptum, et partes Líbyæ, quæ est circa Cyréne, et ádvenæ Románi, Judæi quoque, et Prosélyti, Cretes, et Arabes : audivimus eos loquéntes nostris linguis magnália Dei.

Allelúia, allelúia. *Ÿ. Ps. 103.* Emítte Spíritum tuum, et creabúntur : et renovábis fáciem terræ. Allelúia.

Hic genu flectitur. Ÿ. Veni, sancte Spíritus, reple tuórum corda fidélium, et tui amóris in eis ignem accénde.

Sequentia.

VENI, sancte Spíritus, et emítte cœlitús lucis tuæ rádium.

Veni, pater páuperum : veni, dator múnorum : veni, lumen córdium.

Consolátor óptime, dulcis hospes animæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est saucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium. Amen. Allelúia.

Et dicitur quotidie usque ad sequens Sabbatum inclusivè.

Sequéntia sancti Evangélíi secúndum Joánnem. *Joann.* 14.

IN illo témpore : Dixit Jesus discípulis suis : Si quis diligit me, sermónem meum servábit ; et Pater meus diliget eum ; et ad eum veniémus, et mansiónem apud eum faciémus. Qui non diligit me, sermones meos non servat. Et sermónem, quem audístis, non est meus ; sed ejus qui misit me, Patris. Hæc locútus sum vobis, apud vos manens. Paráclitus autem Spíritus sanctus, quem mittet Pater in nómine meo, ille vos docébit ómnia, et sùggeret vobis ómnia quacúmque díxero vobis. Pacem relínquo vobis, pacem meam do vobis : non quómodo mundus dat, ego do vobis. Non turbétur cor vestrum, neque formídet. Audístis quia ego dixi vobis : Vado, et vénio ad vos. Si diligerétis me, gauderétis útique,

quia vado ad Patrem : quia Pater major me est. Et nunc dixi vobis priúsqvam fiat : ut cum factum fúerit, credátis. Jam non multa loquar vobíscum. Venit enim princeps mundi hujus, et in me non habet quidquam. Sed ut cognóscat mundus quia diligo Patrem, et sicut mandátum dedit mihi Pater, sic fácio.

Credo.

Offertorium. Ps. 67. Confirma hoc, Deus, quod operátus es in nobis : à templo tuo, quod est in Jerúsalem, tibi ófferent reges múnera. Allelúia.

Secreta.

MUNERA, quæsumus, Dómine, obláta sanctífica, et corda nostra sancti Spíritus illustratióne emúnda. Per Dóminum . . . in unitáte ejúsdem, etc.

Præfatio. Qui ascéndens, Comunicántes, et Hanc igitur, *fol.* 207.

Communio. Act. 2. Factus est repénite de cælo sonus, tamquam adveniéntis spíritus veheméntis, ubi erant sedéntes, allelúia : et repléti sunt omnes Spíritu sancto, loquéntes magnália Dei. Allelúia, allelúia.

Postcommunio.

SANCTI Spíritus, Dómine, cor da nostra mundet infúsio, et sui roris íntima aspersione fœcúndet. Per Dóminum . . . in unitáte ejúsdem, etc.

¶ *Infra Octavam Pentecostes non fit de aliquo Festo Duplici, vel Semiduplici ; sed post Octavam celebrantur. De Simplici occurrente, post triduum fit commemoratio tantum.*

FERIA SECUNDA POST PENTECOSTEN.

Statio ad Sanctum Petrum ad Vincula.

Introitus. Ps. 80.

CIBAVIT eos ex adipē frumēti, allelúia: et de petra, melle saturávit eos. Allelúia, allelúia.

Ps. ibid. Exultáte Deo adjutóri nostro: jubiláte Deo Jacob.

Ÿ. Glória Patri, et Fílio, etc.

Oratio.

DEUS, qui Apóstolis tuis sanctum dedísti Spíritum: concède plebi tuæ piæ petitionis effectum, ut quibus dedísti fidem, largiáris et pacem. Per Dóminum in unitáte ejúsdem, etc.

Lectio Actuum Apóstolorum.

Act. 10.

IN diébus illis: Apériens Petrus os suum dixit: Viri fratres, nobis præcépit Dóminus prædicáre populo, et testificári, quia ipse est qui constitútus est à Deo iudex vivórum et mortuórum. Huic omnes Prophætæ testimónium pérhibent, remissionem peccatórum accípere per nomen ejus omnes qui credunt in eum. Adhuc loquēte Petro verba hæc, cécidit Spíritus sanctus super omnes qui audiébant verbum. Et obstupuérunt ex circumcisióne fideles qui vénerant cum Petro; quia et in nátiónes grátia Spíritus sancti effúsa est. Audiébant enim illos loquētes linguis, et magnificátes Deum. Tunc respóndit Petrus: Numquid aquam quis prohibére potest, ut non baptizéntur hi, qui Spíritum sanctum acceperunt sicut et nos? Et jussit eos baptizári in nómine Dómini Jesu Christi.

Allelúia, allelúia. *Ÿ.* *Act. 2.*

Loquebántur váriis linguis Apóstoli magnália Dei. Allelúia.

Hic genu flectitur. Ÿ. Veni, sancte Spíritus, reple tuórum corda fidélium, et tui amóris in eis ignem accénde.

Sequentia. Veni, sancte Spíritus, etc., *ut supra in Dominica Pentecostes, fol. 257.*

Sequentia sancti Evangélii secundum Joánnem. Joann. 3.

IN illo témpore: Dixit Jesus Nicodémo: Sic Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut júdicet mundum; sed ut salvétur mundus per ipsum. Qui credit in eum, non judicátur: qui autem non credit, jam judicátus est; quia non credit in nómine unigéniti Fílii Dei. Hoc est autem judicium: quia lux venit in mundum, et dilexérunt hómines magis ténebras, quam lucem: erant enim eórum mala ópera. Omnis enim qui malè agit, odit lucem, et non venit ad lucem, ut non arguántur ópera ejus: qui autem facit veritátem, venit ad lucem, ut manifesténtur ópera ejus, quia in Deo sunt facta.

Credo.

Offertorium. Ps. 17. Intónuit de cælo Dóminus, et Altíssimus dedit vocem suam: et apparuérunt fontes aquárum. Allelúia.

Secreta.

PROPITIUS, Dómine, quæsumus, hæc dona sanctífica: et hóstiæ spiritalis oblatiône suscep-ta, nosmetípsos tibi pérfice munus ætérnum. Per Dóminum, etc.

Communio. Joann. 14. Spíritus sanctus docébit vos, allelúia, quæcúmque dixeró vobis. Allelúia, allelúia.

Postcommunio.

ADESTO, quæsumus, Dómine, pópulo tuo: et quem mystériis cœléstibus imbuísti, ab hóstium furóre defénde. Per Dóminum, etc.

FERIA TERTIA POST PENTECOSTEN.

Statio ad Sanctam Anastasiam.

Introitus. 4 Esdr. 2.

ACCIPITE jucunditatem glóriæ vestræ, allelúia: grátias ágéntes Deo, allelúia: qui vos ad cœléstia regna vocávit. Allelúia, allelúia, allelúia.

Ps. 77. Atténdite, pópule meus, legem meam: inclináte aurem vestram in verba oris mei.

V. Glória Patri, et Fílio, etc.

Oratio.

ADSIT nobis, quæsumus, Dómine, virtus Spíritus sancti, quæ et corda nostra cleménter expúrget, et ab ómnibus tueátur advérsis. Per Dóminum nostrum Jesum Christum Fílium tuum; Qui tecum vivit, et regnat in unitáte ejúsdem Spíritus, etc.

Léctio Actuum Apostolorum.

Act. 8.

IN diébus illis: Cum audíssent Apóstoli, qui erant Jerosólymis, quòd recepíssent Samaría verbum Dei, misérunt ad eos Petrum, et Joánnem. Qui cum veníssent, oravérunt pro ipsis, ut accíperent Spíritum sanctum: nondum enim in quemquam illórum vénerat, sed

2 H

baptizáti tantum erant in nómine Dómini Jesu. Tunc imponébant manus super illos, et accipiébant Spíritum sanctum.

Allelúia, allelúia. *V.* Joann. 14. Spíritus sanctus docébit vos quæcúmque dixeró vobis. Allelúia.

Hic genu flectitur. *V.* Veni, sancte Spíritus, reple tuórum corda fidélium, et tui amóris in eis ignem accénde.

Sequentia. Veni, sancte Spíritus, etc., *ut supra in Dominica Pentecostes, fol. 254.*

Sequentia sancti Evangélii, secundum Joánnem. Joann. 10.

IN illo témpore: Dixit Jesus Pharisæis: Amen, amen dico vobis: qui non intrat per óstium in ovile óvium, sed ascéndit aliúnde, ille fur est, et latro. Qui autem intrat per óstium, pastor est óvium. Huic ostiárius áperit, et oves vocem ejus áudiunt, et próprias oves vocat nominátim, et edúcit eas. Et cùm próprias oves emíserit, ante eas vadit: et oves illum sequúntur, quia sciunt vocem ejus. Aliénium autem non sequúntur, sed fúgiunt ab eo: quia non novérunt vocem alienórum. Hoc provérbium dixit eis Jesus. Illi autem non cognovérunt quid loquerétur eis. Dixit ergo eis íterum Jesus: Amen, amen dico vobis, quia ego sum óstium óvium. Omnes quotquot venérunt, fures sunt, et latrónes; et non audiérunt eos oves. Ego sum óstium. Per me si quis introíerit, salvábitur: et ingrediétur, et egrediétur, et pás-cua invéniet. Fur non venit nisi ut furétur, et mactet, et perdat. Ego veni ut vitam hábeant, et abundantiùs hábeant.

Credo.

Offertorium. Ps. 77. Portas cœli apêruit Dóminus, et pluit illis manna, ut éderent : panem cœli dedit eis, panem Angelórum manducávit homo. Allelúia.

Secreta.

PURIFICET nos, quæsumus, Dómine, múnere præséntis oblátio, et dignos sacra participatióne efficiat. Per Dóminum, etc.

Communio. Joann. 15, 16, 17. Spíritus qui à Patre procédit, allelúia : ille me clarificábit. Allelúia, allelúia.

Postcommunio.

MENTES nostras, quæsumus, Dómine, Spíritus sanctus divínis réparet sacraméntis : quia ipse est remissio ómnium peccatórum. Per, etc., . . . in unitáte ejúsdem, etc.

FERIA QUARTA QUATUOR TEMPORUM PENTECOSTES.

Statio ad Sanctam Mariam Majorem.

Introitus. Ps. 67.

DEUS, dum egrederéris coram pópulo tuo, iter fáciens eis, hábitans in illis, allelúia : terra mota est, cœli distillavérunt. Allelúia, allelúia.

Ps. ibid. Exúrgat Deus, et dissipéntur inimíci ejus : et fúgiant qui odérunt eum, à fácie ejus.

Ÿ. Glória Patri, et Filio, etc.

Post Kyrie, eléison, dicitur Orémus, et non dicitur Flectámus génuâ.

Oratio.

MENTES nostras, quæsumus, Dómine, Paráclitus, qui à te

procédit, illúminet ; et indúcat in omnem, sicut tuus promísit Fílius, veritátem. Qui tecum vivit et regnat in unitáte ejúsdem Spíritus, etc.

Léctio Actuum Apostolórum.

Act. 2.

IN diébus illis : Stans Petrus cum úndecim, levávit vocem suam, et locútus est eis : Viri Judæi, et qui habitátis Jerúsalem univérsti, hoc vobis notum sit, et áuribus percípite verba mea. Non enim, sicut vos aestimátis, hi ébrii sunt, cum sit hora diéi tértia ; sed hoc est, quod dictum est per Prophétam Joel : Et erit in novíssimis diébus (dicit Dóminus), effúdam de Spíritu meo super omnem carnem : et prophetábunt filii vestri, et filiæ vestræ ; et júvenes vestri visiões vidébunt, et senióres vestri sómnia somniábunt. Et quidem super servos meos, et super ancillas meas in diébus illis effúdam de Spíritu meo, et prophetábunt : et dabo prodígia in cœlo sursum, et signa in terra deórsum, sánguinem, et ignem, et vapórem fumi. Sol convertétur in ténebras, et luna in sánguinem, ántequam véniat dies Dómini magnus et manifestus. Et erit : Omnis quicúmque invocáverit nomen Dómini, salvus erit.

Allelúia. *Ÿ. Ps. 32.* Verbo Dómini cœli firmáti sunt, et spíritu oris ejus omnis virtus eórum.

Hic dicitur Glória in excélsis, et postea Dóminus vobíscum.

Oratio.

PRÆSTA, quæsumus, omnípotens et miséricors Deus ; ut Spíritus sanctus advéniens, templum nos glóriæ suæ dignánter inhabitándo perficiat. Per Dóminum nostrum . . . in unitáte ejúsdem, etc.

¶ *Ab hac die, usque ad Sabbatum sequens inclusivè, post Orationem diei, dicitur :*

Contra persecutores Ecclesiæ.

Oratio.

ECCLESIAE tuæ, quæsumus, Dómine, preces placátus admítte : ut destrúctis adversitatibus, et erróribus univérstis, secúra tibi sérviat libertáte. Per Dóminum.

Vel pro Papa.

Oratio.

DEUS, ómnium fidélium pastor et rector, fámulum tuum *N.*, quem pastórem Ecclésiæ tuæ præesse voluisti, propítius respice : da ei, quæsumus, verbo et exémplo, quibus præest, proficere : ut ad vitam, unà cum grege sibi crédito, pervéniat sempitérnam. Per Dóminum, etc.

Occurrente Festo Simplici, omittitur Oratio Ecclésiæ, vel pro Papa.

Lectio Actuum Apostolorum.

Act. 5.

IN diébus illis : Per manus autem Apostolorum fiébant signa et prodígia multa in plebe. Et erant unanimiter omnes in pórticu Salomónis. Ceterórum autem nemo audébat se conjúngere illis : sed magnificábat eos pópulus. Magis autem augebátur credéntium in Dómino multitúdo virórum, ac mulierum, ita ut in platéas ejícerent infirmos, et pónerent in léctulis ac grabátis ; ut, veniente Petro, saltem umbra illíus obumbráret quemquam illórum, et liberaréntur ab infirmitatibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos à spiritibus immúndis : qui curabántur omnes.

Allelúia, allelúia. *Hic genu flectitur. V.* Veni, sancte Spíritus, reple tuórum corda fidélium, et tui amóris in eis ignem accénde.

Sequentia. Veni, sancte Spíritus, ut supra in Dominica Pentecostes, fol. 254.

Sequentia sancti Evangelii secundum Joánnem. Joann. 6.

IN illo témpore : Dixit Jesus turbis Judæórum : Nemo potest veníre ad me, nisi Pater, qui misit me, tráxerit eum : et ego resuscitábo eum in novíssimo die. Est scriptum in Prophétis : Et erunt omnes docíbiles Dei. Omnis qui audívit à Patre, et didicit, venit ad me. Non quia Patrem vidit quicumque, nisi is qui est à Deo, hic vidit Patrem. Amen, amen dico vobis : Qui crédit in me, habet vitam ætérrnam. Ego sum panis vitæ. Patres vestri manducavérunt manna in desérto, et mórtui sunt. Hic est panis de cælo descéndens : ut, si quis ex ipso manducáverit, non moriátur. Ego sum panis vivus, qui de cælo descéndi. Si quis manducáverit ex hoc pane, vivet in ætérrnum : et panis, quem ego dabo, caro mea est pro mundi vita.

Credo.

Offertorium. Ps. 118. Meditabor in mandátis tuis, quæ diléxi valdè : et levábo manus meas ad mandáta tua, quæ diléxi. Allelúia.

Secreta.

ACCIPE, quæsumus, Dómine, munus oblátum, et dignánter operáre : ut, quod mystériis ágimus, piis effectibus celebrémus. Per, etc.

Contra Persecutores Ecclesiæ.

Secreta.

PROTEGE nos, Dómine, tuis mystériis serviéntes : ut divi-

nis rebus inhærentes, et corpore tibi famulémur, et mente. Per, etc.

Vel pro Papa.

Secreta.

OBLATIS, quæsumus, Dómine, placáre munéribus : et famulum tuum *N.*, quem pastórem Ecclesiæ tuæ præesse voluisti, assídua protectione gubérna. Per, etc.

Communio. Joann. 14. Pacem relinquo vobis, allelúia : pacem meam do vobis. Allelúia, allelúia.

Postcommunio.

SUMENTES, Dómine, cœlestia sacraménta, quæsumus cleméntiam tuam ; ut, quod temporáliter gérimus, ætérnis gáudiis consequámur. Per Dóminum, etc.

Contra persecutores Ecclesiæ.

Postcommunio.

QUÆSUMUS, Dómine, Deus noster ; ut quos divína tribuis participatione gaudere, humánis non sinas subjacere periculis. Per Dóminum, etc.

Vel pro Papa. Postcommunio.

HÆC nos, quæsumus, Dómine, divíni sacraménti percéptio protégat : et famulum tuum *N.*, quem pastórem Ecclesiæ tuæ præesse voluisti, unà cum commisso sibi grege, salvet semper et múniat. Per Dóminum, etc.

FERIA QUINTA POST PENTECOSTEN.

Statio ad Sanctum Laurentium extra muros.

Introitus. Sap. 1.

SPIRITUS Dómini replévit orbem terrarum, allelúia : et hoc

quod cóninet ómnia, sciéntiam habet vocis. Allelúia, allelúia, allelúia.

Ps. 67. Exúrgat Deus, et dissipéntur inimíci ejus : et fúgiant qui odérunt eum, à fácie ejus.

V. Glória Patri, etc.

Oratio.

DEUS, qui hodiérna die corda fidélium sancti Spíritus illustratione docuisti : da nobis in eódem Spiritu recta sápere, et de ejus semper consolatione gaudere. Per Dóminum . . . in unitate ejúsdem, etc.

Alia Oratio, Ecclesiæ, vel Deus, ómnium fidélium, fol. 259.

Lectio Actuum Apostolorum.

Act. 8.

IN diébus illis : Philíppus descendens in civitatem Samariæ, prædicábat illis Christum. Intendébant autem turbæ his quæ à Philíppo dicebántur, unánimenter audiéntes, et vidéntes signa quæ faciébat. Multi enim eórum qui habébant spíritus immúndos, clamántes voce magna exíbant. Multi autem paralytici et claudi curáti sunt. Factum est ergo gáudium magnum in illa civitate.

Allelúia, allelúia. *V. Ps. 103.* Emítte Spíritum tuum, et creabúntur : et renovábis fáciem terræ. Allelúia.

Hic genu flectitur. V. Veni, sancte Spíritus, reple tuórum corda fidélium, et tui amóris in eis ignem accénde.

Sequentia. V. Veni, sancte Spíritus, etc., fol. 254.

Sequentia sancti Evangélii secundum Lucam. Luc. 9.

IN illo témpore : Convocatís Jesus duódecim Apóstolis, dedit

illis virtutem et potestatem super omnia dæmónia, et ut languores curarent. Et misit illos prædicare regnum Dei, et sanare infirmos. Et ait ad illos: Nihil tuléritis in via, neque virgam, neque peram, neque panem, neque pecuniam; neque duas tunicas habeátis. Et in quamcúmque domum intravéritis, ibi manéte, et inde ne exeátis. Et quicumque non recéperint vos: exeúntes de civitate illa, étiam pulverem pedum vestrorum excútite in testimonium supra illos. Egréssi autem circuíbant per castélla, evangelizántes, et curántes ubique.

Credo.

Offertorium. Ps. 67. Confirma hoc, Deus, quod operátus es in nobis: à templo tuo, quod est in Jerúsalem, tibi ófferent reges múnera. Allelúia.

Secreta.

MUNERA, quæsumus, Dómine, oblata sanctífica, et corda nostra sancti Spíritus illustratióne emúnda. Per Dóminum . . . in unitate ejúsdem, etc.

Altera Secreta. Prótege nos, fol. 259, vel Oblátis, fol. 260.

Communio. Act. 2. Factus est repénite de cælo sonus tamquam adveniéntis spíritus veheméntis; ubi erant sedéntes, allelúia: et repléti sunt omnes Spíritu sancto, loquéntes magnália Dei. Allelúia, allelúia.

Postcommunio.

SANCTI Spíritus, Dómine, corda nostra mundet infúsió, et sui roris íntima aspersione fœcúndet. Per Dóminum nostrum . . . in unitate ejúsdem.

Alia Postcommunio. Quæsumus,

Dómine, vel Hæc nos, quæsumus, fol. 260.

FERIA SEXTA QUATUOR TEMPORUM PENTECOSTES.

Statio ad SS. duodecim Apostolos.

Introitus. Ps. 70.

REPLEATUR os meum laude tua, allelúia: ut possim cantare, allelúia: gaudébunt lábia mea, dum cantávero tibi. Allelúia, allelúia.

Ps. ibid. In te, Dómine, sperávi, non confúndar in ætérnum: in justitia tua libera me, et éripe me.

Ÿ. Glória Patri, et Fílio, etc.

Oratio.

DA, quæsumus, Ecclesiæ tuæ, miséricors Deus, ut sancto Spíritu congregáta, hostíli nullátenuis incursióne turbétur. Per Dóminum . . . in unitate ejúsdem.

Secunda Oratio, Ecclesiæ tuæ, vel Deus, ómnium fidélium, fol. 259.

Léctio Joélis Prophætæ. Joel. 2.

HÆC dicit Dóminus Deus: Exultáte, filii Sion, et lætámini in Dómino Deo vestro: quia dedit vobis doctórem justitiæ, et descéndere fáciat ad vos imbrem matutínium et serotínium, sicut in principio. Et implebúntur áræ fruménto, et redundábunt torculária vino et óleo. Et comedétis vescéntes, et saturabimini: et laudábitis nomen Dómini Dei vestri, qui fecit mirabilia vobíscum: et non confundétur pópulus meus in sempitérnum. Et sciétis quia in médio Israël ego sum: et ego Dóminus Deus vester, et non est ampliùs: et non confundétur pópulus meus in ætérnum: ait Dóminus omnipotens.

Allelúia, allelúia. *Ÿ. Sap. 12.*
O quàm bonus et suávis est, Dómine, Spíritus tuus in nobis ! Allelúia.

Hic genu flectitur. Ÿ. Veni, sancte Spíritus, reple tuórum corda fidélium, et tui amóris in eis ignem accende.

Sequentia. Veni, sancte Spíritus, etc., *ut supra fol. 254.*

Sequéntia sancti Evangélii secúndum Lucam. *Luc. 5.*

IN illo témpore : Factum est in una diérum, et Jesus sedébat docens. Et erant Pharisæi sedéntes, et legis doctóres, qui vénerant ex omni castélló Galilææ, et Judææ, et Jerúsalem : et virtus Dómini erat ad sanándum eos. Et ecce viri portántes in lecto hóminem qui erat paralyticus : et quærébant eum inférre, et pónere ante eum. Et non inveniéntes qua parte illum inférrent præ turba, ascendérunt supra tectum, et per tégulas submisérunt eum cum lecto in médium ante Jesum. Quorum fidem ut vidit, dixit : Homo, remittúntur tibi peccáta tua. Et cœpérunt cogitare Scribæ, et Pharisæi, dicéntes : Quis est hic, qui loquitur blasphemias ? Quis potest dimittere peccáta, nisi solus Deus ? Ut cognóvit autem Jesus cogitatiónes eórum, respóndens, dixit ad illos : Quid cogitátis in córdibus vèstris ? Quid est facilius dicere : Dimittúntur tibi peccáta ; an dicere : Surge, et ámbula ? Ut autem sciátis quia Filius hóminis habet potestátem in terra dimitténdi peccáta : (ait paralytico) Tibi dico, surge, tolle lectum tuum, et vade in domum tuam. Et conféstim consúrgens coram illis, tulit lectum, in quo jacébat, et ábiit in domum suam, magnificans Deum. Et stu-

por apprehéndit omnes, et magnificábant Deum. Et repléti sunt timóre, dicéntes : Quia vidimus mirabilia hódie.

Credo.

Offertorium. Ps. 145. Lauda, ánima mea, Dóminum : laudábo Dóminum in vita mea : psallam Deo meo quámdui ero. Allelúia.

Secreta.

SACRIFICIA, Dómine, tuis obláta conspéctibus, ignis ille divínus absúmat, qui discipulórum Christi Filii tui per Spíritum sanctum corda succéndit. Per eúmdem Dóminum nostrum . . . in unitáte ejúsdem, etc.

Alia Secreta. Prótege nos, *fol. 259, vel Oblátis, fol. 260.*

Communio. Joann. 14. Non vos relinquam órphanos : véniam ad vos íterum, allelúia : et gaudébit cor vestrum. Allelúia.

Postcommunio.

SUMPSIMUS, Dómine, sacri dona mystérii, humíliter deprecántes, ut quæ in tuí commemoratióne nos fácere præcepisti, in nostræ proficiant infirmitátis auxiliú. Qui vivis, etc.

Altera Postcommunio. Quæsumus, *vel Hæc nos, fol. 260.*

SABBATO QUATUOR TEMPORUM PENTECOSTES.

Statio ad Sanctum Petrum.

Introitus. Rom. 5.

CARITAS Dei diffúsa est in córdibus nostris, allelúia, per inhabitántem Spíritum ejus in nobis. Allelúia, allelúia.

Ps. 102. Bénedic, ánima mea,

Dómino : et ómnia, quæ intra me sunt, nómini sancto ejus.

Ÿ. Glória Patri, etc.

Post Kyrie, eléison, dicitur Orémus tantum ; et similiter ad Orationes sequentes.

Oratio.

MENTIBUS nostris, quæsumus, Dómine, Spíritum sanctum benígnus infúnde, cujus et sapiéntia cónditi sumus, et providéntia gubernámur. Per Dóminum in unitáte ejúsdem, etc.

Léctio Joélis Prophætæ. *Joel. 2.*

HÆC dicit Dóminus Deus : Effúdam Spíritum meum super omnem carnem : et prophetábunt filii vestri, et filiæ vestræ : senes vestri sómnia somniábunt, et júvenes vestri visiões vidébunt. Sed et super servos meos, et ancillas in diébus illis effúdam spíritum meum. Et dabo prodigia in cælo, et in terra, sánguinem et ignem et vapórem fumi. Sol convertétur in ténebras, et luna in sánguinem, ántequam véniat dies Dómini magnus, et horribilis. Et erit : Omnis, qui invocáverit nomen Dómini, salvus erit.

Allelúia. Ÿ. *Joann. 6.* Spíritus est qui vivificat : caro autem non prodest quidquam.

Orémus.

Oratio.

ILLO nos igne, quæsumus, Dómine, Spíritus sanctus inflámet : quem Dóminus noster Jesus Christus misit in terram, et vóluit veheménter accéndi. Qui tecum vivit et regnat in unitáte ejúsdem Spíritus sancti Deus.

Léctio libri Levítici. *Lev. 23.*

IN diébus illis : Locútus est Dóminus ad Móysen, dicens : Ló-

quere filiis Israël, et dices ad eos : Cum ingrèssi fuéritis terram, quam ego dabo vobis, et messuéritis ségetem, ferétis manípulos spicárum primitias messis vestræ ad sacerdotem : qui elevábit fascículum coram Dómino, ut acceptábile sit pro vobis, áltero die Sábbati, et sanctificábit illum. Numerábitis ergo ab áltero die Sábbati, in quo obtulistis manípulum primitiárum, septem hebdómadas plenas, usque ad álteram diem expletiónis hebdómadæ séptimæ, id est, quinquaginta dies : et sic offerétis sacrificium novum Dómino ex ómnibus habitáculis vestris, panes primitiárum duos de duábus décimis similæ fermentatæ, quos coquétis in primitias Dómini. Et vocábitis hunc diem celeberrimum, atque sanctíssimum : omne opus servíle non faciétis in eo. Legítimum sempitérnum erit in cunctis habitáculis, et generatióibus vestris : dicit Dóminus omnípotens.

Allelúia. Ÿ. *Joann. 26.* Spíritus ejus ornávit cælos.

Orémus.

Oratio.

DEUS, qui ad animárum medéllam, jejúnii devotióne castigári córpora præcepisti : concéde nobis propítius, et mente et córpore tibi semper esse devótos. Per Dóminum, etc.

Léctio libri Deuteronomíi.

Deut. 26.

IN diébus illis : Dixit Móyses filiis Israël : Audi Israël quæ ego præcípío tibi hódie. Cum intráveris terram, quam Dóminus Deus tuus tibi datúrus est possidéndam, et obtinúeris eam, atque habitáveris in ea : tolles de cunctis frúgibus tuis primitias, et pones in cartállo, pergésque ad locum, quem Dóminus Deus tuus elégerit, ut ibi

invocetur nomen ejus, accedésque ad sacerdotem, qui fuerit in diébus illis, et dices ad eum : Profiteor hódie coram Dómino Deo tuo, qui exaudivit nos, et respéxit humilitátem nostram, et labórem, atque angústiam : et edúxit nos de Ægypto in manu forti, et bráchio exténto, in ingénti pavóre, in signis atque porténtis : et introduxit ad locum istum, et trádedit nobis terram lacte et melle manántem. Et idcirco nunc offero primitias frugum terræ, quam Dóminus dedit mihi. Et dimittes eas in conspéctu Dómini Dei tui, et adoráto Dómino Deo tuo. Et epulaberis in ómnibus bonis, quæ Dóminus Deus tuus déderit tibi.

Allelúia. *Ÿ. Act. 2.* Cum compleréntur dies Pentecóstes, erant omnes páriter sedéntes.

Orémus.

Oratio.

PRÆSTA, quæsumus, omnipotens Deus, ut salutáribus jejúniis erudíti, ab ómnibus étiam vítiis abstinéntes, propitiatióem tuam facilius impetrémus. Per Dóminum, etc.

Léctio libri Levítici. *Lev. 26.*

IN diébus illis : Dixit Dóminus ad Móysen : Lóquere filiis Israël, et dices ad eos : Si in præcéptis meis ambulavéritis, et mandáta mea custodiéritis, et fecéritis ea, dabo vobis plúvias tempóribus suis, et terra gignet germen suum, et pomis árbores replebúntur. Apprehéndet méssium tritúra vindémiam, et vindémia occupábit seméntem : et comedétis panem vestrum in saturitáte, et absque pavóre habitábitis in terra vestra. Dabo pacem in finibus vestris : dormiétis, et non erit qui extérreat. Auferam malas béstias : et gládus non transíbit

términos vestros. Persequémini inimicos vestros, et córruent coram vobis. Persequéntur quinque de vestris centum aliénos, et centum de vobis decem millia : cadent inimici vestri gládio in conspéctu vestro. Respiciam vos, et créscere faciám : multiplicabimini, et firmábo pactum meum vobíscum. Comedétis vetustíssima vétèrum, et vétèra novis superveniéntibus projiciétis. Ponam tabernáculum meum in médio vestri ; et non abjiciet vos ánima mea. Ambulábo inter vos, et ero Deus vester, vosque éritis pópulus meus : dicit Dóminus omnipotens.

Allelúia. *Ÿ. Hic genu flectitur.* Veni sancte Spíritus, reple tuórum corda fidélium : et tui amóris in eis ignem accénde.

Orémus.

Oratio.

PRÆSTA, quæsumus, omnipotens Deus, sic nos ab épulis carnálibus abstinére : ut à vítiis irruéntibus páriter jejunémus. Per Dóminum, etc.

Léctio Daniélis Prophétæ.

Dan. 3.

IN diébus illis : Angelus Dómini descendit cum Azaría, et sóciis ejus in fornácem : et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem : et erúpit, et incéndit quos réperit juxta fornácem de Chaldæis ministros regis, qui eam incendebant. Et non tétigit eos omnínò ignis, neque contristávit, nec quidquam moléstiaé intulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes :

Hic non respondetur Deo grátias.

Allelúia. *Ÿ. Dan. 3.* Benedictus es, Dómine Deus patrum nostrorum, et laudábilis in sæcula.

Finito Versu, dicitur Glória in excélsis.

Deinde Ÿ. Dóminus vobíscum.

R. Et cum spíritu tuo.

Orémus.

Oratio.

DEUS, qui tribus púeris mitigásti flammās ignium; concede propitius, ut nos fámulos tuos non exúrat flamma vitiorum. Per Dóminum, etc.

Secunda Oratio, Ecclésiæ tuæ, vel Deus, ómnium fidélium, fol. 259.

Lectio Epístolæ beáti Pauli Apóstoli ad Romános. *Rom. 5.*

FRATRES, Justificáti ex fide, pacem habeamus ad Deum per Dóminum nostrum Jesum Christum: per quem et habemus accéssum per fidem in grátiam istam, in qua stamus, et gloriámur in spe glóriæ filiórum Dei. Non solùm autem, sed et gloriámur in tribulationibus: sciéntes quòd tribulatio patiéntiam operáitur: patiéntia autem probatióem, probatio verò spem, spes autem non confúndit: quia caritas Dei diffúsa est in córdibus nostris per Spíritum sanctum, qui datus est nobis.

Tractus. Ps. 116. Laudáte Dóminum, omnes gentes: et colaudáte eum, omnes pópuli.

Ÿ. Quóniam confirmáta est super nos misericórdia ejus, et véritas Dómini manet in ætérnum.

Sequentia. Veni, sancte Spíritus,

21

etc., *ut supra, fol. 254: sed in fine non dicitur Allelúia.*

Sequéntia sancti Evangélii secundum Lucam. *Luc. 4.*

IN illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit feбри: et dimísit illam. Et continuò surgens, ministrábat illis. Cùm autem sol occidisset, omnes qui habébant infirmos váriis languóribus, ducébant illos ad eum. At ille singulis manus impónens, curábat eos. Exibant autem dæmónia à multis, clamántia et dicéntia: Quia tu es Filius Dei: et increpans non sinébat ea loqui, quia sciébant ipsum esse Christum. Facta autem die, egréssus ibat in desértum locum, et turbæ requirébant eum, et venérunt usque ad ipsum: et detinébant illum, ne discéderet ab eis. Quibus ille ait: Quia et áliis civitatibus opórtet me evangelizáre regnum Dei; quia ídeò missus sum. Et erat prædicans in synagógis Galilææ.

Credo.

Offertorium. Ps. 87. Dómine, Deus salútis meæ, in die clamávi, et nocte coram te: intret orátio mea in conspéctu tuo, Dómine. Allelúia.

Secreta.

UT accépta tibi sint, Dómine, nostra jejúnia: præsta nobis, quæsumus, hujus múnere sacraménti purificátum tibi pectus offerre. Per Dóminum, etc.

Altera Secreta. Prótege nos, fol. 259, vel Oblátis, fol. 260.

Communio. (Joann. 3. Spíritus ubi vult spirat, et vocem ejus audis, allelúia, allelúia : sed nescis unde véniat, aut quò vadat. Allelúia, allelúia, allelúia.


Postcommunio.

PRÆBEANT nobis, Dómine, divínium tua sancta fervórem,

quo eórum páriter et actu delectémur et fructu. Per, etc.

Alia Postcommunio. Quæsumus, Dómine, vel Hæc nos, fol. 260.

Post Missam expirat tempus Paschale.



IN FESTO SS. TRINITATIS.

Introitus. Tobia 12.

BENEDICTA sit sancta Trinitas, atque indivisa unitas: confitēbimur ei: quia fecit nobiscum misericordiam suam.

Ps. 8. Dómine, Dóminus noster, quàm admirabile est nomen tuum in univēsa terra!

Ÿ. Glória Patri, et Filio, etc.

Oratio.

OMNIPOTENS sempitérne Deus, qui dedisti fámulis tuis in confessione veræ fidēi, æternæ Trinitatis glóriam agnóscere, et in poténtia majestátis adorare unitatem: quæsumus, ut ejúsdem fidei firmitate ab ómnibus semper muniamur advérsis. Per, etc.

Fit commemoratio de Dominica prima post Pentecosten.

Oratio.

DEUS in te sperantium fortitúdo, adesto propítius invocatióibus nostris: et quia sine te nihil potest mortális infirmitas; præsta auxílium grátiae tuæ: ut in exequéndis mandátis tuis, et voluntate tibi et actióne placeamus. Per, etc.

Lectio Epistolæ beáti Pauli Apóstoli ad Romános. Rom. 11.

OALTITUDO divitiarum sapiéntiæ et sciéntiæ Dei: quàm

incomprehensibília sunt judícia ejus, et investigábiles viæ ejus! Quis enim cognóvit sensum Dómini? Aut quis consiliárius ejus fuit? Aut quis prior dedit illi, et retribuétur ei? Quóniam ex ipso, et per ipsum, et in ipso sunt ómnia: ipsi honor et glória in sæcula. Amen.

Graduale. Dan. 3. Benedictus es, Dómine, qui intuéris abyssos, et sedes super Chérubim.

Ÿ. Benedictus es, Dómine, in firmaménto cœli, et laudábilis in sæcula.

Allelúia, allelúia. Ÿ. Benedictus es, Dómine, Deus patrum nostrórum, et laudábilis in sæcula. Allelúia.

Sequéntia sancti Evangélíi secundum Matthæum. Matth. 28.

IN illo témpore: Dixit Jesus discipulis suis: Data est mihi omnis potestas in cœlo et in terra. Eúntes ergo, docéte omnes gentes: baptizántes eos in nómine Patris, et Filii, et Spiritus sancti: docéntes eos serváre ómnia quæcúmque mandávi vobis. Et ecce ego vobiscum sum ómnibus diébus usque ad consummationem sæculi.

Credo.

Offertorium. Tob. 12. Benedictus sit Deus Pater, unigenítusque

Dei Filius, sanctus quoque Spiritus: quia fecit nobiscum misericórdiam suam.

Secreta.

SANCTIFICA, quæsumus, Dómine Deus noster, per tui sancti Nóminis invocatióem, hujus oblatiósni hóstiam: et per eam nosmetipsos tibi pérface munus ætérnum. Per Dóminum, etc.

Pro Dominica.

Secreta.

HOSTIAS nostras, quæsumus, Dómine, tibi dicátas placátus assúme, et ad perpétuum nobis tribue proveníre subsidium. Per, etc.

Præfatio. Qui cum Unigénito, fol. 208.

Communio. Tob. 12. Benedicimus Deum cœli, et coram ómnibus vivéntibus confitébimur ei: quia fecit nobiscum misericórdiam suam.

Postcommunio.

PROFICIAT nobis ad salútem córporis et ánimæ, Dómine Deus noster, hujus sacraménti susceptiós; et sempitérnæ sanctæ Trinitátis, ejusdémque indivíduæ unitátis confessiós. Per, etc.

Pro Dominica.

Postcommunio.

TANTIS, Dómine, repléti muneribus, præsta, quæsumus; ut et salutária dona capiámus, et à tua numquam laude cessémus. Per Dóminum, etc.

In fine Missæ legitur sequens Evangelium.

Sequéntia sancti Evangélíi secúndum Lucam. Luc. 6.

IN illo témpore: Dixit Jesus discipulis suis: Estóte misericór-

des, sicut et Pater vester miséricors est. Nolíte judicáre, et non judicabimini: nolíte condemnáre, et non condemnabimini. Dimittite, et dimittémini. Date, et dábitur vobis: mensúram bonam, et confértam, et coagitátam, et supereffluéntem dabunt in sinum vestrum. Eádem quippè mensúra, qua mensi fuéritis, remetiétur vobis. Dicébat autem illis et similitúdinem: Numquid potest cæcus cæcum dúcere? Nonne ambo in fóveam cadunt? Non est discipulus super magístrum: perfectus autem omnis erit, si sit sicut magíster ejus. Quid autem vides festúcam in óculo fratris tui, trabem autem, quæ in óculo tuo est, non considéras? Aut quómodo potes dicere fratri tuo: Frater, sine ejiciam festúcam de óculo tuo, ipse in óculo tuo trabem non videns? Hypócrita, éjice primùm trabem de óculo tuo. Et tunc perspícies ut edúcas festúcam de óculo fratris tui.

DOMINICA I. POST PENTECOSTEN.

Introitus. Ps. 12.

DOMINE, in tua misericórdia sperávi: exultávit cor meum in salutári tuo: cantábo Dómino, qui bona tribuit mihi.

Ps. ibid. Usquequò, Dómine, obliviscéris me in finem? Usquequò avértis fáciem tuam à me?

Ÿ. Glória Patri, et Fílio, etc.

Oratio. Deus, in te, etc., fol. 267.

Léctio Epístolæ beáti Joánnis Apóstoli. 1 Joann. 4.

CHARISSIMI: Deus cháritas est. In hoc appáruit cháritas Dei in nobis, quóniam Fílium suum

unigénitum misit Deus in mundum, ut vivámus per eum. In hoc est cháritas: non quasi nos dilexérimus Deum, sed quóniam ipse prior diléxit nos, et misit Fílium suum propitiatióem pro peccátis nostris. Charíssimi, si sic Deus diléxit nos: et nos debémus altérutrum dilígere. Deum nemo vidit unquam. Si diligámus ínvicem, Deus in nobis manet, et cháritas ejus in nobis perfécta est. In hoc cognóscimus quóniam in eo manémus, et ipse in nobis: quóniam de spíritu suo dedit nobis. Et nos vídimus, et testificá-mur, quóniam Pater misit Fílium suum Salvatórem mundi. Quis-quis conféssus fúerit quóniam Jesus est Fílius Dei, Deus in eo manet, et ipse in Deo. Et nos cognóvimus, et credidimus charitáti, quam habet Deus in nobis. Deus cháritas est: et qui manet in charitáte, in Deo manet, et Deus in eo. In hoc perfécta est cháritas Dei nobíscum, ut fidúciám habeámus in die judicii: quia sicut ille est, et nos sumus in hoc mundo. Timor non est in charitáte: sed perfécta cháritas foràs mittit timórem, quóniam timor pœnam habet. Qui autem timet, non est perféctus in charitáte. Nos ergo diligámus Deum, quóniam Deus prior diléxit nos. Si quis díx-erit quóniam diligam Deum, et fra-

trem suum óderit, mendax est. Qui enim non diligit fratrem suum quem videt, Deum quem non videt, quómodo potest dilígere? Et hoc mandátum habémus à Deo, ut qui diligit Deum, diligat et fratrem suum.

Graduale. Ps. 40. Ego dixi: Dómine, miserére mei: sana áni-mam meam, quia peccávi tibi.

V. Beátus qui intélligit super egénium et páuperem: in die mala liberábit eum Dóminus.

Allelúia, allelúia. V. Ps. 5. Verba mea áuribus pécipe, Dómi-ne: intéllige clamórem meum. Al-lelúia.

Evangelíum. Estóte misericór-des, ut *supra*, fol. 268.

Offertorium. Ps. 5. Inténde voci oratióis meæ, Rex meus, et Deus meus: quóniam ad te orábo, Dómine.

Secreta. Hóstias nostras, fol. 268.

Communio. Ps. 9. Narrábo óm-nia mirabília tua: lætabor, et exul-tábo in te: psallam nómini tuo, Altíssime.

Postcommunio. Tantis, Dómine, fol. 268.



IN SOLEMNITATE CORPORIS CHRISTI.

Introitus. Ps. 80.

CIBAVIT eos ex ádipe fruménti, allelúia : et de petra, melle saturávit eos. Allelúia, allelúia, allelúia.

Ps. ibid. Exultáte Deo adjutóri nostro : jubiláte Deo Jacob.

Ÿ. Glória Patri, et Filio, etc.

Oratio.

DEUS, qui nobis sub Sacraménto mirábili passiónis tuæ memoríam reliquisti ; tribue, quæsumus, ita nos Córporis et Sanguinis tui sacra mystéria venerári, ut redemptionis tuæ fructum in nobis júgiter sentiámus. Qui vivis, etc.

Léctio Epístolæ beáti Pauli Apóstoli ad Corínthios. 1 Cor. 11.

FRATRES, Ego enim accépi à Dómino quod et tradidi vobis, quóniam Dóminus Jesus, in qua nocte tradebátur, accépit panem, et grátias agens, fregit, et dixit : Accípите, et manducáte : Hoc est corpus meum, quod pro vobis tradétur : hoc fácite in meam commemoratiónem. Similiter et cálicem, postquam cœnávit, dicens : Hic calix novum testaméntum est in meo

sánguine. Hoc fácite quotiescúmque bibétis, in meam commemoratiónem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducáverit panem hunc, vel biberit cálicem Dómini indignè, reus erit córporis et ságuinis Dómini. Probet autem seípsum homo : et sic de pane illo edat, et de cálice bibat. Qui enim manducat et bibit indignè, júdicium sibi manducat et bibit, non dijúdicans corpus Dómini.

Graduale. Ps. 144. Oculi ómnium in te sperant, Dómine : et tu das illis escam in témpore opportúno.

Ÿ. Aperis tu manum tuam, et imples omne ánimam benedictióne.

Allelúia, allelúia. *Ÿ. Joann. 6.* Caro mea verè est cibus, et sanguis meus verè est potus : qui manducat meam carnem, et bibit meum ságuinem, in me manet, et ego in eo.

Sequentia.

LAUDA, Sion, Salvatórem : lauda ducem et pastórem, in hymnis et cánticis.

Quantum potes, tantum aude : quia major omni laude, nec laudare sùfficis.

Laudis thema speciális, panis vivus et vitális hódie propónitur.

Quem in sacræ mensa cœnæ, turbæ fratrum duodénæ datum non ambígitur.

Sit laus plena, sit sonóra : sit júcúnda, sit decóra mentis jubilatío.

Dies enim solémnis ágitur, in qua mensæ prima recólitur hujus institútio.

In hac mensa novi Regis, novum Pascha novæ legis, Phase vetus términat.

Vetustátem nóvitas, umbram fugat véritas, noctem lux eliminat.

Quod in cœna Christus gessit, faciéndum hoc expréssit in sui memóriam.

Docti sacris institútis, panem, vinum in salútis consecrámus hóstiam.

Dogma datur Christiánis, quòd in carnem transit panis, et vinum in ságuinem.

Quod non capis, quod non vides, animósa firmat fides, præter rerum órđinem.

Sub divérsis speciébus, signis tantùm, et non rebus, latent res exímiae.

Caro cibus, sanguis potus : manet tamen Christus totus sub utrâque spécie.

A suménte non concísus, non confráctus, non divísus, integer accípitur.

Sumit unus, sumunt mille : quantum isti, tantum ille : nec sumptus consúmitur.

Sumunt boni, sumunt mali : sorte tamen inæquáli, vitæ vel intéritus.

Mors est malis, vita bonis : vide, paris sumptiónis quàm sit dispar éxitus.

Fracto demùm Sacraménto, ne vacílles, sed meménto tantum esse

sub fragménto, quantum toto tégitur.

Nulla rei fit scissúra : signi tantum fit fractúra, qua nec status, nec statúra signáti minúitur.

Ecce panis Angelórum, factus cibus viatórum, verè panis filiórum, non mitténdus cánibus.

In figúris præsignáatur, cum Isaac immoláatur : Agnus Paschæ deputáatur : datur Manna pátribus.

Bone Pastor, panis vere, Jesu, nostrí miserére : tu nos pascere, nos tuére : tu nos bona fac vidére in terra vivéntium.

Tu, qui cuncta scis et vales, qui nos pascis híc mortáles ; tuos ibi commensáles, cohærédes et sodáles fac sanctórum cívium. Amen. Allelúia.

Sequéntia sancti Evangélíi secundum Joánnem. *Joann.* 6.

IN illo témpore : Dixit Jesus turbis Judæórum : Caro mea, verè est cibus : et sanguis meus verè est potus. Qui mandúcat meam carnem, et bibit meum ságuinem, in me manet, et ego in illo. Sicut misit me vivens Pater, et ego vivo propter Patrem : et qui mandúcat me, et ipse vivet propter me. Hic est panis qui de cœlo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in ætérnum.

Credo.

Offertorium. Levit. 21. Sacerdótes Dómini incénsus et panes ófferunt Deo : et idéò sancti erunt Deo suo, et non pólluent nomen ejus. Allelúia.

Secreta.

ECCLESIAE tuæ, quæsumus, Dómine, unitátis et pacis pro-

píus dona concéde, quæ sub oblátis munéribus mysticè designántur. Per Dóminum, etc.

Præfatio de Nativitate. Quia per incarnáti Verbi mystérium, fol. 203.

Et dicitur per totam Octavam.

Communio. 1 Cor. 11. Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: itaque quicúmque manducáverit panem, vel biberit cálicem Dómini indignè, reus erit córporis et ságuinis Dómini. Allelúia.

Postcommunio.

FAC nos, quæsumus, Dómine, divinitátis tuæ sempitérna fructióne repléri, quam pretiósí Córpóris et Sanguinis tui temporális percéptio præfigúrat. Qui vivis, etc.

¶ *Infra Octavam dicitur hæc eadem Missa, et non fit de aliquo Sancto, nisi fuerit Duplex occurrens, non autem translatum. In die Octava non fit, nisi de Festo S. Joannis Baptistæ, et SS. Apostolorum Petri et Pauli, si occurrant, cum commemoratione Octavæ. Infra Octavam, secunda Oratio de S. Maria, Concède nos, tertia Ecclesiæ tuæ, vel Deus, ómnium fidélium, fol. 237.*

Et si in ea venerit Vigilia, fit de Octava cum commemoratione Vigiliæ.

DOMINICA INFRA OCTAVAM CORPORIS CHRISTI.

SECUNDA POST PENTECOSTEN.

Introitus. Ps. 17.

FACTUS est Dóminus protector meus, et edúxit me in latitúdinem: salvum me fecit, quóniam voluit me.

Ps. ibid. Diligam te, Dómine, virtus mea: Dóminus firmaméntum meum, et refúgium meum, et liberátor meus.

Ÿ. Glória Patri, et Filio, etc.

Oratio.

SANCTI nóminis tui, Dómine, timórem páriter et amórem fac nos habére perpétuum: quia nunquam tua gubernatióne destítuis, quos in soliditaté tuæ dilectiónis instítuis. Per, etc.

Deinde fit commemoratio de Octava Corporis Christi tantum. Oratio. Deus, qui nobis sub Sacraménto, etc., fol. 270.

Léctio Epístolæ beáti Joánnis Apóstoli. 1 Joann. 3.

CARISSIMI: Nolite mirári, si odit vos mundus. Nos scimus quóniam transláti sumus de morte ad vitam, quóniam diligimus fratres. Qui non diligit, manet in morte: omnis qui odit fratrem suum, homicída est. Et scitis quóniam omnis homicída non habet vitam ætérnam in semetípso manéntem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro frátribus ánimas pónere. Qui habúerit substantiam hujus mundi, et viderit fratrem suum necessitátem habére, et cláuserit víscera sua ab eo: quómodo caritas Dei manet in eo? Filioli mei, non diligámus verbo, neque lingua, sed ópere et veritaté.

Graduale. Ps. 119. Ad Dóminum, cum tribulárer, clamávi, et exaudivit me.

Ÿ. Dómine, libera ánimam meam à lábiis iníquis, et à lingua dolósa.

Allelúia, allelúia. Ÿ. Ps. 7.

Dómine, Deus meus, in te sperávi : salvum me fac ex ómnibus persequéntibus me, et libera me. Al-lelúia.

Sequéntia sancti Evangélíi secúndum Lucam. *Luc. 14.*

IN illo témpore : Dixit Jesus Pharisæis parábolam hanc : Homo quidam fecit cœnam magnam, et vocávit multos. Et misit servum suum hora cœnæ, dicere invitátis ut venírent, quia jam paráta sunt ómnia. Et cœpérunt simul omnes excusáre. Primus dixit ei : Villam emi, et necesse hábeo exíre, et vidére illam : rogo te, habe me excusátum. Et alter dixit : Jugar boum emi quinque, et eo probáre illa : rogo te, habe me excusátum. Et álius dixit : Uxórem duxi, et idéò non possum veníre. Et réversus servus nuntiávit hæc Dómino suo. Tunc irátus paterfámiliæ dixit servo suo : Exi citò in platéas et vicos civitátis, et páuperes, ac débiles, et cæcos, et claudos intéduc huc. Et ait servus : Dómine, factum est ut imperásti, et adhuc locus est. Et ait dóminus servo : Exi in vias et sepes, et compélle intráre, ut impleátur domus mea. Dico autem vobis, quòd nemo virórum illórum qui vocáti sunt, gustábit cœnam meam.

Credo.

Offertorium. Ps. 6. Dómine, convértere, et éripe ánimam meam : salvum me fac propter misericórdiam tuam.

Secreta.

OBLATIO nos, Dómine, tuo nómini dicánda purificet, et de die in diem ad cœlestis vitæ tránsferat actiónem. Per, etc.

De Octava Corporis Christi. Se-

2 K

creta. Ecclésiæ tuæ, quæsumus, etc., fol. 271.

Præfatio de Nativitate, fol. 203.

Communio. Ps. 12. Cantábo Dómino, qui bona tríbuit mihi : et psallam nómini Dómini altíssimi.

Postcommunio.

SUMPTIS munéribus sacris, quæsumus, Dómine ; ut cum frequentatióne mystérii, crescat nostræ salútis effectus. Per, etc.

De Octava Corporis Christi. Postcommunio. Fac nos, quæsumus, Dómine, etc., fol. 272.

¶ *Feria VI. post Octavam SS. Corporis Christi, fit festum SS. Cordis Jesu. Missa, Miserébitur, ut in Supplemento.*

DOMINICA III. POST PENTECOSTEN.

Introitus. Ps. 24.

RESPICE in me, et miserére mei, Dómine, quóniam únicus, et pauper sum ego : vide humilitátem meam, et labórem meum : et dimítte ómnia peccáta mea, Deus meus.

Ps. ibid. Ad te, Dómine, levávi ánimam meam : Deus meus, in te confido, non erubescam.

℣. Glória Patri, etc.

Oratio.

PROTECTOR in te sperántium, Deus, sine quo nihil est válidum, nihil sanctum : multiplica super nos misericórdiam tuam ; ut, te rectóre, te duce, sic transeámus per bona temporália, ut non amittámus ætérna. Per Dóminum, etc.

Secunda Oratio. A cunctis nos, fol. 73*.

Et dicitur in Missis tam de Tem-

pore quam de Sanctis, usque ad Adventum, nisi sit Duplex, vel infra Octavam. Tertia verò Oratio ad libitum Sacerdotis.

Lectio Epistolæ beati Petri Apóstoli.
1 Petr. 5.

CARISSIMI, Humiliámini sub poténti manu Dei, ut vos exáltet in témpore visitatiónis : omnem sollicitúdinem vestram projiciéntes in eum, quóniam ipsi cura est de vobis. Sóbrii estóte et vigiláte : quia adversárius vester diábolus, tamquam leo rúgiens, circuit, quærens quem dévoret : cui resistite fortes in fide : sciéntes eámdem passióem ei, quæ in mundo est, vestræ fraternitatí fieri. Deus autem omnis grátia, qui vocávit nos in ætérnam suam glóriam in Christo Jesu, módicum passos ipse perficiet, confirmábit, solidabítque. Ipsi glória et impérium in sæcula sæculórum. Amen.

Graduale. Ps. 54. Jacta cogitátum tuum in Dómino, et ipse te enútriet.

Ÿ. Dum clamárem ad Dóminum, exaudivit vocem meam ab his qui appropínquant mihi.

Allelúia, allelúia. Ÿ. Ps. 7. Deus judex justus, fortis, et pátiens, numquid iráscitur per singulos dies ? Allelúia.

Sequéntia sancti Evangélíi secúndum Lucam. *Luc. 15.*

IN illo témpore : Erant appropínquantes ad Jesum publicáni et peccatóres, ut audírent illum. Et murmurábant Pharisei et Scribæ dicéntes : Quia hic peccatóres récipit et mandúcat cum illis. Et ait ad illos parábolam istam, dicens : Quis ex vobis homo, qui habet centum oves : et si perdiderit unam ex

illis, nonne dimíttit nonaginta novem in desérto, et vadit ad illam quæ perierat, donec invéniat eam ? Et cùm invénerit eam, impónit in húmeros suos gaudens : et véniens domum, cónvocat amícos et vicínos, dicens illis : Congratulámini mihi, quia invéni ovem meam quæ perierat. Dico vobis, quòd ita gáudium erit in cælo super uno peccatóre pœniténtiam agente, quàm super nonaginta novem justis, qui non indigent pœniténtia. Aut quæ múlter habens drachmas decem, si perdiderit drachmam unam, nonne accéndit lucérnam, et evérrit domum, et quærit diligénter, donec invéniat ? Et cùm invénerit, cónvocat amícas et vicinas, dicens : Congratulámini mihi, quia invéni drachmam, quam perdideram. Ita dico vobis, gáudium erit coram Angelis Dei super uno peccatóre pœniténtiam agente.

Credo.

Offertorium. Ps. 9. Sperent in te omnes qui novérunt nomen tuum, Dómine, quóniam non derelínquis quæréntes te : psállite Dómino, qui hábitat in Sion, quóniam non est oblítus oratióem páuperum.

Secreta.

RESPICE, Dómine, múnera supplicántis Ecclésiæ, et salúti credéntium perpétua sanctificatióne suménda concéde. Per, etc.

Alia Secreta. Exáudi nos, fol. 73.*

Tertia ad libitum.

Præfatio de Trinitate, fol. 208.

Communio. Luc. 15. Dico vobis : Gáudium est Angelis Dei super uno peccatóre pœniténtiam agente.

Postcommunio.

SANCTA tua nos, Dómine, sumpta vivificent, et misericórdiæ sempitérnæ præparent expiátos. Per Dóminum, etc.

Alia Postcommunio. Mundet et múniat, fol. 73*.

Tertia ad libitum.

DOMINICA IV. POST PENTECOSTEN.

Introitus. Ps. 26.

DOMINUS illuminatio mea, et salus mea, quem timébo? Dóminus defénsor vitæ meæ, à quo trepidábo? Qui tribulant me inimíci mei, ipsi infirmáti sunt, et ceciderunt.

Ps. ibid. Si consistent advérsùm me castra: non timébit cor meum.

Ÿ. Glória Patri, et Filio, etc.

Oratio.

DA nobis, quæsumus, Dómine; ut et mundi cursus pacíficè nobis tuo órdine dirigátur, et Ecclesiá tua tranquilla devotióne lætétur. Per Dóminum, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Romános. *Rom. 8.*

FRATRES, Existimo quòd non sunt condignæ passiónes hujus téporis ad futúram glóriam, quæ revelábitur in nobis. Nam expectatio creatúræ revelatióem filiórum Dei expéctat. Vanitati enim creatúra subjécta est non volens, sed propter eum qui subjécit eam in spe: quia et ipsa creatúra liberábi-

tur à servitúte corruptiόνis, in libertátem glóriæ filiórum Dei. Scimus enim quòd omnis creatúra ingemiscit, et párturit usque adhuc. Non solùm autem illa, sed et nos ipsi primitias spíritus habéntes, et ipsi intra nos gémmus, adoptiόνem filiórum Dei expectántes, redemptiόνem córporis nostri, in Christo Jesu Dómino nostro.

Graduale. Ps. 78. Propítius esto, Dómine, peccátis nostris: nequándo dicant gentes: Ubi est Deus eórum?

Ÿ. Adjuva nos, Deus salutáris noster: et propter honórem nóminis tui, Dómine, libera nos.

Allelúia, allelúia. Ÿ. *Ps. 9.* Deus, qui sedes super thronum et júdicas æquitátem, esto refúgium páuperum in tribulatióne. Allelúia.

Sequéntia sancti Evangélíi secúndum Lucam. *Luc. 5.*

IN illo témpore: Cùm turbæ irrúerent in Jesum, ut audirent verbum Dei, et ipse stabat secus stagnum Genésareth. Et vidit duas naves stantes secus stagnum, piscatóres autem descénderant, et lavábant rétia. Ascéndens autem in unam navim, quæ erat Simónis, rogávit eum à terra reducere pusillum. Et sedens, docébat de navícula turbas. Ut cessávit autem loqui, dixit ad Simónem: Duc in altum, et laxáte rétia vestra in captúram. Et respóndens Simon, dixit illi: Præcéptor, per totam noctem laborántes, nihil cépimus: in verbo autem tuo laxábo rete. Et cùm hoc fecissent, conclusérunt píscium multitúdinem copiósam: rumpebátur autem rete eórum. Et annuérunt sóciis, qui erant in ália navi, ut venírent, et adjuvárent eos. Et venérunt, et implevérunt ambas navículas, ita ut penè mergeréntur.

Quod cùm vidéret Simon Petrus, prócidit ad gēnua Jesu, dicens: Exi à me, quia homo peccátor sum, Dómine. Stupor enim circumdēderat eum, et omnes qui cum illo erant in captúra píscium, quam céperant: similiter autem Jacóbum, et Joánnem, filios Zebedæi, qui erant sócii Simónis. Et ait ad Simónem Jesus: Noli timére: ex hoc jam hómines eris cápiens. Et subdúctis ad terram návibus, relíctis ómnibus, secúti sunt eum.

Credo.

Offertorium. Ps. 12. Illúmina óculos meos, ne umquam obdórmiam in morte: nequándo dicat inimicus meus: Præválui advérsus eum.

Secreta.

OBLATIONIBUS nostris, quæsumus, Dómine, placáre suscep̃tis; et ad te nostras étiam rebélles compélle propítius voluntátes. Per Dóminum, etc.

Alia Secreta. Exáudi nos, fol. 73*.

Tertia ad libitum.

Præfatio de Trinitate, fol. 208.

Communio. Ps. 17. Dóminus firmaméntum meum, et refúgium meum, et liberátor meus, Deus meus, adjútor meus.

Postcommunio.

MYSTERIA nos, Dómine, quæsumus, sumpta puríficent, et suo múnere tueántur. Per, etc.

Alia Postcommunio. Mundet et múníat, fol. 73*.

Tertia ad libitum.

DOMINICA V. POST PENTECOSTEN.

Introitus. Ps. 26.

EXAUDI, Dómine, vocem meam, qua clamávi ad te; adjútor meus esto, ne derelínquas me, neque despicias me, Deus salutáris meus.

Ps. ibid. Dóminus illuminátio mea, et salus mea: quem timébo?

Y. Glória Patri, et Fílio, et Spirítui sancto, etc.

Oratio.

DEUS, qui diligéntibus te bona invisibília præparásti: infúnde córdibus nostris tui amóris afféctum; ut te in ómnibus, et super ómnia diligéntes, promissiões tuas, quæ omne desidérium súperant, consequámur. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Petri Apóstoli.
1 Petr. 3.

CARISSIMI: Omnes unánimes in oratióne estóte, compatiéntes, fraternitátis amatóres, misericórdes, modésti, húmiles: non reddéntes malum pro malo, nec maledíctum pro maledícto; sed è contrário benedicéntes, quia in hoc vocáti estis, ut benedictiõem hæreditáte possideátis. Qui enim vult vitam dilígere, et dies vidére bonos, coérceat linguam suam à malo, et lábia ejus ne loquántur dolum. Declínet à malo, et fáciat bonum: inquirat pacem, et sequátur eam. Quia óculi Dómini super justos, et aures ejus in preces eórum: vultus autem Dómini super faciéntes mala. Et quis est qui vobis nóceat, si boni æmulatóres fuéritis? Sed et si quid patímini propter justitiam, beáti.

Timórem autem eórum ne timuér-
tis, et non conturbémini. Dómi-
num autem Christum sanctificáte in
córdibus vestris.

Graduale. Ps. 83. Protéctor
noster áspice, Deus : et réspice su-
per servos tuos.

Ÿ. Dómine Deus virtútum, ex-
áudi preces servórum tuórum.

Allelúia, allelúia. Ÿ. *Ps. 20.*
Dómine, in virtúte tua lætábitur
rex, et super salutáre tuum exultá-
bit veheménter. Allelúia.

Sequéntia sancti Evangelii secún-
dum Matthæum. *Matth. 5.*

IN illo témpore: Dixit Jesus dis-
cípulis suis: Nisi abundáverit
justítia vestra plus quàm Scribárum
et Pharisæórum, non intrábitis in
regnum cælórum. Audístis quia
dictum est antiquis: Non occídes:
qui autem occiderit, reus erit judí-
cio. Ego autem dico vobis, quia
omnis qui iráscitur fratri suo, reus
erit judicio. Qui autem díxerit
fratri suo, raca; reus erit concílio.
Qui autem díxerit, fátue; reus erit
gehénnæ ignis. Si ergo offers
munus tuum ad altáre, et ibi recor-
dátus fúeris, quia frater tuus habet
áliquid advérsùm te: relinque ibi
munus tuum ante altáre, et vade
priùs reconciliári fratri tuo: et tunc
véniens, offeres munus tuum.

Credo.

Offertorium. Ps. 15. Benedicam
Dóminum, qui tribuit mihi intelléc-
tum: providébam Deum in con-
spéctu meo semper: quóniam à
dextris est mihi, ne commóvear.

Secreta.

PROPITIARE, Dómine, sup-
plicationibus nostris: et has
oblationes famulórum famularúm-

que tuárum benígnus assúme: ut,
quod singuli obtulérunt ad honórem
nóminis tui, cunctis proficiat ad
salútem. Per, etc.

Alia Secreta. Exáudi nos, Deus,
fol. 73.*

Tertia ad libitum.

Præfatio de Trinitate, fol. 208.

Communio. Ps. 26. Unam pé-
tii à Dómino, hanc requíram: ut
inhábitem in domo Dómini ómni-
bus diébus vitæ meæ.

Postcommunio.

QUOS cælésti, Dómine, dono
satiásti: præsta, quæsumus;
ut à nostris mundémur occúltis, et
ab hóstium liberémur insidiis. Per
Dóminum, etc.

Alia Postcommunio. Mundet et
múniat, *fol. 73*.*

Tertia ad libitum.

DOMINICA VI. POST PEN- TECOSTEN.

Introitus. Ps. 27.

DOMINUS fortitúdo plebis suæ,
et protéctor salutárium Christi
sui est: salvum fac pópulum tuum,
Dómine, et bénedic hæreditáti tuæ,
et rege eos usque in sæculum.

Ps. ibid. Ad te, Dómine, cla-
mábo, Deus meus, ne síleas à me:
nequándo táceas à me, et assimilá-
bor descendéntibus in lacum.

Ÿ. Glória Patri, etc.

Oratio.

DEUS virtútum, cujus est to-
tum quod est óptimum; ín-
sere pectóribus nostris amórem tui
nóminis, et præsta in nobis religió-
nis augméntum: ut quæ sunt bona,

nútrias ; ac pietátis stúdio quæ sunt nutrita, custódias. Per, etc.

Secunda Oratio. A cunctis nos, fol. 73*.

Tertia ad libitum.

Lectio Epistolæ beāti Pauli Apóstoli ad Romános. Rom. 6.

FRATRES, Quicumque baptizati sumus in Christo Jesu, in morte ipsius baptizati sumus. Consepulti enim sumus cum illo per baptismum in mortem : ut quomodo Christus surrexit à mortuis per glóriam Patris, ita et nos in novitate vitæ ambulémus. Si enim plantati facti sumus similitudini mortis ejus : simul et resurrectionis érimus. Hoc sciéntes, quia vetus homo noster simul crucifixus est, ut destruátur corpus peccati, et ultrà non serviámus peccato. Qui enim mortuus est, justificátus est à peccato. Si autem mortui sumus cum Christo, crédimus quia simul étiam vivémus cum Christo : sciéntes quòd Christus resúrgens ex mortuis, jam non móritur, mors illi ultrà non dominábitur. Quòd enim mortuus est peccato, mortuus est semel : quòd autem vivit, vivit Deo. Ita et vos existimáte, vos mortuos quidem esse peccato, vivéntes autem Deo, in Christo Jesu Dómino nostro.

Graduale. Ps. 89. Convértere, Dómine, aliquántulùm, et deprecáre super servos tuos.

Ÿ. Dómine, refúgium factus es nobis, à generatióne et progénie.

Allelúia, allelúia. Ÿ. Ps. 30. In te, Dómine, sperávi, non confúndar in ætérnum : in justitia tua libera me, et éripe me. Inclína ad me aurem tuam : accélera, ut erípias me. Allelúia.

Sequéntia sancti Evangélíi secúndum Marcum. Marc. 8.

IN illo témpore : Cùm turba multa esset cum Jesu, nec habérent quod manducárent, convocáti discipulis, ait illis : Miséreor super turbam : quia ecce jam tríduo sústinent me, nec habent quod mandúcent : et si dimísero eos jejúnos in domum suam, deficiant in via : quidam enim ex eis de longè venérunt. Et responderunt ei discipuli sui : Unde illos quis póterit hic saturáre pánibus in solitúdine ? Et interrogávit eos : Quot panes habétis ? Qui dixerunt : Septem. Et præcépit turbæ discumbere super terram. Et accípiens septem panes, grátias agens, fregit, et dabat discipulis suis ut appónerent : et apposuerunt turbæ. Et habébant piscículos paucos : et ipsos benedixit, et jussit appóni. Et manducaverunt, et saturáti sunt, et sustulérunt quod superáverat de fragmentis, septem sportas. Erant autem qui manducáverant, quasi quátuor millia : et dimisit eos.

Credo.

Offertorium. Ps. 16. Pérfice gressus meos in sémitis tuis, ut non moveántur vestigia mea : inclína aurem tuam, et exáudi verba mea : mirífica misericórdias tuas, qui salvos facis sperántes in te, Dómine.

Secreta.

PROPITIARE, Dómine, supplicatióibus nostris, et has pópuli tui oblatiões benignus assúme : et ut nullius sit írritum votum, nullius vácuá postulatio, præsta ; ut, quod fidéliter pétimus, effícaciter consequámur. Per, etc.

Alia Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Ps. 26. Circuibó, et immolábo in tabernáculo ejus hóstiam jubilatiónis: cantábo, et psalmum dicam Dómino.

Postcommunio.

REPLETI sumus, Dómine, munéribus tuis: tríbue, quæsumus; ut eórum et mundémur effectú, et muniámur auxilio. Per Dóminum, etc.

Alia Postcommunio. Mundet et múniat, fol. 73*.

Tertia ad libitum.

DOMINICA VII. POST PENTECOSTEN.

Introitus. Ps. 46.

OMNES gentes, pláudite máribus: jubilate Deo in voce exultatiónis.

Ps. ibid. Quóniam Dóminus excelsus, terríbilis: rex magnus super omnem terram.

Ÿ. Glória Patri, etc.

Oratio.

DEUS, cujus providéntia in sui dispositiõe non fállitur: te súpplices exorámus; ut nóxia cuncta submóveas, et ómnia nobis profutúra concédas. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Romános. *Rom. 6.*

FRATRES, Humánum dico, propter infirmitátem carnis vestræ: sicut enim exhibuístis mem-

bra vestra servíre immunditiæ, et iniquitati ad iniquitatem; ita nunc exhibéte membra vestra servíre justitiæ in sanctificatióne. Cùm enim servi essétis peccáti, liberi fuístis justitiæ. Quem ergo fructum habuístis tunc in illis, in quibus nunc erubescitis? Nam finis illórum mors est. Nunc ergo liberáti à peccáto, servi autem facti Deo, habétis fructum vestrum in sanctificatióne, finem verò vitam ætérnam. Stipéndia enim peccáti, mors. Grátia autem Dei, vita ætérna, in Christo Jesu Dómino nostro.

Graduale. Ps. 33. Veníte, filii, audíte me: timórem Dómini docébo vos.

Ÿ. Accédite ad eum, et illuminámini: et fácies vestræ non confundéntur.

Allelúia, allelúia. *Ÿ. Ps. 46.* Omnes gentes, pláudite máribus: jubilate Deo in voce exultatiónis. Allelúia.

Sequéntia sancti Evangélii secúndum Matthæum. *Matth. 7.*

IN illo témpore: Dixit Jesus discipulis suis: Atténdite à falsis prophétis, qui véniunt ad vos in vestiméntis óvium, intrínsecus autem sunt lupi rapáces: à frúctibus eórum cognoscétis eos. Numquid cólligunt de spinis uvas, aut de tribulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus fácere; neque arbor mala bonos fructus fácere. Omnis arbor quæ non facit fructum bonum, excidé-tur, et in ignem mittétur. Igitur ex frúctibus eórum cognoscétis eos. Non omnis qui dicit mihi, Dómine, Dómine, intrábit in regnum cælórum: sed qui facit voluntátem

Patris mei, qui in cœlis est, ipse intrabit in regnum cœlorum.

Credo.

Offertorium. Dan. 3. Sicut in holocaustis arietum et taurorum, et sicut in millibus agnorum pinguium; sic fiat sacrificium nostrum in conspectu tuo hodie, ut placeat tibi: quia non est confusio confidentibus in te, Domine.

Secreta.

DEUS, qui legalium differentiis am hostiarum unius sacrificii perfectione sanxisti; accipe sacrificium à devotis tibi famulis, et pari benedictione, sicut munera Abel, sanctifica: ut, quod singuli obtulerunt ad maiestatis tuæ honorem, cunctis proficiat ad salutem. Per Dominum, etc.

Alia Secreta. Exaudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Ps. 30. Inclina aurem tuam, accéléra, ut eripias me.

Postcommunio.

TUA nos, Domine, medicinalis operatio, et à nostris perversitatibus clementer expédia, et ad ea, quæ sunt recta, perducatur. Per, etc.

Alia Postcommunio. Mundet et muniat, fol. 73*.

Tertia ad libitum.

DOMINICA VIII. POST PENTECOSTEN.

Introitus. Ps. 47.

SUSCEPIMUS, Deus, misericordiam tuam in medio templi

tui: secundum nomen tuum, Deus, ita et laus tua in fines terræ: iustitia plena est dextera tua.

Ps. ibid. Magnus Dominus, et laudabilis nimis: in civitate Dei nostri, in monte sancto ejus.

Ÿ. Glória Patri, et Filio, etc.

Oratio.

LARGIRE nobis, quæsumus, Domine, semper spiritum cogitandi quæ recta sunt, propitius, et agendi: ut, qui sine te esse non possumus, secundum te vivere valeamus. Per Dominum, etc.

Secunda Oratio. A cunctis nos, fol. 73*.

Tertia ad libitum.

Lectio Epistolæ beati Pauli Apostoli ad Romanos. *Rom. 8.*

FRATRES, Debitores sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii Dei. Non enim accepistis spiritum servitutis iterum in timore; sed accepistis spiritum adoptionis filiorum, in quo clamamus: Abba (Pater). Ipse enim Spiritus testimonium reddit spiritui nostro, quod sumus filii Dei. Si autem filii, et hæredes: hæredes quidem Dei, cohæredes autem Christi.

Graduale. Ps. 30. Esto mihi in Deum protectorem, et in locum refugii, ut salvum me facias.

Ÿ. Deus, in te speravi: Domine, non confundar in æternum.

Allelúia, allelúia. Ÿ. Ps. 47. Magnus Dominus, et laudabilis valde, in civitate Dei nostri, in monte sancto ejus. *Allelúia.*

Sequéntia sancti Evangélíi secúndum Lucam. *Luc. 16.*

IN illo témpore : Dixit Jesus discípulis suis parábolam hanc : Homo quidam erat dives, qui habebat villicum : et hic diffamátus est apud illum quasi dissipásset bona ipsíus. Et vocávit illum, et ait illi : Quid hoc áudio de te ? redde ratió-nem villicatiónis tuæ : jam enim non póteris villicáre. Ait autem villicus intra se : Quid fáciám, quia dóminus meus aufert à me villicatió-nem ? Fódere non váleo, mendicáre erubésco. Scio quid fáciám, ut cùm amótus fúero à villicatió-ne, recípiant me in domos suas. Con-vocátis itaque singulis debitóribus dómini sui, dicébat primo : Quantum debes dómíno meo ? At ille dixit : Centum cados ólei. Dixit-que illi : Accipe cautió-nem tuam ; et sede citò, scribe quinquaginta. Deínde álíi dixit : Tu verò quan-tum debes ? Qui ait : Centum coros tritici. Ait illi : Accipe lit-teras tuas, et scribe octoginta. Et laudávit dóminus villicum iniqui-tátis, quia prudénter fecísset : quia filii hujus sæculi prudentióres filiis lucis in generatió-ne sua sunt. Et ego vobis dico : Fácite vobis amícos de mam móna iniquitátis : ut, cùm defecéritis, recípiant vos in æté-rna tabernácula.

Credo.

Offertorium. Ps. 17. Pópulum húmílem salvum fácies, Dómine, et óculos superbórum humiliábis : quóniam quis Deus præter te, Dómine.

Secreta.

SUSCIPE, quæsumus, Dómine, múnera, quæ tibi de tua largi-táte deférimus : ut hæc sacrosancta mystéria, grátia tuæ operánte vir-túte, et præsentis vitæ nos conver-

2 L

satió-ne sanctíficent, et ad gáudia sempitérna perdúcant. Per, etc.

Secunda Secreta. Exáudi nos, fol. 73*.

Tertia ad libitum.

Præfatio de Trinitate, fol. 208.

Communio. Ps. 33. Gustáte, et vidéte quóniam suávis est Dómi-nus : beátus vir qui sperat in eo.

Postcommunio.

SIT nobis, Dómine, reparátio mentis et córporis cœléste mys-térium : ut, cujus exéquimur cul-tum, sentiámus effectum. Per, etc.

Secunda Postcommunio. Mundet, fol. 73*.

Tertia ad libitum.

DOMINICA IX. POST PEN-TECOSTEN.

Introitus. Ps. 53.

ECCE Deus áduvat me, et Dóminus suscéptor est áni-mæ meæ : avérte mala inimícis meis, et in veritáte tua dispérde illos, protéctor meus, Dómine.

Ps. ibid. Deus, in nómine tuo salvum me fac, et in virtúte tua libera me.

Ÿ. Glória Patri, etc.

Oratio.

PATEANT aures misericórdiæ tuæ, Dómine, précibus sup-plicántium : et, ut peténtibus desi-deráta concédas, fac eos, quæ tibi sunt plácita, postuláre. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beāti Pauli Apóstoli ad Corinthios. 1 Cor. 10.

FRATRES, Non simus concupiscētes malórum, sicut et illi concupiērunt. Neque idololatræ efficiāmini, sicut quidam ex ipsis : quemádmódum scriptum est : Sedit pópulus manducāre et bibere, et surrexērunt lúdere. Neque fornicémur, sicut quidam ex ipsis fornicāti sunt, et cecidērunt una die viginti tria millia. Neque tentémus Christum, sicut quidam eórum tentavērunt, et à serpéntibus periērunt. Neque murmuravēritis, sicut quidam eórum murmuravērunt, et periērunt ab exterminatóre. Hæc autem ómnia in figúra contingēbant illis : scripta sunt autem ad correptionem nostram, in quos fines sæculórum devenērunt. Itaque qui se existimat stare, vídeat ne cadat. Tentátio vos non apprehēdat nisi humana : fidélis autem Deus est, qui non patiétur vos tentári supra id quod potéstis, sed faciet étiam cum tentatióne provéntum, ut possitis sustinére.

Graduale. Ps. 8. Dómine, Dóminus noster, quàm admirábile est nomen tuum in univérsa terra !

V. Quóniam eleváta est magnificētia tua super cœlos.

Allelúia, allelúia. *V.* *Ps. 58.* Eripe me de inimícis meis, Deus meus : et ab insurgéntibus in me libera me. Allelúia.

Sequéntia sancti Evangélii secúndum Lucam. *Luc. 19.*

IN illo témpore : Cùm appropinquáret Jesus Jerúsalem, videns civitátem, flevit super illam, dicens : Quia si cognovisses et tu, et quidem in hac die tua, quæ ad pacem tibi : nunc autem abscondita sunt ab óculis tuis. Quia vénient dies in te : et circúmdabunt te inimíci

tui vallo, et circúmdabunt te : et coangustábunt te úndique : et ad terram prostérnent te, et filios tuos, qui in te sunt, et non relinquent in te lápidem super lápidem : eò quòd non cognóveris tempus visitatiónis tuæ. Et ingrēssus in templum, cœpit ejicere vendētes in illo, et emētes, dicens illis : Scriptum est : Quia domus mea domus oratiónis est. Vos autem fecistis illam spelúncam latrónum. Et erat docens quotidie in templo.

Credo.

Offertorium. Ps. 18. Justitiæ Dómini rectæ, lætificātes corda, et iudícia ejus dulcióra super mel et favum : nam et servus tuus custódit ea.

Secreta.

CONCEDE nobis, quæsumus, Dómine, hæc dignè frequentāre mystéria : quia, quóties hujus hóstiæ commemoratió celebrátur, opus nostræ redemptiόνis exercétur. Per Dóminum, etc.

Alia Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Joann. 6. Qui manducat meam carnem, et bibit meum ságuinem, in me manet, et ego in eo, dicit Dóminus.

Postcommunio.

TUI nobis, quæsumus, Dómine, commúnio Sacraménti et purificatióem cónferat, et tribuat unitátem. Per, etc.

Alia Postcommunio. Mundet, fol. 73*.

Tertia ad libitum.

DOMINICA X. POST PENTECOSTEN.

Introitus. Ps. 54.

CUM clamárem ad Dóminum, exaudivit vocem meam, ab his qui appropinquant mihi : et humiliávit eos, qui est ante sæcula, et manet in ætérnum. Jacta cogitatum tuum in Dómino, et ipse te enútriet.

Ps. ibid. Exáudi, Deus, orationem meam, et ne despéxeris deprecationem meam : inténde mihi, et exáudi me.

Ÿ. Glória Patri, etc.

Oratio.

DEUS, qui omnipoténtiam tuam parcéndo máximè, et miserándo manifestas : multiplica super nos misericórdiam tuam ; ut ad tua promissa currétes, cœléstium bonórum fácias esse consórtes. Per Dóminum, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Corinthios. 1 Cor. 12.

FRATRES, Scitis quóniam cùm Gentes essétis, ad simulácula muta prout ducebámini eúntes. Ideò notum vobis fácio, quòd nemo in Spíritu Dei loquens, dicit anáthema Jesu. Et nemo potest dicere, Dóminus Jesus, nisi in Spíritu sancto. Divisiónes verò gratiárum sunt, idem autem Spíritus. Et divisiónes ministratiónum sunt, idem autem Dóminus. Et divisiónes operatiónum sunt, idem verò Deus, qui operátur ómnia in ómnibus. Unicuique autem datur manifestatio Spíritus ad utilitátem.

Alii quidem per Spíritum datur sermo sapiéntiæ : álii autem sermo sciéntiæ secúndum eúmdem Spíritum : áleri fides in eódem Spíritu : álii grátia sanitátum in uno Spíritu : álii operatio virtútum, álii prophetia, álii discrétio spírituum, álii génera linguárum, álii interpretatio sermónum. Hæc autem ómnia operátur unus atque idem Spíritus, dívicens singulis prout vult.

Graduale. Ps. 16. Custódi me, Dómine, ut pupillam óculi : sub umbra alárum tuárum prótege me.

Ÿ. De vultu tuo iudicium meum pródeat : óculi tui vídeant æquitátem.

Allelúia, allelúia. *Ÿ. Ps. 64.* Te decet hymnus, Deus, in Sion : et tibi reddétur votum in Jerúsalem. Allelúia.

Sequéntia sancti Evangélii secúndum Lucam. Luc. 18.

IN illo témpore : Dixit Jesus ad quosdam, qui in se confidébant tamquam justí, et aspernabántur céteros, parábolam istam : Duo hómines ascendérunt in templum ut orárent : unus Pharisæus, et alter Publicánu. Pharisæus stans, hæc apud se orábat : Deus, grátias ago tibi, quia non sum sicut céteri hóminum, raptóres, injústi, adúlteri : velut étiam hic Publicánu. Jejúno bis in Sábbato : décimas do ómnium quæ possídeo. Et Publicánu à longè stans, nolébat nec óculos ad cœlum leváre : sed percutiébat pectus suum, dicens : Deus, propítius esto mihi peccatóri. Dico vobis, descéndit hic justificátus in domum suam ab illo : quia omnis qui se exáltat, humiliábitur : et qui se humiliat, exaltábitur.

Credo.

Offertorium. Ps. 24. Ad te, Dómine, levávi ánimam meam : Deus meus, in te confido, non erubescam : neque irrideant me inimíci mei : étenim univérsi, qui te expéctant, non confundéntur.

Secreta.

TIBI, Dómine, sacrificia dicáta reddántur : quæ sic ad honórem nóminis tui deferénda tribuísti, ut éadem remédia fieri nostra præstáres. Per Dóminum, etc.

Alia Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Ps. 50. Acceptábis sacrificium justitiæ, oblatiónes et holocáusta super altáre tuum, Dómine.

Postcommunio.

QUÆSUMUS, Dómine, Deus noster ; ut, quos divínis reparáre non désinis sacraméntis, tuis non destítuas benígnus auxiliis. Per Dóminum, etc.

Alia Postcommunio. Mundet et múniat, fol. 73*.

Tertia ad libitum.

DOMINICA XI. POST PENTECOSTEN.

Introitus. Ps. 67.

DEUS in loco sancto suo ; Deus, qui inhabitáre facit unánimes in domo : ipse dabit virtútem et fortitúdinem plebi suæ.

Ps. ibid. Exúrgat Deus, et dissipéntur inimíci ejus : et fúgiant qui odérunt eum, à fácie ejus.

V. Glória Patri, etc.

Oratio.

OMNIPOTENS sempitérne Deus, qui abundantia pietátis tuæ et mérita súpplícum excédis et vota : effúnde super nos misericórdiam tuam, ut dimíttas quæ consciéntia métuit, et adjícias quod orátio non præsumit. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Corínthios. 1 Cor. 15.

FRATRES, Notum vobis fácio Evangélium, quod prædicávi vobis, quod et accepístis, in quo et statis, per quod et salvámini : qua ratióne prædicáverim vobis, si tenétis, nisi frustrà credidístis. Trádidí enim vobis in primis, quod et accépi : quóniam Christus mórtuus est pro peccátis nostris secúndum Scriptúras : et quia sepúltus est, et quia resurréxit tértia die secúndum Scriptúras : et quia visus est Cephæ, et post hoc úndecim. Deínde visus est plus quàm quingéntis frátribus simul : ex quibus multi manent usque adhuc, quidam autem dormiérunt. Deínde visus est Jacóbo, deínde Apóstolis ómnibus : novíssimè autem ómnium tanquam abortívo, visus est et mihi. Ego enim sum mínimus Apostolórum, qui non sum dignus vocári Apóstolus, quóniam persecútus sum Ecclésiám Dei. Grátia autem Dei sum id quod sum, et grátia ejus in me vácuá non fuit.

Graduale. Ps. 27. In Deo sperávit cor meum, et adjútus sum : et reflóruit caro mea : et ex voluntáte mea confitébor illi.

V. Ad te, Dómine, clamávi : Deus meus, ne síleas : ne discédas à me.

Allelúia, allelúia. *Ÿ. Ps. 80.*
Exultáte Deo adjutóri nostro, jubi-
láte Deo Jacob : súmíte psalmum
jucúndum cum cíthara. Allelúia.

Sequéntia sancti Evangélíi secún-
dum Marcum. *Marc. 7.*

IN illo témpore : Exiens Jesus
de finibus Tyri, venit per Sidó-
nem ad mare Galilææ inter médios
fines Decapóleos. Et addúcunt ei
surdum et mutum, et deprecabán-
tur eum, ut impónat illi mánus.
Et apprehéndens eum de turba
seórsùm, misit dígitos suos in aurí-
culas ejus : et éxpuiens, tétigit
linguam ejus ; et suspiciens in
cælum, ingémuit, et ait illi : Eph-
phetha, quod est adaperíre. Et
statim apértæ sunt aures ejus, et
solútum est vínculum linguæ ejus,
et loquebátur rectè. Et præcépit
illis, ne cui dicerent. Quantò au-
tem eis præcipiébat, tantò magis
plus prædicábant, et eò ámplíus
admirábantur, dicéntes : Benè óm-
nia fecit : et surdos fecit audíre, et
mutos loquí.

Credo.

Offertorium. Ps. 29. Exaltábo
te, Dómine, quóniam suscepísti me,
nec delectásti inimícos meos super
me : Dómine, clamávi ad te, et
sanásti me.

Secreta.

RESPICE, Dómine, quæsumus,
nostram propítius servitútem :
ut, quod offērimus, sit tibi munus
accéptum ; et sit nostræ fragilitátis
subsídium. Per Dóminum, etc.

Alia Secreta. Exáudi nos, Deus,
fol. 73.*

Tertia ad libitum.

Præfatio de Trinitate, fol. 208.

Communio. Prov. 3. Honóra
Dóminum de tua substántia, et de
primítiis frugum tuárum : et imple-
búntur hórrea tua saturitáte, et
vino torculária redundábunt.

Postcommunio.

SENTIAMUS, quæsumus, Dó-
mine, tui perceptióne sacra-
ménti, subsídium mentis et córpo-
ris : ut in utróque salváti, cœléstis
remédii plenitúdine gloriémur. Per
Dóminum, etc.

Alia Postcommunio. Mundet et
múniat, *fol. 73*.*

Tertia ad libitum.

DOMINICA XII. POST PEN- TECOSTEN.

Introitus. Ps. 69.

DEUS, in adjutórium meum
inténde : Dómine, ad adju-
vándum me festína : confundántur,
et revearéantur inimíci mei, qui quæ-
runt ánimam meam.

Ps. ibid. Avertántur retrórsum,
et erubéscant, qui cógitant mihi
mala.

Ÿ. Glória Patri, etc.

Oratio.

OMNIPOTENS et miséricors
Deus, de cujus múnere venit,
ut tibi à fidélibus tuis dignè et lau-
dábíliter serviátur : tríbue, quæsu-
mus, nobis, ut ad promissiónes tuas
sine offensióne currámus. Per, etc.

Secunda Oratio. A cunctis nos,
fol. 73.*

Tertia ad libitum.

Léctio Epístolæ beáti Pauli Apóstoli
ad Corínthios. *2 Cor. 3.*

FRATRES, Fidúciam talem
habémus per Christum ad

Deum : non quòd sufficiens simus cogitare aliquid à nobis, quasi ex nobis ; sed sufficiencia nostra ex Deo est : qui et idoneos nos fecit ministros novi testamènti, non littera, sed spiritu : littera enim occidit, spiritus autem vivificat. Quòd si ministratio mortis, litteris deformata in lapidibus, fuit in glória ; ita ut non possent intèdere filii Israël in facièm Móysi, propter glóriam vultus ejus, quæ evacuatur : quòmodo non magis ministratio Spiritus erit in glória ? Nam si ministratio damnationis glória est, multò magis abundat ministèrium justitiæ in glória.

Graduale. Ps. 33. Benedicam Dóminum in omni tèmpe : semper laus ejus in ore meo.

V. In Dómino laudabitur ánima mea ; áudiant mansuèti, et lætèntur.

Allelúia, allelúia. *V. Ps. 87.* Dómine Deus salutis meæ, in die clamavi, et nocte coram te. Allelúia.

Sequéntia sancti Evangélíi secundum Lucam. *Luc. 10.*

IN illo tèmpe : Dixit Jesus discipulis suis : Beáti óculi qui vident quæ vos vidétis. Dico enim vobis, quòd multi Prophætæ et reges voluerunt videre quæ vos vidétis, et non viderunt ; et audire quæ auditis, et non audièrunt. Et ecce quidam legisperitus surréxit tentans illum, et dicens : Magister, quid facièndo vitam ætèrnâ possidèbo ? At ille dixit ad eum : In lege quid scriptum est ? quòmodo legis ? Ille respòdens, dixit : Diliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua ; et próximum tuum sicut teipsum. Dixitque illi :

Rectè respondisti : hoc fac, et vives. Ille autem volens justificáre seipsum, dixit ad Jesum : Et quis est meus próximus ? Suscípíens autem Jesus, dixit : Homo quidam descendebat ab Jerúsalem in Jéricho, et incidit in latrónes, qui étiam despoliavérunt eum, et plagis impòsitis abiérunt, semivívo relicto. Accidit autem ut sacérdos quidam descenderet eádem via : et viso illo, præterívit. Simíliter et Levíta, cùm esset secus locum, et vidèret eum, pertransiit. Samaritánus autem quidam iter facièns, venit secus eum : et videns eum, misericórdia motus est. Et apprópians, alligávit vúlnera ejus, infúdens óleum et vinum : et impónens illum in juméntum suum, duxit in stábulum, et curam ejus egit. Et áltera die protulit duos denários, et dedit stabulário, et ait : Curam illíus habe : et quodcúmque supererogáveris, ego, cùm rediero, reddam tibi. Quis horum trium vidétur tibi próximus fuisse illi qui incidit in latrónes ? At ille dixit : Qui fecit misericórdiam in illum. Et ait illi Jesus : Vade, et tu fac simíliter.

Credo.

Offertorium. Exod. 32. Precátus est Móyses in conspèctu Dómini Dei sui, et dixit : Quare, Dómine, irásceris in pópulo tuo ? Parce iræ animæ tuæ : meménto Abraham, Isaac, et Jacob, quibus jurásti dare terram fluéntem lac et mel. Et placátus factus est Dóminus de malignitáte, quam dixit fácere pópulo suo.

Secreta.

HOSTIAS, quæsumus, Dómine, propítius intènde, quas sacris altáribus exhibémus : ut, nobis indulgèntiam largièndo, tuo nómini dent honórem. Per, etc.

Alia Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Ps. 103. De fructu óperum tuórum, Dómine, satiábitur terra : ut edúcas panem de terra, et vinum lætíficet cor hóminis : ut exhílalet faciém in óleo, et panis cor hóminis confirmet.

Postcommunio.

VIVIFICET nos, quæsumus, Dómine, hujus participatio sancta mystérii ; et páriter nobis expiatióem tribuat, et munímen. Per Dóminum, etc.

Secunda Postcommunio. Mundet et múniat, fol. 73*.

Tertia ad libitum.

DOMINICA XIII. POST PENTECOSTEN.

Introitus. Ps. 73.

RESPICE, Dómine, in testaméntum tuum, et ánimas páuperum tuórum ne derelinquas in finem : exúrge, Dómine, et júdica causam tuam : et ne obliviscáris voces quæréntium te.

Ps. ibid. Ut quid, Deus, repulísti in finem : irátus est furor tuus super oves páscuæ tuæ ?

Ÿ. Glória Patri, etc.

Oratio.

OMNIPOTENS sempitérne Deus, da nobis fidei, spei, et charitátis augméntum : et, ut mereámur ássequi quod promíttis, fac nos amáre quod præcipis. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Gálatas. Gal. 3.

FRATRES, Abrahæ dictæ sunt promissiónes, et sémini ejus. Non dicit : Et semínibus, quasi in multis ; sed quasi in uno : Et sémini tuo, qui est Christus. Hoc autem dico, testaméntum confirmátum à Deo : quæ post quadringéntos et triginta annos facta est lex, non irritum facit ad evacuándam promissiónem. Nam si ex lege hæreditas, jam non ex promissióne. Abrahæ autem per repromissiónem donávit Deus. Quid igitur lex ? Propter transgressiónes pósito est, donec veníret semen, cui promiserat, ordináta per Angélos in manu mediátoris. Mediátor autem unius non est : Deus autem unus est. Lex ergo advérsus promissa Dei ? Absit. Si enim data esset lex, quæ posset vivificáre, verè ex lege esset justítia. Sed conclusit Scriptúra ómnia sub peccáto, ut promissio ex fide Jesu Christi darétur credéntibus.

Graduale. Ps. 73. Réspice, Dómine, in testaméntum tuum : et ánimas páuperum tuórum ne obliviscáris in finem.

Ÿ. Exúrge, Dómine, et júdica causam tuam : memor esto opprobrii servórum tuórum.

Allelúia, allelúia. Ÿ. Ps. 89. Dómine, refúgium factus es nobis à generatióne et progénie. Allelúia.

Sequéntia sancti Evangélii secundum Lucam. Luc. 17.

IN illo témpore : Dum iret Jesus in Jerúsalem, transibat per médiam Samariám, et Galilæam. Et cùm ingrederétur quoddam castéllum, occurrérunt ei decem viri leprósi, qui stetérunt à longè ; et levavérunt vocem, dicéntes : Jesu

præceptor, miserere nostri. Quos ut vidit, dixit: Ite, ostendite vos sacerdotibus. Et factum est dum irent, mundati sunt. Unus autem ex illis, ut vidit quia mundatus est, regressus est, cum magna voce magnificans Deum: et cecidit in faciem ante pedes ejus, gratias agens: et hic erat Samaritanus. Respondens autem Jesus, dixit: Nonne decem mundati sunt? et novem ubi sunt? Non est inventus qui rediret, et daret gloriam Deo, nisi hic alienigena. Et ait illi: Surge, vade, quia fides tua te salvum fecit.

Credo.

Offertorium. Ps. 30. In te, Domine, speravi; dixi: Tu es Deus meus: in manibus tuis tempora mea.

Secreta.

PROPITIARE, Domine, populo tuo, propitiare muneribus: ut hac oblatione placatus, et indulgentiam nobis tribuas, et postulata concedas. Per, etc.

Alia Secreta. Exaudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Sap. 16. Panem de cælo dedisti nobis, Domine, habentem omne delectamentum, et omnem saporem suavitatis.

Postcommunio.

SUMPTIS, Domine, cælestibus sacramentis, ad redemptionis æternæ, quæsumus, proficiamus augmentum. Per, etc.

Alia Postcommunio. Mundet et muniat, fol. 73*.

Tertia ad libitum.

DOMINICA XIV. POST PENTECOSTEN.

Introitus. Ps. 83.

PROTECTOR noster aspice, Deus, et respice in faciem Christi tui: quia melior est dies una in atriiis tuis, super millia.

Ps. ibid. Quàm dilècta tabernacula tua, Domine virtutum! Concupiscit, et deficit anima mea in atria Domini.

V. Glória Patri, etc.

Oratio.

CUSTODI, Domine, quæsumus, Ecclesiam tuam propitiatione perpétua: et quia sine te labitur humana mortalitas, tuis semper auxiliis et abstrahatur à noxiis, et ad salutaria dirigatur. Per, etc.

Secunda Oratio. A cunctis nos, fol. 73*.

Tertia ad libitum.

Lectio Epistolæ beati Pauli Apostoli ad Galatas. *Galat. 5.*

FRATRES, Spiritu ambulæte, et desideria carnis non perficietis. Caro enim concupiscit adversus spiritum: spiritus autem adversus carnem: hæc enim sibi invicem adversantur; ut non quæcúmque vultis, illa faciatis. Quod si spiritu ducimini, non estis sub lege. Manifesta sunt autem opera carnis: quæ sunt fornicatio, immunditia, impudicitia, luxuria, idolorum servitus, veneficia, inimicitia, contentiones, æmulationes, iræ, rixæ, dissensiones, sectæ, invidia, homicidia, ebrietates, comessationes, et his similia, quæ prædico vobis, sicut prædixi: quoniam qui

talia agunt, regnum Dei non consequuntur. Fructus autem Spiritus est : caritas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus huiusmodi non est lex. Qui autem sunt Christi, carnem suam crucifixerunt cum vitiis et concupiscentiis.

Graduale. Ps. 117. Bonum est confidere in Domino, quam confidere in homine.

V. Bonum est sperare in Domino, quam sperare in principibus.

Allelúia, allelúia. V. Ps. 94. Venite, exultemus Domino : jubilemus Deo salutari nostro. *Allelúia.*

Sequentia sancti Evangelii secundum Matthæum. *Matth. 6.*

IN illo tempore : Dixit Jesus discipulis suis : Nemo potest duobus dominis servire : aut enim unum odio habebit, et alterum diliget : aut unum sustinebit, et alterum contemnet. Non potestis Deo servire, et mammonæ. Ideo dico vobis, ne solliciti sitis animæ vestræ quid manducetis, neque corpori vestro quid induamini. Nonne anima plus est quam esca, et corpus plus quam vestimentum ? Respiciite volatilia cœli, quoniam non serunt, neque metunt, neque congregant in horrea : et Pater vester cœlestis pascit illa. Nonne vos magis pluris estis illis ? Quis autem vestrum cogitans, potest adjicere ad staturam suam cubitum unum ? Et de vestimento quid solliciti estis ? Considerate lilia agri quomodo crescunt : non laborant, neque nent. Dico autem vobis, quoniam nec Salomon in omni gloria sua coopertus est sicut unum ex istis. Si autem fœnum agri, quod hodie est, et cras in clibanum

mittitur, Deus sic vestit : quanto magis vos modicæ fidei ? Nolite ergo solliciti esse, dicentes : Quid manducabimus, aut quid bibemus, aut quo operiemur ? hæc enim omnia Gentes inquirunt. Scit enim Pater vester quia his omnibus indigetis. Quærite ergo primum regnum Dei, et iustitiam ejus, et hæc omnia adjicientur vobis.

Credo.

Offertorium. Ps. 33. Immittet Angelus Domini in circuitu timendum eum, et eripiet eos : gustate, et videte, quoniam suavis est Dominus.

Secreta.

CONCEDE nobis, Domine, quæsumus ; ut hæc hostia salutaris, et nostrorum fiat purgatio delictorum, et tuæ propitiatio potestatis. Per Dominum, etc.

Alia Secreta. Exaudi nos, Deus, *fol. 73*.*

Tertia ad libitum.

Præfatio de Trinitate, fol. 208.

Communio. Matth. 6. Primum quærite regnum Dei, et omnia adjicientur vobis, dicit Dominus.

Postcommunio.

PURIFICENT semper et muniant tua sacramenta nos, Deus, et ad perpetuæ ducant salvationis effectum. Per, etc.

Secunda Postcommunio. Mundet et muniat, *fol. 73*.*

Tertia ad libitum.

DOMINICA XV. POST PENTECOSTEN.

Introitus. Ps. 85.

INCLINA, Domine, aurem tuam ad me, et exaudi me : salvum

fac servum tuum, Deus meus, sperantem in te : miserere mihi, Dómine, quóniam ad te clamávi tota die.

Ps. ibid. Lætífica ánimam servi tui : quia ad te, Dómine, ánimam meam levávi.

Ÿ. Glória Patri, etc.

Oratio.

ECCLESIAM tuam, Dómine, miserátio continuáta mundet et múniat : et, quia sine te non potest salva consístere, tuo semper múnere gubernétur. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Gálatas. *Gal. 5 et 6.*

FRATRES, Si spíritu vivimus, spíritu et ambulémus. Non efficiámur inánis glóriæ cúpidi, invicem provocántes, invicem invidéntes. Fratres, et si præoccupátus fúerit homo in áliquo delícto, vos, qui spírituáles estis, hujúsmodi instrúite in spíritu lenitátis, consíderans tépsum, ne et tu tentéris. Alter altérius ónera portáte, et sic adimplébitis legem Christi. Nam si quis exístimat se áliquid esse, cùm nihil sit, ipse se sedúcit. Opus autem suum probet unusquisque, et sic in semetípso tantùm glóriam habébit, et non in áltero. Unusquisque enim onus suum portábit. Commúnicet autem, is qui catechizátur verbo, ei qui se catechizat, in ómnibus bonis. Nolíte erráre : Deus non irridétur. Quæ enim semináverit homo, hæc et metet. Quóniam qui séminat in carne sua, de carne et metet corruptiónem : qui autem séminat in spíritu, de spíritu metet vitam ætérnam. Bonum autem faciéntes, non deficiámus : témpore enim suo me-

témus, non deficiéntes. Ergo dum tempus habémus, operémur bonum ad omnes, máximè autem ad domésticos fidei.

Graduale. Ps. 91. Bonum est confitéri Dómino, et psállere nómini tuo, Altissime.

Ÿ. Ad annuntiándum manè misericórdiam tuam, et veritátem tuam per noctem.

Allelúia, allelúia. *Ÿ. Ps. 94.* Quóniam Deus magnus Dóminus, et Rex magnus super omnem terram. Allelúia.

Sequéntia sancti Evangélíi secúndum Lucam. *Luc. 7.*

IN illo témpore : Ibat Jesus in civitátem, quæ vocátur Naím : et ibant cum eo discípuli ejus, et turba copiósá. Cùm autem appropinquáret portæ civitátis, ecce defúnctus efferebátur filius únicus matris suæ : et hæc vídua erat : et turba civitátis multa cum illa. Quam cùm vidisset Dóminus, misericórdia motus super eam, dixit illi : Noli flere. Et accéssit, et tétigit lóculum. (Hi autem qui portábant, steterunt). Et ait : Adolés-cens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes timor ; et magnificábant Deum, dicéntes : Quia Prophéta magnus surrêxit in nobis ; et quia Deus visitávit plebem suam.

Credo.

Offertorium. Ps. 39. Expéc-tans expectávi Dóminum, et respéxit me : et exaudivit deprecatió-nem meam, et immísit in os meum cánticum novum, hymnum Deo nostro.

Secreta.

TUA nos, Dómine, sacraménta custódiant, et contra diabóli-

cos semper tueantur incursus. Per
Dóminum, etc.

Alia Secreta. Exáudi nos, Deus,
fol. 73*.

Tertia ad libitum.

Præfatio de Trinitate, fol. 208.

Communio. Joann. 6. Panis,
quem ego dédero, caro mea est pro
sæculi vita.

Postcommunio.

MENTES nostras et cõrpora
possideat, quæsumus, Dómi-
ne, doni cœlestis operatio : ut non
noster sensus in nobis, sed júgiter
ejus prævéniat effectus. Per, etc.

Alia Postcommunio. Mundet et
múniat, fol. 73*.

Tertia ad libitum.

DOMINICA XVI. POST PEN- TECOSTEN.

Introitus. Ps. 85.

MISERERE mihi, Dómine,
quóniam ad te clamávi tota
die : quia tu, Dómine, suávis ac
mitis es, et copiosus in misericórdia
omnibus invocántibus te.

Ps. ibid. Inclína, Dómine, au-
rem tuam mihi, et exáudi me :
quóniam inops et pauper sum ego.

V. Glória Patri, et Fílio, etc.

Oratio.

TUA nos, quæsumus, Dómine,
grátia semper et prævéniat et
sequátur, ac bonis opéribus júgiter
præstet esse inténtos. Per, etc.

Secunda Oratio. A cunctis nos,
fol. 73*.

Tertia ad libitum.

Léctio Epístolæ beáti Pauli Apóstoli
ad Ephésios. *Ephes. 3.*

FRATRES, Obsecro vos, ne
deficiátis in tribulatiõibus
meis pro vobis, quæ est glória ves-
tra. Hujus rei grátia, flecto gēnu-
a mea ad Patrem Dómini nostri Jesu
Christi, ex quo omnis patérnitas in
cœlis et in terra nominátur, ut det
vobis secúndum divítias glóriæ suæ,
virtúte corroborári per Spíritum
ejus in interiorem hóminem, Chris-
tum habitáre per fidem in córdibus
vestris : in charitáte radicáti et fun-
dáti, ut possitis comprehendere cum
omnibus sanctis, quæ sit latitúdo,
et longitúdo, et sublimitas, et pro-
fúndum : scire étiam supereminén-
tem sciéntiæ charitátem Christi, ut
impleámini in omnem plenitúdinem
Dei. Ei autem qui potens est óm-
nia fácere superabundánte quàm
pétimus aut intelligimus, secúndum
virtútem, quæ operátur in nobis :
ipsi glória in Ecclésia, et in Chris-
to Jesu, in omnes generatiões sæ-
culi sæculórum. Amen.

Graduale. Ps. 101. Timébunt
gentes nomen tuum, Dómine, et
omnes reges terræ glóriam tuam.

V. Quóniam ædificávit Dóminus
Sion, et vidébitur in majestáte sua.

Allelúia, allelúia. *V. Ps. 97.*
Cantáte Dómino cánticum novum,
quia mirabilia fecit Dóminus. Al-
lelúia.

Sequéntia sancti Evangélíi secún-
dum Lucam. *Luc. 14.*

IN illo témpore : Cùm intráret
Jesus in domum cujúsdam prín-
cipis Pharisæórum Sábbato mandu-
cáre panem, et ipsi observábant
eum. Et ecce homo quidam hy-
drópicus erat ante illum. Et res-
póndens Jesus, dixit ad Legisperítos
et Pharisæos, dicens : Si licet Sá-
b-

bato curare? At illi tacuerunt. Ipse verò apprehensum, sanavit eum, ac dimisit. Et respondens ad illos, dixit: Cujus vestrum asinus aut bos in puteum cadet, et non continuò extrahet illum die Sabbati? Et non poterant ad hæc respondere illi. Dicebat autem et ad invitatos parabolam, intendens quomodo primos accubitus eligerent, dicens ad illos: Cùm invitatus fueris ad nuptias, non discumbas in primo loco, ne fortè honoratior te sit invitatus ab illo; et veniens is, qui te et illum vocavit, dicat tibi: Da huic locum; et tunc incipias cum rubore novissimum locum tenere. Sed cùm vocatus fueris, vade, recumbe in novissimo loco: ut, cùm venerit qui te invitavit, dicat tibi: Amice, ascende superius. Tunc erit tibi gloria coram simul discumbentibus: quia omnis qui se exultat, humiliabitur; et qui se humiliat, exaltabitur.

Credo.

Offertorium. Ps. 39. Domine, in auxilium meum respice: confundantur et revereantur qui quaerunt animam meam, ut auferant eam: Domine, in auxilium meum respice.

Secreta.

MUNDA nos, quaesumus, Domine, sacrificii praesentis effectu: et perfice miseratus in nobis, ut ejus mereamur esse participes. Per Dominum, etc.

Secunda Secreta. Exaudi nos, Deus, fol. 73*.

Tertia ad libitum.

Praefatio de Trinitate, fol. 208.

Communio. Ps. 70. Domine, memorabor justitiae tuae solius: Deus, docuisti me à juventute mea, et

usque in senectam et senium, Deus, ne derelinquas me.

Postcommunio.

PURIFICA, quaesumus, Domine, mentes nostras benignus, et renova caelestibus sacramentis: ut consequenter et corporum praesens pariter, et futurum capiamus auxilium. Per Dominum, etc.

Secunda Postcommunio. Mundet et muniat, fol. 73*.

Tertia ad libitum.

DOMINICA XVII. POST PENTECOSTEN.

Introitus. Ps. 118.

JUSTUS es, Domine, et rectum judicium tuum: fac cum servo tuo secundum misericordiam tuam.

Ps. ibid. Beati immaculati in via, qui ambulant in lege Domini.

V. Gloria Patri, et Filio, etc.

Oratio.

DA, quaesumus, Domine, populo tuo diabolica vitare contagia, et te solum Deum pura mente sectari. Per Dominum, etc.

Secunda Oratio. A cunctis nos, fol. 73*.

Tertia ad libitum.

Lectio Epistolae beati Pauli Apostoli ad Ephesios. *Ephes. 4.*

FRATRES, Obsecro vos ego vinctus in Domino, ut dignè ambulétis vocatione qua vocati estis, cum omni humilitate, et mansuetudine, cum patientia, supportantes invicem in caritate, solliciti servare unitatem spiritus in vinculo pacis. Unum corpus, et unus spi-

ritus, sicut vocáti estis in una spe vocatiónis vestræ. Unus Dóminus, una fides, unum baptisma. Unus Deus et Pater ómnium, qui est super omnes, et per ómnia, et in ómnibus nobis. Qui est benedictus in sæcula sæculórum. Amen.

Graduale. Ps. 32. Beáta gens, cujus est Dóminus Deus eórum : pópulus, quem elégit Dóminus in hæreditátem sibi.

Ÿ. Verbo Dómini cœli firmáti sunt : et Spíritu oris ejus omnis virtus eórum.

Allelúia, allelúia. Ÿ. *Ps. 101.* Dómine, exáudi oratiónem meam, et clamor meus ad te perveniat. Allelúia.

Sequéntia sancti Evangélíi secúndum Matthæum. *Matth. 22.*

IN illo témpore : Accessérunt ad Jesum Pharisei, et interrogávit eum unus ex eis legis doctor, tentans eum : Magíster, quod est mandátum magnum in lege ? Ait illi Jesus : Diliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum et primum mandátum. Secúndum autem símile est huic : Diliges próximum tuum sicut teípsum. In his duóbus mandátis universa lex pendet, et Prophétæ. Congregátis autem Phariseis, interrogávit eos Jesus, dicens : Quid vobis vidétur de Christo ? cujus filius est ? Dicunt ei : David. Ait illis : Quómodo ergo David in spíritu vocat eum Dóminum, dicens : Dixit Dóminus Dómino meo : Sede à dextris meis, donec ponam inimicos tuos scabellum pedum tuórum ? Si ergo David vocat eum Dóminum, quómodo filius ejus est ? et nemo póterat ei respondére verbum : ne-

que ausus fuit quisquam ex illa die eum ámpliùs interrogáre.

Credo.

Offertorium. Dan. 9. Orávi Deum meum ego Dániel, dicens : Exáudi, Dómine, preces servi tui : illúmina fáciem tuam super sanctuárium tuum, et propítius inténde pópulum istum, super quem invocátum est nomen tuum, Deus.

Secreta.

MAJESTATEM tuam, Dómine, suppliciter deprecámur ; ut hæc sancta, quæ gérimus, et à prælérítis nos delictis éxuant, et futúris. Per Dóminum, etc.

Secunda Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Ps. 75. Vovéte, et réddite Dómino Deo vestro, omnes qui in circúitu ejus affértis múnera : terríbili, et ei qui aufert spíritum princípum : terríbili apud omnes reges terræ.

Postcommunio.

SANCTIFICATIONIBUS tuis, omnípotens Deus, et vítia nostra curéntur, et remédia nobis æterna provéniant. Per, etc.

Secunda Postcommunio. Mundet et múniat, fol. 73*.

Tertia ad libitum.

FERIA QUARTA QUATUOR TEMPORUM SEPTEMBRIS.

Statio ad Sanctam Mariam Majorem.

Introitus. Ps. 80.

EXULTATE Deo adjutóri nostro, jubiláte Deo Jacob : sú-

mite psalmum jucundum cum cithara : cante in initio mensis tuba, quia præceptum in Israël est, et iudicium Deo Jacob.

Ps. ibid. Testimonium in Joseph posuit illud, cum exiret de terra Ægypti : linguam, quam non noverat, audivit.

V. Glória Patri, et Filio, etc.

Post Kyrie, eléison, dicitur Orémus. Flectamus genua.

R. Leváte.

Oratio.

MISERICORDIÆ tuæ remediis, quæsumus, Dómine, fragilitas nostra subsistat : ut, quæ sua conditione attéritur, tua clementia reparétur. Per Dóminum, etc.

Lectio Amos Prophætæ. *Amos 9.*

HÆC dicit Dóminus Deus : Ecce dies veniunt : et comprehendet arátor messórem, et calcátor uvæ mittentem semen : et stillábunt montes dulcedinem, et omnes colles culti erunt. Et convertam captivitatem populi mei Israël : et ædificábunt civitates desértas, et inhabitábunt : et plantábunt vineas, et bibent vinum earum : et facient hortos, et comedent fructus eorum. Et plantábo eos super humum suam : et non evellam eos ultra de terra sua, quam dedi eis, dicit Dóminus Deus tuus.

Graduale. Ps. 112. Quis sicut Dóminus Deus noster, qui in altis habitat : et humília respicit in cælo et in terra.

V. Súscitans à terra inopem, et de stercore érigenz páuperem.

Hic dicitur Dóminus vobiscum, sine Flectamus genua.

Orémus.

Oratio.

PRÆSTA, quæsumus, Dómine, familiæ tuæ supplicanti : ut,

dum à cibis corporálibus se abstinet, à vitiis quoque mente jejúnet. Per Dóminum, etc.

Secunda Oratio. A cunctis nos fol. 73*.

Tertia ad libitum.

Lectio libri Esdræ.

Neh. vel 2 Esd. 8.

IN diébus illis : Congregátus est omnis populus quasi vir unus, ad platéam quæ est ante portam aquarum : et dixerunt Esdræ scribæ ut afferret librum legis Moysi, quam præcéperat Dóminus Israël. Attulit ergo Esdras sacérdos legem coram multitudíne virórum et mulierum, cunctisque qui póterant intelligere, in die prima mensis septimi. Et legit in eo apértè in platéa, quæ erat ante portam aquarum, de manè usque ad médiam diem, in conspéctu virórum, et mulierum, et sapiéntium : et aures omnis populi eréctæ ad librum. Stetit autem Esdras scriba super gradum ligneum, quem fécerat ad loquéndum. Et apéruit librum coram omni populo : super univérsum quippe populum eminébat : et cum aperuisset eum, stetit omnis populus. Et benedixit Esdras Dómino Deo magno : et respóndit omnis populus : Amen, amen : élevans manus suas. Et incurváti sunt, et adoravérunt Deum proni in terram. Porrò Levítæ siléntium faciébant in populo ad audiéndam legem : populus autem stabat in gradu suo. Et legérunt in libro legis Dei distinctè, et apértè ad intelligéndum : et intellexérunt cum legerétur. Dixit autem Nehemías, et Esdras sacérdos et scriba, et Levítæ interpretántes univérso populo : Dies sanctificátus est Dómino Deo nostro : nolíte lugére, et nolíte flere. Et dixit eis : Ite, comedite pinguia,

et bibite mulsum, et mittere partes his qui non pręparaverunt sibi : quia sanctus dies Dómini est : et nolite contristari : gaudium etenim Dómini est fortitudo nostra.

Graduale. Ps. 32. Beata gens cujus est Dóminus Deus eorum : populus quem elegit Dóminus in hereditatem sibi.

V. Verbo Dómini cęli firmati sunt, et Spírítu oris ejus omnis virtus eorum.

Sequéntia sancti Evangélíi secundum Marcum. *Marc. 9.*

IN illo tēpore : Respóndens unus de turba, dixit ad Jesum : Magister, attuli filium meum ad te habentem spírítum mutum, qui ubicumque eum apprehenderit, allidit illum, et spumat, et stridet dentibus, et aréscit : et dixi discipulis tuis ut ejicerent illum, et non potuerunt. Qui respóndens eis, dixit : O generatio incrédula, quāmdiu apud vos ero ? quāmdiu vos pátiar ? Afferte illum ad me. Et attulerunt eum. Et cū vidisset eum, statim spírítus conturbávit illum : et elísus in terram, volutabátur spumans. Et interrogávit patrem ejus : Quantum tēporis est ex quo ei hoc accidit ? At ille ait : Ab infántia : et frequenter eum in ignem, et in aquas misit, ut eum pēderet : sed si quid potes, ádjuva nos, misértus nostrí. Jesus autem ait illi : Si potes credere, ómnia possibília sunt credenti. Et continud exclámans pater púeri, cum lácrymis aiébat : Credo, Dómine : ádjuva incredulitatem meam. Et cū vidéret Jesus concurrētem turbam, comminátus est spírítui immúndo, dicens illi : Surde et mute spírítus, ego præcípí tibi, exi ab eo, et amplíus ne intróeas in eum. Et exclámans, et multum discerpens eum, éxiit ab eo, et factus est sicut mórtuus, ita ut multi

dicerent : Quia mórtuus est. Jesus autem tenens manum ejus, elevávit eum, et surrexit. Et cū introisset in domum, discipuli ejus secrétò interrogábant eum : Quare nos non potuimus ejicere eum ? Et dixit illis : Hoc genus in nullo potest exíre, nisi in oratióne et jejúnio.

Offertorium. Ps. 118. Meditabor in mandátis tuis, quę diléxi valdè : et levábo manus meas ad mandáta tua, quę diléxi.

Secreta.

HÆC hóstia, Dómine, quæsumus, emúndet nostra delicta ; et ad sacrificium celebrándum, subditórum tibi cōpōra mentesque sanctíficet. Per Dóminum, etc.

Alia Secreta. Exáudi nos, fol. 73*.

Tertia ad libitum.

Communio. 2 Esdr. 8. Comédite pínguia, et bibite mulsum, et mittere partes his qui non pręparaverunt sibi : sanctus enim dies Dómini est, nolite contristari : gaudium etenim Dómini est fortitudo nostra.

Postcommunio.

SUMENTES, Dómine, dona cęlestia, suppliciter deprecámur ; ut, quę sédula servitute donante te gérimus, dignis sēnsibus tuo múnere capiámus. Per, etc.

Alia Postcommunio. Mundet et múniat, fol. 73*.

Tertia ad libitum.

FERIA SEXTA QUATUOR TEMPORUM SEPTEMBRIS.

Statio ad Sanctos duodecim Apostolos.

Introitus. Ps. 104.

LÆTETUR cor quæréntium Dóminum : quæríte Dóminum,

et confirmámini: quærite faciẽm ejus semper.

Ps. ibid. Confitẽmini Dómino, et invocáte nomen ejus: annuntiáte inter gentes ópera ejus.

V. Glória Patri, et Filio, etc.

Oratio.

PRÆSTA, quæsumus, omnípotens Deus, ut observatiões sacras ánnua devotiõe recolẽtes, et córpore tibi placeámus, et mente. Per Dóminum, etc.

Secunda Oratio. A cunctis nos, *fol. 73*.*

Tertia ad libitum.

Lectio Osée Prophætæ. *Osee 14.*

HÆC dicit Dóminus Deus: Convértere, Israël, ad Dóminum Deum tuum: quóniam corrusti in iniquitáte tua. Tóllite vobiscum verba, et convertimini ad Dóminum, et dicite ei: Omnem aufer iniquitátem, áccipe bonum: et reddẽmus vítulos labiórũ nostrórum. Assur non salvábit nos, super equum non ascendẽmus, nec dicẽmus ultrà: Dei nostri ópera mánuum nostrárum: quia ejus qui in te est, miseréberis pupílli. Sanábo contritiões eórum, diligam eos spontáneè: quia aversus est furor meus ab eis. Ero quasi ros; Israël germinábit sicut lílium, et erumpet radix ejus ut Líbani. Ibunt rami ejus, et erit quasi olíva glória ejus, et odor ejus ut Líbani. Convertẽntur sedẽtes in umbra ejus: vivent tritico, et germinábunt quasi vínea: memoriále ejus sicut vinum Líbani. Ephraïm quid mihi ultra idóla? Ego exáudiam, et dirigam eum ego ut abietem virẽtem: ex me fructus tuus invẽtus est. Quis sapiens, et intélliget ista? intélligens, et sciet hæc? quia rectæ viæ

Dómini, et justi ambulábunt in eis: prævaricátore verò córruent in eis.

Graduale. Ps. 89. Convértere, Dómine, aliquántulũ, et deprecáre super servos tuos.

V. Dómine, refúgium factus es nobis à generatiõe et progénie.

Sequẽntia sancti Evangélli secúndum Lucam. *Luc. 7.*

IN illo témpore: Rogábat Jesum quidam de Pharisæis, ut manducáret cum illo. Et ingrẽssus domum Pharisæi, discúbuit. Et ecce múlter, quæ erat in civitatẽ peccátrix, ut cognóvit quòd accubisset in domo Pharisæi, áttulit alabástrum unguẽti: et stans retrò secus pedes ejus, lácrymis cœpit rigáre pedes ejus, et capillis cápitis sui tergébat, et osculabátur pedes ejus, et unguẽto unguébat. Videns autem Pharisæus, qui vocáverat eum, ait intra se, dicens: Hic, si esset Prophéta, sciret útique quæ et qualis est múlter quæ tangit eum: quia peccátrix est. Et respóndens Jesus, dixit ad illum: Simon, hábeo tibi áliquid dicere. At ille ait: Magíster, dic. Duo debitóres erant cuídã fœneratóri: unus debébat denários quingẽntos, et álius quinquaginta. Non habẽntibus illis unde rédderent, donávit utrisque. Quis ergo eum plus diligit? Respóndens Simon, dixit: Æstimo quia is cui plus donávit. At ille dixit ei: Rectè judicásti. Et convẽrsus ad mulierem, dixit Simóni: Vides hanc mulierem? Intrávi in domum tuam, aquam pédibus meis non dedísti: hæc autem lácrymis rigávit pedes meos, et capillis suis tersit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguẽto unxit pedes meos. Propter

quod dico tibi : Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata. Et cœperunt qui simul accumbébant dicere intra se : Quis est hic, qui etiam peccata dimittit ? Dixit autem ad mulierem : Fides tua te salvam fecit : vade in pace.

Offertorium. Ps. 102. Bénedic, ánima mea, Dómino, et noli oblivísci omnes retributiónes ejus : et renovábitur sicut áquilæ juvéntus tua.

Secreta.

ACCEPTA tibi sint, Dómine, quæsumus, nostri dona jejúnii : quæ et expiándo nos tua grátia dignos efficiant, et ad sempitérna promissa perdúcant. Per, etc.

Alia Secreta. Exáudi nos, Deus, fol. 73*.

Tertia ad libitum.

Communio. Ps. 118. Aufer à me oppróbrium et contéptum, quia mandata tua exquisivi, Dómine : nam et testimónia tua, meditatio mea est.

Postcommunio.

QUÆSUMUS, omnipotens Deus, ut de percéptis munéribus grátias exhibéntes, beneficia potióra sumámus. Per, etc.

Alia Postcommunio. Mundet et múniat, fol. 73*.

Tertia ad libitum.

SABBATO QUATUOR TEMPORUM SEPTEMBRIS.

Statio ad S. Petrum.

Introitus. Ps. 94.

VENITE, adorémus Deum, et procidámus ante Dóminum ;

2 N

plorémus ante eum qui fecit nos : quia ipse est Dóminus Deus noster.

Ps. 94. Veníte, exultémus Dómino, jubilémus Deo salutári nostro.

V. Glória Patri, etc.

Post Kyrie, eléison, dicitur Orémus. Flectámus génua.

R. Leváte.

Oratio.

OMNIPOTENS sempitérne Deus, qui per continéntiam salutárem corpóribus medéris et méntibus : majestátem tuam súpplices exorámus ; ut, pia jejunántium deprecatione placátus, et præséntia nobis subsidia tríbuas, et futúra. Per Dóminum, etc.

Lectio libri Levítico. Lev. 23.

IN diébus illis : Locútus est Dóminus ad Móysen, dicens : Décimo die mensis hujus séptimi, dies expiatiónum erit celebérrimus, et vocábitur sanctus : affligetisque ánimas vestras in eo, et offerétis holocáustum Dómino. Omne opus servile non faciétis in témpore diéi hujus : quia dies propitiatiónis est, ut propitiétur vobis Dóminus Deus vester. Omnis ánima, quæ afflícta non fúerit die hac, peribit de pópulis suis : et quæ óperis quidpiam fécerit, delébo eam de pópulo suo. Nihil ergo óperis faciétis in eo : legítimum sempitérnum erit vobis in cunctis generatióibus, et habitatióibus vestris. Sábbatum requietiúnis est, et affligétis ánimas vestras die nono mensis. A véspera usque ad vésperam celebrábitis Sábbata vestra : dicit Dóminus omnipotens.

Graduale. Ps. 78. Propítius esto, Dómine, peccátis nostris : nequándo dicant gentes : Ubi est Deus eórum ?

V. Adjuva nos, Deus, salutáris noster : et propter honórem nóminis tui, Dómine, libera nos.

Orémus. Flectámus génuá.

R. Leváte.

Oratio.

DA nobis, quæsumus, omnípotens Deus, ut jejunádo, tua grátia satiémur ; et abstinédo, cunctis efficiámur hóstibus fortióres. Per Dóminum, etc.

Léctio libri Levítici. *Levit. 23.*

IN diébus illis : Locútus est Dóminus ad Móysen, dicens : A quintodécimo die mensis séptimi, quando congregavéritis omnes fructus terræ vestræ, celebrábitis férias Dómini septem diébus. Die primo et die octavo erit Sábbatum, id est réquies. Sumetisque vobis die primo fructus árboris pulchérissimæ, spatuláque palmárum, et ramos ligni densárum fróndium, et sálices de torrén-te, et lætabímini coram Dómino Deo vestro. Celebrabitisque solemnitátem ejus septem diébus per annum : legítimum sempitérnum erit in generatióibus vestris. Mense séptimo festa celebrábitis, et habitábitis in umbráculis septem diébus. Omnis qui de genere est Israël, manébit in tabernáculis : ut discant pósteri vestri, quòd in tabernáculis habitáre fécerim filios Israël, cùm edúcerem eos de terra Ægypti. Ego Dóminus Deus vester.

Graduale. Ps. 83. Protéctor noster, áspice, Deus : et réspice super servos tuos.

V. Dómine, Deus virtútum, exáudi preces servórum tuórum.

Orémus. Flectámus génuá.

R. Leváte.

Oratio.

TUERE, quæsumus, Dómine, familiam tuam : ut salutis æternæ remédia, quæ te inspiránte requirimus, te largién-te consequámur. Per Dóminum, etc.

Léctio Michææ Prophétæ.

Mich. 7.

DOMINE, Deus noster, pasce pópulum tuum in virga tua, gregem hæreditátis tuæ, habitántes solos in saltu, juxta dies antíquos. Vidébunt gentes, et confundéntur super omni fortitúdine sua. Quis, Deus, similis tui, qui aufers iniquitátem, et transis peccátum reliquiarum hæreditátis tuæ ? Non immittet ultrà furórem suum, quóniam volens misericórdiam est. Revertétur, et miserébitur nostri : depónet iniquitátes nostras, et projiciet in profúndum maris ómnia peccáta nostra. Dabis veritátem Jacob, misericórdiam Abraham : quæ jurásti pátribus nostris à diébus antíquis : Dómine, Deus noster.

Graduale. Ps. 89. Convértere, Dómine, aliquántulùm, et deprecáre super servos tuos.

V. Dómine, refúgium factus es nobis à generatióne et progénie.

Orémus. Flectámus génuá.

R. Leváte.

Oratio.

PRÆSTA, quæsumus, Dómine, sic nos ab épulis abstinére carnálibus, ut à vítiis irruéntibus páriter jejunémus. Per, etc.

Léctio Zachariæ Prophétæ.

Zach. 8.

IN diébus illis : Factum est verbum Dómini ad me, dicens : Hæc dicit Dóminus exercítuum :

Sicut cogitavi ut affligerem vos, cum ad iracundiam provocassent patres vestri me, dicit Dominus, et non sum misertus: sic conversus cogitavi in diebus istis, ut beneficium domui Juda, et Jerusalem: nolite timere. Hæc sunt ergo verba, quæ faciétis: Loquimini veritatem unusquisque cum proximo suo: veritatem, et iudicium pacis iudicâte in portis vestris. Et unusquisque malum contra amicum suum ne cogitétis in cordibus vestris, et iuramentum mendax ne diligátis: omnia enim hæc sunt quæ odi, dicit Dominus. Et factum est verbum Domini exercituum ad me, dicens: hæc dicit Dominus exercituum: Jejúnium quarti, et jejúnium quinti, et jejúnium séptimi, et jejúnium décimi erit domui Juda in gáudium et lætítiam, et in solemnitates præcláras: veritatem tantum, et pacem diligite: dicit Dominus exercituum.

Graduale. Ps. 140. Dirigátur oratio mea, sicut incensum in conspectu tuo, Domine.

V. Elevatio mánuum meárum sacrificium vespertinum.

Orémus. Flectámus génua.

R. Leváte.

Oratio.

UT nobis, Domine, tribuis solemne tibi deferre jejúnium: sic nobis, quæsumus, indulgentiæ præsta subsidium. Per, etc.

Lectio Daniélis Prophætæ. *Dan. 3.*

IN diebus illis: Angelus Domini descendit cum Azaría et sóciis ejus in fornacem: et excussit flammam ignis de fornace, et fecit médium fornacis quasi ventum roris flantem. Flamma autem effundebatur super fornacem cúbitis qua-

draginta novem: et erúpit, et incendit quos réperit juxta fornacem de Chaldæis ministros regis, qui eam incendebant. Et non tétigit eos omnínò ignis, neque contristávit, nec quidquam moléstiae intulit. Tunc hi tres quasi ex uno ore laudábant, et glorificábant, et benedicébant Deum in fornace, dicétes:

Hic non respondetur Deo grátias.

Hymnus. Ibidem.

BENEDICTUS es, Domine, Deus patrum nostrorum. Et laudábilis et gloriósus in sæcula.

Et benedictum nomen glóriæ tuæ, quod est sanctum. Et laudábile et gloriósum in sæcula.

Benedictus es in templo sancto glóriæ tuæ. Et laudábilis et gloriósus in sæcula.

Benedictus es super thronum sanctum regni tui. Et laudábilis et gloriósus in sæcula.

Benedictus es super sceptrum divinitatis tuæ. Et laudábilis et gloriósus in sæcula.

Benedictus es qui sedes super Chérubim, intuens abyssos. Et laudábilis et gloriósus in sæcula.

Benedictus es qui ámbulas super pennas ventórum, et super undas maris. Et laudábilis et gloriósus in sæcula.

Benedicant te omnes Angeli, et sancti tui. Et laudent te et glorificent in sæcula.

Benedicant te cœli, terra, mare, et ómnia quæ in eis sunt. Et laudent te, et glorificent in sæcula.

Glória Patri, et Filio, et Spiritui sancto. Et laudábili et glorióso in sæcula.

Sicut erat in principio, et nunc, et semper, et in sæcula sæculórum. Amen. Et laudábili et glorióso in sæcula.

Benedictus es, Domine, Deus

patrum nostrorum. Et laudabilis et gloriósus in sæcula.

Hic dicitur V. Dóminus vobiscum, *sine* Flectámus génua.

Oratio.

DEUS, qui tribus púeris mití-gásti flammam ignium, concé-de propítius; ut nos fámulos tuos non exúrat flamma vitiorum. Per Dóminum, etc.

Secunda Oratio. A cunctis nos, *fol. 73**.

Tertia ad libitum.

Léctio Epistolæ beáti Pauli Apóstoli ad Hebræos. *Hebr. 9.*

FRATRES, Tabernáculum factum est primum, in quo erant candelábra, et mensa, et propositio panum, quæ dicitur Sancta. Post velaméntum autem secúndum, tabernáculum, quod dicitur Sancta sanctorum; áureum habens thuríbulum, et arcam testaménti circumtéctam ex omni parte auro, in qua urna áurea habens manna, et virga Aaron quæ frondúerat, et tábulæ testaménti; supérque eam erant Chérubim glóriæ obumbrántia propitiatórium: de quibus non est modò dicéndum per singula. His verò ita compósitis, in prióri quidem tabernáculo semper introibant sacerdotes, sacrificiorum officia consummántes: in secúndo autem semel in anno solus Póntifex, non sine ságuine, quem offert pro sua et pópuli ignorántia: hoc significánte Spíritu sancto, nondum propalátam esse sanctorum viam, adhuc prióre tabernáculo habénte statum; quæ parábola est témporis instántis: juxta quam múnera, et hóstiæ offerúntur, quæ non possunt juxta consciéntiam perféctum fácere serviéntem, solúmmodò in cibis, et

in pótibus, et váriis baptismátibus, et justitiis carnis usque ad témpus correctiónis impósitis. Christus autem assistens Póntifex futurorum bonorum, per ámplius et perféctius tabernáculum non manufactum, id est, non hujus creatiónis; neque per ságuinem hircórum aut vitulórum, sed per próprium ságuinem introívit semel in Sancta, æténa redemptióne invénta.

Tractus. Ps. 116. Laudáte Dóminum, omnes gentes: et collaudáte eum, omnes pópuli.

V. Quóniam confirmáta est super nos misericórdia ejus, et véritas Dómini manet in ætérnum.

Sequéntia sancti Evangélíi secúndum Lucam. *Luc. 13.*

IN illo témpore: Dicébat Jesus turbis hanc similitúdinem: Arborem fici habébat quidam plantátam in vénea sua, et venit quærens fructum in illa, et non invénit. Dixit autem ad cultórem véneæ: Ecce anni tres sunt ex quo vénio quærens fructum in ficúlnea hac, et non invénio: succíde ergo illam: ut quid étiam terram óccupat? At ille respóndens, dicit illi: Dómine, dimítte illam et hoc anno, usque dum fódiam circa illam, et mittam stércora: et si quidem fécerit fructum; sín autem, in futúrum succídes eam. Erat autem docens in synagóga eórum Sábbatis. Et ecce múlíer quæ habébat spíritum infirmitátis annis decem et octo: et erat inclináta, nec omnínò póterat sursùm respícere. Quam cùm víderet Jesus, vocávit eam ad se, et ait illi: Múlíer, dimissa es ab infirmitáte tua. Et impósuit illi manus, et conféstim erécta est, et glorificábat Deum. Respóndens autem archisynagógus, indignans quia Sábbato curáset Jesus, dicébat tur-

bæ : Sex dies sunt in quibus oportet operari : in his ergo venite, et curamini, et non in die Sabbati. Respondens autem ad illum Dominus dixit : Hypocritæ, unusquisque vestrum Sabbato non solvit bovem suum, aut asinum à præsepio, et ducit ad aquam ? Hanc autem filiam Abraham, quam alligavit satanas, ecce decem et octo annis, non oportuit solvi à vinculo isto die Sabbati ? Et cum hæc diceret, erubescébant omnes adversarii ejus : et omnis populus gaudébat in universis quæ gloriósè fiébant ab eo.

Offertorium. Ps. 87. Domine, Deus salutis meæ, in die clamavi, et nocte coram te : intret oratio mea in conspectu tuo, Domine.

Secreta.

CONCEDE, quæsumus, omnipotens Deus ; ut oculis tuæ majestatis munus oblatum, et gratiam nobis devotionis obtineat, et effectum beatæ perennitatis acquirat. Per Dominum, etc.

Alia Secreta. Exaudi nos, Deus, fol. 73*.

Tertia ad libitum.

Communio. Levit. 23. Mense septimo festa celebrabitis, cum in tabernaculis habitare fecerim filios Israël, cum educerem eos de terra Ægypti, ego Dominus Deus vester.

Postcommunio.

PERFICIENT in nobis, Domine, quæsumus, tua sacramenta quod continent : ut, quæ nunc specie gerimus, rerum veritate capiamus. Per Dominum, etc.

Alia Postcommunio. Mundet et muniat, fol. 73*.

Tertia ad libitum.

DOMINICA XVIII. POST PENTECOSTEN.

Introitus. Eccl. 36.

DA pacem, Domine, sustinentibus te, ut Prophætæ tui fideles inveniántur : exaudi preces servi tui, et plebis tuæ Israël.

Ps. 121. Lætatus sum in his quæ dicta sunt mihi : in domum Domini ibimus.

Ÿ. Glória Patri, etc.

Oratio.

DIRIGAT corda nostra, quæsumus, Domine, tuæ miserationis operatio : quia tibi sine te placere non possumus. Per, etc.

Secunda Oratio. A cunctis nos, fol. 73*.

Tertia ad libitum.

Lectio Epistolæ beati Pauli Apostoli ad Corinthios. 1 Cor. 1.

FRATRES, Grátias ago Deo meo semper pro vobis in grátia Dei, quæ data est vobis in Christo Jesu : quòd in omnibus dívites facti estis in illo, in omni verbo, et in omni sciéntia : sicut testimónium Christi confirmátum est in vobis : ita ut nihil vobis desit in ulla grátia, expectántibus revelatióem Domini nostri Jesu Christi, qui et confirmábit vos usque in finem sine crimine, in die advéntus Domini nostri Jesu Christi.

Graduale. Ps. 121. Lætatus sum in his quæ dicta sunt mihi : in domum Domini ibimus.

Ÿ. Fiat pax in virtúte tua, et abundantia in túrribus tuis.

Allelúia, allelúia. Ÿ. Ps. 101. Timébunt gentes nomen tuum, Domine, et omnes reges terræ glóriam tuam. Allelúia.

Sequéntia sancti Evangélíi secúndum Matthæum. *Matth. 9.*

IN illo témpore: Ascéndens Jesus in navículam, transfretávit, et venit in civitátem suam. Et ecce offerébant ei paralyticum jacéntem in lecto. Et videns Jesus fidem illórum, dixit paralytico: Confide, fili, remittúntur tibi peccáta tua. Et ecce quidam de Scribis dixerunt intra se: Hic blasphemámat. Et cùm vidisset Jesus cogitatiónes eórum, dixit: Ut quid cogitátis mala in córdibus vestris? Quid est facilius, dicere: Dimittúntur tibi peccáta tua; an dicere: Surge et ámbula? Ut autem sciátis quia Filius hóminis habet potestátem in terra dimitténdi peccáta, tunc ait paralytico: Surge, tolle lectum tuum, et vade in domum tuam. Et surréxit, et ábiit in domum suam. Vidéntes autem turbæ timuérunt, et glorificavérunt Deum, qui dedit potestátem talem homínibus.

Credo.

Offertorium. Exod. 24. Sanctificávit Móyses altáre Dómino, offerens super illud holocáusta, et immolans víctimas: fecit sacrificium vespertínium in odórem suavitátis Dómino Deo, in conspéctu filiórum Israël.

Secreta.

DEUS, qui nos per hujus sacrificii veneránda commércia, unius summæ divinitátis partícipes éfficis: præsta, quæsumus; ut, sicut tuam cognóscimus veritátem, sic eam dignis móribus assequámur. Per Dóminum, etc.

Alia Secreta. Exáudi nos, Deus, fol. 73.*

Tertia ad libitum.

Præfatio de Trinitate, fol. 208.

Communio. Ps. 95. Tóllite hóstias, et introite in átria ejus: adoráte Dóminum in aula sancta ejus.

Postcommunio.

GRATIAS tibi reférimus, Dómine, sacro múnere vegetáti, tuam miséricórdiam deprecántes: ut dignos nos ejus participatióne perficias. Per Dóminum, etc.

Alia Postcommunio. Mundet et múniat, fol. 73.*

Tertia ad libitum.

DOMINICA XIX. POST PENTECOSTEN.

Introitus.

SALUS pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Dóminus in perpétuum.

Ps. 77. Atténdite, pópule meus, legem meam: inclináte aurem vestram in verba oris mei.

Y. Glória Patri, etc.

Oratio.

OMNIPOTENS, et miséricors Deus, unívrsa nobis adversántia propitiátus exclúde: ut mente et córpore páriter expediti, quæ tua sunt, liberis méntibus exequámur. Per Dóminum, etc.

Secunda Oratio. A cunctis nos, fol. 73.*

Tertia ad libitum.

Léctio Epístolæ beáti Pauli Apóstoli ad Ephésios. *Ephes. 4.*

FRATRES, Renovámini spíritu mentis vestræ, et indúite no-

vum hóminem, qui secúndum Deum creátus est in justítia, et sanctitáte veritátis. Propter quod deponéntes mendácium, loquimini veritatem unusquisque cum próximo suo: quóniam sumus invicem membra. Irascimini, et nolite peccáre: sol non occidat super iracúndiam vestram. Nolite locum dare diabolo: qui furabátur, jam non furétur: magis autem labóret, operádo mánibus suis, quod bonum est, ut hábeat unde tribuat necessitatem patiénti.

Graduale. Ps. 140. Dirigátur orátio mea sicut incénsus in conspéctu tuo, Dómine.

V. Elevátio mánuum meárum sacrificium vespertinum.

Allelúia, allelúia. *V.* *Ps. 104.* Confitémini Dómino, et invocáte nomen ejus: annuntiáte inter gentes ópera ejus. Allelúia.

Sequéntia sancti Evangélíi secúndum Matthæum. *Matth. 22.*

IN illo témpore: Loquebátur Jesus princípibus sacerdotum et Pharisæis in parábolis, dicens: Simile factum est regnum cœlór-um hómini regi, qui fecit núptias filio suo. Et misit servos suos vocáre invitátos ad núptias, et nolébant veníre. Iterum misit álios servos, dicens: Dicite invitátis: Ecce prándium meum parávi, tauri mei, et altília occísa sunt, et ómnia paráta: veníte ad núptias. Illi autem neglexérunt: et abiérunt, álius in villam suam, álius verò ad negotiatió- nem suam: réliqui verò tenuérunt servos ejus, et contuméliis afféctos occidérunt. Rex autem cum audisset, irátus est: et missis exercítibus suis, pérdidit homicidas illos, et civitatem illórum succéndit. Tunc ait servis suis: Núptiæ quidem parátæ sunt, sed qui invitáti

erant, non fuérunt digni. Ite ergo ad éxitus viárum: et quoscúmque invenéritis, vocáte ad núptias. Et egréssi servi ejus in vias, congregavérunt omnes quos invenérunt, malos et bonos: et implétæ sunt núptiæ discumbéntium. Intrávit autem rex, ut vidéret discumbéntes, et vidit ibi hóminem non vestítum veste nuptiáli. Et ait illi: Amíce, quómodo huc intrásti non habens vestem nuptiálem? At ille obmú- tuit. Tunc dixit rex minístris: Ligátis mánibus, et pédibus ejus, mittite eum in ténebras exterióres: ibi erit fletus et stridor déntium. Multi enim sunt vocáti, pauci verò elécti.

Credo.

Offertorium. Ps. 137. Si ambulávero in médio tribulatió- nis, vivificábis me, Dómine: et super iram inimicórum meórum exténdes manum tuam, et salvum me faciet dextera tua.

Secreta.

HÆC múnera, quæsumus, Dómine, quæ óculis tuæ majestátis offêrimus, salutária nobis esse concéde. Per Dóminum, etc.

Alia Secreta. Exáudi nos, fol. 73*.

Tertia ad libitum.

Præfatio de Trinitate, fol. 208.

Communio. Ps. 118. Tu mandásti mandáta tua custodíri nimis: útinam dirigántur viæ meæ, ad custodiéndas justificatió- nes tuas.

Postcommunio.

TUA nos, Dómine, medicínalis operátio, et à nostris perversitátibus cleménter expédiat, et tuis semper faciat inhærere mandátis. Per Dóminum, etc.

Alia Postcommunio. Mundet et múniat, fol. 73*.

Tertia ad libitum.

DOMINICA XX. POST PENTECOSTEN.

Introitus. Dan. 3.

OMNIA quæ fecisti nobis, Dómine, in vero iudicio fecisti; quia peccávimus tibi, et mandátis tuis non obedívimus: sed da glóriam nómini tuo, et fac nobíscum secúndum multitúdinem misericórdiæ tuæ.

Ps. 118. Beáti immaculáti in via, qui ámbulant in lege Dómini.

Ÿ. Glória Patri, etc.

Oratio.

LARGIRE, quæsumus, Dómine, fidélibus tuis indulgéntiam placátus et pacem: ut páriter ab ómnibus mundéntur offénsis, et secúra tibi mente desérviant. Per Dóminum, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Ephésios. *Ephes. 5.*

FRATRES, Vidéte quómodo cautè ambulétis: non quasi insipiéntes, sed ut sapiéntes: rediméntes tempus, quóniam dies mali sunt. Proptérea nolíte fieri imprudéntes, sed intelligéntes quæ sit volúntas Dei. Et nolíte inebriári vino, in quo est luxúria; sed implémini Spíritu sancto, loquéntes vobismetípsis in psalmis, et hymnis, et cánticis spirituálibus, cantántes et psalléntes in córdibus vestris Dómino, grátias ágéntes semper pro ómnibus, in nómine Dómini nostri

Jesu Christi, Deo et Patri. Subjécti invicem in timóre Christi.

Graduale. Ps. 144. Oculi ómnium in te sperant, Dómine: et tu das illis escam in témpore opportúno.

Ÿ. Aperis tu manum tuam, et imples omne ánimam benedictióne.

Allelúia, allelúia. Ÿ. Ps. 107. Parátum cor meum, Deus, parátum cor meum: cantábo, et psallam tibi, glória mea. *Allelúia.*

Sequéntia sancti Evangélii secúndum Joánnem. *Joann. 4.*

IN illo témpore: Erat quidam régulus, cujus filius infirmabátur Caphárnaum. Hic cùm audísset quia Jesus adveníret à Judæa in Galilæam, ábiit ad eum: et rogábat eum ut descénderet, et sanáret filium ejus: incipiébat enim mori. Dixit ergo Jesus ad eum: Nisi signa et prodigia vidéritis, non créditis. Dicit ad eum régulus: Dómine, descénde priúsqvam moriátur filius meus. Dicit ei Jesus: Vade, filius tuus vivit. Crédidit homo sermóni quem dixit ei Jesus, et ibat. Jam autem eo descendénte, servi occurrérunt ei, et nuntiavérunt, dicéntes, quia filius ejus viveret. Interrogábat ergo horam ab eis, in qua mélius habúerit. Et dixerunt ei: Quia heri hora séptima reliquit eum febris. Cognóvit ergo pater, quia illa hora erat, in qua dixit ei Jesus: Filius tuus vivit: et crédidit ipse, et domus ejus tota.

Credo.

Offertorium. Ps. 136. Super flúmina Babylónis illic sédimus, et flévimus, dum recordarémur tui, Sion.

Secreta.

CELESTEM nobis præbeant hæc mystéria, quæsumus,

Dómine, medicinam ; et vítia nostri cordis expúrgent. Per, etc.

Alia Secreta. Exáudi nos, fol. 73*.

Tertia ad libitum.

Præfatio de Trinitate, fol. 208.

Communio. Ps. 118. Meménto verbi tui servo tuo, Dómine, in quo mihi spem dedísti : hæc me consoláta est in humilitáte mea.

Postcommunio.

UT sacris, Dómine, reddámur digni munéribus, fac nos, quæsumus, tuis semper obedire mandátis. Per Dóminum, etc.

Alia Postcommunio. Mundet et múniat, fol. 73*.

Tertia ad libitum.

DOMINICA XXI. POST PENTECOSTEN.

Introitus. Esth. 13.

IN voluntáte tua, Dómine, univérſa sunt pósito, et non est qui possit resistere voluntáti tuæ : tu enim fecísti ómnia, cælum et terram, et univérſa quæ cæli ámbitu continentur : Dóminus universórum tu es.

Ps. 118. Beáti immaculáti in via, qui ámbulant in lege Dómini.

Ÿ. Glória Patri, et Fílio, etc.

Oratio.

FAMILIAM tuam, quæsumus, Dómine, contínuá pietáte custódi : ut à cunctis adversitatibus, te protegente, sit libera ; et in bonis áctibus tuo nómini sit devóta. Per Dóminum, etc.

Secunda Oratio. A cunctis nos, fol. 73*.

Tertia ad libitum.

2 o

Léctio Epistolæ beáti Pauli Apostoli ad Ephésios. Ephes. 6.

FRATRES, Confortámini in Dómino, et in poténtia virtútis ejus. Indúite vos armatúram Dei, ut possitis stare advérsus insídias diáboli. Quóniam non est nobis colluctátio advérsus carnem et ságuinem : sed advérsus príncipes, et potestátes, advérsus mundi rectóres tenebrárum harum, contra spirituália nequitiæ, in cœléstibus. Proptérea accípите armatúram Dei, ut possitis resistere in die malo, et in ómnibus perfécti stare. State ergo succínti lumbos vestros in veritáte, et indúti lorícam justitiæ, et calceáti pedes in præparatióne Evangélii pacis : in ómnibus suméntes scutum fidei, in quo possitis ómnia tela nequíssimi ígnea extínguere : et gáeam salutis assúmite : et gládium spíritus, quod est verbum Dei.

Graduale. Ps. 89. Dómine, refúgium factus es nobis à generatióne et progénie.

Ÿ. Priúsq(uam) mōtes fierent, aut formarétur terra et orbis ; à sæculo, et usque in sæculum tu es Deus.

Allelúia, allelúia. Ÿ. Ps. 113. In éxitu Israëel de Ægypto, domus Jacob de pópulo bárbaro. Allelúia.

Sequéntia sancti Evangélii secúndum Matthæum. Matth. 18.

IN illo témpore : Dixit Jesus discípulis suis parábolam hanc : Assimilátum est regnum cœlórum hómini regi, qui vóluit ratiónem pónere cum servis suis. Et cūm cœpisset ratiónem pónere, oblátus est ei unus, qui debébat ei decem millia talénta. Cūm autem non habéret unde rédderet, jussit eum dóminus ejus venúmdari, et uxórem ejus, et filios, et ómnia quæ habé-

bat, et reddi. Prócidens autem servus ille, orábat eum, dicens: Patiéntiam habe in me, et ómnia reddam tibi. Misértus autem dóminus servi illius, dimísit eum, et débitum dimísit ei. Egréssus autem servus ille, invénit unum de consérvis suis, qui debébat ei centum denários: et tenens suffocábat eum, dicens: Redde quod debes. Et prócidens consérvus ejus, rogábat eum, dicens: Patiéntiam habe in me, et ómnia reddam tibi. Ille autem nóluit: sed ábiit, et misit eum in cárcerem, donec rédderet débitum. Vidéntes autem consérvi ejus quæ fiébant, contristáti sunt valdè: et venérunt, et narravérunt dómīno suo ómnia quæ facta fúerant. Tunc vocávit illum dóminus suus, et ait illi: Serve nequam, omne débitum dimísi tibi, quóniam rogásti me: nonne ergo opórtuit et te miseréri consérvi tui, sicut et ego tui misértus sum? Et irátus dóminus ejus, trádidit eum tortóribus, quoadúsque rédderet univérsum débitum. Sic et Pater meus cœléstis faciet vobis, si non remiséritis unusquisque fratri suo de córdibus vestris.

Credo.

Offertorium. Job 1. Vir erat in terra Hus, nómine Job, simplex et rectus, ac timens Deum: quem Satan pétiiit, ut tentáret: et data est ei potéstas à Dómīno in facultátes, et in carnem ejus: perdidítque omnem substántiam ipsius, et filios: carnem quoque ejus gravi úlcere vulnerávit.

Secreta.

SUSCIPE, Dómine, propítius hóstias, quibus et te placári voluísti, et nobis salútem poténti pietáte restítui. Per, etc.

Secunda Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Ps. 118. In salutári tuo ánima mea, et in verbum tuum sperávi: quando fácies de persequéntibus me judícium? Iníqui persecúti sunt me: ádjuva me, Dómine Deus meus.

Postcommunio.

IMMORTALITATIS alimóni-
am consecúti, quæsumus, Dómine: ut, quod ore percépimus, pura mente sectémur. Per, etc.

Alia Postcommunio. Mundet et múniat, fol. 73*.

Tertia ad libitum.

DOMINICA XXII. POST PENTECOSTEN.

Introitus. Ps. 129.

SI iniquitátes observáveris, Dómine; Dómine, quis sustinébit? Quia apud te propitiátio est, Deus Israël.

Ps. ibid. De profúndis clamávi ad te, Dómine: Dómine, exáudi vocem meam.

V. Glória Patri, et Fílio, etc.

Oratio.

DEUS refúgium nostrum, et virtus, adésto piis Ecclésiæ tuæ précibus, auctor ipse pietátis, et præsta: ut, quod fidéliter pétimus, effícaciter consequámur. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Philippéenses. *Philip. 1.*

FRATRES, Confídimus in Dómīno Jesu, quia qui cœpit in

vobis opus bonum, perficiet usque in diem Christi Jesu : sicut est mihi justum hoc sentire pro omnibus vobis : eò quòd habeam vos in corde, et in vinculis meis, et in defensione et confirmatióne Evangélii, sócios gáudii mei omnes vos esse. Testis enim mihi est Deus, quómodo cupiam omnes vos in viscéribus Jesu Christi. Et hoc oro, ut charitas vestra magis ac magis abúndet in sciéntia, et in omni sensu : ut probétis potióra ; ut sitis sincéri, et sine offénsa in diem Christi, repléti fructu justitiæ per Jesum Christum, in glóriam et laudem Dei.

Graduale. Ps. 132. Ecce quàm bonum, et quàm jucúndum habitare fratres in unum ! Sicut unguéntum in cápite, quod descendit in barbam, barbam Aaron.

Allelúia, allelúia. *V. Ps. 113.* Qui timent Dóminum, sperent in eo : adjútor, et protéctor eórum est. Allelúia.

Sequéntia sancti Evangélii secúndum Matthæum. *Matth. 22.*

IN illo témpore : Abeúntes Pharisæi consilium iniérunt ut caperent Jesum in sermóne. Et mittunt ei discipulos suos cum Herodiánis, dicéntes : Magister, scimus quia verax es, et viam Dei in veritate doces, et non est tibi cura de aliquo : non enim réspicis persónam hóminum ; dic ergo nobis quid tibi vidétur : licet census dare Cæsari, an non ? Cógnota autem Jesus nequitia eórum, ait : Quid me tentátis, hypócritæ ? Osténdite mihi numísma census. At illi obtulérunt ei denárium. Et ait illis Jesus : Cujus est imágo hæc, et superscriptio ? Dicunt ei : Cæsaris. Tunc ait illis : Réddite ergo quæ sunt Cæsaris, Cæsari ; et quæ sunt Dei, Deo.

Credo.

Offertorium. Esth. 14. Recordare meí, Dómine, omni potentátui dóminans : et da sermónem rectum in os meum, ut pláceant verba mea in conspéctu princípis.

Secreta.

DA, miséricors Deus, ut hæc salutáris oblátio et à propriis nos reátibus indesinénter expédiat, et ab ómnibus tueátur advérsis. Per Dóminum, etc.

Alia Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Ps. 16. Ego clamávi, quóniam exaudisti me, Deus : inclína aurem tuam, et exáudi verba mea.

Postcommunio.

SUMPSIMUS, Dómine, sacri dona mystérii, humiliter deprecántes ; ut, quæ in tui commemoratióne nos fácere præcepísti, in nostræ proficiant infirmitátis auxiliium. Qui vivis et regnas, etc.

Secunda Postcommunio. Mundet et múniat, fol. 73*.

Tertia ad libitum.

DOMINICA XXIII. POST PENTECOSTEN,

quando non fuerit ultima post Pentecosten ; quia si erit ultima, tunc loco Vigesiæ terciæ, ponetur quæ inferius est XXIV, et Missa XXIII dicetur in Sabbato præcedenti non impedito Festo Duplici, vel Semiduplici ; alioquin in alia præcedenti Feria similiter non impedita.

Introitus. Jer. 29.

DICIT Dóminus : Ego cógito cogitatiónes pacis, et non

afflictiónis : invocábitis me, et ego exáudiam vos : et redúcam captivitátem vestram de cunctis locis.

Ps. 84. Benedixísti, Dómine, terram tuam : avertísti captivitátem Jacob.

Ÿ. Glória Patri, etc.

Oratio.

ABSOLVE, quæsumus, Dómine, tuórum delicta populórum : ut, à peccatórum nostrórum nexibus, quæ pro nostra fragilitáte contráximus, tua benignitáte liberémur. Per Dóminum, etc.

Secunda Oratio. A cunctis nos, *fol. 73*.*

Tertia ad libitum.

Léctio Epístolæ beáti Pauli Apóstoli ad Philippenses. *Philipp. 3.*

FRATRES, Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimícos crucis Christi : quorum finis intéritus : quorum Deus venter est : et glória in confusióne ipsórum, qui terréna sapiunt. Nostra autem conversatio in cœlis est : unde étiam Salvatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ secúndum operatióem, qua étiam possit subjícere sibi ómnia. Itaque, fratres mei caríssimi et desideratíssimi, gáudium meum et coróna mea : sic state in Dómino, caríssimi. Evódiam rogo, et Syntychen déprecor, idípsum sápere in Dómino. Etiam rogo et te, germáne compar, ádjuva illas, quæ mecum laboravérunt in Evangélio cum Cleménte, et céteris adjutóribus meis, quorum nómina sunt in libro vitæ.

Graduale. Ps. 43. Liberásti nos, Dómine, ex affligéntibus nos : et eos qui nos odérunt confudísti.

Ÿ. In Deo laudábimur tota die : et in nómine tuo confitébimur in sæcula.

Allelúia, allelúia. *Ÿ. Ps. 129.* De profúndis clamávi ad te, Dómine : Dómine, exáudi oratióem meam. Allelúia.

Sequéntia sancti Evangélíi secúndum Matthæum. *Matth. 9.*

IN illo témpore : Loquente Jesu ad turbas, ecce princeps unus accéssit, et adorábat eum, dicens : Dómine, filia mea modò defúncta est : sed veni, impóne manum tuam super eam, et vivet. Et surgens Jesus sequebátur eum, et discipuli ejus. Et ecce múlter, quæ sánguini fluxum patiebátur duódecim annis, accéssit retrò et tétigit fimbriam vestiménti ejus. Dicébat enim intra se : Si tetígero tantum vestiméntum ejus, salva ero. At Jesus convérsus, et videns eam, dixit : Confíde, filia, fides tua te salvam fecit. Et salva facta est múlter ex illa hora. Et cùm venisset Jesus in domum princípis, et vidisset tibícines, et turbam tumultuántem, dicébat : Recédite : non est enim mórtua puélla, sed dormit. Et deridébant eum. Et cùm ejécta esset turba, intrávit, et tenuit manum ejus. Et surréxit puélla. Et éxiit fama hæc in univérsam terram illam.

Credo.

Offertorium. Ps. 129. De profúndis clamávi ad te, Dómine : Dómine, exáudi oratióem meam : de profúndis clamávi ad te, Dómine.

Secreta.

PRO nostræ servitûtis augmênto sacrificium tibi, Dómine, laudis offêrimus; ut, quod immêritis contulisti, propitius exequâris. Per Dóminum, etc.

Alia Secreta. Exáudi hos, Deus, fol. 73*.

Tertia ad libitum.

Præfatio de Trinitate, fol. 208.

Communio. Marc. 11. Amen dico vobis, quidquid orântes pétitis, créдите quia accipiétis, et fiet vobis.

Postcommunio.

QUÆSUMUS, omnípotens Deus, ut quos divína tribuis participatióne gaudére, humánis non sinas subjacére periculis. Per Dóminum, etc.

Secunda Postcommunio. Mundet, fol. 73*.

Tertia ad libitum.

¶ *Si Dominicæ post Pentecosten fuerint plures viginti quatuor, tunc post XXII aut XXIII resumantur (quoad Orationes, Epistolas, et Evangelia) Missæ Dominicarum quæ superfuerunt post Epiphaniam (ut infra post Domin. XXIV) hoc ordine.*

Si Dominicæ fuerint XXV, in Dominica XXIV dicitur Missa Dominicæ VI. post Epiphaniam.

Si fuerint XXVI, in Dominica XXIV dicitur Missa Dominicæ V post Epiphaniam: et in Vigesima quinta, Missa Dominicæ VI.

Si fuerint XXVII, in Dominica XXIV dicitur Missa Dominicæ IV post Epiphaniam: in XXV Dominicæ V, et in XXVI Dominicæ VI.

Si fuerint XXVIII, in Dominica XXIV dicitur Missa Dominicæ III post Epiphaniam: in XXV Domini-

cæ IV, in XXVI Dominicæ V, in XXVII Dominicæ VI.

Et ultimo loco semper ponitur Missa Dominicæ XXIV post Pentecosten.

¶ *Introitus autem, Graduale, Offertorium, et Communio in prædictis Dominicis semper dicuntur, ut in Dominica Vigesima tertia.*

DOMINICA XXIV., ET ULTIMA POST PENTECOSTEN.

Introitus. Jer. 29.

DICIT Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis.

Ps. 84. Benedixísti, Dómine, terram tuam: avertísti captivitátem Jacob.

Ÿ. Glória Patri, etc.

Oratio.

EXCITA, quæsumus, Dómine, tuórum fidélium voluntátes; ut divini óperis fructum propénsiùs exequéntes, pietátis tuæ remédia majóra percípiant. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epistolæ beáti Pauli Apóstoli ad Colossénses. *Coloss. 1.*

FRATRES, Non cessámus pro vobis orântes, et postulántes, ut impleámini agnitióne voluntátis Dei, in omni sapiéntia et intelléctu spiritali: ut ambulétis dignè Deo per ómnia placéntes: in omni ópere bono fructificántes, et crescéntes in sciéntia Dei: in omni virtúte confortáti secúndum poténtiam claritátis ejus, in omni patien-

tia, et longanimitate cum gaudio : grátias ágéntes Deo Patri, qui dignos nos fecit in partem sortis Sanctorum in lumine : qui eripuit nos de potestate tenebrarum, et transtulit in regnum Filii dilectionis suæ : in quo habemus redemptionem per sanguinem ejus, remissionem peccatorum.

Graduale. Ps. 43. Liberasti nos, Dómine, ex affligentibus nos : et eos qui nos odérunt confudisti.

Ÿ. In Deo laudábitur tota die, et in nómine tuo confitébitur in sæcula.

Allelúia, allelúia. *Ÿ. Ps. 129.* De profúndis clamávi ad te, Dómine : Dómine, exáudi orationem meam. Allelúia.

Sequéntia sancti Evangélíi secundum Matthæum. *Matth. 24.*

IN illo témpore : Dixit Jesus discipulis suis : Cùm vidéritis abominationem desolationis, quæ dicta est à Daniéle Prophéta, stantem in loco sancto : qui legit, intéligat : tunc qui in Judæa sunt, fúgiant ad montes ; et qui in tecto, non descéndat tóllere áliquíd de domo sua ; et qui in agro, non revertátur tóllere tunicam suam. Væ autem prægnántibus et nutriéntibus in illis diébus. Oráte autem ut non fiat fuga vestra in hieme vel Sábbato. Erit enim tunc tribulatio magna, qualis non fuit ab initio mundi usque modò, neque fiet. Et nisi breviáti fuissent dies illi, non fieret salva omnis caro : sed propter electos breviabúntur dies illi. Tunc si quis vobis dixerit : Ecce hic est Christus, aut illic : nolite crédere. Surgent enim pseudochristi, et pseudoprophætæ ; et dabunt signa magna, et prodigia, ita ut in errorem inducántur (si fieri potest) étiam electi. Ecce prædixi vobis.

Si ergo dixerint vobis : Ecce in deserto est, nolite exire : ecce in penetralibus, nolite credere. Sicut enim fulgur exit ab Oriente, et paret usque in Occidentem ; ita erit et adventus Filii hóminis. Ubi cùmque fúerit corpus, illic congregabúntur et áquilæ. Statim autem post tribulationem diérum illórum sol obscurábitur, et luna non dabit lumen suum, et stellæ cadent de cælo, et virtútes cælórum commovebúntur : et tunc parébit signum Filii hóminis in cælo. Et tunc plangent omnes tribus terræ : et vidébunt Filium hóminis veniéntem in núbibus cæli, cum virtute multa et majestate. Et mittet Angelos suos cum tuba, et voce magna ; et congregabunt electos ejus à quátuor ventis, à summis cælórum usque ad términos eórum. Ab árbore autem fici discite parabolam : cùm jam ramus ejus tener fúerit, et fólía nata, scitis quia propè est æstas ; ita et vos, cùm vidéritis hæc ómnia, scitóte quia propè est in jánuis. Amen dico vobis, quia non præteribit generatio hæc, donec ómnia hæc fiant. Cælum et terra transibunt, verba autem mea non præteribunt.

Credo.

Offertorium. Ps. 129. De profúndis clamávi ad te, Dómine ; Dómine, exáudi orationem meam : de profúndis clamávi ad te, Dómine.

Secreta.

PROPITIUS esto, Dómine, supplicationibus nostris : et populi tui oblationibus precibusque susceptis, ómnium nostrum ad te corda convérte : ut, à terrénis cupiditatibus liberáti, ad cælestia desideria transeámus. Per, etc.

Alia Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Marc. 11. Amen dico vobis : quidquid orántes pétitis, créдите quia accipiétis, et fiet vobis.

Postcommunio.

CONCEDE nobis, quæsumus, Dómine ; ut per hæc sacraménta quæ sumpsimus, quidquid in nostra mente vitiósum est, ipsórum medicatiónis dono curétur. Per Dóminum, etc.

Alia Postcommunio. Mundet et múniat, fol. 73*.

Tertia ad libitum.

DOMINICA III., QUÆ SUPERFUIT POST EPIPHANIAM, PONENDA SECUNDUM SUPERIOREM RUBRICAM.

Introitus. Jer. 29.

DICIT Dóminus : Ego cógito cogitatiónes pacis, et non afflictiónis : invocábitis me, et ego exáudiam vos : et redúcám captivitátem vestram de cunctis locis.

Ps. 84. Benedixisti, Dómine, terram tuam : avertisti captivitátem Jacob.

Ÿ. Glória Patri, etc.

Oratio.

OMNIPOTENS sempitérne Deus, infirmitátem nostram propítius réspice : atque ad protegéndum nos, dexteram tuæ majestátis exténde. Per Dóminum, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Romános. Rom. 12.

FRATRES, Nolíte esse prudentes apud vosmetípsos : nulli malum pró malo reddéntes : providéntes bona non tantùm coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes : non vosmetípsos defendéntes, caríssimi, sed date locum iræ. Scriptum est enim : Mihi vindicta : ego retribuam, dicit Dóminus. Sed si esurierit inimicus tuus, ciba illum : si sitit, potum da illi : hoc enim fáciens, carbónes ignis cóngeres super caput ejus. Noli vinci à malo, sed vince in bono malum.

Graduale. Ps. 43. Liberásti nos, Dómine, ex affligéntibus nos : et eos qui nos odérunt confudisti.

Ÿ. In Deo laudábimur tota die, et in nómine tuo confitébimur in sæcula.

Allelúia, allelúia. *Ÿ.* Ps. 129. De profúndis clamávi ad te, Dómine : Dómine, exáudi oratiónem meam. Allelúia.

Sequéntia sancti Evangélíi secundum Matthæum. *Matth. 8.*

IN illo témpore : Cùm descendisset Jesus de monte, secútæ sunt eum turbæ multæ. Et ecce leprósus véniens, adorábat eum, dicens : Dómine, si vis, potes me mundáre. Et exténdens Jesus manum, tétigit eum, dicens : Volo. Mundáre. Et conféstim mundáta est lepra ejus. Et ait illi Jesus : Vide, némini díxeris, sed vade, osténde te sacerdoti, et offer munus, quod præcépit Móyses in testimoniúm illis. Cùm autem introísset Caphárnaum, accéssit ad eum Centúrio, rogans eum, et dicens : Dómine, puer meus jacet in domo

paralyticus, et malè torquétur. Et ait illi Jesus : Ego véniam et curábo eum. Et respóndens Centúrio, ait : Dómine, non sum dignus, ut intres sub tectum meum ; sed tantùm dic verbo, et sanábitur puer meus. Nam et ego homo sum sub potestáte constitútus, habens sub me milites, et dico huic : Vade, et vadit ; et álíi : Veni, et venit ; et servo meo : Fac hoc, et facit. Audiens autem Jesus, mirátus est, et sequéntibus se dixit : Amen dico vobis, non invéni tantam fidem in Israél. Dico autem vobis, quòd multi ab Oriénte et Occidénte vénient, et recumbent cum Abraham, et Isaac, et Jacob in regno coelórum : filii autem regni ejiciéntur in ténebras exterióres : ibi erit fletus et stridor déntium. Et dixit Jesus Centurióni : Vade, et sicut credidísti, fiat tibi. Et sanátus est puer in illa hora.

Credo.

Offertorium. Ps. 129. De profúndis clamávi ad te, Dómine : Dómine, exáudi oratióem meam : de profúndis clamávi ad te, Dómine.

Secreta.

HÆC hóstia, Dómine, quæsumus, emúndet nostra delícta ; et ad sacrificium celebrándum, subditórum tibi cörpera, mentésque sanctíficet. Per Dóminum, etc.

Alia Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Marc. 11. Amen dico vobis : quidquid orántes pétitis, créдите quia accipiétis, et fiet vobis.

Postcommunio.

QUOS tantis, Dómine, largiris uti mystériis ; quæsumus, ut

efféctibus nos eórum veráciter aptare dignéris. Per, etc.

Secunda Postcommunio. Mundet et múniat, fol. 73*.

Tertia ad libitum.

DOMINICA IV., QUÆ SUPERFUIT POST EPIPHANIAM.

Introitus. Jer. 29.

DICIT Dóminus : Ego cógito cogitatiónes pacis, et non afflictiónis : invocábitis me, et ego exáudiam vos : et redúcam captivitátem vestram de cunctis locis.

Ps. 84. Benedixísti, Dómine, terram tuam : avertísti captivitátem Jacob.

Ÿ. Glória Patri, etc.

Oratio.

DEUS, qui nos in tantis periculis constitútus, pro humana scis fragilitáte non posse subsistere : da nobis salútem mentis et cörperis ; ut, ea quæ pro peccátis nostris pátimur, te adjuvánte, vincámus. Per Dóminum, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Romános. Rom. 13.

FRATRES, Némini quidquam debeátis, nisi ut invicem diligátis : qui enim diligit próximum, legem implévit. Nam : Non adulterábis : Non occídes : Non furáberis : Non falsum testimónium dices : Non concupísces : et si quod est áliud mandátum, in hoc verbo instaurátur : Diliges próximum tuum sicut teípsum. Diléctio próximi

malum non operatur. Plenitúdo ergo legis est diléctio.

Graduale. Ps. 43. Liberásti nos, Dómine, ex affligéntibus nos : et eos qui nos odérunt confudisti.

Ÿ. In Deo laudábimur tota die, et in nómine tuo confitébimur in sæcula.

Allelúia, allelúia. Ÿ. *Ps. 129.* De profúndis clamávi ad te, Dómine : Dómine, exáudi oratióem meam. Allelúia.

Sequéntia sancti Evangélíi secúndum Matthæum. *Matth. 8.*

IN illo témpore : Ascendénte Jesu in navículam, secúti sunt eum discipuli ejus. Et ecce motus magnus factus est in mari, ita ut navícula operirétur flúctibus : ipse verò dormiébat. Et accessérunt ad eum discipuli ejus, et suscitavérunt eum, dicéntes : Dómine, salva nos, perimus. Et dicit eis Jesus : Quid tímidi estis, módicæ fidei ? Tunc surgens, imperávit ventis, et mari, et facta est tranquillitas magna. Porrò hómines miráti sunt, dicéntes : Qualis est hic, quia venti et mare obédiunt ei ?

Credo.

Offertorium. Ps. 129. De profúndis clamávi ad te, Dómine : Dómine, exáudi oratióem meam : de profúndis clamávi ad te, Dómine.

Secreta.

CONCEDE, quæsumus, omnipotens Deus, ut hujus sacrificii munus oblátum, fragilitátem nostram ab omni malo purget semper et múniat. Per, etc.

Alia Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

2 P

Communio. Marc. 11. Amen dico vobis, quidquid orántes pétitis, créдите quia accipiétis, et fiet vobis.

Postcommunio.

MUNERA tua nos, Deus, à delectatióibus terrénis expédiant, et cœléstibus semper instáurent aliméntis. Per, etc.

Alia Postcommunio. Mundet et múniat, fol. 73*.

Tertia ad libitum.

DOMINICA V., QUÆ SUPERFUIT POST EPIPHANIAM.

Introitus. Jer. 29.

DICIT Dóminus : Ego cógito cogitatiónes pacis, et non afflictiónis : invocábitis me, et ego exáudiam vos : et reducam captivitátem vestram de cunctis locis.

Ps. 84. Benedixisti, Dómine, terram tuam ; avertísti captivitátem Jacob.

Ÿ. Glória Patri, etc.

Oratio.

FAMILIAM tuam, quæsumus, Dómine, continua pietáte custódi : ut, quæ in sola spe grátiae cœléstis innítitur, tua semper protectiõe muniáture. Per, etc.

Secunda Oratio. A cunctis nos, fol. 73*.

Tertia ad libitum.

Léctio Epístolæ beáti Pauli Apóstoli ad Colossénses. *Coloss. 3.*

FRATRES, Indúite vos sicut elécti Dei, sancti, et dilécti, viscera misericórdiæ, benignitátem, humilitátem, modéstiam, patiéntiam : supportántes invicem, et donántes vobismetípsis, si quis advér-

sus aliquem habet querelam : sicut et Dominus donavit vobis, ita et vos. Super omnia autem hæc, caritatem habete, quod est vinculum perfectionis : et pax Christi exultet in cordibus vestris, in qua et vocati estis in uno corpore : et grati estote. Verbum Christi habitet in vobis abundanter in omni sapientia, docentes et commonentes vosmetipsos, psalmis, hymnis, et canticis spiritualibus, in gratia cantantes in cordibus vestris Deo. Omne quodcumque facitis in verbo, aut in opere, omnia in nomine Domini Jesu Christi, gratias agentes Deo et Patri, per Jesum Christum Dominum nostrum.

Graduale. Ps. 43. Liberasti nos, Domine, ex affligentibus nos : et eos qui nos oderunt confudisti.

Ÿ. In Deo laudabimur tota die, et in nomine tuo confitebimur in sæcula.

Allelúia, allelúia. *Ÿ. Ps. 129.* De profundis clamavi ad te, Domine : Domine, exaudi orationem meam. Allelúia.

Sequéntia sancti Evangelii secundum Matthæum. *Matth. 13.*

IN illo tempore : Dixit Jesus turbis parabolam hanc : Simile factum est regnum cælorum homini qui seminavit bonum semen in agro suo. Cum autem dormirent homines, venit inimicus ejus, et superseminavit zizania in medio tritici, et abiit. Cum autem crevisset herba, et fructum fecisset, tunc apparuerunt et zizania. Accedentes autem servi patrisfamilias, dixerunt ei : Domine, nonne bonum semen seminasti in agro tuo ? Unde ergo habet zizania ? Et ait illis : Inimicus homo hoc fecit. Servi autem dixerunt ei : Vis, imus et colligimus ea ? Et ait : Non, ne fortè colligentes

zizania, eradicetis simul cum eis et triticum. Sinite utraque crescere usque ad messem, et in tempore messis dicam messoribus : Colligite primum zizania, et alligate ea in fasciculos ad comburendum, triticum autem congregate in horreum meum.

Credo.

Offertorium. Ps. 129. De profundis clamavi ad te, Domine : Domine, exaudi orationem meam : de profundis clamavi ad te, Domine.

Secreta.

HOSTIAS tibi, Domine, placationis offerimus : ut et delicta nostra miseratus absolvas, et nutantia corda tu dirigas. Per, etc.

Alia Secreta. Exaudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Marc. 11. Amen dico vobis, quidquid orantes petitis, credite quia accipietis, et fiet vobis.

Postcommunio.

QUÆSUMUS, omnipotens Deus ; ut illius salutaris capiamus effectum, cujus per hæc mysteria pignus accepimus. Per, etc.

Alia Postcommunio. Mundet et muniat, fol. 73*.

Tertia ad libitum.

DOMINICA VI. QUÆ SUPERFUIT POST EPIPHANIAM.

Introitus. Jer. 29.

DICIT Dominus : Ego cogito cogitationes pacis, et non afflictionis : invocabitis me, et ego exaudiam vos : et reducam captivitatem vestram de cunctis locis.

Ps. 84. Benedixisti, Dómine, terram tuam : avertisti captivitatem Jacob.

Ÿ. Glória Patri, etc.

Oratio.

PRÆSTA, quæsumus, omnipotens Deus ; ut semper rationalia meditantes, quæ tibi sunt placita, et dictis exequamur, et factis. Per Dóminum, etc.

Secunda Oratio. A cunctis nos, *fol. 73*.*

Tertia ad libitum.

Lectio Epistolæ beati Pauli Apostoli ad Thessalonicenses.

1 Thess. 1.

FRATRES, Grátias ágimus Deo semper pro ómnibus vobis, memóriam vestri facientes in orationibus nostris sine intermissione, memores óperis fidei vestræ, et laboris, et caritátis, et sustinentiæ spei Dómini nostri Jesu Christi, ante Deum, et Patrem nostrum : scientes, fratres dilécti à Deo, electionem vestram : quia evangélium nostrum non fuit ad vos in sermone tantum, sed et in virtute, et in Spíritu sancto, et in plenitudine multa, sicut scitis quales fuérinus in vobis propter vos. Et vos imitatores nostri facti estis, et Dómini, excipientes verbum in tribulatione multa, cum gáudio Spíritus sancti : ita ut facti sitis forma ómnibus credentibus in Macedónia, et in Acháia. A vobis enim diffamátus est sermo Dómini, non solum in Macedónia, et in Acháia ; sed et in omni loco fides vestra, quæ est ad Deum, profecta est ; ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos, et quomodo conversi estis ad Deum à simu-

lâcris, servíre Deo vivo, et vero, et expectáre Fílium ejus de cælis (quem suscitávit ex mórtuis) Jesum, qui eripuit nos ab ira ventúra.

Graduale. *Ps. 43* Liberásti nos, Dómine, ex affligentibus nos : et eos qui nos odérunt confudísti.

Ÿ. In Deo laudábimur tota die, et in nómine tuo confitébimur in sæcula.

Allelúia, allelúia. *Ÿ.* *Ps. 129.* De profúndis clamávi ad te, Dómine : Dómine, exáudi orationem meam. Allelúia.

Sequéntia sancti Evangélíi secúndum Matthæum. *Matth. 13.*

IN illo témpore : Dixit Jesus turbis parábolam hanc : Símile est regnum cælórum grano sinápis, quod accípiens homo seminávit in agro suo : quod mínimum quidem est ómnibus seminibus : cùm autem créverit, majus est ómnibus oléribus, et fit arbor, ita ut volúcres cæli véniant, et hábitent in ramis ejus. Aliam parábolam locútus est eis : Símile est regnum cælórum ferménto, quod accéptum múlíer abscondit in farinæ satis tribus, donec fermentátum est totum. Hæc ómnia locútus est Jesus in parábolis ad turbas, et sine parábolis non loquebátur eis : ut implerétur quod dictum erat per Prophétam, dicentem : Apériam in parábolis os meum, eructábo abscondita à constitutione mundi.

Credo.

Offertorium. *Ps. 129.* De profúndis clamávi ad te, Dómine : Dómine, exáudi orationem meam : de profúndis clamávi ad te, Dómine.

Secreta.

HÆC nos oblátio, Deus, mundet, quæsumus, et rénovet,

gubernet, et protégat. Per Dóminum, etc.

Secunda Secreta. Exáudi nos, Deus, fol. 73*.

Tertia ad libitum.

Præfatio de Trinitate, fol. 208.

Communio. Marc. 11. Amen dico vobis : quidquid orántes pétitis, créдите quia accipiétis, et fiet vobis.


Postcommunio.

CÆLESTIBUS, Dómine, pasti deliciis ; quæsumus, ut semper éadem, per quæ veráciter vívimus, appetámus. Per Dóminum, etc.

Alia Postcommunio. Mundet et múniat, fol. 73*.

Tertia ad libitum.

¶ *Dominica Vigesima octava, et última post Pentecosten, quæ superius posita est in ordine XXIV, fol. 309.*



PROPRIUM

MISSARUM DE SANCTIS.

FESTA NOVEMBRIS.

DIE XXIX.

In Vigilia

S. ANDREÆ, APOSTOLI.

Introitus. Matth. 4.

DOMINUS secus mare Galilææ vidit duos fratres, Petrum et Andréam, et vocavit eos : Venite post me, faciam vos fieri piscatores hominum.

Ps. 18. Cæli enarrant gloriam Dei : et opera manuum ejus annuntiat firmamentum.

Ÿ. Glória Patri, etc.

Oratio.

QUÆSUMUS, omnipotens Deus, ut beatus Andréas Apostolus, cujus prævenimus festivitatem, tuum pro nobis impleret auxilium : ut à nostris reatibus absoluti, à cunctis etiam periculis eruamur. Per Dominum, etc.

Pro Commemoratione S. Saturnini, Martyris.

Oratio.

DEUS, qui nos beati Saturnini Martyris tui concedis natali-

tio perfrui, ejus nos tribue meritis adjuvari. Per Dominum, etc.

¶ *Si Vigilia S. Andreæ venerit in Adventu, Missa dicitur de Vigilia, et secunda Oratio erit de Adventu, tertia de Sancto Saturnino.*

¶ *Si festum S. Andreæ venerit Feria secunda, Missa de Vigilia dicitur in Sabbato, et secunda Oratio erit de S. Maria, Concède nos, tertia Ecclesiæ tuæ, vel pro Papa, Deus, omnium, fol. 237 ; et commemoratio S. Saturnini fit in Dominica. Quod et in aliis Vigiliis (excepta Vigilia Nativitatis Domini) servatur.*

¶ *Si autem venerit in Dominica, transfertur in sequentem diem, Festo Duplici vel Semiduplici non impeditam : quod et de aliis Festis Duplicibus secundum Rubricas generales in Dominicis Adventus occurrentibus servatur : et in illis semper fit commemoratio de Adventu. De Simplici autem toto Adventu fit tantum commemoratio.*

Lectio libri Sapiëntiæ. *Eccl. 44.*

BENEDICTIO Domini super caput justi. Ideò dedit illi Dominus hæreditatem, et divisit illi partem in tribus duodecim, et

invenit gratiam in conspectu omnis carnis. Et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriam suam. In fide et lenitate ipsius sanctum fecit illum, et elegit eum ex omni carne. Et dedit illi coram praecepta, et legem vitae et disciplinae: et excelsum fecit illum. Statuit ei testamentum aeternum, et circumcinxit eum zona justitiae: et induit eum Dominus coronam gloriae.

Graduale. Ps. 138. Nimis honorati sunt amici tui, Deus: nimis confortatus est principatus eorum.

V. Dinumerabo eos, et super arenam multiplicabuntur.

Sequentia sancti Evangelii secundum Joannem. *Joann. 1.*

IN illo tempore: Stabat Joannes, et ex discipulis ejus duo. Et respiciens Jesum ambulantem, dicit: Ecce Agnus Dei. Et audierunt eum duo discipuli loquentem, et secuti sunt Jesum. Conversus autem Jesus, et videns eos sequentes se, dicit eis: Quid quaeritis? Qui dixerunt ei: Rabbi, (quod dicitur interpretatum Magister) ubi habitas? Dicit eis: Venite, et videte. Venierunt, et viderunt ubi maneret, et apud eum manserunt die illo: hora autem erat quasi decima. Erat autem Andreas frater Simonis Petri, unus ex duobus qui audierant a Joanne, et secuti fuerant eum. Invenit hic primum fratrem suum Simonem, et dicit ei: Invenimus Messiam. (Quod est interpretatum Christus.) Et adduxit eum ad Jesum. Intuitus autem eum Jesus, dixit: Tu es Simon filius Jona: tu vocaberis Cephas. (Quod interpretatur Petrus.) In crastinum

volumit exire in Galilaeam, et invenit Philippum. Et dicit ei Jesus: Sequere me. Erat autem Philippus a Bethsaida, civitate Andreae et Petri. Invenit Philippus Nathanael, et dicit ei: Quem scripsit Moyses in lege, et Prophetarum, invenimus Jesum filium Joseph a Nazareth. Et dixit ei Nathanael: A Nazareth potest aliquid boni esse? Dicit ei Philippus: Veni, et vide. Vidit Jesus Nathanael venientem ad se, et dicit de eo: Ecce verum Israelita, in quo dolus non est. Dicit ei Nathanael: Unde me nosti? Respondit Jesus, et dixit ei: Priusquam te Philippus vocaret, cum esses sub ficu, vidi te. Respondit ei Nathanael, et ait: Rabbi, tu es Filius Dei, tu es Rex Israel. Respondit Jesus, et dixit ei: Quia dixi tibi: Vidi te sub ficu, credis: majus his videbis. Et dicit ei: Amen, amen dico vobis, videbitis caelum apertum, et Angelos Dei ascendentes et descendentes super Filium hominis.

Offertorium. Ps. 8. Gloria et honore coronasti eum, et constituisti eum super opera manuum tuarum, Domine.

Secreta.

SACRANDUM tibi, Domine, munus offerimus: quo beati Andreae Apostoli solennia recolentes, purificationem quoque nostris mentibus imploramus. Per, etc.

Pro S. Saturnino. Secreta.

MUNERA, Domine, tibi dicata sanctifica: et, intercedente beato Saturnino Martyre tuo, per haec eadem nos placatus intende. Per Dominum, etc.

Communio. Joann. 1. Dicit Andreas Simoni fratri suo: Invenimus Messiam, qui dicitur Christus: et adduxit eum ad Jesum.

Postcommunio.

PERCEPTIS, Dómine, sacraméntis suppliciter exorámus ; ut, intercedente beáto Andréa Apóstolo tuo, quæ pro illius veneránda gérimus passióne, nobis proficiant ad medélam. Per, etc.

*Pro S. Saturnino.**Postcommunio.*

SANCTIFICET nos, quæsumus, Dómine, tui percéptio sacraménti, et intercessióne Sanctorum tuorum tibi reddat accéptos. Per Dóminum, etc.

DIE XXX.

S. ANDREÆ, APOSTOLI.

Introitus. Ps. 138.

MIHI autem nimis honoráti sunt amici tui, Deus : nimis confortátus est principátus eorum.

Ps. ibid. Dómine, probásti me, et cognovísti me : tu cognovísti sessiónem meam, et resurrectionem meam.

Ÿ. Glória Patri, etc.

Oratio.

MAJESTATEM tuam, Dómine, suppliciter exorámus : ut, sicut Ecclésiæ tuæ beátus Andréas Apóstolus éxitit prædicátor et rector, ita apud te sit pro nobis perpétuus intercëssor. Per, etc.

Léctio Epistolæ beáti Pauli Apóstoli ad Romános. *Rom. 10.*

FRATRES, Corde enim créditur ad justítiam : ore autem conféssio fit ad salútem. Dicit enim Scriptúra : Omnis qui credit in illum, non confundétur. Non enim est distinctio Judæi et Græci : nam idem Dóminus ómnium, dives in omnes qui invocant illum. Omnis

enim quicúmque invocáverit nomen Dómini, salvus erit. Quómodo ergo invocábunt in quem non crediderunt ? Aut quómodo credent ei quem non audierunt ? Quómodo autem áudient sine prædicante ? Quómodo verò prædicábunt, nisi mittántur ? sicut scripum est : Quàm speciósi pedes evangelizántium pacem, evangelizántium bona ! Sed non omnes obédiunt Evangélio. Isaías enim dicit : Dómine, quis crédidit auditui nostro ? Ergo fides ex auditu, auditus autem per verbum Christi. Sed dico : Numquid non audierunt ? Et quidem in omnem terram exívit sonus eorum, et in fines orbis terræ verba eorum.

Graduale. Ps. 44. Constitues eos príncipes super omnem terram : mémores erunt nóminis tui, Dómine.

Ÿ. Pro pátribus tuis nati sunt tibi filii : proptérea pópuli confitebúntur tibi.

Allelúia, allelúia. Ÿ. Diléxit Andréam Dóminus in odórem suavitátis. Allelúia.

Sequéntia sancti Evangélíi secundum Matthæum. *Matth. 4.*

IN illo témpore : Ambulans Jesus juxta mare Galilææ, vidit duos fratres, Simónem qui vocátur Petrus, et Andréam fratrem ejus, mitténtes rete in mare ; (erant enim piscatóres :) et ait illis : Veníte post me, et fáciam vos fieri piscatóres hóminum. At illi continuò, relictis rétibus, secúti sunt eum. Et procedens inde, vidit álios duos fratres, Jacóbum Zebedæi, et Joánnem fratrem ejus, in navi cum Zebedæo patre eorum, reficiéntes rétia sua : et vocávit eos. Illi autem statim relictis rétibus et patre, secúti sunt eum.

Credo.

Offertorium. Ps. 138. Mihi autem nimis honorati sunt amici tui, Deus : nimis confortatus est principatus eorum.

Secreta.

SACRIFICIUM nostrum tibi, Dómine, quæsumus, beati Andréæ Apóstoli precatio sancta conciliet : ut, in cujus honore sollemniter exhibetur, ejus méritis efficiatur accéptum. Per Dóminum, etc.

Præfatio de Apostolis, fol. 209.

Communio. Matth. 4. Venite post me : faciam vos fieri piscatores hóminum. At illi contínuò, relictis rétib, secúti sunt Dóminum.

Postcommunio.

SUMPSIMUS, Dómine, divína mystéria, beati Andréæ festivitáte lætantes : quæ, sicut tuis Sanctis ad glóriam, ita nobis, quæsumus, ad véniam prodésse perficias. Per Dóminum, etc.

FESTA DECEMBRIS.

DIE II.

SANCTÆ BIBIANÆ,

Virginis et Martyris.

Missa, Me expectavérunt, de Communi Virg. et Martyr. fol. 25, excepta Oratione propria, ut infra.*

Oratio.

DEUS, ómnium largitor bonórum, qui in fámula tua Bibiana cum virginitátis flore martyrii palmam conjunxisti : mentes nostras ejus intercessióne tibi caritáte conjúnge ; ut, amóti periculis, præmia consequámur ætérna. Per Dóminum, etc.

Si celebretur in Adventu, secunda Oratio erit de Feria, tertia de S. Maria, Deus, qui de beátæ Mariæ, fol. 1, quæ terminatur sic, Per eúmdem Dóminum, etc.

DIE III.

S. FRANCISCI XAVERII,

Confessoris.

Introitus. Ps. 118.

LOQUEBAR de testimoniis tuis in conspéctu regum, et non confundébar : et meditábar in mandátis tuis, quæ diléxi nimis.

Ps. 116. Laudáte Dóminum omnes gentes, laudáte eum omnes pópuli : quóniam confirmáta est super nos misericórdia ejus, et véritas Dómini manet in ætérnum.

V. Glória Patri, etc.

Oratio.

DEUS, qui Indiárum gentes beati Francisci prædicatione et miraculis Ecclésiæ tuæ aggregáre voluisti : concéde propítius ; ut, cujus gloriósa mérita venerámur, virtútum quoque imitémur exémpa. Per, etc.

Et fit commemoratio Feriæ.

Léctio Epístolæ beati Pauli Apóstoli ad Romános. *Rom. 10.*

FRATRES, Corde enim créditur ad justítiam ; ore autem conféssio fit ad salútem. Dicit enim Scriptúra : Omnis qui credit in illum, non confundétur. Non enim est distíctio Judæi et Græci : nam idem Dóminus ómnium, dives in omnes qui invocant illum. Omnis enim quicúmque invocáverit nomen Dómini, salvus erit. Quómodo ergo invocábunt in quem non cre-

didérunt? Aut quómodo credent ei quem non audiérunt? Quómodo autem áudient sine prædicánte? Quómodo verò prædicábunt, nisi mittántur? sicut scriptum est: Quàm speciósi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit: Dómine, quis crédidit auditui nostro? Ergo fides ex auditu, auditus autem per verbum Christi. Sed dico: Numquid non audiérunt? Et quidem in omnem terram exívit sonus eórum, et in fines orbis terræ verba eórum.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

Ÿ. Ad annuntiándum manè misericórdiam tuam, et veritátem tuam per noctem.

Allelúia, allelúia. Ÿ. *Jac. 1.* Beátus vir qui suffert tentatiónem: quóniam cùm probátus fúerit, accípiet coronam vitæ. Allelúia.

Sequéntia sancti Evangélíi secúndum Marcum. *Marc. 16.*

IN illo témpore: Dixit Jesus discípulis suis: Eúntes in mundum univérsum, prædicáte Evangélium omni creatúræ. Qui crediderit, et baptizátus fúerit, salvus erit: qui verò non crediderit, condemnábitur. Signa autem eos qui crediderint, hæc sequéntur: In nómine meo dæmónia ejicient: linguis loquéntur novis: serpéntes tollent: et si mortíferum quid bíberint, non eis nocébit: super ægros manus impónent, et bene habébunt.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

PRÆSTA nobis, quæsumus, omnipotens Deus: ut nostræ

2 q

humilitátis oblátio et pro tuórum tibi grata sit honóre Sanctorum, et nos corpore páriter et mente purificet. Per Dóminum, etc.

Communio. Matth. 24. Beátus servus, quem, cùm vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

QUÆSUMUS, omnipotens Deus; ut, qui cœléstia aliménta percépimus, intercedénte beáto Francíscó Confessóre tuo, per hæc contra ómnia advérsa muniámur. Per Dóminum, etc.

DIE IV.

S. PETRI CHRYSOLOGI,

Episcopi et Confessoris.

Introitus. Eccl. 15.

IN médio Ecclésiæ apérui os ejus, et implévit eum Dóminus spíritu sapiéntiæ et intelléctus: stolam glóriæ induit eum.

Ps. 91. Bonum est confitéri Dómino, et psállere nómini tuo, Altissime.

Ÿ. Glória Patri, et Filio, etc.

Oratio.

DEUS, qui beátum Petrum Doctórem egrégium, divinitus præmonstrátum, ad regéndam et instruéndam Ecclésiám tuam éligi voluísti: præsta, quæsumus, ut quem Doctórem vitæ habúimus in terris, intercessórem habére mereámur in cœlis. Per Dóminum, etc.

Deinde fit commemoratio Feriæ Adventus, et S. Barbaræ Virginis et Martyris. Oratio Deus qui inter cetera de Communi Virginis, fol. 23.*

Lectio Epistolæ beati Pauli Apostoli
ad Timotheum. 2 Tim. 4.

CARISSIME, Testificor coram Deo, et Jesu Christo, qui iudicaturus est vivos et mortuos, per adventum ipsius, et regnum ejus: prædica verbum, insta opportunè, importunè: argue, obsecra, increpa in omni patientia et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, prurièntes auribus; et à veritate quidem auditum avèrtent, ad fabulas autem convertentur. Tu verò vigila, in omnibus labóra, opus fac Evangelistæ, ministèrium tuum imple. Sòbrius esto. Ego enim jam delibor, et tempus resolutionis meæ instat. Bonum certamen certavi, cursum consummavi, fidem servavi. In reliquo repòsita est mihi coròna justitiæ, quam reddet mihi Dòminus in illa die justus iudex: non solùm autem mihi, sed et iis qui diligunt adventum ejus.

Graduale. Eccli. 44. Ecce sacerdos magnus, qui in diebus suis placuit Deo.

V. Non est inventus similis illi, qui conservaret legem Excelsi.

Allelúia, allelúia. *V. Ps. 109.* Tu es sacerdos in ætèrnum secundùm ordinem Melchisedech. Allelúia.

Sequèntia sancti Evangelii secundum Matthæum. *Matth. 5.*

IN illo tèmپore: Dixit Jesus discipulis suis: Vos estis sal terræ. Quòd si sal evanúerit, in quo salietur? ad nihillum valet ultra, nisi ut mittàtur foràs, et conculcètur ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub módio, sed super candelàbrum, ut

lúceat omnibus qui in domo sunt. Sic lúceat lux vestra coram hominibus, ut videant ópera vestra bona, et glorificent Patrem vestrum, qui in cœlis est. Nolite putàre quóniam veni sòlvere legem, aut prophétas: non veni sòlvere, sed adimplère. Amen quippe dico vobis, donec transeat cœlum et terra, ióta unum, aut unus apex non præteribit à lege, donec ómnia fiant. Qui ergo sòlverit unum de mandátis istis minimis, et docúerit sic homines, minimus vocàbitur in regno cœlorum: qui autem fécerit et docúerit, hic magnus vocàbitur in regno cœlorum.

Credo.

Offertorium. Ps. 91. Justus ut palma florébit: sicut cedrus quæ in Libano est multiplicàbitur.

Secreta.

SANCTI tui Petri nobis, Dòmine, pia non desit oratio: quæ et múnera nostra concíliet, et tuam nobis indulgèntiam semper obtíneat. Per Dòminum, etc.

Deinde fit commemoratio Feriæ. Postea S. Barbaræ, Virg. et Mart. Secreta Súscepe, etc., de Com. Virg., fol. 25.*

Communio. Matth. 25. Dòmine, quinque talénta tradidísti mihi: ecce ália quinque superlucrátus sum. Eugè serve bone et fidélis, quia in pauca fuísti fidélis, supra multa te constitúam, intra in gáudium Dòmini tui.

Postcommunio.

UT nobis, Dòmine, tua sacrificia dent salútem, beátus Petrus Póntifex tuus, et Doctor egrégious, quæsumus, precátor accédât. Per Dòminum, etc.

Deinde fit commemoratio Feriæ. Postea S. Barbaræ, Virg. et Mart. Postcommunio Auxiliéntur, etc., de Com. Virg., fol. 25.*

DIE V.

Pro Commemoratione S. Sabbæ Abbatis.

Oratio.

INTERCESSIO nos, quæsumus, Dómine, beáti Sabbæ Abbátis comméndet : ut quod nostris méritis non valémus, ejus patrocínio assequámur. Per Dóminum, etc.

Secreta.

SACRIS altáribus, Dómine, hóstias superpósitas sanctus Sabbas, quæsumus, in salútem nobis proveníre depóscat. Per, etc.

Postcommunio.

PROTEGAT nos, Dómine, cum tui perceptióne sacraménti beátus Sabbas pro nobis intercedéndo : ut et conversatiónis ejus experiámur insignia, et intercessiúnis percipiámus suffrágia. Per, etc.

DIE VI.

SANCTI NICOLAI,

Episcopi et Confessoris.

Introitus. Eccl. 45.

STATUIT ei Dóminus testaméntum pacis, et príncipem fecit eum, ut sit illi sacerdotií dignitas in ætérnum.

Ps. 131. Memento, Dómine, David, et omnis mansuetúdinis ejus.

V. Glória Patri, etc.

Oratio.

DEUS, qui beátum Nicoláum Pontíficem innúmeris deco-

rásti miráculis : tribue, quæsumus, ut ejus méritis et précibus à gehénæ incéndiis liberémur. Per, etc.

Et fit commemoratio Feriæ.

Léctio Epístolæ beáti Pauli Apóstoli ad Hebræos. *Hebr. 13.*

FRATRES, Mementóte præpositórum vestrórum, qui vobis locúti sunt verbum Dei : quorum intuéntes éxitum conversatiónis imitámini fidem. Jesus Christus heri et hódie : ipse et in sæcula. Doctrínis váriis et peregrínis nolíte abdúci. Optimum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem qui tabernáculo deserviunt. Quorum enim animálium infértur sanguis pro peccáto in Sancta per pontíficem, horum cörpera cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est fructum labiórum confiténtium nómini ejus. Beneficéntiæ autem et communiónis nolíte oblivísci : talibus enim hóstiis promerétur Deus. Obedíte præpositis vestris, et subjacéte eis. Ipsi enim pervigilant, quasi ratióne pro animábus vestris redditúri.

Graduale. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

V. Nihil proficiet inimicus in eo, et filius iniquitátis non nocébit ei.

Allelúia, allelúia. V. Ps. 91. Justus ut palma florébit : sicut ce-

drus Líbani multiplicábitur. Alle-
lúia.

Sequéntia sancti Evangélíi secún-
dum Matthæum. *Matth. 25.*

IN illo témpore : Dixit Jesus dis-
cípulis suis parábolam hanc :
Homo péregrè proficíscens, vocávit
servos suos, et trádidit illis bona sua.
Et uni dedit quinque talénta, álii
autem duo, álii verò unum, unicui-
que secúndum própíam virtútem :
et proféctus est statim. Abiit au-
tem qui quinque talénta accéperat,
et operátus est in eis, et lucrátus est
ália quinque. Simíliter et qui duo
accéperat, lucrátus est ália duo.
Qui autem unum accéperat, ábiens
fodit in terram, et abscondit pecú-
niam dómini sui. Post multum
verò témporis venit dóminus servó-
rum illórum, et pósuit ratióem cum
eis. Et accédens qui quinque ta-
lénta accéperat, óbtulit ália quinque
talénta, dicens : Dómine, quinque
talénta tradidísti mihi : ecce ália
quinque superlucrátus sum. Ait
illi dóminus ejus : Eugè, serve bone
et fidélis ; quia super pauca fuísti
fidélis, super multa te constituam :
intra in gáudium dómini tui. Ac-
cèssit autem et qui duo talénta
accéperat, et ait : Dómine, duo
talénta tradidísti mihi ; ecce ália
duo lucrátus sum. Ait illi dóminus
ejus : Eugè, serve bone et fidélis ;
quia super pauca fuísti fidélis, super
multa te constituam : intra in gáu-
dium dómini tui.

Offertorium. Ps. 88. Véritas
mea, et misericórdia mea cum ipso :
et in nómine meo exaltábitur cornu
ejus.

Secreta.

SANCTIFICA, quæsumus, Dó-
mine Deus, hæc múnera, quæ

in solemnitate sancti Antístitis tui
Nicolái offērimus : ut per ea, vita
nostra inter advēsa et próspera
ubique dirigátur. Per, etc.

Communio. Ibid. Semel jurávi
in sancto meo : semen ejus in ætér-
num manébit ; et sedes ejus sicut
sol in conspéctu meo, et sicut luna
perfécta in ætérnum : et testis in
cælo fidélis.

Postcommunio.

SACRIFICIA, quæ sumpsimus,
Dómine, pro solemnitate sancti
Pontíficis tui Nicolái, sempiterna
nos protectiōe consérvent. Per
Dóminum, etc.

DIE VII.

SANCTI AMBROSII,

Episcopi, Confessoris et Ecclesiæ
Doctoris.

Introitus. Eccl. 15.

IN médio Ecclesiæ apérui os
ejus : et implévit eum Dóminus
spíritu sapiéntiæ et intelléctus : sto-
lam glóriæ induit eum.

Ps. 91. Bonum est confitéri Dó-
mino, et psállere nómini tuo, Altís-
sime.

Ÿ. Glória Patri, et Filio, etc.

Oratio.

DEUS, qui pópulo tuo ætérnæ
salútis beátum Ambrósium
minístrum tribuísti : præsta, quæsu-
mus ; ut, quem Doctórem vitæ ha-
búimus in terris, intercessórem ha-
bère mereámur in cælis. Per, etc.

Et fit commemoratio Feriæ.

Léctio Epístolæ beáti Pauli Apóstoli
ad Timótheum. 2 *Tim. 4.*

CARISSIME, Testíficor coram
Deo, et Jesu Christo, qui judi-

catúrus est vivos et mórtuos, per advéntum ipsíus et regnum ejus : prædica verbum, insta opportunè, importúnè : árgue, óbsecra, increpa in omni patiéntia et doctrína. Erit enim tempus, cùm sanam doctrínam non sustinébunt, sed ad sua desidéria coacervábunt sibi magistros, pruriéntes áuribus : et à veritatè quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutiόνis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex : non solùm autem mihi, sed et iis qui diligunt advéntum ejus.

Graduale. Eccl. 44. Ecce sacerdos magnus, qui in diébus suis placuit Deo.

V. Non est invéntus similis illi, qui conserváret legem Excélsi.

Allelúia, allelúia. V. Ps. 109. Jurávit Dóminus, et non pœnitébit eum : Tu es sacerdos in ætérnum secúndum órđinem Melchisedech. *Allelúia.*

Sequéntia sancti Evangélíi secúndum Matthæum. *Matt. 5.*

IN illo témpore : Dixit Jesus discípulis suis : Vos estis sal terræ. Quòd si sal evanúerit, in quo salietur ? Ad níhilum valet ultra, nisi ut mittátur foràs, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum : ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona,

et gloríficent Patrem vestrum, qui in cœlis est. Nolite putáre quóniam veni sólvere legem, aut prophétas : non veni sólvere, sed adimplére. Amen quippe dico vobis, donec tránseat cœlum et terra, ióta unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic homínes, mínimus vocábitur in regno cœlórum : qui autem fécerit et docúerit, hic magnus vocábitur in regno cœlórum.

Credo.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

OMNIPOTENS sempitérne Deus, múnera tuæ majestáti obláta, per intercessiόνem beáti Ambrósii Confessóris tui atque Pontíficis, ad perpétuam nobis fac proveníre salútem. Per, etc.

Communio. Ibid. Semel jurávi in sancto meo : semen ejus in ætérnum manébit : et sedes ejus sicut sol in conspéctu meo, et sicut luna perfécta in ætérnum, et testis in cœlo fidélis.

Postcommunio.

SACRAMENTA salútis nostræ suscipiéntes, concéde, quæsumus, omnípotens Deus, ut beáti Ambrósii Confessóris tui atque Pontíficis, nos ubique orátio ádjuvet, in cujus veneratióne hæc tuæ obtúlimus majestáti. Per Dóminum nostrum, etc.

DIE VIII.

In Conceptione

B. MARIÆ VIRGINIS.

Introitus. Sedulius.

SALVE, sancta Parens, eníxa puérpera Regem, qui cœlum terrámque regit in sæcula sæculórum.

Ps. 44. Eructávit cor meum verbum bonum : dico ego ópera mea Regi.

V. Glória Patri, et Filio, etc.

Oratio.

FAMULIS tuis, quæsumus, Dómine, cœlestis grátiae munus impertíre : ut, quibus beátæ Virgínis partus éxitit salútis exórdium, Conceptionis ejus votíva solémnitas pacis tribuat incrementum. Per Dóminum, etc.

Et fit commemoratio Feriæ.

Léctio libri Sapiéntiæ. *Prov. 8.*

DOMINUS possédit me in inítio viárum suárum, ántequam quidquam fáceret à princípío. Ab ætérno ordináta sum, et ex antíquis, ántequam terra fieret. Nondum erant abyssi, et ego jam concépta eram : necdum fontes aquárum erúperant : necdum montes gravi mole constíterant : ante colles ego parturiébar : adhuc terram non fécerat, et flúmina, et cárdines orbis terræ. Quando præparábat cœlos, áderam : quando certa lege, et gyro vallábat abyssos : quando æthera firmábat sursùm, et librábat fontes aquárum : quando circúmdabat mari términum suum, et legem ponébat aquis, ne transírent fines suos : quando appendébat fundaménta terræ : cum eo eram cuncta compónens : et delectábar per singulos dies, ludens coram eo omni

témpore, ludens in orbe terrárum ; et deliciæ meæ esse cum filiis hóminum. Nunc ergo, filii, audíte me : Beáti qui custódiunt vias meas. Audíte disciplínam, et estóte sapiéntes, et nolíte abjicere eam. Beátus homo qui audit me, et qui vígilat ad fores meas quotídiè, et obsérvat ad postes óstii mei. Qui me invénierit, invéniet vitam, et háuriet salútem à Dómino.

Graduale. Benedícta et venerábilis es, Virgo María : quæ sine tactu pudóris invénta es mater Salvatóris.

V. Virgo Dei génitrix, quem totus non capit orbis, in tua se clausit víscera factus homo.

Allelúia, allelúia. *V.* Felix es, sacra Virgo María, et omni laude digníssima : quia ex te ortus est sol justítiæ Christus Deus noster. Allelúia.

Post Septuagesimam, in Missis Votivis, omissis Allelúia et Versu sequenti, dicitur

Tractus. Gaude, María Virgo, cunctas hæreses sola interemísti.

V. Quæ Gabriélis Archángeli dictis credidisti.

V. Dum virgo Deum et hóminem genuísti : et post partum virgo invioláta permansísti.

V. Dei Génitrix, intercède pro nobis.

Tempore Paschali omittitur Graduale, et ejus loco dicitur :

Allelúia, allelúia. *V.* Felix es, sacra Virgo María, et omni laude digníssima : quia ex te ortus est sol justítiæ, Christus Deus noster. Allelúia.

V. Virga Jesse flóruit : virgo Deum et hóminem génuit : pacem Deus réddidit, in se reconcilians ima summis. Allelúia.

Initium sancti Evangélíi secúndum
Matthæum. *Matth. 1.*

LIBER generatiónis Jesu Chris-
ti filii David, filii Abraham.
Abraham genuit Isaac. Isaac au-
tem genuit Jacob. Jacob autem
genuit Judam, et fratres ejus. Ju-
das autem genuit Phares et Zaram
de Thamar. Phares autem genuit
Esron. Esron autem genuit Aram.
Aram autem genuit Amínadab.
Amínadab autem genuit Naásson.
Naásson autem genuit Salmon.
Salmon autem genuit Booz de Ra-
hab. Booz autem genuit Obed ex
Ruth. Obed autem genuit Jesse.
Jesse autem genuit David regem.
David autem rex genuit Salomón-
em ex ea quæ fuit Uriæ. Sáló-
mon autem genuit Róboam. Ró-
boam autem genuit Abíam. Abías
autem genuit Asa. Asa autem
genuit Jósaphat. Jósaphat autem
genuit Joram. Joram autem gé-
nuit Ozíam. Ozias autem genuit
Jóatham. Jóatham autem genuit
Achaz. Achaz autem genuit Eze-
chíam. Ezechías autem genuit
Manássen. Manásses autem gé-
nuit Amon. Amon autem genuit
Josíam. Josías autem genuit Je-
choníam, et fratres ejus in transmi-
gratióne Babylónis. Et post trans-
migratióne Babylónis, Jechonías
genuit Saláthiel. Saláthiel autem
genuit Zoróbabel. Zoróbabel au-
tem genuit Abiud. Abiud autem
genuit Eliácim. Eliácim autem
genuit Azor. Azor autem genuit
Sadoc. Sadoc autem genuit Achim.
Achim autem genuit Eliud. Eliud
autem genuit Eleázar. Eleázar
autem genuit Mathan. Mathan
autem genuit Jacob. Jacob autem
genuit Joseph virum Mariæ, de qua
natus est Jesus qui vocátur Chris-
tus.

Credo.

¶ *Et dicitur per totam Octavam,
etiam in Festis infra eam occurrenti-
bus.*

Offertorium. Beáta es, Virgo
María, quæ ómnium portásti Crea-
tórem : genuisti qui te fecit, et in
æternum pérmanes virgo.

Secreta.

UNIGENITI tui, Dómine, no-
bis succúrrat humánitas : ut,
qui natus de Virgine, matris inte-
gritatem non mínuit, sed sacrávit ;
in Conceptionis ejus solémniis, nos-
tris nos piáculis éxuens, oblatiõem
nostram tibi fáciat accéptam Jesus
Christus Dóminus noster. Qui
tecum vivit, etc.

Præfatio de B. Virgine. Et te in
Conceptione, etc., fol. 208. *Et
dicitur etiam in Festis infra Octavam
occurrentibus.*

In Missis Votivis. Et te in com-
memoratióne Conceptionis.

Communio. Beáta viscera Ma-
riæ Virginis, quæ portavérunt æterni
Patris Filium.

Postcommunio.

SUMPSIMUS, Dómine, celebri-
tátis ánnuæ votíva sacramén-
ta : præsta, quæsumus, ut et tem-
porális vitæ nobis remédia præbeant,
et æternæ. Per, etc.

¶ *Infra Octavam Conceptionis B.
Mariæ Virginis, et in die Octava
dicitur Missa sicut in die Festi ; sed
infra Octavam dicitur secunda Oratio
Feriæ, tertia de Spiritu sancto, fol.
51*, vel de Festo Simplici occurrente.
Si vero occurrat dies Dominica, dici-
tur secunda Oratio de Octava.*

DIE X.

Pro Commemoratione
SANCTI MELCHIA DIS,
Papæ et Martyris.

Oratio. Infirmitatem nostram,
ut in Communi unius Martyris Pon-
tificis, fol. 2.*

DIE XI.

SANCTI DAMASI,
Papæ et Confessoris.

Introitus. Ps. 131.

SACERDOTES tui, Dómine,
induant justítiam, et sancti tui
exúltent : propter David servum
tuum non avértas faciém Christi
tui.

Ps. ibid. Meménto, Dómine,
David, et omnis mansuetúdinis ejus.

V. Glória Patri, et Filio, etc.

Oratio.

EXAUDI, Dómine, preces nos-
tras : et, interveniénte beáto
Dámaso Confessóre tuo atque Pon-
tífice, indulgéntiam nobis tribue
placátus, et pacem. Per, etc.

Et fit commemoratio de Oct. Con-
ceptionis, Oratio Fámulis tuis, fol.
326, et Feriæ.

Léctio Epístolæ beáti Pauli Após-
toli ad Hebræos. *Hebr. 7.*

FRATRES, Plures facti sunt
sacerdótes, idcirco quòd morte
prohiberéntur permanére : Jesus
autem eò quòd máneat in ætérnum,
sempitérnum habet sacerdotíum.
Unde et salváre in perpétuum potest
accedéntes per semetípsum ad De-
um : semper vivens ad interpellán-
dum pro nobis. Talis enim decé-
bat ut nobis esset Póntifex, sanctus,

innocens, impollútus, segregátus à
peccatóribus, et excélsior cælis fac-
tus : qui non habet necessitátem
quotídiè, quemádmódum sacerdótes,
prius pro suis delictis hóstias offerre,
deínde pro pópuli : hoc enim fecit
semel, seípsum offeréndo, Jesus
Christus Dóminus noster.

Graduale. Eccl. 44. Ecce sa-
cérdos magnus, qui in diébus suis
plácuít Deo.

V. Non est invéntus símilis illi,
qui conserváret legem Excélsi.

Allelúia, allelúia. *V. Ps. 109.*
Tu es sacérdos in ætérnum secún-
dum órđinem Melchisedech. Alle-
lúia.

Sequéntia sancti Evangélíi secún-
dum Matthæum. *Matth. 24.*

IN illo témpore : Dixit Jesus dis-
cípulis suis : Vigilate, quia nes-
cítis qua hora Dóminus vester ven-
túrus sit. Illud autem scitóte, quó-
niam si sciret paterfamilias qua hora
fur ventúrus esset, vigiláret útique,
et non síneret pérfodi domum suam.
Idèd et vos estóte paráti : quia qua
nescítis hora Fílius hóminis ventú-
rus est. Quis, putas, est fidélis
servus et prudens, quem constituit
dóminus suus super familiam suam,
ut det illis cibum in témpore ?
Beátus ille servus, quem, cùm véne-
rit dóminus ejus, invénerit sic faci-
éntem. Amen dico vobis, quóni-
am super ómnia bona sua constitúet
eum.

Credo.

Offertorium. Ps. 88. Invéni
David servum meum, óleo sancto
meo unxi eum : manus enim mea
auxiliábitur ei, et bráchium meum
confortábit eum.

Secreta.

ACCEPTA tibi sit, Dómine,
sacrátæ plebis oblátio, pro

tuorum honore Sanctorum : quorum se meritis percepisse de tribulatione cognoscit auxilium. Per Dominum, etc.

Pro Oct. Concept. Secreta. Unigeniti tui, ut supra, fol. 327, et Ferie.

Communio. Matth. 25. Domine, quinque talenta tradidisti mihi, ecce alia quinque superlucratus sum : eugè serve bone et fidelis, quia in pauca fuisti fidelis, supra multa te constituam : intra in gaudium Domini tui.

Postcommunio.

DA, quæsumus, Domine, fidelibus populis Sanctorum tuorum semper veneratione lætari, et eorum perpétua supplicatione muniri. Per Dominum, etc.

Pro Octava Conceptionis. Postcommunio. Sumpsimus, Domine, ut supra, fol. 327, et Ferie.

DIE XIII.

SANCTÆ LUCIÆ,

Virginis et Martyris.

Introitus. Ps. 44.

DILEXISTI justitiam, et odisti iniquitatem : propterea unxit te Deus, Deus tuus, oleo lætitiæ præ consortibus tuis.

Ps. 44. Eructavit cor meum verbum bonum : dico ego opera mea Regi.

Ÿ. Glória Patri, etc.

Oratio.

EXAUDI nos, Deus salutaris noster : ut, sicut de beatæ Luciæ Virginis et Martyris tuæ festivitate gaudemus, ita piæ devo-

tionis erudiámur affectu. Per Dominum, etc.

Et fit commemoratio Octav. Conceptionis. Oratio. Famulis tuis, fol. 326, et Ferie.

Lectio Epistolæ beati Pauli Apostoli ad Corinthios. 2 Cor. 10.

FRATRES, Qui gloriatur, in Domino glorietur. Non enim qui seipsum commendat, ille probatus est ; sed quem Deus commendat. Utinam sustineretis modicum quid insipientiæ meæ : sed et supportate me. Æmulor enim vos Dei æmulatione. Despónði enim vos uni viro virginem castam exhibere Christo.

Graduale. Ps. 44. Dilexisti justitiam, et odisti iniquitatem.

Ÿ. Propterea unxit te Deus, Deus tuus, oleo lætitiæ.

Allelúia, allelúia. Ÿ. Ps. 44. Diffusa est grátia in lábiis tuis : propterea benedixit te Deus in ætérnum. Allelúia.

Sequéntia sancti Evangelii secúndum Matthæum. *Matth. 13.*

IN illo témpore : Dixit Jesus discipulis suis parabolam hanc : Simile est regnum cœlorum thesauro abscondito in agro : quem qui invenit homo, abscondit, et præ gaudio illius vadit, et vendit universa quæ habet, et emit agrum illum. Iterum simile est regnum cœlorum homini negotiátóri, quærenti bonas margaritas : inventa autem una pretiósá margarita, abiit, et vendidit ómnia quæ hábuit, et emit eam. Iterum simile est regnum cœlorum sagénæ missæ in mare, et ex omni genere piscium congregánti : quam, cùm impléta esset, educéntes, et secus littus sedéntes, elegérunt bonos in vasa,

malos autem foràs misérunt. Sic erit in consummatione sæculi : exhibunt Angeli, et separabunt malos de medio justorum, et mittent eos in caminum ignis : ibi erit fletus, et stridor dentium. Intellexistis hæc omnia ? Dicunt ei : Etiam. Ait illis : Ideò omnis scriba doctus in regno cælorum, similis est homini patrifamilias, qui profert de thesauro suo nova et vètera.

Credo.

Offertorium. Ps. 44. Afferentur Regi virgines post eam : proxima ejus afferentur tibi in lætitia et exultatione : adducuntur in templum Regi Domino.

Secreta.

ACCEPTA tibi sit, Domine, sacratæ plebis oblatio pro tuorum honore Sanctorum : quorum se meritis percepisse de tribulatione cognoscit auxilium. Per, etc.

Pro Octava Conceptionis, Secreta. Unigeniti tui, fol. 327, et Ferie.

Communio. Ps. 118. Principes persecuti sunt me gratis, et à verbis tuis formidavit cor meum : lætabor ego super eloquia tua, quasi qui invenit spolia multa.

Postcommunio.

SATIASTI, Domine, familiam tuam munèribus sacris : ejus, quæsumus, semper interventione nos réfove, cujus solèmnia celebramus. Per Dominum, etc.

Pro Octava Conceptionis. Postcommunio. Súmpsimus, Domine, fol. 327, et Ferie.

DIE XIV.

¶ Si hodie occurrat Feria quarta

Quatuor Temporum, Missa dicitur de Feria, cum commemoratione Octavæ, et tertia Oratione de Spiritu sancto, cum Præfatione de Octava.

DIE XV.

In Octava Conceptionis B. Mariæ Virginis, Missa ut in die, cum commemor. Ferie.

DIE XVI.

SANCTI EUSEBII,
Episcopi et Martyris.

Missa Sacerdotes Dei, ut in Comuni unius Martyris Pontificis, secundo loco, fol. 3, et fit commemoratio Ferie.*

DIE XX.

In Vigilia

S. THOMÆ, APOSTOLI.

Missa, Ego autem, etc., ut in Comuni Apostolorum, fol. 1, cum commemor. Ferie Adventus : et in ea servetur Rubrica posita in Vigilia S. Andreae, fol. 317.*

¶ Si autem hæc Vigilia venerit in Quatuor temporibus, de ea fit tantum commem.

DIE XXI.

S. THOMÆ, APOSTOLI.

Introitus. Ps. 138.

MIHI autem nimis honorati sunt amici tui, Deus : nimis confortatus est principatus eorum.

Ps. 138. Domine, probasti me, et cognovisti me : tu cognovisti ses-

siónein meam, et resurrectionem meam.

V. Glória Patri, etc.

Oratio.

DA nobis, quæsumus, Dómine, beáti Apóstoli tui Thomæ solemnitatibus gloriári: ut ejus semper et patrocíniis sublevémur, et fidem cógrua devotióne sectémur. Per Dóminum, etc.

Et fit commemoratio Feriæ.

Lectio Epistolæ beáti Pauli Apóstoli ad Ephésios. *Ephes. 2.*

FRATRES, Jam non estis hóspites et ádvenæ; sed estis cives Sanctórum, et doméstici Dei: superædificáti super fundaméntum Apostolórum et Prophetárum, ipso summo angulári lápide Christo Jesu: in quo omnis ædificatio constrúcta crescit in templum sanctum in Dómino: in quo et vos coædificámini in habitáculum Dei in Spíritu.

Graduale. Ps. 138. Nimis honoráti sunt amíci tui, Deus: nimis confortátus est principátus eórum.

V. Dinumerábo eos, et super arenam multiplicabúntur.

Allelúia, allelúia. *V. Ps. 32.* Gaudéte justí in Dómino: rectos decet collaudátio. Allelúia.

Sequéntia sancti Evangélíi secúndum Joánnem. *Joann. 20.*

IN illo témpore: Thomas, unus ex duódecim, qui dicitur Dídy-mus, non erat cum eis, quando venit Jesus. Dixérunt ergo ei álíi discípuli: Vidimus Dóminum. Ille autem dixit eis: Nisi vídero in mánibus ejus fixúram clavórum, et mittam dígitum meum in locum

clavórum, et mittam manum meam in latus ejus, non credam. Et post dies octo, iterùm erant discípuli ejus intùs, et Thomas cum eis. Venit Jesus jánuis clausis, et stetit in médio, et dixit: Pax vobis. Deínde dicit Thomæ: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respóndit Thomas, et dixit ei: Dóminus meus, et Deus meus. Dixit ei Jesus: Quia vidísti me, Thoma, credidisti: beáti qui non víderunt, et credidérunt.

Credo.

Offertorium. Ps. 18. In omnem terram exívit sonus eórum: et in fines orbis terræ verba eórum.

Secreta.

DEBITUM tibi, Dómine, nostræ réddimus servitútis, suppliciter exorántes; ut, suffrágiis beáti Thomæ Apóstoli, in nobis tua múnera tueáris, cujus honoránda confessiône laudis tibi hóstias imolámus. Per Dóminum, etc.

Et fit commemoratio Feriæ.

Præfatio de Apostolis, fol. 209.

Communio. Joann. 20. Mitte manum tuam, et cognósce loca clavórum: et noli esse incrédulus, sed fidélis.

Postcommunio.

ADESTO nobis, miséricors Deus: et intercedénte pro nobis beáto Thoma Apóstolo, tua circa nos propitiátus dona custódi. Per Dóminum, etc.

Et fit commemoratio Feriæ.

FESTA JANUARIJ.

DIE XI.

Pro Commemoratione

SANCTI HYGINI,

Papæ et Martyris.

Oratio.

INFIRMITATEM nostram respice, omnipotens Deus: et, quia pondus propriæ actionis gravat, beati Hygini Martyris tui atque Pontificis intercessio gloriosa nos protegat. Per Dominum, etc.

Tertia Oratio de S. Maria, Deus, qui salutis, etc., fol. 334.

Secreta.

HOSTIAS tibi Domine, beati Hygini Martyris tui atque Pontificis dicatas meritis, benignus assume: et ad perpetuum nobis tribue provenire subsidium. Per Dominum, etc.

Postcommunio.

REFFECTI participatione muneris sacri, quæsumus, Domine, Deus noster; ut, cujus exequimur cultum, intercedente beato Hygino Martyre tuo atque Pontifice, sentiâmus effectum. Per, etc.

DOMINICA II. POST EPIPHANIAM.

In Festo

SANCTI NOMINIS JESU.

Introitus. Philip. 2.

IN Nômine JESU omne genus flectatur, cœlestium, terrestrium, et infernorum: et omnis lin-

gua confiteatur, quia Dominus Jesus Christus in glória est Dei Patris.

Ps. 8. Domine, Dominus noster, quàm admirabile est Nomen tuum in univêrsa terra!

V. Glória Patri, etc.

Oratio.

DEUS, qui Unigénitum Filium tuum constituisti humani generis Salvatorem, et Jesum vocari jussisti: concede propitius; ut, cujus sanctum Nomen venerâmur in terris, ejus quoque aspectu perfruâmur in cœlis. Per eundem, etc.

Deinde fit commemoratio Dominicæ secundæ post Epiphaniam, fol. 37.

¶ Si occurrerit aliquod Festum simplex, fit de eo commem. in Missis privatis tantum.

Lectio Actuum Apostolorum.

Act. 4.

IN dièbus illis: Petrus replétus Spíritu sancto, dixit: Principes pópuli et seniôres, audite: Si nos hódie dijudicâmur in benefacto hominis infirmi, in quo iste salvus factus est: notum sit omnibus vobis, et omni plebi Israël, quia in nómine Domini nostri Jesu Christi Nazarenî, quem vos crucifixistis, quem Deus suscitâvit à mórtais, in hoc iste astat coram vobis sanus. Hic est lapis, qui reprobâtus est à vobis ædificântibus: qui factus est in caput ánguli: et non est in álio áliquo salus. Nec enim áliud nomen est sub cœlo datum homínibus, in quo opórteat nos salvos fieri.

Graduale. Ps. 105. Salvos fac nos, Domine, Deus noster, et congrega nos de nationibus: ut confiteâmur Nômini sancto tuo, et gloriémur in laude tua.

V. *Isaia* 63. Tu, Dómine, pater noster, et redemptor noster, à sæculo Nomen tuum.

Allelúia, allelúia. *V.* *Ps.* 144. Laudem Dómini loquétur os meum, et benedicat omnis caro Nomen sanctum ejus. Allelúia.

Post Septuagesimam, omissis Allelúia et Versu sequenti, dicitur

Tractus. *Ps.* 79 et *Cant.* 2. Dómine, Deus virtútum, convérte nos: et osténde fáciem tuam, et salví érimus: sonet vox tua in áuribus meis.

V. *Cant.* 2. Vox enim tua dulcis, et fácies tua decóra nimis.

V. *Cant.* 1. Oleum effúsum Nomen tuum, Jesu: ideò adolescéntulæ dilexérunt te.

Tempore Paschali in Missis votivis:

Allelúia, allelúia. *V.* *Ps.* 144. Laudem Dómini loquétur os meum, et benedicat omnis caro Nomen sanctum ejus. Allelúia.

V. *Ibid.* Exaltábo te, Deus meus Rex, et benedicam Nomini sancto tuo, Jesu, in sæculum, et in sæculum sæculi. Allelúia.

Sequéntia sancti Evangélíi secúndum Lucam. *Luc.* 2.

IN illo témpore: Postquam consummáti sunt dies octo, ut circumciderétur puer, vocátum est nomen ejus Jesus, quod vocátum est ab Angelo, priúsqum in útero conciperétur.

Credo.

Offertorium. *Ps.* 85. Confitébor tibi, Dómine Deus meus, in toto corde meo, et glorificábo Nomen tuum in ætérnum. Quóniam tu, Dómine, suávis et mitis es, et multæ misericórdiæ ómnibus invocántibus te. Allelúia.

Secreta.

BENEDICTIO tua, clementís-sime Deus, qua omnis viget creatúra, sanctíficet, quæsumus, hoc sacrificium nostrum, quod ad glóriam nóminis Filii tui Dómini nostri Jesu Christi offerimus tibi: ut Majestáti tuæ placére possit ad laudem, et nobis proficere ad salutem. Per eúndem, etc.

Altera Secreta Dominicæ.

Præfatio de Nativitate, fol. 203.

Communio. *Ibid.* Omnes gentes quascúmque fecísti, vénient, et adorábunt coram te, Dómine, et glorificábunt Nomen tuum, quóniam magnus es tu, et fáciens mirabilia: tu es Deus solus. Allelúia.

Postcommunio.

OMNIPOTENS, ætérne Deus, qui creásti et redemísti nos, réspice propítius vota nostra: et sacrificium salutáris hóstiæ, quod in honórem nóminis Filii tui Dómini nostri Jesu Christi, Majestáti tuæ obtúlimus, plácido et benígno vultu suscipere dignéris: ut grátia tua nobis infúsa, sub glorióso nomine Jesu, ætérnæ prædestinaciónis título gaudeámus nómina nostra scripta esse in cœlis. Per eúndem Dóminum, etc.

Altera Postcommunio Dominicæ.

In fine Missæ legitur Evangelium Dominicæ secundæ post Epiph.

DIE XIV.

SANCTI HILARII,

Episcopi et Confessoris.

Missa, In médio Ecclésiæ, etc., ut in Communi Doctorum, fol. 18.*

Pro commemoratione S. Felicis, Presbyteri et Martyris.

Oratio.

CONCEDE, quæsumus, omnipotens Deus : ut ad meliorem vitam Sanctorum tuorum exempla nos provocent ; quatenus, quorum sollemnia ágimus, étiam actus imitemur.

De Sancta Maria. Oratio.

DEUS, qui salutis æternæ beatæ Mariæ virginitate fecunda humano generi præmia præstitisti : tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum. Qui tecum, etc.

Pro Sancto Felice.

Secreta.

HOSTIAS tibi, Domine, beati Felicis Martyris tui dicatas meritis benignus assume, et ad perpetuum nobis tribue provenire subsidium.

De Sancta Maria.

Secreta.

MUNERIBUS nostris, quæsumus, Domine, precibusque susceptis, et cælestibus nos munda mysteriis, et clementer exaudi. Per Dominum, etc.

Pro Sancto Felice.

Postcommunio.

QUÆSUMUS, Domine, salutaribus repléti mysteriis, ut beati Felicis martyris tui, cujus sollemnia celebramus, orationibus adjuvemur.

De Sancta Maria.

Postcommunio.

HÆC nos commúnio, Domine, purget à crimine : et, inter-

cedente beata Virgine Dei genitrice Maria, cælestis remédii faciat esse consortes. Per eundem, etc.

¶ *Si contingat Festum S. Hilarii transferri in alium diem, non tamen prædicta commemoratio S. Felicis transfertur, sed de ea fit suo die : quod et in sequenti Festo, et in similibus semper servatur.*

DIE XV.

S. PAULI, I. EREMITÆ.

Introitus. Ps. 91.

JUSTUS ut palma florébit : sicut cedrus Libani multiplicabitur : plantatus in domo Domini, in atriis domus Dei nostri.

Ps. ibid. Bonum est confitèri Domino, et psallere nómini tuo, Altíssime.

Ÿ. Glória Patri, etc.

Oratio.

DEUS, qui nos beati Pauli confessoris tui ánnua solemnitate lætificas : concède propítius ; ut, cujus natalitia cólimus, étiam actiones imitemur. Per, etc.

Pro commemoratione S. Mauri Abbatis.

Oratio.

INTERCESSIO nos, quæsumus, Domine, beati Mauri abbatis comméndet : ut, quod nostris meritis non valémus, ejus patrocínio assequámur. Per, etc.

Lectio Epistolæ beati Pauli Apóstoli ad Philippenses. *Philipp. 3.*

FRATRES, Quæ mihi fuérunt lucra, hæc arbitrátus sum propter Christum detriménta. Verúmtamen existimo ómnia detri-

méntum esse propter eminentem sciéntiam Jesu Christi Dómini mei: propter quem ómnia detriméntum feci, et árbitor ut stércora, ut Christum lucrifáciam, et invéniam in illo, non habens meam justítiam, quæ ex lege est, sed illam quæ ex fide est Christi Jesu: quæ ex Deo est justítia in fide, ad cognoscéndum illum, et virtútem resurrectionis ejus, et societátem passiónum illius, configurátus mortí ejus: si quo modo occúrram ad resurrectionem, quæ est ex mórtuis: non quòd jam accéperim, aut jam perfectus sim: sequor autem, si quo modo comprehéndam, in quo et comprehénsus sum à Christo Jesu.

Graduale. Ps. 91. Justus ut palma florébit: sicut cedrus Libani multiplicábitur in domo Dómini.

Ÿ. Ad annuntiándum manè misericórdiam tuam, et veritátem tuam per noctem.

Allelúia, allelúia. Ÿ. *Oseæ. 14.* Justus germinábit sicut lilium, et florébit in ætérnum ante Dóminum. Allelúia.

Si hoc Festum celebretur post Septuagesimam, omissis Allelúia et Ÿ. seq., dicitur

Tractus. Ps. 111. Beátus vir qui timet Dóminum: in mandátis ejus cupit nimis.

Ÿ. Potens in terra erit semen ejus, generátio rectórum benedicétur.

Ÿ. Glória et divítiæ in domo ejus, et justítia ejus manet in sæculum sæculi.

Sequéntia sancti Evangélíi secúndum Matthæum. *Matth. 11.*

IN illo témpore: Respóndens Jesus, dixit: Confitéor tibi, Pater, Dómine cæli et terræ, quia abscondísti hæc à sapiéntibus et

prudéntibus, et revelásti ea párvulis. Ita, Pater: quóniam sic fuit plácitum ante te. Omnia mihi trádita sunt à Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes qui laborátis, et onerátí estis, et ego refíciam vos. Tóllite jugum meum super vos, et discite à me quia mitis sum, et húmilis corde: et inveniétis réquiem animábus vestris. Jugum enim meum suáve est, et onus meum leve.

Offertorium. Ps. 20. In virtúte tua, Dómine, lætábitur justus, et super salutáre tuum exultábit vehementer: desidérium ánimæ ejus tribuísti ei.

Secreta.

LAUDIS tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per, etc.

Pro Sancto Mauro.

Secreta.

PRÆSTA nobis, quæsumus, omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum, etc.

Communio. Ps. 63. Lætábitur justus in Dómino, et sperábit in eo: et laudabúntur omnes recti corde.

Postcommunio.

REFFECTI cibo, potúque cælesti, Deus noster, te supplices exorámus; ut, in cujus hæc commemoratióne percépimus, ejus muniámur et précibus. Per, etc.

Pro Sancto Mauro.

Postcommunio.

PROTEGAT nos, Dómine, cum tui perceptiône sacraménti, beátus Maurus Abbas, pro nobis intercedéndo : ut et conversatiónis ejus experiámur insígnia, et intercessiόνis percipiámus suffrágia. Per Dóminum, etc.

DIE XVI.

SANCTI MARCELLI,

Papæ et Martyris.

Introitus. Eccl. 45.

STATUIT ei Dóminus testaméntum pacis, et príncipem fecit eum : ut sit illi sacerdótii dignitas in ætérnum.

Ps. 131. Meménto, Dómine, David, et omnis mansuetúdinis ejus.

V. Glória Patri, etc.

Oratio.

PRECES pópuli tui, quæsumus, Dómine, cleménter exáudi, ut beáti Marcelli Mártiris tui atque Pontíficis méritis adjuvémur, cujus passiône lætámur. Per, etc.

Léctio Epistolæ beáti Pauli Apóstoli ad Corínthios. 2 Cor. 1.

FRATRES, Benedíctus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra : ut possímus et ipsi consolári eos, qui in omni pressúra sunt, per exhortatiónem, qua exhortámur et ipsi à Deo. Quóniam sicut abúndant passiones Christi in nobis : ita et per Christum abúndat consolatio nostra. Sive autem tribulamur pro vestra exhortatióne et salúte, sive

consolámur pro vestra consolatióne, sive exhortámur pro vestra exhortatióne et salúte, quæ operátur tolerántiam earúmdem passiónum, quas et nos pátimur : ut spes nostra firma sit pro vobis : sciéntes quòd sicut sócii passiónum estis, sic éritis et consolatiónis : in Christo Jesu Dómino nostro.

Graduale. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

V. Nihil proficiet inimícus in eo, et filius iniquitátis non nocébit ei.

Allelúia, allelúia. *V.* *Ps. 109.* Tu es sacérdos in ætérnum secúndum órđinem Melchisedech. Allelúia.

Si hoc Festum celebretur post Septuagesimam, omissis Allelúia et Versu sequenti, dicitur

Tractus. Ps. 20. Desidérium animæ ejus tribuísti ei, et voluntáte labiórū ejus non fraudásti eum.

V. Quóniam prævenísti eum in benedictiόνibus dulcedinis.

V. Posuísti in cápite ejus coronam de lápide pretiósó.

Sequéntia sancti Evangélíi secúndum Matthæum. *Matth. 16.*

IN illo témpore : Dixit Jesus discípulis suis : Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam : qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ verò suæ detriméntum patiátur? Aut quam dabit homo commutatiónem pro ánima sua? Fílius enim hómínis ventúrus est in glória Patris sui

cum Angelis suis : et tunc reddet unicuique secundum opera ejus.

Offertorium. Ps. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

SUSCIPE, quæsumus, Domine, mûnera dignanter oblata : et, beati Marcëlli Martyris tui atque Pontificis suffragantibus meritis, ad nostræ salutis auxilium provenire concede. Per Dominum, etc.

Communio. Matth. 25. Domine, quinque talenta tradidisti mihi : ecce alia quinque superlucratus sum. Eugène, serve bone et fidelis, quia in pauca fuisti fidelis, supra multa te constituam : intra in gaudium domini tui.

Postcommunio.

SATIASTI, Domine, familiam tuam munèribus sacris : ejus, quæsumus, semper interventione nos refove, cujus solèmnia celebramus. Per Dominum, etc.

DIE XVII.

S. ANTONII, ABBATIS.

Missa, Os justi, de Communi Abbat., fol. 22, cum Evang. Sint lumini vestri præcincti, de Communi Confess. non Pont., fol. 20*.*

DIE XVIII.

CATHEDRÆ S. PETRI,

Qua Romæ primum sedit.

Introitus. Eccl. 45.

STATUIT ei Dominus testamentum pacis, et principem
2 s

fecit eum, ut sit illi sacerdotii dignitas in ætèrnum.

Ps. 131. Memento, Domine, David, et omnis mansuetudinis ejus.

V. Glória Patri, et Filio, etc.

Oratio.

DEUS, qui beato Petro Apostolo tuo, collatis clavibus regni cœlestis, ligandi atque solvendi Pontificium tradidisti : concede ; ut, intercessionis ejus auxilio, à peccatorum nostrorum nexibus liberemur. Qui vivis et regnas, etc.

Et fit commemoratio de S. Paulo ante quascumque commemor., etiam Dominicæ : quod et servatur in commemor. S. Petri, quæ fit in Festis S. Pauli.

Oratio.

DEUS, qui multitudinem Gentium beati Pauli Apostoli prædicatione docuisti : da nobis, quæsumus ; ut, cujus commemorationem colimus, ejus apud te patrocinia sentiamus.

Deinde fit commemoratio S. Priscæ Virginis et Martyris.

Oratio.

DA, quæsumus, omnipotens Deus, ut qui beatæ Priscæ Virginis et Martyris tuæ natalitia colimus, et annua solemnitæ lætemur, et tantæ fidei proficiamus exemplo. Per Dominum, etc.

Lectio Epistolæ beati Petri Apostoli.
1 Petr. 1.

PETRUS Apostolus Jesu Christi, electis advenis dispersionis Ponti, Galatiæ, Cappadociæ, Asiæ, et Bithyniæ, secundum præscientiam Dei Patris, in sanctificationem

Spiritus, in obediéntiam, et aspersiónem sánguinis Jesu Christi: Grátia vobis, et pax multiplicétur. Benedictus Deus, et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditátem incorruptibilem, et incontaminátam, et immarcescibilem, conservátam in cœlis in vobis, qui in virtúte Dei custodimini per fidem in salutem, parátam revelári in témpore novissimo. In quo exultábitis, módicum nunc si opórtet contristári in váriis tentatióibus: ut probátio vestræ fidei multò pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi Dómini nostri.

Graduale. Ps. 106. Exáltent eum in Ecclésia plebis, et in cathedra seniórum laudent eum.

V. Confiteántur Dómino misericórdiæ ejus, et mirabilia ejus filiis hóminum.

Si Festum Cathedralæ venerit ante Septuagesimam, post Graduale statim dicitur

Allelúia, allelúia. *V. Matth. 16. Tu es Petrus, et super hanc petram ædificábo Ecclésiam meam. Allelúia.*

Si autem venerit post Septuagesimam, omissis Allelúia et Versu, dicitur sequens

Tractus. Ibid. Tu es Petrus, et super hanc petram ædificábo Ecclésiam meam.

V. Et portæ inferi non prævalébunt advérsus eam: et tibi dabo claves regni cœlorum.

V. Quodcúmque ligáveris super terram, erit ligátum et in cœlis.

V. Et quodcúmque sólveris super terram, erit solútum et in cœlis.

Sequéntia sancti Evangélii secúndum Matthæum. *Matth. 16.*

IN illo témpore: Venit Jesus in partes Cæsaréæ Philíppi, et interrogábat discipulos suos, dicens: Quem dicunt hómines esse Filium hóminis? At illi dixerunt: Alii Joánnem Baptístam, álii autem Eliám, álii verò Jeremíam, aut unum ex Prophétis. Dicit illis Jesus: Vos autem quem me esse dicitis? Respóndens Simon Petrus, dixit: Tu es Christus Filius Dei vivi. Respóndens autem Jesus, dixit ei: Beátus es Simon Bar-Jóna: quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclésiam meam, et portæ inferi non prævalébunt advérsus eam. Et tibi dabo claves regni cœlorum. Et quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis.

Credo.

Offertorium. Ibid. Tu es Petrus, et super hanc petram ædificábo Ecclésiam meam: et portæ inferi non prævalébunt advérsus eam: et tibi dabo claves regni cœlorum.

Secreta.

ECCLESIAE tuæ, quæsumus, Dómine, preces et hóstias beáti Petri Apóstoli comméndet orátio: ut, quod pro illíus glória celebrámus, nobis prosit ad véniam. Per Dóminum, etc.

Pro S. Paulo.

Secreta.

APOSTOLI tui Pauli précibus, Dómine, plebis tuæ dona sanctifica: ut, quæ tibi tuo grata sunt

institúto, gratióra fiant patrocínio supplicántis.

Pro S. Prisca.

Secreta.

HÆC hóstia, quæsumus, Dómine, quam Sanctórum tuórum natalítia recenséntes offérimus, et víncula nostræ pravítatis absólvat, et tuæ nobis misericórdiæ dona concíliet. Per Dóminum, etc.

Præfatio de Apostolis, fol. 209.

Communio. Ibid. Tu es Petrus, et super hanc petram ædificábo Ecclésiám meam.

Postcommunio.

LÆTIFICET nos, Dómine, munus oblátum : ut, sicut in Apóstolo tuo Petra te mirábilem prædicámus, sic per illum tuæ sumámus indulgéntiæ largítatem. Per Dóminum, etc.

Pro S. Paulo.

Postcommunio.

SANCTIFICATI, Dómine, salutári mystério, quæsumus, ut nobis ejus non desit orátio, cujus nos donásti patrocínio gubernári.

Pro S. Prisca.

Postcommunio.

QUÆSUMUS, Dómine, salutáribus repléti mystériis ; ut, cujus solémnia celebrámus, ejus oratióibus adjuvémur. Per, etc.

DIE XIX.

SANCTI CANUTI,

Regis et Martyris.

Semiduplex ad libitum.

Missa, In virtúte tua, etc., de

Communi unius Martyris non Pontificis, fol. 4, præter Orationem seq.*

Oratio.

DEUS, qui ad illustrándam Ecclésiám tuam, beátum Canútum Regem martyrii palma, et gloriósis miraculis decoráre dignátus es : concéde propítius ; ut, sicut ipse Domínicæ passiónis imitátor fuit, ita nos per ejus vestigia gradiéntes, ad gáudia sempitérna pervenire mereámur. Per, etc.

Et fit commemor. SS. Marii, Marthæ, etc., martyrum, ut in Missa sequenti.

Evangelium, Si quis vult post me venire, de Communi unius Martyris Pontif., fol. 4.*

Tertia Oratio de B. Maria, Deus, qui salútis, etc., fol. 334.

EADEM DIE,

SS. Marii, Marthæ, Audifacis, et Abachum, Martyrum.

Introitus. Ps. 67.

JUSTI epuléntur, et exúltent in conspéctu Dei, et delecténtur in lætítia.

Ps. ibid. Exúrgat Deus, et dissipéntur inimíci ejus : et fúgiant qui odérunt eum, à fácie ejus.

Ÿ. Glória Patri, etc.

Oratio.

EXAUDI, Dómine, pópulum tuum cum Sanctórum tuórum patrocínio supplicántem : ut et temporális vitæ nos tríbuas pace gaudére, et æternæ reperire subsidium. Per Dóminum, etc.

Epistola. Fratres, Rememorámini, ut in Communi, fol. 14.*

Graduale. Sap. 3. Justórum

ánimæ in manu Dei sunt : et non tanget illos torméntum malitiæ.

Ÿ. Visi sunt óculis insipientium mori : illi autem sunt in pace.

Allelúia, allelúia. Ÿ. *Ps.* 67. Mirábilis Deus noster in sanctis suis. Allelúia.

Si hoc festum venerit post Septuagesimam, omissis Allelúia et Versu sequenti, dicitur

Tractus. *Ps.* 125. Qui sémi-
nant in lácrymis, in gáudio metent.

Ÿ. Eúntes ibant et flebant, mit-
téntes sémina sua.

Ÿ. Veniéntes autem vénient cum
exultatióne, portántes manípulos
suos.

Evangelium. Sedénte Jesu super
montem, *ut in Communi, fol. 14*.*

Offertorium. *Ps.* 123. Anima
nostra sicut passer erépta est de
láqueo venántium : láqueus contri-
tus est, et nos liberáti sumus.

Secreta.

PRECES, Dómine, tuórum rés-
pice, oblationésque fidélium :
ut et tibi grata sint pro tuórum fes-
tivitáte Sanctórum, et nobis cón-
ferant tuæ propitiatiónis auxílium.
Per Dóminum, etc.

Communio. *Luc.* 12. Dico au-
tem vobis, amícis meis, ne terrea-
mini ab his, qui vos persequúntur.

Postcommunio.

SANCTORUM tuórum, Dómi-
ne, intercessióne placátus, præ-
sta, quæsumus ; ut, quæ temporáli
celebrámus actióne, perpétua sal-
vatióne capíamus. Per, etc.

DIE XX.

SS. FABIANI ET SEBASTI-
ANI,

Martyrum.

Introitus. *Ps.* 78.

INTRET in conspéctu tuo, Dó-
mine, gémitus compeditórum :
redde vicínis nostris séptuplum in
sinu eórum : vindica sánguinem
sanctórum tuórum, qui effúsus est.

Ps. ibid. Deus, venérunt gentes
in hæreditátem tuam, polluérunt
templum sanctum tuum : posuérunt
Jerúsalem in pomórum custódiam.

Ÿ. Glória Patri, etc.

Oratio.

INFIRMITATEM nostram rés-
pice, omnípotens Deus : et, quia
pondus própriæ actiósni gravat, bea-
tórum martyrum tuórum Fabiáni
et Sebastiáni intercésio gloriósa nos
prótegat. Per Dóminum, etc.

Léctio Epístolæ beáti Pauli Após-
toli ad Hebræos. *Hebr.* 11.

FRATRES, Sancti per fidem
vicérunt regna, operáti sunt
justítiam, adépti sunt repromissió-
nes, obturavérunt ora leónum, ex-
tinxérunt ímpetum ignis, effugé-
runt áciem gládii, convaluérunt de
infirmítate, fortes facti sunt in bello,
castra vertérunt exterórum : acce-
pérunt mulieres de resurrectione
mórtuos suos. Alii autem disténti
sunt, non suscipiéntes redempti-
onem, ut meliorem invenírent resur-
rectionem. Alii verò ludibria et
vérbera expérti, ínsuper et víncula,
et cárceres : lapidáti sunt, secti sunt,
tentáti sunt, in occisióne gládii mór-
tui sunt : circuíerunt in melóti, in
péllibus caprínis, egéntes, angusti-
áti, afflícti : quibus dignus non erat
mundus : in solitudínibus errántes,

in móntibus, et spelúncis, et in cavérnis terræ. Et hi omnes testimónio fidei probáti invénti sunt: in Christo Jesu Dómino nostro.

Graduale. Exod. 15. Gloriosus Deus in Sanctis suis: mirábilis in majestáte, fáciens prodígia.

Ÿ. Dextera tua, Dómine, glorificáta est in virtúte: dextera manus tua confrégit inimicos.

Allelúia, allelúia. *Ÿ. Ps. 144.* Sancti tui, Dómine, benedícunt te: glóriam regni tui dicent. Allelúia.

Si hoc festum venerit post Septuagesimam, omissis Allelúia et Versu sequenti, dicitur

Tractus. Ps. 125. Qui sémant in lácrymis, in gáudio metent.

Ÿ. Eúntes ibant et flebant, mitténtes sémína sua.

Ÿ. Veniéntes autem vénient cum exultatióne, portántes manípulos suos.

Sequéntia sancti Evangélíi secundum Lucam. *Luc. 6.*

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis; qui vénerant ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tângere: quia virtus de illo exíbat, et sanábat omnes. Et ipse, elevátis óculis in discipulos suos, dicébat: Beáti páuperes: quia vestrum est regnum Dei. Beáti qui nunc esuritis: quia saturabimini. Beáti qui nunc fletis: quia ridébitis. Beáti éritis, cùm vos óderint hómines et cùm separáverint vos, et exprobráverint, et ejécerint nomen

vestrum tamquam malum, propter Fílium hóminis. Gaudéte in illa die, et exultáte: ecce enim merces vestra multa est in cælo.

Offertorium. Ps. 31. Lætámini in Dómino, et exultáte justí: et gloriámini omnes recti corde.

Secreta.

HOSTIAS tibi, Dómine, beatórum martyrum tuórum Fabiáni et Sebastíani dicátas méritis benignus assúme, et ad perpétuum nobis tríbue proveníre subsidium. Per Dóminum, etc.

Communio. Luc. 6. Multitúdo languéntium, et qui vexabántur à spirítibus immúndis, veniébant ad eum: quia virtus de illo exíbat, et sanábat omnes.

Postcommunio.

REFFECTI participatióne muneris sacri, quæsumus, Dómine Deus noster; ut, cujus exequimur cultum, intercedéntibus sanctis martyribus tuis Fabiáno et Sebastíano, sentiámus effectum. Per Dóminum, etc.

DIE XXI.

SANCTÆ AGNETIS,
Virginis et Martyris.

Introitus. Ps. 118.

ME expectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis.

Ps. ibid. Beáti immaculáti in via, qui ámbulant in lege Dómini.

Ÿ. Glória Patri, et Fílio, etc.

Oratio.

OMNIPOTENS sempitérne Deus, qui infirma mundi éligis, ut fórtia quæque confúndas : concède propítius ; ut, qui beatæ Agnétis Vírginis et Mártiris tuæ solémnia cólimus, ejus apud te patrocínia sentiámus. Per, etc.

Léctio libri Sapiéntiæ. *Eccl.* 51.

CONFITEBOR tibi, Dómine Rex, et collaudábo te Deum Salvatórem meum. Confitébor nómini tuo : quóniam adjútor et protector factus es mihi, et liberásti corpus meum à perditíone, à láqueo linguæ iníquæ, et à lábiis operántium mendácium ; et in conspéctu astántium factus es mihi adjútor. Et liberásti me secúndum multitudinem misericórdiæ nóminis tui à rugiéntibus præparátis ad escam, de mánibus quæréntium ánimam meam, et de portis tribulatiónum quæ circumdedérunt me ; à pressúra flammæ, quæ circúmdedit me, et in médio ignis non sum æstuáta ; de altitúdine ventris inferi, et à lingua coinquináta, et à verbo mendácii ; à rege iníquo, et à lingua injústa. Laudábit usque ad mortem ánima mea Dóminum, quóniam éruis sustinéntes te, et liberas eos de mánibus géntium, Dómine Deus noster.

Graduale. Ps. 44. Diffúsa est grátia in lábiis tuis : proptérea benedixit te Deus in ætérnum.

Ÿ. Propter veritátem, et mansuetúdinem, et justítiam, et dedúcet te mirábiliter dextera tua.

Allelúia, allelúia. Ÿ. *Matth.* 25. Quinque prudéntes vírgines acceperunt óleum in vasis suis cum lampádibus : média autem nocte clamor factus est : Ecce sponsus venit, exíte óbviám Christo Dómino. Allelúia.

Post Septuagesimam, omissis Allelúia et Versu sequenti, dicitur

Tractus. Veni, sponsa Christi, áccipe corónam, quam tibi Dóminus præparávit in ætérnum : pro cujus amóre sánguinem tuum fudísti.

Ÿ. *Ps.* 44. Dilexísti justítiam, et odísti iniquitátem : proptérea unxit te Deus, Deus tuus, óleo lætítiæ præ consórtibus tuis.

Ÿ. Spécie tua, et pulchritúdine tua, inténde, prospère procède, et regna.

Sequéntia sancti Evangélíi secúndum Matthæum. *Matth.* 25.

IN illo témpore : Dixit Jesus discípulis suis parábolam hanc : Símile erit regnum cœlórum decem vírginibus, quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes. Sed quinque fátuæ, accéptis lampádibus, non sumpsérunt óleum secum : prudéntes verò acceperunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est : Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt : Date nobis de óleo vestro, quia lámpades nostræ extingúntur. Respondérunt prudéntes, dicéntes : Ne fortè non sufficiat nobis et vobis, ite potiùs ad vendéntes, et émite vobis. Dum autem irent émere, venit sponsus : et quæ parátæ erant, intravérunt cum eo ad núptias, et clausa est jánuá. Novíssimè verò véniunt et reliquæ vírgines, dicéntes : Dómine, Dómine, áperi nobis. At ille respondens, ait : Amen dico vobis,

nescio vos. Vigiláte itaque, quia nescitis diem, neque horam.

Offertorium. Ps. 44. Afferéntur Regi vírgines post eam : próximæ ejus afferéntur tibi in lætítia et exultatióne; adducéntur in templum Regi Dómino.

Secreta.

HOSTIAS, Dómine, quas tibi offerimus, propítius súscipe : et, intercedénte beáta Agnéte Virgine et Mártire tua, víncula peccatórum nostrórum absólve. Per Dóminum, etc.

Communio. Matth. 25. Quinque prudéntes vírgines accepérunt óleum in vasis suis cum lampádis : média autem nocte clamor factus est : Ecce sponsus venit, exíte óbviám Christo Dómino.

Postcommunio.

REFFECTI cibo, potúque cælesti, Deus noster, te súpplices exorámus ; ut, in cujus hæc commemoratióne percépimus, ejus muniámur et précibus. Per Dóminum, etc.

DIE XXII.

SS. VINCENTII ET ANASTASII,

Martyrum.

Missa, Intret in conspéctu tuo, de Communi plurimor. martyr. fol. 11, exceptis Orationibus, quæ dicuntur ut infra.*

Oratio.

ADESTO, Dómine, supplicatió-
nibus nostris : ut qui ex iniquitáte nostra reos nos esse cognoscimus, beatórum Mátyrum tuórum

Vincéntii, et Anastásii intercessióne liberémur. Per Dóminum, etc.

Secreta.

MUNERA tibi, Dómine, nostræ devotiónis offerimus : quæ et pro tuórum tibi grata sint honóre justórum ; et nobis salutária, te miseránte, reddántur. Per Dóminum, etc.

Postcommunio.

QUÆSUMUS, omnípotens Deus ; ut, qui cælestia aliménta percépimus, intercedéntibus beátis Martyribus tuis Vincéntio et Anastasio, per hæc contra ómnia advérsa muniámur. Per Dóminum, etc.

DIE XXIII.

S. RAYMUNDI DE PENNA-
FORT,

Confessoris.

Missa, Os justí, ut in Communi Confessoris non Pontificis, fol. 20, præter Orationem seq.*

DEUS, qui beátum Raymúndum pœniténtiæ Sacraménti insígnem místrum elegísti, et per maris undas mirábiliter traduxísti : concéde, ut ejus intercessióne dignos pœniténtiæ fructus fácere, et ad æternæ salútis portum perveníre valeámus. Per Dóminum, etc.

Deinde fit commemor. sanctæ Ementianæ, Virg. et Mart. Oratio, Indulgéntiam, etc., ut in Communi Virg. et Mart., fol. 25.*

Tertia Oratio de S. Maria, Deus, qui salútis æternæ, etc., fol. 334.

DIE XXIV.

SANCTI TIMOTHEI,

Episcopi et Confessoris.

Introitus. Eccl. 45.

STATUIT ei Dóminus testaméntum pacis, et príncipem fecit eum : ut sit illi sacerdotii dignitas in ætérnum.

Ps. 131. Meménto, Dómine, David, et omnis mansuetúdinis ejus.

Ÿ. Glória Patri, etc.

Oratio.

INFIRMITATEM nostram respice, omnipotens Deus : et quia pondus propriæ actiónis gravat, beáti Timóthei Mártiris tui atque Pontíficis intercèssio gloriósa nos prótegat. Per Dóminum, etc.

Léctio Epístolæ beáti Pauli Apóstoli ad Timótheum. 1 *Tim. 6.*

CARISSIME, Sectáre justítiam, pietátem, fidem, charitátem, patiéntiam, mansuetúdinem. Certa bonum certámen fidei, apprehénde vitam ætérnam, in qua vocátus es, et conféssus bonam confessiónem coram multis téstibus. Præcípio tibi coram Deo, qui vivificat ómnia, et Christo Jesu, qui testimónium réddidit sub Póntio Piláto, bonam confessiónem : ut serves mandátum sine mácula, irreprehensibile, usque in advéntum Dómini nostri Jesu Christi : quem suis tempóribus osténdet beátus, et solus potens, Rex regum, et Dóminus dominántium : qui solus habet immortalitátem, et lucem inhábitat inaccessibilem : quem nullus hóminum vidit, sed nec vidére potest : cui honor et impérium sempitérnum. Amen.

Graduale. Ps. 88. Invéni David servum meum, óleo sancto meo

unxi eum : manus enim mea auxiliábitur ei, et bráchium meum confortábit eum.

Ÿ. Nihil proficiet inimícus in eo, et filius iniquitátis non nocébit ei.

Allelúia, allelúia. *Ÿ. Ps. 109.*

Tu es sacérdos in ætérnum secúndum órđinem Melchisedech. Allelúia.

Si venerit post Septuagesimam, omissis Allelúia et Versu sequenti, dicitur

Tractus. Ps. 20. Desidérium animæ ejus tribuísti ei, et voluntáte labiórum ejus non fraudásti eum.

Ÿ. Quóniam prævenísti eum in benedictiónibus dulcédinis.

Ÿ. Posuísti in cápite ejus corónam de lápide pretióso.

Sequéntia sancti Evangélii secúndum Lucam. *Luc. 14.*

IN illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim ædificáre, non priùs sedens cómputat sumptus, qui necessárii sunt, si hábeat ad perficiéndum ; ne, postéaquam posúerit fundaméntum, et non potúerit perficere, omnes qui vident, incipiant illúdere ei, dicéntes : Quia hic homo cœpit ædificáre, et non pótuit consummáre ? Aut quis rex itúrus committere bellum advérsus álium regem, non sedens priùs cógitat, si possit cum decem millibus occurrere ei qui cum vigínti millibus venit ad se ? Alióquin adhuc illo longè agente, legatiónem mittens, rogat ea quæ pacis sunt. Sic ergo omnis ex vobis qui non renúnciat ómnibus

quæ pòssidet, non potest meus esse discipulus.

Offertorium. Ps. 88. Vêritas mea, et misericórdia mea cum ipso : et in nómine meo exaltábitur cornu ejus.

Secreta.

HOSTIAS tibi, Dómine, beáti Timóthei Mártiris tui atque Pontificis dicátas méritis, benígnus assúme, et ad perpétuum nobis tríbue proveníre subsidium. Per, etc.

Communio. Ibid. Semel jurávi in sancto meo : semen ejus in ætérnum manébit, et sedes ejus sicut sol in conspéctu meo, et sicut luna perfecta in ætérnum, et testis in cælo fidélis.

Postcommunio.

REFFECTI participatióne múnieris sacri, quæsumus, Dómine Deus noster ; ut, cujus exequimur cultum, intercedénte beáto Timótheo Mártire tuo atque Pontífice, sentiámus efféctum. Per, etc.

DIE XXV.

In Conversione

S. PAULI, APOSTOLI.

Introitus. 2 Tim. 1.

SCIO cui crédidi, et certus sum quia potens est depósitum meum serváre in illum diem, justus judex.

Ps. 138. Dómine, probásti me, et cognovísti me : tu cognovísti sessiónem meam et resurrectionem meam.

Ÿ. Glória Patri, etc.

2 T

Oratio.

DEUS, qui univérsum mundum beáti Pauli Apóstoli prædicatione docuísti : da nobis, quæsumus ; ut, qui ejus hódie Conversionem cólimus, per ejus ad te exémpa gradiámur. Per Dóminum, etc.

Et fit commemoratio de sancto Petro, Apostolo.

Oratio.

DEUS, qui beáto Petro Apóstolo tuo, collátis clávis regni cœlestis, ligándi atque solvéndi Pontificium tradidisti : concéde, ut intercessiónis ejus auxilio à peccatórum nostrórum nexibus liberémur. Qui vivis et regnas, etc.

Lectio Actuum Apostolorum.

Act. 9.

IN diébus illis : Saulus adhuc spirans minárum et cædis in discipulos Dómini, accessit ad principem sacerdotum, et pétiiit ab eo epístolas in Damáscum ad synagógas : ut si quos invenísset hujus viæ viros ac mulieres, vinctos perdúceret in Jerúsalem. Et cùm iter fáceret, contigit ut appropinquáret Damáscus : et súbitò circumfúlsit eum lux de cælo. Et cadens in terram, audívit vocem dicéntem sibi : Saule, Saule, quid me perséqueris ? Qui dixit : Quis es, Dómine ? Et ille : Ego sum Jesus, quem tu perséqueris : durum est tibi contra stimulum calcitráre. Et tremens ac stupens, dixit : Dómine, quid me vis fácere ? Et Dóminus ad eum : Surge, et ingrédere civitátem, et ibi dicétur tibi quid te opórteat fácere. Viri autem illi, qui comitabántur cum eo, stabant stupefacti, audiéntes quidem vocem, néminem autem vidéntes. Surréxit autem Saulus de terra, apertisque óculis nihil vidébat. Ad manus autem illum tra-

héntes, introduxérunt Damáscum. Et erat ibi tribus diébus non videns, et non manducávit, neque bibit. Erat autem quidam discipulus Damásci, nómine Ananías : et dixit ad illum in visu Dóminus : Ananía. At ille ait : Ecce ego, Dómine. Et Dóminus ad eum : Surge, et vade in vicum, qui vocátur Rectus, et quære in domo Judæ Saulum nómine Tarsénsen : ecce enim orat. (Et vidit virum Ananíam nómine, introeúntem, et imponéntem sibi manus, ut visum recípiat). Respóndit autem Ananías : Dómine, audivi à multis de viro hoc, quanta mala fécerit Sanctis tuis in Jerúsalem : et hic habet potestátem à principibus sacerdotum alligándi omnes qui invocant nomen tuum. Dixit autem ad eum Dóminus : Vade, quóniam vas electiónis est mihi iste, ut portet nomen meum coram géntibus, et régibus, et filiis Israël. Ego enim osténdam illi quanta opóreat eum pro nómine meo pati. Et ábiit Ananías, et introívit in domum : et impónens ei manus dixit : Saule frater, Dóminus misit me Jesus, qui apparuit tibi in via qua veniébas, ut vídeas, et impleáris Spiritu sancto. Et conféstim cecidérunt ab óculis ejus tamquam squamæ, et visum recépit : et surgens baptizátus est. Et cùm accepisset cibum, confortátus est. Fuit autem cum discipulis qui erant Damásci, per dies áliquot. Et continuò in synagógis prædicábat Jesum, quóniam hic est Filius Dei. Stupébant autem omnes qui audiébant, et dicébant : Nonne hic est, qui expugnábat in Jerúsalem eos qui invocábant nomen istud : et huc ad hoc venit, ut vinctos illos dúceret ad principes sacerdotum ? Saulus autem multò magis convalescébat, et confundébat Judæos qui habitábant Damásci, affirmans quóniam hic est Christus.

Graduale. Gal. 2. Qui operátus est Petro in Apostolátum, operátus est et mihi inter gentes : et cognovérunt grátiam Dei, quæ data est mihi.

Ÿ. Grátia Dei in me vácuá non fuit : sed grátia ejus semper in me manet.

Allelúia, allelúia. Ÿ. Magnus sanctus Paulus, vas electiónis, verè dignè est glorificándus, qui et méruit thronum duodécimum possidére. Allelúia.

Post Septuagesimam, omissis Allelúia et Versu sequenti, dicitur

Tractus. Tu es vas electiónis, sancte Paule Apóstole : verè dignè es glorificándus.

Ÿ. Prædicátor veritátis, et Doctor géntium in fide et veritáte.

Ÿ. Per te omnes gentes cognovérunt grátiam Dei.

Ÿ. Intercéde pro nobis ad Deum, qui te elégit.

Sequéntia sancti Evangélíi secúndum Matthæum. *Matth. 19.*

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis ? Jesus autem dixit illis : Amen dico vobis, quòd vos qui secúti estis me, in regeneratióne, cùm séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit.

Credo.

Offertorium. Ps. 138. Mihi autem nimis honoráti sunt amíci tui,

Deus : nimis confortátus est principátus eórum.

Secreta.

APOSTOLI tui Pauli précibus, Dómine, plebis tuæ dona sanctifica : ut, quæ tibi tuo grata sunt institúto, gratióra fiant patrocínio supplicántis. Per Dóminum, etc.

Pro S. Petro.

Secreta.

ECCLESIAE tuæ, quæsumus, Dómine, preces et hóstias beáti Petri Apóstoli comméndet orátio : ut, quod pro illius glória celebrámus, nobis prosit ad véniam. Per Dóminum, etc.

Præfatio de Apostolis, fol. 209.

Communio. Matth. 19. Amen dico vobis, quòd vos qui reliquistis ómnia, et secúti estis me, céntuplum accipiétis, et vitam ætérnam possidebitis.

Postcommunio.

SANCTIFICATI, Dómine, salutári mystério, quæsumus ; ut nobis ejus non desit orátio, cujus nos donásti patrocínio gubernári. Per Dóminum, etc.

Pro S. Petro. Postcommunio.

LÆTIFICET nos, Dómine, munus oblátum : ut, sicut in Apóstolo tuo Petro te mirábilem prædicámus, sic per illum tuæ sumámus indulgéntiæ largitátem. Per Dóminum, etc.

DIE XXVI.

SANCTI POLYCARPI

Episcopi et Martyris.

Introitus. Dan. 3.

SACERDOTES Dei benedicite Dóminum : sancti, et húmiles corde laudáte Deum.

Dan. ibid. Benedicite ómnia ópera Dómini Dómino : laudáte, et superexaltáte eum in sæcula.

V. Glória Patri, etc.

Oratio.

DEUS, qui nos beáti Polycárpi Mártiris tui, atque Pontificis, ánnua solemnitate lætificas : concéde propítius ; ut, cujus natalitia cólimus, de ejúsdem étiam proteccióne gaudeámus. Per, etc.

Léctio Epístolæ beáti Joánnis Apóstoli. 1 Joann. 3.

CARISSIMI, Omnis qui non est justus, non est ex Deo, et qui non diligit fratrem suum : quóniam hæc est annuntiátio, quam audistis ab inítio, ut diligátis altérutrum. Non sicut Caïn, qui ex maligno erat, et occidit fratrem suum. Et propter quid occidit eum ? Quóniam ópera ejus maligna erant : fratris autem ejus justa. Nolite mirári, fratres, si odit vos mundus. Nos scimus, quóniam transláti sumus de morte ad vitam, quóniam diligimus fratres. Qui non diligit, manet in morte : omnis qui odit fratrem suum, homicída est. Et scitis quóniam omnis homicída non habet vitam ætérnam in semetípso manéntem. In hoc cognóvimus charitátem Dei, quóniam ille ánimam suam pro nobis pósuit : et nos debémus pro frátribus ánimas pónere.

Graduale. Ps. 8. Glória et honóre coronásti eum.

V. Et constituísti eum super ópera mánuum tuárum, Dómine.

Allelúia, allelúia. *V. Hic est sacerdos, quem coronávit Dóminus. Allelúia.*

Post Septuagesimam, omissis Allelúia et Versu sequenti, dicitur

Tractus. Ps. 111. Beátus vir

qui timet Dóminum : in mandátis ejus cupit nimis. Potens in terra erit semen ejus : generátio rectórum benedicétur.

Ÿ. Glória et divítiæ in domo ejus : et justítia ejus manet in sæculum sæculi.

Sequéntia sancti Evangélíi secúndum Matthæum. *Matth.* 10.

IN illo témpore : Dixit Jesus discípulis suis : Nihil est opértum, quod non revelábitur ; et occúltum, quod non sciétur. Quod dico vobis in ténebris, dicite in lúmine : et quod in aure audítis, prædicáte super tecta. Et nolite timére eos qui occidunt corpus, ánimam autem non possunt occídere : sed pótiùs timéte eum qui potest et ánimam et corpus pérdere in gehénnam. Nonne duo pásseres asse væneunt : et unus ex illis non cadet super terram sine Patre vestro ? Vestri autem capilli cápitis omnes numeráti sunt. Nolite ergo timére : multis passéribus meliôres estis vos. Omnis ergo qui confitébitur me coram homínibus, confitébor et ego eum coram Patre meo, qui in cœlis est.

Offertorium. *Ps.* 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

MUNERA tibi, Dómine, dicáta sanctífica : et, intercedénte beáto Polycárpo Mártire tuo atque Pontífice, per éadem nos placátus inténde. Per Dóminum, etc.

Communio. *Ps.* 20. Posuisti, Dómine, in cápite ejus corónam de lápide pretiôso.

Postcommunio.

REFFECTI participatióne muneris sacri, quæsumus, Dó-

mine Deus noster ; ut, cujus exequimur cultum, intercedénte beáto Polycárpo Mártire tuo atque Pontífice, sentiámus effectum. Per, etc.

DIE XXVII.

S. JOANNIS CHRYSOSTOMI,

Episcopi, Confessoris et Doctoris.

Introitus. *Eccl.* 15.

IN médio Ecclésiæ apérui os ejus, et implévit eum Dóminus Spíritu sapiéntiæ et intelléctus : stolam glóriæ induit eum.

Ps. 91. Bonum est confitéri Dómino, et psállere nómini tuo, Altissime.

Ÿ. Glória Patri, etc.

Oratio.

ECCLESIAM tuam, quæsumus, Dómine, grátia cœlestis amplificet : quam beáti Joánnis Chrysóstomi Confessóris tui atque Pontíficis illustráre voluisti gloriósis méritis et doctrínis. Per Dóminum, etc.

Léctio Epístolæ beáti Pauli Apóstoli ad Timótheum. *2 Tim.* 4.

CARISSIME, Testíficor coram Deo, et Jesu Christo, qui judicatúrus est vivos et mórtuos, per advéntum ipsíus et regnum ejus : prædica verbum, insta oppórtunè, importúnè : árgue, óbseca, increpa in omni patiéntia et doctrína. Erit enim tempus, cùm sanam doctrinam non sustinébunt, sed ad sua desidéria coacervábunt sibi magistros, pruriéntes áuribus, et à veritáte quidem audítum avértent, ad fábulas autem converténtur. Tu verò vigila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiónis

meæ instat. Bonum certâmen certâvi, cursum consummâvi, fidem servâvi. In rêliquo repôsitâ est mihi corôna justitiæ, quam reddet mihi Dóminus in illa die justus iudex : non solùm autem mihi, sed et iis qui diligunt advéntum ejus.

Graduale. Eccl. 44. Ecce sacerdos magnus, qui in diébus suis placuit Deo.

V. Non est inventus similis illi, qui conservâret legem Excelsi.

Allelúia, allelúia. V. Jac. 1. Beátus vir qui suffert tentationem : quóniam cùm probátus fúerit, accipiet corónam vitæ. *Allelúia.*

Post Septuagesimam, omissis Allelúia et Versu sequenti, dicitur

Tractus. Ps. 111. Beátus vir qui timet Dóminum : in mandátis ejus cupit nimis.

V. Potens in terra erit semen ejus : generatio rectórum benedicetur.

V. Glória et divítiæ in domo ejus : et justitia ejus manet in sæculum sæculi.

Sequéntia sancti Evangélîi secúndum Matthæum. *Matth. 5.*

IN illo témpore : Dixit Jesus discipulis suis : Vos estis sal terræ. Quòd si sal evanúerit, in quo salietur ? Ad nihilum valet ultrà, nisi ut mittâtur foràs, et conculcétur ab homínibus. Vos estis lux mundi. Non potest civitas abscondi supra montem pòsitâ. Neque accéndunt lucernam, et ponunt eam sub módio, sed super candelâbrum ; ut luceat ómnibus qui in domo sunt. Sic luceat lux vestra coram homínibus, ut videant ópera vestra bona, et glorificent Patrem vestrum, qui in cœlis est. Nolite putâre quóniam veni sôlvare legem, aut prophétas : non veni sôlvare, sed adimplere. Amen quippe dico vobis,

donec transeat cœlum et terra, ióta unum, aut unus apex non præteribit à lege, donec ómnia fiant. Qui ergo sôlverit unum de mandátis istis mínimis, et docúerit sic homínes, mínimus vocâbitur in regno cœlórum : qui autem fécerit et docúerit, hic magnus vocâbitur in regno cœlórum.

Credo.

Offertorium. Ps. 91. Justus ut palma florébit : sicut cedrus, quæ in Libano est, multiplicâbitur.

Secreta.

SANCTI Pontíficis tui Joánnis Chrysóstomi nobis, Dómine, pia non desit orátio, quæ et múnera nostra conciliet, et tuam nobis indulgéntiam semper obtíneat. Per Dóminum, etc.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

UT nobis, Dómine, tua sacrificia dent salutem, beátus Joánnes Chrysóstomus Póntifex tuus et Doctor egrégîus, quæsumus, precátor accédât. Per Dóminum, etc.

DIE XXVIII.

SANCTÆ AGNETIS.

Secundò.

Introitus. Ps. 44.

VULTUM tuum deprecabúntur omnes divites plebis : adducéntur Regi vírgines post eam : próximæ ejus adducéntur tibi in lætítia et exultatióne.

Ps. ibid. Eructávit cor meum

verbum bonum : dico ego ópera mea Regi.

Ÿ. Glória Patri, et Filio, etc.

Oratio.

DEUS, qui nos ánnua beátæ Agnétis Virginitis et Mátyris tuæ solemnitate lætíficas : da, quæsumus, ut quam venerámur officio, étiam piæ conversatiónis sequámur exémplo. Per Dóminum, etc.

Epistola. Fratres, Qui gloriátur, ut in *Communi*, fol. 27*.

Graduale. Ps. 44. Spécie tua et pulchritúdine tua inténde, prospere procéde, et regna.

Ÿ. Propter veritátem, et mansuetúdinem, et justítiam, et dedúcet te mirabiliter dextera tua.

Allelúia, allelúia. *Ÿ.* Adducéntur Regi vírgines post eam : próximæ ejus afferéntur tibi in lætítia. Allelúia.

Post Septuagesimam, omissis Allelúia et Versu sequenti, dicitur

Tractus. Ps. *ibid.* Audi, filia, et vide, et inclína aurem tuam : quia concupívit Rex spéciem tuam.

Ÿ. Vultum tuum deprecabúntur omnes dívites plebis : filiæ regum in honóre tuo.

Ÿ. Adducéntur Regi vírgines post eam : próximæ ejus afferéntur tibi.

Ÿ. Afferéntur in lætítia et exultatióne : adducéntur in templum Regis.

Evangelium. Símile est regnum cœlórum thesáuro, ut in *Communi*, fol. 26*.

Offertorium. Ps. 44. Diffúsa est grátia in lábiis tuis : proptérea benedíxit te Deus in ætérnum, et in sæculum sæculi.

Secreta.

SUPER has, quæsumus, Dómine, hóstias benedíctio copiósa descéndat : quæ et sanctificatióem nobis cleménter operétur, et de Mátyrum nos solemnitate lætíficet. Per Dóminum, etc.

Communio. Matth. 13. Símile est regnum cœlórum hómini negotiatóni, quærénti bonas margarítas : invénta una pretiósa margaríta, dedit ómnia sua, et comparávit eam.

Postcommunio.

SUMPSIMUS, Dómine, celeberrátis ánnuæ votíva sacraménta : præsta, quæsumus, ut et temporális vitæ nobis remédia præbeant, et ætérnæ. Per Dóminum, etc.

DIE XXIX.

S. FRANCISCI SALESII,
Episcopi et Confessoris.

Missa, Státuit, etc., de Communi Confess. Pontif., fol. 15, præter Orationem seq.*

Oratio.

DEUS, qui ad animárum salutem beátum Franciscum Confessórem tuum atque Pontíficem, ómnibus ómnia factum esse voluísti : concéde propítius ; ut caritátis tuæ dulcédine perfúsi, ejus dirigéntibus mónitis, ac suffragántibus méritis, ætérna gáudia consequámur. Per Dóminum, etc.

DIE XXX.

SANCTÆ MARTINÆ,
Virginis et Martyris.

Missa, Loquébar, etc., de Com-

muni Virginum et Martyrum, fol. 23.*

DIE XXXI.

SANCTI PETRI NOLASCI,

Confessoris.

Missa, Justus ut palma, etc., de Communi Conf. non Pontif., fol. 21, præter Orationem sequentem.*

Oratio.

DEUS, qui in tuæ caritatis ex-
emplum ad fidélium redemp-
tiónem, sanctum Petrum Ecclési-
am tuam nova prole fœcundâre
divinitûs docuisti: ipsius nobis in-
tercessiõe concède, à peccâti ser-
vitute solútis, in cœlesti pátria per-
pétua libertâte gaudére. Qui vivis,
etc.

FESTA FEBRUARII.

DIE I.

SANCTI IGNATII,

Episcopi et Martyris.

Introitus. Gal. 6.

MIHI autem absit gloriári, nisi
in cruce Dómini nostri Jesu
Christi, per quem mihi mundus
crucifixus est, et ego mundo.

*Ps. 131. Meménto, Dómine,
David, et omnis mansuetúdinis ejus.*

Ÿ. Glória Patri, et Filio, etc.

Oratio.

INFIRMITATEM nostram rés-
pice, omnipotens Deus: et, quia
pondus propriæ actiõnis gravat, be-
áti Ignátii Mátyris tui atque Pon-
tíficis intercèssio gloriósa nos proté-
gat. Per Dóminum, etc.

Léctio Epístolæ beáti Pauli Apóstoli
ad Romános. *Rom. 8.*

FRATRES, Quis nos separábit
à caritáte Christi? Tribulá-
tio, an angústia, an fames, an nú-
ditas, an periculum, an persecútio,
an gládus? (sicut scriptum est:
Quia propter te mortificámur tota
die: æstimáti sumus sicut oves oc-
cisiõnis). Sed in his ómnibus su-
perámus propter eum qui diléxit
nos. Certus sum enim quia neque
mors, neque vita, neque Angeli,
neque Principátus, neque Virtútes,
neque instántia, neque futúra, ne-
que fortitúdo, neque altitúdo, neque
profúndum, neque creatúra ália
póterit nos separáre à caritáte Dei,
quæ est in Christo Jesu Dómino
nostro.

*Graduale. Eccl. 44. Ecce sa-
cérdos magnus, qui in diébus suis
plácuít Deo.*

*Ÿ. Non est invéntus similis illi,
qui conserváret legem Excélsi.*

*Allelúia, allelúia. Ÿ. Galat. 2.
Christo confixus sum cruci: vivo
ego, jam non ego; vivit verò in me
Christus. Allelúia.*

*Post Septuagesimam, omissis Al-
lelúia et Versu sequenti, dicitur*

*Tractus. Ps. 20. Desidérium
ánimæ ejus tribuísti ei, et voluntáte
labiõrum ejus non fraudásti eum.*

*Ÿ. Quóniam prævenísti eum in
benedictiõnibus dulcédinis.*

*Ÿ. Posuísti in cápite ejus coró-
nam de lápide pretióso.*

*Sequéntia sancti Evangélii secún-
dum Joánnem. Joann. 12.*

IN illo témpore: Dixit Jesus dis-
cipulis suis: Amen, amen dico
vobis, nisi granum fruménti cadens
in terram mórtuum fúerit, ipsum
solum manet. Si autem mórtuum
fúerit, multum fructum affert. Qui
amat ánimam suam, perdet eam:

et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur: et ubi sum ego, illic et mínister meus erit. Si quis mihi ministráverit, honorificábit eum Pater meus.

Offertorium. Ps. 8. Glória et honóre coronásti eum, et constituísti eum super ópera mánuum tuárum, Dómine.

Secreta.

HOSTIAS tibi, Dómine, beáti Ignátii Mártiris tui atque Pontíficis dicátas méritis benígnus assúme, et ad perpétuum nobis tríbue proveníre subsidium. Per, etc.

Communio. Fruméntum Christi sum: déntibus bestiárum molar, ut panis mundus invéníar.

Postcommunio.

REFFECTI participatióne múnieris sacri, quæsumus, Dómine Deus noster; ut, cujus exequimur cultum, intercedénte beáto Ignátio Mártire tuo atque Pontífice, sentiámus effectum. Per, etc.

DIE II:

IN PURIFICATIONE BEATÆ
MARIE VIRGINIS.

Si hoc Festum venerit in Dominicis Septuages., Sexages., vel Quinquagesimæ, fit tantum benedictio, et distributio Candelarum, et Processio; et Missa dicitur de Dominica: Missa verò Festi transfertur in sequentem diem.

¶ *Finita Tertia, Sacerdos indutus pluviali violaceo, vel sine casula, cum ministris similiter indutis, procedit ad benedicendum Candelas, in medio ante*

Altare, vel ad cornu Epistolæ positas, et ipse ibidem stans versus ad Altare, dicit in tono Orationis Missæ Ferialis:

℣. Dóminus vobíscum.

℞. Et cum spíritu tuo.

Orémus.

Oratio.

DOMINE sancte, Pater omnipotens, ætérne Deus, qui ómnia ex nihilo creásti, et jussu tuo per ópera apum hunc liquórem ad perfectiónem cerei veníre fecísti, et qui hodiérna die petitióem justí Simeónis implésti: te humíliter deprecámur, ut has Candélas ad usus hóminum, et sanitátem córporum et animárum, sive in terra, sive in aquis, per invocatióem tui sanctíssimí nóminis, et per intercessiόem beátæ Mariæ semper Virginis, cujus hódie festa devótè celebrántur, et per preces ómnium Sanctórum tuórum, bene✠dicere, et sanctifi✠cáre dignéris, et hujus plebis tuæ, quæ illas honoríficè in mánibus desiderat portáre, teque cantádo laudáre, exáudias voces de cælo sancto tuo, et de sede Majestátis tuæ; et propítius sis ómnibus clamántibus ad te, quos redemísti pretiόso Sanguine Fílii tui. Qui tecum vivit et regnat in unitáte Spíritus sancti Deus, per ómnia sæcula sæculórum.

℞. Amen.

Orémus.

OMNIPOTENS sempitérne Deus, qui hodiérna die Unigénitum tuum, ulnis sancti Simeónis in templo sancto tuo suscipiéndum præsentásti: tuam súpplices deprecámur cleméntiam, ut has Candélas, quas nos fámuli tui, in tui Nóminis magnificéntiam suscipiéntes, gestáre cúpimus luce accénsas, bene✠dicere et sanctifi✠cáre, at-

que lumine supérnæ benedictionis accendere digneris; quatenus eas tibi Dómino Deo nostro offerendo, digni, et sancto igne dulcissimæ charitátis tuæ succénsi, in templo sancto glóriæ tuæ repræsentári mereámur. Per eúndem, etc.

R. Amen.

Orémus.

DOMINE Jesu Christe, lux vera, quæ illúminas omnem hóminem veniéntem in hunc mundum: effúnde benedic^{ti}onem tuam super hos Céreos, et sanctífíca eos lumine grátiae tuæ: et concéde propítius; ut, sicut hæc luminária igne visibili accénsa noctúrnas depéllunt ténebras; ita corda nostra invisibili igne, id est, sancti Spíritus splendóre illustráta, ómnium vitiórum cæcitate cáreant: ut purgáto mentis óculo, ea cernere possimus quæ tibi sunt plácita, et nostræ salúti utilia; quatenus post hujus sæculi caliginósa discrimina, ad lucem indeficientem pervenire mereámur. Per te, Christe Jesu Salvátor mundi, qui in Trinitáte perfectá vivis et regnas Deus, per ómnia sæcula sæculórum.

R. Amen.

Orémus.

OMNIPOTENS sempitérne Deus, qui per Móysen fámulum tuum puríssimum ólei liquórem ad luminária ante conspéctum tuum júgiter concinnánda præparári jussisti: bene^{di}ctionis tuæ grátiam super hos Céreos benígnus infúnde; quatenus sic adminístrent lumen extérius, ut, te donánte, lumen Spíritus tui, nostris non desit méntibus intérius. Per Dóminum in unitáte ejúsdem Spíritus, etc.

R. Amen.

Orémus.

DOMINE Jesu Christe, qui hodiérna die in nostræ carnis

2 u

substántia inter hómines appárens, à paréntibus in templo es præsentátus; quem Símeon venerábilis senex, lumine Spíritus tui irradiátus, agnóvit, suscepit, et benedixit: præsta propítius; ut ejúsdem Spíritus sancti grátia illumináti atque edócti, te veráciter agnoscámus, et fidéliter diligámus. Qui cum Deo Patre in unitáte ejúsdem Spíritus sancti vivis et regnas Deus, per ómnia sæcula sæculórum.

R. Amen.

Finitis Orationibus, Celebrans ponit incensum in thuribulum, deinde ter aspergit Candelas aqua benedicta, dicendo Antiph. Aspérge me, etc., sine cantu, et sine Psalmo: et ter adolet incenso. Tum dignior ex Clero accedit ad Altare, et ab eo Celebrans accipit Candelam, non genuflectens, nec osculans manum illius. Postea Celebrans stans in medio ante Altare, versus ad populum distribuit Candelas, primum digniori, à quo ipse acceperat; deinde Diacono et Subdiacono paratis, et aliis Clericis singulatim per ordinem, ultimo laicis: omnibus genu flectentibus, Candelam et manum Celebrantis osculantibus, exceptis Prælati, si adsint. Et cum inceperit distribuere Candelas, à Choro cantatur Antiph. Luc. 2. Lumen ad revelatióem Géntium, et glóriam plebis tuæ, Israël. Cantic. ib. Nunc dimittis servum tuum, Dómine, secúndum verbum tuum, in pace.

Deinde repetitur tota Antiphona. Lumen ad revelatióem Géntium, etc., quæ similiter repetitur post quemlibet Versum.

Quia vidérunt óculi mei salutáre tuum. *Antiph. Lumen, etc.*

Quod parásti ante fáciem ómnium populórum. *Antiph. Lumen, etc.*

Glória Patri, etc. *Antiph. Lumen, etc.*

Sicut erat, etc. *Antiph.* Lumen, etc.

His expletis, cantatur Antiphona. Ps. 43. Exúrge, Dómine, adjuva nos, et libera nos propter nomen tuum.

Ps. ibid. Deus, áuribus nostris audívimus : patres nostri annuntiavérunt nobis.

Ÿ. Glória Patri. *Et repetitur :* Exúrge, Dómine.

Deinde Sacerdos dicit : Orémus.

¶ *Et si fuerit post Septuagesimam, et non in die Dominica, Diaconus dicit :* Flectámus génua.

R. Leváte.

Oratio.

EXAUDI, quæsumus, Dómine, plebem tuam : et quæ extrínsecùs ánnua tríbuís devotióne venerári, intériùs ássequi grátiae tuæ luce concéde. Per Christum Dóminum nostrum.

R. Amen.

Deinde fit Processio. Et primo Celebrans imponit incensum in thuribulum : postea Diaconus vertens se ad populum, dicit : Procedámus in pace. *Et Chorus respondet :* In nómine Christi. Amen.

Præcedit thuriferarius cum thuribulo fumigante : deinde Subdiaconus paratus, deferens Crucem, medius inter duos Acolythos cum candelabris accensis : sequitur Clerus per ordinem, ultimo Celebrans cum Diacono à sinistris, omnes cum Candelis accensis in manibus : et cantantur Antiph. sequentes.

Antiphona. Adórna thálamum tuum, Sion, et súscipe Regem Christum : ampléctere Mariam, quæ est cœléstis porta : ipsa enim portat Regem glóriæ novi lúminis : subsistit Virgo, addúcens mánibus

Fílium ante Lucíferum génitum : quem accípiens Simeon in ulnas suas, prædicávit pópulis Dóminum eum esse vitæ et mortis, et Salvatórem mundi.

Alia Antiph. Luc. 2. Respónsum accépit Simeon à Spíritus sancto, non visúrum se mortem, nisi vidéret Christum Dómini : et cùm indúcerent púerum in templum, accépit eum in ulnas suas, et benedíxit Deum, et dixit : Nunc dimíttis servum tuum, Dómine, in pace.

Ÿ. Cùm indúcerent púerum Jesum paréntes ejus, ut fácerent secúndum consuetúdinem legis pro eo, ipse accépit eum in ulnas suas.

Et ingrediendo Ecclesiam, cantatur :

R. Obtulérunt pro eo Dómino par túrturum, aut duos pullos columbárum : * Sicut scriptum est in lege Dómini.

Ÿ. Postquam impléti sunt dies purgatiónis Mariæ, secúndum legem Móysi, tulérunt Jesum in Jerúsalem, ut sístèrent eum Dómino. * Sicut scriptum est, etc.

Ÿ. Glória Patri, et Fílio, et Spíritui sancto. * Sicut scriptum est, etc.

Finita Processione, Celebrans et ministri, depositis violaceis, accipiunt paramenta alba pro Missa. Et candelæ tenentur in manibus accensæ dum legitur Evangelium, et iterum ad elevationem Sacramenti usque ad Communionem. Si vero Missa fieret de Dominica, candelæ non accenduntur.

AD MISSAM.

Introitus. Ps. 47.

SUSCEPIMUS, Deus, misericórdiam tuam in médio templi tui : secúndum nomen tuum, Deus,

ita et laus tua in fines terræ : iustitia plena est dextera tua.

Ps. ibid. Magnus Dóminus, et laudábilis nimis, in civitáte Dei nostri, in monte sancto ejus.

Ÿ. Glória Patri, et Filio, etc.

Oratio.

OMNIPOTENS sempitérne Deus, Majestátem tuam súpplices exorámus : ut, sicut Unigénitus Fílius tuus hodiérna die cum nostræ carnis substántia in templo est præsentátus ; ita nos fácias purificáti tibi méntibus præsentári. Per eúndem, etc.

Léctio Malachíæ Prophétæ.

Malach. 3.

HÆC dicit Dóminus Deus : Ecce ego mitto Angelum meum, et præparábit viam ante faciém meam. Et statim véniet ad templum suum Dominátor, quem vos quæritis ; et Angelus testaménti, quem vos vultis. Ecce venit, dicit Dóminus exercítuum : et quis póterit cogitáre diem advéntus ejus, et quis stabit ad vidéndum eum ? Ipse enim quasi ignis conflans, et quasi herba fullónum : et sedébit conflans, et emúndans argéntum, et purgábit filios Levi, et colábit eos quasi aurum, et quasi argéntum : et erunt Dómino offeréntes sacrificia in iustítia. Et placébit Dómino sacrificium Juda et Jerúsalem, sicut dies sæculi et sicut anni antiqui : dicit Dóminus omnipotens.

Graduale. Ps. 47. Suscépimus, Deus, misericórdiam tuam in médio templi tui : secúndum nomen tuum, Deus, ita et laus tua in fines terræ.

Ÿ. Sicut audívimus, ita et vídimus in civitáte Dei nostri, in monte sancto ejus.

Allelúia, allelúia. Ÿ. Senex

púerum portábat : puer autem senem regébat. Allelúia.

Post Septuagesimam, omissis Allelúia et Versu sequenti, dicitur

Tractus. Luc. 2. Nunc dimíttis servum tuum, Dómine, secúndum verbum tuum in pace.

Ÿ. Quia vidérunt óculi mei salutáre tuum.

Ÿ. Quod parásti ante faciém ómnium populórum.

Ÿ. Lumen ad revelatióem Génitium, et glóriam plebis tuæ, Israël.

Sequéntia sancti Evangélíi secúndum Lucam. *Luc. 2.*

IN illo témpore : Postquam impléti sunt dies purgatióis Mariæ, secúndum legem Móysi, tulérunt Jesum in Jerúsalem, ut sístèrent eum Dómino, sicut scriptum est in lege Dómini : Quia omne masculinum adapériens vulvam, sanctum Dómino vocábitur : et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce homo erat in Jerúsalem, cui nomen Símeon ; et homo iste justus et timorátus, expéctans consolatiónem Israël ; et Spíritus sanctus erat in eo. Et respónsum accéperat à Spíritu sancto, non visúrum se mortem, nisi prius vidéret Christum Dómini. Et venit in spíritu in templum. Et cùm indúcerent púerum Jesum paréntes ejus, ut fácerent secúndum consuetúdinem legis pro eo : et ipse accépit eum in ulnas suas, et benedíxit Deum, et dixit : Nunc dimíttis servum tuum, Dómine, secúndum verbum tuum in pace : quia vidérunt óculi mei salutáre tuum, quod parásti ante faciém ómnium populórum : lumen ad revelatióem Génitium, et glóriam plebis tuæ Israël.

Credo.

Offertorium. Ps. 44. Diffúsa est grátia in lábiis tuis : propterea benedíxit te Deus in ætérnum, et in sæculum sæculi.

Secreta.

EXAUDI, Dómine, preces nostras : et, ut digna sint múnera quæ óculis tuæ Majestátis offērimus, subsidium nobis tuæ pietátis impēnde. Per Dóminum, etc.

Præfatio de Nativitate Domini, fol. 203.

Communio. Luc. 2. Respónsum accépit Simeon à Spíritu sancto, non visúrum se mortem, nisi vidēret Christum Dómini.

Postcommunio.

QUÆSUMUS, Dómine, Deus noster, ut sacrosáncta mystéria, quæ pro reparatiónis nostræ munímine contulisti, intercedēte beáta María semper Vírgine, et præsens nobis remédium esse fácias, et futúrum. Per Dóminum, etc.

DIE III.

SANCTI BLASII,
Episcopi et Martyris.

Missa, Sacerdótes Dei, etc., ut in Comuni unius Martyris Pontificis, fol. 3.*

DIE IV.

S. ANDREÆ CORSINI,
Episcopi et Confessoris.

Missa, Státuit, etc., ut in Comuni Confessoris Pontificis, fol. 15, præter Orationem sequentem.*

Oratio.

DEUS, qui in Ecclésia tua nova semper instáuras exéempla virtútum : da pópulo tuo beáti Andréæ Confessóris tui atque Pontíficis ita sequi vestígia, ut assequátur et præmia. Per Dóminum, etc.

DIE V.

SANCTÆ AGATHÆ,
Virginis et Martyris.

Introitus.

GAUDEAMUS omnes in Dómino, diem festum celebrántes sub honóre beátæ Agathæ Virginis et Mátyris : de cujus passióne gaudent Angeli, et colláudant Fílium Dei.

Ps. 44. Eructávit cor meum verbum bonum : dico ego ópera mea Regi.

Ÿ. Glória Patri, etc.

Oratio.

DEUS, qui inter cétera poténtiæ tuæ mirácula étiam in sexu frágili victóriam martyrii contulisti : concéde propítius ; ut, qui beátæ Agathæ Virginis et Mátyris tuæ natalítia cólimus, per ejus ad te exéempla gradiámur. Per, etc.

Léctio Epístolæ beáti Pauli Apóstoli ad Corínthios. 1 Cor. 1.

FRATRES, Vidéte vocatiónem vestram, quia non multi sapiéntes secúndum carnem, non multi poténtes, non multi nóbiles : sed quæ stulta sunt mundi elégit Deus, ut confúndat sapiéntes : et infirma mundi elégit Deus, ut confúndat fórtia : et ignobília mundi, et contemptibília elégit Deus, et ea quæ non sunt, ut ea quæ sunt destrúeret : ut non gloriétur omnis caro in

conspéctu ejus. Ex ipso autem vos estis in Christo Jesu, qui factus est nobis sapiéntia à Deo, et justítia, et sanctificátio, et redéptio: ut quemádmodum scriptum est: Qui gloriátur, in Dómino gloriétur.

Graduale. Ps. 45. Adjuvábít eam Deus vultu suo: Deus in médio ejus, non commovébitur.

V. Flúminis ímpetus lætíficat civitátem Dei: sanctificávit tabernáculum suum Altíssimus.

Allelúia, allelúia. *V. Ps. 118.* Loquébar de testimoniis tuis in conspéctu regum, et non confundébar. Allelúia.

Si hoc Festum venerit post Septuagesimam, omissis Allelúia et V. seq., dicitur

Tractus. Ps. 125. Qui sémi-
nant in lácrymis, in gáudio metent.

V. Eúntes ibant et flebant, mit-
téntes sémina sua.

V. Veniéntes autem vénient cum
exultatióne, portántes manípulos
suos.

Sequéntia sancti Evangélíi secún-
dum Matthæum. *Matth. 19.*

IN illo témpore: Accessérunt ad
Jesum Pharisæi tentántes eum,
et dicéntes: Si licet hómini dimít-
tere uxórem suam, quacúmque ex
causa? Qui respóndens, ait eis:
Non legistis quia qui fecit hóminem
ab initio, másculum et féminam
fecit eos? et dixit: Propter hoc di-
míttet homo patrem et matrem, et
adhærébit uxóri suæ, et erunt duo
in carne una. Itaque jam non
sunt duo, sed una caro. Quod ergo
Deus conjúnxit, homo non séparet.
Dicunt illi: Quid ergo Móyses
mandávit dare libéllum repúdií, et
dimíttre? Ait illis: Quóniam
Móyses ad dúritiam cordis vestri
perínisit vobis dimíttre uxóres ves-

tras: ab initio autem non fuit sic.
Dico autem vobis, quia quicúmque
dimíserit uxórem suam, nisi ob for-
nicatióem, et áliam dúxerit, mœ-
cháatur: et qui dimíssam dúxerit,
mœcháatur. Dicunt ei discípuli
ejus: Si ita est causa hóminis cum
uxóre, non expedit núbere. Qui
dixit illis: Non omnes cápiunt ver-
bum istud, sed quibus datum est.
Sunt enim eunúchi, qui de matris
útero sic nati sunt: et sunt eunúchi,
qui facti sunt ab homínibus: et sunt
eunúchi, qui seípsos castravérunt
propter regnum cœlórum. Qui
potest cápere, cápiat.

Offertorium. Ps. 44. Afferéntur
Regi vírgines post eam: próximæ
ejus afferéntur tibi.

Secreta.

SUSCIPE, Dómine, múnera quæ
in beátæ Agathæ Virginis et
Mártiris tuæ solemnitate deféri-
mus, cujus nos confidimus patrocí-
nio liberári. Per Dóminum, etc.

Communio. Qui me dignátus est
ab omni plaga curáre, et mamíllam
meam meo pèctori restituére, ipsum
ínvoco Deum vivum.

Postcommunio.

AUXILIENTUR nobis, Dómi-
ne, sumpta mystéria, et inter-
cedénte beáta Agatha Virgine et
Mártire tua, sempitérna protectióne
confirmet. Per, etc.

DIE VI.

SANCTÆ DOROTHEÆ,
Virginis et Martyris.

*Missa, Me expectavérunt, ut in
Communi Virginis et Martyris, fol.
25*.*

DIE VII.

S. ROMUALDI, ABBATIS.

Missæ, Os justi, etc., de Communi Abbatum, fol. 22.*

DIE VIII.

S. JOANNIS DE MATHA,

Confessoris.

Missæ, Os justi, etc., de Communi Confessoris non Pontificis, fol. 20, præter Orationem sequentem.*

Oratio.

DEUS, qui per sanctum Joannem, Ordinem Sanctissimæ Trinitatis, ad redimendum de potestate Saracenorum captivos, cœlitus instituire dignatus es : præsta, quæsumus ; ut, ejus suffragantibus meritis, à captivitate corporis et animæ, te adjuvante, liberemur. Per Dóminum, etc.

DIE IX.

SANCTÆ APOLLONIÆ,

Virginis et Martyris.

Missæ, Loquébar, etc., de Communi Virg. et Martyr., fol. 23.*

DIE X.

S. SCHOLASTICÆ,

Virginis.

Missæ, Dilexisti, ut in Communi Virginum, fol. 27, præter Orationem sequentem.*

Oratio.

DEUS, qui animam beætæ Virginis tuæ Scholasticæ, ad os

tendendam innocentiae viam, in columbæ specie cœlum penetrare fecisti : da nobis ejus meritis et precibus, ita innocentè vivere, ut ad æterna mereamur gaudia pervenire. Per Dóminum, etc.

Deinde fit commemoratio Feriæ, si celebretur in Quadragesima.

DIE XIV.

SANCTI VALENTINI,

Presbyteri et Martyris.

Missæ, In virtute tua, etc., de Communi unius Martyris non Pontificis, fol. 4, præter Orationes quæ infra assignantur.*

Oratio.

PRÆSTA, quæsumus, omnipotens Deus : ut qui beati Valentini Martyris tui natalitia colimus, à cunctis malis imminèntibus, ejus intercessiõne, liberemur. Per, etc.

Secreta.

OBLATIS, quæsumus, Dómine, placare munèribus : et intercedente beato Valentino Martyre tuo, à cunctis nos defende periculis. Per Dóminum, etc.

Postcommunio.

SIT nobis, Dómine, reparatio mentis et corporis cœlestis mysterium : ut, cujus exequimur actionem, intercedente beato Valentino Martyre tuo, sentiámus effectum. Per Dóminum, etc.

DIE XV.

SS. FAUSTINI ET JOVITÆ,
Martyrum.

Missæ, Salus autem, etc., ut in

Communi plurimorum Martyrum, fol. 13.*

DIE XVIII.

SANCTI SIMEONIS,
Episcopi et Martyris.

Missa, Státuit ei Dóminus testaméntum pacis, etc., de Communi unius Martyris Pontificis, fol. 2.*

DIE XXII.

¶ *In Cathedra Antiochena S. Petri, omnia dicuntur sicut in Festo Cathedræ Romanæ, fol. 337, ommissa commemoratione S. Priscæ; et fit commemoratio Feriæ, si venerit in Quadragesima.*

DIE XXIII.

S. PETRI DAMIANI,
Episcopi, Confessoris et Ecclesiæ
Doctoris.

Missa, In médio Ecclesiæ, etc., de Communi Doctorum, fol. 18, præter Orationem sequentem.*

Oratio.

CONCEDE nos, quæsumus, omnípotens Deus, beáti Petri Confessoris tui atque Pontificis mónita et exépla sectári; ut, per terréstrium rerum contéptum ætéRNA gáudia consequámur. Per Dóminum, etc.

Et dicitur Credo.

Extra Quadragesimam et annum Bissexilem, fit Commemoratio Vigiliæ S. Mathiæ, cum Orationibus ut in sequenti Missa: et in fine Missæ legitur Evangelium Vigiliæ.

¶ *Si autem venerit in Quadragesima, fit Commemoratio Feriæ, et postea Vigiliæ: et in fine Missæ legitur Evangelium Feriæ.*

DIE XXIV. IN ANNO BISSEXTILI.

In Vigilia
SANCTI MATHIÆ,
Apostoli.

Missa, Ego autem, etc., de Communi, in Vigilia unius Apostoli, fol. 1.*

Si hæc Vigilia venerit in Quadragesima, fit de ea tantum commém. in Missa.

DIE XXIV. VEL XXV.

SANCTI MATHIÆ,
Apostoli.

Introitus. Ps. 138.

MIHI autem nimis honoráti sunt amíci tui, Deus: nimis confortátus est principátus eórum.

Ps. ibid. Dómine, probásti me, et cognovísti me: tu cognovísti sessionem meam, et resurrectionem meam.

Ÿ. Glória Patri, etc.

Oratio.

DEUS, qui beátum Mathíam Apostolorum tuórum collégio sociásti: tribue, quæsumus; ut ejus interventióne tuæ circa nos pietátis semper víscera sentiámus. Per Dóminum, etc.

Léctio Actuum Apostolorum.

Act. 1.

IN diébus illis: Exúrgens Petrus in médio fratrum, dixit: (erat

autem turba hóminum simul ferè centum viginti). Viri fratres, opórtet impléri Scriptúram, quam prædixit Spíritus sanctus per os David de Juda, qui fuit dux eórum qui comprehendérunt Jesum; qui connumerátus erat in nobis, et sortitus est sortem ministérii hujus. Et hic quidem possédit agrum de mercéde iniquitátis, et suspensus crépuit médius, et diffúsa sunt ómnia víscera ejus. Et notum factum est ómnibus habitántibus Jerúsalem, ita ut appellarétur ager ille, lingua eórum, Hacéldama, hoc est, ager ságuinis. Scriptum est enim in libro Psalmórum: Fiat commorátio eórum desérta, et non sit qui inhábitet in ea: et episcopátum ejus accípiat alter. Opórtet ergo ex his viris, qui nobíscum sunt congregáti in omni témpore quo intrávit et exívit inter nos Dóminus Jesus, incípiens à baptísmate Joánnis usque in diem qua assúptus est à nobis, testem resurrectionis ejus nobíscum fieri unum ex istis. Et statuérunt duos, Joseph, qui vocabátur Bársabas, qui cognominátus est Justus, et Mathíam. Et orántes, dixerunt: Tu, Dómine, qui corda nosti ómnium, osténde quem elégeris ex his duóbus unum, accípere locum ministérii hujus, et Apostolátus, de quo prævaricátus est Judas, ut abíret in locum suum. Et dedérunt sortes eis; et cécidit sors super Mathíam, et annumerátus est cum úndecim Apóstolis.

Graduale. Ps. 138. Nimis honoráti sunt amíci tui, Deus: nimis confortátus est principátus eórum.

Ÿ. Dinumerábo eos, et super arénam multiplicabúntur.

Tractus. Ps. 20. Desidérium animæ ejus tribuísti ei, et voluntáte labiórum ejus non fraudásti eum.

Ÿ. Quóniam prævenísti eum in benedictiónibus dulcédinis.

Ÿ. Posuísti in cápite ejus corónam de lápide pretiósó.

Sequéntia sancti Evangélíi secúndum Matthæum. *Matth. 11.*

IN illo témpore: Respóndens Jesus, dixit: Confíteor tibi, Pater, Dómine cœli et terræ, quia abscondísti hæc à sapiéntibus et prudéntibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes qui laborátis, et oneráti estis, et ego reficiam vos. Tóllite jugum meum super vos, et discite à me quia mitis sum, et húmilis corde: et inveniétis réquiem animábus vestris. Jugum enim meum suáve est, et onus meum leve.

Credo.

Offertorium. Ps. 44. Constitúes eos príncipes super omnem terram: mémores erunt nóminis tui, Dómine, in omni progénie et generatióne.

Secreta.

HOSTIAS tibi, Dómine, quas nómini tuo sacrándas offérimus, sancti Mathíæ Apóstoli tui prosequátur orátio: per quam nos expiári fácias, et deféndi. Per, etc.

Præfatio de Apostolis, fol. 209.

Communio. Matth. 19. Vos, qui secúti estis me, sedébitis super sedes, judicántes duódecim tribus Israël.

Postcommunio.

PRÆSTA, quæsumus, omnípotens Deus, ut per hæc sancta quæ sumpsimus, interveniénte beáto

Mathía Apóstolo tuo, véniam consequámur et pacem. Per, etc.

FESTA MARTII.

DIE IV.

SANCTI CASIMIRI,
Confessoris.

Missa, Os justi, etc., de Communi Confessoris non Pontificis, fol. 20, præter Orationem sequentem.*

Oratio.

DEUS, qui inter regáles delicias et mundi illécebras, sanctum Casimírum virtúte constántiæ roborásti : quæsumus, ut ejus intercessióne fideles tui terréna despícient, et ad cœléstia semper aspírent. Per Dóminum, etc.

Si venerit in Quadragesima, fit commemoratio Feriæ.

Postea pro commemoratione sancti Lucii Papæ et Martyris.

Oratio.

DEUS, qui nos beáti Lúcii Mátyris tui atque Pontíficis ánnua solemnitate lætíficas : concéde propítius ; ut, cujus natalítia cólimus, de ejúsdem étiam protectióne gaudeámus. Per, etc.

Pro Sancto Lucio. Secreta.

MUNERA tibi, Dómine, dicáta sanctífica ; et, intercedénte beáto Lúcio Mátyre tuo atque Pontífice, per éadem nos placátus inténde. Per Dóminum, etc.

Pro Sancto Lucio.

Postcommunio.

HÆC nos commúnio, Dómine, purget à crimine ; et, inter-

2 v

cedénte beáto Lúcio Mátyre tuo atque Pontífice, cœléstis remédii fáciat esse consórtes. Per, etc.

DIE VII.

S. THOMÆ DE AQUINO,
Confessoris et Ecclesiæ Doctoris.

Introitus. Eccl. 15.

IN médio Ecclesiæ apérui os ejus, et implévit eum Dóminus spíritu sapiéntiæ et intelléctus : stolam glóriæ induit eum.

Ps. 91. Bonum est confitéri Dómino, et psállere nómini tuo, Altíssime.

V. Glória Patri, etc.

Oratio.

DEUS, qui Ecclesiám tuam beáti Thomæ Confessóris tui mira eruditóne clarificas, et sancta operatióne fœcúndas : da nobis, quæsumus, et quæ dócuit intelléctu conspícere ; et quæ egit, imitatióne complére. Per Dóminum, etc.

Et fit commemoratio Feriæ, si venerit in Quadragesima, et postea Sanctarum Perpetuæ et Felicitatis Martyrum.

Oratio.

DA nobis, quæsumus, Dómine Deus noster, sanctárum Mátyrum tuárum Perpétuæ et Felicitátis palmas incessábili devotióne venerári : ut, quas digna mente non póssumus celebráre, humílibus saltem frequentémus obséquiiis. Per Dóminum, etc.

Léctio libri Sapiéntiæ. Sap. 7.

OPTAVI, et datus est mihi sensus ; et invocávi, et venit in me spíritus sapiéntiæ : et præpósui

illam regnis et sēdibus, et divitias nihil esse duxi in comparatiōe illius : nec comparāvi illi lāpidem pretiōsum : quōniam omne aurum in comparatiōe illius, arēna est exigua, et tamquam lutum æstimābitur argēntum in conspēctu illius. Super salutem et spēcīem dilēxi illam, et propōsui pro luce habēre illam : quōniam inextinguibile est lumen illius. Venērunt autem mihi omnia bona pāriter cum illa, et innumerābilis honēstas per manus illius, et lētātus sum in omnibus : quōniam antecēdebat me ista sapiētia, et ignorābam quōniam horum omnium mater est. Quam sine fictiōne didici, et sine invidia comunico, et honestātem illius non abscondo. Infinitus enim thesaurus est hominibus : quo qui usi sunt, participes facti sunt amicitiæ Dei, propter disciplinæ dona commendati.

Graduale. Ps. 36. Os iusti meditābitur sapiēntiam, et lingua ejus loquētur iudiciū.

V. Lex Dei ejus in corde ipsius : et non supplantabūntur gressus ejus.

Tractus. Ps. 111. Beātus vir qui timet Dōminum : in mandātis ejus cupit nimis.

V. Potens in terra erit semen ejus : generātio rectōrum benedicētur.

V. Glória et divitiæ in domo ejus : et justitia ejus manet in sæculum sæculi.

Sequēntia sancti Evangēlii secūndum Matthæum. *Matt. 5.*

IN illo tēpore : Dixit Jesus discipulis suis : Vos estis sal terræ. Quòd si sal evanūerit, in quo salietur ? Ad nīhilum valet ultra, nisi ut mittātur forās, et conculcētur ab hominibus. Vos estis lux mundi.

Non potest civitas abscondi supra montem pōsita. Neque accēdunt lucērnæ, et ponunt eam sub mōdio, sed super candelābrum, ut luceat omnibus qui in domo sunt. Sic luceat lux vestra coram hominibus, ut videant opēra vestra bona, et glorificent Patrem vestrum, qui in cœlis est. Nolite putāre quōniam veni sōlvēre legem, aut prophētas : non veni sōlvēre, sed adimplēre. Amen quippe dico vobis, donec trānseat cælum et terra, iōta unum, aut unus apex non præteribit à lege, donec omnia fiant. Qui ergo sōlverit unum de mandātis istis minimis, et docuerit sic homines, minimus vocābitur in regno cælōrum : qui autem fēcerit et docuerit, hic magnus vocābitur in regno cælōrum.

Credo.

Offertorium. Ps. 91. Justus ut palma florēbit : sicut cedrus, quæ in Libano est, multiplicābitur.

Secreta.

SANCTI Thomæ Confessōris tui atque Doctōris nobis, Dōmine, pia non desit oratio : quæ et mūnera nostra conciliet, et tuam nobis indulgēntiam semper obtineat. Per Dōminum, etc.

Pro Sanctis Martyribus.

Secreta.

IN TENDE, quæsumus, Dōmine, mūnera altāribus tuis pro sanctarum Mārtýrum Perpētuxæ et Felicitātis festivitāte propōsita : ut, sicut per hæc beāta mystēria illis glóriam contulisti, ita nobis indulgēntiam largiāris. Per, etc.

Communio. Luc. 12. Fidēlis servus et prudens, quem constituit Dōminus super familiam suam, ut

det illis in tēpore tritici mensuram.

Postcommunio.

UT nobis, Dómine, tua sacrificia dent salútem, beátus Thomas Confessor tuus, et Doctor egrégius, quæsumus, precátor accédât. Per Dóminum, etc.

Pro Sanctis Martyribus.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis Perpétua et Felicitáte; ut, quod ore contíngimus, pura mente capiámus. Per, etc.

DIE VIII.

S. JOANNIS DE DEO,
Confessoris.

Introitus. Ps. 36.

OS justi meditábitur sapiéntiam, et lingua ejus loquétur júdicium: lex Dei ejus in corde ipsíus.

Ps. ibid. Noli æmulári in malignántibus: neque zeláveris faciéntes iniquitátem.

Ÿ. Glória Patri, etc.

Oratio.

DEUS, qui beátum Joánnem, tuo amóre succénsum, inter flammās innóxiū incédere fecísti, et per eum Ecclésiā tuā novā prole fœcundásti: præsta, ipsíus suffragántibus méritis, ut igne charitátis tuæ vítia nostra curéntur, et remédia nobis ætérna provéniant. Per Dóminum, etc.

In Quadragesima fit commemoratio Feriæ.

Lectio libri Sapiéntiæ. *Eccl. 31.*

BEATUS vir qui invéntus est sine mácula, et qui post au-

rum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória ætérna: qui pótuit tránsgridi, et non est tránsgréssus; fácere mala, et non fecit. Idèd stabilita sunt bona illíus in Dómino, et eleemósynas illíus enarrábit omnis Ecclésiā sanctórum.

Graduale. Ps. 91. Justus ut palma florébit: sicut cedrus Libani multiplicábitur in domo Dómini.

Ÿ. Ad annuntiándum manè misericórdiam tuā, et veritátem tuā per noctem.

Tractus. Ps. 111. Beátus vir qui timet Dóminum: in mandátis ejus cupit nimis.

Ÿ. Potens in terra erit semen ejus: generátio rectórum benedicétur.

Ÿ. Glória et divítiæ in domo ejus: et justítia ejus manet in sæculum sæculi.

Sequéntia sancti Evangélíi secúndum Matthæum. *Matth. 22.*

IN illo tēpore: Accessérunt ad Jesum Pharisei, et interrogávit eum unus ex eis legis doctor, tentans eum: Magister, quod est mandátum magnum in lege? Ait illi Jesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum et primum mandátum. Secúndum autem símile est huic: Díliges próximum tuum sicut teípsum. In his duóbus mandátis univérsa lex pendet, et Prophætæ. Congregátis autem Pharisæis, interrogávit eos Jesus, dicens: Quid vobis vidétur de Christo? cujus filius est? Dicunt ei: David. Ait illis: Quómodo ergo David in spíritu vocat eum Dóminum, dicens:

Dixit Dóminus Dómino meo : Sede à dextris meis, donec ponam inimicos tuos scabéllum pedum tuórum ? Si ergo David vocat eum Dóminum, quómodo filius ejus est ? Et nemo póterat ei respondére verbum : neque ausus fuit quisquam ex illa die eum ámpliùs interrogáre.

Offertorium. Ps. 88. Véritas mea, et misericórdia mea cum ipso, et in nómine meo exaltábitur cornu ejus.

Secreta.

LAUDIS tibi, Dómine, hóstias immolámus in tuórum commemoratióne Sanctórum : quibus nos et præséntibus éxui malis confidimus et futúris. Per, etc.

Communio. Matth. 24. Beátus servus, quem, cùm vénerit dóminus, invénerit vigilántem : amen dico vobis, super ómnia bona sua constituet eum.

Postcommunio.

REFFECTI cibo potúque cœlesti, Deus noster, te súplices exorámus ; ut, in cujus hæc commemoratióne percépimus, ejus muniamur et précibus. Per, etc.

DIE IX.

S. FRANCISCÆ VIDUÆ.

Missa, Cognóvi, de Comuni nec Virg., nec Mart., fol. 31, præter Orationem sequentem.*

Oratio.

DEUS, qui beátam Franciscam fámulam tuam, inter cétera grátiae tuæ dona familiári Angeli consuetúdine decorásti : concéde, quæsumus ; ut, intercessiónis ejus

auxílio, Angelórum consórtium cónsequi mereámur. Per, etc.

Et fit commemoratio Feriæ, si vénerit in Quadragesima.

DIE X.

SS. QUADRAGINTA MARTYRUM.

Introitus. Ps. 33.

CLAMAUERUNT justí, et Dóminus exaudivit eos : et ex ómnibus tribulatióibus eórum liberávit eos.

Ps. ibid. Benedicam Dóminum in ómni témpore : semper laus ejus in ore meo.

Y. Glória Patri, et Filio, etc.

Oratio.

PRÆSTA, quæsumus, omnípotens Deus ; ut, qui gloriósos Mártýres fortes in sua confessiόne cognóvimus, pios apud te in nostra intercessiόne sentiámus. Per, etc.

Et fit commemoratio Feriæ.

Léctio Epístolæ beáti Pauli Apóstoli ad Hebræos. *Hebr. 11.*

FRATRES, Sancti per fidem vicérunt regna, operáti sunt justítiam, adépti sunt repromissiones, obturavérunt ora leónum, extinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum : acceperunt mulieres de resurrectione mórtuos suos. Alii autem disténti sunt, non suscipiéntes redemptiόnem, ut meliόrem invenírent resurrectionem. Alii verò ludíbria et vérbera expérti, insuper et víncula, et cárceres : lapidáti sunt, secti sunt, tentáti sunt, in occisiόne gládii

mórtui sunt : circuiérunt in melótis, in péllibus caprínis, egéntes, angustíati, afflícti : quibus dignus non erat mundus : in solitudinibus errántes, in móntibus, et spelúncis, et in cavérnis terræ. Et hi omnes testimónio fidei probáti invénti sunt in Christo Jesu Dómino nostro.

Graduale. Ps. 132. Ecce quàm bonum et quàm jucúndum, habitáre fratres in unum.

V. Sicut unguéntum in cápite quod descéndit in barbam, barbam Aaron.

Tractus. Ps. 125. Qui sémi- nant in lácrymis, in gáudio metent.

V. Eúntes ibant et flebant, mít- téntes sémina sua.

V. Veniéntes autem vénient cum exultatióne, portántes manípulos suos.

Sequéntia sancti Evangélii secún- dum Lucam. *Luc.* 6.

IN illo témpore : Descéndens Je- sus de monte, stetit in loco campéstri, et turba discipulórum ejus, et multitúdo copiósá plebis ab omni Judæa, et Jerúsalem, et marí- tima, et Tyri, et Sidónis, qui véne- rant ut audírent eum, et sanarén- tur à languóribus suis. Et qui vexabántur à spirítibus immúndis, curabántur. Et omnis turba quæ- rébat eum tángere : quia virtus de illo exíbat, et sanábat omnes. Et ipse elevátis óculis in discípulos suos, dicébat : Beáti páuperes : quia vestrum est regnum Dei. Beáti qui nunc esurítis : quia saturabími- ni. Beáti qui nunc fletis : quia ridébitis. Beáti éritis cùm vos óde- rint hómines, et cùm separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exultáte : ecce enim merces vestra multa est in cælo.

Offertorium. Ps. 31. Lætámini in Dómino, et exultáte justí : et gloriámini omnes recti corde.

Secreta.

SACRIFICIIS præsentibus, quæ- sumus, Dómine, inténde pla- cáus : ut, intercedéntibus sanctis Martyribus tuis, et devotióni nos- træ proficiant, et salúti. Per, etc.

¶ Si hoc Festum venerit in Feria V. post Cineres, tunc Secreta pro commem. Feriæ debet mutari, quia est eadem cum Secreta SS. Martyrum supra; et debet sumi Secreta ex Missa Feriæ VI. seq., nempe Sacrificium, Dómine, etc., fol. 56.

Similiter si inciderit in Feria III. Hebd. I. Quadrages., debet mutari Postcomm. Feriæ (cum sit eadem et pro SS. Martyr.), et sumenda Post- communio Feriæ quartæ seq. Tui, Dómine, fol. 64.

Communio. Matth. 12. Qui- cùmque fécerit voluntátem Patris mei, qui in cælis est : ipse meus frater, et soror, et mater est, dicit Dóminus.

Postcommunio.

QUÆSUMUS, omnipotens De- us, ut illius salutáris capiámus effectum, cujus per hæc mystéria pignus accépimus. Per, etc.

DIE XII.

S. GREGORII, PAPÆ,

Confessoris et Ecclesiæ Doctoris.

Introitus. Dan. 3.

SACERDOTES Dei benedicite Dóminum : sancti et húmiles corde laudáte Deum.

Dan. ibid. Benedicite ómnia

ópera Dómini Dómino : laudáte, et superexaltáte eum in sæcula.

Ÿ. Glória Patri, etc.

Oratio.

DEUS, qui ánimæ fámuli tui Gregórii æternæ beatitúdinis præmia contulísti : concéde propítius ; ut, qui peccatórum nostrórum póndere préminur, ejus apud te précibus sublevémur. Per, etc.

Et fit commemoratio Ferie.

Léctio Epistolæ beáti Pauli Apóstoli ad Timótheum. 2 *Tim.* 4.

CARISSIME, Testíficor coram Deo, et Jesu Christo, qui judicatúrus est vivos et mórtuos, per advéntum ipsíus et regnum ejus : prædica verbum, insta oppórtunè, importúnè : árgue, óbseca, increpa in omni patiéntia et doctrína. Erit enim tempus, cùm sanam doctrinam non sustinébunt, sed ad sua desidéria coacervábunt sibi magistros, pruriéntes áuribus, et à veritáte quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex : non solùm autem mihi, sed et iis qui diligunt advéntum ejus.

Graduale. Ps. 109. Jurávit Dóminus, et non pœnitébit eum : Tu es sacérdos in ætérnum secúndum órđinem Melchisedech.

Ÿ. Dixit Dóminus Dómino meo : Sede à dextris meis.

Tractus. Ps. 111. Beátus vir qui timet Dóminum : in mandátis ejus cupit nimis.

Ÿ. Potens in terra erit semen ejus : generátio rectórum benedicétur.

Ÿ. Glória et divítiae in domo ejus : et justítia ejus manet in sæculum sæculi.

Sequéntia sancti Evangelíi secúndum Matthæum. *Matth.* 5.

IN illo témpore : Dixit Jesus discípulis suis : Vos estis sal terræ. Quòd si sal evanúerit, in quo salietur ? Ad níhilum valet ultrà, nisi ut mittátur foràs, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum ; ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolíte putáre quóniam veni sólvere legem, aut prophétas : non veni sólvere, sed adimplére. Amen quippe dico vobis, donec transeat cœlum et terra, ióta unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cœlórum : qui autem fécerit et docúerit, hic magnus vocábitur in regno cœlórum.

Credo.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

ANNUE nobis, quæsumus, Dómine, ut intercessióne beáti Gregórii hæc nobis prosit oblátio, quam immolándo totíus mundi tribuísti relaxári delícta. Per, etc.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

DEUS, qui beátum Gregórium Pontificem, sanctórum tuórum méritis coæquásti: concéde propítius; ut, qui commemoratiónis ejus festa percólimus, vitæ quoque imitémur exémpia. Per, etc.

¶ *Si dies crastina fuerit Feria VI. post Dominicam Passionis, tunc agendum erit de Festo Septem Dolorum Beatæ Mariæ Virginis, cujus Missa propria habetur ut infra, fol. 368.*

DIE XVII.

SANCTI PATRIITII,
Episcopi et Confessoris.

Missa, Státuit, etc., ut in Comuni Confess. Pontificis, fol. 15, præter Orationem sequentem.*

Oratio.

DEUS, qui ad prædicándam Géntibus gloriam tuam, beátum Patrítium Confessórem atque Pontificem mittere dignátus es: ejus méritis et intercessióne concéde; ut, quæ nobis agénda præcipis, te miseránte, adimplére possimus. Per Dóminum, etc.

Deinde fit commemoratio Feriæ.

DIE XIX.

SANCTI JOSEPH,
Confessoris, Sponsi Beatæ Mariæ Virginis.

Introitus. Ps. 91.

JUSTUS ut palma florébit: sicut cedrus Libani multiplicábitur:

plantátus in domo Dómini, in átriis domus Dei nostri.

Ps. ibid. Bonum est confitéri Dómino, et psállere nómini tuo, Altíssime.

Ÿ. Glória Patri, etc.

Oratio.

SANCTISSIMÆ Genitricis tuæ Sponsi, quæsumus, Dómine, méritis adjuvémur; ut, quod possibilitas nostra non óbtinet, ejus nobis intercessióne donétur. Qui vivis, etc.

In Quadragesima fit commemoratio Feriæ.

Léctio libri Sapiéntiæ. *Eccl. 45.*

DILECTUS Deo et homínibus, cujus memória in benedictióne est. Símilem illum fecit in glória Sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplínæ.

Graduale. Ps. 20. Dómine, prævenísti eum in benedictiónibus dulcédinis: posuísti in cápite ejus corónam de lápide pretióso.

Ÿ. Vitam pétii à te, et tribuísti ei longitúdinem diérum in sæculum sæculi.

Tractus. Ps. 111. Beátus vir qui timet Dóminum: in mandátis ejus cupit nimis.

Ÿ. Potens in terra erit semen ejus: generátio rectórum benedicétur.

Ÿ. Glória et divitiæ in domo ejus:

et justitia ejus manet in sæculum sæculi.

Post Pascha.

Allelúia, allelúia. *Ÿ. Eccl. 45.* Amavit eum Dóminus, et ornávit eum : stolam glóriæ induit eum.

Allelúia. *Ÿ. Oseæ 14.* Justus germinábit sicut lílium : et florébit in ætérnum ante Dóminum. Allelúia.

Sequéntia sancti Evangélíi secúndum Matthæum. *Matth. 1.*

CUM esset desponsáta mater Jesu María Joseph, ántequam convenírent, invénta est in útero habens de Spíritu sancto. Joseph autem vir ejus, cùm esset justus, et nollet eam tradúcere, vóluit occúltè dimíttere eam. Hæc autem eo cogitánte, ecce Angelus Dómini appáruit in somnis ei, dicens : Joseph fili David, noli timére accípere Mariam cónjugem tuam : quod enim in ea natum est, de Spíritu sancto est. Páriet autem filium, et vocábis nomen ejus, Jesum : ipse enim salvum fáciat pópulum suum à peccátis eórum.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

DEBITUM tibi, Dómine, nostræ réddimus servitútis, suppliciter exorántes ; ut suffrágiis beáti Joseph Sponsi Genitricis Filii tui Jesu Christi Dómini nostri, in nobis tua múnera tueáris : ob cujus venerándam festivitátem laudis tibi hóstias immolámus. Per eúndem, etc.

Communio. Matth. 1. Joseph fili David, noli timére accípere Mariam cónjugem tuam : quod

enim in ea natum est, de Spíritu sancto est.

Postcommunio.

ADESTO nobis, quæsumus, miséricors Deus : et, intercedente pro nobis beáto Joseph Confessóre, tua circa nos propitiátus dona custódi. Per, etc.

DIE XXI.

SANCTI BENEDICTI,
Abbatis.

Missa, Os justí, etc., ut in Comuni Abbatum, fol. 22.*

¶ *De Festis Duplicibus, et Semiduplicibus, quæ veniunt à Dominica Palmarum usque ad Octavam Paschæ, nihil fit ; sed post Octavam celebrantur : et tunc in fine Introitus ante Psalmum dicuntur duo Allelúia, et in fine Offertorii, et Communionis, unum Allelúia.*

Post Epistolam non dicitur Graduale, sed dicuntur duo Versus, cum quatuor Allelúia, ut notatum est in Sabbato in Albis. Et hoc idem observatur in omnibus Festis, quæ celebrantur inter Pascha et Pentecosten.

Feria VI. post Dominicam Passionis.

IN FESTO SEPTEM DOLO-
RUM B. Mariæ Virginis.

Introitus. Joann. 19.

STABANT juxta crucem Jesu Mater ejus, et soror Matris ejus María Cléophæ, et Salóme, et María Magdaléne.

Vers. ibid. Múlier, ecce filius tuus, dixit Jesus ; ad discipulum autem : Ecce Mater tua.

Ÿ. Glória Patri, etc.

Oratio.

DEUS, in cujus Passiōe, secū-
dūm Simeōnis prophetiam,
dulcissimam animam gloriōsæ Vir-
ginis et Matris Mariæ doloris glā-
dius pertransiuit: concēde propitius;
ut, qui Transfixiōnem ejus et pas-
siōnem venerādo recōlimus, glori-
ōsis mēritis et prēcibus ōnium
Sanctorum Cruci fidēliter astāntium
intercedētibz, passiōis tuæ effēc-
tum felicem consequāmur. Qui
vivis, etc.

Et fit commemoratio Feriæ.

In Missis Votivis dicatur sequens

Oratio.

INTERVENIAT pro nobis, quæ-
sumus, Dōmine Jesu Christe,
nunc, et in hora mortis nostræ,
apud tuam clemētiā beāta Virgo
Maria Mater tua, cujus sacratissi-
mam animam in hora tuæ passiōis
doloris glādius pertransiuit. Qui
vivis, etc.

Lectio libri Judith. Judith 13.

BENEDIXIT te Dōminus in
virtute sua, quia per te ad
nihilum redēgit inimicos nostros.
Benedicta es tu, filia, à Dōmino
Deo excēlso, præ ōnibus muliēri-
bus super terram. Benedictus
Dōminus, qui creāvit cælum et ter-
ram, quia hōdie nomen tuum ita
magnificāvit, ut non recēdat laus
tua de ore hōminum, qui mēmores
fuerint virtutis Dōmini in ætēnum:
pro quibus non pepercisti animæ
tuæ propter angustias et tribula-
tiōnem gēneris tui, sed subvenisti
ruinæ ante conspēctum Dei nostri.

Graduale. Dolorosa, et lacrymā-
bilis es, Virgo Maria, stans juxta
crucem Dōmini Jesu filii tui Re-
demptoris.

Allelúia, allelúia. *Ÿ. Virgo Dei*

2 w

Génitrix, quem totus non capit
orbis, hoc Crucis fert supplicium
vitæ factus homo.

*Post Septuagesimam, omissis Al-
lelúia, et Ÿ. seq., dicitur*

Tractus. Joann. 19. Stabat
Sancta Maria, cœli Regina, et mun-
di dōmina, juxta crucem Dōmini
nostri Jesu Christi dolorosa.

Ÿ. Thren. 1. O vos omnes, qui
transitis per viam, attēdite, et vi-
dēte si est dolor, sicut dolor meus.

Tempore Paschali, dicitur

Allelúia, allelúia. *Ÿ. Joann. 19.*
Stabat Sancta Maria, cœli Regina,
et mundi dōmina, juxta crucem
Dōmini nostri Jesu Christi dolo-
rosa.

Allelúia. *Ÿ. Thren. 1.* O vos
omnes, qui transitis per viam, at-
tēdite, et vidēte si est dolor sicut
dolor meus. Allelúia.

SEQUENTIA

In Missis votivis omittenda.

STABAT Mater dolorosa
Juxta Crucem lacrymōsa,
Dum pendēbat Fīlius.

Cujus animam gemēntem,
Contristatam et dolēntem,
Pertransiuit glādius.

O quā trīstis et afflīcta
Fuit illa benedīcta
Mater Unigēniti!

Quæ mœrēbat, et dolēbat,
Pia Mater, dum vidēbat
Nati pœnas inclyti.

Quis est homo qui non fleret,
Matrem Christi si vidēret
In tanto supplicio?

Quis non posset contristāri,
Christi Matrem contemplāri
Dolēntem cum Fīlio?

Pro peccātis suæ gentis,
Vidit Jesum in tormētis,
Et flagellis sūbditum.

Vidit suum dulcem Natum
Moriendo desolatum,
Dum emisit spiritum.

Eia Mater, fons amoris,
Me sentire vim doloris
Fac, ut tecum lúgeam.

Fac ut árdeat cor meum
In amando Christum Deum,
Ut sibi compláceam.

Sancta Mater, istud agas,
Crucifíxi fige plagas
Cordi meo válidè.

Tui Nati vulneráti,
Tam dignáti pro me pati,
Pœnas mecum dívide.

Fac me tecum piè flere,
Crucifíxo condolère,
Donec ego víxero.

Juxta Crucem tecum stare,
Et me tibi sociáre
In planctu desídero.

Virgo vírginum præclára,
Mihi jam non sis amára ;
Fac me tecum plángere.

Fac ut portem Christi mortem,
Passiónis fac consórtem,
Et plagas recólere.

Fac me plagis vulnerári,
Fac me Cruce inebriári,
Et cruóre Fílii.

Flammis ne urar succénsus,
Per te, Virgo, sim defénsus,
In die Judicii.

Christe, cùm sit hinc exíre,
Da per Matrem me venire
Ad palmam victóriæ.

Quando corpus moriétur,
Fac ut ánimæ donétur
Paradísi glória.
Amen.

Sequéntia sancti Evangélíi secúndum Joánnem. *Joann.* 19.

IN illo témpore : Stabant juxta crucem Jesu Mater ejus, et soror Matris ejus María Cléophæ, et María Magdaléne. Cùm vidisset ergo Jesus Matrem, et discipulum stan-

tem quem diligébat, dicit Matri suæ : Múlier, ecce filius tuus. Deínde dicit discípulo : Ecce Mater tua. Et ex illa hora accépit eam discípulus in sua.

Credo.

Offertorium. Recordáre, Virgo Mater Dei, dum stéteris in conspectu Dómini, ut loquáris pro nobis bona, et ut avértat indignatióem suam à nobis.

Secreta.

OFFERIMUS tibi preces et hóstias, Dómine Jesu Christe, humíliter supplicántes : ut, qui Transfixiónem dulcíssimi spíritus beátæ Mariæ Matris tuæ précibus recensémus ; suæ, suorúmque sub cruce Sanctórum consórtium multiplicáto piússimo intervéntu, méritis mortis tuæ, méritum cum beátis habeámus. Qui vivis, etc.

Et fit commemoratio Feriæ.

Præfatio. Et te in transfixióne, *fol.* 208.

In Missis Votivis. Et te in veneratione, *fol.* *ibid.*


Communio. Felices sensus beátæ Mariæ Vírginis, qui sine morte meruérunt martyrii palmam sub cruce Dómini.

Postcommunio.

SACRIFICIA, quæ sumpsimus, Dómine Jesu Christe, Transfixiónem Matris tuæ et Vírginis devótè celebrántes, nobis impetrent apud cleméntiam tuam omnis boni salutáris effectum. Qui vivis et regnas, etc.

Et fit commemoratio Feriæ.

In fine Missæ legitur Evangelium Feriæ.



DIE XXV. MARTII.

IN ANNUNTIATIONE BEATÆ MARIÆ VIRGINIS.

Introitus. Ps. 44.

VULTUM tuum deprecabúntur omnes dívites plebis : adducéntur Regi vírgines post eam : próximæ ejus adducéntur tibi in lætítia, et exultatióne.

Ps. ibid. Eructávit cor meum verbum bonum : dico ego ópera mea Regi.

Ÿ. Glória Patri, etc.

Oratio.

DEUS, qui de beatæ Mariæ Virginis útero Verbum tuum, Angelo nuntiánte, carnem suscipere voluísti : præsta supplicibus tuis ; ut, qui verè eam Genitricem Dei crédimus, ejus apud te intercessiónibus adjuvémur. Per eúndem, etc.

Si celebretur in Quadrag. fit commemor. Feriæ.

Léctio Isaíæ Prophétæ. *Isa. 7.*

IN diébus illis : Locútus est Dóminus ad Achaz, dicens : Pete

tibi signum à Dómino Deo tuo in profúndum inférni, sive in excélsum suprà. Et dixit Achaz : Non petam, et non tentábo Dóminum. Et dixit : Audíte ergò, domus David : Numquid parum vobis est moléstos esse homínibus, quia molésti estis et Deo meo ? Propter hoc dabit Dóminus ipse vobis signum. Ecce Virgo concípiet, et páriet Fílium, et vocábitur nomen ejus Emmánuël. Butyrum et mel cómedet, ut sciat reprobáre malum, et elígere bonum

Graduale. Ps. 44. Diffúsa est grátia in lábiis tuis ; proptérea benedixit te Deus in ætérnum.

Ÿ. Propter veritátem et mansuetúdinem, et justítiam, et dedúcet te mirábiliter délixtera tua.

Tractus. Ibid. Audi, filia, et vide, et inclína aurem tuam : quia concupívit Rex spéciem tuam.

Ÿ. Vultum tuum deprecabúntur omnes dívites plebis : filiæ regum in honóre tuo.

Ÿ. Adducéntur Regi vírgines

post eam : próximæ ejus afferentur tibi.

Ÿ. Adducéntur in lætítia et exultatióne : adducéntur in templum Regis.

Post Pascha, omissis Graduali et Tractu, dicitur

Allelúia, allelúia. *Ÿ. Luc. 1.* Ave, María, grátia plena : Dóminus tecum : benedícta tu in muliéribus.

Allelúia. *Ÿ. Virga Jesse floruit : Virgo Deum et hóminem genuit : pacem Deus réddidit, in se reconcilians ima summis. Allelúia.*

Sequéntia sancti Evangélii secundum Lucam. *Luc. 1.*

IN illo témpore : Missus est Angelus Gábriël à Deo in civitatem Galilææ, cui nomen Názareth, ad Virginem desponsátam viro, cui nomen erat Joseph, de domo David; et nomen vírginis, María. Et ingressus Angelus ad eam, dixit : Ave grátia plena : Dóminus tecum : benedícta tu in muliéribus. Quæ cùm audisset, turbáta est in sermone ejus, et cogitábat qualis esset ista salutatio. Et ait Angelus ei : Ne tímeas, María : invenísti enim grátiam apud Deum : ecce concípies in útero, et páries filium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus : et regnabit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognósko ? Et respóndens Angelus, dixit ei : Spíritus sanctus superveniet in te, et virtus Altíssimi obumbrábit tibi. Ideóque et quod nascétur ex te sanctum, vocábitur Fílius Dei. Et ecce Elísabeth cognáta tua, et ipsa concépit filium in se-

nectúte sua : et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secundum verbum tuum.

Credo.

Offertorium. Luc. 1. Ave, María, grátia plena : Dóminus tecum : benedícta tu in muliéribus, et benedíctus fructus ventris tui.

Secreta.

IN méntibus nostris, quæsumus, Dómine, veræ fidei Sacraménta confirma : ut, qui concéptum de Virgine Deum verum et hóminem confitémur, per ejus salutíferæ resurrectionis poténtiam, ad ætérnam mereámur pervenire lætítiam. Per eúndem Dóminum nostrum.

Præfatio de Beata Maria. Et te in Annuntiatióne, fol. 208.

Communio. Isa. 7. Ecce virgo concípíet, et páriet filium : et vocábitur nomen ejus Emmánuël.

Postcommunio.

GRATIAM tuam, quæsumus, Dómine, méntibus nostris infúnde : ut qui, Angelo nuntiánte, Christi Fílii tui incarnationem cognóvimus, per passiónem ejus et crucem, ad resurrectionis glóriam perducámur. Per eúndem, etc.

FESTA APRILIS.

DIE II.

S. FRANCISCI DE PAULA,
Confessoris.

Introitus. Ps. 91.

JUSTUS ut palma florébit : sicut cedrus Líbani multiplicábitur :

plantátus in domo Dómini, in átriis domus Dei nostri.

Ps. ibid. Bonum est confitéri Dómino, et psállere nómini tuo, Altíssime.

V. Glória Patri, etc.

Oratio.

DEUS, humílium celsitúdo, qui beátum Franciscum Confesórem Sanctórum tuórum glória sublimásti : tribue, quæsumus, ut ejus méritis et imitatione promíssa humílibus præmia feliciter consequámur. Per Dóminum, etc.

In Quadragesima fit commemor. Feriæ.

Lectio Epístolæ beáti Pauli Apóstoli ad Philippenses. *Philipp. 3.*

FRATRES, Quæ mihi fuérunt lucra, hæc arbitrátus sum propter Christum detriménta. Verúm tamen exístimo ómnia detriméntum esse propter eminentem sciéntiam Jesu Christi Dómini mei : propter quem ómnia detriméntum feci, et árbitror ut stercora, ut Christum lucrifáciam, et invéniam in illo, non habens meam justítiam, quæ ex lege est, sed illam, quæ ex fide est Christi Jesu : quæ ex Deo est justítia in fide, ad cognoscéndum illum, et virtútem resurrectionis ejus, et societátem passiónum illius, configurátus morti ejus : si quo modo occúrram ad resurrectionem, quæ est ex mórtuis : non quòd jam accéperim, aut jam perféctus sim : sequor autem, si quo modo comprehéndam, in quo et comprehénsus sum à Christo Jesu.

Graduale. Ps. 36. Os justi meditábitur sapiéntiam, et lingua ejus loquétur judícium.

V. Lex Dei ejus in corde ipsíus : et non supplantabúntur gressus ejus.

Tractus. Ps. 111. Beátus vir qui timet Dóminum : in mandátis ejus cupit nimis.

V. Potens in terra erit semen ejus : generátio rectórum benedicétur.

V. Glória et divítiæ in domo ejus : et justítia ejus manet in sæculum sæculi.

Tempore Paschali, omissis Graduali et Tractu, dicitur

Allelúia, allelúia *V. Ps. 111.* Beátus vir qui timet Dóminum : in mandátis ejus cupit nimis.

Allelúia. *V. Oseæ 14.* Justus germinábit sicut lilium : et florébit in ætérnum ante Dóminum. Allelúia.

Sequéntia sancti Evangélíi secundum Lucam. *Luc. 12.*

IN illo témpore : Dixit Jesus discípulis suis : Nolíte timére, pusíllus grex, quia complácuít Patri vestro dare vobis regnum. Véndite quæ possidéitis, et date eleemósy-nam. Fácite vobis sácculos qui non veteráscunt, thesáurum non deficiéntem in cœlis : quòd fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 20. In virtúte tua, Dómine, lætábitur justus, et super salutáre tuum exultábit veheménter : desidérium ánimæ ejus tribuísti ei.

Secreta.

HÆC dona devótæ plebis, Dómine, quibus tua cumulámus altária, beáti Francisci méritis tibi grata, nobisque salutária, te miseránte, reddántur. Per, etc.

Communio. Matth. 19. Amen dico vobis, quòd vos, qui reliquistis

omnia, et secuti estis me, centuplum accipietis, et vitam æternam possidebitis.

Postcommunio.

SUMPTA, Dómine, sacramenta cælestia, beato Francisco Confessore tuo intercedente, precamur; ut et temporalis vitæ subsidia nobis cónferant, et æternæ. Per, etc.

DIE IV.

SANCTI ISIDORI,

Episcopi, Confessoris, et Ecclesiæ Doctoris.

Missa, In medio Ecclesiæ, etc., de Communi Doctorum, fol. 18, cum Credo.*

In Quadragesima fit commemoratio Feriæ.

DIE V.

S. VINCENTII FERRERII,

Confessoris.

Missa, Os justi, etc., de Communi Confessoris non Pontificis, fol. 20, præter Orationem sequentem.*

Oratio.

DEUS, qui Ecclesiam tuam beati Vincéntii Confessoris tui méritis et prædicatione illustrare dignatus es: concède nobis famulis tuis; ut et ipsius instruamur exemplis, et ab omnibus, ejus patrocínio, liberemur adversis. Per, etc.

In Quadragesima fit commemoratio Feriæ.

DIE XI.

S. LEONIS I. PAPÆ,

Confessoris, et Ecclesiæ Doctoris.

Introitus. Eccl. 15.

IN medio Ecclesiæ aperuit os ejus: et implevit eum Dóminus spiritu sapientiæ et intellectus: stolam gloriæ induit eum.

Ps. 91. Bonum est confiteri Dómino, et psallere nómini tuo, Altíssime.

V. Glória Patri, etc.

Oratio.

EXAUDI, quæsumus, Dómine, preces nostras, quas in beati Leónis Confessoris tui atque Pontificis solemnitate deferimus: et, qui tibi dignè méruit famulári, ejus intercedéntibus méritis, ab omnibus nos absolve peccátis. Per, etc.

In Quadragesima fit commemoratio Feriæ.

Lectio libri Sapientiæ. Eccl. 39.

JUSTUS cor suum tradet ad vigilandum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratione, et pro delictis suis deprecábitur. Si enim Dóminus magnus volúerit, spiritu intelligentiæ replébit illum: et ipse tanquam imbres mittet elóquia sapientiæ suæ, et in oratione confitébitur Dómino, et ipse diriget consilium ejus et disciplinam, et in absconditis suis consiliábitur. Ipse palàm faciet disciplinam doctrinæ suæ, et in lege testaménti Dómini gloriábitur. Collaudábunt multi sapientiam ejus, et usque in sæculum non delébitur. Non recédet memória ejus, et nomen ejus requirétur à generatione in generationem. Sapientiam ejus enarrábunt

gentes, et laudem ejus enuntiabit ecclēsia.

Graduale. Ps. 36. Os justi meditabitur sapiētiā : et lingua ejus loquētur judiciū.

Ÿ. Lex Dei ejus in corde ipsius : et non supplantabūntur gressus ejus.

Allelúia, allelúia. *Ÿ. Eccl. 45.* Amāvit eum Dóminus, et ornāvit eum : stolam glóriæ induit eum. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 111. Beātus vir qui timet Dóminum : in mandātis ejus cupit nimis.

Ÿ. Potens in terra erit semen ejus : generatio rectórum benedicētur.

Ÿ. Glória et divitiæ in domo ejus : et justitia ejus manet in sæculum sæculi.

Tempore Paschali, omissis Graduali et Tractu, dicitur

Allelúia, allelúia. *Ÿ. Eccl. 45.* Amāvit eum Dóminus, et ornāvit eum : stolam glóriæ induit eum.

Allelúia. *Ÿ. Oseæ 14.* Justus germinabit sicut lílium : et florēbit in ætérnum ante Dóminum. Allelúia.

Sequētia sancti Evangélii secūndum Matthæum. *Matth. 16.*

IN illo tēpore : Venit Jesus in partes Cæsaráe Philippi, et interrogābat discipulos suos, dicens : Quem dicunt hómines esse Filium hóminis ? At illi dixérunt : Alii Joánnem Baptístam, álii autem Eliam, álii verò Jeremíam, aut unum ex Prophétis. Dicit illis Jesus : Vos autem quem me esse dicitis ? Respóndens Simon Petrus, dixit : Tu es Christus Filius

Dei vivi. Respóndens autem Jesus, dixit ei : Beātus es Simon Bar-Jóna : quia caro et sanguis non revelāvit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificābo Ecclēsiā meam, et portæ inferi non prævalēbunt advērsus eam. Et tibi dabo claves regni cœlórū. Et quodcūque ligāveris super terram, erit ligātum et in cœlis : et quodcūque solveris super terram, erit solūtum et in cœlis.

Credo.

Offertorium. Ps. 88. Invēni David servum meum, óleo sancto meo unxi eum : manus enim mea auxiliābitur ei, et bráchiū meum confortābit eum.

Secreta.

SANCTI Leónis Confessóris tui atque Pontíficis, quæsumus, Dómine, ánnua solémnitas pietāti tuæ nos reddat accēptos : ut per hæc piæ placatiónis officia, et illum beáta retribútió comitētur, et nobis grátiæ tuæ dona conciliet. Per, etc.

Communio. Matth. 24. Beātus servus, quem, cūm vénerit Dóminus, invēnerit vigilāntem : amen dico vobis, super ómnia bona sua constituet eum.

Postcommunio.

DEUS, fidélium remunerátor animárum, præsta ; ut beāti Leónis Confessóris tui atque Pontíficis, cujus venerándam celebrámus festivitátem, précibus indulgētiā consequámur. Per Dóminum, etc.

DIE XIII.

SANCTI HERMENEGILDI,

Martyris.

Missæ, Protexisti, de Comuni

unius Martyr. temp. Pasch. fol. 7.
Evang. Si quis venit ad me, de eod.
Communi extra temp. Pasch. fol. 2*,
cum sequentibus Orationibus.*

Oratio.

DEUS, qui beatum Hermenegildum Mátyrem tuum cœlesti regno terrœnum postponere docuisti: da, quæsumus, nobis ejus exemplo caduca despicerē, atque æterna sectari. Per Dóminum, etc.

Secreta.

MUNERIBUS nostris, quæsumus, Dómine, precibusque susceptis, et cœlestibus nos munda mysteriis, et clemēter exaudi. Per Dóminum, etc.

Postcommunio.

DA, quæsumus, Dómine Deus noster, ut sicut tuorum commemoratione Sanctorum, temporali gratulamur officio, ita perpétuo lætémur aspectu. Per, etc.

¶ *Si autem celebretur in Quadragesima, dicitur Missa In virtute, etc., de Communi unius Martyris non Pontificis, fol. 4*, cum Orationibus et Evangelio supradictis; et fit commemoratio Feriæ occurrentis.*

DIE XIV.

**SANCTORUM MARTYRUM
TIBURTII, VALERIANI, ET
MAXIMI.**

Si venerit in Quadragesima fit de eis commem. tantum: si autem post Pascha, dicitur sequens Missa. Quod et in similibus servetur.

Introitus. Ps. 144.

SANCTI tui, Dómine, benedicent te: glóriam regni tui dicent. Allelúia, allelúia.

Ps. ibid. Exaltábo te, Deus meus Rex: et benedicam nómini tuo in sæculum, et in sæculum sæculi.

Ÿ. Glória Patri.

Oratio.

PRÆSTA, quæsumus, omnipotens Deus, ut qui sanctorum Mátyrum tuorum Tibúrtii, Valeriani, et Máximi solémnia cólimus, eorum étiam virtútes imitémur. Per, etc.

Epistola, Stabunt justi, ut in Communi Martyrum tempore Paschali, fol. 8.*

Allelúia, allelúia. Ÿ. Sancti tui, Dómine, florébunt sicut lílium, et sicut odor bálsami erunt ante te.

Allelúia. Ÿ. *Ps. 115. Pretiósa in conspéctu Dómini mors Sanctorum ejus. Allelúia.*

Evangelium, Ego sum vitis vera, ut in eodem Communi, fol. 8.*

Offertorium. Ps. 31. Lætámini in Dómino, et exultáte justi: et gloriámini omnes recti corde. Allelúia, allelúia.

Secreta.

HÆC hóstia, quæsumus, Dómine, quam sanctorum Mátyrum tuorum natalitia recensentes offerimus, et víncula nostræ pravitátis absólvat, et tuæ nobis misericórdiæ dona concíliet. Per Dóminum nostrum.

Communio. Ps. 32. Gaudéte justi in Dómino, allelúia: rectos decet collaudátio. Allelúia.

Postcommunio.

SACRO múnere satiáti, súplices te, Dómine, deprecámur; ut, quod débitæ servitútis celebrámus officio, salvatiónis tuæ sentiámus

augméntum. Per Dóminum nostrum.

DIE XVII.

SANCTI ANICETI,

Papæ et Martyris.

Introitus. Ps. 63.

PROTEXISTI me, Deus, à convéntu malignántium allelúia: à multitudíne operántium iniquitátem, allelúia, allelúia.

Ps. 63. Exáudi, Deus, oratió-nem meam cùm deprecor: à timóre inimíci éripe ánimam meam.

V. Glória Patri, et Filio, etc.

Oratio.

DEUS, qui nos beáti Anicéti Mátyris tui atque Pontíficis ánnua solemnitate lætíficas: concéde propítius: ut, cujus natalítia cólimus, de ejúsdem étiam protec-tióne gaudeámus. Per, etc.

Lectio libri Sapiéntiæ. *Sap. 5.*

STABUNT justí in magna constántia advérsus eos qui se angustíaverunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, poeniténtiam agéntes, et præ angústia spíritus geméntes: Hí sunt quos habúimus aliquándo in derisum, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúia, allelúia. *V. Ps. 88.* Confitebúntur cœli mirabília tua,

2 x

Dómine: étenim veritátem tuam in Ecclésia Sanctórum. Allelúia.

V. Ps. 20. Posuísti, Dómine, super caput ejus corónam de lápide pretióso. Allelúia.

Sequéntia sancti Evangélii secúndum Joánnem. *Joann. 16.*

IN illo témpore: Dixit Jesus discípulis suis: Amen, amen dico vobis: quia plorábitis et flébitis vos, mundus autem gaudébit: vos verò contristabimini, sed tristítia vestra vertétur in gáudium. Múlier cùm parit, tristítiam habet, quia venit hora ejus: cùm autem pepérerit púerum, jam non méminit pressúræ propter gáudium, quia natus est homo in mundum. Et vos igitur nunc quidem tristítiam habétis; íterùm autem vidébo vos, et gaudébit cor vestrum: et gáudium vestrum nemo tollet à vobis.

Offertorium. Ps. 88. Confitebúntur cœli mirabília tua, Dómine: et veritátem tuam in ecclésia sanctórum. Allelúia, allelúia.

Secreta.

MUNERA tibi, Dómine, dicáta sanctífica, et intercedénte beáto Anicéto Mátyre tuo atque Pontífice, per éadem nos placátus inténde. Per, etc.

Communio. Ps. 63. Lætábitur justus in Dómino, et sperábit in eo: et laudabúntur omnes recti corde. Allelúia, allelúia.

Postcommunio.

HÆC nos commúnio, Dómine, purget à crimine: et intercedénte beáto Anicéto Mátyre tuo atque Pontífice, cœléstis remédii fáciat esse consórtes. Per, etc.

DIE XXI.

S. ANSELMI EPISCOPI,

Confessoris et Doctoris.

*Missa, In médio Ecclésiæ, etc.,
De Communi Doctorum, fol. 18*,
ritu Paschali, et dicitur Credo.*

DIE XXII.

SS. SOTERIS ET CAII,

Pontificum et Martyrum.

Introitus. Ps. 144.

SANCTI tui, Dómine, benedícent te: glóriam regni tui dicent, allelúia, allelúia.

Ps. ibid. Exaltábo te, Deus meus Rex: et benedicam nómini tuo in sæculum, et in sæculum sæculi.

Ÿ. Glória Patri, etc.

Oratio.

BEATORUM Mátyrum, paritérque Pontíficum Sotéris et Cáii nos, quæsumus, Dómine, festa tueántur: et eórum comméndet orátio veneránda. Per Dominum, etc.

Léctio libri Apocalypsis beáti Joánnis Apóstoli. *Apoc. 19.*

IN diébus illis: Post hæc ego Joánnes audívi quasi vocem turbárum multárum in cælo, dicéntium: Allelúia: Salus, et glória, et virtus Deo nostro est; quia vera et justa iudicia sunt ejus, qui judicávit de meretríce magna, quæ corrúpit terram in prostitutióne sua, et vindicávit sánguinem servórum suórum de mánibus ejus. Et iterùm dixerunt: Allelúia. Et fumus ejus ascéndit in sæcula sæculórum. Et cecidérunt senióres vigintiquátuor, et quátuor animália, et adoravérunt Deum sedéntem super thronum, dicéntes: Amen: Allelúia. Et vox

de throno exívit, dicens: Laudem dicite Deo nostro, omnes servi ejus: et qui timétis eum, pusilli et magni. Et audívi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium: Allelúia: quóniam regnávit Dóminus Deus noster omnipotens. Gaudeámus, et exultémus, et demus glóriam ei: quia venerunt núptiæ Agni, et uxor ejus præparávit se. Et datum est illi, ut coopériat se byssino splendénti et cándido. Byssinum enim justificatiónes sunt Sanctórum. Et dixit mihi: Scribe: Beáti qui ad cœnam nuptiárum Agni vocáti sunt.

Allelúia, allelúia. Ÿ. Sancti tui, Dómine, florébunt sicut lílium, et sicut odor bálsami erunt ante te. Allelúia.

Ÿ. *Ps. 115.* Pretiósá in conspéctu Dómini mors Sanctórum ejus. Allelúia.

Sequéntia sancti Evangélii secúndum Joánnem. *Joann. 15.*

IN illo témpore: Dixit Jesus discípulis suis: Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foràs, sicut palmes, et aréscet, et cónligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discípuli. Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea, sicut et ego Patris mei præcépta servávi, et máneo in ejus dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Offertorium. Ps. 31. Lætámini in Dómino, et exultáte justi: et gloriámini omnes recti corde. Allelúia, allelúia.

Secreta.

ADESTO, Dómine, supplicatió-
nibus nostris, quas in Sanctó-
rum tuórum commemoratióne defé-
rimus: ut, qui nostræ justitiæ fidú-
ciam non habémus, eórum, qui tibi
placuérunt, méritis adjuvémur.
Per Dominum, etc.

*Communio. Ps. 32. Gaudéte
justi in Dómino, allelúia: rectos
deceat collaudátio. Allelúia.*

Postcommunio.

QUÆSUMUS, Dómine, salutá-
ribus repléti mystériis, ut quo-
rum solémnia celebrámus, eórum
oratióibus adjuvémur. Per, etc.

¶ *Si hoc festum transferatur post
Pentecosten, tunc Missa erit, Intret in
conspéctu tuo, et Oratio Beatórum
Mátyrum, de Communi plurimorum
Mátyrum extra tempus Paschale, fol.
11*.*

DIE XXIII.

S. GEORGII, MARTYRIS.

*Missa, Protexisti me, Deus, ut
infra in festo S. Petri, Mart., fol.
382, seq., præter Orationes sequentes.*

Oratio.

DEUS, qui nos beáti Geórgii
Mátyris tui méritis et inter-
cessiône lætíficas: concéde propi-
tius; ut, qui tua per eum beneficia
póscimus, dono tuæ grátiæ conse-
quámur. Per Dóminum, etc.

Secreta.

MUNERA, Dómine, obláta
sanctífica: et, intercedénte
beáto Geórgio Mátyre tuo, nos per
hæc à peccatórum nostrórum mácu-
lis emúnda. Per Dóminum, etc.

Postcommunio.

SUPPLICES te rogámus, omni-
potens Deus; ut, quos tuis ré-
fícis sacraméntis, intercedénte beá-
to Geórgio Mátyre tuo, tibi étiam
plácitis móribus dignánte tríbuas
deservíre. Per Dóminum, etc.

¶ *Si prædictum Festum transfera-
tur post Dominicam Trinitatis, Missa
erit, In virtúte, de Communi unius
Mátyris extra tempus Pasch. fol. 4*,
cum Orat. supra positis. Evangelium
vero Si quis venit, fol. 2*. Secunda
Oratio (nisi facienda sit commemor.
alicujus Sancti simplicis) erit A
cunctis, fol. 73*. Tertia ad libitum.*

DIE XXIV.

S. FIDELIS A SIGMARINGA, Martyris.

*Missa, Protexisti, de Communi
unius Mátyr. temp. Pasch. fol. 7*,
præter Orationem sequentem.*

Oratio.

DEUS, qui beátum Fidélem se-
ráphico spíritus ardóre succén-
sum, in veræ fidei propagatióne mar-
tyrii palma et gloriósis miráculis de-
coráre dignátus es: ejus, quæsumus,
méritis et intercessiône, ita nos per
grátiam tuam in fide et charitáte
confirma, ut in servítio tuo fidéles
usque ad mortem inveníri mereá-
mur. Per Dóminum, etc.

¶ *Si hoc Festum transferendum
sit post Pentecosten, Missa erit In*

virtúte, etc., *ut in Communi unius Mart. extra temp. Pasch. fol. 4*, et Evang. Si quis venit, fol. 2*.*

DIE XXV.

S. MARCI EVANGELISTÆ.

Litaniæ majores.

Statio ad sanctum Petrum.

Ad Processionem dicitur Missa de Rogationibus, fol. 243, sine commemoratione S. Marci: et si contingat transferri festum sancti Marci, non tamen transfertur Processio, nisi quando prædictum Festum occurreret in die Paschatis; tunc enim in Feriam tertiam sequentem transferatur.

Introitus. Ps. 63.

PROTEXISTI me, Deus, à convéntu malignántium, allelúia: à multitudíne operántium iniquitátem, allelúia, allelúia.

Ps. ibid. Exáudi, Deus, oratió-nem meam cùm deprecor: à timóre inimíci éripe ánimam meam.

Ÿ. Glória Patri, etc.

Oratio.

DEUS, qui beátum Marcum Evangelistam tuum Evangélicæ prædicatiónis grátia sublimásti; tribue, quæsumus, ejus nos semper et eruditíone proficere, et oratióne deféndi. Per Dóminum, etc.

Léctio Ezechiélis Prophétæ.

Ezech. 1.

SIMILITUDO vultus quátuor animálium: fácies hóminis, et fácies leónis à dextris ipsórum quátuor: fácies autem bovis à sinístris ipsórum quátuor, et fácies áquilæ désuper ipsórum quátuor. Fácies

eórum et pennæ eórum exténtæ désuper: duæ pennæ singulórum jungébántur, et duæ tegébant córpora eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertebántur cùm ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrens in médio animálium, splendor ignis, et de igne fulgur egrédiens. Et animália ibant, et revertebántur in similitúdinem fúlgoris coruscántis.

Allelúia, allelúia. *Ÿ. Ps. 88.* Confitebúntur cœli mirabilia tua, Dómine: étenim veritátem tuam in ecclésia sanctórum. Allelúia.

Ÿ. Ps. 20. Posuísti, Dómine, super caput ejus corónam de lápide pretióso. Allelúia.

Sequéntia sancti Evangélii secúndum Lucam. *Luc. 10.*

IN illo témpore: Designávit Dóminus et álios septuagínta duos, et misit illos binos ante fáciem suam in omnem civitátem et locum quò erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta: et néminem per viam salutavéritis. In quamcúmque domum intravéritis, primùm dicite: Pax huic dómui: et si ibi fúerit filius pacis, requiêscet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt; dignus est enim operárius mercéde sua. Nolíte transíre de domo in domum. Et in quamcúmque civitátem intra-

vérítis, et suscepérint vos, manducáte quæ apponúntur vobis ; et curáte infirmos, qui in illa sunt, et dícite illis : Appropinquávit in vos regnum Dei.

Credo.

Offertorium. Ps. 88. Confitebúntur cœli mirabilia tua, Dómine : et veritátem tuam in ecclésiá sanctórum. Allelúia, allelúia.

Secreta.

BEATI Marci Evangelistæ tui solemnité, tibi múnera deferéntes, quæsumus, Dómine ; ut, sicut illum prædicatio evangélica fecit gloriósum, ita nos ejus intercessio et verbo et ópere tibi reddat accéptos. Per Dóminum, etc.

Præfatio de Apostolis, fol. 209.

Communio. Ps. 63. Lætábitur justus in Dómino, et sperábit in eo : et laudabúntur omnes recti corde. Allelúia, allelúia.

Postcommunio.

TRIBUANT nobis, quæsumus, Dómine, contínuum tua sancta præsidium : quo beáti Marci Evangelistæ tui précibus, nos ab ómnibus semper tueántur advérsis. Per Dóminum, etc.

DIE XXVI.

SS. CLETI ET MARCELLINI,
Pontificum et Martyrum.

Missa, Sancti tui, Dómine, etc., ut in Communi plurium Martyrum, tempore Paschali, fol. 9, præter Orationes sequentes.*

Oratio.

BEATORUM Mártyrum, paritérque Pontificum Cleti et

Marcellini nos, Dómine, fóveat pretiósá conféssio ; et pia júgiter intercessio tueáture. Per, etc.

Secreta.

ADESTO, Dómine, supplicatió-nibus nostris, quas in Sanctórum tuórum commemoratióne deferimus : ut, qui nostræ justitiæ fidúciám non habémus, eórum qui tibi placuérunt, méritis adjuvémur. Per Dóminum, etc.

Postcommunio.

QUÆSUMUS, Dómine, salutaribus repléti mystériis ; ut, quorum solénnia celebrámus, eórum oratió-nibus adjuvémur. Per Dóminum, etc.

¶ *Extra tempus Paschale, Missa erit, Intret in conspéctu tuo, etc., et Oratio Beatórum Mártyrum, etc., de Communi plurimorum Martyrum extra tempus Paschale, fol. 11*.*

DIE XXVIII.

SANCTI VITALIS,
Martyris.

Missa, Protexisti, etc., de Communi unius Martyr. temp. Pasch., fol. 7, præter Orationes sequentes.*

Oratio.

PRÆSTA, quæsumus, omnípotens Deus, ut qui beáti Vitális Mártyris tui natalítia cólimus, intercessióne ejus in tui nóminis amóre roborémur. Per Dóminum, etc.

Secreta.

MUNERIBUS nostris, quæsumus, Dómine, precibúsque susceptis, et cœlestibus nos munda mystériis, et cleménter exáudi. Per Dóminum, etc.

Postcommunio.

DA, quæsumus, Dómine Deus noster; ut, sicut tuórum commemoratióne Sanctórum, temporáli gratulámur officio; ita perpétuo lætémur aspéctu. Per, etc.

DIE XXIX.

SANCTI PETRI,
Martyris.

Introitus. Ps. 63.

PROTEXISTI me, Deus, à convéntu malignántium, allelúia: à multitúdine operántium iniquitátem. Allelúia, allelúia.

Ps. ibid. Exáudi, Deus, oratió-
nem meam cùm deprecor: à timóre
inimíci éripe ánimam meam.

Ÿ. Glória Patri, etc.

Oratio.

PRÆSTA, quæsumus, omní-
pens Deus, ut beáti Petri Már-
tyris tui fidem cóngrua devotióne
sectémur, qui pro ejúsdem fidei
dilatatióne, martyrii palmam mé-
ruit obtinére. Per, etc.

Léctio Epístolæ beáti Pauli Apóstoli
ad Timótheum. 2 *Tim.* 2 et 3.

CARISSIME, Memor esto Dó-
minum Jesum Christum re-
surrexisse à mórtuis ex sémine
David, secúndum Evangélium me-
um, in quo labóro usque ad víncula,
quasi malè óperans: sed verbum
Dei non est alligátum. Ideò óm-
nia sustíneo propter eléctos, ut et
ipsi salútem consequántur, quæ est
in Christo Jesu, cum glória cœlesti.
Tu autem assecútus es meam doc-
trínam, institutióne, propósitum,
fidem, longanimitátem, dilectiόnem,
patiéntiam, persecutiόnes, passió-

nes: quália mihi facta sunt Antio-
chiæ, Iconii, et Lystris: quales
persecutiόnes sustínui, et ex ómni-
bus eripuit me Dóminus. Et om-
nes qui piè volunt vivere in Christo
Jesu, persecutiόnem patjéntur.

Allelúia, allelúia. *Ÿ. Ps. 88.*
Confitebúntur cœli mirabilia tua,
Dómine: étenim veritátem tuam in
ecclesiá sanctórum. Allelúia.

Ÿ. Ps. 10. Posuisti, Dómine,
super caput ejus corónam de lápide
pretiόso. Allelúia.

Sequéntia sancti Evangélii secún-
dum Joánnem. *Joann.* 15.

IN illo témpore: Dixit Jesus dis-
cípulis suis: Ego sum vitis vera,
et Pater meus agricola est. Omnem
pálmitem in me non feréntem fruc-
tum, tollet eum: et omnem qui fert
fructum, purgábit eum, ut fructum
plus áfferat. Jam vos mundi estis
propter sermónem quem locútus
sum vobis. Manéte in me, et ego
in vobis. Sicut palmes non potest
ferre fructum à semetípso, nisi mán-
serit in vite: sic nec vos, nisi in me
manséritis. Ego sum vitis, vos
pálmites; qui manet in me, et ego
in eo, hic fert fructum multum:
quia sine me nihil potéstis fácere.
Si quis in me non mánserit, mittét-
ur foràs sicut palmes, et aréscet, et
cölligent eum, et in ignem mittent,
et ardet. Si manséritis in me, et
verba mea in vobis mánserint:
quodcúmque voluéritis petétis, et
fiet vobis.

Offertorium. Ps. 88. Confite-
búntur cœli mirabilia tua, Dómine:
et veritátem tuam in ecclesiá sanc-
tórum. Allelúia, allelúia.

Secreta.

PRECES, quas tibi, Dómine,
offérimus, intercedénte beáto
Petro Mártire tuo, cleménter in-

ténde : et propugnatores fidei sub tua protectiōne custodi. Per, etc.

Communio. Ps. 63. Lætābitur justus in Dómino, et sperābit in eo : et laudabūntur omnes recti corde. Allelúia, allelúia.

Postcommunio.

FIDELES tuos, Dómine, custódiant sacramēta, quæ sumpsimus : et, intercedēte beāto Petro Mártyre tuo, contra omnes advērsos tueāntur incūrsus. Per Dóminum, etc.

¶ *Quando Festum hoc transferendum est post Festum Trinitatis, tunc dicitur Missa In virtute tua, etc., de Communi unius Martyr. non Pontif., fol. 4*, præter Orationes proprias, ut supra, et Evangelium Si quis venit ad me, etc., fol. 2*.*

DIE XXX.

S. CATHARINÆ SENENSIS,
Virginis.

Missa, Dilexisti justitiam, etc., de Communi Virginum, fol. 27, ritu Paschali, cum Orationibus sequentibus.*

Oratio.

DA, quæsumus, omnipotens Deus ; ut, qui beātæ Catharinæ Virginis tuæ natalitia cōlimus, et ánnua solemnitate lætémur, et tantæ virtutis proficiāmus exēplo. Per Dóminum, etc.

Secreta.

ASCENDANT ad te, Dómine, quas in beātæ Catharinæ solemnitate offērimus, preces ; et hós-tia salutáris virgineo fragrans odóre. Per Dóminum, etc.

Postcommunio.

ÆTERNITATEM nobis, Dómine, cōferat, qua pastisumus, mensa cœlestis : quæ beātæ Catharinæ Virginis vitam étiam áluit temporálem. Per, etc.

FESTA MAII.

DIE I.

SS. APOSTOLORUM PHILIPPI ET JACOBI.

Introitus. 2 Esdr. 9.

CLAMAUERUNT ad te, Dómine, in témpore afflictiónis suæ : et tu de cœlo exaudisti eos. Allelúia, allelúia.

Ps. 32. Exultáte justi in Dómino ; rectos decet collaudatio.

Y. Glória Patri, etc.

Oratio.

DEUS, qui nos ánnua Apostolorum tuorum Philippi et Jacobi solemnitate lætíficas : præsta, quæsumus, ut quorum gaudémus méritis, instruāmur exēmplis. Per Dóminum, etc.

Lectio libri Sapiéntiæ. Sap. 5.

STABUNT justi in magna constantia advērsus eos qui se angustiauerunt, et qui abstulerunt labores eorum. Vidētes turbabūntur timóre horribili, et mirabūntur in subitatiōne insperatæ salutis, dicētes intra se, pœniténtiam agētes, et præ angústia spíritus gemētes : Hi sunt, quos habuimus aliquādo in derisum, et in similitudinem impropérii. Nos insensāti vitam illórum æstimabāmus insani-am, et finem illórum sine honóre : ecce quómodo computāti sunt inter

filios Dei, et inter sanctos sors illorum est.

Allelúia, allelúia. *Ÿ. Ps. 88.* Confitebuntur cœli mirabilia tua, Dómine : etenim veritatem tuam in ecclésia sanctorum. Allelúia.

Ÿ. Joann. 14. Tanto tempore vobiscum sum, et non cognovistis me ? Philippe, qui videt me, videt et Patrem meum. Allelúia.

Sequéntia sancti Evangélíi secundum Joánnem. *Joann. 14.*

IN illo tempore : Dixit Jesus discipulis suis : Non turbetur cor vestrum. Créditis in Deum, et in me credite. In domo Patris mei mansiones multæ sunt. Si quod minùs, dixissem vobis : Quia vado parare vobis locum. Et si abiero, et præparavero vobis locum : iterum vénio et accipiam vos ad meipsum, ut ubi sum ego, et vos sitis. Et quod ego vado scitis, et viam scitis. Dicit ei Thomas : Dómine, nescimus quod vadis, et quomodo possumus viam scire ? Dicit ei Jesus : Ego sum via, et veritas, et vita. Nemo venit ad patrem, nisi per me. Si cognovissetis me, et Patrem meum utique cognovissetis : et amodò cognoscetis eum, et vidistis eum. Dicit ei Philippus : Dómine, ostende nobis Patrem, et sufficit nobis. Dicit ei Jesus : Tanto tempore vobiscum sum, et non cognovistis me ? Philippe, qui videt me, videt et Patrem. Quomodo tu dicis : Ostende nobis Patrem ? Non creditis, quia ego in Patre, et Pater in me est ? Verba, quæ ego loquor vobis, à me ipso non loquor. Pater autem in me manens, ipse facit ópera. Non creditis quia ego in Patre, et Pater in me est ? Alióquin propter ópera ipsa credite. Amen, amen dico vobis : qui credit in me, ópera quæ ego fácio et ipse fáciat, et maióra horum fáciat, quia ego ad Patrem

vado. Et quodcúmque petieritis Patrem in nómine meo, hoc fáciat.

Credo.

Offertorium. Ps. 88. Confitebuntur cœli mirabilia tua, Dómine : et veritatem tuam in ecclésia sanctorum. Allelúia, allelúia.

Secreta.

MUNERA, Dómine, quæ pro Apostolorum tuorum Philippi et Jacóbi solemnitate deférimus, propítius súscipe : et mala ómnia, quæ merémur, avérte. Per etc.

Præfatio de Apostolis, fol. 209.

Communio. Joan. 14. Tanto tempore vobiscum sum, et non cognovistis me ? Philippe, qui videt me, videt et Patrem meum, allelúia : non credis quia ego in Patre, et Pater in me est ? Allelúia, allelúia.

Postcommunio.

QUÆSUMUS, Dómine, salutaribus repléti mystériis : ut quorum solémnia celebrámus, eorum orationibus adjuvémur. Per, etc.

¶ *Si hoc festum transferendum sit post Pentecosten, dicitur Missa ut supra, præter Epistolam, Graduale, et Offertorium, quæ sumuntur ex Missa votiva sanctorum Apostolorum Petri et Pauli, fol. 39*.*

DIE II.

SANCTI ATHANASII,

Episcopi, Confessoris, et Ecclesiæ Doctoris.

Introitus. Eccli. 45.

IN médio Ecclesiæ apérui os ejus : et implévit eum Dóminus

spíritu sapiéntiæ et intelléctus : stolam glóriæ induit eum, allelúia, allelúia.

Ps. 91. Bonum est confitéri Dómino et psállere nómini tuo, Altíssime.

V. Glória Patri, etc.

Oratio.

EXAUDI, quæsumus, Dómine, preces nostras, quas in beáti Athanásii Confessóris tui atque Pontíficis solemnitáte deférimus : et, qui tibi dignè méruit famulári, ejus intercedéntibus méritis, ab ómnibus nos absólve peccátis. Per, etc.

Léctio Epístolæ beáti Pauli Apóstoli ad Corínthios. 2 *Cor. 4.*

FRATRES, Non nosmetipsos prædicámus, sed Jesum Christum Dóminum nostrum ; nos autem servos vestros per Jesum : quóniam Deus, qui dixit de ténebris lucem splendescere, ipse illúxit in córdibus nostris, ad illuminationem sciéntiæ claritátis Dei in fácie Christi Jesu. Habémus autem thesáurum istum in vasis fictilibus : ut sublimitas sit virtútis Dei, et non ex nobis. In ómnibus tribulationem pátimur, sed non angustiámur : aporiámur, sed non destitúimur : persecutióem pátimur, sed non derelinquimur : dejicimur, sed non perímus : semper mortificatióem Jesu in corpore nostro circumferéntes, ut et vita Jesu manifestétur in corpóribus nostris. Semper enim nos, qui vívimus, in mortem trádimur propter Jesum : ut et vita Jesu manifestétur in carne nostra mortáli. Ergo mors in nobis operátur, vita autem in vobis. Habéntes autem eúmdem spíritum fidei, sicut scriptum est : Crédidi, propter quod locútus sum : et nos crédimus, propter quod et lóquimur : sciéntes, quóniam qui

suscitávit Jesum, et nos cum Jesu suscítabit, et constituet vobíscum.

Allelúia, allelúia. *V. Ps. 109.* Tu es sacérdos in ætérnum secúndum órđinem Melchisedech. Allelúia.

V. Jac. 1. Beátus vir, qui suffert tentatióem : quóniam cum probátus fuérit, accípiet coronam vitæ. Allelúia.

Sequéntia sancti Evangélíi secúndum Matthæum. *Matth. 10.*

IN illo témpore : Dixit Jesus discípulis suis : Cùm persequéntur vos in civitáte ista, fúgite in áliam. Amen dico vobis, non consummábitis civitátes Israël, donec véniat Fílius hóminis. Non est discipulus super magístrum, nec servus super dóminum suum. Súfficit discipulo, ut sit sicut magíster ejus : et servo sicut dóminus ejus. Si patremfamilias Beélzebub vocavérunt : quantò magis domésticos ejus ? Ne ergo timuéritis eos. Nihil enim est opértum, quod non revelábitur ; et occúltum, quod non sciétur. Quod dico vobis in ténebris, dícite in lúmine : et quod in aure audítis, prædicáte super tecta. Et nolite timére eos, qui occidunt corpus, ánimam autem non possunt occídere : sed potiùs timéte eum, qui potest et ánimam et corpus pérdere in gehénam.

Credo.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. Allelúia.

Secreta.

SANCTI Athanásii Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos : ut per hæc piæ placatióis offícia et illum

beáta retribútio comitétur, et nobis grátiae tuæ dona concíliet. Per, etc.

Communio. Matth. 10. Quod dico vobis in ténebris, dicite in lumine, dicit Dóminus : et quod in aure auditis, prædicáte super tecta. Allelúia.

Postcommunio.

DEUS, fidélium remunerátor animárum, præsta ; ut beáti Athanásii Confessoris tui atque Pontíficis, cujus venerándam celebrámus festivitátem, précibus indulgéntiam consequámur. Per, etc.

DIE III.

Inventionis

SANCTÆ CRUCIS.

Introitus. Gal. 6.

NOS autem gloriári opórtet in Cruce Dómini nostri Jesu Christi : in quo est salus, vita, et resurrectio nostra : per quem salváti et liberáti sumus, allelúia, allelúia.

Ps. 66. Deus misereátur nostri, et benedicat nobis : illúminet vul-tum suum super nos, et misereátur nostri.

Ÿ. Glória Patri, etc.

Oratio.

DEUS, qui in præclára salutíferæ Crucis Inventióne, Passiónis tuæ mirácula suscitásti : concéde, ut vitális ligni pretio æternæ vitæ suffrágia consequámur. Qui vivis, etc.

In Missis privatis pro commemoratione SS. Alexandri, Eventii, et Theoduli, Martyrum, ac Juvenalis Episcopi et Confessoris.

Oratio.

PRÆSTA, quæsumus, omnipotens Deus ; ut, qui Sanctorum tuorum Alexandri, Eventii, Theoduli, atque Juvenalis natalitia cõlimus, à cunctis malis imminéntibus eorum intercessiónibus liberémur. Per Dóminum, etc.

Lectio Epistolæ beáti Pauli Apostoli ad Philippenses. *Philipp. 2.*

FRATRES, Hoc enim sentite in vobis, quod et in Christo Jesu : qui cùm in forma Dei esset, non rapinam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen : (*Hic genu flectitur*) ut in nómine Jesu omne genu flectátur, cœlestium, terréstrium, et infernorum : et omnis lingua confiteátur, quia Dóminus Jesus Christus in glória est Dei Patris.

Allelúia, allelúia. Ÿ. *Ps. 95.* Dícite in géntibus, quia Dóminus regnávit à ligno. Allelúia.

Ÿ. Dulce lignum, dulces clavos, dúlcia ferens póndera : quæ sola fuísti digna sustinére Regem cœlór-um et Dóminum. Allelúia.

Sequéntia sancti Evangélíi secúndum Joánnem. *Joann. 3.*

IN illo témpore : Erat homo ex Pharisæis, Nicodémus nómine, princeps Judæórum. Hic venit ad Jesum nocte, et dixit ei : Rabbi, scimus quia à Deo venísti magíster : nemo enim potest hæc signa fácere, quæ tu facis, nisi fúerit Deus cum

eo. Respondit Jesus, et dixit ei : Amen, amen dico tibi : nisi quis renatus fuerit denuò, non potest vidére regnum Dei. Dicit ad eum Nicodémus : Quómodo potest homo nasci, cùm sit senex ? Numquid potest in ventrem matris suæ iteratò introíre, et renásci ? Respondit Jesus : Amen, amen dico tibi : nisi quis renatus fuerit ex aqua et Spíritu sancto, non potest introíre in regnum Dei. Quod natum est ex carne, caro est : et quod natum est ex spíritu, spíritus est. Non miréris quia dixi tibi : Opórtet vos nasci denuò. Spíritus ubi vult spirat, et vocem ejus audis, sed nescis unde véniat, aut quò vadat : sic est omnis qui natus est ex Spíritu. Respondit Nicodémus, et dixit ei : Quómodo possunt hæc fieri ? Respondit Jesus, et dixit ei : Tu es magister in Israël, et hæc ignóras ? Amen, amen dico tibi, quia quod scimus loquimur, et quod vídimus testámur, et testimonium nostrum non accípitis. Si terréna dixi vobis, et non créditis : quómodo si dixerò vobis cœléstia, credétis ? Et nemo ascéndit in cœlum, nisi qui descéndit de cœlo, Fílius hóminis, qui est in cœlo. Et sicut Móyses exaltávit serpéntem in desérto, ita exaltári opórtet Fílium hóminis : ut omnis qui credit in ipsum, non péreat, sed hábeat vitam ætérrnam.

Credo.

Offertorium. Ps. 117. Dêxtera Dómini fecit virtútem, dêxtera Dómini exaltávit me : non móriar, sed vivam, et narrábo ópera Dómini. Allelúia.

Secreta.

SACRIFICIUM, Dómine, quod tibi immolámus, placátus inténde : ut ab omni nos éruat bellórum nequítia, et per vexillum sanctæ

Crucis Fílii tui, ad conteréndas potestátis advérsæ insídias, nos in tuæ protectiónis securitáte constituat. Per eúndem, etc.

Pro SS. Alexandro, etc.

Secreta.

SUPER has hóstias, quæsumus, Dómine, benedictio copiósa descéndat : quæ et sanctificatióem nobis cleménter operétur, et de Sanctórum nos solemnitate lætíficet. Per Dóminum, etc.

Præfatio de Cruce, fol. 205.

Communio. Per signum Crucis de inimícis nostris líbera nos, Deus noster. Allelúia.

Postcommunio.

REPLETI alimónia cœlésti, et spiritali póculo recreáti, quæsumus, omnípotens Deus ; ut ab hoste maligno deféndas, quos per lignum sanctæ Crucis Fílii tui, arma justítiæ pro salute mundi, triumpháre jussisti. Per eúndem Dóminum, etc.

Pro SS. Alexandro, etc.

Postcommunio.

REFFECTI participatióne múnis sacri, quæsumus, Dómine Deus noster ; ut, cujus exequimur cultum, intercedéntibus Sanctis tuis Alexándro, Evéntio, Theodúlo, et Juvenále, sentiámus effectum. Per Dóminum, etc.

¶ *Sed si Festum Inventionis S. Crucis contigerit transferri post Pentecosten, tunc omnia sumenda erunt ex Festo Exaltationis, XIV. Septembris. Orationes vero, Evangelium et Offertorium erunt ex Missa Inventionis, ut supra.*

DIE IV.

S. MONICÆ, VIDUÆ.

Introitus. Ps. 118.

COGNOVI, Dómine, quia æquitas iudicia tua, et in veritate tua humiliásti me : confíge timóre tuo carnes meas : à mandátis tuis tímui. Allelúia, allelúia.

Ps. ibid. Beáti immaculáti in via, qui ámbulant in lege Dómini.

V. Glória Patri, etc.

Oratio.

DEUS mœréntium consolátor, et in te sperántium salus, qui beátæ Mónica piás lácrymas in conversióne filii sui Augustíni misericórditer suscepisti : da nobis utriúsque intervéntu, peccáta nostra deploráre, et grátiae tuæ indulgéntiam inveníre. Per, etc.

Léctio Epístolæ beáti Pauli Apóstoli ad Timótheum. 1 *Tim.* 5.

CARISSIME, Víduas honóra, quæ verè víduæ sunt. Si qua autem vídua filios, aut nepótes habet, discat primùm domum suam régere, et mútuam vicem réddere paréntibus : hoc enim accéptum est coram Deo. Quæ autem verè vídua est et desoláta, speret in Deum, et instet obsecrátióibus, et oratióibus nocte ac die. Nam quæ in delíciis est, vivens mórtua est. Et hoc præcipe, ut irreprehensibiles sint. Si quis autem suórum, et máximè domesticórum curam non habet, fidem negávit, et est infidéli detérior. Vídua eligátur non mínus sexaginta annórum, quæ fúerit unius viri uxor, in opéribus bonis testimónium habens ; si filios educávit, si hospítio recépit, si sanctórum pedes lavit, si tribulatiónem patiéntibus subministrávit, si omne opus bonum subsecúta est.

Allelúia, allelúia. *V. Ps. 44.* Spécie tua et pulchritúdine tua inténde, prósperè procéde, et regna. Allelúia.

V. Propter veritátem, et mansuetúdinem, et justítiam, et dedúcet te mirabiliter dextera tua. Allelúia.

Sequéntia sancti Evangélíi secúndum Lucam. *Luc.* 7.

IN illo témpore : Ibat Jesus in civitátem, quæ vocátur Naím : et ibant cum eo discípuli ejus, et turba copiósá. Cùm autem appropinquáret portæ civitátis, ecce defúnctus efferebátur filius únicus matris suæ : et hæc vídua erat, et turba civitátis multa cum illa. Quam cùm vidísset Dóminus, misericórdia motus super eam, dixit illi : Noli flere. Et accéssit, et tétigit lóculum. (Hi autem, qui portábant, steterunt). Et ait : Adólescens, tibi dico, surge : et resédit qui erat mórtuus, et cœpit loqui. Et dedit illum matri suæ. Accépit autem omnes timor : et magnificábant Deum, dicéntes : Quia Prophéta magnus surrexit in nobis : et quia Deus visitávit plebem suam.

Offertorium. Ps. 44. Diffúsa est grátia in lábiis tuis : proptérea benedíxit te Deus in ætérnum, et in sæculum sæculi. Allelúia.

Secreta.

ACCEPTA tibi sit, Dómine, sacrátæ plebis oblátio, pro tuórum honóre Sanctórum, quorum se méritis de tribulatióne percepísse cognóscit auxílium. Per, etc.

Communio. Ibid. Dilexísti justítiam, et odísti iniquitátem : proptérea unxit te Deus, Deus tuus, óleo lætitiæ præ consórtibus tuis. Allelúia.

Postcommunio.

SATIASTI, Dómine, familiam tuam munéribus sacris : ejus, quæsumus, semper intervéntione nos réfove, cujus solénnia celebrámus. Per Dóminum, etc.

DIE V.

SANCTI PII QUINTI,

Papæ et Confessoris.

Missa, Státuit, etc., de Communi Confessoris Pontificis, fol. 15, præter Orationem sequentem.*

Oratio.

DEUS, qui ad conteréndos Ecclésiæ tuæ hostes, et ad divinum cultum reparándum, beátum Pium Pontíficem Máximum eligere dignátus es : fac nos ipsíus deféndi præsiidiis, et ita tuis inhærere obséquiiis, ut ómnium hóstium superátis insídiis, perpétua pace lætémur. Per Dóminum, etc.

DIE VI.

SANCTI JOANNIS

ANTE PORTAM LATINAM.

Introitus. Ps. 63.

PROTEXISTI me, Deus, à convéntu malignántium, allelúia : à multitúdine operántium iniquitátem, allelúia, allelúia.

Ps. ibid. Exáudi, Deus, oratió-nem meam cùm deprecor : à timóre inimíci éripe ánimam meam.

Ÿ. Glória Patri, et Filio, etc.

Oratio.

DEUS, qui cónspicis quia nos úndique mala nostra pertúr-

bant : præsta, quæsumus, ut beáti Joánnis Apóstoli tui et Evangelístæ intercéssio gloriósa nos protégat. Per Dóminum nostrum Jesum Christum, etc.

Lectio libri Sapiéntiæ. Sap. 5.

STABUNT justí in magna constantia advérsus eos qui se angustiavérent, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, pœniténtiam agéntes, et præ angústia spíritus geméntes : Hi sunt, quos habúimus aliquándo in derísam, et in similitúdinem impropérii. Nos insensáti vitam illórum æstimabámus insáni-am, et finem illórum sine honóre : ecce quómodo computáti sunt inter filios Dei, et inter sanctos sors illórum est.

Allelúia, allelúia. Ÿ. Ps. 91. Justus ut palma florébit : sicut cedrus Líbani multiplicábitur. Allelúia.

Ÿ. Oseæ 14. Justus germinábit sicut lílium, et florébit in ætérnum ante Dóminum. Allelúia.

Sequéntia sancti Evangélíi secúndum Matthæum. Matth. 20.

IN illo témpore : Accéssit ad Jesum mater filiórum Zebedæi cum filiis suis, adórans, et petens áliquid ab eo. Qui dixit ei : Quid vis ? Ait illi : Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit : Nescítis quid petátis. Potéstis bibere cálicem quem ego bibíturus sum ? Dicunt ei : Póssumus. Ait illis : Cálicem quidem meum bibétis : sedére autem ad dexteram meam, vel sinistram, non

est meum dare vobis, sed quibus parátum est à Patre meo.

Credo.

Offertorium. Ps. 88. Confitebúntur cœli mirabilia tua, Dómine, et veritátem tuam in ecclésia sanctorum. Allelúia, allelúia.

Secreta.

MUNERIBUS nostris, quæsumus, Dómine, precibúque susceptis, et cœlestibus nos munda mystériis, et cleménter exáudi. Per Dóminum, etc.

Præfatio de Apostolis, fol. 209.

Communio. Ps. 63. Lætábitur justus in Dómino, et sperábit in eo : et laudabúntur omnes recti corde. Allelúia, allelúia.

Postcommunio.

REFFECTI, Dómine, pane cœlésti, ad vitam, quæsumus, nutriámur ætérnam. Per, etc.

¶ *Si contigerit Festum sancti Joannis transferri post Pentecosten, tunc Missa sumatur ex alio Festo ejusdem Sancti, Mense Decembri, fol. 19. Orationes vero, et Evangelium, ut supra in hoc Festo.*

DIE VII.

SANCTI STANISLAI,
Episcopi et Martyris.

Missa Protexísti, etc., *ut in Comuni unius Martyris Pontificis, tempore Paschali, fol. 7*, præter Orationes sequentes.*

Oratio.

DEUS, pro cujus honóre gloriósus Póntifex Stanisláus gládiis impiórum occúbuit ; præsta,

quæsumus, ut omnes qui ejus implórant auxiliúm, petitiónis suæ salutárem consequántur effectum. Per Dóminum, etc.

Secreta.

MUNERA tibi, Dómine, dicáta sanctífica : et, intercedénte beáto Stanisláo Mártire tuo atque Pontífice, per éadem nos placátus inténde. Per Dóminum, etc.

Postcommunio.

HÆC nos commúnio, Dómine, purget à crimine : et, intercedénte beáto Stanisláo Mártire tuo atque Pontífice, cœlestis remédii fáciat esse consórtes. Per, etc.

¶ *Si hoc Festum celebrari contigerit post Pentecosten, tunc dicitur Missa Sacerdótes, etc., de Comuni unius Martyris Pontificis secundo loco, fol. 3*. Evangelium, Si quis venit, fol. 2*, de eodem Comuni, primo loco. Orationes vero ut supra positæ sunt.*

DIE VIII.

In apparitione

S. MICHAELIS ARCHANGELI.

Introitus. Ps. 102.

BENEDICITE Dóminum omnes Angeli ejus, poténtes virtúte, qui fácitis verbum ejus, ad audiéndam vocem sermónum ejus. Allelúia, allelúia.

Ps. ibid. Bénedic ánima mea Dómino : et ómnia, quæ intra me sunt, nómini sancto ejus.

Ÿ. Glória Patri, etc.

Oratio.

DEUS, qui miro órdine Angelórum ministéria, hominúmque

dispensas : concède propitius ; ut, à quibus tibi ministrantibus in cœlo semper assistitur, ab his in terra vita nostra muniatur. Per, etc.

Lectio libri Apocalypsis beati Joannis Apóstoli. *Apoc. 1.*

IN diébus illis : Significávit Deus quæ opórtet fieri citò, mittens per Angelum suum servo suo Joánni, qui testimónium perhibuit verbo Dei, et testimónium Jesu Christi quæcúmque vidit. Beátus qui legit, et audit verba prophetiæ hujus, et servat ea quæ in ea scripta sunt : tempus enim propè est. Joánnes septem Ecclésiis, quæ sunt in Asia. Grátia vobis et pax ab eo, qui est, et qui erat, et qui ventúrus est ; et à septem spirítibus, qui in conspéctu throni ejus sunt ; et à Jesu Christo, qui est testis fidélis, primogénitus mortuórum, et princeps regum terræ ; qui diléxit nos, et lavit nos à peccátis nostris in sânguine suo.

Allelúia, allelúia. *V.* Sancte Michaél Archángle, defénde nos in prælio, ut non pereámus in treméndo judício. Allelúia.

V. Concússum est mare, et contremuit terra, ubi Archángelus Michaél descendit de cœlo. Allelúia.

Sequéntia sancti Evangélíi secúndum Matthæum. *Matth. 18.*

IN illo témpore : Accessérunt discipuli ad Jesum, dicéntes : Quis putas, major est in regno cœlórum ? Et ádvocans Jesus párvulum, státuit eum in médio eórum, et dixit : Amen dico vobis, nisi conversi fuéritis, et efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui suscepérit unum párvulum ta-

lem in nómine meo, me súscipit. Qui autem scandalizáverit unum de pusillis istis, qui in me credunt, expedit ei ut suspendáture mola asinária in collo ejus, et demergátur in profúndum maris. Væ mundo à scándalis. Necesse est enim ut véniant scándala : verúmtamen væ hómini illi, per quem scándalum venit. Si autem manus tua, vel pes tuus scandalizat te, abscínde eum, et prójice abs te : bonum tibi est ad vitam ingredi débilem, vel claudum, quàm duas manus, vel duos pedes habéntem, mitti in ignem ætérnum. Et si óculus tuus scandalizat te, érue eum, et prójice abs te : bonum tibi est cum uno óculo in vitam intráre, quàm duos óculos habéntem mitti in gehénnam ignis. Vidéte ne contemnátis unum ex his pusillis : dico enim vobis, quia Angeli eórum in cœlis semper vident faciém Patris mei, qui in cœlis est.

Credo.

Offertorium. Apoc. 8. Stetit Angelus juxta aram templi, habens thuribulum áureum in manu sua, et data sunt ei incénsa multa : et ascendit fumus arómatum in conspéctu Dei. Allelúia.

Secreta.

HOSTIAS tibi, Dómine, laudis offérimus, suppliciter deprecántes, ut eásdem Angélico pro nobis interveniéntem suffrágio, et placátus accípias, et ad salútem nostram proveníre concédas. Per, etc.

Communio. Dan. 3. Benedícite omnes Angeli Dómini Dómino : hymnum dicite, et superexaltáte eum in sæcula. Allelúia.

Postcommunio.

BEATI Archángeli tui Michaelis intercessióne suffúlti, súp-

plices te, Dómine, deprecámur : ut, quod ore proséquimur, contingámus et mente. Per, etc.

¶ *Quando Festum prædictum transferri contigerit post Pentecosten, tunc Missa sumatur ex festo Dedicationis ejusdem, die xxix Septembris, ut infra.*

DIE IX.

S. GREGORII NAZIANZENI,
Episcopi, Confessoris et Ecclesiæ
Doctoris.

Missa, In médio Ecclesiæ, de Communi Doctorum, fol. 18. Epistola Justus cor suum, fol. 19*, et dicitur Credo.*

DIE X.

SANCTI ANTONINI,
Episcopi et Confessoris.

Missa, Státuit ei, de Communi Confess. Pontif., fol. 15, præter Orationem sequentem.*

Oratio.

SANCTI Antoníni, Dómine, Confessoris tui atque Pontificis méritis adjuvémur : ut, sicut te in illo mirábilem prædicámus, ita in nos misericórdem fuisse gloriémur. Per Dóminum, etc.

Pro commemoratione sanctorum Gordiani, et Epimachi Martyrum.

Oratio.

DA, quæsumus, omnipotens Deus ; ut, qui beatórum Mátyrum tuórum Gordiáni et Epímachi solémnia cólimus ; eórum apud te intercessiónibus adjuvémur. Per Dóminum, etc.

Secreta.

HOSTIAS tibi, Dómine, beatórum Mátyrum tuórum Gordiáni et Epímachi dicátas méritis benignus assúme, et ad perpétuum nobis tribue proveníre subsidium. Per Dóminum, etc.

Postcommunio.

QUÆSUMUS, omnipotens Deus, ut qui cœléstia aliménta percépimus, intercedéntibus sanctis Martyribus tuis Gordiáno et Epímacho, per hæc contra ómnia advérsa muniámur. Per, etc.

DIE XII.

SS. NEREI, ACHILLEI, ET
DOMITILLÆ VIRGINIS, AT-
QUE PANCRATII,

Martyrum.

Introitus. Ps. 32.

ECCĒ óculi Dómini super tímentes eum, sperántes in misericórdia ejus, allelúia : ut erípiat à morte ánimas eórum : quóniam adjútor et protéctor noster est. Allelúia, allelúia.

Ps. ibid. Exultáte justi in Dómino : rectos decet collaudátio.

V. Glória Patri, etc.

Oratio.

SEMPER nos, Dómine, Mátyrum tuórum Nérei, Achillei, Domitillæ, atque Pancrátii fóveat, quæsumus, beáta solémnitas, et tuo dignos reddat obséquio. Per, etc.

Lectio libri Sapiéntiæ. Sap. 5.

STABUNT justi in magna constantia advérsus eos qui se angustiavérunt, et qui abstulérunt

labóres eórum. Vidéntes turbabúntur timóre horribili, et mirabúntur in subitátione insperátæ salútis, dicéntes intra se, pœniténtiam agéntes, et præ angústia spíritus geméntes: Hi sunt quos habúimus aliquándo in derísu, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúia, allelúia. *Y.* Hæc est vera fratérnitas, quæ vicit mundi crimina: Christum secúta est, inclyta tenens regna cœlestia. Allelúia.

Y. Te Mártyrum candidátus laudat exércitus, Dómine. Allelúia.

Sequéntia sancti Evangélíi secúndum Joánnem. *Joan. 4.*

IN illo témpore: Erat quidam régulus, cujus filius infirmabátur Caphárnaum. Hic cùm audisset, quia Jesus adveníret à Judæa in Galilæam, ábiit ad eum, et rogábat eum, ut descénderet, et sanáret filium ejus: incipiébat enim mori. Dixit ergo Jesus ad eum: Nisi signa et prodígia vidéritis, non créditis. Dicit ad eum régulus: Dómine, descénde priúsquam moriátur filius meus. Dicit ei Jesus: Vade, filius tuus vivit. Crédidit homo sermóni quem dixit ei Jesus, et ibat. Jam autem eo descendénte, servi occurrérunt ei, et nuntiavérunt, dicéntes quia filius ejus viveret. Interrogábat ergo horam ab eis, in qua meliùs habúerit. Et dixérunt ei: Quia heri hora séptima reliquit eum febris. Cognóvit ergo Pater quia illa hora erat, in qua dixit ei Jesus: Filius tuus vivit: et crédidit ipse, et domus ejus tota.

Offertorium. Ps. 88. Confite-

2 z

búntur cœli mirabília tua, Dómine: et veritátem tuam in ecclésia sanctorum. Allelúia, allelúia.

Secreta.

SANCTORUM Mártyrum tuórum, quæsumus, Dómine, Nérei, Achillei, Domitillæ, atque Pancrátii sit tibi grata conféssio: quæ et múnera nostra comméndet, et tuam nobis indulgéntiam semper implóret. Per Dóminum, etc.

Communio. Ps. 32. Gaudéte justí in Dómino, allelúia: rectos decet collaudátio. Allelúia.

Postcommunio.

QUÆSUMUS, Dómine, ut beatorum Mártyrum tuorum Nérei, Achillei, Domitillæ, atque Pancrátii deprecationibus, sacraménta sancta, quæ sumpsimus, ad tuæ nobis proficiant placatiónis augméntum. Per, etc.

¶ Si vero hoc Festum celebretur post Pentecosten, dicitur Missa Sapientiam, etc., ut in Communi plurimorum Martyrum, fol. 12, exceptis Orationibus et Evangelio propriis, ut supra.*

DIE XIV.

S. BONIFACII, MARTYRIS.

Missa, Protexisti, de Communi unius Martyris tempore Paschali, fol. 7, præter Orationes sequentes.*

Oratio.

DA quæsumus, omnípotens Deus; ut, qui beáti Bonifáccii Mártyris tui solémnia cólimus, ejus apud te intercessiónibus adjuvémur. Per Dóminum, etc.

Secreta.

MUNERIBUS nostris, quæsumus, Dómine, precibúsque susceptis ; et cœlestibus nos munda mystériis, et cleménter exáudi. Per Dóminum, etc.

Postcommunio.

REFFECTI participatióne muneris sacri, quæsumus, Dómine Deus noster ; ut, cujus exequimur cultum, intercedente beáto Bonifácio Mártire tuo, sentiámus effectum. Per Dóminum, etc.

DIE XVI.

SANCTI UBALDI,
Episcopi et Confessoris.

Missa, Státuit, etc., de Communi Confessoris Pontificis, fol. 15, præter Orationem sequentem.*

Oratio.

AUXILIUM tuum nobis, Dómine, quæsumus, placátus impénde : et intercessióne beáti Ubáldi Confessoris tui atque Pontificis, contra omnes diaboli nequítias dexteram super nos tuæ propitiatiónis exténde. Per Dóminum, etc.

DIE XVII.

S. PASCHALIS BAYLON,
Confessoris.

Missa, Os justi, etc., de Communi Confessoris non Pontificis, fol. 20, præter Orationem sequentem.*

Oratio.

DEUS, qui beátum Paschálem Confessórem tuum, mirífica erga Córporis et Sánguini tui

sacra mystéria dilectióne decorásti : concéde propítius ; ut, quam ille ex hoc divíno convívio spíritus percépit pinguédinem, eámdem et nos percípere mereámur. Qui vivis et regnas cum Deo Patre in unitáte Spíritus sancti, Deus, per ómnia sæcula sæculórum.

DIE XVIII.

S. VENANTII, MARTYRIS.

Missa, Protexisti, etc., de Communi Martyris tempore Paschali, fol. 7, præter Orationes sequentes.*

Oratio.

DEUS, qui hunc diem beáti Venántii Mártiris tui triúmphi consecrásti : exáudi preces pópuli tui, et præsta ; ut, qui ejus mérita venerámur, fidei constántiam imitémur. Per Dóminum, etc.

Secreta.

HANC oblatiõem, omnípotens Deus, beáti Venántii mérita tibi reddant accéptam : ut ipsius subsidiis adjúti, glóriæ ejus consortes efficiámur. Per, etc.

Postcommunio.

SUMPSIMUS, Dómine, æternæ vitæ sacraménta, te humíliter deprecántes ; ut, beáto Venántio Mártire tuo pro nobis deprecánte, véniam nobis concílient, et grátiam. Per Dóminum, etc.

¶ *Si autem celebretur extra tempus Paschale, Missa In virtúte tua, etc., ut in Communi unius Martyris non Pontificis, fol. 4*. Orationes ut supra, et Evangelium Si quis venit, de Communi Martyris Pontificis, fol. 2*.*

DIE XIX.

S. PETRI CÆLESTINI,

Papæ et Confessoris.

Introitus. Eccl. 45.

STATUIT ei Dóminus testaméntum pacis, et principem fecit eum : ut sit illi sacerdótii dignitas in ætérnum. (*Temp. Pasch. additur, Allelúia, allelúia.*)

Ps. 131. Meménto, Dómine, David, et omnis mansuetúdinis ejus.

Ÿ. Glória Patri, etc.

Oratio.

DEUS, qui beátum Petrum Cælestínium ad summi Pontificátus ápicem sublimásti, quique illum humilitáti postpónere docuísti : concede propítius ; ut ejus exémplo cuncta mundi despícere, et ad promíssa humílibus præmia pervenire feliciter mereámur. Per, etc.

Deinde fit commemoratio S. Pudéntiæ Virginis.

Oratio.

EXAUDI nos, Deus salutáris noster ; ut, sicut de beátæ Pudéntiæ Virginis tuæ festivitáte gaudémus, ita piæ devotiónis erudiámur afféctu. Per, etc.

Lectio libri Sapiéntiæ. Eccl. 44.

ECCE Sacerdos magnus, qui in diébus suis placuit Deo, et invéntus est justus, et in témpore iracúndiæ factus est reconciliatio. Non est invéntus similis illi, qui conservávit legem Excélsi. Ideò jurejurádo fecit illum Dóminus crescere in plebem suam. Benedictionem ómnium géntium dedit illi, et testaméntum suum confirmávit super caput ejus. Agnóvit eum

in benedictiónibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum, et dedit illi corónam glóriæ. Státuit illi testaméntum ætérnum, et dedit illi sacerdótium magnum, et beatificávit illum in glória. Fungi sacerdótio, et habére laudem in nómine ipsíus, et offérre illi incensum dignum in odórem suavitátis.

Graduale. Eccl. 44. Ecce Sacerdos magnus, qui in diébus suis placuit Deo.

Ÿ. Non est invéntus similis illi, qui conserváret legem Excélsi.

Allelúia, allelúia. Ÿ. Ps. 109. Tu es Sacerdos in ætérnum, secúndum órđinem Melchisedech. Allelúia.

Si celebretur tempore Paschali, omissis Graduali et Versu, dicitur

Allelúia, allelúia. Ps. ibid. Tu es Sacerdos in ætérnum secúndum órđinem Melchisedech. Allelúia.

Ÿ. Hic est Sacerdos, quem coronávit Dóminus. Allelúia.

Sequéntia sancti Evangélíi secúndum Matthæum. Matth. 19.

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis ? Jesus autem dixit illis : Amen dico vobis, quòd vos qui secúti estis me, in regeneratióne, cum séderit Filius hóminis in sede majestátis suæ, sedébitis et vos super sedes duódecim, judicátes duódecim tribus Israël. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accipiet, et vitam ætérnam possidébit.

Offertorium. Ps. 88. Invéni
David servum meum, óleo sancto
meo unxi eum : manus enim mea
auxiliábitur ei, et bráchium meum
confortábit eum. (Temp. Pasch.
additur, Allelúia).

Secreta.

SANCTI tui, quæsumus, Dó-
mine, nos ubique lætificent : ut,
dum eórum mérita recólimus, pa-
trocínia sentiámus. Per, etc.

Pro S. Pudentiana.

Secreta.

ACCEPTA tibi sit, Dómine,
sacrátæ plebis oblátio, pro tuó-
rum honóre Sanctórum ; quorum
se méritis de tribulatióne percepisse
cognóscit auxílium. Per, etc.

Communio. Luc. 12. Fidélis
servus et prudens, quem constituit
Dóminus super familiam suam, ut
det illis in témpore tritici mensú-
ram. (Temp. Pasch. additur, Alle-
lúia).

Postcommunio.

PRÆSTA, quæsumus, omnípo-
tens Deus ; ut de percéptis
munéribus grátias exhibéntes, in-
tercedénte beáto Petro Cœlestíno
Confessóre tuo atque Pontífice, be-
neficia potióra sumámus. Per, etc.

Pro Sancta Pudentiana.

Postcommunio.

SATIASTI, Dómine, familiam
tuam munéribus sacris : ejus,
quæsumus, semper interventióne
nos réfove, cujus solémnia celebrá-
mus. Per Dóminum, etc.

DIE XX.

S. BERNARDINI SENENSIS,

Confessoris.

Missa, Os justi, etc., de Communi
Confessoris non Pontificis, fol. 20,*
præter Orationem sequentem.

Oratio.

DOMINE Jesu, qui beáto Ber-
nardino Confessóri tuo, exí-
mium sancti nóminis tui amórem
tribuísti : ejus, quæsumus, méritis
et intercessióne, spíritum nobis tuæ
dilectiónis benígnus infúnde. Qui
vivis et regnas cum Deo Patre, in
unitáte ejusdem Spíritus, etc.

Evangelium. Ecce nos reliqui-
mus, de Communi Abbatum, fol. 23.*

DIE XXV.

S. GREGORII VII,

Papæ et Confessoris.

Missa, Státuit ei, de Communi
Conf. Pontificis, fol. 15. Evange-*
lium, Vigiláte, de eodem Communi,
fol. 17, Oratio prima sequens.*

Oratio.

DEUS in te sperántium fortitú-
do, qui beátum Gregórium
Confessórem tuum atque Pontífi-
cem, pro tuénda Ecclésiæ libertáte,
virtúte constántiæ roborásti : da
nobis, ejus exémplo et intercessióne,
omnia adversántia fórtiter superáre.
Per Dóminum, etc.

Pro commemoratione Sancti Urbani,
Papæ et Martyris.

Oratio.

DA, quæsumus, omnípotens De-
us ; ut, qui beáti Urbáni Már-

tyris tui atque Pontíficis solémnia cólimus, ejus apud te intercessiónibus adjuvémur. Per, etc.

Secreta.

HÆC hóstia, Dómine, quæsumus, emúndet nostra delicta; et ad sacrificium celebrándum subditórum tibi córpora mentésque sanctíficet. Per Dóminum, etc.

Postcommunio.

REFFECTI participatióne muneris sacri, quæsumus, Dómine Deus noster; ut, cujus exequimur cultum, intercedénte beáto Urbáno Mártire tuo atque Pontífice, sentiámus effectum. Per, etc.

DIE XXVI.

SANCTI PHILIPPI NERII,
Confessoris.

Introitus. Rom. 5.

CHARITAS Dei diffúsa est in córdibus nostris per inhabitántem Spíritum ejus in nobis. (*Temp. Pasch. additur, Allelúia, allelúia.*)

Ps. 102. Bénedic ánima mea Dómino: et ómnia quæ intra me sunt, nómini sancto ejus.

Ÿ. Glória Patri, etc.

Oratio.

DEUS, qui beátum Philíppum Confessórem tuum Sanctórum tuórum glória sublimásti: concéde propítius; ut, cujus solemnitáte lætámur, ejus virtútum proficiámus exémplo. Per, etc.

Pro commemoratio S. Eleutherii Papæ et Martyris.

Oratio.

INFIRMITATEM nostram respice, omnipotens Deus: et, quia

pondus propriæ actiόνis gravat, beáti Eleutherii Mártiris tui atque Pontíficis intercèssio gloriósa nos próteget. Per Dóminum, etc.

Léctio libri Sapiéntiæ. *Sap. 7.*

OPTAVI, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illius: nec comparávi illi lápidem pretiósus: quóniam omne aurum in comparatióne illius, aréna est exígua, et tamquam lutum æstimábitur argéntum in conspéctu illius. Super salútem et spéciem diléxi illam, et propósui pro luce habére illam: quóniam inextinguíbile est lumen illius. Venérunt autem mihi ómnia bona páriter cum illa, et innumerábilis honéstas per manus illius, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiόne didici, et sine invídia comunico, et honestátem illius non abscóndo. Infínitus enim thesáurus est homínibus: quo qui usi sunt, participes facti sunt amicitiae Dei, propter disciplinæ dona commendáti.

Graduale. Ps. 33. Veníte, filii, audite me: timórem Dómini docébo vos.

Ÿ. Accédite ad eum, et illuminámini: et fácies vestræ non confundéntur.

Allelúia, allelúia. Ÿ. *Thren. 1.* De excélso misit ignem in óssibus meis, et erudivit me. Allelúia.

Tempore Paschali, omissis Graduali et Versu, dicitur

Allelúia, allelúia. Ÿ. *Ibid.* De excélso misit ignem in óssibus meis, et erudivit me. Allelúia.

Ps. 38. Concáluit cor meum intra me : et in meditatióne mea exardéscet ignis. Allelúia.

Sequéntia sancti Evangélii secúndum Lucam. *Luc. 12.*

IN illo témpore : Dixit Jesus discípulis suis : Sint lumbi vestri præcincti, et lucernæ ardéntes in mânibus vestris ; et vos símiles homínibus expectántibus dómimum suum quando revertátur à núptiis : ut, cum vénerit et pulsáverit, conféstim apériant ei. Beáti servi illi, quos, cùm vénerit dómimus, invénerit vigilántes: amen dico vobis, quòd præcinget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias qua hora fur veníret, vigiláret útique, et non síneret pèrfodi domum suam. Et vos estóte paráti : quia qua hora non putátis, Filius hóminis véniet.

Offertorium. Ps. 118. Viam mandatórum tuórum cucúrri, cùm dilatásti cor meum. (*Temp. Pasch. additur, Allelúia.*)

Secreta.

SACRIFICIIS præsentibus, quæsumus, Dómine, inténde placátus, et præsta ; ut illo nos igne Spíritus sanctus inflámmet, quo beáti Philippi cor mirábiliter penetrávit. Per Dómimum nostrum in unitáte ejúsdem Spíritus, etc.

Pro Sancto Eleutherio.

Secreta.

HOSTIAS tibi, Dómine, beáti Eleuthérii Mártiris tui atque Pontíficis dicátas méritis, benígnus assúme ; et ad perpétuum nobis

tribue proveníre subsidium. Per Dómimum, etc.

Communio. Ps. 83. Cor meum, et caro mea exultavérunt in Deum vivum. (*Temp. Pasch. additur, Allelúia.*)

Postcommunio.

CŒLESTIBUS, Dómine, pasti delíciis, quæsumus ; ut beáti Philippi Confessóris tui méritis et imitatióne, semper éadem, per quæ veráciter vívimus, appetámus. Per Dómimum, etc.

Pro Sancto Eleutherio.

Postcommunio.

REFFECTI participatióne muneris sacri, quæsumus, Dómine Deus noster ; ut, cujus exequimur cultum, intercedénte beáto Eleuthério Mártire tuo atque Pontífice, sentiámus effectum. Per, etc.

DIE XXVII.

S. MARIE MAGDALENÆ DE PAZZIS,
Virginis.

Missæ, Dilexisti justítiam, de Comuni Virg., fol. 27, præter Orationem sequentem.*

Oratio.

DEUS virginitátis amátor, qui beátam Mariam Magdalénam Virginem, tuo amóre succénsam, cœlestibus donis decorásti : da, ut quam festíva celebritáte venerámur, puritáte, et charitáte imitemur. Per Dómimum, etc.

Et fit commemoratio Sancti Joannis, Papæ et Martyris.

Oratio.

DEUS, qui nos beáti Joánnis Mártiris tui atque Pontíficis

ánnum solemnitate lætificas, concede propitius; ut, cujus natalitia cõlimus, de ejusdem etiã protectiõne gaudeamus. Per, etc.

Secreta.

MUNERA tibi, Dõmine, dicata sanctifica: et intercedente beato Joãne Mártire tuo atque Pontífice, per eadem nos placatus inténde. Per Dóminum, etc.

Postcommunio.

HÆC nos commúnio, Dómine, purget à crimine: et, intercedente beato Joãne Mártire tuo atque Pontífice, cœlestis remédii fáciat esse consórtes. Per, etc.

DIE XXX.

SANCTI FELICIS,
Papæ et Martyris.

Missa, Státuit, etc., ut in communius Mart. Pont., fol. 2.*

DIE XXXI.

SANCTÆ PETRONILLÆ,
Virginis.

Missa, Vultum tuum, etc., de Communi Virginum non Martyrum, fol. 28.*

FESTA JUNII.

DIE II.

SS. MARCELLINI, PETRI ET
ERASMI,
Martyrum.

Introitus. Ps. 33.

CLAMAUERUNT justi, et Dóminus exaudivit eos, et ex

ómnibus tribulatiõibus eórum liberávit eos.

Ps. ibid. Benedicam Dóminum in omni témpore: semper laus ejus in ore meo.

Ÿ. Glória Patri, et Filio, etc.

Oratio.

DEUS, qui nos ánnua beatórum Mátyrum tuórum Marcellini, Petri, atque Erásmi solemnitate lætificas: præsta, quæsumus; ut, quorum gaudemus méritis, accendámur exémplic. Per, etc.

Lectio Epistolæ beati Pauli Apóstoli ad Romános. *Rom. 8.*

FRATRES, Non sunt condignæ passiones hujus témporis ad futúram glóriam, quæ revelábitur in nobis. Nam expectatio creatúre revelatiõem filiõrum Dei expectat. Vanitati enim creatúra subiecta est non volens, sed propter eum qui subjecit eam in spe: quia et ipsa creatúra liberábitur à servitute corruptiõnis, in libertatem glóriæ filiõrum Dei. Scimus enim quòd omnis creatúra ingemiscit, et párturit usque adhuc. Non solùm autem illa, sed et nos ipsi primitias spíritus habentes: et ipsi intra nos géimus, adoptiõnem filiõrum Dei expectantes, redemptiõnem cõporis nostri.

Graduale. Ps. 33. Clamaverunt justi, et Dóminus exaudivit eos, et ex ómnibus tribulatiõibus eórum liberávit eos.

Ÿ. Juxta est Dóminus his qui tribulato sunt corde, et húmiles spíritus salvábit. Allelúia, allelúia.

Ÿ. Joann. 15. Ego vos elégi de mundo, ut eátis, et fructum afferátis, et fructus vester máneat. Allelúia.

Evangelium, Cùm audieritis præ-

lia, *ut in Communi plurimorum Martyrum, fol. 12*.*

Offertorium. Ps. 31. Lætámini in Dómino, et exultáte justi : et gloriámini omnes recti corde.

Secreta.

HÆC hóstia, quæsumus, Dómine, quam sanctórum Mártýrum tuórum natalítia recenséntes offérimus, et yñcula nostræ pravitátis absólvat, et tuæ nobis misericórdiæ dona concíliet. Per, etc.

Communio. Sap. 3. Justórum ánimæ in manu Dei sunt, et non tanget illos torméntum malítiæ : visi sunt óculis insipiéntium mori, illi autem sunt in pace.

Postcommunio.

SACRO múnere satiáti, súpplices te, Dómine, deprecámur, ut quod débitæ servitútis celebrámus officio, salvatiónis tuæ sentiámus augméntum. Per, etc.

DIE IV.

SANCTI FRANCISCI CARAC-
CIOLO,
Confessoris.

Introitus. Ps. 21 et 68.

FACTUM est cor meum tamquam cera liquescens in médio ventris mei : quóniam zelus domus tuæ comédit me. (*Temp. Pasch. additur, Allelúia, allelúia.*)

Ps. 72. Quàm bonus, Israël, Deus, his qui recto sunt corde.

Ÿ. Glória Patri, etc.

Oratio.

DEUS, qui beátum Francíscum novi Ordinís Institutórem

orándi stúdio, et pœniténtiæ amóre decorásti : da fámulis tuis in ejus imitatióne ita proficere, ut semper orántes, et corpus in servitútem redigéntes, ad cœléstem glóriam perveníre mereántur. Per, etc.

Léctio libri Sapiéntiæ. *Sap. 4.*

JUSTUS, si morte præoccupátus fuerit, in refrigério erit. Senéctus enim venerábilis est non diutúrna, neque annórum número computáta : cani autem sunt sensus hómínis, et ætas senectútis vita immaculáta. Placens Deo factus est diléctus, et vivens inter peccatóres, translátus est. Raptus est, ne malítia mutáret intelléctum ejus, aut ne fictio decíperet ánimam illius. Fascinátio enim nugacitátis obscurat bona, et inconstántia concupiscéntiæ transvértit sensum sine malítia. Consummátus in brevi explévit témpora multa : plácita enim erat Deo ánimá illius : propter hoc properávit edúcere illum de médio iniquitátum.

Tempore Paschali, dicitur

Allelúia, allelúia. Ÿ. *Ps. 64.* Beátus quem elegísti et assumpsísti : inhabitábit in átriis tuis. Allelúia.

Ÿ. *Ps. 14.* Dispérsit, dedit paupéribus, justítia ejus manet in sæculum sæculi. Allelúia.

Extra Tempus Paschale, dicitur

Graduale. Ps. 41. Quemádmódum desíderat cervus ad fontes aquárum, ita desíderat ánimá mea ad te, Deus.

Ÿ. *Ps. ibid.* Sitívit ánimá mea ad Deum fortem vivum. Allelúia, allelúia.

Ÿ. *Ps. 72.* Defécit caro mea, et cor meum. Deus cordis mei, et pars mea Deus in ætérnum. Allelúia.

Sequéntia sancti Evangélíi secúndum Lucam. *Luc. 12.*

IN illo témpore : Dixit Jesus discípulis suis : Sint lumbi vestri præcincti, et lucernæ ardéntes in mânibus vestris ; et vos símiles homínibus expectántibus dóminum suum quando revertátur à nuptiis : ut, cum vénerit et pulsáverit, confestim apériant ei. Beáti servi illi, quos, cùm vénerit dóminus, invenerit vigilántes: amen dico vobis, quòd præcinget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invenerit, beáti sunt servi illi. Hoc autem scitóte, quóniam si sciret paterfamilias qua hora fur veníret, vigiláret útique, et non síneret perfodi domum suam. Et vos estóte paráti : quia qua hora non putátis, Filius hóminis véniet.

Offertorium. Ps. 91. Justus ut palma florébit : sicut cedrus Líbani multiplicábitur. (*Temp. Pasch. additur, Allelúia.*)

Secreta.

DA nobis, clementíssime Jesu ; ut præclára beáti Francísci mérita recoléntes, eódem nos, ac ille, charitátis igne succénsi, dignè in circúitu sacræ hujus mensæ tuæ esse valeámus. Qui vivis, etc.

Communio. Ps. 30. Quàm magna multitúdo dulcédinis tuæ, Dómine, quam abscondísti timéntibus te. (*Temp. Pasch. additur, Allelúia.*)

Postcommunio.

SACROSANCTI sacrificii, quæsumus, Dómine, quod hódie in solemnitate beáti Francísci tuæ obtúlimus Majestáti, grata semper in

méntibus nostris memória perseveret, et fructus. Per, etc.

DIE VI.

S . NORBERTI ,
Episcopi et Confessoris.

Missæ, Státuit, etc., de Communi Confess. Pontif., fol. 15, præter Orationem sequentem.*

Oratio.

DEUS, qui beátum Norbértum Confessórem tuum atque Pontíficem, verbi tui præcónem exímium effecísti, et per eum Ecclésiám tuam nova prole fœcundásti : præsta, quæsumus, ut ejúsdem suffragántibus méritis, quod ore simul et ópere dócuit, te adjuvánte, exercere valeámus. Per, etc.

DIE IX.

SS. PRIMI ET FELICIANI,
Martyrum.

Introitus. Eccl. 44.

SAPIENTIAM sanctórum narrent pópuli, et laudes eórum nuntiet ecclésia : nómina autem eórum vivent in sæculum sæculi.

Ps. 32. Exultáte justi in Dómino : rectos decet collaudátio.

Ÿ. Glória Patri, etc.

Oratio.

FAC nos, quæsumus, Dómine, sanctórum Mártyrum tuórum Primi et Feliciáni semper festa sectári : quorum suffrágiis protectiónis tuæ dona sentiámus. Per, etc.

Epistola, Justi autem in perpétuum vivent, de Communi plurimorum Martyrum, fol. 12.*

Graduale. Ps. 88. Confitebuntur cœli mirabilia tua, Dómine, et veritatem tuam in ecclésia sanctorum.

Ÿ. Misericórdias tuas, Dómine, in ætérnum cantábo, in generatióne et progénie.

Allelúia, allelúia. Hæc est vera fraternitas, quæ vicit mundi crimina: Christum secúta est, inclýta tenens regna cœléstia. Allelúia.

Sequéntia sancti Evangélíi secundum Matthæum. *Matth. 11.*

IN illo témpore: Respóndens Jesus, dixit: Confíteor tibi, Pater, Dómine cœli et terræ, quia abscondisti hæc à sapiéntibus et prudéntibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt à Patre meo. Et nemo novit Filium, nisi Pater: neque Patrem quis novit, nisi Filius, et cui voluérít Filius reveláre. Veníte ad me omnes qui laborátis, et onerátí estis, et ego reficiam vos. Tóllite jugum meum super vos, et discite à me, quia mitis sum, et húmilis corde: et inveniétis réquiem animábus vestris. Jugum enim meum suáve est, et onus meum leve.

Offertorium. Ps. 67. Mirábilis Deus in sanctis suis: Deus Israël ipse dabit virtútem et fortitúdinem plebi suæ: benedíctus Deus. Allelúia.

Secreta.

FIAT tibi, quæsumus, Dómine, hóstia sacránda placábilis, pretíosi celebritáte martyrii: quæ et peccáta nostra puríficet, et tuórum tibi vota concíliet famulórum. Per Dóminum, etc.

Communio. Joann. 15. Ego vos elégi de mundo, ut eátis, et fructum afferátis, et fructus vester máneat.

Postcommunio.

QUÆSUMUS, omnipotens Deus; ut sanctorum Mátyrum tuorum Primi et Feliciáni cœlestibus mystériis celebráta solémnitas, indulgéntiam nobis tuæ propitiatiónis acquirat, Per, etc.

DIE X.

SANCTÆ MARGARITÆ,

Reginæ Scotiæ.

Missa, Cognóvi, etc., de Comuni nec Virg. nec Mart., fol. 31, præter Orationem sequentem.*

Oratio.

DEUS, qui beátam Margaritam reginam, exímia in páuperes charitáte mirábilem effecísti; da, ut ejus intercessióne et exémplo, tua in córdibus nostris cháritas júgiter augeátur. Per Dóminum, etc.

Si fuerit Feria VI. post Oct. Ascensionis, fit de ea commemoratio cum Oratione Dominicæ præced., et Oratio tertia erit de B. Maria, Concède nos, etc., fol. 237.

Si vero fuerit post Pentecosten, secunda Oratio erit, A cunctis, etc., fol. 73. Tertia ad libitum.*

DIE XI.

SANCTI BARNABÆ,

Apostoli.

¶ *Notandum, quod si hoc Festum celebretur tempore Paschali, Missa dicitur ut supra in festo S. Marci, fol. 380, præter Orationes, Epistolam, et Evangelium, quæ sumuntur ex Missa sequenti.*

*Si vero fuerit post tempus Paschale,
Missa erit sequens.*

Introitus. Ps. 138.

M IHI autem nimis honorati sunt amici tui, Deus : nimis confortatus est principatus eorum.

Ps. ibid. Dómine, probasti me, et cognovisti me : tu cognovisti sessionem meam, et resurrectionem meam.

Ÿ. Glória Patri, etc.

Oratio.

D EUS qui nos beati Bárnabæ Apóstoli tui méritis et intercessióne lætíficas : concéde propítius ; ut, qui tua per eum beneficia póscimus, dono tuæ grátiae consequámur. Per Dóminum, etc.

Lectio Actuum Apostolorum.

Act. 11.

I N diébus illis : Multus númerus credéntium Antiochiæ convérsus est ad Dóminum. Pervénit autem sermo ad aures ecclésiæ, quæ erat Jerosólymis, super istis : et misérunt Bárnabam usque ad Antiochiám. Qui cùm pervenisset, et vidisset grátiam Dei, gávisus est : et hortabátur omnes in propósito cordis permanére in Dómino : quia erat vir bonus, et plenus Spíritu sancto, et fide. Et appósita est multa turba Dómino. Proféctus est autem Bárnabas Tarsum, ut quæreretur Saulum : quem cùm invenisset, perdúxit Antiochiám. Et annum totum conversáti sunt ibi in ecclésia : et docuerunt turbam multam, ita ut cognominarentur primùm Antiochiæ discipuli, Christiáni. Erant autem in ecclésia, quæ erat Antiochiæ, prophætæ et doctóres, in quibus Bárnabas, et Simon, qui vocabátur Niger, et Lúcius Cyrenénsis, et Mánahen, qui erat Heródis Tetrárchæ collectáne-

us, et Saulus. Ministrántibus autem illis Dómino, et jejunántibus, dixit illis Spíritus sanctus : Segregáte mihi Saulum et Bárnabam in opus, ad quod assúmpsi eos. Tunc jejunántes, et orántes, imponéntesque eis manus, dimisérunt illos.

Graduale. Ps. 18. In omnem terram exívit sonus eorum : et in fines orbis terræ verba eorum.

Ÿ. Cæli enarrant glóriam Dei : et ópera mánuum ejus annúntiat firmaméntum.

Allelúia, allelúia. Ÿ. *Joann. 15.* Ego vos elégi de mundo, ut eátis, et fructum afferátis, et fructus vester máneat. Allelúia.

Sequéntia sancti Evangélíi secúndum Matthæum. *Matth. 10.*

I N illo témpore : Dixit Jesus discípulis suis : Ecce ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in concíliis, et in synagógis suis flagellábunt vos : et ad præsides et ad reges ducémini propter me in testimónium illis, et géntibus. Cùm autem tradent vos, nolíte cogitare quómodo, aut quid loquámini : dábitur enim vobis in illa hora quid loquámini. Non enim vos estis qui loquimini, sed Spíritus Patris vestri, qui lóquitur in vobis. Tradet autem frater fratrem in mortem, et pater filium : et insúrgent filii in paréntes, et morte eos afficiént : et éritis ódio ómnibus propter nomen meum : qui autem perseveráverit usque in finem, hic salvus erit.

Credo.

Offertorium. Ps. 44. Constitues eos príncipes super omnem terram : mémoires erunt nóminis tui, Dómine, in omni progénie et generatióne.

Secreta.

MUNERA, Dómine, oblata sanctífica : et intercedente beáto Bárnaba Apóstolo tuo, nos per hæc à peccatorum nostrorum maculis emúnda. Per, etc.

Præfatio de Apostolis, fol. 209.

Communio. Matth. 19. Vos, qui secúti estis me, sedébitis super sedes, judicantes duódecim tribus Israël.

Postcommunio.

SUPPLICES te rogámus, omnipotens Deus ; ut, quos tuis réficis sacraméntis, intercedente beáto Bárnaba Apóstolo tuo, tibi étiam plácitis móribus dignánte tríbuas deservíre. Per Dóminum, etc.

DIE XII.

S. JOANNIS A S. FACUNDO,
Confessoris.

Missa, Os justi, de Communi Confessoris non Pontificis, fol. 20, præter Orationem sequentem.*

Oratio.

DEUS auctor pacis, et amátor charitátis, qui beátum Joánnem Confessórem tuum mirífica dissidentes componéndi grátia decorásti : ejus méritis et intercessióne concéde, ut in tua charitáte firmáti, nullis à te tentatióibus separémur. Per Dóminum, etc.

Et fit commemoratio SS. Basilidis, Cyrini, Naboris, et Nazarii, Martyrum.

Oratio.

SANCTORUM Mártyrum tuórum Basilidis, Cyrini, Náboris,

atque Nazárii, quæsumus, Dómine, natalítia nobis votíva respléndeant : et quod illis cóntulit exceléntia sempitérna, frúctibus nostræ devotiónis accrésceat. Per, etc.

Secreta.

PRO sanctorum tuorum Basilidis, Cyrini, Náboris, atque Nazárii ságuine venerádo, hóstias tibi, Dómine, solémniter immolámus, tua mirábilia pertractánte : per quem talis est perfécta victória. Per Dóminum, etc.

Postcommunio.

SEMPER, Dómine, sanctorum Mártyrum tuorum Basilidis, Cyrini, Náboris, atque Nazárii solémnia celebránte, præsta, quæsumus ; ut eórum patrocínia júgiter sentiámus. Per Dóminum, etc.

DIE XIII.

S. ANTONII DE PADUA,
Confessoris.

Introitus. Ps. 36.

OS justi meditábitur sapiéntiam, et lingua ejus loquétur judícium : lex Dei ejus in corde ipsíus.

Ps. ibid. Noli æmulári in malignántibus : neque zeláveris faciéntes iniquitátem.

Ÿ. Glória Patri, etc.

Oratio.

ECCLESIAM tuam, Deus, beáti Antónii Confessoris tui solémnitas votíva lætíficet : ut spirituálibus semper muniáture auxiliis, et gáudiis pérfrui mereátur ætéris. Per Dóminum, etc.

Lectio Epistolæ beati Pauli Apostoli
ad Corinthios. 1 Cor. 4.

FRATRES, Spectaculum facti
sumus mundo, et Angelis, et
hominibus. Nos stulti propter Chris-
tum, vos autem prudentes in Chris-
to: nos infirmi, vos autem fortes:
vos nobiles, nos autem ignobiles.
Usque in hanc horam et esurimus,
et sitimus, et nudi sumus, et cola-
phis cædimur, et instabiles sumus,
et laboramus operantes manibus
nostris: maledicimur, et benedici-
mus: persecutionem patimur, et
sustinemus: blasphemamur, et ob-
secramus: tamquam purgamenta
hujus mundi facti sumus, omnium
peripsēma usque adhuc. Non ut
confundam vos, hæc scribo, sed ut
filios meos charissimos moneo: in
Christo Jesu Domino nostro.

Graduale. Ps. 91. Justus ut
palma florēbit: sicut cedrus Libani
multiplicabitur in domo Domini.

V. Ad annuntiandum manē mi-
sericordiam tuam, et veritatem tu-
am per noctem.

Allelūia, allelūia. *V.* Eccl. 45.
Amavit eum Dominus, et ornavit
eum: stolam gloriæ induit eum.
Allelūia.

Sequētia sancti Evangelii secūn-
dum Lucam. Luc. 12.

IN illo tempore: Dixit Jesus dis-
cipulis suis: Sint lumbi vestri
præcincti, et lucernæ ardentes in
manibus vestris; et vos similes ho-
minibus expectantibus dominum
suum quando revertatur à nuptiis:
ut, cum venerit, et pulsaverit, con-
festim aperiant ei. Beati servi illi,
quos cum venerit dominus, invēne-
rit vigilantes: amen dico vobis,
quod præcinget se, et faciet illos
discumbere, et transiens ministrā-
bit illis. Et si venerit in secūda
vigilia, et si in tertia vigilia venerit,

et ita invenerit, beati sunt servi illi.
Hoc autem scitote, quoniam si sci-
ret paterfamilias, qua hora fur ve-
niret, vigilaret tutique, et non sinneret
perfodi domum suam. Et vos
estote parati, quia qua hora non
putatis, Filius hominis veniet.

Offertorium. Ps. 88. Veritas
mea, et misericordia mea cum ipso:
et in nomine meo exaltabitur cornu
ejus.

Secreta.

PRÆSENS oblatio fiat, Dómi-
ne, pópulo tuo salutáris: pro
quo dignatus es Patri tuo te vivē-
tem hóstiam immoláre. Qui cum
eodem Deo Patre, et Spíritu sancto
vivis et regnas.

Communio. Matth. 24. Beátus
servus, quem, cum venerit dominus,
invenerit vigilātem: amen dico
vobis, super omnia bona sua consti-
tuet eum.

Postcommunio.

DIVINIS, Dómine, munéribus
satiati, quæsumus; ut beati
Antónii Confessoris tui méritis et
intercessióne salutáris sacrificii sen-
tiámus effectum. Per, etc.

DIE XIV.

SANCTI BASILII,
Episcopi et Confessoris.

Introitus. Eccl. 15.

IN medio Ecclesiæ aperuit os
ejus: et implēvit eum Dominus
spíritu sapientiæ et intellēctus:
stolam gloriæ induit eum.

Ps. 91. Bonum est confiteri
Domino, et psállere nómini tuo,
Altíssime.

V. Glória Patri, etc.

Oratio.

EXAUDI, quæsumus, Dómine, preces nostras, quas in beáti Basílii Confessóris tui atque Pontíficis solemnitáte deferimus : et, qui tibi dignè méruit famulári, ejus intercedéntibus méritis, ab ómnibus nos absólve peccátis. Per, etc.

Léctio Epístolæ beáti Pauli Apóstoli ad Timótheum. 2 *Tim.* 4.

CARISSIME, Testíficor coram Deo, et Jesu Christo, qui judicatúrus est vivos et mórtuos, per advéntum ipsíus et regnum ejus : prædica verbum, insta opportunè, importúnè : árgue, óbseca, increpa in omni patiéntia et doctrína. Erit enim tempus, cùm sanam doctrinam non sustinébunt, sed ad sua desidéria coacervábunt sibi magistros, pruriéntes áuribus, et à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósa est mihi coróna justítiæ, quam reddet mihi Dóminus in illa die justus judex : non solùm autem mihi, sed et iis qui díligunt advéntum ejus.

Graduale. *Ps.* 36. Os justi meditábitur sapiéntiam : et lingua ejus loquétur judícium.

Ÿ. Lex Dei ejus in corde ipsíus : et non supplantabúntur gressus ejus.

Allelúia, allelúia. Ÿ. *Ps.* 88. Invéni David servum meum, óleo sancto meo únxi eum. Allelúia.

Sequéntia sancti Evangélíi secundum Lucam. *Luc.* 14.

IN illo témpore : Dixit Jesus turbis : Si quis venit ad me, et

non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim ædificáre, non priùs sedens cómputat sumptus, qui necessarij sunt, si hábeat ad perficiéndum ; ne, posteaquam posúerit fundaméntum, et non potúerit perfícere, omnes qui vident, incipiant illúdere ei, dicéntes : Quia hic homo cœpit ædificáre, et non pótuit consummáre ? Aut quis rex itúrus committere bellum advérsùs álium regem, non sedens priùs cógitat, si possit cum decem millibus occúrrere ei qui cum viginti millibus venit ad se ? Alióquin adhuc illo longè agente, legatiónem mittens, rogat ea quæ pacis sunt. Sic ergo omnis ex vobis qui non renúnciat ómnibus quæ póssidet, non potest meus esse discipulus. Bonum est sal. Si autem sal evanúerit, in quo condiétur ? Neque in terram, neque in sterquilínium útile est : sed foràs mittétur. Qui habet aures audiéndi, áudiat.

Credo.

Offertorium. *Ps.* 88. Véritas mea et misericórdia mea cum ipso : et in nómine meo exaltábitur cornu ejus.

Secreta.

SANCTI Basílii Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos : ut per hæc piæ placatiónis officia, et illum beáta retribútio comitétur, et nobis grátia tuæ dona conciliet. Per, etc.

Communio. *Luc.* 12. Fidélis servus et prudens, quem constituit dóminus super famíliam suam, ut

det illis in t  mpore tr  tici mens  ram.

Postcommunio.

DEUS, fid  lium remuner  tor anim  rum : pr  sta, ut be  ti Bas  lii Confessoris tui atque Pontificis, cujus vener  ndam celebr  mus festivit  tem, pr  cibus indulgentiam consequ  mur. Per, etc.

DIE XV.

Sanctorum Martyrum

VITI, MODESTI ET CRES-
CENTI  .

Introitus. Ps. 33.

MULT   tribulationes justorum, et de his omnibus liber  vit eos D  minus : D  minus custodit omnia ossa eorum : unum ex his non conteretur.

Ps. ibid. Benedicam D  minum in omni t  mpore : semper laus ejus in ore meo.

  . Gl  ria Patri, etc.

Oratio.

DA eccles  e tu  , qu  sumus, D  mine, sanctis Martyribus tuis, Vito, Mod  sto, atque Cresc  ntia interced  ntibus, sup  rb   non s  pere, sed tibi pl  cita humilit  te proficere : ut prava despiciens, qu  c  mque recta sunt, libera exerceat charit  te. Per D  minum, etc.

L  ctio libri Sapient  e. *Sap. 3.*

JUSTORUM anim  e in manu Dei sunt, et non tanget illos tormentum mortis. Visi sunt oculis insipientium mori : et   stim  ta est afflictio   xitus illorum ; et quod    nobis est iter, exterminium : illi autem sunt in pace. Et si coram

hominibus tormenta passi sunt, spes illorum immortalit  te plena est. In paucis vex  ti, in multis ben   dispon  ntur : qu  niam Deus tent  vit eos, et invenit illos dignos se. Tamquam aurum in forn  ce prob  vit illos, et quasi holoc  usti h  stiam accepit illos : et in t  mpore erit respectus illorum. Fulgebunt justi, et tamquam scintill  e in arundin  to discurrent. Judic  bunt nationes, et dominab  ntur p  pulis, et regnabit D  minus illorum in perpetuum.

Graduale. Ps. 149. Exultabunt Sancti in gl  ria : l  tab  ntur in cubilibus suis.

  . Cant  te D  mino c  nticum novum : laus ejus in eccles  a sanctorum.

Allel  ia, allel  ia.   . *Ps. 144.* Sancti tui, D  mine, benedicent te : gl  riam regni tui dicent. Allel  ia.

Sequ  ntia sancti Evangel  ii secundum Lucam. *Luc. 10.*

IN illo t  mpore : Dixit Jesus discipulis suis : Qui vos audit, me audit : et qui vos spernit, me spernit. Qui autem me spernit, spernit eum qui misit me. Rev  rsi sunt autem septuaginta duo cum g  udio, dic  ntes : D  mine,   tiam d  monia subjici  ntur nobis in n  mine tuo. Et ait illis : Vid  bam S  t  nam sicut fulgur de c  lo cad  ntem. Ecce dedi vobis potest  tem calc  ndi supra serp  ntes et scorpi  nes, et super omnem virt  tem inimici : et nihil vobis noc  bit. Ver  mtamen in hoc nolite gaud  re, quia sp  ritus vobis subjici  ntur : gaud  te autem, qu  d n  mina vestra scripta sunt in c  lis.

Offertorium. Ps. 67. Mir  bilis Deus in sanctis suis : Deus Isra  el ipse dabit virt  tem et fortitudinem plebi su   : benedictus Deus.

Secreta.

SICUT glóriam divínæ poténtiæ múnera pro Sanctis oblata testántur : sic nobis effectum, Dómine, tuæ salvatiónis impendant. Per Dóminum, etc.

Communio. Sap. 3. Justórum animæ in manu Dei sunt, et non tanget illos tormentum malitiæ : visi sunt óculis insipientium mori, illi autem sunt in pace.

Postcommunio.

REPLETI, Dómine benedictióne solémni, quæsumus : ut per intercessiōnem sanctórum Mártyrum tuórum Viti, Modésti et Crescentiæ, medicina sacraménti et corpóribus nostris prosit, et méntibus. Per Dóminum, etc.

DIE XVIII.

SS. MARCI ET MARCELLIANI,

Martyrum.

Introitus. Ps. 36.

SALUS autem justórum à Dómino : et protéctor eórum est in témpore tribulatiónis.

Ps. ibid. Noli æmulári in malignántibus : neque zeláveris facientes iniquitatem.

Ÿ. Glória Patri, etc.

Oratio.

PRÆSTA, quæsumus, omnipotens Deus ; ut, qui sanctórum Mártyrum tuórum Marci et Marcelliani natalítia cólimus, à cunctis malis imminéntibus, eórum intercessiōnibus, liberémur. Per, etc.

Léctio Epistolæ beáti Pauli Apóstoli ad Romános. *Rom. 5.*

FRATRES, Justificáti ex fide, pacem habeámus ad Deum

per Dóminum nostrum Jesum Christum : per quem et habémus accéssum per fidem in grátiam istam, in qua stamus, et gloriámur in spe glóriæ filiórum Dei. Non solùm autem, sed et gloriámur in tribulatió nibus : sciéntes quòd tribulatio patientiam operá tur, patientia autem probatió nem, probatio verò spem, spes autem non confúndit : quia cháritas Dei diffúsa est in córdibus nostris per Spíritum sanctum, qui datus est nobis.

Graduale. Sap. 3. Justórum animæ in manu Dei sunt ; et non tanget illos tormentum malitiæ.

Ÿ. Visi sunt óculis insipientium mori : illi autem sunt in pace.

Allelúia, allelúia. Ÿ. Hæc est vera fraternitas, quæ numquam pótuit violári certámine : qui effúso ságuine, secúti sunt Dóminum. Allelúia.

Sequéntia sancti Evangélii secúndum Lucam. *Luc. 11.*

IN illo témpore : Dicébat Jesus Scribis et Pharisæis : Væ vobis, qui ædificátis monuménta Prophetárum : patres autem vestri occidérunt illos. Profectò testificámini quòd consentitis opéribus patrum vestrórum : quóniam ipsi quidem eos occidérunt, vos autem ædificátis eórum sepúlcrá. Proptérea et sapiéntia Dei dixit : Mittam ad illos Prophétas et Apóstolos, et ex illis occident, et persecúntur : ut inquirátur sanguis ómnium Prophetárum, qui effúsus est à constitutióne mundi à generatióne ista, à ságuine Abel usque ad ságuinem Zachariæ, qui périit inter altáre et ædem. Ita dico vobis, requirétur ab hac generatióne.

Offertorium. Ps. 123. Anima nostra, sicut passer, erépta est de

láuqueo venántium : láqueus contrítus est, et nos liberáti sumus.

Secreta.

MUNERA tibi, Dómine, dicáta sanctífica : et, intercedéntibus sanctis Martyribus tuis Marco et Marcelliáno, per éadem nos placátus inténde. Per Dóminum, etc.

Communio. Matth. 25. Amen dico vobis : quod uni ex mínimis meis fecistis, mihi fecistis : veníte benedicti Patris mei, possidéte parátum vobis regnum ab inítio sæculi.

Postcommunio.

SALUTARIS tui, Dómine, múnere satiáti, súpplices exorámus ; ut, cujus lætámur gustu, intercedéntibus sanctis Martyribus tuis Marco et Marcelliáno, renovémur effectú. Per, etc.

DIE XIX.

SANCTÆ JULIANÆ DE FALCONERIIS,

Virginis.

Missa, Dilexisti justitiam, etc., de Communi Virginum, fol. 27, præter Orationem sequentem.*

Oratio.

DEUS, qui beatám Juliánam Virginem tuam, extrémó morbo laborántem, pretiósó Filii tui corpore mirabiliter recreáre dignátus es : concéde quæsumus ; ut, ejus intercedéntibus méritis, nos quoque eódem in mortis agóne refécti ac roboráti, ad cœléstem pátriam perducámur. Per eúmdem Dóminum, etc.

3 B

Pro Commemoratione SS. Gervasii et Protasii Martyrum.

Oratio.

DEUS, qui nos ánnua sanctórum Mártyrum tuórum Gervásii et Protásii solemnitate lætíficas : concéde propítius ; ut, quorum gaudémus méritis, accendámur exémplic. Per Dóminum, etc.

Secreta.

OBLATIS, quæsumus, Dómine, placáre munéribus : et, intercedéntibus sanctis Martyribus tuis, à cunctis nos defénde periculis. Per Dóminum, etc.

Postcommunio.

HÆC nos commúnio, Dómine, purget à crimine : et, intercedéntibus sanctis martyribus tuis Gervásio et Protásio, cœléstis remédii fáciat esse consórtes. Per, etc.

DIE XX.

SANCTI SILVERII,

Papæ et Martyris.

Introitus. Eccl. 45.

STATUIT ei Dóminus testaméntum pacis, et princípem fecit eum, ut sit illi sacerdotii dignitas in ætérnum.

Ps. 131. Meménto, Dómine, David, et omnis mansuetúdinis ejus.
V. Glória Patri, etc.

Oratio.

INFIRMITATEM nostram respice, omnipotens Deus : et, quia pondus propriæ actióis gravat, beatí Silvérii Mártyris tui atque Pontíficis intercéssio gloriósa nos protégat. Per Dóminum, etc.

Lectio Epistolæ beāti Judæ Apóstoli.

CARISSIMI, Mémoires estóte verbórum quæ prædicta sunt ab Apóstolis Dómini nostri Jesu Christi, qui dicébant vobis, quóniam in novíssimo témpore vénient illusóres, secúndum desidéria sua ambulátes in impietátibus. Hi sunt, qui ségregant semetípsos, animáles, spíritum non habéntes. Vos autem, caríssimi, superædificátes vosmetípsos sanctíssimæ vestræ fidei, in Spírítu sancto orántes, vosmetípsos in dilectióne Dei serváte, expectántes misericórdiam Dómini nostri Jesu Christi in vitam ætérnam.

Graduale. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

V. Nihil proficiet inimícus in eo : et filius iniquitátis non nocébit ei.

Allelúia, allelúia. *V. Ps. 109.* Tu es sacérdos in ætérnum secúndum órđinem Melchisedech. Allelúia.

Sequéntia sancti Evangélíi secúndum Lucam. *Luc. 14.*

IN illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim ædificáre, non priùs sedens cómputat sumptus, qui necessarij sunt, si hábeat ad perficiéndum ; ne, postéquam posúerit fundaméntum, et non potúerit perficere, omnes qui vident, incípíant illúdere ei, dicéntes : Quia hic homo cœpit ædificáre, et non pótuit

consummáre ? Aut quis rex itúrus committere bellum advérsus álium regem, non sedens priùs cógitat, si possit cum decem millibus occurrere ei qui cum vigínti millibus venit ad se ? Alióquin adhuc illo longè agénte, legatióem mittens, rogat ea quæ pacis sunt. Sic ergo omnis ex vobis qui non renúnciat ómnibus quæ pössidet, non potest meus esse discipulus.

Offertorium. Ps. 88. Véritas mea et misericórdia mea cum ipso : et in nómine meo exaltábitur cornu ejus.

Secreta.

HOSTIAS tibi, Dómine, beāti Silvérii Mártiris tui atque Pontíficis dicátas méritis, benígnus assúme : et ad perpétuum nobis tribue proveníre subsidium. Per, etc.

Communio. Ibid. Semel jurávi in sancto meo : semen ejus in ætérnum manébit : et sedes ejus sicut sol in conspéctu meo, et sicut luna perfécta in ætérnum, et testis in cœlo fidélis.

Postcommunio.

REFFECTI participatióne muneris sacri, quæsumus, Dómine Deus noster ; ut, cujus exequimur cultum, intercedénte beáto Silvério Mártire tuo atque Pontífice, sentiámus effectum. Per, etc.

DIE XXII.

SANCTI PAULINI,

Episcopi et Confessoris.

Introitus. Ps. 131.

SACERDOTES tui, Dómine, induant justítiam, et sancti tui

exúltent : propter David servum tuum non avértas fáciem Christi tui.

Ps. ibid. Meménto, Dómine, David, et omnis mansuetúdinis ejus. *V.* Glória Patri, etc.

Oratio.

DA, quæsumus, omnípotens Deus ; ut beáti Paulíni Confessoris tui atque Pontíficis veneránda solémnitas, et devotiónem nobis áugeat, et salútem. Per, etc.

Léctio Epístolæ beáti Pauli Apóstoli ad Corínthios. 2 *Cor.* 8.

FRATRES, Scitis grátiam Dómini nostri Jesu Christi, quóniam propter vos egénus factus est, cùm esset dives, ut illius inópia vos dívites essétis. Et consílium in hoc do : hoc enim vobis útile est, qui non solúm fácere, sed et velle cœpístis ab anno prióre : nunc verò et facto perfícite, ut quemádmódum promptus est ánimus voluntátis, ita sit et perficiéndi ex eo quod habétis. Si enim volúntas prompta est, secúndum id quod habet, accépta est, non secúndum id quod non habet. Non enim ut áliis sit remissio, vobis autem tribulátio, sed ex æqualitáte. In præsénti témpore vestra abundantia illórum inópiam súppleat : ut et illórum abundantia vestræ inópiæ sit suppleméntum, ut fiat æqualitas sicut scriptum est : Qui multum, non abundávit, et qui módicum, non minorávit.

Graduale. Eccl. 44. Ecce sacerdos magnus, qui in diébus suis plácuit Deo.

V. Non est invéntus símilis illi, qui conserváret legem Excélsi.

Allelúia, allelúia. *V. Ps. 109.* Tu es sacerdos in ætérnum secúndum órđinem Melchisedech. Allelúia.

Sequéntia sancti Evangélíi secúndum Lucam. *Luc. 12.*

IN illo témpore : Dixit Jesus discípulis suis : Nolite timére, pusillus grex, quia complácuit Patri vestro dare vobis regnum. Véndite quæ possidétis, et date eleemósy-nam. Fácite vobis sácculos qui non veteráscunt, thesáurum non deficiéntem in cœlis : quò fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus, Dómine, nos ubique lætificent : ut, dum eórum mérita recólimus, patrocínia sentiámus. Per, etc.

Communio. Luc. 12. Fidélis servus et prudens, quem constituit dóminus super sámbiliam suam : ut det illis in témpore tritici mensúram.

Postcommunio.

PRÆSTA, quæsumus, omnípotens Deus, ut de percéptis munéribus grátias exhibéntes, intercedénte beáto Paulíno Confessóre tuo atque Pontífice, beneficia potióra sumámus. Per, etc.

DIE XXIII.

In Vigilia

S. JOANNIS BAPTISTÆ.

Introitus. Luc. 1.

NE timeas, Zacharía : exaudita est orátio tua, et Elisabéth

uxor tua páriet tibi filium, et vocábis nomen ejus Joánnem: et erit magnus coram Dómino, et Spíritu sancto replébitur adhuc ex útero matris suæ: et multi in nativité ejus gaudébunt.

Ps. 20. Dómine, in virtúte tua lætábitur rex: et super salutáre tuum exultábit veheménter.

Y. Glória Patri, etc.

Oratio.

PRÆSTA, quæsumus, omnipotens Deus, ut familia tua per viam salutis incédât, et beáti Joánnis Præcursóris hortaménta secúndo, ad eum, quem prædixit, secúra pervéniant, Dóminum nostrum Jesum Christum Filium tuum. Qui tecum vivit, etc.

Secunda Oratio de S. Maria,
Concéde; *tertia, Ecclésiæ, vel pro*
Papa, fol. 237.

Léctio Jeremiæ Prophætæ. *Jer. 1.*

IN diébus illis: Factum est verbum Dómini ad me, dicens: Priúsqvam te formárem in útero, novi te: et ántequam exíres de vulva, sanctificávi te, et Prophétam in géntibus dedi te. Et dixi: A, a, a, Dómine Deus, ecce nescio loqui, quia puer ego sum. Et dixit Dóminus ad me: Noli dicere, puer sum: quóniam ad ómnia, quæ mitam te, ibis; et univérsa quæcúmque mandávero tibi, loquéris. Ne timeas à fácie eórum: quia tecum ego sum, ut éruam te, dicit Dóminus. Et misit Dóminus manum suam, et tégit os meum: et dixit Dóminus ad me: Ecce dedi verba mea in ore tuo: ecce constitúi te hódie super gentes, et super regna, ut evéllas, et déstruas, et dispérdas, et dissipes, et ædifices, et plantes: dicit Dóminus omnipotens.

Graduale. Joann. 1. Fuit homo missus à Deo, cui nomen erat Joánnes.

Y. Hic venit ut testimónium perhibéret de lúmine, paráre Dómino plebem perfectam.

Initium sancti Evangélii secúndum Lucam. *Luc. 1.*

FUIT in diébus Heródis regis Judææ sacerdos quidam nómine Zacharías de vice Abía, et uxor illíus de filiábus Aaron, et nomen ejus Elísabeth. Erant autem justi ambo ante Deum, incedéntes in ómnibus mandátis et justificatió nibus Dómini sine queréla, et non erat illis filius, eò quòd esset Elísabeth stérilis, et ambo processissent in diébus suis. Factum est autem, cùm sacerdotio fungerétur in órdine vicis suæ ante Deum, secúndum consuetúdinem sacerdotii, sorte exiit, ut incénsus póneret, ingressus in templum Dómini: et omnis multitúdo pópuli erat orans foris hora incénsi. Appáruit autem illi Angelus Dómini, stans à dextris altáris incénsi. Et Zacharías turbátus est videns, et timor irruiit super eum. Ait autem ad illum Angelus: Ne timeas, Zacharía, quóniam exaudita est deprecátio tua: et uxor tua Elísabeth páriet tibi filium, et vocábis nomen ejus Joánnem: et erit gáudium tibi et exultátio, et multi in nativité ejus gaudébunt: erit enim magnus coram Dómino: et vinum et síceram non bibet, et Spíritu sancto replébitur adhuc ex útero matris suæ, et multos filiórum Israël convértet ad Dóminum Deum ipsórum: et ipse præcédet ante illum in spíritu et virtúte Eliæ: ut convértat corda patrum in filios, et incrédulos ad prudéntiam justórum, paráre Dómino plebem perfectam.

Offertorium. Ps. 8. Glória et

honóre coronásti eum, et constituísti eum super ópera mánuum tuárum, Dómine.

Secreta.

MUNERA, Dómine, oblata sanctífica : et, intercedénte beáto Joáinne Baptísta, nos per hæc à peccatórum nostrórum máculis emúnda. Per Dóminum, etc.

Communio. Ps. 20. Magna est glória ejus in salutári tuo : glóriam et magnum decórem impónes super eum, Dómine.

Postcommunio.

BEATI Joánnis Baptístæ nos, Dómine, præclára comitétur orátio : et, quem ventúrum esse prædixit, poscat nobis fore placátum, Dóminum nostrum Jesum Christum Fílium tuum. Qui tecum vivit et regnat, etc.

DIE XXIV.

In Nativitate

S. JOANNIS BAPTISTÆ.

Introitus. Isa. 49.

DE ventre matris meæ vocávit me Dóminus nómine meo : et pósuit os meum ut gládium acútum : sub teguménto manus suæ protéxit me, et pósuit me quasi sagittam eléctam.

Ps. 91. Bonum est confitéri Dómino, et psállere nómini tuo, Altíssime.

Ÿ. Glória Patri, etc.

Oratio.

DEUS, qui præsentem diem honorábilem nobis in beáti Joánnis nativité fecísti : da pópulis tuis spirituálium grátiam gaudió-

rum, et ómnium fidélium mentes dirige in viam salutis æternæ. Per Dóminum, etc.

Léctio Isaíæ Prophétæ. Isa. 49.

AUDITE insulæ, et atténdite pópuli de longè : Dóminus ab útero vocávit me, de ventre matris meæ recordátus est nóminis mei. Et pósuit os meum quasi gládium acútum : in umbra manus suæ protéxit me, et pósuit me sicut sagittam eléctam : in pháretra sua abscondit me. Et dixit mihi : Servus meus es tu, Israël, quia in te gloriabor. Et nunc dicit Dóminus, formans me ex útero servum sibi : Ecce dedi te in lucem géntium, ut sis salus mea usque ad extrémum terræ. Reges vidébunt, et consúrgent principes, et adorábunt propter Dóminum et sanctum Israël, qui elégit te.

Graduale. Jer. 1. Priúsqvam te formárem in útero, novi te : et ántequam exíres de ventre, sanctificávi te.

Ÿ. Misit Dóminus manum suam, et tétigit os meum, et dixit mihi.

Allelúia, allelúia. Ÿ. Luc. 1. Tu, puer, Prophéta Altíssimi vocáberis : præibis ante Dóminum paráre vias ejus. Allelúia.

Sequéntia sancti Evangélíi secúndum Lucam. Luc. 1.

ELISABETH implétum est tempus pariéndi, et péperit fílium. Et audiérunt vicíni et cognáti ejus, quia magnificávit Dóminus misericórdiam suam cum illa, et congratulabántur ei. Et factum est in die octávo, venérunt circumcidere púerum, et vocábant eum nómine patris sui Zacharíam. Et respóndens mater ejus, dixit : Nequáquam, sed vocábitur Joánnes. Et dixerunt ad illam : Quia nemo

est in cognatióne tua, qui vocétur hoc nómine. Innuébant autem patri ejus, quem vellet vocári eum. Et póstulans pugillárem, scripsit, dicens: Joánnes est nomen ejus. Et miráti sunt univérsi. Apértum est autem illicò os ejus, et lingua ejus, et loquebátur, benedicens Deum. Et factus est timor super omnes vicínos eórum, et super ómnia montána Judææ divulgabántur ómnia verba hæc. Et posuérunt omnes qui audíerant in corde suo, dicétes: Quis putas puer iste erit? Etenim manus Dómini erat cum illo. Et Zacharias pater ejus replétus est Spíritu sancto, et prophetávit, dicens: Benedictus Dóminus Deus Israël, quia visitávit, et fecit redemptiónem plebis suæ.

Non dicitur Credo, nisi in Ecclesia propria, vel nisi venerit in Dominica, aut infra Octavam Corporis Christi; sed in die Octava dicitur, propter Octavam Apostolorum.

Offertorium. Ps. 91. Justus ut palma florébit: sicut cedrus, quæ in Líbano est, multiplicábitur.

Secreta.

TUA, Dómine, munéribus altária cumulamús, illíus nativitátem honóre débito celebrátes, qui Salvatórem mundi et cécinit adfutúrum, et adesse monstrávit, Dóminum nostrum Jesum Christum Fílium tuum. Qui tecum vivit, etc.

Communio. Luc. 1. Tu, puer, Prophéta Altíssimi vocáberis: præfíbis enim ante fáciem Dómini paráre vias ejus.

Postcommunio.

SUMAT Ecclésia tua, Deus, beáti Joánnis Baptistæ generatióne lætítiam: per quem suæ regeneratiónis cognóvit auctórem, Dó-

minum nostrum Jesum Christum Fílium tuum. Qui tecum vivit, etc.

¶ *Infra Octavam Sancti Joannis, et in ipso die Octavæ fit idem Officium quod in die. Sed infra Octavam post Orationem diei, dicitur secunda Oratio de Sancta Maria, Concède nos; tertia, contra persecutores Ecclesiæ, vel pro Papa, fol. 237.*

DIE XXV.

S. GULIELMI, ABBATIS.

Missa, Os justí, etc., de Communi Abbatum, fol. 22, præter Orationem sequentem.*

Oratio.

DEUS, qui infirmitáti nostræ ad teréndam salútis viam in Sanctis tuis exéplum et præsidium collocásti: da nobis ita beáti Gulielmi Abbátis mérita venerári, ut ejúsdem excipiámus suffrágia, et vestígia prosequámur. Per, etc.

Et fit commemoratio Octavæ Nativitatis S. Joannis Baptistæ. Oratio ut supra.

DIE XXVI.

SS. JOANNIS ET PAULI
Martyrum.

Introitus. Ps. 33.

MULTÆ tribulatiónes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur.

Ps. ibid. Benedícam Dóminum in omni témpore: semper laus ejus in ore meo.

¶ Glória Patri, etc.

Oratio.

QUÆSUMUS, omnipotens Deus, ut nos geminata lætitia hodiernæ festivitatis excipiat, quæ de beatórum Joánnis et Pauli glori-ficatione procedit, quos eadem fides et pássio verè fecit esse germános. Per Dóminum, etc.

Et fit commem. Octavæ S. Joannis.
Deus, qui præsentem, fol. 413.

Lectio libri Sapiéntiæ. *Eccl. 44.*

HI viri misericórdiæ sunt, quorum pietates non defuerunt: cum sémine eórum pérmanent bona, hæreditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum nuntiet ecclésia.

Graduale. Ps. 132. Ecce quàm bonum et quàm jucúndum habitáre fratres in unum.

Ÿ. Sicut unguéntum in cápite, quod descendit in barbam, barbam Aaron.

Allelúia, allelúia. Ÿ. Hæc est vera fraternitas, quæ vicit mundi crimina: Christum secúta est, inclyta tenens regna cœléstia. Allelúia.

Sequéntia sancti Evangélíi secundum Lucam. *Luc. 12.*

IN illo témpore: Dixit Jesus discipulis suis: Atténdite à fermento Pharisæórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubiculis, prædicábitur in

tectis. Dico autem vobis amicis meis: Ne terreámini ab his qui occidunt corpus, et post hæc non habent ámpliùs quid fácient. Osténdam autem vobis, quem timeátis: timéte eum, qui, postquam occiderit, habet potestátem mittere in gehénnam. Ita dico vobis: Hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolite ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Filius hóminis confitébitur illum coram Angelis Dei.

Offertorium. Ps. 5. Gloriabúntur in te omnes qui diligunt nomen tuum, quóniam tu, Dómine, benedíces justo: Dómine, ut scuto bonæ voluntátis tuæ coronásti nos.

Secreta.

HOSTIAS tibi, Dómine, sanctórum Mártyrum tuórum Joánnis et Pauli dicátas méritis, benignus assúme; et ad perpétuum nobis tribue proveníre subsidium. Per Dóminum, etc.

Secunda Secreta de Oct. S. Joannis Baptistæ. Tua, Dómine, fol. 414.

Communio. Sap. 3. Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio.

SUMPSIMUS, Dómine, sanctórum Mártyrum tuórum Joánnis et Pauli solémnia celebrántes, sacraménta cœléstia: præsta, quæsumus; ut, quod temporáliter gérimus, ætérnis gáudiis consequámur. Per Dóminum, etc.

Secunda Postcommunio de Oct. S. Joannis Baptistæ. Sumat Ecclesiæ tua, fol. 414.

¶ *Si sequens festum sancti Leonis venerit in Dominica, transfertur post Octavam Apostolorum, et Missa dicitur de Dominica, cum commemoratione S. Joannis : et in Sabbato præcedenti dicitur Missa de Vigilia Apostolorum: secunda Oratio de Sancto Joanne, tertia de Beata Maria, Concède nos, fol. 237.*

Quocumque verò alio die venerit festum S. Leonis, fit de eo, cum commemoratione Octavæ S. Joannis, et Vigiliæ.

DIE XXVIII.

SANCTI LEONIS,

Papæ et Confessoris.

Introitus. Ps. 131.

SACERDOTES tui, Dómine, induant justitiam, et sancti tui exultent : propter David servum tuum, non avértas faciém Christi tui.

Ps. ibid. Meménto, Dómine, David, et omnis mansuetúdinis ejus.

V. Glória Patri, et Filio, etc.

Oratio.

DEUS, qui beátum Leónem Pontíficem sanctórum tuórum méritis coæquásti : concède propítius ; ut, qui commemoratiónis ejus festa percólimus, vitæ quoque imitémur exéempla. Per, etc.

Pro commemoratione Octavæ S. Joannis.

Oratio.

DEUS, qui præsentem diem honorábilem nobis in beáti Joannis nativité fecisti : da pópulis

tuis spirituálium grátiam gaudiórum, et ómnium fidélium mentes dirige in viam salutis æternæ.

Pro commemoratione Vigiliæ SS. Apostolorum.

Oratio.

PRÆSTA, quæsumus, omnípotens Deus, ut nullis nos permittas perturbatióibus concuti, quos in Apostólicæ confessiós petra solidásti. Per Dóminum, etc.

Lectio Epístolæ beáti Pauli Apóstoli ad Hebræos. Hebr. 7.

FRATRES, Plures facti sunt sacerdotes, idcirco quòd morte prohiberénter permanére : Jesus autem eò quòd máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum, semper vivens ad interpellándum pro nobis. Talis enim decébat ut nobis esset Póntifex, sanctus, innocens, impollútus, segregátus à peccatóribus, et excélsior cælis factus : qui non habet necessitátem quotidie, quemádmódum sacerdotes, prius pro suis delictis hóstias offerre, deinde pro pópuli : hoc enim fecit semel, seípsum offeréndo, Jesus Christus Dóminus noster.

Graduale. Ps. 131. Sacerdotes ejus induam salutári : et sancti ejus exultatióne exultábunt.

V. Illuc producám cornu David : parávi lucérnam Christo meo.

Allelúia, allelúia. V. Ps. 109. Jurávit Dóminus, et non pœnitébit eum : Tu es sacerdos in ætérnum secúndum órđinem Melchisedech.

Sequéntia sancti Evangélii secúndum Matthæum. Matth. 25.

IN illo témpore : Dixit Jesus discípulis suis parábolam hanc :

Homo perégrè proficiscens, vocávit servos suos, et trádedit illis bona sua. Et uni dedit quinque talénta, álii autem duo, álii verò unum, unicuque secúndum própíam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúni- am dómini sui. Post multum verò témporis venit dóminus servórum illórum, et pósuit ratióem cum eis. Et accédens qui quinque talénta accéperat, óbtulit ália quinque ta- lénta, dicens : Dómine, quinque talénta tradidisti mihi, ecce ália quinque superlucrátus sum. Ait illi dóminus ejus : Eugè serve bone et fidélis, quíá super pauca fuísti fidélis, super multa te constítuam, intra in gáudium dómini tui. Ac- céssit autem et qui duo talénta accéperat, et ait : Dómine, duo ta- lénta tradidisti mihi ; ecce ália duo lucrátus sum. Ait illi dóminus ejus : Eugè serve bone et fidélis ; quíá super pauca fuísti fidélis, super multa te constítuam, intra in gáudi- um dómini tui.

Offertorium. Ps. 88. Véritas mea et misericórdia mea cum ipso : et in nómine meo exaltábitur cornu ejus.

Secreta.

A NNUE nobis, quæsumus, Dó- mine, ut intercessióne beáti Leónis hæc nobis prosit oblátio : quam immolándo, totíus mundi tri- buísti relaxári delicta. Per, etc.

Pro S. Joanne.

Secreta.

TUA, Dómine, munéribus altá- ria cumulámus, illíus nativi-

3 c

tátem honóre débito celebrátes, qui Salvatórem mundi et cécinit adfutúrum, et adesse monstrávit, Dóminum nostrum Jesum Chris- tum Filium tuum.

Pro Vigilia SS. Apostolorum.

Secreta.

MUNUS pópuli tui, quæsumus, Dómine, Apostólica inter- cessióne sanctifica : nosque à pecca- tórum nostrórum máculis emúnda. Per Dóminum, etc.

Communio. Matth. 24. Beátus servus, quem, cùm vénerit dóminus, invénerit vigilántem : amen dico vobis, super ómnia bona sua constí- tuet eum.

Postcommunio.

DEUS, qui ánimæ fámuli tui Leónis æternæ beatitúdinis præmia contulísti : concéde propí- tius ; ut, qui peccatórum nostrórum póndere prémimur, ejus apud te précibus sublevémur. Per, etc.

Pro Sancta Joanne.

Postcommunio.

SUMAT Ecclésia tua, Deus, beáti Joánnis Baptístæ genera- tióne lætítiam : per quem suæ rege- neratiónis cognóvit auctórem, Dó- minum nostrum Jesum Christum Filium tuum.

Pro Vigilia SS. Apostolorum.

Postcommunio.

QUOS cœlesti, Dómine, ali- ménto satiásti, Apostólicis intercessiόνibus ab omni adversitáte custódi. Per Dóminum, etc.

DIE XXVIII.

In Vigilia

SS. APOSTOLORUM PETRI
ET PAULI.*Introitus. Joann. 21.*

DICIT Dóminus Petro: Cùm esses júnior, cingébas te, et ambulábas ubi volébas: cùm autem senúeris exténdes manus tuas, et álius te cinget, et ducet quò tu non vis. Hoc autem dixit, significans qua morte clarificatúrus esset Deum.

Ps. 18. Cœli enarrant glóriam Dei: et ópera mánuum ejus annúntiat firmaméntum.

V. Glória Patri, etc.

Non dicitur Glória in excélsis.

Oratio.

PRÆSTA, quæsumus, omnípotens Deus; ut nullis nos permíttas perturbatióibus concuti, quos in Apostólicæ confessiōis petra solidásti. Per Dóminum, etc.

Secunda Oratio et tertia, ut in superiori Rubrica notatur, fol. 416.

Léctio Actuum Apostolorum.

Act. 3.

IN diébus illis: Petrus et Joánnēs ascendébant in templum ad horam oratiōis nonam. Et quidam vir, qui erat claudus ex útero matris suæ, bajulabátur: quem ponébant quotidie ad portam templi, quæ dicitur Speciōsa, ut péteret eleemósynam ab introeúntibus in templum. Is cùm vidisset Petrum et Joánnem incipiéntes introire in templum, rogábat ut eleemósynam accíperet. Intuens autem in eum Petrus cum Joánnē, dixit: Réspice in nos. At ille intendébat in eos, sperans se áliquid acceptúrum ab

eis. Petrus autem dixit: Argéntum et aurum non est mihi: quod autem habeo, hoc tibi do: In nómine Jesu Christi Nazaréni surge, et ámbula. Et apprehénsa manu ejus dextera, allevávit eum, et prótinus consolidátæ sunt bases ejus, et plantæ. Et exiliens stetit, et ambulábat: et intrávit cum illis in templum, ámbulans, et exiliens, et laudans Deum. Et vidit omnis pópulus eum ambulántem, et laudántem Deum. Cognoscébant autem illum, quòd ipse erat, qui ad eleemósynam sedébat ad Speciósam portam templi: et impléti sunt stupóre et éxtasi, in eo, quod contígerat illi.

Graduale. Ps. 18. In omnem terram exívit sonus eórum: et in fines orbis terræ verba eórum.

V. Cœli enarrant glóriam Dei: et ópera mánuum ejus annúntiat firmaméntum.

Sequéntia sancti Evangélíi secundum Joánnem. *Joann. 21.*

IN illo témpore: Dixit Jesus Simóni Petro: Simon Joánnis, diligis me plus his? Dicit ei: Etiam, Dómine, tu scis quia amo te. Dicit ei: Pasce agnos meos. Dicit ei iterum: Simon Joánnis, diligis me? Ait illi: Etiam, Dómine, tu scis quia amo te. Dicit ei: Pasce agnos meos. Dicit ei tértiò: Simon Joánnis, amas me? Contristátus est Petrus, quia dixit ei tértiò, Amas me? et dixit ei: Dómine, tu ómnia nosti: tu scis quia amo te. Dixit ei: Pasce oves meas. Amen, amen dico tibi: cùm esses júnior, cingébas te, et ambulábas ubi volébas: cùm autem senúeris, exténdes manus tuas, et álius te cinget, et ducet quò tu non vis. Hoc autem dixit, significans qua morte clarificatúrus esset Deum.

Offertorium. Ps. 138. Mihi autem nimis honorāti sunt amici tui, Deus : nimis confortātus est principātus eórum.

Secreta.

MUNUS pópuli tui, quæsumus, Dómine, Apostólica intercessióne sanctifica : nosque à peccatorum nostrórum máculis emúnda. Per Dóminum, etc.

Communio. Joann. 21. Simon Joánnis, diligis me plus his ? Dómine, tu ómnia nosti : tu scis, Dómine, quia amo te.

Postcommunio.

QUOS cœlésti, Dómine, aliménto satiásti, Apostólicis intercessiónibus ab omni adversitatē custódi. Per Dóminum, etc.

DIE XXIX.

SS. APOSTOLORUM PETRI,
ET PAULI.

Introitus. Act. 12.

NUNC scio verè, quia misit Dóminus Angelum suum, et eripuit me de manu Heródis, et de omni expectatióne plebis Judæórum.

Ps. 138. Dómine, probásti me, et cognovísti me : tu cognovísti sessionem meam, et resurrectionem meam.

Ÿ. Glória Patri, etc.

Oratio.

DEUS qui hodiérnam diem Apostolorum tuórum Petri et Pauli martyrio consecrásti : da ecclésiæ tuæ eórum in ómnibus sequi præcéptum, per quos religiónis sumpsit exórdium. Per, etc.

Et non fit commemoratio de S. Paulo, quia Oratio est Communis ; nec de Octava S. Joannis Baptistæ.

Lectio Actuum Apostolorum.

Act. 12.

IN diébus illis : Misit Heródes rex manus, ut affligeret quosdam de ecclésia. Occidit autem Jacóbum fratrem Joánnis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cùm apprehendisset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Oratio autem fiebat sine intermissióne ab ecclésia ad Deum pro eo. Cùm autem productúrus eum esset Heródes, in ipsa nocte erat Petrus dórmienti inter duos milites, vinctus caténis duabus : et custódes ante óstium custodiébant cárcerem. Et ecce Angelus Dómini ástitit : et lumen refúlsit in habitáculo : percussóque latere Petri, excitávit eum, dicens : Surge velociter. Et cecidérunt caténæ de mánibus ejus. Dixit autem Angelus ad eum : Præcingere, et cálcea te cáligas tuas. Et fecit sic. Et dixit illi : Circúmda tibi vestiméntum tuum, et séquere me. Et éxiens sequebátur eum, et nesciébat quia verum est, quod fiebat per Angelum : existimábat autem se visum vidére. Transeúntes autem primam et secúndam custódiám, venérunt ad portam ferream, quæ ducit ad civitatem : quæ ultrò apérta est eis. Et exeúntes processérunt vicum unum : et continuò discéssit Angelus ab eo. Et Petrus ad se revérsus, dixit : Nunc scio verè, quia misit Dóminus Angelum suum, et eripuit me de manu

Heródis, et de omni expectatióne plebis Judæórum.

Graduale. Ps. 44. Constitues eos príncipes super omnem terram : mémoires erunt nóminis tui, Dómine.

Ÿ. Pro pátribus tuis nati sunt tibi filii : propterea pópuli confitebúntur tibi.

Allelúia, allelúia. Ÿ. *Matth. 16.* Tu es Petrus, et super hanc petram ædificábo Ecclésiám meam. Allelúia.

Sequéntia sancti Evangélíi secúndum Matthæum. *Matth. 16.*

IN illo témpore : Venit Jesus in partes Cæsaráe Philíppi, et interrogábat discipulos suos, dicens : Quem dicunt hómines esse Filium hóminis ? At illi dixérunt : Alii Joánnem Baptistam, álii autem Eliám, álii verò Jeremíam, aut unum ex Prophétis. Dicit illis Jesus : Vos autem quem me esse dicitis ? Respóndens Simon Petrus, dixit : Tu es Christus Fílius Dei vivi. Respóndens autem Jesus, dixit ei : Beátus es Simon Bar-Jóna : quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cœlórum. Et quodcúmque ligáveris super terram, erit ligátum et in cœlis : et quodcúmque sólveris super terram, erit solútum et in cœlis.

Credo.

Offertorium. Ps. 44. Constitues eos príncipes super omnem terram : mémoires erunt nóminis tui, Dómine, in omni progénie et generatióne.

Secreta.

HOSTIAS, Dómine, quas nómini tuo sacrádas offérimus, Apostólica prosequátur orátio : per quam nos expíati tribuas, et deféndi. Per Dóminum, etc.

Præfatio de Apostolis, fol. 209.

Communio. Matth. 16. Tu es Petrus, et super hanc petram ædificábo Ecclésiám meam.

Postcommunio.

QUOS cœlesti, Dómine, aliménto satiásti, Apostólicis intercessiónibus ab omni adversitaté custódi. Per Dóminum, etc.

DIE XXX.

In Commemoratione
SANCTI PAULI, APOSTOLI.

Introitus. 2 Tim. 1.

SCIO cui crédidi, et certus sum quia potens est depósitum meum serváre in illum diem justus judex.

Ps. 138. Dómine, probásti me, et cognovísti me : tu cognovísti sessionem meam, et resurrectionem meam.

Ÿ. Glória Patri, etc.

Oratio.

DEUS, qui multitudínem gentium beáti Pauli Apóstoli prædicatióne docuísti : da nobis, quæsumus ; ut, cujus natalítia cólimus, ejus apud te patrocínia sentiámus. Per Dóminum, etc.

Et fit commemoratio S. Petri Apostoli.

Oratio.

DEUS, qui beáto Petro Apóstolo tuo, collátis clávis regni

cœlestis, ligandi atque solvendi Pontificium tradidisti : concède, ut intercessiōnis ejus auxilio à peccatorum nostrorum nexibus liberemur.

Deinde fit commemoratio S. Joannis, præterquam in Ecclesia propria sancti Pauli.

Oratio.

DEUS, qui præsentem diem honorabilem nobis in beati Joannis nativitate fecisti : da populis tuis spirituâlium grâtiâ gaudiorum, et omnium fideliû mentes dirige in viam salutis æternæ. Per Dôminum, etc.

Lectio Epistolæ beati Pauli Apostoli ad Gálatas. *Galat. 1.*

FRATRES, Notum vobis fácio Evangelium, quod evangelizatum est à me, quia non est secundum hominem : neque enim ego ab homine accépi illud, neque didici, sed per revelatiōnem Jesu Christi. Audistis enim conversatiōnem meam aliquândo in Judaïsimo : quoniam supra modum persequébar Ecclesiâ Dei, et expugnâbam illam, et proficiébam in Judaïsimo supra multos cœliâneos meos in genere meo, abundantiûs æmulâtor existens paternarum meârû traditiônû. Cùm autem placuit ei, qui me segregâvit ex útero matris meæ, et vocâvit per grâtiâ suam, ut revelâret Filium suum in me, ut evangelizârem illum in gentibus : contínuò non acquievi carni et sanguini, neque veni Jerosólymam ad antecessôres meos Apóstolos : sed ábii in Arábiam ; et iterûm revêrsus sum Damáscum : deinde post annos tres veni Jerosólymam vidére Petrum, et mansi apud eum diébus quíndecim : álium autem Apostolorum vidi neminem, nisi Jacóbum fratrem Dô-

mini. Quæ autem scribo vobis, ecce coram Deo, quia non méntior.

Graduale. Galat. 2. Qui operatus est Petro in Apostolátum, operatus est et mihi inter gentes : et cognovérunt grâtiâ Dei, quæ data est mihi.

V. 1 Cor. 15. Grâtiâ Dei in me vácuâ non fuit : sed grâtiâ ejus semper in me manet.

Allelúia, allelúia. *V.* Sancte Paule Apóstole, prædicâtor veritatis, et Doctor gentium, intercède pro nobis. Allelúia.

Sequéntia sancti Evangélii secundum Matthæum. *Matth. 10.*

IN illo tẽpore : Dixit Jesus discipulis suis : Ecce ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in conciliis, et in synagógis suis flagellábunt vos : et ad præsides et ad reges ducémini propter me, in testimoniû illis, et gentibus. Cùm autem tradent vos, nolíte cogitare quómodo, aut quid loquámini : dábitur enim vobis in illa hora quid loquámini. Non enim vos estis qui loquimini, sed Spíritus Patris vestri, qui lóquitur in vobis. Tradet autem frater fratrem in mortem, et pater filium : et insurgént filii in paréntes, et morte eos afficient. Et éritis odio omnibus propter nomen meum. Qui autem perseveráverit usque in finem, hic salvus erit.

Credo.

Offertorium. Ps. 138. Mihi autem nimis honorâti sunt amici tui, Deus : nimis confortâtus est principâtus eórum.

Secreta.

APOSTOLI tui Pauli précibus, Dómine, plebis tuæ dona

sanctifica : ut quæ tibi tuo grata sunt instituto, gratioŕa fiant patrocinio supplicantis. Per, etc.

Pro S. Petro Apostolo.

Secreta.

ECCLESIE tuæ, quæsumus, Dómine, preces et hóstias beati Petri Apóstoli comméndet oratio : ut, quod pro illius glória celebrámus, nobis prosit ad véniam.

Pro S. Joanne Baptista.

Secreta.

TUA, Dómine, munéribus altaria cumulámus, illius nativitatem honóre débito celebránte, qui salvatórem mundi et cécinit adfutúrum, et adesse monstrávit, Dóminum nostrum Jesum Christum Filium tuum. Qui tecum vivit et regnat, etc.

Præfatio de Apostolis, fol. 209.

Communio. Matth. 19. Amen dico vobis, quòd vos qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio.

PERCEPTIS, Dómine, sacraméntis, beáto Paulo Apóstolo tuo interveniénte, deprecámur ; ut, quæ pro illius celebráta sunt glória, nobis proficiant ad medélam. Per Dóminum, etc.

Pro S. Petro Apostolo.

Postcommunio.

LÆTIFICET nos, Dómine, munus oblátum : ut, sicut in Apóstolo tuo Petro te miráblem prædicámus, sic per illum tuæ sumámus indulgéntiæ largitátem.

Pro S. Joanne Baptista.

Postcommunio.

SUMAT Ecclesia tua, Deus, beáti Joánnis Baptístæ generatióne lætítiam : per quem suæ regeneratiónis cognóvit auctórem, Dóminum nostrum Jesum Christum Filium tuum. Qui tecum vivit, etc.

FESTA JULII.

DIE I.

In Octava Nativitatis

S. JOANNIS BAPTISTÆ.

Missa ut in die festo, fol. 413, cum commemoratione Octavæ Sanctorum Apostolorum, ut supra in eorum festo, fol. 419 ; et dicitur Credo et Præfatio de Apostolis, fol. 209.

DIE II.

VISITATIONIS B. MARIE VIRGINIS.

Introitus. Sedulius.

SALVE, sancta Parens, eníxa puérpera Regem : qui cœlum terrámque regit in sæcula sæculórum.

Ps. 44. Eructávit cor meum verbum bonum : dico ego ópera mea Regi.

Ÿ. Glória Patri, etc.

Oratio.

FAMULIS tuis, quæsumus, Dómine, cœlestis grátiae munus impertíre : ut, quibus beátæ Virgínis partus éxtitit salútis exórdium, Visitationis ejus votíva solémnitas pacis tríbuat increméntum. Per, etc.

Pro commemoratione Sanctorum Apostolorum Petri et Pauli.

Oratio.

DEUS, qui hodiernam diem Apostolorum tuorum Petri et Pauli martyrio consecrasti: da Ecclesiæ tuæ eorum in omnibus sequi præceptum, per quos religionis sumpsit exordium.

Pro SS. Martyribus Processo et Martiniano.

Oratio.

DEUS, qui nos sanctorum Martyrum tuorum Procèssi et Martiniáni gloriosis confessionibus circumdas et protegis: da nobis et eorum imitatione proficere, et intercessionem gaudere. Per, etc.

Lectio libri Sapiéntiæ. Cant. 2.

ECCE iste venit saliens in montibus, transiliens colles: similis est dilectus meus capræ, hinnuloque cervorum. En ipse stat post parietem nostrum, respiciens per fenestras, prospiciens per cancellos. En dilectus meus loquitur mihi: Surge, pròpera, amica mea, columba mea, formosa mea, et veni. Jam enim hiems transiit, imber abiit et recessit. Flores apparuerunt in terra nostra: tempus putationis advénit: vox turturis audita est in terra nostra: ficus protulit grossos suos: vineæ floréntes dedérunt odorem suum. Surge, amica mea, speciosa mea, et veni: columba mea in foraminibus petrae, in caverna maceræ, ostende mihi faciem tuam: sonet vox tua in auribus meis: vox enim tua dulcis, et facies tua decora.

Graduale. Benedicta et venerabilis es, Virgo María, quæ sine tactu

pudoris, inventa es Mater Salvatoris.

V. Virgo Dei génitrix, quem totus non capit orbis, in tua se clausit viscera factus homo.

Allelúia, allelúia. *V.* Felix es, sacra Virgo María, et omni laude dignissima: quia ex te ortus est sol justitiæ, Christus Deus noster. Allelúia.

Sequéntia sancti Evangélii secundum Lucam. *Luc. 1.*

IN illo tempore: Exurgens María, abiit in montana cum festinatione in civitatem Juda: et intravit in domum Zachariæ, et salutavit Elisabeth. Et factum est, ut audivit salutationem Mariæ Elisabeth, exultavit infans in útero ejus: et repléta est Spiritu sancto Elisabeth, et exclamavit voce magna, et dixit. Benedicta tu inter mulieres, et benedictus fructus ventris tui. Et unde hoc mihi, ut veniat Mater Domini mei ad me? Ecce enim ut facta est vox salutationis tuæ in auribus meis, exultavit in gaudio infans in útero meo. Et beata, quæ credidisti, quoniam perficiuntur ea, quæ dicta sunt tibi à Domino. Et ait María: Magnificat ánima mea Dominum: et exultavit spiritus meus in Deo salutari meo.

Credo.

Offertorium. Beata es, Virgo María, quæ omnium portasti Creatorem: genuisti qui te fecit, et in ætérnum pérmanes Virgo.

Secreta.

UNIGENITI tui, Domine, nobis succurrat humanitas: ut, qui natus de Virgine, matris integritatem non minuit, sed sacravit; in Visitationis ejus solémniis, nostris nos piaculis exuens, oblationem nostram tibi faciat acceptam Jesus

Christus Dóminus noster. Qui tecum vivit, etc.

Pro Sanctis Apostolis.

Secreta.

HOSTIAS, Dómine, quas nómini tuo sacrándas offérimus, Apostólica prosequátur orátio : per quam nos expiári tribuas et deféndi.

Pro Sanctis Martyribus.

Secreta.

SUSCIPE, Dómine, preces et múnera, quæ ut tuo sint digna conspéctu, Sanctórum tuórum précibus adjuvémur. Per, etc.

Præfatio de Beata Maria, Et te in Visitatione, fol. 208.

Communio. Beáta viscera Mariæ Virginis, quæ portavérunt æténi Patris Fílium.

Postcommunio.

SUMPSIMUS, Dómine, celebrátis ánnuæ votíva sacraménta : præsta, quæsumus, ut et temporális viæ nobis remédia præbeant et æténnæ. Per, etc.

Pro Sanctis Apostolis.

Postcommunio.

QUOS cœlésti, Dómine, aliménto satiásti, Apostólicis intercessiónibus ab omni adversitaté custódi.

Pro Sanctis Martyribus.

Postcommunio.

CORPORIS sacri, et pretiósí Sanguinis repléti libámine, quæsumus, Dómine Deus noster ; ut, quod pia devotióne gérimus, certa redemptione capiámus. Per eúmdem Dóminum, etc.

DIE III, IV ET V.

Infra Octavam

SS. APOSTOLORUM PETRI ET PAULI.

Introitus. Ps. 138.

MIHI autem nimis honorátí sunt amici tui, Deus : nimis confortátus est principátus eórum.

Ps. ibid. Dómine, probásti me et cognovísti me : tu cognovísti sessionem meam et resurrectionem meam.

V. Glória Patri, etc.

Oratio.

DEUS, qui hodiérnam diem Apostolórum tuórum Petri et Pauli martyrio consecrásti : da Ecclésiæ tuæ eórum in ómnibus sequi præcéptum, per quos religionis sumpsit exórdium. Per, etc.

Secunda Oratio de Sancta Maria, Concède ; tertia, Ecclésiæ, vel pro Papa, fol. 237.

Léctio Actuum Apostolórum.

Act. 5.

IN diébus illis : Per manus Apostolórum fiébant signa et prodígia multa in plebe. Et erant unanimiter omnes in pórticu Salomónis. Ceterórum autem nemo audébat se conjúngere illis : sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in plateas ejícerent infirmos, et pónerent in léctulis ac grabátis, ut veniente Petro, saltem umbra illíus obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos à spirítibus immúndis, qui curabántur omnes.

Graduale. Ps. 44. Constitues eos principes super omnem terram : mémores erunt nóminis tui, Dómine.

Ÿ. Pro pátribus tuis nati sunt tibi filii : proptérea pópuli confitebúntur tibi.

Allelúia, allelúia. Ÿ. *Luc. 22.* Rogávi pro te, Petre, ut non deficiat fides tua : et tu aliquándo conversus confirma fratres tuos. Allelúia.

Sequéntia sancti Evangélli secúndum Matthæum. *Matth. 19.*

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis ? Jesus autem dixit illis : Amen dico vobis, quòd vos qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israél. Et omnis qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cén-tuplum accípiet, et vitam ætérnam possidébit.

Credo.

Offertorium. Ps. 18. In omnem terram exívit sonus eórum : et in fines orbis terræ verba eórum.

Secreta.

HOSTIAS, Dómine, quas nómini tuo sacrádas offérimus, Apostólica prosequátur orátio, per quam nos expiári tribuas, et deféndi. Per Dóminum, etc.

Secunda Secreta, Tua, Dómine ; *tertia, Prótege, vel Oblátis, fol. 237.*

Præfatio de Apostolis, fol. 209.

Communio. Matth. 19. Vos qui

3 D

secúti estis me, sedébitis super sedes, judicántes duódecim tribus Israél.

Postcommunio.

QUOS cœlésti, Dómine, ali-ménto satiásti, Apostólicis intercessiónibus ab omni adversitaté custódi. Per Dóminum, etc.

Secunda Postcommunio, Sumptis, Dómine ; *tertia, Quæsumus, Dómine, vel Hæc nos, fol. 238.*

DIE VI.

In Octava SS. Apostolorum
P E T R I E T P A U L I .

Introitus. Eccli. 44.

SAPIENTIAM Sanctórum narrent pópuli, et laudes eórum núntiet Ecclésia : nómina autem eórum vivent in sæculum sæculi.

Ps. 32. Exultáte justi in Dómino : rectos decet collaudátio.

Ÿ. Glória Patri, etc.

Oratio.

DEUS, cujus dextera beátum Petrum ambulántem in flúctibus, ne mergerétur, eréxit ; et coapóstolum ejus Paulum, tértiò naufragántem, de profúndo pélagi liberávit : exáudi nos propítius, et concéde ; ut ambórum méritis, æternitátis glóriam consequámur. Qui vivis, etc.

Léctio libri Sapiéntiæ. *Eccl. 44.*

HI viri misericórdiæ sunt, quorum pietátes non defuérun : cum sémine eórum pérmanent bona, hæréditas sancta nepótes eórum, et in testaméntis stetit semen eórum : et filii eórum propter illos usque in ætérnum manent :

semen eorum et gloria eorum non derelinquétur. Corpora ipsorum in pace sepulta sunt, et nomen eorum vivit in generatióem et generatióem. Sapientiam ipsorum narrent populi, et laudem eorum nuntiet Ecclesia.

Graduale. Sap. 3. Justorum animæ in manu Dei sunt, et non tanget illos tormentum malitiæ.

Ÿ. Visi sunt oculis insipientium mori: illi autem sunt in pace.

Allelúia, allelúia. Ÿ. Luc. 22. Vos estis, qui permansistis mecum in tentationibus meis: et ego dispono vobis regnum, ut sedeatis super thronos, iudicantes duodecim tribus Israël. *Allelúia.*

Sequéntia sancti Evangélíi secundum Matthæum. *Matth. 14.*

IN illo tēpre: Cōpulit Jesus discipulos ascēdere in naviculam, et præcedere eum trans fretum, donec dimitteret turbas. Et dimissa turba, ascēdit in montem solus orare. Vespere autem factō, solus erat ibi. Navícula autem in medio mari jactabatur fluctibus: erat enim contrarius ventus. Quarta autem vigilia noctis venit ad eos ambulans super mare. Et vidētes eum super mare ambulāntem, turbāti sunt, dicētes: Quia phantasma est. Et præ timóre clamavērunt. Statimque Jesus locutus est eis, dicens: Habēte fidúciā: ego sum, nolite timēre. Respōdens autem Petrus, dixit: Dómine, si tu es, jube me ad te venire super aquas. At ipse ait: Veni. Et descēdens Petrus de navícula, ambulabat super aquam ut veniret ad Jesum. Videns verò ventum vālidum, tímuit: et cūm cōpisset mergi, clamāvit, dicens: Dómine, salvum me fac. Et cōtinuò Jesus extēdens manum, ap-

prehēdit eum, et ait illi: Módicæ fidei, quare dubitasti? Et cūm ascendissent in naviculam, cessāvit ventus. Qui autem in navícula erant, venērunt, et adoravērunt eum, dicētes: Verè Fílius Dei es.

Credo.

Offertorium. Ps. 149. Exultabunt sancti in glória, lætabúntur in cubilibus suis: exaltatióes Dei in fáucibus eorum.

Secreta.

OFFERIMUS tibi, Dómine, preces et múnera; quæ, ut tuo sint digna conspéctu, Apostolorum tuorum Petri et Pauli précibus adjuvémur. Per Dóminum, etc.

Præfatio de Apostolis, fol. 209.

Communio. Sap. 3. Justorum animæ in manu Dei sunt, et non tanget illos tormentum malitiæ: visi sunt oculis insipientium mori, illi autem sunt in pace.

Postcommunio.

PROTEGE, Dómine, pópulum tuum: et Apostolorum tuorum Petri et Pauli patrocínio confidētem, perpétua defensióne conserva. Per Dóminum, etc.

DIE VIII.

S. ELISABETH REGINÆ

Portugalliæ, Viduæ.

Missæ, Cognóvi, Dómine, de Comuni nec Virg. nec Martyr., fol. 31, præter Orationem sequentem.*

Oratio.

CLEMENTISSIME Deus, qui beátam Elisabeth Reginam, inter céteras egrégias dotes, bélici

furoris sedandi prerogativa decorasti: da nobis, ejus intercessione, post mortalis vitae, quam suppliciter petimus, pacem, ad aeterna gaudia pervenire. Per Dominum, etc.

DIE X.

SS. SEPTEM FRATRUM, AC
RUFINAE ET SECUNDÆ,

Virginum et Martyrum.

Introitus. Ps. 112.

LAUDATE pueri Dominum, laudate nomen Domini: qui habitare facit sterilem in domo, matrem filiorum letantem.

Ps. ibid. Sit nomen Domini benedictum, ex hoc nunc, et usque in saeculum.

Ÿ. Glória Patri, et Filio, etc.

Oratio.

PRÆSTA, quæsumus, omnipotens Deus; ut, qui gloriosos Martyres fortes in sua confessione cognovimus, pios apud te in nostra intercessione sentiamus. Per, etc.

Lectio libri Sapientiae. *Prov. 31.*

MULIEREM fortem quis inveniet? Procul et de ultimis finibus pretium ejus. Confidit in ea cor viri sui, et spoliis non indigebit. Reddet ei bonum, et non malum omnibus diebus vitae suae. Quæsit lanam et linum, et operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, et cibaria ancillis suis. Consideravit agrum, et emit eum: de fructu manuum suarum plantavit vineam. Accinxit fortitudine lumbos suos, et roboravit brachium

suum. Gustavit, et vidit quia bona est negotiatio ejus: non extinguetur in nocte lucerna ejus. Manum suam misit ad fortia, et digitus ejus apprehenderunt fusum. Manum suam aperuit inopi, et palmas suas extendit ad pauperem. Non timebit domui suae à frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus et purpura indumentum ejus. Nobilis in portis vir ejus, quando sederit cum senatoribus terrae. Sindonem fecit, et vendidit, et cingulum tradidit Chanaanæo. Fortitudo et decor indumentum ejus, et ridebit in die novissimo. Os suum aperuit sapientiae, et lex clementiae in lingua ejus. Consideravit semitas domus suae, et panem otiosa non comedit. Surrexerunt filii ejus, et beatissimam predicaverunt: vir ejus et laudavit eam. Multae filiae congregaverunt divitias: tu supergressa es universas. Fallax gratia, et vana est pulchritudo: mulier timens Dominum, ipsa laudabitur. Date ei de fructu manuum suarum, et laudent eam in portis opera ejus.

Graduale. Ps. 123. Anima nostra, sicut passer, erepta est de laqueo venantium.

Ÿ. Laqueus contritus est, et nos liberati sumus: adiutorium nostrum in nomine Domini, qui fecit caelum et terram.

Allelúia, allelúia. Ÿ. Hæc est vera fraternitas, quæ vicit mundi crimina: Christum secuta est, inclyta tenens regna coelestia. Allelúia.

Sequentia sancti Evangelii secundum Matthæum. *Matth. 12.*

IN illo tempore: Loquente Jesu ad turbas, ecce Mater ejus et fratres stabant foris, quærentes loqui

ei. Dixit autem ei quidam : Ecce Mater tua et fratres tui foris stant, quærentes te. At ipse respondens dicenti sibi, ait : Quæ est mater mea, et qui sunt fratres mei ? Et extendens manum in discipulos suos, dixit : Ecce mater mea et fratres mei. Quicumque enim fecerit voluntatem Patris mei, qui in cœlis est, ipse meus frater, et soror, et mater est.

Offertorium. Ps. 123. Anima nostra, sicut passer, erepta est de laqueo venantium : laqueus contritus est, et nos liberati sumus.

Secreta.

SACRIFICIIS præsentibus, quæsumus, Dómine, inténde placatus : et, intercedentibus Sanctis tuis, devotiōni nostræ proficiant, et salutí. Per Dóminum, etc.

Communio. Matth. 12. Quicumque fecerit voluntatem Patris mei, qui in cœlis est, ipse meus frater, et soror, et mater est, dicit Dóminus.

Postcommunio.

QUÆSUMUS, omnipotens Deus ; ut, intercedentibus sanctis tuis, illius salutáris capiamus effectum, cujus per hæc mystéria pignus accépimus. Per, etc.

DIE XI.

S. PII, PAPÆ ET MART.

Missa, Státuit, etc., ut in Communi unius Martyris Pontificis, fol. 2.*

DIE XII.

S. JOANNIS GUALBERTI, ABBATIS.

Introitus. Ps. 36.

OS justi meditabitur sapiéntiam, et lingua ejus loquétur judicium : lex Dei ejus in corde ipsius.

Ps. ibid. Noli æmulári in malignántibus : neque zeláveris faciéntes iniquitátem.

Ÿ. Glória Patri, etc.

Oratio.

INTERCESSIO nos, quæsumus, Dómine, beáti Joánnis Abbátis comméndet : ut, quod nostris méritis non valémus, ejus patrocinio assequámur. Per, etc.

Pro commemoratione SS. Naboris et Felicis, Martyr.

Oratio.

PRÆSTA, quæsumus, Dómine ; ut, sicut nos sanctórum Mártirum tuórum Náboris et Felicis natalítia celebránda non deserunt, ita júgiter suffrágiis comiténtur. Per Dóminum, etc.

Lectio libri Sapiéntiæ. *Eccl. 45.*

DILECTUS Deo et homínibus, cujus memória in benedictióne est. Símilem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsius sanctum fecit illum, et elégit eum ex omni carne. Audívit enim eum et vocem ipsius, et indúxit illum in nubem. Et dedit illi coram præcépta, et legem vitæ et disciplinæ.

Graduale. Ps. 20. Dómine, prævenisti eum in benedictionibus dulcédinis: posuisti in cápite ejus coronam de lápide pretiósó.

V. Vitam pétii à te, et tribuisti ei longitúdinem diérum in sæculum sæculi.

Allelúia, allelúia. V. Ps. 91. Justus ut palma florébit: sicut cedrus Libani multiplicábitur. *Allelúia.*

Sequéntia sancti Evangélíi secúndum Matthæum. *Matth. 5.*

IN illo témpore: Dixit Jesus discípulis suis: Audistis quia dictum est: Diliges próximum tuum, et ódio habébis inimicum tuum. Ego autem dico vobis: Dilígite inimicos vestros, benefácite his qui odérunt vos: et oráte pro persecúentibus et calumniántibus vos: ut sitis filii Patris vestri, qui in cœlis est: qui solem suum oríri facit super bonos et malos, et pluit super justos et injústos. Si enim dilígitis eos qui vos diligunt, quam mercédem habébitis? nonne et publicáni hoc faciunt? Et si salutavéritis fratres vestros tantum, quid ámpliùs fácitis? nonne et éthnici hoc faciunt? Estóte ergo vos perfécti, sicut et Pater vester cœléstis perféctus est.

Offertorium. Ps. 20. Desidérium animæ ejus tribuisti ei, Dómine, et voluntáte labiórú ejus non fraudásti eum: posuisti in cápite ejus coronam de lápide pretiósó.

Secreta.

SACRIS altáribus, Dómine, hóstias superpósitas sanctus Joánnes Abbas, quæsumus, in salutem nobis proveníre depóscat. Per Dóminum, etc.

Pro Sanctis Nabore et Felice, Martyr.

Secreta.

MUNERA plebis tuæ, quæsumus, Dómine sanctórum Mátyrú tuórum Náboris et Felicis fiant grata suffrágiis: et, quorum triúmphis tuo nómini offerúntur, ipsórum digna perficiántur et méritis. Per Dóminum, etc.

Communio. Luc. 12. Fidélis servus et prudens, quem constituit dóminus super familiam suam, ut det illis in témpore tritici mensúram.

Postcommunio.

PROTEGAT nos, Dómine, cum tui perceptióne sacraménti, beátus Joánnes Abbas pro nobis intercedéndo: ut et conversatiónis ejus experiámur insígnia, et intercessiósni percipiámus suffrágia. Per Dóminum, etc.

Pro Sanctis Nabore et Felice, Mart.

Postcommunio.

NATALITIIS sanctórum tuórum, quæsumus, Dómine, ut sacraménti múnere vegetáti, bonis, quibus per tuam grátiam nunc fovémur, perfruámur ætérnis. Per Dóminum, etc.

DIE XIII.

SANCTI ANACLETI,
Papæ et Martyris.

Missa, Sacerdótes Dei, de Comuni unius Martyris Pontif., fol. 3.*
Evangeliúm verò, Si quis venit ad me, de eod. Comuni, primo loco, fol. 2.*

DIE XIV.

S. BONAVENTURÆ,

Episcopi, Confessoris, et Ecclesiæ
Doctoris.*Introitus. Eccl. 15.*

IN médio ecclésiæ aperuit os
ejus: et implévit eum Dóminus
spíritu sapiéntiæ et intelléctus: sto-
lam glóriæ induit eum.

Ps. 91. Bonum est confitéri Dó-
mino, et psállere nómini tuo, Altis-
sime.

V. Glória Patri, et Filio, etc.

Oratio.

DEUS, qui pópulo tuo æternæ
salútis beátum Bonaventúram
ministrum tribuísti: præsta, quæsu-
mus; ut, quem Doctórem vitæ
habuimus in terris, intercessórem
habére mereámur in cœlis. Per
Dóminum, etc.

Lectio Epístolæ beáti Pauli Apóstoli
ad Timótheum. 2 *Tim. 4.*

CARISSIME, Testificor coram
Deo, et Jesu Christo, qui judi-
cáturus est vivos et mórtuos, per
advéntum ipsíus, et regnum ejus:
prædica verbum, insta opportunè,
importunè: árgue, óbseca, increpa
in omni patiéntia, et doctrina. Erit
enim tempus, cùm sanam doctri-
nam non sustinébunt, sed ad sua
desidéria coacervábunt sibi magis-
tros, pruriéntes áuribus: et à veri-
tate quidem auditum avértent, ad
fábulas autem converténtur. Tu
verò vigila, in ómnibus labóra, opus
fac Evangelistæ, ministérium tuum
imple. Sóbrius esto. Ego enim
jam delíbor, et tempus resolutiónis
meæ instat. Bonum certámen cer-
távi, cursum consummávi, fidem
servávi. In réliquo repósita est
mihi coróna justitiæ, quam reddet

mihi Dóminus in illa die justus
judex: non solùm autem mihi, sed
et iis qui diligunt advéntum ejus.

Graduale. Ps. 36. Os justi
meditábitur sapiéntiam, et lingua
ejus loquétur judícium.

V. Lex Dei ejus in corde ipsíus:
et non supplantabúntur gressus ejus.

Allelúia, allelúia. V. Ps. 109.
Jurávit Dóminus, et non pœnitébit
eum: Tu es sacérdos in ætérnum
secúndum órđinem Melchisedech.
Allelúia.

Sequéntia sancti Evangélíi secún-
dum Matthæum. *Matth. 5.*

IN illo témpore: Dixit Jesus dis-
cipulis suis: Vos estis sal terræ.
Quòd si sal evanúerit, in quo saliétur?
Ad nihilum valet ultrà, nisi
ut mittátur foràs, et conculcétur ab
homínibus. Vos estis lux mundi.
Non potest civitas abscondi supra
montem pósita. Neque accéndunt
lucérnam, et ponunt eam sub mó-
dio, sed super candelábrum, ut
lúceat ómnibus qui in domo sunt.
Sic lúceat lux vestra coram homí-
nibus, ut vídeant ópera vestra bona,
et gloríficent Patrem vestrum, qui
in cœlis est. Nolíte putáre quóni-
am veni sólvere legem, aut prophé-
tas: non veni sólvere, sed adim-
plére. Amen quippe dico vobis,
donec tránseat cœlum et terra, ióta
unum, aut unus apex non præter-
íbit à lege, donec ómnia fiant. Qui
ergo sólverit unum de mandátis
istis mínimis, et docúerit sic hómi-
nes, mínimus vocábitur in regno
cœlórum: qui autem fécerit et do-
cúerit, hic magnus vocábitur in
regno cœlórum.

Credo.

Offertorium. Ps. 88. Véritas
mea, et misericórdia mea cum ipso:
et in nómine meo exaltábitur cornu
ejus.

Secreta.

SANCTI Bonaventuræ Confessoris tui atque Pontificis, quæsumus, Dómine, ánnua solémnitas pietáti tuæ nos reddat accéptos : ut per hæc piæ placatiónis officia et illum beáta retribútio comitétur, et nobis grátia tuæ dona concíliet. Per Dóminum, etc.

Communio. Luc. 12. Fidélis servus et prudens, quem constituit dóminus super familiam suam, ut det illis in témpore tritici mensúram.

Postcommunio.

DEUS, fidélium remunerátor animárum, præsta ; ut beáti Bonaventuræ Confessoris tui atque Pontificis, cujus venerándam celebrámus festivitátem, précibus indulgéntiam consequámur. Per, etc.

DIE XV.

SANCTI HENRICI,
Confessoris.

Missa, Os justi, etc., ut in Comuni Confessoris non Pontificis, fol. 20, præter Orationem sequentem.*

Oratio.

DEUS, qui hodiérna die beátum Henricum Confessórem tuum, è terréni cúlmine Impérii, ad regnum ætérnum transtulísti : te súpplices exorámus ; ut, sicut illum grátia tuæ ubertáte prævéntum illécebras sæculi superáre fecísti, ita nos fácias, ejus imitatióne, mundi hujus blandiménta vitáre, et ad te puris méntibus pervenire. Per, etc.

DIE XVI.

BEATÆ MARIÆ VIRGINIS,
De Monte Carmelo.

Introitus.

GAUDEAMUS omnes in Dómino, diem festum celebrántes sub honóre beátæ Mariæ Virgínis : de cujus solemnitáte gaudent Angeli, et collándant Filium Dei.

Ps. 44. Eructávit cor meum verbum bonum : dico ego ópera mea Regi.

Ÿ. Glória Patri, etc.

Oratio.

DEUS, qui beatíssimæ semper Virgínis et Genitrícis tuæ Mariæ singulári título Carméli Ordinem decorásti : concéde propítius ; ut, cujus hodiè commemoratiónem solémni celebrámus officio, ejus muníti præsídiis, ad gáudia sempitérna pervenire mereámur. Qui vivis et regnas, etc.

Léctio libri Sapiéntiæ. *Eccl. 24.*

EGO quasi vitis fructificávi suavitátem odóris : et flores mei, fructus honóris et honestátis. Ego Mater pulchræ dilectiόνis, et timóris, et agnitiόνis, et sanctæ spei. In me grátia omnis viæ et veritátis : in me omnis spes vitæ et virtútis. Transíte ad me omnes qui concupiscitis me, et à generatióibus meis implémini. Spíritus enim meus super mel dulcis, et hæréditas mea super mel et favum. Memória mea in generatióes sæculórum. Qui edunt me, adhuc esúrient : et qui bibunt me, adhuc sítient. Qui audit me, non confundétur : et qui operántur in me, non peccábunt. Qui elúcidant me, vitam ætérnam habébunt.

Graduale. Benedicta et venerá-

bilis es, Virgo María, quæ sine tactu pudoris, inventa es Mater Salvatoris.

Ÿ. Virgo Dei Genitrix, quem totus non capit orbis, in tua se clausit viscera factus homo.

Allelúia, allelúia. *Ÿ.* Per te, Dei Genitrix, nobis est vita perdata : quæ de cælo suscepisti prolem, et mundo genuisti Salvatorem. Allelúia.

Sequéntia sancti Evangelii secúndum Lucam. *Luc. 11.*

IN illo témpore : Loquente Jesu ad turbas, extóllens vocem quædam mûlier de turba, dixit illi : Beátus venter qui te portávit, et úbera quæ suxísti. At ille dixit : Quinímmò, beáti qui áudiunt verbum Dei, et custódiunt illud.

Credo.

Offertorium. Recordáre, Virgo Mater, in conspéctu Dei, ut loquáris pro nobis bona, et ut avértat indignationem suam à nobis.

Secreta.

SANCTIFICA, Dómine, quæsumus, obláta libámina : et beátæ Dei Genitricis Mariæ saluberrima intercessióne, nobis salutária fore concéde. Per eúmdem Dóminum nostrum, etc.

Præfatio de Beata Maria, Et te in Commemoratione beátæ Mariæ, etc., fol. 208.

Communio. Regina mundi digníssima, María Virgo perpétua, intercède pro nostra pace et salúte, quæ genuisti Christum Dóminum Salvatorem ómnium.

Postcommunio.

ADJUVET nos, quæsumus, Dómine, gloriósæ tuæ Genitricis, sempérque Virginis Mariæ intercésio veneránda : ut, quos perpétuis cumulávit beneficiis, à cunctis periculis absolútos, sua fáciat pietáte concórdes. Qui vivis, etc.

DIE XVII.

SANCTI ALEXII,
Confessoris.

Introitus. Ps. 36.

OS justi meditábitur sapiéntiam, et lingua ejus loquétur judícium : lex Dei ejus in corde ipsíus.

Ps. ibid. Noli æmulári in malignántibus : neque zeláveris faciéntes iniquitátem.

Ÿ. Glória Patri, etc.

Oratio.

DEUS, qui nos beáti Aléxii Confessoris tui ánnua solemnitate lætíficas : concéde propítius ; ut, cujus natalítia cólimus, étiam actiões imitémur. Per, etc.

Léctio Epístolæ beáti Pauli Apóstoli ad Timótheum. *1 Tim. 6.*

CARISSIME, Est quæstus magnus píetas cum sufficiéntia. Nihil enim intúlimus in hunc mundum : haud dúbium quòd nec auferre quid pòssumus. Habéntes autem aliménta, et quibus tegámur, his conténti sumus. Nam qui volunt dívites fieri, incidunt in tentatióne, et in láqueum diaboli, et desidéria multa inútilia et nocíva, quæ mergunt hómines in intéritum et perditiónem. Radix enim ómnium malórum est cupiditas : quam quidam appeténtes, erravérunt à

fide, et inseruérunt se dolóribus multis. Tu autem, ô homo Dei, hæc fuge : sectáre verò justítiam, pietátem, fidem, charitátem, patiéntiam, mansuetúdinem. Certa bonum certámen fidei, apprehénde vitam ætérnam.

Graduale. Ps. 91. Justus ut palma florébit : sicut cedrus Líbani multiplicábitur in domo Dómini.

Ÿ. Ad annuntiándum manè misericórdiam tuam, et veritátem tuam per noctem.

Allelúia, allelúia. Ÿ. *Jac. 1.* Beátus vir qui suffert tentatióem : quóniam cùm probátus fúerit, accípiet corónam vitæ. Allelúia.

Sequéntia sancti Evangélíi secúndum Matthæum. *Matth. 19.*

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis ? Jesus autem dixit illis : Amen dico vobis, quòd vos qui secúti estis me, in regeneratióne, cùm séderit Fílius hóminis in sede majestátis suæ, sedébitis et vos super sedes duódecim judicántes duódecim tribus Israël. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

LAUDIS tibi, Dómine, hóstias immolámus in tuórum commemoratióne sanctórum : quibus nos et præséntibus éxui malis confídimus, et futúris. Per, etc.

3 E

Communio. Matth. 24. Beátus servus, quem, cùm vénerit Dóminus, invénerit vigilántem : amen dico vobis, super ómnia bona sua constitúet eum.

Postcommunio.

REFFECTI cibo, potúque cælesti, Deus noster, te súpplices exorámus ; ut, in cujus hæc commemoratióne percépimus, ejus muniámur et précibus. Per, etc.

DIE XVIII.

S. CAMILLI DE LELLIS,
Confessoris.

Introitus. Joann. 15.

MAJOREM hac dilectiόnem nemo habet, ut ánimam suam ponat quis pro amícis suis.

Ps. 40. Beátus qui intélligit super egénium et páuperem : in die mala liberábit eum Dóminus.

Ÿ. Glória Patri, etc.

Oratio.

DEUS, qui sanctum Camillum, ad animárum in extiémo agóne luctántium subsidium, singulári caritátis prærogátiva decorásti : ejus, quæsumus, méritis Spíritum nobis tuæ dilectiόnis infúnde, ut in hora éxitus nostri hostem víncere, et ad cœléstem mereámur corónam perveníre. Per Dóminum nostrum in unitáte ejúsdem Spíritus, etc.

Pro SS. Symphorosa, et Septem Filiis Martyribus.

Oratio.

DEUS, qui nos concédis sanctórum Mártyrum tuórum Symphorósæ et filiórum ejus natalítia

cólere : da nobis in ætérna beatitúdine de eórum societáte gaudére. Per Dóminum, etc.

Léctio Epístolæ beáti Joánnis Apóstoli. 1 *Joann.* 3.

CARISSIMI, Nolite mirári si odit vos mundus. Nos scimus quóniam transláti sumus de morte ad vitam, quóniam dilígimus fratres. Qui non diligit, manet in morte : omnis qui odit fratrem suum, homicída est. Et scitis quóniam omnis homicída non habet vitam ætérnam in semetípso manéntem. In hoc cognóvimus caritátem Dei, quóniam ille ánimam suam pro nobis pósuit : et nos debémus pro frátribus ánimas pónere. Qui habúerit substántiam hujus mundi, et viderit fratrem suum necessitátem habére, et cláuserit viscera sua ab eo : quómodo cáritas Dei manet in eo ? Filioli mei, non diligámus verbo, neque lingua, sed ópere et veritáte.

Graduale. Ps. 36. Os justi meditábitur sapiéntiam, et lingua ejus loquétur júdicium.

Ÿ. Lex Dei ejus in corde ipsíus, et non supplantabúntur gressus ejus.

Allelúia, allelúia. Ÿ. *Ps. 111.* Beátus vir qui timet Dóminum : in mandátis ejus cupit nimis. Allelúia.

Sequéntia sancti Evangélíi secúndum Joánnem. *Joann.* 15.

IN illo témpore : Dixit Jesus discipulis suis : Hoc est præcéptum meum, ut diligátis invicem, sicut diléxi vos. Majórem hac dilectiónem nemo habet, ut ánimam suam ponat quis pro amícis suis. Vos amíci mei estis, si fecéritis quæ ego præcípio vobis. Jam non dicam vos servos, quia servus nescit quid fáciat dóminus ejus. Vos autem

dixi amícos, quia ómnia quæcúmque audívi à Patre meo, nota feci vobis. Non vos me elegístis, sed ego elégi vos, et pósui vos ut eátis, et fructum afferátis, et fructus vester máneat : ut quodcúmque petiéritis Patrem in nómine meo, det vobis.

Offertorium. Ps. 20. In virtúte tua, Dómine, lætábitur justus, et super salutáre tuum exultábit veheménter : desidérium ánimæ ejus tribuísti ei.

Secreta.

HOSTIA immaculáta, qua illud Dómini nostri Jesu Christi imménsæ caritátis opus renovámus, sancto Camillo intercedénte, sit contra omnes córporis et ánimæ infirmitátes salutáre remédium, et in extrémó agóne solátium et tutéla. Per eúmdem Dóminum, etc.

Pro SS. Symphorosa, etc.

Secreta.

MUNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per, etc.

Communio. Matth. 25. Infirmus fui, et visitástis me. Amen, amen dico vobis : quám diu fecístis uni ex his frátribus meis mínimis, mihi fecístis.

Postcommunio.

PER hæc cœléstia aliménta, quæ sancti Camilli Confessóris tui solémnia celebrántes pia devotióne suscepimus ; da, quæsumus, Dómine, ut in hora mortis nostræ sacraméntis refecti, et culpis ómnibus expiati, in sinum misericórdiæ tuæ læti súscipi mereámur. Qui vivis et regnas, etc.

Pro SS. Symphorosa, etc.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis Symphorósa et filiis ejus; ut, quod ore contíngimus, pura mente capiámus. Per Dóminum, etc.

DIE XIX.

S. VINCENTII A PAULO,

Confessoris.

Introitus. Ps. 91.

JUSTUS ut palma florébit: sicut cedrus Líbani multiplicábitur: plantátus in domo Dómini, in átriis domus Dei nostri.

Ps. ibid. Bonum est confitéri Dómino, et psállere nómini tuo, Altíssime.

V. Glória Patri, etc.

Oratio.

DEUS, qui ad evangelizándum paupéribus, et Ecclesiástici ordinis decórem promovéndum, beátum Vincéntium Apostólica virtúte roborásti: præsta, quæsumus; ut, cujus pia mérita venerámur, virtútum quoque instruámur exémples. Per Dóminum, etc.

Léctio Epístolæ beáti Pauli Apóstoli ad Corínthios. 1 Cor. 4.

FRATRES, Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes má-

nibus nostris: maledícimur, et benedicimus: persecutióne pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos hæc scribo, sed ut filios meos charíssimos móneo: in Christo Jesu Dómino nostro.

Graduale. Ps. 36. Os justi meditábitur sapiéntiam, et lingua ejus loquétur júdicium.

V. Lex Dei ejus in corde ipsius: et non supplantabúntur gressus ejus.

Allelúia, allelúia. V. Ps. 111. Beátus vir qui timet Dóminum, in mandátis ejus cupit nimis. Allelúia.

Sequéntia sancti Evangélíi secúndum Lucam. *Luc. 10.*

IN illo témpore: Designávit Dóminus et álios septuagínta duos, et misit illos binos ante faciém suam in omnem civitátem, et locum, quò erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primùm dicite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis; et curáte infirmos, qui in illa sunt, et dicite illis: Appropinquávit in vos regnum Dei.

Offertorium. Ps. 20. In virtúte tua, Dómine, lætábitur justus, et super salutáre tuum exultábit vehementer : desiderium animæ ejus tribuisti ei.

Secreta.

PRÆSTA nobis, quæsumus, omnipotens Deus ; ut nostræ humilitátis oblátio, et pro tuórum tibi grata sit honóre sanctórum, et nos corpore páriter et mente purificet. Per Dóminum nostrum, etc.

Communio. Matth. 19. Amen dico vobis, quòd vos, qui reliquistis ómnia, et secúti estis me, céntuplum accipiétis, et vitam ætérnam possidebitis.

Postcommunio.

QUÆSUMUS, omnipotens Deus ; ut, qui cœléstia aliménta percépimus, intercedente beáto Vincéntio Confessóre tuo, per hæc contra ómnia advérsa muniámur. Per Dóminum, etc.

DIE XX.

S. HIERONYMI ÆMILIANI,
Confessoris.

Introitus. Jer. Thr. 2, 11.

EFFUSUM est in terra jecur meum super contritióne filiae pópli mei, cùm deficeret párvulus et lactens in platéis óppidi.

Ps. 112. Laudáte púeri Dóminum : laudáte nomen Dómini.

Ÿ. Glória Patri, etc.

Oratio.

DEUS misericordiárum Pater, per mérita et intercessiόνem beáti Hierónymi, quem órphanis

adjutórem et patrem esse voluisti, concéde : ut spíritum adoptiόνis, quo filii tui nominámur et sumus, fidéliter custodiámus. Per, etc.

Pro commemoratione S. Margaritæ Virginis et Martyris.

Oratio.

INDULGENTIAM nobis, quæsumus, Dómine, beáta Margarita Virgo et Martyr implóret : quæ tibi grata semper éxitit et mérito castitátis, et tuæ professiόνis virtútis. Per Dóminum, etc.

Lectio Isaíæ Prophætæ. Isa. 58.

FRANGE esuriénti panem tuum, et egénos vagósque induc in domum tuam : cùm videris nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítiùs oriétur, et anteíbit faciém tuam justítia tua, et glória Dómini cólliget te. Tunc invocábis, et Dóminus exáudiet : clamábis, et dicet : Ecce adsum. Si abstúleris de médio tui caténam, et desieris exténdere dígitum, et loqui quod non prodest. Cùm effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídiés. Et réquiem tibi dabit Dóminus semper, et implébit splendóribus ánimam tuam, et ossa tua liberábit, et eris quasi hortus irríguus, et sicut fons aquárum, cujus non deficient aquæ.

Graduale. Prov. 5. Derivéntur fontes tui foràs, et in platéis aquas tuas divide.

Ÿ. *Ps. 111.* Jucúndus homo, qui miserétur, et cómmodat : dispónet sermónes suos in judicio, quia in ætérnum non commovébitur.

Allelúia, allelúia. Ÿ. Dispérsit,

dedit paupéribus : justítia ejus manet in sæculum sæculi. Allelúia.

Sequéntia sancti Evangélii secúndum Matthæum. *Matth. 19.*

IN illo témpore : Obláti sunt Jesu párvuli, ut manus eis impóneret, et oráret. Discípuli autem increpábant eos. Jesus verò ait eis : Sínite párvulos, et nolíte eos prohibére ad me veníre : tálíum est enim regnum cœlórum. Et cùm imposuísset eis manus, ábiit inde. Et ecce unus accédens, ait illi : Magister bone, quid boni fáciam, ut hábeam vitam ætérnam ? Qui dixit ei : Quid me intérogas de bono ? Unus est bonus, Deus. Si autem vis ad vitam ingredi, serva mandáta. Dicit illi : Quæ ? Jesus autem dixit : Non homicídium fácies : Non adulterábis : Non fácies furtum : Non falsum testimónium dices : Honóra patrem tuum, et matrem tuam, et díliges próximum tuum sicut téipsum. Dicit illi adoléscens : Omnia hæc custodívi à juventúte mea : quid adhuc mihi deest ? Ait illi Jesus : Si vis perfectus esse, vade, vende quæ habes, et da paupéribus, et habébis thesáurum in cœlo : et veni, séquere me.

Offertorium. Tobie 12. Quando orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos : ego óbtuli oratió-nem tuam Dómino.

Secreta.

CLEMENTISSIME Deus, qui véteri hómine consúmpto, novum secúndum te in beáto Hierónymo créare dignátus es : da per mérita ipsíus ; ut nos páriter renováti, hanc placatiónis hóstiam in

odórem tibi suavíssimum offerámus. Per Dóminum, etc.

Pro S. Margarita.

Secreta.

HOSTIAS tibi, Dómine, beátæ Margaritæ Vírginis et Mártiris tuæ dicátas méritis benignus assúme, et ad perpétuum nobis tribue proveníre subsidium. Per, etc.

Communio. Jac. 1. Religio munda et immaculáta apud Deum et Patrem, hæc est : Visitáre púillos et víduas in tribulatióne eórum, et immaculátum se custodire ab hoc sæculo.

Postcommunio.

ANGELORUM pane refécti, te, Dómine, suppliciter deprecá-mur ; ut, qui ánnuam beáti Hierónymi Confessóris tui memóriam celebráre gaudémus, ejúsdem étiam et exémplum imitémur, et amplíssimum in regno tuo præmium obtinére valeámus. Per, etc.

Pro Sancta Margarita.

Postcommunio.

DIVINI múnieris largitáte satiáti, quæsumus, Dómine Deus noster ; ut, intercedénte beáta Margarita Vírgine et Mártire tua, in ejus semper participatióne vivámus. Per Dóminum, etc.

DIE XXI.

S. PRAXEDIS VIRGINIS.

Introitus. Ps. 118.

LOQUEBAR de testimóniis tuis in conspéctu regum, et non confundébar : et meditábar in mandátis tuis, quæ diléxi nimis.

Ps. ibid. Beāti immaculāti in via : qui ámbulant in lege Dómini.

Ÿ. Glória Patri, et Filio, etc.

Oratio.

EXAUDI nos, Deus salutáris noster : ut, sicut de beátæ Praxédis Virginis tuæ festivitáte gaudémus, ita piæ devotiónis erudiámur affectu. Per, etc.

Léctio Epístolæ beāti Pauli Apóstoli ad Corínthios. 1 *Cor.* 7.

FRATRES, De virgínibus præcéptum Dómini non hábeo : consílium autem do, tamquam misericórdiam consecútus à Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri ? noli quærere solutióem. Solútus es ab uxóre ? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatióem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : réliquum est, ut et qui habent uxóres, tamquam non habéntes sint : et qui flent, tamquam non flentes : et qui gaudent, tamquam non gaudéntes : et qui emunt, tamquam non possidéntes : et qui utúntur hoc mundo, tamquam non utántur : præterit enim figúra hujus mundi. Volo autem vos sine sollicitúde esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divisus est. Et múlier innúpta, et virgo cógitat quæ Dómini sunt, ut sit sancta córpore et spíritu : in Christo Jesu Dómino nostro.

Graduale. *Ps.* 44. Dilexísti justítiam, et odísti iniquitátem.

Ÿ. Proptérea unxit te Deus, Deus tuus, óleo lætitiæ.

Allelúia, allelúia. Ÿ. Spécie tua, et pulchritúde tua inténde, prospère procède, et regna. Allelúia.

Sequéntia sancti Evangélíi secúndum Matthæum. *Matth.* 13.

IN illo témpore : Dixit Jesus discípulis suis parábolam hanc : Simile est regnum cœlórum thesauro abscondito in agro : quem qui invenit homo, abscondit, et præ gáudio illíus vadit, et vendit universa quæ habet, et emit agrum illum. Iterum simile est regnum cœlórum hómini negotiatóri, quærenti bonas margarítas : invénta autem una pretíosa margaríta, ábiit, et véndidit ómnia quæ hábuit, et emit eam. Iterum símile est regnum cœlórum sagénæ missæ in mare, et ex omni génere piscium congregánti : quam, cùm impléta esset, educéntes, et secus littus sedéntes, elegérunt bonos in vasa, malos autem foràs misérunt. Sic erit in consummatióne sæculi : exibunt Angeli, et separábunt malos de médio justórum, et mittent eos in camínium ignis : ibi erit fletus, et stridor déntium. Intellexístis hæc ómnia ? Dicunt ei : Etiam. Ait illis : Ideò omnis scriba doctus in regno cœlórum, similis est hómini patrifámiliæ, qui profert de thesauro suo nova et vétera.

Offertorium. *Ps.* 44. Diffúsa est grátia in lábiis tuis : proptérea benedíxit te Deus in ætérnum, et in sæculum sæculi.

Secreta.

ACCEPTA tibi sit, Dómine, sacrátæ plebis oblátio pro tuórum honóre sanctórum : quorum se méritis de tribulatióne percepísse cognóscit auxílium. Per, etc.

Communio. *Matth.* 13. Símile

est regnum cœlorum hómini negotiátóri quærénti bonas margaritas : invénta una pretiósa margarita dedit ómnia sua, et comparávit eam.

Postcommunio.

SATIASTI, Dómine, familiam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dóminum, etc.

DIE XXII.

S. MARIE MAGDALENÆ.

Introitus. Ps. 118.

ME expectavérunt peccatóres ut pérderent me : testimónia tua, Dómine, intelléxi : omnis consummationis vidi finem : latum mandátum tuum nimis.

Ps. ibid. Beáti immaculáti in via : qui ámbulant in lege Dómini.

Ÿ. Glória Patri, etc.

Oratio.

BEATÆ Mariæ Magdalénæ, quæsumus, Dómine, suffrágiis adjuvémur : cujus précibus exorátus, quatríduánum fratrem Lázarum vivum ab ínferis resuscitásti. Qui vivis, etc.

Lectio libri Sapiéntiæ. *Cant. 3 et 8.*

SURGAM, et circuibo civitatem : per vicos et platéas quæram quem diligit ánima mea : quæsi illum, et non invéni. Invenérunt me vígiles, qui custódiunt civitatem. Num quem diligit ánima mea, vidístis ? Páululùm cùm pertransíssem eos, invéni quem diligit ánima mea : tenui eum, nec dimittam, donec introducam illum in domum matris meæ, et in cubiculum genitrícis meæ. Adjúro vos,

filia Jerúsalem, per cápreas, cervósque campórum, ne suscitétis, neque evigiláre faciátis diléctam, donec ipsa velit. Pone me ut signáculum super cor tuum, ut signáculum super bráchium tuum : quia fortis est ut mors diléctio, dura sicut inférnus æmulátio : lámpades ejus, lámpades ignis atque flammárum. Aquæ multæ non potuérunt extinguere charitatem, nec flúmina óbrent illam : si déderit homo omnem substántiam domus suæ pro dilectione, quasi nihil despiciet eam.

Graduale. Ps. 44. Dilexisti justítiam, et odisti iniquitatem.

Ÿ. Proptérea unxit te Deus, Deus tuus, óleo lætitiæ.

Allelúia, allelúia. Ÿ. Diffúsa est grátia in lábiis tuis : proptérea benedixit te Deus in ætérnum. Allelúia.

Sequéntia sancti Evangélii secundum Lucam. *Luc. 7.*

IN illo témpore : Rogábat Jesum quidam de Pharisæis, ut manducáret cum illo. Et ingressus domum Pharisæi, discúbuit. Et ecce múlter, quæ erat in civitate peccátrix, ut cognóvit quòd accubisset in domo Pharisæi, áttulit alabástrum unguénti : et stans retrò secus pedes ejus, lácrymis cœpit rigáre pedes ejus, et capillis cápitis sui tergébat, et osculabátur pedes ejus, et unguénto ungébat. Videns autem Pharisæus, qui vocáverat eum, ait intra se, dicens : Hic si esset Prophéta, sciret útique quæ et qualis est múlter, quæ tangit eum : quia peccátrix est. Et respóndens Jesus, dixit ad illum : Simon, hábeo tibi áliquíd dicere. At ille ait : Magister, dic. Duo debitóres erant cuídám fœneratóri : unus debébat denários quingéntos, et álius quinquaginta. Non habéntibus illis

unde rédderent, donávit utrísque. Quis ergo eum plus díligit? Respóndens Simon, dixit: Æstimo quia is cui plus donávit. At ille dixit ei: Rectè judicásti. Et convérsus ad mulierem, dixit Simóni: Vides hanc mulierem? Intrávi in domum tuam, aquam pédibus meis non dedísti: hæc autem lácrymis rigávit pedes meos, et capíllis suis tersit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum: cui autem minùs dimíttitur, minùs díligit. Dixit autem ad illam: Remittúntur tibi peccáta. Et cœpérunt, qui simul accumbébant, dícere intra se: Quis est hic, qui étiam peccáta dimíttit? Dixit autem ad mulierem: Fides tua te salvam fecit: vade in pace.

Credo.

Offertorium. Ps. 44. Filiæ regum in honóre tuo: ástitit regína à dextris tuis in vestítu deauráto, circúmdata varietáte.

Secreta.

MUNERA nostra, quæsumus, Dómine, beátæ Mariæ Magdalénæ gloriósa mérita tibi reddant accépta: cujus oblatiónis obséquium Unigénitus Filius tuus cleménter suscepit impénsum. Qui tecum vivit, etc.

Communio. Ps. 118. Feci iudícium et justítiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis ódio hábui.

Postcommunio.

SUMPTO, quæsumus, Dómine, único ac salutári remédio, Cór-

pore et Sanguine tuo pretiósó: ab ómnibus malis, sanctæ Mariæ Magdalénæ patrocíniis eruámur. Qui vivis, etc.

DIE XXIII.

SANCTI APOLLINARIS,

Episcopi et Martyris.

Introitus. Dan. 3.

SACERDOTES Dei benedicite Dóminum: Sancti, et húmiles corde laudáte Deum.

Dan. 3. Benedicite ómnia ópera Dómini Dómino: laudáte, et superexaltáte eum in sæcula.

Y. Glória Patri, etc.

Oratio.

DEUS, fidélium remunerátor animárum, qui hunc diem beáti Apollináris Sacerdotís tui martyrio consecrásti: tríbue nobis, quæsumus, fámulis tuis; ut, cujus venerándam celebrámus festivitátem, précibus ejus indulgéntiam consequámur. Per, etc.

Pro commemoratione S. Liborii, Episcopi et Confessoris.

Oratio.

DA, quæsumus, omnipotens Deus; ut beáti Libórii Confessoris tui atque Pontíficis veneránda solémnitas, et devotióne nobis áugeat, et salútem. Per, etc.

Léctio Epístolæ beáti Petri Apóstoli.
1 Petr. 5.

CARISSIMI, Senióres, qui in vobis sunt, óbsecro, consénior et testis Christi passiónum: qui et ejus, quæ in futúro revelánda est, glóriæ comunicátor: páscite qui in vobis est, gregem Dei, providéntes

non coactè, sed spontaneè secundum Deum: neque turpis lucri gratia, sed voluntariè: neque ut dominantes in cleris, sed forma facti gregis ex animo. Et cum apparuerit princeps pastorum, percipietis immarcescibilem gloriæ coronam. Similiter adolescentes, subditi estote senioribus. Omnes autem invicem humilitatem insinuate: quia Deus superbis resistit, humilibus autem dat gratiam. Humiliamini igitur sub potenti manu Dei, ut vos exaltet in tempore visitationis: omnem sollicitudinem vestram projicientes in eum, quoniam ipsi cura est de vobis. Sobrii estote, et vigilate: quia adversarius vester diabolus tamquam leo rugiens circuit, querens quem devoret: cui resistite fortes in fide: scientes eandem passionem ei, quæ in mundo est, vestræ fraternitati fieri. Deus autem omnis gratiæ, qui vocavit nos in æternam suam gloriam in Christo Jesu, modicum passus ipse perficiet, confirmabit, solidabitque. Ipsi gloria et imperium in sæcula sæculorum. Amen.

Graduale. Ps. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

Ÿ. Nihil proficiet inimicus in eo: et filius iniquitatis non nocēbit ei.

Allelúia, allelúia. Ÿ. *Ps. 109.* Juravit Dominus, et non poenitebit eum: Tu es sacerdos in æternum secundum ordinem Melchisedech. Allelúia.

Sequētia sancti Evangelii secundum Lucam. *Luc. 22.*

IN illo tempore: Facta est conventio inter discipulos, quis eorum videretur esse major. Dixit autem eis Jesus: Reges gentium

dominantur eorum; et qui potestatem habent super eos, benéfici vocantur. Vos autem non sic: sed qui major est in vobis, fiat sicut minor: et qui præcessor est, sicut ministrator. Nam quis major est, qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat: vos autem estis, qui permansistis mecum in temptationibus meis. Et ego dispono vobis, sicut disposuit mihi Pater meus regnum, ut edatis et bibatis super mensam meam in regno meo: et sedeatis super thronos judicantes duodecim tribus Israël.

Offertorium. Ps. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

RESPICE, Domine, propitius super hæc múnera, quæ pro beati sacerdotis et mártiris tui Apollinæ commemoratiōne deférimus, et pro nostris offensionibus immolamus. Per Dóminum, etc.

Pro S. Liborio.

Secreta.

SANCTI tui, quæsumus, Domine, nos ubique lætificent; ut, dum eorum mérita recolimus, patrocinia sentiámus. Per, etc.

Communio. Matth. 25. Domine, quinque talenta tradidisti mihi, ecce alia quinque superlucratus sum. Eugè serve bone et fidélis, quia in pauca fuisti fidélis, supra multa te constituam: intra in gaudium domini tui.

Postcommunio.

TUA sancta sumētes, quæsumus, Domine, ut beati Apollinæ nos foveant continuata præ-

sídia : quia non désinis propitius intuéri, quos talibus auxiliis concéseris adjuvári. Per, etc.

Pro S. Liborio. Postcommunio.

PRÆSTA, quæsumus, omnipotens Deus, ut de percéptis munéribus grátias exhibéntes, intercedente beáto Libório Confessóre tuo atque Pontífice, beneficia potióra sumámus. Per Dóminum, etc.

DIE XXIV.

In Vigilia

SANCTI JACOBI,

Apostoli.

Missa, Ego autem sicut olíva, de Communi, fol. 1.*

Pro commemoratione Sanctæ Christinæ, Virg. et Martyr.

Oratio.

INDULGENTIAM nobis, quæsumus, Dómine, beáta Christína Virgo et Martyr implóret : quæ tibi grata semper éxstitit et mérito castitátis, et tuæ professione virtútis.

De Beata Maria.

Oratio.

CONCEDE nos fámulos tuos, quæsumus, Dómine Deus, perpétua mentis et córporis sanitáte gaudére : et, gloriósa beátæ Mariæ semper Vírginis intercessióne, à præsénti liberári tristítia, et æténa pérfrui lætítia. Per, etc.

Pro Sancta Christina.

Secreta.

Hostias tibi, Dómine, beátæ Christínæ Vírginis et Mártyris tuæ dicátas méritis, benígnus

assúme ; et ad perpétuum nobis tríbue proveníre subsidium.

De Sancta Maria.

Secreta.

TUA, Dómine, propitiatióne, et beátæ Mariæ semper Vírginis intercessióne, ad perpétuam atque præséntem hæc oblátio nobis proficiat prosperitátem et pacem. Per Dóminum, etc.

Pro Sancta Christina.

Postcommunio.

DIVINI múnneris largitáte satiáti, quæsumus, Dómine Deus noster ; ut, intercedente beáta Christína Vírgine et Mártyre tua, in ejus semper participatióne vivámus.

Pro Sancta Maria.

Postcommunio.

SUMPTIS, Dómine, salútis nostræ subsidiis ; da, quæsumus, beátæ Mariæ semper Vírginis patrocinio nos ubique prótegi, in cujus veneratióne hæc tuæ obtúlimus majestáti. Per Dóminum, etc.

¶ *Si festum Sancti Jacobi Apostoli venerit Feria secunda, de Sancta Christina fit in Dominica, et de Vigilia fit commemoratio in Sabbato in Missa S. Apollinaris, ante commemorationem S. Liborii, pro quo sumatur Oratio, Exáudi, quæsumus, etc. fol. 17*. Et in fine legitur Evangelium ejusdem Vigiliæ.*

DIE XXV.

SANCTI JACOBI,

Apostoli.

Introitus. Ps. 138.

MIHI autem nimis honoráti sunt amíci tui, Deus : nimis confortátus est principátus eórum.

Ps. ibid. Dómine, probásti me, et cognovísti me : tu cognovísti sessionem meam, et resurrectionem meam.

Ÿ. Glória Patri, etc.

Oratio.

ESTO, Dómine, plebi tuæ sanctificátor et custos : ut Apóstoli tui Jacóbi munita præsiidiis, et conversatione tibi placeat, et secúra mente deserviat. Per Dóminum nostrum Jesum Christum, etc.

¶ *In Missis privatis tantum fit commemoratio S. Christophori Mart.*

Oratio.

PRÆSTA, quæsumus, omnipotens Deus ; ut, qui beáti Christóphori Mártiris tui natalítia cólimus, intercessióne ejus in tui nóminis amore roborémur. Per Dóminum, etc.

Lectio Epístolæ beáti Pauli Apóstoli ad Corínthios. 1 Cor. 4.

FRATRES, Puto quòd Deus nos Apóstolos novíssimos osténdit, tamquam morti destinátos : quia spectáculum facti sumus mundo, et Angelis, et homínibus. Nos stulti propter Christum, vos autem prudentes in Christo : nos infirmi, vos autem fortes : vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris : maledicimur, et benedicimus : persecutionem pátimur, et sustinémus : blasphemámur, et obsecrámus : tamquam purgaménta hujus mundi facti sumus, ómnium peripséma usque adhuc. Non ut confúdam vos hæc scribo, sed ut filios meos charíssimos móneo. Nam si decem

míllia pædagogórum habeátis in Christo, sed non multos patres. Nam in Christo Jesu per Evangélium ego vos génui.

Graduale. Ps. 44. Constitúes eos príncipes super omnem terram : mémores erunt nóminis tui, Dómine.

Ÿ. Pro pátribus tuis nati sunt tibi filii : propterea pópuli confitebúntur tibi.

Allelúia, allelúia. Ÿ. *Joann. 15.* Ego vos elégi de mundo, ut eátis, et fructum afferátis, et fructus vester máneat. Allelúia.

Sequéntia sancti Evangélíi secúndum Matthæum. *Matth. 20.*

IN illo témpore : Accéssit ad Jesum mater filiórum Zebedæi cum filiis suis, adórans et petens áliquid ab eo. Qui dixit ei : Quid vis ? Ait illi : Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit : Nescítis quid petátis. Potéstis bíbere cálicem, quem ego bibitúrus sum ? Dicunt ei : Póssumus. Ait illis : Cálicem quidem meum bibétis : sedére autem ad dexteram meam, vel sinistram, non est meum dare vobis, sed quibus parátum est à Patre meo.

Credo.

Offertorium. Ps. 18. In omnem terram exívit sonus eórum, et in fines orbis terræ verba eórum.

Secreta.

OBLATIONES pópuli tui, quæsumus, Dómine, beáti Jacóbi Apóstoli pássio beáta concíliet : et quæ nostris non aptæ sunt méritis, fiant tibi plácitæ ejus deprecatione. Per Dóminum, etc.

*Pro S. Christophoro.**Secreta.*

MUNERIBUS nostris, quæsumus, Dómine, precibúsq; susceptis; et cœlestibus nos munda mystériis, et cleménter exáudi. Per Dóminum, etc.

Præfatio de Apostolis, fol. 209.

Communio. Matth. 19. Vos, qui secúti estis me, sedébitis super sedes, judicántes duódecim tribus Israél.

Postcommunio.

BEATI apóstoli tui Jacóbi, quæsumus, Dómine, intercessióne nos ádjuva: pro cujus festivitáte percépimus tua sancta lætántes. Per Dóminum, etc.

*Pro S. Christophoro.**Postcommunio.*

DA, quæsumus, Dómine Deus noster, ut sicut tuórum commemoratióne sanctórum temporáli gratulámur officio, ita perpétuo lætémur aspéctu. Per, etc.

DIE XXVI.

SANCTÆ ANNÆ, MATRIS
B. MARIE VIRGINIS.

Introitus.

GAUDEAMUS omnes in Dómino, diem festum celebrántes sub honóre beátæ Annæ, de cujus solemnitate gaudent Angeli, et colláudant Fílium Dei.

Ps. 44. Eructávit cor meum verbum bonum: dico ego ópera mea Regi.

Ÿ. Glória Patri, etc.

Oratio.

DEUS, qui beátæ Annæ grátiam conférre dignátus es, ut Genitricis Unigéniti Filii tui mater éffici mererétur: concéde propítius; ut, cujus solémnia celebrámus, ejus apud te patrocíniis adjuvémur. Per eúmdem Dóminum, etc.

Lectio libri Sapiéntiæ. Prov. 31.

MULIEREM fortem quis invéniet? Procul, et de últimis finibus prétium ejus. Confídit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsit lanam et linum, et operáta est consílio mánuum suárum. Facta est quasi navis institóris, de longè portans panem suum. Et de nocte surréxit, deditque prædam domésticis suis, et cibária ancíllis suis. Considerávit agrum, et emit eum: de fructu mánuum suárum plantávit vineam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiátio ejus: non extingúetur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suæ à frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus et párpura indumentum ejus. Nóbilis in portis vir ejus, quando séderit cum senatóribus terræ. Sindonem fecit, et véndidit, et cingulum trádidit Chananaeo. Fortitúdo et decor indumentum ejus, et ridébit in die novíssimo. Os suum apéruit sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam

prædicavérunt : vir ejus et laudávit eam. Multæ filiæ congregavérunt divítias : tu supergréssa es univér-
sas. Fallax grátia, et vana est pulchritúdo : múl-
tier timens Dóminum, ipsa laudábitur. Date ei de fructu mánuum suórum, et laudent eam in portis ópera ejus.

Graduale. Ps. 44. Dilexísti justítiam, et odísti iniquitátem.

Ÿ. Proptérea unxit te Deus, Deus tuus, óleo lætitiæ.

Allelúia, allelúia. Ÿ. Diffúsa est grátia in lábiis tuis : proptérea benedixit te Deus in ætérnum. Allelúia.

Sequéntia sancti Evangélíi secúndum Matthæum. *Matth. 13.*

IN illo témpore : Dixit Jesus discípulis suis parábolam hanc : Símile est regnum cœlórum thesáuro abscondito in agro : quem qui invenit homo, abscondit, et præ gáudio illius vadit, et vendit univér-
sa quæ habet, et emit agrum illum. Iterùm símile est regnum cœlórum hómini negotiátóri, quærénti bonas margarítas : invénta autem una pretiósa margaríta, ábiit, et vëndidit ómnia quæ hábuit, et emit eam. Iterùm símile est regnum cœlórum sagénæ missæ in mare, et ex omni génere píscium congregánti : quam, cùm impléta esset, educéntes, et secus littus sedéntes, elegérunt bonos in vasa, malos autem foràs misérunt. Sic erit in consummatione sæculi : exibunt Angeli, et separábunt malos de médio justórum, et mittent eos in camínium ignis : ibi erit fletus, et stridor déntium. Intellexístis hæc ómnia ? Dicunt ei : Etiam. Ait illis : Ideò omnis scribe doctus in regno cœlórum, símilis est hómini patrifamíliæ, qui profert de thesáuro suo nova et vétera.

Offertorium. Ps. 44. Filiæ regum in honóre tuo : ástitit regina à dextris tuis in vestitu deauráto, circúmdata varietáte.

Secreta.

SACRIFICIIS præsentibus, quæsumus, Dómine, placátus inténde : ut per intercessiónem beátæ Annæ, quæ Genitrícis Filii tui Dómini nostri Jesu Christi mater éxstitit, et devotióni nostræ proficiant, et salúti. Per eúmdem Dóminum, etc.

Communio. Ibid. Diffúsa est grátia in lábiis tuis : proptérea benedixit te Deus in ætérnum, et in sæculum sæculi.

Postcommunio.

CÆLESTIBUS sacraméntis vegetáti, quæsumus, Dómine Deus noster ; ut intercessióne beátæ Annæ, quam Genitrícis Filii tui matrem esse voluísti, ad ætérnam salútem perveníre mereámur. Per eúmdem Dóminum, etc.

DIE XXVII.

SANCTI PANTALEONIS,
Martyris.

Missa, Lætábitur justus, de Comuni unius Martyris, fol. 7.*

DIE XXVIII.

SS. NAZARII, CELSI, ET VICTORIS Martyrum, AC INNOCENTII Papæ et Confessoris.

Introitus. Ps. 78.

INTRET in conspéctu tuo, Dómine, gémitus compeditórum :

redde vicinis nostris séptuplum in sinu eorum : vindica sanguinem sanctorum tuorum, qui effusus est.

Ps. ibid. Deus, venérunt gentes in hæreditatem tuam, polluerunt templum sanctum tuum : posuerunt Jerúsalem in pomorum custodiam.

Y. Glória Patri, etc.

Oratio.

SANCTORUM tuorum nos, Domine, Nazarii, Celsi, Victoris, et Innocentii confessio beata communiat, et fragilitati nostræ subsidium dignanter exoret. Per, etc.

Lectio libri Sapiéntiæ. *Sap. 10.*

REDDIDIT Deus justis mercedem laborum suorum, et deduxit illos in via mirabili : et fuit illis in velamento diéi, et in luce stellarum per noctem : transtulit illos per mare rubrum, et transvexit illos per aquam nimiam. Inimicos autem illorum demersit in mare, et ab altitudine inferorum eduxit illos. Ideò justi tulerunt spolia impiorum, et decantaverunt, Domine, nomen sanctum tuum, et victricem manum tuam laudaverunt pariter, Domine Deus noster.

Graduale. Exod. 15. Gloriosus Deus in sanctis suis : mirabilis in majestate, faciens prodigia.

Y. Dextera tua, Domine, glorificata est in virtute : dextera manus tua confrégit inimicos.

Allelúia, allelúia. *Y. Eccl. 44.* Corpora sanctorum in pace sepulta sunt : et nomina eorum vivent in generationem et generationem. Allelúia.

Sequéntia sancti Evangélii secundum Lucam. *Luc. 21.*

IN illo tempore : Dixit Jesus discipulis suis : Cum audieritis

prælia et seditiões, nolite terreri : oportet primum hæc fieri, sed nondum statim finis. Tunc dicebat illis : Surget gens contra gentem, et regnum adversus regnum. Et terræmótus magni erunt per loca, et pestilentiæ, et fames, terrorésque de cælo, et signa magna erunt. Sed ante hæc omnia injicient vobis manus suas, et persequéntur, tradéntes in synagogas et custodias, trahéntes ad reges et præsides propter nomen meum : contínget autem vobis in testimónium. Pónite ergo in cordibus vestris non præmeditari quemádmódum respondeátis. Ego enim dabo vobis os et sapiéntiam, cui non póterunt resistere et contradicere omnes adversarii vestri. Tradémini autem à paréntibus, et fratribus, et cognátis, et amicis, et morte afficient ex vobis : et éritis odio omnibus propter nomen meum : et capillus de capite vestro non peribit. In patientia vestra possidebitis ánimas vestras.

Offertorium. Ps. 67. Mirabilis Deus in sanctis suis : Deus Israël ipse dabit virtutem et fortitudinem plebi suæ : benedictus Deus. Allelúia.

Secreta.

CONCEDE nobis, omnipotens Deus ; ut his munéribus, quæ in sanctorum tuorum Nazarii, Celsi, Victoris, et Innocentii honóre deferimus, et te placémus exhibitis, et nos vivificémur accéptis. Per, etc.

Communio. Sap. 3. Et si coram hominibus tormenta passi sunt, Deus tentávit eos : tamquam aurum in fornace probávit eos, et quasi holocausta accépit eos.

Postcommunio.

SANCTORUM Nazarii, Celsi, Victoris, et Innocentii, Domine,

intercessióne placátus, præsta, quæsumus; ut, quod temporáli celebrámus actióne, perpétua salvatióne capiamus. Per Dóminum, etc.

DIE XXIX.

SANCTÆ MARTHÆ,
Virginis.

Introitus. Ps. 44.

DILEXISTI justítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis.

Ps. ibid. Eructávit cor meum verbum bonum: dico ego ópera mea Regi.

V. Glória Patri, etc.

Oratio.

EXAUDI nos, Deus salutáris noster: ut, sicut de beátæ Marthæ Virginis tuæ festivitáte gaudémus, ita piæ devotiónis erudiámur afféctu. Per Dóminum, etc.

Pro commemoratione SS. Felicis, Simplicii, Faustini, et Beatricis martyrum.

Oratio.

PRÆSTA, quæsumus, Dómine; ut, sicut pópulus Christiánus mártýrum tuórum Felicis, Simplicii, Faustini, et Beatricis temporáli solemnitate congáudet, ita perfruátur ætéRNA; et quod votis célebrat, comprehéndat efféctu.

Tertia, A cunctis, fol. 73.*

Léctio Epístolæ beáti Pauli Apóstoli ad Corinthios. 2 Cor. 10.

FRATRES, Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum

quid insipiéntiæ meæ: sed et supportáte me. Æmulor enim vos Dei æmulatióne. Despóndi enim vos uni viro vírginem castam exhibére Christo.

Graduale. Ps. 44. Spécie tua, et pulchritúdine tua inténde, prospere procéde, et regna.

V. Propter veritátem, et mansuetúdinem, et justítiam: et dedúcet te mirabíliter dextera tua.

Allelúia, allelúia. *V.* Adducéntur Regi vírgines post eam: próximæ ejus afferéntur tibi in lætítia. Allelúia.

Sequéntia sancti Evangélii secúndum Lucam. Luc. 10.

IN illo témpore: Intrávit Jesus in quoddam castéllum: et mulier quædam, Martha nómine, excépit illum in domum suam: et huic erat soror, nómine María, quæ étiam sedens secus pedes Dómini, audiébat verbum illíus. Martha autem satagébat circa frequens ministérium: quæ stetit, et ait: Dómine, non est tibi curæ quòd soror mea reliquit me solam ministráre? dic ergò illi, ut me ádjuvet. Et respóndens, dixit illi Dóminus: Martha, Martha, sollicita es, et turbáris erga plúrima. Porro unum est necessárium. María óptimam partem elégit, quæ non auferétur ab ea.

Offertorium. Ps. 44. Fíliæ regum in honóre tuo: ástitit regína à dextris tuis in vestítu deauráto, circúmdata varietáte.

Secreta.

ACCEPTA tibi sit, Dómine, sacrátæ plebis oblátio pro tuórum honóre sanctórum; quorum se méritis de tribulatióne percepisse cognóscit auxílium. Per, etc.

Pro SS. Martyr. Felice, etc.

Secreta.

HOSTIAS tibi, Dómine, pro sanctórum mártýrum tuórum Felícis, Simplicii, Faustíni, et Beatricis commemoratióne deférimus, suppliciter deprecántes; ut indulgéntiam nobis páriter cónferant, et salútem.

Tertia, Exaudi, fol. 73.*

Communio. Matth. 25. Quinque prudentes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit, exíte óbviám Christo Dómino.

Postcommunio.

SATIASTI, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum, etc.

Pro SS. Martyribus Felice et Sociis.

Postcommunio.

PRÆSTA, quæsumus, omnípotens Deus, ut sanctórum mártýrum tuórum Felícis, Simplicii, Faustíni, et Beatricis cœléstibus mystériis celebráta solémnitas, indulgéntiam nobis tuæ propitiatiónis acquirat.

Tertia, Mundet, fol. 73.*

DIE XXX.

SS. ABDON ET SENNEN,

Martyrum.

Introitus. Ps. 78.

INTRET in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est.

Ps. ibid. Deus, venérunt gentes in hæreditátem tuam: polluérunť templum sanctum tuum: posuérunť Jerúsalem in pomórum custódiam.

Ÿ. Glória Patri, etc.

Oratio.

DEUS, qui sanctis tuis Abdon et Sennen ad hanc glóriam veniéndi copiósum munus grátiae contulísti: da fámulis tuis suórum véniam peccatórum; ut, sanctórum tuórum intercedéntibus méritis, ab ómnibus mereámur adversitatibus liberári. Per Dóminum, etc.

Léctio Epístolæ beáti Pauli Apóstoli ad Corinthios. 2 Cor. 6.

FRATRES, Exhibeámus nosmetípsos sicut Dei minístros in multa patiéntia, in tribulatió nibus, in necessitatibus, in angúst iis, in plagis, in carcéribus, in sediti ó nibus, in labóribus, in vigiliis, in jejúniis, in castitate, in sciéntia, in longanimitate, in suavitate, in Spírítu sancto, in charitate non ficta, in verbo veritátis, in virtúte Dei, per arma justitiæ à dextris et à sinístris, per glóriam et ignobilitátem, per infámiam et bonam famam: ut seductóres, et veráces: sicut qui ignóti, et cógniti: quasi moriéntes, et ecce vivimus: ut castigáti, et non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, et ómnia possidéntes.

Graduale. Exod. 15. Gloriosus Deus in sanctis suis: mirábilis in majestáte, fáciens prodigia.

Ÿ. Dextera tua, Dómine, glori ficata est in virtúte: dextera manus tua confrégit inimicos.

Allelúia, allelúia. Ÿ. Sap. 3. Justórum ánimæ in manu Dei sunt,

et non tanget illos torméntum malitiæ. Allelúia.

Sequéntia sancti Evangélíi secúndum Matthæum. *Matth. 5.*

IN illo témpore : Videns Jesus turbas, ascéndit in montem. Et cùm sedisset, accessérunt ad eum discípuli ejus, et apériens os suum, docébat eos, dicens: Beáti páuperes spíritu : quóniam ipsórum est regnum cœlórum. Beáti mites : quóniam ipsi possidébunt terram. Beáti qui lugent : quóniam ipsi consolabúntur. Beáti qui esúriunt et sítiunt justítiam : quóniam ipsi saturabúntur. Beáti misericórdes : quóniam ipsi misericórdiam consequéntur. Beáti mundo corde : quóniam ipsi Deum vidébunt. Beáti pacífici : quóniam filii Dei vocabúntur. Beáti, qui persecutiónem patiúntur propter justítiam : quóniam ipsórum est regnum cœlórum. Beáti estis cùm maledíxerint vobis, et persecúti vos fúerint, et díxerint omne malum advérsùm vos, mentiéntes, propter me : gaudéte, et exultáte, quóniam merces vestra copiósa est in cœlis.

Offertorium. Ps. 67. Mirábilis Deus in sanctis suis : Deus Israël ipse dabit virtútem et fortitúdinem plebi suæ : benedictus Deus.

Secreta.

HÆC hóstia, quæsumus, Dómine, quam sanctórum mártyrum tuórum natalítia recenséntes offerimus ; et víncula nostræ pravítatis absólvat, et tuæ nobis misericórdiæ dona concíliet. - Per, etc.

Communio. Ps. 78. Posuérent mortália servórum tuórum, Dómine, escas volatilibus cœli, carnes sanctórum tuórum béstiis terræ : secúndum magnitúdinem bráchii tui pósito filios morte punitórum.

Postcommunio.

PER hujus, Dómine, operatió-nem mystérii, et vítia nostra purgéntur ; et, intercedéntibus sanctis Martyribus tuis Abdon et Sennen, justa desidéria compléantur. Per Dóminum, etc.

DIE XXXI.

SANCTI IGNATII, Confessoris.

Introitus. Philip. 2.

IN nómine Jesu omne genu flectátur, cœléstium, terréstrium, et infernórum : et omnis lingua confiteátur, quia Dóminus Jesus Christus in glória est Dei Patris.

Ps. 5. Gloriabúntur in te omnes qui díligunt nomen tuum : quóniam tu benedices justo.

V. Glória Patri, etc.

Oratio.

DEUS, qui ad majórem tui nóminis glóriam propagándam, novo per beátum Ignátium subsidio militántem Ecclésiám roborásti : concéde, ut ejus auxílio et imitatióne, certántes in terris, coronári cum ipso mereámur in cœlis. Qui vivis et regnas, etc.

Léctio Epístolæ beáti Pauli Apóstoli ad Timótheum. *2 Tim. 2 et 3.*

CARISSIME, Memor esto Dóminum Jesum Christum resurrexísse à mórtuis ex sémine David, secúndum Evangélium meum, in quo labóro usque ad víncula, quasi malè óperans : sed verbum Dei non est alligátum. Ideò ómnia sustíneo propter eléctos, ut et ipsi salutem consequántur, quæ est in Christo Jesu, cum glória cœlésti.

Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: qualia mihi facta sunt Antiochiæ, Iconii, et Lystri: quales persecutiones sustinui, et ex omnibus eripuit me Dominus. Et omnes qui pie volunt vivere in Christo Jesu, persecutionem patientur.

Graduale. Ps. 91. Justus ut palma florebit: sicut cedrus Libani multiplicabitur in domo Domini.

V. Ad annuntiandum manem misericordiam tuam, et veritatem tuam per noctem.

Alleluia, alleluia. *V. Jac. 1.* Beatus vir qui suffert tentationem: quoniam cum probatus fuerit, accipiet coronam vite. Alleluia.

Sequentia sancti Evangelii secundum Lucam. *Luc. 10.*

IN illo tempore: Designavit Dominus et alios septuaginta duos: et misit illos binos ante faciem suam in omnem civitatem et locum, quod erat ipse venturus. Et dicebat illis: Messis quidem multa, operarii autem pauci. Rogate ergo dominum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum intraveritis primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes et bibentes quæ apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, et susceperint vos, manducate

quæ apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Offertorium. Ps. 88. Veritas mea et misericordia mea cum ipso: et in nomine meo exaltabitur cornu ejus.

Secreta.

ADSINT, Domine Deus, oblationibus nostris sancti Ignatii benigna suffragia: ut sacrosancta mysteria, in quibus omnis sanctitatis fontem constituisti, nos quoque in veritate sanctificent. Per, etc.

Communio. Luc. 12. Ignem veni mittere in terram: et quid volo, nisi ut accendatur?

Postcommunio.

LAUDIS hostia, Domine, quam pro sancto Ignatio gratias agentes obtulimus, ad perpetuam nos Majestatis tue laudationem, ejus intercessionem, perducat. Per Dominum, etc.

FESTA AUGUSTI.

DIE I.

S. PETRI AD VINCULA.

Introitus. Act. 12.

NUNC scio verè, quia misit Dominus Angelum suum, et eripuit me de manu Herodis, et de omni expectatione plebis Judæorum.

Ps. 138. Domine, probasti me, et cognovisti me: tu cognovisti sessionem meam, et resurrectionem meam.

V. Gloria Patri, etc.

Oratio.

DEUS, qui beátum Petrum Apóstolum, à vinctulis absolútum, illæsum abire fecisti : nostrórum, quæsumus, absólve vinctula peccatórum, et ómnia mala à nobis propitiátus exclúde. Per, etc.

Et fit commemoratio S. Pauli.

Oratio.

DEUS, qui multitudínem gén-tium beáti Pauli Apóstoli prædicatióne docuisti ; da nobis, quæsumus, ut cujus commemora-tiónem cólimus, ejus apud te patro-cinia sentiámus.

Deinde SS. Machabæorum, Marty-rum.

Oratio.

FRATERNA nos, Dómine, Mártyrum tuórum coróna lætíficet : quæ et fidei nostræ præ-beat incrementa virtútum, et mul-típlici nos suffrágio consolétur. Per Dóminum, etc.

Léctio Actuum Apostolorum.
Act. 12.

IN diébus illis : Misit Heródes rex manus, ut affligeret quos-dam de ecclésia. Occídit autem Jacóbum fratrem Joánnis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cùm apprehendisset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiebat sine intermissiône ab ecclésia ad Deum pro eo. Cùm autem productúrus eum esset Heródes, in ipsa nocte erat Petrus dórmienti inter

duos milites, vinctus caténis duá-bus : et custódes ante óstium cus-todiébant cárcerem. Et ecce An-gelus Dómini ástitit : et lumen re-fúlsit in habitáculo : percussóque látere Petri, excitávit eum, dicens : Surge velóciter. Et cecidérunt caténæ de mánibus ejus. Dixit autem Angelus ad eum : Præcín-gere, et calcea te caligas tuas. Et fecit sic. Et dixit illi : Circúnda tibi vestiméntum tuum, et séquere me. Et éxiens sequebátur eum, et nesciébant quia verum est, quod fiebat per Angelum : existimábat autem se visum vidére. Transeún-tes autem primam et secúndam custódiam, venérunt ad portam fér-ream, quæ ducit ad civitátem : quæ ultrò apérta est eis. Et exeúntes processérunt vicum unum : et con-tínuò discéssit Angelus ab eo. Et Petrus ad se revérsus, dixit : Nunc scio verè, quia misit Dóminus An-gelum suum, et eripuit me de manu Heródis, et de omni expectatióne plebis Judæórum.

Graduale. Ps. 44. Constitues eos príncipes super omnem terram : mémoires erunt nóminis tui, Dó-mine.

Ÿ. Pro pátribus tuis nati sunt tibi filii : proptérea pópuli confite-búntur tibi.

Allelúia, allelúia. Ÿ. Solve, jubénte Deo, terrárum, Petre, caté-nas : qui facis ut páteant cœlestia regna beátis. Allelúia.

Sequéntia sancti Evangélíi secún-dum Matthæum. *Matth. 16.*

IN illo témpore : Venit Jesus in partes Cæsaréæ Philippi, et in-terrogábat discipulos suos, dicens : Quem dicunt hómines esse Filium hóminis ? At illi dixerunt : Alii Joánnem Baptístam : álii autem Eliám : álii verò Jeremíam, aut

unum ex Prophétis. Dicit illis Jesus : Vos autem quem me esse dicitis ? Respóndens Simon Petrus, dixit : Tu es Christus Filius Dei vivi. Respóndens autem Jesus, dixit ei : Beátus es, Simon Bar-Jóna : quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclesiám meam, et portæ inferi non prævalébunt advérsus eam. Et tibi dabo claves regni cœlorum. Et quodcúmque ligáveris super terram, erit ligátum et in cœlis : et quodcúmque sólveris super terram, erit solútum et in cœlis.

Credo.

Offertorium. Ps. 44. Constitúes eos príncipes super omnem terram : mémores erunt nóminis tui, Dómine, in omni progénie et generatíone.

Secreta.

OBLATUM tibi, Dómine, sacrificium, intercedénte beáto Petro Apóstolo tuo, vivíficet nos semper et múniat. Per, etc.

Pro Sancto Paulo.

Secreta.

APOSTOLI tui Pauli précibus, Dómine, plebis tuæ dona sanctifica : ut, quæ tibi tuo grata sunt institúto, gratióra fiant patrocínio supplicántis.

Pro Sanctis Machabæis.

Secreta.

MYSTERIA tua, Dómine, pro sanctórum Mártyrum tuórum honóre, devóta mente tractémus : quibus et præsidium nobis crescat, et gáudium. Per, etc.

Præfatio de Apostolis, fol. 209.

Communio. Matth. 16. Tu es Petrus, et super hanc petram ædificábo Ecclesiám meam.

Postcommunio.

CORPORIS sacri, et pretiósí Sanguinis repléti libámine, quæsumus, Dómine Deus noster ; ut, quod pia devotióne gérimus, certâ redemptióne capiámus. Per eúndem, etc.

Pro Sancto Paulo.

Postcommunio.

PERCEPTIS, Dómine, sacraméntis, beáto Paulo Apóstolo tuo interveniéntem, deprecámur ; ut, quæ pro illius celebráta sunt glória, nobis proficiant ad medélam.

Pro Sanctis Machabæis.

Postcommunio.

PRÆSTA, quæsumus, omnípotens Deus ; ut, quorum memóriam sacraménti participatióne recólimus, fidem quoque proficiéndo sectémur. Per, etc.

DIE II.

SANCTI STEPHANI,
Papæ et Martyris.

Introitus. Ps. 131.

SACERDOTES ejus induam salutári : et sancti ejus exultatióne exultábunt.

Ps. ibid. Meménto, Dómine, David, et omnis mansuetúdinis ejus.
V. Glória Patri, etc.

Oratio.

DEUS, qui nos beáti Stéphaní Mártyris tui atque Pontíficis ánnua solemnitáte lætificas, concé-

de propitius; ut, cujus natalitia colimus, de ejusdem etiam protectione gaudeamus. Per, etc.

Lectio Actuum Apostolorum.

Act. 20.

IN diebus illis: A Miléto Paulus mittens Ephesum, vocavit majores natu Ecclesiæ. Qui cum venissent ad eum, et simul essent, dixit eis: Vos scitis à prima die, qua ingressus sum in Asiam, qualiter vobiscum per omne tempus fuerim, serviens Dómino cum omni humilitate, et lacrymis, et tentationibus, quæ mihi acciderunt ex insidiis Judæorum: quomodo nihil subtraxerim utilium, quod minus annuntiarem vobis, et docerem vos publice, et per domos, testificans Judæis, atque gentilibus in Deum penitentiam, et fidem in Dóminum nostrum Jesum Christum.

Graduale. Eccl. 44. Ecce sacerdos magnus, qui in diebus suis placuit Deo.

Ÿ. Non est inventus similis illi, qui conservaret legem Excelsi.

Allelúia, allelúia. *Ÿ. Ps. 109.* Tu es sacerdos in ætérnum secundum ordinem Melchisedech. Allelúia.

Sequéntia sancti Evangélíi secundum Matthæum. *Matth. 16.*

IN illo tempore: Dixit Jesus discipulis suis: Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam: qui autem perdiderit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hó-

minis venturus est in glória Patris sui cum Angelis suis: et tunc reddet unicuique secundum opera ejus.

Offertorium. Ps. 88. Inveni David servum meum, óleo sancto meo unxi eum: manus enim mea auxiliabitur ei, et brachium meum confortabit eum.

Secreta.

MUNERA tibi, Dómine, dicata sanctifica: et, intercedente beato Stéphano Mártire tuo atque Pontífice, per eadem nos placatus inténde. Per Dóminum, etc.

Communio. Matth. 25. Dómine, quinque talenta tradidisti mihi, ecce alia quinque superlucratus sum. Eugè serve bone et fidelis, quia in pauca fuisti fidelis, supra multa te constituam: intra in gaudium domini tui.

Postcommunio.

HÆC nos commúnio, Dómine, purget à crimine: et, intercedente beato Stéphano Mártire tuo atque Pontífice, cœlestis remédii faciat esse consortes. Per, etc.

DIE III.

In Inventione

SANCTI STEPHANI,

Protomartyris.

Introitus. Ps. 118.

SEDERUNT principes, et adversum me loquebantur, et iniqui persecuti sunt me: adjuva me, Dómine Deus meus, quia servus tuus exercebatur in tuis justificationibus.

Ps. ibid. Beati immaculati in via, qui ambulant in lege Dómini.

Ÿ. Glória Patri, et Filio, etc.

Oratio.

DA nobis, quæsumus, Dómine, imitári quod cólimus, ut discámus et inimícos dilígere: quia ejus Inventiónem celebrámus, qui novit étiam pro persecutóribus exoráre Dóminum nostrum Jesum Christum Filium tuum. Qui tecum, etc.

*Lectio Actuum Apostolorum.**Act. 6 et 7.*

IN diébus illis: Stéphanus plenus grátia et fortitúdine, faciébat prodigia et signa magna in pópulo. Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant à Cilícia et Asia, disputántes cum Stéphanó: et non póterant resistere sapiéntiæ, et Spíritui, qui loquebátur. Audiéntes autem hæc, dissecabántur córdibus suis, et stridébant déntibus in eum. Cùm autem esset Stéphanus plenus Spíritu sancto, inténdens in cælum, vidit glóriam Dei, et Jesum stantem à dextris Dei. Et ait: Ecce vídeo cælos apértos, et Filium hóminis stantem à dextris Dei. Exclamántes autem voce magna continuérunt aures suas, et ímpetum fecérunt unánimiter in eum. Et ejiciéntes eum extra civitátem, lapidábant: et testes deposuérunt vestiménta sua secus pedes adolescentis, qui vocabátur Saulus. Et lapidábant Stéphanum invocántem, et dicéntem: Dómine Jesu, súscipe spíritum meum. Pósis autem géniibus, clamávit voce magna, dicens: Dómine, ne státuas illis hoc peccátum. Et cùm hoc dixisset, obdormívit in Dómino.

Graduale. Ps. 118. Sedérunt príncipes, et advérsùm me loque-

bántur: et iníqui persecúti sunt me.

Ÿ. Adjuva me, Dómine Deus meus: salvum me fac propter misericórdiam tuam.

Allelúia, allelúia. *Ÿ. Act. 7.* Vídeo cælos apértos, et Jesum stantem à dextris virtútis Dei. Allelúia.

Sequéntia sancti Evangélíi secúndum Matthæum. *Matth. 23.*

IN illo témpore: Dicébat Jesus Scribis et Pharisæis: Ecce ego mitto ad vos Prophétas, et Sapiéntes, et Scribas, et ex illis occidétis, et crucifigétis, et ex eis flagellábitis in synagógis vestris, et persecúmini de civitáte in civitátem: ut véniat super vos omnis sanguis justus, qui effúsus est super terram, à ságuine Abel justí usque ad ságuinem Zachariæ filii Barachíæ, quem occidistis inter templum et altáre. Amen dico vobis, vénient hæc ómnia super generatióem istam. Jerúsalem, Jerúsalem, quæ occidis Prophétas, et lápidas eos qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et noluísti! Ecce relinquetur vobis domus vestra desérta. Dico enim vobis: non me vidébitis ámodò, donec dicátis: Benedictus qui venit in nómine Dómini.

Non dicitur Credo.

Offertorium. Act. 6 et 7. Elegerunt Apóstoli Stéphanum Levítam, plenum fide et Spíritu sancto: quem lapidavérunt Judæi orántem, et dicéntem: Dómine Jesu, áccipe spíritum meum. Allelúia.

Secreta.

SUSCIPE, Dómine, múnera pro tuórum commemoratióne sanc-

tórum : ut, sicut illos pássio glorió-
sos effécit, ita nos devótio reddat
innócuos. Per Dóminum, etc.

Communio. Act. 7. Vídeo cœlos
apértos, et Jesum stantem à dextris
virtútis Dei. Dómine Jesu, áccipe
spíritum meum, et ne státuas illis
hoc peccátum.

Postcommunio.

AUXILIENTUR nobis, Dómi-
ne, sumpta mystéria : et, in-
tercedente beáto Stépiano Mártire
tuo, sempitérna protectióne confir-
ment. Per Dóminum, etc.

DIE IV.

SANCTI DOMINICI,
Confessoris.

Introitus. Ps. 36.

OS justi meditábitur sapiéntiam,
et lingua ejus loquétur judí-
cium : lex Dei ejus in corde ipsius.

Ps. ibid. Noli æmulári in malig-
nántibus : neque zeláveris faciéntes
iniquitátem.

Ÿ. Glória Patri, etc.

Oratio.

DEUS, qui Ecclésiám tuam be-
áti Dominici Confessóris tui
illumináre dignátus es méritis et
doctrínis : concéde, ut ejus inter-
cessióne temporálibus non destituá-
tur auxiliis, et spirituálibus semper
proficiat incrementis. Per, etc.

Léctio Epístolæ beáti Pauli Após-
toli ad Timótheum. 2 *Tim. 4.*

CARISSIME, Testíficor coram
Deo, et Jesu Christo, qui judi-
catúrus est vivos et mórtuos, per
advéntum ipsius et regnum ejus :

prædica verbum, insta opportunè,
importúnè : árgue, óbseca, increpa,
in omni patiéntia, et doctrína. Erit
enim tempus, cùm sanam doctrí-
nam non sustinébunt, sed ad sua
desidéria coacervábunt sibi magís-
tros, pruriéntes áuribus : et à veritáte
quidem auditum avértent, ad fábu-
las autem converténtur. Tu verò
vígila, in ómnibus labóra, opus fac
Evangelístæ, ministérium tuum
imple. Sóbrius esto. Ego enim
jam delíbor, et tempus resolutiónis
meæ instat. Bonum certámen cer-
távi, cursum consummávi, fidem
servávi. In réliquo repósita est
mihi coróna justítiæ, quam reddet
mihi Dóminus in illa die justus
judex : non solùm autem mihi, sed
et iis qui diligunt advéntum ejus.

Graduale. Ps. 91. Justus ut
palma florébit : sicut cedrus Líbani
multiplicábitur in domo Dómini.

Ÿ. Ad annuntiándum manè
misericórdiam tuam, et veritátem
tuam per noctem.

Allelúia, allelúia. Ÿ. *Oseæ 14.*
Justus germinábit sicut lílium : et
florébit in ætérnum ante Dóminum.
Allelúia.

Sequéntia sancti Evangélíi secún-
dum Lucam. *Luc. 12.*

IN illo témpore : Dixit Jesus dis-
cípulis suis : Sint lumbi vestri
præcíncti, et lucernæ ardéntes in
mánibus vestris, et vos símiles ho-
mínibus expectántibus dóminum
suum quando revertátur à núptiis :
ut, cùm vénerit et pulsáverit, con-
féstim apériant ei. Beáti servi illi,
quos, cùm vénerit dóminus, invéne-
rit vigilántes : amen dico vobis, quòd
præcínget se, et fáciat illos discúm-
bere, et tránsiens ministrábit illis.
Et si vénerit in secúnda vigília, et
si in tértia vigília vénerit, et ita
invénerit, beáti sunt servi illi. Hoc

autem scitôte, quóniam si sciret paterfamílias qua hora fur veníret, vigiláret útique, et non sínereť pérodi domum suam. Et vos estôte paráti : quia qua hora non putátis, Fílius hóminis véniet.

Offertorium. Ps. 88. Véritas mea, et misericórdia mea cum ipso, et in nómine meo exaltábitur cornu ejus.

Secreta.

MUNERA tibi, Dómine, dicáta sanctífica : ut méritis beáti Domínici Confessóris tui, nobis proficiant ad medélam. Per, etc.

Communio. Luc. 12. Fidélis servus et prudens, quem constituit dóminus super familiam suam, ut det illis in témpore trítici mensúram.

Postcommunio.

CONCEDE, quæsumus, omnípotens Deus ; ut, qui peccatórum nostrórum póndere prémimur, beáti Domínici Confessóris tui patrocinio sublevémur. Per, etc.

DIE V.

In Dedicatione

S. MARIE AD NIVES.

Missa, Salve, sancta parens, etc., ut in Missis votivis B. Mariæ Virginis, à Pentecoste usque ad adventum, fol. 50.*

Dicitur Credo, et Præfatio de S. Maria, Et te in festivitáte beátæ Mariæ, etc., fol. 208.

DIE VI.

TRANSFIGURATIONIS DOMINI NOSTRI JESU CHRISTI.

Introitus. Ps. 76.

ILLUXERUNT coruscationes tuæ orbi terræ : commóta est, et contrémuit terra.

Ps. 83. Quàm dilécta tabernacula tua, Dómine virtútum ! Concupiscit, et déficit ánima mea in átria Dómini.

Y. Glória Patri, etc.

Oratio.

DEUS, qui fidei sacraménta, in Unigéniti tui gloriósa Transfiguratione, patrum testimonio roborásti, et adoptionem filiórum perfectam, voce delápsa in nube lúcida, mirabiliter præsignásti : concéde propítius ; ut ipsíus Regis glóriæ nos cohærédes efficias, et ejúsdem glóriæ tríbuas esse consórtes. Per eúmdem Dóminum, etc.

Pro commemoratione SS. Xysti, Felicissimi, et Agapiti martyrum.

Oratio.

DEUS, qui nos concédis sanctorum mártýrum tuórum Xysti, Felicissimi, et Agapiti natalítia cólere : da nobis in ætérna beatitúdine de eórum societáte gaudére. Per Dóminum, etc.

Lectio Epístolæ beáti Petri Apóstoli.
2 Petr. 1.

CARISSIMI, Non doctas fábulas secúti, notam fécimus vobis Dómini nostri Jesu Christi virtútem et præsentiam : sed speculátóres facti illius magnitúdinis. Accípiens enim à Deo Patre honórem et glóriam, voce delápsa ad eum

hujuscémodi à magnífica glória : Hic est Fílius meus diléctus, in quo mihi compláculi : ipsum audíte. Et hanc vocem nos audívimus de cœlo allátam, cùm essémus cum ipso in monte sancto. Et habémus firmiorem prophéticum sermónem : cui benefácitis attendéntes, quasi lucérnæ lucénti in caliginóso loco, donec dies elucéscat, et lúifer oriátur in córdibus vestris.

Graduale. Ps. 44. Speciosus forma præ filiis hóminum : diffusa est grátia in lábiis tuis.

V. Eructávit cor meum verbum bonum : dico ego ópera mea Regi.

Allelúia, allelúia. *V.* *Sap. 7.* Candor est lucis æternæ, spéculum sine mácula, et imágo bonitátis illius. Allelúia.

Sequéntia sancti Evangélíi secúndum Matthæum. *Matth. 17.*

IN illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum : et transfigurátus est ante eos. Et resplénduit fácies ejus sicut sol : vestiménta autem ejus facta sunt alba sicut nix. Et ecce apparuerunt illis Moyses et Eliás cum eo loquéntes. Respóndens autem Petrus, dixit ad Jesum : Dómine, bonum est nos híc esse : si vis, faciámus híc tria tabernácula, tibi unum, Móysi unum, et Eliæ unum. Adhuc eo loquente, ecce nubes lúcida obumbrávit eos. Et ecce vox de nube, dicens : Hic est Fílius meus diléctus, in quo mihi benè compláculi : ipsum audíte. Et audiéntes discípuli, ceciderunt in faciém suam, et timuérunt valdè. Et accésit Jesus, et téligit eos, dixítque eis : Súrgite, et nolite timére. Levántes autem óculos suos, néminem viderunt, nisi solum Jesum. Et descen-

déntibus illis de monte, præcépit eis Jesus, dicens : Némini dixéritis visiónem, donec Fílius hóminis à mórtuis resúrgat.

Credo.

Offertorium. Ps. 111. Glória et divítiæ in domo ejus : et justítia ejus manet in sæculum sæculi. Allelúia.

Secreta.

OBLATA, quæsumus, Dómine, múnera, gloriósa Unigéniti tui Transfiguratióne sanctifica ; nosque à peccatórum máculis, splendóribus ipsíus illustratiónis emúnda. Per eúmdem Dóminum.

Pro SS. Martyribus.

Secreta.

MUNERA tibi, Dómine, nostræ devotiónis offērimus : quæ et pro tuórum tibi grata sint honóre justórum, et nobis salutária, te miseránte, reddántur. Per, etc.

Præfatio de Nativitate Domini. Quia per incarnáti Verbi, etc. *fol. 203.*

Communio. Matth. 17. Visiónem, quam vidistis, némini dixéritis, donec à mórtuis resúrgat Fílius hóminis.

Postcommunio.

PRÆSTA, quæsumus, omnípotens Deus ; ut sacrosáncta Fílii tui Transfiguratiónis mystéria, quæ solémni celebrámus officio, purificátæ mentis intelligéntia consequámur. Per eúmdem, etc.

Pro SS. Martyribus.

Postcommunio.

PRÆSTA nobis, quæsumus, Dómine, intercedéntibus sanc-

tis martyribus tuis Xysto, Felicissimo, et Agapito ; ut, quod ore contingimus, pura mente capiamus. Per Dominum, etc.

DIE VII.

SANCTI CAJETANI,

Confessoris.

Introitus. Ps. 36.

OS justi meditabitur sapientiam, et lingua ejus loquetur iudicium : lex Dei ejus in corde ipsius.

Ps. ibid. Noli æmulari in malignantibus : neque zelaveris facientes iniquitatem.

Ÿ. Glória Patri, etc.

Oratio.

DEUS, qui beato Cajetano Confessori tuo Apostolicam vivendi formam imitari tribuisti ; da nobis, ejus intercessione et exemplo, in te semper confidere, et sola cœlestia desiderare. Per, etc.

Pro commemoratione S. Donati Episc. et Mart.

Oratio.

DEUS tuorum glória sacerdotum, præsta, quæsumus, ut sancti Martyris tui et Episcopi Donati, cujus festa gerimus, sentiamus auxilium. Per, etc.

Lectio libri Sapientiae. Eccl. 31.

BEATUS vir, qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum ? fecit enim mirabilia in vita sua. Qui probatus est in illo, et perfectus est, erit illi glória

æterna : qui potuit transgredi, et non est transgressus ; facere mala, et non fecit. Ideò stabilita sunt bona illius in Domino, et eleemosynas illius enarrabit omnis Ecclesia sanctorum.

Graduale. Ps. 91. Justus ut palma florébit : sicut cedrus Libani multiplicabitur in domo Domini.

Ÿ. Ad annuntiandum manè misericordiam tuam, et veritatem tuam per noctem.

Allelúia, allelúia. Ÿ. *Jac. 1.* Beatus vir qui suffert tentationem : quoniam cum probatus fuerit, accipiet coronam vitæ. Allelúia.

Sequéntia sancti Evangelii secundum Matthæum. Matth. 6.

IN illo tempore : Dixit Jesus discipulis suis : Nemo potest duobus dominis servire : aut enim unum odio habébit, et alterum diliget : aut unum sustinebit, et alterum contemnet. Non potestis Deo servire, et mammonæ. Ideò dico vobis, ne solliciti sitis animæ vestræ quid manducetis, neque corpori vestro quid induamini. Nonne anima plus est quàm esca, et corpus plus quàm vestimentum ? Respiciate volatilia cœli, quoniam non serunt, neque metunt, neque congregant in hórrea : et Pater vester cœlestis pascit illa. Nonne vos magis pluris estis illis ? Quis autem vestrum cogitans, potest adjicere ad staturam suam cubitum unum ? Et de vestimento quid solliciti estis ? Considerate lilia agri, quomodo crescunt : non labórant, neque nent. Dico autem vobis : quoniam nec Sálomon in omni glória sua coopertus est sicut unum ex istis. Si autem fœnum agri, quod hodiè est, et cras in clibanum mittitur, Deus sic vestit : quantò magis vos, módicæ fidei ? Nolite

ergo solliciti esse, dicentes : Quid manducabimus, aut quid bibemus, aut quo operiemur ? Hæc enim omnia gentes inquirunt. Scit enim Pater vester quia his omnibus indigetis. Quærite ergo primum regnum Dei, et justitiam ejus ; et hæc omnia adjicientur vobis.

Offertorium. Ps. 88. Veritas mea, et misericordia mea cum ipso : et in nomine meo exaltabitur cornu ejus.

Secreta.

PRÆSTA nobis, quæsumus, omnipotens Deus ; ut nostræ humilitatis oblatio, et pro tuorum tibi grata sit honore sanctorum, et nos corpore pariter et mente purificet. Per Dominum, etc.

Pro S. Donato, Episcopo et Martyre.

Secreta.

PRÆSTA, quæsumus, Domine ; ut sancti Martyris tui et Episcopi Donati intercessione, quem ad laudem nominis tui dicatis munerebus honoramus, piæ nobis fructus devotionis accrescat. Per, etc.

Communio. Matth. 24. Beatus servus, quem, cum venerit dominus, invenerit vigilantem : amen dico vobis, super omnia bona sua constituet eum.

Postcommunio.

QUÆSUMUS, omnipotens Deus ; ut, qui cœlestia alimenta percipimus, intercedente beato Cajetano Confessore tuo, per hæc contra omnia adversa muniamur. Per Dominum, etc.

Pro S. Donato, Episcopo et Martyre.

Postcommunio.

OMNIPOTENS et misericors Deus, qui nos sacramentorum

tuorum et participes efficis et ministros, præsta, quæsumus ; ut, intercedente beato Donato Martyre tuo atque Pontifice, ejusdem proficiamus et fidei consortio, et digno servitio. Per Dominum, etc.

DIE VIII.

Sanctorum Martyrum

CYRIACI, LARGI ET SMARAGDI.

Introitus. Ps. 33.

TIMETE Dominum omnes sancti ejus, quoniam nihil deest timentibus eum : divites eguerunt, et esurierunt : inquirentes autem Dominum, non deficient omni bono.

Ps. ibid. Benedicam Dominum in omni tempore : semper laus ejus in ore meo.

Ÿ. Glória Patri, etc.

Oratio.

DEUS, qui nos annua sanctorum Martyrum tuorum Cyriaci, Largi et Smaragdi solemnitate lætificas, concede propitius ; ut, quorum natalitia colimus, virtutem quoque passionis imitemur. Per Dominum, etc.

Lectio Epistolæ beati Pauli Apostoli ad Thessalonicenses.

1 Thess. 2.

FRATRES, Grátias ágimus Deo sine intermissione : quoniam cum accepissetis à nobis verbum auditus Dei, accepistis illud non ut verbum hominum, sed (sicut est verè) verbum Dei, qui operatur in vobis, qui credidistis. Vos enim imitatores facti estis, fratres, Ecclesiarum Dei, quæ sunt in Judæa in

Christo Jesu : quia éadem passi estis et vos à contribúlibus vestris, sicut et ipsi à Judæis, qui et Dóminum occidérunt Jesum, et Prophétas, et nos persecúti sunt, et Deo non placent, et ómnibus homínibus adversántur, prohibéntes nos géntibus loqui ut salvæ fiant, ut ímpleant peccáta sua semper : pervénit enim ira Dei super illos usque in finem.

Graduale. Ps. 33. Timéte Dóminum, omnes sancti ejus : quóniam nihil deest timéntibus eum.

Ÿ. Inquiréntes autem Dóminum, non deficient omni bono.

Allelúia, allelúia. Ÿ. *Sap. 3.* Fulgébunt justi, et tamquam scintillæ in arundinétó discúrrunt in ætérnum. Allelúia.

Sequéntia sancti Evangélíi secúndum Marcum. *Marc. 16.*

IN illo témpore : Dixit Jesus discípulis suis : Eúntes in mundum univérsum, prædicáte Evangélium omni creatúræ. Qui crediderit, et baptizátus fúerit, salvus erit : qui verò non crediderit, condemnábitur. Signa autem eos qui crediderint, hæc sequéntur : In nómine meo dæmónia ejicient : linguis loquéntur novis : serpéntes tollent : et si mortíferum quid biberint, non eis nocébit : super ægros manus impónent, et benè habébunt.

Offertorium. Ps. 31. Lætámini in Dómino, et exultáte justí : et gloriámini omnes recti corde.

Secreta.

ACCEPTA sit in conspéctu tuo, Dómine, nostra devótio : et eórum nobis fiat supplicatióne salutaris, pro quorum solemnitate defératur. Per Dóminum, etc.

Communio. Marc. 16. Signa

autem eos, qui in me credunt, hæc sequéntur : dæmónia ejicient : super ægros manus impónent, et benè habébunt.

Postcommunio.

REFFECTI participatióne muneris sacri, quæsumus, Dómine Deus noster ; ut, cujus exéquimur cùltum, intercedéntibus sanctis Martyribus tuis Cyríaco, Largo et Smarágdo, sentiámus efféctum. Per Dóminum, etc.

¶ *Si festum sancti Laurentii venerit Feria ii, commemoratio S. Romani fit in Dominica, et de Vigilia in Sabato, in quo celebratur festum SS. Cyriaci, etc. Et de ea legitur Evangelium in fine.*

DIE IX.

In Vigilia

SANCTI LAURENTII,

Martyris.

Introitus. Ps. 111.

DISPERSIT, dedit paupéribus, justítia ejus manet in sæculum sæculi : cornu ejus exaltábitur in glória.

Ps. ibid. Beátus vir qui timet Dóminum : in mandátis ejus cupit nimis.

Ÿ. Glória Patri, etc.

Oratio.

ADESTO, Dómine, supplicatió- nibus nostris : et, intercessióne beáti Lauréntii mártiris tui, cujus prævenimus festivitátem, perpétuam nobis misericórdiam benígnus impénde. Per Dóminum, etc.

Pro commemoratione Sancti Romani, Martyris.

Oratio.

PRÆSTA, quæsumus, omnipotens Deus; ut, intercedente beato Romano Martyre tuo, et à cunctis adversitatibus liberemur in corpore, et à pravis cogitationibus mundemur in mente.

Tertia Oratio de sancta Maria, Concède nos, etc., ut supra, fol. 442.

Lectio libri Sapiëntiæ. Eccl. 51.

CONFITEBOR tibi, Dómine Rex, et collaudábo te Deum Salvatórem meum. Confitébor nómini tuo, quóniam adjutor et protector factus es mihi, et liberásti corpus meum à perditíone, à láqueo linguæ iniquæ, et à lábiis operántium mendácium; et in conspéctu astántium factus es mihi adjutor. Et liberásti me secúndum multitudinem misericórdiæ nóminis tui à rugiéntibus præparátis ad escam, de mánibus quæréntium ánimam meam, et de portis tribulatiónum quæ circumdedérunt me; à pressúra flammæ, quæ circumdedit me, et in médio ignis non sum æstuátus; de altitúdine ventris inferi, et à lingua coinquináta, et à verbo mendácii, à rege iniquo, et à lingua injústa. Laudábit usque ad mortem ánima mea Dóminum, quóniam éruis sustinéntes te, et liberas eos de mánibus géntium, Dómine Deus noster.

Graduale. Ps. 111. Dispérsit, dedit paupéribus: justítia ejus manet in sæculum sæculi.

V. Potens in terra erit semen ejus: generátio rectórum benedicetur.

Sequéntia sancti Evangélii secúndum Matthæum. *Matth. 16.*

IN illo témpore: Dixit Jesus discipulis suis: Si quis vult post

me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdiderit ánimam suam propter me, invéniet eam. Quid enim prodest hómīni, si mundum univérsum lucrétur, ánimæ verò suæ detriméntum patiátur? Aut quam dabit homo commutatióem pro ánima sua? Fílius enim hómīnis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium. Job. 16. Orátio mea munda est; et idéò peto, ut detur locus voci meæ in cœlo: quia ibi est judex meus, et cónscius meus in excélsis: ascéndat ad Dóminum deprecátio mea.

Secreta.

HOSTIAS, Dómine, quas tibi offérimus, propítius súscipe: et, intercedente beato Lauréntio Martyre tuo, víncula peccatórum nostrórum absólve. Per, etc.

Pro S. Romano Mart.

Secreta.

MUNERIBUS nostris, quæsumus, Dómine, precibúsque suscéptis; et cœléstibus nos munda mystériis, et cleménter exáudi.

Tertia de beata Maria, Tua, Dómine, etc., ut supra, fol. 442.

Communio. Matth. 16. Qui vult veníre post me, ábneget semetípsum: et tollat crucem suam, et sequátur me.

Postcommunio.

DA, quæsumus, Dómine Deus noster, ut sicut beáti Lauréntii Martyris tui commemoratióne, temporáli gratulámur officio, ita

perpétuo lætémur aspéctu. Per Dóminum, etc.

Pro S. Romano.

Postcommunio.

QUÆSUMUS, omnipotens Deus ; ut, qui cœlestia aliménta percépimus, intercedente beáto Romano mártire tuo, per hæc contra ómnia advérsa muniámur.

Tertia de Sancta Maria, Sumptis, Dómine, etc., ut supra, fol. 442.

DIE X.

SANCTI LAURENTII,
Martyris.

Introitus. Ps. 95.

CONFESSIO, et pulchritúdo in conspéctu ejus : sánctitas, et magnificéntia in sanctificatióne ejus.

Ps. ibid. Cantáte Dómino cánticum novum : cantáte Dómino omnis terra.

Ÿ. Glória Patri, etc.

Oratio.

DA nobis, quæsumus, omnipotens Deus, vitiórum nostrórum flammæ extingueré : qui beáto Lauréntio tribuisti tormentórum suórum incéndia superáre. Per Dóminum, etc.

Léctio Epistolæ beáti Pauli Apóstoli ad Corínthios. 2 Cor. 9.

FRATRES, Qui parcè séminat, parcè et metet : et qui séminat in benedictiónibus, de benedictiónibus et metet. Unusquisque prout destinávit in corde suo, non ex tristítia, aut ex necessitáte : hílarem enim datórem diligit Deus.

Potens est autem Deus omnem grátiam abundáre fácere in vobis : ut in ómnibus semper omnem sufficiéntiam habéntes, abundétis in omne opus bonum, sicut scriptum est : Dispérsit, dedit paupéribus : justítia ejus manet in sæculum sæculi. Qui autem administrat semen seminánti ; et panem ad manducándum præstábit, et multiplicábit semen vestrum, et augébit increménta frugum justítiæ vestræ.

Graduale. Ps. 16. Probásti, Dómine, cor meum, et visitásti nocte.

Ÿ. Igne me examinásti, et non est invénta in me iníquitas.

Allelúia, allelúia. Ÿ. Levíta Lauréntius bonum opus operátus est : qui per signum crucis cæcos illuminávit. Allelúia.

Sequéntia sancti EvangélII secúndum Joánnem. Joann. 12.

IN illo témpore : Dixit Jesus discípulis suis : Amen, amen dico vobis, nisi granum fruménti cadens in terram mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, perdet eam : et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur : et ubi sum ego, illic et mínister meus erit. Si quis mihi ministráverit, honorificábit eum Pater meus.

Non dicitur Credo, nisi in Ecclesia propria, vel nisi venerit in Dominica.

Offertorium. Ps. 95. Conféssio et pulchritúdo in conspéctu ejus : sánctitas et magnificéntia in sanctificatióne ejus.

Secreta.

ACCIPE, quæsumus, Dómine, múnera dignánte obláta : et, beáti Lauréntii suffragántibus méritis, ad nostræ salútis auxiliúm provenire concéde. Per, etc.

Communio. Joann. 12. Qui mihi ministrat, me sequátur : et ubi ego sum, illic et mínister meus erit.

Postcommunio.

SACRO múnere satiáti, súpplices te, Dómine, deprecámur ; ut, quod débitæ servitútis celebrámus officio, intercedénte beáto Lauréntio Mártire tuo, salvatiónis tuæ sentiámus augméntum. Per, etc.

¶ *Infra Octavam S. Laurentii dicitur eadem Missa sicut in ejus festo, et post Orationem diei fit commemor. de festo Simplici occurrente : et tertia Oratio dicitur de S. Maria, Concéde nos, etc., fol. 442.*

Sed si occurrat dies Dominica, secunda Oratio erit de Oct., et tertia de Sanctis.

DIE XI.

Pro Commemoratione

SS. TIBURTII ET SUSANNÆ,
Martyrum.

Oratio.

SANCTORUM Mátyrum tuórum Tibúrtii et Susánnæ nos, Dómine, fóveant continuáta præsi-dia : quia non désinis propítius in-tuéri, quos talibus auxiliis concé-seris adjuvári.

Secreta.

ADESTO, Dómine, précibus pópuli tui, adésto munéribus : ut, quæ sacris sunt obláta mysté-

riis, tuórum tibi pláceant interces-si-one sanctórum.

Postcommunio.

SUMPSIMUS, Dómine, pignus redemptionis ætérnæ : quod sit nobis, quæsumus, interveniéntibus sanctis Martyribus tuis, vitæ præ-séntis auxiliúm páriter et futúrá.

DIE XII.

SANCTÆ CLARÆ,
Virginis.

Missa, Dilexisti, etc., de Communi Virginum, fol. 27 ; et fit commemor. Octavæ S. Laurentii cum Orat. ut supra, fol. 462.*

DIE XIII.

Pro Commemoratione

SS. HIPPOLYTI ET CASSI-
ANI,
Martyrum.

Oratio.

DA, quæsumus, omnipotens De-us ; ut beatórum mátyrum tuórum Hyppólyti et Cassiáni ve-neránda solémnitas, et devotióne nobis áugeat, et salútem.

Secreta.

RESPICE, Dómine, múnera pópuli tui, sanctórum festivi-tate votiva : et tuæ testificatio veri-tatis nobis proficiat ad salútem.

Postcommunio.

SACRAMENTORUM tuórum, Dómine, commúnio sumpta nos salvet, et in tuæ veritátis luce confirmet.

DIE XIV.

In Vigilia

ASSUMPTIONIS BEATÆ MARIE VIRGINIS.

Introitus. Ps. 44.

VULTUM tuum deprecabúntur omnes divites plebis : adducéntur Regi vírgines post eam : próximæ ejus adducéntur tibi in lætítia et exultatióne.

Ps. ibid. Eructávit cor meum verbum bonum : dico ego ópera mea Regi.

V. Glória Patri, etc.

Non dicitur Glória in excélsis.

Oratio.

DEUS, qui virginálem aulam beátæ Mariæ, in qua habitáres, eligere dignátus es : da, quæsumus ; ut sua nos defensióne munitos, jucúndos fácias suæ interéssé festivitáti. Qui vivis, etc.

Et fit commemoratio Octavæ Sancti Laurentii, Mart.

Oratio.

DA nobis, quæsumus, omnipotens Deus, vitiórum nostrórum flammæ extingúere ; qui beáto Lauréntio tribuísti tormentórum suórum incéndia superáre.

Deinde S. Eusebii, Confessoris.

Oratio.

DEUS, qui nos beáti Eusébii Confessoris tui ánnua solemnitate lætíficas : concéde propítius ; ut, cujus natalítia cólimus, per ejus ad te exémpa gradiámur. Per Dóminum nostrum, etc.

Lectio libri Sapiéntiæ. Eccl. 24.

EGO quasi vitis fructificávi suavitatem odóris : et flores mei,

fructus honóris et honestátis. Ego Mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis : in me omnis spes vitæ et virtútis. Transíte ad me omnes qui concupiscitis me, et à generatióibus meis implémini. Spíritus enim meus super mel dulcis, et hæreditas mea super mel et favum. Memória mea in generatióes sæculórum. Qui edunt me, adhuc esúrient : et qui bibunt me, adhuc sitient. Qui audit me, non confundétur ; et qui operántur in me, non peccábunt. Qui elúcidant me, vitam ætérnam habébunt.

Graduale. Benedicta et venerábilis es, Virgo María, quæ sine tactu pudóris, invénta es Mater Salvatóris.

V. Virgo Dei génitrix, quem totus non capit orbis, in tua se clausit víscera factus homo.

Sequéntia sancti Evangélii secundum Lucam. Luc. 11.

IN illo témpore : Loquente Jesu ad turbas, extóllens vocem quædam múlter de turba, dixit illi : Beátus venter, qui te portávit, et úbera, quæ suxisti. At ille dixit : Quinímò, beáti qui áudiunt verbum Dei, et custódiunt illud.

Offertorium. Beáta es, Virgo María, quæ ómnium portásti Creatórem : genuísti qui te fecit, et in ætérnum pérmanes Virgo.

Secreta.

MUNERA nostra, Dómine, apud cleméntiam tuam Dei genitrícis comméndet orátio : quam idcirco de præsénti sæculo transtulisti, ut pro peccátis nostris apud te fiduciáliter intercédât. Per eúmdem Dóminum, etc.

Pro S. Laurentio, Martyre.

Secreta.

ACCIPE, quæsumus, Dómine, múnera dignánte obláta : et, beáti Lauréntii suffragántibus méritis, ad nostræ salútis auxílium proveníre concéde.

Pro S. Eusebio, Confessore.

Secreta.

LAUDIS tibi, Dómine, hóstias immolámus in tuórum commemoratióne sanctórum : quibus nos et præséntibus éxui malis confidimus, et futúris. Per, etc.

Præfatio Communis, fol. 209.

Communio. Beáta víscera Mariæ Vírginis, quæ portavérunt ætérni Patris Fílium.

Postcommunio.

CONCEDE, miséricors Deus, fragilitáti nostræ præsidium :

ut qui sanctæ Dei genitrícis festivitátem prævenímus, intercessiόνis ejus auxílio, à nostris iniquitátibus resurgámus. Per eúndem, etc.

Pro S. Laurentio, Martyre.


Postcommunio.

SACRO múnere satiáti, súpplīces te, Dómine, deprecámur ; ut, quod débitæ servitútis celebrámus officio, intercedénte beáto Lauréntio Mártire tuo, salvatiónis tuæ sentiámus augméntum.

Pro S. Eusebio, Confessore.

Postcommunio.

REFFECTI cibo, potúque cælesti, Deus noster, te súpplīces exorámus ; ut, in cujus hæc commemoratióne percépimus, ejus muniámur et précibus. Per Dóminum, etc.



DIE XV. AUGUSTI.

IN ASSUMPTIONE

BEATÆ MARIÆ VIRGINIS.

Introitus.

GAUDEAMUS omnes in Dómino, diem festum celebrantes sub honóre beátæ Mariæ Virginis, de cujus Assumptióne gaudent Angeli, et collaudant Fílium Dei.

Ps. 44. Eructávit cor meum verbum bonum : dico ego ópera mea Regi.

Ÿ. Glória Patri, etc.

Oratio.

FAMULORUM tuórum, quæsumus, Dómine, delictis ignósce : ut, qui tibi placére de áctibus nostris non valémus, Genitrícis Filii tui Dómini nostri intercessióne salvémur. Qui tecum vivit, etc.

Lectio libri Sapiéntiæ. *Eccl. 24.*

IN ómnibus réquiem quæsívi, et in hæreditáte Dómini morábor. Tunc præcépit, et dixit mihi Créator ómnium : et qui creávit me, requiévit in tabernáculo meo. Et dixit mihi : In Jacob inhábita, et in Israël hæreditáre, et in eléctis meis

mitte radices. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illíus, et in plenítudine sanctórum deténtio mea. Quasi cedrus exaltáta sum in Líbano, et quasi cypréssus in monte Sion. Quasi palma exaltáta sum in Cades, et quasi plantátio rosæ in Jéricho. Quasi olíva speciósá in campis, et quasi plátanus exaltáta sum juxta aquam in platéis. Sicut cinnamómum, et bálsamum aromatízans odórem dedi : quasi myrrha elécta dedi suavitátem odóris.

Graduale. Ps. 44. Propter veritátem, et mansuetúdinem, et justítiam, et dedúcet te mirabíllter dextera tua.

Ÿ. Audi, filia, et vide, et inclína aurem tuam : quia concupívit Rex spéciem tuam.

Allelúia, allelúia. Ÿ. Assúpta est María in cœlum, gaudet exércitus Angelórum. Allelúia.

Sequëntia sancti Evangélîi secúndum Lucam. *Luc. 10.*

IN illo témpore : Intrávit Jesus in quoddam castéllum : et múlier quædam, Martha nómine, excépit illum in domum suam : et huic erat soror, nómine María, quæ étiam sedens secus pedes Dómini, audiébat verbum illius. Martha autem satagébat circa frequens ministérium : quæ stetit et ait : Dómine, non est tibi curæ, quòd soror mea reliquit me solam ministráre ? dic ergò illi, ut me ádjuvet. Et respóndens, dixit illi Dóminus : Martha, Martha, sollicita es, et turbáris erga plúrima. Porró unum est necessárium. María óptimam partem elégit, quæ non auferétur ab ea.

Credo.

Offertorium. Assúpta est María in cælum ; gaudent Angeli, collaudántes benedicunt Dóminum. Allelúia.

Secreta.

SUBVENIAT, Dómine, plebi tuæ Dei genitrícis orátio : quam etsi pro conditióne carnis migrásse cognóscimus, in cœlésti glória apud te pro nobis intercédere sentiámus. Per eúmdem Dóminum, etc.

Præfatio de Beata Maria, Et te in Assumptiône, etc., fol. 208.

Et dicitur per totam Octavam etiam in Festis.

Communio. Luc. 10. Optimam partem elégit sibi María, quæ non auferétur ab ea in ætérnum.

Postcommunio.

MENSÆ cœléstis partícipes effecti, implorámus cleméntiam tuam, Dómine Deus noster : ut, qui Assumptiõem Dei genitrí-

cis cólimus, à cunctis malis immi-néntibus, ejus intercessiône liberémur. Per eúmdem Dóminum, etc.

Infra Octavam Assumptionis Beatæ Mariæ, et in ejus die Octava, dicitur Missa, ut in die Festi. Et infra Octavam dicitur secunda Oratio de Spiritu sancto, Deus, qui corda fidélium, etc., tertia, Ecclesiæ, etc., vel pro Papa, fol. 51.*

DOMINICA

Infra Octavam

Assumptionis B. Mariæ Virginis.

SANCTI JOACHIM,

CONFESSORIS, ET PATRIS EJUSDEM BEATÆ Mariæ VIRGINIS.

¶ *Si prædicta Dominica impedita fuerit à die Octavæ S. Laurentii, vel à die Octavæ Assumptionis, tunc festum S. Joachim in aliam diem transferatur.*

Introitus. Ps. 111.

DISPERSIT, dedit paupéribus : justitia ejus manet in sæculum sæculi : cornu ejus exaltábitur in glória.

Ps. ibid. Beátus vir, qui timet Dóminum : in mandátis ejus cupit nimis.

Ÿ. Glória Patri, etc.

Oratio.

DEUS, qui præ ómnibus sanctis tuis beátum Jóachim genitrícis Filii tui patrem esse voluisti : concéde, quæsumus ; ut, cujus festa venerámur, ejus quoque perpétuò patrocínia sentiámus. Per eúmdem Dóminum, etc.

¶ *Et fit commemoratio Dominicæ occurrentis ; et postea de Octavis, nisi*

festum sancti Joachim transferatur post omnes Octavas; et in fine Missæ legitur Evangelium Dominicæ.

Lectio libri Sapiëntiæ. *Eccl.* 31.

BEATUS vir, qui inventus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perfectus est, erit illi glória æterna: qui pótuit tránsgridi, et non est transgréssus; fácere mala, et non fecit. Ideò stabilita sunt bona illius in Dómino, et elemósynas illius enarrábit omnis Ecclésia sanctorum.

Graduale. Ps. 111. Dispérsit, dedit paupéribus: justítia ejus manet in sæculum sæculi.

Ÿ. Potens in terra erit semen ejus: generátio rectorum benedicetur.

Allelúia, allelúia. Ÿ. O Jóachim sancte, conjux Annæ, pater almæ Virginitis, híc fámulis confer salútis opem. Allelúia.

Initium sancti Evangélii secúndum Matthæum. *Matth.* 1.

LIBER generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quæ fuit Uríæ. Sálom-

mon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam et fratres ejus, in transmigratióne Babylónis. Et post transmigratiónem Babylónis, Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

¶ *Dicitur Credo, ratione Dominicæ, et Octavæ Assumptionis: alias numquam dicitur, nisi in Ecclesia propria.*

Offertorium. Ps. 8. Glória et honóre coronásti eum: et constituísti eum super ópera mánuum tuárum, Dómine.

Secreta.

SUSCIPE, clementíssime Deus, sacrificium in honórem sancti Patriárchæ Jóachim, patris Mariæ Virginitis, Majestáti tuæ oblátum: ut, ipso cum cónjuge sua, et beatíssima prole intercedente, perfectam cónsequi mereámur remissionem peccatorum, et glóriam sempitérnam. Per Dóminum, etc.

Præfatio de Beata Maria. Et te in Assumptione, etc., fol. 208, nisi festum S. Joachim transferatur post Oct. Assumptionis, quia tunc dicitur *Præfatio Communis.*

Communio. Luc. 12. Fidélis servus et prudens, quem constituit dñus super familiam suam : ut det illis in tempore tritici mensuram.

Postcommunio.

QUÆSUMUS, omnipotens Deus : ut per hæc sacramenta, quæ sumpsimus, intercedentibus meritis et precibus beati Joachim patris genitricis dilecti Filii tui Domini nostri Jesu Christi, tuæ gratiæ in præsentem, et æternæ gloriæ in futuro participes esse mereamur. Per eundem, etc.

DIE XVI.

SANCTI HYACINTHI,

Confessoris.

Missa, Os justi, etc., ut in Communi Confessoris non Pontificis, fol. 20.*

Fit commemoratio Octavæ Assumptionis B. M. Oratio Famulorum, ut supra, fol. 466 ; et Octavæ S. Laurentii, Oratio Da nobis, fol. 462, Dicitur Credo, propter Octavam Assumptionis, et Præfatio de B. Maria, Et te in Assumptione, etc., fol. 208.

DIE XVII.

In Octava

SANCTI LAURENTII,

Martyris.

Introitus. Ps. 16.

PROBASTI, Dómine, cor meum et visitasti nocte : igne me

examinasti, et non est inventa in me iniquitas.

Ps. ibid. Exáudi, Dómine, justitiam meam : inténde deprecationem meam.

Ÿ. Glória Patri, etc.

Oratio.

EXCITA, Dómine, in Ecclesia tua Spíritum, cui beátus Laurentius Levíta servivit : ut eodem nos repléti, studeamus amare quod amávit, et ópere exercere quod dócuit. Per Dóminum . . . in unitate ejúsdem Spíritus, etc.

Pro Octava Assumptionis. Oratio. Famulorum, etc., ut supra, fol. 466.

Lectio Epístolæ beati Pauli Apóstoli ad Corinthios. 2 Cor. 9.

FRATRES, Qui parçe sēminat, parçe et metet : et qui sēminat in benedictionibus, de benedictionibus et metet. Unusquisque prout destinávit in corde suo, non ex tristitia, aut ex necessitate : hilarem enim datórem diligit Deus. Potens est autem Deus omnem grátiam abundare facere in vobis, ut in ómnibus semper omnem sufficientiam habentes, abundetis in omne opus bonum, sicut scriptum est : Dispērsit, dedit paupéribus, justitia ejus manet in sæculum sæculi. Qui autem administrat semen seminánti ; et panem ad manducándum præstábit, et multiplicábit semen vestrum, et augébit incrementa frugum justitiæ vestræ.

Graduale. Ps. 8. Glória et honóre coronásti eum, Dómine.

Ÿ. Et constituísti eum super ópera mánuum tuárum.

Allelúia, allelúia. Ÿ. Levíta Laurentius bonum opus operátus est, qui per signum Crucis cæcos illuminávit. Allelúia.

Sequētia sancti Evangēlii secū-
dum Joānnem. *Joann.* 12.

IN illo tēpore: Dixit Jesus dis-
cipulis suis: Amen, amen dico
vobis, nisi granum frumēti cadens
in terram, mōrtuum fūerit, ipsum
solum manet. Si autem, mōrtu-
um fūerit, multum fructum affert.
Qui amat ānimam suam, perdet
eam: et qui odit ānimam suam in
hoc mundo, in vitam aetērnā cus-
tōdit eam. Si quis mihi minístrat,
me sequātur: et ubi sum ego, illic
et miníster meus erit. Si quis mihi
ministrāverit, honorificābit eum Pa-
ter meus.

Credo.

Offertorium. Ps. 20. In virtūte
tua, Dómine, lætābitur justus, et
super salutāre tuum exultābit vehe-
mēter: desidērium ānimæ ejus
tribuísti ei.

Secreta.

SACRIFICIUM nostrum tibi,
Dómine, quæsumus, beāti Lau-
réntii precátio sancta concíliet: ut,
cujus honóre solémniter exhibétur,
ejus méritis efficiātur accéptum.
Per Dóminum, etc.

*Pro Octava Assumptionis. Secre-
ta.* Subvéniat, Dómine, fol. 467.

Et dicitur Præfatio de B. Maria.
Et te in Assumptiōne, fol. 208.

Communio. Matth. 16. Qui
vult veníre post me, ábneget semet-
ipsum, et tollat crucem suam, et
sequātur me.

Postcommunio.

SUPPLICES te rogāmus, omni-
potens Deus; ut, quos donis
cœlestibus satiásti, intercedēte
beāto Lauréntio Mártire tuo, per-
pétua protectiōne custódias. Per
Dóminum, etc.

*Pro Octava Assumptionis. Post-
communio.* Mensæ cœlestis, fol.
467.

DIE XVIII.

Pro Commemoratione

SANCTI AGAPITI,

Martyris.

Oratio.

LÆTETUR Ecclesia tua, De-
us, beāti Agapiti mártiris tui
confisa suffrágiis: atque ejus pré-
cibus gloriósis et devóta permáneat,
et secúra consistat.

Tertia Oratio de Spiritu Sancto.
Deus, qui corda fidélium, fol. 51*,
*nisi venerit in Dominica: quia tunc
tertia Oratio erit de Sancto.*

Secreta.

SUSCIPE, Dómine, munera,
quæ in ejus tibi solemnitáte
deférimus, cujus nos confídimus
patrocínio liberári.

Postcommunio.

SATIASTI, Dómine, famíliam
tuam munéribus sacris: ejus,
quæsumus, semper interventióne
nos réfove, cujus solémnia celebrá-
mus.

DIE XX.

SANCTI BERNARDI,

Abbatis et Ecclesiæ Doctoris.

*Missa, In médio Ecclesiæ, de
Communi Doctorum, fol. 18*, cum
commemoratione Octavæ Assumptio-
nis B. M.*

Epistola, Justus cor suum, fol. 19.*

Dicitur Credo, et Præfatio de B. Maria, fol. 208.

DIE XXI.

SANCTÆ JOANNÆ FRANCISCÆ FREMIOT de Chantal,

Viduæ.

Missa, Cognóvi, etc., de Communi nec Virginis nec Martyris, fol. 31, præter Orationes sequentes.*

Oratio.

OMNIPOTENS et miséricors Deus, qui beátam Joánnam Franciscam, tuo amóre succénsam, admirábili spíritus fortitúdine per omnes vitæ sémitas, in via perfectiónis donásti; quique per illam illustráre Ecclesiám tuam nova prole voluísti: ejus méritis et precibus concéde; ut, qui infirmitátis nostræ cónscli de tua virtúte confidimus, cœléstis grátiae auxílio, cuncta nobis adversántia vincámus. Per Dóminum, etc.

Et fit commemoratio Octavæ Assumptionis B. Mariæ. Oratio. Famulórum, fol. 466.

Et dicitur Credo, propter Octavam.

Secreta.

ILLO nos amóris igne, quæsumus, Dómine, hæc hóstia salutáris inflammet, quo beátæ Joannæ Franciscæ cor veheménter incéndit, et flammis adússit ætérnæ caritátis. Per Dóminum, etc.

Pro Octava Assumptionis B. Mariæ, Secreta. Subvéniat, Dómine, fol. 467.

Præfatio de Beata Maria, fol. 208.

Postcommunio.

SPIRITUM nobis, Dómine, tuæ caritátis infúnde: ut, quos cœléstis panis virtúte satiásti, beáta Joáнна Francísca intercedénte, fácias terréna despícere, et te solum Deum pura mente sectári. Per Dóminum . . . in unitáte ejúdem Spíritus, etc.

Pro Octava Assumptionis, Postcommunio, Mensæ cœléstis, fol. 467.

DIE XXII.

In Octava

ASSUMPTIONIS BEATÆ MARIE VIRGINIS.

Missa ut in die, cum commemoratione SS. Timothei, Hippolyti et Symphoriani, martyrum.

Oratio.

AUXILIUM tuum nobis, Dómine, quæsumus, placátus impénde: et, intercedéntibus beátis mártiribus tuis Timótheo, Hippolyto et Symphoriáno, dexteram super nos tuæ propitiatiónis exténde. Per Dóminum, etc.

Secreta.

ACCEPTA tibi sit, Dómine, sacrátæ plebis oblátio pro tuórum honóre sanctórum: quorum se méritis de tribulatióne percepisse cognóscit auxilium. Per, etc.

Postcommunio.

DIVINI múnis largitáte satiáti, quæsumus, Dómine Deus noster; ut, intercedéntibus sanctis mártiribus tuis Timótheo, Hippó-

lyto et Symphoriáno, in ejus semper participatióne vivámus. Per, etc.

DIE XXIII.

S. PHILIPPI BENITH,
Confessoris.

Missa, Justus ut palma, etc., de Communi Conf. non Pontif., fol. 21, præter Orationem sequentem.*

Oratio.

DEUS, qui per beátum Philíp-
pum Confessórem tuum, exí-
mium nobis humilitátis exéplum
tribuísti : da fámulis tuis próspere
mundi ex ejus imitatióne despicere,
et cœlestia semper inquirere. Per
Dóminum, etc.

*Et fit commemoratio Vigilæ S.
Bartholomæi, ubi festum ejusdem cele-
bratur die xxiv.*

DIE XXIII. VEL XXIV.

In Vigilia
SANCTI BARTHOLOMÆI,
Apostoli.

*Missa, Ego autem sicut olíva,
etc., de Communi Apostolorum, fol.
1*.*

*Oratio secunda de B. Maria, Con-
céde; tertia, Ecclésiæ, vel pro Papa,
fol. 237.*

¶ *Sequens festum S. Bartholo-
mæi Apostoli celebretur, secundum
consuetudinem locorum, vel xxiv. vel
xxv. Augusti. Romæ celebratur xxv.,
et de S. Ludovico fit die xxvi., cum
commemoratione S. Zephyrini.*

DIE XXIV. VEL XXV.

SANCTI BARTHOLOMÆI,
Apostoli.

Introitus. Ps. 138.

Mihi autem nimis honoráti
sunt amíci tui, Deus : nimis
confortátus est principátus eórum.

Ps. ibid. Dómine, probásti me,
et cognovísti me : tu cognovísti ses-
siónem meam, et resurrectionem
meam.

Ÿ. Glória Patri, etc.

Oratio.

OMNIPOTENS sempitérne De-
us, qui hujus diéi venerándam
sanctámque lætítiam in beáti Após-
toli tui Bartholomæi festivitáte tri-
buísti : da Ecclésiæ tuæ, quæsumus,
et amáre quod crédidit, et prædicáre
quod dócuit. Per Dóminum, etc.

Léctio Epístolæ beáti Pauli Apóstoli
ad Corínthios. 1 Cor. 12.

FRATRES, vos estis corpus
Christi, et membra de mem-
bro. Et quosdam quidem pósuit
Deus in Ecclésia, primùm Apósto-
los, secúndò Prophétas, tértiò Doc-
tóres, deinde virtútes, exinde grá-
tias curatiónum, opitulatiónes, gu-
bernatiónes, génera linguárum,
interpretatiónes sermónum. Num-
quid omnes Apóstoli? numquid
omnes Prophétæ? numquid omnes
Doctóres? numquid omnes virtú-
tes? numquid omnes grátiam ha-
bent curatiónum? numquid omnes
linguis loquúntur? numquid omnes
interpretántur? Æmulámini au-
tem charismata melióra.

Graduale. Ps. 44. Constitues
eos príncipes super omnem terram :
mémores erunt nóminis tui, Dó-
mine.

Ÿ. Pro pátribus tuis nati sunt

tibi filii : propterea pópuli confitebúntur tibi.

Allelúia, allelúia. *Ÿ.* Te gloriósus Apostolorum chorus laudat, Dómine. Allelúia.

Sequéntia sancti Evangélii secúndum Lucam. *Luc. 6.*

IN illo témpore : Exiit Jesus in montem oráre, et erat pernóctans in oratióne Dei. Et cùm dies factus esset, vocávit discipulos suos : et elégit duódecim ex ipsis (quos et Apóstolos nominávit :) Simónem, quem cognominávit Petrum, et Andréam fratrem ejus, Jacóbum et Joánnem, Philíppum et Bartholomæum, Matthæum et Thomam, Jacóbum Alphæi et Simónem, qui vocátur Zelótes, et Judam Jacóbi, et Judam Iscariótem, qui fuit próditor. Et descéndens cum illis, stetit in loco campéstri, et turba discipulorum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tángere, quia virtus de illo exíbat, et sanábat omnes.

Credo.

Offertorium. Ps. 138. Mihi autem nimis honoráti sunt amíci tui, Deus : nimis confortátus est principátus eórum.

Secreta.

BEATI Apóstoli tui Bartholomæi solémnia recenséntes, quæsumus, Dómine ; ut ejus auxílio tua beneficia capiámus, pro quo tibi laudis hóstias immolámus. Per, etc.

Præfatio de Apostolis, fol. 209.

Communio. Matth. 19. Vos, qui

secúti estis me, sedébitis super sedes, judicántes duódecim tribus Israél, dicit Dóminus.

Postcommunio.

SUMPTUM, Dómine, pignus redemptionis æternæ, sit nobis, quæsumus, interveniénte beáto Bartholomæo Apóstolo tuo, vitæ præsentis auxílium páriter et futúra. Per Dóminum, etc.

DIE XXV. VEL XXVI.

SANCTI LUDOVICI,
Confessoris.

Introitus. Ps. 36.

OS justi meditábitur sapiéntiam, et lingua ejus loquétur judícium : lex Dei ejus in corde ipsíus.

Ps. ibid. Noli æmulári in malignántibus : neque zeláveris faciéntes iniquitátem.

Ÿ. Glória Patri, etc.

Oratio.

DEUS, qui beátum Ludovicum Confessórem tuum, de terréno regno ad cœléstis regni glóriam transtulísti : ejus, quæsumus, méritis et intercessióne, Regis regum Jesu Christi Filii tui fácias nos esse consórtes. Qui tecum vivit et regnat in unitáte, etc.

Léctio libri Sapiéntiæ. Sap. 10.

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctorum : honestávit illum in laboribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et à seductóribus tutávit illum, et certámen forte dedit illi ut vínceret, et

sciret quóniam ómnium poténtior est sapiéntia. Hæc vënditum justum non dereliquit, sed à peccatóribus liberávit eum : descenditque cum illo in fóveam, et in vínculis non dereliquit illum, donec afférret illi sceptrum regni, et poténtiam advérsus eos, qui eum deprimébant : et mendáces osténdit, qui maculavérunt illum, et dedit illi claritátem ætérnam, Dóminus Deus noster.

Graduale. Ps. 91. Justus ut palma florébit : sicut cedrus Líbani multiplicábitur in domo Dómini.

V. Ad annuntiándum manè misericórdiam tuam, et veritátem tuam per noctem.

Allelúia, allelúia. V. Jac. 1. Beátus vir, qui suffert tentatiónem : quóniam cùm probátus fúerit, accípiet corónam vitæ. *Allelúia.*

Sequéntia sancti Evangélíi secúndum Lucam. *Luc. 19.*

IN illo témpore : Dixit Jesus discípulis suis parábolam hanc : Homo quidam nóbilis ábiit in regi-ónem longinquam accípere sibi regnum, et revérti. Vocátis autem decem servis suis, dedit eis decem mnas, et ait ad illos : Negotiámini, dum vénio. Cives autem ejus óderant eum ; et misérunt legatió-nem post illum, dicéntes : Nólumus hunc regnâre super nos. Et factum est ut redíret accépto regno : et jussit vocári servos, quibus dedit pecúniám, ut sciret quantùm quisque negotiátus esset. Venit autem primus, dicens : Dómine, mna tua decem mnas acquisívit. Et ait illi : Eugè bone serve, quia in módico fuísti fidélis, eris potestátem habens super decem civitátes. Et alter venit, dicens : Dómine, mna tua fecit quinque mnas. Et huic ait : Et tu esto super quinque civitátes. Et alter vénit, dicens : Dómine,

ecce mña tua, quam hábui repósi-tam in sudário : tímui enim te, quia homo austérus es : tollis quod non posuísti, et metis quod non seminásti. Dicit ei : De ore tuo te jú-dico, serve nequam. Sciébas quòd ego homo austérus sum, tollens quod non pósui, et metens quod non seminávi : et quare non dedísti pecúniám meam ad mensam ; ut ego véniens, cum usúris útique exegíssem illam ? Et astántibus dixit : Auférte ab illo mnam, et date illi, qui decem mnas habet. Et dixérunt ei : Dómine, habet decem mnas. Dico autem vobis : quia omni habénti dábitur, et abundábit : ab eo autem qui non habet, et quod habet auferétur ab eo.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

PRÆSTA, quæsumus, omnípotens Deus ; ut, sicut beátus Ludovicus Conféssor tuus, spretis mundi oblectaméntis, soli Regi Christo placére stúduit, ita ejus orátio nos tibi reddat accéptos. Per eúmdem, etc.

Communio. Matth. 24. Beátus servus, quem, cùm vénerit dóminus, invénerit vigilántem : amen dico vobis, super ómnia bona sua constitúet eum.

Postcommunio.

DEUS, qui beátum Confessórem tuum Ludovicum mirificásti in terris, et gloriósum in cælis fecísti : eúmdem, quæsumus, Ecclésiæ tuæ constitúe defensórem. Per, etc.

DIE XXVI.

SANCTI ZEPHYRINI,
Papæ et Martyris.

*Missa, Sacerdotes Dei, etc., ut in
Communi unius Martyris Pontificis,
fol. 3*, præter Orationem sequentem.*

Oratio.

PRÆSTA, quæsumus, omnipo-
tens Deus; ut beati Zephy-
rini Mártyris tui atque Pontificis,
cujus gaudemus méritis, instruámur
exémplis. Per Dóminum, etc.

DIE XXVII.

SANCTI JOSEPHI CALA-
SANCTII,
Confessoris.

Introitus. Ps. 33.

VENITE, filii, audíte me : timó-
rem Dómini docébo vos.

Ps. ibid. Benedícam Dóminum
in omni témpore : semper laus ejus
in ore meo.

V. Glória Patri, etc.

Oratio.

DEUS, qui per sanctum José-
phum Confessórem tuum, ad
erudiendam spíritu intelligéntiæ ac
pietátis juventútem, novum Ecclé-
siæ tuæ subsidium providere digná-
tus es : præsta, quæsumus, nos ejus
exémplis et intercessióne ita fácere
et docére, ut præmia consequámur
ætérna. Per Dóminum, etc.

Lectio libri Sapiéntiæ. Sap. 10.

JUSTUM dedúxit Dóminus per
vias rectas, et osténdit illi reg-
num Dei, et dedit illi sciéntiam
sanctorum : honestávit illum in la-

bóribus, et complévit labóres illius.
In fraude circumveniéntium illum
áfuit illi, et honéstum fecit illum.
Custodívit illum ab inimícis, et à
seductóribus tutávit illum, et certá-
men forte dedit illi ut víceret, et
sciret quóniam ómnium poténtior
est sapiéntia. Hæc vénditum jus-
tum non dereliquit, sed à peccatóri-
bus liberávit eum : descendítque
cum illo in fóveam, et in vínculis non
dereliquit illum, donec afférret illi
sceptrum regni, et poténtiam advér-
sus eos, qui eum deprimébant : et
mendáces osténdit qui maculavé-
runt illum, et dedit illi claritátem
ætérnam, Dóminus Deus noster.

Graduale. Ps. 36. Os justi me-
ditábitur sapiéntiam, et lingua ejus
loquétur judícium.

V. Lex Dei ejus in corde ipsíus :
et non supplantabúntur gressus ejus.

Allelúia, allelúia. V. Jac. 1.
Beátus vir qui suffert tentatióem :
quóniam cùm probátus fúerit, accí-
piet corónam vitæ. *Allelúia.*

Sequéntia sancti Evangelii secún-
dum Matthæum. *Matth. 18.*

IN illo témpore : Accessérunt dis-
cípuli ad Jesum, dicéntes : Quis,
putas, major est in regno cœlórum ?
Et ádvocans Jesus párvulum, státuit
eum in médio eórum, et dixit :
Amen dico vobis, nisi convérsi fué-
ritis, et efficiámini sicut párvuli,
non intrábitis in regnum cœlórum.
Quicúmque ergo humiliáverit se si-
cut párvulus iste, hic est major in
regno cœlórum : et qui suscepit
unum párvulum talem in nómine
meo, me súscipit.

Offertorium. Ps. 10. Desidéri-
um páuperum exaudivit Dóminus :
præparatióem cordis eórum audivit
auris tua.

Secreta.

ALTAIRE tuum, Dómine, muneribus cumúlamus oblátis: ut ejus nobis fiant supplicatióne propítia, cujus nos donásti patrocínio adjuvári. Per Dóminum, etc.

Communio. Marc. 10. Sinite párvulos veníre ad me, et ne prohibéritis eos: tálíum est enim regnum Dei.

Postcommunio.

SANCTIFICATI, Dómine, salutári mystério, quæsumus; ut, intercedénte santo Josépho Confessore tuo, ad majus semper proficiámus pietátis increméntum. Per Dóminum, etc.

DIE XXVIII.

S. AUGUSTINI, EPISC.,

Confessoris et Ecclesiæ Doctoris.

Introitus. Eccli. 15.

IN médio Ecclesiæ aperuit os ejus: et implévit eum Dóminus spiritu sapiéntiæ et intelléctus: stolam glóriæ induit eum.

Ps. 91. Bonum est confitéri Dómino: et psállere nómini tuo, Altíssime.

Ÿ. Glória Patri, etc.

Oratio.

ADESTO supplicatió nibus nostris, omnípotens Deus; et, quibus fidúciā sperándæ pietátis indúlges, intercedénte beáto Augustino Confessore tuo atque Pontífice, consuétæ misericórdiæ tribue benígnus effectum. Per Dóminum, etc.

*Pro commemoratione Sancti Hermetis, martyris.**Oratio.*

DEUS, qui beátum Hermétem Mátyrem tuum, virtúte constantiæ in passióne roborásti: ex ejus nobis imitatióne tribue, pro amore tuo próspera mundi despícere, et nulla ejus advérsa formidáre. Per Dóminum, etc.

Léctio Epístolæ beáti Pauli Apóstoli ad Timótheum. 2 *Tim. 4.*

CARISSIME, Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportunè, importúnè: árgue, óbseca, increpa in omni patiéntia, et doctrína. Erit enim tempus, cùm sanam doctrinam non sustinébunt, sed ad sua desidéria coacervábunt sibi magistros, pruriéntes áuribus: et à veritate quidem audítum avértent, ad fábulas autem converténtur. Tu verò vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutiόνis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solùm autem mihi, sed et iis qui diligunt advéntum ejus.

Graduale. Ps. 36. Os justi meditábitur sapiéntiam, et lingua ejus loquétur judícium.

Ÿ. Lex Dei ejus in corde ipsíus: et non supplantabúntur gressus ejus.

Allelúia, allelúia. Ÿ. *Ps. 88.* Invéni David servum meum, óleo sancto meo unxi eum. Allelúia.

Sequéntia sancti Evangélíi secúndum Matthæum. *Matth. 5.*

IN illo témpore : Dixit Jesus discipulis suis : Vos estis sal terræ. Quòd si sal evanúerit, in quo salietur? Ad nihilum valet ultrà, nisi ut mittátur foràs, et conculcétur ab homínibus. Vos estis lux mundi. Non potest civitas abscondi supra montem pòsita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolíte putáre quóniam veni sólvere legem, aut prophétas : non veni sólvere, sed adimplére. Amen quippe dico vobis, donec tránseat cœlum et terra, ióta unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic homínes, mínimus vocábitur in regno cœlórum : qui autem fécerit et docúerit, hic magnus vocábitur in regno cœlórum.

Credo.

Offertorium. Ps. 91. Justus ut palma florébit : sicut cedrus, quæ in Líbano est, multiplicábitur.

Secreta.

SANCTI Confessóris tui Augustíni nobis, Dómine, pia non desit orátio : quæ et múnera nostra concíliet, et tuam nobis indulgéntiam semper obtíneat. Per, etc.

Pro sancto Hermete.

Secreta.

SACRIFICIUM tibi, Dómine, laudis offérimus in tuórum commemoratióne sanctórum : da, quæsumus ; ut, quod illis cóntulit

glóriam, nobis prosit ad salútem. Per Dóminum, etc.

Communio. Luc. 12. Fidélis servus et prudens, quem constituit dóminus super familiam suam, ut det illis in témpore tritici mensúram.

Postcommunio.

UT nobis, Dómine, tua sacrificia dent salútem ; beátus Confessor tuus Augustínus et Pón-tífex, quæsumus, precátor accédát. Per Dóminum, etc.

Pro sancto Hermete.

Postcommunio.

REPLETI, Dómine, benedictiône cœlésti, quæsumus cleméntiam tuam : ut, intercedénte beáto Hermete mártyre tuo, quæ humiliter gérimus, salúbriter sentiámus. Per Dóminum, etc.

DIE XXIX.

In Decollatione

S. JOANNIS BAPTISTÆ.

Introitus. Ps. 118.

LOQUEBAR de testimoniis tuis in conspéctu regum, et non confundébar : et meditábar in mandátis tuis, quæ diléxi nimis.

Ps. 91. Bonum est confitéri Dómino : et psállere nómini tuo, Altíssime.

Ÿ. Glória Patri, et Filio, etc.

Oratio.

SANCTI Joánnis Baptistæ Præcursóris et mártiris tui, quæsumus, Dómine, veneránda festívitás, salutáris auxílii nobis præstet efféc-tum. Qui vivis, etc.

Pro commemoratione S. Sabinæ mart.

Oratio.

DEUS, qui inter cetera poténtiæ tuæ miracula, étiam in sexu frágili victóriam martyrii contulísti: concéde propítius; ut, qui beátæ Sabinæ mártiris tuæ natalítia cólimus, per ejus ad te exémpia gradiámur. Per Dóminum, etc.

Lectio Jeremiæ Prophétæ. Jer. 1.

IN diébus illis: Factum est verbum Dómini ad me, dicens: Accínge lumbos tuos, et surge, et lóquere ad Juda ómnia quæ ego præcipio tibi. Ne formídes à fácie eórum: nec enim timére te fáciam vultum eórum. Ego quippe dedi te hódie in civitátem munitam et in coluḿnam férream, et in murum æreum, super omnem terram, régibus Juda, princípibus ejus, et sacerdotibus, et pópulo terræ. Et bellábunt advérsùm te, et non prævalébunt: quia ego tecum sum, ait Dóminus, ut liberem te.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

Ÿ. Ad annuntiándum manè misericórdiam tuam, et veritátem tuam per noctem.

Allelúia, allelúia. *Ÿ. Oseæ 14.* Justus germinábit sicut lílium: et florébit in ætérnum ante Dóminum. Allelúia.

Sequéntia sancti Evangélíi secúndum Marcum. Marc. 6.

IN illo témpore: Misit Heródes, Iac ténuit Joánnem, et vinxit eum in cárcere propter Herodiadem uxórem Philippi fratris sui, quia dúxerat eam. Dicébat enim Joánnes Heródi: Non licet tibi habére uxórem fratris tui. Heródias autem insidiabátur illi, et volébat occidere

eum, nec póterat. Heródes enim metuébat Joánnem, sciens eum virum justum et sanctum: et custodiébat eum, et audito eo multa faciébat, et libénter eum audiébat. Et cùm dies opportunus accidisset, Heródes natális sui cœnam fecit princípibus, et tribúnis, et primis Galilææ. Cùmque introisset filia ipsíus Herodiadis, et saltáset, et placuisset Heródi, simúlque recumbéntibus, rex ait puéllæ: Pete à me quod vis, et dabo tibi: et jurávit illi: Quia quidquid petieris dabo tibi, licèt dimídium regni mei. Quæ cùm exisset, dixit matri suæ: Quid petam? At illa dixit: Caput Joánnis Baptístæ. Cùmque introisset statim cum festinátione ad regem, petívit, dicens: Volo ut prótinus des mihi in disco caput Joánnis Baptístæ. Et contristátus est rex: propter jusjurándum, et propter simul discumbéntes, nóluit eam contristáre: sed misso spiculatóre, præcepit afférri caput ejus in disco. Et decollávit eum in cárcere, et áttulit caput ejus in disco: et dedit illud puéllæ, et puélla dedit matri suæ. Quo audito, discípuli ejus venérunt, et tulérunt corpus ejus, et posué-runt illud in monumento.

Offertorium. Ps. 20. In virtúte tua, Dómine, lætábitur justus, et super salutáre tuum exultábit veheménter: desidérium animæ ejus tribuisti ei.

Secreta.

MUNERA, quæ tibi, Dómine, pro sancti mártiris tui Joánnis Baptístæ passióne deférimus, quæsumus; ut ejus obténtu, nobis proficiant ad salutem. Per, etc.

Pro sancta Sabina.

Secreta.

HOSTIAS tibi, Dómine, beátæ Sabinæ mártiris tuæ dicátas

méritis, benignus assúme : et ad perpétuum nobis tribue proveníre subsidium. Per Dóminum, etc.

Communio. Ps. 20. Posuísti, Dómine, in cápite ejus corónam de lápide pretiósó.

Postcommunio.

CONFERAT nobis, Dómine, sancti Joánnis Baptistæ solémnitas : ut et magnífica sacraménta, quæ sumpsimus, significáta venerémur ; et in nobis potiùs édita gaudeámus. Per, etc.

Pro sancta Sabina.

Postcommunio.

DIVINI múnery largitáte satiáti, quæsumus, Dómine Deus noster ; ut, intercedente beáta Sabína mártire tua, in ejus semper participatióne vivámus. Per, etc.

DIE XXX.

S. ROSÆ A S. MARIA,
Virginis Limanæ.

Missa, Dilexísti, etc., de Communi Virginum, fol. 27, præter Orationem sequentem.*

Oratio.

BONORUM ómnium largitor, Omnipotens Deus, qui beátam Rosam, cœléstis grátie rore prævéntam, virginitátis et patientiæ decóre Indis floréscere voluísti : da nobis fámulis tuis ; ut in odórem suavitátis ejus curréntes, Christi bonus odor éffici mereámur. Qui tecum vivit, etc.

Pro commemorat. sanctorum Felicis et Adacti martyrum.

Oratio.

MAJESTATEM tuam, Dómine, súplices exorámus : ut, sicut nos júgiter Sanctórum tuórum commemoratióne lætíficas ; ita semper supplicatióne deséndas. Per Dóminum, etc.

Secreta.

HOSTIAS, Dómine, tuæ plebis inténde : et, quas in honóre Sanctórum tuórum devóta mente célebrat, proficere sibi séntiat ad salutem. Per Dóminum, etc.

Postcommunio.

REPLETI, Dómine, munéribus sacris, quæsumus ; ut, intercedéntibus Sanctis tuis, in gratiárum semper actiόne maneámus. Per Dóminum, etc.

DIE. XXXI

S. RAYMUNDI NONNATI,
Confessoris.

Missa, Os justi, etc., ut in Communi Conf. non Pontif., fol. 20, præter Orationem sequentem.*

Oratio.

DEUS, qui in liberándis fidélibus tuis ab impiórum captivitáte, beátum Raymúndum Confessórem tuum mirábilem effecísti : ejus nobis intercessiόne concéde ; ut à peccátorum v́nculis absolúti, quæ tibi sunt plácita, liberis méntibus exequámur. Per Dóminum, etc.

FESTA SEPTEMBRIS.

DIE I.

SANCTI ÆGIDII,

Abbatis.

Missa, Os justi, etc., de Communi Abbatum, fol. 22.*

Pro commemoratione SS. Martyrum duodecim Fratrum.

Oratio.

FRATERNANOS, Dómine, Mártyrum tuórum coróna lætificet: quæ et fidei nostræ præbeat incrementa virtútum, et multiplici nos suffrágio consolétur.

Tertia Oratio, A cunctis, fol. 73.*

Secreta.

MYSTERIA tua, Dómine, pro sanctórum Mártyrum tuórum commemoratióne devóta mente tractémus: quibus nobis et præsidium crescat, et gáudium.

Tertia Secreta, Exáudi nos, fol. 73.*

Postcommunio.

PRÆSTA, quæsumus, omnipotens Deus, ut quorum memoriám sacraménti participatióne recólimus, fidem quoque proficiendo sectémur.

Tertia Postcommunio. Mundet, fol. 73.*

DIE II.

S. STEPHANI HUNGARIÆ REGIS,

Confessoris.

Missa, Os justi, ut in Communi

Conf. non Pontif., fol. 20, exceptis Orationibus, et Evangelio propriis.*

Oratio.

CONCEDE, quæsumus, Ecclesiæ tuæ, omnipotens Deus; ut beátum Stéphanum Confessórem tuum, quem regnántem in terris propagatórem hábuit, propugnatórem habére mereátur gloriósum in cælis. Per Dóminum, etc.

Evangelium, Homo quidam, ut in festo S. Ludovici Conf. xxv. Augusti. fol. 474.

Secreta.

RESPICE quas offërimus hostias, omnipotens Deus, et præsta; ut, qui passiónis Domínicæ mystéria celebrámus, imitémur quod ágimus. Per Dóminum, etc.

Postcommunio.

PRÆSTA, quæsumus, omnipotens Deus; ut beáti Stéphani, Confessóris tui fidem cóngrua devotióne sectémur, qui pro ejúsdem fidei dilatatióne, de terréno regno ad cœlestis regni glóriam méruit pervénire. Per Dóminum, etc.

DIE V.

SANCTI LAURENTII JUSTINIANI,

Episcopi et Confessoris.

Missa, Státuit, etc., de Communi Confessoris Pontificis, fol. 15.*

DIE VIII.

IN NATIVITATE BEATÆ MARIE VIRGINIS.

Introitus. Sedulius.

SALVE, sancta Parens, eníxa puérpera Regem, qui cœlum

terrámque regit in sæcula sæculórum.

Ps. 44. Eructávit cor meum verbum bonum : dico ego ópera mea Regi.

V. Glória Patri, etc.

Oratio.

FAMULIS tuis, quæsumus, Dómine, cœléstis gratiæ munus impertíre : ut, quibus beátæ Virginis partus éxitit salutis exórdium, Nativitátis ejus votíva solémnitas pacis tribuat incrementum. Per, etc.

In Missis privatis tantum fit commemoratio S. Adriani martyris.

Oratio.

PRÆSTA, quæsumus, omnípotens Deus ; ut, qui beáti Adriáni mártiris tui natalítia cólimus, intercessióne ejus in tui nóminis amóre roborémur. Per, etc.

Léctio libri Sapiéntiæ. *Prov. 8.*

DOMINUS possédit me in initío viárum suárum, ántequam quidquam fáceret à princípío. Ab ætérno ordináta sum, et ex antíquis ántequam terra fieret. Nondum erant abyssi, et ego jam concépta eram : necdum fontes aquárum erúperant : necdum montes gravi mole constítierant : ante colles ego parturiébar : adhuc terram non fécerat, et flúmina, et cárdines orbis terræ. Quando præparábat cœlos, áderam : quando certa lege et gyro vallábat abyssos : quando æthera firmábat sursum, et librábat fontes aquárum : quando circúmdabat mari términum suum, et legem ponébat aquis, ne transírent fines suos : quando appendébat fundaménta terræ. Cum eo eram, cuncta compónens : et delectábar per singulos dies, ludens coram eo omni témpore, ludens in

orbe terrárum ; et deliciæ meæ esse cum filiis hóminum. Nunc ergo, filii, audíte me : Beáti qui custódiunt vias meas. Audíte disciplinam, et estóte sapiéntes, et nolíte abjícere eam. Beátus homo qui audit me, et qui vígilat ad fores meas quotidíe, et obsérvat ad postes óstii mei. Qui me invénerit, invéniet vitam, et háuriet salútem à Dómino.

Graduale. Benedícta et venerábilis es, Virgo María : quæ sine tactu pudóris invénta es Mater Salvatóris.

V. Virgo Dei Génitrix, quem totus non capit orbis, in tua se clausit viscera, factus homo.

Allelúia, allelúia. *V.* Felix es, sacra Virgo María, et omni laude digníssima : quia ex te ortus est sol justítiæ, Christus Deus noster. Allelúia.

Initium sancti Evangélíi secúndum Matthæum. *Matth. 1.*

LIBER generatiónis Jesu Christi filii David, filii Abraham. Abraham génuit Isaac. Isaac autem génuit Jacob. Jacob autem génuit Judam, et fratres ejus. Judas autem génuit Phares et Zaram de Thamar. Phares autem génuit Esron. Esron autem génuit Aram. Aram autem génuit Amínadab. Amínadab autem génuit Naásson. Naásson autem génuit Salmon. Salmon autem génuit Booz de Rahab. Booz autem génuit Obed ex Ruth. Obed autem génuit Jesse. Jesse autem génuit David regém. David autem rex génuit Salomónem ex ea quæ fuit Uríæ. Salomon autem génuit Róboam. Róboam autem génuit Abíam. Abías autem génuit Asa. Asa autem génuit Jósaphat. Jósaphat autem génuit Joram. Joram autem génuit Ozíam. Ozías autem génuit Jóatham. Jóatham autem génuit

Achaz. Achaz autem genuit Ezechiam. Ezechias autem genuit Manássen. Manássen autem genuit Amon. Amon autem genuit Josiam. Josias autem genuit Jechoniam et fratres ejus, in transmigratióne Babylónis. Et post transmigratióne Babylónis, Jechonias genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

Credo. Et dicitur per totam Octavam.

Offertorium. Beáta 'es, Virgo María, quæ ómnium portásti Creatórem : genuisti qui te fecit, et in ætérnum pérmanes virgo.

Secreta.

UNIGENITI tui, Dómine, nobis succúrrat humanitas ; ut, qui natus de Vírgine, Matris integritatem non minuit, sed sacrávit ; in Nativitátis ejus solémniis, nostris nos piáculis éxuens, oblatiódinem nostram tibi fáciat accéptam Jesus Christus Dóminus noster. Qui tecum, etc.

Pro sancto Adriano, martyre.

Secreta.

MUNERIBUS nostris, quæsumus, Dómine, precibúque susceptis : et cæléstibus nos munda mystériis, et cleménter exáudi. Per Dóminum, etc.

Præfatio de B. Maria. Et te in

Nativitáte, etc., fol. 208, quæ dicitur per totam Octavam, etiam in Festis, nisi habuerint propriam.

Communio. Beáta víscera Mariæ Virginis, quæ portavérunt ætérni Patris Filium.

Postcommunio.

SUMPSIMUS, Dómine, celebritátis ánnuæ votiva sacraménta : præsta, quæsumus ; ut et temporális vitæ nobis remédia præbeant, et ætérnæ. Per Dóminum, etc.

Pro sancto Adriano martyre.

Postcommunio.

DA, quæsumus, Dómine Deus noster ; ut, sicut tuórum commemoratióne sanctórum temporáli gratulámur officio, ita perpétuo lætémur aspéctu. Per, etc.

¶ *Infra Octavam Nativitatis Beatæ Mariæ, et in die Octavæ dicitur Missa sicut in die Festi : sed infra Octavam quando non fit commemoratio Festi Simplicis, dicitur secunda Oratio de Spiritu sancto, Deus, qui corda fidélium, etc. ; tertia Ecclesiæ, etc., vel pro Papa, Deus, ómnium fidélium, etc., fol. 51*.*

DOMINICA

Infra Octavam Nativitatis B. Mariæ Virginis, celebratur Festum

SS. NOMINIS EJUSDEM BEATÆ MARIÆ.

Introitus. Ps. 44.

VULTUM tuum deprecabúntur omnes dívites plebis : adducéntur Regi vírgines post eam : próximæ ejus adducéntur tibi in lætítia et exultatióne.

Ps. ibid. Eructávit cor meum

verbum bonum : dico ego ópera mea Regi.

Ÿ. Glória Patri, etc.

Oratio.

CONCEDE, quæsumus, omnipotens Deus ; ut fidèles tui, qui sub sanctíssimæ Virgínis Mariæ Nómíne et protectióne lætántur, ejus pia intercessióne, à cunctis malis liberéntur in terris, et ad gáudia ætéRNA pervenire mereántur in cœlis. Per Dóminum, etc.

Commemoratio Dominicæ occurrentis.

Léctio libri Sapiéntiæ. *Eccl.* 24.

EGO quasi vitis fructificávi suavitátem odóris : et flores mei, fructus honóris et honestátis. Ego Mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis, in me omnis spes vitæ et virtútis. Transíte ad me omnes qui concupiscitis me, et à generatióibus meis implémini. Spíritus enim meus super mel dulcis, et hæréditas mea super mel et favum. Memória mea in generatióes sæculórum. Qui edunt me, adhuc esúrient : et qui bibunt me, adhuc sítient. Qui audit me, non confundétur : et qui operántur in me, non peccábunt. Qui elúcidant me, vitam ætéRNA habébunt.

Graduale. Benedicta et venerábilis es, Virgo María, quæ sine tactu pudóris invénta es Mater Salvatóris.

Ÿ. Virgo Dei génitrix, quem totus non capit orbis, in tua se clausit viscera, factus homo.

Allelúia, allelúia. Ÿ. Post partum, Virgo, invioláta permansísti : Dei génitrix intercède pro nobis. Allelúia.

Sequéntia sancti Evangélii secundum Lucam. *Luc.* 1.

IN illo témpore : Missus est Angelus Gábriel à Deo in civitátem Galilææ, cui nomen Názareth, ad Virgínem desponsátam viro, cui nomen erat Joseph, de domo David, et nomen virgínis, María. Et ingressus Angelus ad eam, dixit : Ave, grátia plena : Dóminus tecum : Benedicta tu in muliéribus. Quæ cùm audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne tíneas, María : invenísti enim grátiam apud Deum : ecce concípies in útero, et páries filium, et vocábis nomen ejus Jesum. Hic erit magnus, et Filius Altíssimi vocábitur : et dabit illi Dóminus Deus sedem David patris ejus : et regnábit in domo Jacob in ætéRnum, et regni ejus non erit finis. Dixit autem María ad Angelum : Quómodo fiet istud, quóniam virum non cognóscó ? Et respóndens Angelus, dixit ei : Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te sanctum, vocábitur Filius Dei. Et ecce Elisabeth cognáta tua, et ipsa concépit filium in senectúte sua : et hic mensis sextus est illi, quæ vocábitur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secundum verbum tuum.

Credo.

Offertorium. *Luc.* 1. Ave, María, grátia plena : Dóminus tecum : Benedicta tu in muliéribus : et benedíctus fructus ventris tui.

Secreta.

TUA, Dómine, propitiatióne, et beátæ Mariæ semper Virgínis

intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum, etc.

Deinde fit commemoratio Dominicæ.

Præfatio de B. Maria. Et te in Festivitate, etc. fol. 208.

Communio. Beáta viscera Mariæ Virginis, quæ portavérunt æterni Patris Filium.

Postcommunio.

SUMPTIS, Dómine, salútis nostræ subsidíis; da, quæsumus, beátæ Mariæ semper Virginis patrociníis nos ubique prótegi, in cujus veneratióne hæc tuæ obtúlimus Majestáti. Per Dóminum, etc.

Deinde fit commemoratio Dominicæ: et in fine Missæ legitur Evangelium ejusdem.

DIE IX.

Pro Commemoratione

S. GORGONII,

Martyris.

Oratio.

SANCTUS tuus, Dómine, Gorgónius sua nos intercessióne lætíficet: et pia fáciat solemnitáte gaudére.

Tertia Oratio de Spiritu sancto, Deus, qui corda fidélium, etc., fol. 40*, *nisi venerit in Dominica; tunc enim tertia Oratio erit de S. Gorgonio.*

Secreta.

GRATA tibi sit, Dómine, nostræ servitútis oblátio: pro qua sanctus Gorgónius martyr intervénitor exístat.

Postcommunio.

FAMILIAM tuam, Deus, suávitás æténa contíngat et végetet: quæ in mártire tuo Gorgónio Christi Filii tui bono júgiter odóre pascátur.

DIE X.

S. NICOLAI DE TOLENTINO,
Confessoris.

Missa, Justus ut palma, etc., de Communi Confessoris non Pontificis, fol. 21, in qua fit commemoratio Nativitatis B. Mariæ, fol. 481, et dicitur Credo, propter Octavam; et Præfatio Et te in Nativitate, fol. 208, nisi transferatur extra Octavam.*

DIE XI.

Pro Commemoratione

SS. PROTI ET HYACINTHI,
Martyrum.

Oratio.

BEATORUM mártýrum tuórum Proti et Hyacínthi nos, Dómine sóveat pretiósa conféssio, et pia júgiter intercésio tueátur.

Tertia Oratio de Spiritu sancto, Deus, qui corda fidélium, etc., fol. 40*.

Secreta.

PRO sanctórum mártýrum tuórum Proti et Hyacínthi commemoratióne, múnera tibi, Dómine, quæ debémus, exsólvimus: præsta, quæsumus; ut remédium nobis perpétuæ salútis operéntur.

Postcommunio.

UT percépta nos, Dómine, tua sancta puríficent, beatórum

martyrum tuorum Proti et Hyacinti, quæsumus, impleret oratio.

DIE XIV.

EXALTATIONIS SANCTÆ CRUCIS.

Introitus. Galat. 6.

NOS autem gloriari oportet in Cruce Domini nostri Jesu Christi, in quo est salus, vita, et resurrectio nostra : per quem salvati et liberati sumus.

Ps. 66. Deus misereatur nostri, et benedicat nobis : illuminet vultum suum super nos, et misereatur nostri.

V. Glória Patri, etc.

Oratio.

DEUS, qui nos hodierna die Exaltationis sanctæ Crucis annua solemnitate lætificas : præsta, quæsumus ; ut, cujus mysterium in terra cognovimus, ejus redemptionis præmia in cælo mereamur. Per eundem Dominum, etc.

Et fit commemoratio Nativitatis Beatae Mariæ, fol. 481.

Lectio Epistolæ beati Pauli Apostoli ad Philippenses. *Philipp. 2.*

FRATRES, Hoc enim sentite in vobis, quod et in Christo Jesu : qui cum in forma Dei esset, non rapinam arbitratus, est esse se æqualem Deo : sed semetipsum exinanivit, formam servi accipiens, in similitudinem hominum factus, et habitu inventus ut homo. Humiliavit semetipsum factus obediens usque ad mortem, mortem autem crucis. Propter quod et Deus exaltavit illum, et donavit illi nomen quod est super omne nomen : (*Hic*

genuflectitur) ut in nomine Jesu omne genu flectatur cælestium, terrestrium, et infernorum ; et omnis lingua confiteatur quia Dominus Jesus Christus in gloria est Dei Patris.

Graduale. Ibid. Christus factus est pro nobis obediens usque ad mortem, mortem autem crucis.

V. Propter quod et Deus exaltavit illum, et dedit illi nomen quod est super omne nomen.

Allelúia, allelúia. *V.* Dulce lignum, dulces clavos, dulcia ferens pondera : quæ sola fuisti digna sustinere Regem cælorum et Dominum. Allelúia.

Sequéntia sancti Evangelii secundum Joannem. *Joann. 12.*

IN illo tempore : Dixit Jesus turbis Judæorum : Nunc judicium est mundi : nunc princeps hujus mundi ejicietur foras. Et ego, si exaltatus fuero à terra, omnia traham ad meipsum (hoc autem dicebat, significans qua morte esset moriturus). Respondit ei turba : Nos audivimus ex lege, quia Christus manet in ætérnum : et quomodo tu dicis : Oportet exaltari Filium hominis ? Quis est iste Filius hominis ? Dixit ergo eis Jesus : Adhuc modicum lumen in vobis est. Ambulate dum lucem habétis, ut non vos tenebræ comprehendant : et qui ambulat in tenebris, nescit quò vadat. Dum lucem habétis, créдите in lucem, ut filii lucis sitis.

Credo.

Offertorium Prôtege, Domine, plebem tuam per signum sanctæ Crucis ab insidiis inimicorum omnium : ut tibi gratam exhibeamus servitutem, et acceptabile fiat sacrificium nostrum. Allelúia.

Secreta.

JESU Christi Dómini nostri corpore et sanguine saginandi, per quem Crucis est sanctificatum vexillum, quæsumus, Dómine Deus noster; ut, sicut illud adorare meruimus, ita perenniter ejus gloriæ salutáris potiámur effectum. Per eúmdem Dóminum, etc.

Præfatio de Cruce, fol. 205.

Communio. Per signum Crucis de inimicis nostris libera nos, Deus noster.

Postcommunio.

ADESTO nobis, Dómine Deus noster: et, quos sanctæ Crucis lætari facis honóre, ejus quoque perpétuis defénde subsidíis. Per Dóminum, etc.

DIE XV.

IN OCTAVA NATIVITATIS
B. MARIE VIRGINIS.

Missa dicitur ut in die, cum commemoratione sancti Nicomedis martyris.

Oratio.

ADESTO, Dómine, pópulo tuo: ut beáti Nicomédís mártiris tui mérita præclára suscípiens, ad impetrándam misericórdiam tuam semper ejus patrocíniis adjuvétur. Per Dóminum, etc.

Secreta.

SUSCIPE, Dómine, múnera propítius oblata, quæ majestáti tuæ beáti Nicomédís mártiris commendet orátio. Per Dóminum, etc.

Postcommunio.

PURIFICENT nos, Dómine, sacraménta quæ sumpsimus:

et, intercedénte beáto Nicoméde mártire tuo, à cunctis efficiant vitiis absolutos. Per Dóminum, etc.

DOMINICA III

Septembris.

SEPTEM DOLORUM BEATÆ
MARIE.

Missa dicitur ut in festo Septem Dolorum, posita in mense Martii, fol. 368, præter Orationem sequentem.

Oratio.

DEUS, in cujus Passióne, secundum Simeónis prophetiam, dulcíssimam ánimam gloriósæ Virginis et Matris Mariæ doloris gladius pertransiit: concéde propítius; ut, qui Dolóres ejus venerádo recolimus, Passiónis tuæ effectum felicem consequámur. Qui vivis et regnas, etc.

Deinde fit commemoratio Dominicæ occurrentis.

Dicitur Sequentia Stabat Mater, et Præfatio de B. Maria, Et te in Transfixióne, etc., fol. 208.

In fine Missæ legitur Evangelium Dominicæ.

DIE XVI.

SANCTORUM CORNELII ET
CYPRIANI,

Pontificum et Martyrum.

Missa, Intret in conspectu tuo, etc., de Communi plurimorum Martyrum, fol. 11, cum commemoratione sanctorum Euphemie, Lucie, et Geminiani, martyrum, ut infra.*

¶ *Si Festum SS. Cornelii et*

Cypriani venerit in Dominica, transfertur in proximam diem non impeditam : sed Commem. SS. Euphemiæ, etc., fit in Dominica. Si verò occurrat in Feria quarta Quatuor Temp., fit Commem. primum de Feria, postea de SS. Euphemia, etc.

Oratio.

PRÆSTA, Dómine, précibus nostris cum exultatione provéntum, ut sanctórum Mátyrum Euphemiæ, Lúciæ, et Geminiáni, quorum diem passionis ánnua devotione recólimus, étiam fidei constántiam subsequámur.

Tertia Oratio A cunctis, fol. 73.*

Secreta.

VOTA pópuli tui, quæsumus, Dómine, propítius inténde : et quorum nos tribuis solémnia celebráre, fac gaudere suffrágiis.

Tertia Secreta Exáudi nos, fol. 73.*

Postcommunio.

EXAUDI, Dómine, preces nostras : et sanctórum Mátyrum tuórum Euphemiæ, Lúciæ, et Geminiáni, quorum festa solémniter celebrámus, contínuis foveámur auxiliis.

Tertia Postcomm., Mundet, fol. 73.*

DIE XVII.

Impressionis sacror, Stigmatum in corpore

BEATI FRANCISCI,
Confessoris.

Introitus. Galat. 6.

MIHI autem absit gloriári, nisi in cruce Dómini nostri Jesu

Christi, per quem mihi mundus crucifixus est, et ego mundo.

Ps. 141. Voce mea ad Dóminum clamávi : voce mea ad Dóminum deprecátus sum.

V. Glória Patri, etc.

Oratio.

DOMINE Jesu Christe, qui frígescénte mundo, ad inflammandum corda nostra tui amoris igne, in carne beatíssimi Francísci, Passiónis tuæ sacra stigmata renovásti : concéde propítius ; ut ejus méritis et précibus crucem júgiter ferámus, et dignos fructus pœnitentiæ faciámus. Qui vivis et regnas, etc.

Léctio Epístolæ beáti Pauli Apóstoli ad Gálatas. *Galat. 6.*

FRATRES, Mihi autem absit gloriári, nisi in cruce Dómini nostri Jesu Christi, per quem mihi mundus crucifixus est, et ego mundo. In Christo enim Jesu neque circumcísio áliquid valet, neque præpútium, sed nova creatúra. Et quicúmque hanc régulam secúti fúerint, pax super illos, et misericórdia, et super Israël Dei. De cetero nemo mihi moléstus sit : ego enim stigmata Dómini Jesu in corpore meo porto. Grátia Dómini nostri Jesu Christi cum spíritu vestro, fratres. Amen.

Graduale. Ps. 36. Os justi meditábitur sapiéntiam, et lingua ejus loquétur judícium.

V. Lex Dei ejus in corde ipsíus : et non supplantabúntur gressus ejus.

Allelúia, allelúia. *V. Franciscus pauper et húmilis, cœlum dives ingréditur, hymnis cœlestibus honorátur. Alleluia.*

Sequéntia sancti Evangélíi secúndum Matthæum. *Matth.* 16.

IN illo témpore : Dixit Jesus discípulis suis : Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum Angelis suis : et tunc reddet unicuique secúndum ópera ejus.

Offertorium. *Ps.* 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

MUNERA tibi, Dómine, dicáta sanctífica : et intercedénte beáto Francisco, ab omni nos culpárum labe purifica. Per, etc.

Communio *Luc.* 12. Fidélis servus et prudens, quem constituit dóminus super famíliam suam : ut det illis in témpore tritici mensúram.

Postcommunio.

DEUS, qui mira crucis mystéria in beáto Francisco Confessóre tuo multifórmiter demonstrásti : da nobis, quæsumus, devotiónis suæ semper exémpa sectári, et assídua ejúsdem crucis meditatióne muníri. Per Dóminum, etc.

DIE XVIII.

S. JOSEPHI A CUPERTINO,
Confessoris.

Introitus. *Eccl.* 1.

DILECTIO Dei honorábilis sapientia : quibus autem apparuerit in visu, diligunt eam in visióne, et in agnitióne magnálium suórum.

Ps. 83. Quàm dilécta tabernacula tua, Dómine virtútum ! Concupiscit, et déficit ánima mea in átria Dómini.

Ÿ. Glória Patri, etc.

Oratio.

DEUS, qui ad Unigénitum Fílium tuum exaltátum à terra, ómnia tráhere disposuisti : pèrfice propítius ; ut méritis et exémplo Seráphici Confessóris tui Joséphí supra terrénas omnes cupiditates eleváti, ad eum pervenire mereámur. Qui tecum, etc.

Léctio Epístolæ beáti Pauli Apóstoli ad Corínthios. *1 Cor.* 13.

FRATRES, Si linguis hóminum loquar, et Angelórum, charitátem autem non hábeam, factus sum velut æs sonans aut cymbalum tinniens. Et si habúero prophetiam, et nóverim mystéria ómnia, et omnem sciéntiam : et si habúero omnem fidem, ita ut montes tránsferam, charitátem autem non habúero, nihil sum. Et si distribúero in cibos páuperum omnes facultates meas, et si tradídero corpus meum, ita ut árdeam, charitátem autem non habúero, nihil mihi prodest. Cháritas pátiens est, benígna est : cháritas non æmulátur, non agit pérperam, non inflátur, non est ambitiósá, non quærit quæ sua sunt, non irritátur, non cógitat

malum, non gaudet super iniquitate, congáudet autem veritati: ómnia suffert, ómnia credit, ómnia sperat, ómnia sústinet. Cháritas numquam éxcidit, sive prophetiæ evacuabúntur, sive linguæ cessábunt, sive sciéntia destruétur.

Graduale. Ps. 20. Dómine, prævenisti eum in benedictionibus dulcédinis: posuisti in cápite ejus corónam de lápide pretiósó.

V. Vitam pétiit à te, et tribuisti ei longitúdinem diérum in sæculum, et in sæculum sæculi.

Allelúia, allelúia. V. Eccl. 11. Oculus Dei respéxit illum in bono, et eréxit eum ab humilitate ipsíus, et exaltávit caput ejus. *Allelúia.*

Sequéntia sancti Evangélíi secúndum Matthæum. *Matth. 22.*

IN illo témpore: Loquebátur Jesus princípibus sacerdotum, et Pharisæis in parábolis, dicens: Simile factum est regnum cælórum hómíni regi, qui fecit nuptias filio suo. Et misit servos suos vocáre invitátos ad nuptias: et nolébant veníre. Iterum misit álios servos, dicens: Dicite invitátis: Ecce prándium meum parávi, tauri mei, et altília occísa sunt, et ómnia paráta: veníte ad nuptias. Illi autem neglexérunt, et abiérunt, álius in villam suam, álius verò ad negotiatiónem suam: reliqui verò tenuérunt servos ejus, et contuméliis afféctos occidérunt. Rex autem cùm audisset, irátus est: et missis exercitibus suis, pérdidit homicidas illos, et civitátem eórum succéndit. Tunc ait servis suis: Nuptiæ quidem parátæ sunt; sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad nuptias. Et egréssi servi ejus in vias, congregavérunt omnes, quos invenérunt,

malos et bonos: et implétæ sunt nuptiæ discumbéntium. Intrávit autem rex, ut vidéret discumbéntes, et vidit ibi hómínem non vestítum veste nuptiáli. Et ait illi: Amíce, quómodo huc intrásti, non habens vestem nuptiálem? At ille obmútit. Tunc dixit rex minístris: Ligátis mánibus et pédibus ejus, míttite eum in ténebras exterióres: ibi erit fletus, et stridor déntium. Multi enim sunt vocáti, pauci verò elécti.

Offertorium. Ps. 34. Ego autem, cùm mihi moléstí essent, induébar cilicio. Humiliábam in jejúnio ánimam meam: et orátio mea in sinu meo convertétur.

Secreta.

LAUDIS tibi, Dómine, hóstias immolámus in tuórum commemoratióne sanctórum; quibus nos et præsentibus éxui malis confidimus, et futúris. Per, etc.

Communio. Ps. 68. Ego sum pauper, et dolens: salus tua, Deus, suscepit me. Laudábo nomen Dei cum cántico: et magnificábo eum in laude.

Postcommunio.

REFFECTI cibo, potúque cælesti, Deus noster, te supplices exorámus; ut, in cujus hæc commemoratióne percépimus, ejus muniámur et précibus. Per, etc.

DIE XIX.

SS. JANUARI,

Episcopi, et Sociorum, martyrum.

Missa, Salus autem, etc., de Comuni plurimorum martyrum, fol. 13.*

DIE XX.

SANCT. EUSTACHII
et Sociorum, martyrum.

Missa, Sapiéntiam sanctórum, etc., de Communi plurimorum martyrum, fol. 12.*

Et fit commemoratio Vigilæ S. Matthæi, cum Orationibus, ut in sequenti Missa : et in fine Missæ legitur Evangelium Vigilæ.

EADEM DIE.

In Vigilia

SANCT. MATTHÆI,

Apostoli et Evangelistæ.

Introitus. Ps. 51.

EGO autem sicut olíva fructífera in domo Dómini, sperávi in misericórdia Dei mei : et expectábo nomen tuum, quóniam bonum est ante conspéctum sanctórum tuórum.

Ps. ibid. Quid gloriáris in malitia, qui potens es in iniquitate ?

V. Glória Patri, etc.

Oratio.

DA, quæsumus, omnipotens Deus; ut beáti Matthæi Apóstoli tui et Evangelistæ, quam prævenimus, veneránda solémnitas, et devotiónem nobis áugeat, et salútem. Per Dóminum, etc.

Léctio libri Sapiéntiæ. *Eccl. 44.*

BENEDICTIO Dómini super caput iusti. Ideò dedit illi Dóminus hæreditátem, et divisit illi partem in tribubus duódecim : et invénit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum

in conspéctu regum, et jussit illi coram pópulo suo, et osténdit illi glóriam suam. In fide èt lenitáte ipsíus sanctum fecit illum, et elégit eum ex omni carne. Et dedit illi coram præcépta, et legem vitæ et disciplinæ : et excélsus fecit illum. Státuit ei testaméntum ætérnum, et circumcínxit eum zona justítiæ, et induit eum Dóminus corónam glóriæ.

Graduale. Ps. 91. Justus ut palma florébit : sicut cedrus Líbani multiplicábitur in domo Dómini.

V. Ad annuntiándum manè misericórdiam tuam, et veritátem tuam per noctem.

Sequéntia sancti Evangélíi secúndum Lucam. *Luc. 5.*

IN illo témpore: Vidit Jesus publicánus, nómine Levi, sedéntem ad telónium, et ait illi : Séquere me. Et relictis ómnibus, surgens secútus est eum. Et fecit ei convívium magnum Levi in domo sua : et erat turba multa publicanórum, et aliórum, qui cum illis erant discumbéntes. Et murmurábant Pharisæi et Scribæ eórum, dicéntes ad discípulos ejus : Quare cum publicánis et peccatóribus manducatís et bíbitis ? Et respóndens Jesus, dixit ad illos : Non egent qui sani sunt médico, sed qui malè habent. Non veni vocáre justos, sed peccatóres ad pœniténtiam.

Offertorium. Ps. 8. Glória et honóre coronásti eum : et constituísti eum super ópera mánuum tuárum, Dómine.

Secreta.

APOSTOLICI reveréntia cúlminis offeréntes tibi sacra mystéria, Dómine, quæsumus ; ut beáti Matthæi Apóstoli tui et Evangelistæ suffrágiis, cujus natalítia

prævenimus, plebs tua semper et sua vota deprómat, et desideráta percípiat. Per Dóminum, etc.

Communio. Ps. 20. Magna est glória ejus in salutári tuo : glóriam, et magnum decórem impónes super eum, Dómine.

Postcommunio.

SANCTI Apóstoli tui, et Evangelistæ Matthæi, quæsumus, Dómine, supplicatióne placátus, et véniam nobis tribue, et remédia sempitérna concéde. Per Dóminum nostrum, etc.

DIE XXI.

SANCTI MATTHÆI,
Apostoli et Evangelistæ.

Introitus. Ps. 36.

OS justi meditábitur sapiéntiam, et lingua ejus loquétur júdicium : lex Dei ejus in corde ipsius.

Ps. ibid. Noli æmulári in malignántibus : neque zeláveris faciéntes iniquitátem.

V. Glória Patri, etc.

Oratio.

BEATI Apóstoli et Evangelistæ Matthæi, Dómine, précibus adjuvémur : ut, quod possibilitas nostra non óbtinet, ejus nobis intercessióne donétur. Per, etc.

Léctio Ezechiélis Prophétæ.

Ezech. 1.

SIMILITUDO vultus quátuor animálium : fácies hóminis, et fácies leónis à dextris ipsórum quátuor : fácies autem bovis à sinístris ipsórum quátuor : et fácies áquilæ désuper ipsórum quátuor. Fácies eórum, et pennæ eórum exténtæ

désuper : duæ pennæ singulórum jungebántur, et duæ tegébant córpora eórum : et unumquódque eórum coram fácie sua ambulábat : ubi erat ímpetus spíritus, illuc gradiebántur, nec revertebántur cùm ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrens in médio animálium, splendor ignis, et de igne fulgur egrédiens. Et animália ibant, et revertebántur in similitúdinem fúlguris coruscántis.

Graduale. Ps. 111. Beátus vir, qui timet Dóminum : in mandátis ejus cupit nimis.

V. Potens in terra erit semen ejus : generátio rectórum benedicétur.

Allelúia, allelúia. *V.* Te gloriósus Apostolórum chorus laudat, Dómine. Allelúia.

Sequéntia sancti Evangélíi secúndum Matthæum. *Matth. 9.*

IN illo témpore : Vidit Jesus hóminem sedéntem in telónio, Matthæum nómine. Et ait illi : Séquere me. Et surgens, secútus est eum. Et factum est, discumbénte eo in domo, ecce multi publicáni et peccatóres veniéntes, discumbébant cum Jesu, et discíplis ejus. Et vidéntes Pharisæi, dicébant discíplis ejus : Quare cum publicánis et peccatóribus mandúcat Magister vester ? At Jesus áudiens, ait : Non est opus valéntibus médicus, sed malè habéntibus. Eúntes autem discite quid est : Misericórdiam volo, et non sacrificium. Non enim veni vocáre justos, sed peccatóres.

Credo.

Offertorium. Ps. 20. Posuísti, Dómine, in cápite ejus corónam de

lápide pretioso : vitam pétiit à te, et tribuisti ei. Allelúia.

Secreta.

SUPPLICATIONIBUS beáti Matthæi Apóstoli et Evangelistæ, quæsumus, Dómine, Ecclesiæ tuæ commendétur oblátio : cujus magnificis prædicationibus eruditur. Per Dóminum, etc.

Præfatio de Apostolis, fol. 209.

Communio. Ibid. Magna est glória ejus in salutári tuo : glóriam, et magnum decórem impónes super eum, Dómine.

Postcommunio.

PERCEPTIS, Dómine, sacraméntis, beáto Matthæo Apóstolo tuo et Evangelista interveniéntem, deprecámur ; ut, quæ pro ejus celebráta sunt glória, nobis proficiant ad medélam. Per Dóminum, etc.

DIE XXII.

SANCTI THOMÆ DE VILLANOVA,

Episcopi et Confessoris.

Missa, Státuit, etc., de Communi Confessoris Pontificis, fol. 15, præter Orationem sequentem.*

Oratio.

DEUS, qui beátum Thomam Pontíficem insignis in páuperes misericórdiæ virtúte decorásti : quæsumus, ut ejus intercessióne in omnes, qui te deprecántur, divítias misericórdiæ tuæ benígnus effúndas. Per Dóminum, etc.

Pro commemoratione SS. Martyrum Maurítii et Sociorum.

Oratio.

ANNUE, quæsumus, omnipotens Deus ; ut sanctórum Már-

tyrum tuórum Maurítii et Sociórum ejus, nos lætíficet festíva solémnitas : ut, quorum suffrágiis nítimur, eórum natalítiis gloriémur. Per Dóminum, etc.

Secreta.

RESPICE, quæsumus, Dómine, múnera quæ in sanctórum mártýrum tuórum Maurítii et Sociórum ejus commemoratióne deférimus, et præsta : ut quorum honóre sunt grata, eórum nobis fiant intercessióne perpétua. Per, etc.

Postcommunio.

CELESTIBUS refécti sacraméntis et gáudiis, súpplíces te rogámus, Dómine ; ut, quorum gloriámur triúmphis, protegámur auxiliis. Per Dóminum, etc.

DIE XXIII.

SANCTI LINI,

Papæ et Martyris.

Missa, Státuit, etc., de Communi unius Mart. Pontif. fol. 2, præter Orationes sequentes.*

Oratio.

DEUS, qui nos beáti Lini, mártýris tui atque Pontíficis ánnua solémnitate lætíficas : concéde propítius ; ut, cujus natalítia cólimus, de ejúsdem étiam protectióne gaudeámus. Per Dóminum, etc.

Deinde fit commemoratio S. Theclæ Virginis et Martyris.

Oratio.

DA, quæsumus, omnipotens Deus ; ut, qui beátæ Theclæ, Virginis et Martyris tuæ natalítia cólimus, et ánnua solémnitate læté-

mur, et tantæ fidei proficiamus ex-
 émplo.

Tertia Oratio. A cunctis, etc.,
 fol. 73*.

Secreta.

MUNERA tibi, Dómine, dicáta
 sanctifica: et, intercedente
 beáto Lino Mártire tuo atque Pon-
 tífice, per éadem nos placátus in-
 ténde. Per Dóminum, etc.

Pro sancta Thecla.

Secreta.

SUSCIPE, Dómine, múnera,
 quæ in beátæ Theclæ Virginis
 et Mátyris tuæ solemnitáte deféri-
 mus: cujus nos confidimus patro-
 cínio liberári.

Tertia Secreta. Exáudi nos, etc.,
 fol. 73*.

Postcommunio.

HÆC nos commúnio, Dómine,
 purget à crimine: et, interce-
 dente beáto Lino mártire tuo atque
 Pontífice, cœléstis remédii fáciat
 esse consórtes. Per, etc.

Pro sancta Thecla.

Postcommunio.

AUXILIENTUR nobis, Dómine,
 sumpta mystéria: et, interce-
 dente beáta Thecla Vírgine et márt-
 yre tua, sempitérna fáciant protec-
 tióne gaudére.

Tertia Postcommunio. Mundet,
 etc., fol. 73*.

DIE XXIV.

BEATÆ MARIÆ VIRGINIS
 DE MERCEDE.

Missa, Salve, sancta Parens, etc.,

*ut in Missis votivis de B. M. V. à
 Pentecoste usque ad Adventum, fol.
 50*, præter Orationem sequentem.
 Et dicitur Credo, et Præfatio de B.
 Maria, Et te in festivitáte, etc., fol.
 208.*

Oratio.

DEUS, qui per gloriosíssimam
 Filii tui Matrem ad liberándos
 Christi fidèles à potestáte Paganó-
 rum, nova Ecclesiám tuam prole
 amplificáre dignátus es: præsta,
 quæsumus; ut, quam piè venerá-
 mur tanti óperis institutricem, ejus
 páriter méritis et intercessióne à
 peccátis ómnibus, et captivitáte
 dæmonis liberémur. Per eúndem
 Dóminum nostrum, etc.

DIE XXVI.

SS. CYPRIANI ET JUSTINÆ,
 Martyrum.

*Missa, Salus autem justórum,
 etc., de Communi plurimorum Mar-
 tyrum, fol. 13*, præter Orationes se-
 quentes.*

Oratio.

BEATORUM mátyrum Cy-
 priáni et Justinæ, nos, Dó-
 mine, fóveant continuáta præsidia:
 quia non désinis propítius intuéri,
 quos talibus auxiliis concésseris
 adjuvári. Per Dóminum, etc.

Secreta.

MUNERA tibi, Dómine, nos-
 træ devotiónis offérimus:
 quæ et pro tuórum tibi grata sint
 honóre justórum, et nobis salutária,
 te miseránte, reddántur. Per, etc.

Postcommunio.

PRÆSTA nobis, quæsumus,
 Dómine, intercedéntibus sanc-

tis martyribus tuis Cypriano et Justina; ut, quod ore contingimus, pura mente capiamus. Per, etc.

DIE XXVII.

SS. COSMÆ ET DAMIANI,

Martyrum.

Introitus. Eccl. 44.

SAPIENTIAM sanctorum narrent populi, et laudes eorum nuntiet Ecclesia: nomina autem eorum vivent in saeculum saeculi.

Ps. 32. Exultate iusti in Domino: rectos decet collaudatio.

Ÿ. Gloria Patri, etc.

Oratio.

PRÆSTA, quæsumus, omnipotens Deus; ut, qui sanctorum martyrum tuorum Cosmæ et Damiani natalitia colimus, à cunctis malis imminentibus, eorum intercessionibus, liberemur. Per, etc.

Lectio libri Sapientiae. Sap. 5.

JUSTI autem in perpetuum vivent, et apud Dominum est merces eorum, et cogitatio illorum apud Altissimum. Ideò accipient regnum decòris, et diadema speciei de manu Domini: quoniam dextera sua teget eos, et brachio sancto suo defendet illos. Accipiet armaturam zelus illius, et armabit creaturam ad ultionem inimicorum. Induet pro thorace iustitiam, et accipiet pro galea iudicium certum. Sumet scutum inexpugnabile, æquitatem.

Graduale. Ps. 33. Clamaverunt iusti, et Dominus exaudivit eos: et ex omnibus tribulationibus eorum liberavit eos.

Ÿ. Juxta est Dominus his, qui

tribulato sunt corde: et humiles spiritu salvabit.

Allelúia, allelúia. Ÿ. Hæc est vera fraternitas, quæ vicit mundi crimina: Christum secuta est, inclyta tenens regna cœlestia. Allelúia.

Sequentia sancti Evangelii secundum Lucam. *Luc. 6.*

IN illo tempore: Descendens Jesus de monte, stetit in loco campèstri, et turba discipulorum ejus, et multitudo copiosa plebis ab omni Judæa, et Jerúsalem, et maritima, et Tyri, et Sidónis, qui venerant ut audirent eum, et sanarentur à languoribus suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, et sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati qui nunc esuritis: quia saturabimini. Beati qui nunc fletis: quia ridebitis. Beati eritis cum vos oderint homines, et cum separaverint vos, et exprobraverint, et ejecerint nomen vestrum tamquam malum, propter Filium hominis. Gaudete in illa die, et exultate: ecce enim merces vestra multa est in cœlo.

Offertorium. Ps. 5. Gloriabuntur in te omnes, qui diligunt nomen tuum: quoniam tu, Domine, benedices justo: Domine, ut scuto bonæ voluntatis tuæ coronasti nos.

Secreta.

SANCTORUM tuorum nobis, Domine, pia non desit oratio; quæ et mûnera nostra conciliet, et tuam nobis indulgentiam semper obtineat. Per Dominum, etc.

Communio. Ps. 78. Posuerunt mortalia servorum tuorum, Domine,

escas volatilibus cœli : carnes sanctórum tuórum béstiis terræ : secundùm magnitudinem bráchii tui posside filios morte punitórum.

Postcommunio.

PROTEGAT, quæsumus, Dómine, pópulum tuum, et participatio cœlestis indúlta convívii, et deprecatio colláta sanctórum. Per Dóminum, etc.

DIE XXVIII.

SANCTI WENCESLAI,

Ducis et Martyris.

Missa, In virtúte, etc., de Communi unius Martyris, fol. 4, præter Orationem sequentem.*

Oratio.

DEUS, qui beátum Wencesláum per Martyrii palmam à terréno principátu ad cœlestem glóriam transtulisti : ejus précibus nos ab omni adversitáte custódi, et ejúsdem tribue gaudére consórtio. Per Dóminum nostrum, etc.

Evangelium, Si quis vult post me venire, de Communi unius Martyris Pontificis secundo loco, fol. 4.*

DIE XXIX.

In Dedicatione

SANCTI MICHAELIS ARCH-
ANGELI.

Introitus. Ps. 102.

BENEDICITE Dóminum omnes Angeli ejus : poténtes virtúte, qui fácitis verbum ejus, ad audiéndam vocem sermónum ejus.

Ps. ibid. Benedic ánima mea Dó-

mino : et ómnia, quæ intra me sunt, nómini sancto ejus.

Ÿ. Glória Patri, et Filio, etc.

Oratio.

DEUS, qui miro órdine Angelórum ministéria, hominúmque dispéncias : concéde propítius ; ut, à quibus tibi ministrántibus in cœlo semper assístitur, ab his in terra vita nostra muniátur. Per, etc.

Léctio libri Apocalypsis beáti Joán-
nis Apóstoli. *Apoc. 1.*

IN diébus illis : Significávit Deus quæ opórtet fieri citò, mittens per Angelum suum servo suo Joánni, qui testimónium perhibuit verbo Dei, et testimónium Jesu Christi, quæcúmque vidit. Beátus qui legit, et audit verba prophetiæ hujus, et servat ea quæ in ea scripta sunt : tempus enim propè est. Joánnes septem Ecclésiis, quæ sunt in Asia. Grátia vobis, et pax ab eo, qui est, et qui erat, et qui ventúrus est ; et à septem Spiritibus, qui in conspéctu throni ejus sunt ; et à Jesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos à peccátis nostris in Sanguine suo.

Graduale. Ps. 102. Benedicite Dóminum omnes Angeli ejus, poténtes virtúte, qui fácitis verbum ejus.

Ÿ. Benedic ánima mea Dóminum, et ómnia interióra mea nomen sanctum ejus.

Allelúia, allelúia. Ÿ. Sancte Michaël Archángele, defénde nos in prælio, ut non pereámus in treméndo judicio. Allelúia.

Sequéntia sancti Evangélii secundum Matthæum. *Matth. 18.*

IN illo témpore : Accessérunt discípuli ad Jesum, dicéntes :

Quis, putas, major est in regno cœlôrum? Et ádvocans Jesus párvulum, státuit eum in médio eórum, et dixit: Amen dico vobis, nisi conversi fuéritis, et efficiámini sicut párvuli, non intrábitis in regnum cœlôrum. Quicúmque ergo humiliáverit se sicut párvulus iste, hic est major in regno cœlôrum. Et qui suscepérit unum párvulum talem in nómine meo, me súscipit. Qui autem scandalizáverit unum de pusillis istis, qui in me credunt, expedit ei, ut suspendátur mola asinária in collo ejus, et demergátur in profúndum maris. Væ mundo à scándalis. Necesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalizat te, abscede eum, et prójice abs te: bonum tibi est ad vitam ingredi débilem, vel claudum, quàm duas manus, vel duos pedes habéntem, mitti in ignem ætérnum. Et si óculus tuus scandalizat te, érue eum, et prójice abs te: bonum tibi est cum uno óculo in vitam intráre, quàm duos óculos habéntem, mitti in gehénnam ignis. Vidéte ne contemnátis unum ex his pusillis: dico enim vobis, quia Angeli eórum in cœlis sempervident faciém Patris mei, qui in cœlis est.

Credo.

Offertorium. Apoc. 8. Stetit Angelus juxta aram templi, habens thuribulum áureum in manu sua: et data sunt ei incénsa multa: et ascéndit fumus arómatum in conspéctu Dei. Allelúia.

Secreta.

HOSTIAS tibi, Dómine, laudis offérimus, suppliciter deprecántes; ut eásdem, Angélico pro nobis interveniénte suffrágio, et pla-

cátus accípias, et ad salútem nostram proveníre concédas. Per Dóminum nostrum, etc.

Communio. Dan. 3. Benedicite omnes Angeli Dómini Dóminum: hymnum dicite, et superexaltáte eum in sæcula.

Postcommunio.

BEATI Archángeli tui Michaelis intercessióne suffúlti, supplices te, Dómine, deprecámur: ut, quod ore proséquimur, contingámus et mente. Per Dóminum, etc.

DIE XXX.

SANCTI HIERONYMI,

Presbyteri, Confessoris et Ecclesiæ Doctoris.

Missa, In médio Ecclesiæ, de Comuni Doctorum, fol. 18, præter Orationes sequentes. Et dicitur Credo.*

Oratio.

DEUS, qui Ecclesiæ tuæ in exponéndis sacris Scriptúris beátum Hierónymum Confessórem tuum, Doctórem máximum providére dignátus es: præsta, quæsumus; ut, ejus suffragántibus méritis, quod ore simul et ópere dócuit, te adjuvánte, exercére valeámus. Per Dóminum, etc.

Secreta.

DONIS cœléstibus da nobis, quæsumus, Dómine, libera tibi mente servíre: ut múnera, quæ deférimus, interveniénte beáto Hierónymo Confessóre tuo, et medélam nobis operéntur, et glóriam. Per Dóminum, etc.

Postcommunio.

REPLETI alimónia cœlesti, quæsumus, Dómine; ut, interveniēte beáto Hierónymo Confessóre tuo, misericórdiæ tuæ gratiam cónsequi mereámur. Per, etc.

FESTA OCTOBRIS.

DOMINICA I.

SACRATISSIMI ROSARII B. MARIE VIRGINIS.

Missa, Salve, sancta Parens, etc., ut in Missis votivis de B. M. V. à Pentecoste usque ad Adventum, fol. 50, præter Orationes sequentes. Dicitur Credo, et Præfatio de B. M. V., Et te in solemnitate, etc., fol. 208.*

Oratio.

DEUS, cujus Unigénitus per vitam, mortem, et resurrectionem suam nobis salutis æternæ præmia comparávit: concède, quæsumus; ut hæc mystéria sanctíssimo beátæ Mariæ Virginis Rosário recolētes, et imitemur quod continent, et quod promittunt, assequámur. Per eúmdem Dóminum, etc.

Et fit commemoratio Dominicæ occurrentis.

Secreta.

FAC nos, quæsumus, Dómine, his munéribus offerendis convenienter aptári: et per sanctissimi Rosarii mystéria sic vitam, passionem, et glóriam Unigéniti tui recólere; ut ejus digni promissionibus efficiámur. Per eúmdem, etc.

Deinde Secreta Dominicæ.

3 N

Postcommunio.

SANCTISSIMÆ Genitrícis tuæ, cujus Rosarium celebrámus, quæsumus, Dómine, précibus adjuvémur: ut et mysteriórum, quæ recólimus, virtus percipiátur, et sacramentórum, quæ sumpsimus, obtineátur effectus. Qui vivis, etc.

Deinde Postcommunio Dominicæ, de qua in fine Missæ legitur Evangelium.

DIE I.

SANCTI REMIGII,
Episcopi et Confessoris.

Semiduplex ad libitum. Missa, Státuit, etc., de Communi Confessoris Pontificis, fol. 15.*

DIE II.

SS. ANGELORUM CUSTODUM.

Introitus. Ps. 102.

BENEDICITE Dóminum omnes Angeli ejus: potētes virtúte, qui fácitis verbum ejus, ad audiéndam vocem sermónum ejus.

Ps. Ibid. Benedic ánima mea Dómino: et ómnia quæ intra me sunt, nómini sancto ejus.

V. Glória Patri, etc.

Oratio.

DEUS, qui ineffábili providéntia sanctos Angelos tuos ad nostram custódiám mittere dignáris: largire supplicibus tuis, et eórum semper protectióne deféndi, et æterna societáte gaudére. Per, etc.

Léctio libri Exodi. Exod. 23.

HÆC dicit Dóminus Deus: Ecce ego mittam Angelum

meum, qui præcedat te, et custodiat in via, et introducat in locum, quem paravi. Observa eum, et audi vocem ejus, nec contemnendum putes: quia non dimittet cum peccaveris, et est nomen meum in illo. Quod si audieris vocem ejus, et feceris omnia, quæ loquor, inimicus ero inimicis tuis, et affligam affligentes te: præcedetque te Angelus meus.

Graduale. Ps. 90. Angelis suis Deus mandavit de te, ut custodiant te in omnibus viis tuis.

Ÿ. In manibus portabunt te, ne umquam offendas ad lapidem pedem tuum.

Allelúia, allelúia. *Ÿ. Ps. 102.* Benedicite Dómino omnes Virtutes ejus, ministri ejus, qui facitis voluntatem ejus. Allelúia.

Sequéntia sancti Evangélíi secundum Matthæum. *Matth. 18.*

IN illo tempore: Accesserunt discipuli ad Jesum, dicentes: Quis, putas, major est in regno cælorum? Et advocans Jesus parvulum, statuit eum in medio eorum, et dixit: Amen dico vobis, nisi conversi fueritis, et efficiamini sicut parvuli, non intrabitis in regnum cælorum. Quicumque ergo humiliaverit se sicut parvulus iste, hic est major in regno cælorum. Et quis susceperit unum parvulum talem in nomine meo, me suscipit. Qui autem scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, et demergatur in profundum maris. Væ mundo à scandalis. Necesse est enim ut veniant scandala: verumtamen væ homini illi, per quem scandalum venit. Si autem manus tua, vel pes tuus scandalizat te, abscide eum, et projice abs te: bonum tibi est ad vitam ingredi debilem, vel

claudum, quàm duas manus, vel duos pedes habentem, mitti in ignem æternum. Et si oculus tuus scandalizat te, erue eum, et projice abs te: bonum tibi est cum uno oculo in vitam intrare, quàm duos oculos habentem, mitti in gehennam ignis. Videte ne contemnatis unum ex his pusillis: dico enim vobis, quia Angeli eorum in cælis semper vident faciem Patris mei, qui in cælis est.

Credo.

Offertorium. Ps. 102 Benedicite Dóminum omnes Angeli ejus: ministri ejus, qui faciunt verbum ejus, ad audiendam vocem sermonum ejus.

Secreta.

SUSCIPE, Dómine, múnera, quæ pro sanctorum Angelorum tuorum veneratione deferimus: et concede propitius: ut perpétuis eorum præsidíis à præsentibus periculis liberemur, et ad vitam perveniamus æternam. Per Dóminum, etc.

Communio. Dan. 3. Benedicite omnes Angeli Dómini Dóminum: hymnum dicite, et superexaltate eum in sæcula.

Postcommunio.

SUMPSIMUS, Dómine, divína mystéria, sanctorum Angelorum tuorum festivitáte lætantes: quæsumus, ut eorum protectione ab hostium júgiter liberemur insidiis, et contra omnia adversa muniamur. Per Dóminum, etc.

DIE IV.

SANCTI FRANCISCI,
Confessoris.

Introitus. Galat. 6.

MHI autem absit gloriári, nisi in cruce Dómini nostri Jesu

Christi: per quem mihi mundus crucifixus est, et ego mundo.

Ps. 141. Voce mea ad Dóminum clamávi: voce mea ad Dóminum deprecátus sum.

Ÿ. Glória Patri, et Fílio, etc.

Oratio.

DEUS, qui Ecclésiám tuam beáti Francisci méritis, sætu novæ prolis amplíficas: tribue nobis, ex ejus imitatione, terréna despícere, et cœlestium donórum semper participatione gaudere. Per, etc.

Lectio Epistolæ beáti Pauli Apóstoli ad Gálatas. *Galat. 6.*

FRATRES, Mihi autem absit gloriári, nisi in cruce Dómini nostri Jesu Christi: per quem mihi mundus crucifixus est, et ego mundo. In Christo enim Jesu, neque circumcisio áliquid valet, neque præputium, sed nova creatúra. Et quicumque hanc régulam secúti fuerint, pax super illos, et misericórdia, et super Israël Dei. De cétero nemo mihi moléstus sit: ego enim stigmata Dómini Jesu in corpore meo porto. Grátia Dómini nostri Jesu Christi cum spíritu vestro, fratres. Amen.

Graduale. Ps. 36. Os justi meditábitur sapiéntiam, et lingua ejus loquétur judícium.

Ÿ. Lex Dei ejus in corde ipsíus: et non supplantabúntur gressus ejus.

Allelúia, allelúia. *Ÿ.* Franciscus páuper et húmilis, cœlum dives ingréditur, hymnis cœlestibus honorátur. Allelúia.

Sequéntia sancti Evangélíi secúndum Matthæum. *Matth. 11.*

IN illotempore: Respóndens Jesus, dixit: Confiteor tibi, Pater, Dómine cœli et terræ, quia abscondísti hæc à sapiéntibus et prudéntibus, et

revelásti ea párvulis. Ita, Pater: quóniam sic fuit plácitum ante te. Omnia mihi trádita sunt à patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes qui laborátis, et oneráti estis, et ego reficiam vos. Tóllite jugum meum super vos, et discite à me, quia mitis sum, et húmilis corde: et inveniétis réquiem animábus vestris. Jugum enim meum suáve est, et onus meum leve.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

MUNERA tibi, Dómine, dicáta sanctífica: et, intercedente beáto Francisco, ab omni nos culpárum labe purífica. Per, etc.

Communio. Luc. 12. Fidélis servus, et prudens, quem constituit Dóminus super familiam suam: ut det illis in témpore trítici mensúram.

Postcommunio.

ECCLESIÁM tuam, quæsumus, Dómine, grátia cœlestis amplíficet: quam beáti Francisci Confessóris tui illumináre voluísti gloriósis méritis et exémplicis. Per Dóminum, etc.

DIE V.

SANCTORUM PLACIDI

et Sociorum, Martyrum.

Missa, Salus autem, etc., de Comuni plurimorum Martyrum, fol. 13, præter Orationes sequentes.*

Oratio.

DEUS, qui nos concédís sanctórum mártýrum tuórum Plácidi et Sociórum ejus natalítia cólere; da nobis in ætérna beatitúdine de eórum societáte gaudére. Per Dóminum, etc.

Secreta.

MUNERA tibi, Dómine, nostræ devotiónis offérimus; quæ et pro tuórum tibi grata sint honóre justórum, et nobis salutária, te miseránte, reddántur. Per, etc.

Postcommunio.

PRÆSTA nobis, quæsumus, Dómine, intercedéntibus sanctis martyribus tuis Plácido et Sóciis ejus; ut, quod ore contíngimus, pura mente capiámus. Per, etc.

DIE VI.

SANCTI BRUNONIS,
Confessoris.

Missa, Os justí, etc., de Comuni Confessoris non Pontificis, fol. 20, præter Orationes sequentes.*

Oratio.

SANCTI Brunónis Confessóris tui, quæsumus, Dómine, intercessiόνibus adjuvémur: ut, qui Majestátem tuam grávitèr delinquéndo offéndimus, ejus méritis et précibus nostrórum delictórum véniam consequámur. Per, etc.

Secreta.

LAUDIS tibi, Dómine, hóstias immolámus in tuórum commemoratióne sanctórum: quibus nos et præséntibus éxui malis confídinus, et futúris. Per, etc.

Postcommunio.

QUÆSUMUS, omnípotens Deus; ut, qui cœléstia aliménta

percépimus, intercedénte beáto Brunóne Confessóre tuo, per hæc contra ómnia advérsa muniámur. Per Dóminum, etc.

DIE VII.

SANCTI MARCI,
Papæ et Confessoris.

Missa, Sacerdótes tui, etc., de Comuni Confess. Pontif. secundo loco, fol. 16, exceptis Orationibus sequentibus, cum commemoratione SS. Sergii, Bacchi, Marcelli, et Apuleii, martyrum.*

Oratio.

EXAUDI, Dómine, preces nostras: et, interveniénte beáto Marco Confessóre tuo atque Pontífice, indulgéntiam nobis tíbue placátus, et pacem. Per, etc.

*Pro SS. Martyribus.**Oratio.*

SANCTORUM mártýrum tuórum nos, Dómine, Sérgii, Bacchi, Marcélli et Apuléii beáta mérita proseguántur, et tuo semper fácient amóre fervéntes.

Tertia Oratio, A cunctis, fol. 73.*

Secreta.

ACCEPTA tibi sit, Dómine, sacratæ plebis oblátio, pro tuórum honóre sanctórum: quorum se méritis de tribulatióne percépisse cognóscit auxílium. Per, etc.

*Pro SS. Martyribus.**Secreta.*

MAJESTATEM tuam nobis, Dómine, quæsumus, hæc hóstia reddat immolánda placátam,

tuorum digna postulatiōe sancto-
rum.

Tertia Secreta, Exaudi, etc., fol.
73.*

Postcommunio.

DA, quæsumus, Dómine, fidéli-
bus pópulis sanctórum tuó-
rum semper veneratiōe lætári, et
eórum perpétua supplicatiōe mun-
niri. Per Dóminum, etc.

Pro SS. Martyribus.

Postcommunio.

SACRAMENTIS, Dómine, mu-
niámur accéptis: et sanctórum
mártýrum tuórum Ségii, Bacchi,
Marcélli et Apuléii intercessiōe,
contra omnes nequítias irruéntes,
armis cœléstibus protegámur.

Tertia Postcommunio. Mundet,
fol. 73.*

DIE VIII.

SANCTÆ BIRGITTÆ,

Viduæ.

Missa, Cognóvi, etc., de Com-
muni nec Virg. nec Mart., fol. 31,*
præter Orat. seq.

Oratio.

DOMINE Deus noster, qui beá-
tæ Birgittæ per Filium tuum
Unigénitum secréta cœléstia reve-
lásti: ipsíus pia intercessiōe da
nobis fámulis tuis, in revelatiōe
sempiternæ glóriæ tuæ gaudere
lætántes. Per eúndem, etc.

Epistola. Caríssime, Víduas ho-
nóra, etc., ut in eodem Communi,
fol. 33.*

DIE IX.

SS. MARTYRUM DIONYSII,
RUSTICI ET ELEUTHERII.

Introitus. Eccl. 44.

SAPIENTIAM sanctórum nar-
rent pópuli, et laudes eórum
núntiet Ecclésia: nómina autem
eórum vivent in sæculum sæculi.

Ps. 32. Exultáte justi in Dó-
mino: rectos decet collaudatio.

Y. Glória Patri, etc.

Oratio.

DEUS, qui hodiérna die beá-
tum Dionysium Mártýrem
tuum atque Pontificem viriúte con-
stántiæ in passiōe roborásti: qui-
que illi ad prædicándum Géntibus
glóriam tuam, Rústicum et Eleu-
thérium sociáre dignátus es: tribue
nobis, quæsumus, eórum imitatiōe,
pro amóre tuo próspera mundi des-
picere, et nulla ejus advérsa formi-
dare. Per Dóminum, etc.

Léctio Actuum Apostolórum.

Act. 17.

IN diébus illis; Stans Paulus in
medio Areopági, ait: Viri Athe-
nienses, per ómnia quasi supersti-
tiosiōres vos vídeo. Prætériens
enim, et videns simulácra vestra,
invéni et aram, in qua scriptum
erat: Ignóto Deo. Quod ergo ig-
norántes cólitis, hoc ego annúntio
vobis. Deus, qui fecit mundum, et
ómnia quæ in eo sunt, hic cœli et
terræ cū sit Dóminus, non in
manúfactis templis hábitat, nec
mánibus húmánis cólitur, indigens
áliquo, cū ipse det ómnibus vitam,
et inspiratiōem, et ómnia: fecit-
que ex uno omne genus hóminum
inhabitáre super univérsam fáciem
terræ, definiens statúta témpora, et
términos habitatiōis eórum, quæ-

rere Deum, si fortè attréctent eum, aut invéniant, quamvis non longè sit ab unoquoque nostrum. In ipso enim vivimus, et movémur, et sumus : sicut et quidam vestròrum Poetarum dixerunt : Ipsius enim et genus sumus. Genus ergo cùm simus Dei, non debémus aestimare, auro, aut argénto, aut lápidi, sculpturæ artis, et cogitátionis hóminis, Divinum esse simile. Et témpora quidem hujus ignorántiæ despiciens Deus, nunc annúntiat homínibus, ut omnes ubique pœniténtiam agant, eò quòd státuit diem, in quo judicatúrus est orbem in æquitáte, in viro, in quo státuit, fidem præbens ómnibus, súscitans eum à mórtuis. Cùm audissent autem resurrectionem mortuórum, quidam quidem irridébant, quidam verò dixerunt : Audiémus te de hoc iterum. Sic Paulus exivit de médio eórum. Quidam verò viri adhæréntes ei, credidérunt : in quibus et Dionysius Areopagíta, et mûlier nómine Dámaris, et álîi cum eis.

Graduale. Ps. 123. Anima nostra, sicut passer, erépta est de láqueo venántium.

Ÿ. Láqueus contritus est, et nos liberáti sumus : adjutórium nostrum in nómine Dómini, qui fecit cælum et terram.

Allelúia, allelúia. *Ÿ.* *Ps. 67.* Justi epuléntur, et exúltent in conspéctu Dei : et delecténtur in lætítia. Allelúia.

Sequéntia sancti Evangélîi secúndum Lucam. *Luc. 12.*

IN illo témpore : Dixit Jesus discípulis suis : Atténdite à fermento Phariseórum, quod est hypócrisis. Nihil autem opértum est, quod non revelétur : neque absconditum, quod non sciátur. Quóniam quæ in ténebris dixistis, in lúmine

dicéntur : et quod in aurem locúti estis in cubículis, prædicábitur in tectis. Dico autem vobis amícis meis : Ne terreámini ab his qui occidunt corpus, et post hæc non habent ampliùs quid fáciant. Osténdam autem vobis quem timeátis : timéte eum, qui postquam occiderit, habet potestátem mittere in gehénam. Ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo ? Sed et capilli cápitis vestri omnes numeráti sunt. Nolíte ergo timére : multis passéribus pluris estis vos. Dico autem vobis : Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

Offertorium. Ps. 149. Exultábunt sancti in glória, lætabúntur in cubílibus suis : exaltatiónes Dei in fáucibus eórum. Allelúia.

Secreta.

OBLATA tibi, Dómine, múnera pópuli tui pro tuórum honóre sanctórum súscipe propítius, quæsumus : et eórum nos intercessióne sanctífica. Per Dóminum, etc.

Communio. Luc. 12. Dico autem vobis amícis meis : ne terreámini ab his qui vos persecúntur.

Postcommunio.

SUMPTIS, Dómine, sacraméntis, quæsumus ; ut, intercedéntibus beátis martyribus tuis Dionysio, Rústico et Eleuthério, redemptionis æternæ proficiámus augmentum. Per Dóminum, etc.

DIE X.

S. FRANCISCI BORGIE,

Confessoris.

Missa, Os justi, etc., de Communi Confess. non Pontif., fol. 20, præter Orationem sequentem.

Oratio.

DOMINE Jesu Christe, veræ humiliat̃is et exemplar et præmiũ; quæsumus, ut sicut beatum Franciscum in terreni honoris contemptu imitatorem tui gloriosum effecisti, ita nos ejusdem imitationis et gloriæ tribuas esse consortes. Qui vivis et regnas, etc.

Evangelium, Ecce nos reliquimus. etc., de Communi Abbatum, fol. 23.*

DIE XIII.

SANCTI EDUARDI,

Confessoris.

Missa, Os justi, etc., de Communi Conf. non Pontif., fol. 20, præter Orationem sequentem.*

Oratio.

DEUS, qui beatum regem Eduardum Confessorem tuum æternitatis glória coronasti; fac nos, quæsumus, ita eum venerari in terris, ut cum eo regnare possimus in cælis. Per Dominum, etc.

DIE XIV.

SANCTI CALLISTI,

Papæ et Martyris.

Introitus. Dan. 3.

SACERDOTES Dei benedicite Dominum: sancti et humiles corde laudate Deum.

Dan. ibid. Benedicite omnia opera Domini Domino: laudate et superexaltate eum in sæcula.

V. Glória Patri, etc.

Oratio.

DEUS, qui nos conspicias ex nostra infirmitate deficere; ad amorem tuum nos misericorditer per sanctorum tuorum exempla restaure. Per Dominum, etc.

Lectio Epistolæ beati Pauli Apostoli ad Hebræos. Heb. 5.

FRATRES, Omnis Pontifex ex hominibus assumptus, pro hominibus constituitur in iis quæ sunt ad Deum: ut offerat dona et sacrificia pro peccatis: qui condolere possit iis qui ignorant et errant: quoniam et ipse circumdatus est infirmitate: et propterea debet, quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur à Deo, tamquam Aaron.

Graduale. Ps. 88. Inveni David servum meum, oleo sancto meo unxi eum: manus erim mea auxiliabitur ei, et brachium meum confortabit eum.

V. Nihil proficiet inimicus in eo: et filius iniquitatis non nocēbit ei.

Allelúia, allelúia. V. Eccl. 45. Amavit eum Dominus, et ornavit eum: stolam gloriæ induit eum. Allelúia.

Sequētia sancti Evangelii secundum Matthæum. Matth. 10.

IN illo tempore: Dixit Jesus discipulis suis: Nihil est opertum, quod non revelabitur: et occultum, quod non sciētur. Quod dico vobis in tenebris, dicite in lumine: et quod in aure auditis, prædicāte super tecta. Et nolite timere eos qui

occidunt corpus, animam autem non possunt occidere : sed potiùs timéte eum qui potest et animam et corpus pèrdere in gehénnam. Nonne duo pásseres asse véneunt : et unus ex illis non cadet super terram sine Patre vestro ? Vestri autem capílli cápitis omnes numeráti sunt. Nolíte ergo timére : multis passéribus meliôres estis vos. Omnis ergo qui confitébitur me coram homínibus, confitébor et ego eum coram Patre meo qui in cœlis est.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

MYSTICA nobis, Dómine, pro-sit oblátio ; quæ nos et à reátibus nostris expédiat, et perpétua salvatióne confirmet. Per, etc.

Communio. Matth. 24. Beátus servus, quem, cùm vénerit dónus, invénierit vigilántem : amen dico vobis, super ómnia bona sua constituet eum.

Postcommunio.

QUÆSUMUS, omnipotens Deus ; ut reátus nostros múnera sacráta puríficent, et rectè vivéendi nobis operéntur efféctum. Per, etc.

DIE XV.

SANCTÆ THERESIÆ,
Virginis.

Missa, Dilexisti, etc., de Communi Virginum, fol. 27, præter Orationem sequentem.*

Oratio.

EXAUDI nos, Deus salutáris noster ; ut, sicut de beátæ

Therésiæ Virginis tuæ festivitáte gaudémus, ita cœlestis ejus doctrinæ pábulo nutriámur, et piæ devotiónis erudiámur afféctu. Per, etc.

DIE XVII.

SANCTÆ HEDWIGIS,
Viduæ.

Missa, Cognóvi, etc., de Communi nec Virg. nec Mart. fol. 31, præter Orationem sequentem.*

Oratio.

DEUS, qui beátam Hedwígem à sæculi pompa ad húmílem tuæ crucis sequélam toto corde transíre docuísti : concéde, ut ejus méritis et exémplo discámus peritúras mundi calcáre delicias, et in ampléxu tuæ crucis ómnia nobis adversántia superáre. Qui vivis et regnas, etc.

DIE XVIII.

SANCTI LUCÆ,
Evangelistæ.

Introitus. Ps. 138.

MIHI autem nimis honoráti sunt amíci tui, Deus : nimis confortátus est principátus eórum.

Ps. Ibid. Dómine, probásti me, et cognovísti me : tu cognovisti sessiόνem meam et resurrectionem meam.

Ÿ. Glória Patri, etc.

Oratio.

INTERVENIAT pro nobis, quæsumus, Dómine, sanctus tuus Lucas Evangelista ; qui crucis mortificationem júgiter in suo corpore,

pro tui nóminis honóre portávit.
Per Dóminum, etc.

Léctio Epístolæ beáti Pauli Apóstoli ad Corínthios. 2 Cor. 8.

FRATRES, Grátias ago Deo, qui dedit eámdem sollicitúdinem pro vobis in corde Titi, quóniam exhortatióem quidem suscepit: sed cùm sollicitior esset, sua voluntáte profectus est ad vos. Misimus étiam cum illo fratrem, cujus laus est in Evangélio per omnes Ecclesiás: non solùm autem, sed et ordinátus est ab Ecclesiis comes peregrinatióis nostræ in hanc grátiam, quæ ministrátur à nobis ad Dómini glóriam, et destinátam voluntátem nostram: devitátes hoc, ne quis nos vitúperet in hac plenitúdine, quæ ministrátur à nobis. Providémus enim bona non solùm coram Deo, sed étiam coram homínibus. Misimus autem cum illis et fratrem nostrum, quem probávimus in multis sæpe sollicitum esse: nunc autem multò sollicitiorem, confidéntia multa in vos, sive pro Tito, qui est sócius meus, et in vos adjutor; sive fratres nostri, Apóstoli Ecclesiárum, glória Christi. Ostensióem ergo, quæ est charitátis vestræ, et nostræ glóriæ pro vobis, in illos osténdite in faciém Ecclesiárum.

Graduale. Ps. 18. In omnem terram exívit sonus eórum: et in fines orbis terræ verba eórum.

V. Cœli enarrant glóriam Dei: et ópera manuum ejus annúntiat firmaméntum.

Allelúia, allelúia. *V. Joann. 15.* Ego vos elégi de mundo, ut eátis, et fructum afferátis: et fructus vester máneat. Allelúia.

Sequéntia sancti Evangélii secundum Lucam. Luc. 10.

IN illo témpore: Designávit Dóminus et álios septuaginta duos, et misit illos binos ante faciém suam in omnem civitátem, et locum quò erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et némitem per viam salutavéritis. In quamcúmque domum intravéritis, primùm dicite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis, et curáte infirmos, qui in illa sunt, et dicite illis: Appropinquávit in vos regnum Dei.

Credo.

Offertorium. Ps. 138. Mihi autem nimis honoráti sunt amíci tui, Deus: nimis confortátus est princípatus eórum.

Secreta.

DONIS cœléstibus da nobis, quæsumus, Dómine, libera tibi mente servíre: ut múnera, quæ deférimus, interveniénte beáto Evangelísta tuo Luca, et medélam nobis operéntur, et glóriam. Per Dóminum, etc.

Præfatio de Apostolis, fol. 209.

Communio. Matth. 19. Vos,

qui secúti estis me, sedébitis super sedes, judicántes duódecim tribus Israél.

Postcommunio.

PRÆSTA, quæsumus, omnipotens Deus ; ut, quod de sancto altári tuo accépinus, précibus beáti Evangelistæ tui Lucaë, sanctificet ánimas nostras, per quod tuti esse possimus. Per Dóminum, etc.

DIE XIX.

S. PETRI DE ALCANTARA,
Confessoris.

Introitus. Ps. 91.

JUSTUS ut palma florébit, sicut cedrus Libani multiplicábitur : plantátus in domo Dómini, in átriis domus Dei nostri.

Ps. Ibid. Bonum est confitéri Dómino : et psállere nómini tuo, Altíssime.

Ÿ. Glória Patri, et Fílio, etc.

Oratio.

DEUS, qui beátum Petrum Confessórem tuum, admirábilis pœniténtiæ, et altíssimæ contemplationismúnere illustráre dignátus es : da nobis, quæsumus ; ut ejus suffragántibus méritis, carne mortificáti, facílius cœlestia capiámus. Per Dóminum, etc.

Léctio Epístolæ beáti Pauli Apóstoli ad Philippenses. *Phil. 3.*

FRATRES, Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse propter eminéntem sciéntiam Jesu Christi Dómini mei : propter quem ómnia detriméntum

feci, et árbitor ut stércora, ut Christum lucrifáciam, et invéniam in illo, non habens meam justítiam, quæ ex lege est, sed illam, quæ ex fide est Christi Jesu : quæ ex Deo est justítia in fide, ad cognoscéndum illum, et virtútem resurrectionis ejus, et societátem passiónum illius, configurátus morti ejus, si quo modo occúrram ad resurrectionem, quæ est ex mórtuis : non quòd jam accéperim, aut jam perféctus sim : sequor autem, si quo modo comprehéndam, in quo et comprehensus sum à Christo Jesu.

Graduale. Ps. 36. Os justí meditábitur sapiéntiam, et lingua ejus loquétur judícium.

Ÿ. Lex Dei ejus in corde ipsíus : et non supplantabúntur gressusejus.

Allelúia, allelúia. *Ÿ. Ps. 111.* Beátus vir, qui timet Dóminum : in mandátis ejus cupit nimis. Allelúia.

Sequéntia sancti Evangélíi secúndum Lucam. *Luc. 12.*

IN illo témpore : Dixit Jesus discíplis suis : Nolíte timére pusíllus grex, quia complácuít Patri vestro dare vobis regnum. Véndite quæ possidéti, et date eleemósynam. Fácite vobis sácculos qui non veteráscunt, thesáurum non deficiéntem in cœlis : quòd fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 20. In virtúte tua, Dómine, lætábitur justus, et super salutáre tuum exultábit veheménter : desidérium ánimæ ejus tribuísti ei.

Secreta.

PRÆSTA nobis, quæsumus, omnipotens Deus ; ut nostræ hu-

militátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum, etc.

Communio. Matth. 19. Amen dico vobis : quód vos, qui reliquistis ómnia, et secúti estis me, céntuplum accipiétis, et vitam ætérnam possidebitis.

Postcommunio.

QUÆSUMUS, omnipotens Deus ; ut, qui cœléstia aliménta percépimus, intercedente beáto Petro Confessóre tuo, per hæc contra ómnia advérsa muniámur. Per Dóminum, etc.

DIE XX.

S. JOANNIS CANTII,
Confessoris.

Introitus. Eccli. 18.

MISERATIO hóminis circa próximum : misericórdia autem Dei super omnem carnem. Qui misericórdiam habet, docet et érudit quasi pastor gregem suum.

Ps. 1. Beátus vir qui non ábiit in consílio impiórum : et in via peccatórum non stetit, et in cáthedra pestiléntiæ non sedit.

V. Glória Patri, etc.

Oratio.

DA, quæsumus, omnipotens Deus ; ut sancti Joánnis Confessoris exémplo in sciéntia sanctórum proficiéntes, atque áliis misericórdiam exhibéntes, ejus méritis indulgéntiam apud te consequámur. Per Dóminum, etc.

Lectio Epistolæ beáti Jacóbi Apóstoli. *Jacob. 2.*

SIC loquímini, et sic fácite, sicut per legem libertátis incipiéntes judicári. Judícium enim sine misericórdia illi qui non fecit misericórdiam : superexáltat autem misericórdia judícium. Quid próderit, fratres mei, si fidem quis dicat se habére, ópera autem non hábeat ? Numquid póterit fides salváre eum ? Si autem frater et soror nudi sint, et indígeant victu quotidiano, dicat autem áliquis ex vobis illis : *Ite in pace, calefacimini, et saturámini ; non dedéritis autem eis quæ necessária sunt corpore, quid próderit ?* Sic et fides, si non hábeat ópera, mórtua est in semetipsa.

Graduale. Ps. 106. Confiteántur Dómino misericórdiæ ejus, et mirabilia ejus filiis hóminum.

V. Quia satiávit ánimam inánem, et ánimam esuriéntem satiávit bonis.

Allelúia, allelúia. V. Prov. 31. Manum suam apéruit inopi, et palmas suas exténdit ad páuperem. *Allelúia.*

Sequéntia sancti Evangélíi secúndum Lucam. *Luc. 12.*

IN illo témpore : Dixit Jesus discípulis suis : Sint lumbi vestri præcincti, et lucérnæ ardéntes in manibus vestris : et vos símiles homínibus expectántibus dóminum suum quando revertátur à nuptiis : ut cùm vénerit, et pulsáverit, conféstim apériant ei. Beáti servi illi, quos, cùm vénerit Dóminus, invenerit vigilántes : amen dico vobis, quòd præcinget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invenerit, beáti sunt servi illi. Hoc autem scitóte, quóniam si sciret paterfamilias qua hora fur veni-

ret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Offertorium. Job. 29. Justítia indútus sum, et vestívi me, sicut vestiménto et diadémate, iudicio meo. Oculus fui cæco, et pes claudó: pater eram páuperum.

Secreta.

HAS, quæsumus, Dómine, hóstias sancti Joánnis Confessóris tui méritis benígnus assúme, et præsta: ut te super ómnia, et omnes propter te diligéntes, corde tibi et ópere placeámus. Per, etc.

Communio. Luc. 6. Date, et dábitur vobis: mensúram bonam, et confértam, et coagitátam, et superfluéntem dabunt in sinum vestrum.

Postcommunio.

PRETIOSI Córporis, et Sânguinis tui, Dómine, pasti delíciis, tuam súpplíces deprecámur cleméntiam: ut sancti Joánnis Confessóris tui méritis et exémpis, ejúsdem charitátis imitatóres effécti, consórtes simus et glóriæ. Qui vivis, etc.

DIE XXI.

SANCTI HILARIONIS,

Abbatis.

Missa, Os justí, etc., de Communi Abbatum, fol. 22.*

Pro Commemoratione SS. Ursulæ et Soc., mart.

Oratio.

DA nobis, quæsumus, Dómine Deus noster, sanctárum Virgínum et mártýrum tuárum, Ursulæ et Sociárum ejus, palmas incen-

sábili devotióne venerári: ut, quas digna mente non póssumus celebráre, humílibus saltem frequentémus obséquíis.

Tertia Oratio. A cunctis, fol. 73.*

Secreta.

INTENDE, quæsumus, Dómine, múnera altáribus tuis pro sanctárum Virgínum et mártýrum tuárum Ursulæ et Sociárum ejus festivitáte propósita: ut sicut per hæc beáta mystéria illis glóriam contulísti, ita nobis indulgéntiam largiáris.

Tertia Secreta. Exáudi, fol. 73.*

Postcommunio.

PRÆSTA nobis, quæsumus, Dómine, intercedéntibus sanctis Virgínibus et Martyribus tuis; ut, quod ore contíngimus, pura mente capiámus.

Tertia Postcommunio, Mundet, fol. 73.*

DIE XXV.

SS. MARTYRUM CHRYSANTHI ET DARIÆ.

Introitus. Ps. 78.

INTRET in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est.

Ps. ibid. Deus, venérunt gentes in hæreditátem tuam, polluérun templum sanctum tuum: posuérun Jerúsalem in pomórum custódiam.

Ÿ. Glória Patri, etc.

Oratio.

BEATORUM mártýrum tuórum, Dómine, Chrysánthi et

Dariæ, quæsumus, adsit nobis oratio : ut, quos veneramur obsequio, eorum pium jûgiter experiâmur auxilium. Per Dóminum, etc.

Lectio Epistolæ beati Pauli Apóstoli ad Corínthios. 2 Cor. 6.

FRATRES, Exhibeâmus nosmetipsos sicut Dei ministros in multa patientia, in tribulationibus, in necessitatibus, in angustis, in plagis, in carcëribus, in seditiõnibus, in labõribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in caritate non ficta, in verbo veritatis, in virtute Dei ; per arma justitiæ à dextris, et à sinistris ; per glóriam, et ignobilitatem ; per infamiam, et bonam famam : ut seductores, et veraces : sicut qui ignoti, et cogniti : quasi morientes, et ecce vivimus : ut castigati, et non mortificati : quasi tristes, semper autem gaudentes : sicut egentes, multos autem locupletantes : tamquam nihil habentes, et omnia possidentes.

Graduale. Exod. 15. Gloriosus Deus in sanctis suis : mirabilis in majestate, faciens prodigia.

Ÿ. Dextera tua, Dómine, glorificata est in virtute : dextera manus tua confrégit inimicos.

Allelúia, allelúia. Ÿ. *Ecc. 44.* Corpora sanctórum in pace sepulta sunt : et nomina eórum vivent in generationem et generationem. Allelúia.

Sequéntia sancti Evangélii secundum Lucam. *Luc. 11.*

IN illo tempore : Dicebat Jesus Scribis et Pharisæis : Væ vobis, qui ædificatis monuménta Prophetarum : patres autem vestri occiderunt illos. Profectò testificamini quòd consentitis opéribus patrum

vestrórum : quóniam ipsi quidem eos occiderunt, vos autem ædificatis eórum sepúlcrâ. Propterea et sapientia Dei dixit : Mittam ad illos Prophetas et Apóstolos, et ex illis occident, et persequéntur : ut inquiratur sanguis ómnium Prophetarum, qui effusus est à constitutiõne mundi à generatiõne ista, à sanguine Abel usque ad sanguinem Zachariæ, qui périit inter altáre et ædem. Ita dico vobis, requirétur ab hac generatiõne.

Offertorium. Ps. 67. Mirabilis Deus in sanctis suis : Deus Israël, ipse dabit virtutem et fortitudinem plebi suæ : benedictus Deus. Allelúia.

Secreta.

POPULI tui, quæsumus, Dómine, tibi grata sit hostia, quæ in natalitiis sanctórum mártyrum tuórum Chrysánthi et Dariæ solémniter iminólatur. Per, etc.

Communio. Sap. 3. Et si coram hominibus tormenta passi sunt, Deus tentávit eos : tanquam aurum in fornáce probávit eos, et quasi holocáusta accépit eos.

Postcommunio.

MYSTICIS, Dómine, replétus sumus votis et gaudiis : præsta, quæsumus ; ut, intercessionibus sanctórum mártyrum tuórum Chrysánthi et Dariæ, quæ temporaliter ágimus, spirituáliter consequámur. Per Dóminum, etc.

DIE XXVI.

SANCTI EVARISTI,
Papæ et Martyris.

*Missa, Státuit, etc., de Comuni
unius Martyris Pontificis, fol. 2*.*

DIE XXVII.

In Vigilia

SS. APOSTOLORUM SIMONIS
ET JUDÆ.*Introitus. Ps. 78.*

INTRET in conspectu tuo, Dómine, gémitus compeditórum : redde vicínis nostris séptuplum in sinu eórum : vindica sánguinem sanctórum tuórum, qui effúsus est.

Ps. ibid. Deus, venérunt gentes in hæreditátem tuam, polluérent templum sanctum tuum : posuérent Jerúsalem in pomórum custódiam.

V. Glória Patri, etc.

Oratio.

CONCEDE, quæsumus, omnipotens Deus ; ut, sicut Apostolorum tuórum Simónis et Judæ gloriósa natalítia prævenimus, sic ad tua beneficia promerénda, Majestátem tuam pro nobis ipsi præveniant. Per Dóminum, etc.

Oratio secunda de S. Maria, Concède ; tertia Ecclesiæ, vel pro Papa, fol. 237.

Léctio Epístolæ beáti Pauli Apóstoli ad Corinthios. 1 Cor. 4.

FRATRES, Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo : nos infirmi, vos autem fortes : vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes má-nibus nostris : maledícimur, et benedícimus : persecutió-nem pátimur, et sustinémus : blasphemámur, et obsecrámus : tamquam purgaménta hujus mundi facti sumus, ómnium peripséma usque adhuc. Non ut

confúndam vos, hæc scribo, sed ut filios meos charíssimos mó-neo in Christo Jesu Dómino nostro.

Graduale. Ps. 78. Vindica, Dómine, sánguinem sanctórum tuórum, qui effúsus est.

V. Posuérent mortália servórum tuórum, Dómine, escas volatílibus cœli : carnes sanctórum tuórum béstis terræ.

Sequéntia sancti Evangélíi secúndum Joánnem. *Joann. 15.*

IN illo témpore : Dixit Jesus discípulis suis : Ego sum vitis vera, et Pater meus agrícola est. Om-nem pálmitem in me non feréntem fructum, tollet eum : et omnem qui fert fructum, purgábit eum, ut fructum plus áfferat. Jam vos mundi estis propter sermónem quem locú-tus sum vobis. Manéte in me, et ego in vobis. Sicut palmes non potest ferre fructum à semetípso, nisi mánserit in vite : sic nec vos, nisi in me manséritis. Ego sum vitis, vos pálmities : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánse-rit, mittétur foràs sicut palmes, et aréscet, et cólligent eum, et in ignem mittent, et ardet. Si mansé-ritis in me, et verba mea in vobis mánserint ; quodcúmque voluéritis, petétis, et fiet vobis.

Offertorium. Ps. 149. Exultábunt sancti in glória, lætabúntur in cubilibus suis : exaltatiónes Dei in fáucibus eórum.

Secreta.

MUNERIBUS nostris, Dómine, sanctórum Apostolorum tuórum Simónis et Judæ festa præcédimus, te suppliciter deprecántes ; ut, quæ consciéntiæ nostræ præpe-

diúntur obstáculis, illórum méritis grata reddántur. Per, etc.

Secreta secunda de B. Maria, Tua, Dómine; *tertia*, Prótege nos, *vel pro Papa*, fol. 237, et seq.

Communio. Ps. 78. Posuérunt mortália servórum tuórum, Dómine, escas volatilibus cœli: carnes sanctórum tuórum béstiis terræ: secúndum magnitúdinem bráchii tui pós-side filios morte punitórum.

Postcommunio.

SUMPTO, Dómine, sacraménto, suppliciter deprecámur; ut, intercedéntibus beáteis Apóstolis tuis Simóne et Juda, quod temporáliter gérimus, ad vitam capiámus æternam. Per Dóminum, etc.

Postcommunio secunda de B. Maria, Sumptis, Dómine; *tertia*, Quæsumus, Dómine, *vel pro Papa*, fol. 238.

DIE XXVIII.

SS. APOSTOLORUM SIMONIS ET JUDÆ.

Introitus. Ps. 138.

MIHI autem nimis honoráti sunt amíci tui, Deus: nimis confortátus est principátus eórum.

Ps. *Ibid*. Dómine, probásti me, et cognovisti me: tu cognovisti sessiónem meam, et resurrectionem meam.

Ÿ. Gloria Patri, etc.

Oratio.

DEUS, qui nos per beátos Apóstolos tuos Simónem et Judam, ad agnitióem tui nóminis veníre tribuisti: da nobis eórum glóriam sempitérnam et proficiéndo celebráre, et celebrándo proficere. Per Dóminum, etc.

Léctio Epístolæ beáti Pauli Apóstoli ad Ephésios. *Ephes.* 4.

FRATRES, Unicuique nostrum data est grátia secúndum mensúram donatióis Christi. Propter quod dicit: Ascéndens in altum captívam duxit captivitátem, dedit dona homínibus. Quòd autem ascéndit, quid est, nisi quia et descéndit primùm in inferiôres partes terræ? Qui descéndit, ipse est et qui ascéndit super omnes cœlos, ut impléret ómnia. Et ipse dedit quosdam quidem Apóstolos, quosdam autem Prophétas, álios verò Evangelistas, álios autem pastóres et doctóres ad consummatióem sanctórum in opus ministérii, in ædificatióem córporis Christi: donec occurrámus omnes in unitátem fidei, et agnitióis Filii Dei, in virum perféctum, in mensúram ætátis plenitúdinis Christi.

Graduale. Ps. 44. Constitues eos príncipes super omnem terram: mémores erunt nóminis tui, Dómine.

Ÿ. Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. Ÿ. Ps. 138. Nimis honoráti sunt amíci tui, Deus: nimis confortátus est principátus eórum. Allelúia.

Sequéntia sancti Evangélíi secúndum Joánnem. *Joan.* 15.

IN illo témpore: Dixit Jesus discipulis suis: Hæc mando vobis, ut diligátis ínvicem. Si mundus vos odit, scitóte quia me priórem vobis ódio hábuit. Si de mundo fuissétis, mundus quod suum erat diligeret: quia verò de mundo non estis, sed ego elégi vos de mundo, proptérea odit vos mundus. Mementóte sermónis mei, quem ego dixi vobis: Non est servus major Dómino suo. Si me persecúti sunt,

et vos persecuéntur : si sermónem meum servavérunt, et vestrum servábunt. Sed hæc ómnia fácient vobis propter nomen meum : quia nésciunt eum qui misit me. Si non veníssem, et locútus fuíssem eis, peccátum non habérent : nunc autem excusatióem non habent de peccáto suo. Qui me odit, et Patrem meum odit. Si ópera non fecissem in eis, quæ nemo álius fecit, peccátum non habérent : nunc autem et vidérunt, et odérunt et me, et Patrem meum. Sed ut adimpleátur sermo, qui in lege eórum scriptus est : Quia ódio habuérunt me gratis.

Credo.

Offertorium. Ps. 18. In omnem terram exívit sonus eórum : et in fines orbis terræ verba eórum.

Secreta.

GLORIAM, Dómine, sanctórum Apostolórum tuórum Simónis et Judæ perpétuam venerántes, quæsumus ; ut eam, sacris mystériis expiáti, digniùs celebrémus. Per Dóminum, etc.

Præfatio de Apostolis, fol. 209.

Communio. Matth. 19. Vos, qui secúti estis me, sedébitis super sedes, iudicántes duódecim tribus Israël.

Postcommunio.

PERCEPTIS, Dómine, sacraméntis, suppliciter exorámus ; ut, intercedéntibus beátis Apóstolis tuis Simóne et Juda, quæ pro illórum veneránda gérimus passióne, nobis proficiant ad medélam. Per Dóminum, etc.

¶ *Si in Vigilia Omnium Sanctorum occurrerit dici Missam de aliquo Festo Semiduplici, tunc tertia Oratio*

erit A cunctis, etc., non vero de Spiritu sancto.

DIE XXXI.

In Vigilia

OMNIUM SANCTORUM.

Introitus. Sap. 3.

JUDICANT sancti gentes, et dominántur pópulis : et regnabit Dóminus Deus illórum in perpétuum.

Ps. 32. Exultáte justi in Dómino : rectos decet collaudátio.

Y. Glória Patri, etc.

Non dicitur Glória in excélsis.

Oratio.

DOMINE Deus noster, multiplica super nos grátiam tuam : et, quorum prævenimus gloriósa solémnia, tribue súbsequi in sancta professione lætítiam. Per, etc.

Secunda Oratio de Spiritu Sancto, Deus, qui corda ; tertia, Ecclesiæ, vel pro Papa, fol. 51.*

Léctio libri Apocalypsis beáti Joánis Apóstoli. Apoc. 5.

IN diébus illis : Ecce ego Joánnes vidi in médio throni, et quatuor animálium, et in médio seniórum, Agnum stantem tamquam occísus, habéntem cónua septem, et óculos septem : qui sunt septem spíritus Dei, missi in omnem terram. Et venit, et accépit de dextera sedéntis in throno librum. Et cùm aperuísset librum, quatuor animália et vigintiquátuor senióres cecidérunt coram Agno, habéntes singuli citharas et phíalas áureas, plenas odoreméntórum, quæ sunt oratióes sanctorum : et cantábant canticum

novum, dicentes : Dignus es, Dómine, accipere librum, et aperire signacula ejus : quóniam occisus es, et redemisti nos Deo in Sanguine tuo ex omni tribu, et lingua, et populo, et natione : et fecisti nos Deo nostro regnum, et sacerdotes : et regnabimus super terram. Et vidi, et audiavi vocem Angelórum multórum in circúitu throni, et animálium, et seniórum ; et erat númerus eórum millia millium, dicéntium voce magna : Dignus est Agnus, qui occisus est, accipere virtútem, et divinitátem, et sapiéntiam, et fortitudinem, et honórem, et glóriam, et benedictiónem, in sæcula sæculórum. Amen.

Graduale. Ps. 149. Exultábunt Sancti in glória, lætabúntur in cubilibus suis.

Ÿ. Cantáte Dómino cánticum novum, laus ejus in ecclésia sanctorum.

Sequéntia sancti Evangélii secundum Lucam. *Luc. 6.*

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audirent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tângere : quia virtus de illo exíbat, et sanábat omnes. Et ipse elevátis óculis in discipulos suos, dicébat : Beáti páuperes : quia vestrum est regnum Dei. Beáti qui nunc esuritis : quia saturabímmini.

Beáti qui nunc fletis : quia ridébitis. Beáti éritis cùm vos óderint hómines, et cùm separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte in illa die, et exultáte : ecce enim merces vestra multa est in cælo.

Offertorium. Ps. 149. Exultábunt sancti in glória, lætabúntur in cubilibus suis : exaltatiónes Dei in fáucibus eórum.

Secreta.

ALTAIRE tuum, Dómine, muneribus cumulámus oblátis : da, quæsumus ; ut ad salutem nostram, ómnium Sanctórum tuórum precatióne proficiant, quorum solémnia ventúra præcúrrimus. Per Dóminum, etc.

Secreta secunda de Spiritu sancto, Múnera ; tertia, Prótege nos, vel pro Papa, fol. 51, et seq.*

Communio. Sap. 3. Justórum animæ in manu Dei sunt, et non tanget illos torméntum malitiæ : visi sunt óculis insipiéntium mori, illi autem sunt in pace.

Postcommunio.

SACRAMENTIS, Dómine, et gáudiis optátæ celebritátis explétis, quæsumus ; ut eórum préci-bus adjuvémur, quorum recordati-ónibus exhibéntur. Per, etc.

Postcommunio secunda de Spiritu Sancto, Sancti Spíritus ; tertia, Quæsumus, Dómine, vel pro Papa, fol. 52.*

DIE PRIMA NOVEMBRIS.

IN FESTO

OMNIUM SANCTORUM.

Introitus.

GAUDEAMUS omnes in Dómino, diem festum celebrantes sub honóre Sanctórum ómnium: de quorum solemnitate gaudent Angeli, et collaudant Filium Dei.

Ps. 32. Exultáte justi in Dómino; rectos decet collaudatio.

V. Glória Patri, etc.

Oratio.

OMNIPOTENS sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus, ut desiderátam nobis tuæ propitiatiónis abundántiam, multiplicáti intercessóribus, largiáris. Per Dóminum, etc.

Léctio libri Apocalypsis beáti Joán-
nis Apóstoli. *Apoc. 7.*

IN diébus illis: Ecce ego Joánnes vidi álterum Angelum ascendentem ab ortu solis, habentem

signum Dei vivi: et clamávit voce magna quátuor Angelis, quibus datum est nocére terræ et mari, dicens: Nolite nocére terræ et mari, neque arbóribus, quoadúsque signemus servos Dei nostri in fróntibus eórum. Et audivi númerum signatórum, centum quadraginta quá-
tuor millia signáti, ex omni tribu filiórum Israél. Ex tribu Juda duódecim millia signáti: Ex tribu Ruben duódecim millia signáti: Ex tribu Gad duódecim millia signáti: Ex tribu Aser duódecim millia signáti: Ex tribu Népthali duódecim millia signáti: Ex tribu Manásse duódecim millia signáti: Ex tribu Símeon duódecim millia signáti: Ex tribu Levi duódecim millia signáti: Ex tribu Issachar duódecim millia signáti: Ex tribu Zábulon duódecim millia signáti: Ex tribu Joseph duódecim millia signáti. Ex tribu Bénjamin duódecim millia signáti. Post hæc vidi turbam magnam, quam dinumeráre nemo póterat, ex ómnibus géntibus, et tribubus, et pópulis, et linguis,

stantes ante thronum, et in conspéctu Agni, amícti stolis albis, et palmæ in mánibus eórum: et clamábant voce magna, dicétes: Salus Deo nostro, qui sedet super thronum, et Agno. Et omnes Angeli stabant in circúitu throni, et seniórum, et quátuor animálium: et cecidérunt in conspéctu throni in fácies suas, et adoravérunt Deum, dicétes: Amen. Benedíctio, et cláritas, et sapiéntia, et gratiárum áctio, honor, et virtus, et fortitúdo Deo nostro, in sæcula sæculórum. Amen.

Graduale. Ps. 33. Timéte Dóminum omnes Sanctiejus: quóniam nihil deest timentibus eum.

V. Inquiréntes autem Dóminum, non deficient omni bono.

Allelúia, allelúia. *V. Matth. 11.* Veníte ad me omnes qui laborátis, et oneráti estis: et ego reficiam vos, allelúia.

Sequéntia sancti Evangélíi secúndum Matthæum. *Matth. 5.*

IN illo témpore: Videns Jesus turbas, ascéndit in montem. Et cùm sedisset, accessérunt ad eum discipuli ejus; et apériens os suum, docébat eos, dicens: Beáti páuperes spíritu: quóniam ipsórum est regnum cælórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutióem patiúntur propter justítiam: quóniam ipsórum est regnum cælórum. Beáti estis cùm maledíxerint vobis, et persecúti vos fúerint, et díxerint

omne malum advérsus vos mentiéntes, propter me; gaudéte, et exultáte, quóniam merces vestra copiósa est in cælis.

Credo.

Offertorium. Sap. 3. Justórum ánimæ in manu Dei sunt, et non tanget illos torméntum malitiæ: visi sunt óculis insipiéntium mori, illi autem sunt in pace.

Secreta.

MUNERA tibi, Dómine, nostræ devotiónis offérimus: quæ et pro cunctórum tibi grata sint honóre justórum; et nobis salutária, te miseránte, reddántur. Per, etc.

Communio. Mat. 5. Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutióem patiúntur propter justítiam, quóniam ipsórum est regnum cælórum.

Postcommunio.

DA, quæsumus, Dómine, fidélibus pópulis ómnium Sanctórum semper veneratióne lætári, et eórum perpétua supplicatióne muníri. Per, etc.

¶ Infra Octavam, Missa dicitur sicut in die Festi: Oratio secunda de Spiritu sancto, Deus, qui corda fidélium: tertia, Ecclesiæ tuæ, vel pro Papa, Deus, ómnium fidélium, etc., fol. 51.*

Et dicitur Credo.

DIE II.

Secunda die fit Commemoratio omnium Fidelium Defunctorum: et et dicitur Missa, Réquiem ætérnam, etc., quæ est prima pro Defunctis, fol. 84.*

¶ *Si autem secunda dies fuerit Dominica, dicta commemoratio omnium Fidelium Defunctorum fit sequenti Feria secunda.*

DIE IV.

SANCTI CAROLI,

Episcopi et Confessoris.

Introitus. Eccli. 45.

STATUIT ei Dóminus testaméntum pacis, et príncipem fecit eum: ut sit illi sacerdotií dignitas in ætérnum.

Ps. 131. Meménto, Dómine, David, et omnis mansuetúdinis ejus.

Ÿ. Glória, etc.

Oratio.

ECCLESIAM tuam, Dómine, sancti Cárolí Confessóris tui atque Pontíficis, continua protectióne custódi: ut, sicut illum pastorális sollicitúdo gloriósum réddidit; ita nos ejus intercessió, in tuo semper fáciat amóre fervéntes. Per, etc.

Et fit commemoratio Octavæ Omnium Sanctorum, fol. 514.

Pro commemoratione Sancti Vitalis et Agricolæ, Martyrum.

Oratio.

PRÆSTA, quæsumus, omnípotens Deus; ut, qui sanctorum mártýrum tuorum Vitális et Agricolæ solémnia cólimus, eórum apud te intercessiónibus adjuvémur. Per Dóminum, etc.

Lectio Libri Sapiéntiæ. Eccli. 44.

ECCE Sacerdos magnus, qui in diébus suis placuit Deo, et invéntus est justus, et in témpore ira-

cúndiæ factus est reconciliatio. Non est invéntus símilis illi, qui conservávit legem Excélsi. Ideò jurejurádo fecit illum Dóminus créscere in plebem suam. Benedictiónem ómnium Géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum, et dedit illi corónam glóriæ. Státuit illi testaméntum ætérnum, et dedit illi sacerdotium magnum, et beatificávit illum in glória. Fungi sacerdotio, et habére laudem in nómine ipsíus, et offérre illi incénsus dignum in odórem suavitátis.

Graduale. Eccl. 44. Ecce Sacerdos magnus, qui in diébus suis placuit Deo. Ÿ. Non est invéntus símilis illi, qui conserváret legem Excélsi.

Allelúia, allelúia. Ÿ. Ps. 109. Tu es sacerdos in ætérnum secúndum órđinem Melchisedech. Allelúia.

Sequéntia sancti Evangélíi secúndum Matthæum. Matth. 25.

IN illo témpore: Dixit Jesus discípulis suis parábolam hanc: Homo péregrè proficiscens, vocávit servos suos, et trádidit illis bona sua. Et uni dedit quinque talénta, álíi autem duo, álíi verò unum, unicuique secúndum própíam virtútem: et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniam dómini sui. Post multum verò témporis venit dóminus servórum illórum, et pósuit ratióne cum

eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidisti mihi; ecce ália quinque superlucrátus sum. Ait illi dóminus ejus: Euge serve bone et fidélis: quia super pauca fuísti fidélis, super multa te constituam; intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidisti mihi; ecce ália duo lucrátus sum. Ait illi dóminus ejus: Euge serve bone et fidélis; quia super pauca fuísti fidélis, super multa te constituam; intra in gáudium dómini tui.

Credo.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per, etc.

Pro Oct. Omnium Sanctorum.
Secreta Múnera tibi, fol. 515.

Pro SS. Martyribus.

Secreta.

OBLATIS, quæsumus, Dómine, placáre munéribus: et, intercedéntibus sanctis martyribus tuis Vitále et Agrícola, à cunctis nos defénde periculis. Per, etc.

Communio. Luc. 12. Fidélis servus et prudens, quem constituit dóminus super familiam suam: ut det illis in témpore tritici mensúram.

Postcommunio.

PRÆSTA, quæsumus, omnípotens Deus; ut de percéptis munéribus grátias exhibéntes, intercedénte beáto Cárolo Confessóre tuo atque Pontífice, beneficia potióra sumámus. Per Dóminum, etc.

Pro Octava Omnium Sanctorum.
Postcommunio Da, quæsumus, fol. 515.

Pro SS. Martyribus.

Postcommunio.

HÆC nos commúnio, Dómine, purget à crimine: et, intercedéntibus sanctis martyribus tuis Vitále et Agrícola, cœléstis remédii fáciat esse consórtes. Per, etc.

DIE VIII.

¶ *In Octava Omnium Sanctorum dicitur Missa sicut in die, cum comem. SS. martyrum Quatuor Coronatorum.*

Oratio.

PRÆSTA, quæsumus, omnípotens Deus; ut, qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per, etc.

Secreta.

BENEDICTIO tua, Dómine, larga descéndat: quæ et múnera nostra, deprecántibus sanctis Martyribus tuis, tibi reddat accépta, et nobis sacraméntum redemptionis efficiat. Per Dóminum, etc.

Postcommunio.

CÆLESTIBUS refécti sacraméntis et gáudiis, súppliques te, Dómine, deprecámur: ut, quorum

gloriámur triúmphis, protegámur auxiliis. Per Dóminum, etc.

DIE IX.

In Dedicatione Basilicæ
SANCTISS. SALVATORIS.

Missa, Terribilis, etc., de Comuni Dedicationis Ecclesiæ, fol. 33.*

Pro commemoratione Sancti Theodori Martyris.

Oratio.

DEUS, qui nos beáti Theodóri mártiris tui confessione gloriósa circúmdas et prótegis; præsta nobis ex ejus imitatione proficere, et oratione fulciri. Per, etc.

Secreta.

SUSCIPE, Dómine, fidélium preces cum oblationibus hostiárum: et, intercedente beáto Theodóro mártire tuo, per hæc piæ devotiõnis officia ad cæléstem glóriam transeámus. Per, etc.

Postcommunio.

PRÆSTA nobis, quæsumus, Dómine, intercedente beáto Theodóro mártire tuo; ut, quod ore contíngimus, pura mente capiámus. Per Dóminum, etc.

DIE X.

S. ANDREÆ AVELLINI,
Confessoris.

Missa, Os justi, etc., de Comuni Confessoris non Pontificis, fol. 20, præter Orationem sequentem.*

Oratio.

DEUS, qui in corde beáti Andréæ Confessóris tui, per árduum quotidie in virtútibus proficiéndi votum, admirábiles ad te ascensionés disposuísti: concéde nobis, ipsíus méritis et intercessiõne, ita ejúsdem grátiae partícipes fieri, ut perfectióra semper exequéntes, ad glóriæ tuæ fastígium feliciter perducámur. Per Dóminum, etc.

Pro commemoratione SS. Martyrum Tryphonis et Sociorum.

Oratio.

FAC nos, quæsumus, Dómine, sanctórum mártyrum tuórum, Tryphónis, Respícií, et Nymphæ semper festa sectári: quorum suffrágiis protectionis tuæ dona sentiámus. Per Dóminum, etc.

Secreta.

MUNERA tibi, Dómine, nostræ devotiõnis offérimus: quæ et pro tuórum tibi grata sint honóre justórum; et nobis salutária, te miseránte, reddántur. Per, etc.

Postcommunio.

PRÆSTA nobis, quæsumus, Dómine, intercedéntibus sanctis martyribus tuis Tryphóne, Respício, et Nympha; ut, quod ore contíngimus, pura mente capiámus. Per Dóminum, etc.

DIE XI.

SANCTI MARTINI,
Episcopi et Confessoris.

Introitus. Eccl. 45.

STATUIT ei Dóminus testaméntum pacis, et principem fecit eum: ut sit illi sacerdótii dignitas in ætérnum.

Ps. 131. Meménto, Dómine, David, et omnis mansuetúdinis ejus. V. Glória Patri, etc.

Oratio.

DEUS, qui cónspicis quia ex nulla nostra virtúte subsístimus : concéde propítius ; ut, intercessióne beáti Martíni Confessóris tui atque Pontíficis, contra ómnia advérsa muniámur. Per, etc.

Pro Sancto Menna, Martyre.

Oratio.

PRÆSTA, quæsumus, omnípotens Deus ; ut, qui beáti Mennæ martyris tui natalítia cólimus, intercessióne ejus in tui nóminis amóre roborémur. Per, etc.

Léctio libri Sapiéntiæ. Eccl. 44.

ECCE Sacerdos magnus, qui in diébus suis plácuit Deo, et invéntus est justus, et in témpore iracúndiæ factus est reconciliátió. Non est invéntus símilis illi, qui conservávit legem Excélsi. Idèd jurejurádo fecit illum Dóminus crêscere in plebem suam. Benedictiónem ómnium Géntium dedit illi, et testaméntum suum confirmávit super caput ejus. Agnóvit eum in benedictiónibus suis : conservávit illi misericórdiam suam : et invénit grátiam coram óculis Dómini. Magnificávit eum in conspéctu regum, et dedit illi corónam glóriæ. Státuit illi testaméntum ætérnum, et dedit illi sacerdotium magnum, et beatificávit illum in glória. Fungi sacerdotio, et habére laudem in nómine ipsíus, et offérre illi incénsus dignum in odórem suavitátis.

Graduale. Eccl. 44. Ecce Sacerdos magnus, qui in diébus suis plácuit Deo.

V. Non est invéntus símilis illi, qui conserváret legem Excélsi.

Allelúia, allelúia. *V. Beátus vir sanctus Martínus, urbis Turónis Epíscopus, requiévít : quem suscepérunt Angeli, atque Archángeli, Throni, Dominatiónes, et Virtútes. Allelúia.*

Sequéntia sancti Evangélíi secúndum Lucam. Luc. 11.

IN illo témpore : Dixit Jesus discípulis suis : Nemo lucérnam accéndit, et in abscondito ponit, neque sub módio ; sed supra candelábrum : ut qui ingrediúntur, lumen vídeant. Lucérna cóporis tui, est óculus tuus. Si óculus tuus fúerit simplex, totum corpus tuum lícidum erit : si autem nequam fúerit, étiam corpus tuum tenebrósum erit. Vide ergo ne lumen quod in te est, tenebræ sint. Si ergo corpus tuum totum lícidum fúerit, non habens áliquam partem tenebrárum, erit lícidum totum, et sicut lucérna fulgóris illuminábit te.

Offertorium.. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

DA, miséricors Deus ; ut hæc nos salutáris oblátio, et à própriis reátibus indesinénter expédiat, et ab ómnibus tueátur advérsis. Per, etc.

¶ Si Festum S. Martini incidérít in Dominica XXII. post Pentecosten, debet mutari Secreta Dominicæ, quia est eadem cum Secreta S. Martini, et sumi debet Secreta Dominicæ XXIII. sequentis, nempe, Pro nostræ servitútis, etc.

Pro S. Menna, Martyre.

Secreta.

MUNERIBUS nostris, quæsumus, Dómine, precibúsque

suscéptis: et cœlestibus nos munda mystériis, et cleménter exáudi. Per Dóminum nostrum Jesum Christum, etc.

Communio. Matth. 24. Beátus servus, quem, cùm vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

PRÆSTA, quæsumus, Dómine Deus noster; ut, quorum festivitáte votiva sunt sacraménta, eórum intercessióne salutária nobis reddántur. Per Dóminum, etc.

Pro S. Menna, Martyre.

Postcommunio.

DA, quæsumus, Dómine Deus noster: ut, sicut tuórum commemoratióne Sanctórum, temporáli gratulamur officio; ita perpétuo lætémur aspéctu. Per Dóminum nostrum Jesum, etc.

DIE XII.

SANCTI MARTINI,

Papæ et Martyris.

Introitus. Dan. 3.

SACERDOTES Dei benedicite Dóminum: sancti, et húmiles corde laudáte Deum.

Dan. Ibid. Benedicite ómnia ópera Dómini Dómino: laudáte, et superexaltáte eum in sæcula.

Ÿ. Glória Patri, etc.

Oratio.

DEUS, qui nos beáti Martíni Mártiris tui atque Pontíficis ánnua solemnitáte lætíficas: concede propítius; ut, cujus natalitia

cólimus, de ejúsdem étiam protectióne gaudeámus. Per, etc.

Léctio Epístolæ beáti Petri Apóstoli. 1 Petr. 4.

CARISSIMI, Communicántes Christi passióibus, gaudéte, ut et in revelatióne glóriæ ejus gaudeátis exultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est ejus Spíritus, super vos requiéscit. Nemo autem vestrúm patiátur ut homicida, aut fur, aut malédicus, aut alienórum appetitor. Si autem ut Christiánus, non erubéscat: gloríficet autem Deum in isto nómine. Quóniam tempus est ut incípiat judícium à domo Dei. Si autem primùm à nobis: quis finis eórum, qui non credunt Dei Evangélio? Et si justus vix salvábitur, impius et peccátor ubi parébunt? Itaque et hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

Graduale. Ps. 8. Glória et honóre coronásti eum. Ÿ. Et constituísti eum super ópera mánuum tuárum, Dómine.

Allelúia, allelúia. Ÿ. Hic est Sacérdos, quem coronávit Dóminus. Allelúia.

Sequéntia sancti Evangélii secúndum Lucam. Luc. 14.

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non bájulat crucem suam, et venit post me, non potest meus esse discípulus. Quis enim ex vobis

volens turrim ædificâre, non priùs sedens cômputat sumptus, qui necessarij sunt, si hábeat ad perficiendum : ne, posteaquam posúerit fundaméntum, et non potúerit perficere, omnes qui vident, incipient illúdere ei, dicéntes: Quia hic homo cœpit ædificâre, et non pótuit consummare? Aut quis rex itúrus committere bellum advérsus álium regem, non sedens priùs cógitat, si possit cum decem millibus occurrere ei, qui cum viginti millibus venit ad se? alióquin adhuc illo longè agénte, legatióem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discipulus.

Offertorium. Ps. 88. Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

MUNERA tibi, Dómine, dicáta sanctifica: et, intercedénte beáto Martíno Mártire tuo atque Pontífice, per éadem nos placátus inténde. Per, etc.

Communio. Ps. 20. Posuísti, Dómine, in cápite ejus corónam de lápide pretiósio.

Postcommunio.

HÆC nos commúnio, Dómine, purget à crimine: et, intercedénte beáto Martíno Mártire tuo atque Pontífice, cœléstis remédii fáciat esse consórtes. Per, etc.

DIE XIII.

SANCTI DIDACI,

Confessoris.

Missa, Justus ut palma, etc., ut

3 q

in *Communi Confessoris non Pontificis, fol. 21**, præter *Orationem sequentem*.

Oratio.

OMNIPOTENS sempitérne Deus, qui dispositióne mirábili infirma mundi éligis, ut fórtia quæque confúndas: concéde propítius humilitáti nostræ; ut pijs beáti Didaci Confessóris tui précibus, ad perénnem in cœlis glóriam sublimári mereámur. Per, etc.

DIE XV.

SANCTÆ GERTRUDIS,

Virginis.

Missa, Dilexísti, etc., de *Communi Virginum, fol. 27**, præter *Orationem sequentem*.

Oratio.

DEUS, qui in corde beátæ Gertrúdis vírginis jucúdam tibi mansiónem præparásti: ipsius méritis et intercessióne cordis nostri máculas cleménter abstérge, et ejúsdem tribue gaudére consórtio. Per, etc.

DIE XVII.

SANCTI GREGORII
THAUMATURGI,

Episcopi et Confessoris.

Introitus. Eccl. 45.

STATUIT ei Dóminus testamentum pacis, et príncipem fecit eum: ut sit illi sacerdotií dignitas in ætérnum.

Ps. 131. Meménto, Dómine, David, et omnis mansuetúdinis ejus. V. Glória, etc.

Oratio.

DA, quæsumus, omnipotens Deus; ut beāti Gregórii Confessoris tui atque Pontificis veneranda solémnitas, et devotióem nobis áugeat, et salútem. Per Dóminum, etc.

Léctio libri Sapiéntiæ. *Eccl.* 44.

ECCE Sacerdos magnus, qui in diébus suis plácuít Deo, et invéntus est justus, et in témpore iracúndiæ factus est reconciliátió. Non est invéntus símilis illi, qui conservávit legem Excélsi. Ideò jurejurándo fecit illum Dóminus créscere in plebem suam. Benedictiόem ómnium Géntium dedit illi, et testaméntum suum confirmávit super caput ejus. Agnóvit eum in benedictiόibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum, et dedit illi corónam glóriæ. Státuit illi testaméntum ætérnum, et dedit illi sacerdotiúm magnum; et beatificávit illum in glória. Fungi sacerdotiό, et habére laudem in nómine ipsíus, et offérre illi incénsus dignum in odórem suavitátis.

Graduale. Eccl. 44. Ecce sacerdos magnus, qui in diébus suis plácuít Deo. *V.* Non est invéntus símilis illi, qui conserváret legem Excélsi.

Allelúia, allelúia. *V.* *Ps.* 109. Tu es sacerdos in ætérnum, secúndum órđinem Melchisedech, allelúia.

Sequéntia sancti Evangélii secúndum Marcum. *Marc.* 11.

IN illo témpore: Respóndens Iesus discipulis suis, ait illis: Habéte fidem Dei. Amen dico vobis, quia quicúmque dixerit huic

monti: Tóllere, et mittere in mare; et non hæsitáverit in corde suo, sed crediderit quia quodcúmque dixerit fiat, fiet ei. Proptérea dico vobis: ómnia quæcúmque orántes pétitis, créдите quia accipiétis, et evénient vobis.

Offertorium. Ps. 88. Inveni David servum meum, óleo sancto meo unxi eum: manus enim mea auxiliábitur ei: et bráchium meum confortábit eum.

Secreta.

SANCTI tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per, etc.

Communio. Luc. 12. Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio.

PRÆSTA, quæsumus, omnipotens Deus: ut de percéptis munéribus grátias exhibéntes, intercedénte beáto Gregório Confessore tuo atque Pontifice, beneficia potióra sumámus. Per, etc.

DIE XVIII.

In Dedicatione Basilicarum
SS. APOSTOLORUM PETRI
ET PAULI.

Missa, Terríbilis, etc., de Comuni Dedicat. Ecclesiæ, fol. 33.*

Et dicitur Credo.

DIE XIX.

SANCTÆ ELISABETH REGINÆ HUNGARIÆ,

Viduæ.

Missa, Cognóvi, etc., de Com-

muni nec Virg. nec Mart., fol. 31,
præter Orationem sequentem.*

Oratio.

TUORUM corda fidélium, Deus, miserátor illústra: et beátæ Elisabeth præcibus gloriósis, fac nos próspéra mundi despícere, et cœlésti semper consolatióne gaudére. Per Dóminum, etc.

*Pro commemorat. S. Pontiani, Papæ
et Martyris.*

Oratio.

INFIRMITATEM nostram respice, omnipotens Deus: et, quia pondus próprie actiõis gravat, beáti Pontiani Mátyris tui atque Pontificis intercessiõ gloriósa nos prótegat. Per Dóminum, etc.

Secreta.

HOSTIAS tibi, Dómine, beáti Pontiani Mátyris tui atque Pontificis, dicátas méritis benignus assúme, et ad perpétuum nobis tribue proveníre subsidium. Per, etc.

Postcommunio.

REFECTI participatióne muneris sacri, quæsumus, Dómine Deus noster; ut, cujus exequimur cultum, intercedente beáto Pontiano Mátyre tuo atque Pontífice, sentiámus effectum. Per, etc.

DIE XX.

S. FELICIS DE VALOIS,
Confessoris.

*Missa, Justus ut palma, etc., de
Communi Confessoris non Pontificis,
fol. 21*, præter Orationem sequentem.*

Oratio.

DEUS, qui beátum Felicem Confessórem tuum, ex erémo ad munus rediméndi captivos cœlitus vocáre dignátus es: præsta, quæsumus; ut per grátiam tuam ex peccatórum nostrórum captivitate, ejus intercessiõe liberáti, ad cœlestem pátriam perducámur. Per, etc.

DIE XXI.

**PRÆSENTATIONIS BEATÆ
MARIE VIRGINIS.**

*Missa, Salve, sancta Parens, ut
in Missis votivis de B.M.V., a Pen-
tecoste usque ad Adventum, fol. 50*,
præter Orationem sequentem.*

Oratio.

DEUS, qui beátam Mariam semper Virginem, Spíritus sancti habitáculum, hodiérna die in templo præsentári voluisti: præsta, quæsumus; ut ejus intercessiõe in templo glóriæ tuæ præsentári mereámur. Per Dóminum nostrum . . . in unitáte ejúsdem Spíritus, etc.

*Dicitur Credo, et Præfatio de B.
Maria, Et te in Præsentatiõe, fol.
208.*

DIE XXII.

SANCTÆ CÆCILIAE,
Virginis et Martyris.

Introitus. Ps. 118.

LOQUEBAR de testimoniis tuis in conspéctu regum, et non confundébar: et meditábar in mandátis tuis, quæ diléxi nimis.

*Ps. Ibid. Beáti immaculáti in via,
qui ámbulant in lege Dómini.*

V. Glória Patri, etc.

Oratio.

DEUS, qui nos ánnua beátæ Cæciliæ Virgini et Mátyris tuæ solemnitáte lætíficas : da, ut quam venerámur officio, étiam piæ conversatiónis sequámur exémplo. Per Dóminum, etc.

Léctio libri Sapiéntiæ. *Ecccl. 51.*

DOMINE, Deus meus, exaltásti super terram habitatió-nem meam, et pro morte defluénte deprecáta sum. Invocávi Dóminum Patrem Dómini mei, ut non derelinquat me in die tribulatiónis meæ, et in témpore superbórum sine adjutório. Laudábo nomen tuum assiduè, et collaudábo illud in confessiône, et exaudíta est orátio mea. Et liberásti me de perditiónē, et eripuísti me de témpore iníquo. Propterea confitébor, et laudem dicam tibi, Dómine Deus noster.

Graduale. Ps. 44. Audi, filia, et vide, et inclína aurem tuam : quia concupívit Rex spéciem tuam.

Ÿ. Spécie tua et pulchritúdine tua intēde, prósperè procéde, et regna.

Allelúia, allelúia. Ÿ. *Matth. 25.* Quinque prudētes vírgines accepérunt óleum in vasis suis cum lampádibus : média autem nocte clamor factus est : Ecce sponsus venit, exíte óbviā Christo Dómino. Allelúia.

Sequéntia sancti Evangélíi secúndum Matthæum. *Matth. 25.*

IN illo témpore : Dixit Jesus discípulis suis parábolam hanc : Simile erit regnum cœlórum decem virgínibus, quæ accipiētes lámpades suas, exiérunt óbviā sponso et sponsæ. Quinque autem ex eis erant fátuæ, et quinque prudētes. Sed quinque fátuæ, accéptis lam-

pádibus, non sumpsérunt óleum secum : prudētes verò accepérunt óleum in vasis suis cum lampádibus. Moram autem faciēte sponso, dormitavérunt omnes, et dormiérunt. Média autem nocte clamor factus est : Ecce sponsus venit, exíte óbviā ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt : Date nobis de óleo vestro, quia lámpades nostræ extingúntur. Respondérunt prudētes, dicētes : Ne fortè non sufficiat nobis et vobis, ite potiùs ad vendētes, et émite vobis. Dum autem irent émere, venit sponsus : et quæ parátæ erant, intravérunt cum eo ad nuptias, et clausa est jánuā. Novíssimè verò véniunt et réliquæ vírgines, dicētes : Dómine, Dómine, áperi nobis. At ille respóndens, ait : Amen dico vobis, nescio vos. Vigiláte itaque, quia nescitis diem, neque horam.

Offertorium. Ps. 44. Afferéntur Regi vírgines post eam : próximæ ejus afferéntur tibi in lætítia et exultatióne : adducéntur in templum Regi Dómino.

Secreta.

HÆc hóstia, Dómine, placatió-nis et laudis, quæsumus ; ut, intercedēte beáta Cæcília vírgine et mátyre tua, nos propitiatióne tua dignos semper efficiat. Per, etc.

Communio. Ps. 118. Confundántur supérbi, quia injústè iniquitátem fecérunt in me : ego autem in mandátis tuis exercébor, in tuis justificatió-nibus, ut non confúndar.

Postcommunio.

SATIASTI, Dómine, familiam tuam munéribus sacris : ejus, quæsumus, semper interventióne

nos réfove, cujus solémnia celebrá-
mus. Per Dóminum, etc.

DIE XXIII.

SANCTI CLEMENTIS,

Papæ et Martyris.

Introitus. Isai. 56 et 57.

DICIT Dóminus: Sermónes mei, quos dedi in os tuum, non deficient de ore tuo: et mún-
era tua accépta erunt super altáre meum.

Ps. 111. Beátus vir qui timet Dóminum: in mandátis ejus cupit nimis.

V. Glória Patri, etc.

Oratio.

DEUS, qui nos ánnua beáti Clementis Mátyris tui atque Pontificiissollemnitate lætíficas: concéde propítius; ut, cujus natalítia cólimus, virtútem quoque passiónis imitémur. Per Dóminum, etc.

Pro commemoratione S. Felicitatis, Martyris.

Oratio.

PRÆSTA, quæsumus, omnípotens Deus; ut beátæ Felicitátis mátyris tuæ solémnia recenséntes, méritis ipsíus protegámur, et précibus. Per Dóminum, etc.

Léctio Epístolæ beáti Pauli Apóstoli ad Philippenses. *Phil. 3 et 4.*

FRATRES, Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpè dicébam vobis (nunc autem et flens dico) inimícos crucis Christi,

quorum finis intéritus, quorum Deus venter est: et glória in confusióne ipsórum, qui terréna sápiunt. Nostra autem conversátio in cœlis est: unde étiam Salvatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatió-
nem, qua étiam possit subjícere sibi ómnia. Itaque, fratres mei caríssimi et desideratíssimi, gáudium meum, et coróna mea, sic state in Dómino caríssimi. Evódiam rogo, et Syntychen déprecor idípsum sá-
pere in Dómino. Etiam rogo et te, germáne compar, ádjuva illas quæ mecum laboravérunt in Evangélío cum Clemente, et céteris adjutóri-
bus meis, quorum nómina sunt in libro vitæ.

Graduale. Ps. 109. Jurávit Dóminus, et non pœnitébit eum: Tu es Sacérdos in ætérnum secúndum ór-
dinem Melchisedech.

V. Dixit Dóminus Dómino meo: Sede à dextris meis.

Allelúia, allelúia. *V.* Hic est Sacérdos quem coronávit Dóminus. Allelúia.

Sequéntia sancti Evangélíi secúndum Matthæum. *Matth. 24.*

IN illo témpore: Dixit Jesus discípulis suis: Vigilate, quia nescitis qua hora Dóminus vester ventúrus sit. Illud autem scitóte, quóniam si sciret paterfamílias, qua hora fur ventúrus esset, vigiláret útique, et non sîneret pérfodi domum suam. Idè et vos estóte paráti, quia qua nescitis hora, Filius hóminis ventúrus est. Quis, putas, est fidélis servus et prudens, quem constituit Dóminus super familiam suam, ut det illis cibum in témpore? Beátus ille servus, quem, cùm vénerit Dóminus ejus, invénerit sic faci-

éntem. Amen dico vobis, quóniam super ómnia bona sua constituet eum.

Offertorium. Ps. 88. Véritas mea, et misericórdia mea cum ipso, et in nómine meo exaltábitur cornu ejus.

Secreta.

MUNERA tibi, Dómine, oblata sanctífica: et, intercedénte beáto Cleménte Mártire tuo atque Pontífice, per hæc nos à peccatórum nostrórum máculis emúnda. Per Dóminum, etc.

Pro Sancta Felicitate, Martyre.

Secreta.

VOTA pópuli tui, Dómine, propitiátus inténde: et, cujus nos tríbuis solémnia celebráre, fac gaudere suffrágiis. Per, etc.

Communio. Matth. 24. Beátus servus, quem, cùm vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

CORPORIS sacri, et pretiósí Sanguinis repléti libámine, quæsumus, Dómine Deus noster; ut, quod pia devotióne gérimus, intercedénte beáto Cleménte Mártire tuo atque Pontífice, certa redemptiône capiámus. Per eúmdem, etc.

Pro Sancta Felicitate, Martyre.

Postcommunio.

SUPPLICES te rogámus, omnipotens Deus; ut, intercedéntibus Sanctis tuis, et tua in nobis dona múltiplices, et témpora nostra dispónas. Per Dóminum, etc.

DIE XXIV.

S. JOANNIS A CRUCE,
Confessoris.

Missa Os justi, etc., de Communi Confessoris non Pontificis, fol. 20, præter Orationem sequentem.*

Oratio.

DEUS, qui Sanctum Joánnem Confessórem tuum perféctæ sui abnegatiónis, et Crucis amatórem exímium effecisti: concéde, ut ejus imitatióni júgiter inhærentes, glóriam assequámur ætérnam. Per Dóminum, etc.

Deinde fit Commemoratio S. Chrysogoni, Martyris.

Oratio.

ADESTO, Dómine, supplicatió-nibus nostris; ut, qui ex iniquitáte nostra reos nos esse cognóscimus, beáti Chrysógoni mártiris tui intercessiône liberémur. Per Dóminum, etc.

Secreta.

OBLATIS, quæsumus, Dómine, placáre munéribus: et, intercedénte beáto Chrysógono Mártire tuo, à cunctis nos defénde periculis. Per Dóminum, etc.

Postcommunio.

TUI, Dómine, perceptiône sacraménti, et à nostris mundémur occúltis, et ab hóstium liberémur insídiis. Per Dóminum, etc.

DIE XXV.

S. CATHARINÆ,
Virginis et Martyris.

Missa, Loquébar, etc., de Com-

muni Virg. et Mart. fol. 23, præter
Orationem sequentem.*

Oratio.

DEUS, qui dedisti legem Móysi
in summitáte montis Sínai,
et in eódem loco, per sanctos Ange-
los tuos, corpus beátæ Catharínæ
Vírginis et Mártiris tuæ mirabiliter
collocásti: præsta, quæsumus; ut
ejus méritis et intercessióne, ad

montem, qui Christus est, pervenire
valeámus. Qui tecum vivit, etc.

DIE XXVI.

S. PETRI ALEXANDRINI,
Episcopi et Martyris.

*Missa, Státuit, etc., ut in Com-
muni unius Martyris Pontificis, fol.
2*.*





COMMUNE SANCTORUM.

IN VIGILIA UNIUS APOSTOLI.

Introitus. Ps. 51.

EGO autem sicut oliva fructifera in domo Domini; speravi in misericordia Dei mei; et expectabo nomen tuum, quoniam bonum est ante conspectum Sanctorum tuorum.

Ps. ibid. Quid gloriaris in malitia, qui potens es in iniquitate?

V. Glória Patri, etc.

Oratio.

DA, quæsumus, omnipotens Deus; ut beati *N.* Apostoli tui, quam prævenimus, veneranda sollemnitas, et devotionem nobis augeat, et salutem. Per, etc.

Lectio libri Sapientiae. *Eccl. 44 et 45.*

BENEDICTIO Domini super caput Justi. Ideo dedit illi Dominus hæreditatem, et divisit illi partem in tribus duodecim, et invenit gratiam in conspectu omnis carnis. Et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriâ suam. In fide et lenitate ipsius sanctum fecit illum, et elegit eum ex omni carne. Et dedit illi coram præcepta, et legem vitæ et

a*

disciplinæ: et excelsum fecit illum. Stâtuit ei testamentum ætérnum, et circumcinxit eum zona justitiæ, et induit eum Dominus coronam gloriæ.

Graduale. Ps. 91. Justus ut palma florébit: sicut cedrus Libani multiplicabitur in domo Domini.

V. Ad annuntiandum manè misericórdiam tuam, et veritatem tuam per noctem.

Sequéntia sancti Evangelii secundum Joánnem. *Joann. 15.*

IN illo tempore: Dixit Jesus discipulis suis: Hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos: quia servus nescit quid faciat dominus ejus. Vos autem dixi amicos: quia omnia quaecúmque audivi à Patre meo, nota feci vobis. Non vos me elegistis; sed ego elegi vos, et posui vos, ut eatis, et fructum afferatis, et fructus vester maneat: ut quodcúmque petieritis Patrem in nómine meo, det vobis.

Offertorium. Ps. 8. Glória et honore coronasti eum, et constituisti eum super ópera manuum tuarum, Domine.

Secreta.

APOSTOLICI reveréntia cúlminis offeréntes tibi sacra mystéria, Dómine, quæsumus ; ut beáti *N.* Apóstoli tui suffrágiis, cujus natalítia prævenimus, plebs tua semper et sua vota deprómat, et desideráta percípiat. Per, etc.

Præfatio Communis, fol. 209.

Communio. Ps. 20. Magna est glória ejus in salutári tuo ; glóriam et magnum decórem impónes super eum, Dómine.

Postcommunio.

SANCTI Apóstoli tui *N.*, quæsumus, Dómine, supplicatióne placátus, et véniam nobis tríbue, et remédia sempitérna concéde. Per Dóminum, etc.

In Festis Apostolorum et Evangelistarum, omnia ut suis locis in Proprio Sanctorum.

COMMUNE UNIUS MARTYRIS PONTIFICIS.

Introitus. Eccl. 45.

STATUIT ei Dóminus testaméntum pacis, et príncipem fecit eum : ut sit illi sacerdotii dignitas in ætérnum.

Ps. 131. Meménto, Dómine, David, et omnis mansuetúdinis ejus.

Ÿ. Glória Patri, etc.

Oratio.

INFIRMITATEM nostram respice, omnípotens Deus : et quia pondus propriæ actiόνis gravat, beáti *N.* Mátyris tui atque Pontíficis intercéssio gloriósa nos protégat. Per Dóminum, etc.

Léctio Epístolæ beáti Jacóbi Apóstoli. *Jacob. 1.*

CARISSIMI, Beátus vir, qui suffert tentatióem : quóniam cum probátus fúerit, accípiet coronam vitæ, quam repromísit Deus diligéntibus se. Nemo cum tentátur, dicat quóniam à Deo tentátur : Deus enim intentátor malórum est : ipse autem néminem tentat. Unusquisque verò tentátur à concupiscéntia sua abstráctus et illéctus. Deínde concupiscéntia cum concéperit, parit peccátum : peccátum verò cum consummátum fúerit, génerat mortem. Nolíte itaque erráre, fratres mei dilectíssimi. Omne datum óptimum, et omne donum perfectum desúrsum est, descéndens à Patre lúminum, apud quem non est transmutátió, nec vicissitúdinis obumbrátió. Voluntárie enim genuit nos verbo veritátis, ut simus initium áliquod creatúræ ejus.

Graduale. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Ÿ. Nihil proficiet inimícus in eo, et filius iniquitátis non nocébit ei.

Allelúia, allelúia. Ÿ. Ps. 109. Tu es sacerdos in ætérnum secúndum órđinem Melchisedech. Allelúia.

¶ Post Septuagesimam, omissis Allelúia et Versu sequenti, dicitur

Tractus. Ps. 20. Desidérium animæ ejus tribuísti ei, et voluntáte labiórū ejus non fraudásti eum.

Ÿ. Quóniam prævenísti eum in benedictiόνibus dulcédinis.

Ÿ. Posuísti in cápite ejus coronam de lápide pretiósó.

Sequéntia sancti Evangélíi secúndum Lucam. *Luc. 14.*

IN illo témpore : Dixit Jesus turbis : Si quis venit ad me, et non

odit patrem suum, et matrem, et uxórem, et filios, et fratres, et soróres, adhuc autem et ánimam suam; non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim ædificáre, non priùs sedens cómputat sumptus, qui necessárii sunt, si hábeat ad perficiéndum; ne, posteáquam posúerit fundaméntum, et non potúerit perficere, omnes qui vident, incípiant illúdere ei, dicéntes: Quia hic homo cæpit ædificáre, et non pótuit consummáre? Aut quis rex itúrus committere bellum advérsus álium regem, non sedens priùs cógitat, si possit cum decem millibus occúrrere ei, qui cum viginti millibus venit ad se? Alióquin, adhuc illo longè agente, legatióem mittens, rogat ea quæ pacis sunt. Sic ergo omnis ex vobis qui non renúnciat ómnibus quæ póssidet, non potest meus esse discipulus.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

HOSTIAS tibi, Dómine, beáti *N.* Mátyris tui, atque Pontificis, dicátas méritis, benígnus assúme, et ad perpétuum nobis tribue proveníre subsidium. Per, etc.

Communio. Ps. 88. Semel jurávi in sancto meo: Semen ejus in ætérnum manébit, et sedes ejus sicut sol in conspéctu meo, et sicut luna perfécta in ætérnum; et testis in cœlo fidélis.

Postcommunio.

REFFECTI participatióne múnieris sacri, quæsumus, Dó-

mine Deus noster; ut cujus exéquimur cultum, intercedénte beáto *N.* Mátyre tuo atque Pontífice, sentiámus effectum. Per Dóminum nostrum Jesum Christum, etc.

DE EODEM COMMUNI ALIA MISSA.

Introitus. Dan. 3.

SACERDOTES Dei; benedicite Dóminum: sancti et húmiles corde, laudáte Deum.

Dan. ibid. Benedicite, ómnia ópera Dómini, Dómino; laudáte et superexaltáte eum in sæcula.

V. Glória Patri, etc.

Oratio.

DEUS, qui nos beáti *N.* Mátyris tui atque Pontificis ánnua solemnitate lætíficas: concéde propítius, ut cujus natalítia cólimus, de ejúdem étiam protectiόne gaudeámus. Per Dóminum, etc.

Léctio Epístolæ beáti Pauli Apóstoli ad Corínthios. 2 Cor. 1.

FRATRES, Benedictus Deus et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra: ut possimus et ipsi consolári eos qui in omni pressúra sunt, per exhortatióem, qua exhortámur et ipsi à Deo. Quóniam sicut abúndant passiόnes Christi in nobis, ita et per Christum abúndat consolatio nostra. Sive autem tribulamur, pro vestra exhortatiόne et salúte: sive consolámur, pro vestra consolatiόne: sive exhortámur, pro vestra exhortatiόne et salúte, quæ operátur tolerántiam earúmdem passiόnum, quas et nos pátimur: ut spes nostra firma sit pro vobis,

sciéntes quòd, sicut sócii passiónum estis, sic éritis et consolatiónis : in Christo Jesu Dómino nostro.

Graduale. Ps. 8. Glória et honóre coronásti eum.

Ÿ. Et constituísti eum super ópera mánuum tuárum, Dómine.

Allelúia, allelúia. *Ÿ.* Hic est Sacérdos, quem coronávit Dóminus. Allelúia.

Post Septuagesimam, omissis Allelúia, et Versu sequenti, dicitur

Tractus. Ps. 111. Beátus vir qui timet Dóminum : in mandátis ejus cupit nimis.

Ÿ. Potens in terra erit semen ejus : generatio rectórum benedicétur.

Ÿ. Glória et divítiæ in domo ejus : et justítia ejus manet in sæculum sæculi.

Sequéntia sancti Evangélíi secúndum Matthæum. *Matth. 16.*

IN illo témpore : Dixit Jesus discípulis suis : Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam : qui autem perdiderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ verò suæ detriméntum patiátur ? Aut quam dabit homo commutatiónem pro ánima sua ? Filius enim hómínis ventúrus est in glória Patris sui cum Angelis suis ; et tunc reddet unicuique secúndum ópera ejus.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

MUNERA tibi, Dómine, dicáta sanctífica ; et intercedénte beáto *N.* Mártire tuo atque Pontífice, per éadem nos placátus inténde. Per Dóminum, etc.

Communio. Ps. 20. Posuísti, Dómine, in cápíte ejus corónam de lápide pretióso.

Postcommunio.

HÆC nos commúnio, Dómine, purget à crimine ; et intercedénte beáto *N.* Mártire tuo, atque Pontífice, cœléstis remédii fáciat esse consórtes. Per, etc.

¶ *Epistolæ, et Evangelia pro Pontífice et Mártire assignata, legi possunt etiam pro Mártire non Pontífice, et quæ infra de Mártire non Pontífice habentur, etiam pro Mártire Pontífice. Et similiter quæ in una Missa de eodem Communi ponuntur, dici possunt in aliis Missis de eodem Communi.*

COMMUNE UNIUS MARTYRIS NON PONTIFICIS.

Introitus. Ps. 20.

IN virtúte tua, Dómine, lætábitur justus, et super salutáre tuum exultábit veheménter : desiderium ánimæ ejus tribuísti ei.

Ps. ibid. Quóniam prævenísti eum in benedictiónibus dulcédinis : posuísti in cápíte ejus corónam de lápide pretióso.

Ÿ. Glória Patri, etc.

Oratio.

PRÆSTA, quæsumus, omnípotens Deus ; ut qui beáti *N.* Mártiris tui natalítia cólimus, intercessióne ejus in tui Nóminis amóre roborémur. Per Dóminum, etc.

Lectio libri Sapiëntiæ. *Sap.* 10.

JUSTUM deduxit Dóminus per vias rectas, et osténdit illi regnum Dei, et dedit illi sciëntiam Sanctórum: honestávit illum in labóribus, et complévit labóres illius. In fraude circumveniéntium illum áffuit illi: et honéstum fecit illum. Custodívit illum ab inimicis, et à seductóribus tutávit illum, et certámen fortè dedit illi, ut vínceret, et sciret quóniam ómnium poténtior est sapiëntia. Hæc vënditum justum non derelíquit, sed à peccatóribus liberávit eum: descendítque cum illo in fóveam, et in vînculis non derelíquit illum, donec afférret illi sceptrum regni, et poténtiam advérsus eos qui eum deprimébant: et mendáces osténdit qui maculavérunt illum: et dedit illi claritátem ætérnam Dóminus Deus noster.

Graduale. Ps. 111. Beátus vir qui timet Dóminum: in mandátis ejus cupit nimis.

Ÿ. Potens in terra erit semen ejus: generátio rectórum benedicétur.

Allelúia, allelúia. Ÿ. *Ps.* 20. Posuísti, Dómine, super caput ejus corónam de lápide pretiósó. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 20. Desidérium animæ ejus tribuísti ei, et voluntáte labiórum ejus non fraudásti eum.

Ÿ. Quóniam prævenísti eum in benedictiónibus dulcédinis,

Ÿ. Posuísti in cápite ejus corónam de lápide pretiósó.

Sequéntia sancti Evangélíi secúndum Matthæum. *Matth.* 10.

IN illo témpore: Dixit Jesus discipulis suis: Nolíte arbitrári quia pacem vénerim mittere in ter-

ram: non veni pacem mittere, sed gládium. Veni enim separáre hóminem advérsus patrem suum, et filium advérsus matrem suam, et nurum advérsus socrum suam: et inimíci hóminis, doméstici ejus. Qui amat patrem, aut matrem plus quàm me, non est me dignus; et qui amat filium, aut filiam super me, non est me dignus. Et qui non áccipit crucem suam, et séquitur me, non est me dignus. Qui ínvenit ánimam suam, perdet illam: et qui perdiderit ánimam suam propter me, invéniet eam. Qui récipit vos, me récipit: et qui me récipit, récipit eum qui me misit. Qui récipit prophétam in nómine prophétæ, mercédem prophétæ accípiet: et qui récipit justum in nómine justí, mercédem justí accípiet. Et quicúmque potum déderit uni ex mínimis istis cálicem aquæ frígida tantùm in nómine discipuli; amen dico vobis, non perdet mercédem suam.

Offertorium. Ps. 8. Glória et honóre coronásti eum, et constituísti eum super ópera mánuum tuárum, Dómine.

Secreta.

MUNERIBUS nostris, quæsumus, Dómine, precibúisque suscéptis; et cœléstibus nos munda mystériis, et cleménte exáudi. Per Dóminum, etc.

Communio. Matth. 16. Qui vult veníre post me, ábneget semetípsum, et tollat crucem suam, et sequátur me.

Postcommunio.

DA, quæsumus, Dómine Deus noster; ut sicut, tuórum commemoratióne Sanctórum, temporáli

gratulámur officio ; ita perpétuo lætémur aspéctu. Per, etc.

DE EODEM COMMUNI ALIA MISSA.

Introitus. Ps. 63.

LÆTABITUR justus in Dómino, et sperábit in eo : et laudabúntur omnes recti corde.

Ps. ibid. Exáudi, Deus, orationem meam cum deprecor : à timóre inimíci éripe ánimam meam.

Ÿ. Glória Patri, et Filio, etc.

Oratio.

PRÆSTA, quæsumus, omnipotens Deus ; ut, intercedente beáto *N.* Mártire tuo, et à cunctis adversitatibus liberémur in corpore, et à pravis cogitationibus mundémur in mente. Per, etc.

Léctio Epístolæ beáti Pauli Apóstoli ad Timótheum.

2 Tim. 2 et 3.

CARISSIME, Memor esto Dóminum Jesum Christum resurrexisse à mórtuis ex sémine David, secúndum Evangélium meum, in quo labóro usque ad víncula, quasi malè óperans : sed verbum Dei non est alligátum. Ideò ómnia sustíneo propter eléctos, ut et ipsi salutem consequántur, quæ est in Christo Jesu, cum glória cœlésti. Tu autem assecútus es meam doctrinam, institutiónem, propósitum, fidem, longanimitatem, dilectionem, patientiam, persecutiónes, passiones : quália mihi facta sunt Antiochiæ, Icónii, et Lystris : quales persecutiónes sustinui, et ex ómnibus erípuít me Dóminus. Et omnes qui piè volunt vívere in Christo Jesu, persecutiónem patiéntur.

Graduale. Ps. 36. Justus cum ceciderit, non collidétur : quia Dóminus supponit manum suam.

Ÿ. Tota die miserétur et commodat : et semen ejus in benedictiône erit.

Allelúia, allelúia. Ÿ. *Joann. 8.* Qui séquitur me, non ámbulat in ténebris, sed habébit lumen vitæ ætérnæ. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 111. Beátus vir qui timet Dóminum : in mandátis ejus cupit nimis.

Ÿ. Potens in terra erit semen ejus : generatio rectórum benedicétur.

Ÿ. Glória et divítiæ in domo ejus, et justítia ejus manet in sæculum sæculi.

Sequéntia sancti Evangélii secúndum Matthæum. *Matth. 10.*

IN illo témpore : Dixit Jesus discipulis suis : Nihil est opértum, quod non revelábitur ; et occúltum, quod non sciétur. Quod dico vobis in ténebris, dicite in lúmine : et quod in aure audítis, prædicáte super tecta. Et nolíte timére eos qui occidunt corpus, ánimam autem non possunt occidere : sed pótius timéte eum qui potest et ánimam et corpus pérdere in gehénna. Nonne duo pásseres asse véneunt : et unus ex illis non cadet super terram sine Patre vestro ? Vestri autem capilli cápitis omnes numeráti sunt. Nolíte ergo timére : multis passéribus meliôres estis vos. Omnis ergo qui confitébitur me coram homínibus, confitébor et ego eum coram Patre meo, qui in cœlis est.

Offertorium. Ps. 20. Posuisti, Dómine, in cápite ejus corónam de

lápide pretioso : vitam petiit à te, et tribuisti ei. Allelúia.

Secreta.

ACCEPTA sit in conspectu tuo, Dómine, nostra devotio ; et ejus nobis fiat supplicatióne salutáris, pro cujus solemnitate defertur. Per Dóminum, etc.

Communio. Joann. 12. Qui mihi ministrat, me sequatur : et ubi sum ego, illic et minister meus erit.

Postcommunio.

REFFECTI participatióne muneris sacri, quæsumus, Dómine Deus noster, ut cujus exequimur cultum, intercedente beato *N. Mártire* tuo, sentiámus effectum. Per Dóminum, etc.

¶ *Item alia Epistola, et Evangelium, in Communi unius Martyris.*

Lectio Epistolæ beati Jacóbi Apostoli. *Jacob. 1.*

CARISSIMI, Omne gáudium existimáte, cum in tentatiónes varias incidéritis : sciéntes quòd probatio fidei vestræ patientiam operátur. Patientia autem opus perfectum habet ; ut sitis perfecti, et integri in nullo deficientes. Si quis autem vestrum indiget sapiéntia, postulet à Deo, qui dat ómnibus affluenter, et non impróperat : et dabitur ei. Postulet autem in fide nihil hæsitans : qui enim hæsitat, similis est fluctui maris, qui à vento movétur et circumfértur. Non ergo æstimet homo ille quòd accipiat áliquid à Dómino. Vir duplex animo, incónstans est in ómnibus viis suis. Gloriétur autem frater humilis in exaltatióne sua ; dives autem in humilitate sua, quóniam si-

cut flos fœni transibit. Exórtus est enim sol cum ardóre : et arefécit fœnum, et flos ejus décidit, et decor vultus ejus depériit : ita et dives in itinéribus suis marcéscet. Beátus vir qui suffert tentatiónem : quóniam cum probátus fúerit, accipiet corónam vitæ, quam repromisit Deus diligéntibus se.

Evangelium, Nisi granum fruménti, etc., habetur in festo S. Laurentii, x. Augusti.

COMMUNE MARTYRUM TEMPORE PASCHALI.

PRO UNO MARTYRE.

Introitus. Ps. 63.

PROTEXISTI me, Deus, à convéntu malignántium, allelúia : à multitudíne operántium iniquitatem. Allelúia, allelúia.

Ps. ibid. Exáudi, Deus, oratió-nem meam cum deprecor : à timóre inimici éripe ánimam meam.

¶ Glória Patri, etc.

Pro Martyre et Pontifice.

Oratio.

INFIRMITATEM nostram respice, omnipotens Deus : et quia pondus propriæ actiόνis gravat, beati *N. Mártiris* tui atque Pontíficis intercessio gloriósa nos proté-gat. Per Dóminum, etc.

Pro Martyre et Pontifice.

Alia Oratio.

DEUS, qui nos beati *N. Mártiris* tui atque Pontíficis ánnua solemnitate lætíficas : concéde propítius, ut cujus natalítia cólimus, de ejúsdem étiam protectiόne gaudeá-mus. Per Dóminum, etc.

Pro Martyre tantum. Oratio.

PRÆSTA, quæsumus, omnípotens Deus ; ut qui beáti *N.* Mátyris tui natalítia cólimus, intercessióne ejus in tui Nóminis amóre roborémur. Per, etc.

Pro Martyre tantum. Alia Oratio.

PRÆSTA, quæsumus, omnípotens Deus ; ut, intercedente beáto *N.* Mátyre tuo, et à cunctis adversitatibus liberémur in córpore, et à pravis cogitacionibus mundémur in mente. Per, etc.

Lectio libri Sapiéntiæ. *Sap. 5.*

STABUNT justí in magna constantia advérsus eos qui se angustiavérunť, et qui abstulérunt labóres eórum. Vidéntes turbabúntur timóre horribili, et mirabúntur in subitacione insperátæ salútis, dicéntes intra se, pœniténtiam agéntes, et præ angústia spíritus geméntes : Hi sunt quos habúimus aliquándò in derísu, et in similitúdinem impropérii. Nos insensáti vitam illórum æstimabámus insániam, et finem illórum sine honóre : ecce quómodò computáti sunt inter filios Dei, et inter Sanctos sors illórum est.

¶ *Vel Epistola beati Pauli Apostoli ad Timotheum, Memor esto, etc., ut supra in Communi unius Martyris extra temp. Paschale, fol. 6*.*

Allelúia, allelúia. *V. Ps. 88.* Confitebúntur cœli mirabilia tua, Dómine : étenim veritátem tuam in Ecclésia Sanctórum. Allelúia.

V. Ps. 20. Posuísti, Dómine, super caput ejus coronam de lapide pretiósó. Allelúia.

Sequéntia sancti Evangélíi secúndum Joánnem. *Joann. 15.*

IN illo témpore : Dixit Jesus discípulis suis : Ego sum vitis vera,

et Pater meus agricóla est. Omnem pálmitem in me non feréntem fructum, tollet eum ; et omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, et ego in vobis. Sicut palmes non potest ferre fructum à semetípso, nisi mánserit in vite : sic nec vos, nisi in me manséritis. Ego sum vitis, vos pálmities : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit, mittétur foràs sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint ; quodcúmque voluéritis, petétis, et fiet vobis.

Offertorium. Ps. 88. Confitebúntur cœli mirabilia tua, Dómine : te veritátem tuam in Ecclésia Sanctórum. Allelúia, allelúia.

Pro Martyre et Pontifice.

Secreta.

HOSTIAS tibi, Dómine, beáti *N.* Mátyris tui atque Pontíficis dicátas méritis benignus assúme, et ad perpétuum nobis tríbue provenire subsídium. Per, etc.

Pro Martyre et Pontifice.

Alia Secreta.

MUNERA tibi, Dómine, dicáta sanctífica : et intercedente beáto *N.* Mátyre tuo atque Pontífice, per éadem nos placátus inténde. Per Dóminum, etc.

Pro Martyre tantum. Secreta.

MUNERIBUS nostris, quæsumus, Dómine, precibúsq; suscepťis ; et cœlestibus nos munda mystériis, et cleménter exáudi. Per Dóminum, etc.

Pro Martyre tantum.

Alia Secreta.

ACCEPTA sit in conspectu tuo, Dómine, nostra devótio; et ejus nobis fiat supplicatióne salutáris, pro cujus solemnitate defértur. Per Dóminum, etc.

Communio. Ps. 63. Lætábitur justus in Dómino, et sperábit in eo: et laudabúntur omnes recti corde. Allelúia, allelúia.

Pro Martyre et Pontifice.

Postcommunio.

REFFECTI participatióne mún-
neris sacri, quæsumus, Dó-
mine Deus noster; ut cujus exé-
quimur cultum, intercedente beáto
N. Mártire tuo atque Pontifice,
sentiamus effectum. Per, etc.

Pro Martyre et Pontifice.

Alia Postcommunio.

HÆC nos commúnio, Dómine,
purget à crimine; et interce-
dente beáto N. Mártire tuo atque
Pontifice, cœlestis remédii fáciat
esse consórtes. Per, etc.

Pro Martyre tantum.

Postcommunio.

DA, quæsumus, Dómine Deus
noster; ut, sicut tuórum com-
memoratióne Sanctórum, temporáli
gratulámur officio; ita perpétuo
lætémur aspéctu. Per, etc.

Pro Martyre tantum.

Alia Postcommunio.

REFFECTI participatióne mún-
neris sacri, quæsumus, Dó-
mine Deus noster; ut cujus exéqui-
mur cultum, intercedente beáto N.
Mártire tuo, sentiamus effectum.
Per Dóminum, etc.

b*

¶ *Epistola, et Evangelium supra-
dictæ Missæ dicuntur etiam in seq.
Missa: et quæ in seq. habentur, dici
possunt in superiori.*

DE PLURIBUS MARTYRIBUS TEMPORE PASCHALI.

Introitus. Ps. 144.

SANCTI tui, Dómine, benedi-
cent te: glóriam regni tui di-
cent. Allelúia, allelúia.

Ps. ibid. Exaltábo te, Deus meus
rex: et benedicam Nómini tuo in
sæculum, et in sæculum sæculi.

Ÿ. Glória Patri, et Filio, etc.

Pro pluribus Martyribus Pontificibus.

Oratio.

BEATORUM Mátyrum, pari-
térque Pontificum N. et N.
nos, quæsumus, Dómine, festa tue-
ántur, et eórum comméndet orátio
veneránda. Per, etc.

Pro pluribus Martyribus tantum.

Oratio.

DEUS, qui nos concédís sanctó-
rum Mátyrum tuórum N. et
N. natalitia cólere: da nobis in
ætérna beatitúdine de eórum socie-
táte gaudére. Per, etc.

Pro pluribus Martyribus.

Alia Oratio.

DEUS, qui nos ánnua sanctó-
rum Mátyrum tuórum N. et
N. solemnitate lætificas: concéde
propítius, ut quorum gaudémus mé-
ritis, accendámur exémpis. Per
Dóminum, etc.

Léctio Epístolæ beáti Petri Após-
toli. 1 Petr. 1.

BENEDICTUS Deus, et Pater
Dómini nostri Jesu Christi,

qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hereditatem incorruptibilem, et incontaminatam, et immarcescibilem, conservatam in cœlis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestrae fidei multo pretiosior auro (quod per ignem probatur) inveniatur in laudem, et gloriam, et honorem, in revelatione Jesu Christi Domini nostri.

Allelúia, allelúia. *V.* Sancti tui, Domine, florébunt sicut lílium, et sicut odor bálsami erunt ante te. Allelúia.

V. Ps. 115. Pretiosa in conspectu Domini mors Sanctorum ejus. Allelúia.

Sequéntia sancti Evangélíi secundum Joánnem. *Joann. 15.*

IN illo tempore: Dixit Jesus discipulis suis: Ego sum vitis, vos palmites: qui manet in me, et ego in eo, hic fert fructum multum; quia sine me nihil potestis facere. Si quis in me non manserit, mittetur foras sicut palme, et arecet, et colligent eum, et in ignem mittent, et ardet. Si manseritis in me, et verba mea in vobis manserint: quodcumque volueritis, petetis, et fiet vobis. In hoc clarificatus est Pater meus, ut fructum plurimum afferatis, et efficiamini mei discipuli. Sicut dilexit me Pater, et ego dilexi vos. Manete in dilectione mea. Si praecepta mea servaveritis, manebitis in dilectione mea, sicut et ego Patris mei praecepta servavi, et maneo in ejus dilectione. Hæc locutus sum vobis, ut gaudium meum in vobis sit, et gaudium vestrum impleatur.

Offertorium. Ps. 31. Lætámini in Dómino, et exultáte justi: et gloriámini omnes recti corde. Allelúia, allelúia.

Pro pluribus Martyribus Pontificibus.

Secreta.

ADESTO, Domine, supplicationibus nostris, quas in Sanctorum tuorum commemoratione deferimus: ut qui nostrae justitiae fiduciam non habemus, eorum qui tibi placuerunt méritis adjuvémur. Per Dóminum nostrum, etc.

Pro pluribus Martyribus tantum.

Secreta.

MUNERA tibi, Domine, nostrae devotionis offerimus, quæ et pro tuorum tibi grata sint honore justorum, et nobis salutaria, te miserante, reddantur. Per, etc.

Pro pluribus Martyribus.

Alia Secreta.

OBLATIS, quæsumus, Domine, placare munéribus: et intercedéntibus sanctis Martyribus tuis *N.* et *N.* à cunctis nos defende periculis. Per Dóminum, etc.

Communio. Ps. 32. Gaudete justi in Dómino, allelúia: rectos decet collaudatio. Allelúia.

Pro pluribus Martyribus Pontificibus.

Postcommunio.

QUÆSUMUS, Domine, salutáribus repléti mystériis; ut quorum solémnia celebrámus, eorum orationibus adjuvémur. Per Dóminum, etc.

Pro pluribus Martyribus tantum.

Postcommunio.

PRÆSTA nobis, quæsumus, Domine, intercedéntibus sanc-

tis Martyribus tuis *N.* et *N.*; ut quod ore contingimus, pura mente capiamus. Per Dóminum, etc.

Pro pluribus Martyribus.

Alia Postcommunio.

HÆC nos commúnio, Dómine, purget à crimine; et intercedéntibus sanctis Martyribus tuis *N.* et *N.*, cœléstis remédii fáciat esse consórtes. Per Dóminum, etc.

¶ *In Communi Martyrum tempore Paschali, alia Epistola, et Evangelium.*

Epistola, Post hæc ego Joánnes, etc., habetur in festo SS. Soteris et Caii Pontificum et Martyrum, xxii. Aprilis.

Evangelium, Amen, amen dico vobis, quia plorábitis, etc., habetur in festo Sancti Aniceti Papæ et Martyris, xvii. Aprilis.

¶ *In Communi Confessorum, et Virginum, et in aliis Missis tempore Paschali, omnia dicuntur ut infra, addito in Introitu ante Psalmum duplici Allelúia, et in fine Offertorii, et Communionis uno Allelúia, ubi non habetur: et omisso Graduali, dicuntur duo Versus cum quatuor Allelúia, ut suis locis ponitur.*

COMMUNE PLURIMORUM MARTYRUM EXTRA TEM- PUS PASCHALE.

Introitus. Ps. 78.

INTRET in conspectu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem Sanctórum tuórum, qui effúsus est.

Ps. ibid. Deus, venérunt Gentes in hæreditátem tuam, polluérunctemplum sanctum tuum: posuérunct Jerúsalem in pomórum custódiam.

Ÿ. Glória Patri, et Fílio, etc.

Pro pluribus Martyribus Pontificibus.

Oratio.

BEATORUM Mártyrum, paritérque Pontificum *N.* et *N.* nos, quæsumus, Dómine, festa tueántur, et eórum comméndet oratio veneránda. Per Dóminum, etc.

Si non fuerint Pontifices, dicitur Oratio ut in sequenti Missa.

Léctio libri Sapiéntiæ. Sap. 3.

JUSTORUM ánimæ in manu Dei sunt, et non tanget illos torméntum mortis. Visi sunt óculis insipiéntium mori: et æstimáta est afflictio éxitus illórum; et quod à nobis est iter, exterminium: illi autem sunt in pace. Et si coram homínibus torménta passi sunt, spes illórum immortalitáte plena est. In paucis vexáti, in multis bene disponéntur: quóniam Deus tentávit eos, et invénit illos dignos se. Tamquam áurum in fornáce probávit illos, et quasi holocáusti hóstiam accépit illos, et in témpore erit respectus illórum. Fulgébunt justí, et tamquam scintillæ in arundinétó discúrrunt. Judicábunt nátiónes, et dominabúntur pópulis, et regnábit Dóminus illórum in perpétuum.

Graduale. Exod. 15. Gloriósus Deus in Sanctis suis: mirábilis in majestáte, fáciens prodígia.

Ÿ. Dextera tua, Dómine, glori-ficáta est in virtúte: dextera manus tua confrégit inimícos.

Allelúia, allelúia. Ÿ. *Eccl. 44.* Córpora Sanctórum in pace sepúlta sunt, et nómina eórum vivent in generatióem et generatióem. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 125. Qui sémi-nant in lácrymis, in gáudio metent.

Ÿ. Eúntes ibant et flebant, mit-
téntes sémína sua.

Ÿ. Veniéntes autem vénient cum
exultatióne, portántes manipulos
suos.

Sequéntia sancti Evangélíi secún-
dum Lucam. *Luc.* 21.

IN illo témpore : Dixit Jesus dis-
cípulis suis : Cum audiéritis
prælia et seditiões, nolite terréri :
opórtet primùm hæc fieri, sed non-
dum statim finis. Tunc dicébat
illis : Surget gens contra gentem,
et regnum advérsus regnum : et
terræmótus magni erunt per loca,
et pestiléntiæ, et fames, terrorésque
de cœlo, et signa magna erunt.
Sed ante hæc ómnia injicient vobis
manus suas, et persequéntur, tra-
déntes in synagógas et custódias,
trahéntes ad reges et præsides
propter nomen meum : contínget
autem vobis in testimónium. Pó-
nite ergo in córdibus vestris, non
præmeditáriquemádmodum respon-
deátis. Ego enim dabo vobis os et
sapiéntiam, cui non póterunt resís-
tere et contradicere omnes adver-
sárii vestri. Tradémini autem à
paréntibus, et frátribus, et cognátis,
et amícis, et morte afficient ex vo-
bis : et éritis ódio ómnibus propter
nomen meum : et capillus de cápite
vestro non peribit. In patiéntia
vestra possidébitis ánimas vestras.

Offertorium. Ps. 67. Mirábilis
Deus in Sanctis suis : Deus Israël
ipse dabit virtútem et fortitúdinem
plebi suæ : benedictus Deus. Al-
lelúia.

Secreta.

ADESTO, Dómine, supplicatió-
nibus nostris, quas in Sanctó-
rum tuórum commemoratióne de-
férimus ; ut qui nostræ justítiæ

fidúciám non habémus, eórum qui
tibi placuérunt, méritis adjuvémur.
Per Dóminum, etc.

Communio. Sap. 3. Et si coram
homínibus torménta passi sunt,
Deus tentávit eos : tamquam aurum
in fornáce probávit eos, et quasi
holocáusta accépit eos.

Postcommunio.

QUÆSUMUS, Dómine, salutá-
ribus repléti mystériis ; ut
quorum solémnia celebrámus, eó-
rum oratió nibus adjuvémur. Per
Dóminum, etc.

DE EODEM COMMUNI ALIA MISSA.

Introitus. Eccl. 44.

SAPIENTIAM Sanctórum nar-
rent pópuli, et laudes eórum
núntiet Ecclésia : nómina autem
eórum vivent in sæculum sæculi.

Ps. 32. Exultáte justi in Dómi-
no ; rectos decet collaudátio.

Ÿ. Glória Patri, etc.

Oratio.

DEUS, qui nos concédís sanctó-
rum Mártyrum tuórum *N.* et
N. natalítia cólere : da nobis in
ætéRNA beatitúdiNE de eórum socie-
táte gaudére. Per, etc.

*Si fuerint Pontifices, dicatur Oratio
præcedentis Missæ, quod et in sequen-
tibus servetur.*

Léctio libri Sapiéntiæ. *Sap.* 5.

JUSTI autem in perpétuum vi-
vent, et apud Dóminum est
merces eórum, et cogitatio illórum
apud Altíssimum. Idèd accipient
regnum decóris, et diadéma specièi
de manu Dómini : quóniam dextera

sua teget eos, et bráchio sancto suo defendet illos. Accípiet armatúram zelus illius, et armábit creatúram ad ultiónem inimicórum. Induet pro thoráce justítiam, et accípiet pro gálea júdicium certum. Sumet scutum inexpugnábile, æquitátem.

Graduale. Ps. 123. Anima nostra, sicut passer, erépta est de láqueo venántium.

Ÿ. Láqueus contrítus est, et nos liberáti sumus. Adjutórium nostrum in nómine Dómini, qui fecit cælum et terram.

Allelúia, allelúia. Ÿ. *Ps. 67.* Justi epuléntur, et exúltent in conspéctu Dei: et delecténtur in lætítia. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 125. Qui sémant in lácrymis, in gáudio metent.

Ÿ. Eúntes ibant et flebant, miténtes sémina sua.

Ÿ. Veniéntes autem vénient cum exultatióne, portántes manípulos suos.

Sequéntia sancti Evangélíi secúndum Lucam. *Luc. 6.*

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénérent ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tângere : quia virtus de illo exíbat, et sanábat omnes. Et ipse, elevátis óculis in discipulos suos, dicébat : Beáti páuperes : quia vestrum est regnum Dei. Beáti qui nunc esuritis : quia saturabimini. Beáti qui

nunc fletis : quia ridébitis. Beáti éritis, cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exultáte : ecce enim merces vestra multa est in cælo.

Offertorium. Ps. 149. Exultábunt Sancti in glória, lætabúntur in cubílibus suis : exaltatiónes Dei in fáucibus eórum. Allelúia.

Secreta.

MUNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per, etc.

Communio. Luc. 12. Dico autem vobis amícis meis : ne terreámini ab his qui vos persecúntur.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis *N.* et *N.*, ut quod ore contíngimus, pura mente capiámus. Per Dóminum, etc.

DE EODEM COMMUNI ALIA MISSA.

Introitus. Ps. 36.

SALUS autem justórum à Dómino : et protéctor eórum est in témpore tribulatiónis.

Ps. ibid. Noli æmulári in malignántibus, neque zeláveris facientes iniquitátem.

Ÿ. Glória Patri, etc.

Oratio.

DEUS, qui nos ánnua sanctórum Mártyrum tuórum *N.* et *N.*

solemnitate lætificas : concède propitius, ut quorum gaudemus meritis, accendāmur exemplis. Per, etc.

Lectio Epistolæ beāti Pauli Apostoli ad Hebræos. *Hebr. 10.*

FRATRES, Rememorāmini pristinos dies, in quibus illumināti, magnum certāmen sustinistis passiōum : et in āltero quidem, opprōbriis et tribulatiōnibus spectāculum facti : in āltero autem socii tāliter conversāntium effecti. Nam et vinctis compāssi estis, et rapinam bonōrum vestrōrum cum gāudio suscepistis, cognoscētes vos habere meliōrem et manēntem substantiam. Nolite itaque amittere confidentiam vestram, quæ magnam habet remuneratiōnem. Patiētia enim vobis necessariā est : ut voluntatem Dei faciētes, reportētis promissiōnem. Adhuc enim modicum aliquāntulū, qui ventūrus est veniet, et non tardābit. Justus autem meus ex fide vivit.

Graduale. Ps. 33. Clamaverunt iusti, et Dōminus exaudivit eos ; et ex omnibus tribulatiōnibus eōrum liberāvit eos.

V. Juxta est Dōminus his qui tribulāto sunt corde : et hūmiles spīritu salvābit.

Allelūia, allelūia. *V.* Te Martyrum candidātus laudat exērcitus, Dōmine. Allelūia.

Post Septuagesimam, omissis Allelūia et Versu sequenti, dicitur

Tractus. Ps. 125. Qui seminant in lācrymis, in gāudio metent.

V. Eūntes ibant et flebant, mittētes sēmina sua.

V. Veniētes autem venient cum exultatiōe, portāntes manipulos suos.

Sequēntia sancti Evangēlii secundum Matthæum. *Matth. 24.*

IN illo tēpore : Sedēnte Jesu super montem Olivēti, accessē-

runt ad eum discipuli secrētō, dicētes : Dic nobis, quando hæc erunt ? et quod signum advēntus tui, et consummatiōnis sæculi ? Et respōdēns Jesus, dixit eis : Vidēte ne quis vos seducat. Multi enim venient in nōmine meo, dicētes : Ego sum Christus : et multos seducēt. Auditūri enim estis prælia, et opiniōnes præliōrum. Vidēte ne turbēmini. Opōrtet enim hæc fieri, sed nondum est finis. Consurget enim gens in gentem, et regnum in regnum : et erunt pestilētiæ, et fames, et terrāmōtus per loca. Hæc autem ōmnia inītia sunt dolōrum. Tunc tradent vos in tribulatiōnem, et occident vos : et eritis odio ōmnibus gēntibus propter nomen meum. Et tunc scandalizabūntur multi, et invicem tradent, et odio habēbunt invicem. Et multi pseudoprophætæ surgent, et seducēt multos. Et quōniam abundāvit inīquitas, refrigeret chāritas multōrum. Qui autem perseverāverit usque in finem, hic salvus erit.

Offertorium. Sap. 3. Justōrum animæ in manu Dei sunt, et non tanget illos tormētum malitiæ : visi sunt oculis insipiēntium mori, illi autem sunt in pace. Allelūia.

Secreta.

OBLATIS, quæsumus, Dōmine, placāre munēribus : et intercedētibz sanctis Martyribz tuis *N.* et *N.*, à cunctis nos defēde periculis. Per Dōminum, etc.

Communio. Matt. 10. Quod dico vobis in tēnebris, dicite in lūmine, dicit Dōminus : et quod in aure auditis, prædicāte super tecta.

Postcommunio.

HÆC nos commūnio, Dōmine, purget à crimine ; et intercedētibz sanctis Martyribz tuis *N.*

et N., cœlestis remédii faciât esse consôrtes. Per Dóminum, etc.

¶ *Item aliæ Epistolæ, et Evangelia pro pluribus Martyribus.*

Epistola Réddidit Deus justis mercédem labórum suórum, etc., *habetur in festo SS. Martyrum Nazarii et Soc., xxviii. Julii.*

Epistola Justificáti ex fide, etc., *ut in festo SS. Marci et Marcelliani Mart., xviii. Junii.*

Epistola Exhibeámus nosmetipsos, etc., *habetur in festo SS. Abdon et Sennen Martyrum, xxx. Julii.*

Epistola Sancti per fidem, *habetur in festo SS. Fabiani et Sebastiani Mart., xx. Januarii.*

Evangelium Videns Jesus turbas, ascéndit, *habetur in festo Omnium Sanctorum, i. Nov.*

Evangelium Confiteor tibi, Pater, *habetur in festo S. Francisci Conf., iv. Octobris.*

Evangelium Væ vobis, qui ædificátis, etc., *habetur in festo SS. Mart. Marci et Marcelliani, xviii. Junii.*

Evangelium Qui vos audit, me audit, *habetur in festo SS. Mart. Viti et Soc., xv. Junii.*

Evangelium Atténdite à fermento Phariseórum, etc., *habetur in festo SS. Dionysii et Sociorum Martyrum, ix. Oct.*

COMMUNE CONFESSORIS PONTIFICIS.

Introitus. Eccl. 45.

STATUIT ei Dóminus testaméntum pacis, et príncipem fecit eum, ut sit illi sacerdotii dignitas in ætérnum. (*Temp. Pasch. additur Allelúia, allelúia.*)

Ps. 131. Meménto, Dómine, David, et omnis mansuetúdinis ejus.

Ÿ. Glória Patri, et Filio, etc.

Oratio.

DA, quæsumus, omnipotens Deus, ut beáti N. Confessoris tui atque Pontificis veneránda solémnitas, et devotiónem nobis áugeat, et salútem. Per, etc.

Léctio libri Sapiéntiæ. Eccl. 44 et 45.

ECCE Sacerdos magnus, qui in diébus suis plácuit Deo, et invéntus est justus, et in témpore iracúndiæ factus est reconciliátió. Non est invéntus símilis illi qui conservávit legem Excélsi. Ideò jurejurádo fecit illum Dóminus créscere in plebem suam. Benedicţióne omnium géntium dedit illi, et testaméntum suum confirmávit super caput ejus. Agnóvit eum in benedicţióne suis: conservávit illi misericórdiam suam, et invénit grátiam coram óculis Dómini. Magnificávit eum in conspéctu regum, et dedit illi corónam glóriæ. Státuit illi testaméntum ætérnum, et dedit illi sacerdotium magnum, et beatificávit illum in glória. Fungi sacerdotio, et habére laudem in nómine ipsíus, et offerre illi incénsus dignum in odórem suavitátis.

Graduale. Eccl. 44. Ecce sacerdos magnus, qui in diébus suis plácuit Deo.

Ÿ. Non est invéntus símilis illi, qui conserváret legem Excélsi.

Allelúia, allelúia. Ÿ. *Ps. 109.* Tu es sacerdos in ætérnum secúndum órđinem Melchisedech. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 111. Beátus vir qui timet Dóminum: in mandátis ejus cupit nimis.

Ÿ. Potens in terra erit semen

ejus : generatio rectórum benedicetur.

Ÿ. Glória et divítiæ in domo ejus : et justitia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. *Ÿ.* Ps. 109. Tu es Sacerdos in ætérnum secúndum órđinem Melchisedech. Allelúia.

Ÿ. Hic est sacerdos, quem coronávit Dóminus. Allelúia.

Sequéntia sancti Evangélíi secúndum Matthæum. *Matth.* 25.

IN illo témpore : Dixit Jesus discipulis suis parábolam hanc : Homo péregrè proficiscens, vocávit servos suos, et trádedit illis bona sua. Et uni dedit quinque talénta, álíi autem duo, álíi verò unum, unicuique secúndum própriam virtútem : et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum verò témporis venit dóminus servórum illórum, et pósuit ratió-nem cum eis. Et accédens qui quinque talénta accéperat, obtulit ália quinque talénta, dicens : Dómine, quinque talénta tradidisti mihi, ecce ália quinque superlucrátus sum. Ait illi dóminus ejus : Eugè, serve bone et fidélis ; quia super pauca fuísti fidélis, super multa te constitúam : intra in gáudium dómini tui. Accéssit autem et qui duo talénta accéperat, et ait : Dómine, duo talénta tradidisti mihi : ecce ália duo lucrátus sum. Ait illi dóminus ejus : Eugè, serve bone

et fidélis, quia super pauca fuísti fidélis, super multa te constitúam : intra in gáudium dómini tui.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. (*Temp. Paschali additur Allelúia.*)

Secreta.

SANCTI tui, quæsumus, Dómine, nos ubique lætíficent : ut dum mérita eórum recólimus, patrocínia sentiámus. Per Dóminum nostrum Jesum Christum Fílium tuum, etc.

Communio. Luc. 12. Fidélis servus et prudens, quem constituit dóminus super famíliam suam : ut det illis in témpore trítici mensúram. (*Temp. Pasch. additur Allelúia.*)

Postcommunio.

PRÆSTA, quæsumus, omnípotens Deus : ut de percéptis munéribus grátias exhibéntes, intercedénte beáto *N.* Confessóre tuo atque Pontífice, beneficia potióra sumámus. Per Dóminum, etc.

DE EODEM COMMUNI ALIA MISSA.

Introitus. Ps. 131.

SACERDOTES tui, Dómine, índuant justítiam, et Sancti tui exúltent : propter David servum tuum, non avértas faciém Christi tui. (*Temp. Pasch. additur Allelúia, allelúia.*)

Ps. ibid. Meménto, Dómine, David, et omnis mansuetúdinis ejus.

Ÿ. Glória Patri, et Filio, etc.

Oratio.

EXAUDI, quæsumus, Dómine, preces nostras, quas in beáti *N.* Confessóris tui atque Pontíficis solemnitate deférimus : et qui tibi dignè mérui famulári, ejus intercedéntibus méritis, ab ómnibus nos absolve peccátis. Per, etc.

Léctio Epístolæ beáti Pauli Apóstoli ad Hebræos. *Hebr. 7.*

FRATRES, Plures facti sunt sacerdótes, idcirco quòd morte prohiberéntur permanére : Jesus autem eò quòd máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum : semper vivens ad interpellándum pro nobis. Talis enim decébat ut nobis esset Póntifex, sanctus, innocens, impollútus, segregátus à peccatóribus, et excélsior cœlis factus : qui non habet necessitatem quotidie, quemádmódum sacerdótes, prius pro suis delictis hóstias offérre, deinde pro pópuli : hoc enim fecit semel, seípsum offeréndo, Jesus Christus Dóminus noster.

Graduale. Ps. 131. Sacerdótes ejus induam salutári : et sancti ejus exultatióne exultábunt.

V. Illuc prodúcam cornu David, parávi lucérnam Christo meo.

Allelúia, allelúia. *V. Ps. 109.* Jurávit Dóminus, et non pœnitébit eum : tu es sacérdos in ætérnum secúndum órđinem Melchisedech. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 111. Beátus vir qui timet Dóminum : in mandátis ejus cupit nimis.

V. Potens in terra erit semen ejus : generátio rectórum benedicétur.

c*

V. Glória et divítiæ in domo ejus : et justítia ejus manet in sæculum sæculi.

Tempore Paschali omittitur Graduale, et ejus loco dicitur :

Allelúia, allelúia. *V. Ps. 109.* Jurávit Dóminus, et non pœnitébit eum : tu es Sacérdos in ætérnum secúndum órđinem Melchisedech. Allelúia.

V. Eccl. 45. Amávit eum Dóminus et ornávit eum : stolam glóriæ induit eum. Allelúia.

Sequéntia sancti Evangélíi secúndum Matthæum. *Matth. 24.*

IN illo témpore : Dixit Jesus discípulis suis : Vigilate, quía nescitis qua hora Dóminus vester ventúrus sit. Illud autem scitóte quóniam si sciret paterfámílias qua hora fur ventúrus esset, vigiláret útique et non síneret pérfodi domum suam. Ideò et vos estóte paráti, quia qua nescitis hora Fílius hóminis ventúrus est. Quis, putas, est fidélis servus et prudens, quem constituit dóminus suus super famíliam suam, ut det illis cibum in témpore ? Beátus ille servus, quem, cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus. (*Temp. Pasch. additur Allelúia.*)

Secreta.

SANCTI *N.* Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos : ut per hæc piæ placatiónis officia, et illum beáta

retributio comitetur, et nobis gratiae tuae dona conciliet. Per, etc.

Communio. *Matth. 24.* Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum. (*Temp. Pasch. additur Alleluia.*)

Postcommunio.

DEUS, fidelium remunerator animarum, praesta, ut beati *N.* Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum, etc.

¶ *Item aliae Epistolae, et Evangelia pro Confessore Pontifice.*

Epistola Omnis Pontifex, habetur in festo S. Callisti Papae et Martyr., xiv. Octobris.

Epistola Memento praeceptorum, ut in festo S. Nicolai Episc. Confes., vi. Decembris.

Evangelium Nemo lucernam accendit, habetur in festo S. Martini Episc., xi. Nov.

Evangelium Videte, vigilate, et orate, ut infra in anniversario election. seu consecr. Episcopi.

COMMUNE DOCTORUM.

Introitus. Eccl. 15.

IN medio Ecclesiae aperuit os ejus, et implevit eum Dominus spiritu sapientiae et intellectus: stolam gloriae induit eum. (*Temp. Pasch. additur Alleluia, alleluia.*)

Ps. 91. Bonum est confiteri Domino, et psallere nomini tuo, Altissime.

V. Gloria Patri, etc.

Oratio.

DEUS, qui populo tuo aeternae salutis beatum *N.* ministrum

tribuisti: praesta, quaesumus, ut, quem Doctorem vitae habuimus in terris, intercessorem habere mereamur in caelis. Per, etc.

Lectio Epistolae beati Pauli Apostoli ad Timotheum. 2 Tim. 4.

CARISSIME, Testificor coram Deo, et Jesu Christo, qui iudicaturus est vivos et mortuos, per adventum ipsius, et regnum ejus: praedica verbum, insta opportune, importune: argue, obsecra, increpa in omni patientia et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros prurientes auribus: et a veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistae, ministerium tuum imple. Sobrius esto. Ego enim jam delibor, et tempus resolutionis meae instat. Bonum certamen certavi, cursum consummavi, fidem servavi. In reliquo reposta est mihi corona justitiae, quam reddet mihi Dominus in illa die, justus iudex: non solum autem mihi, sed et iis qui diligunt adventum ejus.

Graduale. Ps. 36. Os justi meditabitur sapientiam, et lingua ejus loquetur iudicium.

V. Lex Dei ejus in corde ipsius: et non supplantabuntur gressus ejus.

Alleluia, alleluia. V. Eccl. 45. Amavit eum Dominus, et ornavit eum: stolam gloriae induit eum. *Alleluia.*

Post Septuagesimam, omissis Alleluia et Versu sequenti, dicitur

Tractus. Ps. 111. Beatus vir qui timet Dominum: in mandatis ejus cupit nimis.

V. Potens in terra erit semen

ejus, generatio rectorum benedicetur.

Ÿ. Glória et divitiæ in domo ejus, et justitia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. Ÿ. *Eccl.* 45. Amavit eum Dóminus, et ornávit eum: stolam glóriæ induit eum. Allelúia.

Ÿ. *Oseæ* 14. Justus germinábit sicut lílium, et florébit in ætérnum ante Dóminum. Allelúia.

Sequéntia sancti Evangélíi secúndum Matthæum. *Matth.* 5.

IN illo témpore: Dixit Jesus discipulis suis: Vos estis sal terræ. Quòd si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem posita. Neque accéndunt lucérnam, et ponunt eam sub módio, sed super candelábrum, ut luceat ómnibus qui in domo sunt. Sic luceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolíte putáre quóniam veni sólvere legem, aut Prophétas: non veni sólvere, sed adimplére. Amen quippe dico vobis, donec tránseat cælum et terra, ióta unum aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

Offertorium. Ps. 91. Justus ut palma florébit: sicut cedrus, quæ in Líbano est, multiplicábitur. (*Temp. Pasch. additur Allelúia.*)

Secreta.

SANCTI tui *N.* nobis, Dómine, pia non desit oratio, quæ et múnera nostra concíliet, et tuam nobis indulgéntiam semper obtíneat. Per Dóminum, etc.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore trítici mensúram. (*Temp. Pasch. additur Allelúia.*)

Postcommunio.

UT nobis, Dómine, tua sacrificia dent salútem, beatus *N.* Confessor tuus et Doctor egrégíus, præcátor accédát. Per, etc.

¶ *Alia Epistola pro Doctoribus.*

Lectio libri Sapiéntiæ.
Eccl. 39.

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratione, et pro delictis suis deprecábitur. Si enim Dóminus magnus volúerit, spiritu intelligéntiæ replébit illum, et ipse tamquam imbres mittet elóquia sapiéntiæ suæ, et in oratione confitébitur Dómino; et ipse diriget consílium ejus et disciplínam, et in absconditis suis consiliábitur. Ipse palam faciet disciplínam doctrinæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur à generatióne in generatióem. Sapiéntiam ejus enarrábunt gentes, et laudem ejus enuntiábit Ecclésia.

COMMUNE CONFESSORIS
NON PONTIFICIS.*Introitus. Ps. 36.*

OS justi meditabitur sapiéntiam, et lingua ejus loquétur judícium : lex Dei ejus in corde ipsíus. (*Temp. Pasch. additur Allelúia, allelúia.*)

Ps. ibid. Noli æmulári in malig-nántibus : neque zeláveris faciéntes iniquitátem.

Ÿ. Glória Patri, etc.

Oratio.

DEUS, qui nos beáti *N.* Con-fessoris tui ánnua solemnitáte lætíficas : concéde propítius, ut cu-jus natalítia cólimus, étiam actiónes imitémur. Per Dóminum, etc.

Léctio libri Sapiéntiæ. *Eccl. 31.*

BEATUS vir qui invéntus est sine mácula, et qui post au-rum non ábiit, nec sperávit in pe-cúnia et thesáuris. Quis est hic, et laudábimus eum ? fecit enim mira-bilia in vita sua. Qui probátus est in illo, et perféctus est, erit illi glória æténa : qui pótuit tránsgre-di, et non est transgréssus ; fácere mala, et non fecit. Ideò stabilita sunt bona illíus in Dómino, et elee-mósynas illíus enarrábit omnis ec-clésia sanctórum.

Graduale. Ps. 91. Justus ut palma florébit, sicut cedrus Libani multiplicábitur in domo Dómini.

Ÿ. Ad annuntiándum manè mi-sericórdiam tuam, et veritátem tu-am per noctem.

Allelúia, allelúia. Ÿ. *Jac. 1.* Beátus vir qui suffert tentatiónem : quóniam, cum probátus fúerit, ac-cípiet corónam vitæ. Allelúia.

Post Septuagesimam omissis Alle-lúia et Versu sequenti, dicitur

Tractus. Ps. 111. Beátus vir qui timet Dóminum ; in mandátis ejus cupit nimis.

Ÿ. Potens in terra erit semen ejus : generátio rectórum benedicé-tur.

Ÿ. Glória et divítiæ in domo ejus, et justítia ejus manet in sæculum sæculi.

Tempore Paschali omittitur Gra-duale, et ejus loco dicitur

Allelúia, allelúia. Ÿ. *Jac. 1.* Beátus vir qui suffert tentatiónem : quóniam, cum probátus fúerit, accípiet corónam vitæ. Allelúia.

Ÿ. *Eccl. 45.* Amávit eum Dó-minus, et ornávit eum : stolam glóriæ induit eum. Allelúia.

Sequéntia sancti Evangélii secún-dum Lucam. *Luc. 12.*

IN illo témpore : Dixit Jesus dis-cípulis suis : Sint lumbi vestri præcincti, et lucérnæ ardéntes in mánibus vestris : et vos símiles ho-mínibus expectántibus dóminum suum, quando revertátur à nuptiis : ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invé-nerit vigilántes : amen dico vobis, quòd præcinget se, et fáciat illos discúmbere, et tránsiens ministrábit illis. Et si vénerit in secúnda vigí-lia, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sci-ret paterfamílias qua hora fur vení-ret, vigiláret útique, et non síneret pérfodi domum suam. Et vos estóte paráti : quia quæ hora non putátis, Fílius hóminis véniet.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus. (*Temp. Pasch. additur Alle-lúia.*)

Secreta.

LAUDIS tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus, et futúris. Per, etc.

Communio. Matth. 24. Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum. (*Temp. Pasch. additur Allelúia.*)

Postcommunio.

REFFECTI cibo potúque cœlesti, Deus noster, te súplices exorámus, ut in cujus hæc commemoratióne percépimus, ejus muniámur et précibus. Per, etc.

DE EODEM COMMUNI ALIA
MISSA.*Introitus. Ps. 91.*

JUSTUS ut palma florébit: sicut cedrus Líbani multiplicábitur: plantátus in domo Dómini, in átriis domus Dei nostri. (*Temp. Pasch. additur Allelúia, allelúia.*)

Ps. ibid. Bonum est confitéri Dómino, et psállere nómini tuo, Altíssime.

Ÿ. Glória Patri, etc.

Oratio.

ADESTO, Dómine, supplicatió- nibus nostris, quas in beáti *N.* Confessóris tui solemnitáte deféri- mus: ut qui nostræ justítiæ fidúci- am non habémus, ejus qui tibi plácuit, précibus adjuvémur. Per Dóminum, etc.

Lectio Epístolæ beáti Pauli Apóstoli ad Corinthios. 1 *Cor. 4.*

FRATRES, Spectáculum facti sumus mundo, et Angelis, et

homínibus. Nos stulti propter Chris- tum, vos autem prudéntes in Chris- to: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cóla- phis cædimur, et instábiles sumus, et laborámus operántes mánibus nostris: maledícimur, et benedíci- mus: persecutióne pátimur, et sustinémus: blasphemámur, et ob- secrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos hæc scribo, sed ut filios meos caríssimos móneo in Christo Jesu Dómino nostro.

Graduale. Ps. 36. Os justi meditábitur sapiéntiam, et lingua ejus loquétur judícium.

Ÿ. Lex Dei ejus in corde ipsíus: et non supplantabúntur gressus ejus.

Allelúia, allelúia. *Ÿ.* *Ps. 111.* Beátus vir qui timet Dóminum: in mandátis ejus cupit nimis. Alle- lúia.

Post Septuagesimam, omissis Alle- lúia et Versu sequenti, dicitur

Tractus. Ps. 111. Beátus vir qui timet Dóminum: in mandátis ejus cupit nimis.

Ÿ. Potens in terra erit semen ejus: generatió rectórum benedicé- tur.

Ÿ. Glória et divítiæ in domo ejus, et justítia ejus manet in sæcu- lum sæculi.

Tempore Paschali omittitur Gra- duale, et ejus loco dicitur

Allelúia, allelúia. *Ÿ.* *Ibid.* Be- átus vir qui timet Dóminum: in mandátis ejus cupit nimis. Alle- lúia.

Ÿ. *Oseæ 14.* Justus germinábit sicut lílium, et florébit in ætérnum ante Dóminum. Allelúia.

Sequéntia sancti Evangélíi secúndum Lucam. *Luc. 12.*

IN illo témpore : Dixit Jesus discípulis suis : Nolíte timére, pusíllus grex, quia complácuít Patri vestro dare vobis regnum. Véndite quæ possidéti, et date eleemósy-nam. Fácite vobis sácculos qui non veteráscunt, thesáurum non deficiéntem in cælis : quò fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 20. In virtúte tua, Dómine, lætábitur justus, et super salutare tuum exultábit veheménter : desidérium ánimæ ejus tribuísti ei. (*Temp. Pasch. additur Allelúia.*)

Secreta.

PRÆSTA nobis, quæsumus, omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente puríficet. Per Dóminum, etc.

Communio. Matth. 19. Amen dico vobis, quòd vos, qui reliquistis ómnia, et secúti estis me, céntuplum accipiétis, et vitam ætérnam possidébitis. (*Temp. Pasch. additur Allelúia.*)

Postcommunio.

QUÆSUMUS, omnipotens Deus, ut qui cœléstia aliménta percépimus, intercedénte beáto *N.* Confessóre tuo, per hæc contra ómnia advérsa muniámur. Per Dóminum, etc.

¶ *Item alia Epistola, et Evangelium pro Confessore non Pontifice.*

Epistola Quæ mihi fuérunt lucra, etc., *ut in festo S. Francisci de Paula, ii. Aprilis.*

Evangelium Homo quidam nobilis, etc., *ut in festo S. Ludovici, Confes., xxv. Augusti.*

DE EODEM COMMUNI PRO ABBATIBUS.

Introitus. Ps. 36.

OS justí meditábitur sapiéntiam, et lingua ejus loquétur júdicium : lex Dei ejus in corde ipsíus. (*Temp. Pasch. additur Allelúia, allelúia.*)

Ps. ibid. Noli æmulári in malignántibus : neque zeláveris facientes iniquitátem.

¶ Glória Patri, etc.

Oratio.

INTERCESSIO nos, quæsumus, Dómine, beáti *N.* Abbátis comméndet : ut quod nostris méritis non valémus, ejus patrocínio assequámur. Per, etc.

Lectio libri Sapiéntiæ. Eccl. 45.

DILECTUS Deo et homínibus, cujus memória in benedictióne est. Similem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplínæ.

Graduale. Ps. 20. Dómine, prævenísti eum in benedictiónibus dulcédinis : posuísti in cápite ejus corónam de lápide pretióso.

¶ Vitam pètiit à te, et tribuísti

ei longitudínem díerum in sæculum sæculi. Allelúia, allelúia.

Ÿ. Ps. 91. Justus ut palma florébit : sicut cedrus Líbani multiplicábitur. Allelúia.

Post Septuagesimam, omissis Allelúia et versu sequenti, dicitur

Tractus. Ps. 111. Beátus vir qui timet Dóminum : in mandátis ejus cupit nimis.

Ÿ. Potens in terra erit semen ejus : generátio rectórum benedicétur.

Ÿ. Glória et divitiæ in domo ejus, et justítia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. Ÿ. Ps. 91. Justus ut palma florébit : sicut cedrus Líbani multiplicábitur. Allelúia.

Ÿ. Oseæ 14. Justus germinábit sicut lílium, et florébit in ætérnum ante Dóminum. Allelúia.

Sequéntia sancti Evangélíi secúndum Matthæum. *Matth. 19.*

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis ? Jesus autem dixit illis : Amen dico vobis, quòd vos, qui secúti estis me, in regeneratióne, cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, centuplum accípiet, et vitam ætérnam possidébit.

Offertorium. Ps. 20. Desidérium animæ ejus tribuísti ei, Dómine,

et voluntáte labiórum ejus non fraudásti eum : posuísti in cápíte ejus corónam de lápide pretióso. (*Temp. Pasch. additur Allelúia.*)

Secreta.

SACRIS altáribus, Dómine, hostias superpósitas, Sanctus *N.* Abbas, quæsumus, in salútem nobis proveníre depóscat. Per, etc.

Communio. Luc. 12. Fidélis servus et prudens, quem constituit dóminus super familiam suam, ut det illis in témpore trítici mensúram. (*Temp. Pasch. additur Allelúia.*)

Postcommunio.

PROTEGAT nos, Dómine, cum tui perceptione sacraménti, beátus *N.* Abbas, pro nobis intercedéndo ; ut et conversatiónis ejus experiámur insignia, et intercessiúnis percipiámus suffrágia. Per, etc.

COMMUNE VIRGINUM.

PRO VIRGINE ET MARTYRE.

Introitus. Ps. 118.

LOQUEBAR de testimóniis tuis in conspéctu regum, et non confundébar : et meditábar in mandátis tuis, quæ diléxi nimis. (*Temp. Pasch. additur Allelúia, allelúia.*)

Ps. ibid. Beáti immaculáti in via, qui ámbulant in lege Dómini.

Ÿ. Glória Patri, etc.

Oratio.

DEUS, qui inter cétera poténtiæ tuæ miracula étiam in sexu frágili victóriam martyrii contulisti : concéde propítius, ut qui beátæ *N.* Virginis et Mátyris tuæ natalítia cólimus, per ejus ad te exémpa gradiámur. Per Dóminum, etc.

Lectio libri Sapiéntiæ. *Eccl.* 51.

CONFITEBOR tibi, Dómine rex, et collaudábo te Deum Salvatórem meum. Confitébor nómini tuo : quóniam adjútor et protéctor factus es mihi, et liberásti corpus meum à perditione, à láqueo linguæ iniquæ, et à lábiis operántium mendácium, et in conspéctu astántium factus es mihi adjútor. Et liberásti me secúndum multitudinem misericórdiæ nóminis tui à rugiéntibus præparátis ad escam, de mánibus quæréntium ánimam meam, et de portis tribulatiónum quæ circumdedérunt me ; à pressúra flammæ quæ circumdedit me, et in médio ignis non sum æstuáta ; de altitúdine ventris inferi, et à lingua coinquináta, et à verbo mendácii ; à rege iniquo, et à lingua injústa. Laudábit usque ad mortem ánima mea Dóminum, quóniam éruis sustinéntes te, et liberas eos de mánibus géntium, Dómine Deus noster.

Graduale. Ps. 44. Dilexisti justítiam, et odísti iniquitátem.

Ÿ. Proptérea unxit te Deus, Deus tuus, óleo lætitiæ. Allelúia, allelúia.

Ÿ. Adducéntur Regi vírgines post eam, próximæ ejus afferéntur tibi in lætítia. Allelúia.

Post Septuagesimam, omissis Allelúia et Versu sequenti, dicitur

Tractus. Veni, sponsa Christi, áccipe coronam, quam tibi Dóminus præparávit in ætérnum : pro cujus amóre sánguinem tuum fudisti.

Ÿ. *Ibid.* Dilexisti justítiam, et odísti iniquitátem : proptérea unxit te Deus, Deus tuus, óleo lætitiæ præ consórtibus tuis.

Ÿ. Spécie tua et pulchritúdine tua inténde, próspere procéde, et regna.

Tempore Paschali omittitur Graduale, et ejus loco dicitur

Allelúia, allelúia. Ÿ. *Ibid.* Adducéntur Regi vírgines post eam : próximæ ejus afferéntur tibi in lætítia. Allelúia.

Ÿ. Spécie tua et pulchritúdine tua inténde, próspere procéde, et regna. Allelúia.

Sequéntia sancti Evangélíi secúndum Matthæum. *Matth.* 25.

IN illo témpore : Dixit Jesus discípulis suis parábolam hanc : Símile erit regnum cælórum decem vírginibus, quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes. Sed quinque fátuæ, accéptis lámpadibus, non sumpsérunt óleum secum : prudéntes verò acceperunt óleum in vasis suis cum lámpadibus. Moram autem faciénte sponso, dormitavérunt omnes, et dormiérunt. Média autem nocte clamor factus est : Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt : Date nobis de óleo vestro, quia lámpades nostræ extingúuntur. Respondérunt prudéntes, dicéntes : Ne fortè non sufficiat nobis et vobis, ite pótiùs ad vendéntes, et émite vobis. Dum autem irent émere, venit sponsus : et quæ parátæ erant, intravérunt cum eo ad núptias, et clausa est jánuá. Novíssime verò véniunt et réliquæ vírgines, dicéntes : Dómine, Dómine, áperi nobis. At ille respóndens, ait : Amen dico vobis, nescio vos. Vigiláte itaque, quia nescitis diem, neque horam.

Offertorium. Ps. 44. Afferéntur Regi vírgines post eam, próximæ

ejus afferéntur tibi in lætítia et exultatióne : adducéntur in templum Regi Dómino. (*Temp. Pasch. additur Allelúia.*)

Secreta.

SUSCIPE, Dómine, múnera quæ in beátæ *N.* Virginis et Mátyris tuæ solemnitate deférimus, cujus nos confidimus patrocínio liberári. Per Dóminum, etc.

Communio. Ps. 118. Confundántur supérbi, quia injústè iniquitátem fecérunt in me : ego autem in mandátis tuis exercébor, in tuis justificatió nibus, ut non confúndar. (*Temp. Pasch. additur Allelúia.*)

Postcommunio.

AUXILIENTUR nobis, Dómine, sumpta mystéria ; et intercedente beáta *N.* Virgine et Mátyre tua, sempitérna fáciant protectióne gaudére. Per, etc.

DE EODEM COMMUNI ALIA MISSA.

Introitus. Ps. 118.

ME expectavérunt peccatóres, ut pérderent me : testimónia tua, Dómine, intellexi : omnis consummati ónis vidi finem, latum mandátum tuum nimis. (*Temp. Pasch. additur Allelúia, allelúia.*)

Ps. ibid. Beáti immaculáti in via, qui ámbulant in lege Dómini.

V. Glória Patri, etc.

Oratio.

INDULGENTIAM nobis, quæsumus, Dómine, beáta *N.* Virgo et Martyr implóret : quæ tibi grata semper éxstitit et mérito castitátis, et tuæ professióne virtútis. Per Dóminum, etc.

*d**

Léctio libri Sapiéntiæ. *Eccl. 51.*

DOMINE Deus meus, exaltásti super terram habitatió nem meam, et pro morte defluénte deprecáta sum. Invocávi Dóminum Patrem Dómini mei, ut non derelinquat me in die tribulati ónis meæ, et in témpore superbórum sine adjutório. Laudábo nomen tuum assiduè, et collaudábo illud in confessióne, et exaudíta est orátio mea. Et liberásti me de perditióne, et eripuísti me de témpore iniquo. Proptérea confitébor, et laudem dicam tibi, Dómine Deus noster.

Graduale. Ps. 45. Adjuvábít eam Deus vultu suo. Deus in médio ejus, non commovébítur.

V. Flúminis ímpetus lætíficat civitátem Dei : sanctificávit tabernáculum suum Altíssimus.

Allelúia, allelúia. *V.* Hæc est virgo sápiens, et una de número prudéntum. Allelúia.

Post Septuagesimam, omissis Allelúia et Versu sequenti, dicitur

Tractus. Veni, sponsa Christi, áccipe corónam, quam tibi Dóminus præparávit in ætérnum : pro cujus amóre sánguinem tuum fudísti.

V. *Ps. 44.* Dilexísti justítiam, et odísti iniquitátem : proptérea unxit te Deus, Deus tuus, óleo lætítiæ præ consórtibus tuis.

V. Spécie tua et pulchritúdine tua inténde, prósperè procéde, et regna.

Tempore Paschali omittitur Graduale, et ejus loco dicitur

Allelúia, allelúia. *V.* Hæc est virgo sápiens, et una de número prudéntum. Allelúia.

V. *Sap. 4.* O quàm pulchra est casta generátio cum claritáte ! Allelúia.

Sequéntia sancti Evangélii secúndum Matthæum. *Matth. 13.*

IN illo témpore : Dixit Jesus discipulis suis parábolam hanc : Simile est regnum cœlórum thesauro abscondito in agro : quem qui invenit homo, abscondit, et præ gáudio illius vadit, et vendit universa quæ habet, et emit agrum illum. Iterum símile est regnum cœlórum hómini negotiatóri, quærenti bonas margaritas : invénta autem una pretiósa margaríta, ábiit, et vëndidit ómnia quæ hábuit, et emit eam. Iterum símile est regnum cœlórum sagénæ missæ in mare, et ex omni génere piscium congregánti : quam, cum impléta esset, educéntes, et secus littus sedéntes, elegérunt bonos in vasa, malos autem foràs misérunt. Sic erit in consummatione sæculi : exhibunt Angeli, et separábunt malos de médio justórum, et mittent eos in camínium ignis : ibi erit fletus, et stridor déntium. Intellexistis hæc ómnia ? Dicunt ei : Etiam. Ait illis : Ideò omnis scribe doctus in regno cœlórum, símilis est hómini patrifamílias, qui profert de thesauro suo nova et vétera.

Offertorium. Ps. 44. Diffúsa est grátia in lábiis tuis : propterea benedíxit te Deus in ætérnum, et in sæculum sæculi. (*Temp. Pasch. additur Allelúia.*)

Secreta.

HOSTIAS tibi, Dómine, beátæ *N.* Virginis et Mátyris tuæ dicátas méritis, benígnus assúme, et ad perpétuum nobis tríbue proveníre subsidium. Per, etc.

Communio. Ps. 118. Feci iudícium et justítiam, Dómine, non calumniéntur mihi supérbi : ad ómnia mandáta tua dirigébar, omnem

viam iniquitátis ódio hábui. (*Temp. Pasch. additur Allelúia.*)

Postcommunio.

DIVINI múnere largitáte satiáti, quæsumus, Dómine Deus noster, ut intercedente beáta *N.* Virgine et Mátyre tua, in ejus semper participatióne vivámus. Per Dóminum, etc.

¶ *Item aliud Evang. Accessérunt ad Jesum, ut in festo S. Agathæ V. et M., v. Februarii.*

COMMUNE PLURIUM VIRGINUM ET MARTYRUM.

Omnia dicuntur ut supra pro una Virgine et Martyre, exceptis Orationibus, quæ dicuntur ut sequitur, et Epistola, quæ dicitur ut infra in Communi Virginis non Martyr. De virginibus præceptum Dómini, fol. 28.*

Oratio.

DA nobis, quæsumus, Dómine Deus noster, sanctárum Virginum et Mátyrum tuárum *N.* et *N.* palmas incessábili devotióne venerári : ut quas digna mente non pössumus celebráre, humilibus saltem frequentémus obséquiiis. Per Dóminum, etc.

Secreta.

INTENDE, quæsumus, Dómine, múnere altáribus tuis pro sanctárum Virginum et Mátyrum tuárum *N.* et *N.* festivitáte propósita : ut, sicut per hæc beáta mystéria illis glóriam contulisti, ita nobis indulgéntiam largiáris. Per, etc.

Postcommunio.

PRÆSTA nobis, quæsumus, Dómine, intercedéntibus sanctis

Virgínibus et Martyribus tuis ; ut quod ore contíngimus, pura mente capiámus. Per Dóminum, etc.

PRO VIRGINE TANTUM.

Introitus. Ps. 44.

DILEXISTI justítiam, et odísti iniquitátem : proptérea unxit te Deus, Deus tuus, óleo lætitiæ præ consórtibus tuis. (*Temp. Pasch. additur Allelúia, allelúia.*)

Ps. ibid. Eructávit cor meum verbum bonum : dico ego ópera mea Regi.

V. Glória Patri, et Filio, etc.

Oratio.

EXAUDI nos, Deus salutáris noster : ut sicut de beátæ *N.* Virginis tuæ festivitáte gaudémus, ita piæ devotiónis erudiámur afféctu. Per Dóminum, etc.

Léctio Epístolæ beáti Pauli Apóstoli ad Corínthios.

2 Cor. 10 et 11.

FRATRES, Qui gloriátur, in Dómino gloriétur. Non enim qui seípsum comméndat, ille probátus est ; sed quem Deus comméndat. Utinam sustinerétis módicum quid insipientiæ meæ : sed et supportáte me. Æmulor enim vos Dei æmulatione. Despóndi enim vos uni viro vírginem castam exhibére Christo.

Graduale. Ps. 44. Spécie tua et pulchritúdine tua inténde, prospere procéde, et regna.

V. Propter veritátem, et mansuetúdinem, et justítiam : et dedúct te mirabiliter dextera tua.

Allelúia, allelúia. *V.* Adducéntur Regi vírgines post eam : próximæ ejus afferéntur tibi in lætítia. Allelúia.

Post Septuagesimam, omissis Allelúia, et Versu sequenti, dicitur

Tractus. Ibid. Audi, filia, et vide, et inclína aurem tuam : quia concupívit Rex spéciem tuam.

V. Vultum tuum deprecabúntur omnes dívites plebis : filiæ regum in honóre tuo.

V. Adducéntur Regi vírgines post eam ; próximæ ejus afferéntur tibi.

V. Afferéntur in lætítia et exultatióne : adducéntur in templum Regis.

Tempore Paschali omittitur Graduale, et ejus loco dicitur

Allelúia, allelúia. *V. Ibid.* Adducéntur Regi vírgines post eam : próximæ ejus afferéntur tibi in lætítia. Allelúia.

V. Spécie tua, et pulchritúdine tua inténde, prospere procéde, et regna. Allelúia.

Sequéntia sancti Evangélíi secundum Matthæum. *Matth. 25.*

IN illo témpore : Dixit Jesus discípulis suis parábolam hanc : Símile erit regnum cælórum decem virgínibus, quæ accipiéntes lámpades suas exiérunt óbviám sponso et sponsæ. Quinque autem ex eis erant fátuæ, et quinque prudéntes. Sed quinque fátuæ, accéptis lampádibus, non sumpsérunt óleum secum : prudéntes verò accepérunt óleum in vasis suis cum lampádibus. Moram autem faciénte sponso, dormitavérunt omnes et dormiérunt. Média autem nocte clamor factus est : Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt : Date nobis de óleo vestro, quia lámpades nostræ extingúuntur. Respondérunt prudéntes,

dicentes : Ne fortè non sufficiat nobis et vobis, ite potiùs ad vendentes, et émite vobis. Dum autem irent émere, venit sponsus : et quæ paratæ erant, intravérunt cum eo ad nuptias, et clausa est jánuas. Novissimè verò véniunt et reliquæ vírgines, dicentes : Dómine, Dómine, áperi nobis. At ille respóndens, ait : Amen dico vobis, nescio vos. Vigilate itaque, quia nescitis diem, neque horam.

Offertorium. Ps. 44. Fíliæ regum in honóre tuo : ástitit regína à dextris tuis in vestítu deauráto, circúmdata varietáte. (Temp. Pasch. additur Allelúia.)

Secreta.

ACCEPTA tibi sit, Dómine, sacratæ plebis oblátio pro tuórum honóre Sanctórum : quorum se méritis de tribulatióne percepisse cognóscit auxílium. Per, etc.

Communio. Matth. 25. Quinque prudéntes vírgines accepérunt óleum in vasis suis cum lampádibus : média autem nocte clamor factus est : Ecce sponsus venit, exíte óbviam Christo Dómino. (Temp. Pasch. additur Allelúia.)

Postcommunio.

SATIASTI, Dómine, familiam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dóminum, etc.

DE EODEM COMMUNI ALIA MISSA.

Introitus. Ps. 44.

VULTUM tuum deprecabúntur omnes dívites plebis : adducéntur Regi vírgines post eam :

proximæ ejus adducéntur tibi in lætítia et exultatióne. (*Tempore Pasch. additur Allelúia, allelúia.*)

Ps. ibid. Eructávit cor meum verbum bonum : dico ego ópera mea Regi.

V. Glória Patri, etc.

Oratio.

EXAUDI nos, Deus salutáris noster, ut sicut de beatæ *N.* Vírginis tuæ festivitáte gaudémus, ita piæ devotiónis erudiámur affectu. Per Dóminum, etc.

Léctio Epístolæ beáti Pauli Apóstoli ad Corínthios. 1 *Cor. 7.*

FRATRES, De virgínibus præceptum Dómini non hábeo ; consílium autem do, tamquam misericórdiam consecútus à Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri ? noli quærere solutióne. Solútus es ab uxóre ? noli quærere uxórem. Si autem accéperis uxórem, non peccásti. Et si núpserit virgo, non peccávit : tribulatióne tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : reliquum est, ut et qui habent uxóres, tamquam non habéntes sint : et qui flent, tamquam non flentes : et qui gaudent, tamquam non gaudéntes : et qui emunt, tamquam non possidéntes : et qui utúntur hoc mundo, tamquam non utántur : præterit enim figúra hujus mundi. Volo autem vos sine sollicitúde esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divisus est. Et múlter innúpta, et virgo cógitat quæ Dómini sunt, ut sit sancta

córpore et spíritu, in Christo Jesu Dómino nostro.

Graduale. Ps. 44. Concupívit Rex decórem tuum, quóniam ipse est Dóminus Deus tuus.

Ÿ. Audi, filia, et vide, et inclína aurem tuam.

Allelúia, allelúia. Ÿ. Hæc est virgo sápiens, et una de número prudéntum. Allelúia.

Post Septuagesimam, omissis Allelúia et Versu sequenti, dicitur

Tractus. Ibid. Audi, filia, et vide, et inclína aurem tuam: quia concupívit Rex spéciem tuam.

Ÿ. Vultum tuum deprecabúntur omnes divites plebis: filiæ regum in honóre tuo.

Ÿ. Adducéntur Regi vírgines post eam: próximæ ejus afferéntur tibi.

Ÿ. Afferéntur in lætítia et exultatióne: adducéntur in templum Regis.

Tempore Paschali omittitur Graduale, et ejus loco dicitur

Allelúia, allelúia. Ÿ. Hæc est virgo sápiens, et una de número prudéntum. Allelúia.

Ÿ. Sap. 4. O quàm pulchra est casta generatio cum claritáte! Allelúia.

Sequéntia sancti Evangélíi secúndum Matthæum. *Matth. 13.*

IN illo témpore: Dixit Jesus discípulis suis parábolam hanc: Símile est regnum cœlórum thesaúro abscondito in agro: quem qui ínvenit homo, abscondit, et præ gáudio illíus vadit, et vendit universa quæ habet, et emit agrum illum. Iterum símile est regnum cœlórum hómini negotiátóri, quærénti bonas margarítas: invénta autem una pretiósá margaríta, ábiit,

et vëndidit ómnia quæ hábuit et emit eam. Iterum símile est regnum cœlórum sagénæ missæ in mare, et ex omni gènere píscium congregánti: quam, cum impléta esset, educéntes, et secus littus sedéntes, elegérunt bonos in vasa, malos autem foràs misérunt. Sic erit in consummatione sæculi: exíbunt Angeli, et separábunt malos de médio justórum, et mittent eos in camínium ignis: ibi erit fletus et stridor déntium. Intellexístis hæc ómnia? Dicunt ei: Etiam. Ait illis: Ideò omnis scribe doctus in regno cœlórum, símilis est hómini patrifamílias, qui profert de thesaúro suo nova et vétera.

Offertorium. Ps. 44. Afferéntur Regi vírgines post eam: próximæ ejus afferéntur tibi in lætítia et exultatióne: adducéntur in templum Regi Dómino. (*Temp. Pasch. additur Allelúia.*)

Secreta.

ACCEPTA tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per, etc.

Communio. Matth. 13. Símile est regnum cœlórum hómini negotiátóri, quærénti bonas margarítas: invénta autem una pretiósá margaríta, dedit ómnia sua, et comparávit eam. (*Temp. Pasch. additur Allelúia.*)

Postcommunio.

SATIASTI, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum, etc.

COMMUNE NON VIRGINUM.

PRO UNA MARTYRE NON VIRGINE.

Introitus. Ps. 118.

ME expectavérunt peccatóres, ut pérderent me : testimónia tua, Dómine, intelléxi : omnis consummationis vidi finem : latum mandátum tuum nimis. (*Temp. Pasch. additur Allelúia, allelúia.*)

Ps. ibid. Beáti immaculáti in via, qui ámbulant in lege Dómini.

Ÿ. Glória Patri, et Filio, etc.

Oratio.

DEUS, qui inter cétera poténtiæ tuæ miracula, étiam in sexu fragili victóriam martyrii contulisti : concède propítius, ut qui beátæ *N.* Mártyris tuæ natalítia cólimus, per ejus ad te exémpa gradiámur. Per Dóminum, etc.

*Si fuerint plures.**Oratio.*

DA nobis, quæsumus, Dómine Deus noster, sanctárum Mártyrum tuárum *N.* et *N.* palmas incessábili devotióne venerári : ut quas digna mente non póssumus celebráre, humilibus saltem frequentémus obséquiiis. Per Dóminum, etc.

Lectio libri Sapiéntiæ. Eccl. 51.

CONFITEBOR tibi, Dómine rex, et collaudábo te Deum Salvatórem meum. Confitébor nómini tuo : quóniam adjútor et protéctor factus es mihi, et liberásti corpus meum à perditione, à láqueo linguæ iníquæ, et à lábiis operántium mendácium ; et in conspéctu astántium factus es mihi adjútor. Et liberásti me secúndum multitudinem misericórdiæ nóminis tui à rugiéntibus præparátis ad escam, de mánibus quæréntium ánimam meam, et de portis tribulatiónum quæ

circumdedérunt me ; à pressúra flammæ, quæ circúmdedit me, et in médio ignis non sum æstuáta ; de altitúdine véntris inferi, et à lingua coinquináta, et à verbo mendácii ; à rege iníquo, et à lingua injústa. Laudábit usque ad mortem ánima mea Dóminum, quóniam éruis sustinéntes te, et liberas eos de mánibus géntium, Dómine Deus noster.

Graduale. Ps. 44. Dilexísti justítiam, et odísti iniquitátem.

Ÿ. Proptérea unxit te Deus, Deus tuus, óleo lætitiæ.

Allelúia, allelúia. Ÿ. Spécie tua et pulchritúdine tua inténde, próspere procéde, et regna. Allelúia.

Post Septuagesimam, omissis Allelúia et Versu sequenti, dicitur

Tractus. Veni, sponsa Christi, accipe corónam, quam tibi Dóminus præparávit in ætérnum : pro cuius amóre sánguinem tuum fudísti.

Ÿ. *Ibid.* Dilexísti justítiam, et odísti iniquitátem : proptérea unxit te Deus, Deus tuus, óleo lætitiæ præ consórtibus tuis.

Ÿ. Spécie tua et pulchritúdine tua inténde, próspere procéde, et regna.

Tempore Paschali omittitur Graduale, et ejus loco dicitur

Allelúia, allelúia. Ÿ. *Ibid.* Spécie tua et pulchritúdine tua inténde, próspere procéde, et regna. Allelúia.

Ÿ. Propter veritátem, et mansuetúdinem, et justítiam : et dedúcet te mirabíliter dextera tua. Allelúia.

Sequéntia sancti Evangélíi secúndum Matthæum. Matth. 13.

IN illo témpore : Dixit Jesus discípulis suis parábolam hanc :

Símile est regnum cœlórum thesáuro abscondito in agro ; quem qui invenit homo, abscondit, et præ gaudio illius vadit, et vendit universa quæ habet, et emit agrum illum. Iterum símile est regnum cœlórum hómini negotiatóri, quærenti bonas margarítas : inventa autem una pretiósá margaríta, ábiit, et vëndidit ómnia quæ hábuit, et emit eam. Iterum símile est regnum cœlórum sagénæ missæ in mare, et ex omni génere pískium congregánti : quam, cum impléta esset, educéntes, et secus littus sedéntes, elegérunt bonos in vasa, malos autem foràs misérunt. Sic erit in consummatione sæculi ; exhibunt Angeli, et separábunt malos de médio justórum, et mittent eos in camínium ignis : ibi erit fletus, et stridor déntium. Intellexistis hæc ómnia ? Dicunt ei : Etiam. Ait illis : Idedò omnis scribe doctus in regno cœlórum, símilis est hómini patrifámiliis qui profert de thesáuro suo nova et vétéra.

Offertorium. Ps. 44. Diffúsa est grátia in lábiis tuis ; propterea benedíxit te Deus in ætérnum, et in sæculum sæculi. Allelúia. (*Temp. Pasch. additur Allelúia.*)

Secreta.

SUSCIPE, Dómine, múnera quæ in beátæ *N.* Mátyris tuæ solemnitáte deférimus : cujus nos confidimus patrocínio liberári. Per Dóminum, etc.

Si fuerint plures. Secreta.

INLENDE, quæsumus, Dómine, múnera altáribus tuis pro sanctárum Mátyrum tuárum *N.* et *N.* festivitáte propósita : ut sicut per hæc beáta mystéria illis glóriam contulisti, ita nobis indulgéntiam largiáris. Per Dóminum, etc.

Communio. Ps. 118. Príncipes persecúti sunt me grátis, et à verbis tuis formidávit cor meum ; lætabor ego super elóquia tua, quasi qui invénit spólia multa. (*Temp. Pasch. additur Allelúia.*)

Postcommunio.

AUXILIENTUR nobis, Dómine, sumpta mystéria : et intercedente beáta *N.* Mátyre tua, sempitérna fácient protectione gaudere. Per Dóminum, etc.

Si fuerint plures.

Postcommunio.

PRÆSTA nobis, quæsumus, Dómine, intercedéntibus sanctis Mátyribus tuis ; ut quod ore contingimus, pura mente capiámus. Per Dóminum, etc.

PRO NEC VIRGINE, NEC MARTYRE.

Introitus. Ps. 118.

COGNOVI, Dómine, quia æquitas júdicia tua, et in veritáte tua humiliásti me. Confíge timóre tuo carnes meas, à mandátis tuis tímui. (*Temp. Pasch. additur Allelúia, allelúia.*)

Ps. ibid. Beáti immaculáti in via ; qui ámbulant in lege Dómini. *V.* Glória Patri, etc.

Oratio.

EXAUDI nos, Deus salutáris noster : ut sicut de beátæ *N.* festivitáte gaudémus, ita piæ devotiónis erudiámur afféctu. Per, etc.

Léctio libri Sapientíæ. *Prov. 31.*

MULIEREM fortem quis invéniet ? Procul, et de últimis

finibus prætium ejus. Confidit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsi- vit lanam et linum, et operáta est consílio mánuum suárum. Facta est quasi navis institóris, de longè portans panem suum. Et de nocte surréxit, deditque prædam domés- ticis suis, et cibária ancillis suis. Considerávit agrum, et emit eum : de fructu mánuum suárum plantávit véneam. Accínxit fortitúdine lum- bos suos, et roborávit bráchium suum. Gustávit, et vidit quia bona est negotiátio ejus : non ex- tinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruiť inopi, et pal- mas suas exténdit ad páuperem. Non timébit dómui suæ à frigóribus nivis : omnes enim doméstici ejus vestíti sunt duplicibus. Stragulá- tam vestem fecit sibi : byssus et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cingulum trá- didit Chananæo. Fortitúdo et de- cor indumentum ejus, et ridébit in die novíssimo. Os suum apéruiť sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt ; vir ejus, et laudávit eam. Multæ filiæ congre- gavérunt divítias : tu supergréssa es univérzas. Fallax grátia, et vana est pulchritúdo : múlíer timens Dó- minum, ipsa laudábitur. Date ei de fructu mánuum suárum : et lau- dent eam in portis ópera ejus.

Graduale. Ps. 44. Diffúsa est grátia in lábiis tuis : proptérea be- nedíxit te Deus in ætérnum.

Ÿ. Propter veritátem, et mansue-

túdinem, et justítiam : et dedúcet te mirabíliter dextera tua.

Allelúia, allelúia. Ÿ. Spécie tua et pulchritúdine tua inténde, prósperè procéde, et regna. Alle- lúia.

Post Septuagesimam, omissis Alle- lúia et Versu sequenti, dicitur

Tractus. Veni, sponsa Christi, áccipe corónam, quam tibi Dóminus præparávit in ætérnum.

Ÿ. *Ibid.* Dilexisti justítiam, et odísti iniquitátem ; proptérea unxit te Deus, Deus tuus, óleo lætítiæ præ consórtibus tuis.

Ÿ. Spécie tua et pulchritúdine tua inténde, prósperè procéde, et regna.

Tempore Paschali omittitur Gra- duale, et ejus loco dicitur

Allelúia, allelúia. Ÿ. Spécie tua et pulchritúdine tua inténde, prós- perè procéde, et regna.

Allelúia. Ÿ. Propter veritátem, et mansuetúdinem, et justítiam : et dedúcet te mirabíliter dextera tua. Allelúia.

Sequéntia sancti Evangélíi secún- dum Matthæum. *Matth. 13.*

IN illo témpore : Dixit Jesus discíplis suis parábolam hanc : Símile est regnum cœlórum the- saúro abscondito in agro ; quem qui invenit homo, abscondit, et præ gáudio illíus vadit, et vendit uni- vërza quæ habet, et emit agrum illum. Iterum símile est regnum cœlórum hómini negotiatóri quæ- rénti bonas margarítas : invénta autem una pretíosa margaríta, ábiit, et véndidit ómnia quæ hábuit, et emit eam. Iterum símile est reg- num cœlórum sagénæ missæ in mare, et ex omni génere píscium congregánti : quam, cum impléta

esset, educéntes, et secus littus sedéntes, elegérunt bonos in vasa, malos autem foràs misérunt. Sic erit in consummatione sæculi: exhibunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideò omnis scriba doctus in regno cœlórum, símilis est hómini patrifamilias, qui profert de thesauro suo nova et vétera.

Offertorium. Ps. 44. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi. (*Temp. Pasch. additur Allelúia.*)

Secreta.

ACCEPTA tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatione percepísse cognóscit auxiliúm. Per, etc.

Communio. Ibid. Dilexísti iustitiam, et odísti iniquitatem: proptérea unxit te Deus, Deus tuus, óleo lætitiæ præ consórtibus tuis. (*Temp. Pasch. additur Allelúia.*)

Postcommunio.

SATIASTI, Dómine, fáмилиam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum, etc.

¶ *Item alia Epístola pro Vidua.*

Léctio Epístolæ beáti Pauli Apóstoli ad Timótheum. 1 *Tim. 5.*

CARISSIME, Víduas honóra quæ verè víduæ sunt. Si qua autem vídua filios aut nepótes habet, discat primùm domum suam régere, et mútuam vicem réddere

e*

paréntibus: hoc enim accéptum est coram Deo. Quæ autem verè vídua est, et desoláta, speret in Deum, et instet obsecrationibus et orationibus nocte ac die. Nam quæ in deliciis est, vivens mórtua est. Et hoc præcipe, ut irreprehensibiles sint. Si quis autem suórum, et maxime domesticórum curam non habet; fidem negávit, et est infidéli detérior. Vídua eligátur non minus sexaginta annórum, quæ fúerit unius viri uxor, in opéribus bonis testimónium habens; si filios educávit, si hospitio recépit, si sanctórum pedes lavit, si tribulationem patiéntibus ministrávit, si omne opus bonum subsecúta est.

IN ANNIVERSARIO DEDICATIONIS ECCLESIE.

Introitus. Gen. 28.

TERRIBILIS est locus iste: hic domus Dei est, et porta cœli: et vocábitur aula Dei. (*Temp. Pasch. additur Allelúia, allelúia.*)

Ps. 83. Quàm dilécta tabernacula tua, Dómine virtútum! Concupiscit et déficit ánima mea in átria Dómini.

Ÿ. Glória Patri, et Filio, etc.

Oratio.

DEUS, qui nobis per síngulos annos hujus sancti templi tui consecrationis réparas diem, et sacris semper mystériis repræsentas incólumes: exáudi preces pópuli tui, et præsta, ut quisquis hoc templum beneficia petitúrus ingréditur, cuncta se impetrásse lætétur. Per Dóminum, etc.

Léctio libri Apocalypsis beáti Joánis Apóstoli. *Apoc. 21.*

IN diébus illis: Vidi sanctam civitátem, Jerúsalem novam,

descendentem de cœlo à Deo, paratam sicut sponsam ornâtam viro suo. Et audivi vocem magnam de throno, dicentem : Ecce tabernaculum Dei cum hominibus, et habitabit cum eis. Et ipsi populus ejus erunt, et ipse Deus cum eis erit eorum Deus : et abstergit Deus omnem lacrymam ab oculis eorum : et mors ultra non erit, neque luctus, neque clamor, neque dolor erit ultra, quia prima abiierunt. Et dixit qui sedebat in throno : Ecce nova facio omnia.

Graduale. Locus iste à Deo factus est, inestimabile sacramentum, irreprehensibilis est.

Ÿ. Deus, cui adstat Angelorum chorus, exaudi preces servorum tuorum.

Allelúia, allelúia. Ÿ. Ps. 137. Adorabo ad templum sanctum tuum, et confitebor Nomini tuo. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 124. Qui confidunt in Domino, sicut mons Sion : non commovebitur in ætérnum, qui habitat in Jerúsalem.

Ÿ. Montes in circúitu ejus, et Dominus in circúitu populi sui, ex hoc nunc, et usque in sæculum.

Tempore Paschali omittitur Graduale, et ejus loco dicitur

Allelúia, allelúia. Ÿ. Ps. 137. Adorabo ad templum sanctum tuum, et confitebor Nomini tuo. Allelúia.

Ÿ. Bene fundata est domus Domini supra firmam petram. Allelúia.

Sequéntia sancti Evangélíi secundum Lucam. Luc. 19.

IN illo tēpore : Ingressus Jesus perambulabat Jéricho. Et ecce

vir, nómíne Zachæus : et hic princeps erat Publicanórum, et ipse dives : et quærébat vidére Jesum, quis esset : et non póterat præ turba, quia statúra pusillus erat. Et præcurrens, ascendit in árborem sycomórum ut vidéret eum : quia inde erat transitúrus. Et cum venisset ad locum, suspiciens Jesus vidit illum, et dixit ad eum : Zachæe, festínans descénde : quia hódie in domo tua opórtet me manére. Et festínans descendit, et excépit illum gaudens. Et cum vidérent omnes, murmurábant, dicéntes quòd ad hóminem peccatórem divertisset. Stans autem Zachæus, dixit ad Dóminum : Ecce dimídium bonórum meórum, Dómine, do paupéribus : et si quid áliquem defraudávi, reddo quádruplum. Ait Jesus ad eum : Quia hódie salus dómui huic facta est, eò quòd et ipse filius sit Abrahæ. Venit enim Filius hóminis quærere et salvum fácere quod perierat.

Credo.

Offertorium. 1 Paral. 29. Dómine Deus, in simplicitáte cordis mei lætus óbtuli univérsa : et populum tuum, qui repértus est, vidí cum ingénti gáudio : Deus Israël, custódi hanc voluntátem. Allelúia.

Secreta.

Extra Ecclesiam ipsam dedicatam omittitur tota Parenthesis.

ANNUE, quæsumus, Dómine, precibus nostris : (ut quicumque intra templi hujus, cujus anniversárium dedicatiónis diem celebrámus, ámbitum continémur, plena tibi atque perfécta córporis et ánimæ devotióne placeámus) ut, dum hæc vota præséntia réddimus, ad ætérna præmia, te adjuvánte, pervenire mereámur. Per, etc.

Communio. Matth. 21. Domus mea, domus orationis vocabitur, dicit Dominus : in ea omnis qui petit, accipit ; et qui quaerit, invenit ; et pulsanti aperiatur. (*Temp. Pasch. additur Alleluia.*)

Postcommunio.

DEUS, qui de vivis et electis lapidibus aeternum Majestati tuae praeparas habitaculum : auxiliare populo tuo supplicanti, ut quod Ecclesiae tuae corporalibus proficit spatiis, spiritalibus amplificetur augmentis. Per Dominum, etc.

¶ *Infra Octavam Dedicationis Ecclesiae, et in die Octava dicitur Missa ut supra in die anniversario : sed infra Octavam, secunda Oratio dicitur de B. Maria, tertia Ecclesiae, vel pro Papa, ut supra in Dominica in Albis, fol. 237.*

¶ *In ipsa die Dedicationis Ecclesiae, Missa dicitur ut supra in Anniversario Dedicationis, exceptis Orationibus, quae dicuntur ut sequitur.*

Oratio.

DEUS, qui invisibiliter omnia continet, et tamen pro salute generis humani signa tuae potentiae visibiliter ostendis : Templum hoc potentia tuae inhabitationis illustra ; et concede, ut omnes qui huc deprecaturi conveniunt, ex quacumque tribulatione ad te clamaverint, consolationis tuae beneficia consequantur. Per Dominum, etc.

Secreta.

DEUS, qui sacrandorum tibi auctor es munerum, effunde super hanc orationis domum benedictionem tuam : ut ab omnibus in ea invocantibus Nomen tuum, defensionis tuae auxilium sentiatur. Per Dominum, etc.

Postcommunio.

QUÆSUMUS, omnipotens Deus, ut in hoc loco, quem Nomini tuo indigni dedicavimus, cunctis petentibus aures tuae pietatis accommodes. Per, etc.

¶ *Prædictæ Orationes debent sumi quotiescumque occurrerint plures commemorationes de Anniversario Dedicationis Ecclesiae.*

¶ *In ipsa die Dedicationis Altaris, dicitur Missa ut supra in Anniversario Dedicationis Ecclesiae, præter Orationes, quarum loco dicuntur sequentes.*

Oratio.

DEUS, qui ex omni coaptatione Sanctorum, aeternum tibi condidisti habitaculum : da aedificationi tuae incrementa coelestia ; ut, quorum hic reliquias pio amore complectimur, eorum semper meritis adjuvemur. Per Dominum, etc.

Secreta.

DESCENDAT, quæsumus, Domine Deus noster, Spiritus tuus sanctus super hoc Altare : qui et populi tui dona sanctificet, et summentium corda dignanter emundet. Per Dominum . . . in unitate ejusdem, etc.

Postcommunio.

OMNIPOTENS sempiternus Deus, Altare hoc Nomini tuo dedicatum, coelestis virtutis benedictione sanctifica, et omnibus in te sperantibus auxilii tui munus ostende : ut et hic sacramentorum virtus, et votorum obtineatur effectus. Per Dominum, etc.

¶ *Sequentes Missæ votivæ, licet pro Sacerdotis devotione quacumque die dici possint per hebdomadam, quando*

Festum duplex non occurrit ; hoc tamen passim, nisi rationabili de causa fieri non debet : sed quoad fieri potest, Missa cum Officio conveniat. Cuique autem diei propria Missa potest assignari, ut Feria II., nisi dicatur pro Defunctis, Missa de SS. Trinitate. Feria III. de Angelis. Feria IV. de Apostolis. Feria V. de Spiritu Sancto, vel de SS. Eucharistiæ Sacramento. Feria VI. de Cruce, vel de Passione Domini. Sabbato de S. Maria. In ipsis non dicitur Glória in excelsis, nec Credo, nisi pro publica Ecclesiæ causa : et tunc, etiamsi dicantur in paramentis violaceis, dicitur Credo, si sit Dominica, non autem Glória in excelsis.

In Missa autem B. Mariæ in Sabbato, et in Missa Angelorum, dicitur tantum Glória in excelsis. Tempore Paschali in fine Introitus dicuntur duo Allelúia ; et in fine Offertorii et Communionis additur Allelúia, ubi non habetur.

MISSA DE SS. TRINITATE.

Introitus. Tob. 13.

BENEDICTA sit sancta Trinitas, atque indivisa Unitas : confitébimur ei, quia fecit nobiscum misericórdiam suam. (*Temp. Pasch. additur Allelúia, allelúia.*)

Ps. 8. Dómine, Dóminus noster, quàm admirábile est nomen tuum in univérſa terra !

Ÿ. Glória Patri, etc.

Oratio.

OMNIPOTENS sempitérne Deus, qui dedisti fámulis tuis in confessióne veræ fidéi, æternæ Trinitátis glóriam agnóscere, et in potentia majestátis adoráre Unitátem : quæsumus, ut ejúſdem fidei firmitáte, ab ómnibus semper muniámur advérsis. Per Dóminum, etc.

Léctio Epístolæ beáti Pauli Apóstoli ad Corinthios. 2 Cor. 13.

FRATRES, Gaudéte, perfecti estóte, exhortámini, idem sápite, pacem habéte ; et Deus pacis et dilectiónis erit vobiscum. Grátia Dómini nostri Jesu Christi, et caritas Dei, et comunicatio sancti Spíritus sit cum ómnibus vobis. Amen.

Graduale. Dan. 3. Benedíctus es, Dómine, qui intuéris abyssos, et sedes super Chérubim.

Ÿ. Benedíctus es, Dómine, in firmaménto cœli, et laudábilis in sæcula.

Allelúia, allelúia. Ÿ. Benedíctus es, Dómine, Deus patrum nostrórum, et laudábilis in sæcula. Allelúia.

Post Septuagesimam, omissis Allelúia et Versu sequenti, dicitur

Tractus. Te Deum Patrem ingénitum, te Fílium unigénitum, te Spíritum sanctum Paráclitum, sanctam et indivíduam Trinitátem toto corde confitémur, laudámus, atque benedicimus.

Ÿ. Quóniam magnus es tu, et fáciens mirábília : tu es Deus solus.

Ÿ. Tibi laus, tibi glória, tibi gratiárum áctio in sæcula sempitérna, ô beáta Trinitas !

Tempore Paschali omittitur Graduale, et ejus loco dicitur

Allelúia, allelúia. Ÿ. Dan. 3. Benedíctus es, Dómine, Deus patrum nostrórum, et laudábilis in sæcula. Allelúia.

Ÿ. Benedicámus Patrem, et Fílium, cum sancto Spíritu. Allelúia.

Sequéntia sancti Evangélíi secundum Joánnem. Joann. 15.

IN illo témpore : Dixit Jesus discipulis suis : Cum vénerit Pará-

clitus, quem ego mittam vobis à Patre, Spíritum veritátis, qui à Patre procedit, ille testimónium perhibébit de me : et vos testimónium perhibébitis, quia ab iníto mecum estis. Hæc locútus sum vobis, ut non scandalizémini. Absque synagógis fácient vos : sed venit hora, ut omnis qui interficit vos, arbitrétur obséquium se præstare Deo. Et hæc fácient vobis, quia non novérunt Patrem, neque me. Sed hæc locútus sum vobis, ut cum vénerit hora eórum, reminiscámini quia ego dixi vobis.

Offertorium. Tob. 12. Benedictus sit Deus Pater, unigenítusque Dei Filius, sanctus quoque Spíritus : quia fecit nobiscum misericórdiam suam. (*Temp. Pasch. additur Allelúia.*)

Secreta.

SANCTIFICA, quæsumus, Dómine Deus noster, per tui sancti Nóminis invocatióem, hujus oblatiόνis hóstiam : et per eam nosmetípsos tibi pérfice munus ætérnum. Per Dóminum, etc.

Præfatio de SS. Trinitate, fol. 208.

Communio. Tob. 12. Benedicimus Deum cœli, et coram ómnibus vivéntibus confitébimur ei : quia fecit nobiscum misericórdiam suam. (*Temp. Pasch. additur Allelúia.*)

Postcommunio.

PROFICIAT nobis ad salútem córporis et ánimæ, Dómine Deus noster, hujus sacraménti susceptiό : et sempitérnæ sanctæ Trinitátis, ejusdémque individuæ Unitátis conféssio. Per, etc.

PRO GRATIARUM ACTIONE.

Dicitur Missa de SS. Trinitate, vel de Spiritu sancto, vel de B. Maria, additis sequent. Orationibus sub una conclusione.

Oratio.

DEUS, cujus misericórdiæ non est número, et bonitátis infinitus est thesáurus : piíssimæ Majestáti tuæ pro collátis donis grátias ágimus, tuam semper cleméntiam exorántes ; ut, qui peténtibus postuláta concédís, eósdem non déserens, ad præmia futúra dispónas. Per Dóminum, etc.

Secreta.

ODOREM, Dómine, sacrificií hujus cum gratiárum actiόνibus súscipe, et præsta : ut, quos exaudíre, et incólumes serváre dignátus es, ab omni in pósterum adversitáte custódiás, et in tuo servítio et amóre concreócant. Per, etc.

Postcommunio.

DEUS, qui néminem in te sperántem nímiùm affligi permíttis, sed pium précibus præstas auditum : pro postulatióibus nostris, votisque susceptis grátias ágimus, te piíssimè deprecántes, ut per hæc quæ sumpsimus, à cunctis éripi mereámur advérsis. Per, etc.

MISSA DE ANGELIS.

Introitus. Ps. 102.

BENEDICITE Dóminum, omnes Angeli ejus, poténtes virtúte, qui fáctis verbum ejus, ad audiéndam vocem sermónum ejus. (*Temp. Pasch. additur Allelúia, allelúia.*)

Ps. ibid. Bénedic, ánima mea,

Dómino : et ómnia quæ intra me sunt, Nómini sancto ejus.

Ÿ. Glória Patri, etc.

Oratio.

DEUS, qui miro órdine Angelórum ministéria, hominúmque dispénsas : concéde propítius, ut à quibus tibi ministrántibus in cælo semper assístitur, ab his in terra vita nostra muniátur. Per, etc.

Léctio libri Apocalypsis beáti Joánnis Apóstoli. *Apoc. 5.*

IN diébus illis : Audívi vocem Angelórum multórum in circúitu throni, et animálium, et seniórurum : et erat númerus eórum millia millium, dicéntium voce magna : Dignus est Agnus, qui occísus est, accipere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. Et omnem creatúram, quæ in cælo est, et super terram, et sub terra, et quæ sunt in mari, et quæ in eo, omnes audívi dicéntes : Sedénti in throno, et Agno, benedictio, et honor, et glória, et potéstas in sæcula sæculórum. Et quátuor animália dicébant : Amen. Et vigintiquátuor senióres cecidérunt in fácies suas : et adoravérunt Vivéntem in sæcula sæculórum.

Graduale. Ps. 148. Laudáte Dóminum de cœlis : laudáte eum in excélsis.

Ÿ. Laudáte eum, omnes Angeli ejus : laudáte eum, omnes Virtútes ejus.

Allelúia, allelúia. Ÿ. *Ps. 137.* In conspéctu Angelórum psallam tibi : adorábo ad templum sanctum tuum, et confitébor Nómini tuo. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 102. Benedícite Dóminum, omnes Angeli ejus, poténtes virtúte, qui fácit verbum ejus.

Ÿ. Benedícite Dómino, omnes Virtútes ejus, ministri ejus, qui fáciť voluntátem ejus.

Ÿ. Benedícite Dómino, ómnia ópera ejus : in omni loco dominatiónis ejus, bédedic, ánima mea, Dómino,

Tempore Paschali omittitur Graduale, et ejus loco dicitur

Allelúia, allelúia. Ÿ. *Ps. 137.* In conspéctu Angelórum psallam tibi : adorábo ad templum sanctum tuum, et confitébor Nómini tuo.

Allelúia. Ÿ. *Matth. 28.* Angelus Dómini descendit de cælo, et accédens revólvit lápidem, et sedébat super eum. Allelúia.

Sequéntia sancti Evangélíi secúndum Joánnem. *Joann. 1.*

IN illo témpore : Vidit Jesus Nathánaël veniéntem ad se, et dicit de eo : Ecce verè Israelíta, in quo dolus non est. Dicit ei Nathánaël : Unde me nosti ? Respóndit Jesus, et dixit ei : Priúsqvam te Philíppus vocáret, cum esses sub ficu, vidi te. Respóndit ei Nathánaël, et ait : Rabbi, tu es Fílius Dei, tu es Rex Israël. Respóndit Jesus, et dixit ei : Quia dixi tibi : Vidi te sub ficu, credis : majus his vidébis. Et dicit ei : Amen, amen dico vobis, vidébitis cælum apértum, et Angelos Dei ascendéntes, et descendéntes supra Fílium hóminis.

Offertorium. Apocal. 8. Stetit Angelus juxta aram templi, habens thuríbulum áureum in manu sua : et data sunt ei incénsa multa, et ascéndit fumus arómatum in conspéctu Dei. (*Temp. Pasch. additur Allelúia.*)

Secreta.

HOSTIAS tibi, Dómine, laudis offerimus, suppliciter deprecantes, ut eádem, Angélico pro nobis interveniente suffragio, et placatus accípias, et ad salutem nostram provenire concédas. Per, etc.

Communio. Angeli, Archángeli, Throni et Dominationes, Principatus, et Potestates, Virtutes cælorum, Chérubim, atque Séraphim, Dóminum benedicite in ætérnum. (*Temp. Pasch. additur Allelúia.*)

Postcommunio.

REPLETI, Dómine, benedictione cælesti, suppliciter imploramus, ut quod frágili celebramus officio, Sanctórum Angelórum, atque Archangelórum nobis prodésse sentiámus auxilio. Per, etc.

¶ *Alia Missa votiva de S. Michael Archangelo dici potest, prout in ejus dedicatione, die xxix. Septembris.*

MISSA DE SANCTIS APOSTOLIS PETRO ET PAULO.

Introitus. Ps. 138.

MIHI autem nimis honorati sunt amici tui, Deus; nimis confortatus est principatus eórum. (*Temp. Pasch. additur Allelúia, allelúia.*)

Ps. ibid. Dómine, probasti me et cognovisti me: tu cognovisti sessionem meam et resurrectionem meam.

Ÿ. Glória Patri, etc.

Oratio.

DEUS, cujus dextera beátum Petrum ambulátem in fluctibus, ne mergeretur, erexit; et coapóstolum ejus Paulum tertio

naufragántem, de profúndo pélagi liberávit: exáudi nos propítius, et concéde, ut ambórum méritis æternitátis glóriam consequámur. Qui vivis, et regnas, etc.

Lectio Actuum Apostolorum.

Act. 5.

IN diébus illis: Per manus Apostolorum fiébant signa et prodigia multa in plebe. Et erant unanimiter omnes in pórticu Salomónis. Cæterórum autem nemo audébat se conjúgere illis: sed magnificábat eos pópulus. Magis autem augebátur credéntium in Dómino multitúdo virórum, ac mulierum; ita ut in platéas ejicerent infirmos, et pónerent in léctulis ac grabátis, ut, veniente Petro, saltem umbra illius obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos à spirítibus immúndis: qui curabántur omnes.

Graduale. Ps. 44. Constitues eos príncipes super omnem terram: mémoires erunt nóminis tui, Dómine.

Ÿ. Pro pátribus tuis nati sunt tibi filii: proptérea pópuli confitebúntur tibi.

Allelúia, allelúia. Ÿ. *Ps. 138.* Nimis honorati sunt amici tui, Deus: nimis confortatus est principatus eórum. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 125. Qui sémi-
nant in lácrymis in gáudio metent.

Ÿ. Eúntes ibant et flebant, mit-
téntes sémina sua.

Ÿ. Veniéntes autem vénient cum
exultatióne, portántes manípulos
suos.

Sequéntia sancti Evangélíi secúndum Matthæum. *Matth. 19.*

IN illo témpore : Dixit Petrus ad Jesum : Ecce nos reliquimus ómnia, et secúti sumus té : quid ergo erit nobis ? Jesus autem dixit illis : Amen dico vobis, quòd vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípíet, et vitam ætérnam possidébit.

Offertorium. Ps. 18. In omnem terram exívit sonus eórum : et in fines orbis terræ verba eórum. (Temp. Pasch. additur Allelúia.)

Secreta.

OFFERIMUS tibi, Dómine, preces et múnera : quæ, ut tuo sint digna conspéctu, Apostolórum tuórum Petri et Pauli précibus adjuvémur. Per, etc.

Præfatio de Apostolis, fol. 209.

Communio. Matth. 19. Vos, qui secúti estis me, sedébitis super sedes, judicántes duódecim tribus Israël. (Temp. Pasch. additur Allelúia.)

Postcommunio.

PROTEGE, Dómine, pópulum tuum, et Apostolórum tuórum Petri et Pauli patrocínio confidéntem, perpétua defénsiône consérva. Per Dóminum, etc.

Tempore Paschali dicitur Missa, ut in festo S. Marci, die xxv. Aprilis : præter Orationes, Epistolam, et Evangelium, quæ dicuntur ut supra.

MISSA DE SPIRITU SANCTO.

Introitus. Sap. 1.

SPIRITUS Dómini replévit orbem terrarum : et hoc quod contémnet ómnia, sciéntiam habet vocis. (*Temp. Pasch. additur Allelúia, allelúia.*)

Ps. 67. Exúrgat Deus, et dissipéntur inimíci ejus : et fúgiant qui odérunt eum, à fácie ejus.

V. Glória Patri, et Filio, etc.

Oratio.

DEUS, qui corda fidélium sancti Spíritus illustratióne docuísti : da nobis in eódem Spíritu recta sápere, et de ejus semper consolatióne gaudére. Per Dóminum nostrum in unitáte ejúsdem, etc.

Lectio Actuum Apostolórum.

Act. 8.

IN diébus illis : Cum audissent Apóstoli, qui erant Jerosólymis, quòd recepisset Samaría verbum Dei, misérunt ad eos Petrum et Joánnem. Qui cum venissent, oravérunt pro ipsis, ut accíperent Spíritum sanctum : nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum sanctum.

Graduale. Ps. 32. Beáta gens cujus est Dóminus Deus eórum ; pópulus, quem elégit Dóminus in hæreditátem sibi.

V. Verbo Dómini cœli firmáti sunt : et spíritu oris ejus omnis virtus eórum.

Allelúia, allelúia. Hic genu flectitur. V. Veni, sancte Spíritus, reple tuórum corda fidélium, et tui amoris in eis ignem accénde. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 103. Emítte Spíritum tuum, et creabúntur: et renovábis fáciem terræ.

Ÿ. O quàm bonus et suávis est, Dómine, Spíritus tuus in nobis!

Hic genu flectitur. Ÿ. Veni, sancte Spíritus, reple tuórum corda fidélium, et tui amóris in eis ignem accénde.

Tempore Paschali omittitur Graduale, et ejus loco dicitur

Allelúia, allelúia. Ÿ. Ps. 103. Emítte Spíritum tuum, et creabúntur: et renovábis fáciem terræ. Allelúia.

Hic genu flectitur. Ÿ. Veni, sancte Spíritus, reple tuórum corda fidélium, et tui amóris in eis ignem accénde. Allelúia.

Sequéntia sancti Evangélíi secundum Joánnem. Joann. 14.

IN illo témpore: Dixit Jesus discipulis suis: Si quis diligit me, sermónem meum servábit, et Pater meus diligit eum, et ad eum veniémus, et mansiónem apud eum faciémus. Qui non diligit me, sermones meos non servat. Et sermónem quem audístis, non est meus; sed ejus qui misit me, Patris. Hæc locútus sum vobis, apud vos manens. Paráclitus autem Spíritus sanctus, quem mittet Pater in nómine meo, ille vos docébit ómnia, et sùggeret vobis ómnia quæcúmque dixeró vobis. Pacem relinquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formidet. Audístis quia ego dixi vobis: Vado, et vénio ad vos. Si diligerétis me, gauderétis útique, quia vado ad Patrem: quia Pater

*f**

major me est. Et nunc dixi vobis priúsqvam fiat: ut, cum factum fúerit, credátis. Jam non multa loquar vobíscum. Venit enim princeps mundi hujus, et in me non habet quidquam. Sed ut cognóscat mundus quia diligo Patrem, et sicut mandátum dedit mihi Pater, sic fácio.

Offertorium. Ps. 67. Confirma hoc, Deus, quod operátus es in nobis: à templo tuo, quod est in Jerúsalem, tibi ófferent reges múnera. (Temp. Pasch. additur Allelúia.)

Secreta.

MUNERA, quæsumus, Dómine, obláta sanctifica; et corda nostra sancti Spíritus illustratióne emúnda. Per Dóminum nostrum . . . in unitáte ejúsdem, etc.

Præfatio. Qui ascéndens, etc., fol. 207.

Communio. Act. 2. Factus est repéntè de cœlo sonus tamquam adveniéntis spíritus veheméntis, ubi erant sedéntes, et repléti sunt omnes Spíritu sancto, loquéntes magnália Dei. (Temp. Pasch. additur Allelúia.)

Postcommunio.

SANCTI Spíritus, Dómine, corda nostra mundet infúsió, et sui roris íntima aspersione fœcúndet. Per Dóminum nostrum . . . in unitáte ejúsdem, etc.

Ad postulandam gratiam Spiritus sancti, dicitur Missa, ut supra, cum sequentibus Orationibus.

Oratio.

DEUS, cui omne cor patet, et omnis volúntas lóquitur, et quem nullum latet secrétum: purifica per infusiónem sancti Spíritus cogitatiónes cordis nostri; ut te

perfectè diligere, et dignè laudare mereámur. Per Dóminum nostrum . . . in unitate ejúsdem, etc.

Secreta.

HÆC oblátio, quæsumus, Dómine, cordis nostri máculas emúndet, ut sancti Spíritus digna efficiátur habitátio. Per Dóminum nostrum . . . in unitate ejúsdem, etc.

Postcommunio.

CONCEDE, quæsumus, omnipotens Deus, sanctum nos Spíritum votis promeréri sédulis : quatenus ejus grátia et ab ómnibus liberémur tentatiónibus, et peccatórum nostrórum indulgéntiam percípere mereámur. Per Dóminum . . . in unitate ejúsdem, etc.

MISSA DE SANCTISSIMO EUCHARISTIÆ SACRAMENTO.

Introitus. Ps. 80.

CIBAVIT eos ex ádipe fruménti : et de petra, melle saturávit eos. (*Temp. Pasch. additur Allelúia, allelúia.*)

Ps. ibid. Exultáte Deo-adjutóri nostro : jubiláte Deo Jacob.

V. Glória Patri, et Fílio, etc.

Oratio.

DEUS, qui nobis sub Sacraménto mirábili, Passiónis tuæ memóriam reliquisti : tribue, quæsumus, ita nos Córporis et Sanguinis tui sacra mystéria venerári, ut redemptionis tuæ fructum in nobis júgiter sentiámus. Qui vivis, etc.

Léctio Epístolæ beáti Pauli Apóstoli ad Corínthios. 1 *Cor.* 11.

FRATRES, Ego enim accépi à Dómino quod et trádidi vobis ;

quóniam Dóminus Jesus, in qua nocte tradebátur, accépit panem, et grátias agens fregit, et dixit : Accípите, et manducáte : Hoc est corpus meum, quod pro vobis tradétur : hoc fácite in meam commemoratió-nem. Simíliter et cálicem, postquam cœnávít, dicens : Hic calix novum testaméntum est in meo ságuine : hoc fácite, quotiescúm-que bibétis, in meam commemora-tiónem. Quotiescúmque enim manducábítis panem hunc, et cálicem bibétis, mortem Dómini annuntiábítis donec véniat. Itaque quicúm-que manducáverit panem hunc, vel biberit cálicem Dómini indígne, reus erit córporis et ságuinis Dómini. Probet autem seípsum homo : et sic de pane illo edat, et de cálice bibat. Qui enim mandúcat et bibit indígne, júdicium sibi mandúcat et bibit, non dijúdicans corpus Dómini.

Graduale. Ps. 144. Oculi ómnium in te sperant, Dómine : et tu das illis escam in témpore oppor-túno.

V. Aperis tu manum tuam, et imples omne ánimál benedictióne.

Allelúia, allelúia. *V.* *Joann.* 6. Caro mea verè est cibus, et sanguis meus verè est potus : qui mandúcat meam carnem et bibit meum sán-guinem, in me manet, et ego in eo. Allelúia.

Post Septuagesimam, omissis Allelúia et Versu sequenti, dicitur

Tractus. Malach. 1. Ab ortu solis usque ad occásum magnum est nomen meum in Géntibus.

V. Et in omni loco sacrificátur, et offértur nómini meo oblátio munda : quia magnum est nomen meum in Géntibus.

V. *Prov.* 9. Veníte, comédite panem meum : et bíbite vinum quod míscui vobis.

Tempore Paschali omittitur Graduale, et ejus loco dicitur

Allelúia, allelúia. *Ÿ. Luc. 24.* Cognoverunt discipuli Dóminum Jesum in fractiōne panis.

Allelúia. *Ÿ. Joann. 6.* Caro mea verè est cibus, et sanguis meus verè est potus: qui manducat meam carnem, et bibit meum sanguínem, in me manet, et ego in eo. Allelúia.

Sequéntia sancti Evangélíi secundum Joánnem. *Joann. 6.*

IN illo témpore: Dixit Jesus turbis Judæórum: Caro mea verè est cibus, et sanguíis meus verè est potus. Qui manducat meam carnem et bibit meum sanguínem, in me manet, et ego in illo. Sicut misit me vivens Pater, et ego vivo propter Patrem: et qui manducat me, et ipse vivet propter me. Hic est panis, qui de cælo descendit. Non sicut manducaverunt patres vestri manna, et mórtui sunt. Qui manducat hunc panem, vivet in ætérnum.

Offertorium. Levit. 21. Sacerdótes Dómini incénsu et panes offerunt Deo: et idéò sancti erunt Deo suo, et non pólluent Nomen ejus. (*Temp. Pasch. additur Allelúia.*)

Secreta.

ECCLESIAE tuæ, quæsumus, Dómine, unitátis et pacis propítius dona concède, quæ sub oblátis munéríbus mystice designántur. Per Dóminum, etc.

Præfatio de Nativitate Domini, fol. 203.

Communio. 1 Corinth. 11. Quotiescúmque manducábitis panem hunc, et cálicem bibétis, mortem

Dómini annuntiábitis donec véniat: itaque quicúmque manducáverit panem, vel biberit cálicem Dómini indígne, reus erit córporis et sanguinis Dómini. (*Temp. Pasch. additur Allelúia.*)

Postcommunio.

FAC nos, quæsumus, Dómine, divinitátis tuæ sempitérna fructiōne repléri, quam pretiósí Córpóris et Sanguinis tui temporális percéptio præfigúrat. Qui vivis et regnas, etc.

MISSA DE S. CRUCE.

Introitus. Galat. 6.

NOS autem gloriári opórtet in Cruce Dómini nostri Jesu Christi: in quo est salus, vita, et resurréctio nostra; per quem salváti et liberáti sumus. (*Temp. Pasch. additur Allelúia, allelúia.*)

Ps. 66. Deus misereátur nostri, et benedicat nobis: illúminet vul-tum suum super nos, et misereátur nostri.

Ÿ. Glória Patri, et Fílio, etc.

Oratio.

DEUS, qui Unigéniti Fílii tui pretiósó Sanguine vivíficæ Crucis vexíllum sanctificáre voluísti: concède, quæsumus, eos qui ejúsdem sanctæ Crucis gaudent honóre, tua quoque ubíque protectiōne gaudére. Per eúmdem Dóminum, etc.

Léctio Epístolæ beáti Pauli Apóstoli ad Philippénses.

Philipp. 2.

FRATRES, Christus factus est pro nobis obédiens usque ad mortem, mortem autem Crucis. Propter quod et Deus exaltávit

illum, et donávit illi nomen quod est super omne nomen : (*Hic genu flectitur*) ut in nómine Jesu omne genu flectátur cœlestium, terréstrium, et infernórum ; et omnis lingua confiteátur, quia Dóminus Jesus Christus in glória est Dei Patris.

Graduale. Ibid. Christus factus est pro nobis obédiens usque ad mortem, mortem autem Crucis.

Ÿ. Propter quod et Deus exaltávit illum, et dedit illi nomen quod est super omne nomen.

Allelúia, allelúia. Ÿ. Dulce lignum, dulces clavos, dúlcia ferens póndera : quæ sola fuísti digna sustinére Regem cœlórum, et Dóminum. Allelúia.

Post Septuagesimam, omissis Allelúia et Versu sequenti, dicitur

Tractus. Adorámus te, Christe, et benedicimus tibi : quia per Crucem tuam redemísti mundum.

Ÿ. Tuam Crucem adorámus, Dómine, tuam gloriósam recólimus Passiónem : miserére nostri, qui passus es pro nobis.

Ÿ. O Crux benedícta, quæ sola fuísti digna portáre Regem cœlórum, et Dóminum.

Tempore Paschali omittitur Graduale, et ejus loco dicitur

Allelúia, allelúia. Ÿ. Ps. 95. Dícite in géntibus, quia Dóminus regnávit à ligno. Allelúia.

Ÿ. Dulce lignum, dulces clavos, dúlcia ferens póndera : quæ sola fuísti digna sustinére Regem cœlórum, et Dóminum. Allelúia.

Sequéntia sancti Evangélíi secúndum Matthæum. *Matth. 20.*

IN illo témpore : Assúmpsit Jesus duódecim discípulos secrétò, et ait illis: Ecce ascéndimus Jerosólymam, et Fílius hóminis tradétur

príncipibus Sacerdótum et Scribis : et condemnábunt eum morte, et tradent eum géntibus ad illudéndum, et flagellándum, et crucifigéndum : et tertia die resúrget.

Offertorium. Prótege, Dómine, plebem tuam per signum sanctæ Crucis, ab ómnibus insidiis inimicórum ómnium : ut tibi gratam exhibeamus servitútem, et acceptábile fiat sacrificium nostrum. (*Temp. Pasch. additur Allelúia.*)

Secreta.

HÆC oblátio, Dómine, quæsumus, ab ómnibus nos purget offénsis, quæ in ara Crucis étiam totíus mundi tulit offénsam. Per eúmdem Dóminum, etc.

Præfatio de Cruce, fol. 205.

Communio. Per signum Crucis de inimícis nostris libera nos, Deus noster. (*Temp. Pasch. additur Allelúia.*)

Postcommunio.

ADESTO nobis, Dómine Deus noster: et, quos sanctæ Crucis lætári facis honóre, ejus quoque perpétuis defénde subsidíis. Per Dóminum, etc.

¶ *Tempore Paschali, loco primæ Orationis, dicitur sequens*

Oratio.

DEUS qui pro nobis Fílium tuum Crucis patíbulum subíre voluísti, ut inimíci à nobis expélles potestátem : concéde nobis fámulis tuis, ut resurrectionis grátiam consequámur. Per eúmdem, etc.

MISSA DE PASSIONE DOMINI NOSTRI JESU CHRISTI.

Introitus. Philipp. 2.

HUMILIAVIT semetipsum Dominus Jesus Christus usque ad mortem, mortem autem Crucis : propter quod et Deus exaltavit illum, et donavit illi nomen quod est super omne nomen. (*Temp. Pasch. dicitur Allelúia, allelúia.*)

Ps. 88. Misericórdias Domini in ætérnum cantábo : in generatióem et generatióem.

V. Glória Patri, etc.

Oratio.

DOMINE Jesu Christe, qui de cœlis ad terram de sinu Patris descendisti, et Sanguinem tuum pretiósium in remissióem peccatorum nostrórum fudisti : te humiliter deprecámur, ut in die judicii ad dexteram tuam audire mereámur : Veníte, benedicti. Qui vivis, etc.

Lectio Zachariæ Prophætæ.

Zach. 12 et 13.

HÆC dicit Dominus : Effúdam super domum David, et super habitatóres Jerúsalem spiritum grátiae et precum : et aspicient ad me, quem confixerunt : et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, et dicétur : Quid sunt plagæ istæ in médio mánuum tuárum ? Et dicet : His plagátus sum in domo eórum qui diligébant me. Frámea suscitáre super pastórem meum, et super írum cohæréntem mihi, dicit Dominus exercituum : pécute pastórem, et dispergéntur oves : ait Dominus omnipotens.

Graduale. Ps. 68. Improperium

expectávit cor meum, et misériam : et sustinui qui simul mecum contristarétur, et non fuit : consolántem me quæsi, et non invéni.

V. Dedérunt in escam meam fel, et in siti mea potavérunt me aceto.

Allelúia, allelúia. *V.* Ave Rex noster : tu solus nostros es miserátus erróres : Patri obédiens, ductus es ad crucifigéndum, ut agnus mansuétus ad occisióem. Allelúia.

Post Septuagesimam, omissis Allelúia et Versu sequenti, dicitur

Tractus. Isa. 53. Verè languóres nostros ipse tulit, et dolóres nostros ipse portávit.

V. Et nos putávimus eum quasi leprósum, et percússum à Deo, et humiliátum.

V. Ipse autem vulnerátus est propter iniquitátes nostras, attrítus est propter scélera nostra.

V. Disciplina pacis nostræ super eum : et livóre ejus sanáti sumus.

Tempore Paschali omittitur Graduale, et ejus loco dicitur

Allelúia, allelúia. *V.* Ave, Rex noster : tu solus nostros es miserátus erróres : Patri obédiens, ductus es ad crucifigéndum, ut agnus mansuétus ad occisióem.

Allelúia. *V.* Tibi glória, Hosánna : tibi triúmphus et victória : tibi summæ laudis et honóris coróna. Allelúia.

Sequéntia sancti Evangélíi secundum Joánnem. *Joann. 19.*

IN illo témpore : Sciens Jesus quia ómnia consummáta sunt, ut consummarétur Scriptúra, dixit : Sitio. Vas ergo erat pósito aceto plenum. Illi autem spóngiam plenam aceto, hyssópo circumponéntes, obtulérunt ori ejus. Cum ergo accepisset Jesus acétum, dixit : Consummátum est. Et inclináto

cápite trádedit spíritum. Judæi ergò, (quóniam Parascève erat) ut non remanérent in cruce córpora Sábbato, (erat enim magnus dies ille Sábbati) rogavérunt Pilátum ut frangeréntur eórum crura, et tolleréntur. Venérunt ergo mílites : et primi quidem fregérunt crura, et altérius qui crucifíxus est cum eo. Ad Jesum autem cum veníssent, ut vidérunt eum jam mórtuum, non fregérunt ejus crura : sed unus mílitum láncea latus ejus apérui, et continud exívit sanguis et aqua. Et qui vidit, testimónium perhíbuit : et verum est testimónium ejus.

Offertorium. Insurrexérunt in me viri iníqui : absque misericórdia quæsiérunt me interficere : et non pepercérent in fáciem meam spúere : lánceis suis vulneravérunt me, et concússa sunt ómnia ossa mea. (*Temp. Pasch. additur Allelúia.*)

Secreta.

OBLATUM tibi, Dómine, sacrificium, intercedénte unigéniti Filii tui passióne, vivíficet nos semper et múniat. Qui tecum, etc.

Præfatio de Cruce, fol. 205.

Communio. Ps. 21. Foderunt manus meas et pedes meos : dinumeravérunt ómnia ossa mea. (*Temp. Pasch. additur Allelúia.*)

Postcommunio.

DOMINE Jesu Christe, Fili Dei vivi, qui hora sexta pro redemptione mundi crucis patibulum ascendisti, et Sánguinem tuum pretiósum in remissionem peccatorum nostrorum fudisti : te humíliter deprecámur, ut post óbitum nostrum, paradisi jánuas nos gaudénter introíre concédas. Qui vivis et regnas, etc.

MISSA DE S. MARIA, AB ADVENTU USQUE AD NATIVITATEM DOMINI.

Introitus. Isa. 45.

RORATE, cæli, désuper, et nubes pluant Justum : aperiátur terra, et gérmínet Salvatórem.

Ps. 84. Benedixisti, Dómine, terram tuam, avertísti captivitátem Jacob.

Ÿ. Glória Patri, etc.

Oratio.

DEUS, qui de beátæ Mariæ Virginis útero Verbum tuum, Angelo nuntiánte, carnem suscipere voluísti : præsta supplicibus tuis, ut, qui verè eam Genitricem Dei crédimus, ejus apud te intercessiónibus adjuvémur. Per eúndem, etc.

Lectio Isaíæ Prophætæ. Isa. 7.

IN diébus illis : Locútus est Dóminus ad Achaz, dicens : Pete tibi signum à Dómino Deo tuo in profúndum inférni, sive in excélsus supra. Et dixit Achaz : Non petam, et non tentábo Dóminum. Et dixit : Audíte ergo, domus David : Numquid parum vobis est, moléstos esse homínibus, quia molésti estis et Deo meo ? Propter hoc dabit Dóminus ipse vobis signum. Ecce virgo concípíet et páriet filium, et vocábitur nomen ejus Emmánuel. Butyrum et mel cómedet, ut sciat reprobare malum, et eligere bonum.

Graduale. Ps. 23. Tóllite portas, príncipes, vestras, et elevámini, portæ æternáles, et introíbit Rex glóriæ.

Ÿ. Quis ascéndet in montem Dómini, aut quis stabit in loco sancto ejus ? Innocens mánibus, et mundo corde.

Allelúia, allelúia. *Ÿ. Luc. 1.*
Ave, María, grátia plena, Dóminus tecum : Benedicta tu in muliéribus. Allelúia.

Sequéntia sancti Evangélíi secúndum Lucam. *Luc. 1.*

IN illo témpore : Missus est Angelus Gábriel à Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David : et nomen vírginis María. Et ingrèssus Angelus ad eam dixit : Ave, grátia plena : Dóminus tecum : Benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne tíneas, María, invenísti enim grátiam apud Deum : ecce concípies in útero, et páries filium, et vocábis nomen ejus Jesum. Hic erit magnus, et Filius Altíssimi vocábitur : et dabit illi Dóminus Deus sedem David patris ejus : et regnábit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognósko ? Et respóndens Angelus, dixit ei : Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Filius Dei. Et ecce Elísabeth cognáta tua, et ipsa concépit filium in senectúte sua : et hic mensis sextus est illi, quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secúndum verbum tuum.

Offertorium. Ibid. Ave, María, grátia plena, Dóminus tecum : Benedicta tu in muliéribus, et benedictus fructus ventris tui.

Secreta.

IN méntibus nostris, quæsumus, Dómine, veræ fidei sacraménta confirma : ut qui concéptum de Vírgine Deum verum et hóminem confitémur, per ejus salutíferæ resurrectionis poténtiam, ad ætérnam mereámur pervenire lætítiam. Per eúndem, etc.

Præfatio. Et te in veneratióne, etc., fol. 208, quæ dicitur et in sequentibus Missis de S. Maria, etiam tempore Paschali, vel infra quascumque Octavas ejus Missa dicatur.

Communio. Isa. 7. Ecce virgo concípíet et páriet filium : et vocábitur nomen ejus Emmánuel.

Postcommunio.

GRATIAM tuam, quæsumus, Dómine, méntibus nostris infúnde : ut qui, Angelo nuntiánte, Christi Filii tui incarnatiónem cognóvimus, per passióem ejus et crucem, ad resurrectionis glóriam perducámur. Per eúndem, etc.

MISSA DE S. MARIA, A NATIVITATE DOMINI USQUE AD PURIFICATIONEM.

Introitus. Ps. 44.

VULTUM tuum deprecabúntur omnes divites plebis : adducéntur Regi vírgines post eam : próximæ ejus adducéntur tibi in lætítia et exultatióne.

Ps. ibid. Eructávit cor meum. verbum bonum : dico ego ópera mea Regi.

Ÿ. Glória Patri, etc.

Oratio.

DEUS, qui salútis ætérnæ, beátæ Mariæ virginitáte fœcúnda,

humano generi præmia præstitisti : tribue, quæsumus, ut ipsam pro nobis intercédere sentiâmus, per quam meruimus auctorem vitæ suscipere Dóminum nostrum Jesum Christum Filium tuum, qui tecum, etc.

Lectio Epistolæ beati Pauli Apóstoli ad Titum. *Tit. 3.*

CARISSIME, Appáruit benignitas et humanitas Salvatoris nostri Dei : non ex opéribus justitiæ, quæ fecimus nos, sed secúndum suam misericórdiam salvos nos fecit, per lavácrum regeneratiónis et renovatiónis Spíritus sancti, quem effudit in nos abúndè per Jesum Christum Salvátorem nostrum : ut justificáti grátia ipsíus, hærédes simus secúndum spem vitæ æternæ, in Christo Jesu Dómino nostro.

Graduale. Ps. 44. Speciósus forma præ filiis hóminum : diffúsa est grátia in lábiis tuis.

Ÿ. Eructávit cor meum verbum bonum : dico ego ópera mea Regi : lingua mea cálamus scribæ velociter scribéntis.

Allelúia, allelúia. Ÿ. Post partum, Virgo, invioláta permansisti : Dei Génitrix, intercède pro nobis. Allelúia.

Post Septuagesimam, omissis Allelúia et Versu sequenti, dicitur Tractus Gaude, Maria, ut in sequenti Missa, fol. seq.

Sequéntia sancti Evangélíi secúndum Lucam. *Luc. 2.*

IN illo témpore : Pastóres loquebantur ad invicem : Transeámus usque Bétlehem, et videámus hoc verbum, quod factum est, quod Dóminus osténdit nobis. Et vénérunt festinántes : et invenérunt Mariám et Joseph, et infántem pósitum in præsépio. Vidéntes autem cognovérunt de verbo, quod dictum

erat illis de púero hoc. Et omnes qui audiérunt, miráti sunt : et de his, quæ dicta erant à pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glorificántes et laudántes Deum, in ómnibus quæ audierant et viderant, sicut dictum est ad illos.

Offertorium. Felix namque es, sacræ Virgo María, et omni laude digníssima : quia ex te ortus est sol justitiæ, Christus Deus noster.

Secreta.

MUNERIBUS nostris, quæsumus, Dómine, precibúsq; susceptis, et cœlestibus nos munda mystériis, et cleménter exáudi. Per Dóminum, etc.

Communio. Beáta viscera Mariæ Virginis, quæ portavérunt æterni Patris Filium.

Postcommunio.

HÆC nos commúnio, Dómine, purget à crimine, et intercedente beáta Vírgine Dei Genitrice María, cœlestis remédii fáciat esse consórtes. Per eúndem, etc.

MISSA DE S. MARIA, A PURIFICATIONE USQUE AD PASCHA.

Introitus. Sedulius.

SALVE, sancta Parens, eníxa puérpera Regem, qui cœlum terramque regit in sæcula sæculórum.

Ps. 44. Eructávit cor meum verbum bonum : dico ego ópera mea Regi.

Ÿ. Glória Patri, etc.

Oratio.

CONCEDE nos fámulos tuos, quæsumus, Dómine Deus, perpétua mentis et córporis sanitate gaudere, et gloriósa beátæ Mariæ semper Virginis intercessióne, à præsentí liberári tristítia, et æténa pérfrui lætítia. Per, etc.

Lectio libri Sapiéntiæ. Eccl. 24.

AB initio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitate sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæreditas illius, et in plenitúdine Sanctórum deténtio mea.

Graduale. Benedicta et venerábilis es, Virgo María, quæ sine tactu pudóris invénta es mater Salvatóris.

Ÿ. Virgo Dei Génitrix, quem totus non capit orbis, in tua se clausit viscera, factus homo.

Allelúia, allelúia. Ÿ. *Num. 17.* Virga Jesse flóruit : Virgo Deum et hóminem genuit : pacem Deus reddidit, in se reconcilians ima summis. Allelúia.

Post Septuagesimam, omissis Allelúia et Versu sequenti, dicitur

Tractus. Gaude, María Virgo, cunctas hæreses sola interemísti.

Ÿ. Quæ Gabriélis Archángeli dictis credidísti.

Ÿ. Dum Virgo Deum et hóminem genuísti : et post partum Virgo invioláta permansísti.

Ÿ. Dei Génitrix, intercède pro nobis.

8*

Sequéntia sancti Evangélíi secúndum Lucam. *Luc. 11.*

IN illo témpore : Loquente Jesu ad turbas, extóllens vocem quædam múlíer de turba, dixit illi : Beátus venter qui te portávit, et úbera quæ suxísti. At ille dixit : Quinimmodò beáti qui áudiunt verbum Dei, et custódiunt illud.

Offertorium. Felix namque es, sacra Virgo María, et omni laude digníssima : quia ex te ortus est sol justítiæ, Christus Deus noster.

Secreta.

TUA, Dómine, propitiatióne, et beátæ Mariæ semper Virginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum, etc.

Communio. Beáta viscera Mariæ Virginis, quæ portavérunt æténi Patris Filium.

Postcommunio.

SUMPTIS, Dómine, salútis nostræ subsidiis ; da, quæsumus, beátæ Mariæ semper Virginis patrociniiis nos ubique prótegi, in cujus veneratióne hæc tuæ obtúlimus Majestáti. Per Dóminum, etc.

MISSA DE S. MARIA, A PASCHA USQUE AD PENTECOSTEN.

Introitus. Sedulius.

SALVE, sancta Parens, eníxa puérpera Regem, qui cælum terrámque regit in sæcula sæculórum. Allelúia, allelúia.

Ps. 44. Eructávit cor meum verbum bonum : dico ego ópera mea regi.

Ÿ. Glória Patri, etc.

Oratio.

CONCEDE nos fámulos tuos, quæsumus, Dómine Deus, perpétua mentis et córporis sanitáte gaudére, et gloriósa beátæ Mariæ semper Vírginis intercessióne, à præsentí liberári tristítia, et æténa pérfrui lætítia. Per, etc.

Léctio libri Sapiéntiæ. *Eccl.* 24.

AB initio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei hærédi-tas illius, et in plenitúdine sanctórum deténtio mea.

Allelúia, allelúia. *Ÿ. Num.* 17. Virga Jesse flóruit : Virgo Deum et hóminem génuit : pacem Deus reddidit, in se reconcilians ima summis.

Allelúia. *Ÿ. Luc.* 1. Ave, Mariá, grátia plena, Dóminus tecum : Benedícta tu in muliéribus. Allelúia.

Sequéntia sancti Evangélíi secúndum Joánnem. *Joann.* 19.

IN illo témpore : Stabant juxta crucem Jesu Mater ejus, et soror Matris ejus Mariá Cléophæ, et Mariá Magdaléne. Cum vidisset ergò Jesus Matrem, et discipulum stantem, quem diligébat, dicit Matri suæ : Múlier, ecce filius tuus. Deínde dicit discipulo : Ecce mater tua. Et ex illa hora accépit eam discipulus in sua.

Offertorium. Beáta es, Virgo Mariá, quæ ómnium portásti Creatórem : genuísti qui te fecit, et in ætérnum pérmanes virgo. Allelúia.

Secreta.

TUA, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum, etc.

Communio. Beáta viscera Mariæ Vírginis, quæ portavérunt æténi Patris Filium. Allelúia.

Postcommunio.

SUMPTIS, Dómine, salútis nostræ subsidiis ; da, quæsumus, beátæ Mariæ semper Vírginis patrociniiis nos ubique prótegi, in cujus veneratióne hæc tuæ obtúlimus Majestáti. Per Dóminum, etc.

MISSA DE S. MARIA, A PENTECOSTE USQUE AD ADVENTUM.

Introitus. Sedulius.

SALVE, sancta Parens, eníxa puérpera Regem : qui cælum terrámque regit in sæcula sæculórum.

Ps. 44. Eructávit cor meum verbum bonum : dico ego ópera mea Regi.

Ÿ. Glória Patri, etc.

Oratio.

CONCEDE nos fámulos tuos, quæsumus, Dómine Deus, perpétua mentis et córporis sanitáte gaudére, et gloriósa beátæ Mariæ semper Vírginis intercessióne, à præsentí liberári tristítia, et æténa pérfrui lætítia. Per Dóminum, etc.

Léctio libri Sapiéntiæ. *Eccl.* 24.

AB initio, et ante sæcula creáta sum, et usque ad futúrum

saeculum non désinam, et in habitatióne sancta coram ipso ministrávi. Et sic in Sion firmáta sum, et in civitaté sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illius, et in plenitúdine sanctórum deténtio mea.

Graduale. Benedícta et venerábilis es, Virgo María, quæ sine tactu pudóris, invénta es Mater Salvatóris.

Ÿ. Virgo Dei Génitrix, quem totus non capit orbis, in tua se clausit víscera factus homo. Allelúia, allelúia.

Ÿ. Post partum Virgo invioláta permansísti: Dei Génitrix, intercédere pro nobis. Allelúia.

Sequéntia sancti Evangélíi secúndum Lucam. *Luc. 11.*

IN illo témpore: Loquente Jesu ad turbas, extóllens vocem quædam múlíer de turba, dixit illi: Beátus venter qui te portávit, et úbera quæ suxísti. At ille dixit: Quinímmodó beáti qui áudiunt verbum Dei, et custódiunt illud.

Offertorium. Luc. 1. Ave, María, grátia plena, Dóminus tecum: Benedícta tu in muliéribus, et benedíctus fructus ventris tui.

Secreta.

TUA, Dómine, propitiatióne, et beátæ Mariæ semper Virginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum, etc.

Communio. Beáta víscera Mariæ Virginis, quæ portavérunt ætérni Patris Filium.

Postcommunio.

SUMPTIS, Dómine, salútis nostræ subsidiis; da, quæsumus, beátæ Mariæ semper Virginis patrocinis nos ubique prótegi, in cujus veneratióne hæc tuæ obtúlimus Majestáti. Per, etc.

¶ *In Missis votivis B. Mariæ, secunda Oratio dicitur de Officio illius diei, et tertia de Spiritu S.; sed in Sabbato, quando de ea factum est Officium, secunda Oratio erit de Spiritu S., tertia Ecclesiæ, vel pro Papa.*

De Spiritu Sancto. Oratio.

DEUS, qui corda fidélium sancti Spíritus illustratióne docuisti, da nobis in eódem Spíritu recta sápere, et de ejus semper consolatióne gaudére.

Contra persecutores Ecclesiæ.

Oratio.

ECCLESIAE tuæ, quæsumus, Dómine, preces placátus admítte: ut destrúctis adversitatibus, et erróribus univérsis, secúra tibi sérviat libertáte. Per, etc.

Vel pro Papa. Oratio.

DEUS, ómnium fidélium pastor et rector, fámulum tuum N., quem pastórem Ecclesiæ tuæ præesse voluisti, propítius respice: da ei, quæsumus, verbo et exémplo, quibus præest, proficere: ut ad vitam, unà cum grege sibi crédito, pervéniat sempitérnam. Per Dóminum, etc.

De Spiritu Sancto. Secreta.

MUNERA, quæsumus, Dómine, oblata sanctífica, et corda nostra sancti Spíritus illustratióne emúnda.

Contra Persecutores Ecclesiæ.

Secreta.

PROTEGE nos, Dómine, tuis mystériis serviéntes : ut divinis rebus inhæréntes, et corpore tibi famulémur, et mente. Per, etc.

Vel pro Papa.

Secreta.

OBLATIS, quæsumus, Dómine, placáre munéribus : et fámulum tuum *N.*, quem pastórem Ecclesiæ tuæ præesse voluísti, assídua protectióne gubérna. Per, etc.

De Spiritu Sancto.

Postcommunio.

SANCTI Spíritus, Dómine, corda nostra mundet infúsis, et sui roris íntima aspersione fæcúndet.

Contra persecutores Ecclesiæ.

Postcommunio.

QUÆSUMUS, Dómine Deus noster ; ut quos divína tribuis participatióne gaudere, humánis non sinas subjacere periculis. Per Dóminum, etc.

Vel pro Papa. Postcommunio.

HÆC nos, quæsumus, Dómine, divíni sacraménti percéptio protégat ; et fámulum tuum *N.*, quem pastórem Ecclesiæ tuæ præesse voluísti, unà cum commisso sibi grege, salvet semper et múniat. Per Dóminum, etc.

¶ *Aliæ Missæ votivæ pro diversis rebus, quæ dici possunt quacumque die, nisi fuerit Dominica, vel Officium Duplex : sed tamen passim non dicantur, nisi urgenti de causa, ut supra dictum est de aliis Missis votivis.*

MISSA PRO ELIGENDO SUMMO PONTIFICE, SEDE VACANTE,

DICITUR DE SPIRITU SANCTO, VEL UT SEQUITUR.

Introitus. 1 Reg. 2.

SUSCITABO mihi Sacerdótem fidélem, qui juxta cor meum et ánimam meam faciet : et ædificábo ei domum fidélem, et ambulábit coram Christo meo cunctis diébus. (*Temp. Pasch. additur Allelúia, allelúia.*)

Ps. 131. Meménto, Dómine, David, et omnis mansuetúdinis ejus.
V. Glória Patri, etc.

Oratio.

SUPPLICI, Dómine, humilitáte depóscimus ; ut sacrosáncæ Románæ Ecclesiæ concédatur Pontíficem illum tua imménsa pietas, qui et pio in nos stúdio semper tibi plácitus, et tuo pópulo pro salúbri regímine sit assidue ad glóriam tui nóminis reveréndus. Per, etc.

Léctio Epístolæ beáti Pauli Apóstoli ad Hebræos. *Hebr. 4 et 5.*

FRATRES, Adeámus cum fidúcia ad thronum grátiae, ut misericórdiam consequámur, et grátiam inveníamus in auxílio opportúno. Omnis namque Póntifex ex homínibus assúptus, pro homínibus constitúitur in iis quæ sunt ad Deum, ut offerat dona et sacrificia pro peccátis : qui condolere possit iis qui ignórant et errant : quóniam et ipse circúmdatus est infirmitáte : et propterea debet, quemádmódum pro pópulo, ita étiam et pro semetipso offerre pro peccátis. Nec quisquam sumit sibi honórem, sed qui vocátur à Deo tamquam Aaron. Sic et Christus non semetipsum clarificávit ut Póntifex fieret, sed

qui locútus est ad eum: Filius meus es tu, ego hódie genui te. Quemádmódum et in álio loco dicit: Tu es Sacerdos in ætérnum, secúndum órđinem Melchisedech. Qui in diébus carnis suæ, preces supplicationésque ad eum qui possit illum salvum fácere à morte, cum clamóre válido et lácrymis ófferens, exaudítus est pro sua reveréntia.

Graduale. Lev. 21. Póntifex sacerdos magnus inter fratres suos, super cujus caput fusum est uncti-ónis óleum, et cujus manus in sacerdotío consecrátæ sunt, vestitúsque est sanctis véstibus, débuit per ómnia frátribus similári.

Ÿ. *Hebr. 2.* Ut miséricors fieret et fidélis Póntifex ad Deum: ut repropitiáret delicta pópuli.

Allelúia, allelúia. Ÿ. *Lev. 21.* Sacerdos sit sanctus, sicut et ego sanctus sum Dóminus, qui sanctífico vos. Allelúia.

Post Septuagesimam omissis Allelúia et Versu sequenti, dicitur

Tractus. Ps. 131. Surge, Dómine, in réquiem tuam, tu, et arca sanctificatiónis tuæ.

Ÿ. Sacerdótes tui induántur iustítiam, et sancti tui exúltent.

Ÿ. Propter David servum tuum non avértas fáciem Christi tui.

Tempore Paschali omittitur Graduale, et ejus loco dicitur

Allelúia, allelúia. Ÿ. *Lev. 21.* Sacerdos sit sanctus, sicut et ego sanctus sum Dóminus, qui sanctífico vos.

Allelúia. Ÿ. *Joann. 10.* Ego sum Pastor bonus: et cognósco oves meas, et cognóscunt me meæ. Allelúia.

Sequéntia sancti Evangélíi secúndum Joánnem. *Joann. 14.*

IN illo témpore: Dixit Jesus discípulis suis: Si diligitis me,

mandáta mea serváte. Et ego rogábo Patrem, et álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accípere, quia non videt eum, nec scit eum. Vos autem cognoscétis eum: quia apud vos manébit, et in vobis erit. Non relinquam vos órphanos: véniam ad vos. Adhuc módicum, et mundus me jam non videt. Vos autem vidétis me: quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea, et servat ea, ille est qui diligit me. Qui autem diligit me, diligétur à Patre meo: et ego diligam eum, et manifestábo ei me-ípsam.

Offertorium. 3 Esdr. 5. Non participéntur sancta, donec exúrgat Póntifex in ostensiónem et veritátem. (*Temp. Pasch. additur Allelúia.*)

Secreta.

TUÆ nobis, Dómine, abundántia pietátis indúlgeat: ut per sacra múnera, quæ tibi reverénter offérimus, gratum Majestáti tuæ Pontíficem sanctæ matris Ecclésiæ regímini præesse gaudeámus. Per Dóminum, etc.

Communio. Exod. 29. Veste sancta utétur Póntifex qui fúerit constitútus, et ingrediétur tabernáculum testimónii, ut ministret in sanctuário. (*Temp. Pasch. additur Allelúia.*)

Postcommunio.

PRETIOSI Córporis et Sanguinis tui nos, Dómine, sacraménto reféctos, mirífica tuæ Majestátis grátia de illius summi Pontíficis concessióne lætificet: qui et plebem tuam virtútibus ínstruat, et

fidélium mentes spirituálium aró-
matum odóre perfúndat. Qui vivis,
et regnas, etc.

¶ *In die Creationis et Coronatio-
nis Papæ, et ejusdem die Anniver-
sario, dicitur Missa ut in Cathedra
S. Petri xviii. Januarii, cum Oratio-
ne Deus, ómnium fidélium, fol. 51*,
omissis Orationibus SS. Petri et
Pauli: et dicitur Credo.*

MISSA IN ANNIVERSARIO ELECTIONIS, SEU CONSE- CRATIONIS EPISCOPI.

Introitus. Ps. 131.

SACERDOTES tui, Dómine,
índuant justítiam, et sancti tui
exúltent: propter David servum
tuum non avértas fáciem Christi
tui. (*Temp. Pasch. additur Alle-
lúia, allelúia.*)

Ps. ibid. Meménto, Dómine,
David, et omnis mansuetúdinis ejus.

Ÿ. Glória Patri, et Fílio, etc.

Oratio.

DEUS, ómnium fidélium pastor
et rector, fámulum tuum *N.*,
quem pastórem Ecclésiæ *N.* præ-
esse voluisti, propítius réspice: da
ei, quæsumus, verbo et exémplo,
quibus præest, proficere; ut ad vi-
tam, unà cum grege sibi crédito,
pervéniat sempitérnā. Per, etc.

Léctio Epístolæ beáti Pauli Após-
toli ad Hebræos. *Hebr. 5.*

FRATRES, Omnis Póntifex ex
hominibus assúptus, pro ho-
minibus constitúitur in iis quæ sunt
ad Deum, ut offerat dona et sacri-
ficia pro peccátis: qui condolére
possit iis qui ignórant et errant:
quóniam et ipse circúmdatus est
infirmítate: et propterea debet,
quemádmódum pro pópulo, ita éti-

am et pro semetípso offerre pro pec-
cátis. Nec quisquam sumit sibi
honórem, sed qui vocátur à Deo
tamquam Aaron.

Graduale. Ps. 131. Sacerdótes
ejus índuam salutári: et Sancti
ejus exultatióne exultábunt.

Ÿ. Illuc producā cornu David:
parāvi lucérnam Christo meo.

Allelúia, allelúia. Ÿ. *Ps. 109.*
Jurávit Dóminus, et non pœnitébit
eum: Tu es Sacerdos in ætérnum
secúndum órđinem Melchisedech.
Allelúia.

*Post Septuagesimam, omissis Alle-
lúia et Versu sequenti, dicitur*

Tractus. Ps. 111. Beátus vir qui
timet Dóminum, in mandátis ejus
cupit nimis.

Ÿ. Potens in terra erit semen
ejus: generátio rectórum benedicé-
tur.

Ÿ. Glória et divítiæ in domo
ejus, et justítia ejus manet in sæcu-
lum sæculi.

*Tempore Paschali omittitur Gra-
duale, et ejus loco dicitur*

Allelúia, allelúia. Ÿ. *Ps. 109.*
Jurávit Dóminus, et non pœnitébit
eum: Tu es Sacerdos in ætérnum
secúndum órđinem Melchisedech.

Allelúia. Ÿ. *Eccl. 45.* Amávit
eum Dóminus, et ornávit eum:
stolam glóriæ índuit eum. Alle-
lúia.

Sequéntia sancti Evangélíi secún-
dum Marcum. *Marc. 13.*

IN illo témpore: Dixit Jesus
discípulis suis: Vidéte, vigiláte,
et oráte: nescítis enim quando tem-
pus sit. Sicut homo qui péregrè
proféctus reliquit domum suam, et
dedit servis suis potestátem cujús-
que óperis, et janitóri præcépit ut
vigilet. Vigiláte ergo, (nescítis

enim quando dñus domus veniat : serò, an média nocte, an galli cantu, an manè) ne cum venerit repentè, inveniat vos dormientes. Quod autem vobis dico, ómnibus dico : Vigiláte.

Credo.

Offertorium. Ps. 88. Veritas mea, et misericórdia mea cum ipso : et in nómine meo exaltábitur cornu ejus. (*Temp. Pasch. additur Allelúia.*)

Secreta.

OBLATIS, quæsumus, Dómine, placáre munéribus : et fámulum tuum *N.*, quem pastorem Ecclesiæ *N.* præesse voluisti, assídua protectione guberná. Per, etc.

Communio. Matth. 24. Beátus servus, quem cum venerit dñus, invenerit vigilántem : amen dico vobis, super ómnia bona sua constituet eum. (*Temp. Pasch. additur Allelúia.*)

Postcommunio.

HÆC nos, quæsumus, Dómine, divini sacraménti percéptio próteget ; et fámulum tuum *N.*, quem pastórem Ecclesiæ *N.* præesse voluisti, unà cum commisso sibi grege, salvet semper et múníat. Per Dóminum, etc.

MISSA AD TOLLENDUM SCHISMA.

Introitus. Ps. 105.

SALVOS nos fac, Dómine Deus noster, et cóngrega nos de nationibus : ut confiteámur Nómini sancto tuo, et gloriémur in laude tua. (*Temp. Pasch. additur Allelúia, allelúia.*)

Ps. ibid. Confitémini Dómino, quóniam bonus ; quóniam in sæculum misericórdia ejus.

Ÿ. Glória Patri, etc.

Oratio.

DEUS, qui erráta cónrigis, et dispérsa cóngregas, et cóngregáta consérvas ; quæsumus, super pópulum Christiánum tuæ uniónis grátiam cleménter infúnde ; ut, divisióne rejécta, vero Pastóri Ecclesiæ tuæ se úniens, tibi dignè váleat famulári. Per, etc.

Léctio Epístolæ beáti Pauli Apóstoli ad Ephésios. *Ephes. 4.*

FRATRES, Obsecro vos, ut dignè ambulétis vocatióne qua vocáti estis, cum omni humilitáte et mansuetúdyne, cum paciéntia supportántes ínvicem in charitáte, solíciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ. Unus Dóminus, una fides, unum baptísma. Unus Deus, et Pater ómnium, qui est super omnes, et per ómnia, et in ómnibus nobis. Unicuíque autem nostrúm data est grátia secúndum mensúram donatiónis Christi : donec occurrámus omnes in unitátem fidei, et agnitiónis Filii Dei, in virum perféctum, in mensúram ætátis plenitúdyinis Christi : ut jam non simus párvuli fluctuántes, et circumferámur omni vento doctrínæ in nequítia hóminum, in astútya ad circumventiónem erróris. Veritátem autem faciéntes in charitáte, crescámus in illo per ómnia, qui est caput, Christus : ex quo totum corpus compáctum, et connéxum per omnem junctúram subministratiónis, secúndum operatió-nem in mensúram uniuscujúsque membri, augméntum córporis facit

in ædificatióem sui in charitatē. Hoc igitur dico, et testificor in Dómino, ut jam non ambulétis, sicut et gentes ámbulant in vanitatē sensus sui, ténebris obscurátum habéntes intelléctum, alienáti à vita Dei, per ignorántiam quæ est in illis, propter cæcitatē cordis ipsórum, qui desperántes, semetipsos tradidérunt impudiciatē, in operatióem immunditiæ omnis, in avaritiam. Vos autem non ita didicístis Christum, si tamen illum audistis, et in ipso edócti estis, sicut est véritas in Christo Jesu Dómino nostro.

Graduale. Ps. 121. Rogáte quæ ad pacem sunt Jerúsalem : et abundántia diligéntibus te.

Ÿ. Fiat pax in virtúte tua, et abundántia in túrribus tuis.

Allelúia, allelúia. Ÿ. Ps. 147. Lauda, Jerúsalem, Dóminum : lauda Deum tuum, Sion. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 75. Notus in Judæa Deus, in Israél magnum nomen ejus.

Ÿ. Et factus est in pace locus ejus, et habitatio ejus in Sion.

Ÿ. Ibi confrégit poténtias arcuum, scutum, gládium, et bellum.

Tempore Paschali omittitur Graduale, et ejus loco dicitur

Allelúia, allelúia. Ÿ. Ps. 147. Lauda, Jerúsalem, Dóminum : lauda Deum tuum, Sion.

Allelúia. Ÿ. Qui pósuit fines tuos pacem : et ádipe fruménti sátiat te. Allelúia.

Sequéntia sancti Evangélíi secundum Joánnem. Joann. 17.

IN illo témpore : Sublevátis Jesus óculis in cælum, dixit : Pater sancte, conserva eos in nómine

tuo, quos dedísti mihi : ut sint unum, sicut et nos. Cùm essem cum eis, ego servábam eos in nómine tuo. Quos dedísti mihi, custodívi : et nemo ex eis périit, nisi filius perditionis, ut Scriptúra impleátur. Nunc autem ad te vénio : et hæc loquor in mundo, ut hábeant gáudium meum implétum in semetipsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo ut tollas eos de mundo, sed ut serves eos à malo. De mundo non sunt, sicut et ego non sum de mundo. Sanctifica eos in veritatē. Sermo tuus véritas est. Sicut tu me misísti in mundum, et ego misi eos in mundum. Et pro eis ego sanctifico meípsum : ut sint et ipsi sanctificáti in veritatē. Non pro eis autem rogo tantum, sed et pro eis qui creditúri sunt per verbum eórum in me : ut omnes unum sint, sicut tu, Pater, in me, et ego in te, ut et ipsi in nobis unum sint : ut credat mundus, quia tu me misísti. Et ego claritatē, quam dedísti mihi, dedi eis : ut sint unum, sicut et nos unum sumus. Ego in eis, et tu in me : ut sint consummáti in unum.

Offertorium. Rom. 15. Det vobis Deus idípsum sápere in altérum : ut unánimes uno ore honorificétis Deum nostrum. (Temp. Pasch. additur Allelúia.)

Secreta.

MUNERA hæc pro unióne pópuli Christiáni tibi, Dómine, oblata sanctifica : per quæ unitátis et pacis in Ecclésia tua nobis dona concédas. Per Dóminum, etc.

Communio. 1 Cor. 10. Unus panis, et unum corpus multi sumus : omnes qui de uno pane et de uno

cálíce participámus. (*Temp. Pasch. additur Allelúia.*)

Postcommunio.

HÆC tua, Dómine, sumpta sacra commúnio, sicut fidélium in te uniónem præsignat, sic in tua Ecclésia unitátis, quæsumus, operétur effectum. Per, etc.

MISSA PRO QUACUMQUE NECESSITATE.

Introitus.

SALUS pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Dóminus in perpétuum. (*Temp. Pasch. additur Allelúia, allelúia.*)

Ps. 77. Atténdite, pópule meus, legem meam: inclináte aurem vestram in verba oris mei.

Ÿ. Glória Patri, et Filio, etc.

Oratio.

INEFFABILEM misericórdiam tuam, Dómine, nobis cleménte osténde: ut simul nos et à peccátis ómnibus éxuas, et à pœnis, quas pro his merémur, erípias. Per, etc.

Léctio Jeremíæ Prophétæ. *Jer. 14.*

SI iniquitátes nostræ respónderint nobis: Dómine, fac propter nomen tuum, quóniam multæ sunt aversiones nostræ, tibi peccávimus. Expectatio Israël, salvátor ejus in témpore tribulatiónis. Tu autem in nobis es, Dómine, et nomen tuum invocátum est super nos; ne derelinquas nos, Dómine Deus noster.

Graduale. Ps. 43. Liberásti nos, Dómine, ex affligéntibus nos: et eos qui nos odérunt confudisti.

h*

Ÿ. In Deo laudábimur tota die, et in nómine tuo confitébimur in sæcula.

Allelúia, allelúia. Ÿ. *Ps. 78.* Propítius esto, Dómine, peccátis nostris, nequándo dicant Gentes: Ubi est Deus eórum? Allelúia.

Post Septuagesimam, omissis Allelúia et Versu sequenti, dicitur

Tractus. Ps. 24. De necessitatibus meis éripe me, Dómine: vide humilitátem meam et labórem meum, et dimítte ómnia peccáta mea.

Ÿ. Ad te, Dómine, levávi animam meam; Deus meus, in te confido, non erubescam, neque irrideant me inimíci mei.

Ÿ. Etenim univérsti qui te expectant, non confundéntur: confundántur omnes faciéntes vana.

Tempore Paschali omittitur Graduale, et ejus loco dicitur

Allelúia, allelúia. Ÿ. *Ps. 78.* Propítius esto, Dómine, peccátis nostris: nequándo dicant Gentes, Ubi est Deus eórum?

Allelúia. Ÿ. *Ps. 30.* Exultábo et lætabor in misericórdia tua: quóniam respexísti humilitátem meam: salvásti de necessitatibus animam meam. Allelúia.

Sequéntia sancti Evangélíi secundum Marcum. *Marc. 11.*

IN illo témpore: Dixit Jesus discípulis suis: Habéte fidem Dei. Amen dico vobis, quia quicumque dixerit huic monti: Tóllere, et mittere in mare, et non hæsitáverit in corde suo, sed crediderit, quia quodcúmque dixerit, fiat, fiet ei. Propterea dico vobis: ómnia quæcúmque orántes pétitis, créдите quia accipiétis, et evénient vobis. Et cum stábitis ad orándum, dimítte si quid habétis advérsus áliquem: ut et

Pater vester, qui in cœlis est, dimittat vobis peccata vestra. Quod si vos non dimiseritis, nec Pater vester, qui in cœlis est, dimittet vobis peccata vestra.

Offertorium. Ps. 137. Si ambulávero in médio tribulatiónis, vivificábis me, Dómine: et super iram inimicórum meórum exténdes manum tuam, et salvum me faciet dextera tua. (*Temp. Pasch. additur Allelúia.*)

Secreta.

PURIFICET nos, Dómine, quæsumus, múnieris præsentis oblatio, et dignos sacra participatióne perficiat. Per Dóminum, etc.

Communio. Ps. 118. Meménto verbi tui servo tuo, Dómine, in quo mihi spem dedisti: hæc me consoláta est in humilitáte mea. (*Temp. Pasch. additur Allelúia.*)

Postcommunio.

PRÆSTA, quæsumus, Dómine, ut terrénis affectibus expiáti, ad supérni plenitúdinem Sacraménti, cujus libávimus sancta, tendámus. Per Dóminum, etc.

MISSA PRO REMISSIONE
PECCATORUM.

Introitus. Sap. 11.

MISERERIS ómnium, Dómine, et nihil odisti eórum quæ fecisti: dissimulans peccata hóminum propter pœniténtiam, et parcens illis: quia tu es Dóminus Deus noster. (*Temp. Pasch. additur Allelúia, allelúia.*)

Ps. 56. Miserére mei, Deus, miserére mei: quóniam in te confidit ánima mea.

Ÿ. Glória Patri, etc.

Oratio.

EXAUDI, quæsumus, Dómine, súpplicum preces, et confiténtium tibi parce peccátis: ut páriter nobis indulgéntiam tribuas benígnus, et pacem. Per, etc.

Lectio Epístolæ beáti Pauli Apóstoli ad Romános. *Rom. 7.*

FRATRES, Condeléctor legi Dei secúndum interiorem hóminem: vídeo autem áliam legem in membris meis, repugnántem legi mentis meæ, et captivántem me in lege peccáti, quæ est in membris meis. Infélix ego homo, quis me liberábit de corpore mortis hujus? Gratia Dei per Jesum Christum Dóminum nostrum.

Graduale. Ps. 78. Propítius esto, Dómine, peccátis nostris: nequándo dicant gentes: Ubi est Deus eórum?

Ÿ. Adjuva nos, Deus salutáris noster: et propter honórem nóminis tui, Dómine, libera nos.

Allelúia, allelúia. *Ÿ. Ps. 7.* Deus iudex iustus, fortis, et pátiens: numquid irascétur per singulos dies? Allelúia.

Post Septuagesimam, omissis Allelúia et Versu sequenti, dicitur

Tractus. Ps. 129. De profúndis clamávi ad te, Dómine: Dómine, exáudi vocem meam.

Ÿ. Fiant aures tuæ intendéntes in oratiónem servi tui.

Ÿ. Si iniquitátes observáveris, Dómine: Dómine, quis sustinébit?

Ÿ. Quia apud te propitiatio est: et propter legem tuam sustínui te, Dómine.

Tempore Paschali omittitur Graduale, et ejus loco dicitur

Allelúia, allelúia. *Ÿ. Ps. 7.* Deus iudex iustus, fortis, et pátiens:

numquid irascétur per singulos dies? Allelúia.

Ÿ. Ps. 50. Auditui meo dabis gáudium et lætítiam : et exultábunt ossa humiliáta. Allelúia.

Sequéntia sancti Evangélíi secúndum Lucam. *Luc. 11.*

IN illo témpore : Dixit Jesus discipulis suis : Pétite, et dábitur vobis : quærite, et inveniétis : pulsáte, et aperiétur vobis. Omnis enim qui petit, áccipit : et qui quærit, invenit : et pulsánti aperiétur. Quis autem ex vobis patrem petit panem, numquid lápidem dabit illi? Aut piscem, numquid pro pisce serpéntem dabit illi? Aut si petierit ovum, numquid pórriget illi scorpíonem? Si ergo vos, cum sitis mali, nostis bona data dare filiis vestris, quanto magis Pater vester de cœlo dabit spíritum bonum peténtibus se?

Offertorium. Ps. 101. Dómine, exáudi oratiónem meam, et clamor meus ad te pervéniat. (*Temp. Pasch. additur Allelúia.*)

Secreta.

HOSTIAS tibi, Dómine, placatiónis et laudis offérimus : ut et delicta nostra miserátus absólvas, et nutántia corda tu dirigas. Per Dóminum, etc.

Communio. Luc. 11. Pétite, et accipiétis : quærite, et inveniétis : pulsáte, et aperiétur vobis. Omnis enim qui petit, áccipit : et qui quærit, invenit : et pulsánti aperiétur. (*Temp. Pasch. additur Allelúia.*)

Postcommunio.

PRÆSTA nobis, ætérne Salvátor, ut percipiéntes hoc múnere véniam peccatórum, deinceps peccáta vitémus. Per, etc.

MISSA AD POSTULANDAM GRATIAM BENE MORIENDI.

Introitus. Ps. 12.

ILLUMINA óculos meos, ne umquam obdórmiam in morte ; nequándo dicat inimícus meus : Præválui advérsus eum. (*Temp. Pasch. additur Allelúia, allelúia.*)

Ps. ibid. Usquequo, Dómine, obliviscéris me in finem? úsquequo avértis fáciem tuam à me.

Ÿ. Glória Patri, etc.

Oratio.

OMNIPOTENS et miséricors Deus, qui humáno géneri et salútis remédia, et vitæ ætérnæ múnera contulisti : réspice propítius nos fámulos tuos, et ánimas réfove quas creásti : ut in hora éxitus eárum, absque peccáti mácula tibi Creatóri suo per manus sanctórum Angelórum repræsentári mereántur. Per Dóminum, etc.

Léctio Epístolæ beáti Pauli Apóstoli ad Romános. *Rom. 14.*

FRATRES, Nemo nostrúm sibi vivit, et nemo sibi móritur. Sive enim vívimus, Dómino vívimus : sive mórimur, Dómino mórimur. Sive ergo vívimus, sive mórimur, Dómini sumus. In hoc enim Christus mórtuus est, et resurréxit, ut et mortuórum, et vivórum dominétur. Tu autem quid júdicas fratrem tuum? aut tu quare spernis fratrem tuum? Omnes enim stábumus ante tribúnal Christi. Scriptum est enim : Vivo ego, dicit Dóminus, quóniam mihi flectétur omne genu : et omnis lingua confitébitur Deo. Itaque unusquisque nostrúm pro se ratiónem reddet Deo.

Graduale. Ps. 22. Si ámbulem

in médio umbræ mortis, non timébo mala : quóniam tu mecum es, Dómine.

Ÿ. Virga tua, et báculo tuus, ipsa me consoláta sunt.

Allelúia, allelúia. *Ÿ.* Ps. 30. In te, Dómine, sperávi, non confúndar in ætérnum : in justítia tua libera me, et éripe me : inclína ad me aurem tuam, accélera ut erípias me. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 24. De necessitátibus meis éripe me, Dómine : vide humilitátem meam, et labórem meum, et dimítte ómnia peccáta mea.

Ÿ. Ad te, Dómine, levávi ánimam meam : Deus meus, in te confido, non erubéscam : neque irídeant me inimíci mei.

Ÿ. Etenim univérsi qui te expéctant, non confundéntur : confundántur omnes faciéntes vana.

Tempore Paschali omittitur Graduale, et ejus loco dicitur

Allelúia, allelúia. *Ÿ.* Ps. 113. In éxitu Israël de Ægypto, domus Jacob de pópulo bárbaro.

Allelúia. *Ÿ.* Ps. 107. Pará-tum cor meum, Deus, parátum cor meum : cantábo, et psallam tibi, glória mea. Allelúia.

Sequéntia sancti Evangélíi secúndum Lucam. *Luc.* 21.

IN illo témpore : Dixit Jesus discípulis suis : Atténdite vobis, ne fortè gravéntur corda vestra in crápula, et ebrietáte, et curis hujus vitæ, et supervéniat in vos repentina dies illa : tamquam láqueus enim supervéniet in omnes, qui sedent super fáciem omnis terræ. Vigiláte itaque, omni témpore orántes, ut digni habeámini fúgere ista

ómnia, quæ futúra sunt, et stare ante Fílium hóminis.

Offertorium. Ps. 30. In te sperávi, Dómine : dixi : Tu es Deus meus : in mánibus tuis témpora mea. (*Temp. Pasch. additur Allelúia.*)

Secreta.

SUSCIPE, quæsumus, Dómine, hóstiam quam tibi offérimus pro extrémó vitæ nostræ : et concéde, ut per eam univérsa nostra purgéntur delicta ; ut qui tuæ dispositiónis flagéllis in hac vita attérimur, in futúra réquiem consequámur ætérnam. Per Dóminum, etc.

Communio. Ps. 70. Dómine, memorábor justítiæ tuæ solius : Deus, docuisti me à juventúte mea : et usque in senéctam, et sénium, Deus, ne derelínquas me. (*Tempore Pasch. additur Allelúia.*)

Postcommunio.

QUÆSUMUS cleméntiam tuam, omnípotens Deus, ut per hujus virtútem Sacraménti, nos fámulos tuos grátia tua confirmáre dignéris : ut in hora mortis nostræ non præváleat contra nos adversárius, sed cum Angelis tuis tránsitum habére mereámur ad vitam. Per Dóminum, etc.

MISSA CONTRA PAGANOS.

Introitus. Ps. 43.

EXURGE, quare obdórmis, Dómine ? Exúrge, et ne repéllas in finem : quare fáciem tuam avértis ? oblivísceris tribulatió-nem nostram. Adhæsit in terra venter noster : exúrge, Dómine, ádjuva nos, et libera nos. (*Temp. Pasch. additur Allelúia, allelúia.*)

Ps. 43. Deus, auribus nostris audivimus : patres nostri annuntiaverunt nobis.

Ÿ. Glória Patri, et Fílio, etc.

Oratio.

OMNIPOTENS sempitérne Deus, in cujus manu sunt ómnium potestates, et ómnium jura regnórum ; réspice in auxílium Christianórum, ut gentes Paganórum, quæ in sua feritáte confidunt, dexteræ tuæ poténtia conterántur. Per Dóminum, etc.

Léctio libri Esther. *Esth.* 13.

IN diébus illis : Orávit Mardo-chæus ad Dóminum, dicens : Dómine, Dómine rex omnípotens, in ditióne enim tua cuncta sunt pósita : et non est qui possit tuæ resistere voluntáti, si decreveris salváre Israël. Tu fecisti cælum et terram, et quidquid cæli ámbitu continétur. Dóminus ómnium es, nec est qui resistat majestáti tuæ. Et nunc, Dómine rex, Deus Abraham, miserére pópuli tui, quia volunt nos inimíci nostri pérdere, et hæreditátem tuam delére. Ne despicias partem tuam, quam redemísti tibi de Ægypto. Exáudi deprecatió-nem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine Deus noster.

Graduale. Ps. 82. Sciant Gen-tes quóniam nomen tibi Deus : tu solus Altíssimus super omnem ter-ram.

Ÿ. Deus meus, pone illos ut ro-tam, et sicut stípulam ante faciém venti.

Allelúia, allelúia. Ÿ. Ps. 79. Excita, Dómine, poténtiam tuam,

et veni : ut salvos fácias nos. Al-lelúia.

Post Septuagesimam, omissis Alle-lúia et Versu sequenti, dicitur

Tractus. Ps. 78. Adjuva nos, Deus salutáris noster : et propter honórem nóminis tui, Dómine, libera nos : et propítius esto peccátis nostris propter nomen tuum.

Ÿ. Nequándo dicant gentes : Ubi est Deus eórum ? et innotéscat in natióibus coram óculis nostris.

Ÿ. Víndica sánguinem servórum tuórum, qui effúsus est : intret in conspéctu tuo gémitus compeditórum.

Tempore Paschali omittitur Gra-duale, et ejus loco dicitur

Allelúia, allelúia. Ÿ. Ps. 79. Excita, Dómine, poténtiam tuam, et veni, ut salvos fácias nos.

Allelúia. Ÿ. Deus virtútum, convértere : réspice de cælo, et vide, et visita víneam istam, et pérfice eam quam plantávit dextera tua. Allelúia.

Sequéntia sancti Evangélíi secún-dum Lucam. *Luc.* 11.

IN illo témpore : Dixit Jesus dis-cipulis suis : Quis vestrúm há-bébit amicum, et ibit ad illum mé-dia nocte, et dicet illi : Amíce, cómmoda mihi tres panes, quóniam amicus meus venit de via ad me, et non hábeo quod ponam ante illum : et ille deíntus respóndens dicat : Noli mihi moléstus esse : jam ósti-um clausum est, et púeri mei me-cum sunt in cubíli : non possum súrgere, et dare tibi. Et si ille perseveráverit pulsans : dico vobis, et si non dabit illi surgens, eò quòd amicus ejus sit, propter improbitá-tem tamen ejus surget, et dabit illi quotquot habet necessários. Et ego dico vobis : Pétite, et dábitur vobis :

quærite, et inveniétis : pulsáte, et aperiétur vobis. Omnis enim qui petit, áccipit : et qui quærit, invenit : et pulsánti aperiétur. Quis autem ex vobis patrem petit panem : numquid lápidem dabit illi ? Aut piscem : numquid pro pisce serpéntem dabit illi ? Aut si petiérít ovum : numquid pórriget illi scorpíonem ? Si ergo vos, cum sitis mali, nostis bona data dare filiis vestris, quantò magis Pater vester de cœlo dabit spíritum bonum peténtibus se ?

Offertorium. Ps. 17. Pópulum húmílem salvum fácies, et óculos superbórum humiliábis : quóniam quis Deus præter te, Dómine. (Temp. Pasch. additur Allelúia.)

Secreta.

SACRIFICIUM, Dómine, quod immolámus, inténde : ut propugnatóres tuos ab omni éruas Paganórum nequítia, et in tuæ protectiónis securitáte constítuas. Per Dóminum, etc.

Communio. Ps. 118. In salutári tuo ánima mea, et in verbum tuum sperávi : quando fácies de persequéntibus me iudícium ? Iníqui persecúti sunt me, ádjuva me, Dómine, Deus meus. (Temp. Pasch. additur Allelúia.)

Postcommunio.

PROTECTOR noster áspice Deus, et propugnatóres tuos á Paganórum defénde periculis : ut, omni perturbatióne submóta, liberis tibi méntibus desérviant. Per, etc.

MISSA TEMPORE BELLI.

Introitus. Ps. 24.

REMINISCERE miseratiónum tuárum, Dómine, et miseri-

córdiæ tuæ, quæ à sæculo sunt : ne umquam dominéntur nobis inimíci nostri : libera nos, Deus Israël, ex ómnibus angústiiis nostris. (*Temp. Pasch. additur Allelúia, allelúia.*)

Ps. ibid. Ad te, Dómine, levávi ánimam meam : Deus meus, in te confido, non erubescam.

V. Glória Patri, etc.

Oratio.

DEUS, qui cónteris bella, et impugnatóres in te sperántium poténtiæ tuæ defensiónis expúgnas : auxiliáre fámulis tuis implorántibus misericórdiam tuam : ut, inimicórum suórum feritáte depressa, incessábili te gratiárum actiône laudémus. Per, etc.

Léctio Jeremíæ Prophétæ. *Jer. 42.*

IN diébus illis : Accessérunt omnes príncipes bellatórum, dixerúntque ad Jeremíam Prophétam : Ora pro nobis ad Dóminum Deum tuum. Et factum est verbum Dómini ad Jeremíam. Vocavítque omnes príncipes bellatórum, et univérsum pópulum à mínimo usque ad magnum. Et dixit ad eos : Hæc dicit Dóminus Deus Israël, ad quem misístis me, ut prostérnerem preces vestras in conspéctu ejus : Si quiescéntes mansérítis in terra hac, ædificábo vos, et non destruíam ; plantábo, et non evéllam : jam enim placátus sum super malo quod feci vobis. Nolíte timére à fácie regis Babylónis, quem vos pávidi formidátis : nolíte metúere eum, dicit Dóminus : quia vobíscum sum ego, ut salvos vos fáciam, et éruam de manu ejus. Et dabo vobis misericórdias, et miserébor vestri, et habitáre vos fáciam in terra vestra : dicit Dóminus omnipotens.

Graduale. Ps. 76. Tu es Deus,

qui facis mirabilia solus: notam fecisti in Géntibus virtutem tuam.

Ÿ. Liberasti in bráchio tuo pópulum tuum, filios Israël et Joseph.

Allelúia, allelúia. *Ÿ.* Ps. 58. Eripe me de inimícis meis, Deus meus, et ab insurgéntibus in me libera me. Allelúia.

Post Septuagesimam, omissis Allelúia, et Versu sequenti, dicitur

Tractus. Ps. 102. Dómine, non secúndum peccáta nostra, quæ fecimus nos, neque secúndum iniquitates nostras retribuas nobis.

Ÿ. Ps. 78. Dómine, ne memineris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

Ÿ. Adjuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris propter nomen tuum.

Tempore Paschali omittitur Graduale, et ejus loco dicitur

Allelúia, allelúia. *Ÿ.* Ps. 58. Eripe me de inimícis meis, Deus meus, et ab insurgéntibus in me libera me.

Allelúia. *Ÿ.* Ego autem cantábo fortitúdinem tuam, et exaltábo manè misericórdiam tuam. Allelúia.

Sequéntia sancti Evangélíi secúndum Matthæum. *Matth.* 24.

IN illo témpore: Accessérunt ad Jesum discípuli secréto, dicéntes: Dic nobis, quando hæc erunt? et quod signum advéntus tui, et consummatiónis sæculi? Et respóndens Jesus, dixit eis: Vidéte, ne quis vos seducat. Multi enim vénient in nómine meo, dicéntes: Ego sum Christus: et multos sedúcent.

Auditúri enim estis prælia, et opi-
niónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum; et erunt pestiléntiæ, et fames, et terræmótus per loca. Hæc autem ómnia inítia sunt dolórum.

Offertorium. Ps. 17. Pópulum húmitem salvum fácies, Dómine, et óculos superbórum humiliábis: quóniam quis Deus præter te, Dómine. (*Temp. Pasch. additur Allelúia.*)

Secreta.

SACRIFICIUM, Dómine, quod immolámus, inténde placátus: ut ab omni nos éruat bellórum nequítia, et in tuæ protectiónis securitáte constitúat. Per, etc.

Communio. Ps. 30. Inclína aurem tuam, accélera, ut erípias nos. (*Temp. Pasch. additur Allelúia.*)

Postcommunio.

DEUS, regnórum ómnium regúmque dominátor, qui nos et percutiéndò sanas, et ignoscéndò consérvas: præténdè nobis misericórdiam tuam: ut tranquillitáte pacis tua potestáte serváta, ad remédia correctiónis utámur. Per Dóminum, etc.

MISSA PRO PACE.

Introitus. Eccl. 36.

DA pacem, Dómine, sustinéntibus te, ut Prophétæ tui fideles inveniántur: exáudi preces servi tui, et plebis tuæ Israël. (*Temp. Pasch. additur Allelúia, allelúia.*)

Ps. 121. Lætátus sum in his

quæ dicta sunt mihi : in domum
Dómini ibimus.

Ÿ. Glória Patri, etc.

Oratio.

DEUS, à quo sancta desidéria,
recta consília, et justa sunt
ópera : da servis tuis illam, quam
mundus dare non potest, pacem ;
ut, et corda nostra mandátis tuis
dédita, et hóstium subláta formídi-
ne, témpora sint tua protectióne
tranquilla. Per Dóminum, etc.

Léctio libri Machabæorum.

2 Mach. 1.

FRATRIBUS, qui sunt per
Ægyptum, Judæis, salútem
dicunt fratres, qui sunt in Jerosóly-
mis, Judæi, et qui in regiône Judææ,
et pacem bonam. Benefáciat vobis
Deus, et memínerit testaménti sui,
quod locúsus est ad Abraham, et
Isaac, et Jacob servórum suórum
fidélium : et det vobis cor ómnibus,
ut colátis eum, et faciátis ejus vo-
luntátem corde magno, et ánimo
volénti. Adapériat cor vestrum in
lege sua, et in præcéptis suis, et
fáciat pacem. Exáudiat oratiónes
vestras, et reconciliétur vobis, nec
vos déserat in témpore malo, Dómi-
nus Deus noster.

*Graduale. Ps. 121. Rogáte
quæ ad pacem sunt Jerúsalem : et
abundántia diligéntibus te.*

Ÿ. Fiat pax in virtúte tua, et
abundántia in túrribus tuis.

Allelúia, allelúia. Ÿ. Ps. 147.
Lauda, Jerúsalem, Dóminum : lau-
da Deum tuum, Sion. Allelúia.

*Post Septuagesimam, omissis Alle-
lúia et Versu sequenti, dicitur*

*Tractus. Ps. 75. Notus in Ju-
dæa Deus, in Israël magnum no-
men ejus.*

Ÿ. Et factus est in pace locus
ejus, et habitatio ejus in Sion.

Ÿ. Ibi confrégit poténtias árcu-
um, scutum, gládium et bellum.

*Tempore Paschali omittiur Gra-
duale, et ejus loco dicitur*

Allelúia, allelúia. Ÿ. Ps. 147.
Lauda, Jerúsalem, Dóminum : lau-
da Deum tuum, Sion.

Allelúia. Ÿ. Qui pósuit fines
tuos pacem, et ádipe fruménti sáliat
te. Allelúia.

Sequéntia sancti Evangélíi secún-
dum Joánnem. Joann. 20.

IN illo témpore : Cum serò esset
die illo, una sabbatórum, et
fores essent clausæ, ubi erant discí-
puli congregáti propter metum Ju-
dæórum : venit Jesus, et stetit in
medio, et dixit eis : Pax vobis. Et
cum hoc dixisset, osténdit eis ma-
nus, et latus. Gavísi sunt ergò
discípuli, viso Dómino. Dixit ergò
eis iterum : Pax vobis. Sicut misit
me Pater, et ego mitto vos. Hæc
cum dixisset, insufflávít, et dixit
eis : Accípíte Spíritum sanctum :
quórum remisérítis peccáta, remit-
túntur eis : et quorum retinuérítis,
reténta sunt.

*Offertorium. Ps. 134. Laudáte
Dóminum, quia benígnus est : psál-
lite Nómíni ejus, quóniam suávis
est : ómnia quæcúmque vóluit, fecit
in cælo et in terra. (Temp. Pasch.
additur Allelúia.)*

Secreta.

DEUS, qui credéntes in te pópu-
los nullis sinis cóncuti terróri-
bus : dignáre preces et hóstias
dicátæ tibi plebis suscípere ; ut pax
à tua pietáte concéssa, Christianó-
rum fines ab omni hoste fáciat esse
secúros. Per Dóminum, etc.

*Communio. Joann. 14. Pacem
relinquo vobis, pacem meam do vo-*

bis, dicit Dóminus. (*Temp. Pasch. additur Allelúia.*)

Postcommunio.

DEUS, auctor pacis et amátor, quem nosse, vivere; cui servire, regnare est: prótege ab ómnibus impugnatióibus súplices tuos; ut qui in defensióne tua confidimus, nullius hostilitátis arma timeámus. Per Dóminum, etc.

MISSA PRO VITANDA MORTALITATE, VEL TEMPORE PESTILENTIÆ.

Introitus. 2 Reg. 24.

RECORDARE, Dómine, testaménti tui, et dic Angelo percutiénti: Cesset jam manus tua, et non desolétur terra, et ne perdas omnem ánimam vivéntem. (*Temp. Pasch. additur Allelúia, allelúia.*)

Ps. 79. Qui regis Israël, inténdet; qui dedúcis velut ovem Joseph.

V. Glória Patri, et Fílio, etc.

Oratio.

DEUS, qui non mortem, sed pœniténtiam desíderas peccatórum; pópulum tuum ad te reverténtem propítius réspice: ut, dum tibi devótus exístit, iracúndiæ tuæ flagélla ab eo cleménter amóveas. Per Dóminum, etc.

Lectio libri Regum. 2 Reg. 24.

IN diébus illis: Immísit Dóminus pestiléntiam in Israël, de manè usque ad tempus constitútum, et mórtui sunt ex pópulo, à Dan usque ad Bersabée, septuagínta millia virórum. Cumque extendisset manum suam Angelus Dómini super Jerúsalem, ut dispéderet eam, misértus est Dóminus

.*

super afflictiónem, et ait Angelo percutiénti pópulum: Súfficit: nunc cóntine manum tuam. Erat autem Angelus Dómini juxta áream Aréuna Jebusæi. Dixítque David ad Dóminum, cum vidisset Angelum cædéntem pópulum: Ego sum qui peccávi, ego iniquè egi: isti, qui oves sunt, quid fecérunt? Vertátur, óbsecro, manus tua contra me, et contra domum patris mei. Venit autem Gad Prophéta ad David in die illa, et dixit ei: Ascénde, et constitue altáre Dómino in área Aréuna Jebusæi. Et ascéndit David juxta sermónem Gad, quem præcéperat ei Dóminus. Et ædificávit altáre Dómino, et obtulit holocáusta et pacífica: et propitiátus est Dóminus terræ, et cohíbita est plaga ab Israël.

Graduale. Ps. 106. Misit Dóminus verbum suum, et sanávit eos, et erípuit eos de morte eórum.

V. Confiteántur Dómino misericórdiæ ejus, et mirabilia ejus filiis hóminum.

Allelúia, allelúia. *V.* *Ps. 68.* Salvum me fac, Deus, quóniam intravérunt aquæ usque ad ánimam meam. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 102. Dómine, non secúndum peccáta nostra, quæ fecimus nos: neque secúndum iniquitátes nostras retribuas nobis.

V. *Ps. 78.* Dómine, ne memínis iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis.

V. Adjuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

Tempore Paschali omittitur Graduale, et ejus loco dicitur

Allelúia, allelúia. *Ÿ. Ps. 68.* Salvum me fac, Deus, quóniam intravérunt aquæ usque ad ánimam meam.

Allelúia. *Ÿ. Zach. 8.* Salvábo pópulum meum Israël in die malo: et ero eis in Deum in veritáte et justítia. Allelúia.

Sequéntia sancti Evangélíi secúndum Lucam. *Luc. 4.*

IN illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus; et rogavérunt illum pro ea. Et stans super illam, imperávit feбри: et dimísit illam. Et continuò surgens, ministrábat illis. Cùm autem sol occidisset, omnes qui habébant infirmos váriis languóribus, ducébant illos ad eum. At ille síngulis manus impónens, curábat eos. Exíbant autem dæmónia à multis clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die, egréssus ibat in desértum locum, et turbæ requirébant eum, et venérunt usque ad ipsum; et detinébant illum, ne discéderet ab eis. Quibus ille ait: Quia et áliis civitátibus opórtet me evangelizáre regnum Dei: quia idéò missus sum. Et erat prædicans in synagógis Galilææ.

Offertorium. Num. 16. Stetit Póntifex inter mórtuos et vivos, habens thuribulum áureum in manu sua: et ófferens incénsi sacrificium placávit iram Dei, et cessávit quassatio à Dómino. (*Temp. Pasch. additur Allelúia.*)

Secreta.

SUBVENIAT nobis, quæsumus, Dómine, sacrificii præsentis

oblátio: quæ nos et ab erróribus univérſis poténter absólvat, et à totíus erípiat perditiónis incúrsu. Per Dóminum, etc.

Communio. Luc. 6. Multitúdo languéntium, et qui vexabántur à spíritibus immúndis, veniébant ad eum: quia virtus de illo exíbat, et sanábat omnes. (*Temp. Pasch. additur Allelúia.*)

Postcommunio.

EXAUDI nos, Deus salutáris noster: et pópulum tuum ab iracúndiæ tuæ terróribus liberum, et misericórdiæ tuæ fac largitáte secúrum. Per Dóminum, etc.

MISSA PRO INFIRMIS.

Introitus. Ps. 54.

EXAUDI, Deus, oratióem meam, et ne despéxeris deprecatióem meam: inténde in me, et exáudi me. (*Temp. Pasch. additur Allelúia, allelúia.*)

Ps. ibid. Contristátus sum in exercitatióne mea: et conturbátus sum à voce inimíci, et à tribulatióne peccatóris.

Ÿ. Glória Patri, etc.

Oratio.

OMNIPOTENS sempitérne Deus, salus æténa credéntium, exáudi nos pro fámulis tuis infirmis, pro quibus misericórdiæ tuæ implorámus auxílium: ut, réddita sibi sanitáte, gratiárum tibi in Ecclésia tua réferant actiões. Per, etc.

¶ *Si fuerit pro uno tantum, dicatur semper in singulari.*

Léctio Epístolæ beáti Jacóbi Apóstoli. *Jac. 5.*

CARISSIMI, Tristátur áliquis vestrũ? oret. Æquo ánimo

est? psallat. Infirmatur quis in vobis? inducat presbyteros Ecclesiæ, et orent super eum, ungentes eum oleo in nomine Domini. Et oratio fidei salvabit infirmum, et alleviabit eum Dominus: et si in peccatis sit, remittentur ei. Confitemini ergo alterutrum peccata vestra: et orate pro invicem, ut salvemini.

Graduale. Ps. 6. Miserere mihi, Domine, quoniam infirmus sum: sana me, Domine.

V. Conturbata sunt omnia ossa mea, et anima mea turbata est valde.

Allelúia, allelúia. V. Ps. 101. Domine, exaudi orationem meam: et clamor meus ad te perveniat. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 30. Miserere mei, Domine, quoniam tribulor: conturbatus est in ira oculus meus, anima mea, et venter meus.

V. Quoniam defecit in dolore vita mea, et anni mei in gemitibus.

V. Infirmata est in paupertate virtus mea: et ossa mea conturbata sunt.

Tempore Paschali omittitur Graduale, et ejus loco dicitur

Allelúia, allelúia. V. Ps. 101. Domine, exaudi orationem meam, et clamor meus ad te perveniat.

Allelúia. V. Ps. 27. In Deo speravit cor meum, et adjutus sum: et refloruit caro mea, et ex voluntate mea confitebor ei. Allelúia.

Sequentia sancti Evangelii secundum Matthæum. Matth. 8.

IN illo tempore: Cum introisset Jesus Capharnaum, accessit ad eum Centurio, rogans eum, et di-

cens: Domine, puer meus jacet in domo paralyticus, et malè torquetur. Et ait illi Jesus: Ego veniam, et curabo eum. Et respondens Centurio, ait: Domine, non sum dignus ut intres sub tectum meum; sed tantum dic verbo, et sanabitur puer meus. Nam et ego homo sum sub potestate constitutus, habens sub me milites: et dico huic: Vade; et vadit: et alii: Veni; et venit: et servo meo: Fac hoc; et facit. Audiens autem Jesus miratus est, et sequentibus se dixit: Amen dico vobis, non inveni tantam fidem in Israël. Dico autem vobis, quod multi ab Oriente et Occidente venient, et recumbent cum Abraham, et Isaac, et Jacob in regno cælorum: filii autem regni ejicientur in tenebras exteriores: ibi erit fletus et stridor dentium. Et dixit Jesus Centurioni: Vade, et sicut credidisti, fiat tibi. Et sanatus est puer in illa hora.

Offertorium. Ps. 54. Exaudi Deus orationem meam, et ne despexeris deprecationem meam: intende in me, et exaudi me. (Temp. Pasch. additur Allelúia.)

Secreta.

DEUS, cujus nuntibus vitæ nostræ momenta decurrunt, suscipe preces et hostias famulorum tuorum, pro quibus ægrotantibus misericordiam tuam imploramus: ut, de quorum periculo metuimus, de eorum salute lætemur. Per Dominum, etc.

Communio. Ps. 30. Illumina faciem tuam super servum tuum, et salvum me fac in tua misericordia: Domine, non confundar, quoniam invocavi te. Temp. Pasch. additur Allelúia.

Postcommunio.

DEUS, infirmitatis humanæ singularare præsidium, auxilii tui super infirmos famulos tuos ostende virtutem : ut ope misericordiæ tuæ adjuti, Ecclesiæ tuæ sanctæ incolumes repræsentari mereantur. Per Dóminum, etc.

¶ *Pro infirmo, qui proximus est morti, dicuntur sequentes Orationes.*

Oratio.

OMNIPOTENS et miséricors Deus, qui humano generi et salutis remédia, et vitæ æternæ múnera contulisti : respice propitius famulum tuum infirmitate corporis laborantem, et animam réfove quam creásti : ut in hora éxitus illius, absque peccati mácula tibi Creatóri suo per manus sanctórum Angelórum repræsentari mereátur. Per Dóminum, etc.

Secreta.

SUSCIPE, quæsumus, Dómine, hóstiam, quam tibi offerimus pro famulo tuo in extrémó vitæ constitúto : et concéde, ut per eam univérsa illius purgéntur delicta ; ut qui tuæ dispositionis flagéllis in hac vita attéritur, in futúra réquiem consequátur æternam. Per Dóminum nostrum Jesum Christum, etc.

Postcommunio.

QUÆSUMUS cleméntiam tuam, omnípotens Deus, ut per hujus virtutem Sacraménti, famulum tuum grátia tua confirmáre dignéris : ut in hora mortis ejus non prævaleat contra eum adversárius, sed cum Angelis tuis tránsitum habére mereátur ad vitam. Per Dóminum, etc.

MISSA PRO PEREGRINANTIBUS, VEL ITER AGENTIBUS.

Introitus. Ps. 25.

REDIME me, Dómine, et miserere mei : pes enim meus stetit in via recta : in Ecclesiis benedicam Dóminum. (*Temp. Pasch. additur Allelúia, allelúia.*)

Ps. ibid. Júdica me, Dómine, quóniam ego in innocentia mea ingressus sum : et in Dómino sperans non infirmabor.

Ÿ. Glória Patri, et Filio, etc.

Oratio.

ADESTO, Dómine, supplicati-
ónibus nostris, et viam famulorum tuorum in salutis tuæ prosperitate dispóne : ut inter omnes viæ et vitæ hujus varietates, tuo semper protegántur auxilio. Per Dóminum, etc.

Lectio libri Génesis. Genes. 28.

IN diébus illis : Egréssus Jacob de Bersabée, pergébat Haran. Cumque venisset ad quemdam locum, et vellet in eo requiescere post solis occúbítum, tulit de lapidibus, qui jacébant, et supponens cápiti suo, dormívit in eódem loco. Vidítque in somnis Dóminum dicentem sibi : Ego sum Dóminus Deus Abraham patris tui, et Deus Isaac. Terram, in qua dormis, tibi dabo et sémini tuo. Erítque semen tuum quasi pulvis terræ : dilatáberis ad Occidentem, et Orientem, et Septentrionem, et Meridiem : et benedicéntur in te, et in sémine tuo cunctæ tribus terræ. Et ero custos tuus quocúmque perréxeris, et reducam te in terram hanc : nec dimittam, nisi complévero univérsa, quæ dixi. Surgens ergò Jacob manè, tulit lápidem quem supposú-

erat capiti suo, et erexit in titulum, fundens oleum desuper. Vovit etiam votum, dicens: Si fuerit Deus mecum, et custodierit me in via, per quam ego ambulo, et dederit mihi panem ad vescendum, et vestimentum ad induendum, reversusque fuero prosperè ad domum patris mei: erit mihi Dominus in Deum, et lapis iste, quem erexi in titulum, vocabitur Domus Dei, cunctorumque quæ dederis mihi, decimas offeram tibi.

Graduale. Ps. 22. Si ambulem in medio umbræ mortis, non timebo mala, quoniam tu mecum es, Domine.

V. Virga tua, et baculus tuus, ipsa me consolata sunt.

Allelúia, allelúia. V. Ps. 118. Gressus meos dirige secundum eloquium tuum, ut non dominetur mei omnis injustitia. *Allelúia.*

Post Septuagesimam, omissis Allelúia et Versu sequenti, dicitur

Tractus. Ps. 90. Angelis suis Deus mandavit de te, ut custodiant te in omnibus viis tuis.

V. In manibus portabunt te, ne unquam offendas ad lapidem pedem tuum.

V. Super aspidem et basiliscum ambulabis, et conculcabis leonem et draconem.

Tempore Paschali omittitur Graduale, et ejus loco dicitur

Allelúia, allelúia. V. Ps. 118. Gressus meos dirige secundum eloquium tuum, ut non dominetur mei omnis injustitia. *Allelúia.*

V. Ps. 121. Lætatus sum in his quæ dicta sunt mihi; in domum Domini ibimus. *Allelúia.*

Sequéntia sancti Evangelii secundum Matthæum. *Matth. 10.*

IN illo tempore: Dixit Jesus discipulis suis: Eúntes prædicáte,

dicétes: Quia appropinquávit regnum cælórum. Infirmos curáte, mórtuos suscitáte, leprósos mundáte, daemones ejicite: gratis accepistis, gratis date. Nolite possidére aurum, neque argéntum, neque pecúniám in zonis vestris: non peram in via, neque duas túnicas, neque calceaménta, neque virgam: dignus enim est operárius cibo suo. In quamcúmque autem civitátem, aut castéllum intravéritis, interrogáte quis in ea dignus sit; et ibi manéte donec exeátis. Intrántes autem in domum, salutáte eam, dicétes: Pax huic dómui. Et si quidem fuerit domus illa digna, véniet pax vestra super eam: si autem non fuerit digna, pax vestra revertétur ad vos. Et quicumque non recéperit vos, neque audierit sermónes vestros; exeúntes foràs de domo, vel civitáte, excútite púlverem de pédibus vestris.

Offertorium. Ps. 16. Pérfice gressus meos in sémitis tuis, ut non moveántur vestígia mea: inclína aurem tuam mihi, et exáudi verba mea: mirífica misericórdias tuas, qui salvos facis sperántes in te, Domine. (*Temp. Pasch. additur Allelúia.*)

Secreta.

PROPITIARE, Domine, supplicatióibus nostris, et has oblatiões, quas tibi offerimus pro famulis tuis, benígnus assúme: ut viam illórum et præcedénte grátia tua dirigas, et subsequénte comitári dignéris: ut de actu atque incolumitáte eórum, secundum misericórdiæ tuæ præsidia gaudeámus. Per Dóminum, etc.

Communio. Ps. 118. Tu mandásti mandáta tua custodíri nimis: útinam dirigántur viæ meæ ad cus-

todiéncias justificatiónes tuas. (T. *Pasch. additur Allelúia.*)

Postcommunio.

TUA, Dómine, sacraménta, quæ súmpsimus, fámulos tuos in te sperántes custódiánt : et contra omnes advérsos tueántur incúrsus. Per Dóminum, etc.

MISSA PRO SPONSO ET SPONSA.

¶ *In celebratione Nuptiarum debet dici Missa pro Sponso et Sponsa, etiam in duplici minori aut majori. In diebus vero Dominicæ, aliisque diebus Festis de præcepto, ac dupl. i. et ij. classis, dicenda est Missa de Festo occ. cum commem. Missæ pro Sponso et Sponsa. Decr. Urbis et Orbis à Sanctiss. D. N. Pio VI. Papa, 7 Januar. 1784.*

Introitus. Tob. 7 et 8.

DEUS Israël conjúngat vos, et ipse sit vobíscum, qui misértus est duóbus únícis : et nunc, Dómine, fac eos pléníus benedicere te. (Temp. *Pasch. additur Allelúia, allelúia.*)

Ps. 127. Beáti omnes qui timent Dóminum : qui ámbulant in viis ejus.

Ÿ. Glória Patri, etc.

Oratio.

EXAUDI nos, omnípotens et miséricors Deus : ut quod nostro ministrátur officio, tua benedictióne pótíus impleátur. Per, etc.

Léctio Epístolæ beáti Pauli Apóstoli ad Ephésios. *Ephes. 5.*

FRATRES, Mulieres viris suis súbditæ sint, sicut Dómino : quóniam vir caput est mulieris, sicut

Christus caput est Ecclésiæ. Ipse salvátor córporis ejus. Sed sicut Ecclésia subjécta est Christo, ita et mulieres viris suis in ómnibus. Viri, diligite uxóres vestras, sicut et Christus diléxit Ecclésiám, et seípsum trádidit pro ea, ut illam sanctificáret, mundans lavácro aquæ in verbo vitæ, ut exhibéret ipse sibi gloriósam Ecclésiám, non habéntem máculam, aut rugam, aut áliquíd hujúsmodi ; sed ut sit sancta et immaculáta. Ita et viri debent diligere uxóres suas ut córpora sua. Qui suam uxórem diligit, seípsum diligit. Nemo enim unquam carnem suam ódio hábuit, sed nutrit, et fovit eam, sicut et Christus Ecclésiám : quia membra sumus córporis ejus, de carne ejus, et de óssibus ejus. Propter hoc relinquet homo patrem, et matrem suam, et adhærébit uxóri suæ : et erunt duo in carne una. Sacraméntum hoc magnum est, ego autem dico in Christo, et in Ecclésia. Verúm tamen et vos sínguli, unusquisque uxórem suam sicut seípsum dilígat : uxor autem tímeat virum suum.

Graduale. Ps. 127. Uxor tua sicut vitis abúndans in latéribus domus tuæ.

Ÿ. Fílii tui sicut novéllæ olivárum in circúitu mensæ tuæ.

Allelúia, allelúia. Ÿ. *Ps. 19.* Mittat vobis Dóminus auxílium de sancto, et de Sion tueátur vos. Allelúia.

Post Septuagesimam, omissis Allelúia et Versu sequenti, dicitur

Tractus. Ps. 127. Ecce sic benedicétur omnis homo qui timet Dóminum.

Ÿ. Benedícat tibi Dóminus ex Sion : et vídeas bona Jerúsalem ómnibus diébus vitæ tuæ.

Ÿ. Et vídeas filios filiórum tuórum : pax super Israël.

Tempore Paschali omittitur Graduale, et ejus loco dicitur

Allelúia, allelúia. *Ÿ. Ps. 19.* Mittat vobis Dóminus auxilium de sancto, et de Sion tueátur vos.

Allelúia. *Ÿ. Ps. 133.* Benedícat vobis Dóminus ex Sion, qui fecit cælum et terram. Allelúia.

Sequéntia sancti Evangélíi secúndum Matthæum. *Matth. 19.*

IN illo témpore : Accessérunt ad Jesum Pharisæi tentántes eum, et dicéntes : Si licet hómini dimíttere uxórem suam quacúmque ex causa ? Qui respóndens, ait eis : Non legístis, quia qui fecit hóminem ab inítio, másculum et féminam fecit eos ? Et dixit : Propter hoc dimíttet homo patrem et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergò Deus conjúnxit, homo non séparet.

Offertorium. Ps. 30. In te sperávi, Dómine ; dixi, tu es Deus meus : in má nibus tuis témpora mea.

Secreta.

SUSCIPE, quæsumus, Dómine, pro sacra connúbii lege munus oblátum : et cujus largitor es óperis, esto dispósitor. Per, etc.

¶ *Dicto Pater noster, Sacerdos antequam dicat, Libera nos, quæsumus, Dómine, etc., stans in cornu Epistolæ versus Sponsum et Sponsam ante Altare genu flexos, dicit super eos sequentes Orationes.*

Oremus.

Oratio.

PROPITIARE, Dómine, supplicatió nibus nostris, et institútis tuis, quibus propagatió nem humáni

géneris ordinásti, benignus assiste : ut, quod te auctóre júngitur, te auxiliánte servétur. Per Dóminum nostrum Jesum Christum, etc.

Oremus.

DEUS, qui potestáte virtútis tuæ de níhilo cuncta fecisti : qui dispósitis universitátis exórdiis, hómini ad imáginem Dei facto idéò inseparábile mulieris adjutórium condidísti, ut femíneo córpori de virili dares carne princípium, docens quod ex uno placúisset institui, numquam licére disjúngi : Deus, qui tam excellénti mystério conjugálem cópulam consecrásti, ut Christi et Ecclésiæ sacraméntum præsignáres in fœdere nuptiárum : Deus, per quem múlter júngitur viro, et societas princípáliter ordináta, ea benedictió ne donátur, quæ sola nec per originális peccáti pœnam, nec per dilúvii est abláta senténtiam : respice propítius super hanc fámulam tuam, quæ maritáli jungénda consórtio, tua se éxpedit protectió ne muníri : sit in ea jugum dilecti ónis et pacis : fidélis et casta nubat in Christo, imitatríxque sanctárum permáneat feminárum : sit amábilis viro, ut Rachel : sápiens, ut Rebécca : longæva et fidélis, ut Sara : nihil in ea ex áctibus suis ille auctor prævaricati ónis usúrpet : nexa fidei mandatisque permáneat : uni thoro juncta, contáctus illicítos fúgiat : múniat infirmitátem suam róbre disciplínæ : sit verecúndia gravis, pudóre venerábilis, doctrínis cœlestibus erudíta : sit fœcúnda in sóbole : sit probáta et innocens : et ad beatórum réquiem, atque ad cœlestia regna pervéniat : et vídeant ambo filios filiórum suórum, usque in tértiam et quartam generatió nem, et ad optátam pervéniant senectútem. Per eúndem Dóminum.

¶ *Tum Sacerdos reversus ad medium Altaris, dicat, Libera nos, et reliqua more solito: et postquam sumpserit Sanguinem, communicet Sponsos, et prosequatur Missam.*

Communio. Ps. 127. Ecce sic benedicetur omnis homo qui timet Dóminum: et vídeas filios filiórum tuórum: pax super Israël. (Temp. Pasch. additur Allelúia.)

Postcommunio.

QUÆSUMUS, omnípotens Deus, institúta providéntiæ tuæ pio favóre comitáre: ut, quos legítima societáte connéctis, longæva pace custódias. Per, etc.

¶ *Dicto Benedicámus Dómino, etc., vel, si Missæ illius diei conveniat, Ite, Missa est, Sacerdos antequam populo benedicat, conversus ad Sponsum et Sponsam, dicat:*

DEUS Abraham, Deus Isaac, et Deus Jacob sit vobíscum: et ipse adimpleat benedictiónem suam in vobis: ut videátis filios filiórum vestrórum usque ad tértiam et quartam generatióem; et póstea vitam ætérnam habeátis sine fine, adjuvánte Dómino nostro Jesu Christo: qui cum Patre et Spiritu sancto vivit et regnat Deus, per ómnia sæcula sæculórum.

R. Amen.

¶ *Moneat eos Sacerdos sermone gravi, ut sibi invicem servant fidem: orationis tempore, et præsertim jejuniorum ac solemnitatum, casti maneant: et vir uxorem, atque uxor virum diligat, et in timore Dei permaneant. Postea eos aspergat aqua benedicta, et dicto Pláceat tibi, sancta Trinitas, det benedictionem; et legat, ut solitum est, Evangelium sancti Joannis, In principio erat Verbum, etc.*



ORATIONES DIVERSÆ

Dicendæ in Missa ad libitum Sacerdotis, cum iis quæ in propriis Missis assignantur, quando non est Festum Duplex.

1. *Ad poscenda suffragia Sanctorum.*

Oratio.

CONCEDE, quæsumus, omnipotens Deus, ut intercessio Sanctæ Dei Genitricis Mariæ, sanctorumque omnium Apostolorum, Martyrum, Confessorum, atque Virginum, et omnium Electorum tuorum, nos ubique lætificent: ut, dum eorum mérita recolimus, patrocinia sentiámus. Per Dóminum, etc.

Secreta.

OBLATIS, Dómine, placáre munéribus: et intercedente beáta María semper Virgine, cum omnibus Sanctis tuis, à cunctis nos défende periculis. Per, etc.

Postcommunio.

SUMPSIMUS, Dómine, beátæ Mariæ semper Virginis, et omnium Sanctorum tuorum memóriam recoléntes, sacraménta cœlestia: præsta, quæsumus, ut quod temporaliter gérimus, ætérnis gaudiis consequámur. Per Dóminum, etc.

k*

2. *Alia Oratio ut supra.*

Oratio.

ACUNCTIS nos, quæsumus, Dómine, mentis et córporis défende periculis; et, intercedente beáta et gloriósa semper virgine Dei genitrice María, cum beátis Apostolis tuis Petro et Paulo, atque beáto N., et omnibus Sanctis, salutem nobis tribue benignus et pacem; ut, destrúctis adversitatibus et erróribus univérsis, Ecclésia tua secúra tibi sérviat libertáte. Per eúmdem Dóminum nostrum Jesum, etc.

¶ *In hac Oratione nomina SS. Michaelis, Joannis Baptistæ, et Josephi præponuntur Apostolis.*

Secreta.

EXAUDI nos, Deus salutáris noster, ut, per hujus sacraménti virtútem, à cunctis nos mentis et córporis hóstibus tueáris, grátiam tribuens in præsentí, et glóriam in futúro. Per Dóminum, etc.

Postcommunio.

MUNDET et múniat nos, quæsumus, Dómine, divini sacraménti munus oblátum: et, intercedente beáta Virgine Dei Genitrice María, cum beátis Apóstolis tuis Petro et Paulo, atque beáto N., et

ómnibus Sanctis, à cunctis nos red-
dat et perversitatibus expiátos, et
adversitatibus expeditos. Per eúm-
dem Dóminum, etc.

3. *Pro omni gradu Ecclesiæ.*

Oratio.

OMNIPOTENS sempitérne De-
us, cujus spíritu totum corpus
Ecclesiæ sanctificátur et régitur :
exáudi nos pro univérsis Ordinibus
supplicántes ; ut, grátiae tuæ múnere,
ab ómnibus tibi grádibus fidéliter
serviátur. Per Dóminum nostrum
.... in unitáte ejúsdem.

Secreta.

DA fámulis tuis, Dómine, indul-
géntiam peccatórum, conso-
lationem vitæ, gubernationem per-
pétuam : ut tibi serviéntes, ad tuam
júgiter misericórdiam pervenire me-
reántur. Per Dóminum, etc.

Postcommunio.

LIBERA, quæsumus, Dómine,
à peccátis et hóstibus fámulos
tuos tibi supplicántes : ut in sancta
conversatióne vivéntes, nullis affici-
ántur advérsis. Per, etc.

4. *Pro Papa.*

Oratio.

DEUS, ómnium fidélium Pastor
et Rector, fámulum tuum *N.*,
quem Pastórem Ecclesiæ tuæ præ-
esse voluísti, propítius réspice : da
ei, quæsumus, verbo et exémplo,
quibus præest, proficere : ut ad vi-
tam, unà cum grege sibi crédito,
pervéniat sempitérnam. Per, etc.

Secreta.

OBLATIS, quæsumus, Dómine,
placáre munéribus ; et fámul-
um tuum *N.*, quem Pastórem Ec-

clésiæ tuæ præesse voluísti, assídua
protectiône guberná. Per, etc.

Postcommunio.

HÆC nos, quæsumus, Dómine,
divini Sacraménti percéptio
próteget ; et fámulum tuum *N.*,
quem Pastórem Ecclesiæ tuæ præ-
esse voluísti, unà cum commisso
sibi grege, salvet semper et múniat.
Per Dóminum, etc.

5. *Pro Imperatore.*

Oratio.

DEUS, regnórum ómnium, et
Christiáni máximè protéctor
Impérii, da servo tuo Imperatóri
nostro *N.* triúmphum virtútis tuæ
sciénter excólere, ut, qui tua insti-
tutióne est princeps, tuo sit semper
múnere potens. Per, etc.

*Si non est coronatus, dicatur Eléc-
to Imperatóri.*

Secreta.

SUSCIPE, Dómine, preces et
hóstias Ecclesiæ tuæ pro salute
fámuli tui supplicántis : et in pro-
tectiône fidélium populórum anti-
qua bráchii tui operáre mirácula :
ut, superátis pacis inimícis, secúra
tibi sérviat Christiána libértas. Per
Dóminum, etc.

Postcommunio.

DEUS, qui ad prædicándum
ætérni Regis Evangélium,
Románum Impérium præparásti,
præténde fámulo tuo Imperatóri
nostro *N.* arma cœléstia : ut pax
Ecclesiárum nulla turbétur tempe-
tate bellórum. Per, etc.

6. *Pro Rege.*

Oratio.

QUÆSUMUS, omnipotens De-
us, ut fámulus tuus *N.* Rex

noster, qui tua miseratione suscepit regni gubernacula, virtutum etiam omnium percipiat incrementa : quibus decenter ornatus, et vitiarum monstra devitare, et ad te, qui via, veritas, et vita es, gratus valeat pervenire. Per Dominum, etc.

Secreta.

MUNERA, Domine, quaesumus, oblata sanctifica, ut et nobis Unigeniti tui Corpus et Sanguis fiant, et Regi nostro ad obtinendam animae corporisque salutem, et peragendum iunctum officium, te largiente, usquequaque proficiant. Per eundem Dominum, etc.

Postcommunio.

HÆC, Domine, oblatio salutaris famulum tuum *N.* Regem nostrum ab omnibus tueatur adversis : quatenus et Ecclesiasticae pacis obtineat tranquillitatem, et post huius temporis decursum ad æternam perveniat hereditatem. Per Dominum, etc.

7. *Pro Prælati et Congregationibus eis commissis.*

Oratio.

OMNIPOTENS sempiternæ Deus, qui facis mirabilia magna solus, prætende super famulos tuos, et super Congregationes illis commissas, spiritum gratiæ salutaris : et, ut in veritate tibi complacent, perpetuum eis rorem tuæ benedictionis infunde. Per Dominum . . . in unitate ejusdem, etc.

Secreta.

HOSTIAS, Domine, famulorum tuorum placatus intende ; et quas in honorem nominis tui devota mente pro eis celebramus, proficere sibi sentiant ad medelam. Per, etc.

Postcommunio.

QUOS cœlesti récreas munere, perpétuo, Domine, comitare præsidio : et quos fovere non desinis, dignos fieri sempiterna redemptione concede. Per Dominum, etc.

8. *Pro Congregatione et Familia.*

Oratio.

DELENDE, quaesumus, Domine, beata Maria semper Virgine intercedente, istam ab omni adversitate familiam ; et toto corde tibi prostratam ab hostium propitius tuere clementer insidiis. Per, etc.

Secreta.

SUSCIPE, quaesumus, omnipotens Deus, oblationem nostræ devotionis : et per virtutem huius Sacramenti, famulos tuos à cunctis adversitatibus protege. Per, etc.

Postcommunio.

SUMPTIS redemptionis nostræ muneribus, præsta, quaesumus, misericors Deus, eorum nobis celebratione, tuæ protectionis contra omnes adversitates subsidium. Per Dominum, etc.

9. *Pro concordia in Congregatione servanda.*

Oratio.

DEUS, largitor pacis, et amator charitatis, da famulis tuis veram cum tua voluntate concordiam, ut ab omnibus, quæ nos pulsan, tentationibus liberemur. Per, etc.

Secreta.

HIS sacrificiis, Domine, quaesumus, concede placatus, ut qui propriis oramus absolvi delictis, non gravemur externis. Per, etc.

Postcommunio.

SPIRITUM nobis, Dómine, tuæ charitátis infúnde, ut quos uno pane cœlesti satiásti, tua fácias pietáte concórdes. Per Dóminum in unitáte ejúsdem Spíritus, etc.

10. *Contra persecutores Ecclesiæ.**Oratio.*

ECCLESIAE tuæ, quæsumus, Dómine, preces placátus admitte : ut, destrúctis adversitatibus et erróribus univérsis, secúra tibi sérviat libertáte. Per, etc.

Secreta.

PROTEGE nos, Dómine, tuis mystériis serviéntes : ut, divínis rebus inhæréntes, et corpore tibi famulémur et mente. Per, etc.

Postcommunio.

QUÆSUMUS, Dómine Deus noster : ut, quos divína tribuis participatióne gaudére, humanis non sinas subjacére periculis. Per Dóminum, etc.

11. *Contra persecutores et male agentes.**Oratio.*

HOSTIUM nostrórum, quæsumus, Dómine, elíde supérbi-
am, et eórum contumáciam dexterae tuæ virtúte prostérne. Per, etc.

Secreta.

HUJUS, Dómine, virtúte mystérii, et à própriis mundémur occúltis, et ab inimicórum liberémur insídiis. Per, etc.

Postcommunio.

PROTECTOR noster áspice, Deus, et ab inimicórum nos

defénde perículis : ut, omni perturbatióne submóta, liberis tibi méntibus serviámus. Per, etc.

12. *Pro quacumque necessitate.**Oratio.*

DEUS refúgium nostrum et virtus, adésto piis Ecclesiæ tuæ précibus auctor ipse pietátis ; et præsta, ut quod fidéliter pétimus, effícaciter consequámur. Per, etc.

Secreta.

DA, miséricors Deus, ut hæc salutáris oblátio et à própriis nos reátibus indesinénter expédíat, et ab ómnibus tueátur advérsis. Per Dóminum, etc.

Postcommunio.

SUMPSIMUS, Dómine, sacri dona mystérii, humíliter deprecántes, ut quæ in tui commemoratióne nos fácere præcepísti, in nostræ proficiant infirmitátis auxili-
um. Qui vivis, et regnas, etc.

13. *Pro quacumque tribulatione.**Oratio.*

NE despicias, omnípotens Deus, pópulum tuum in afflictióné clamántem : sed propter glóriam Nóminis tui, tribulátis succurre placátus. Per Dóminum, etc.

Secreta.

SUSCIPE, Dómine, propítius hóstias, quibus et te placári voluísti, et nobis salutem poténti pietáte restitui. Per, etc.

Postcommunio.

TRIBULATIONEM nostram, quæsumus, Dómine, propítius réspice : et iram tuæ indignatiónis,

quam justè merémur, avérte. Per Dóminum, etc.

14. *Tempore famis.*

Oratio.

DA nobis, quæsumus, Dómine, piæ supplicatiónis effectum, et famem propitiátus avérte : ut mortálium corda cognóscant, et te indignánte, tália flagélla prodíre, et te miseránte, cessáre. Per, etc.

Secreta.

DEUS, qui humáni géneris utrámque substántiam præsentium múnere et aliménto végetas, et rénovas sacraménto : tribue, quæsumus, ut eórum et corpóribus nostris subsidium non desit, et méntibus. Per Dóminum, etc.

Postcommunio.

GUBERNA, quæsumus, Dómine, temporálibus aliméntis, quos dignáris ætérnis informáre mystériis. Per Dóminum, etc.

15. *Tempore terræmotus.*

Oratio.

OMNIPOTENS sempitérne Deus, qui réspicis terram, et facis eam tremere, parce metuéntibus, propitiáre supplicibus : ut, cujus iram terræ fundaménta concutiéntem expávimus, cleméntiam contritiónes ejus sanántem júgiter sentiámus. Per Dóminum, etc.

Secreta.

DEUS, qui fundásti terram super stabilitátem suam, súscipe oblatiões et preces pópuli tui, ac treméntis terræ perículis pénitùs amótiis, Divínæ tuæ iracúndiæ terrores in humánæ salútis remédia convérte : ut qui de terra sunt, et in

terram reverténtur, gáudeant se fieri sancta conversatióne cœléstes. Per Dóminum, etc.

Postcommunio.

TUERE nos, Dómine, quæsumus, tua sancta suméntes, et terram, quam vidimus nostris iniquitatibus treméntem, supérno múnere firma : ut mortálium corda cognóscant, et te indignánte, tália flagélla prodíre, et te miseránte, cessáre. Per Dóminum, etc.

16. *Ad petendam pluviam.*

Oratio.

DEUS, in quo vivimus, movémur, et sumus, plúviam nobis tribue congruéntem : ut præsentibus subsidiis sufficiénter adjúti, sempitérna fiduciáliùs appetámus. Per Dóminum, etc.

Secreta.

OBLATIS, quæsumus, Dómine, placáre munéribus ; et opportunum nobis tribue plúviæ sufficiéntis auxilium. Per, etc.

Postcommunio.

DA nobis, quæsumus, Dómine, plúviam salutárem : et áridam terræ faciém fluéntis cœléstibus dignánter infúnde. Per etc.

17. *Ad postulandam serenitatem.*

Oratio.

AD te nos, Dómine, clamántes exáudi : et áeris serenitátem nobis tribue supplicántibus : ut qui justè pro peccátis nostris affligimur, misericórdia tua præveniéntem, cleméntiam sentiámus. Per, etc.

Secreta.

PRÆVENIAT nos, quæsumus, Dómine, grátia tua semper et

subsequátur; et has oblatiões, quas pro peccátis nostris Nómīni tuo consecrándas deférimus, benígnus assúme; ut per intercessiões Sanctórum tuórum, cunctis nobis proficiant ad salútem. Per, etc.

Postcommunio.

QUÆSUMUS, omnípotens Deus, cleméntiam tuam, ut in-undántiam coérceas ímbrium, et hilaritátem vultus tui nobis imper-
tíri dignéris. Per Dóminum, etc.

18. *Ad repellendas tempestates.*

Oratio.

ADOMO tua, quæsumus, Dómine, spirítales nequítiae repel-lántur, et aereárum discédant malí-gnitas tempestátum. Per, etc.

Secreta.

OFFERIMUS tibi, Dómine, laudes et múnera, pro concés-sis beneficiis grátias referéntes, et pro concedéndis semper suppliciter deprecántes. Per Dóminum, etc.

Postcommunio.

OMNIPOTENS sempitérne Deus, qui nos et castigándo sa-nas, et ignoscéndo consérvas: prae-sta supplicibus tuis, ut et tranquilli-tátibus hujus optátæ consolatiónis lætémur, et dono tuæ pietátis sem-per utámur. Per, etc.

19. *Pro peste animalium.*

Oratio.

DEUS, qui labóribus hóminum, étiam de mutis animálibus solátia subrogásti: súpplīces te ro-gámus, ut, sine quibus non álitur húmana conditio, nostris fácias úsi-bus non perire. Per, etc.

Secreta.

SACRIFICIIS, Dómine, placá-tus oblátis, opem tuam nostris tempóribus cleménter impénde. Per Dóminum, etc.

Postcommunio.

BENEDICTIONEM tuam, Dómine, pópulus fidélis accípiat, qua córpore salvétur et mente, et cóngruam tibi exhibeat servitútem, et propitiatiónis tuæ beneficia sem-per invéniat. Per, etc.

20. *Pro seipso Sacerdote.*

Oratio.

OMNIPOTENS et miséricors Deus, humilitátis meæ preces benígnus inténde; et me fámulum tuum, quem nullis suffragántibus méritis, sed imménsa cleméntiae tuæ largitáte cœléstibus mystériis servíre tribuísti, dignum sacris altá-ribus fac mínistrum; ut quod mea voce deprómitur, tua sanctificatióne firmétur. Per Dóminum, etc.

Secreta.

HUJUS, Dómine, virtúte Sacra-ménti, peccatórum meórum máculas abstérge: et præsta, ut ad exequéndum injúncti officii minis-térium, me tua grátia dignum effi-ciat. Per Dóminum, etc.

Postcommunio.

OMNIPOTENS sempitérne Deus, qui me peccatórem sacris altáribus adstáre voluísti, et sancti Nómīnis tui laudáre poténtiam: concéde propítius per hujus Sacra-ménti mystérium, meórum mihi véniam peccatórum; ut tuæ Majes-táti dignè mérear famulári. Per Dóminum, etc.

21. *Pro petitione lacrymarum.**Oratio.*

OMNIPOTENS et mitissime Deus, qui sitiénti pópulo fontem vivéntis aquæ de petra produxisti: educ de cordis nostri durítia lácrymas compunctiónis: ut peccáta nostra plángere valeámus, remissionémque eórum, te miseránte, mereámur accipere. Per, etc.

Secreta.

HANC oblatiónem, quæsumus, Dómine Deus, quam tuæ majestáti pro peccátis nostris offerimus, propítius respice: et produc de óculis nostris lacrymárum flúmina, quibus débíta flammárum incéndia valeámus extingueré. Per, etc.

Postcommunio.

GRATIAM Spíritus sancti, Dómine Deus, córdibus nostris cleménter infúnde: quæ nos gemítibus lacrymárum efficiat máculas nostrórum dilúere peccatórum, atque optátæ nobis, te largiénte, indulgéntiæ præstet effectum. Per Dóminum . . . in unitáte ejúsdem, etc.

22. *Pro remissione peccatorum.**Oratio.*

DEUS, qui nullum réspuis, sed quantúmvis peccántibus, per pœniténtiam pia miseratióne placáris: respice propítius ad preces humilitátis nostræ, et illúmina corda nostra: ut tua valeámus implére præcépta. Per Dóminum, etc.

Secreta.

PRÆSENS sacrificium, Dómine, quod tibi pro delictis nostris offerimus, sit tibi munus accéptum; et tam vivéntibus quam

defúctis proficiat ad salútem. Per Dóminum, etc.

Postcommunio.

EXAUDI preces famíliæ tuæ, omnipotens Deus, et præsta ut sancta hæc, quæ à te sumpsimus, incorrúpta in nobis, te donánte, servéntur. Per Dóminum, etc.

23. *Pro publice pœnitentibus.**Oratio.*

OMNIPOTENS sempitérne Deus, confiténtibus tibi fámulis tuis pro tua pietáte reláxa peccáta: ut non ampliùs eis nóceat consciéntiæ reátus ad pœnam, quam indulgéntia tuæ propitiatiónis prosit ad véniam. Per, etc.

Secreta.

PRÆSTA, quæsumus, omnipotens et miséricors Deus, ut hæc salutáris oblátio fámulos tuos et à própriis reátibus indesinénter expédiat, et ab ómnibus tueátur advérsis. Per Dóminum, etc.

Postcommunio.

OMNIPOTENS et miséricors Deus, qui ómnem ánimam pœniténtem, et confiténtem tibi, magis vis emendári, quam pérdere: respice super hos fámulos tuos, et per hæc sancta Sacraménta, quæ sumpsimus, avérte ab eis iram indignatiónis tuæ, et ómnia eórum peccáta dimítte. Per, etc.

24. *Pro tentatis et tribulatis.**Oratio.*

DEUS, qui justílicas ímpium, et non vis mortem peccatóris, Majestátem tuam suppliciter deprecámur, ut fámulos tuos de tua miséricórdia confidéntes, cœlésti proté-

gas benígnus auxilio, et assídua protectione consérves ; ut tibi júgiter famuléntur, et nullis tentatióibus à te separéntur. Per, etc.

Secreta.

HUJUS, quæsumus, Dómine, virtúte mystérii et à própriis nos munda delíctis, et fámulos tuos ab ómnibus absólve peccátis. Per Dóminum, etc.

Postcommunio.

PURIFICENT nos, quæsumus, Dómine, Sacraménta quæ sumpsimus : et fámulos tuos ab omni culpa liberos esse concéde : ut qui consciéntiæ reátu constringúntur, cœléstis remédii plenitúdine gloriéntur. Per Dóminum, etc.

25. *Ad repellendas malas cogitationes.*

Oratio.

OMNIPOTENS et mitíssime Deus, réspice propítius ad preces nostras, et libera corda nostra de malárum tentatióibus cogitatiónum : ut sancti Spíritus dignum fieri habitáculum mereámur. Per Dóminum . . . in unitáte ejúsdem, etc.

Secreta.

HAS tibi, Dómine, offérimus oblatiões pro salúte nostra, quátenus ánimas nostras ab immúndis cogitatióibus purges, illæsásque custódias, et sancti Spíritus grátia illumináre dignéris. Per Dóminum . . . in unitáte ejúsdem, etc.

Postcommunio.

DEUS, qui illúminas omnem hóminem veniéntem in hunc mundum, illúmina, quæsumus, cor-

da nostra gratiæ tuæ splendóre ; ut digna ac plácita Majestáti tuæ cogitare semper, et te sincérè diligere valeámus. Per Dóminum, etc.

26. *Ad postulandam continentiam.*

Oratio.

URE igne sancti Spíritus renes nostros et cor nostrum, Dómine, ut tibi casto corpore serviámus, et mundo corde placeámus. Per Dóminum . . . in unitáte ejúsdem Spíritus, etc.

Secreta.

DIRUMPE, Dómine, víncula peccatórum nostrórum : et ut sacrificáre tibi hóstiam laudis absolúta libertáte ac munda mente possimus, retribue quæ ante tribuísti : et salva nos per indulgéntiam, quos dignátus es salváre per gratiam. Per Dóminum, etc.

Postcommunio.

DOMINE, adjútor et protéctor noster, ádjuva nos : et reflóreat cor et caro nostra vigóre pudici-tiæ et castimóniæ novitáte ; ut per hoc sacrificium, quod tuæ obtúlimus pietáti, ab ómnibus tentatióibus emundémur. Per, etc.

27. *Ad postulandam humilitatem.*

Oratio.

DEUS, qui supérbis resistis, et grátiam præstas humilibus, concéde nobis veræ humilitátis virtútem, cujus in se formam fídelibus Unigénitus tuus exhibuit ; ut nunquam indignatióinem tuam provocemus eláti, sed pótius gratiæ tuæ capiámus dona subjécti. Per eúdem, etc.

Secreta.

HÆC oblatio, Dómine, quæsumus, veræ nobis humilitátis

grátiam obtíneat, simúlque à córdibus nostris concupiscéntiam carnis et oculórum, atque ambitionem sæculi áuferat ; quátenus sobriè, justè, pièque vivéntes, præmia consequámur ætérna. Per, etc.

Postcommunio.

HUJUS, Dómine, Sacraménti percéptio peccatórum nostrórum máculas abstérget ; et nos per humilitátis exhibitiónem ad cœléstia regna perdúcat. Per, etc.

28. *Ad postulandam patientiam.*

Oratio.

DEUS, qui Unigéniti tui patientia, antíqui hostis contrivísti superbiam, da nobis, quæsumus, quæ idem piè pro nobis pértulit, dignè recólere ; sicque exémplo ejus nobis adversántia æquanímiter toleráre. Per eúndem, etc.

Secreta.

MUNERA nostræ oblatiónis, quæsumus, Dómine, súscipe placátus : quæ, ut nobis patientiæ donum largíri dignéris, Majestáti tuæ devóta offerimus actióne. Per Dóminum, etc.

Postcommunio.

MYSTERIA, Dómine, sacrosáncta quæ súmpsimus, amíssam nobis, quæsumus, reconcílient grátiam ; atque munus patientiæ in illátis ómnibus, semper et ubíque protegéndo, impértiant. Per, etc.

29. *Ad postulandam charitatem.*

Oratio.

DEUS, qui diligéntibus te facis cuncta prodésse, da córdibus nostris inviolábilem tuæ charitátis affectum : ut desidéria de tua inspi-

l*

ratione concépta, nulla possint tentatióne mutári. Per Dóminum nostrum Jesum Christum, etc.

Secreta.

DEUS, qui nos ad imáginem tuam Sacraméntis rénovas et præcéptis, pérfice gressus nostros in sémitis tuis ; ut charitátis donum, quod fecisti à nobis sperári, per hæc, quæ offerimus, sacrificia, fácias veráciter apprehénderi. Per, etc.

Postcommunio.

SANCTI Spíritus grátia, quæsumus, Dómine, corda nostra illúminet, et perfectæ charitátis dulcedine abundánter reficiat. Per Dóminum . . . in unitáte ejúsdem, etc.

30. *Pro devotis amicis.*

Oratio.

DEUS, qui charitátis dona per grátiam sancti Spíritus tuórum fidélium córdibus infudisti : da fámulis et famulábus tuis, pro quibus tuam deprecámur cleméntiam, salútem mentis et córporis, ut te tota virtúte diligant, et quæ tibi plácita sunt, tota dilectióne perficiant. Per Dóminum nostrum . . . in unitáte ejúsdem Spíritus, etc.

Secreta.

MISERERE, quæsumus, Dómine, fámulis et famulábus tuis pro quibus hoc sacrificium laudis tuæ offerimus Majestáti ; ut per hæc sancta supérnæ benedictiónis grátiam obtíneant, et glóriam ætérnæ beatitúdinis acquirant. Per Dóminum, etc.

Postcommunio.

DIVINA libántes mystéria, quæsumus, Dómine, ut hæc salu-

tária sacraménta illis proficiant ad prosperitátem et pacem, pro quorum, quarúmque dilectióne hæc tuæ obtulimus Majestáti. Per, etc.

31. *Pro inimicis.*

Oratio.

DEUS pacis, charitatísque amátor et custos, da ómnibus inimícis nostris pacem charitatémque veram, et cunctórum eis remissionem tribue peccatórum, nosque ab eórum insidiis poténter éripe. Per Dóminum, etc.

Secreta.

OBLATIS, quæsumus, Dómine, placáre munéribus : et nos ab inimícis nostris cleménter éripe, eisque indulgéntiam tribue delictórum. Per Dóminum, etc.

Postcommunio.

HÆC nos commúnio, Dómine, éruat à delictis, et ab inimicórum deféndat insidiis. Per, etc.

32. *Pro constituto in carcere vel in captivitate.*

Oratio.

DEUS, qui beátum Petrum Apóstolum, à vínculis absolutum, illæsum abire fecisti: fámuli tui in captivitáte pósito víncula absolve, eúmque ipsíus méritis illæsum abire concéde. Per, etc.

Secreta.

SUPER has, quæsumus, Dómine, hóstias benedictio copiósa descéndat, quæ captívi hujus víncula solvat, et de ejus liberatióne nos citò lætíficet. Per, etc.

Postcommunio.

PRECES nostras, quæsumus, Dómine, cleménter exáudi;

et per hæc Sacraménta, quæ sumpsimus, fámulum tuum à vínculis suæ captivitátis absolve. Per, etc.

33. *Pro navigantibus.*

Oratio.

DEUS, qui transtulisti patres nostros per mare rubrum, et transvexisti eos per aquam nímiam, laudem tui nóminis decantántes; te suppliciter deprecámur ut in navi fámulos tuos, repúlsis adversitatibus, portu semper optábili, cursúque tranquillo tueáris. Per, etc.

Secreta.

SUSCIPE, quæsumus, Dómine, preces famulórum tuórum sum oblationibus hostiárum : et eos, pro quibus tua mystéria celebrámus, ab ómnibus defénde periculis. Per Dóminum, etc.

Postcommunio.

SANCTIFICATI divíno mystério, majestátem tuam, Dómine, suppliciter deprecámur, et pétimus; ut fámulos tuos, quos donis facis cœlestibus memorári, per lignum sanctæ Crucis et à peccátis ástrahas, et à periculis cunctis miserátus erípias. Per, etc.

34. *Pro salute vivorum.*

Oratio.

PRÆTENDE, Dómine, fídelibus tuis dexteram cœlestis auxilií, ut te toto corde perquírant, et quæ dignè póstulant, cónsequi mereántur. Per, etc.

Secreta.

PROPITIARE, Dómine, supplicatióibus nostris; et has oblationes fídelium tuórum, quas tibi pro incolumitáte eórum offerimus, benígnus assúme : et, ut nullíus sit

irritum votum, nullius vácuá postulatio, præsta; quæsumus, ut quod fidéliter pétimus, effícaciter consequámur. Per Dóminum, etc.

Postcommunio.

DA fidélibus tuis, quæsumus, Dómine, in tua fide et sinceritáte constántiam; ut, in charitáte divína firmáti, nullis tentatióibus ab ejus integritáte vellántur. Per Dóminum, etc.

35. *Pro vivis et defunctis.*

Oratio.

OMNIPOTENS sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse prænúscis: te súpplices exóramus; ut, pro quibus effúndere preces decrévimus, quosque vel præsens sæculum adhuc in carne réti-
net, vel futúrum jam exútos corpore suscepit, intercedéntibus ómnibus Sanctis tuis, pietátis tuæ cleméntia,

ómnium delictórum suórum véniam consequántur. Per, etc.

Secreta.

DEUS, cui soli cógnitus est número electórum in supérna felicitáte locándus, tribue, quæsumus; ut, intercedéntibus ómnibus Sanctis tuis, universórum quos in oratióne commendátos suscepimus, et ómnium fidélium nómina beátæ prædestinatiónis liber adscripta retíneat. Per Dóminum, etc.

Postcommunio.

PURIFICENT nos, quæsumus, omnipotens et miséricors Deus, Sacraménta quæ sumpsimus; et, intercedéntibus ómnibus Sanctis tuis, præsta: ut hoc tuum Sacraméntum non sit nobis reátus ad pœnam, sed intercèssio salutáris ad véniam; sit ablútió scélerum, sit fortitúdo fragílium, sit contra ómnia mundi perícula firmaméntum; sit vivórum atque mortuórum fidélium remissio ómnium delictórum. Per Dóminum, etc.

J. M. J.

MISSÆ PRO DEFUNCTIS.

IN COMMEMORATIONE OMNIUM FIDELIUM DEFUNCTORUM.

Introitus.

REQUIEM ætérnam dona eis, Dómine: et lux perpétua lúceat eis.

Ps. 64. Te decet hymnus, Deus, in Sion, et tibi reddétur votum in Jerúsalem. Exáudi oratióem meam: ad te omnis caro véniet.

Deinde absolutè repetitur, Réquiem, etc., usque ad Psalmum.

Oratio.

FIDELIUM, Deus, ómnium cónditor et redémptor, animábus famulórum famularúmque tuárum remissionem cunctórum tríbue peccatórum: ut indulgéntiam, quam semper optavérunt, piis supplicatióibus consequántur. Qui vivis et regnas cum Deo Patre, etc.

Léctio Epístolæ beáti Pauli Apóstoli ad Corínthios. 1 *Cor.* 15.

FRATRES, Ecce mystérium vobis dico: Omnes quidem resurgémus, sed non omnes immutábimur. In moménto, in ictu óculi, in novíssima tuba: canet enim tuba, et mórtui resúrgent incorrúpti: et nos immutábimur.

Opórtet enim corrúptibile hoc indúere incorruptiónem; et mortále hoc indúere immortalitátem. Cùm autem mortále hoc indúerit immortalitátem, tunc fiet sermo qui scriptus est: Absórpta est mors in victória. Ubi est, mors, victória tua? ubi est, mors, stímulus tuus? Stímulus autem mortis peccátum est: virtus verò peccáti, lex. Deo autem grátias, qui dedit nobis victóriam per Dóminum nostrum Jesum Christum.

Graduale. Réquiem ætérnam dona eis, Dómine: et lux perpétua lúceat eis.

V. Ps. 111. In memória ætérna erit justus: ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum.

V. Et grátia tua illis succurrénte, mereántur evádere judícium uliónis,

V. Et lucis ætérnæ beatitúdine pérfrui.

Sequentia.

DIES iræ, dies illa,
Solvét sæclum in favilla;
Teste David cum Sibylla.

Quantus tremor est futúrus,
Quando Judex est ventúrus,
Cuncta strictè discussúrus!

Tuba mirum spargens sonum
Per sepúlcrâ regiônem,
Coget omnes ante thronum.

Mors stupébit, et natúra,
Cùm resúrget creatúra,
Judicánti responsúra.

Liber scriptus proferétur,
In quo totum continétur,
Unde mundus judicétur.

Judex ergo cùm sedébit,
Quidquid latet apparébit :
Nil inúltum remanébit.

Quid sum miser tunc dictúrus ?
Quem patrónum rogatúrus ?
Cùm vix justus sit secúrus.

Rex treméndæ majestátis,
Qui salvándos salvas gratis,
Salva me, fons pietátis.

Recordáre, Jesu pie,
Quòd sum causa tuæ viæ :
Ne me perdas illa die.

Quærens me, sedisti lassus :
Redemísti, crucem passus :
Tantus labor non sit cassus.

Juste Judex ultiónis,
Donum fac remissionis
Ante diem ratiónis.

Ingemisco tamquam reus :
Culpa rubet vultus meus :
Supplicánti parce, Deus.

Qui Mariam absolvísti,
Et latrónem exaudísti,
Mihi quoque spem dedísti.

Preces meæ non sunt dignæ :
Sed tu bonus fac benignè,
Ne perénni cremer igne.

Inter oves locum præsta,
Et ab hædis me sequéstra,
Státuens in parte dextra.

Confutátis maledictis,
Flammis ácribus addictis,
Voca me cum benedictis.

Oro supplex et acclínis,
Cor contrítum quasi cinis,
Gere curam mei finis.

Lacrymósa dies illa,
Qua resúrget ex favilla
Judicándus homo reus.

Huic ergo parce, Deus :

Pie Jesu Dómine,
Dona eis réquiem. Amen.

Sequéntia sancti Evangélíi secún-
dum Joánnem. *Joann. 5.*

IN illo témpore: Dixit Jesus tur-
bis Judæórum: Amen, amen
dico vobis, quia venit hora, et nunc
est, quando mórtui áudient vocem
Filii Dei; et qui audierint, vivent.
Sicut enim Pater habet vitam in se-
metípso; sic dedit et Filio habére
vitam in semetípso: et potestátem
dedit ei iudícium fácere, quia filius
hóminis est. Nolité mirári hoc,
quia venit hora, in qua omnes, qui
in monuméntis sunt, áudient vocem
Filii Dei: et procédent, qui bona
fecérunt, in resurrectionem vitæ:
qui verò mala egérunt, in resurrec-
tiónem iudicii.

Offertorium. Dómine Jesu Chris-
te, Rex glóriæ, libera ánimas ómni-
um fidélium defunctorum de pœnis
inférni et de profúndo lacu: libera
eas de ore leónis, ne absórbeat eas
tártarus, ne cadant in obscúrum;
sed signifer Sanctus Michaël repræ-
séntet eas in lucem sanctam:
* Quam olim Abrahæ promisísti, et
sémíni ejus.

V. Hóstias et preces tibi, Dómi-
ne, laudis offerimus: tu súscipe pro
animábus illis, quarum hódie me-
móriam fácimus; fac eas, Dómine,
de morte transíre ad vitam. * Quam
olim, etc.

Secreta.

HOSTIAS, quæsumus, Dómine,
quas tibi pro animábus famu-
lórum famularúmque tuárum offeri-
mus, propitiátus inténde: ut quibus
fidei Christiánæ méritum contulísti,
dones et præmium. Per, etc.

Communio. Lux æténa lúceat
eis, Dómine, * Cum sanctis tuis in
æténum: quia pius es.

V. Réquiem ætérnam dona eis,
Dómine : et lux perpétua lúceat eis.
* Cum, etc.

Postcommunio.

ANIMABUS, quæsumus, Dómine, famulorum famularumque tuarum oratio proficiat supplicantium, ut eas et à peccatis omnibus exuas, et tuæ redemptionis facias esse participes. Qui vivis et regnas cum Deo Patre, etc.

Dicto Dóminus vobiscum, dicitur
Requiescant in pace.

R. Amen. *Et non datur benedictio : sed dicto secretò Pláceat tibi, etc., et osculato Altari, legitur Evangelium S. Joannis, In principio erat Verbum, ut moris est.*

IN DIE OBITUS SEU DEPOSITIONIS DEFUNCTI.

Introitus.

RÉQUIEM ætérnam dona eis,
Dómine : et lux perpétua lúceat eis.

Ps. 64. Te decet hymnus, Deus, in Sion, et tibi reddétur votum in Jerúsalem. Exáudi orationem meam : ad te omnis caro véniet. Réquiem, etc.

Oratio.

DEUS, cui próprium est misereri semper et párcere, te supplices exoramus pro ánima famulitui **N.**, quam hódie de hoc sæculo migráre jussisti ; ut non tradas eam in manus inimici, neque obliviscáris in finem ; sed júbeas eam à sanctis Angelis súscipi, et ad pátriam Paradísi perdúci ; ut, quia in te sperávit et crédidit, non pœnas inférni sustíneat, sed gáudia ætérna possídeat. Per Dóminum, etc.

Léctio Epístolæ beáti Pauli Apóstoli ad Thessalonicenses.

1 *Thess. 4.*

FRATRES, Nólumus vos ignorare de dormiéntibus, ut non contristémmini, sicut et céteri, qui spem non habent. Si enim crédimus quòd Jesus mórtuus est, et resurréxit : ita et Deus eos, qui dormiérunt per Jesum, addúcet cum eo. Hoc enim vobis dícimus in verbo Dómini, quia nos, qui vívimus, qui resídui sumus in advéntum Dómini, non præveniémus eos qui dormiérunt. Quóniam ipse Dóminus in jussu, et in voce Archángeli, et in tuba Dei descéndet de cælo : et mórtui, qui in Christo sunt, resúrgent primi. Deínde nos, qui vívimus, qui relínquimur, simul rapiémur cum illis in núbibus óbviám Christo in áera, et sic semper cum Dómino érimus. Itaque consolámini ínvicem in verbis istis.

Graduale. Réquiem ætérnam dona eis, Dómine : et lux perpétua lúceat eis.

V. *Ps. 111.* In memória ætérna erit justus : ab auditióne mala non timébit.

Tractus. Absólve, Dómine, ánnimas ómnium fidélium defunctorum ab omni vínculo delictórum.

V. Et grátia tua illis succurrénte, mereántur evádere judícium ultiónis.

V. Et lucis ætérnæ beatitúdine pérfrui.

Sequentia. Dies iræ, dies illa, etc., *fol. 84*.*

Sequéntia sancti Evangélíi secúndum Joánnem. *Joann. 11.*

IN illo témpore : Dixit Martha ad Jesum : Dómine, si fuísses híc, frater meus non fuíisset mórtuus : sed et nunc scio, quia quæcúmque popósceris à Deo, dabit tibi

Deus. Dicit illi Jesus : Resúrget frater tuus. Dicit ei Martha : Scio quia resúrget in resurrectione in novíssimo diē. Dixit ei Jesus : Ego sum resurréctio et vita : qui credit in me, étiam si mórtuus fúerit, vivet : et omnis, qui vivit, et credit in me, non moriétur in ætérnum. Credis hoc ? Ait illi : Utique, Dómine, ego crédidi, quia tu es Christus Filius Dei vivi, qui in hunc mundum venisti.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu : libera eas de ore leónis, ne absorbent eas tártarus, ne cadant in obscurum ; sed signifer Sanctus Michaél repræséntet eas in lucem sanctam : * Quam olim Abrahæ promísisti, et sêmini ejus.

V. Hóstias et preces tibi, Dómine, laudis offérimus : tu súscipe pro animábus illis, quarum hódie memóriam fácimus : fac eas, Dómine, de morte transire ad vitam. * Quam olim, etc.

Secreta.

PROPITIARE, quæsumus, Dómine, animæ fámuli tui *N.* pro qua hóstiam laudis tibi immolámus, Majestátem tuam suppliciter deprecántes : ut per hæc piæ placatiónis officia, pervenire mereátur ad réquiem sempitérnam. Per, etc.

Communio. Lux ætérna luceat eis, Dómine, * Cum sanctis tuis in ætérnum : quia pius es.

V. Réquiem ætérnam dona eis, Dómine : et lux perpétua luceat eis. * Cum, etc.

Postcommunio.

PRÆSTA, quæsumus, omnipotens Deus, ut ánima fámuli

tui *N.*, quæ hódie de hoc sæculo migrávit, his sacrificiis purgáta, et à peccátis expedita, indulgéntiam páriter et réquiem cápiat sempitérnam. Per Dóminum, etc.

¶ In die tertio, septimo, et trigesimo depositionis defuncti, dicitur Missa ut supra, exceptis Orationibus, quæ dicuntur ut infra.

Oratio.

QUÆSUMUS, Dómine, ut ánima fámuli tui *N.*, cujus depositionis diem tértium, *vel* séptimum, *vel* trigésimum commemorámus, Sanctorum atque Electorum tuorum largíri dignéris consórtium, et rorem misericórdiæ tuæ perennem infúndas. Per, etc.

Secreta.

MUNERA, quæsumus, Dómine, quæ tibi pro ánima fámuli tui *N.* offérimus, placátus inténde ; ut remédiis purgáta cœléstibus, in tua pietáte requiescat. Per, etc.

Postcommunio.

SUSCIPE, Dómine, preces nostras pro ánima fámuli tui *N.*, ut si quæ ei máculæ de terrénis contágiis adhæsérunt, remissionis tuæ misericórdia deleántur. Per Dóminum, etc.

IN ANNIVERSARIO DEFUNCTORUM.

Introitus.

REQUIEM ætérnam dona eis, Dómine : et lux perpétua luceat eis.

Ps. 64. Te decet hymnus, Deus, in Sion, et tibi reddétur votum in Jerúsalem. Exáudi oratiónem meam ; ad te omnis caro véniet. Réquiem, etc.

Oratio.

DEUS indulgentiarum, Dómine, da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, et luminis claritatem. Per Dóminum, etc.

Lectio libri Machabæorum.

2 Mach. 12.

IN diébus illis : Vir fortissimus Judas, facta collatione, duodecim millia drachmas argénti misit Jerosólymam offerri pro peccatis mortuorum sacrificium, benè et religiósè de resurrectione cogitans ; (nisi enim eos, qui ceciderant, resurrecturos speraret, superfluum videretur et vanum orare pro mortuis) et quia considerabat quòd hi, qui cum pietate dormitionem acciperant, óptimam haberent repositam grátiam. Sancta ergo et salúbris est cogitatio pro defunctis exorare, ut à peccatis solvantur.

Graduale. Réquiem ætérnam dona eis, Dómine : et lux perpétua luceat eis.

V. Ps. 111. In memória ætérna erit justus : ab auditióne mala non timébit.

Tractus. Absólve, Dómine, animas ómnium fidélium defunctorum ab omni vínculo delictorum.

V. Et grátia tua illis succurrénte, mereántur evádere judícium ultiónis,

V. Et lucis ætérnæ beatitúdine pérfrui.

Sequentia. Dies iræ, dies illa, etc., fol. 84*.

Sequentia sancti Evangélíi secundum Joánnem. Joann. 6.

IN illo témpore : Dixit Jesus turbis Judæorum : Omne, quod dat

mihi Pater, ad me véniet : et eum, qui venit ad me, non ejiciam foràs : quia descéndi de cœlo, non ut faciám voluntátem meam, sed voluntátem ejus, qui misit me. Hæc est autem volúntas ejus qui misit me, Patris : ut omne quod dedit mihi, non perdam ex eo, sed resúscitem illud in novíssimo die. Hæc est autem volúntas Patris mei, qui misit me : ut omnis, qui videt Fílium, et credit in eum, hábeat vitam ætérnam, et ego resuscitábo eum in novíssimo die.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu : libera eas de ore leónis, ne absorbent eas tártarus, ne cadant in obsúrum, sed sígnifer sanctus Michaël repræséntet eas in lucem sanctam : * Quam olim Abrahæ promisísti, et sémini ejus.

V. Hostias et preces tibi, Dómine, laudis offerimus : tu súscipe pro animabus illis, quarum hódie memóriam facimus : fac eas, Dómine, de morte transire ad vitam. * Quam olim, etc.

Secreta.

PROPITIARE, Dómine, supplicatióibus nostris, pro animabus famulorum famularumque tuarum, quorum hódie ánnua dies ágitur, pro quibus tibi offerimus sacrificium laudis : ut eas Sanctorum tuorum consórtio sociáre dignéris. Per Dóminum, etc.

Communio. Lux ætérna luceat eis, Dómine, * Cum sanctis tuis in ætérnum : quia pius es.

V. Réquiem ætérnam dona eis, Dómine : et lux perpétua luceat eis. * Cum, etc.

Postcommunio.

PRÆSTA, quæsumus, Dómine, ut animæ famulorum famularumque tuarum, quorum anniversarium depositionis diem commemoramus, his purgatae sacrificiis, indulgentiam pariter et requiem capiant sempiternam. Per, etc.

Si pro uno fiat Anniversarium, prædictæ Orationes dicantur in singulari numero.

IN MISSIS QUOTIDIANIS DEFUNCTORUM.

Introitus.

REQUIEM æternam dona eis, Dómine : et lux perpétua luceat eis.

Ps. 64. Te decet hymnus, Deus, in Sion, et tibi reddetur votum in Jerúsalem. Exaudi orationem meam ; ad te omnis caro veniet. Réquiem, etc.

Pro defunctis Episcopis seu Sacerdotibus.

Oratio.

DEUS, qui inter Apostólicos Sacerdotes, famulos tuos Pontificáli, seu Sacerdotáli fecisti dignitate vigere ; præsta, quæsumus, ut eorum quoque perpétuo aggregentur consórtio. Per, etc.

Pro defunctis fratribus, propinquis, et benefactoribus.

Oratio.

DEUS vénia largitor, et humanæ salutis amátor, quæsumus clementiam tuam, ut nostræ congregationis fratres, propinquos, et benefactóres, qui ex hoc sæculo transiérunt, beáta María semper

*m**

Virgine intercedente cum ómnibus Sanctis tuis, ad perpétuæ beatitudinis consórtium pervenire concedas. Per Dóminum, etc.

Pro omnibus fidelibus defunctis.

Oratio.

FIDELIUM Deus ómnium conditor et redemptor, animabus famulorum famularumque tuarum remissionem cunctórum tribue peccatórum : ut indulgentiam, quam semper optavérunt, piis supplicationibus consequántur. Qui vivis et regnas cum Deo Patre, etc.

Léctio libri Apocalypsis beáti Joánnis Apóstoli. *Apoc. 14.*

IN diébus illis : Audívi vocem de cœlo, dicentem mihi : Scribe : Beáti mórtui, qui in Dómino moriúntur. Amodò jam dicit Spíritus, ut requiescant à labóribus suis : ópera enim illórum sequúntur illos.

Graduale. Réquiem æternam dona eis, Dómine ; et lux perpétua luceat eis.

Ÿ. Ps. 111. In memória æterna erit justus : ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum.

Ÿ. Et grátia tua illis succurrénte, mereántur evádere judícium ultiónis,

Ÿ. Et lucis æternæ beatitúdine pérfrui.

Sequentia dicenda ad libitum. Dies iræ, etc., *fol. 84*.*

Sequentia sancti Evangélíi secúndum Joánnem. *Joann. 6.*

IN illo témpore : Dixit Jesus turbis Judæórum : Ego sum panis

vivus, qui de cœlo descendi. Si quis manducáverit ex hoc pane, vivet in ætérnum : et panis, quem ego dabo, caro mea est pro mundi vita. Litigábant ergo Judæi ad invicem dicéntes : Quómodo potest hic nobis carnem suam dare ad manducándum ? Dixit ergo eis Jesus : Amen, amen dico vobis : nisi manducavéritis carnem Filii hóminis, et bibéritis ejus sánguinem, non habébitis vitam in vobis. Qui manducat meam carnem, et bibit meum sánguinem, habet vitam ætérnam : et ego resuscitábo eum in novíssimo die.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni et de profúndo lacu : libera eas de ore leónis, ne absórbeat eas tártarus, ne cadant in obscurum : sed signifer sanctus Míchaël repræsentet eas in lucem sanctam : * Quam olim Abrahæ promísisti, et sémini ejus.

Ÿ. Hóstias et preces tibi, Dómine, laudis offerimus : tu súscepe pro animábus illis, quarum hódie memóriam fácimus : fac eas, Dómine, de morte transíre ad vitam. * Quam olim, etc.

Pro defunctis Episcopis seu Sacerdotibus.

Secreta.

SUSCIPE, Dómine, quæsumus, pro animábus famulorum tuorum Pontíficum, seu Sacerdótum, quas offerimus hóstias : ut quibus in hoc sæculo Pontificále, seu Sacerdotále donásti méritum, in cœlésti regno Sanctorum tuorum júbeas jungi consórtio. Per, etc.

Pro defunctis fratribus, propinquis, et benefactoribus.

Secreta.

DEUS, cujus misericórdiæ non est número, súscepe propítius

preces humilitátis nostræ ; et animabus fratrum, propinquorum, et benefactorum nostrorum, quibus tui Nóminis dedísti confessiónem, per hæc Sacraménta salutis nostræ, cunctorum remissiónem tribue peccatorum. Per, etc.

Pro omnibus fidelibus defunctis.

Secreta.

HOSTIAS, quæsumus, Dómine, quas tibi pro animabus famulorum famularumque tuarum offerimus, propitiátus inténde : ut quibus fidei Christiánæ méritum contulisti, dones et præmium. Per, etc.

Communio. Lux ætérna luceat eis, Dómine, * Cum sanctis tuis in ætérnum : quia pius es.

Ÿ. Réquiem ætérnam dona eis, Dómine : et lux perpétua luceat eis. * Cum, etc.

Pro defunctis Episcopis seu Sacerdotibus.

Postcommunio.

PROSIT, quæsumus, Dómine, animabus famulorum tuorum Pontíficum, seu Sacerdótum, misericórdiæ tuæ imploráta cleméntia : ut ejus, in quo speravérunt et credidérunt, ætérnum cápian, te miserante, consórtium. Per, etc.

Pro defunctis fratribus, propinquis, et benefactoribus.

Postcommunio.

PRÆSTA, quæsumus, omnipotens et miséricors Deus, ut animæ fratrum, propinquorum, et benefactorum nostrorum, pro quibus hoc sacrificium laudis tuæ obtulimus Majestáti, per hujus virtutem Sacraménti à peccátis ómnibus expiátæ, lucis perpétuæ, te miserante, recipiant beatitúdinem. Per Dóminum, etc.

Pro omnibus fidelibus defunctis.

Postcommunio.

ANIMABUS, quæsumus, Dómine, famulorum famularumque tuarum oratio proficiat supplicantium; ut eas et à peccatis omnibus exuas, et tuæ redemptionis facias esse participes. Qui vivis et regnas cum Deo Patre, etc.

¶ *Epistolæ, et Evangelia superius posita in una Missa pro Defunctis, dici possunt etiam in alia Missa similiter pro Defunctis.*

ORATIONES DIVERSE PRO DEFUNCTIS.

In die depositionis, et anniversario summi Pontificis, dicitur prima Missa, ut supra, fol. 84, præter Orationes, quæ dicuntur, ut infra.*

1. *Oratio.*

DEUS, qui inter summos Sacerdotes famulum tuum *N.* ineffabili tua dispositione connumerari voluisti; præsta, quæsumus, ut qui Unigeniti Filii tui vices in terris gerébat, sanctorum tuorum Pontificum consortio perpétuo aggregetur. Per eundem, etc.

Secreta.

SUSCIPE, Dómine, quæsumus, pro anima famuli tui *N.* summi Pontificis, quas offerimus hostias: ut, cui in hoc sæculo Pontificale donasti meritum, in cælesti regno Sanctorum tuorum jubeasungi consortio. Per, etc.

Postcommunio.

PROSIT, quæsumus, Dómine, animæ famuli tui *N.* summi Pontificis, misericordiæ tuæ implorata clementia: ut ejus, in quo

speravit et credidit, ætérnum capiat, te miserante, consortium. Per, etc.

Pro defuncto Episcopo dicitur prima Missa, ut fol. 84. Orationes verò, ut infra.*

2. *Oratio.*

DEUS, qui inter Apostolicos Sacerdotes famulum tuum *N.* Pontificali fecisti dignitate vigere; præsta, quæsumus, ut eorum quoque perpétuo aggregetur consortio. Per Dóminum, etc.

Secreta.

SUSCIPE, Dómine, quæsumus, pro anima famuli tui *N.* Pontificis, quas offerimus hostias: ut cui in hoc sæculo Pontificale donasti meritum, in cælesti regno Sanctorum tuorum jubeasungi consortio. Per Dóminum, etc.

Postcommunio.

PROSIT, quæsumus, Dómine, animæ famuli tui *N.* Pontificis, misericordiæ tuæ implorata clementia: ut ejus, in quo speravit et credidit, ætérnum capiat, te miserante, consortium. Per, etc.

¶ *Pro Episcopo Cardinali defuncto, dicatur famulum tuum N. Episcopum Cardinalem Pontificali fecisti dignitate, etc.*

Pro Presbytero Cardinali dicatur famulum tuum N. Presbyterum Cardinalem Sacerdotali fecisti dignitate, etc.

Pro Diacono autem Cardinali dicitur Oratio Inclina, Dómine, etc., quæ habetur paulò infra, hoc modo: ut animam famuli tui N. Diaconi Cardinalis, quam de hoc sæculo, etc.

Pro defuncto Sacerdote dicitur Oratio, Deus, qui inter Apostólicos, etc., ut supra : sed ubi dicitur Pontificáli, dicatur Sacerdotáli ; et pro Pontíficis, dicatur Sacerdótis.

Si fuerint plures, dicatur ut supra in quarta Missa, fol. 89.*

3. *Pro defuncto Episcopo.*

Alia Oratio.

DA nobis, Dómine, ut ánimam fámuli tui *N.* Epíscopi, quam de hujus sæculi eduxísti laboriósó certámíne, Sanctórum tuórum tríbuas esse consórtem. Per, etc.

Secreta.

ANNUE nobis, quæsumus, Dómine, ut ánimæ fámuli tui *N.* Epíscopi hæc prosit oblátio : quam immolándo totíus mundi tribuísti relaxári delícta. Per, etc.

Postcommunio.

HIS sacrificiis, quæsumus, omnípotens Deus, purgáta ánimá fámuli tui *N.* Epíscopi, ad indulgéntiam, et refrigerium sempitérnum perveníre mereátur. Per Dóminum, etc.

4. *Pro defuncto Sacerdote. Et possunt dici pro pluribus in numero plurali.*

Oratio.

PRÆSTA, quæsumus, Dómine, ut ánimá fámuli tui *N.* Sacerdótis, quem in hoc sæculo commorántem sacris munéribus decorásti, in cœlésti sede gloriósa semper exúltet. Per Dóminum, etc.

Secreta.

SUSCIPE, Dómine, quæsumus, pro ánimá fámuli tui *N.* Sacerdótis, quas offérimus hóstias : ut, cui Sacerdotále donásti méritum, dones et præmium. Per, etc.

Postcommunio.

PRÆSTA, quæsumus, omnípotens Deus, ut ánimam fámuli tui *N.* Sacerdótis, in congregatióne Justórum ætérnæ beatitúdinis júbeas esse consórtem. Per, etc.

5. *Pro uno Defuncto.*

Oratio.

INCLINA, Dómine, aurem tuam ad preces nostras, quibus misericórdiam tuam súpplices deprecámur : ut ánimam fámuli tui, quam de hoc sæculo migráre jussísti, in pacis ac lucis regióne constitúas, et Sanctórum tuórum júbeas esse consórtem. Per Dóminum, etc.

Secreta.

ANNUE nobis, quæsumus, Dómine, ut ánimæ fámuli tui hæc prosit oblátio : quam immolándo, totíus mundi tribuísti relaxári delícta. Per Dóminum, etc.

Postcommunio.

ABSOLVE, quæsumus, Dómine, ánimam fámuli tui ab omni vínculo delictórum : ut in resurrectionis glória, inter Sanctos et Eléctos tuos resuscitátus respíret. Per Dóminum, etc.

6. *Pro una Defuncta.*

Oratio.

QUÆSUMUS, Dómine, pro tua pietáte miserére ánimæ fámulæ tuæ, et à contágiis mortalitátis exútam, in ætérnæ salvatiónis partem restítue. Per, etc.

Secreta.

HIS sacrificiis, quæsumus, Dómine, ánimá fámulæ tuæ à peccátis ómnibus exuátur, sine quibus à culpá nemo liber éxitit : ut

per hæc piæ placationis officia, perpetuam misericordiam consequatur. Per Dóminum, etc.

Postcommunio.

INVENIAT, quæsumus, Dómine, ánima famulæ tuæ lucis æternæ consórtium : cujus perpetuæ misericordiæ consecuta est sacraméntum. Per, etc.

7. *Pro patre et matre Sacerdotis.*

Oratio.

DEUS, qui nos patrem et matrem honorare præcepisti, miserere cleménter animabus patris et matris meæ, eorúmque peccata dimitte : meque eos in æternæ claritátis gaudio fac vidére. Per, etc.

Secreta.

SUSCIPE, sacrificium, Dómine, quod tibi pro animabus patris et matris meæ offero : eisque gaudium sempiternum in regione vivorum concède ; meque cum illis felicitati Sanctorum conjunge. Per Dóminum, etc.

Postcommunio.

CÆLESTIS participatio Sacraménti, quæsumus, Dómine, animabus patris et matris meæ requiem et lucem obtíneat perpetuam ; meque cum illis grátia tua coronet æterna. Per Dóminum, etc.

8. *Si pro patre tantum, vel matre tantum, dicatur in singulari.*

Oratio.

DEUS, qui nos patrem et matrem honorare præcepisti, miserere cleménter animæ patris mei, (vel matris meæ) ejúsque peccata dimitte ; meque eum, (vel eam) in æternæ claritátis gaudio fac vidére. Per Dóminum, etc.

Secreta.

SUSCIPE sacrificium, Dómine, quod tibi pro ánima patris mei, (vel matris meæ) offero ; eique gaudium sempiternum in regione vivorum concède ; meque cum illo, (vel illa) felicitati Sanctorum conjunge. Per Dóminum, etc.

Postcommunio.

CÆLESTIS participatio Sacraménti, quæsumus, Dómine, animæ patris mei, (vel matris meæ) requiem et lucem obtíneat perpetuam ; meque cum illo, (vel illa) grátia tua coronet æterna. Per, etc.

9. *Pro defunctis fratribus, propinquis, et benefactoribus.*

Oratio.

DEUS véniæ largitor, et humanæ salútis amátor, quæsumus cleméntiam tuam, ut nostræ congregationis fratres, propinquos, et benefactóres, qui ex hoc sæculo transiérunt, beáta María semper Virgine intercedente cum ómnibus Sanctis tuis, ad perpetuæ beatitudinis consórtium pervenire concédas. Per Dóminum, etc.

Secreta.

DEUS, cujus misericordiæ non est numérus, súscipe propítius preces humilitátis nostræ : et animabus fratrum, propinquorum, et benefactorum nostrorum, quibus tui nóminis dedisti confessionem, per hæc Sacraménta salútis nostræ, cunctorum remissionem tribue peccatorum. Per Dóminum, etc.

Postcommunio.

PRÆSTA, quæsumus, omnípotens et miséricors Deus, ut animæ fratrum, propinquorum, et

benefactorum nostrorum, pro quibus hoc sacrificium laudis tuæ obtulimus Majestati, per hujus virtutem Sacramenti à peccatis omnibus expiatae, lucis perpetuae, te miserante, recipiant beatitudinem. Per Dominum nostrum Jesum, etc.

10. *Pro his qui in cœmeterio requiescunt.*

Oratio.

DEUS, cujus miseratione animæ fidelium requiescunt, famulis et famulabus tuis, et omnibus hic et ubique in Christo quiescentibus, da propitius veniam peccatorum: ut à cunctis reatibus absoluti, tecum sine fine lætèntur. Per eundem, etc.

Secreta.

PRO animabus famulorum famularumque tuarum, et omnium Catholicorum hic et ubique in Christo dormientium, hostiam, Domine, suscipe benignus oblata: ut hoc sacrificio singulâri, vinculis horrendæ mortis exuti, vitam mereantur æternam. Per eundem, etc.

Postcommunio.

DEUS, fidelium lumen animarum, adesto supplicationibus nostris, et da famulis et famulabus tuis, quorum corpora hic et ubique in Christo requiescunt, refrigerii sedem, quietis beatitudinem, et luminis claritatem. Per eundem, etc.

11. *Pro pluribus Defunctis.*

Oratio.

DEUS, cui proprium est misereri semper et parcere, propitiare animabus famulorum famularumque tuarum, et omnia eorum

peccata dimitte; ut mortalitatis vinculis absolutæ, transire mereantur ad vitam. Per, etc.

Secreta.

ANNUE nobis, quæsumus, Domine, ut animabus famulorum famularumque tuarum hæc prosit oblatio: quam immolando totius mundi tribuisti relaxari delicta. Per Dominum, etc.

Postcommunio.

DEUS, cui soli competit medicinam præstare post mortem; præsta, quæsumus, ut animæ famulorum famularumque tuarum terrenis exutæ contagiis, in tuæ redemptionis parte numerentur. Qui vivis, etc.

12. *Alia pro pluribus Defunctis.*

Oratio.

ANIMABUS, quæsumus, Domine, famulorum famularumque tuarum misericordiam concede perpetuam; ut eis proficiat in æternum, quod in te speraverunt et crediderunt. Per, etc.

Secreta.

HIS, Domine, quæsumus, placatus intènde munèribus; et quod ad laudem tui Nominis supplicantes offerimus, ad indulgentiam proficiat defunctorum. Per, etc.

Postcommunio.

SUPPLICES, Domine, pro animabus famulorum famularumque tuarum preces effundimus, obsecrantes; ut quidquid conversatione contraxerunt humana, et clementer indulgeas, et in tuorum sede lætantium constituas redemptorum. Per Dominum, etc.

BENEDICTIONES DIVERSÆ.

ORDO AD FACIENDAM AQUAM BENEDICTAM.

Die Dominica, in Sacristia præparato sale, et aqua benedicenda, Sacerdos celebraturus Missam, vel alius ad id deputatus, alba, vel superpelliceo indutus, cum stola circa collum, primo dicit :

Ÿ. Adjutórium nostrum in nómine Dómini.

R. Qui fecit cælum et terram.

Deinde absolutè incipit exorcismum salis.

EXORCIZO te, creatúra salis, per Deum ✕ vivum, per Deum ✕ verum, per Deum ✕ sanctum : per Deum, qui te per Eliséum Prophétam in aquam mitti jussit, ut sanarétur sterilitas aquæ : ut efficiáris sal exorcizátum in salutem credéntium : et sis ómnibus suméntibus te, sánitas ánimæ et córporis : et effúgiat atque discédât à loco, in quo aspérsus fúeris, omnis phantásia, et nequítia, vel versútia diabólicæ fraudis, omnisque spíritus immúndus adjurátus per eum qui ventúrus est judicáre vivos et mórtuos, et sæculum per ignem.

R. Amen.

Orémus.

Oratio.

IMMENSAM cleméntiam tuam, omnipotens ætérne Deus, hu-

míliter implorámus; ut hanc creatúram salis, quam in usum géneris humáni tribuísti, bene ✕ dicere, et sanctifi ✕ cáre tua pietáte dignéris : ut sit ómnibus suméntibus salus mentis et córporis : et quidquid ex eo tactum vel respérsus fúerit, cáreat omni immundítia, omnique impugnatióne spiritális nequítiae. Per Dóminum, etc.

R. Amen.

Exorcismus aquæ, et dicitur absolutè.

EXORCIZO te, creatúra aquæ, in nómine Dei ✕ Patris omnipoténtis, et in nómine Jesu ✕ Christi Filii ejus Dómini nostri, et in virtúte Spíritus ✕ sancti : ut fias aqua exorcizáta ad effugándam omnem potestátem inimíci, et ipsum inimicum eradicáre et explantáre váleas cum ángelis suis apostáticis : per virtútem ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem.

R. Amen.

Orémus.

Oratio.

DEUS, qui ad salutem humáni géneris máxima quæque sacraménta in aquárum substántia condidísti; adésto propítius invocatióibus nostris, et eleménto huic multimodis purificatióibus præpa-

rato, virtutem tuæ benedictionis infunde: ut creatura tua mysteriis tuis serviens; ad abigendos daemones, morbosque pellendos, divinæ gratiæ sumat effectum: ut quidquid in domibus vel in locis fidelium hæc unda resperserit, careat omni immunditia, liberetur à noxa: non illic resideat spiritus pestilens, non aura corrumpens: discendant omnes insidiæ latentis inimici: et si quid est, quod aut incolumitati habitantium invidet, aut quieti, aspersione hujus aquæ effugiat: ut salubritas per invocationem sancti tui Nominis expetita, ab omnibus sit impugnationibus defensa. Per, etc.

R. Amen.

Hic ter mittat sal in aquam in modum Crucis, dicendo semel:

COMMIXTIO salis et aquæ pariter fiat in nomine Patris, et Filii, et Spiritus sancti.

R. Amen.

V. Dominus vobiscum.

R. Et cum spiritu tuo.

Orémus.

Oratio.

DEUS invictæ virtutis auctor, et insuperabilis imperii Rex, ac semper magnificus triumphator: qui adversæ dominationis vires reprimis: qui inimici rugientis sævitiam superas: qui hostiles nequitiæ potenter expungas: te, Domine, treméntes et supplices deprecámur ac pétimus, ut hanc creaturam salis et aquæ dignanter aspicias, benígnus illústres, pietátis tuæ rore sanctífices: ut ubicúmque fuerit aspérta, per invocationem sancti Nominis tui, omnis infestatio immúndi spiritus abigátur, terrórque venenósi serpéntis procul pellátur: et præséntia sancti Spíritus nobis misericórdiam tuam poscéntibus, ubique adesse dignétur. Per Dóminum

nostrum in unitate ejúsdem Spíritus, etc.

R. Amen.

¶ *Finita benedictione, Sacerdos celebraturus, indutus pluviali coloris Officio convenientis, accedit ad Altare, et ibi ad gradus cum Ministris genu flexus, etiam tempore Paschali, accipit à Diacono aspersorium, et primum ter aspergit Altare, deinde se, et erectus Ministros, incipiens Antiphonam Aspérge me. Et Chorus prosequitur, Domine, hyssópo, etc., ut infra.*

Interim Celebrans aspergit Clerum, deinde populum, dicens submissa voce cum Ministris, Psalmum Miserere mei, Deus, etc.



Antiphona. As-pér-ge me, Dómine, hyssópo, et mundábor: lavábis me, et super nivem dealbábor.

Ps. 50. Miserere mei, Deus, secundum magnam misericórdiam tuam.

V. Glória Patri, etc. *Et repetitur Antiphona Aspérge me, etc.*

Hæc Antiphona prædicto modo dicitur ad aspersionem aquæ benedictæ in Dominicis per totum annum, excepta Dominica de Passione et Dominica Palmarum, in quibus non dicitur Glória Patri; sed post Psalm. Miserere, repetitur immediatè Antiphona Aspérge me; excepto etiam tempore Paschali, scilicet à Dominica Paschæ usque ad Pentecosten inclusivè, quo tempore cantatur sequens Antiphona:



Vi—di aquam egrediéntem de templo à latere dextro, allelúia: et omnes, ad quos pervénit aqua ista, salvi facti sunt, et dicent: Allelúia, allelúia.

Ps. 117. Confitémini Dómino

quóniam bonus : quóniam in sæculum misericórdia ejus.

Ÿ. Glória Patri, etc.

Repetitur Antiphona. Vidi aquam, etc.

In Dominica vero SS. Trinitatis resumitur, Aspérget me, Dómine, etc.

In die sancto Paschæ et Pentecostes, ubi est fons Baptismalis, fit aspersio cum aqua pridie benedicta in fonte Baptismi, et ante infusionem olei et chrismatis accepta.

¶ *Finita Antiphona supradicto modo, Sacerdos, qui aspersit aquam, reversus ad Altare, stans ante gradus Altaris, junctis manibus, dicat :*

Ÿ. Osténde nobis, Dómine, misericórdiam tuam. (*Temp. Pasch. additur Allelúia.*)

R. Et salutáre tuum da nobis.

Ÿ. Dómine, exáudi oratióem meam.

R. Et clamor meus ad te véniat.

Ÿ. Dóminus vobíscum.

R. Et cum spíritu tuo.

Orémus.

EXAUDI nos, Dómine sancte, Pater omnipotens, ætérne Deus ; et mittere dignéris sanctum Angelum tuum de cœlis, qui custódiat, fóveat, próteget, visitet atque deféndat omnes habitántes in hoc habitáculo. Per Christum, etc.

R. Amen.

BENEDICTIO AGNI IN PASCHA.

Ÿ. Adjutórium nostrum in nómine Dómini.

R. Qui fecit cœlum et terram.

Ÿ. Dóminus vobíscum.

R. Et cum spíritu tuo.

Orémus.

DEUS, qui per fámulum tuum Móysen, in liberatióne pópuli
n*

tui de Ægypto, agnum occídi jussisti in similitúdinem Dómini nostri Jesu Christi, et utrósque postes domórum de ságuine ejúsdem agni perúngi præcepisti : ita bene~~X~~dícere et sanctifi~~X~~cáre dignéris hanc creatúram carnis, quam nos fámuli tui ad laudem tuam súmeré desiderámus, per resurrectiódem ejúsdem Dómini nostri Jesu Christi. Qui tecum vivit, etc.

R. Amen.

Et mox aspergat aqua benedicta.

BENEDICTIO OVORUM.

Ÿ. Adjutórium nostrum in nómine Dómini.

R. Qui fecit cœlum et terram.

Ÿ. Dóminus vobíscum.

R. Et cum spíritu tuo.

Orémus.

SUBVENIAT, quæsumus, Dómine, tuæ benedic~~X~~tióis grátia huic ovórum creatúre : ut cibus salúbris fiat fidélibus tuis in tuárum gratiárum actióne suméntibus, ob resurrectiódem Dómini nostri Jesu Christi. Qui tecum vivit, etc.

R. Amen.

Et aspergat aqua benedicta.

BENEDICTIO PANIS.

Ÿ. Adjutórium nostrum in nómine Dómini.

R. Qui fecit cœlum et terram.

Ÿ. Dóminus vobíscum.

R. Et cum spíritu tuo.

Orémus.

DOMINE Jesu Christe, panis Angelórum, panis vivus ætérnæ vitæ, benedi~~X~~cere dignáre pa-

nem istum, sicut benedixisti quinque panes in deserto: ut omnes ex eo gustantes, inde corporis et animæ percipiant sanitatem. Qui vivis et regnas, etc.

R. Amen.

Et aspergat aqua benedicta.

ALIA BENEDICTIO PANIS.

Ÿ. Adjutorium nostrum in nomine Domini.

R. Qui fecit cælum et terram.

Ÿ. Dominus vobiscum.

R. Et cum spiritu tuo.

Orémus.

DOMINE sancte, Pater omnipotens, æternæ Deus, benedícere dignéris hunc panem tua sancta spiritali benedictione: ut sit omnibus suméntibus salus mentis et corporis, atque contra omnes morbos, et universas inimicorum insidias tutámen. Per Dóminum nostrum Jesum Christum Fílium tuum, panem vivum, qui de cælo descendit, et dat vitam et salutem mundo: et tecum vivit et regnat in unitáte Spíritus sancti Deus, etc.

R. Amen.

Aspergatur aqua benedicta.

BENEDICTIO NOVORUM FRUCTUUM.

Ÿ. Adjutorium nostrum in nomine Domini.

R. Qui fecit cælum et terram.

Ÿ. Dominus vobiscum.

R. Et cum spiritu tuo.

Orémus.

BENEDÍC, Dómine, hos nos vos fructus *N.*, et præsta; ut, qui ex eis in tuo sancto Nómine

vescéntur, corporis et animæ salúte potiántur. Per Christum Dóminum nostrum, etc.

R. Amen.

Et aspergantur aqua benedicta.

BENEDICTIO AD QUODCUMQUE COMESTIBILE.

Ÿ. Adjutorium nostrum in nomine Domini.

R. Qui fecit cælum et terram.

Ÿ. Dominus vobiscum.

R. Et cum spiritu tuo.

Orémus.

BENEDÍC, Dómine, creaturam istam *N.*, ut sit remedium salutáre géneri humano: et præsta per invocationem sancti Nóminis tui, ut quicumque ex ea sumpserint, corporis sanitatem, et animæ tutelam percipiant. Per Christum, etc.

R. Amen.

Aspergatur aqua benedicta.

BENEDICTIO CANDELARUM.

Ÿ. Adjutorium nostrum in nomine Domini.

R. Qui fecit cælum et terram.

Ÿ. Dominus vobiscum.

R. Et cum spiritu tuo.

Orémus.

DOMINE Jesu Christe, Fili Dei vivi, benedíc candélas istas supplicatióibus nostris: infúnde eis, Dómine, per virtutem sanctæ Cru~~X~~cis, benedictionem cœlestem, qui eas ad repelléndas ténebras humano géneri tribuísti: talémque benedictionem signáculo sanctæ Cru~~X~~cis accípiant, ut quibuscúmque locis accénsæ sive pósi-

tæ fuerint, discédant príncipes tenebrarum, et contremíscant, et fúgiant pávidi cum ómnibus mínistris suis ab habitatióibus illis; nec præsúmant ámpliùs inquietáre aut molestáre serviéntes tibi omnipoténti Deo. Qui vivis, etc.

R. Amen.

Postmodum aspergantur aqua benedicta.

BENEDICTIO LOCI.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

Orémus.

BENEDIC, Dómine Deus omnipotens, locum istum: ut sit in eo sánitas, cástitas, victória, virtus, humílitas, bónitas, mansuetúdo, plenitúdo legis, et gratiárum áctio Deo Patri, et Fílio, et Spíritui sancto: et hæc benedictio máneat super hunc locum, et super habitántes in eo, nunc et in ómnia sæcula sæculórum.

R. Amen.

Et aspergatur aqua benedicta.

BENEDICTIO DOMUS NOVÆ.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

Orémus.

TE Deum patrem omnipoténtem suppliciter exorámus pro hac domo, et pro habitatóriibus ejus

ac rebus: ut eam benedí[✠]care, et sanctifi[✠]cáre, ac bonis ómnibus ampliáre dignéris: tribue eis, Dómine, de rore cæli abundántiam, et de pinguédine terræ vitæ substántiam, et desidéria voti eórum ad effectum tuæ miseratiónis perdúcas. Ad intróitum ergo nostrum bene[✠]dicere, et sanctifi[✠]cáre dignéris hanc domum, sicut benedícere dignátus es domum Abraham, et Isaac, et Jacob: et intra parietes domus istíus Angeli tuæ lucis inhábitent, eámque et ejus habitatóres custódiant. Per Christum, etc.

R. Amen.

Deinde aspergat aqua benedicta.

BENEDICTIO THALAMI.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

Orémus.

BENEDIC, Dómine, thálamum hunc, ut omnes habitántes in eo, in tua pace consistant, et in tua voluntáte permáneant, et senéscant, et multiplicéntur in longitudínem diérum, et ad regna cælórum pervéniant. Per Christum, etc.

R. Amen.

Postea aspergat thalamum aqua benedicta.

BENEDICTIO NOVÆ NAVIS.

Ÿ. Adjutórium nostrum in nómine Dómini.

R. Qui fecit cælum et terram.

Ÿ. Dóminus vobíscum.

R. Et cum spíritu tuo.

Orémus.

PROPITIARE, Dómine, supplicationibus nostris, et benedice navem istam dextera tua sancta, et omnes qui in ea vehentur, sicut dignatus es benedicere arcam Noë ambulāntem in dilúvio: pórrige eis, Dómine, dexteram tuam, sicut porrexisti beáto Petro ambulānti supra mare: et mitte sanctum Angelum tuum de cœlis, qui liberet et custódiat eam semper à periculis univérsis, cum ómnibus quæ in ea erunt: et fámulos tuos, repúlsis adversitatibus, portu semper optábili, cursúque tranquillo tueáris, transactisque, ac rectè perfectis negotiis ómnibus, iteráto témpore ad própria cum omni gáudio revocáre dignéris. Qui vivis, etc.

R. Amen.

Aspergat navim aqua benedicta.

BENEDICTIONES AB EPISCOPIS, VEL ALIIS FACULTATEM HABENTIBUS FACIENDÆ.

BENEDICTIO SACERDOTALIUM INDUMENTORUM IN GENERE.

Y. Adjutórium nostrum in nomine Dómine.

R. Qui fecit cœlum et terram.

Y. Dóminus vobiscum.

R. Et cum spíritu tuo.

Orémus.

OMNIPOTENS sempitérne Deus, qui per Móysen fámulum tuum Pontificália, et Sacerdotália, seu Levítica vestiménta, ad expléndum in conspéctu tuo ministérium eórum, ad honórem et decórem Nóminis tui fieri decrevisti: adesto propítius invocationibus nostris; ut hæc induménta sacerdotália,

désuper irrigánte grátia tua, ingénti benedictióne per nostræ humilitátis servítium purifi[✠]cáre, bene[✠]dicere, et conse[✠]cráre dignéris: ut divínis cúltibus et sacris mystériis apta, et benedicta existant: his quoque sacris véstibus Pontífices, et Sacerdótes, seu Levítæ tui indúti, ab ómnibus impulsiónibus, seu tentatióibus malignórum spirituum muniti et defénsi esse mereántur: tuisque mystériis aptè et condigné servíre et inhærere, atque in his tibi plácitè, et devótè perseveráre tribue. Per Christum Dóminum nostrum, etc.

R. Amen.

Orémus.

DEUS, invictæ virtútis triumphátor, et ómnium rerum creátor, ac sanctificátor, inténde propítius preces nostras, et hæc induménta Leviticæ, Sacerdotális, et Pontificális glóriæ, ministris tuis fruéndæ, tuo ore próprio bene[✠]dicere, sanctifi[✠]cáre, et conse[✠]cráre dignéris: omnesque eis uténtes, tuis mystériis aptos, et tibi in eis devótè ac laudabíliter serviéntes, gratos efficere dignéris. Per Dóminum nostrum, etc.

R. Amen.

Orémus.

DOMINE Deus omnípotens, qui vestiménta Pontificibus, Sacerdótibus, et Levítis, in usum tabernáculi fœderis necessária, Móysen fámulum tuum ágere jussisti, eúmque spíritu sapiéntiæ ad id peragéndum replevisti: hæc vestiménta in usum et cultum mystérii tui bene[✠]dicere, sanctifi[✠]cáre, et conse[✠]cráre dignéris: atque ministros altáris tui, qui ea indúerint, septifórmis Spíritus grátia dignánter repléri, atque castitátis stola, beáta

fácias cum bonórum fructu óperum
ministérii congruéntis immortalité
vestíri. Per Christum, etc.

R. Amen.

*Deinde aspergat indumenta aqua
benedicta.*

BENEDICTIO MAPPARUM ET TOBALEARUM ALTA- RIS.

Ÿ. Adjutórium nostrum in nó-
mine Dómini.

R. Qui fecit cælum et terram.

Ÿ. Dóminus vobiscum.

R. Et cum spíritu tuo.

Orémus.

EXAUDI, Dómine, preces nos-
tras, et hæc linteámina sacri
altáris úsui præparáta beneꝫdicere,
et sanctifiꝫcáre dignéris. Per
Christum, etc.

R. Amen.

Orémus.

DOMINE Deus omnipotens, qui
Móysen fámulum tuum or-
naménta et linteámina fácere, per
quadraginta dies docuísti; quæ éti-
am María téxuit, et fecit in usum
ministérii tabernáculi fæderis: be-
neꝫdicere, sanctifiꝫcáre, et conse-
cráre dignéris hæc linteámina
ad tegéndum involvendúmque al-
táre gloriosíssimi Filii tui Dómini
nostri Jesu Christi. Qui tecum
vivit, etc.

R. Amen.

Deinde aspergat ea aqua benedicta.

BENEDICTIO CORPORALI- UM.

Ÿ. Adjutórium nostrum in nó-
mine Dómini.

R. Qui fecit cælum et terram.

Ÿ. Dóminus vobiscum.

R. Et cum spíritu tuo.

Orémus.

CLEMENTISSIME Dómine,
cujus inenarrábilis est virtus,
cujus mystéria arcánis inirabilibus
celebrántur: tribue, quæsumus, ut
hoc linteámen tuæ propitiatiónis
beneꝫdictione sanctificétur ad con-
secrándum super illud Corpus et
Ságuinem Dei et Dómini nostri
Jesu Christi Filii tui. Qui tecum
vivit, etc.

R. Amen.

Orémus.

OMNIPOTENS sempitérne De-
us, beneꝫdicere, sanctifiꝫ-
cáre, et conseꝫcráre dignéris linte-
ámen istud ad tegéndum, involven-
dúmque Corpus et Ságuinem Dó-
mini nostri Jesu Christi Filii tui.
Qui tecum vivit et regnat in unitá-
te, etc.

R. Amen.

Orémus.

OMNIPOTENS Deus, mánibus
nostris opem tuæ benedictió-
nis infúnde: ut per nostram bene-
ꝫdictionem hoc linteámen sancti-
ficétur, et Córporis ac Ságuinis
Redemptóris nostri novum sudári-
um, Spíritus sancti grátia efficiátur.
Per eúmdem Dóminum nostrum
Jesum Christum Fílium tuum. Qui
tecum vivit et regnat in unitáte
ejúsdem Spíritus sancti Deus, etc.

R. Amen.

Et aspergat aqua benedicta.

BENEDICTIO TABERNACULI, SEU VASculi PRO SS. EUCHARISTIA CONSERVANDA.

Ÿ. Adjutorium nostrum in nomine Domini.

R. Qui fecit cælum et terram.

Ÿ. Dominus vobiscum.

R. Et cum spiritu tuo.

Orémus.

OMNIPOTENS sempiternè Deus, majestatem tuam supplices deprecámur, ut vasculum hoc pro Corpore Filii tui Domini nostri Jesu Christi in eo condendo fabricatum, benedictionis tuæ grátia dicare digneris. Per eúndem Dominum, etc.

R. Amen.

Et aspergit illud aqua benedicta.

ORATIO IN CONSECRATIONE EPISCOPI,

Quæ dicitur cum Oratione Missæ diei, sub una conclusione : et similiter Secreta et Postcommunio.

Oratio.

ADESTO supplicationibus nostris, omnipotens Deus, ut quod humilitatis nostræ gerendum est ministerio, tuæ virtutis impleatur effectus. Per, etc.

R. Amen.

Secreta.

Consecrator.

SUSCIPE, Domine, múnera, quæ tibi offerimus pro hoc famulo tuo : ut propitius in eo tua dona custodias. Per, etc.

R. Amen.

Consecratus dicit :

SUSCIPE, Domine, múnera, quæ tibi offerimus pro me famulo

tuo : ut propitius in me tua dona custodias. Per, etc.

R. Amen.

Infra actionem. Consecrator.

HANC igitur oblationem servitutis nostræ, sed et cunctæ familiæ tuæ, quam tibi offerimus etiam pro hoc famulo tuo, quem ad Episcopatus ordinem promovere dignatus es, quæsumus, Domine, ut placatus accipias, et propitius in eo tua dona custodias : ut quod divino munere consecutus est, divinis effectibus exequatur : diésque nostros in tua pace disponas, atque ab æterna damnatione nos eripi, et in electorum tuorum jubeas grege numerari. Per, etc.

R. Amen.

Consecratus dicit :

HANC igitur oblationem servitutis nostræ, sed et cunctæ familiæ tuæ, quam tibi offerimus etiam pro me famulo tuo, quem ad Episcopatus ordinem promovere dignatus es, quæsumus, Domine, ut placatus accipias, et propitius in me tua dona custodias : ut quod divino munere consecutus sum, divinis effectibus exequar : diésque nostros in tua pace disponas, atque ab æterna damnatione nos eripi, et in electorum tuorum jubeas grege numerari. Per Christum, etc.

R. Amen.

Postcommunio.

PLENUM, quæsumus, Domine, in nobis remedium tuæ miserationis operare : ac tales nos esse perfice propitius, et sic foveri, ut tibi in omnibus placere valeamus. Per Dominum, etc.

ORATIO IN COLLATIONE
SACRORUM ORDINUM,

*Quæ dicitur cum Oratione Missæ
diei, sub una conclusione : et similiter
Secreta et Postcommunio.*

Oratio.

EXAUDI, quæsumus, Dómine,
tibi pectore famulantes, perpétua
defensione custódi : ut nullis per-
turbatióibus impediti, liberam ser-
vitutem tuis semper exhibeamus
officiis. Per Dóminum, etc.

Secreta.

TUIS, quæsumus, Dómine, ope-
râre mystériis : ut hæc tibi
múnera dignis méntibus offerâmus.
Per Dóminum nostrum, etc.

Postcommunio.

QUOS tuis, Dómine, réficis
Sacraméntis, continuis attólle
benígnus auxiliis : ut tuæ redempti-
ónis effectum et mystériis capiá-
mus, et móribus. Per, etc.





SUPPLEMENTUM.

FERIA SEXTA POST CINE- RES.

SS. PASSIONIS D. N. JESU CHRISTI.

Missæ, Humiliavit, etc., votiva de Passione, fol. 45, præter Orationem sequentem.*

Oratio.

OMNIPOTENS sempitærne Deus, qui humano gêneri, ad imitandum humilitatis exêmplum, Salvatorem nostrum carnem sùmere, et crucem subire fecisti, concede propitius: ut, sicut solèmnem commemorationem Passiõnis ejus celebrâmus; ita et patientiæ ipsius habère documêta, et resurrectionis consòrtia mereâmur. Per eúndem Dóminum, etc.

Deinde fit commemoratio Feriæ, et legitur ejusdem Evangelium in fine.

Et dicitur Credo, ac Præfat. de Cruce, fol. 205.

FERIA SEXTA POST DOM. I. QUADRAGESIMÆ.

SACRATISSIMÆ SPINÆ CORONÆ D.
N. JESU CHRISTI.

Introitus. Cant. 3.

EGREDDIMINI, et vidète, filiæ Sion, regem Salomónem in

o*

diadémate, quo coronávit eum mater sua, parans crucem Salvatóri suo.

Ps. 8. Glória et honóre coronásti eum, Dómine: et constituísti eum super ópera mánuum tuárum.

Ÿ. Glória Patri, etc.

Oratio.

PRÆSTA, quæsumus, omnípotens Deus; ut, qui in memóriam Passiõnis Dómini nostri Jesu Christi, Corónam ejus spineam venerâmur in terris, ab ipso glória et honóre coronári mereâmur in cœlis. Qui tecum vivit, etc.

Et fit commemoratio Feriæ, ac legitur ejusdem Evangelium in fine.

Lectio libri Sapiéntiæ. *Cant. 3 et 4.*

LECTULUM Salomónis sexaginta fortes ámbiunt ex fortissimis Israël: omnes tenèntes gládios, et ad bella doctíssimi: uniuscujúsque ensis super femur suum propter timóres noctúrnos. Férculum fecit sibi Rex Sálomon de lignis Libani. Colúmnas ejus fecit argenteas, reclinatorium áureum, ascensum purpúreum: média caritate constrávit propter filias Jerúsalem. Egredimini, et vidète, filiæ Sion, Regem Salomónem in diadémate, quo coronávit eum mater sua in die

desponsationis illius, et in die lætitiæ cordis ejus. Quàm pulchra es, amica mea, quàm pulchra es! Oculi tui columbarum, absque eo quod intrinsecus latet. Veni de Libano, sponsa mea, veni de Libano, coronaberis.

Graduale. Apoc. 14. Coróna áurea super caput ejus, expressa signo sanctitatis, glória honoris, et opus fortitudinis.

V. Ps. 20. Quóniam prævenisti eum in benedictionibus dulcedinis, posuisti in capite ejus coronam de lapide pretioso.

Tractus. Isai. 62. Induit eum Dóminus vestimentis salutis, et indumento justitiæ, quasi sponsum decoratum coroná.

V. Isai. 28. Coróna tribulationis efflóruit in coronam glóriæ, et serum exultationis.

V. Sap. 5. Accépit regnum decóris, diadéma speciéi.

Sequéntia sancti Evangélii secundum Joánnem. *Joann. 19.*

IN illo témpore: Apprehéndit Pilátus Jesum, et flagellávit. Et milites plecténtes coronam de spinis, imposuérunt capiti ejus, et veste purpúrea circumdederunt eum. Et veniébant ad eum, et dicébant: Ave, Rex Judæórum: et dabant ei álapas. Exívit ergo íterum Pilátus foràs, et dicit eis: Ecce addúco vobis eum foràs, ut cognoscátis quia nullam invénio in eo causam. Exívit ergo Jesus, portans coronam spineam, et purpúreum vestimentum.

Credo.

Offertorium. Tuam Corónam adorámus, Dómine: tuam gloriósam recólimus Passiónem.

Secreta.

TUORUM militum, Rex omnipotens, virtútem róborá: ut,

quos in hujus mortalitátis stádio Unigéniti Fílii tui Coróna lætificat, consummáto cursu certáminis, immortalitátis bravíum apprehéndant. Per eúmdem Dóminum, etc.

Præfatio de Cruce, fol. 205.

Communio. Prov. 4. Lætáre, Mater nostra, quia dabit Dóminus capiti tuo augménta gratiarum, et Coróna ínclýta próteget te.

Postcommunio.

SUPPLICES te rogámus, omnipotens Deus; ut hæc Sacraménta, quæ sumpsimus, per sacrosáctæ Fílii tui Corónæ, cujus solémnia recensémus, virtútem, nobis proficiant ad medélam. Per eúmdem Dóminum nostrum, etc.

FERIA SEXTA POST DOM. II. QUADRAGESIMÆ.

LANCEÆ ET CLAVORUM D. N. J. C.

Introitus. Ps. 21.

FODERUNT manus meas et pedes meos, dinumeravérunt ómnia ossa mea, et sicut aqua effúsus sum.

Ps. ibid. Factum est cor meum tanquam cera liquéscens in médio ventris mei.

V. Glória, etc.

Oratio.

DEUS, qui in assúptæ carnis infirmitáte Clavis affígi, et Lancea vulnerári pro mundi salute voluísti: concéde propítius; ut, qui eorúmdem Clavorum et Lanceæ solémnia venerámur in terris, de glorióso victóriæ tuæ triúmpho gratulémur in cælis. Qui vivis et regnas cum Deo Patre, etc.

Deinde fit commemoratio Feriæ, et legitur ejusdem Evangelium in fine.

Lectio Zachariæ Prophætæ. *Zach.*
12 et 13.

HÆC dicit Dóminus: Effúndam super domum David, et super habitatóres Jerúsalem spíritum grátiae et precum: et aspicient ad me quem confixerunt: et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, et dicétur ei: Quid sunt plagæ istæ in médio mánuum tuárum? Et dicet: His plagátus sum in domo eórum qui diligébant me. Frámea suscitáre super pastórem meum, et super virum cohæréntem mihi, dicit Dóminus exercítium. Percute pastórem, et dispergéntur oves: ait Dóminus omnipotens.

Graduale. Ps. 68. Improperium expectávit cor meum, et misériam: et sustínui qui simul mecum contristarétur, et non fuit: consolántem me quæsívi, et non invéni.

V. Dedérunt in escam meam fel, et in siti mea potavérunt me acéto.

Tractus. Isai. 53. Verè languóres nostros ipse tulit, et dolóres nostros ipse portávit.

V. Et nos putávimus eum quasi leprósum, et percússum à Deo, et humiliátum.

V. Ipse autem vulnerátus est propter iniquitátes nostras, attrítus est propter scélera nostra.

V. Disciplína pacis nostræ super eum: et livóre ejus sanáti sumus.

Sequéntia sancti Evangélíi secúndum Joánnem. *Joann. 19.*

IN illo témpore: Sciens Jesus quia ómnia consummáta sunt, ut consummarétur Scriptúra, dixit:

Sítio. Vas ergo erat pósito acéto plenum. Illi autem spóngiam plenam acéto hyssópo circumponéntes, obtulérunt ori ejus. Cùm ergo accepisset Jesus acétum, dixit: Consummátum est. Et inclináto cápíte, trádidit spíritum. Judæi ergo (quóniam Parascève erat) ut non remanérent in cruce córpora Sábbato (erat enim magnus dies ille Sábbati), rogavérunt Pilátum, ut frangeréntur eórum crura, et tolleréntur. Venérunt ergo mílites, et primi quidem fregérunt crura, et altérius qui crucifíxus est cum eo. Ad Jesum autem cùm venissent, ut vidérunt eum jam mórtuum, non fregérunt ejus crura; sed unus mílitum láncea latus ejus apérui, et continuò exívit sanguis et aqua. Et qui vidit, testimónium perhíbuit, et verum est testimónium ejus.

Credo.

Offertorium. Insurrexérunt in me viri iníqui, absque misericórdia quæsiérunt me interfícere, et non pepercérunt infáciem meam spúere. Lánceis suis vulneravérunt me, et concússa sunt ómnia ossa mea.

Secreta.

SANCTIFICET nos, quæsumus, Dómine, hoc sanctum et immaculátum sacrificium vespertínium, quod Unigénitus Fílius tuus in cruce obtulit pro salúte mundi. Qui tecum vivit, etc.

Præfatio de Cruce, fol. 205.

Communio. Vidébunt in quem transfixérunt, cùm moveréntur fundaménta terræ.

Postcommunio.

DOMINE Jesu Christe, qui temetípsum in cruce holocáustum immaculátum et spontáneum Deo Patri obtulisti: quæsumus, ut

ejúsdem sacrificii oblátio veneránda, indulgéntiam nobis obtíneat, et glóriam sempitérnam. Qui vivis, etc.

FERIA SEXTA POST DOM. III. QUADRAGESIMÆ.

QUINQUE VULNERUM D. N. J. C.

Missa, Humiliávit, etc., Votiva de Passione, fol. 45, præter Orationes sequentes.*

Oratio.

DEUS, qui Unigéniti Fílii tui passióne, et per quinque Vúlnera ejus sánguine effusióne humanám natúram peccáto pérditam reparásti : tribue nobis, quæsumus ; ut, qui ab eo suscep'ta Vúlnera venerámur in terris, ejúsdem pretiosísimi Sanguinis fructum cónsequi mereámur in cœlis. Per eúmdem Dóminum nostrum, etc.

Deinde fit commemoratio Feriæ, et legitur ejusdem Evangelium in fine.

Et dicitur Credo.

Secreta.

MAJESTATI tuæ, quæsumus, Dómine, accépta sint dona, in quibus ipsa Unigéniti tui Vúlnera tibi offérimus, nostræ prætia libertátis. Per eúmdem Dóminum nostrum, etc.

Præfatio de Cruce, fol. 205.

Postcommunio.

REFFECTI vitálibus alimóniis, quæsumus, Dómine Deus noster, ut qui Vúlnera Dómini nostri Jesu Christi hódie devótè cólimus, hæc in nostris córdibus impréssa, móribus et vita teneámus. Per eúmdem Dóminum, etc.

FERIA SEXTA POST DOM. IV. QUADRAGESIMÆ.

PRETIOSISSIMI SANGUINIS D. N. J. C.

Introitus. Apoc. 5.

REDEMISTI nos, Dómine, in Sanguine tuo, ex omni tribu, et lingua, et pópulo, et natióne, et fecisti nos Deo nostro regnum.

Ps. 88. Misericórdias Dómini in ætérnum cantábo : in generatióne et generatióne annuntiábo veritátem tuam in ore meo.

V. Glória Patri, etc.

Oratio.

OMNIPOTENS sempitérne Deus, qui Unigénitum Fílium tuum mundi Redemptórem constituísti, ac ejus Sanguine placári voluísti : concéde, quæsumus, salútis nostræ prætium solémni cultu ita venerári, atque à præsentis vitæ malis ejus virtúte deféndi in terris, ut fructu perpétuo lætémur in cœlis. Per eúmdem Dóminum, etc.

Et fit commemoratio Feriæ, ac legitur ejusdem Evangelium in fine.

Léctio Epístolæ beáti Pauli Apostoli ad Hebræos. *Hebr. 9.*

FRATRES, Christus assístens Póntifex futurórum bonórum, per ámplius et perféctius tabernáculum non manufáctum, id est non hujus creatiόνis : neque per sánguinem hircórum aut vitulórum, sed per próprium Sanguinem introívit semel in sancta, ætérna redemptiόne invénta. Si enim sanguis hircórum et taurórum, et cinis vitulæ aspérsus inquinátos sanctificat ad emundatióne[m] carnis : quantò magis Sanguis Christi, qui per Spíritum sanctum semetípsum óbtulit immaculátum Deo, emundábit consciéntiam nostram ab opéribus mór-

tuis, ad serviendum Deo viventi? Et ideo novi testamenti mediator est, ut morte intercedente, in redemptionem earum praevaricationum, quae erant sub priori testamento, repromissionem accipiant qui vocati sunt aeternae hereditatis: in Christo Jesu Domino nostro.

Graduale. 1 Joan. 5. Hic est qui venit per aquam et sanguinem, Jesus Christus: non in aqua solum, sed in aqua et sanguine.

V. Tres sunt qui testimonium dant in caelo: Pater, Verbum, et Spiritus sanctus: et hi tres, unum sunt. Et tres sunt qui testimonium dant in terra: Spiritus, Aqua, et Sanguis: et hi tres, unum sunt.

Tractus. Ephes. 1. Gratificavit nos Deus in dilecto Filio suo, in quo habemus redemptionem per Sanguinem ejus.

V. Remissionem peccatorum, secundum divitias gratiae ejus, quae superabundavit in nobis.

V. Rom. 3. Justificati gratis per gratiam ipsius, per redemptionem quae est in Christo Jesu.

V. Quem proposuit Deus propitiationem per fidem in Sanguine ipsius.

Sequentia sancti Evangelii secundum Joannem. Joann. 19.

IN illo tempore: Cum accepisset Jesus acetum, dixit: Consummatum est. Et inclinato capite tradidit spiritum. Judaei ergo (quoniam Pascève erat) ut non remanerent in cruce corpora Sabbato (erat enim magnus dies ille Sabbati), rogaverunt Pilatum, ut frangerentur eorum crura, et tollerentur. Venérunt ergo milites, et primi quidem fregérunt crura, et alterius qui crucifixus est cum eo. Ad Jesum autem cum venissent, ut viderent eum jam mortuum, non fre-

gerunt ejus crura; sed unus militum lancea latus ejus aperuit, et continuo exivit sanguis et aqua. Et qui vidit, testimonium perhibuit: et verum est testimonium ejus.

Credo.

Offertorium. 1 Cor. 10. Calix benedictionis, cui benedicimus, nonne communicatio Sanguinis Christi est? Et panis, quem frangimus, nonne participatio Corporis Domini est?

Secreta.

PER haec divina mysteria, ad novi, quaesumus, testamenti mediatorem Jesum accedamus: et super altaria tua, Domine virtutum, aspersionem Sanguinis, melius loquentem quam Abel, innovemus. Per eundem Dominum nostrum, etc.

Præfatio de Cruce, fol. 205.

Communio. Heb. 9. Christus semel oblatus est ad multorum exaurienda peccata: secundò sine peccato apparebit omnibus expectantibus se, in salutem.

Postcommunio.

AD sacram, Domine, mensam admissi, hausimus aquas in gaudio de fontibus Salvatoris: Sanguis ejus fiat nobis, quaesumus, fons aquae in vitam aeternam salientis. Qui tecum vivit, etc.

DOMINICA III. POST PASCHA.

PATROCINII S. JOSEPH,
Confessoris, Sponsi B. Mariae Virginis.

Introitus. Ps. 32.

ADJUTOR et protector noster est Dominus: in eo letabitur

cor nostrum, et in nómine sancto ejus sperábitur. Allelúia, allelúia.

Ps. 79. Qui regis Israël, inténde: qui dedúcis velut ovem Joseph.

Ÿ. Glória Patri, etc.

Oratio.

DEUS, qui ineffábili providéntia beátum Joseph sanctíssimæ Genitrícis tuæ Sponsum elígere dignátus es: præsta, quæsumus; ut, quem Protectórem venerámur in terris, intercessórem habére mereámur in cœlis. Qui vivis et regnas cum Deo Patre, etc.

Deinde fit commemoratio Dominicæ III.

Lectio libri Génesis. *Gen. 49.*

FILIUS accréscebat Joseph, filius accréscebat et decórus aspéctu: filiæ discurrérunt super murum. Sed exasperavérunt eum, et jurgáti sunt, inviderúntque illi habéntes jácula. Sedit in forti arcus ejus, et dissolúta sunt víncula brachiórum, et mánuum illíus per manus poténtis Jacob: inde Pastor egréssus est, lapis Israël. Deus patris tui erit adjútor tuus, et Omnípotens benedícet tibi benedictiónibus cœli désuper, benedictiónibus abyssi jacéntis deórsùm, benedictiónibus úberum et vulvæ. Benedictiónes patris tui confortátæ sunt benedictiónibus patrum ejus, donec veníret desidérium cóllium æternórum. Fiant in cápite Joseph, et in vértice Nazaræi inter fratres suos.

Allelúia, allelúia. Ÿ. De quacúmque tribulatióne clamáverint ad me, exáudiam eos, et ero protéctor eórum semper. Allelúia.

Ÿ. Fac nos innócuam, Joseph, decúrre vitam: sitque tuo semper tuta patrocínio. Allelúia.

Sequéntia sancti Evangélii secúndum Lucam. *Luc. 3.*

IN illo témpore: Factum est autem cùm baptizáretur omnis pópulus, et Jesu baptizáto et oránte, apértum est cœlum, et descéndit Spíritus sanctus corporáli spécie sicut colúmba in ipsum: et vox de cœlo facta est: Tu es Fílius meus diléctus, in te complácuí mibi. Et ipse Jesus erat incípiens quasi annórum trigínta, ut putabátur, filius Joseph.

Credo.

Offertorium. Lauda, Jerúsalem, Dóminum: quóniam confortávit seras portárum tuárum, benedíxit filiis tuis in te. Allelúia, allelúia.

Secreta.

SANCTÍSSIMÆ Genitrícis tuæ Sponsi patrocínio suffúlti, rogámus, Dómine, cleméntiam tuam: ut corda nostra fácias terréna cuncta despícere, ac te verum Deum perfectá charitaté diligere. Qui vivis et regnas, etc.

Deinde Secreta Dominicæ.

Communio. Matth. 1. Jacob autem genuit Joseph virum Mariæ, de qua natus est Jesus, qui vocátur Christus. Allelúia, allelúia.

Postcommunio.

DIVINI múnieris fonte refécti, quæsumus, Dómine Deus noster; ut, sicut nos facis beáti Joseph protectiône gaudére, ita ejus méritis et intercessiône, cœléstis glóriæ fácias esse partícipes. Per, etc.

Deinde Postcommunio Dominicæ occurrentis, de qua in fine Missæ legitur Evangelium.

FERIA SEXTA POST OCTAVAM CORPORIS CHRISTI.

IN FESTO SS. CORDIS JESU.

Introitus. Thren. 3.

MISEREBITUR secundum multitudinem miserationum suarum: non enim humiliavit ex corde suo, et abiecit filios hominum. Bonus est Dominus sperantibus in eum, animæ quærenti illum.

Allelúia, allelúia. *Ps. 88.* Misericórdias Domini in ætérnum cantábo, in generatióem et generatióem.

Ÿ. Glória Patri, etc.

Oratio.

CONCEDE, quæsumus, omnipotens Deus: ut, qui in sanctissimo dilecti Filii tui Corde gloriantes, præcipua in nos charitátis ejus beneficia recólimus, eórum páriter et actu delectémur, et fructu. Per eúmdem Dóminum, etc.

Lectio Isaíæ Prophætæ. *Isai. 12.*

CONFITEBOR tibi, Dómine, quóniam irátus es mihi: convérsus est furor tuus, et consolátus es me. Ecce Deus Salvátor meus, fiduciáliter agam, et non timébo: quia fortitúdo mea, et laus mea Dóminus, et factus est mihi in salutem. Hauriétis aquas in gáudio de fónibus Salvátoris. Et dicétis in illa die: Confitémini Dómino, et invocáte nomen ejus: mementóte quóniam excélsus est nomen ejus. Cantáte Dómino quóniam magníficè fecit, annuntiáte hoc in univérsa terra. Exúlta, et lauda, habitátio Sion, quia magnus in médio tui Sanctus Israël.

Graduale. Jer. Thren. 1. O vos omnes, qui transitis per viam, aténdite, et vidéte si est dolor sicut dolor meus.

Ÿ. Cùm dilexisset suos, qui erant in mundo, in finem diléxit eos.

Allelúia, allelúia. Ÿ. *Matth. 11.* Discite à me, quia mitis sum et húmilis corde, et inveniétis requiem animábus vestris. Allelúia.

Sequéntia sancti Evangélíi secundum Joannem. *Joann. 19.*

IN illo témpore: Judæi, quóniam Parascève erat, ut non remanérunt in cruce córpora Sábbato (erat enim magnus dies ille Sábbati), rogavérunt Pilátum, ut frangeréntur eórum crura, et tolleréntur. Venérunt ergo mílites, et primi quidem fregérunt crura, et altérius qui crucifixus est cum eo. Ad Jesum autem cùm venissent, ut vidérunt eum jam mórtuum, non fregérunt ejus crura: sed unus militum lancea latus ejus apérui, et continuò exívit sanguis et aqua. Et qui vidit, testimónium perhíbuit, et verum est testimónium ejus.

Credo.

Offertorium. Ps. 102. Bénedic, ánima mea, Dómino, et noli oblivísci omnes retributióes ejus, qui replet in bonis desidérium tuum. Allelúia.

Secreta.

TUERE nos, Dómine, tua tibi holocáusta offeréntes: ad quæ, ut fervéntius corda nostra præparéntur, flammis adúre tuæ divínæ charitátis. Qui vivis, etc.

Præfatio de Passione, fol. 205.

Communio. Ps. 68. Improperium expectávit cor meum et misériam:

sustínui qui simul contristarétur, et non fuit; et qui consolarétur, et non invéni. Allelúia.

Postcommunio.

PACIFICIS pasti delíciis, et salutáribus Sacraméntis, te supplices exorámus, Dómine Deus noster: ut qui mitis es, et húmilis Corde, nos à vitiórum ómnium labe purgátos, propénsius fácias à superbis sæculi vanitatibus abhorrére. Qui vivis, etc.

DIE XXI. JUNII.

S. ALOYSII GONZAGÆ,
Confessoris.

Introitus. Ps. 8.

MINUISTI eum paulò minùs ab Angelis: glória et honóre coronásti eum.

Ps. 148. Laudáte Dóminum, omnes Angeli ejus: laudáte eum, omnes Virtútes ejus.

Ÿ. Glória Patri, etc.

Oratio.

CÆLESTIUM donórum distributor Deus, qui in Angélico júvene Aloysio miram vitæ innocentiam pari cum pœniténtia sociásti: ejus méritis et précibus concede, ut innocentem non secúti, pœniténtem imitémur. Per Dóminum, etc.

Lectio libri Sapiéntiæ. *Eccl. 31.*

BEATUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirabilia in vita sua. Qui probátus est in illo, et perféctus est, erit illi glória æténa: qui pótuít transgredi,

et non est transgréssus; fácere mala, et non fecit. Ideò stabilita sunt bona illius in Dómino.

Graduale. Ps. 70. Dómine, spes mea à juventúte mea: in te confirmátus sum ex útero: de ventre matris meæ tu es protéctor meus.

Ÿ. Ps. 40. Me autem propter innocentiam suscepisti: et confirmásti me in conspéctu tuo in ætérnum. Allelúia, allelúia.

Ÿ. Ps. 64. Beátus quem elegisti et assumpsisti: inhabitábit in atriis tuis. Allelúia.

Sequéntia sancti Evangélíi secúndum Matthæum. *Matth. 22.*

IN illo témpore: Respóndens Jesus, ait Sadducæis: Errátis, nesciéntes Scriptúras, neque virtutem Dei. In resurrectione enim neque nubent, neque nubéntur: sed erunt sicut Angeli Dei in cælo. De resurrectione autem mortuórum non legístis quod dictum est à Deo dicénte vobis: Ego sum Deus Abraham, et Deus Isaac, et Deus Jacob? Non est Deus mortuórum, sed vivéntium. Et audiéntes turbæ, mirabántur in doctrína ejus. Pharisei autem audiéntes quòd siléntium imposuisset Sadducæis, convenérunt in unum: et interrogávit eum unus ex eis legis doctor, tentans eum: Magister, quod est mandátum magnum in lege? Ait illi Jesus: Diliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum et primum mandátum. Secúndum autem simile est huic: Diliges próximum tuum sicut teípsum. In his duóbus mandátis univérsa lex pendet, et Prophætæ.

Offertorium. Ps. 23. Quis as-

cédet in montem Dómini, aut quis stabit in loco sancto ejus? Innocens mánibus, et mundo corde.

Secreta.

CELESTI convívio fac nos, Dómine, nuptiáli veste indútos accúmbere; quam beáti Aloysii pia præparatio, et juges lácrymæ, inæstimabilibus ornábant margaritis. Per, etc.

Communio. Ps. 77. Panem cœli dedit eis: Panem Angelórum manducávit homo.

Postcommunio.

ANGELORUM esca nutritos, angélicis étiam, Dómine, da móribus vívere; et ejus quem hódie cólimus exémplo, in gratiárum semper actióne manére. Per Dóminum, etc.

DIE II. AUGUSTI.

B. ALPHONSI MARIE DE
LIGORIO,

Episcopi et Confessoris.

Introitus. Luc. 4.

Spiritus Dómini super me, propter quod unxit me; evangelizáre paupéribus misit me. Sanáre contritos corde.

Ps. 77. Atténdite, pópule meus, legem meam; inclináte aurem vestram in verba oris mei.

V. Glória Patri, etc.

Oratio.

DEUS, qui per beátum Alphónsum Mariam Confessórem tuum atque Pontificem animárum zelo succénsus, Ecclesiám tuam nova prole fœcundásti; quæsumus, ut ejus salutáribus mónitis edócti, et exémpulis roboráti, ad te pervenire

p*

felíciter valeámus. Per Dóminum, etc.

Léctio Epístolæ beáti Pauli Apóstoli ad Timótheum. 2 Tim. 1.

CARISSIME, confortáre in grátia, quæ est in Christo Jesu, et quæ audisti à me per multos testes, hæc comménda fidélibus homínibus, qui idónei erunt et alios docére. Labóra, sicut bonus miles Christi Jesu. Nemo militans Deo, implicat se negótiis sæculáribus, ut ei pláceat cui se probávit. Nam et qui certat in agóne non coronáitur, nisi legítimè certáverit. Laborántem agricolam opórtet primùm de frúctibus percípere. Intéllige quæ dico: Dabit enim tibi Dóminus in ómnibus intelléctum.

Graduale. Ps. 118. Memor fui à sæculo, Dómine, et consolatus sum: deféctio tenuit me pro peccatóribus derelinquéntibus legem tuam.

V. Ps. 39. Justitiam tuam non abscondi in corde meo; veritatem tuam et salutáre tuum dixi.

Allelúia, allelúia. Eccl. 49. Ipse est diréctus divinitus in pœnitentiam gentis, et tulit abominatióem impietátis: et gubernávit ad Dóminum cor ipsíus; et in diébus peccatórum corroborávit pietátem. Allelúia.

Sequéntia sancti Evangélíi secundum Lucam. Luc. 10.

IN illo témpore: Designávit Dóminus et álios septuaginta duos, et misit illos binos ante faciém suam in omnem civitátem et locum quò erat ipse ventúrus. Et dicébat illis: Messis quidem multa, operári autem pauci. Rogáte ergo dóminum messis, ut mittat operários in messem suam. Ite: ecce ego

mitto vos sicut agnos inter lupos. Nolite portare sacculum, neque peram, neque calceamenta: et neminem per viam salutaveritis. In quamcúmque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes, et bibentes quæ apud illos sunt; dignus est enim operarius mercede sua. Nolite transire de domo in domum. Et in quamcúmque civitatem intraveritis, et susceperint vos, manducate quæ apponuntur vobis; et curate infirmos, qui in illa sunt, et dicite illis: Appropinquavit in vos regnum Dei.

Offertorium. Prov. 3. Honora Dominum de tua substantia, et de primitiis omnium frugum tuarum da ei. Noli prohibere benefacere eum qui potest: si vales, et ipse benefac.

Secreta.

CELESTI, Domine Jesu Christe, sacrificii igne corda nostra in odorem suavitatis exure, qui Beato Alphonso Mariæ tribuisti et hæc mysteria celebrare, et per eadem hostiam tibi sanctam seipsum exhibere. Qui vivis, etc.

Communio. Eccles. 50. Sacerdos magnus, qui in vita sua suffulsi domum, et in diebus suis corroboravit templum, quasi ignis effulgens, et thus ardens in igne.

Postcommunio.

DEUS, qui Beatum Alphonsum Mariam, Confessorem tuum atque Pontificem, fidelem divini mysterii dispensatorem et præconem effecisti: ejus meritis precibusque concede; ut fideles tui et frequenter

percipiant, et percipiendo sine fide collaudent. Per Dominum, etc.

MISSA VOTIVA PRO FIDEI PROPAGATIONE,

Quam Pius, Papa VII, celebrari posse concessit in Fœderatis Americæ Statibus.

Introitus. Ps. 66.

DEUS misereatur nostri, et benedicat nobis: illuminet vultum suum super nos, et misereatur nostri, ut cognoscamus in terra viam tuam, in omnibus gentibus salutare tuum. (*Temp. Pasch. additur Allelúia, allelúia.*)

Ps. Ibid. Confiteantur tibi populi, Deus: confiteantur tibi populi omnes.

Ÿ. Glória Patri, etc.

Oratio.

OMNIPOTENS sempiternus Deus, qui non mortem peccatorum, sed vitam semper inquis, suscipe propitius orationem nostram, et libera paganos ab idolorum cultu, et aggrega Ecclesiæ tuæ sanctæ ad laudem, et glóriam nominis tui. Per Dominum, etc.

Lectio Libri Sapiéntiæ. Eccl. 36.

MISERERE nostri, Deus omnium, et respice nos, et ostende nobis lucem miserationum tuarum: et immitte timorem tuum super gentes, quæ non exquisierunt te, ut cognoscant quia non est Deus, nisi tu, et enarrent magnalia tua. Alleva manum tuam super gentes alienas, ut videant potentiam tuam: sicut enim in conspectu eorum sanctificatus es in nobis, sic in conspectu nostro magnificaberis in eis, ut cognoscant te, sicut et nos cognó-

vimus, quóniam non est Deus præter te, Dómine. Innova signa, et immúta mirabilia: glorífica manum, et bráchium dextrum: éxcita furórem, et effúnde iram. Tolle adversárium, et afflíge inimícum: festína tempus, et meménto finis, ut enárrent mirabília tua. Da testimónium his, qui ab inítio creatúræ tuæ sunt, et súscita prædicationés, quas locúti sunt in nómine tuo prophétæ prióres. Da mercédem sustinéntibus te, ut prophétæ tui fidéles inveníantur: et exáudi orationés servórum tuórum, secúndum benedictiónem Aaron de pópulo tuo, et dirige nos in viam justítiæ, ut sciant omnes qui hábitant terram, quia tu es Deus conspéctor sæculórum.

Graduale. Ps. 66. Confiteántur tibi pópuli, Deus: Confiteántur tibi pópuli omnes; terra dedit fructum suum.

Ÿ. Benedícat nos Deus, Deus noster, benedicat nos Deus, et métuant eum omnes fines terræ.

Allelúia, allelúia. Ÿ. *Ps. 99.* Jubiláte Deo omnis terra: servíte Dómino in lætítia: introíte in conspéctu ejus in exultatióne. Allelúia.

Post Septuagesimam, omisso Allelúia, et versu sequenti, dicitur

Tractus. Ps. 95. Annuntiáte inter gentes glóriam Dómini, in ómnibus pópulis mirabília ejus.

Ÿ. Quóniam magnus Dóminus, et laudábilis nimis; terríbilis est super omnes Deos.

Ÿ. Quóniam omnes dii géntium dæmónia, Dóminus autem cælos fecit.

Tempore Paschali omittitur Graduale, et ejus loco dicitur

Allelúia, allelúia. Ÿ. *Ps. 99.* Jubiláte Deo omnis terra, servíte Dómino in lætítia; introíte in conspéctu ejus in exultatióne. Allelúia.

Ÿ. *Ps. ibid.* Scitóte quóniam Dóminus ipse est Deus: ipse fecit nos, et non ipsi nos. Allelúia.

Sequéntia sancti Evangélíi secúndum Matthæum. *Matth. 9.*

IN illo témpore: Circuibat Jesus omnes civitátes et castélla, docens in Synagógis eórum, et prædicans Evangélium regni, et curans omnem languórem, et omnem infirmitátem. Videns autem turbas, misértus est eis, quia erant vexáti, et jacéntes sicut oves non habéntes pastórem. Tunc dicit discíplis suis: Messis quidem multa, operárii autem pauci. Rogáte ergo Dóminum messis, ut mittat operários in messem suam.

Offertorium. Ps. 95. Afférte Dómino pátriæ géntium, afférte Dómino glóriam et honórem, afférte Dómino glóriam nómini ejus: Tóllite hóstias, et introíte in átria ejus, adoráte Dóminum in átrio sancto ejus. (*Temp. Pasch. additur Allelúia.*)

Secreta.

PROTECTOR noster, áspice, Deus, et réspice in fáciem Christi tui, qui dedit redemptionem semetípsum pro ómnibus, et fac; ut ab ortu solis usque ad occásum magnificétur nomen tuum in géntibus, ac in omni loco sacrificétur, et offerátur nómini tuo oblátio munda. Per eúndem Dóminum, etc.

Communio. Ps. 116. Laudáte Dóminum omnes gentes, laudáte eum omnes pópuli, quóniam confirmáta est super nos misericórdia ejus, et véritas Dómini manet in ætérnum. (*Temp. Pasch. additur Allelúia.*)

Postcommunio.

DEUS, qui omnes homines vis salvos fieri et ad agnitionem veritatis venire; mitte, quæsumus, operarios in messem tuam, et da eis cum omni fiducia loqui verbum tuum: ut sermo tuus currat, et clarificetur, et omnes gentes cognoscant te solum Deum verum, et quem misisti Jesum Christum filium tuum, Dominum nostrum, qui tecum, etc.

¶ *Alia Epistola.*

Lectio Epistolæ Beati Pauli Apostoli ad Timotheum. 1 Tim. 2.

OBSEURO primum omnium fieri obsecrationes, postulationes, gratiarum actiones pro omnibus hominibus, pro regibus, et omnibus, qui in sublimitate sunt, ut quietam et tranquillam vitam agamus, in omni pietate, et castitate: hoc enim bonum est, et acceptum coram Salvatore nostro Deo, qui omnes homines vult salvos fieri et ad agnitionem veritatis venire. Unus enim Deus, et mediator Dei et hominum homo Christus Jesus; qui dedit redemptionem semetipsum pro omnibus, testimonium temporibus suis; in quo positus sum ego prædicator et Apostolus (veritatem dico, non mentior), doctor Gentium in fide, et veritate.

MISSA SANCTISSIMI SACRAMENTI,

Quæ FERIA V. singularum hebdomadam, diebus tamen non impeditis

festo duplici vel semiduplici, etiam translato, celebrari potest sub ritu semiduplici, in Fœderatis Americæ Statibus: haud exceptis feriis Adventus, quatuor Temporum et Quadragesimæ; quæ tamen exceptio locum habeat tantummodo pro iis solis presbyteris qui in prædicta feria iter aliquod suscipere debeant pro visitandis catholicis, quorum spiritualis cura ipsis incumbit. (Ex concessione Pii VI.)

Missa, Cibavit eos, etc., prout ponitur in Missis votivis, fol. 42*, in qua non dicitur Credo. Secunda et tertia Oratio pro diversitate temporis, ut in semiduplicibus.

MISSA CONCEPTIONIS B. MARIE VIRGINIS,

Quam Pius Papa VI. quolibet Sabbato anni, diebus tamen non impeditis festo duplici vel semiduplici, etiam translato, celebrari concessit universo Clero in Fœderatis Americæ Statibus, sub ritu semiduplici; haud exceptis feriis Adventus, quatuor Temporum et Quadragesimæ; quæ tamen exceptio locum habeat tantummodo pro iis solis presbyteris qui in prædicta feria iter aliquod suscipere debeant pro visitandis catholicis, quorum spiritualis cura ipsis incumbit.

Missa, Salve, sancta Parens, etc., ut in festo 8 Decembris, fol. 326: mutatis, in Oratione, sollemnitas in commemoratio; in Secreta, sollemniis in commemoratio; et in Postcommunione, annuæ in sanctæ. Non dicitur Credo. Secunda et tertia oratio ut in Missis votivis B. Mariæ, fol. 51*.

INDEX

NOMINUM SANCTORUM

HUIUS MISSALIS.

JESU CHRISTI D. N. Nativitas, 25 Decemb.,	-	-	14
Circumcisio, 1 Januarii,	-	-	29
Epiphania, 6 Januarii,	-	-	33
Resurrectio,	-	-	225
Ascensio,	-	-	247
SS. Corporis Christi solemnitates,	-	-	270
SS. Sacramenti, <i>in feriis quintis per annum,</i>	-	-	116*
SS. Nominis JESU, <i>Dominica II. post Epiph.,</i>	-	-	332
SS. Passionis D. N. J. C., <i>Feria VI. post Cineres,</i>	-	-	105*
SS. Spineæ Coronæ D. N. J. C., <i>Fer. VI. post Dom. I. Quadrag.,</i>	-	-	105*
De Lancea et Clavis D. N. J. C., <i>Fer. VI. post Dom. II. Quadrag.,</i>	-	-	106*
Sacrorum quinque Vulnerum D. N. J. C., <i>Fer. VI. post Dom. III. Quadrag.,</i>	-	-	108*
Pretiosissimi Sanguinis D. N. J. C., <i>Fer. VI. post Dom. IV. Quadrag.,</i>	-	-	111*
SS. Cordis JESU, <i>Fer. VI. post Octavam Corporis Christi,</i>	-	-	456
Transfiguratio D. N. J. C., 6 Augusti,	-	-	386
Inventio S. Crucis, 3 Maii,	-	-	485
Exaltatio S. Crucis, 14 Septembris,	-	-	
 B. MARIÆ VIRGINIS Conceptio, 8 Decemb.,	-	-	326
Conceptio, <i>per anni Sabbata,</i>	-	-	116*
Purificatio, 2 Februarii,	-	-	352
De Septem Doloribus, <i>Fer. VI. post Dom. Passion.,</i>	-	-	368
Annuntiatio, 25 Martii,	-	-	371
Visitatio, 2 Julii,	-	-	422
De Monte Carmelo, 16 Julii,	-	-	431
Dedicatio ad Nives, 5 Augusti,	-	-	456
Assumptio, 15 Augusti,	-	-	466
Nativitas, 8 Septembris,	-	-	480
Nomen sanctissimum, <i>Dom. infra Octavam Nativitatis ejusdem,</i>	-	-	482
De Septem Doloribus, <i>Dom. III. Septembris,</i>	-	-	486
De Mercede, 24 Septembris,	-	-	493
Rosarii, <i>Dominica I. Octobris,</i>	-	-	497
Præsentatio, 21 Novembris,	-	-	523

INDEX NOMINUM SANCTORUM

ABACHUM, et Sociorum, martyrum, 19 Januarii,	-	-	-	339
Abdon et Senen, martyr. 30 Julii,	-	-	-	448
Achillei, et Soc. martyr. 12 Maii,	-	-	-	392
Adaucti et Felicis, martyr., 30 Augusti,	-	-	-	479
Adriani, mart., 8 Septemb.,	-	-	-	481
Ægidii, abbatis, 1 Septemb.,	-	-	-	480
Agapiti, et Soc. martyr., 6 Augusti,	-	-	-	456
Agapiti, mart., 18 Augusti,	-	-	-	470
Agathæ, virg. et mart., 5 Februar.,	-	-	-	356
Agnetis, virg. et mart., 21 Januar.,	-	-	-	341
Agnetis, <i>secundò</i> , 28 Januar.,	-	-	-	349
Agricolæ et Vitalis, mart., 4 Novembris,	-	-	-	516
Alexandri, papæ, et Soc. Martyr., 3 Maii,	-	-	-	386
Alexii, confessoris, 17 Julii,	-	-	-	432
Aloysii Gonzagæ, confessoris, 21 Junii,	-	-	-	112*
Alphonsi Mariæ de Ligorio, episc. et conf., 2 Aug.,	-	-	-	113*
Ambrosii, episc. et conf., 7 Decemb.,	-	-	-	324
Anacleti, papæ et mart., 13 Julii,	-	-	-	429
Anastasie, mart., 25 Decembris,	-	-	-	15
Anastasii et Vincentii, martyr., 22 Januar.,	-	-	-	343
Andreæ, apost., 30 Novemb.,	-	-	-	319
Andreæ Avellini, conf., 10 Novemb.,	-	-	-	518
Andreæ Corsini, episc. et conf., 4 Febr.,	-	-	-	356
Angelorum Custodum, 2 Octobris,	-	-	-	497
Aniceti, papæ et mart., 17 April.,	-	-	-	377
Annæ, matris B. Mariæ Virg., 26 Julii,	-	-	-	444
Anselmi, episc. et conf., 21 April.,	-	-	-	378
Antonii, abbatis, 17 Januarii,	-	-	-	337
Antonii de Padua, conf., 13 Junii,	-	-	-	404
Antonini, episc. et conf., 10 Maii,	-	-	-	392
Apollinaris, episc. et mart., 23 Julii,	-	-	-	440
Apolloniæ, virg. et mart., 9 Februarii,	-	-	-	358
Apuleii, et Soc. martyr., 7 Octobris,	-	-	-	500
Athanasii, episc. et conf., 2 Maii,	-	-	-	384
Audifacis, et Soc. martyr., 29 Januarii,	-	-	-	339
Augustini, episc. et conf., 28 Augusti,	-	-	-	476
BACCHI, et Soc. martyr., 7 Octobris,	-	-	-	500
Barbaræ, virg. et mart., 4 Decembris,	-	-	-	321
Barnabæ, apost., 11 Junii,	-	-	-	402
Bartholomæi, apost., 24 vel 25 Augusti,	-	-	-	472
Basilidis, et Soc. martyr., 12 Junii,	-	-	-	404
Basilii, episc. et conf., 14 Junii,	-	-	-	405
Beatricis, et Soc. martyr., 29 Julii,	-	-	-	447
Benedicti, abbatis, 21 Martii,	-	-	-	368
Bernardi, abb. et Eccl. doct., 20 Augusti,	-	-	-	470
Bernardini Senensis, conf., 20 Maii,	-	-	-	396
Bibianæ, virg. et mart., 2 Decembris,	-	-	-	320
Birgittæ, viduæ, 8 Octobris,	-	-	-	501
Blasii, episc. et mart., 3 Februarii,	-	-	-	356
Bonaventuræ, episc. et conf., 14 Julii,	-	-	-	430
Bonifacii, mart., 14 Maii,	-	-	-	393
Brunonis, confessoris, 6 Octobris,	-	-	-	500

HUJUS MISSALIS.

Cæciliæ, virg. et mart., 22 Novembris,	-	-	-	-	523
Cajetani, confessoris, 7 Augusti,	-	-	-	-	458
Caii et Soteris, pontif. et martyr., 22 April.,	-	-	-	-	378
Callisti, papæ et mart., 14 Octobris,	-	-	-	-	503
Camilli de Lellis, conf., 18 Julii,	-	-	-	-	433
Canuti, mart., 19 Januarii,	-	-	-	-	339
Caroli, episc. et conf., 4 Novembris,	-	-	-	-	516
Casimiri, conf., 4 Martii,	-	-	-	-	361
Cassiani, mart., 13 Augusti,	-	-	-	-	463
Catharinæ, virg. et mart., 25 Novemb.,	-	-	-	-	526
Catharinæ Senensis, virg., 30 Aprilis,	-	-	-	-	383
Celsi, et Soc. Martyr., 28 Julii,	-	-	-	-	445
Christinæ, virg. et mart., 24 Julii,	-	-	-	-	442
Christophori, mart., 25 Julii,	-	-	-	-	443
Chrysanthi et Dariæ, martyr., 25 Octob.,	-	-	-	-	508
Chrysogoni, mart., 24 Novemb.,	-	-	-	-	526
Claræ, virg., 12 Augusti,	-	-	-	-	463
Clementis, papæ et mart., 23 Novemb.,	-	-	-	-	525
Cleti et Marcellini, pontif. et martyr., 26 April.,	-	-	-	-	381
Commemoratio omnium Defunctorum, 2 Nov.,	-	-	-	-	515
Cornelii et Cypriani, martyr., 16 Septemb.,	-	-	-	-	486
Cosmæ et Damiani, Martyr., 27 Septemb.,	-	-	-	-	494
Crescentiæ, et Soc. martyr., 15 Junii,	-	-	-	-	407
Cypriani et Cornelii, martyr., 16 Septemb.,	-	-	-	-	486
Cypriani et Justinæ, martyr., 26 Septemb.,	-	-	-	-	493
Cyriaci, et Soc. martyr., 8 Augusti,	-	-	-	-	459
Cyrini, et Soc. martyr., 12 Junii,	-	-	-	-	404
DAMASI, papæ et conf., 11 Decembris,	-	-	-	-	328
Damiani et Cosmæ, martyr., 27 Septemb.,	-	-	-	-	494
Dariæ et Chrysanthi, martyr., 25 Octobris,	-	-	-	-	508
Dedicatio Basilicæ Salvatoris, 9 Novemb.,	-	-	-	-	518
Basilicæ Apostol. Petri et Pauli, 18 Nov.,	-	-	-	-	522
Didaci, confessoris, 13 Novembris,	-	-	-	-	521
Dionysii, et Soc. martyr., 9 Octobris,	-	-	-	-	501
Dominici, confessoris, 4 Augusti,	-	-	-	-	455
Domitillæ, virg. et mart., 12 Maii,	-	-	-	-	392
Donati, episc. et mart., 7 Augusti,	-	-	-	-	458
Dorotheæ, virg. et mart., 6 Februar.,	-	-	-	-	357
Duodecim Fratrum, martyr., 1 Septemb.,	-	-	-	-	480
EDUARDI, Regis Angliæ, conf., 13 Octob.,	-	-	-	-	503
Eleutherii, papæ et mart., 26 Maii,	-	-	-	-	397
Eleutherii, et Soc. martyr., 9 Octobris,	-	-	-	-	501
Elisabeth, Reginæ Portugalliæ, viduæ, 8 Julii,	-	-	-	-	426
Elisabeth, viduæ, 19 Novembris,	-	-	-	-	522
Emerentianæ, virg. et mart., 23 Januar.,	-	-	-	-	343
Epimachi et Gordiani, martyr., 10 Maii,	-	-	-	-	392
Erasmi, et Soc. martyr., 2 Junii,	-	-	-	-	399
Evaristi, papæ et mart., 26 Octob.,	-	-	-	-	509
Eventii, et Soc. martyr., 3 Maii,	-	-	-	-	386
Euphemie, et Soc. martyr., 16 Septemb.,	-	-	-	-	487
Eusebii, confessoris, 14 Augusti,	-	-	-	-	464

INDEX NOMINUM SANCTORUM

Eusebii, episc. et mart., 16 Decemb.,	-	-	-	-	330
Eustachii, et Soc. martyr., 20 Septemb.,	-	-	-	-	490
FABIANI, papæ et mart., 20 Januarii,	-	-	-	-	340
Faustini et Jovitæ, martyr., 15 Februar.,	-	-	-	-	358
Faustini, et Soc. martyr., 29 Julii,	-	-	-	-	447
Feliciani et Primi, martyr., 9 Junii,	-	-	-	-	401
Felicis, presbyteri et mart., 14 Januar.,	-	-	-	-	334
Felicis, papæ et mart., 30 Maii,	-	-	-	-	399
Felicis et Adaucti, martyr., 30 Aug.,	-	-	-	-	479
Felicis et Naboris, martyr., 12 Julii,	-	-	-	-	428
Felicis, et Soc. martyr., 29 Julii,	-	-	-	-	447
Felicis de Valois, conf., 20 Novembris,	-	-	-	-	523
Felicissimi, et Soc. martyr., 6 Augusti,	-	-	-	-	456
Felicitatis, mart., 23 Novembris,	-	-	-	-	525
Felicitatis et Perpetuæ, martyr., 7 Martii,	-	-	-	-	361
Fidelis à Sigmaringa, mart., 24 April.,	-	-	-	-	279
Franciscæ, viduæ Romanæ, 9 Martii,	-	-	-	-	364
Francisci, confessoris, 4 Octobris,	-	-	-	-	498
Impressio SS. Stigmatum in ejusdem corpore, 17 Sept.,	-	-	-	-	487
Francisci Caracciolo, conf., 4 Junii,	-	-	-	-	400
Francisci de Borgia, conf., 10 Oct.,	-	-	-	-	503
Francisci de Paula, conf., 2 April.,	-	-	-	-	372
Francisci Salesii, episc. et conf., 29 Jan.,	-	-	-	-	350
Francisci Xaverii, conf., 3 Decemb.,	-	-	-	-	320
GEMINIANI, et Soc. martyr., 16 Septemb.,	-	-	-	-	487
Georgii, mart., 23 Aprilis,	-	-	-	-	379
Gertrudis, virg., 15 Novembris,	-	-	-	-	521
Gervasii et Protasii, martyr., 19 Junii,	-	-	-	-	409
Gordiani et Epimachi, martyr., 10 Maii,	-	-	-	-	392
Gorgonii, mart., 9 Septembris,	-	-	-	-	484
Gregorii I., papæ, conf. et Doct., 12 Martii,	-	-	-	-	365
Gregorii VII., papæ et conf., 25 Maii,	-	-	-	-	396
Gregorii Nazianzeni, episc. et conf., 9 Maii,	-	-	-	-	392
Gregorii Thaumaturgi, episc. et conf., 17 Nov.,	-	-	-	-	521
Gulielmi, abbatis, 25 Junii,	-	-	-	-	414
HEDWIGIS, viduæ, ducissæ Poloniæ, 17 Oct.,	-	-	-	-	504
Henrici Imperatoris, conf., 15 Julii,	-	-	-	-	431
Hermenegildi, mart., 13 Aprilis,	-	-	-	-	375
Hermetis, mart., 28 Augusti,	-	-	-	-	476
Hieronymi, presbyteri et conf., 30 Sept.,	-	-	-	-	496
Hieronymi Æmiliani, conf., 20 Julii,	-	-	-	-	436
Hilarii, episc. et conf., 14 Januarii,	-	-	-	-	333
Hilarionis, abbatis, 21 Octobris,	-	-	-	-	508
Hippolyti et Cassiani, martyr., 13 Aug.,	-	-	-	-	463
Hippolyti, et Soc. mart., 22 Augusti,	-	-	-	-	471
Hyacinthi, conf., 16 Augusti,	-	-	-	-	469
Hyacinthi et Proti, martyr., 11 Septemb.,	-	-	-	-	484
Hygini, papæ et mart., 11 Januarii,	-	-	-	-	332
IGNATII, episc. et mart., 1 Februarii,	-	-	-	-	351

Ignatii, conf., 31 Julii,	-	-	-	-	-	-	449
Innocentii, papæ et conf., 28 Julii,	-	-	-	-	-	-	445
Innocentium martyrum, 28 Decemb.,	-	-	-	-	-	-	21
Isidori, episc. et conf., 4 Aprilis,	-	-	-	-	-	-	374
JACOBI, apostoli, 25 Julii,	-	-	-	-	-	-	442
Jacobi et Philippi, apostol., 1 Maii,	-	-	-	-	-	-	383
Januarii, episc., et Soc. martyr. 19 Sept.	-	-	-	-	-	-	489
Joachim, conf., <i>Domin. infr. Oct. Assumpt.</i> ,	-	-	-	-	-	-	467
Joannæ Franciscæ Fremiot de Chantal, viduæ, 21 Aug.,	-	-	-	-	-	-	471
Joannis, apost. et evang., 27 Decemb.,	-	-	-	-	-	-	19
ante portam Latinam, 6 Maii,	-	-	-	-	-	-	389
Joannis, papæ et mart., 27 Maii,	-	-	-	-	-	-	398
Joannis à Cruce, conf., 24 Novemb.,	-	-	-	-	-	-	526
Joannis à S. Facundo, conf., 12 Junii,	-	-	-	-	-	-	404
Joannis Baptistæ Nativitas, 24 Junii,	-	-	-	-	-	-	413
Decollatio, 29 Augusti,	-	-	-	-	-	-	477
Joannis Cantii, conf., 20 Octobris,	-	-	-	-	-	-	507
Joannis Chrysostomi, episc. et conf., 27 Jan.,	-	-	-	-	-	-	348
Joannis de Deo, conf., 8 Martii,	-	-	-	-	-	-	363
Joannis de Matha, conf., 8 Februarii,	-	-	-	-	-	-	358
Joannis et Pauli, martyr., 26 Junii,	-	-	-	-	-	-	414
Joannis Gualberti, abbatis, 12 Julii,	-	-	-	-	-	-	428
Joseph, conf., 19 Martii,	-	-	-	-	-	-	367
Patrocinium, <i>Dom. III. post Pascha</i> ,	-	-	-	-	-	-	109*
Josephi à Cupertino, conf., 18 Sept.,	-	-	-	-	-	-	488
Josephi Calasanctii, conf., 27 Aug.,	-	-	-	-	-	-	475
Jovitæ et Faustini, martyr., 15 Februar.,	-	-	-	-	-	-	358
Judæ, apostoli, 28 Octobris,	-	-	-	-	-	-	511
Julianæ de Falconeriis, virg., 19 Junii,	-	-	-	-	-	-	409
Justinæ et Cypriani, martyr., 26 Sept.,	-	-	-	-	-	-	493
Juvenalis, episc. et conf., 3 Maii,	-	-	-	-	-	-	386
LARGI, et Soc. martyr., 8 Augusti,	-	-	-	-	-	-	459
Laurentii, mart., 10 Augusti,	-	-	-	-	-	-	462
Laurentii Justiniani, episc. et conf., 5 Sept.,	-	-	-	-	-	-	480
Leonis I., papæ, conf. et doct., 11 April.,	-	-	-	-	-	-	374
Leonis II., papæ et conf., 28 Junii,	-	-	-	-	-	-	416
Liborii, episc. et conf., 23 Julii,	-	-	-	-	-	-	440
Lini, papæ et mart., 23 Septemb.,	-	-	-	-	-	-	492
Lucæ, evangelistæ, 18 Octobris,	-	-	-	-	-	-	504
Luciæ, virg. et mart., 13 Decemb.,	-	-	-	-	-	-	329
Luciæ, et Soc. martyr., 16 Sept.,	-	-	-	-	-	-	487
Lucii, papæ et mart., 4 Martii,	-	-	-	-	-	-	361
Ludovici, conf., 25 Augusti,	-	-	-	-	-	-	473
MACHABÆORUM, martyrum, 1 Aug.,	-	-	-	-	-	-	451
Marcelli, pap. et mart., 16 Januar.,	-	-	-	-	-	-	336
Marcelli, et Soc. martyr., 7 Octobris,	-	-	-	-	-	-	500
Marcelliani et Marci, martyr., 18 Junii,	-	-	-	-	-	-	408
Marcellini et Cleti, martyr., 26 April.,	-	-	-	-	-	-	381
Marcellini, et Soc. martyr., 2 Junii,	-	-	-	-	-	-	399
Marci, evangelistæ, 25 Aprilis,	-	-	-	-	-	-	380

INDEX NOMINUM SANCTORUM

Marci, papæ et conf., 7 Octobr.,	-	-	-	-	500
Marci et Marcelliani, martyr., 18 Junii,	-	-	-	-	408
Margaritæ, virg. et mart., 20 Julii,	-	-	-	-	436
Margaritæ, Reginæ Scotiæ, 10 Junii,	-	-	-	-	402
Mariæ Magdalenæ, 22 Julii,	-	-	-	-	439
Mariæ Magdalenæ de Pazzis, virg., 27 Maii,	-	-	-	-	398
Marii, et Soc. martyr., 19 Januarii,	-	-	-	-	339
Marthæ, virg., 29 Julii,	-	-	-	-	447
Marthæ, cum Soc. martyr., 19 Januarii,	-	-	-	-	339
Martinæ, virg. et mart., 30 Januarii,	-	-	-	-	350
Martini, episc. et conf., 11 Novemb.,	-	-	-	-	518
Martini, papæ et mart., 12 Novemb.,	-	-	-	-	520
Martiniani et Processi, martyr., 2 Julii,	-	-	-	-	423
Mathiæ, apost., 24 vel 25 Februarii,	-	-	-	-	359
Matthæi, apost. et evang., 21 Septemb.,	-	-	-	-	491
Mauri, abbatis, 15 Januarii,	-	-	-	-	334
Mauritii, et Soc. martyr., 22 Sept.,	-	-	-	-	492
Maximi, et Soc. martyr., 14 April.,	-	-	-	-	376
Melchiadis, papæ et mart., 10 Decemb.,	-	-	-	-	328
Mennæ, mart., 11 Novembris,	-	-	-	-	519
Michaëlis, archang. Apparitio, 8 Maii,	-	-	-	-	390
Dedicatio, 29 Septemb.,	-	-	-	-	495
Modesti, et Soc. martyr., 15 Junii,	-	-	-	-	407
Monicæ, viduæ, 4 Maii,	-	-	-	-	388
NABORIS, et Soc. martyr., 12 Junii,	-	-	-	-	404
Naboris et Felicis, martyr., 12 Julii,	-	-	-	-	428
Nazarii, et Soc. martyr., 12 Junii,	-	-	-	-	404
Nazarii, et Soc. martyr., 28 Julii,	-	-	-	-	445
Nerei, et Soc. martyr., 12 Maii,	-	-	-	-	392
Nicolai, episc. et conf., 6 Decemb.,	-	-	-	-	323
Nicolai de Tolentino, conf., 10 Sept.,	-	-	-	-	484
Nicomedis, mart., 15 Septemb.,	-	-	-	-	486
Norberti, episc. et conf., 6 Junii,	-	-	-	-	401
Nymphæ, virg. et mart., 10 Novemb.,	-	-	-	-	518
OMNIUM Sanctorum, 1 Novemb.,	-	-	-	-	514
PANCRATHII, mart., 12 Maii,	-	-	-	-	392
Pantaleonis, mart., 27 Julii,	-	-	-	-	445
Paschalis Baylon, conf., 17 Maii,	-	-	-	-	394
Patritii, episc. et conf., 17 Martii,	-	-	-	-	367
Pauli apostoli Conversio, 25 Januar.,	-	-	-	-	345
Commemoratio, 30 Junii,	-	-	-	-	420
et Petri, apostolorum, 29 Junii,	-	-	-	-	419
Pauli, primi eremitæ, 15 Januarii,	-	-	-	-	334
Pauli et Joannis, martyr., 26 Junii,	-	-	-	-	414
Paulini, episc. et conf., 22 Junii,	-	-	-	-	410
Perpetuæ et Felicitatis, martyr., 7 Martii,	-	-	-	-	361
Petri, apost., Cathedra Romæ, 18 Jan.,	-	-	-	-	337
Antiochiæ, 22 Februarii,	-	-	-	-	359
ad Vincula, 1 Augusti,	-	-	-	-	450
et Pauli, apostolorum, 29 Junii,	-	-	-	-	419

Petri, mart., 29 Aprilis,	-	-	-	-	-	382
Petri, et Soc. martyr., 2 Junii,	-	-	-	-	-	399
Petri Alexandrini, episc. et mart., 26 Nov.	-	-	-	-	-	527
Petri Chrysologi, episc. et conf., 4 Decemb.,	-	-	-	-	-	321
Petri Cœlestini, papæ et conf., 19 Maii,	-	-	-	-	-	395
Petri Damiani, episc. et conf., 23 Februar.,	-	-	-	-	-	359
Petri de Alcantara, conf., 19 Octobris,	-	-	-	-	-	506
Petri Nolasci, conf., 31 Januarii,	-	-	-	-	-	351
Petronillæ, virg., 31 Maii,	-	-	-	-	-	399
Philippi Benitii, conf., 23 Augusti,	-	-	-	-	-	472
Philippi et Jacobi, apostol., 1 Maii,	-	-	-	-	-	383
Philippi Nerii, conf., 26 Maii,	-	-	-	-	-	397
Pii I., papæ et mart., 11 Julii,	-	-	-	-	-	428
Pii V., papæ et conf., 5 Maii,	-	-	-	-	-	389
Placidi, et Soc. Martyr., 5 Octobris,	-	-	-	-	-	499
Polycarpi, episc. et mart., 26 Januarii,	-	-	-	-	-	347
Pontiani, papæ et mart., 19 Novemb.,	-	-	-	-	-	523
Praxedis, virg., 21 Julii,	-	-	-	-	-	437
Primi et Feliciani, martyr., 9 Junii,	-	-	-	-	-	401
Priscæ, virg. et mart., 18 Januarii,	-	-	-	-	-	337
Processi et Martiniani, martyr., 2 Julii,	-	-	-	-	-	423
Protasii et Gervasii, martyr., 19 Junii,	-	-	-	-	-	409
Proti et Hyacinthi, martyr., 11 Septemb.,	-	-	-	-	-	484
Pudentianæ, virg., 19 Maii,	-	-	-	-	-	395
QUADRAGINTA martyrum, 10 Martii,	-	-	-	-	-	364
Quatuor Coronatorum, martyr., 8 Nov.	-	-	-	-	-	517
RAYMUNDI de Pennafort, conf., 23 Jan.,	-	-	-	-	-	343
Raymundi Nonnati, conf., 31 Augusti,	-	-	-	-	-	479
Remigii, episc. et conf., 1 Octobris,	-	-	-	-	-	497
Respicii, et Soc. martyr., 10 Novembris,	-	-	-	-	-	518
Romani, mart., 9 Augusti,	-	-	-	-	-	461
Romualdi, abbatis, 7 Februarii,	-	-	-	-	-	358
Rosæ, virg. Limanæ, 30 Augusti,	-	-	-	-	-	479
Rufinæ et Secundæ, virgin. et martyr., 10 Julii,	-	-	-	-	-	427
Rustici, et Soc. martyr., 9 Octobris,	-	-	-	-	-	501
SABBÆ, abbatis, 5 Decembris,	-	-	-	-	-	323
Sabinæ, mart., 29 Augusti,	-	-	-	-	-	478
Saturnini, mart., 29 Novembris,	-	-	-	-	-	317
Scholasticæ, virg., 10 Februarii,	-	-	-	-	-	358
Sebastiani, mart., 20 Januarii,	-	-	-	-	-	340
Secundæ et Rufinæ, virgin. et martyr., 10 Julii,	-	-	-	-	-	427
Sennen et Abdon, martyr., 30 Julii,	-	-	-	-	-	448
Septem Fratrum, martyrum, 10 Julii,	-	-	-	-	-	427
Sergii, et Soc. martyr., 7 Octobris,	-	-	-	-	-	500
Silverii, papæ et mart., 20 Junii,	-	-	-	-	-	409
Simeonis, episc. et mart., 18 Februarii,	-	-	-	-	-	359
Simonis et Judæ, apostol., 28 Octobris,	-	-	-	-	-	511
Simplicii, et Soc. martyr., 29 Julii,	-	-	-	-	-	447
Smaragdi, et Soc. martyr., 8 Augusti,	-	-	-	-	-	459
Soteris et Caii, pontif. et martyr., 22 April.,	-	-	-	-	-	378

INDEX NOMINUM SANCTORUM HUIUS MISSALIS.


Stanislai, episc. et mart., 7 Maii,	-	-	-	-	-	390
Stephani, protomartyris, 26 Decembris,	-	-	-	-	-	18
Inventio, 3 Augusti,	-	-	-	-	-	453
Stephani, papæ et mart., 2 Augusti,	-	-	-	-	-	452
Stephani, Hungariæ regis, conf., 2 Septemb.,	-	-	-	-	-	480
Susannæ, virg. et mart., 9 Augusti,	-	-	-	-	-	463
Sylvestri, papæ et conf., 31 Decembris,	-	-	-	-	-	27
Symphoriani, et Soc. martyr., 22 Augusti,	-	-	-	-	-	471
Symphorosæ, cum Septem Filiis, martyr., 18 Julii,	-	-	-	-	-	433
TELESPHORI, papæ et mart., 5 Januar.,	-	-	-	-	-	30
Theclæ, virg. et mart., 23 Septembris,	-	-	-	-	-	492
Theodori, mart., 3 Novembris,	-	-	-	-	-	518
Theoduli, et Soc. martyr., 9 Maii,	-	-	-	-	-	386
Theresiæ, virg., 15 Octobris,	-	-	-	-	-	504
Thomæ, apostoli, 21 Decembris,	-	-	-	-	-	330
Thomæ, episc. et mart., 29 Decembris,	-	-	-	-	-	22
Thomæ de Aquino, conf. et Eccl. doct., 7 Martii,	-	-	-	-	-	361
Thomæ de Villanova, episc. et conf., 22 Sept.	-	-	-	-	-	492
Tiburtii, et Soc. martyr., 14 Aprilis,	-	-	-	-	-	376
Tiburtii et Susannæ, martyr., 11 Augusti,	-	-	-	-	-	463
Timothei, episc. et mart., 24 Januar.	-	-	-	-	-	344
Timothei, et Soc. martyr., 22 Augusti,	-	-	-	-	-	471
Tryphonis, et Soc. martyr., 10 Novembris,	-	-	-	-	-	518
UBALDI, episc. et conf., 15 Maii,	-	-	-	-	-	394
Urbani, papæ et mart., 25 Maii,	-	-	-	-	-	396
Ursulæ, et Soc. martyr., 21 Octobris,	-	-	-	-	-	508
VALENTINI, presbyt. et mart., 14 Februarii,	-	-	-	-	-	358
Valeriani, et Soc. martyr., 14 Aprilis,	-	-	-	-	-	376
Venantii, mart., 18 Maii,	-	-	-	-	-	394
Victoris, et Soc. martyr., 28 Julii,	-	-	-	-	-	445
Vincentii à Paulo, conf., 19 Julii,	-	-	-	-	-	435
Vincentii et Anastasii, martyr., 22 Jan.	-	-	-	-	-	343
Vincentii Ferrerii, conf., 5 Aprilis,	-	-	-	-	-	374
Vitalis, mart., 28 Aprilis,	-	-	-	-	-	381
Vitalis et Agricolæ, martyr., 4 Novemb.,	-	-	-	-	-	516
Viti, et Soc. martyr., 15 Junii,	-	-	-	-	-	407
WENCESLAI, mart., 28 Septembris,	-	-	-	-	-	495
XYSTI, papæ, et Soc. martyr., 6 Augusti,	-	-	-	-	-	456
ZEPHYRINI, papæ et mart., 26 Augusti,	-	-	-	-	-	475













BQT
4291
.A2
1835

Catholic Church. Liturgy
and ritual.

BQT
4291

Missale romanum

.A2
1835

LIBRARY
Pontifical Institute of Medieval Studies
113 ST. JOSEPH STREET
TORONTO, ONT., CANADA M5S 1A6

